







P  
D



IN PRIMA SECUNDÆ PARTIS  
**THEOLOGIÆ**  
**SPIRITVALIS,**

<sup>SEU</sup>  
SCIENTIÆ SALVTIS

Benè beateqve vivendi in Tempore  
ac Æternitate,

Continuatur

**TRACTATUS SECUNDUS.**

DE  
MEDIIS AD FINEM SUPER-  
NATURALEM:

SIVE

DE ACTIBVS SALVTARIBVS, ET EORVM  
OPPOSITIS, IN SPECIE.

~~HOC LIBRO~~

DE VIRTUTIBVS FUNDAMENTALI-  
BVS, VNIVERSALIBVS,  
CARDINALIBVS:

ET DE GRATIIS GRATIS DATIS,

Salutariter utendis agitur.

AUTHORE FELICE SIMPLICI,  
THEOLOGO.



Bien. J. IV. 10

Indom<sup>o</sup> PP Camaldulensis Crenitorii Vigenensis



# CAPVT IV.

## DE VIRTUTE CARDINALI PRUDENTIÆ.

**S**icut Virtutes Theologicæ disponunt hominem, ut se rectè habeat circa Finem supernaturalem, maximè ultimum; ut v. g. *intellectu* per fidem cognoscendo summum Verum, non qualitercunque, sed sub ratione debita & competente summo Vero: Item per fidem supernaturaliter cognoscendo fines creatos virtutum à summa Veritate reuelatos: Ita virtutum Cardinalium est, qualificare, & habilitare hominem, ut se rectè habeat circa Media ad eundem Finem supernaturalem. Quia verò nihil volitum, quod non præcognitum; igitur Prudentia præcedere debet, quæ informat *intellectum* inveniando, iudicando, præcipiendo, quid & quomodo agendum, vel omittendum, ad assequendum Finem supernaturalem. Est enim Prudentia directoris ad instar, quæ currum vel navim aliarum virtutum per salebrosas vias, & huius maris undas, ad optatum beatitudinis terminum ac portum commodè & feliciter deducit. Itaque post virtutes Theologicas, hoc capite cum primis de PRUDENTIA, ejusquè annexis, & oppositis, sequitur tractandum.

### SECTIO I.

#### DE PRUDENTIA.

**P**rudencia aliàs dicta etiam Discretio, est virtus specialis, non modò intellectualis, verum & moralis, quæ ex communibus principiis prædictis, tum singularium, circa quæ fit operatio, notitia, adhibet à memoria, V. D. Thomam  
2. 2. q. 47. &  
48. & 49. &  
51.



memoria, intelligentiâ, docilitate, solertiâ, ratione, providentiâ, circumsp-  
 ectione, cautione, de aliquo negotio, vel opere consiliatur, judicamus, illud-  
 quæ respectu finis debiti agendum, vel omittendum, sollicitè præcipimus.

*Idem 2. 2. q.*

*47. 4. 57.*

*Ibidem 4. 4.*

Dicitur; *specialis*: quia distinguitur ab aliis, quibus connumera-  
 tur Sap. 8. *Sobrietatem & Prudentiam docet justitiam & virtutem.* Di-  
 citur; *non tantum intellectualis, sed & moralis*: quia Prudentia non  
 solum facit rectam considerationem rationis, sed etiam respicit  
 rectitudinem appetitus, inquantum applicat rectam rationem

*Ibidem 4. 3.*

ad opus, quod non fit sine appetitu recto. Dicitur; *quæ ex com-*  
*munibus* &c: quia ad Prudentiam spectat non solum consideratio  
 rationis, quæ fit circa universalia, sed etiam applicatio ad opus in  
 singulari, operationes enim fiunt circa singularia. Porro con-  
 veniens applicatio esse nequit, nisi & id sciatur, quod applican-  
 dum est, nempe aliquod principium universale, & id, nempe ali-

*D. Thom. 2. 2.*

*q. 48. art. 1.*

quod particulare, cui applicandum est. Dicitur; *adhibita Memo-*  
*ria*, seu præteritorum cognitione: *Intelligentiâ*, seu præsentium  
 contingentium aut necessariorum notitia: *Docilitate*, quæ est co-  
 gnitionis acquisitio per disciplinam: *Solertiâ*, quæ est vera con-  
 jecturatio medii; *Ratione*, nimirum procedendo ex cognitis ad alia  
 cognoscenda, vel judicanda: *Providentiâ*, ordinando aliquod ac-  
 commodum ad finem: *Circumspeditione*, attendendo ad circumstan-  
 tias negotii: *Cautione*, vitando impedimenta.

*Sum. Ascet &*

*Myst. Theolog.*

*Tract. 5. Dist.*

*2. art. 7.*

*Vel fusiùs ex Dobrosielscio.* Memoria, est notitia eorum, quæ  
 antea fuerunt. Vel, est recordatio eorum, quæ legimus, audivi-  
 mus, vidimus, aut quocunque modo experti sumus; ad hoc no-  
 bis deserviens, ut scilicet ex præteritis faciliter colligere valeamus  
 quid in præsentis, vel futuro negotio expediat: Nam Prudentia  
 versatur circa contingentia operabilia, & in his, ut plurimum  
 futura sunt præteritis similia. *Intelligentia* significat notitiam  
 tam eorum quæ nunc sunt ac fiunt in occulto, quàm legum &  
 bonarum consuetudinum, ut sint pro principiis ac regulis agen-  
 dorum. *Ratio*, est promptitudo quædam ratiocinandi ac veritatem  
 particularem per se minimè notam, per aliam universalem seu  
 notio-rem inferendi, colligendi & cognoscendi. *Providentiâ*, est  
 tempestiva futurorum contingentium prævisio, seu ex præteritis  
 & præsentibus futurorum contingentium præsens notitia. Do-

*cililas*



*cilitas*, est facilis quædam susceptio disciplinæ ab expertis rerum, quales sunt potissimum Senes: duobus enim modis prudentia acquiritur, eruditione nimirum & experienciâ: Experientia quidem (quæ aliàs temporis longitudine comparatur) docet de similibus, aut dissimilibus, similiter aut dissimiliter judicare: Eruditio accepta à Senioribus expertis, supplet experientiæ defectum juxta illud Eccl. 8. *Non te prætereant narratio Seniorum, ipsi enim didicerunt à patribus suis, quoniam ab ipsis discis intellectum, & in tempore necessitatis dare responsum.* Solertia, est quædam sagacitas in inveniendi medio, brevi tempore, quod ad rectè agendum spectat. Circumspectio, est diligens & accurata consideratio ac perspectio circumstantiarum, nè aliqua desit in opere. Cautio, est omnis mali, quod sub specie boni vitare potest actionem, studiosa animadversio.)) Atque istæ sunt partes integrales PRUDENTIÆ, sine quibus actus Prudentiæ perfectus esse nequit.

Dicitur in definitione: *de aliquo negotio, vel opere &c.* Ubi Albertus Magnus insinuat, circa quæ opera Christiano consultandum, maximè quoad prudentiam sui regitivam: Discretio, inquit, *In paradiso a-* vera est, prudenter judicare inter Creatorem & creaturam, *umæ cap. 34.* quid sit Creator, & quid creatura. Item quid sit bonum, quid melius, quid optimum, quid malum, quid pejus, quid pessimum: quantum bonum sit appetendum, quantum malum sit detestandum. Item quantam reverentiam debeat homo superiori, quantam clementiam inferiori & compassionem, qualem societatem æquali, qualiter debeat se habere ad mortuos, qualiter ad vivos, qualiter ad successores, qualiter ad amicos, ut diligantur in DEO, qualiter ad inimicos, ut diligantur propter DEUM, qualiter coram DEO occultè, qualiter coram homine manifestè: quæ refectio carni, quæ spiritui impendenda sit, quibus vestibus induendum, quando comedendum, quando bibendum, quando abstinendum, & quantum, & à quibus cibis, quando vigilandum, quando dormiendum, & quantum & quamdiu: quando orandum, quando flendum, quando aliquod opus faciendum: quomodo se habendum ad laudem, quomodo ad reprehensionem, quomodo loquendum, quomodo tacendum, & quando: quantum, & de quibus causis, cum quibus, quo loco, quo tempore, quando



quando accipiendum, quando retinendum, quando largiendum, & quantum, & quibus, & quo tempore. De omnibus his ordinatè & prudenter dijudicare est vera, discretio. Hæc virtus est magistra omnium virtutum, statuens omnibus modum & ordinem: ubi autem discretio non est, ibi charitas non servat ordinem, nec modum. ))

Dicitur in definitione; *consiliamur, judicamus* &c: ubi simul ex-  
 V. D. Thom. 2. primuntur actus potentialium virtutum Prudentiæ. Imo *Eubulia*,  
 2. q. 51. quæ virtus est bene consiliativa seu inquisitiva rationis de rectè  
 agendis. Et hujus potissimum virtutis, sicut & doni consilii vi-  
 detur esse officium, invenire medium in virtutibus: quia per con-  
 silium tamdiu inquiritur ratio agendi, quousque commensure-  
 tur regulæ seu dictamini luminis naturalis. 2do *Synefsis*, quæ est  
 virtus bene judicativa de agendis, seu de inventis per consilium,  
 secundum quædam principia universalis. Et *Gnome*, quæ est vir-  
 tus benè judicativa de agendis præter communia principia. Seu  
 Summar Ascet. secundum *Dobroscelcium Eubulia*, est habitus præbens facultatem  
 & Myst. The- rectè consultandi, quid nam sit agendum, aut quomodo proce-  
 ol. t. 4. d. 2. a. dendum in rebus dubiis & perplexis. Vel, est virtus consiliativa,  
 7. bona scilicet suggerens homini consilia, ac facilia ostendens me-  
 dia ad consequendum finem. *Synefsis*, est habitus præbens facul-  
 tatem rectè judicandi de consultatis, idquè juxta præscriptum  
 legum positivarum, & naturalium. *Gnome*, est habitus præbens  
 facultatem de consultatis rectè judicandi, ex principiis quibus-  
 dam altioribus contra tenorem scilicet verborum legis naturalis,  
 & positivæ, ad mentem tamen ipsius Legislatoris. Vel, est virtus  
 de mediis inventis bene judicativa, non quidem secundum alicu-  
 jus legis determinationem, sed secundum ipsius rectæ rationis  
 lumen. ))

Notandum verò est; *Judicium* pertinens ad Prudentiam,  
 etsi versatur circa materiam aliter se habentem, quàm formetur  
 de ea judicium, tamen id ipsum judicium erit verum: quia non  
 cadit immediatè super ipsam materiam, sed super actum opina-  
 tivum, seu probabiliter affirmativum, vel negativum de illa ma-  
 teria. Unde tribuens aliquis eleemosynam illi, quem putat esse  
 pauperem, cùm de facto non sit talis, regulatur hoc dictamine  
 pruden-



prudentiæ: *Hic & nunc honestum est dare eleemosynam huic, quem puto esse pauperem*, iste actus est verissimus, quia est conformis suo ob-  
 jecto, seu actui opinativo, etiamsi hic sit falsus circa materiam, paupertatis, adeoque non eliciatur à prudentia, sed ab opini-  
 one. Prudentia enim ex quo est virtus intellectualis, semper debet versari circa verum, ita ut sit perfectiva intellectus, quod est de ratione virtutum intellectualium. A qua ratione & fine quia deficit *Opinio*, versans circa verum & falsum; ideo non est virtus intellectualis, ut docetur 6. *Ethicorum*. Porro voluntas quanquam erret circa aliquam materiam, potest tamen de illa elicere actum moraliter bonum & meritorium, Ratio est, quia voluntas supponit aliam potentiam intellectualem, ad quam regulatur, unde voluntatis perfectio, ad quam ejus virtutes diriguntur, non est sita in veritate, seu in conformitate cum rebus, prout sunt in se ipsis, sed in conformitate cum rebus, prout sunt in intellectu. Hinc etiamsi feratur in objectum materiale falsum, semper tamen ad hoc excitatur sibi proprio motivo formali veræ honestatis, vel alicujus alterius in ratione motivi, ac proinde virtus voluntatis assequitur suum finem honestatis, etsi aliter se habeat objectum materiale. Atque ita datus eleemosynam pauperi non vero, sed apparenter tali, elicit actum misericordiæ moraliter bonum, & meritorium; quia illam dat v. g. ex motivo honestatis, quam intellectus indicat & ostendit voluntati. Motivum enim formale objecti, dat speciem & esse actui. Dicitur in definitione: *præcipimus*, qui est actus præcipuus Prudentiæ: hic autem actus præceptivus debet condiri sollicitudine, ut scilicet consiliata judicataque velociter operemur. *Solicitus* enim est, quasi *solers citus*. Porro *Vigilantia* est idem quod *Sollicitudo*, Doctore D. Thoma.

V. D. Thom. 2.

2. q. 47. a. 8.

Ibidem q. 47.

a. 9.

*Species Prudentiæ* sunt, *Henarchia*, seu prudentia sui gubernatrix, & *Polyarchia*, seu prudentia multitudinis regitiva, quæ dividi-  
 tur imo in *Monarchiam*, sitam in convenienti regni administratio-  
 ne: 2do in *Politicam*, quæ est recta civitatis administratio: 3tio in  
*Oeconomicam*, seu probam familiæ gubernationem: 4to in *Militarem*, quæ est laudabilis exercitus directio. Circa has Prudentiæ species, quomodo quisque in suo statu Christianè & supernaturaliter habere se possit, in praxi infra videbimus.

V. D. Thom. 2.

2. quæst. 50.

Gra-



## Gradus Prudentiæ

*Ex Divo Bonaventura Comp. Theol. Verit. lib. 5. cap. 34.*

*Macrobius lib. 1.  
in somn. Scip.*

**P**rudentia secundum quod est virtus *Politica*, est, ut ait Macrobius ad, rationis normam, quæ cogitat, quæcunque agit, universa dirigere, ac nihil præter rectum velle, vel facere. Prudentia verò secundum quod est virtus *Purgatoria*, est, ut idem ait, & mundum, & omnia quæ in mundo sunt Divinorum contemplatione despiciere, & omnem animæ cognitionem in sola Divina erigere. Prudentia autem prout est virtus *Purgati animi*, est sola Divina noscere, & ea tanquam nihil aliud sit, intueri. Prudentia sanè *Exemplaris*, est ipsa mens Divina, cui omnia nuda sunt & aperta.

*Alii Gradus Prudentiæ ex aurea Formula Divi Bonaventuræ T. 2. de grad. virt. c. 9.*

*Graduum Prudentiæ Christianæ ordo.*

- P**rudentiæ altus gradus est, cognoscere DEUM per creaturas, sicut dicit Apostolus: Invisibilia DEI &c. Altior per scripturas. Altissimus per fidem. Item altus gradus est Prudentiæ, ordinare mores exteriores secundum voluntatem DEI. Altior, ordinare affectiones. Altissimus, ordinare vires animæ secundum beneplacitum DEI.
- I.** Item altus gradus est, ordinare vitam interiùs & exteriùs secundum exempla Sanctorum. Altior, secundum exempla Christi. Altissimus, secundum mores Christi.
- II.** Item in alto gradu est, qui considerat amaritudinem animæ, cum separatur à corpore. In altiori, qui considerat amaritudinem animæ, cum separatur à familiaritate DEI ad breve tempus. Unde Bernardus: Quæ anima semel accepit &c. In altissimo, qui considerat amaritudinem animæ, cum æternaliter separatur à fruitione DEI.
- III.** Item in alto gradu est, qui considerat jucunditatem animæ, cum unitur DEO, ad longum tempus. In altissimo est, qui considerat jucunditatem animæ, cum unitur DEO æternaliter.
- IV.** Item in alto gradu est, qui considerat, quomodo dat se DEUS in bonis spiritualibus. In altissimo est, qui considerat, quomo-



quomodo dat se DEUS totum in omni, quod est ipse in Divina  
& humana natura.

*Incitamenta* ad studium conquirendæ Prudentiæ sunt.  
*Imum*, Christus præcipit: Estote prudentes sicut serpentes, & sim- *Matth. 10.*  
plices sicut columbæ. *Petrus Apostolus*: Estote itaque prudentes, *1. Pet. 4.*  
& vigilate in orationibus.

*2dum*. *S. Basilius*. In omni, ait, quæ suscipitur actione,  
antecedere prudentia debet. Nam prudentiâ remotâ, nihil cu- *In constit. Mo*  
jusvis generis est, quod licet bonum videatur, non in vitium *naft. cap. 15.*  
recedat, si aut alieno tempore, aut non adhibitâ moderatione  
fiat. *Idem*. Vera, inquit, prudentia nihil aliud est, quàm re- *Orat. 21. de feli-*  
rum faciendarum omittendarumquæ cognitio, quam qui sequi- *itate & pru-*  
tur, nullo tempore à virtutis operibus deflectet, nec unquam *dentia.*  
pravitatis spiculo configetur. *Beatus Gregorius Nazian*: ait: Ma- *In jamb. de*  
lin prudentiæ guttam, quàm integrum facundioris fortunæ pe- *prudentia &*  
lagus. *S. Augustinus*. Prudentia nobis necessaria est, quia *fortuna.*  
docet quid fugiendum, & quid tenendum sit. Prudentia docet *Ad Eremitas in*  
te, ut non superbias, nec de rebus transitoriis, cum sint caducæ, *serm. de provi-*  
& ea, quæ possides, tanquam aliena possidere advertas. Pru- *dentia.*  
dentia docet te, quæ non potes perpetuò tenere, fructuosè per-  
mittas abire. Prudentia docet te, ut in cunctis idem sis, tam in  
prosperis, quàm adversis, sicut manus quæ eadem est, cum in  
palmam extenditur, & in pugnum restringitur. Ipsa te docet,  
quomodo reprehensibilis sit nimia laudatio, & immoderata vi-  
tuperatio, illa quidem adulatione, sed ista suspectâ malignitate.  
Prudentia testimonium veritati, non amicitia reddit, prudentia  
cum discretione promittit, & promissum accelerat, & amplius  
quàm promissit præstat. Prudentia docet, quomodo præsentia  
ordines, quomodo præteritorum recorderis, & quotidie futura  
provideas. *S. Bernardus*: Discretio est non tam virtus, quàm *Super Cant.*  
quædam moderatrix & auriga virtutum, ordinatrixquæ affectu- *serm. 49.*  
um, & morum doctrix: Tolle hanc, & virtus vitium erit.

*3tium* I Exemplaris prudentia est ipsa mens Divina, cui *v. apud D. Bo-*  
omnia nuda sunt & aperta )) Circa quæ *Attingit à fine usque ad fi-*  
nem fortiter, & disponit omnia suaviter *na vent. Comp.*  
II. Christus Dominus, *Theol. veri lib.*  
quàm præclarum fuerit exemplar prudentiæ, liquet ex ejus san- *s. c. 34. Sap. 8.*  
ctissima



Euth. Matth.  
18.

etissima vita, & doctrina Evangelica, quam ita concinnavit, ut sapientes & insipientes, perfecti & imperfecti haberent, quid ab eo discerent, quid in eo imitarentur. Unde Euthymius inquit: *Sciens communem hominum fragilitatem, ipsis se accommodavit, remittendo saepe de illo suo vitæ rigore, ut omnes lucraretur. Et ideo vescabatur communibus cibis, & in Publicanorum mensis, ut omnibus exemplum, remedium, salutisque ipsorum spem præberet.* Lege Evangelium & considera, & admirare, pro tuo statu & posse tantam prudentiam imitare.

I. Reg. 18. 14.

Palladius

Vit. lib. 2. c. 17.

III. Virginis Deiparæ prudentia quanta fuerit, publicum Ecclesiæ elogium manifestat, dum ei in Litaniis Lauretanis occinit: *Virgo prudentissima.* Sed hæc prudentia Virginis particularius penè sub singulis virtutibus explicatur: ubi exempla earundem virtutum in Matre DEI considerantur. IV. S. Rex David in omnibus quoque viis suis prudenter agebat, & Dominus erat cum eo. Vidit itaque Saul, quod prudens esset nimis, & cœpit cavere eum. Et v. 30. Prudentius se gerebat David, quam omnes servi Saul, & celebre factum est nomen ejus nimis. V. Ex P. Lobner Biblio: manual: tit: Prudentia. S. Bembo Abbas, adeo in verbis erat cautus & prudens, ut etiam Sanctum Antonium, ex hoc capite superaret. Interrogatus ab aliquo de re quapiam, dicere solebat: Da mihi cogitandi tempus. Quo dicto ad orationem se conferebat; & si quidem à DEO responsum accepisset, id ipsum alteri communicabat; sin minùs, nihil respondebat. A-  
lind. S. Franciscus Xaverius mirâ erat prudentiâ in convertendis peccatoribus; nam primò dissimulabat eorum vitia, omni affabilitate eos devinciens, tum post recensitos varios malorum casus, eorum vitam Divinis mandatis contrariam ostendens, eos convertebat. Si quando aliquis diceret improba, nullam indignationem ostendebat, nec errantem eum reprehendebat, sed in ejus familiaritatem se insinuans, & seducens hominem sine arbitris monebat dicens: Mirari se, talia illi verba excidisse. Exiguos fructus cum hominum approbatione, maximis fructibus cum aliqua vel minima offensuscula potiores ducebat; parvos quippe fructus cum virtutis exemplo perceptos & diuturnos esse, & semper augeri; contraquè ingentes offensione hominum vitiatos paulatim corrumpi ac interire.

*Praxis* ad comparandam Prudentiam est, imò *supra specificata*



cata proportionatè exercere. 2do. Conquirere sibi scientiam neces-  
 sariorum & utilium, pertinentium ad virtutem, & opera negoti-  
 aque indifferentia suo statui convenientia. 3tio. Exercere actus  
 prudentiæ, nempe consilii, iudicii, præcepti circa aliquod opus,  
 vel negotium, adhibitis partibus integrantibus eisdem actus, uti  
 sunt memoria, intelligentia, &c: de quibus suprà. Est autem  
 Consilium actus prudentiæ, quo studiòse inquirimus media neces-  
 saria ad hoc, ut opus fiat honestè, ac secundùm virtutem. Judi-  
 cium, est actus prudentiæ, quo discernimus de inventis mediis,  
 quænam sint videlicet aptiora media ad finem consequendum,  
 eligenda. Præcipere, est actus Prudentiæ, quo opportunè impe-  
 ramus, ut quæ inventa sunt per consiliationem, & apta iudicata  
 ad finem, sollicitè ac diligenter executioni mandentur. Unde  
 Sollicitudo, vel Diligentia, ac Constantia, sunt quasi circumstantes per-  
 fectiones hujus actus Prudentiæ, qui est præcipere. Porro Con-  
 stantia, intantum refertur ad actum Prudentiæ præceptivum, in  
 quantum juxta Cornelium à lapide: Aliquis est constans in reti-  
 nendo eo, quod rectè judicatum est. Unde dicitur: Constantes  
 estote, videbitis auxilium Domini super vos. Et Christus Dominus  
 monet Paulum: Constans esto, nempe in testificando ipso, in quo e-  
 tiam opere Judæi viderunt, Petri constantiam & Joannis. Hinc Ju-  
 dith precatur Dominum: Da mihi in animo constantiam. Bias apud Paral. c. 20.  
 Laertium ait: Aggredere tardus agenda, aggressus age constans. Quod  
 Diligentia specificata videatur esse idem sollicitudini docet D. Tho-  
 mas, quia in his, quæ diligimus, majorem sollicitudinem adhibe-  
 mus. Sollicitus autem est, quasi solers citus. Unde sollicitudo est  
 ex solertia quadam animæ velocem esse ad prosequendum ea,  
 quæ sunt agenda. Hinc Philosophus dicit 6. Ethicorum: Quod  
 oportet quidem operari velociter consiliata, censiliari autem tar-  
 dè. Porro sollicitudo pertinet ad Prudentiam, quia ejus potissi-  
 mus actus est præcipere per consiliata & iudicata.))

*Motiva Sollicitudinis, & Diligentiae.* I. Michæas Propheta:

Indicabo tibi ò homo, quid sit bonum, & quid Dominus requirat à te. Michæas c. 6.  
 Ubique facere iudicium, diligere misericordiam, & sollicitum ambulare  
 cum DEO tuo. Et Apostolus monet: Sollicitudine non pigri: Spiritu Rom. c. 12. ad  
 ferventes Domino servientes. S. Bernardus: Esto magis sollicitus, quid Fratres serm. 1.



desit tibi, utinam essemus sic cupidi gratiæ spiritualis, quemadmodum seculares pecuniæ temporalis. S. Gregorius: *Quantò morti vicinior officeris, tantò fieri sollicitior ac timidior debes*, Eucherius: *Quantum appoverimus ad diligentiam, tantum ille (DEUS) addet ad gratiam*. Et potissimum superioribus incumbit sollicitudo: Unde Apostolus: *Qui præest, in sollicitudine*. In quo idem Apostolus emittit de se scribens: *Instantia mea quotidiana sollicitudo omnium Ecclesiarum*. III. DEUS quoque & Dominus sollicitus est mei, tantà curâ & providentiâ naturalium bonorum ac supernaturalium tum per se, tum per dilectissimum Filium suum Dominum nostrum JESUM Christum, magnitudinem & multitudinem nobis impertiendo. IV. DElpara speculum sanctæ sollicitudinis, & diligentiae, de qua S. Bonav. in B. Bonaventura: Vide charissime, quod indefessissima & studiosissima fuit per sedulitatem in bonis operibus. Ipsa namque est Maria illa, de qua dicitur in Actis. Hi omnes erant perseverantes unanimiter in oratione cum mulieribus, & MARIA Matre JESU. MARIA indefessè perseverando in oratione exemplum dedit: quam oportet sequi, & non deficere. Et si MARIA tam sedulè oravit in terris, quomodo non sedulè orabit in cælis? Propter hoc nos benè hortatur Augustinus dicens: Omnes, MARIE patrocinia omni nisu imploremus: ut dum supplicem eam obsequio frequentamus in terris, ipsa vos prece sedulâ commendare dignetur in cælis. Sed ecce MARIA nostra, non solum ore in orationibus sed etiam corde in sanctis meditationibus indefessa fuit & sedula. Ipsa enim est MARIA, de qua dicitur in Evangelio Lucæ: MARIA conservabat omnia verba hæc conferens in corde suo. Quia ergo MARIA non fuit accediosa, ideo non fuit odiosa; & ideo non solum mentem in sanctis meditationibus, non solum linguam in devotis orationibus, sed etiam manus in bonis operibus sedulas habuit. Propter quod benè, sicut supra dictum est, mansit MARIA cum Elisabeth tribus mensibus. Ad quod responder Beda, & ait: Ut mulieri provectæ ætatis, Virgo juvenula ministerium sedulâ impenderet. Item quàm longè à gratia MARIE est miser accediosus, cujus mens, manus, & lingua sunt toties à meritis otiosæ. 4to. Eisdem actus Prudentiæ, id est consilii, judicii præcepti exercere

S. Gregor. Reg.

lib. 7.

Eucher. hom.

3. ad Relig.

Rom. c. 12.

2. Cor. II

Psalm. 39.

S. Bonav. in

spec. B. M. V.

Lect. 4.

Astor. 1.

Luc. 2.

Luc. 1.



ercere juxta certas regulas, quas hic generales ferè pro omni specie Prudentiæ valentes proponimus. *imo.* Quidquid agis prudenter age, & respice finem. *2da est Periandri apud Lærtium:* Ea facito, quorum te non poeniteat. *3tia; Plutarchus:* Prudentis est, rem abjicere, ob quam periclitatur. *4ta; Dionysius Hali:* lib. II. Prudentes publica commoda privatis simultatibus potiora ducunt. *5ta; Dionysius lib. 38.* Præveniendæ sunt hostium consilia, antequam cum damno nostro crescant. *6ta; Procop. lib. I. Belli Wandal.* Plurimis juvat in rebus obeundis, temporis uti opportunitate. *7ima Theucid. lib. 2.* Ex malis minimum, elige, ex bonis maximum. Quæ Divinitus accidunt necessariò; quæ ab hostibus, fortiter ferto. *8va; Pachym lib. 9.* Insignis est prudentia, quòd non facere non possis, id facere, ut fecisse libenter videaris. *9na; Polib. lib. 8.* Nè temerè cuilibet credas, nec propter rerum successum insolescas: sed cuncta expecta, quæ hominibus accidere possunt. *10ma; Comineus lib. 2.* Super arduis rebus diu multumquè & graviter deliberandum, ut quod honestissimum est, & æquisimum, amplectamur: sed imprimis interpellandus est DEUS, ut quod optimum est, nobis suggerat. *11ma; Seneca de quatu. virtut.* Accomodes te tempori, nec te in aliquibus, mutes, sed potius aptes. *12ma; Cicero lib. I. officio.* In Prudentia duo vitia vitanda sunt. Unum nè incognita pro cognitis habeamus, hisquè temerè assentiamus. Alterum nè nimis magnum studium, multamque operam in res obscuras atque difficiles easdemque non necessarias conferamus. *13tia; Septem Sapientum Græcorum ejusmodi fuere præcepta, & regulæ sapientiæ.* Bias ait: Veritas odium parit. Chilon: Nosce te ipsum. Cleobulus: Ne quid nimis. Thales: Sponte noxa præstò est. Pittacus: Occasione utere, Periander: Moderare iram. Solon: Nemo ante mortem beatus. *14ta; Cornelius à Lapide inquit:* Sic secura periculosis, certa dubiis, perpetua temporaneis, multa paucis, facilia difficilibus, publica privatis, Divina humanis, cælestia terrenis, anteponenda sunt. Hæc enim dicitur prudentia. Rursum prudentis est sua non ostentare, consilia celare, rumoribus non terri, in alieno malo fugienda intueri, juxta illud: Felix, quem faciunt aliena pericula cautum. *15ta; Quam Sanctus Fran-*

*Corn. à lap.  
Comment. in  
Epist. Petri.*



ciscus Xaverius affert dicens: Quærendi fideles amici ac monitores, qui si quid à vobis, in vestris peccatum est muneribus, amicè vos liberequè admoneant, ut vestra vitia, quæ vos ipsos fugiunt (in suis enim quisque vitiis hebetior est quàm alienis) per alios cognita exuatis.))

*Psal. 118.*

Et hæ sunt Regulæ ac principia, seu Maximæ, ad quarum amussim lumen naturale dictat negotia & opera vitæ humanæ ordinanda & exequenda. Verùm in beata Christianitate dantur alterius ordinis gnome, & axiomata, regulæ ac ideæ, ad quarum puncta lumen supernaturale Divinæ legis & gratiæ cum habitu infuso Prudentiæ dirigit felici successu actiones, & passionēs vitæ nostræ ad summum apicem veræ perennisque beatitudinis. Unde Propheta Regius canit: *Super inimicos meos prudentem me fecisti mandato tuo, quia in æternum mibi est. Super omnes docentes me intellexi, quia testimonia tua meditatio mea est.* Quæ principia & regulæ mandatorum consiliõrumque Divinorum, ac similis generis, pro quacunque specie Prudentiæ hoc toto Opere abundè continentur. Et ita Prudentia sui regitiva in supernaturalibus inveniet hic, quidquid sibi est optabile & utile. Prudentia regitiva multitudinis, in spiritualibus, ubi agitur de superiorum officio. Prudentia verò multitudinis directiva in secularibus, seu Politica, uti & Oeconomica, ac Militaris, istarum regulas humanas non spectat hic referre. Ut v. g. in militia quomodo acies formanda contra hostem, ut scilicet non sit ex adverso solis, venti, &c. Talium enim ad alios pertinet tractatus, nisi in quantum hæc ad supernaturalia dirigiqueant; nempe ut in istis omnibus Prudentiis, intentio fiat supernaturalis, seu ut dirigantur omnia præter finem boni naturalis, ultimæ ad fines supernaturales, ipsumque finem ultimum prout dedimus alibi rationem & formam supernaturalizandi quasunque actiones & passionēs indifferentes. Atque ita Rex, Princeps, Oeconomus, Dux militiæ, &c. non modò moraliter, sed & supernaturaliter erunt boni, in quod officium Christianis Rectoribus & Administratoribus rerum secularium summè adnitendum est, cum in hoc eorum sita sit vera felicitas temporalis atque æterna, ut innumeris exemplis Historicorum patet.



ret. Cur Constantinus, Theodosius, Carolus, & alii titulati Magni ob magnitudinem triumphorum, fortunæ, & orbis Monarchicum imperium? quia magni pietate, virtute. Idem sensus & de aliis. Quoniam verò juxta sapientem: *Timide sunt cogitationes mortalium, & incertæ providentiæ nostræ, igitur sto Habe fiduciam in Domino ex toto corde tuo, & nē initaris prudentiæ tuæ.* quasi ex ea principaliter oriatur felicior successus operum tuorum, cum hoc sit omni falsitate falsissimum. Nihil enim homo vel physicè vel moraliter agere potest sine assiduo concursu DEI, ex quo, & in quò vivimus, movemur, & sumus omnes. Quare ita oportet prudenter adhibere omnia media humana ad aliquid arduum efficiendum pro gloria DEI, perinde ac si illis solis tota res conficienda foret. Deinde totam fiduciam in DEO reponat, quasi ab ipso solo res peragenda esset, & sic sibi diffidens; Deoque fidens, eum toto corde invocet, illique modum rei conficiendæ à se inventum offerat, ut ea probet vel improbet, & meliora suggerat, eaque dirigat, & prosperari faciat, atque ab illo uno felicem rei transactionem expectet. Hinc *Invita S. Bernardus. Bernardus sicut alios ipse monebat crebra siquidem experientia persuasus: de omni re magis fidebat orationi, quam industriae pro-* *ard. lib. 3.* *c. 1.*

Sap. 9.  
Prov. 3.

## SECTIO II.

### De oppositis Prudentiæ.

#### §. I.

**P**rimo. Opponuntur ea vicia, quæ similitudinem quandam seu speciem, & non veritatem prudentiæ præferunt. Et tales enumerantur ab Angelico Doctore, Prudentia carnis, Astutia, Dolus, Fraus, Sollicitudo immoderata.

#### PUNCTUM I.

#### DE PRUDENTIA CARNIS.

**P**rudencia carnis, est amor, affectus, studium, & cura rerum carnalium. Vel juxta D. Thomam, est vitium, quo homo *D. Thomas 2.2 q. 55. art. 1. & 2*



constituit sibi finem ultimum in carnalibus, seu carnis delectatione. Estque peccatum grave: quia fit summa deordinatio in aversione à vero ultimo fine DEO, & conversione ad creaturam, tanquam ultimum finem sed apparentem.

Luc. 16.

*Contra Prudentiam carnis imum est.* Prudentiam carnis participant illi, qui huic mundo corde toto sunt dediti, ab eoque ita denominati Mundani & Seculares, saltè plerique (sunt enim & aliqui seculares, sed non seculariter viventes) de quibus Christus Dominus ait: *Filii hujus seculi prudentiores filiis lucis in generatione sua sunt.* Prudentiores inquam seu magis industrii, perspicaciores sagacioresque in providendo suæ carni & vanitati accommoda, quàm ordinariè justi homines in cura & providentia bonorum Spiritualium. Quod sanè deberet esse pudori filiis gratiæ, frequenter se permittere superari à filiis malitiæ, ut isti sint dociliores & promptiores in suum perenne exitium, quàm illi ad æternum gloriæ præmium. Unde Doctor

S. Bern. Epist.  
341.

*mellifluus inquit:* Moneat nos ipsos quoque secularis cupiditatis exemplum: quem enim ambitiosum vidimus aliquando contentum adeptis dignitatibus, ad alias non anhelare? sic & curiosi cujusque non satiatur oculus visu, nec auris impletur auditu. Quid? eorum qui avaritiæ serviunt, amatores sunt voluptatum, seu vanas sectantur hominum laudes, nonne & ipsorum insatiabilia desideria arguunt nos negligentiam & tepiditatis? Pudeat certè spiritualium nos bonorum minùs cupidos inveniri. Erubescat anima conversa ad Dominum minori affectu sectari justitiam, quàm iniquitatem antea sectantur. Est enim causa quoque valdè dissimilis. Stipendium quippe peccati mors: fructus autem spiritus æterna vita. Pudeat proinde negligentius nunc in vitam, quàm priùs in mortem ire, & minori studio salutis acquirere, quàm perditionis augmentum. Quanquam extraordinariè contingit, non paucos Sanctorum in sua prudentia & cura spiritualium bonorum præcellere astutiis millequè fraudibus, & solertiæ secularium. 2dum. Apostolus Christi ait: *Qui secundum carnem sunt, quæ carnis sunt, sapiunt; qui autem secundum spiritum sunt: quæ sunt spiritus, sentiunt.* Nam prudentia carnis mors est: prudentia

Epist. ad Rom.  
cap. 8.

tia



tia autem spiritus vita & pax. Quoniam Sapientia carnis inimica est DEO: legi enim DEI non est subiecta, nec enim potest.

Ignitur in Praxi, nimia aversione detestare, & cave carnis Prudentiam: eam verò, quæ spiritus est, sectare, juxta metho-  
dum datam *suprà*.

I. 2. tra. I. c. I.  
sec. 4. subs. 2.

§ 2. & 3.

## PUNCTUM II.

### DE ASTUTIA, DOLO, ET FRAUDE.

**H**æc tria, quia ferè sunt eadem in re & specie, & nonnisi secundum rationem interioris & exterioris actus seu peccati differunt: tum quia sæpe unum pro alio usurpatur: ideo hic simul de iisdem tractandum: Itaque

*Astutia*, est peccatum Prudentiæ oppositum, quo quis non veris viis, sed falsis & simulatis utitur, ad finem sive bonum, sive malum consequendum. Quia sicut excogitatio rectarum viarum ad debitum finem est munus prudentiæ, ita excogitatio viarum perversarum est opus astutiæ. D. Thom. 2. 2. q. 55. a. 3.

*Dolus* tripliciter accipitur. 1<sup>mo</sup> pro dolo cordis uti Eccl. 19. dicitur: Interiora ejus plena sunt dolo. Et Plal. 37. Et dolos tota die meditabantur. 2<sup>do</sup> pro dolo oris, quo aliquis excogitatis in corde per astutiam viis falsis & perversis, illas ore & verbis proponit ad decipiendum alios, Dolusque hoc loco potissimum intelligitur, executio astutiæ, per signa verborum seu locutionum. 3<sup>tio</sup> pro dolo operis juxta illud Ps. 105. Et dolum facerent in servos ejus. D. Thom. 2. 2. q. 55. a. 4.

Sicut Dolus astutiæ executio est, secundum quod per verba seu facta fit: ita *Fraus* ad astutiam spectat, prout astutiæ opus expletur per facta. D. Thom. 2. 2. q. 55. a. 5.

Contra hæc imo est Psal. 2. Virum dolosum abominabitur Dominus. Item: Et dolosi non dimidiabunt dies suos. Prov: Filio doloso nihil erit boni. Vir versutus odiosus est. Item: Sicut noxius est, qui mittit sagittas & lanceas in mortem: ita vir qui fraudulenter nocet amico suo, & cum fuerit deprehensus

Psal. 2.

Prov: 54.

Prov. 7.

Prov. 26.



Prov. 28.

Eccles. 37.

fus dicit: Ludens feci. Item: Lingua fallax non amat veritatem & os lubricum operatur ruinas. Item: Qui ambulat simpliciter, salvus erit, qui perversis graditur viis concidet semel. Eccles. Qui sophisticè (id est captiosis & deceptoris ratiocinationibus) loquitur, odibilis est, in omni re defraudabitur. Non est illi à Domino gratia: omni enim sapientiā defraudatus est. Secundò S. Cyprianus: Hæc est, frater, vera dementia, non cognoscere, & nescire quòd fallaciæ non diu fallunt. S. Ambrosius: Turpis est omnis fraus etiam in rebus vilibus: turpis est stateræ fallacia, & fraudulenta mensura; & si in foro execrabilis est, & in usu commerciorum, potestne irreprehensibilis videri inter officia virtutum?

Tertiò In Longobardiæ finibus, vir erat versipellis ingenii, & acutissimæ subtilitatis, duplex animo, sermone lepidus, concinnandis, fabricandisque comædiis edoctus, in reperiendis consiliis vehementer astutus. Nunquam enim erigebat brachia contra torrentem, sed ex quocunque latere mundi eum turbini aura perflabat, ille protinus aptum calliditatis atque versutiae pallium opponebat. Accidit ut quidam frater nocturnâ visione conspiceret lacum, qui erat igneus, qui flammivomis evaporabat incendiis, & crepitantibus ignium globis terribiliter cernentibus incutiebat horrorem. Quem locum trabalis enormitatis, videbantur obsidere demones, variaque serpentium genera hinc inde per circuitum spatari. Vir autem ille, quem diximus, in ipsa flammarum stridentium voragine detentus, tentabat quidem coarctatus effugere, sed obstantibus bestiis dolebat aditum non patere. Modò scilicet ex hac parte fugam parabat, sed ecce serpens obvius adhærebat: per aliam partem erumpere satagebat, sed ecce rursus alia bestia laxo gutture frendens occurrebat. Ille rursus & alia ad evadendum loca tentabat, sed insurgentibus belluis omnino mentus effugii non patebat. Porro autem cum veritas dicat: Eadem mensurâ, quâ mensi fueritis, remetietur vobis: hæc illi iusto DEI iudicio contingebat. Sicut enim ille per carnalis astutiæ vanitatem ex quibuslibet huius seculi te noverat laqueis expedire, ita postmodum versâ vice, nullo valebat ingenio, supplicium, quo cruciabatur, evadere.

Execra-



Execrare igitur omnem mendacii & simultatis, seu astu-  
 ria, & dolositatis, ac fraudulentia formam, juxta *supra* datam nor-  
 mam. Mirum enim in modum obscurat ac deturpat rationis lu-  
 men, dirimitque societatis humanae vinculum, ut prorsus indi-  
 gnus consortio humano deturbandus est Versipellis illum ad draco-  
 nem & serpentem antiquum, cujus vaficie innumera mul-  
 tudo mortalium decipitur, & æternum perit.

## PUNCTUM III.

DE SOLICITUDINE IMMODERATA  
 RERUM TEMPORALIUM.

**S**ollicitudo inordinata transitoriorum quid sit, & quomodo  
 committatur, sequentibus demonstratur. Temporalium  
 sollicitudo illicita est *imo*, si ea, ut ultimus finis quærantur, *D. Thom. 2. 2.*  
*vel 2do*, si ad ea procuranda superfluum studium adhibeatur. *vel 1o. 2o. 3o. 4o. 5o. 6o. 7o.*  
*3tio*, si nimium timeamus, ne nobis in necessitate deficient. *vel*  
*4to*, si sollicitudines intempestivas quis sibi adaugeat. Nam quo  
 ad imum Augustinus in libro de operibus Monachorum dicit: *S. August. c. 26.*  
 Cum Dominus dicit: Nolite solliciti esse &c: hoc dicit, ut non  
 ista intueantur & propter ista faciant, quidquid in Evangelii præ-  
 dicatione facere jubentur. *paulo 1. prin. Tom. 3.*  
 Alio modo potest esse temporalium  
 sollicitudo illicita propter superfluum studium, quod apponitur  
 ad temporalia procuranda, propter quod homo a spiritualibus,  
 quibus principaliter inservire debet, retrahitur. Et ideo dicitur  
 Matth. 13. quod sollicitudo seculi suffocat verbum. Tertio mo-  
 do ex parte timoris superflui, quando scilicet aliquis ti-  
 met, ne faciendo quod debet, necessaria sibi deficient. Quod  
 Dominus tripliciter excludit: *imo* propter majora beneficia ho-  
 mini præstita Divinitus præter suam sollicitudinem scilicet corpus  
 & animam. *2do* propter subventionem quâ DEUS animalibus  
 & plantis subvenit, absque opere humano secundum pro-  
 portionem suæ naturæ. *3tio* ex Divina providentia, propter  
 cujus ignorantiam Gentiles circa temporalia bona quærenda  
 principaliter sollicitabantur. Et ideo concludit, quod principa-  
 liter nostra sollicitudo esse debet de spiritualibus bonis sperantes,



D. Thom. 2. 2.  
1. 55. a. 7.

quod etiam temporalia nobis provenient ad necessitatem, si fecerimus, quod debemus. Denique quoad utrum ut importunas sollicitudines non admittere monemur à Christo Matth. 6. Nolite solliciti esse in crastinum, id est, ut hodie futuram cras sollicitudinem assumatis. Nam subdit: Crastinus enim dies sollicitus sibi ipsi, id est suam propriam sollicitudinem habebit, quæ sufficiet ad animum affligendum. Et hoc est, quod subdit: Sufficit diei malitia sua, id est afflictio sollicitudinis.

Eccl. 2.

Contra immoderatam sollicitudinem rerum temporalium. Imo Eccl.

Homini bono in conspectu suo dedit DEUS sapientiam, & scientiam, & lætitiā: peccatori autem dedit afflictionem, & curam superfluam, ut addat, & congreget, & tradat ei, qui placuit DEO.

Idem 4.

Sed & hoc vanitas est, & cassā sollicitudo mentis. Idem. Rursum contemplatus sum omnes labores hominum, & industrias animadverti patere invidiæ proximi, & in hoc ergo vanitas, & cura

Eccl. 30.

superflua est. Eccl. Ante tempus senectam adducet cogitatus.

S. Greg. Nazian.

2do S. Gregorius Nazian.

an. Cor. 5. de

Calami.

Cura homini crux, & lethale venenum. S. Chrysostomus ad illa verba Christi: Quærite primum regnum DEI, & justitiā ejus, & hæc omnia adjicientur vobis. Ita animadvertit dicens: Jubeo ista non quæri, & non curari: Non quidem nè accipias, sed ut abundantius accipias. Nam sollicitudine afflicti, & curarum moribus sæpe discerpti, his bonis te facis indignum.

In Praxi cavendi sollicitudinem immoderatam hoc maxi-

mè servit, ut mediocri sollicitudine curantes nostra, nihil eorum, quæ DEI sunt, negligamus, fidamusquæ firmiter promisso ejus,

Matth. 5.

quod quærentibus nobis primum regnum DEI & justitiā ejus, hæc omnia adjiciet nobis, quæ nobis nostrisque fuerint necessaria &

1. Pet. 5.

utilia. Unde omnem sollicitudinem vestram projiciamus in eum, ipsi enim

In Psal.

Qui cura est de nobis. Hinc D. Bernardus ait: Ut quid si hoc sapimus, ut

habitat ser. 9.

quid curamur abjicere omnino spes miseras, vanas, inutiles, seductorias, & huic uni tam solide tam perfecte, tam beatæ spei totā de votione animi, toto fervore spiritus inherere.

1. 2. tr. 1. c. 1.

Applica quoque hic proportionatè suprà dicta.

sec. 4. subf. 2.

§ 2. & 3.



## S. II.

**S**ecundò Opponitur Prudentiæ vitium *per excessum*, ut vulgò dicitur *Indiscretio*. Estque alia Particularis, alia Generalis. *Particularis Indiscretio* est, quatenus opponitur Prudentiæ, ut specialis virtus est, dum in iis, quæ ad prudentiam spectant aliquis superfluous est, ut v. g. si quis nimium anxius est, in conquirenda scientia præteritorum, aut in disquisitione præsentium circumstantiarum, seu cautela impedimentorum, de facto sive possibiliter imminentium; vel si quis nimis accuratè, exactè aliquid exequeretur. De huiusmodi enim dicitur: *Nimium diligentes odi*. *Generalis Indiscretio* est, quatenus reperiiri potest in omni opere virtuoso, vel indifferenti: non modò quoad circumstantiam, *Quantum* Ut si quis piam reperiatur immoderatè temperans cibi & potûs; si ita deditus sit orationi, quòd horà sumendi cibum oret, & non comedat, dum necesse sit; vel in loco honestæ recreationis flectat genua ad orandum, &c. Hæc enim & similia ordinariè fieri non debent. De quo ex D. Thomæ mente suprà dictum est.

*Contra excessivam Prudentiam seu Indiscretionem Ecclesiastes Eccl. c. 7.*  
monet: Noli esse iustus multum, neque plus sapias, quàm necesse est, nè obstupescas. Unde *Doctor mellifluus*. Sicut, inquit, iste *S. Bern. serm. 4.* corporeus sol, licet bonus sit, & valde necessarius, tamen & in *Psalm. Qui* fervor ejus, si temperatus non fuerit, infirmo capiti, & *splen-* *habitat.*  
*dor* infirmis oculis nocet, nec est solis culpa, sed infirmitatis: sic etiam sol iustitiæ est. Unde & dicitur: Noli nimium iustus esse, non quòd iustitia bona non sit, sed quia dum adhuc infirmus sumus, oportet ipsâ bonâ gratiâ temperari, nè fortè elationis, aut indiscretionis vitium incurramus. *Idem S. Pater.* Tolle di- *S. Bern. serm.*  
scretionem, & virtus vitium erit, ipsaque affectio naturalis *n. 49. in Cant.*  
perturbationem magis converteretur, exterminiumque naturæ.

Quare juxta *Cassianum* Mensuram virium suarum con- *Collat. 24. c. 8.*  
venit unumquemque nostrum diligentius ante pensare, atque ad ejus modulum arripere quam libuerit disciplinam: quia quamvis utiles sint, tamen aptæ cunctis cunctæ esse non possunt. Et *S. Bernardus*: Ne incurrat, qui currit, illuminari necesse est



lumine discretionis. Hæc nimirum docet, nè quid nimis. At verò quia omnino rara est avis in terris, hujus discretionis locum in vobis Fratres suppleat virtus Obedientiæ, ut nihil plus, nihil minus, nihil aliter, quàm imperatum sit, faciatis.

Cap. 9. sect. 5.

Plura vide infra de gratia Discretionis.

### §. III.

3tio vitium Prudentiæ opponitur *per Defectum*, quod dicitur *Imprudentia*; quæ est duplex: Etenim imprudentia alia est *privative sumpta*: dum scilicet quis caret Prudentiâ, quam natus est, & debet habere. Estque peccatum ratione negligentia, quâ non adhibetur studium in perdiscendis illis, quæ concernunt Prudentiam. Ut v. g. si quis noller discere per lectionem spiritualem, vel auditionem verbi Divini, ea quæ sunt necessaria, ad exercitia virtutum statui suo proportionatarum. Alia Imprudentia *contrariè sumpta est*, dum ratio contrario modo movetur, vel contraagit prudentiæ. v. g. dum prudens consilium spernitur. Estque peccatum mortale, si adsit contemptus documentorum Divinorum, vel detrimentum eorum, quæ sunt de necessitate salutis, secus est veniale. Sicut Prudentia est generalis virtus quatenus includitur in omnibus virtutibus; ita *Imprudentia* est quoddam *generale peccatum*, inquantum participatur ab omnibus vitiis & peccatis. Nullum enim peccatum contingere potest, nisi sit defectus rationis dirigentis in alieno actu, quod pertinet ad imprudentiam. Deinde Imprudentia *speciale* est vitium, ut oppositum Prudentiæ, quatenus specialis virtus est. Porro hæc specialis imprudentia continet in se vitia opposita partibus subjectivis, integrantibus & potentialibus prudentiæ. Et ita quoad partes subjectivas. Alia est imprudentia, quæ opponitur Prudentiæ Monasticæ seu unius regitivæ. Alia, quæ opponitur prudentiæ Multitudinis regitivæ, uti Politicæ, Oeconomicæ, Militari. Deinde opposita vitia partibus integrantibus & potentialibus prudentiæ sunt *Præcipitatio*, *Inconsideratio*, *Inconstantia*, de quibus in sequentibus.

Contra Imprudentiam in genere hæc sunt. *Prov. Ubi non est scientia (seu prudentia) animæ, non est bonum. Et qui festinas*



stinus est pedibus (seu præcipitans) offender. *Itidem juxta 70.*  
 Imprudentia viri vastat vias ejus: DEUM autem accusat corde  
 suo (quasi DEUS, & non sua imprudentia esset causa malorum, quæ  
 incurrit) Prov. Thesaurus desiderabilis, & oleum in habitaculo Prov. c. 21.  
 justis, & imprudens homo dissipabit illud. Eccl. Honor & Eccl. c. 5.  
 gloria in sermone sensati, lingua verò imprudentis subversio  
 est ipsius. Eccl. Indisciplinata loquelæ non assvescat os tuum: Eccl. c. 23.  
 est enim in illa verbum peccati.

Quapropter cavendum tantum malum imprudentiæ per  
 serium studium Prudentiæ.

## §. IV.

DE PRÆCIPITATIONE SEU TEME-  
RITATE.

Præcipitatio vitium est sub Imprudentia contentum, oppositum  
 Eubuliæ, docilitati, memoriæ, & rationi, quo quis per impetum  
 voluntatis, vel passionis, gradibus prudentiæ contemptis, in ruinam la-  
 biatur. Quia Præcipitatio in actibus animæ metaphoricè dicitur  
 secundum similitudinem à corporali motu acceptam. Dicitur  
 autem præcipitari secundum corporalem motum, quod à su-  
 periori in ima pervenit secundum impetum quendam proprii  
 motus, vel alicujus impellentis, non ordinatè descendendo per  
 gradus. Summum autem animæ est ipsa ratio: imum autem  
 est operatio per corpus exercita. Gradus autem medii per quos  
 oportet ordinatè descendere, sunt memoria præteritorum, in-  
 telligentia præsentium, solertia in considerandis futuris eventibus,  
 ratiocinatio conferens unum alteri, docilitas per quam  
 aliquis acquiescit sententiis Majorum: per quos quidem gradus  
 aliquis ordinatè descendit, rectè consiliando. Si quis autem  
 feratur ad agendum per impetum voluntatis, vel passionis,  
 pertransitis hujusmodi gradibus, erit præcipitatio. Cum ergo  
 inordinatio consilii ad imprudentiam pertineat, manifestum est,  
 quod vitium præcipitationis sub imprudentia continetur.

Contra Præcipitationem, seu Temeritatem Prov. Substantia fe-  
 stinata minuetur, quæ autem paulatim colligitur manu, multipli-  
 cabitur. Prov. Hæreditas, ad quam festinatur in principio, in-  
 Prov. c. 13.  
 Prov. c. 20.



- Prov. c. 28.* novissimo benedictione carebit. *Prov.* Qui in cordis sui audacia spem ponit stultus est, qui autem ambulat prudenter & caute, salutem consequetur, id est, ut *Author Cat. Græc. explanat*: Stultus mente vocatur, qui audaci cordi suo confidit, quia plus tribuit temeritati, quam judicio, plus rursus iniquitati quam æquitati. *Eccli. Fili,* sine consilio nihil facias, & post factum non poenitebis. *Prov.* Qui præceptus est in spiritu suo, reputatur stultus. Unde *Rabanus* ait: Contra hoc præceptum agere præcipites, cum honorum actuum tempus præveniunt, meritum pervertunt, & sæpe in malis corruunt, dum minimè bona discernunt, qui nequaquam quæ, & quando agant, inspiciunt. Unde per Salomonem dicitur: Palpebræ tuæ præcedant gressus tuos. Palpebræ quippe gressus præcedunt, cum operationem nostram consilia recta præveniunt. Qui enim negligit considerando prævidere quod facit, gressus tendit, oculos claudit, pergendo iter conficit, sed prævidendo sibimet ipsi non attendit: atque idcirco citius corrumpit, quia quo pedem operis ponere debeat, per palpebram consilii non attendit. *Plato*: Qui plus satis festinat initio, serius ad finem pervenit. *Sopho.* Periculosa est præpropria prudentia. *Cato.* Sat citò, si sat benè. *In 1. 2. tra. I. c. 1.* Præxi cavendi Præcipitationem seu Temeritatem applica hic confec. 4. subf. 2. venienti modo supra data.
- § 2. & 3.

§ V.

DE INCONSIDERATIONE.

- D. Thom. 2. 2.* Inconsideratio, speciale peccatum est, sub imprudentia contentum (oppositum Synesi, & Gnome, tum circumspectioni & cautioni) quo quis contemnit, vel negligit ea, ex quibus rectum iudicium procedit.
- Deutor. 52.* Contra Inconsiderationem. *Moyse* exoptat: Utinam sapienter, & intelligerent, ac novissima providerent. Supra quod *S. Bern. ferm.* *S. Bernardus*: Utinam saperent &c. ait: Ut nimirum æternitatis imago reformaretur in nobis, videlicet ut præsentia moderemur per sapientiam, præterita per intelligentiam dijudicemus, novissima provideamus ad cautelam. *Idem.* Utinam inquit saperes, quæ DEI sunt, intelligeres quæ mundi sunt, provideres quæ inferni



infernus sunt; profectò inferna horres, superna appetes, quæ sunt mundi contemneres. *Prov. Qui inconsideratus est ad loquendum (quantiò magis ad agendum) sentiet mala. Jerem. De solatione desolata est omnis terra: quia nullus est qui recogitet corde, quæ scilicet ipsi facienda sunt juxta mandata & beneplacitum DEI.*

In Præci vitæ Inconsiderationis exerceas te juxta methodum suprà positam. *I. 2. tra. 1. c. 1. sec. 4. subf. 2. 9*

2. & 3.

## §. VI.

## DE INCONSTANTIA.

**I**nconstantia est vitium, sub imprudentia contentum (oppositum actui Prudentiæ, qui est Præcipere, tum Providentiæ, Intelligentiæ, & Solertiæ) quo quis contemnit præcipere ea, quæ secundum rectam rationem antè erant judicata & proposita. *D. Thom. 2. 2. q. 53. 5.*

Contra Inconstantiam. *Eccl. Stultus ut luna mutatur. Exodi. Eccles. 27. DEUS ad Moysen ait; Vade, descende, peccavit populus tuus, recesserunt citò de via, quam ostendisti eis. In quod ita D. Cyril- D. Cyrillus in lus habet: Audis quàm levis sit & temerarius Israel, & valde ad defecti- Exod. onem proclivis, ideoque dedignatur populum suum eos vocare DEUS: DELigitur sunt, verusquè ipsius ac peculiaris populus, qui indivulsa in ipsum dilectione flagrant, & sincerum fidei candorem tuentur, atquè ad omne opus bonum confirmati sunt, levitatisque & inconstantiae crimen promiscuè repellunt. S. Gregor. Quis considerare valeat, quanta mala per momenta temporum ipsis inconstantibus cogitationum motibus perpetr- S. Greg. Moral. 24. c. 16. mus? Et mox: Humana anima semel æternitatis statum deferens, ad fluxum temporalium delapsa, hanc mutabilitatem alternantium motionum, quam dum caderet volens appetiit, dum conatur fugere, cogitur in vita tolerare. Inde quippe punita est, unde delectata; quia inde conversa habet laborem certaminis, unde perversa appetiit gaudium voluptatis. Joan. de La Haja: Sententiam in rebus seriis & consideratis attentè facile mutans, indignus est nomin- Joan. de La Haja in Gen. c. 24.*

Circa Præxim fugiende inconstantiae adhibe proportionatè su-  
prà specificata.

I. 2. tra. 1. c. 1.

sec. 4. subf. 2.

§ VII. 2. & 3.

D



## §. VII.

## DE NEGLIGENTIA.

**D. Thom. 2. 2.** **N**egligentia est vitium, sub Imprudentia contentum, a cui Prudentiæ, qui est Præcipere, tum Providentiæ, Intelligentiæ, Solertiæ, sed maximè Sollicitudini oppositum, ejusdem sollicitudinis debitæ defectum importans.

**Prov. 3.** Stimuli ad excutiendam Negligentiam. **1mus. Prov. Fili**  
**Corn. à lap. in** mi, noli negligere disciplinam Domini: neque fatigeris, dum ab  
**Eccles. c. 19.** eo argueris. **Eccles. Qui custodit mandatum, custodit animam**  
 suam; qui autem negligit viam suam (*viam mandatorum ad vitam*  
*eternam*) mortificabitur, id est morte immaturâ in præfenti, & eternâ  
 in futuro afficietur.

**Matth. 22.** **Matth.** Christus Dominus sub parabola invi-  
 tatorum ad nuptias factas à Rege, Filio suo, innuit nos esse invi-  
 tatos ad nuptias cælestes, ad quas dum venire homines negligunt,  
 & potius ad mundi curam abeunt, indignos tales illius felicitatis  
 judicat DEUS.

**Hebr. c. 2.** **Apostolus.** Propterea abundantius oportet ob-  
 servare nos ea, quæ audivimus: nè fortè persuamus. Si enim  
 qui per Angelos dictus est sermo, factus est firmus, & omnis præ-  
 varicatio & inobedientia accepit justam mercedis retributio-  
 nem: quomodo nos effugiemus, si tantam neglexerimus salutem?

**S. Gregor. lib.** quæ cum initium accepisset enarrari per Dominum: ab eis, qui  
**10. Moral. c. 9.** audierunt, in nos confirmata est. **2dus. S. Gregorius:** Si curare  
**ibidem lib. 31.** parva negligimus, insensibiliter seducti, statim audenter majore-  
 ra etiam perpetramus. **Idem:** Plerumque de bonis, per incuriæ  
 vitium mala nascuntur. **Idem:** Iniquorum mentes, qui damna-  
 sua considerare negligunt, integritatem suam quasi nescientes  
 perdunt. Amittunt namque à corde innocentiam, ab ore verita-  
 tem, à carne continentiam, & per accessum temporis ab ætate  
 vitam. **Idem:** Si circumspeditionis sollicitudine cor destituitur,  
 vulneribus aperitur; quia hostis callidus tantò liberius pectus  
 percutit, quantò nudum, à providentiæ lorica deprehendit.

**S. Gregor. Past.** **S. Ambrosius:** Dormit Christus negligentibus, suscitatur in Sanctis.  
**parte 3. c. 1. ad** **S. Augustinus:** Non tibi deputatur ad culpam; quod invitus igno-  
**mon. 33.** ras, sed quod negligis quærere, quod ignoras. **S. Gregorius:** Quos  
**S. Ambrosius in** **S. Augustinus:** Non tibi deputatur ad culpam; quod invitus igno-  
**psalm. 118. serm.** ras, sed quod negligis quærere, quod ignoras. **S. Gregorius:** Quos  
**c. 17.** **S. Augustinus:** Non tibi deputatur ad culpam; quod invitus igno-  
**ibidem lib. 5.** ras, sed quod negligis quærere, quod ignoras. **S. Gregorius:** Quos  
**c. 37.** **S. Augustinus:** Non tibi deputatur ad culpam; quod invitus igno-  
 vitium mala nascuntur. **Idem:** Iniquorum mentes, qui damna-  
 sua considerare negligunt, integritatem suam quasi nescientes  
 perdunt. Amittunt namque à corde innocentiam, ab ore verita-  
 tem, à carne continentiam, & per accessum temporis ab ætate  
 vitam. **Idem:** Si circumspeditionis sollicitudine cor destituitur,  
 vulneribus aperitur; quia hostis callidus tantò liberius pectus  
 percutit, quantò nudum, à providentiæ lorica deprehendit.

**S. Gregor. Past.** **S. Ambrosius:** Dormit Christus negligentibus, suscitatur in Sanctis.  
**parte 3. c. 1. ad** **S. Augustinus:** Non tibi deputatur ad culpam; quod invitus igno-  
**mon. 33.** ras, sed quod negligis quærere, quod ignoras. **S. Gregorius:** Quos  
**S. Ambrosius in** **S. Augustinus:** Non tibi deputatur ad culpam; quod invitus igno-  
**psalm. 118. serm.** ras, sed quod negligis quærere, quod ignoras. **S. Gregorius:** Quos  
**c. 17.** **S. Augustinus:** Non tibi deputatur ad culpam; quod invitus igno-  
**ibidem lib. 5.** ras, sed quod negligis quærere, quod ignoras. **S. Gregorius:** Quos  
**c. 37.** **S. Augustinus:** Non tibi deputatur ad culpam; quod invitus igno-  
 vitium mala nascuntur. **Idem:** Iniquorum mentes, qui damna-  
 sua considerare negligunt, integritatem suam quasi nescientes  
 perdunt. Amittunt namque à corde innocentiam, ab ore verita-  
 tem, à carne continentiam, & per accessum temporis ab ætate  
 vitam. **Idem:** Si circumspeditionis sollicitudine cor destituitur,  
 vulneribus aperitur; quia hostis callidus tantò liberius pectus  
 percutit, quantò nudum, à providentiæ lorica deprehendit.

**S. Gregor. Past.** **S. Ambrosius:** Dormit Christus negligentibus, suscitatur in Sanctis.  
**parte 3. c. 1. ad** **S. Augustinus:** Non tibi deputatur ad culpam; quod invitus igno-  
**mon. 33.** ras, sed quod negligis quærere, quod ignoras. **S. Gregorius:** Quos  
**S. Ambrosius in** **S. Augustinus:** Non tibi deputatur ad culpam; quod invitus igno-  
**psalm. 118. serm.** ras, sed quod negligis quærere, quod ignoras. **S. Gregorius:** Quos  
**c. 17.** **S. Augustinus:** Non tibi deputatur ad culpam; quod invitus igno-  
**ibidem lib. 5.** ras, sed quod negligis quærere, quod ignoras. **S. Gregorius:** Quos  
**c. 37.** **S. Augustinus:** Non tibi deputatur ad culpam; quod invitus igno-  
 vitium mala nascuntur. **Idem:** Iniquorum mentes, qui damna-  
 sua considerare negligunt, integritatem suam quasi nescientes  
 perdunt. Amittunt namque à corde innocentiam, ab ore verita-  
 tem, à carne continentiam, & per accessum temporis ab ætate  
 vitam. **Idem:** Si circumspeditionis sollicitudine cor destituitur,  
 vulneribus aperitur; quia hostis callidus tantò liberius pectus  
 percutit, quantò nudum, à providentiæ lorica deprehendit.

**S. Gregor. Past.** **S. Ambrosius:** Dormit Christus negligentibus, suscitatur in Sanctis.  
**parte 3. c. 1. ad** **S. Augustinus:** Non tibi deputatur ad culpam; quod invitus igno-  
**mon. 33.** ras, sed quod negligis quærere, quod ignoras. **S. Gregorius:** Quos  
**S. Ambrosius in** **S. Augustinus:** Non tibi deputatur ad culpam; quod invitus igno-  
**psalm. 118. serm.** ras, sed quod negligis quærere, quod ignoras. **S. Gregorius:** Quos  
**c. 17.** **S. Augustinus:** Non tibi deputatur ad culpam; quod invitus igno-  
**ibidem lib. 5.** ras, sed quod negligis quærere, quod ignoras. **S. Gregorius:** Quos  
**c. 37.** **S. Augustinus:** Non tibi deputatur ad culpam; quod invitus igno-  
 vitium mala nascuntur. **Idem:** Iniquorum mentes, qui damna-  
 sua considerare negligunt, integritatem suam quasi nescientes  
 perdunt. Amittunt namque à corde innocentiam, ab ore verita-  
 tem, à carne continentiam, & per accessum temporis ab ætate  
 vitam. **Idem:** Si circumspeditionis sollicitudine cor destituitur,  
 vulneribus aperitur; quia hostis callidus tantò liberius pectus  
 percutit, quantò nudum, à providentiæ lorica deprehendit.

**S. Gregor. Past.** **S. Ambrosius:** Dormit Christus negligentibus, suscitatur in Sanctis.  
**parte 3. c. 1. ad** **S. Augustinus:** Non tibi deputatur ad culpam; quod invitus igno-  
**mon. 33.** ras, sed quod negligis quærere, quod ignoras. **S. Gregorius:** Quos  
**S. Ambrosius in** **S. Augustinus:** Non tibi deputatur ad culpam; quod invitus igno-  
**psalm. 118. serm.** ras, sed quod negligis quærere, quod ignoras. **S. Gregorius:** Quos  
**c. 17.** **S. Augustinus:** Non tibi deputatur ad culpam; quod invitus igno-  
**ibidem lib. 5.** ras, sed quod negligis quærere, quod ignoras. **S. Gregorius:** Quos  
**c. 37.** **S. Augustinus:** Non tibi deputatur ad culpam; quod invitus igno-  
 vitium mala nascuntur. **Idem:** Iniquorum mentes, qui damna-  
 sua considerare negligunt, integritatem suam quasi nescientes  
 perdunt. Amittunt namque à corde innocentiam, ab ore verita-  
 tem, à carne continentiam, & per accessum temporis ab ætate  
 vitam. **Idem:** Si circumspeditionis sollicitudine cor destituitur,  
 vulneribus aperitur; quia hostis callidus tantò liberius pectus  
 percutit, quantò nudum, à providentiæ lorica deprehendit.

**S. Gregor. Past.** **S. Ambrosius:** Dormit Christus negligentibus, suscitatur in Sanctis.  
**parte 3. c. 1. ad** **S. Augustinus:** Non tibi deputatur ad culpam; quod invitus igno-  
**mon. 33.** ras, sed quod negligis quærere, quod ignoras. **S. Gregorius:** Quos  
**S. Ambrosius in** **S. Augustinus:** Non tibi deputatur ad culpam; quod invitus igno-  
**psalm. 118. serm.** ras, sed quod negligis quærere, quod ignoras. **S. Gregorius:** Quos  
**c. 17.** **S. Augustinus:** Non tibi deputatur ad culpam; quod invitus igno-  
**ibidem lib. 5.** ras, sed quod negligis quærere, quod ignoras. **S. Gregorius:** Quos  
**c. 37.** **S. Augustinus:** Non tibi deputatur ad culpam; quod invitus igno-  
 vitium mala nascuntur. **Idem:** Iniquorum mentes, qui damna-  
 sua considerare negligunt, integritatem suam quasi nescientes  
 perdunt. Amittunt namque à corde innocentiam, ab ore verita-  
 tem, à carne continentiam, & per accessum temporis ab ætate  
 vitam. **Idem:** Si circumspeditionis sollicitudine cor destituitur,  
 vulneribus aperitur; quia hostis callidus tantò liberius pectus  
 percutit, quantò nudum, à providentiæ lorica deprehendit.



terrenæ sollicitudinis premat. Sed tantò eos paratiores dies ultima, quantò expeditiores inveniatur: Nè quò meliora agere vacantes possunt, sed tamen negligunt, eò supplicia deteriora mereantur.

*Praxis* expellendi Negligentiam, est matrem ejus pestilentem Acediam tollere, de qua, sicut & de fororibus negligentia sub Acedia dicta hic applicari possunt proportionata. Denique Timorem DEI sibi comparare. *Qui enim timet DEUM, nihil negligit.* Eccl. c. 7.

Vide etiam suprà dicta, & applica hic proportionatè

1. 2. tra. 1. c. 1.

sec. 4. subf. 2.

§ 2. & 3.

### SECTIO III.

#### DE DONO CONSILII.

**D**onum consilii, est habitus respondens Prudentia, quo homo à Spi- D. Thom. 2. 2.  
ritu Sancto promptè movetur ad consiliandum, seu inquisitionem 1. 52.  
rationis, ad rectè agendum in singulis operationibus. Quia ut D.  
Bonaventura de Dono consilii docet: Proprium rationali creatu- S. Bonav. de 7.  
ræ est, quòd per inquisitionem rationis moveatur ad aliquid a- donis, de dono  
gendum, quæ quidem inquisitio consilium dicitur humanum. Conf. c. 1.  
Unde Damascenus dicit: Consilium est appetitus inquisitionis à Damasc. lib. 2.  
ratione directus, de his, quæ à nobis sunt facienda, vel non faci- de fide orthod.  
enda. Et Aristoteles in Epist. ad Alexandrum dicit: Quòd consilium c. 22.  
est oculus & cautio futurorum. Sed quia inquisitio est ratio hu-  
mana, per se non sufficit comprehendere singularia humana,  
& contingentia, quæ occurrere possunt in nostris actionibus, quæ  
requiruntur ad consecutionem beatitudinis nostræ; quia cogita-  
tiones mortalium sunt timida, & incertæ providentiæ nostræ: ut  
dicitur lib. sapientiæ. Ideo indigemus inquisitione certiori, &  
directione nobiliori scilicet Divinâ. Tam inquisitio autem,  
quàm directio nobis in dono consilii à Spiritu Sancto confertur,  
qui omnium est artifex, omnem habens virtutem, omnia prospici-  
ens, ideo talis inquisitio & directio à Spiritu Sancto donata con-  
siliium dicitur, quod est donum Spiritus Sancti,

Sap. 9.

Sap. 7.

*Moriva* obtinendi consilii donum sunt. immum Eccl. Sine Eccl. c. 32.  
consilio nihil facias, & post factum non poenitebis. Prov. Salus, Prov. 11.



ubi multa consilia. Supra quod *Pius secundus* ait: Scriptura consiliorum multitudinem non requirit, sed maturitatem & digestionem. *Tob. c. 4.* Consilium semper à sapiente perquire. Inter superbos semper sunt jurgia, qui autem agunt omnia cum consilio, reguntur Sapientiâ. *Ibidem.* Omni tempore benedic DEUM, & pete ab eo, ut vias tuas dirigat, & omnia consilia tua in ipso permanent. *D. Bonav. de 7. donis de dono ant. 2dum. D. Bonavent. citans S. Gregor. hęc ait.* Qui sine consilio vivunt, se præcipationi & fortunæ tradunt, præcipientes vitam suam negligunt, dum transitoria inconsulte appetunt, dum æterna non intelligunt, vel intellecta contemnunt, dum exilium & miseriam suam non cognoscunt, quia cæci: ideo nec consilium habere sciunt, & ideo meritò tales in insipientia sua peribunt. Sed è contra inquit Gregorius: Electorum mentes dum cuncta transitoria nulla esse conspiciunt, ea, ad quæ sunt conditæ, exquirunt. Cumque eorum satisfactioni nihil extra DEUM sufficit, ipsâ inquisitionis sive consilii exercitatione illorum cogitatione fatigatâ, in Conditoris sui specie & contemplatione requiescere quærunt. *Sequitur.* Unusquisque eorum adhuc in mundo corpore positus, mente tamen extra mundum surgit, ærumnam exilii, quam tolerat, deplorat, & ad sublimem Patriam incessabilibus se amoris stimulis excitat. Unde invenit salubre consilium, temporale hoc despiciere, quod percurrit: & quò magis crecit consilii scientia, ut peritura deferat, eò augetur dolor, quò necdum ad mansura sive æterna contingat. Et ideo solerti consilio infigit mentem, & cautè se in omni actione circumspiciendo considerat. Et nè ex re quæ agitur repentinus finis, & adversus surripiat, hunc prius molliter posito pede cogitationis palpat & pensat: nè in his, quæ agenda sunt, præcipitatio impellar, nè prava per concupiscentiam aperto bello superent, nè recta per inanem gloriam insidiando supplantent. *Sequitur.* Et mens electi cujuslibet, quò magis per consilium vivere nititur, eò angustii itineris dolore fatigatur. *Hęc ille.* Ratio istius ultimi dicti est, quia consilia DEI sunt perfectissima: valent enim ad vitandum omne malum, & ad consequendum omne bonum perfectissimè, & ideo ducunt per itinera arctissima. Arcta est enim via, quæ ducit ad Patriam, ut Christus dicit. Arctæ autem viæ ut plurimum sunt rectiores & breviores, quàm latæ. *Perfecti autem*

*Matth. 7.*



autem viri, stimulis amoris agitati vehementius arctas amplectuntur, ut perfectius & citius inveniatur quod amatur, & creditur, & quaeritur. *Hactenus D. Bonaventura.*

*Pro dispositione ad comparandum donum Consilii, vide superius dicta. 1. 2. tra. 1. sect.*

*4. subs. 1. § 10.*

## CAPUT V. DE UNIVERSALIBUS, ET FUNDAMENTALIBUS VIRTUTIBUS.

**I**llustratus homo per *Fidem* in Divinis, & ad ea consequenda accensus per *Spem*, vel *Charitatem*; ut iis potiatur, per *Prudentiam*, convenientia media invenire, eligere, & præcipere executioni debet. Porro hæc media ad fines supernaturales ponendos & obtinendos, sunt Actus virtutum, vel imperati à spe, sive charitate, vel etiam ex suis propriis motivis eliciti: Actus verò ejusmodi virtutum sunt *Iustitiæ*, *Fortitudinis*, *Temperantiæ*; qui quidem aliquando simul sub uno titulo universaliter considerantur, Ut. v. g. *Contemptus mundi*, aut *Mortificationis*, &c. proptereaque rectè *Universales* appellantur: aliquando in sua specie. Deinde ejusmodi virtutes *Fundamentales* dicuntur; quia quoad aliquas sui partes sunt initium quoddam formale structuræ spiritualis virtutum, ad quam structuram primò disponunt *Fides*, *spes*, *Charitas*; *Prudentia*, deinde ceteræ ex charitate eidem ædificiū spirituale perficiunt. Sed age videamus, quænam sint hujusmodi universales & Fundamentales virtutes, quas *Prudentia* invenit, & dicitur cū primis exequi.

*1ma, est Resignatio sui ipsius in Divinam voluntatem.* Etenim, cum homo sæpe ignoret, quid in se verè placeat DEO, & quid non placeat, etiam in selectione virtutum suo statui, officio, loco, tempori, &c. proportionatarum, meritò in singula momenta precari DEUM cogitur: *Fiat voluntas tua mecum.*

*2da est Obedientia simplex & cæca Superioribus, vel Magistro aut Patri spirituali præstanda.* (Nam obedientia erga DEUM includitur Resignationi sui) Hi enim sunt interpretes voluntatis Divinæ, & per hos DEUS sua placita aliis innotescere voluit dicens *Qui vos audit, me audit.* Unde obediens, si omni momento perficiat voluntatem Superiorum, vel Patris spiritualis, securus &

*Luc. 10.*



certus est, omni vitæ suæ momento perficere se voluntatē DEI. Quo in hac vita nihil æstimō posse contingere hominī felicius. Qui cognoscit & amat DEUM, intelligit quid dico.

3tia, est Contemptus mundi, seu Paupertas Christiana. Prudens enim Superior, vel Magister spiritualis, seu Dux in via cælesti, nequit aliud initium ejusdem viæ in regnum DEI ostendere, quam id, quod Christi vestigiis & suorum Electorum tritum est, ut aliunde constat. Per contemptum namque mundi, seu paupertatem sanctam omnia impedimenta rerum exteriorum remouentur, quæ retardant progressum. Unde S. Ambrosius supra illa verba Christi, *Beati pauperes spiritu, quoniam est vestrum regnum DEI*, inquit: *Primam benedictionem hanc uterque Evangelista posuit. Ordine enim prima est, & parens quædam generatioque virtutum: quia qui contempserit secularia, ipse merebitur æterna; nec potest quisquam meritum regni cælestis adipisci, qui mundi cupiditate pressus, emergendi non*

*In vitis Pa-*  
*trum.*

*habet facultatem.* Et S. Arsenio quærenti, quâ ratione proficeret ad salutem, vox cælo delapsa dixit: *Fuge mundum, tace, quiesce sancta solitudine in memoria & amore DEI ac Divinorum, hæc sunt principia salutis.* Cæterum Christianis ab incunabulis suæ vitæ spiritualis potissimum est necessarius contemptus Gulæ seu qualitatis & quantitatis cibi ac potûs, sine quo

Orat. 2. in nil egregium faciet in vita spirituali, etiamsi centum annis vivat, & videatur aliquid præstare. Unde B. Nilus ait: *Rectè vivendi*

Bibl. to. I.

S. Hieron. ad principium est temperantia. Et S. Hieronymus: *Ieiunium non solum perfecta virtus, sed cæterarum virtutum fundamentum est, & sanctificatio,*

Demetbr.

S. Dorothei, in & pudicitia, & prudentia, sine qua nemo videbit DEUM. Quare S. Dorotheus cum Dositheum viri primarii filium instituendum suscepisset, initium ab expugnatione Sulk fecit.

vita.

4ta, est Humilitas, & præcipue ejus actus, qui sunt Odium ac Contemptus sui. Sine humilitate enim quid prodest contempsisse mundum? cum exinde elatior fiat animus, adeoque periculo magis obnoxius? & poenitentia falsa, est carens vera sui sine suorum peccatorum cognitione, & propria depressione. Denique angularis lapis in fundamento structuræ spiritualis est humilitas, quam fundamentum virtutum per antonomasiam SS. Patres

Serm. 10. de decantârunt. Hinc S. Augustinus ait: *Magnus esse vis? à minimo verbis Domini incipe.* Cogitans magnam fabricam construere celsitudinis? de fundamento prius



prius cogita humilitatis. Et quanto erit majus edificium, tanto altius fœdit fundamentum. Et mox infra: Quod est fastigium constituenda fabricæ quam molimur? quo peruenturum est cacumen edifici? citò dico neque ad conspectum DEI. Videtis quàm excelsum est! quanta res est conspiciere DEUM.

6ta, est Poenitentia, non illa, quæ à recens conversis ad DEUM assumitur, & hic jam peracta ritè supponitur, verùm quæ fit pluribus annis, sine etiam toto vitæ tempore. Meritò enim, semper deslere debet homo peccata suâ, & pro eis satisfaciendo, poenas, maximè spirituales subtractionis specialium gratiarum, exolvere, sine quibus nunquam specialiter proficiet in vita spirituali. Denique Christus initium suæ prædicationis à Poenitentia orsus est dicens: Poenitentiam agite, appropinquabit enim regnum celorum. Matth. 4.

6ta, est Mortificatio seu Abnegatio sui, sive Innocentia. Non enim sufficit præterita mala flere, nisi & ab imminentibus studio continuæ Mortificationis vel Innocentiæ conetur se præservare. Alioquin semper in eodem luto vitiorum hærebit; imò profundius mergetur in sordibus, ut sordescat adhuc.

7tima, est Patientia. Ad quam cum primis exhortatur Spiritus S. per Ecclesiasticum dicens: Fili accedens ad servitutem DEI, sta in iustitia, & in timore, & præpara animam tuam ad tentationem (multiplicis tribulationis) Deprime cor tuum, & sustine: inclina aurem tuam, & suscipe verba intellectus, & ne festines in tempore obductionis. Sustine sustentationes DEI: conjungere DEO, & sustine, ut crescat in novissimo vita tua. Omne quod tibi applicitum fuerit, accipe: & in dolore sustine, & in humilitate tua patientiam habe: quoniam in igne probatur aurum & argentum, homines verò receptibiles in camino humiliationis. Eccl. c. 2, v. 1.

8va, est Rectitudo actuum indifferentium. Quæ universaliter subiacet motivis omnium virtutum.

Ejusmodi series & coordinatio prædictarum virtutum, confirmatur ex doctrina Christi dicentis: Si quis venit ad me, & non odit patrem suum, & matrem, & uxorem, & filios, & fratres, & sorores, multò magis qui non odit divitias, honores, voluptates mundi, quæ sunt infinitè viliores in comparatione parentum, &c. (ecce contemptus mundi, sive paupertas Christiana) adhuc autem & animam suam qui non odit (ecce humilitas, odium & contemptus sui) Luc. c. 14.



non potest meus esse discipulus. Et qui non bajulat crucem suam (poenitentiae, satisfactionis pro peccatis suis, ut ego per crucem satisfeci pro peccatis totius mundi) & venit post me (me sequendo per mortificationem, seu innocentiam, ac exercitium patientiae, omniumque virtutum) non potest meus esse discipulus.

De his igitur virtutibus, agendum sequentibus, excepta Obedientiâ, Humilitate, Patientiâ, de quibus infra suis locis commodius est actum.

## SECTIO I.

### De Resignatione Suiipsius in Divinam Voluntatem.

**E**fusmodi Resignatio est virtus generalis, quâ homo agit, & patitur omnia, conformiter ad punctum voluntatis Divinae, bonae, beneplacensis, & perfectae. Dicitur: virtus generalis, tum ex parte Causae Efficientis, Materialis, Formalis, & Finalis virtutum: tum ex parte earundem causarum, quoad suum Productum scilicet Actus salutare omnium virtutum in suis gradibus, & perfectionibus. Dicitur: agit & patitur omnia, ubi intelliguntur omnes actiones & passionis hominis, naturales & supernaturales, necessariae & liberae, internae & externae, idque totius vitae praeteritae, praesentis, & futurae, in toto tempore & aeternitate. Dicitur: conformiter ad punctum voluntatis Divinae, id est, quod homo resignatus, adeo velit esse in omnibus suis actionibus & passionibus conformis voluntati Divinae, ut ne punctum ab ejus regula & amussi recedat. Sed prorsus sit homo cum DEO quasi in eodem, & omni puncto, unum Nolle & Velle. Dicitur: bonae, beneplacensis, & perfectae: qui sunt gradus Divinae voluntatis quoad nos juxta divisionem vitae lucipientium, Proficientium, & Perfectorum; de quibus vide infra suo loco.

Theol. spirit. p.  
22. §. 4.

Gradus Resignationis sui in Divinam Voluntatem ex Biblioth. Manuel. P. Lohner Tit. Resignat. in D. Voluntatem.

**P**rimus est, Voluntatem DEI in rebus praecipis accuratè exequi, & quaecunque his adversa peccata studiosè devitare, exemplo  
S. Da-



S. Davidis, de seipso fatentis: *Iniquos odio habui, legem autem tuam dilexi.* Hinc et Apostolus Thessalonicensibus scripsit: Hæc est Voluntas DEI, sanctificatio vestra, ut abstineatis vos à fornicatione &c.

2<sup>us</sup> est, Voluntatem seu beneplacitum DEI etiam in consiliis Evangelicis arripiendis exequi, exemplo Apostolorum, aliorumque tot millium Religiosorum.

3<sup>ius</sup> est, Etiam in aliis materiis, & actionibus ea, quæ DEO magis placent, eligere, & summo studio perficere, exemplo S. Teresæ, quæ, ut magis DEO placeret, ad ea, quæ perfectiora iudicavit eligenda voto se adstrinxit. Quos omnes tres gradus Apostolus Romanis olim suavit, dum dixit: Obsecro vos Fratres, per misericordiam DEI, ut exhibeatis membra vestra hostiam viventem, sanctam, DEO placentem, rationabile obsequium vestrum.

*Illicia Pro Resignatione sui in Divinam voluntatem.*

PRIMUM. Mach. Beneficiat vobis DEUS, & vobis cor omnibus, ut colatis eum, & faciatis ejus Voluntatem corde magno & animo volenti. Christus: Non omnis, qui dicit mihi, Domine, Domine, intrabit in regnum cælorum, sed qui facit voluntatem Patris mei, qui in cælis est, ipse intrabit in regnum cælorum. Item: Quicumque facit Voluntatem Patris mei, qui in cælis est, ille meus frater, soror, & mater est. Apostolus: Nolite conformari huic seculo, sed reformamini in novitate sensus vestri, ut probetis, quæ sit voluntas DEI bona, beneplacens, & perfecta. Non cessamus pro vobis orantes & postulantes, ut impleamini agnitione voluntatis ejus, in omni sapientia & intellectu spirituali, ut ambuletis dignè DEO per omnia placentes, in omni opere bono fructificantes, & crescentes in scientia DEI. Qui facit voluntatem DEI, manet in æternum.

2<sup>dum</sup>. S. Augustinus: Oportet nos in eundem affectum quandocunque transire, ut quomodo DEUS omnia esse voluit propter semetipsum: sic nos quoque, nec nos ipsos, nec aliud aliquid vel fuisse vel esse velimus, nisi æquè propter ipsum, ob solam videlicet illius voluntatem, non nostram voluptatem.



sæpe diximus, illi sunt rectiores, qui sequuntur in hac vita voluntatem DEI. Voluntas DEI est aliquando, ut sanus sis, aliquando ut ægrotes. Si quando sanus es, dulcis est voluntas DEI, & quâdo ægro-  
tas, amara est voluntas DEI, non recto corde es. Quare? quia non vis voluntatem tuam dirigere ad Voluntatem DEI, sed DEI vis curvare ad tuam. Illa recta est, sed tu es curvus. Voluntas tua corrigenda est ad illam, non illa curvanda est ad tuam, & rectum

*Idem lib. de* habebis cor. *Idem*: Constanter DEO crede, eique te totum per-  
*Quantit. anim.* mitte, quantum potes. Noli esse velle quasi proprius, & in tua  
*c. 20.* potestate, sed ejus clementissimi & utilissimi Domini te servum  
esse proficere. Ita enim te ad se sublevare non desinet, nihilquæ

*Cassian. Collat.* tibi evenire permittet, nisi quod tibi profit, etiamsi nescias: *Cas-*  
*9. c. 20.* *siannus*: Quid est hoc aliud dicere: Fiat voluntas tua, sicut in cælo,  
& in terra: quàm ut sint homines similes Angelis, & sicut  
DEI ab illis impletur in cælo: ita & hi qui in terra sunt, non

*S. Bern. S. 21.* suam, sed ejus, universi faciant voluntatem? *S. Bernardus*: Eris  
*in Cant.* inter adversa & prospera mutabilium temporum, tenens quan-  
dam æternitatis imaginem, dum te cœperis renovare & reforma-  
re, in insigne illud antiquum similitudinis æterni DEI, apud  
quem non est transmutatio, nec vicissitudinis obumbratio: quip-  
pe sicut ipse, ita & tu eris in hoc mundo, nec in adversis timidus,

*Blosius in Far-* nec in prosperis dissolutus. *Blosius*: Super omnia quæ vel dice-  
*rag. Instit.* re, vel facere possumus, hoc à nobis maximè expolcit DEUS, ut  
intus in corde dicamus: Domine fiat gratissima voluntas tua...  
inter omnes preces, quas Christus in hoc mundo fudit, illa sum-  
ma & excellentissima fuit: Pater non mea, sed tua voluntas fiat.

*Joan. Gailer* *Joan. Gailer*: Si te quotidie ex integro Divinæ voluntati ad omnes  
*de spirit. peregr.* illius nutus promptum paratumquæ offeras, veniam noxis obti-  
*propriet 7.* nes, tantumquæ gratiæ mereris, ut possis non tantum inferiorum  
rogos, sed & piaculares flammæ non timere. Sincera hæc tui  
oblato ad omnem DEI voluntatem exequendam, poenitentiarum  
& indulgentiarum loco est. *Taulerus*: Virtutum summarium, &  
*Taulerus in fi-* omnis doctrinæ brevium est, omnia, quæ DEUS nobis evenire  
*ne serm. de San-* permittit, ab illius manu accipere, nec aliud unquam velle, quàm  
*ctis.* omnia ad Divinæ voluntatis perpendiculum facere.

*zium illicium, sunt Exempla ex Bibl. P. Lobner Tit. Resignatio.*  
*umum.*



1. *Christus* de seipso dixit: Ut faciam voluntatem ejus, qui *Joan. 4. vers.*  
 misit me, ut perficiam opus ejus. In monte Oliveri oravit: Pater *34.*  
 si vis, transfer calicem istum à me, veruntamen non mea, sed tua  
 voluntas fiat. 2. *B. Virgo*, quantopere resignata fuerit in  
 voluntatem Divinam, testatur *S. Antoninus* sic alloquens illam: *Part. 4. tit. 15.*  
 O Domina, ita Divinae voluntati conformis fuisti, ut audeam di- *c. 4. §. 1.*  
 cere; si nullus fuisset, qui Filium crucifigeret, ut adimpleretur  
 voluntas DEI, ipsa illum imposuisses, & clavis affixisses. Neque  
 enim minoris te obedientiae fuisse credendum est, quàm Abraham,  
 qui proprium filium propriis manibus DEO obtulit occidendum,  
 & comburendum. Sed & *S. Bernardinus* ait: Intemerata Virgo *To. 2. f. 5.*  
 habuit continuum aspectum ad DEI beneplacitum, promptum-  
 què consensum. Testantur id verba illa: Ecce Ancilla Domini, fi-  
 at mihi secundum verbum tuum. 3. *Abraham*, ut notant *Hæ-* *Drex. Hærol.*  
*brei*, decies rigidè tentatus à DEO, semper sibi similis, & in Di- *lib. 4. c. 3. §. 3.*  
 vinam voluntatem resignatus mansit. 4. *S. Josephus* adeò vo- *Aliment. piet.*  
 luntati Divinae se conformabat, ut quotidie diceret: utinam vi- *c. 7. ex lib. 6.*  
 vam, & voluntatem DEI adimpletam videam. Ita ipsa DEI SS. *Revelati.*  
*Mater Sanctæ Brigittæ* revelavit, addidit què hanc esse causam, *S. Brigittæ.*  
 cur tantà in cælo gloriâ frueretur. 5. *Job* omnibus suis bo-  
 nis spoliatus, & gravibus insuper corporis ulceribus vexatus, non  
 peccavit in labiis suis, sed hanc unicam æternâ memoriâ dignis-  
 simam sententiam protulit: Dominus dedit, Dominus abstulit.  
 Sicut Domino placuit, ita factum est. Sit nomen Domini bene-  
 dictum. 6. *S. Macarius* rogatus à duobus, quomodo orare *Ruffinus Aquil.*  
 deberent? respondit, non est opus multâ verborum copiâ, ma- *n. 203.*  
 nus ad DEUM crebrius pandendâ, clamandum què: Domine  
 DEUS, quomodo vis, & sicut tibi placet, ita fiat. Siquidem i-  
 pse novit, quid nobis expediat. 7. *S. Gertrudis* à Christo sa- *Blos. lib. 4.*  
 nitate & morbum offerente, cum neutrum elegisset, sed plica- *Diu. infm. 6.*  
 tis in crucem manibus electionem ipsius voluntati resignasset, au- *23.*  
 divit hæc verba: Quicumque cupit à me sapius adiri, suæ volun-  
 tatis clavem mihi offerat, nec eam à me unquam repetat. Quo au-  
 dito *S. Gertrudis* precatiunculam hanc: Non mea, sed tua volun-  
 tas fiat, mi amantissime JESU: trecenties sexagies quinquies  
 quotidie repetivit. 8. Quidam Monachus per resignatio-



in vit. P. P.

Surius Tom: 7.

Vita lib. 3. c. 2.

Penne. quin.

in Isa. ad Amor.

Diu. p. I. c. 24.

In vita ejus.

nem voluntatis suæ cum Divina, ad tantum sanctitatis pervenit gradum, ut ad solum vestium aut cinguli ejus contactum ægri sanarentur. 9. Agricola quidā ex agris suis semper & plures & meliores fructus cum reciperet, rogatus causā à vicinis, respondit se semper tempestatē, quam vellet, habere, eam scilicet, quā Deus mississet, nec enim aliam se velle. 10. S. *Lydwinus* id identidē repetebat: Hoc mihi Domine, acceptissimum erit, ut affligens me dolore, non parcas, cum tuæ voluntatis implerio, sit mihi summa consolatio. 11. S. *Franciscus Xaverius* ad Mauricenses iturus, amicis evidens vitæ periculum ostendentibus, id unum respondit: Sicut fuerit voluntas in celo, sic fiat. Aliās in literis ad S. *Ignatium*, scriptis flexis genibus petiit, ut sibi impetret gratiam ad DEI cognoscendam voluntatem, eamquē perfectissimē adimplendam. *Hactenus Lohner.* 12. S. *Magdalena de Paz* adēd conformis fuit voluntati Divinæ, ut non semel audiretur cum gustu dicens: Si ego viderem hic infernum apertum, & intelligerem, quod esset in hoc voluntas tua o Domine! ut ego æternaliter in ejus flammis paterer, jactarem me ipsam in illas; ut adimplerem voluntatem tuam Divinam. Neque altiore voluit habere sanctitatem, nisi conformiter juxta mensuram & gradum à Divina voluntate decretum, quod patet ex ejus quotidiano exercitio à se conscripto his verbis: Offeres te ipsam DEO, & voles omnem illam perfectionem, quæ ei placet: & ut tantum ejus habeas, quantum ille vult. Quadam verò vice in extasi posita, protestabatur, quod nollet aliter suscipere Spiritum S. nisi juxta voluntatem DEI, inter coetera ita dicens: Imo, si mihi illum (id est Spiritum S.) daret, ideo ut in hoc fiat satis voluntati meæ, & non voluntati ejus quæ ejus: quin imò, etiam si in hoc esset voluntas ejus, non tamen esset principali modo; imò denique si non esset totaliter voluntas ejus, nullā ratione vellem esse consolata. Quoniam multum attinet, nolle recipere denuo id in meam possessionem, quod ei semel donavi: quia teneor dicere cum omni veritate in omni re: Fiat voluntas tua. Hanc primam gratiam, quam cum intensiori instantiā petebat *Magdalena* à DEO (ut ipsa dicebat) fuit. Ut semper usque ad mortem impleret ejus Divinum beneplacitum. 4<sup>um</sup>, est exemplum profanum. *Episcopus* de se ipso sic scripsit: Appetitum meum obedientem præbui DEO: vult ille me.

Lib. 3. dissert.

c. 26.



me febricitare? volo & ipse. Vult me aliquâ re potiri: volo & ipse. Non vult, nolo. Mori me vult? mori igitur volo. Vir prudens ita rem considerat, hanc rationem secum init: Si Deo se dediderit, se iter tutò confecturum. Quid est istud, dedere se DEO? Ut, quod ille voluerit, & ipse velit; & quod ipse noluerit, & ipse nolit. Qui ergo istud fiet? quomodo fieret aliter, nisi considerandâ DEI voluntate, & administratione. Quid mihi dedit meum, & mei juris? quid sibi ipse reservavit? Liberam voluntatam mihi dedit: & quæ in mea potestate sunt, ea nec impediri, nec prohiberi posse voluit. *Et alibi:* Mihi quidem optabile est à morte me invadi, nullâ aliâ re, nisi voluntate meâ curandâ occupatum, ut perturbatione vacuus & liber, dicere possim DEO: Nunquid præcepta tua violavi? nunquid ad alia abusus sum facultatibus, quas mihi dedisti? num sensibus? num te unquam inculavi? num gubernationem tuam reprehendi? ægoravi, quia voluisti: ægrotârunt & cœteri, sed ego volens. Pauper fui te volente, sed lætus. Non imperavi, quia tu voluisti: Nunquam appetivi imperium. Nunquid me unquam hac de causa tristiores vidisti? nunquid unquam vultu minùs hilari te accessi? Paratus, si quid mandes, si quid imperes. Hæc me cogitantem, hæc scribentem, hæc legentem occupet mors.

*In Praxi ad comparandam Resignationem sui in Divinam Voluntatem, hæc accipe ex Patre Lohner. Quatuor sunt præcipuè, quæ circa hanc virtutem benè observare, aliisque inculcare debet Asceta*

*Lib. 3. diff. 6. 5.*

*In Biblioth. manual. tit. Resignatio sui.*

Primum est, ut summam de hoc exercitio Resignationis Drex. in Helicæstimationem habeat, certoque sibi persuadeat, omnis doctrinæ, quam Christus tot divinis concionibus tradidit, caput hoc fuisse, ut homines doceret, suam cum Divina voluntatem in omnibus casibus perfectissimè conformare; atque adeo in hac conformitate omnem hominem perfectum consistere.

Secundum est, ut benè cognoscat regulas Divinæ Voluntatis cognoscendæ, quas quidem breviter, sed benè, simplex noster Frater Joannes Ximerus assignasse videtur, dum dixit: Tres esse superiores, à quibus semper voluntas Divina cognosci posset, nempe Deum in cælo, Capiulum seu superiorem in Ecclesia vel

*Vita P. Baltasæ. Alvar. c. 21.*



S. Ignatius in  
lib. Exerc.

Monasterio, & Rationem domi. Atque adeò primam Regulam esse Dei volitionem aut prohibitionem in lege aliqua Divina, vel naturali lege expressam; Secundam, omnium Dominorum aut Majorum, aut Præsidium voluntatem: Tertiam, Rationem seu intellectum proprium, dum scilicet implorato prius Numinis auxilio eligitur illud, quod Deo in talibus circumstantiis magis placere judicatur. Quo in iudicio, ut minùs quis aberret, suadent viri pii & prudentes, id semper præferendum, quod propriæ inclinationi magis repugnat: quod alteri, quem æquè ac nos ipsos diligeremus, suaturi in tali casu essemus: & quod denique in hora mortis, aut in iudicio extremo constituti, factum à nobis fuisse vellemus; juxta notum illum versum, Fac modò, quæ quondam Facta fuisse velis;

Dialogo S.  
Cath. sen.

Matt. 10. v. 29.  
Isa. 45. v. 7.

Isa. 10. v. 5.

Theophil. Bern.  
lib. II. perfect.  
c. 4. § 7.

Tertium est, ut fundamenta, quibus tota hæc conformitas & resignatio innititur, benè intelligantur, quæ quidem ab ipso Christo S. Catharinæ Senensi olim sunt indicata; dum eidem Imò suasit, ut firmiter crederet eum esse *Potentissimum*, atque adeò nihil sine voluntate ipsius accidere illi posse, uti ipse olim contestatus est, cum dixit: Nonne duo passeret assè *vaneunt*? & unus ex illis non cadet super terram sine Patre vestro. Et iterum per Isaiam: Ego Dominus, & non est alter: formans lucem, & creans tenebras: faciens pacem, & creans malum: ego Dominus faciens hæc omnia. Clarissimè autem alibi per eundem, dum dixit: Væ Assur! virga furoris mei, & baculus ipse est, in manu eorum indignatio mea. Ad gentem fallacem mittam eum, & contra populum furoris mei mandabo illi, ut auferat spolia, & diripiat prædam, & ponat illum in conculcationem, quasi lutum platearum. Ipse autem non sic arbitrabitur, & cor ejus non ita existimabit: sed ad conterendum erit cor ejus, & ad internecionem Gentium non paucarum. Hinc olim Titus Jerosolymam obsidione cingens, visis in circuitu tot cadaveribus altum ingemuit, & elatis in cælum oculis ac manibus dixit: factum illud suum non esse. Idè suasit, ut firmiter quoque crederet, eum *Sapientissimum esse*, omniaquè scire in bonum convertere; nam ut rectè dixit Theophilus Bernardinus, subtilissimè se nostris peccatis & erroribus insinuat DEUS, non ut approbator & particeps,



ticeps, sed ut averfator & corrector, qui ex malis bona plura, quasi ignem ex aqua elicit. Hinc à Davide filius unicornium *Psal. 22. v.* vocatur, eo quod cornua non habeat supra oculos, ut taurus, sed *6.* infra, ut optime videat, quem & ubi percutiat. *3tio* suavit, ut pariter firmissime crederet, eum *Optimum* esse, atque adeo velle etiam omnia in summum nostrum bonum dirigere: uti rectè S. Hieronymus conclusit dicens: Bonus est Deus, & omnia, *S. Hier. in Epist.* quæ bonus facit, bona sunt, necesse est. Imò ut S. Basilius vult: ad Paulum de unum hoc in mentibus nostris præsumptum oportet, quod nihil obitu *Blessillæ.* eorum, quæ nobis accidunt, malum sit, ut tale, aut melius illo ex- *Basil. hom. 8.* cogitare queamus. Cui consentiens S. Damascenus: Omnia in- *ex var. quidd* quit, quæ Dei providentiâ fiunt, pulcherrimè ac divinissimè fieri *Deus non est* necesse est, atque ita denique, ut meliori modo existere prorsus *aut hor malorū.* nequeant.

*4tum* denique est, ut solidam addiscat doceatque praxim, in hac sese resignatione exercendi, quæ quidem in duobus ferè capitibus consistit. *imò*, ut assuescat in omnibus, quæ fiunt, ad Divinam justitiam respicere, dicereque cum S. Davide: *Psal. 118. v.* Justus es Domine, & rectum (id est ad optimum finem, nempe *137.* ut vel puniat, vel probet, vel præmiet, & hoc triplici funiculo Adæ secundi difficulter rumpibili, nos ad se trahat, sibiq; arctissimè uniat, directum) iudicium tuum. *2do*, ut instructus sit jaculatoriis orationibus, voluntatem Dei in memoriam revocantibus, iisque sedulò in variis casibus utatur, ex qualibus totus *Psalms centesimus decimus octavus* est compositus. Et quidem si aliquid jam præteritum est malum, dicat: *Sicut Domino placuit, Job. 1. c. v. 21.* ita factum est: sit nomen Domini benedictum. Si præsens: *Fiat voluntas tua sicut in calo, & in terra. Matth. 6.* Si futurum: Dominus est, quod bonum est in oculis suis, hoc faciat. Si à Deo immissum: *Obmutui 1. lib. Reg. c. 3.* & silui à bonis, quia tu fecisti. Si ab hominibus illatum: *Dimitte Psal. 38.* eum, ut maledicat: Dominus enim præcepit ei, ut malediceret, & quis *2. lib. Reg. c. 16.* est, qui audeat dicere: Quare sic fecerit? Hæc P. Lobner. Vide etiam *1. 2. tra. 1. c. 1.* *suprà dicta, & hic convenienter applica.* *sec. 4. sub. 2. §*

*Actus Resignationis Sui in Dei Voluntatem ex P. Lobner* *2. & 3.*

*Biblioth. Manual. Tir. Resignatio.*

*unus.* Omnia, quæ accidunt, Divinæ voluntati adscribere *Gen. 45. v. 8.*  
exem-



exemplo Josephi Patriarchæ Fratribus dicentis: *Non vestro consilio, sed Dei voluntate hac missus sum.* Et Jobi dicentis: *Dominus dedit, Dominus abstulit; sicut Domino placuit, ita factum est.*

2<sup>us</sup>. Voluntatem Dei in omnibus ut justam agnoscere ac Psalms. 144. venerari, exemplo S. Davidis dicentis: *Iustus est Dominus in omnibus viis suis, & sanctus in omnibus operibus suis:* Nam ut rectè S. Augustinus ait: potest DEUS aliquos sine bonis meritis liberare, quia bonus est; non potest autem quenquam sine malis meritis damnare, quia iustus est. Unde rectè infert S. Gregorius: rationem de occulto DEI consilio querere, nihil aliud esse, quam contra consilium ejus superbire.

3<sup>us</sup>. Omnia ad Divinæ voluntatis nutum facere velle, & ideo nihil ordiri nisi eadem prius exploratâ, exemplo S. Pauli dicentis: *Domine, quid me vis facere?* Nè cum Israelis Principibus decipiamur, si os Domini prius non interrogemus.

4<sup>us</sup>. Adversa, quæ accidunt, generoso silentio concontemplantur, exemplo Davidis dicentis: *Obmutui, & non aperui os meum, quoniam tu fecisti.* Hic enim teste Boëthio, quidquid citra spem videas geri, rebus quidem rectus ordo est, opinioni verò tuæ de Consolat. perversa confusio.

5<sup>us</sup>. In beneplacito DEI solo super omnia delectari, exemplo Sanctorum, qui magis de executione voluntatis Divinæ, quam de sua gloria lætantur. Quo sensu etiam pius Asceta dixit: *Devotus homo ubique secum fert consolatorem suum JESUM, & dicit adeum: Adesto mihi Domine JESU, in omni loco & tempore. Hec mea sit consolatio, libenter velle carere omni humano solatio. Et si tua defuerit consolatio, sit mihi tua voluntas & iusta prebatio pro summo solatio.*

Lib. 3. de tmit,  
c. 16. § 2.

## SECTIO II.

### De Contemptu Mundi.

**M**undi contemptus, est virtus Generalis, quæ homo bona finita & temporalia respectivè ad infinita & æterna, seu ad summum Bonum, vili aut nibili æstimat. Dicitur: Virtus Generalis, non quidem ratione omnium, plurium tamen virtutum, quas in se continet



continet contentas sub Iustitia, Fortitudine, Temperantia. Unde Contemptus divitiarum propriè à virtute Iustitiæ, vel ei annexa Liberalitate, &c. elicitur: Contemptus honoris à Magnanimitate; Contemptus deliciarum ab Abstinencia, Castitate, Modestia, &c. producentur; ut manifestum est. Dicitur: *Bona*, nempe bonum honestum; seu honores, dignitates: bonum utile, quod est bonum fortunæ, seu divitiarum: bonum jucundum, seu deliciarum. Quæ omnia in se sunt limitatæ bonitatis, & cum tempore transitoria, adeoque ut talia homine capaci summi & æterni Boni indigna; non ut iis moderatè non utatur, sed quibus tanquam suæ felicitatis expletivis fruatur; quod vitiosum est juxta illud: *Uti fruendis, & frui utendis*. Dicitur: *Vili aut nihili æstimat*. Boni enim finiti ad infinitum nulla proportio, unde apud hominem capacem infiniti Boni, bona finita parvi seu nihili pendi debent. Ex qua æstimatione connaturaliter quoque sequitur eorundem bonorum temporalium exiguus vel nullus amor, nullum desiderium, exigua vel nulla quæsitio, nullum de ipsorum possessione gaudium. Imò quatenus hæc bona, & eorum affectus sunt impedimento ad acquirendum summum Bonum, magnum sui odium, fugam, & de præsentia tristitiam, uti de absentia lætitiā, merentur. Et hic est verus mundi contemptus, in ejusmodi actibus situs. Ex quibus *infertur* posse verum mundi bonorum contemptum haberi etiam ab eo, qui totius mundi Monarcha foret, modò iis congruum pretium, id est modicum vel nullum, adhibeat, neque eis apponat per amorem cor suum juxta illud Regis Sionis monitum: *Divitiæ si affluant, nolite cor apponere*. Et *Psalm. 61.* Apostolus: *Qui utuntur hoc mundo, tanquam non utantur*. Et S. Augustinus: *Sublatus est in sinum Divitis (Abraham) Pauper (Lazarus)* *1. Cor. 7.* *S. August. in* *psalm. 5.* *An potius ambo divites DEO, ambo à cupiditate pauperes.*

#### Gradus Contemptus Mundi ex Sancto Bernardo.

**F**ELICES, qui se præsentī seculo nequam advenas & peregrinos exhibent, immaculatos se custodientes ab eo. *Neque enim habemus hic manentem civitatem, sed futuram inquirimus.* *S. Bern. ser. 7.* Abstineamus in *Quadrage.* ergo à carnalibus desideriis, quæ militant adversus animam, tanquam advenæ & peregrini. *Hebr. 13.* Peregrinus siquidem viâ regiâ incedit.



cedit, non declinat ad dexteram, neque ad sinistram. Si fortè iurgantes viderit, non attendit: si nubentes aut choros ducentes, aut aliud quodlibet facientes, nihilominus transit, quia peregrinus est, & non pertinet ad eum de talibus. Ad patriam suspirat, ad patriam tendit, victum & vestitum habens, non vult aliis onerari. Beatus planè qui suum sic agnoscit, sic deplorat incolatum dicens Domino: *Quoniam advena ego sum apud te & peregrinus, sicut omnes Patres mei.*

*Psalm. 3.*

Magnum hoc quidem, sed fortè gradus aliquis altior est. Nam peregrinus etsi non admiscetur civibus, aliquando tamen delectatur videre quæ fiunt, aut audire ab aliis, quæ fiunt, aut ipse narrare quæ viderit, & his & ejusmodi etsi penitus non retineatur, detinetur tamen, & retardatur, dum minùs memor patriæ, minùs accelerat desiderio. Nam & tanto tempore potest in his delectari, ut jam non solum remoretur, & minùs citò veniat, sed & remanens ex toto, nè tardè quidem perveniat. Quis igitur est magis alienus ab actibus seculi, quam mortuus? Profectò quibus dicit Apostolus: *Mortui enim estis, & vita vestra abscondita est cum Christo in DEO.* Peregrinus nimirum potest facile occasione viatici plùs quàm oportet, & detineri quærendo, & prægnavari portando. Mortuus, si desit, etiam ipsam sepulturam non sentit. Sic vituperantes, ut laudantes, sic laudantes audit ut detrahentes, imò verò nec audit, quia mortuus est. Omnino felix mors, quæ sic immaculatum servat, imò penitus alienum facit ab hoc seculo. Sed necesse est, ut qui non vivit in se, vivat Christus in illo. Hoc est enim quod ait Apostolus: *Vivo autem jam non ego, vivit verò in me Christus.* Ac si diceret: Ad alia quidem omnia mortuus sum, non sentio, non attendo, non curo: si qua verò sunt Christi, hæc vivum inveniunt & paratum. Nam si non aliud possum, saltèm sentio, placet quod ad ejus honorem fieri video, displicent, quæ aliter fiunt.

*Coloss. 3.*

*Gal. 2.*

Magnus omnino gradus est iste. At fortasse poterit aliquid adhuc superiùs inveniri, in quo ergo quæremus? in quo putas nisi in eo, de quo nunc loquebamur, qui raptus est usquè ad tertium cælum? Quis enim prohibet tertium cælum dicere, siquidem gradum super istos poteris invenire? Audi igitur



igitur ipsum de hac tanta altitudine, non in se gloriantem, sed dicentem: *Mibi absit gloriari nisi in cruce Domini nostri IESU Christi, per quem mihi mundus crucifixus est, & ego mundo.* Non solum, inquit, mortuus mundo, sed & crucifixus, quod est ignominiosum genus mortis. Ego illi pariter, & ipse mihi. Omnia, quæ mundus amat, crux mihi sunt, delectatio carnis, honores, divitiæ, vanæ hominum laudes: quæ verò mundus reputat crucem, illis affixus sum, illis adhæreo, illa toto amplector affectu. An non major iste est secundo, & primo, gradus? Peregrinus si prudens est, & non obliviscitur suæ peregrinationis, licet cum labore transit, & non magnopere secularibus implicatur: mortuus æquè, blanda huius seculi sicut aspera spernit. Qui verò raptus est usque ad tertium cælum, crux illi est omne, cui mundus inhæret, & his adhæret, quæ mundo crux esse videntur. *Hæc S. Bernardus.*

Gal. 6.

*Incitamenta ad Contemptum honorum Mundi* eruuntur ex eorum vanitate, vilitate, brevitate, fallacia, fragilitate, amaritudine, periculis, &c. *Imum.* A sapientissimo, opulentissimo, potentissimo Rege Salomone accipe iudicium & motivum, qui ait: Vanitas vanitatum, & omnia vanitas. Quid habet amplius homo de universo labore suo, quo laborat sub sole? Generatio præterit & generatio advenit: terra autem in æternum stat. *Et paulò post:* Cunctæ res difficiles, non potest eas homo explicare sermone. Non saturatur oculus visu, nec auris auditu impletur. Quid est quod fuit? ipsum quod futurum est. Quid est quod factum est? ipsum quod faciendum est. Nihil sub sole novum, nec valet quisquam dicere: Ecce hoc recens est: jam enim præcessit in seculis, quæ fuerunt ante nos. Non est priorum memoria: sed nec eorum quidem, quæ postea futura sunt erit recordatio apud eos, qui futuri sunt in novissimo. *Idem:* Dixi ergo in corde meo. Vadam & affluam deliciis, & fruam bonis. Et vidi quod hoc quoque esset vanitas. Risum reputavi errorem, & gaudio dixi: Quid frustra deciperis? Cogitavi in corde meo abstrahere à vino carnem meam, ut animum meum transferrem ad sapientiam, devitaremquè stultitiam, donec viderem quid esset utile filiis hominum, quo facto opus est sub sole numero dierum vitæ suæ. Magnificavi opera mea, ædificavi mihi domos, & plantavi vineas,

Ecc. 1.

Idem c. 2.



feci hortos & pomaria, & conserui ea cuncti generis arboribus. Et extruxi mihi piscinas aquarum, ut irrigarem sylvam lignorum germinantium. Possedi seruos & ancillas, multamque familiam habui: armenta quoque & magnos ovium greges ultra omnes, qui fuerunt ante me in Hierusalem. Coacervavi mihi argentum & aurum, & substantias Regum & provinciarum. Feci mihi cantores & cantatrices, & delicias filiorum hominum, scyphos & urceos in ministerio ad vina fundenda. Et supergressus sum opibus omnes, qui ante me fuerunt in Hierusalem: sapientia quoque perseveravit mecum. Et omnia, quæ desideraverunt oculi mei, non negavi eis, nec prohibui cor meum, quin omni voluptate frueretur, & oblectaret se in his, quæ præparaveram: & hanc ratus sum partem meam, si uterer labore meo. Cumque me convertissem ad universa opera, quæ fecerant manus meæ, & ad labores, in quibus frustra sudaveram, vidi in omnibus vanitatem & afflictionem animi, & nihil permanere sub sole. *Et paulo infra:* Et idcirco tædedit me vitæ meæ videntem mala universa esse sub sole, & cuncta vanitatem & afflictionem spiritûs. Rursus detestatus sum omnem industriam meam, quâ sub sole studiosissime laboravi, habiturus hæredem post me, quem ignoro, utrum sapiens an stultus futurus sit, & dominabitur in laboribus meis, quibus desudavi, & sollicitus fui: & est quidquam tam vanum? Unde cessavi renunciavitque cor meum ultra laborare sub sole. Nam cum alius laboret in sapientia & doctrina & sollicitudine, homini otioso quæsitâ dimittit: & hoc ergo vanitas & magnum malum. Quid enim proderit homini de universo labore suo & afflictione spiritûs, quâ sub sole cruciatus est? Cuncti dies ejus doloribus & ærumnis pleni sunt, nec per noctem mente requiescit, & hoc nonne vanitas est? *Idem:* Verti me ad alia, & vidi calumnias, quæ sub sole geruntur, & lachrymas innocentium, & neminem consolatorem: nec posse resistere, eorum violentiæ cunctorum auxilio destitutos. Et laudavi magis mortuos quàm viventes: & feliciorum utroque judicavi qui necdum natus est, nec vidit mala, quæ sub sole fiunt. Rursum contemplatus sum omnes labores hominum, & industrias animadverti patere invidiæ proximi, & in hoc ergo vanitas & cura superflua est. *Idem:* Est & aliud malum, quod vidi sub sole, & quidem.

*Idem.**Idem. c. 4.**Idem c. 6.*



dem frequens apud homines: Vir, cui dedit DEUS divitias & substantiam, & honorem, & nihil deest animæ suæ ex omnibus quæ desiderat, nec tribuit ei potestatem DEUS, ut comedat ex eo, sed homo extraneus vorabit illud: hoc vanitas, & miseria magna est. Si genuerit quispiam centum liberos, & vixerit multos annos, & plures dies ætatis habuerit, & anima illius non utatur bonis substantiæ suæ, sepulturâque careat: de hoc ego pronuncio, quod melior illo sit abortivus. Frustrâ enim venit, & pergit ad tenebras, & oblivione delebitur nomen ejus. Non vidit solem, neque cognovit distantiam boni & mali: etiamsi duobus millibus annis vixerit, & non fuerit perfruitus bonis: nonne ad unum locum properant omnia? Omnis labor hominis in ore ejus: sed anima ejus non implebitur. Quid habet amplius sapiens à stulto? & quid pauper, nisi ut pergat illuc, ubi est vita?

Sap. 8.

2dum. In lib. Sapientiæ gemitus mundi amatorum describuntur: Lassati sumus in via iniquitatis & perditionis, & ambulavimus vias difficiles: viam autem Domini ignoravimus. Quid nobis profuit superbia? aut divitiarum jactantia quid contulit nobis? Transierunt omnia illa tanquam umbra, & tanquam nuntius præcurrens, & tanquam navis, quæ pertransit fluctuantem aquam, cujus, cum præterierit, non est vestigium invenire, neque semitam carinæ illius in fluctibus. Aut avis, quæ transvolat in aëre, cujus nullum invenitur argumentum itineris illius, sed tantum sonitus alarum verberans levem ventum, & scindens per vim itineris aërem, commotis alis transvolavit, & post hoc nullum signum invenitur itineris illius. Aut tanquam sagitta, emissâ in locum destinatum, divisus aër continuo in se reclusus est, ut ignoretur transitus illius: sic & nos nati, continuo disivimus esse: & virtutis quidem nullum signum valuimus ostendere. In malignitate autem nostra consumpti sumus. Talia dixerunt in inferno hi, qui peccaverunt.

3tium. Christus refert quendam divitem ita suam animam alloquentem: Anima habes multa bona posita in annos plurimos: *Luce 12.* requiesce, comede, bibe, epulare. Dixit autem illi DEUS: stulte hac nocte animam tuam reperunt à te, quæ autem parâsti, cujus erunt? Sic est, qui sibi thesaurizat, & non est in DEUM dives.



Apocalyp. 18.

In Apocalypsi describitur poena & lamentum super Babylone magna, seu mundo, id est mundanis, carnalibusque hominibus post diem iudicii pariter in æternum detrusis. Et post hæc vidi alium Angelum descendentem de cælo, habentem potestatem magnam, & terra illuminata est à gloria ejus, & exclamavit in fortitudine dicens: Cecidit, cecidit Babylon magna, & facta est habitatio dæmoniorum, & custodia omnis Spiritus immundi, & custodia omnis volucris immundæ & odibilis: quia de vino iræ, fornicationis ejus biberunt omnes gentes, & Reges terræ cum illa fornicati sunt: & mercatores terræ de virtute deliciarum ejus divites facti sunt. Et audiui aliam vocem de cælo dicentem: Exite de illa populus meus: ut ne participes sitis delictorum ejus, & de plagis ejus non accipiaris. Quoniam pervenerunt peccata ejus usque ad cælum: & recordatus est DEUS iniquitatum ejus. Reddite illi, sicut & ipsa reddidit vobis, & duplicate duplicia secundum opera ejus. In poculo quo miscuit, miscete illi duplum. Quantum glorificavit se, & in deliciis fuit, tantum date illi tormentum & luctum: quia in corde suo dicit: sedeo Regina, & vidua non sum, & luctum non videbo. Ideo in una die venient plagæ ejus, mors, & luctus, & fames, & igne comburetur: quia fortis est DEUS, qui judicabit illam. Et flebunt & plangent se super illam Reges terræ, qui cum illa fornicati sunt, & in deliciis vixerunt, cum viderint fumum incendii ejus: longè stantes propter timorem tormentorum ejus dicentes: Væ! Væ! civitas illa magna Babylon, civitas illa fortis: quoniam unâ horâ venit iudicium tuum. Et negotiatores terræ flebunt, & lugent super illam: quoniam merces eorum nemo emet amplius, merces auri, & argenti, & lapidis pretiosi, & margaritæ, & byssi, & purpuræ, & serici, & cocci, & omne lignum thynum, & omnia vasa eboris, & omnia vasa de lapide pretioso, & æramento, & ferro, & marmore, & cynamomum, & odoramentorum, & unguenti & thuris, & vini, & olei, & similia, & tritici, & jumentorum, & ovium, & equorum, & rhedarum, & mancipiorum, & animarum hominum. Et poma desiderii animæ tuæ discesserunt à te, & omnia pingvia & præclara perierunt à te, & amplius illa jam non invenient. Mercatores



ectores horum, qui divites facti sunt, ab ea longè stabunt pro-  
 pter timorem tormentorum ejus, flentes ac lugentes, & dicentes:  
 Væ! Væ! civitas illa magna, quæ amicta erat bysso, & purpura,  
 & cocco, & deaurata erat auro, & lapide pretioso,  
 & margaritis: quoniam unâ horâ destitutæ sunt tantæ divitiæ. Et  
 omnis gubernator, & omnis qui in lacum navigat, & nauta, &  
 qui in mari operantur, longè steterunt, clamaverunt videntes lo-  
 cum incendii ejus dicentes: Quæ similis civitati huic magnæ?  
 Et miserunt pulverem super capita sua, & clamaverunt flentes, &  
 lugentes dicentes: Væ! Væ! civitas illa magna, in qua divites  
 facti sunt omnes, qui habebant naves in mari de pre-  
 tiis ejus: quoniam unâ horâ desolata est. Exulta super  
 eam cælum, & Sancti Apostoli, & Prophetæ; quoniam judica-  
 vit DEUS judicium vestrum de illa. Et sustulit unus Angelus  
 fortis lapidem quasi molarem magnum, & misit in mare dicens:  
 Hoc impetu mitietur Babylon civitas illa magna, & ultra jam  
 non invenietur. Et vox citharæcedorum, & musicorum, & tibia-  
 canentium & tuba, non audietur in te amplius, & omnis artifex  
 omnis artis non invenietur in te amplius: & vox molæ non audi-  
 etur in te amplius & lux lucernæ non lucebit in te amplius: & vox  
 sponsi & sponsæ non audietur adhuc in te: quia mercatores tui  
 erant principes terræ, quia in veneficiis tuis erraverunt omnes  
 gentes. Et in ea sanguis Prophetarum, & Sanctorum inventus est,  
 & omnium, qui interfecti sunt in terra.

4<sup>um</sup>. Christus ait: Et ego rogabo Patrem, & alium Paracle-  
 tum dabit vobis, ut maneat vobiscum in æternum, Spiritum ve-  
 ritatis, quem mundus non potest accipere, quia non videt eum,  
 nec scit eum. Idem. Si mundus vos odit, scitote quia me prio-  
 rem vobis odio habuit. Si de mundo fuissetis, mundus quod  
 suum erat, diligeret. Quia verò de mundo non estis, sed ego  
 elegi vos de mundo, propterea odit vos mundus. Joan. Mundus  
 totus in maligno positus est. Itidem: Omne quod natum est  
 ex DEO, vincit mundum.

Joan. 19.

Epist. I. Joann.  
c. 5.

5<sup>um</sup>. Incitamentum. S. August: O amatores mundi, cu-  
 jus rei gratiâ militatis? major non esse poterit spes vestra in  
 mundo, quam ut amici mundi sitis. Ibi quid nisi fragile, ple-  
 num periculis, & per quot pericula pervenitur ad majus peri-  
 culum?

S. August. lib.  
Confess.



culum. Pereant hæc omnia, & dimittamus hæc vana, & inania; conferamus nos ad solam inquisitionem eorum, quæ finem non habent, vita hæc miseria est: mors incerta subito obrepit: & post hæc negligentia poena supplicio luenda est. *Idem*: Si Christus pro te de cælesti sede descendit, tu propter ipsum fuge terrena. Si dulcis est mundus, dulcior est Christus, Si amarus est mundus, omnia pro te sustinuit Christus. *S. Gregorius*: Si consideramus Fratres charissimi, quæ & quanta sint, quæ nobis promittuntur in cælis, vilescunt animo omnia, quæ habentur in terris. Terrena namque substantia supernæ felicitati comparata pondus est, non subsidium: temporalis vita, æternæ vitæ comparata mors est potius dicenda, quam vita. Ipse enim quotidianus defectus corruptionis quid est aliud, quam quædam prolixitas mortis? *S. Bernardus*: Mundus est, ubi malitiæ plurimum, ubi sapientiæ modicum, ubi omnia sunt viscosa, omnia lubrica, omnia operta tenebris & obsessa laqueis, ubi periclitantur animæ & affliguntur corpora, ubi omnia vanitas & afflictio spiritus.

*S. Bern. in* Et in Joële dicitur: Confusum est gaudium à filiis hominum. *Idem*: *Dominica pal.* Videat sæcularis anima, videat & intelligat, quoniam extrema gaudii luctus occupat. Propter hoc enim, qui cœtera quoque coepit facere & docere, non solum verbis prædicans, sed exemplis, quod antea prædixerat per Prophetam; quoniam omnis caro fœnum, & omnis gloria ejus quasi flos fœni, etiam apparens in carne manifestè studuit probare in se ipso. Unde & processions gloriâ voluit sublimari: quod paulò post sibi noverat imminere diem ignominiosissimæ passionis. Quis ergo sperare jam debeat in incerto gloriæ temporalis, cum videat in ipso quoque qui peccatum non fecit, Creatore temporum, & Conditor Universitatis, post exaltationem tãtam nihilominus humiliationem sequi? In eadem enim civitate, à plebe eadem, & eodem tempore nunc quidem processions gloriâ & Divinis laudibus honoratus, postmodum verò interrogatus contumeliis & tormento, & cum sceleratis deputatus. Hic est transitoria finis lætitiæ, hic fructus gloriæ temporalis. Propterea prudenter orat Propheta, ut canter Domino gloria ejus, & non compungatur; id est processionem habeat, quam passio non sequatur. *Seneca*. Punctum *Nat. quest.* est,



est, inquit, in quo navigatis, in quo bellatis, in quo regna disponitis: hoc est illud punctum, quod inter tot gentes ferro & igni dividitur. O quam ridiculi sunt mortalium termini? Cum te in illa magna verè sustuleris, videbis exercitus ire subjectis vexillis, & licebit dicere: Est nigrum campis agmen, fornicarum iste discursus est in angusto laborantium.

*Etiam Incitamentum.* Exempla inconstantiae mundi, ex *P. Lobner Biblioth. Manual. Tit. Mundus.* I. Sejanus Consul sub Tiberio Imperatore tantæ fuerat authoritatis, ut illo absente Romæ *Dionys. lib. 58* Imperatorem ageret, aureoque in curru veheretur. Sed subito ad eum literæ sunt allatæ, quibus cum speraret dignitatem suam Tribuniati potestate auctum iri, iussus est in vincula conjici, capite plecti, unco trahi, & in Tiberim præcipitari. II. Pertinax Imperator sic dictus, quod imperium pertinaciter recusasset, primum Grammaticam professus, postea alimentorum procurator, inde Consul designatus, demum Africæ Proconsul, & ex hoc Imperator à militibus electus, vix octoginta dies imperium tenuit, & ab iisdem militibus occisus est. III. Bellisarius post ingentes *Drex. p. I. Ro-* de Barbaris victorias reportatas, demum à Justiniano Imperato- *far. c. 12. §. 5.* re oculis orbatus, è tuguriolo à prætereuntibus stipem rogavit dicens: Viator obsecro, da obulum Bellisario, quem invidia cæcavit, non culpa. *Hec Lobner.*

*7timum.* Merces amatorum mundi. Refert Petrus venerabilis Abbas Cluniacensis, quia monachus quidam cum in extremis *Collect. Spectu-* vitæ suæ esset, anima sua ducta sit ante infernalem portam. Quæ *li Exemp. Dist.* cum ibi tot diversitates poenarum conspiceret, ultra quam dici potest, tremere ac horrescere coepit, quod nè faceret Angelus prohibuit. Ibi vero aliquamdiu morante eo, vidit quosdam dæmones præcurrentes, & nimium cachinnantes de perditione animæ cuiusdam divitis, quam socii sui secum in barathrum damnationis attraxerunt. Venientes autem ad Principem dæmoniorum, dixerunt se amici sui animam cum gaudio attrahere. Quibus congaudens (si gaudium infelicitas dici potest) ait: Accipite & pomposè sicut solitus erat in cathedra sedere facite, induentes eum, sicut solitus erat, veste honorificâ. Et sedere eum fecerunt super sedem ita inextingvibiliter ardentem, quod si to-



tum mare superfunderetur, nullatenus extingveretur. Pallium verò, quo eum circumdederunt, non minoris flagrantia erat. Illo in sede miserabiliter collocato, & infelicius vestito Princeps ad suos feruientes dicit: Ite, & sicut decens est, tali amico nostro poculum nostræ delectationis propinate. Tunc tanquam ærum liquorem candentem omni genere foetoris mixtum ori ejus apposuerunt, & appositus per omnia membra ejus in flammam diffusus effundebatur, quo potato jocularores dæmones, qui ei jocularentur admisit, qui accipientes duo cornua ignibus plena, auribus ejus apposuerunt, & corniculari incipientes, scintillas per oculos ejus, & per nares, & per omnia foramina ejus emittebant. Deinde in cameram misit, ut contra delectationes carnales, quas solebat cum puellis, dum adhuc viveret, exercere infernales pateretur amaritudines, quæ omnium serpentum generibus erat repleta, & ita nimio calore incensa, quod candentis ferri satis evinceret ardorem, à quibus exceptus, quàm horribiliter amplexatus est, quàmquæ dedecorose osculatus, quàmquæ miserabiliter sit contrectatus, & per omnia membra discerptus, à nobis pius Pater removeat, quod nunquam experiamur, & contra quæque oblectamenta carnalia, quæ prius habuerat vivens, singula tormenta infernaliter inferebant. Hoc viso anima Monachi ad corpus rediit, & quidquid viderat ob utilitatem audientium plurimis enarravit.

*S. Bern. f. 3. de Nativit. Idem ser. 5. in Festo Omnium Sanctorum.* *8. viii. Exempla Contemptorum mundi. I. Christus, qui omnia mudo contraria elegit. Aut ergo ait S. Bernardus mundus errat, aut Christus fallitur; atqui hunc, cum sit infinita Sapiencia falli impossibile est, ergo mundum errare necesse est. Idem: Pudeat sectari gloriam membra, quibus Caput suum tam inglorium exhibetur, non habens speciem aut decorem, vel aliquid ejusmodi. Pudeat sub spinato Capite, membrum fieri delicatum quod omnis ei interim purpura non tam honoris sit, quàm irrisuionis. Denique Christo fuit mundus crucifixus, id est instar patibularii exosus quoad appetitum & curam suorum bonorum: quia Spiritus S. qui similem contemptum mundi operabatur in Paulo Apostolo, multò magis operatus est in Christo, qui est exemplar universale & principale Contemptorum mundi. Tum ipse quoque Chri-*



Christus fuit mundo seu mundi amatoribus primò moraliter, deinde & physicè crucifixus. Moraliter inquam, quia etiam ad videndum erat eis gravis, & tanto odio in eum exarserunt, quali nunquam potuissent auersari fuisse omnium furum & nebulonum scelestissimum, quam aversionem satis probârunt in omnium acerbissima & ignominiosissima persecutione, passione, morte competente omnium nefariorum nefandissimo. II. Beata Virgo, de qua S. Bernardus ait: Meritò autem concupivit Rex S. Bern. hom. 3. decorem Virginis: Fecerat enim quidquid longè antè præmonita fuerat à Patre suo David dicente sibi: Audi filia, & vide, & inclina aurem tuam, & obliviscere domum tuam, & domum Patris tui, & si hoc feceris, concupiscet Rex decorem tuum. Audivit quippe, & vidit, non ut quidam, qui audientes non audiunt, & videntes non intelligunt: sed audivit & credidit, vidit, & intellexit. Et inclinavit aurem suam ad obedientiam, & cor suum ad disciplinam, & oblita est populum suum, & domum Patris sui, quia nec populum suum augere pro successione, nec domui Patris relinquere curavit hæredem, sed quidquid honoris in populo, quidquid de paterna domo rerum terrenarum habere potuisset, omnia arbitrata est ut stercora, ut Christum lucrifaceret, nec sefellit intentio, quando & Christum vendicavit sibi filium, nec propositum pudicitiae violavit. III. S. Arsenius cum ex aula Theodosii conspectâ mundi vanitate, in solitudinem secessisset, ab Arcadio humanissimis literis, & totius Aegypti vectigalibus promissis, ad aulam invitatus est. Sed is nec rescribere dignatus, hoc solùm renuntiari iussit: Det veniam DEus nostris erroribus. Ego quidem mortuus sum mundo, pecuniam non est construere mei muneris, neque enim mortuorum nummos tractant, æterna cogitare id unum ad me spectat. Cum verò postea Magiltrianus è paterna domo testamentum illi afferret, quo hæres ex asse scribebatur, respondit: Ego prius mortuus sum, quàm Pater meus: quâ ergo ratione, mortuus mortuum hæredem scribit? Tolle quidquid hoc scripti est & abi. IV. S. Alexius ipsâ nuptiarum suarum die, à paterna domo profugus, & post aliquot annos rediens sub specie mendici, usque ad mortem delituit, raroquè sed pulcherrimo

Zachar. Epistol. 19. Julii

Idem 17. Julii



Idem Janua.

exemplo, mundo illulit. Idem S. Ioannes Calybica fecit, qui ut mundum, diabolumquē reditum ad Parentes & Patriam assiduò suadentes generosè vinceret, rediit quidem sed mendicorum assumptis vestibus, sicquē incognitus in paterna domo

Baron. anno 330. &amp; 332.

usque ad mortem latuit. V. S. Gallicanus Romani Dux exercitus, post Sauromatas, Gothos, & plures alios populos domitos, Constantiam Constantini Augusti filiam matrimonio sibi locatam cum immensis opibus reliquit, & ex urbe ad ostia Tiberina secedens, hominum infirmorum servitiis se totum addixit. Cujus rei famā divulgata undique multi illuc confluerunt, ut viderent Patricium Consulare, Triumphalem, Imperatoris generum, ad infima ministeria abiectum. Quo mundi contemptu Gallicanus effecit, ut postea palmam Martyrii Alexandria sit consecutus. VI. Stupendum exemplum Contemptus mundi in S. Esther Regina, uxore Assueri Regis, Monarchæ super centum viginti septem Provincias, quæ ita oravit ad

Esther. c. 14.

DEUM: Domine, qui habes omnium scientiam, & nōsti quia oderim gloriam iniquorum, & detester cubile incircumcisorum, & omnis alienigenæ. Tu scis necessitatem meam, quod abominer signum superbiæ & gloriæ meæ, quod est super caput meum in diebus ostensionis meæ. & detester illud quasi pannum menstruatæ, & non portem in diebus silentii mei, & quod non comederim in mensa Aman, nec mihi placuerit convivium Regis, & non biberim vinum libaminum, & nunquam letata sit ancilla tua, ex quo hac translata sum usque in præsentem diem, nisi in te Domine DEUS Abraham.

I. 2. tra. 1. c. 1.

In Praxi ad comparandum perfectum mundi Contemptum, applica hic proportionatè suprâ dicta: Item: Exerce Internos actus  
sec. 4. subf. 1. & affectus ad mundi contemptum stimulantés suprâ positos. Item:  
§ 3. sub præxi Medit & i. Sequentes actus perface.

bidem subf. 2.

§ 2.

Actus Externi Christianæ Abdicationis rerum temporalium, ex Thesaurò indefic: Blasii Palma.

OMnibus istud dictum: Beati pauperes spiritu, quoniam ipsorum est regnum celorum. Sicut omnes spectat fulmen illud: Væ vobis divitibus! Ad omnes etiam pertinet: Qui non renunciat omnibus, quæ possidet, non potest meus esse discipulus, id est Christianus. Est autem

tem.



tem Paupertas, voluntaria bonorum temporalium abdicatio, nonnunquam consilii, nonnunquam præcepti. Igitur 1. Erues omnem pravam opum appetitionem, honori mundano nuncium remittes, carnis idelicias ex animo aspernabêre: imò ipsa amicorum rerumquè terrenarum solatia respues, si te à virtutis studio revocent; curas quoque superfluas rerum quæ ad hanc vitam pertinent moderabêre.

2. Avaritiæ sordes, pestem, imò (quo nomine vocat Apostolus) Idololatriam, sordidiùs peste, idolo diriùs ac tetriùs odi ac fuge.

3. Divitiæ, si affluant, noli cor apponere: Ita Regius Pfaltes imperat. Opum tuarum Dominus esto, non tu earum mancipium.

4. Ita esto animo compositus, pati egestatem magis & mortem, quàm fraude aut peccato quovis opes congregare: itemquè vel imperia ipsa ad Crucifixi pedes ponere, si calum vocat imperatvè.

5. Superfluum luxum in suppellectili, ac vestitu tuo, tum tuorum amputa.

6. Quod debes exsolve, aliena redde, cave, nè pauperum mercedem apud te durus retineas, detestabile est hoc latrocinium.

7. In pias causas, templorum ornatum, Religiosorum præsertim mendicantium, aliorumquè piorum hominum necessitates, eleemosynas congere: eos velim tibi in primis commendatos, quos aut necessitas aut scæda flagitia compellunt, aut ingenuitas à stipe corroganda avocet.

8. E dapfili prandio aut cæna, si epulum nuptiarum, justorum funebrium, aliaquè sollenni causâ apparaveris, ex singulis mislibus frustum exscinde, quod Christo præbeas, pauperibus, ægris præsertim domi jacentibus, in carcere, xenodochiis, aut nosocomiis.

9. Certam bonorum partem divide in pauperes hebdomadatim distribuendam. Pœneratur DEO, qui dat pauperi. Petenti igitur tu supem statim commodato; si nihil habes, at bona saltè verba reddito. DEUS est, qui ex asse obulum repetit: liberos, famulos, ancillas ita loqui jubebis: Pater, here, Christus



præforibus stat, eleemosynam petit, stipem filii ipsi ferant, ita o-  
lim misereri condeceantur. Pauperem unum aliquem continuò  
sustenta, & primo diei lucro, & è quovis contractu partem de-  
me, quam pauperi numeres. Habes, quos imitère.

10. Hoc officium in pauperes nec moriens negliges: te-  
stamento ex parte saltèm tuorum bonorum hæredem Christum  
scribe: ita vel tunc cælum nundinare, aut rape.

## SUBSECTIO I.

### De Contemptu Honorum, & Dignitatum mundi.

*Psal. 36.*

**M**otiva adeundem Contemptum. *inim. Psalm.* Vidi impium  
superexaltatum, & elevatum sicut cedros Libani, & tran-  
sivi & ecce non erat; & quæsi eum, & non est inven-  
tus locus ejus. *Psal.* Dejecisti eos, dum allevarentur. Quo-  
modo facti sunt in desolationem, subito defecerunt: perierunt

*Psal. 72.*

propter iniquitatem suam. *Apud Danielelem:* statua illa magna,  
representativa quatuor Monarchiarum mundi, tandem,  
soluta in favillam æstivæ aræ, & à vento rapta nus-  
quam ampliùs comparuit; significat summa imperia mundi  
tandem desitura, & ampliùs non comparitura. Quod profe-  
ctò magnæ vanitatis adeoque contemnendæ indicium est. *Eccl.*

*Danielem*

*6. 2.*

*Eccl. 9.* Non zeles gloriam, & opes peccatoris, non enim scis, quæ  
futura sit illius subversio. *Apocal.* Quantum glorificavit se-  
& in deliciis fuit, tantum date illi tormentum & luctum.

*Apocal. 18.*

*S. Chrysost.*

*super Matth.*

*2dum. S. Chrysostomus:* Quicumque desiderat primatum,  
cælestem, sequatur humilitatem terrestrem: non enim qui ma-  
jor fuit in honore, ille major: sed qui justior, ille major. *S.*

*S. Bern. in cant.*

*Bernardus:* Qui de amore non venit honor, non honor, sed adu-  
latio est. *Idem:* Nunquid in honore sine dolore, in prælatione  
sine tribulatione, in sublimitate sine vanitate esse quis potest?  
Ecce quales honores. Quid autem de gloria? Gloria tibi unde  
foetide pulvis, limus terræ, vas in contumeliam. ! Non tibi, non

*Petr. Ravenna*

tibi; sed nomini Domini da gloriam. *Petrus Rav.* Divitias &  
in quod sermo, honores sollicitudo inseparabiliter comitatur. Pompa mundi,  
&



& favor populi fumus est, & aura subito evanescens, quæ si placeant, plerumque poenitudinem inducunt; & si delectant ad modicum, productiore spatio displicebunt. Beyrl. Veteres regnū nunc splendidam servitutem, nunc auratos compedes, nunc falsam felicitatem; inter Christianos verò statum miserrimum, salutis naufragium, curarum ac discriminis abyssum, libertatis vinculum vocabant.

Beyrlinck tex.  
3. in festo S. Jacobi.

3<sup>ium</sup>. *Exempla Christiana Contempti honoris ex Biblioth. Man.*

P. Lobner. I. Christus, cum post miraculum insigne patratum populus eum Regem facere vellet, fugit & honori se subduxit. Joann. 6.  
II. Moyses adhuc puer, cum in sinu Pharæonis à filia collocato, Joseph. lib. 2. Rex diadema capiti illius imposuisset, indignabundus in terram antiq. c. 5. abjecit, & pedibus conculcavit. III. S. Malachias ad onus Sur. Tom. 6. Archiepiscopale vocatus omnibus modis recusavit, anathema in vita. verò, nisi pareat minitantibus, tandem acceptavit dicens: Ad mortem me ducitis, sed obediō spe martyrii. IV. S. Fran- Sur. Tom. 5. ciscus rogatus à Domino Hostiensi, utrum suos Fratres in vit. ad Ecclesiasticas dignitates promoveri vellet? Respondit: Minores ideo vocati sunt Fratres mei, nè majores fieri præsumant. V. Godefridus Bullionius cum ob devictam Solymam Christiani Principes eum Regem proclamassent, aureamquē coronam obtulissent, regni quidem titulum rogatus non abnuit; coronam verò capiti imponi noluit dicens: Indignum est aureo illic diademate hominem uti, ubi Rex Regum Christus pro hominum salute spineam portavit. VI. Carolus Magnus cum Saxones ali- Mauserus lib. quē finitimi populi ad pedes ejus prociderent, sequē obsequio 9. Cosm. c. 19. ejus devoverent, illis in brachia acceptis dixit: Nolo vos mihi servire sed DEO.

Platina in vit.  
Paschalis II.

4<sup>um</sup>. *Exempla profana.* I. Antigonus in Regem adscitus, Beyrlinck Te. 3.

priusquam diadema capiti imponeret: O nobilem magis aiebat, in fest. S. Jac. quàm felicem pannum! quem si quis penitus cognoscat, quàm multis solitudinibus periculis & miseriis sit refertus, nec humi quidem iacentem tollere vellet. II. Alexander Severus Impera- Josephus Lang. tor creatus, cum vix annos sedecim natus esset, ob virtutes eximi- in polianth. v. as et tulis magnificis à senatu decoratus, nunquam animum indu- eodem. xit, ut se magnum, & Patriæ Patrem nominari pateretur: Oportere enim aiebat, ut res gestæ maturiorquē ætas ea nomina para-



ret. III. Maximus senior Cæsar, nunquam ad oscula pedum, quinquam admisit dicens: Dii prohibeant ut quisquam ingenuorum pedibus meis oscula figat.

Josephus Lang.  
v. eodem.

In Praxi fit contemptus honorum per exercitium Magnanimitatis, Humilitatis, &c. Denique cum non habentur honores non appetere, oblati non delectari, nec intumescere, sed eis se indignum judicare.

Accipe quoque ex supra dictis hic applicans proportionatâ Methodo.

1. 2. tra. 1. c. 1.

sec. 4. subf. 2.

§ 2. & 3.

## SUBSECTIO II.

### De Contemptu Divitiarum.

Psal. 38.

Prov. 23.

Eccle. c. 5.

Eccle. 31.

v. Matth. c. 13.

v. 22.

v. Matth. c. 19.

v. 24.

**I**ncentiva ad præfatum Contemptum. immum. Psalm. Verumtamen in imagine pertransit homo: sed & frustra conturbatur. Theaurizat, & ignorat cui congregabit ea. Et nunc quæ est expectatio mea nonne Dominus, & substantia mea apud te est? Prov. Noli laborare ut diteris, sed prudentiæ tuæ pone modum. Eccle. Avarus non implebitur pecuniâ: & qui amat divitias, fructum non capiet ex eis: & hoc ergo vanitas. Ubi multæ sunt opes, multi & qui comedunt eas. Et quid prodest possessori, nisi quodd cernit divitias oculis suis? Dulcis est somnus operanti, siue parum, siue multum comedat, saturitas autem divitis non finit eum dormire. Est & alia infirmitas pessima, quam vidi sub sole: divitiæ conservatæ in malum Domini sui. Pereunt enim in afflictione pessima: generavit filium, qui in summa egestate erit. Sicut egressus est nudus de utero matris suæ, sic revertetur, & nihil auferet secum de labore suo. Miserabilis prorsus infirmitas: quomodo venit, sic revertetur. Quid ergo prodest ei qui laboravit in ventu? Cunctis diebus vitæ suæ comedit in tenebris, & in curis multis, & in ærumna atque tristitia. Eccle. Beatus dives qui inventus est sine macula, & qui post aurum non abiit, nec speravit in pecunia & thesauris. Quis est hic & laudabimus eum? Fecit enim mirabilia in vita sua. Christus divitias comparat spinis dicens: Qui autem seminatus est in spinis: (id est homo, qui suscepit semen verbi Divini) hic est, qui verbum audit, & sollicitudo seculi istius & fallacia divitiarum suffocat verbum, & sine fructu efficitur. Idem Dominus ait:



ait: Amen dico vobis, quia dives difficilè intrabit in regnum cælorum. Et iterum dico vobis: Facilius est camelum per foramen acûs transire, quàm divitem intrare in regnum cælorum. Auditis autem his discipuli mirabantur valde dicentes: Quis ergo poterit salvus esse? Aspiciens autem JESUS dixit illis: Apud homines hoc impossibile est, apud DEUM autem omnia possible sunt.

2dum. S. Augustinus: Aurum est materia laborum, periculum possidentium, enervatio virtutum, malus Dominus, proditor servus. Idem: Aurum ampliùs cruciat, apud quem largius fuerit, aurum amanti se nihil de sua possessione permittit: refundens ei reatum suum, cui usum negat. S. Chrysostomus: Divitiæ maximæ, non egere divitiis. Idem: Divitiarum sequela est luxuria, ira intemperans, furor injustus, arrogantia superba, omnisquæ irrationabilis motus. S. Bernardus: Filii Adam, genus avararum & ambitiosum audite: Quid vobis cum terrenis divitiis, & gloria temporali, quæ nec veræ, nec vestræ sunt? Aurum & argentum, nonnè terra est rubra & alba, quam solus hominum error facit (ac magis reputat) pretiosam? Denique si vestra sunt hæc, tollite ea vobiscum. Sed homo cum interierit, non sumet omnia, neque descendet cum eo gloria ejus. Idem: Quid enim tam absconditum, quàm paupertatem esse beatam? Attamen Veritas loquitur, quæ nec falli, nec fallere potest, & ipsa est, quæ dicit: Quoniam beati pauperes spiritu. Sic vos insensati filii Adam divitias quæritis, divitias desideratis usque adhuc: cum jam beatitudo pauperum Divinitus commendata, prædicata mundo, credita sit ab hominibus? Quærat eas Paganus, qui vivit sine DEO, quærat Judæus, qui terrenas promissiones accepit, sed quâ fronte magis, aut quâ mente Christianus divitias quærit, postquam Christus beatos esse pauperes prædicavit? Quousque filii alieni, quousque vanitatem loquetur os vestrum, ut beatum populum dicatis, cui hæc sunt, hæc visibilia, hæc præsentia: cum Filius DEI os suum aperiens locutus sit veritatem, beatos esse pauperes, &c: Væ divitibus!

3tium, Exempla sanctorum. S. Job quomodo erga divitias affectus fuerit, Job. 31. v. 25, testatur ipse, dum ait: Si lætatus sum super multis divitiis meis, &



quia plurima reperit manus mea, &c: pro frumento oriatur mihi tribulus, & pro hordeo spina. *S. Gregorius* sæpè dicere solebat verè divitiarum contemptor: Solæ divitiæ veræ sunt, quæ nos divites virtutibus efficiunt. Si ergo fratres divites esse cupitis, veras divitias amate. *Euphrasia* Antigoni filia promittenti Theodosio Imperatori opulentam dotem, si Adolefcenti cuidam Patricio, cui à parentibus promissa fuerat, nuberet, respondit: Opes meæ Christus est, tu tuas aliis dato: sicque Monasterium ingressa Christo se desponsavit.

*Atum. Exempla profana.* Crates Thebanus vir ditissimus projecit divitias in mare dicens: Ite pessimæ divitiæ, præstat ut vos mergam, quàm ut à vobis mergar. *Aliud.* Babytaces in septentrionali Tygris alueo siti incolæ, aurum in odio usque adeo habent, ut coëmant illud ac defodiant, nè cui mortalium sit in usu. *Plin. lib. 6. c. 27.* *Aliud.* Anacreon Philosophus, cum à Polycrate Samiæ Rege decem millia ducatorum dono accepisset, ideoque ob phantasias & curas animi inde exortas triduo insomnis fuisset, remisit donum, jubens retinere res suas, quando præter curas & inquietudinem aliud nihil donare posset. *Aliud.* Telecrus percontanti, quantum possideret auri? Non plus, respondit, quàm sat est; quo dicto clarè ostendit, se divitias non cupiditate, sed usu metiri.

*In Praxi* acquiritur Contemptus divitiarum amore & exercitio operum Misericordiæ, Justitiæ, Liberalitatis, Christianæ Paupertatis, &c: Cæterùm divitiarum nimium appetitum cave, in eis non complaceas, circa eas sollicitudinem nimiam fuge.

1. 2. tra. 1. c. 1.

sect. 4. subf. 2.

§. 2.

Vide etiam suprâ dicta & ea hic congrua modo adhibe.

### SUBSECTIO III.

#### De Contemptu Deliciarum.

*Eccl. 2.*

*Eccl. I.*

*Eccl. II.*

**I**nveitamenta ad præsatum Contemptum. *Imum.* Rex Salomon de se ipso: Quis ita devorabit, & deliciis affluet ut ego? Hoc tamen idem dicit esse vanitatem & afflictionem spiritus, dum ait: Vidi cuncta, quæ fiunt sub sole, & ecce universa vanitas & afflictio spiritus. *Eccl.* Si annis multis vixerit homo, & in his omnibus lætatus fuerit, meminisse debet tenebrosi temporis, & dierum



dierum multorum, qui cum venerint, vanitatis arguentur præterita. Christus inquit: Quod autem (semen verbi Divini) in spinas cecidit, hi sunt qui audierunt, & à solitudinibus, & divitiis, & voluptatibus vitæ euntes suffocantur (in peccatis) & non referunt fructum (virtutis).

Luc. 8.

2dum, S. Chrysostomus: Sicut impossibile est, ut ignis in aqua flammetur: ita impossibile est compunctionem cordis lib. Compun. vigere in deliciis. Contraria enim hæc sibi sunt invicem & per-

emptoria. Illa enim mater fletus, hæc mater est risus: illa cor constringit, ista dissolvit. Idem: Centum, si placeat, annos de-

mus deliciis, adde & alios centum: si libet, adde & decies centum, quæ erit ex his ad æternitatem compensatio? Nonne omne tempus vitæ hujus, quo deliciis frui videmur, & indulgere

libidini: quasi noctis unius somnium ad æternitatis comparationem videtur? S. Ambrosius: Delectatio cecidit & præterit: vul-

neravit & transiit: miserum fecit, & abiit: infelicem reddidit, & quodam sermo. relinquit. S. Gregorius: Hi frequenter majores tribulationes in-

carne suscipiunt, qui carnis voluptatibus delectantur. S. Bern. in Epist. 2.

nardus: Quomodo ignis & aqua simul esse non possunt; sic spirituales & carnales deliciæ in eodem se non patiuntur. Ubi cr-

pulam ructantis inter pocula senserit Christus, vina sua dulciora super mel & favum menti propinare non dignatur. Ubi curio-

sa ciborum diversitas, ubi divitis suppellectilis discolor varietas oculos pariter pascit & ventrem, cælestis panis jejunam deserit

mentem. Eia! lætare juvenis in adolescentia tua, & decedente pariter cum ætate temporali lætitiâ, succedat, quæ te ab-

forbeat æterna tristitia. Idem: Quousque igitur caro misera, insipiens, cæca, demens, & prorsus insana caro, transitorias &

caducas quæris consolationes imò desolationes? si fortè contingat repelli, & indignam judicari hac cælesti gloriâ; magis autem nihilominus ineffabili in æternum excruciarî poenâ? Idem. Idem sermo. 4.

Nam mundialem quidem consolationem vobis offerre nec licet, neclibet. Vilis enim est, & ad nihilum utilis hujusmodi con-

solatio: & (quod magis est metuendum) etiam veræ & salubris consolationis est impedimentum. Idem: Væ tibi! quicumque es

canis reversus ad vomitum, & sus lora in volutabro luti. Non ad tempore Pasche eos ad Abbates.



eos tantum loquor, qui corpore, sed etiam eos, qui corde redeunt in Aegyptum, seculi hujus oblectamenta sectantes, ac proinde fidei vitam, quæ est charitas, non habentes. Si quis enim diligit mundum, non est charitas Patris in eo. Quis magis mortuus eo, qui fovet ignem in sinu, peccatum in conscientia, nec lentit, nec expavescit, nec excutit?

*3tium.* Exemplum calamitosi Lazari & præmium, tum deliciosi Epulonis ejusquæ merces, sat potens moti-  
*Hier. Ep. 34.* di mundi illecebras. Audi S. Hieronymum: Divitem purpura-

*Luc. 16. 21.*

tum gehennæ flamma suscepit. Lazarus pauper & ulcerosus, cujus carnes putridas lambebant canes, & vix de micis mensæ locupletis miserabilem sustentabat animam, in sinu Abrahe suscipitur, & Patriarchâ parente latatur. Difficile imò impossibile est, ut & presentibus quis & futuris fruatur bonis, ut & hic ventrem, & ibi mentem impleat, ut de deliciis transeat ad delicias, ut in utroque seculo primus sit, ut & in cæ-

*De libris in lo.*  
*Jovin.*

lo, & in terra appareat gloriosus. Et in Apologia ad Pammachium: Volumus opiparè comedere, uxorum adhaerere complexibus, & in numero Virginum & Viduarum regnare cum Christo? Idem ergo habebit fames præmium, & ingluviæ, sordes & munditia, saccus & sericum? Lazarus recepit mala in vita sua, & dives ille purpuratus, crassus & nitidus, fructus est carnis bonis, dum viveret; sed diversa post mortem tenent loca. Miseriæ deliciis, & deliciæ miseriis commutantur. In nostro arbitrio est, vel Lazarum sequi, vel Divitem.

*4tum.* Exempla Ethnica, quæ S. Hieronymus commemorat dicens: Pythagorici frequentias urbium declinantes, in solitudine & desertis locis habitare consueverunt. Platonici quoque & Stoici in templorum locis & porticibus versabantur, ut admoniti augustioris habitaculi sanctitate, nihil aliud, quàm de virtutibus cogitarent. Sed & ipse Plato, cum esset dives, & thoros ejus Diogenes lutatis pedibus conculcaret, ut posset vacare Philosophiæ, elegit Academicam villam, ab vrbe pocul, non solum desertam, sed & pestilentem: ut curâ & assiduitate morborum, libidinis impetus frangeretur, discipuliquæ sui nullam aliam sentirent voluptatem, nisi earum rerum, quas discerent. ))

*In Praxi.* Respuantur deliciæ studio omnis Virtutis, maximè Patientiæ, Abstinentiæ, Castitatis, Modestix, &c. In reliquo



reliquo voluptatem ut pestem & venenum execrare; quia mors fecus delectationem posita est. Rebus, quibus ad necessitatem uteris, earum delectationem etsi sentias, non tamen delectationi quasi totus inhareas, sed utendo eis tanquam non utaris.

*Assume quoque supra specificata & hic convenientior applica.*

1. 2. tra. 1. c. 1.

sec. 4. subs. 2.

g. 2.

## SUBSECTIO IV.

### De Contemptu inordinati Affectus Patriæ, & Propinquorum.

**A**ffectus hic etsi frequens vigeat inter Parentes & liberos, inter Conjuges, inter Fratres, inter Affines, ut respectu ejus, plerumque DEUS graviter offendatur; tamen quia sub aliis vitiis est implicite hoc Opere profligatus, modò solum de illorum affectu vincendo agimus, qui amore Patriæ & Propinquorum à Religioso statu, & servitio DEI abstrahuntur.

*Motiva ad specificationem Contemptum.* Imum, Spiritus S. ad animam fidelem ait: Audi filia & vide, & inclina aurem tuam, & obliviscere populum tuum, & domum Patris tui: & concupiscet Rex decorem tuum: quoniam ipse est Dominus DEUS tuus. *Christus:* Nolite arbitrari, quia pacem venerim mittere in terram: non veni pacem mittere, sed gladium. Veni enim, separare hominem adversus patrem suum, & filiam adversus matrem suam, & nurum adversus locrum suam: & inimici hominis domestici ejus. Qui amat patrem, aut matrem plus quàm me, non est me dignus: & qui amat filium aut filiam super me, non est me dignus. *Idem:* Omnis qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros propter nomen meum, centuplum accipiet, & vitam æternam possidebit.

2dum. S. Ambrosius: Frequenter amor ipse patris nisi moderationem teneat, nocet liberis. S. Hieronymus: Grandis in suos pietas, impietas in DEUM est. *Idem:* Multa nos facere cogit affectus, & dum propinquitatem respicimus corporum, & corporis & animæ offendimus Creatorem. Qui amat patrem aut matrem super Christum, non est eo dignus. Discipulus ad sepulturam

Psalm. 44.

Matth. 6. 10.

Matth. 6. 19.

S. Ambros. de

Jos. c. 2.

S. Hieron. Ep.

25. ad Paulam

Idem Ep. 128.

ad Fab.



patris ire considerans, Salvatoris prohibetur imperio. Quanti Monachorum dum patris matrisque miserentur, suas animas perdiderunt? Super patre & matre pollui nobis non licet, quanto magis super fratribus, fororibus, consobrinis, familia, servulis?

*Idem. Ep. 1. ad Heliod.*

*Idem:* Licet parvulus ex collo pendeat nepos; licet sparsa crine & scissis vestibus ubera quibus te nutrierat, mater ostendat; licet in limine pater jaceat: per calcatum perge patrem, siccis oculis ad vexillum crucis evola. Solum pietatis genus est, in hac re esse

*S. Bern. Ep. 104.*

crudelem. *S. Bernardus:* Etsi impium est contemnere matrem, contemnere tamen propter Christum, piissimum est.

*Julius Nigronius Tract. 4. scet. tract. 16.*

3<sup>ium</sup>. *Exemplum Christi.* Quod notante *Julio Nigronio* moderationem hujus affectus (id est erga sanguine junctos) aliquot actionibus exprimitur. Prima est, cum puer inventus à

*Luc. 2.*

matre, dolorem suum & Josephi referente, conversus ad illos gravitate virili atque autoritate Divina dixit: *Quid est, quod me querebatis? Nesciebatis, quia in his, quæ Patris mei sunt, oportet me esse?* Secunda Christi actio fuit in nuptiis apud Joannem,

*Joann. 2.*

ubi Matri suggerenti, vini defectum, dixit filius: *Quid mihi, & tibi est mulier? nondum venit hora mea.* *S. Bernardus* magnâ demissione animi admiratur tam grave responsum, existimatque multum per omnem modum Matri Filioque esse negotii: Tum corrigit sese atque interpretatur dictum increpata Sapientiæ in hunc sensum: *Sed manifestè jam video, quod non velut indignans, aut*

*S. Bern. serm. 2. in Dom. Epiph.*

*confundere volens Virginis Matris teneram verecundiam dixeris: Quid mihi & tibi? cum venientibus ad te, juxta Matris præceptum, ministris, nihil cunctatus facias, quod illa suggessit. Ut quid ergo Fratres, ut quid sic responderat prius? Utrique propter nos, ut conversos ad Dominum jam non sollicitet carnalium cura parentum, & necessitudines illæ non impediunt exercitium spirituale. Quamdiu enim de mundo sumus, debitores nos constat esse parentibus. At postquam reliquimus nosmetipsos, multò magis ab eorum solitudine liberi sumus.)) Tertius locus est in Evangelio Matthæi, ubi quidam nuntiavit Christo Matrem & Fratres ejus foris stare, ut ei loquerentur. Huic respondit Salvator: *Quæ est Mater mea, & qui sunt Fratres mei? Et extendens manum in Discipulos suos dixit: Ecce mater mea, & fratres mei,**

*Matth. 12.*

*Quicum-*



Quicumque enim fecerit voluntatem Patris mei, qui in celis est, ipse meus frater, & soror, & mater est. Multis Patribus vilus est hic locus peridoneus ad probandam positionem, quam statuimus: ostendisse nimirum Salvatorem hanc affectionem propinquorum in exemplum nostrum sanctè mortificatam. Citatque Nigronius S. Ambrosium, S. Basilium, S. Augustinum, S. Bernardum. Quarta Salvatoris actio nos erudiens ad moderandum hunc affectum, est exclusio propinquorum à dignitatibus. Habebat aliquot ex Discipulis sanguine propinquos, qui ideo vocantur passim in Evangelio Fratres ejus: sed neminem eorum suum in Ecclesia Vicarium instituit. Elegit ac renunciavit Petrum, quem oneri ferendo aptissimum omnium existimavit, nulla sibi cognatione sanguinis adstrictum.

4<sup>um</sup>. *Exempla Sanctorum.* S. Isidorus Pelusiota de S. Isidor Pel.  
S. Moyse admiratur dicens: Quod cum omni affectione superior lib. 3. epist. 289.  
esset, naturalem quoque charitatem vicit. Nam cum duos filios haberet, neutrum horum imperii sui militaris successorem instituit: sed eum, qui virtute potius, quam genere ipsi conjunctus erat: virtutem nimirum naturæ, ad honesti disjudicationem persepe cæcutienti anteponebat. Aliud S. Bernardus de S. Joanne Baptista inquit: Joannes ætatis super- S. Bern. ser. de  
gressus infantiam, & nobilioris generis generositatem oblitus, soli va- excellentia S.  
cat Divinitati, forma factus vitæ, Monachorum propositum, Ana- Joan. Baptis.  
choretarum principium, & totius Religionis assertio. De Contem- De Pseudopie-  
ptu affectus in consanguineos præclara habes infra exempla- tate in sup.  
summorum quoque Pontificum. Quæ virtus universim  
omnibus Ecclesiasticis demandatur à Concilio ita dicente:  
Omnino eis interdicit nempe Episcopis & Cardinalibus, ne ex rebus Concil. Trid.  
Ecclesie consanguineos familiare sue suos augere studeant: cum & sess. 25. c. 1. de  
Apostolorum Canones prohibeant, ne res Ecclesiasticas, quæ DEI sunt, reform.  
consanguineis donent. Paulò post, ut radicitus extirpet cau-  
sam harum largitionum, monet Synodus amputari car-  
nalem affectum sic dicens: Imò quàm maximè potest eos,  
sancta Synodus monet, ut omnem humanam erga fratres, ne-  
potes, propinquosque carnis affectum, unde multorum malorum



in Ecclesia seminarium extat, penitus deponant. In vitis Patrum, in Gerontico Græcorum, in historia Laufrici Palladii, in historia religiosa Theodoretii, in prato spirituali Joannis Evirati, atque in tertia parte viridarii Matthæi Raderi Lector inveniet egregia virtutis hujus revocatæ ad praxim exempla. Mucium prætermittere non jure queo, quod in eo mirabiliter eluxit hæc virtus à Casiano longâ oratione laudata. Is æquisimo animo, ac sine ulla perturbatione, imò exultans ferebat, filiolum, quem secum,

*Cass. lib. 4. c. 27. 28.* in Monasterium octennem adduxerat, injuriis, colaphis, aliisquæ rationibus malè tractari. Præterea jussus à seniore puerum plorantem in profluentem jactare, *celeri cursu rapiens filium, ulnis propriis usque ad ora fluminis advexit jactaturus.* Hoc posterius fa-

*Alar. Gaz. in Etum* ex admirabilibus est: atque ut notavit Alardus Gazæus, ex *schol. ad Cass.* instinctu Divino rem gestam existimare possumus; quando seniori revelatum tradit idem Casianus. *Hac eum obedientiâ Abrahamæ*

*Vita S. Bern. Patriarchæ opus implēse.* Alia narratur in vita S. Bernardi, eum siccis *lib. 3. c. 6.* oculis Gerardum fratrem germanum funeratum tumultasse; qui quemlibet extraneum vix, aut nunquam sine lachrymis sepeliuit. *B.*

*Bern. Just. in Laurentius,* post habitum religiosum susceptum, nunquam paternam *vit. B. Laur. c. 38.* fraternamque domū ingressus est officii gratiâ, nisi ut matri morienti adesset, extra januam mendicans panem petebat, & extra

*Fran. Lug. c. 14.* limen expectabat. *B. Joannes Bonvisus* ex ordine Minorum, nullius rogatu adduci potuit ut Laurentium fratrem, senem, antea *Tursell. l. 1.* valde à se dilectum, conveniret unquam. *S. Francisco Xaverio*

*vita c. 9.* proficiscenti in Lusitaniam, ut inde solueret in Indiam, persuaderi non potuit, ut ex itinere paulum digrediens, matrem salutarer, quam nunquam in terris erat in posterum visurus.

*Julius Nigron. Ascetic. T. 16.* ferre, dicens: Prima in acie producam, in confusionem nostram (ut *c. 5.* loquitur S. Hieronymus disputans adversus Jovinianum exem-

*S. Hier. lib. 2. adv. Jovin.* plo continentium & abstinentium Gentilium) proferam inquam exemplum Philosophorum & Ethnicorum, qui cognoscentes propinquorum amorem & affectum depravatum esse, atque ob depravationem indigere curationis, interdum eum vituperant tamquam à recta ratione devium: nonnunquam laudant, & admirantur eos, qui excedenti modum immiserunt frænum: ac sæ-



pè illum in seipsis forti brachio represserunt. Idem fuit Ari-  
 stotelis, sensus depravationem illius agnoscentis, Rhacones  
 genere Mardus Æliano referente, in admiratione fuit <sup>Sup. n. 3. Æli.</sup>  
 apud senatum, Regemquè Persarum, quòd filium mortis re- <sup>l. 1. var. sect. c.</sup>  
 um iudicibus ipsemet sisteret mulctandum. Hæc tanta virtus <sup>ult.</sup>  
 animi in affectu paterno cohibendo, tam insignis victori-  
 sui ipsius effecit, ut in Iudicum collegium cöoptaretur à Rege,  
 qui meritò arbitrabatur iustissimè iudicaturum eum, qui pro-  
 prio filio minimè pepercisset. Commendantur ab eodem Æli <sup>Idem. l. 3. c. 2.</sup>  
 ano Anaxagoras, Xenophon, Dion, Antigonus, qui liberorum <sup>& seq.</sup>  
 mortem æquo animo tulerunt. S. Hieronymus consolans He- <sup>S. Hieron. Ep.</sup>  
 liodorum Episcopum super morte Nepotiani fororis filii, refert <sup>3. ad Heliod.</sup>  
 multos scriptores Ethnicos, qui consolatorios libellos scripserunt,  
 in quibus viri fortes recensentur, filiorum mortem invictis à do-  
 lore animis audientes. Laudat Anaxagoræ ac Telamonis sen-  
 tentiam, qui accepto de filii morte nuntio, nihil animo commo-  
 ti dixerunt: Sciebam me genuisse mortalem; quod M. Tullius, Vale- <sup>Cic. Tusc. 4.</sup>  
 rius Maximus, Plutarchus & alii prodiderunt. Addit Græcis <sup>Val. Max. lib. 5.</sup>  
 complures Romanos Duces, quorum moderatio paterni affectus <sup>c. 20. 1. Plut. l.</sup>  
 ac virtus, in orbitate filiorum enituit. Inter quos etiam fuerunt, <sup>de tranq.</sup>  
 qui filios in militia peccantes, militari lege ac iudicio, morti ad-  
 dixerunt, quanquam victores è pugna reverterant. Quia in re,  
 iustitiæ ac legum militarium amor severus, paternum affectum,  
 penitus extinxit. Apud eundem S. Hieronymum Cheræmon <sup>S. Hier. lib. 2.</sup>  
 Stoicus narrat de vita antiquorum Aegypti sacerdotum, quòd omnibus <sup>ad Jovin.</sup>  
 mundi negotiis curisque postpositis semper in templo fuerint, & rerum na-  
 turas causasquè ac rationes syderum contemplati sint, nunquam mulieri-  
 bus se miscuerint, nunquam cognatos & propinquos, nè liberos quidem vi-  
 derint &c: Semanæi de schola Gymnosophistarum Indorum, cum <sup>Porp. l. 4. de</sup>  
 se dabant in eam disciplinam, liberos deserebant, & eos Regi a- <sup>abst. ab usu car.</sup>  
 lendos educandosquè relinquebant, ut Porphyrius memoriæ  
 mandavit. Hic libet exclamare cum S. Hieronymo: Hæc in su- <sup>S. Hier. ep. 4. ad</sup>  
 gillationem nostri breviter dicta sint: si non præstet fides, quod exhibuit <sup>Heliod.</sup>  
 infidelitas. Hæc citatus Nigronius eodem tractatu variis locis.

*In Praxi* Eradicandi perniciosum propinquorum Affe-  
 ctum, videndum est, an qui hoc morbo laborant, sint superiores,







## SUBSECTIO V.

De Opposito Contemptus Mundi, seu de  
Mundi Amore & Cura.

**C**ONtra quod imo. *Apostolus*: Nolite conformari huic saeculo. *Idem*: Quae sursum sunt quaerite, ubi Christus est in dextera DEI sedens: quae sursum sunt sapite, non quae super terram. *Idem*: Nemo militans DEO implicat se negotiis saecularibus, ut ei placeat, cui se probavit. *Jacobus*: Nescitis quia amicitia hujus mundi, inimica est DEI? Quicumque ergo voluerit amicus esse saeculi hujus, inimicus DEI constituitur. *Rom. 12. Col. 3. Tim. 2. Jacob. 4.*

*Joannes*: Nolite diligere mundum, neque ea, quae in mundo sunt. Si quis diligit mundum, non est charitas Patris in eo: quoniam omne quod est in mundo, concupiscentia carnis est, & concupiscentia oculorum, & superbia vitae, quae non est ex Patre, sed ex mundo est. Et mundus transit, & concupiscentia eius. *Joan. 1. Joan. 2. 2do. S. August. in Augustinus*: Ecce ruinosus mundus est, & sic amatur, quid si dulcis esset? Omunde immunde tenebras pariens, quid faceres si maneres? quid faceres dulcis, si amarus alimenta mentiris? *S. S. Cyprian. de Cyprianus*: Mundi amor & DEI pariter in uno corde habitare, non possunt, quemadmodum oculi pariter caelum, & terram, nequaquam conspiciunt. *S. Bernardus*: Dic mihi ubi sunt amatores mundi, qui ante pauca tempora nobiscum fuerunt? Nihil ex eis remansit, nisi cineres & vermes. Attende diligenter, qui sunt, & qui fuerunt, sicut tu comederunt, & biberunt, riserunt, duxerunt in bonis dies suos, & in puncto ad inferna descendunt. Hic caro eorum vermibus, illic anima eorum ignibus deputatur, donec rursus infelici collegio sempiternis ignibus involvantur. Qui socii fuerunt in vitiis, socii erunt in poenis, una namque poena illos implicat, quos vanus amor in crimine ligat. *S. Bern. lib. Medita.*

*In Praxi* eo modo eradicatur Amor & cura mundi, seu rerum mundanarum, nempe Appetitus honorum, quomodo ambitio, inanis gloria, jactantia, &c. Appetitus divitiarum, quomodo avaritia, &c. Appetitus deliciarum, quomodo gula, luxuria, &c. Cura mundi, quomodo sollicitudo nimia. De quibus



omnibus in specie fusè hic suis locis agitur. Quæ ut invenias, vide indicem rerum Operis hujus.

### SECTIO III.

#### De Christiana Paupertate.

##### § I.

**P**aupertas Christiana, est actus virtutis religionis, quæ ex voto æviternum abdicat se homo dominio rerum externarum actuali & possibili, ad expeditius serviendum DEO. Dicitur; Est actus virtutis religionis; quia paupertas haud voluntaria ex se, est actus indifferens, qui accedente libertate voluntatis, & motivo formali alicujus virtutis, cujus fortitur speciem, fit actus ejusdem virtutis: prout paupertas voluntaria, quia assumitur liberè, duplici titulo fit actus præstantissimæ virtutis religionis; tum titulo voti, quod ipsum ex sua natura est actus religionis, tum ex motivo expeditoris servitii & cultus Divini. Et hæc est paupertas statûs completi, vel incompleti Religiosorum. Nam paupertas assumpta sine voto, erit quidem actus virtutis religionis, non tamen pertinens ad statum Religiosorum. Quanquam hæc servitus DEI latius sumitur pro omni executione Divini beneplaciti, tam in mandatis, quàm in consiliis Divinis. Unde paupertas religiosa aliarum quoque virtutum Theologicarum & Moralium, participare potest essentiam ex intentione operantis. Dicitur; æviternum &c. id est, quòd toto ævo durante vitæ præsentis nolit amplius habere dominium, seu liberam pro suo arbitrio potestatem disponendi de rebus exterioribus habitis, vel possibiliter habendis, in suum vel alienum usum, sed ex Regulæ & superiorum suorum dispositione totaliter pendere, esseque contentum, paratum, & resignatum etiam necessariorum jacketuram pati: superflua verò actualiter prorsus non admittere tam in necessariis quàm non necessariis, idque juxta suæ regulæ, quam professus est, tenorem. Porro dominium hic intelligitur privatum, & in particulari, quod respicere debet qualibet persona religiosa, non verò dominium in communi, quod penes Ordinem.



nem & totam Communitatem est, Quamquam S. Francisci Religiosi de observantia, perfectioris sanctæ paupertatis gratiâ etiam dominium renunt in Communi, & quoad Usus, summo Pontifici illud subijciantes.

*Gradus Religiosæ Paupertatis ex S. Bernardo serm. 3.*

*de vita & officio. Relig.*

**S**ufficere potest superflua non requirere, sed nec propter ipsa, si fortè desint necessaria, murmurare. Sed cumulus est, etiam exulare, & libenter quærere, quomodo alius magis habeat necessaria, & ipse penuriam pariat.

*Gradus Paupertatis ex S. Bonaventura in Form. aurea*

*de grad. virtutum c. 8.*

**P**aupertatis, quæ est una de octo beatitudinibus, altus gradus est, relinquere res temporales. Altior, relinquere amicos seculares, & spirituales. Altissimus, relinquere se ipsum, id est singularem sensum, amorem privatum, propriam voluntatem. In omnibus istis gradibus fuit Christus, qui reliquit se ipsum, sua, suos.

Item altus gradus est, pro transitoriis non laborare, nec sollicitari. Altior, transitoria non appetere. Altissimus, oblata respicere. In secundo fuit Apostolus cum dixit: Argentum, & aurum, aut vestem nullius concupivi. In ultimo fuit Daniel Prophetæ, qui contempsit munera Baltazar; quia scriptura reprehendit munuscula dare, & accipere.

Item altus gradus est, nolle habere certum hospitium, sicut Christo non fuit locus in diversorio. Altior, non habere certum victum, & vestitum tempore sanitatis. Altissimus, nolle habere certum victum, & vestitum tempore infirmitatis. In hoc ultimo gradu fuit Christus, cum non habuit, ubi caput suum reclinaret, nec haustum aquæ, nec vestem, sed nudus ante crucem stetit.

Item in alto gradu paupertatis est, qui propter hoc eligit paupertatem, ut à transitoriis sollicitudinibus eruatur. In altiori est, qui propter hoc eligit paupertatem, ut in virtutibus & donis

*Ordo graduum Christianæ paupertatis.*

I.

II.

*Act. 20.*

*Dan. 5.*

*Exod. 25.*

*Dan. 15.*

*Ecc. 20.*

III.

*Luc. 20.*

IV.



spiritualibus ditetur. In altissimo, qui propter hoc eligit paupertatem, ut in sessione sua apud Christum in iudicio, DEUS glorificetur.

V.

In alto gradu est, qui nihil habet proprium in speciali, sicut multi Religiosi. In altiori, qui nihil habet proprium in communi ad annum, vel ad longum tempus, sicut pauci Religiosi. In altissimo est, qui nihil habet proprium in communi, nec ad septimanam vel ad diem, ut Fratres Minores.

## § II.

## Stimuli Sectandæ Paupertatis Christianæ

Psalm. 67.

Psalm. 9.

Eccl. 10.

Matth. 5.

Matth. 19.

Luc. 14.

Jacob. 2.

S. August. de

Eccl. 2.

S. Chrysost.

serm. 18. sup.

Epist. ad Heb.

Leo Papa serm.

4.

**P**rimus. Psalm: Parasti in dulcedine tua pauperi DEUS. Idem: Quoniam non in finem oblivio erit pauperis. Eccl: Pauper propter scientiam & religionem, gloriam adipiscitur. Christus: Beati pauperes spiritu, quoniam ipsorum est regnum celorum. Idem: Si vis perfectus esse, vade vende omnia, quæ habes, & da pauperibus, & habebis thesaurum in celo, & veni sequere me. Idem: Qui non renuntiat omnibus, quæ possidet, non potest meus esse Discipulus. Jacobus: Nonne DEUS elegit pauperes in hoc mundo divites in fide, & heredes regni, quod repromisit DEUS diligentibus se?

2dus. S. Augustinus: Bonum est facultates cum dispensatione pauperibus erogare, melius pro intentione sequendi Dominum in simul donare, & absolutum solitudine egere cum Christo. S. Chrysostomus: Paupertas est manu ductrix quædam in via, quæ ducit ad cælum, unctio athletica, exercitatio quædam magna & admirabilis, portus tranquillus. Nihil opulentiùs eo, qui paupertatem sponte diligit, & eam alacriter suscipit. S. Leo Papa: Semper dives est Christiana paupertas, nec pavet in isto mundo indigentiam laborare, cui donatum est in omnium rerum Domino omnia possidere. Operantibus ergo quæ bona sunt non omnino metuendum, nè eis desit facultas operandi: cum & in duobus minutis Evangelicæ illius viduæ sit laudata devotio, & pro calice aquæ frigida præmium habet gratuita largitio. Ex affectibus enim piorum benignitatis mensura taxatur: & nunquam cum



eum miserandi efficacia deserit, in quo misericordia ipsa non deficit. *Cassiodorus*: Pauperes Christi sunt, qui non solum pro suis *Cassiod. in psal.* malis, verum etiam pro totius calamitatibus mundi intercedere, 71 comprobantur, egent in hoc seculo, sed sunt locupletes DEO, vitiis vacui, sed virtutibus pleni, despecti hominibus, sed acceptabiles DEO. *S. Bernardus*: Sed diligenter attende, quod non *S. Bern. ser. 1.*

simpliciter pauperes nominat propter plebejos pauperes ne in seculo omni-  
cessitate miserabili, non laudabili voluntate. Spero equidem, *um Sanctorum*  
profuturam eis apud Divinae Bonitatis misericordiam hanc ipsam in illud *Evang.*  
afflictionis suae miseriam: scio tamen Dominum hoc in loco, non *Beati pauperes*  
de huiusmodi fuisse locutum, sed de his, qui possunt dicere cum *Ec.*

Propheta: *Voluntarie sacrificabo tibi.* Attamen nec voluntaria qui- *Psal. 53.*

dem omnis paupertas laudem habet apud DEUM, nam & Phi-  
losophi omnia sua reliquisse leguntur, ut expediti mundialibus  
curis, studio vanitatis possent vacare liberius, & nolebant censu  
abundare terreno, ut abundarent magis in sensu suo. Hoc di-  
scernit quod dictum est *Spiritu*, id est voluntate spirituali. Beati  
verò pauperes spiritu, spirituali scilicet intentione, desiderio spi-  
rituali, propter solum beneplacitum DEI, & animarum salutem:  
quoniam ipsorum est regnum caelorum. Sed quis est, qui sic  
loquitur, qui sic beatificat pauperes, & sic ditat? Putas poterit  
verum esse? Erit sine dubio: siquidem verax, & potens est,  
qui promittit. Si murmurat inimicus, respondebitur ei: An non  
licet mihi facere quod volo? *An oculus tuus nequam est, quia ego* *Matth. 20.*

*bonus?* Si tu iure humiliatus es pro eo, quod universum adver-  
sum me exaltare te voluisti, nonne qui se humiliant propter me  
iure sunt exaltandi? Et verè Fratres, si miserrimus ille è caelo  
dejectus est, quoniam affectavit celsitudinem, altitudinem con-  
cupivit, sublimitatem praesumpsit. nonne consequens est, beates  
esse, qui sponte in paupertatis humilitatem sese deponunt: & ju-  
xta Domini promissionem ipsorum est regnum caelorum, quod  
perdidit iste? Et attende quam sapienter ordinaverit sapientia  
contra peccatum primum, remedium primum opponens.  
Ac si apertius dicat: Vis obtinere caelum, quod perdidit superbi-  
ens Angelus, qui confusus est in virtute sua, & in multitudine di-  
vitiarum suarum? paupertatis vilitatem amplectere, & num-

erit.



Eccl. 31.

erit. Veruntamen quid sibi vult, quòd eadem promissio facta  
est pauperibus & Martyribus, nisi quia verè Martyrii genus pau-  
pertas voluntaria est? *Beatus vir, ait Propheta, qui post aurum non abi-  
bit, nec speravit in thesauris pecuniæ, quis est hic, & laudabimus eum &  
Fecit enim mirabilia in vita sua.* Quid mirabilius, aut quod Mar-  
tyrium gravius est, quàm inter epulas esurire, inter vestes multas  
& pretiosas algere, paupertate premi inter divitias, quas offert  
mundus, quas ostentat malignus, quas desiderat noster iste ap-  
petitus? An non meritò coronabitur, qui sic certaverit, mun-  
dum abiciens promittentem, irridens inimicum tentantem, &  
(quod gloriosius est) de semetipso triumphans, & crucifigens con-  
cupiscentiam prurientem? Denique propterea pauperibus par-  
riter & Martyribus regnum cælorum promittitur, quia pau-  
pertate quidem emitur, sed in passione pro Christo, absque omni  
dilatione percipitur. *Idem*: Felix paupertas voluntaria omnia  
relinquentium, & sequentium te Domine JESU. Felix planè,  
quæ tam securos, imò tam gloriosos faciat in illo singulari fra-  
gore elementorum, & in illo tremendo examine meritorum, in  
illo discrimine judiciorum.

S. Bern. serm.  
S. sup. Psalm.  
Qui habitat.

*zcius stimulus ad Paupertatem Christianam, est Exem-  
plum Christi.* De cujus altissima paupertate præclarè differit  
*B. Angela de Fulgino*, quæ olim mundo obligata, viro, filiis, & divi-  
tiis irreita, scientiâ simplex, viribus impotens, è Libro vitæ, vita  
Dei hominis edocta Divinam sapientiam, rupris mundi vinculis,  
culmen Evangelicæ perfectionis ascendit, & magnitudine reve-  
lationum clarissima, ad probrum inflatæ sapientiæ, cui est pro-  
brum & confusio vitæ JESU, & crucis imitatio, has insuper cæ-  
lestes doctrinas in Libro vitæ exaratas exponit dicens: Scias igitur,  
quod hic Liber vitæ, non est aliquid aliud, quàm Christus  
DEI Filius, qui est Verbum & Sapientia Patris, qui in hoc apparuit,  
ut per vitam suam, & mortem, & doctrinam nos instrueret.  
Videndum est, qualis fuerit sua vita & conversatio quam egit, &  
indefinenter tenuit in corpore mortali. Sua enim vita exem-  
plum est, & forma cuilibet volenti salvari. Vita autem sua non  
fuit, nisi amarissima poenitentia, cum qua fuit associatus continuè

*in vita B. Angele de Fulg.  
l. 14.*



in vita presenti. Ita quod ab hora, in qua anima Christi fuit creata, & infusa in suo sanctissimo corpore, in utero Virginis purissimæ, usque ad illam horam ultimam, in qua illa sanctissima anima recessit ab illo sanctissimo corpore per acerbissimam crucis mortem, nunquam stetit sine illa societate, quod non fecerunt Apostoli, nec Beata Virgo, nec alii Sancti. Societas autem quam DEUS Pater Altissimus secundum suam sapientissimam dispensationem voluit, ut Filius suus dilectissimus haberet in isto mundo, hæc est. *imo* perfectissima, & continua, & summa Paupertas. *2do*. Perfectissimus, summus, & continuus Despectus. *3tio*. Perfectissimus & summus Dolor. Ista fuit societas, à qua Christus fuit associatus in tota sua vita, ut exemplum nobis tribueret, hanc super omnia eligendi & diligendi, & tolerandi usque ad mortem; per hanc enim viam, ipse secundum quod homo ascendit ad cælum, & per ipsam potest, & debet ire anima ad Deum, nec est alia via recta; oportet enim & decet, quod viam, quam caput tenuit, teneat corporis membra, & quod ab illa societate, à qua fuit associatum caput, sint etiam associata membra. Societas igitur ima JESU Christi libri vitæ & salutis nostræ, fuit continua, & summa, & perfectissima Paupertas; & ista fuit tribus modis. Una grandis, alia major conjuncta cum prima, sed tertia conjuncta cum prima & secunda fuit perfectissima.

*Primus igitur gradus perfectissimæ Paupertatis Christi*, qui est liber, & via, & magister animæ, fuit: Quia voluit esse pauper omnium rerum temporalium istius mundi, ita quod non habuit, nec terram, nec vineam, nec hortum, nec aliquam possessionem, nec aurum, nec argentum, nec pecuniam, nec ullam rem propriam, nec recepit, nec recipere voluit de rebus mundi hujus, nisi ad sublevandam extremam indigentiam vitæ suæ corporalis, cum fame & siti, & penuria, frigore & calore, cum multo labore & austeritate, & duritia, nec de rebus delicatis & exquisitis necessitates corporis recipere voluit, sed de rebus grossis & communibus, quæ secundum loca & tempus inveniebantur in illa provincia, in qua Christus sine domo & habitaculo mendicans stabat, & vivebat.

*Secunda Paupertas Christi fuit major quam prima*: Quia voluit vivere, & esse pauper amicorum, & consanguineorum, & omnis familiaritatis magnorum & potentum, & omnis amicitie temporalis; ita quod nec aliquem amicum habuit, nec habere voluit, nec ex parte Matris, nec ex parte Joseph patris putativi, nec ex



partē discipulorum, nec quorumcunque amicorum, propter quem fuerit sibi dimissa una alapa, nec unus ictus martelli, nec flagelli, nec unum verbum injuriosum. Et nasci voluit de Matre pauperrima & humillima, & educari sub patre putativo carpentario paupere, & se expoliavit amore & familiaritate Regum & Potentum, & Pontificum & Scribarum: & amore amicorum & consanguineorum; ita quod nec pro Matre, nec consanguineo, nec pro quocunque dimittere voluit aliquid, quod placeret, vel placere posset voluntati Patris sui altissimi.

*Tertia Paupertas & summa fuit: Quod expoliavit semetipsum se ipso, cum Christus pauperem se ostendit in Potentia.* Et imò quod fecit se pauperem & inopem suæ potentiae propriae, cum enim ipse esset Omnipotentissimus, cui nihil erat impossibile, voluit apparere, & vivere in isto mundo sicut impotens, sicut infirmus & debilis homo; ipse enim præter miseras humanas, puerilem infantiam, & alias infinitas debilitates, quas propter nos assumpsit, præter culpam & peccatum, debilis apparuit, & vixit. Fuit enim fatigatus ex itineribus & prædicationibus, & curationibus, ex visitationibus, & opprobriis. Et quod plus est, non solum homines peccatores in eum potestatem acceperunt, imò omnia elementa, & corpora insensibilia sibi passionem & afflictionem inferendi ab eo, qui ipsa creaverat, potestatem acceperunt, & ipse tanquam impotens non resistebat, sed omnia ut homo impotens resistere propter nos tolerabat. Et paulò infra hæc Beata profectur: Dedit crucifixoribus, militibus, Judæis, Pilato & aliis nequissimis potestatem, ut ipsum judicarent, accusarent, blasphemarent, sibi insultarent, verberarent, deriderent, & eum interficerent, qui solo verbo omnia impedire poterat, aut solo nutu omnia subvertere & annihilare. Et infra: Et quod amplius est, dedit potestatem diabolo super se, ut eum tentaret, & circumduceret, & cum membris suis pessimis hominibus ipsum usque ad mortem persequeretur, ut hominem de ejus potestate liberaret &c. Secundo expoliavit se ipso, & pauperem fecit suam propriam Sapientiam: voluit enim Dominus noster JESUS Christus apparere ut simplex homo & ignorans, & insipiens, & fatuus inter omnes homines hujus mundi, & non voluit etiam



etiam apparere ut Philosophus, vel Doctor verborum, aut disputator ampullosus, vel scriba, vel famosus in scientia, vel sapientiâ gloriosus, sed in veritate humili conversando & simplicitate & summa mansuetudine inter homines conversabatur in virtute vitæ virtutum & miraculorum, viam veritatis ostendendo. Cum enim ipse sit Sapiencia DEI Patris, & scientiarum Dominus, & Prophetarum factor & inspirator, potuit scientiarum & rationum subtilitatibus & ingenio uti, & se ostendere, & gloriosum facere, si voluisset. Sed sic simpliciter veritatem protulit, ut quasi ab omnibus, non solum simplex & idiota, sed insipiens & fatuus, & blasphemus reputaretur. Viam veritatis nobis ostendens, quod non de scientia seu sapientia gloriari debeamus, neque ipsâ inflari velimus, coram hominibus nomen magisterii acquirere, seu vanam gloriam mendicare. Tertiò se expoliavit se ipso, & pauperem fecit suâ Famâ Sanctitatis, Bonitatis, & Innocentiæ, quod mirabilissimum est. Voluit enim sic tenere viam iustitiæ, ut quasi ab omnibus non solum haberetur ut sanctus, sed ut peccator & peccatorum amicus, & sicut proditor & seductor, & patriæ conspirator, & blasphemus reputari, & inter latrones & iniquos condemnari & numerari voluit, dum tamen salutem nostram operari posset in medio terræ. Potuit enim sibi acquirere famam sanctitatis, ut ab omnibus ipse universaliter Sanctus Sanctorum, tanquam Sanctus haberetur, utpote qui nunquam peccatum fecit sed peccata omnia tulit, & quod Joanni Baptistæ, quantum ad famam sanctitatis suo servo dederat, ipse Sanctorum summus & rex virtutum sibi inter omnes homines retineret. Sed hoc fecit & famâ sanctitatis salvâ, veritate doctrinæ, vitæ & iustitiæ se expoliare, & pauperem facere voluit, ut nostram hypocrisis refutaret, qui etiam de his bonis, quæ nec habemus, nec fecimus, gloriam coram hominibus quærimus, & famam sanctitatis & innocentiae, nos de malis falsè excusando, & mendaciter bona opera arrogando per fas & nefas quantum possumus nitimur vendicare. Quartò expoliavit semetipsum se ipso, suo videlicet Imperio & principatu omnium rerum & dominationum, quas habebat. Cum esset Rex Regum, & Dominus dominantium, & Rex, cujus regni non est finis, ipse inter omnes homines vivere



& esse voluit sicut servus dejectus, & venditus, & emptitius. Nec, cum eum vellent facere Regem, Rex esse voluit, sed Regibus impiissimis semper usque ad mortem subiectus & obediens in iis quæ petebant, vectigalia scilicet solvendo esse voluit, curiis & iudiciis & gravaminibus eorum parendo, & se subjiendo. Et non solum Regibus, imò etiam vilissimis servis, & clientibus, & ministris eorum, semper obediens fuit usque ad verbera, & mortem crucis. Etipse Rex Regum, regnum suum de hoc mundo non esse coram Pilato asseruit: quia de regno & dominatione huius mundi temporali inter homines non curabat, sed semper subiectus esse volebat. Et non Dominus, neque Rex, nec Princeps, sed servus humillimus, semetipsum totaliter exinanivit. Subiectus etiam fuit suæ humillimæ & pauperrimæ Matri & Patri putativo, eis usque ad tricesimum annum humiliter obsequendo & serviendo. Nec inter Discipulos, quos paucos & ignobiles, & pauperrimos elegit, nec ut Rex, nec ut Dominus esse voluit, sed asseruit quòd venerat ministrare, non ministrari, donec daret animam suam pro ipsis & cæteris peccatoribus redimendis. Quinimo eis Discipulis pauperrimis in miseris caput & magister existens, primus esuriebat, & sitiebat, & tribulabatur, non enim fuit magister eorum, quatenus primatum inter eos quæreret, sed ut primus inter eos afflictionem & dejectionem sustineret, & tantum inter eos humiliter conversatus, quod eis in mensa ministravit, & pedes eorum, & manus lavit. O immensa nostra dementia! qui post talem ac tantum Dominum, & Regem Regum, & ignominiosum inter homines & contemptum, nos ad dignitates & prælationes continuè aspiramus, libertatem volentes, & sine iugo viventes, nulli amore eius subiecti, nec obediens esse volumus, sed supra alios, quantum possumus, volumus præsidere &c. Hæc est igitur summa, & continua, & perfectissima paupertas DEI hominis JESU Christi, omnium Salvatoris, qui quamvis divitiarum dominus existeret, pauperrimus inter nos esse voluit, ut nos ad amorem paupertatis provocaret. Pauper enim fuit re, voluntate, & spiritu, super omnem creaturæ æstimationem, propter infinitissimum & dulcissimum amorem, quo nos dilexit, pauper inquam & inops mendicus. In rebus temporalibus, pau-

per &amp;



per & in amicis. Pauper in potentia, pauper in sapientia mundana, pauper in fama sanctitatis, pauper in statu dignitatis, pauper in omnibus existens, paupertatem prædicavit, & pauperes beatos esse asseruit, & mundi iudices affuturos, divites condemnavit, & divitias, & abundantias prædictas esse contemnendas re, verbo, conversatione, & exemplo totis viribus prædicavit. Sed heu pro dolor! sed heu pro dolor! hæc paupertas spiritus hodie est expulsa, & quasi ab omnibus est fugata, & quod est detestabilius, ab illis, qui in hoc libro vitæ legunt, & intelligunt, & hanc paupertatem prædicant & glorificant, hæc paupertas re, voluntate, studio, & facto totaliter expugnatur. Hanc enim paupertatem mundus odit, Christus autem diligit, & elegit pro se, & pro suis, ipsamque beatissimam statuendo. Sed quis homo? quæ mulier? quæ creatura hodie dicere posset quòd sit sociata tali societati, tam gloriosæ, sicut Christus voluit esse sociatus? Beatus est ille, qui in sua poenitentia in mundo isto exemplo Christi ipsam elegit. Heu me! heu me! Scimus, audivimus, firmiter tenemus, qualiter Filius DEI Creator noster & Redemptor, Magister & illuminator, & exemplum nobis factus, quali cibo & potu satiatus, qualiter fuit indutus, qualibus vestibus adornatus, qualibus cameris & palatiis hospitatus, quali familiâ & amicis stipatus, qualibus studiis & scientiis mancipatus, & sic de aliis bonis hujus mundi, & tamen Christianos nos esse dicimus, & nominari volumus, post Christum pauperes nullatenus de facto esse volentes, neque sibi assimilari desiderantes, quanquam verbis dicamus, ejus statum & paupertatem beatificantes, re autem, & facto, Christi statum & perfectionem suæ paupertatis detestantes. Væ nobis! qui post tantum exemplum, Doctorem & Magistrum, de facto tantam salutem repellimus, & ab ejus statu & doctrina sumus post abundantias temporales errantes & vacui finaliter remanentes. Et ideo nostra poenitentia, & status Christianitatis non vadit per rectam viam JESU Christi, imò turpiter deviat ab eadem. Beatus autem & verè beatus, ut ipse etiam asseruit, est, & erit, qui paupertatem omnium rerum prædictarum diligit, qui de facto non solum verbo, pauper esse vult rebus temporalibus, & amicitiiis, & familiaritatibus delectati-



one, variâ scientiâ & curiositate, & famâ sanctitatis, & omnis prælationis & dignitatis, quod si non potest quis se à prædictis totaliter spoliare, saltêm deponat affectiones rerum prædictarum, quantum potest. Verè enim beatus talis pauper, quoniam ipsius est regnum celorum. Et qui contrarium fecerit, de facto quidquid de verbo prædicaverit, fermocinatus fuerit infelix & maledictus, quoniam ipsius est extrema paupertas, & perpetua esuries domorum inferorum, ubi perpetua fames & sitis, ubi nec amicus, nec frater, nec pater redimere, nec juvare poterit; nec evadendi potentia aderit, nec sapientia mundana valebit, sed omnibus his privabitur de facto, qui de facto hæc contra doctrinam Christi obtinere voluit, & cruciabitur in perpetua secula seculorum. Hactenus B. Angela de Fulgino de abscondita mundo sapientia inestimabilis & pretiosissima S. Paupertatis.

*4tus stimulus ad Paupertatem Christianam est Exemplum Deiparæ, & Sanctorum,* ex Bibli. Man. P. Lohner Tit. Paupertas.

Lib. I. Revel.  
c. 10.

I. Beata virgo quantopere fuerit Paupertatis studiosa, patet ex partu, purificatione, & reliqua vita, quam pauperum more transegit, unde meritò S. Brigitta eam sic loquentem introducit: Omnia, quæ habere potui, dedi indigentibus, nihilque nisi victum tenuem, & vestitum reservavi. Nulla mihi nisi DEUS placuerunt. Ego semper in corde meo optavi, ut viverem ad tempus Nativitatis ejus, si fortè mererer ancilla indigna Matris DEI fieri. Vovi etiam in corde meo, si esset ei acceptabile,

I. Cor. 4. v. II.

observare virginitatem, & nihil unquam possidere in mundo.

Matth. 19. v.  
17.

II. De se & aliis Apostolus dixit S. Paulus: Usq; in hanc horâ & esurimus & sitimus, & nudi sumus, & colaphis cædimur, & instabiles sumus, & laboramus operantes manibus nostris.)) Sed & ad Christum audacter dixerunt: Ecce nos reliquimus omnia, & secuti

Matth. 12. v. I.

sumus te. Alias cœperunt vellere spicas, & manducare. III.

Act. 2. v. 44.

De Primis Christianis testatur S. Lucas, in actis Apostolorum: Omnes, qui credebant, erant pariter, & habebant omnia communia. Possessiones & substantias vendebant, & dividebant illa

Apud Roñri. p.

omnibus, prout cuique opus erat. Imo SS. Hieronymus, Cyprianus, Basilus putant fideles jam tum vorum paupertatis emisisse, idque colligunt ex pœnis ab Anania & Sapphira datus.

3. tr. 3. c. I.

Joan-



*S. Joannes Eleemosynarius*, (qui pauperes dominos suos appellabat) *Jo. Diac. in*  
ex hac vita migraturus, gratias DEO agebat, quòd nonnisi uni. *vita.*  
cus nummus ipsi superesset, quem ipsum proin etiam pauperi-  
bus erogari jussit. Annuos redditus sui Patriarchatus in pau-  
peres distribui jubebat, asserens ideo sacerdotibus, neque posses-  
sionem neque partem, neque hereditatem, inter reliquas tribus  
datam, quoniam pars & possessio eorum erat ipse Dominus. V.  
*S. Gregorius Taumaturgus*, hic pro posteris de se narrari voluit, quòd *Lippelous 17.*  
vividus nullius loci possessor fuerit, & mortuus alieni sepulchri inha- *Nov.*  
bitator sit. V I. S. *Franciscus Seraphicus* rogatus à Fratribus quæ vir- *S. Bonav. in*  
tus maximè gratos nos faceret, respondit paupertatem esse. *vita.*  
Hanc in omni sermone, matrem, sponsam, dominam, reginam  
appellabat. Cùm mendicum quendam pauperiorem se aspiceret,  
quàm ipse esset; ita sanctâ quadam invidiâ commoveri sole-  
bat, acsi in re magna multumquè expetenda vinci se videret.  
Cùm ad Principum mensas invitabatur; non ante eas adibat, *Chron. l. p. lib.*  
quàm aliquot panis frustra per viciniam mendicasset, quæ dein- *2. c. 10.*  
de in menta cum gaudio exponebat. Cùm Guardianus quidam  
cellam ei ex tabulis obiter dolatis præparasset, non prius illam  
inhabitare voluit, quàm paries ramis viminibusquè contexti  
paupertatis speciem exhiberent. VII. *S. Clara* usque adeo Pau- *S. Ant. apud*  
pertatem amabat, ut privilegium paupertatis ab Innocentio IV. *Platum lib. 2.*  
petere ausa fuerit, quâ petitione mirificè delectatus Pontifex non *c. 3.*  
solum concessit, quod petatum fuit, sed cum incredibili volu-  
ptate tum manu propriâ conscripsit. VIII. *S. Bessarion* præter  
tunicam pallii laciniam, & novum testamentum, quod semper  
infra brachia gestabat, nihil sibi ex omnibus reservavit. Imò,  
cum in demortui, & inhumati cadaver incidisset, etiam huic di-  
midium pallium superinjecit. Inde ultra progressus, & à men-  
dicabulo stipem rogatus, cùm nihil haberet, tunicam exuit, & e-  
genti dedit. Post hæc cùm decori ratio vitaret eum in publico  
comparere, ab honesto viro in angulo nudus deprehensus, se- *Ex vitis PP.*  
gumento fagi sui tectus est, à quo cùm interrogaretur, equis ita  
eum spoliasset? librum ostendens; hic, inquit, eo me redēgit.  
Tandem neque librum retinuit, ut eo vendito pretium pauperi-  
bus elargiretur, sicque ipsius libri monitum impleveret, quo dice-  
bat;



bat: Vade vende omnia, quæ habes, & da pauperibus. IX. S. *Marul. lib. 2. a. 8.* *Elisabetta* Pannoniæ Regis filia & Landgravii Thuringiæ uxor, usque adeo paupertatem diligebat, ut & vilissimum sæpe domi amictum indueret, & in Ecclesia audiendæ concionis gratiâ, non nisi inter infimæ sortis mulieres consideret. Post mortem mariti omnia, quæ habuit pauperibus distribuit, constructoque diversorio, se ipsam ægrorum & pauperum ministram fecit, nunquam lætior visa, quam cum inter mendicos se accensam videns, panem & hospitium quæsit. X. S. *Petrus Zanch. p. 5. c. 9. fol. 117.* *Stephanus* Ordinis Gradimontis fundator, cum à suis quæreretur, quomodo post obitum ipsius se alere deberent? respondit, se Divinæ providentiæ eos commississe, quæ passura non foret, ut necessaria alimenta desint, si paupertatem amaverint, secus verò si abjecto DEI timore, ad spes humanas confugerint. XI. S. *Lypelous Tom. 2. 14. April.* *Lydwina* triginta annis pauperrimam vitam vivens miserantibus dicebat: Satis abundat, qui in eo, quod habet, contentus est. Etsi mihi communes cum hominibus non sunt divitiæ & deliciæ, sunt tamen cum multis communes paupertas & miserix, quibus ego abundans Deo gratias ago & quiesco. XII. S. *Franciscus Seraphicus* ante omnia suis paupertatem commendabat dicens: Eam esse salutis viam, humilitatis fomentum, perfectionis radicem, & ab ea multiplices fructus existere, quam occultos & paucissimis cognitos. XIII. S. *Ignatius* Paupertatē ut matrem & colebat ipse singulari studio, & ab aliis coli volebat. Hinc nè quid contra eam permetteret, quadraginta diebus deliberabat, an pro templo Professorum redditus admittere deberet. Sed & agrè, & rarò permittebat, ut è professa domo aliquis in Germanico Collegio vel Romano verlaretur, nè quid ex Collegiorum fructibus ad domum Professam perveniret. Cuidam efflictim paupertatem exhorrenti dixit: Magis metuendum esse, timorem paupertatis, quam ipsam paupertatem.

*Exempla Profana Paupertatis* ex citato Lohner ut supra

I. *S. Hieron. ep. ad Jul. Diac. Laert. lib. 2.* *Crates Thebanus*, cum se Philosophiæ ac virtuti Athenis mancipare veller, lautissimum patrimonium vendidit, & magnam inde confectam auri vim in mare projiciens dixit: Abite pessum malæ cupiditates. Ego vos mergam, nè ipse mergar à vobis. II. *So-crates*, si quando forum transiens rerum venalium copiam intuebatur



batur, dicere solebat: Quàm multis rebus non egeo. Indicabat eum esse similem Dns qui omnino nullius egeant rei. III. *Thebanus Epaminondas*, tot victoriis clarus Imperator, divitiarum abstinentissimus, *Plutarch. in Epamin.* unicâ veste contentus fuit; quam, si quando vetustate obtritâ refarcire opus foret, domi clausum se tenebat. Eum Thebani publicâ impensâ & ære collato ob inopiam exulerunt. Cùm Jason ei quinquaginta talenta auri misisset: injuriam mihi facis, inquiebat, simulquè remisso auro quinquaginta drachmas à civi pro viatico mutuatus est. Cùm verò comperisset satellitem suum à captivis pecuniam accepisse, ei ad se vocato dixit: Da mihi scutum, tu verò cauponam eme, in qua vivas, non enim ultra pericula adibis, cùm dives factus sis. IV. *Scipio* quadraginta quatuor annorum spatio, nec emit, nec vendidit quidquam, adeo paucis fuerat contentus. Cùm autem ei quidam scutum eleganter apparatus ostenderet, dixisse fertur: Atqui Romanum civem par est in dextera spem ponere, non in sinistra. V. *Demonax* Philosophus nullum unquam sibi viaticum præparavit, sed cùm esuriret, proximam domum, quam apertam videbat, ingrediebatur; & victum sibi quæritabat. Centenarius decessit, elatus publico sumptu. *Beyerlinck Tom. 6. fol. 118. Beyerlinck ibidem fol. 119.*

## § III.

**IN Praxi** modus comparandi amorem & sequelam S. Paupertatis est. 1mo. Applicare hic proportionatè suprà dicta. 2do. Exercere Actus Sanctæ Paupertatis. *Ex-1. 2. tr. 1. c. 1. sect. 4. subs. 2o.*

*Actus Interni ex Disciplina Claustr. P. Joann à J. M.*

**C**lementissime DEUS, nolo aliorum bonorum possessiones, nisi tantummodo Tui.

2. Utinam! Pater amantissime millenos mundos auro plenos haberem, non ut possiderem, sed ut relinquerem propter Te.

3. Benignissime Domine, quod ad me spectat, promptissimâ voluntate omnia, quæ desiderare possum, relinquo propter Te.

4. Misericordissime DEUS, utinam! carerem hac veste, quâ tegor ut Tibi meâ nuditate placerem.

5. Dulcissime Pater, ego sum hac cellâ planè indignus: utinam!



nam! sub scala, vel in angulo domus incommode pernoctarem.

6. Satis bene mecum ageretur Domine, si ederem reliquias ciborum, quibus famuli tui vescuntur: oro Te, ut me ad convivium fragmentorum panis, qui superest, admittas.

7. Absit a me, o tota hereditas mea, ut libri, cellæ, vestis, seu aliarum rerum cupiditate præpediar.

Vide quoque Actus S. Paupertatis 1. 2. tra. 1. c. 1. sect. 4. subs. 1. 9 3. sub Praxi Medit.

*Actus Externi Paupertatis, ex Bibli. Manual. P.*

Lohner Tit. Paupertas.

**N**ihil accipere, aut dare sine facultate. Quia Religioso nihil penitus juris in temporalia, aut eorum usum remanet; nec quidquam definitè debetur, sed solum necessaria indeterminatè, hoc est ad arbitrium superioris. Hinc teste Hugone Rott anti-  
*in via Reg. p.*  
*1. E. 7. f. 2.* quum est verbum: Quidquid Regularis acquirit, non sibi, sed Ordini suo, seu Monasterio acquirit, & quidquid eidem à Præsidibus porrigitur, gratuitum est donum, non debitum.

2. Nulla re tanquam propria, sine facultate uti. Cum Religiosus Paupertatem professus proinde nullius rei habeat dominium, ac peregrinus in hospitium divertens, cui utique nihil usurpare sine generali licet vel particulari cauponæ, vel hospitis facultate.  
*S. August. apud*  
*Lanci. opus. 2.*  
*num. 122. p. 3.*  
*vita reg. c. 27.*  
*f. 4. n. 4.* 3. Nihil superfluum retinere. Melius est enim teste Augustino minus egere, quam plus habere. Et ut bene P. Hugo Rott advertit, superfluum congeries, & provisionum apparatus institoris indicant, similem ei, qui quadragesimalium copiâ ad comedendum, non ad jejunandum instructus est.

4. Vilissima in iis, quæ ad usum conceduntur, eligere. Certè S. Franciscus dicitare solebat: Spiritus mortui signum esse perspicuum, si quis curiosa multa eaquæ non necessaria apud se habeat; quâ enim aliâ re inquit Rodriquez, spiritus tepidus, & in quo gratiæ vigor elanguerit, operiri, foverique queat, quàm id genus titillicis rebusquæ nihili, ad has videlicet, ubi palatum ad spirituales exurdatum est, suapte nutu desectitur.

*Vita c. 5.*

5. Etiam necessariorum carentiam æquo animo supportare. Nam ut rectè P. Balthazar Alvaréz dicere solebat: nemo sibi de illustratione-



strationibus sensus, & spiritualibus consolationibus blandiatur, nisi hilari vultu hunc bolum Evangelicæ Paupertatis deglutierit, tunc autem deprehendet, an illam amer, si ejus etiam comites diligat, famem, sitim, frigus, ac contemptum. Qui in vestibus quærit honorem nè vilis habeatur, non diligit paupertatem; qui dum sitit non potest sitim aliquamdiu perferre, is non studet paupertati; qui nihil vult sibi deesse, & tamen vult Religiosus haberi, decipitur. Porro necessariorum nomine ut benè advertit P. Hugo Rott, non illa intelliguntur, quæ ad hoc solum appetuntur, & usurpantur ut commodius quis, iucundiùs, celerius, plenius officio suo, vel indigentia per ea consulat (hanc enim, necessitatem fictam ait appellari) sed ea, sine quibus cum omni industria vincere impedimenta operis, aut valetudinis non possit. Certè parum dignè, inquit idem, paupertatem Christi Regularis imitatur, qui leviori ciborum, librorum, instrumentorum, ac reliquæ suppellectilis apparatu contentus vivere nescit. Hinc rectè S. Albertus Magnus ex hac carentia perfectionem paupertatis colligi debere existimavit, dum dixit: Vera & perfecta paupertas est, omnia propter DEUM sponte & libenter dimittere, nihil præter solam necessitatem possidere. Eadem necessitate se indignum censere, & etiam ipsâ necessitate quandoque propter DEUM carere. Ubi enim est plena necessitas, perpendi non potest paupertas.

6. Libenter suo tempore ea, quæ necessaria sunt, vel à Superioribus, vel ab Officialibus, vel ab Externis mendicare. Hic enim est proprius effectus paupertatis, nec ipsum etiam usum, nisi ex aliorum arbitrio & facultate arrogantis.

7. Munera, præsertim si adulationem, aut corruptelam, aut remunerationem, vel minimum sapiant, non tantum non ambire, sed etiam oblata respicere. Hoc quippe est potius libertatem vendere, quam paupertatis titulo eleemosynam ab aliis accipere.

8. Certis temporibus ad Superiorem deferre reulas suas, iisque pernitius se spoliare; Ut in ordine S. Hieronymi olim religiosè factitatum fuisse, ejusdem Annales testantur, dum si quis rei superflua, aut curiosæ, minusve religiosæ possessor comperiretur, omnes conveniebant, pyraquæ excitatâ rem illam quasi anathema exuebant. Hactenus Lobner.



In Vita S. Magd.

Paz.

9. S. Maria Magdalena de Paz exercebat suas discipulas in sanctæ paupertatis amore, unde dum advertit, aliquam applicuisse animum ad rem sibi per usum datam, mox illam recipiebat, vel permutabat. Visitabat frequenter illarum cellas, si quid superfluum vel sine simplicitate religiosa advertit, recipiebat dicens: Quod observantia Paupertatis non jungatur cum superfluo, & vanitate. Quas verò videbat ad vanitatem magis inclinatæ, præcipuè si vellent novos habitus; jubebat illis dare centonibus refectos. Porro eadem Sancta, ad eradicandum è cordibus discipularum suarum affectum habendi, multum imprimis introspiciebat, si ad aliquid corde alligarentur. Deinde constituit ipsis ut quolibet mense diligenter se examinarent, an haberent nimiam cupiditatem habendi, aut inordinatum affectum ad rem qualemcunque; vel si retinerent penes se rem aliquam superfluum necessitati. Quod si aliquid simile reperissent, præcipiebat, ut mox illud à se removerent. Quia verò affectus habendi non debet apponi etiam ad res necessarias, igitur eadem sancta mandabat suis discipulis, eas commutare sæpe ad invicem, solebatquæ esse, quod una alteri permutabat vestitum, habitum, & his similia necessaria, alterius viliora recipiendo, & sua meliora in mutuum dando, & sic in communi omni re utebantur. Cumque advertisset quandam ex sororibus affectum suum alligasse cuidam libro exercitii spiritualis suæ manu conscripto, iussit è vestigio illum igni tradere.

### Actus Sanctæ Paupertatis in Victu.

In vit. S. Bern.

L. 1. c. 5.

PRIMI Claravallenses sub Abbate S. Bernardo in victum sibi pulmentaria sæpius ex foliis fagi conficiebant, panis instar Prophetici illius ex hordeo & milio & vicia erat, ita ut aliquando Religiosus vir quidam appositum sibi in hospitio panem uberitum plorans clam atportaverit, quasi pro miraculo omnibus ostendendum, quod inde viverent homines, & tales homines. )) Hinc quidam benè advertit dicens.

Nebridius Antiq. Monast. ep.

94.

Vit. lib. 1. c. 9.

Ordo Cucullatus posset satis esse beatus:

Si biberet flumen, velletquæ adamare legumen.

S. Franciscus Borgias adhuc secularis, coena sibi perpetuò inter-



interdixit. In prandio ita parè victitabat, ut herbis & leguminibus coctis, tantum uteretur pane solo & frigida contentus, lauticias & eduliorum fercula respuebat.

*Actus Sanctæ Paupertatis in Vestitu.*

**S**anctum Bernardum vili usum fuisse habitum indubium est, utique juxta Regulam sui S. P. Benedicti, quâ jubentur indui Monachi, de eo, quod vilius comparari potest. Et alibi sextum humilitatis gradum ponit: Si omni vilitate & extremitate contentus sit Monachus. Hinc melliflui Doctoris dictum: Amo paupertatem, sordes nunquam, scilicet sordes nimias, affectatas; nam sine sordibus aliquibus vix servatur paupertas. Unde idem Beatus S. Martini Episcopi pauperiem collaudans, ait: Pauper fuit, veste sordidus, crine incultus, facie despicibilis. Imo ex sua Claravalle deceptus Robertus ejus nepos Religiosus transiens Cluniacum, de eodem scribit idem Sanctus: Cluniacum ducitur, tondetur, raditur, lavatur, exiit rusticus, vetustus, sordidus, induitur pretiosus, no vis, nitidis: & ita in conventum suscipitur. Et S. Basilii inquit: Humilitas requirit, ut habitus sit neglectus, coma squalida, vestis sordida, ut quæ poenitentes faciunt ex necessitate, à nobis fiant ex voluntate. S. Augustinus de suo vestitu ait: Qualem potest habere Presbyter, qualem potest habere Diaconus, vel Subdiaconus, talem volo accipere; quia in communi accipio. Si quis meliorem dederit, vendo, quod & facere soleo, & quando non potest esse vestis communis, pretium vestis sit commune. Vendo, & erogo pauperibus. Si hoc etiam delectat, ut ego habeam talem, det unde non erubescam. Fateor enim vobis, de pretiosa veste erubescam; quia non decet hanc professionem, hanc admonitionem, hæc membra, hos canos.

Regula c. 55.

Ibidem c. 7

S. Bern. serm. in fest. S. Mart.

Idem Ep. 1. ad Nepotem suum S. Basilii Ep. 1.

S. Aug. serm. 50. de divers.

S. Ignatius, initio suæ conversionis talarem ex canabina tela aspera & aculeata, in modum sacci tunicam tulit, fune pro cingulo usus, calceos ex sparto contextos, & ad aquæ usum cucurbitam habuit. Cum S. Magdalena de Pazis in extasi voluntatem DEI intellexisset, de portando paupere amictu, mox detractis calceis, & tibialibus de pedibus, illisque abjectis, cucurrit ad suam cellam, omnia ex ipsa exportavit etiam minima, tantum Crucifixum in altariolo relinquendo, & saccum stramineum, & quandam asterculum loco molliis culictræ. Deinde ex vestiario arripiens

Vit. lib. 1. c. 3.

In vita ejus.



piens vilissimum & centonibus confutum habitum, illo se induit, meliore relicto. Ita Sanctâ Paupertate vestita, ejusmodi sensit cordis sui contentationem cum lætitia, cum se videret adeo humiliter amictam pro amore DEI, ut tota elevans oculos in cælum summopere DEO gratias ageret, quasi pro specialiori quodam beneficio, unde cum magna devotione absoluebat Te DEUM laudamus.

*Actus S. Paupertatis in Habitatione.*

**S**anctorum Patrum olim sylvæ & speluncæ instar ferarum, imo sepulchra, habitacula erant; quippe juxta Apostolum, non habentes hic manentem civitatem, futuram inquirebant. Ita Nebridius refert dicens: Paulinus vir in seculo Consularis, ut Monachus effectus est, pro Monasterio nonnisi vile tuguriolum habuit, quem plures in hoc secuti sunt, ut refert Theodoretus. Multi in tabernaculis vixerunt; quibus ipsis tamen aliqui carere maluerunt, ut Sulpitius scribit. B. Baradatus se in arcam conclusit, Theodorus Siceorum Archimandrita nunc ferream, nunc ligneam cellulam habuit commensurata corpori, desuper apertam. Sanctus Stephanus junior, speluncam sibi extruxit, latitudinis non plus quam sesqui cubitalis, longitudinis duorum cubitorum versus Orientem conchæ formam effinxit, in qua vix curvato corpore stare poterat: reliquam partem sine tecto reliquit. A quo cum Fratres peterent, ut non ita sub dio degeret, respondit: Tecti loco se cælum habere; Atque ita per æstatem conflagrabat solis ardore, per hyemem autem frigebat. Denique Theodoretus author est, aliquos sub dio frigoribus congelatos fuisse, aut sepultos nivibus. Qualem etiam Germania nostra vidit sub Lothario Imperatore Stetzelonem videlicet. Hic in Trevirensi Diætarsi multo tempore per montes & silvas, sine tecto & vestimento pro Christi nomine nudus oberrans, æstatis ardores, hyemisquæ asperrimos algores incredibili patientiâ tolerabat, ita ut quadam vice, cum brumali tempore gelu solito amplius inhorruisset, nix multa cadens de nubibus, & ipse non habens, quo à facie nivis & frigoris hujus fugeret, sed in terra nudus jacens, non modicâ spissitudine nivibus totus operiretur, nullum indicium corporis

Hebr. 13.

Nebrid. Antiq.

Monast. Ep. 13.

S. Paulus Ep.

10.

Theod. in Phil.

c. 27.

Sulp. dial. 1. c.

9.

Theod. super

Georg. Prest.

vit. S. Theod.

Surius in vita

tom. 6.

Theod. in Phi-

loth.

Chron. Ord.

Cist.



corporis ejus illic esset, excepto quòd virgula fumantis anhelitùs ab ore procedens, subinjectam nivem aliquantulum relinquebat. Quot Sancti, cum adhuc in vivis essent, inter mortuos habitaverunt in sepulchris? Meminit unius B. Joannes de Lyco apud Palladium. *Pallad. c. 45.* Sisinnius per triennium stabat in sepulchro. Magna poenitentia stare per triennium. Alii etsi non jugiter stabant, in sepulchris tamen morabantur, ut Phyloromus per sexennium, Jacobus Eremita, & Alexandra Virgo per decennium. Zeno & Petrus Galates per multos annos. Narrat quoque Pelagius Diaconum, propter adulterium, vivum se sepeliri fecisse à seniore. Et quid hoc mirum? Democritus Ethnicus amore philosophandi sepulchrum incoluit. Ubi non occurrat tibi forma nostrorum sepulchrorum, sed sepultura Christi, quæ erat excavata petra, cum duplici cella, quarum una interior, altera exterior erat. In talibus sepulchris nostri Monachi erant, unde & sæpè legimus eos habuisse cellam exteriorem & interiorem, ut S. Jacobum, Martinia- num, Abraham. Quæ tamen cellæ, si fenestram habebant, sepulchra dici non poterant, quibus præter ostii foramen, nihil erat, per quod defunctis nostris necessaria præbebantur, ut vivere possent. *Hæc Nebridius.*

S. Benedicti primis annis suæ conversionis spelunca habitatio fuit. S. Robertus cum primis Cisterciensis Ordinis Fundatoribus in eremum dictam Cistercium secessit, in quo loco humiles Christi famuli DEO servire cœperunt in paupertate spiritûs, in fame, & siti, in frigore, & nuditate, in vigiliis multis. Tunc pi-issimus Odo Dux Burgundiæ, sancto fervore eorum delectatus, Monasterium ligneum, quod inceperant ex arborum ramis, suis expensis omnino consummavit.

S. Ignatius, licet jam Generalis cubiculo tenebricoso & præangusto habitabat, quod viginti novem palmis longum, latum quatuordecim, altum decem erat, & simpliciter elaboratum.

S. Franciscus Xaverius ægrotans Mozambici ex febre, licet multæ domus offerrentur, in valetudinario tamen communi, ter ægrotorum turbam semper jacuit.



## Actus S. Paupertatis in Privata Suppellectili.

*In Antiquar. Monastic. Ep.* **N**ebrius ita differit: Sunamitis illa, Iosippe nobis ostendit omnem habitationum nostrarum suppellectilem: *Faciamus,* inquit, ei coenaculum parvum, & ponamus, ei, in eo lectulum, & mensam, & sellam, & candelabrum. Sufficiunt hæc Pauperi Christi ad necessitatem. Ad pietatem addi possunt devotæ quædam imagines non sumptuosæ, ad comprimendam carnem instrumenta mortificationum, ad instructionem codices. *S. Bened. Reg. c. 55.* præter hæc cultellum, graphium, acum, & mappulam mensæ, & librorum appendices, vel si quid in vestimentis parum refarcendum sit. *Metaph. in vita Elefb.* Elebaan, ex tam victorioso Rege pauper Anachoreta, in tota sua suppellectili nihil habuit præter storem, & poculum. S. Magdalenzæ Pazis Cellam sorores appellabant *Officinam vere Paupertatis.*

## Actus S. Paupertatis in Suppellectili publica etiam Ecclesiastica.

*Fascicul. SS. Ord. Cister. in vit. S. Steph. Abbatis.* **S**anctus Stephanus tertius Abbas Cisterciensis statuit, nè Dux illius terræ, seu alius aliquis Princeps curiam suam aliquo tempore in sua Ecclesia tenerent, sicut antea in solennitatibus agere solebant. Deinde nè quid in domo DEI, in qua die & nocte, devotè servire cupiebant, remaneret, quod superbiam aut superfluitatem redoleret, aut paupertatem custodem virtutum, quam sponte propter DEUM elegerant, aliquando corrumpere: Confirmarunt, nè retinerent cruces aureas vel argenteas, nisi tantummodo ligneas coloribus depictas, neque candelabra, nisi unum ferreum, neque thuribula nisi ferrea vel cuprea, neque casulas, nisi de fustaneo, vel lino. Pallia verò omnia & cappas atque dalmaticas, tunicasquæ ex toto dimiserunt. Sed calices argenteos non aureos, sed si fieri posset deauratos, & fistulam argenteam deauratam tamen ad sumendum per eam sacrum sanguinem à communicantibus Laicis (quod tunc adhuc liberum erat) stolas quoque & manipulos de pallio tantum sine auro & argento retinuerunt. His & huiusmodi sanctis & DEO placitis legibus novum Ordinem suum servi DEI roborantes, & ex his, quæ prius in



us in usu habuerant, alia quidem, tanquam veræ humilitati contraria penitus amputantes, alia verò melioribus, & sanctam paupertatem magis redolentibus consuetudinibus commutantes, posuere prava voluptatum in directa continentia, & aspera vanitatis & superbiam in vias planas iustitiæ, ita ut secundum Prophetam, *stulti in hac via errare non possent.*

U. Isa. 35.

*Actus S. Paupertatis in Infirmitate.*

**S**ancta Magdalena Pazzis etsi optaret, ut Religio sacra visceraliter exinaniret se pro cura Infirmorum: tamen & in ipso infirmatorio latagebat, ut in omni re propter infirmorum refocillationem & obsequium ordinata, manifestè ostenderetur paupertas, quatenus esset diversitas inter infirmum in paupere Religione, & infirmum in seculo.

De observantia S. Paupertatis circa medicinas nobilem locum vide ex S. Bernardo infra sub Patientia in perferendis corporis malis.

Cap. 7. sec. 8.  
subf. 8.

*Actus S. Paupertatis in non accipiendis Muneribus.*

**S**anctus Franciscus Xaverius cum ei Amangucii Rex magnum auri & argentique pondus obtulisset, remisit illis hoc unum Regem precabatur, ut facultatem seminandi Evangelii concederet. Unde admiratus Rex tantam abstinentiam aspernantis, quod alii per ingentia fretorum terrarumque pericula peterent, non dubitavit ejus Religioni favere, cujus virtutem suspiciebat. Hinc etiam Concionatores hortabatur, ut ubicunque eis res ad victum necessariae suppeterent, nihil ab aliis accipiant, quod dona libertatem eripiant. Coeterum si parva quædam mitterentur, indicia benevolentia verius, quam munera, non esse respuenda, nè amicitiam respuere videaris. Si quando magna vis cibariorum missa fuerat, ea valetudinario, carceri, cæterisque egentibus dividebat, ut omnes intelligerent, istarum etiam rerum maximam partem dispertiri pauperibus.

Vita lib. 4. c. 7.

*Actus S. Paupertatis in Mendicatione.*

**I**s actus Paupertatis equidem est præstantissimus, continens in



se heroicis actus spei in DEUM, patientiæ, & humilitatis, &c. ut præclarissimi Ordines glorioso titulo Mendicantium voluerint distingvi, tanquam notâ regali ipsi æterno Regi propter nos egeno factio propria, quæ ut nunc apparet vilis, ita in æternitate beata patebit gloriosa.

Vit. lib. 1. c. 14.

S. Franciscus Xaverius cum in Indiam veheretur, licet ei omnia necessaria à Prætoribus offerrentur; ipse tamen rejectis omnibus, non nisi mendicato vivebat.

## SECTIO IV.

### De Oppositis Paupertati Christianæ.

#### § I.

#### De Falsa Paupertate.

S. Bern. serm.  
35. de vit. &  
offic. Religio-  
forum.

**P**rimò Opponitur falsa Paupertas. S. Bernardus: Sed & illud quid refert, si fortè, (quod absit) non quòd divitias, sed ea ipsa, quæ paupertatis sunt, toto affectu desideres, aut etiam ardentius, quàm divitias cupiunt homines seculares. Quid distat, quæcunque substantia desideretur, dum æqualiter sit corruptus affectus, nisi quòd tolerabilius illud videri potest, quæ pluris esse videntur, plurimū desiderare. S. Hieronymus: Sunt ditiores (nonnulli) Monachi, quàm fuerūt seculares, possident opes sub paupere Christo, quas sub locuplete diabolo non habuerunt, & sustinet eos Ecclesia divites, quos tenuit mundus antè mendicos. S. Magdalena Paz-  
ziana, dum quadam vice inaudiret quosdam gloriari Religiosos, quasi amplius cæteris observassent paupertatem, propterea quòd omnes suas necessitates quotidiano labore providerent, operando ipsi pro se, quod in aliis Religionibus copiosè, & sine detrimento providet Superiorum charitas. Adeo infelicem statum illorum Religiosorum desens Magdalena, postea in extasi super illis ita lamentari cœpit: O cæcitas humana! ô status Religiosæ! tam modicum agnate! ô immensa calamitas! Specie boni malum regitur, & defenditur præmium laborum suorum, æternam damnationem reperient, quia indigentis paupertatis propriâ cupiditate

S. Hieron. in  
Ep. ad Hesiod.

Invita ejus.



piditate satisfecerunt. Hinc dicebat, quod certissimus sit salutis suæ quisque ille Religiosus, qui communem vitam suscipiens, ab ipsa Religione & Superioribus expectat necessaria omnia, ad victum & amictum spectantia, de nihilo cogitando. Sicut è contrà desperabat de salute talis Religiosi, qui per suam proprietatem pretiosis oblectatur ferculis, etsi in vilissimo incedat vestitu; quia talis falsâ paupertate seipsum decipit, & quousque non abjiciat omnia, nec hic, nec in cælo poterit esse Christi discipulus.

## § II.

## De vitio Proprietatis.

**S**ecundò Opponitur Vitium Proprietatis, quod definitur esse: *Potestas malè usurpata liberè disponendi de rebus in suam felicitatem.* Dicitur; *potestas*: in qua genericè convenit cum dominio licito. Dicitur; *malè usurpata*: quo differt à proprietate licita. Fit autem hæc mala usurpatio ex injusta arrogatione dictæ potestatis, quam cum per votum semel DEO plenariè tradiderit, eam denuo sacrilegè ipsi eripit. Dicitur; *liberè disponendi*: id est, cum non juxta regulam & constitutiones suæ Religionis, ac arbitrium superiorum, sed pro suo libitu, & placito aliquid det, vel accipiat, vel permuret, vel ipse utatur, &c. Dicitur; *de rebus* sive sui Monasterii, Collegii, Communitatis, sive sibi soli donatis, sive merito, labore, industriâ, seu quovis alio titulo acquisitis. Dicitur; *in suam felicitatem*, seu proprium commodum: ubi quoquè propinqui, amici, &c. intelliguntur, qui sunt idem moraliter cum dante Religioso, à quo aliquid accipiunt.

Contrà vitium Proprietatis accipe 1. quod Cassianus ex sacris scripturis refert: Giezi, inquit, quæ nè antea quidem possederat, volens acquirere, non modò gratiam Prophetiæ non meruit possidere, quam per successionem velut hereditariam à suo habuit Magistro suscipere; verùm etiam è contrario æternâ leprâ, S. Elisei maledictione perfunditur. Iudas autem volens resumere pecunias, quas antea Christum secutus, abiecerat, non solum ad proditorem Domini lapsus, Apostolatûs perdidit gratiam, sed vitam ipsam communi exitu finire non meruit, eum-

Cass. lib. 7.

inst. c. 14.

4. Reg. 5.

Matth. 26.



Act. 5.

que biothanari morte conclusit. Ananias verò & Saphira reservantes partem quandam ex his, quæ possederant, Apostolico ore morte mulcantur. Et cum primis iidem proprietarii Ananias & Saphira mendacii in DEUM arguuntur, dicente Petro: Anania cur tentavit sathanas cor tuum, mentiri Spiritui Sancto, & fraudare de pretio agri &c. ac deinde subitâ morte à DEO percussi sunt. Docet autem S. Basilius eos voto Paupertatis fuisse obstrictos.

S. Basl. serm.  
de instit. Mo-  
nach.

S. Hieron. Ep.  
I. ad Heliod.

S. Basilius in  
quest. brevi.

S. Chrysost. lib.  
3. contra Mona-

vitæ vitup.  
S. Greg. lib.

10. Ep. 22.

S. Greg. Nyss.  
hom. 8. in Eccl.

S. Basl. Const.  
c. 34.

S. Bened. Re-  
gul. c. 33.

Cassian. lib. 7.  
instit. c. 6.

S. Hieronymus: Perfectus servus Christi, nihil præter Christum habet, aut si quid præter Christum habet, perfectus non est. S. Basilius: In societate fratrum, nihil privatim habere debet. Qui enim dicit suum aliquid esse, is seipsum alienum reddit ab Ecclesia DEI, & Charitate Domini. S. Chrysostomus: Inde (ex Monasterio) id, quod omnia pervertit, & perturbat MEUM et TUUM penitus eliminatum est. Cuncta quippe illis communia sunt, mentia, domus, indumentum. S. Gregorius: Si peculiaritas à Monachis habetur, nec concordia, nec charitas in congregatione eadem poterit permanere. Quid est autem habitus Monachi, nisi contemptus mundi? Quomodo igitur mundum despiciunt, qui in Monasterio positi aurum quærunt? Proprietates subtile malum adeo, quod teste S. Gregorio Nysseno j, qui omnia vitia domuerint, insignes virtute, huic tamen vitio satis obviare minimè potuerunt. Denique S. Basilius confert Proprietatem cum furto Iudæ proditoris. S. Benedictus vocat nequissimum vitium. S. Gregorius, Monasteriorum pestem. Cassianus, receptaculum vitiorum, malorumquè omnium, & inextricabilem nequitiae fomitem. Innocentius III. summus Pontifex graviter iussit animadverti in Proprietarios ita dicens: Prohibemus distictè in virtute sanctæ Obedientiæ, sub obtestatione Divini iudicii, nè quis Monachorum proprium aliquo modo possideat, sed si quis aliquid habet proprium, totum incontinenti resignet. Si verò post hoc proprietatem aliquam habere deprehensus quis fuerit, regulari monitione præmissâ de Monasterio expellatur, nec recipiatur ulterius, nisi poeniteat secundum Monasticam disciplinam. Quod si proprietas apud quemquam reperta fuerit in morte ipsa, cum eo in signum perditionis extra Monasterium in sterquilinio suberretur, secundum quod



quod B. Gregorius Papa in libro Dialogorum fecisse legitur. *s. Greg. lib. 4.*  
Unde si quidquam alicui fuerit specialiter destinatum, non præ- *Dial. c. 55.*  
sumat illud accipere, sed Abbati, vel Priori, aut Cellerario asigne-  
tur. S. Magdalena de Paz exclamat: O paupertatem! Paupertas *in vita ejus.*  
tem sanctam religiosam! O quàm modicùm agnita, & servata  
manes! Ah! si esses agnita & servata, non fuissent cellæ à religio-  
sis refertæ, plenæ variis ornamentis. Fuisset quasi venenum,  
in abominatione acceptio, retentio, & expensæ pecuniæ iuxta  
propriam voluntatem, & aliæ hujusmodi pompæ, & vanitates  
fordidæ, veris insuetæ religiosis personis. O mi IESU quo-  
modo pulchritudo paupertatis religiosæ conspurcata facta est  
per proprietatem maledictam! O quàm multæ! quàm multæ  
animæ religiosæ in ignibus ardent infernalibus, quòd sublimiter  
non æstimarint, & non observaverint sanctam Paupertatem!

3 *Exempla terrifica Proprietariorum ex Nebridio.* S. Leufridi *Nebrius An-*  
Lerinenfis Abbatis contigit fratrem mori, cujus corpus cum *tiq. Monast. Ep.*  
tractarent Monachi invenerunt in vestibulis absconditos ternos *33. In vit. Leu-*  
nummos. Quod cum Patri sancto indicassent, valde infremi- *fridi c. 23.*  
scens, iussit cadaver defuncti fratris seorsum extra cœmeterium *Chron. lon.*  
commune projici, coniectisque in id nummis à Fratribus cla-  
mari: *Pecunia tua tecum sit in perditionem.* Qui abierunt, fece-  
runtquè sicut præceperat eis vir sanctus. Aliud, Contigit An- *Zach. Bouer.*  
no Domini 1569, ut ex fratribus, quos Minores de observantia *in Annal.*  
vocamus, octo simul ad Capucinos transierint. Rogati causam *15. 69.*  
dixerunt, Guardianum ipsorum haud ita pridem tam horrendâ  
morte defunctum esse, ut nisi sibi melius consularent, non im-  
merito similia timerent. Cum enim ex confectis à se flabellis  
pavonaceis, aliisque curiosis sericis signaculis multum pecuniæ  
corrasisset, ita tandem fatere capit, ut ejus præsentiam nemo to-  
lerare potuerit. Sejunctum ergo cum fratres aliquando invi-  
serent, viderunt capite de lecto miserabiliter pendere, atque à  
monstruosa fele ad collum graviter lacerari, ac suffocari. Cum  
Fratres in abactione felis se multum fatigarent, ægrotus, non  
cum fele, inquit, sed cum dæmone vobis res est, hoc supplicium  
mihî vitæ turpitudine, concupiscentiâ, violata paupertas, & spre-  
ta regulæ observantia peperit. Discite vos meo exemplo me-



Idem.

liora. Damatus à DEO, ad tartara rapior. Quæis dictis inter horrendum stridorem à se præfocatus amisit animam. Aliud. Capucinus quidam allectus alterius breviario, id clam subtraxit, & abscondit sperans se brevi locum mutaturum, ubi eo absque suspitione uti posset. Qui breviarium amiserat, Guardianus indicavit, rogans ut fratres moneret de restitutione. Nè quidquam id profuit aliquoties factum. Unde concitator Guardianus per sacram obedientiam edixit, ut quicumque breviarium abstulisset, antiquo possessori redderet. Sed & hoc frustra fuit. Jam dies declinabat ad vespem, & sacrista templum clausurus descendebat ad Ecclesiam. Nondum ad fores venerat, cum ecce quidam in nigri Monachi habitu ingreditur, qui conversus ad sacristam. Obsecro te, inquit, frater relinque tantisper apertas fores, dum quod meum est, tollo. Sacrista miratus nigri advenæ dictum, rem detulit ad Guardianum, secumque duxit ad Ecclesiam. Qui conspecto peregrino: Quid inquit hic loci repetis? Et niger: Est inter tuos, qui, quod meum est, possidet, jube omnes adesse & ostendam. Guardianus accitos omnes Melandro proposuit, qui ut conspexit breviarii furem, momento pedibus arreptum, per aëra vivum, in omnium oculis avexit ad orcum, breviario de manica excussio. Ita cognitum fuit, quis hic niger, quis fur, & quæ poena debeatur violatoribus Paupertatis. Verè judicia DEI

Idem Anno D.

1572.

Bouer. super  
A. D. 1569.

verenda sunt, maximè ubi de votis decernitur. P. Ortho de eodem Ordine, post mortem amico apparens dixit, se quidem salvum ac beatum, sed post tam exactum examen, ut judex DEUS etiam de candela in locis communibus ardente examinaverit. Quid fiet proprietariis, dum tantilli paupertatis excessus non negliguntur? Hactenus Nebridius. Idem Nebridius ibidem Epist. 32. hæc profert: Dare, vel accipere clanculo aliquid, longè quàm occultare gravius est. Quod judicamus esse materiam levem, severam ultionem infert. Frater, de quo tibi nuper scripsi geminam causam suæ damnationis habuit, una erant excusationes; altera quod plura munuscula spiritualia absque Majorum scitu, tam dare, quàm accipere fuerit solitus, veritus repulsam, si licentiam petiisset. Et adhuc inquit sub pulvillo capitis latet canabis fasciculus clam acquisitus ad resarciendam tunicam. Alium

quinque



quinque rosaria ad infernum detulerunt, quæ clam comparata Idem A. D.  
destinaverat cognatis. Et licet ob id conscientia stimulis agita- 1550.  
retur, nihil tamen unquam significavit Confessario, cogitans rem  
esse admodum levem. Inventa sunt à morte ejus rosaria hæc in  
ejus genuflexorio abscondita. Denique idem fratri Junipero Idem An. D.  
contigit, quod multa vana accumulaverit, quæ præter licentiam 1570.  
clam aut propinquis mittebat, aut domi habebat, de quibus nec  
in morte poenitentiam egit, credens se ob tam levia non fore da-  
mnandum. Sed dirus DEUS exactor votorum est. Vovete & red-  
dite. Magni Basilii decretum est, religiosum privatum, nè vetus S. Basil. Reg.  
quidem vestimentum, aut calceum egenti posse donare, etsi vel brev. 87. 99.  
nudus sit. Alibi dicit; Si det panem sine faculate, tanquam everfor 100.  
disciplina judicatur. Prohibitum erat apud Capucinos panem de Bover. An. D.  
mensa auferre. Contigit autem, ut fratri cuidam sathan 1573.  
appareret sub specie B. MARIE semper Virginis postulans  
panem. Frater errore delusus, tempore prandii panem furtive  
in manicam iniicit, finitaquæ mensâ expectanti phantasmati por-  
rigit. Quo facto dæmon repente mutatâ formâ hominem pe-  
dibus corripuit, & vero abripuisset, ni unus audito fratris cla-  
more advocasset reliquos, qui fufis ad DEUM precibus furti-  
vum elæmosynarium tandem hosti eripuerunt.

*Exempla ex P. Lobner.* Frater quidam Laicus cum psal- Bibl. Man. Tit.  
terium infcio superiore retinisset, & eo lapsus id exigente, tra- Paupertas.  
dere nolisset, in pertinacia tanta mortuus, post sepulturam in- Chron. 8.  
conditâ voce in choro ejulare coepit, adjuratusquæ à Guardiano Franc. p. 2. lib.  
& quis esset edicere iussus, respondit se esse fratrem heri sepul- 1. c. 18.  
tum ob psalterium non traditum, æternum damnatum. Alius  
quidam frater diabolum circa agonis tempus segmentolacera  
vesti resarciendæ ab eo occultè sub lectum posito, insidere ac  
lambere vidit, quare accersito superiori peccatum cum dolore  
confessus, in gratiam cum DEO rediit dæmonemquæ fugavit.  
Joannes Berckman per totam vitam deploravit, quod aliquando Vit. p. 2. pag.  
fratri cuidam imaginem dedisset, non impetratâ à superiore 139.  
(quem tamen quæsierat, facillèque consensurum putarat) facul-  
tate.



*Praxis eliminanda, vel cavenda Proprietatis est, Obser-*

*1. 2. tra. 1. c. 1. vantia S. Paupertatis ut supra: & Exercitium execrandi Proprietatem*

*sec. 4. subs. 2. juxta superius dicta modo proportionato.*

§ 2. & 3.

### §. III.

#### De Opposito S. Paupertati in Victu.

*S. Hieron. ad  
Nepotem.*

**S.** Hieronymi olim egenis, & in Religione quibusdam delicatis potest illud dictum applicari: Natus in paupertatis domo, & in tugurio rusticano, qui vix milio & pane cribrato rugientem satiare ventrem poterat, nunc simulam & mella fastidit.

*Nebri. Antiq.*

*Monast. Ep. 86.*

*Bover. 1586.*

Eruditissimus Nebrius hæc affert terribilia: Boni religionis si gulæ illecebras etiam in infirmitate & morte timent, gnari quid mali inde proveniat. Frater Antonius Bergomensis Laicus ex tribu Capucinorum in morte terribiliter à demonibus vexatus est: quia cum omnia, in quibus accusabatur, non malè diluisset, nequam spiritus ei tandem objecerunt, quòd aliquando jam religiosus absque superioris licentia vini haustum fecerit, pomumquè comederit. Quod cum negare non posset, omnem vim inferebant, ut eum ad tartara raperent. Erat ob tantillum delictum in extremis angustiis, & ignoro quomodo emerisset, nisi fratribus orantibus Regina cæli cacodæmones abegisset. Eiusdem Ordinis Frater Cyprianus ob longam infirmitatem coepit paulò esse delicatior: ob quam rem unam in summo fuit damnationis periculo, sicut ipse à morte cuidam significavit. Frater Antonius Laicus corpus inediâ quotidianâ solebat atterere. Is cum semel calicem mero plenum cum aliqua delectatione hausisset, audivit demonem ob id effusè cachinnantem. At quid hæc? ad id quod sequitur. Franciscus Burgundus, cum eidem se Religioni consecrasset, vidit superiores in mensa, vel propter præsentis hospites, vel propter officii dignitatem subinde tractari meliusculè. Ut ergo his vix triobolaribus lautitiis frueretur & ipse, omnem suam vitam fucatisimâ sanctitate ornavit, sic ut nemo ipso honoribus dignior censeretur. Itaque promotus in Guardianum Maurianæ urbis in Sabaudia coepit frui desideratis, ut imaginabatur sibi, cupediis. Sed malè parta, si non citò, certè malè

*Bover. 1530.*

*Ibidem.*

*Idem 1606.*



malè dilabuntur. DEUS non diu impunitum permisit hominis intemperantem animum, sed guttur afflixit anginâ delicto poenâ proportionatissimâ. Quâ cum ad extrema venisset, hortatu P. Tiburtii sacramentaliter quidem confessus est, verum Divino epulo ob faucium angustias frui non potuit: allatum tamen humi prostratus adoravit dicens: *DEUS propitius esto mihi peccatori.* Quin & vota solennia palam renovavit. Tandem extremo quoque Oleo inunctus est. Quare huic tantæ præparationi nihil de esse videbatur, quàm lætus obitus. Sed ò incertæ nostræ providentiæ! Cum paululum perstitisset in alto silentio, ex imo traxit suspirium, vultuquæ ac voce penitus immutatâ in hæc verba prorupit: *O fratres, fratres! Verè non omnis qui dicit Domine, Domine, intrabit in regnum caelorum. O! ò fratres! profectò spes impii tanquam lanugo est, quæ à vento tollitur. Nulla mihi pars est cum hereditate Sanctorum. Gula, & ambitio totum rapuerunt, idcirco iusto DEI iudicio ad æterna supplicia damnatus sum.* Nova hæc adstantibus, & mirissima mira videbantur. Monetur proinde ut recordetur suæ tam religiosæ vitæ. Verum ille: *Quid, inquit, opera mea commemoratis, quæ me potius accusant?* Cui confessarius: Cum adhuc vivas, noveris non omnino tecum actum esse: adhuc spes est, misericordia DEI aperta. Ad quod ægrotus: *Tempus poenitendi modò recessit, DEI misericordia, & omnis salutis spes occlusa mihi est. Heu dulces boli! heu amara honorum epulæ! quàm duram mihi concoctionem causatis!* Confessarius allatâ Christi in cruce pendentis imagine, misero multis inculcat vulnera, sanguinem, mortem, charitatemquæ Salvatoris erga peccatores. At ille: *Frustra hæc mihi narras, jam damnatus sum: nihil omnia juvant: alter Judas fui, sub ementito Religionis titulo, Christum velut osculo prodidi.* Nulla mihi unquam erga DEUM fuit sincera charitas; sed ambitio, & gula, cuncta mea opera, quæ vobis bona apparebant, depravarunt. Instat confessarius, ut saltém nomen JESU & MARIE proferat. Non possum, inquit, nec vellem, etsi possem. Post quæ regulam, Agnum DEI cum rosario de manica projiciens ad singula clamabat; *Damnatus sum: nec ea unquam recipere voluit.* Quid agerent Fratres in tam lugubri tragædia sui Guardiani? Currunt ad Ecclesiam, fusisque in terram corporibus, vota, preces, suspiria, ac lachrymas, coram Venerabili



rabili Eucharistia ingeminant, dum interim ille nullam aliam vocem emittit, quàm *Damnatus sum; alter Judas fui.* Ad extremum confessorius sumpto SS. Corpore Christi, cum solenni pompa ad desperatum pergens, monet, ut DEI Majestatem, vel saltè veneretur, aut sacram pyxidem attrectet. Verùm ille retorquens aliò caput & oculos, identidem vociferatur: *Damnatus sum; alter Judas fui.* Quare cùm nihil restaret, quod experiri fratres possent, confederunt, finem taciti non sine fletu ac suspiriis contemplaturi. Tandem ergo miser voce altâ clamare: *In æternum! In æternum!* & adhuc altius. *O in æternum!* simulquè spiritum eiecit. Ejus facies post mortem tam tetra, nigra, horrida apparuit, ut cunctis metum incusserit. Nec oculi, nec ora claudi ullâ parte potuerunt, sed hiantia manebant informiter supra modum terribili spectaculo. Talem exitum gula mœretur.

## § IV.

## De Opposito S. Paupertatis in Vestitu.

S. Bern. lib. A-  
polog. c. 27. l.  
4. florum.

*S*anctus Bernardus lamentatur dicens: Ornari non armari appetunt milites Christi, qui dum se præparare ad prælium, & contra aëreas potestates prætereundæ paupertatis insigne debuerant, quod utique adversarii valde formidant, ultrò se hostibus sine sanguine tradunt inermes. Queritur ad induendum, non quod vilius comparari potest, sed quod subtilius invenitur, non quod repellat frigus, sed quod superbire compellat: non denique juxta regulam quod vilius comparari potest, sed quod venustius & vanius ostentari. Vanum cor vanitatis notam ingerit corpori, & exterior superfluitas interioris vanitatis indicium est. Mollia indumenta animi molliem indicant. Non tanti curaretur corporis cultus, nisi prius neglecta fuisset mens inculta virtutibus.

Idem ibidem.

Chron. 1. Franc. bus.  
2. lib. 2. c.  
19.

*S.* Franciscus, cùm frater Elias Generalis Ordinis vestem sibi oblongam, undantem, & manicis follicantibus instructam, ipsâ materiâ pretiosam parâisset, eam sibi parum concedi postulans, eoram fratribus induit, & omnia concinnè disponens, & thrasonis more se circumspiciens, dixit ad Fratres: Salvete magnifici viri: tandem factum illis stupentibus, abiciens vestem cum indi-

gnati-



gnatione dixit: Ita quidem spurii nostri Ordinis vestiti incedunt. Deinde reassumptâ humili veste, vultu ad lætitiā & suavitatem composito, paupertatem & humilitatem iis denuo commendavit. Cū Abbas quidam à Saxonia patrio panno non contentus, pre-

*Lib. de vir. il-  
lust. Ord. Cist.*

tiosum è Belgio afferri curâssent, eo mortuo tam Prior, quàm reliqui fratres, qui eas vestes induerant, scintillas in modum candentis ferri emicantes viderunt, & tanquam laminis candentibus se aduri existimabant.

## § V.

## De Opposito S. Paupertatis in Habitatione.

**S**anctus Bernardus ait: Video & alios, quod non sine dolore vide- *S. Bern. in lib.*  
ri debet, post aggressam Christi militiam rursus secularibus *Apolog. lib. 4.*  
repleri negotiis, rursus terrenis cupiditatibus immergi; cum *flo. c. 21.*  
magna cura erigere muros, & negligere mores. *Et alibi:* In Clau-  
stris eorū legentibus fratribus, quid facit illa ridiculosa mōstrositas,  
mīra quædam deformis formositas, & formosa deformitas? Quid  
ibi immundæ simiæ, quid ferileones, quid monstruosi centauri,  
quid semihomines, quid maculosæ tigrides, quid milites pugnan-  
tes, quid venatores tubicinantes? Videas sub uno capite multa  
corpore, & rursus in uno corpore capita multa. Cernitur hinc  
in quadrupede cauda serpentis, illic in pisce caput quadrupedis.  
Ibi bestia præfert equum, caprum trahens retro dimidium. Hinc  
cornurum animal equum gestat pesteriūs. Tam multa denique,  
tam mira diversarum formarum apparet ubique varietas, ut ma-  
gis legere libeat in marmoribus, quàm in codicibus, totumquē  
diem occupare singula ista mirando, quàm in lege DEI medi-  
tando. *Hæc S. Pater.* Nebridius idem rectè persequitur: Quàm  
longè absuit omnis magnificentia ab antiquorum habitaculis? *Antiq. Monas.*  
Si quid superfluum habebant, distribuebant in egenos. Hodie *Epif. 19.*  
corraduntur opes, & vel concluduntur in arcas, vel nē otiosæ sint,  
impenduntur in ædificia, vel non necessaria, vel contra monasti-  
cam professionem nimis ambitiosa. Quod P. Franciscus Assinus  
vir peritissimus religiosi instituti Capucinorumquē Minister ge-  
neralis aliquando suis dixit, id utcunque ad omnes religiosos  
trahō.



Zaccha. Boyer. traho. Simulatque (dicebat) frater Capucinus ædificatorio operi sese  
in Annal. Ca- ultro immiscet, demonis imperium subit, à quo ita mente excæcatur, ut nè  
puc. 1549. quidem ipsos paupertatis excessus animadvertat. Suspicio admodum

Laurentium Justinianum, cui ampla ædificia in Monasteriis nunquam placebant, & cum videret lautiores cellas, caput quassans dicebat: Non sic Patres nostri, non sic. S. Joannes Gualbertus rigidior erat: Is cum visitaret Moscetanium cœnobium, cernens grandiores domos & pulchriores, quam paupertati eorum congruere videbatur, Domino Rudolpho ejusdem loci Abbati dixit: Tu in hoc loco magnis expensis, quibus pauperes plurimi refoveri potuisset, ex propria voluntate palatia fabricasti. Et conversus ad quendam rivulum prope manantem dixit: DEUS Omnipotens, qui de minimis, magna facere consuevisti, videam per hujus rivuli parvitatem ipsius enormis ædificii citè vindictam. His dictis absque mora discessit, locum quasi abominatus. Confestim autem ut sanctius discessit, rivulus crescere coepit, & congerens aquarum fluentia largissima, relicto proprio alveo, præceps de monte ruit, petrarum scopulos & arbores secum trahens, prædictas domos funditus subvertit. Multis timeo eventurum, quod fratri illi. Destinatus fuit à suo Vicario provinciali ad extruendum Capucinorum Cœnobium. Sed excessit regulas paupertatis, unde irascente Numine paulò post lethali morbo correptus est. Monitus à Patribus, ut suæ consuleret animæ, ipse jam Divino judicio oppressus, per acerba suspiria pronuntiavit: Ah nimium calx ista me adurit! Jussus benè sperare de DEI bonitate: O quam me, inquit, calx isthæc adurit! Allatâ imagine Crucifixi Christi, cum proponerentur sanguis, vulnera, tormenta Salvatoris pro peccatoribus, mansit in responso dicens: Eheu quàm hæc me calx adurit! Jussus confugere ad Deiparam, commune miserorum asylum: Heu! heu! ingeminavit, quàm me calx hæc incendit! Quidquid suggerebatur, nullum aliud responsum ferebat, quàm calcis contra paupertatem impenitæ aduersionem, donec inexpiatam efflaret animam.

Si aures possemus ad inferna porrigere, complures audiremus lamentantes: Quàm calx me isthæc adurit! Unus ex eodem Ordine damnatus est, quòd Ecclesiam præter communes paupertatis leges, extendere voluerit. Alter, quòd cellam sibi splendido-



didiciorem extruxerit, quamvis hic sub S. Francisco, in familia laxiore militaverit. Juvat audire. Cum P. Franciscus Astenfis Captucinorum secundus Generalis Minister, etiamnum inter observantes viveret, ac Romanam provinciam visiteret, venit ad quoddam sui Ordinis Cœnobium, in quo ipsi cella admodum splendide extructa, atque ornata, pro diversorio assignata est. Peractâ cenâ, cum Pater in lectulo quiesceret, fores cellæ molli-ter pulsatae sunt, ac si quis ingressum postulare. Audiit id Pater, & per verbum DEO gratias pulsantem admisit: sed nemo intravit. Tandem non semel ingeminato pulsu, dictoque DEO gratias, Guardianus extractor cellæ, ac jam pridem defunctus ingressus est. Bis, terve, cellam obambulabat in silentio, demum in hæc verba prorupit: *Maledicta cella, te propter solam ad inferos damnatus, heu! miser abscedo.* Et cum dicto disparuit. Uæ multis! nisi probare possint DEUM in voto Paupertatis, secum dispensare, aut alias leges antiquos, alias hodiernos Religiosos habere. Ut ut sit, S. Romualdus non absque causa, visis Bifurci cellis ad superstitutionem ornatis, in nullius divertere voluit, nisi in F. Petri, cuius solius cella ad normam S. Hilarionis angusta & pauper erat. Noverat utique hic Frater neglectis & simplicibus cellis deberi magnifica & splendida palatia in cælis.

P. Damian.

vit. S. Romu-

aldi.

## SECTIO V

De Humilitate, Contemptu, & Odio sui ipsius: Tum de  
Amore sui inordinato.

§ I.

**D**E Humilitate (Fūdamēto Virtutum) & eius actu nempe Contemptu sui tum de humilitati opposita superbia, fūse infra agitur. Odium sui, est Virtus Universalis, quā homo ex vera cognitione sui ipsius ut infinite Mali, contra se, quā talem, summē aversum & inimicum animum semper gerit: sequē ut talem tractat, tractariquē ab aliis cupit, & gaudet: ac de felici proprio successu tristatur. Dicitur; Virtus universalis seu generalis; prout in praxi infra ostenditur. Dicitur; quā homo ex vera cognitione sui ipsius, ut infinite Mali: quia Odium,

Cap. 8. sec. 3.

subs. 8.

N3

quod



quod est actus voluntatis, non potest habere pro obiecto, nisi malum; jam verò homo ex parte sua est malum; quia est Nihilum metaphysicè, physicè, & benè moraliter; privatio enim boni essentialis, phytici, aut moralis, subiecto determinatè, vel indeterminatè debiti (in suppositione quòd DEUS ab æterno voluerit producere hocce Universum) est ipsi subiecto mala. Deinde homo est infinitè quid Malum moraliter: (quod omni nihilo seu malo pessimum nihilum est) quia peccator maximus aut actualis fuit, aut potest fieri: peccatum autem mortale infinitè est malitiæ, ut supra probatur. Dicitur; *contra se, quà talem, summè aversum & inimicum animum semper gerit.* Duplex namque est Odium: unum Aversionis, seu Abominationis, quo aliquis à re, ut sibi mala sese cum disgusta avertit, & recedit: alterum est Inimicitia, quo adversæ sibi rei non optat bonum, sed potiùs exoptat malum. Utroque suiipsius odio tali dignus est homo, servatâ discretionè, & proportionè. Dicitur; *semper ut talem tractat: nimirum privando se bonis, & affligendo malis.* Dicitur; *tractatque ab aliis cupit, & gaudet; ac de felici proprio successu tristatur.* Et hic est supremus gradus hujus sancti Odii.

*Motiva ad s. Odium suiipsius. unum.* Christus ait: *Si quis venit*

*Luc. c. 14. ad me, & non odit &c: & animam suam, non potest meus esse discipulus. Idè:*

*Joan. 12. Qui amat animam suam, perdet eam. Et qui odit animam suam in hoc mundo, in vitam æternam custodit eam. Supra quod Cornel. à lap. inquit: Audi S.*

*Cornel. à lap. Chrylsto: Amat animam in hoc mundo, qui desideria ejus inconvenientia facit; odit autem, qui non cedit ei noxia concupiscenti. Dixit verò: Comment in Joan. c. 12. odit: sicut enim eorum, qui odio habentur, nec vocem audire sustinemus:*

*ita animam contraria DEO volentem cum vehementia avertere oportet. Et Theophyl. Quia grave erat audire odio habendam animam, consolatur dicens: In hoc mundo; in quo temporis brevitatem indicat, emolumentum æternum subjungens.) Hæc ergo Christi sententia, est axioma, basis, fundamentum, & compendium vitæ Christianæ. Ipsa enim est radix & principium virtutum omnium, quæ ex illa, perinde ac conclusiones ex præmissis eliciuntur. Qui ergo in schola Christi doctus, eximius, & perfectus evadere cupit, hanc gnomen assiduè ruminet, expendat, voluntati imprimat, & opere exequatur; ut omnes suas actiones illi quasi*

lydio



lydio lapidi adaptet, adæquet, & conformet; ita verus & singularis Christi discipulus, afflecla & imitator evadet, ac pro vita temporali quam negligit, beata vitæ æternæ gaudia nanciscetur.

Hæc Cornelius. S. Augustinus: Magna & mira sententia, quemadmodum sit hominis in vitam suam amor, ut pereat: si male amaveris, tunc Tract. 51. S. August.

odisti: si bene oderis, tunc amasti. Felices, qui oderint, custodiendo, ne perdant amando. S. Leo: Tantò quis se ampliùs amat, quantò ampliùs se pro DEI amore non amat. S. Barlaam: In hoc secessus à mundo apoph. II. l. 2.

consistit, ut præter eorum rerum, quæ naturâ sublimiores sunt, cupiditatem, voluntarium superius odium, quispiam concipiat, ac naturam abiuret. Vita S. Barla-

adum ab Exemplis. I. Eccl: Altissimus odio habet peccatores: am, & S. Joseph misertus est autem poenitentibus. Sed tu es peccatorum maximus. Et saphat.

go te maximè oderis, necesse est. II. S. Rex David gratulatur de sua depressione alloquens DEUM: Bonum mihi, quia humiliasti me. Psalm 118.

III. Sanctæ memoriæ Theophilus Episcopus Alexandrinus, venit in vit Patrum aliquando ad montem Nitriæ, & venit ad eum Abbas montis illius. lib. 5. fol. 623.

lius, & dixit ad eum Episcopus: Quid ampliùs invenisti in via ista Pater? Et respondit ei senex: Culpare, & reprehendere me ipsum sine cessatione. Et dixit ei Episcopus: Non est alia via sequenda, nisi hæc.

In praxi pro sancto Odio sui comparando. Imo. Acqui-  
renda est penitior superius Cognitio: de qua fuit supra actum. I. 2. tra. 1. cap.

2do. Frequenda illa Sancti cuiusdā oratio. Noverim me, noverim Te: ut I. sec. 4. subf. 1: oderim me, amem Te. Et ex Magistro spirituali: Domine non sum dignus 6. 7.

consolatione tuâ, nec aliquâ spirituali visitatione: & ideo iustè mecum Thom. à Kempis agis, quando me inopem & desolatum relinquis: si enim ad instar maris lac de imit. lib. 3o

ebrymas fundere possem, adhuc consolatione tuâ dignus non essem. Unde c. 52o

nihil dignus sum, quàm flagellari & puniri; quia graviter sæpè Te offendi, & in multis valde deliqui. 3tio. Ad omne exercitium virtutis quantum

possibile, adhibe hoc Odium S. 4to. Exerceas te in sequentibus actibus: ubi simul advertere potes, quàm Universalis sit virtus S. Odii Superius.

Actus Interni S. Odii Superius unà cum aliis Virtutibus.

1. **C**redo Domine me peccatorem esse omni odio, poenâ & ignominia dignum. Fides.

2. Ego



Spes.

2. Egonè detestabilis habeo sperare regnum celorum? Non sum quidem dignus illo: sed major est misericordia tua Domine, quàm iniquitas mea.

Timor.

3. O quàm mihi peccatori execrabili timenda gehenna ignis!

Charitas.

4. Quis ego sum omnium abominabilis, ut Te summum Bonum & Pulchrum contempler, amore complectar? Domine fac me dignum amore tuo.

Prudentia.

5. Quomodo detestabilis cæcitas cordis mei queat perspicere & prospicere rectè agenda? Domine illumina oculos meos.

Obedientia.

6. Quis ego sum Domine, adeò execrabilis, ut serviam Tibi, & tuis Vicariis: cui servire regnare est? Verè indignus & inutilis ad omnia sum servus. Fac me dignum.

Contemptus

7. Et quis ego sum omnium creaturarum odium, ut mundi creaturæ fugamundi rã utar? Verè non sum dignus.

Poenitentia.

8. Ego abyssus malitiæ & abominationis, doleo, quia offendi Te summum Bonum & Pulchrum.

Mortificatio.

9. Absit ut cadaveri meo detestabili, & animo odibili, in quopiam indulgeam: quin potiùs summè & semper affligam me.

Alios Actus Odii, & Contemptus sui, connexos cum actibus variarum Virtutum vide supra 1. 2. tra. 1. cap. 1. sect. 4. subf. 1. § 3. sub praxi Medit. Item ibidè subf. 2. § 3. Item Actus internos & externos sub virtute Humilitatis contentos.

Sciendum autem est, quòd Sanctum Odium sui, illius virtutis speciem sumit, ex cujus motivo formali elicitur. Et quia præfatum Odium ferè inseparabile est ab Humilitate & Contemptu sui (quinihil aliud est, quàm sui corde, ore, opere despectio, vili pensio, & cum disgusta abjectio,) ideo commodè hic pro fundamento structuræ virtutum ista tria connexionimus.

## §. II.

Amor sui inordinatus, est vitium generale, quo homo in seipso ultimum finem constituit. Dicitur: Amor; in quo convenit cum amore naturali licito, qui est inclinatio voluntatis ad proprium bonum appetendum, juxta illud: Nemo unquam carnem suam odio habuit: sed nutrit, & fovet. Dicitur: Sui, seu proprius: quia in propriam personam definit. Dicitur: Inordinatus seu perversus: quia

Ephes. 6. 5.

perve-



pervertit ordinem & naturalem & supernaturalem, quo cuncta creata naturaliter tendunt, & maximè homo supernaturaliter tendere debet amore ac desiderio, non in seipsum, sed in DEUM tanquam ultimum finem, & centrum suum. Dicitur: *Vitium generale*; potissimum ratione originis, quia ex eo omnia peccata pullulant, ut mox patebit. Dicitur: *Quo homo in se ipso*; id est in propria delectatione, voluptate, gaudio de bonis suis internis naturæ, gratiæ; & externis, puta honorum, divitiarum, aliorumquæ obiectorum creatorum, ultimum finem constituit; id est quasi summum bonum collocat, illudquæ amore, desiderio, & quovis alio modo quærit, in adepto finaliter quiescit, quamvis sit contra mandatum DEI: vel si non est, illud tamen bonum, & de eo complacentiam ac gaudium ultimatè in DEUM non refert, aut alio modo in illo licito bono inordinatè hæret. Dum ergo tali modo seipsum homo pro ultimo fine simpliciter habet, peccat mortaliter; cum verò secundum quid seu aliqua ex parte ut finem inordinatè respicit, peccat venialiter. Porro seipsum etiam quoad bona & ordinata in nullo respicere sed solum DEUM, summa perfectio est. Jam verò patet, ad hunc vitiosum sui amorem reduci quoque suipsum *Propriam complacentiam* &c. De hujusmodi amore accipe illud S. Augustini: *S. August. in Duo Amores, alter bonus, alter malus, alter dulcis, alter amarus, non se si- Mul in uno capiunt peccatore; & ideo si quis præter Te aliud diligit, non est charitas tua in eo DEUS, amor dulcedinis, & dulcedo amoris, amor non crucians, sed delectans.* Ut verò enucleatius intelligas naturam amoris proprii, ejus effectus tibi porrigit J. Buseus dicens: *Quia J. Buseus in autem hic amor sui valde humanam mentem excæcat; vel ut lo- Arca Medica quitur B. Gregorius, vehementer claudit oculum cordis, & id- Tit. Amor sui, circo non faciliè agnoscitur, maximè in excellentibus virtutum operibus, ut in ipsa humilitate, & vanæ gloriæ contemptu, ut observavit B. Augustinus in Confessionum libris: Sæpe enim, in- August. lib. 20. quit, homo de ipso vanæ gloriæ contemptu gloriatur.* Itaque advertere. 38. debes, quosdam hujus proprii amoris effectus esse manifestos, nec à culpa lethalis peccati immunes, ut sunt septem peccata capitalia, & alia: & in his faciliè proprii amoris ingenium notatur. Alii verò sunt occulti, qui non faciliè agnoscuntur, & ferè sunt



noxæ levioris & venialis: Exempli loco sint hi: Si in edendo, bibendo, dormiendo, ambulando, aliisque adiaphoris actionibus, non tam necessitatis, quàm voluptatis tuæ habeas rationem; si in cultu corporis, domûs, suppellectilis sis exquisitior, quàm communis hominum mos ferat; si ob vitium corporis naturale, vel officii tibi impositi vilitatem, vel ob inopiam parentum pudore suffundare; si monitionem, vel reprehensionem moleste feras; si à quibusdam bonis operibus abstineas, nè à vulgò irrideare: si libenter de rebus ad laudem tuam vergentibus loquere, vel alios loquentes audias; si ob lapsum levem aliorum, facile ad iram accendere; si injuriam acceptam ægrè remittas; si tristeris, cum tuum iudicium non ab omnibus probatur; si cui sis plus æquo familiaris. ))

*Moriva* mortificandi Amorem sui Inordinatum. *mmum.*

*Joan. 12.*  
*2. Timoth. 3.*

*Christus ait:* Qui amat animam suam, perdet eam. *Apostolus:* Hoc autem scito, quòd in novissimis diebus instabunt tempora periculosa, & erunt homines seipsos amantes (*ceu Amor radix malorum, quæ sequuntur*) cupidi, elati, superbi, blasphemæ, parentibus non obedientes, ingrati, scelesti, sine affectione, sine pace, criminales, incontinentes, immites, sine benignitate, proditores, protervi, tumidi, & voluptatum amatores magis, quàm DEI, habentes speciem quidem pietatis, virtutem autem ejus abnegantes. *Petrus Apostolus* invehens contra Pseudoprophetas prædicat eos fore *sibi placentes.*

*2. Pet. 2.*

*2dum. S. Augustinus:* Fecerunt, inquit, civitates duas, amo-

*S. August. lib.*

*14. c. 28.*

*S. August. serm.*

*47. in c. 17.*

*Matth.*

*S. August. 6.*

*36. Man.*

*S. Basil. apud*

*Lyræum lib. 2.*

*Apoph. &*

*S. Leo apud*

*reum lib. 2.*

*Apoph. 2.*

res duo: terrenam scilicet amor sui usque ad contemptum DEI; caelestem verò amor DEI usque ad contemptum sui; illa in seipsa, hæc in Domino gloriatur. *Idem:* Prima hominis perditio fuit amor sui, si enim se non amaret, & DEUM sibi præponeret, DEO semper esse subditus vellet; non autem converteretur ad negligendam voluntatem illius, & faciendam voluntatem suam. Præpone his voluntatem DEI; discere amare te, non amando te. *Idem:* Si totum hominis bonum est amare DEUM; totum hominis malum erit, amare seipsum. *S. Basilus:* Stipendium amoris proprii mors est, initium omnis mali. *S. Leo:* Tanto amplius se quisque amat, quanto amplius se pro DEI amore non-



non amat. *Thomas Kemp*: Melior ac sanctior nostri amor locum, *Thom. Kemp,*  
in nobis accipiat, nec enim fuerit, quò intret ad te amor DEI, nisi *lib. 3. c. 5.*  
exulet amor tui. Ubi seipsum aliquis quærit, ibi ab illo amore  
cadit, solus namque hic dominari vult, qui præcepit, ut feraris in  
DEUM ex tota anima. Partem non accipit, gloriosæ indolis est,  
totum deposcit, ut totum tibi largiatur. *Idem*: Ex hoc vitio, *Ex libello de*  
quòd homo semetipsum nimis inordinatè diligit, penè totum. *Imit. Christ. lib.*  
pendet, quiddid radicaliter vincendum est, quo devicto & sub- *3. c. 53.*  
acto malo, pax multa & tranquillitas erit continuò. *Idem*: Si de-  
derit homo omnem substantiam, adhuc nihil est: Et si fecerit poe-  
nitentiam magnam, adhuc longè est: Et si habuerit virtutem  
magnam, & devotionem nimis ardentem, adhuc multum sibi de-  
est, scilicet unum, quod summè sibi necessarium est. Quid illud?  
Ut omnibus relictis se relinquat, & à se totaliter exeat, nihilquè  
de privato amore retineat.

3tium. I. S. *Job* suam innocentiam profitens, inter alia. *Job. c. 31.*  
enumerat, dicens: Si vidi solem (id est meipsum in bonis) cum  
fulgeret: & lunam (uxorem meam in fortuna lætiore) incedentem  
clarè. Et ex hoc letatum est in abscondito cor meum, & osculatus sum  
manum dexteram meam (id est complacui mihi internè & externè, &  
non potiùs reddidi DEO gratias) quæ est iniquitas maxima, & nega-  
tio contra DEUM altissimum. II. S. *Franciscus Salesius*, ut de ipso  
Confessarius testabatur, usque adeo omnem commodi & incom-  
modi rationem negligebas, ut dicere solitus sit, se, si vel levem  
aliquam amoris proprii festucam in corde suo residuam nòsset,  
illico eam ferro, flammâque persecuturum. III. B. *Angela de Ful-* *In vita ipsius.*  
ginio plùs ab amore proprio, quàm ab ipso dæmone sibi metue-  
bat, ut qui, nisi per eum, nihil in nos potestatis habeat; per eum  
verò quasi vulpeculam, semper è grege nostrorum affectuum  
pecus aliquod abripit. Hinc dicere solebat: Filii charissimi, nil  
est in hoc mundo, nec diabolus, nec aliqua res alia, quam tanto-  
pere habeam suspectam. quantum hunc amorem. Mentem  
namque penetrabilior omni gladio ancipite transit, ac cor to-  
tum pervadit, & nisi coërceatur, animam millenis calamitatibus  
invadit. IV. S. *Ignatius* adeò puram in se charitatem aluit, ut o-  
mnem suiipsius amorem prorsus à se amandaverit. Hinc sci-



*Bartol. lib. 4. vit. § 27.* scitanti cupiam, quæ optima esset via in studio virtutum proficiendi? Respondit: Hoc unusquisque persuasum habeat, tantum se in studiis spiritualibus promoturum esse, quantum ab amore sui ipsius & commodi proprii affectione se se abstraxerit. Pro-

*Const. p. 8. § 9.* pterea in Constitutionibus gravissimum & capitalem omnis ordinis & unionis hostem appellabat.

*V. in Bibli. Man. P. Lobner Tlt. Amor. sui.* *In Praxi* extirpandi Amorem proprium juvat imo. Resignatio sui perfecta. Sic enim *Thomas Kempen*: indicavit, dum dixit: Hoc desidera, ut ab omni proprietate possis expoliari, & nudus nudum IESUM sequi, tibi mori, & illi æternaliter vivere.

*Thomas Kemp. lib. 3. c. 37.* Tunc recedet immoderatus timor, & inordinatus amor morietur. 2do. Oratio & Mortificatio assidua ac fervens. Sicut enim ferrum ignis ardore, & ictibus malleorum excussâ rubigine renovatur: sic igne ferventis, orationis & mortificationis ictibus assiduus, amoris proprii rubigo excutitur. 3tio. Amor DEI: uti enim clavus clavo pellitur, ita per DEI amorē omnis amor proprius effugatur. 4to. Est quædam specialis industria: ut scilicet dum amor tui, vel alicuius rei creatæ desiderium, complacentia in te oritur, mox oculos mentis avertas a teipso, vel illa re creata, & convertas ad DEUM, sive ad cælestia ac spiritualia, incipientemquē fervere amoris, desiderii, gaudii passionem, dirige ad amandum, desiderandum DEUM, seu cælestia aut spiritualia, de illisque gaudendum. Ita fiet, ut mutato solo obiecto, manente eadem passione prius excitatâ, suaviter & faciliter præcaueas peccatum, ac elicias insignes actus virtutis. Nam comprimere in se sensum passionum, difficilis, nè dicam, periculosus, indiscretis labor est: nec mox in te sensus, sed sensim remittit & cessat: quanquam hoc sensu interno durante semper avertendus est sensus exterior, & animus ab imaginatione mali, nec consensus ullâ ratione præstandus. Appositè huc quadrat

*S. Clim. scal. parad. grad. 5.* illud dictum apud S. Climacum: Vidi impuras animas, corporum a moribus ad insaniam usque servientes, quæ ex amoris experimento, sumptâ occasione poenitentiae, eundem amorem transtulerunt ad Dominum, omnique timore protinus rejecto in DEI charitatem inexplicabiliter amplectendam incitæ sunt. 5to denique perpetuum sui odium, & contemptus, radicitus evellit omnem amorem sui noxium, & cum eo o-



inne maledictum germen vitiorum: neque solum, ut ajunt, in herba præscindit, verum in ipsa radice dissipat malum. De quo odio & sui contemptu vide infra sub humilitate.

Vide quoque supra specificata, & hic congruo modo adhibe.

1. 2. tra. 1. c. 1.

Actus odii & contemptus sui vide supra tra. 1. c. 1. sect. 4. subs. sec. 4. subs. 2.

1. §. 3. sub praxi medit: Plura infra de humilitate.

§ 2. & 3.

## SECTIO VI

### De Virtute & Sacramento Pœnitentiæ.

**E**jusmodi Pœnitentia est, virtus quæ ad deletionem peccatorum actualium commissionis & omissionis, ut sunt offensa DEI, homo de iisdem dolet, ea confitetur, & absolutione sacramentali perceptâ, pro ipsis satisfact. Dicitur, est Virtus: quia pœnitere, est de aliquo prius à se facto dolere. Porro dolor vel tristitia dupliciter dicitur. Uno modo secundum quod est passio quædam appetitus sensitivi, & quantum ad hoc pœnitentia non est virtus, sed passio. Alio modo secundum quod consistit in voluntate: & hoc modo est cum quadam electione, Quæ quidem si sit recta, necesse est quod sit actus virtutis: dicitur enim 2. Eth. Quod virtus est habitus elicivus secundum rationem rectam. Pertinet autem ad rationem rectam, ut aliquis doleat de quo dolendum est, & eo modo, & fine, quo dolendum est. Quod quidem observatur in pœnitentia, de qua nunc loquimur: nam pœnitens assumit moderatum dolorem de peccatis præteritis cum intentione removendi ea. Unde manifestum est, quod pœnitentia, de qua nunc loquimur, vel est virtus, vel actus virtutis. Dicitur; quæ ad deletionem peccatorum &c: quæ deletio est finis Pœnitentiæ, quem ipsa intendit, & ad quam ordinatur. Peccata verò ut sunt objectum materiale remotum Pœnitentiæ, propriè sunt peccata actualia per commissionem vel omissionem patrata, non verò futura. Unde Pœnitentia dicitur esse habitus reflexivus, nempe supra id malum quod actum est, ejusdemquæ fugitivius. Materia autem proxima pœnitentiæ sunt Actus Pœnitentis nempe detestatio peccatorum, dolor de ipsis, & in Sacramento Pœnitentiæ etiam est confessio peccatorum. Dicitur; ut sunt offensa DEI: per quod

D. Thom. 3. par.

q. 85. a. 1.

Ibid. q. 84. a.

2.



obiectum Pœnitentiæ Theologicæ seu supernaturalis differt à pœnitentia Philosophicæ seu naturali, cuius obiectum sunt peccata quatenus dissona naturæ rationali. Cæterum obiectum formale motivum Pœnitentiæ quatenus est virtus specialis, est Honestas operandi ad destructionem peccati, ut offensa DEI est: quia tale motivum nullius alterius est virtutis præter pœnitenti-

3. p. 7. 85. 4. 3. am. Pertinet autem specialis virtus Pœnitentiæ ad Iustitiam commutativā Doctore S. Thoma. Porro Pœnitentia quatenus est virtus generalis, sic ad illam virtutem pertinet, cuius participat motivum formale. Atque ita pœnitere de peccatis, ut sunt offensa DEI summè homini boni, est spei: vel pœnitere de peccatis, ut sunt offensa DEI super omnia boni & dilecti, spectat ad virtutem charitatis: vel pœnitere de offensa DEI, ut summo honore & cultu digni, spectat ad virtutem religionis, &c. Sciendum verò est Pœnitentiæ virtutem ex charitate procedentem, cum nequeat sacerdos haberi, sufficere ad salutem, cum voto seu desiderio confitendi Sacramentaliter. Aliàs Pœnitentiam Sacramentalem de necessitate præcepti ad salutem requiri. Cuius Sacramenti ex parte pœnitentis tres partes numerantur. Contritio vel Attritio de peccatis, Confessio eorundem, & Satisfactio. Attamen effectus istius Sacramenti non obtinetur ex opere operato, nisi accesserit ritè Absolutio data Sacramentalis.

#### Incitamenta Pœnitentiæ.

**Eccl. 17.** **P**rimum. *Eccl.* Pœnitentibus autè dedit viam iustitiæ. *Isaias.* Altissimus odio habet peccatores, & misertus est pœnitentibus. *Ierem.* **Isai. 12.** Si pœnitentiā egerit gens illa a malo suo, quod locutus sum adversus eam, agā & ego pœnitentiā super malo, quod cogitavi ut facerem ei, & subito loquar de gēte & regno, ut ædificē & plantē illud. *Ierem. 18. Si fecerit malū in oculis meis, ut non audiat vocē meam, pœnitentiā agam super bono, quod locutus sum ut facerem ei. *Ezech. 18. Si autem impius egerit pœnitentiam ab omnibus peccatis suis, quæ operatus est, & custodierit omnia præcepta mea, & fecerit iudicium & iustitiā, vitā vivet, & non morietur. Omnium iniquitatum ejus, quas operatus est non recordabor. Nunquid voluntatis meæ est mors impii dicit Dominus, & non ut convertatur à viis suis & vivat? *Matth. 3.* Progenies viperarum, quis de-**

mon-



monstravit vobis fugere à ventura ira? Facite ergo fructum dignum poenitentiae. *Christus*: Poenitentiam agite appropinquabit enim regnum caelorum. *Idem*: Dico vobis, quod ita gaudium erit in caelo super uno peccatore poenitentiam agente, quam super nonaginta novem iustis, qui non indigent poenitentia. *Christus* ad Discipulos ait: Accipite spiritum Sanctum, quorum remiseritis peccata, remittuntur eis, & quorum retinueritis, retenta sunt. *Apostolus*: Nunc gaudeo, non quia contristati estis, sed quia contristati estis ad poenitentiam. Quae enim secundum DEUM est tristitia poenitentiam in salutem stabilem operatur.

Mattb. 4.

Luc. 15.

Ibidem.

I. Cor. 7.

2<sup>um</sup>. *S. Augustinus*: Poenitentia languores sanat, leprosos sanat, & mortuos suscitatur, fanitatem auget, gratiam conservat, claudis gressum, aridis copiam, caecis restituit visum, vitia fugat, virtutes exornat, mentem munit & roborat. *Idem*. Qui per poenitentiam peccata diluit, Angelicae felicitatis confors in aeternum erit. *Idem*: Si quis positus in extrema necessitate suae aggritudinis voluerit accipere poenitentiam, & accipit, & mox reconciliatur, & hinc vadit: fateor vobis non illi negamus, quod petit, sed non praesumimus, quod bene hinc exit: ego nescio, poenitentiam dare possemus, securitatem autem non. Non quidem dico damnabitur, sed nec dico liberabitur. Vis ergo à dubio liberari? Tene certum. Age poenitentiam dum sanus es: si sic agis, dico tibi quod securus es, quia poenitentiam egisti eo tempore, quo peccare potuisti. Si vis agere poenitentiam, quando jam peccare non potes, peccata te dimiserunt, non tu illa. *S. Chrysostomus*: Nunquam spernit DEUS poenitentiam, si ei sincere & simpliciter offeratur, & si ad summum quis perveniat malorum, & inde tamen velit reverti ad virtutis viam, suscipit libenter & amplectitur. Non enim temporis longitudine, sed affectus sinceritate poenitudo pensatur. *Idem*: Latro ille qui pendebat in cruce, non eguit prolixitate temporis, ut ingressum Paradisi mereretur: sed tantum ei spatii suffecit, quantum expediri potuit, donec unum posset proferre sermonem: ita ut intra unum momentum temporis, totius vitae sceleribus absolutus, praecedere ad Paradysum etiam Apostolos mereretur. *Isidorus*: Poenitentia est medicamentum vulneris, spes salutis, per quam

S. August. lib. de poeniten.

Idem lib. de Mirac. sacr.

Idem serm. 36.

S. Chrysost. de reparat. Lapsus.

Idem ibid.

Is. Isidorus de sin-

mo Bono, quam



quam DEUS ad misericordiam provocatur, quæ non tempore pensatur, sed profunditate luctus & lachrymarum: poenitentia ergo non mensium ac temporum cursu pensatur, sed poenâ, quâ anima cruciatur, & mortificatur caro. *S. Cyprianus:* O poenitentia! quid de te novi referam? Omnia ligata tu solvis, omnia clausa tu referas, omnia adversa tu mitigas, omnia contraria tu sanas, omnia confusa tu lucidas, omnia desperata tu animas.

*S. Cyprianus  
de Laud. poenit.*

*S. Bern. in festo  
B. Mariæ Magd.  
Idem serm. 1. in  
Dedicat.*

*S. Bernardus:* Religiosa tristitia aut alienum luget peccatum, aut proprium. Beati quorum luctus in hac intentione versatur, quia consolatoriam possunt in hac expectare dulcedinem. *Idem:* Unde necesse est, ut Unctio Spiritualis gratiæ adjuvet infirmitatem nostram, observantiarum & multimodæ poenitentiae cruces, devotionis suæ gratiâ leniens: quia nec sine cruce sequi Christum, & sine unctione crucis asperitatem ferre quis posset? Hinc est, quod aliqui abominantur & fugiunt poenitentiam, crucem quidem videntes, sed non etiam unctionem. Vos qui experti estis, ecce scitis, quia verè crux nostra inuncta est, & per gratiam spiritus adjuvantis suavis & delectabilis est poenitentia nostra, & ut

*Idem serm. 3.  
in Psalm. Qui  
habitat.*

ita dicam, amaritudo dulcissima. *Idem:* Ergone durum & momentaneum hoc, & leve tribulationis, quod supra modum in sublimitate æterni pondus gloriæ operatur in nobis? Durum est brevissimo & levissimo labore cruciatus illos & tormenta redimere? quæ nullus terminus finiat, nullus animus sufficiat cogitare? Durum vobis videtur, cum dicitur: Agite poenitentiam? Erratis, sed audituri estis aliquando verbum asperum, sermonem durum, auditionem malam: *Ite maledicti in ignem æternum.* Ita dico vobis, hoc timete, hoc durum reputate, & invenietis, quia iugum Domini suave est, & onus ejus leve. Si in seipso suave illud credere necdum potestis, vel hoc non ignoratis, quoniam hujus comparatione suavissimum est.

*3<sup>ti</sup>um Incitamentum ab Exemplis.* Christus Dominus de peccatis cujusque hominis, quàm intensè doluerit, manifestat ejus amor infinitus in Patrem offensum. Quo enim magis aliquem amamus, eò acerbius de offensa ejus dolemus. Oratio Christi pro venia Crucifixoribus se physicè, tum & aliis moraliter per peccata Crucifigentibus, quid aliud fuerit nisi actus poenitentiae?

Quem



Quem actum de amore quoque B. V. M. in genus humanum  
suppone. Porro satisfactio quàm rigorosa iustitiæ Divinæ fuerit  
facta à Christo pro peccatis mundi, ostendit ejus pretiosa Re-  
demptio per suam vitam, passionem, & mortem. Ad quem fi-  
nem B. quoque Virginein suas actiones & passionem obtulisse in-  
dubium est, ex motivo amoris DEI, ejusque creaturæ. *Exempla*  
*ex P. Lobner Bibli. Manual. Tit. Poenit.* I. David postquam DEI 2. Reg. 32. 13.  
erga se indignationem ex Nathan intellexisset, & vocem; pecca-  
vi, serio protulisset, mox ab eodem Propheta audit: Dominus  
quoque transulit peccatum tuum: Non morieris. S. David  
de se quoque faterur: Secundum multitudinem dolorum meo-  
rum in corde meo, consolationes tuæ lætificaverunt animam fer-  
vi tui; hoc est, ut S. Hieronymus explicat: Decem fudi lachrymas, S. Hier. in psal.  
decem consolationes merui. Quantumcunque fuit pondus la- 93.  
chrymarum, tantus fuit & consolationis numerus. II. S. Petrus *Surius in vita.*  
negato Christo mox egressus foras, flevit amarè, eumque fletum 19. Junii.  
tam constanter tenuit, ut in facie sulcæ per lachrymas excavatæ  
apparerent. III. S. Maria Magdalena post Christi in cælos ascen- *Idem 24. Julii.*  
sum speluncam ingressa, triginta annos in severissima poeniten-  
tia, & assidua peccatorum deploratione exegit. Eadem Sancta  
tempore poenitentiae suæ, tot consolationibus recreata est, ut se-  
pties quotidie in cælum rapta choris Angelorum interesset, &  
ab ipso Christo ultra centenas vices visitata, miris voluptatibus re-  
creabatur. IV. S. Maria Egyptiaca ex meretrice conversa in de- *Sur. 9. April.*  
sertum fugit, quinque panibus acceptis, quibus consumptis, ex  
solis herbis, quadraginta quinque annis, nullo mortalium con-  
specto, vixit. V. Abbas Elias octoginta annorum senex, cum *Pratum spirit.*  
multos ex his in magna vitæ sanctitate exegisset, tandem rogatus 6. 80.  
à muliere, ut potum aquæ illi daret, eâ discedente usque adeò à  
turpi desiderio devictus est, ut è cella exiens mulierem fornica-  
tionis gratiâ quæreretur. Sed quia eunti in fossa virorum, & mu-  
lierum formâ olim præstantium foetida cadavera ostensa fuerant,  
& Angelus adstans dixerat: Væ generi humano! quod talia obje-  
cta amat, & propter ea DEUM deserit: primò verò ab Angelo  
confortatus, cellulam rediit, foedumque propositum continuâ  
poenitentia & dolore expiavit. VI. S. Martinus in terra mori-

Petrus Zane.



Casarius lib.  
2. Hist. & Mi-  
rac. c. 12.

ens & cinere dicebat: Nemo sine poenitentia hinc discedat. Quo dicto paulo post mortui facies ejus, licet ante deformis, pulcherrima, & lucis instar radians apparebat. VII. Philippus Comes Namurcensis post vitam pessimè transactam, tantam in morte contritionem ostendit, ut similis ei visa non esset, aliosquè etiam ad lachrymas provocaret. Confessarios suos rogavit, ut corpus in plateam traherent, dicens: Sicut canis vixi, dignum est, ut moriar sicut canis. Quæ poenitentia adeo placuit DEO, ut eum post mortem tot miraculis fecerit illustrem, ut de remotis regionibus ad ejus sepulchrum venientes, terram secum pro benedictione reportarent, eamquè pro remedio variorum morborum adhiberent. *Hactenus P. Lobner.*

Scala parad. de  
poenit. grad.

Refert *Iohannes Climacus* admiranda poenitentia exempla, dicens: Cum audissem ego imbecillis magnum quendam esse & peregrinum statum, atque humilitatem eorum, qui separatim illud monasterium (quod Carcer appellatur) incolabant, quodque illi Luminari luminarium, de quo antè mentionem fecimus, adjacebat, obsecravi justum illum, ut me illuc visendi gratiâ per duci faceret. Cesit precibus meis summus vir, nolens animam meam in ullo contristari omnino. Cum igitur pervenissem ad poenitentium monasterium, imò verò ad religionem fugientium, vidi reverà (si dicere id audeam) quæ negligentis oculus non vidit, aurisque desidioli non audivit, & in cor pigri hominis non ascenderunt, res & verba, quæ DEO vim inferre possent, habitus & studia, quæ ipsius clementiam celerrimè flesterent. Quosdam enim ex reis illis vidi noctibus totis usque manè sub dio stare pervigiles, pedesquè immobiles tenere, cumquè somno miserabiliter depressi agitarèntur, vim naturæ inferre, nullamquè sibi ipsis requiem omnino indulgere, sed seipsos increpare, ignominisquè & contumeliis afficere, atque excitare. Alios miserabiliter in cælum intuentes, & illic adjutorium cum gemitu, & suspiriis, & vocibus invocantes. Alios in oratione existentes, ac reorum in morem victis post terga manibus humilidas facies suas inclinantes, indignosquè se, qui in cælum aspiicerent, vociferantes, nec quidquam ad DEUM dicere orando præ cogitationum & conscientia hæsitacione præsumentes, neque



que quomodo, vel unde orationem facerent præsumentes, solumque animam tacitam mutamque DEO offerentes, tenebris ac desperatione plenam. Nonnullos in pavimento strato cilicio & cinere sedentes, ac faciem genibus operientes, frontemque in terram collidentes. Alios jugiter pectora tundentes, animamque suam ac vitam suspirio ingenti revocantes. Ex his alii quidem pavementum madefaciebant lachrymis, alii verò quia lachrymarum imbres non haberent, seipsos miserabiliter lamentabantur. Plurimi, ut fieri in mortibus solet, super animabus suis ululatum diræ vocis emittebant, angustiam cordis ferre non valentes. Alii ex intimo corde rugiebant, atque intra os gemitus sonum cohibebant. Interdum verò cum se continere non possent, repente exclamabant. Vidi ego illic nonnullos habitu, & cogitatione, & actu, quasi à semetipsis excessissent, ac stuporem mentis incurrissent, velut aneos quosdam summo ex mœrore effectos, totos tenebris obritos, & ad omnia vitæ hujus veluti insensibiles factos. Mentem quippe jam in humilitatis abyssum demerserant, ac mœoris igne oculorum lachrymas frixerant. Alios item mœstos sedere, atque in terram fixis obtutibus stare, perspexi, caputque assidue movere, & leonum in morem ex imo corde rugitum ac gemitum emittere. Ex his alii pleni spe, remissionem omnimodam inquirentes, orabant. Alii ex ineffabili humilitate indignos se remissione judicabant, nec omnino posse DEO rationem reddere clamabant. Quidam hic excruciiari, ut illic misericordiam consequerentur à Domino, supplices poscebant. Plerique ex conscientia onere attriti ac depressi, satis sibi ex intimis esse dicebant, si vel suppliciiis eximerentur, regnoque non potirentur. Vidi illic animas humiles contritas, & præ gravi pondere incurvatas ac dejectas, quæ vocibus illis suis ad DEUM emisiss, lapides quoque ipsos ad compunctionis sensum emollire potuissent. Ita enim defixis in terram luminibus aiebant: Novimus sanè, novimus, omnibus jam poenis atque cruciatibus nos esse dignissimos. Et meritò quidem: neque enim idonei jam sumus, qui pro debitorum nostrorum multitudine satisfacere possimus, etiamsi orbem universum, ut pro nobis lugeat, convocaverimus. Illud solum oramus, istud deprecamur, id totâ animi intentione supplicamus: ne in ira tua



arguas nos, neque in furore tuo corripas nos, neque iustissimi iudicii legibus ex crucies nos, sed parcus, & misericordius. Satis enim est nobis ingenti illa tua ac terribili comminatione, suppliciiisque illis occultis, ignotis, atque inauditis liberari. Neque enim ut poenis omnino liberemur petere audeamus. Quam enim facie, quo animo id audeamus, qui Professionem nostram violavimus? eamque post priorem clementissimamque remissionem sordidavimus? Illic profecto, O dulcissimi amici! illic verba David rebus ipsis cerneretis impleta, ærumnis affectos homines, atque usque in finem vitæ incurvatos, totisque diebus mœstos incedentes, & ex putrefactis corporis partibus foetorem exhalantes: qui quasi sine ulla carnis cura degerent, obliviscebantur comedere panem suum, potumque aquæ cum gemitu miscebant, & cinerem cum pane manducabant. Adhæterant illorum ossa carni, ipsique ut fœnum exaruerunt, nec quidquam apud illos audivisses, nisi hæc verba: *Vae! Vae! miserum me! miserum. Juste, juste, parce, parce Domine* Nonnulli *Miserere* dicebant. Alii verò rursus miserabilius clamabant: *Ignosce, ignosce Domine, si possibile est.* Vidisses in illis æstuantes lingvas instar canum ex ore procedentes. Ex his alii sub ardentissimo solis æstu seipsos cruciabant; alii contrà acerrimo frigore se affligebant. Quidam modicum aquæ degustantes, ne omnino siti exarescerent, ita quiescebant. Nonnulli cum panis exiguum quid accepissent, reliquum manu longius projiciebant; indignos se, qui rationalium cibo vescerentur, asserentes; quippe qui irrationabiliter egissent. Quem apud illos locum risus habere poterat? Quem otiosus sermo? quem iracundia? quem furor? Nec enim quid in hominibus iracundia esset, sciebant, adeò luctus furorem omnem penitus extinxerat. Ubi apud illos contradictio, ubi festivitas, ubi confidentia, ubi corporis obsequium & cura? ubi vel vestigium inanis gloriæ? ubi deliciarum expectatio? ubi tenuis viri cogitatio? ubi pomorum degustatio? ubi ferventis ollæ solatium? ubi gulæ ulla illecebra? Horum enim omnium apud illos spes nulla erat. Non terrenæ cujusquam rei curâ angebantur. Non judicare ullum omnino hominum didicerant. Nihil horum penitus in illis invenisses. Cæterum jugiter ad Dominum clamabant, solaquæ orationis vox audiebatur. Alii enim pectus validè ma-



dè manibus cædentes, quasi jam ad ipsam adstarent cæli januam, ad Dominum dicebant: *Aperi nobis januam, ex quo illam nobis ipsi per peccatum clausimus.* Clamabat alius: *Ostende faciem tuam tantum, & salvi erimus.* Alius econtrà: *Appare his in tenebris, & umbra mortuæ sedent humilibus tuis.* Alius rursus: *Citò anticipent nos misericordiæ tuæ; quia pauperes perimus, quia desperavimus, quia nimium defecimus.* Nonnulli autem aiebant: *Putasne apparebit Dominus ultra super nos? Alii verò: Num pertransiit anima nostra debitum intolerabile? Alii: Putasne Dominus adjiciet ultra consolari nos? Putasne audiemus ullum dicentem nobis, qui sumus in vinculis indissolubilibus; Exite: Et qui in inferno poenitentiae sedemus: Laxamini? Putasne clamor noster ad aures Domini ingressus est? Cuncti verò sedebant, semper ante oculos suos mortem attendentes, ac dicentes: Quid putatis contingere? Quenam erit illa sententia? Quis finis noster? Putas erit revocatio? Num superest spes veniæ moestis? humilibus reis? Num valuit oratio nostra ingredi ante conspectum Domini? aut meritò repudiata est, abjecta, atque confusa? Aut si fortè intravit, quantum peregit? quantum placavit DEUM, quantum profecit? quantum operata est? Emissa quippe ex immundis corporibus & labiis, parùm virium habere potuit. Putas omnino reconciliavit Judicem? an ex parte? an vulnèrum vel medietas deleta est? Quippe maxima cùm sint, plurimis & laboribus, & sudoribus, & doloribus indigent. Putas appropinqua verunt nobis Angeli custodes nostri? An adhuc longius à nobis stant? Nisi enim illi appropient nobis, inutilis & infructuosus est omnis labor noster. Neque enim confidentiæ oratio nostra, neque mūditiæ pennas habet, ut ingredi ad DEUM possit, nisi hanc è proximo assumant Angeli, qui nobis præsent, eamque offerant Domino. Nonnunquam verò hæsitantes hujusmodi ad invicem dicebant: Num fratres aliquid proficimur? Num petitione nostrà potiemur? Num iterum suscipit, num aperit? Alii verò ad ista respondabant: *Quis novit, ut dixerunt Nimi vitæ fratres nostri, si fortè poeniteat DEUS, atque ab ingenti illa poenitentia nos liberet? tamen quod nostri muneris est non negligamus.* Et siquidem ille aperuerit, bene est: si verò alias, benedictus Dominus justè exclusit nos. Veruntamen perseveremus pulsantes usque ad finem vitæ nostræ. For sitan improbitati nostræ ac perseverantiæ cedens aperiet: benignus quippe & misericors est. His atque hujusmodi seipfos exhortantes, atque excitantes, aiebant: Cur-*



ramus fratres, curramus, cursu enim opus est, & vehementi cursu: quoniam cætu nostro decoro atque optimo excidimus. Curramus, neque huic carni nostræ sordide atque nequam pareamus fratres, sed occidamus illam, sicut prius occidit nos. Sic Beati illi Rei faciebant. Genua illis ex perpetuo orationis usu obcaluerant. Oculi defecti atque defatigati intus profundè recesserant, pilis omnibus ciliciorum amissis, genæ ardentium fervore lachrymarum adustæ videbantur, facies marcescentes atque pallidæ squalebant, nihilque à mortuis in comparatione differebant. Pectora tusionum ictibus dolebant, lividaquæ sanguinem ex crebris illisionibus emittebant. Ubi lecti usus, ubi indumenti munditia & firmicas? Omnia ibi discissa erant & sordida, ac pediculis operta. Quid autem est eorum, qui à dæmonibus arripiuntur, si illis conferatur afflictio? Quid mortuos plangentium amaritudo? Quid mœror degentium in exilio? Quid parricidii reorum poena? Nihil sanè est illorum poena suppliciumque, quo iuviti afficiuntur, si voluntariæ istorum poenæ conferantur. Sed quæso fratres, nè ea, quæ dicta sunt, fabulas existimemus. Rogabant nonnumquam isti magnum illum Iudicem, Pastorem (*sum*) dico inter homines Angelum, ut ferrum ac torques collo ac manibus imponeret, pedesquæ patientium constringeret ligno, nec eos prius inde solueret, quàm sepulchrum succederet. Imò verò nec sepulchrum quidem. Neque enim profectò hanc quoque Beatorum illorum reverà mirabilem ad DEUM charitatem atque poenitentiam abscondam. Quoties ad Dominum, profecturi, & incorrupto tribunali Iudicis sistendi erant, felices illi regionis poenitentium cives, hoc per eum, qui sibi præerat adjurantes à Magno illo summis precibus petebant, nè sepulturâ humanâ dignarentur; sed brutorum instar, aut fluvialibus undis traderentur, aut in campum projecti bestiis devorandi permitterentur. Quod etiam nonnumquam fecit illorum precibus obtemperans discretionis Lucerna, iubens illos omni psalmodiâ, omni quæ honore privatos proici. Cùm verò extrema illorum hora advenisset, terribile omnino miserandumquæ spectaculum cerneret. Nam cùm eum, qui se præcedebat efflare iam animum sensissent socii, adhuc sensu integro vigente circumstant,



bant illum siti æstuantes, & lugentes, ac desiderio pleni, miserabili omnino habitu, mœstioresquē sermone capita sua commoventes efflantem iam animam interrogabant, misericordiāquē flagrantes ajebant ad illum. *Quid est frater? Quonam modo tecum agitur? quid dicis? quod speras? quod suspicaris? Percepistine ex labore tuo, quod querebas? aut non valuisti? pervenisti ad portum, aut nondum potius es spe tuā? Accepisti certam aliquam fiduciam, an adhuc incertā spe fluctuas? consecutus es libertatem, an agitur ambigitquē cogitatio? sensisti aliquam in corde tuo lucem, an tenebris adhuc & ignominie confusione plenum est? Vllanē tibi vox intrinsecus facta est, dicens: Ecce sanus effectus es; aut dimittuntur tibi peccata tua: aut fides tua te salvum fecit? Illamne tibi adhuc vocem audire videris, quā dicitur: Convertantur peccatores in infernum? Et: Ligatis manibus, & pedibus, mittite illum in tenebras? Et: Tollatur impius, nē videat gloriam DEI? Quid ais frater? Dic nobis oramus, ut & nos scire possimus, quidnam illic nos manet. Tuum quippe tempus jam clausum est, aliudquē de cætero in æternum non invenies. Adhæc quidem alii Dormientium; Benedictus, ajebant, Dominus, qui non dedit nos in captionem dentibus eorum. Alii verò illud gementes dicebant: *Forſitan pertrauſſibit anima noſtra aquam intolerabilem. Quod nondum confidentes ajebant, ſed conſiderantes, quā ſit pavendum illud terribile incertumquē judicium. Alii verò etiam mœſtiùs quiddam reſpondebant, ac dicebant: Væ animæ illi, quæ non ſervavit profeſſionem ſuam integram & immaculatam, hæc enim horâ ſciēt, quid illi præparatum ſit. Quæ ergo omnia cū apud illos auდიſſem, & vididiſſem parū ab fuit quin deſperatione abſorberer, cū meam intuerer malitiam, & negligentiam, eamquē Sanctorum illorum afflictioni compararem. Quænam verò, qualiſue erat ejus loci faciès & habitatio? tota tenebroſa erat, informis, foetida, ſordida, ſqualida. Carcer enim & condemnatio rectiſſimè appellabatur. Ipſa denique ut ſola loci contemplatio perfectæ poenitentiae ac luſtûs magiſtra erat. Sed ea, quæ aliis difficilia atq; impoſſibilia videntur, eis, qui virtute ac ſpiritu alibus divitiis ſe excidiſſe meminerunt, grata ſunt & amabilia, ſitq; eorū perfacilis aſſumptio. Anima enim quæ priori confidentiâ privata ſpe conſequendæ beatæ tranquillitatis excidit, ſigillumquē caſtitatis aperuit, divitiisquē gratiarum ſpoliata, & Divinâ conſolatione**



solatione destituta est, pactumquæ & placitum Domini violavit, extinxitquæ iam in se decorum lachrymarum ignem; quoties horum memoriâ tangitur, quæ per suam negligentiam, se amisisse retinet, acerrimo dolore compuncta, vulnerata, non solum quos prædiximus labores, cum omni studio & alacritate suscipit, verum etiam seipsam mactare per exercitationis magnitudinem contendit: sitamen in illa, charitatis ac timoris Domini favilla ulla relictæ est. Hujusmodi profectò erant Beati illi; hoc enim secum in animo volventes, virtutisque, quâ exciderunt, altitudinem considerantes; Memorati sumus (agebant) dierum antiquorum, ignitique illius studii nostri. Alii ad Dominum clamabant: *Ubi sunt misericordiæ tuæ antiquæ, quas ostendisti animæ nostræ in fortitudine tua? Memor esto opprobrii & laboris servorum tuorum.* Alius verò: *Quis me ponet, agebat, secundum mensem dierum meorum priorum, in quibus me custodiebat DEUS, quando lucebat lucerna lucis ejus super caput cordis mei?* Sicquæ priores omnes virtutes suas memorabant, atque ista infantium more plorabant dicentes: *Ubi est orationis puritas, ubi est hujus certissima fiducia? Ubi dulces lachrymæ in amaritudine? Ecce ubi sunt? Ubi intima munditiæ, & castitatis spes? Ubi beatissima ac placidissima quietis expectatio? Ubi sincera ad Pastorem fides? Ubi rationis illius in nobis efficacia & virtus? Perierunt ista omnia, & quasi nunquam visa sunt, defecerunt, ut quæ nunquam fuerint, ita deleta sunt & perditæ.* Ista cum gemitu, & lamentatione prosequentes, ita demum alii, ut à dæmonio arriperentur, orabant. Alii ut in morbum inciderent, precibus à Domino poscebant; plurimi oculos amittere, miserandumquæ omnibus spectaculum fieri optabant. Nonnulli paralitici fieri, & languorem corporis contrahere, solum nè futura supplicia experi cogerentur, cupiebant. Ego autem, O amici! nescio quo pacto diutius inter lugentes versatus sum, totoquæ animo in illorum admiratione suspensus, me ipsum continere non potui. Sed ut ad id, unde aberravit, redeat, oratio, cum triginta dies in custodia illa perseverassem impatiens, in magnum illud Cœnobium ad magnum Patrem reversus sum, qui ut me aspexit immutatâ facie, totumquæ veluti attonitum, agnovit sapientissimus immutationis causam, & ait ad me. *Quid est Pater Jo-*

*nes?*



nes? Vidistine laborantium certamina? Ad quem ego: Vidi, inquam, Pater, vidi, & admiratus sum, felicioresque existimaui, qui post lapsum ita lugent, quam qui nunquam lapsi sunt, & seipsos non sic desunt. Illis enim ruina sua, causa fuit beatissimæ ac tutissimæ resurrectionis. Tum ille: Sic, inquit, est. Et Paulò infra prosequitur B. Climacus: Non autem ignoro admirabiles viri, fore, ut ista quibusdam videantur incredibilia, aliis verò ad credendum difficilia, nonnullis etiam desperationem parientia, quæ modò enarravi, Beatissimorum illorum certamina. Porro vir fortis, & ex his stimulum magis, igneumque jaculum sumpsit, zeli quæ conceptum feruorem in corde ferens abiit. At qui illà alacritate minor est, cognitâ imbecillitate suâ, atque ex hac cognitione, & reprehensione sui facilè humilitatem possidens, post primum, cucurrit, nescio an apprehenderit. Vir autem negligens; ista, quæ dicta sunt, nè audiet quidem, nè fortè id modicum quod interim operatur, omnino desperans dissipet, compleaturque in illo, quod Dominus dicit: Ab eo autem qui non habet alacritatem, & ipsum quod habet, auferetur ab eo. Fieri non potest, ut qui in lacum incidimus iniquitatum, inde unquam emergamus, nisi nos in abyssum humilitatis poenitentium dejiciamus. Alia adhuc peccantium conscientia reprehensio, & alia quæ perfectis per DEI operationem provenit dives ac lætifica humilitas. Alia est tristis moerentium humilitas. Nè quæso hanc tertiam verbis invenire studeamus, alioquin inaniter erramus. Quæ verò humilitatis signum est, ignorantia perfecta toleratio. Lugenti quoque, nonnunquam præcedens consuetudo violenter dominatur. Hæc B. Climacus.

Placet referre nonnulla exempla Poenitentia, quæ & quanta imponebantur olim juxta Canones, ut hoc Seculum delicatum videat, quàm longè sit à fervore Patrum suorum; ad quem sectandum in agenda poenitentia pro suo possibili quoque animeretur, sciatque hos Canones, etsi non in foro fori, tamen in foro Poli ligare, nisi Contritionis vehementia, vel indulgentiarum condonatio talem defectum suppleverit. Sunt autem sequentes è pluribus nonnulli præfati Canones apud Guillelmum Durant: in suo Repertorio, rubricâ de poenitentia. Debet ergo poeni-



pœnitere sacerdos committens fornicationē, decem annis: 82. *dist. c. Presbyt.* Ibi etiā habetur qualiter hoc tēpore pœnitebit. Accipiens sponsam alienam, de præsenti septem annis, & 40 diebus in pane & aqua: *Extra de sponsa duorum c. 2.* Falsarius quamdiu vivit, in pane & aqua pœniteat: *De verb. sig. novissimis.* Interfector Domini, vel uxoris, nunquam equitet, nec vehiculo vehatur, nec contrahat matrimonium: usque ad 10. annos, carnes non comedat, & vinum non bibat, & alia, quæ habentur: 33. q. 2. *ad c. Monere, & c. Quicumque de divo: c. 1.* Pro quolibet mortali peccato debet pœnitere septem annis: 33. q. 2. *c. Hoc ipsum §. Hoc quancumque §.* Nisi plus & minus à Canonē imponatur. Domum vel arcam incendens 3. annis pœniteat: *De inju. & dam. d. c. Si quis contra, verbo, incendiarius.* Injustē alium accusans ad mortem, 40. diebus in pane & aqua jejunabit continuē sive interpellatē, & per septem annos pœnitebit; non tamen in pane & aqua, sed ad arbitrium sacerdotis. Si verō per talem accusationem quis accusatus membrum perdidit, accusans tribus quadragesimis jejunabit: primā ante Natale Domini, secundā ante Pascha, tertiā ante festum S. Joannis: quas quadragesimas S. Petrus instituit. *Et hæc probatur 2. 2. q. 5. c. 1. & 3. 6. q. 1. Quicumque.* Homicida Episcopus 15. annis pœniteat, & deponatur, & semper peregrinetur. Presbyter 12. annis, & 3. ex his in pane & aqua, & deponatur. Et Diaconus 10. annis, & tribus in pane & aqua: 50. *dist. si quis homicid. pater est.* Pro casuali homicidio 5. annis pœniteat: 58. *dist. Eos qui & c. seq.* Pro voluntario sine spe restitutionis deponitur, & 7. annis pœniteat: 50. *Distin. c. Major.* Occidēs Clericum, aut Monachum, Diaconum vel Subdiaconum, semper erit in Monasterio, nunquam ad seculū reversurus: & 7. annis pœnitentiam publicam agat, & arma relinquat: 17. q. 4. *c. Qui occiderit.* Pro perjurio quadraginta diebus in pane & aqua per septem annos, & semper erit in pœnitentia S. interiori: 6. q. 1. *c. Quicumque 22. q. 1. Prædicandum.* Pro falsa mensura 30. diebus in pane & aqua jejunet: 22. q. 5. *Si quis coactus.* Raptor, seu fur, seu dirreptor, reddet in quadruplum Ecclesiæ ornamento: alterius duplum, & 7. annis pœniteat, tres in pane & aqua: 17. q. 4. *Palea est.* Clericus fur, vel effractor, septem annis: Laicus 5. sed si vilis erat res, vel ubi bis, vel ter furatus est, reddat, & anno pœniteat



niteat in pane & aqua: 17. q. 4. c. si quis Clericus palea est. Manum in Episcopum, vel Presbyterum mittens, & Ecclesiam vastans, aut impugnans, vel incendens, omnibus bonis proscribatur: & semper in Monasterio inclusus poeniteat: 24. q. 3. c. Quisquis per dolum palea est. Hoc autem adnotatione dignum est, quod ubi ponitur poenitentia 7. trium, vel pauciorum annorum, vel quadragesimalium à jure, & non adjungitur qualiter illo tempore debeat quis poenitere, hoc relinquitur arbitrio sacerdotis: cum poenitentiae sint arbitrariae: Ipse verò sacerdos arbitrabitur eam per legitimas ferias faciendam, secundum Canones: 11. q. 3. De illis sordid. De his Clericis 82. Presbyter 1. extra de hom. c. 2. Et in aliis multis: & sic intellige extra de accusa: de his qui cap. fir. de sponsa. duorum c. 2. 22. q. 5. c. 1.

*Praxis Agendi Poenitentiam.* Ex supradictis ad poenitentiam proportionatè applicatis, scito hæc. Tria esse ad eam requisita. 1um. Remotio impedimentorum poenitentiae. 2dum. Positiva ad eam dispositio. 3tium. Actus poenitentiae.

Quantum ad Primum, nempe Remotionem impedimentorum In Bibli. Mari. hæc accipe ex Patre Lohner dicente. Benè nôrit impedimenta, Tit. Poenit. quæ plerumque peccatores absterrent à poenitentia, atque pro illis removendis remedia suggerere sciat. Quinque autem sunt potissimum ejusmodi impedimenta. 1um. Desperatio ob multitudinem peccatorum, quam tollere conabitur ostendendo misericordiae Divinae magnitudinem, quæ non modò veniam promittit poenitenti, sed eundem etiam ultrò invitat, ideoque ei multitudinem, magnitudinemquè suorum peccatorum ob oculos ponit, ut per easdem ad poenitentiam revocetur. Quæ omnia tum appositis S. Scripturæ & SS. Patrum sententiis, tum probatis exemplis confirmabit. 2dum. Timor recidivæ. Quem eripere nitatur ostendendo, tum paratum à DEO auxilium, si ipse peccator, materia fusè quantum requiritur ex parte ipsius accuratè præstiterit, uti ex supra sub spe plurimorum conversione pater, tum demonstrando, quàm stultum sit, ob timorem relapsus, poenitentiam differre, quis enim vulneratus recursum ad medicum? quis sordiditas habens manus, aut vultum, ad lavacrum? quis navis aut sentinae evacuatio- ne. 1. 2. tra. 2. c. 2. nem, ideo tantum differt, quia fieri potest ut iterum vulneretur, 1. 2. tra. 2. c. 2. sec. 1. & 4.



fordes contrahat, aut sentina, navisque varios tumultus & insultus  
*Lib. 2. c. 28.* patietur? *3<sup>um</sup>. Horror difficultatis.* De qualibellus de imitatione:  
 § 3. Unum est, quod multos à profectu & ferventi emendatione re-  
 trahit, horror difficultatis, seu labor certaminis. Sed & huic im-  
 pedimento facile occurrerit obijciendo tot exempla converforum,  
*S. August. lib. 7. Confess. c. 1.* & illud olim S. Augustini dictum subjiciendo: Potuerunt isti &  
 ista, & tu non poteris? Revocando iterum in memoriam S.  
 Augustini de seipso loquentis confessionem: O! quàm suave  
 mihi subito factum est carere suavitatibus nugarum, & quas a-  
 mittere metus fuerat, jam dimittere gaudium erat. Eundem in-  
 finem proderit etiam narrare exemplum de juvene similem dif-  
 ficultatem in mala consuetudine deponenda sentientem, cui dia-  
 bolus primùm in specie gigantis apparuit, atque ad certamen  
 provocavit, mox verò & Angelus secutus est, hortans ut aggre-  
 deretur gigantem, se enim auxiliatricem ei manum porrectu-  
 rum; quod ubi fecit adolescens, adjuvante Angelo sine difficulta-  
 te gigantem superavit. *4<sup>um</sup>. Metus rei, quam inordinatè amaverat,*  
*deferendæ.* Quem eripere conabitur ostendendo, quàm facile illa  
 antè, quàm amare eam inciperet, caruerit, & verò etiam tempo-  
 re morbi aut mortis sine difficultate cariturus sit. An ergo non  
 possit gratia, quod necessitas, vel infirmitas potest? Ostendat  
 iterum, quàm omnem voluptatem hætenus ex re amata perce-  
 ptam, abundantius in ipso DEO, per poenitentiam & charitatem  
 possidendo, inventurus sit, ideoque illud Elcanæ dictum eidem  
 applicet: Cur fles? aut quam ob rem affligitur cor tuum? nun-  
 quid non ego tibi melior sum, quàm hæc, illa creatura? *5<sup>um</sup>. Re-*  
*spectus humanus.* Quod tamen impedimentum facile tollit Asceta,  
 si meminisse jubeat, stare ex una parte DEUM, à quo omne bo-  
 num, quod habet, accipit: & quod acceprurus est, expectat, at-  
 que ad poenitentiam invitare; homines verò, à quibus nec vitam  
 accepit, nec expectat, ab eadem absterre: an enim si vel micam  
 prudentiæ & æstimationis de DEO possideat, hominem potius,  
 quàm DEI invitationem sequetur? Hortetur præterea, ut in  
*Lib. 3. de Imitat. c. 36. § 1.* simili casu illam pii Ascetæ doctrinam sibi applicet: Fili, jacta  
 cor tuum firmiter in Domino, & humanum nè metuas judicium,  
 ubi te conscientia pium reddit, & infontem, (uti vel maximè per  
 poeni-



poenitentiam contingit) bonum est & beati taliter pati, nec hoc erit grave humili corde, & DEO magis quam sibi confidenti. Quistu, ut timeas à mortali homine? Hodie est, & cras non comparet. DEUM time, & hominum terrores non expavesces.

*Quoad Secundum; Positivam nimirum ad poenitentiam dispositionem.* Hanc efficiunt imo. Memoria frequens novissimorum. Si enim diem mortis suæ homines jugiter cogitare vellent, animam suam ab omni malicia & cupiditate cohiberent, ait rectè S. Augustinus. Hinc DEUS ipse hoc remedium svasit per Siracidem: In omnibus operibus tuis memorare novissima tua, & in æternum non peccabis. 2do. Charitatis Divinae ignem applicare. Uti S. Ambrosius suavitè dicens: Si à radice vitia vis evellere, charitatis ignem applica, quo passionum universarum ac vitia superantur. 3tio. Magd. *Passionem Christi frequenter considerare.* Maxime si consideremus Christum nos taliter è cruce alloquentem: Nonne satis propter te vulneratus sum? Nunquid non pro iniquitate tua afflictus sum? Cur addis afflictio? Magis aggravant me vulnera peccati tui, quam vulnera corporis mei. 4to. Facilitas. Quæ colligitur ex sequentibus. 1. Ex misericordia DEI, de qua Taulerus non immeritò dixit. Nullam matrem tam promptam esse ad succurrendum filio suo in ignem lapso, quam misericordia DEI parata sit succurrere, & indulgere peccatori, veniam petenti. Unde S. Augustinus. Si ego, inquit, Domine, admisi unde damnnare me possis, tu certè non amisisti, unde me servare possis. Cum ergo inquit alibi idem sanctus, D E U S & velit misereri, quia Bonus est, & possit, quia Omnipotens est; ipse contra se Divinae pietatis januam claudit, qui DEUM sibi misereri aut non velle, aut non posse, credit, eumquè aut Bonum aut Omnipotentem esse diffidit. 2. Ex aliorum exemplis. De quibus S. Bernardus: Non, inquit, vos retardet conscientia, quia ubi peccata abundaverunt, super abundare consuevit & gratia. Nec poenitentia austeritas ipsa deterreat, nec enim còdignæ sunt passionum huius temporis ad futuram gloriam quæ promittitur, ad præteritâ culpam, quæ remittitur, & ad præsentis gratiam consolationis, quæ immittitur. Si verbis non creditis, operibus credite, exemplis acquiescite plurimorum: currunt undique peccatores ad poenitentiam:

S. August. serm.

3. de Innocent.

Eccl. 7. v. 40.

Apud Beirl. in

festo S. Mariæ

Magd.

S. Bern. serm.

4. hebdom. sacra.

in Psal. 129.

S. Bern. in quo-

dam serm.



& naturâ pariter & consuetudine delicati, nihil credentibus impossibile, nihil amantibus difficile, nihil asperum mitibus, nihil humilibus arduum reperitur, quibus & gratia fit in auxilium, & obedientiæ devotio lenit imperium. *1to. Diffidentia in viribus pro-*

*S. Fulgen. de priis, & confidentia in Divino auxilio.* Quod medium S. Fulgentius *fide ad Petrum* suavitè dicens: Firmisimè tene, & nullatenus dubita, neminem *c. 31.* hic posse poenitentiam agere, nisi quem DEUS illuminaverit, & *Psalms. 84. v.* gratuitâ suâ miseratione converterit. Hinc Psaltes oravit: *Con-*  
*5. Jerem. 31. v.* verte nos DEUS salutaris noster. Et Ieremias: Posteaquam *19.* convertisti me, egi poenitentiam. *Hactenus P. Lobner.*

*Quod concernit Tercium; scilicet Actus Poenitentiae.* Horum tres enumerantur, ad quos etiam alii reducuntur, nempe Dolor, Confessio, Satisfactio.

Dolor alius est perfectus, seu Contritio, quâ quis detestatur peccatum, de eoquè dolet, quatenus est offensa DEI super omnia dilecti, ut in se summè boni. Hic dolor includere debet amorem DEI, qui dicitur amicitiae, seu charitatis, eumquè appetitativum, de quo *suprà cap. 3.* Nam alius amor ad spem pertinet, quo dolet homo ex amore DEI, non ut in se summè boni, sed quatenus summè boni homini, est imperfectus, nec sufficiens talis dolor ad salutem extra Sacramentum poenitentiae, quod specialiter norandum est, nè quis decipiatur, & imperfectum amorem ac dolorem pro perfecto aestimet, & usurpet. Deinde sciendum, odium seu detestationem peccati præcisè in se spectatum non, esse propriè actum poenitentiae. Etenim DEUS & Sancti propriè detestantur peccatum, non tamen propriè dicuntur poenitere. Hinc dum Concilia, vel Patres, odium peccati asserunt esse actum poenitentiae, supponunt, ut admistum dolori de peccato. *Alius dolor est imperfectus, & appellatur Attritio, quâ aliquis dolet de peccatis, ut sunt offensa DEI, summè homini boni per gratiam & gloriam aeternam (quod pertinet ad spem) Vel summè hominem punientis poenis futuri seculi (quod spectat ad timorem) Vel summè colendi (quod pertinet ad virtutem Religionis) Vel summè peccatum detestantis ob summam foeditatem & indignitatem (quod pertinet ad specialem virtutem poenitentiae) &c.* Ubi advertendum, ut Attritio sit dolor



dolor supernaturalis, & sufficiens ad Sacramentum poenitentiae, necesse est, quatenus semper eliciatur, elevatus cum respectu ad peccatum, ut offensa est DEI; alioquin non erit verus dolor, requisitus, & ut eum oportet fieri ad salutem, ex quo est purè naturalis, nec in Sacramento poenitentiae ex attrito fiet contritus, nec remissionem accipiet peccatorum, imò sacrilegium committet (nisi excuset ignorantia) non ponendo ex parte sua essenziale requisitum veri doloris ad poenitentiam. Quod notent diligenter Confessarii in rudioribus poenitentibus, qui plerumque dolent ex aliquo motivo temporali, vel naturali, ideo nec mirum, quod turmatim animae cadant in infernum. Nec tanta est difficultas, dolere de peccatis, ut sunt offensa DEI, modò absit negligentia Confessariorum, & Curatorum animarum, informandi hoc in passu suos poenitentes, vel subditos. *Motiva comparandi Dolorem Poenitentiae sunt: Diligens meditatio novissimorum, foeditatis ac gravitatis peccatorum, DEI beneficiorum, Perfectionum DEI, quae materiae habentur sufficienter tum alibi tum in 3. parte hujus Operis, & passim in libris spiritualibus.*

*Actus 2dus Poenitentiae Sacramentalis est Confessio, quae juxta Hostiensem est legitima coram sacerdote, peccatorum suorum declaratio.* De ejusmodi Confessione sic loquitur Tridentinum: Ex Trident. s. 14. institutione Sacramenti Poenitentiae jam explicata, universa Ecclesia semper intellexit institutam esse à Domino integram peccatorum confessionem, & omnibus post Baptismum lapsis, jure Divino necessariam esse: quia Dominus noster JESUS Christus, è terris ascensurus ad caelos sacerdotes sui ipsius Vicarios reliquit, tanquam Praesides & Judices, ad quos omnia mortalia crimina deferuntur, in quae Christi fideles ceciderint, qui pro potestate clavium, remissionis, aut retentionis peccatorum, sententiam pronuntient. Constat enim sacerdotes judicium hoc incognitâ causâ exercere non potuisse, nec aequitatem quidem illos in poenis injungendis servare potuisse, si in genere duntaxat, & non in specie potius ac sigillatim sua ipsi peccata declarassent. Ex his colligitur, oportere à poenitentibus omnia peccata mortalia, quorum post diligentem sui discussionem conscientiam habent



*S. August. lib. 50. Hom. 12.* habent, in confessione recenferi. Nam ut *S. Augustinus* ait: DEUS noster, qui pius est & misericors, vult ut ea confiteamur in hoc seculo, nè pro illis confundamur postmodum in futuro.

*Ecc. 4. v. 13.* juxta sapientem, qui ait: Pro anima tua non confundaris dicere, verum: est enim confusio adducens peccatum, & est confusio adducens gloriam & gratiam.

*Conditiones Bonæ Confessionis sequentibus versibus  
exprimuntur.*

**S**it simplex, humilis confessio, pura, fidelis,  
Atque frequens, munda, discreta, libens, verecunda,  
Integra, secreta, lacrymabilis, accelerata  
Fortis, & accusans, & se punire parata.

*Bibl. Man. Tit.* Motiva faciendæ Confessionis ex *P. Lobner.* Prædicante *S. Confess. Act. 9.* Paulo multi credentium veniebant confitentes & annunciantes a-  
*Spec. Exemp. dist. 9. ex. 38.* ctus suos. Dæmon quidam ex obfesso exire jussus dixit, tres esse in obfesso dæmones, quorum primus vocaretur *Claudens eor*, nè ipse possit peccator contritioem elicere: 2dus, *Claudens os*, nè confessionem faciat. 3tius *claudens bursam*, impediendo restitutionem, & hunc plurimum efficere. Aliud. *Cum* duo Patres Prædicatores, per castrum quoddam transeun-  
*v. Confes. xemp. 22.* tes, confessionem cujusdam mulieris audivissent, illius ex ore, quoties peccatum aliquod confessum est bufonem per os exire, socius vidit, sed tamen singulos postea cum longè majori bufone redire, quia scilicet peccatum, quod undecim annis nunquam confessum erat, iterum suppresseretur. Qua de causa paulò post suffocata, petentibus à DEO Prædicatoribus, ut statum huius mulieris aperire dignaretur, terribili draconi infidens, & lacertas in capite, canes in manibus, bufones in oculis, sagittas ignitas in auribus, & ignem sulphureum in ore crudelissimo cum cruciatu patiens, postquam omnium horum tormentorum causas, varietatem scilicet peccatorum explicasset, ex eorum oculis evanuit.

*Actus 3tius Pœnitentiæ est Satisfactio, quâ punitur præteritum peccatum, & preservatur homo à futuro.* Alias Satisfactio dicitur,



tur, quæ consistit in patiendo mala, ut satisfactio in faciendobona, ex intentione ulciscendi se de peccatis præteritis, & præmuniendi se à futuris.

*Motiva ad satisfactionem ex P. Lobner accipe.* S. Ambrosius *Bibl. Man. Tit.* advertit: qui agit poenitentiam, non solum diluere debet lachry- *Confess.* mis peccatum suum, sed emendationibus factis operire & tege- *S. Ambr. l. 2.* re delicta superiora, ut non imputetur ei peccatum. Unde Sa- *de poenit. c. 5.* piens admonuit: De propitiato peccato noli esse sine metu. Et *Eccl. 5. v. 5.* Christus: Facite fructus dignos poenitentiae. Quo autem mo- *Matth. 5.* do fructificare poterimus inquit S. Chrysostomus? Si utique peccatis adversa faciamus. Aliena rapuisti? Incipe donare jam propria Longo es tempore fornicatus? à legitimo quoque usu conjugii suspendere. Iniuriam vel opere cuiquam, vel sermone fecisti? refer benedictionis verba convitiis; & percutientes te, nunc officiis, nunc etiam beneficiis placare contende. Neque enim vulnerato sufficit ad salutem tantummodo spicula de corpore evellere, sed etiam remedia adhibere vulneribus. Cur autem hanc satisfactionem requirat DEUS, & non omnem etiam poenam cum culpa remittat, quatuor affert causas Marchantius nempe *Ima: March. t. 5.* Quia sic Divinae justitiae ratio exigit, ut quemadmodum in Ba- *Candelab. prop.* ptismo remittitur peccatum aliena voluntate commissum, ideo- *I.* què etiam poena relaxatur, ita post baptismum peccata propria voluntate commissa, etiam propria satisfactione castigantur & deleantur. *2da:* Quia alioqui liberius peccarent homines; cum impunitas juxta S. Bernardum, sit incuriae soboles, insolentiae mater, radix impudentiae, transgressionum nutrix. Hinc Concilium Tridentinum ait: Procul dubio à peccato revocant, & *Conc. Trid.* quasi freno quodam coercent satisfactoriae hae poenae, cautiore *sess. 14. c. 2.* què & vigilantiores in futurum poenitentes efficiunt. *3tia:* Quia peccatorum reliquiis medetur, cum vitiosos habitus contrariis virtutibus tollit satisfactio. *4ta* Quia ad augmentum meriti conducit, quod tum ex Obedientia, ex qua assumitur, tum ex ipsa Sacramenti efficacia & meritis Christi, cui per ejusdem satisfactionem conformamur, provenit.



*Praxis supplendi defectum Satisfactionis pro peccatis per  
Indulgentias.*

**Q**uoniam refrigerante charitate, & superabundante iniquitate, multi non eam subeunt Poenitentiam seu Satisfactionem, quæ aliàs à Canonibus describitur (de quibus aliquid dictum supra) unde gravem sibi accumulavit poenam in purgatorio luendam. Igitur Mater Ecclesia connivens infirmitati suorum filiorum, defectum Satisfactionis aliàs debitæ supplet per applicationem Indulgentiarum. Itaque,

*Indulgentia nil aliud est, quam applicatio fidelibus Satisfactionum Christi, & Sanctorum, per summum Pontificem, ex justa causa, facta, ad supplendum defectum congruæ Satisfactionis pro peccatis.* Etenim Satisfactio Christi, cum sit infiniti valoris, tum cum sint plurima supererogatoria Sanctorum opera ipsis ad Satisfactionem haud necessaria, reconduntur hæc in thesauro Ecclesiæ, cujus dispensationem suo Vicario Christus reliquit ad ipsius Ecclesiæ utilitatem. Unde etiam fit, quod supremus Pastor Ecclesiæ, iustas ob causas

*V. Marlban. Hort. Pust. T. 5. de off. past. Lect. 3.* (quales censentur, ut Marchantius enumerat, non solum gloria DEI in genere, sed & particularis necessitas Ecclesiæ, vel publica gravis utilitas. v. g. Pax Principum, extinctio bellorum, pii loci erectio, pauperum & miserabilium personarum subventio, hæresum extinctio, concilii universalis expeditio, placatio iræ Divinæ in pestilentia, fame, bello, schismatis sedatio, bellum contra hæreticos, Ecclesiarum visitatio, & Sacramentorum frequentatio, celebritas Sanctorum in canonizatione eorum) ex eodem, sacratissimo gazophylacio reconditas salutis divitias distribuat per Christianum populum, ad ejus sublevandam in exsolvendis poenitentiarum seu poenarum debitis inopiam, quarens hoc motivo animati fideles, eò alacrius concurrant in ponendis conditionibus orationum, jejuniorum, eleemosynarum, visitationum Ecclesiarum, &c. ad effectum producendum illarum causarum, ob quas concessæ sunt indulgentiæ, v. g. ad impetrandam apud DEUM concordiam Christianorum Principum, extinctionem hæresum, exaltationem S. Matris Ecclesiæ, &c.

*V. Marchan. citatum Lect. 2.*

Varius modus est (ut Marchantius refert) Indulgentias conceden-



cedendi: quia variis modis juxta rationabilem causam, vult Ecclesia Mater & Pontifex, ut pius Pater, filiorum infirmitati condescendere. Sic interdum plenarias concedit Indulgentias, quæ totum poenæ reatum tollunt, à quibus non differunt indulgentiæ Jubilæi, nisi in quibusdam privilegiis v.g. absolutionis à reservatis, dispensationis in quibusdam votis, electionis confessarii, & similibus. Interdum tertia, vel quarta, vel alia pars peccatorum, remitti significatur, hoc est, poena illi parti peccatorum debita, & consequenter poenitentia, quæ ad illam expiandam necessaria foret. Interdum datur Indulgentia unius quadragenæ, & significatur remissio poenitentiae, quæ quadraginta continuis diebus in jejuniis, aliisque laboriosis operibus, agenda fuisset. Quæ quadragena cum acrior præscriberetur, ita ut solus panis & aqua poenitentiam relinqueretur, *Carena* dici solebat, quia scilicet carentiam omnium ferè ciborum observabat.)) Quandoquæ eis

proponit Indulgentiam centum vel mille annorum, vel septem annorum, vel alterius certi numeri dierum, vel annorum, quibus significatur remissio Poenitentiae, quæ tot diebus, vel annis secundum Ecclesiæ ritum, & in ordine ad prudens sacerdotis arbitrium peragenda foret, si vita humana intantum se extenderet: & consequenter remissio poenæ Purgatorii, quæ Poenitentiae illi condonatae correspondent. Antiquitus itaque certus numerus dierum vel annorum poenitentibus injungebatur, ut se illo tempore in bonis & poenalibus exercerent operibus. Licet id nunc non servetur, tamen juxta magnitudinem & multitudinem peccatorum, talis poenitentiae debitores sumus. Et ita non sunt tanquam ridiculae habendæ Indulgentiæ, quibus mille, vel plures anni conceduntur. Quia si Canonicam poenitentiam spectemus, multi tot annorum poenitentiae debitores reperiuntur. Sed nunquid tales si careant Indulgentiâ, nec satisfecerint, tamdiu in purgatorio cruciandi sunt? Respondeo id non esse necesse, quia illa diuturnitas acerbitate & intensiōe poenæ compensatur.))

Quod concernit dispositiones & conditiones lucrandi Indulgentias. *uniest.* Ut sit quis in statu gratiæ, conteraturquæ tam de mortalibus, quàm de venialibus peccatis. Ratio est: quia per Indulgentiam remittitur reatus poenæ, & ita supponi-

*Ibidem.*



*Ibidem.*

ur culpa remissa; non enim poena remitti potest absque culpa, & qui inimicus DEI est, indignus est tali remissione, quæ non datur nisi filiis, statumque gratiæ & filiationis supponit.)) Hinc plerumque inter condiciones lucrandi Indulgentias solet præscribi Confessio peccatorum. Quoad venialia verò: Nota quod qui in peccatis venialibus est, & de illis non conteritur vel atteritur, potest lucrari remissionem mortalium, de quibus confusus fuit, vel contritus, remissionem quoque illis poenæ debitæ. Non tamen potest lucrari Indulgentiam absolute plenariam, quia non dimittitur illud veniale, in quo voluntarie manet, nec poena illi debita. Unde ipse impedimentum ponit, propter quod illa Indulgentia non est ei plenaria. Ex quo colliges frequenter fieri: ut quis plenariam Indulgentiam non lucretur, licet Bulla ita sonet, quia frequenter fit, ut aliqua personæ venialibus obnoxia sint, nec eis illa displiceant, seu potius complacent, non obstante Contritione & Confessione mortalium.)) 2da *Conditio est.* Ut impleantur opera iuncta vel formaliter, vel æquivalenter iuxta tenorem Bullæ, Ut v. g. si jejunium præscribitur, & jejunare non possit, tunc quandoque committitur à Bulla Confessario ejusmodi jejunium in aliud pium opus commutandi, & sic de aliis operibus. Ratio autem implendi opera, est, quia concessio Indulgentiarum censetur conditionata, & ideo conditio debet impleri, & quidem quantum ad omnia opera in Bulla contenta.)) Sciendum verò est, quia is, qui ferventiùs opus præscriptum executus fuerit, ampliorem poterit quandoque Indulgentiam lucrari, ut docet Navarrus Tract. de Iubilæo Nota. 13. & 14. Hinc patet quomodo intelligendum sit, quod communiter dicitur: *Indulgentiæ tantum valent, quantum sonant.* Hoc enim intelligi potest primò negativè, hoc est: Non valent plus, quàm sonant. Si enim centum dies dantur, non plus conferunt, quàm centum dies. Secundò etiam positivè: *Tantum valent, quantum sonant*, si adsint condiciones necessariae, auctoritas in concedente, operis præscripti debita adimpletio, charitas in suscipiente, iusta causa ad concedendum. Ex dictis inferunt Navarrus, Zerola, & alii, quandoque fieri, ut non omnes æqualiter lucrentur Indulgentiam, quia non omnes operantur opus iunctum

*Ibidem lect. 4.  
propof. 2.*



junctum, dum unus majore devotione, fervore, charitate, patientiâ peragit opus; alter longè inæquali & inferiori. Causa autem concedendi Indulgentiam multum augetur vel minuitur ex modo eam adimplendi, & sic potest fieri, quòd quis totam, alter mediam, tertius tertiam partem Indulgentiæ lucretur.

*Motiva* seriò Studendi lucrandis Indulgentiis. *1um* est Meditari ac penetrare vim acerbissimarum & quandoquè diuturnarum Purgatorii poenarum (de quibus alibi) ac simul cognoscere ineffabilem esse stultitiam v.g. aliquot orationibus devote absolvendis posse te evitare poenitentiam septem annorum, quam aliàs iuxta Ecclesiæ Canones merueras ob aliquod peccatum mortale, vel horrendos cruciatus ignis purgatorii tolerandos annis septem pro quopiam peccato lethali posse te evadere, & tamen negligere illas aliquot orationes, & te in periculum tantorum tormentorum conicere. *2dum*. Exempla plura scribuntur eorum, qui ob Indulgentias vel totaliter, vel ex parte magna liberati sunt à poenis purgatorii. Sufficit nunc attulisse unum. Quædam mulier intenta lucrandis Indulgentiis in Ecclesia B. Mariæ de Portiuncula S. Francisco concessis, peractis, omnibus exercitiis, mortua deinde apparuit sociis peregrinis, dicens: Nè quidquam timeatis, quia ad consolationem vestram vobis appareo & missa sum à B. Virgine Domina nostra, ut vobis indicem ad gloriam DEI, ipsiusquè Virginis, me beneficio Indulgentiarum Ecclesiæ S. MARIE de Portiuncula, cæli liberum aditum habuisse sine purgatorii ullis flammis. *3tium*. Conscriptum Indulgentiarum fuit causa æternæ damnationis cuidam, ut legitur in vita S. Magdalenæ de Pazzis.

*Praxis* Lucrandi Indulgentias ex suprâ dictis colligitur.

*Actus Interni & Externi Poenitentiae ex Thesau. indef.*

*Blasii Palma.*

**P**Oenitentis animi medullis, has identidem faces injice: *Heu me! quid cogitavi, quid dixi, quid feci demens? Peccavi contra rationem, contra conscientiam, & in quem, & quis? Egonè vile & projectum cadaver, nibili homulus, re quavis tetrior, & nequior, ausus sum, &*



quâ fronte impudens, in ipsius Numinis & Angelicarum mentium conspectu, scelere meo impetere Creatorem, qui me ex nihilo fecit; Redemptorem qui me suo sanguine refecit; DEUM meum, omne Bonum meum? Atqui stipendium peccati mors. Ah! quàm horrendum est, incidere in manus DEI viventis! Ergone pro momentanea voluptatula infamis mercator, caelo contempto, aeternos mihi ignium inferorum cruciatus comparârim? Ah! pudet me mei, et si nemo alius conscius foret; quid verò erit, cum toti olim mundo revelabuntur foeditates & turpitudines meae? Sed quam immani ingratitude vitio scelus est à me perpetratum in eum, qui tot me beneficiis provexit, ac persecutus est? Quid? tot beneficia contempsisse me? ô ingratissimum! quasi pedibus proculcâsem ejus sanguinem? O me crudelem! O ter impium! Crucifixerim ego Te toties bone JESU & patiaris? imò brachia extendas ad amplexum, caput submittas ad oscula? O infinitam bonitatem! poenitet me scelerum meorum, non tam quia calumpniâ didi, inferorumque ignes comperiui; sed quia Te optimum Patrem meum offendi, qui non modo non punis; sed etiam vocas, & ut veniam petam, jubes; minime id iussurus, nisi parcere velles. Et ecce prostratus coram Te tanquam filius prodigus, nunc clamare incipio: Pater peccavi in caelum & coram Te, non sum dignus vocari filius tuus, sed tu miserere Pater.

II.

Ubi incalescere animum senseris, mox in has vivi doloris flammâ prorumpes; O benignissime DEUS meus! ô suâvissime JESU! doleo ex intimo corde, quod majestatem tuam, ac bonitatem infinitam peccatis meis offenderim, quam debeo, & nunc volo amare, amoque super omnia, idque quia Tu es DEUS infinite potens, sapiens, sanctus, & bonus: cui peccatum supra quam dici potest, summè displicet, & adversatur. Quare propter hunc tui amorem firmiter etiam statuo non amplius Te offendere, omnes peccandi occasiones fugere, ritè confiteri, poenitentiam implere, omne id, ad quod obligor, restituere. Imò ut plenius satisficiam, remitto nunc ex animo, si quis me unquam offenderit, meque totum tibi offero, simulque omnia, quae mihi toleranda erunt, vel agenda: Atque suppliciter peto veniam delictorum meorum; ita spero fore per meritum pretiosissimi sanguinis tui, bone JESU, ut impetrem quod peto, tuâque adjuvante gratiâ vitam corrigam, & ad mortem usque in tuo servitio perseverem Amen JESUS. Hunc actum elicies Manè, in Missa, Vesperis, & quoties in peccatum lapsus fueris, valet enim ad gratiam DEI recuperandam &c.

Ut



Ut injuriam per peccatum Divino Numini illatam vindices, poenamquæ debitam imminuas, tu de teipso supplicium sume; atque in primis à mensa non delicias tantum ablegabis, sed sublatis convenientibus etiam cibus, nonnihil diurno dimenso subinde genium defraudabis. Sunt ex poenitentibus, qui carnibus tantum; sunt qui pluribus refectionibus duntaxat abstinere: quidam solo pane & aquâ diem transigunt.

De somno, & strato submoveas non modò quæ ad luxum & molliem pertinent: sed etiam negabis, quod cæteroqui naturæ videri posset opportunum, sed minus necessarium. Huc faciunt vigiliæ humiquæ & aliæ duriusculæ cubationes.

Corpus ipsum propius pressiusquæ afflictabis, iam voluntariâ aselli tui diverberatione, quæ tamen potius cutem perstrictim mordeat, quàm fodicer altius ac vulneret: jam cilicinis aut thoracibus, aut cingulis è seta pecudum plovè horrentibus. Sed in his austeritatibus modum prudentia, virquæ cordatus præscribant. Nihil æquè facilè quàm ab animo poenitente sacram lineam transiliri, nisi modum serves.

Vide quoque Actus poenitentiae supra I. 2. tra: I. c. I. sec. 2 § 5. & sec. 4. sub: I. §. 3. sub. praxi medit:

NB. Adnitere vel maxime, ut ex S. Odio tui ipsius tanquam Offensoris DEI, super omnia dilecti, in vindictam ejus Offensarum, Poenitentiae actus exerceas internos & externos. De quo Odio sui vide præcedentem section. §.

## SECTIO VII.

### De Oppositis Poenitentiae.

**P**rimò opponitur Falsa Poenitentia. Qualis fuit Esau de quo Apostolus: Nequis fornicator aut prophanus, ut Esau, qui propter unam escam vendidit primitiva sua. Scitote enim quoniam & postea cupiens hereditare benedictione reprobatu est: non enim invenit poenitentiae locum, quanquam cum lacrymis inquisisset eam. Et Antiochus Rex, crudelis persecutor Iudæorum, percussus à DEO insanabili, & invisibili plaga, apprehendit eum dolor dirus viscerum, & amara interiorum tormenta. Orabat autem hic scelestus Dominum, à quo non esset misericordiam consecuturus. Igitur homicida & blasphemus pessime percussus, & ut ipse alios tractaverat, peregre

III.

IV.

V.

Hebr. 12.

24 Macbab. 9.



peregrè in montibus miserabili obitu vita functus est. Uterquè horum quia non tam doluit se offendisse DEUM, quàm incurrisse graves poenas, ideo poenitentia ejusmodi falsa, indigna fuit reperire misericordiam apud DEUM.

*Job. 24.*

*Eccl. 2.*

*Hebr. 10.*

*Eccl. 5.*

*Apoc. 2.*

*S. August. in  
lib. de utilitate  
agend. poenit.*

*Ibidem.*

*S. Chrysost. in  
Matth.*

2do opponitur *Impoenitentia*. Contra quam *Job.* Dedit ei DEUS locum poenitentiae, & ille abutitur eo in superbiam. *Eccl.* Si poenitentiam non egerimus, incidemus in manus DEI, & non in manus hominum. Iam verò *Apostolus* dicit: Horrendum est incidere in manus DEI viventis. *Eccl.* Non tardes converti ad Dominum, & nè differas de die in diem: subito enim veniet ira illius, & in tempore vindictae disperdet te. *Apoc.* Et dedit illi tempus ut poenitentiam ageret, & non vult poenitere. *S. Augustinus*: In tribunal mentis tuae ascende contra te: & reum te constituito ante te, noli te ponere post te, nè DEUS te ponat ante te. *Idem*: Noli negligere quòd nos pius Dominus peccantes sustinet: quia quanto diutius expectat ut emenderis, tanto gratius judicabit, si neglexeris. *S. Chrysostomus*: Non dolere quia peccaveris, magis indignari atquè irasci facit DEUM, quàm illud peccatum, quod ante perpetraveras.

Denique *Impoenitentia* seu *Obstinatio* in peccatis, est peccatum contra Spiritum S. irremissibile & in hoc, & in futuro seculo: quia ultimum naufragii post peccatum refugium, tabulam poenitentiae à bonitate Divina oblatam rejicit, unde necesse est talem mergi in profundum aeternae damnationis.

*1. 2. tra. 1. c. 1.  
sec. 4. subs. 2.  
§ 2. & 3.*

In *Praxi* contra opposita *Poenitentiae* iuxta supradicta te exerceas, modo proportionato agendo.

## SECTIO VIII.

### De Abnegatione, seu Mortificatione suiipsius.

**M**ortificatio est virtus generalis, quæ homo vitia propria, morte spirituali conficit. Dicitur: *Virtus Generalis*: quia in re, eadem ipsa est cum aliis virtutibus, quæ sibi contraria vitia expugnant, & nisi solo nomine generali mortificationis ab ipsis differt. Quid enim aliud fides ut reprimens infidelitatem, spes desperationem, charitas odium, iustitia injustitiam, temperantia



rancia intemperantiam &c: Nisi actus mortificationis, seu mortificandorum vitiorum insurgentium, v. g. infidelitatis contra fidem, desperationis contra spem, intemperantiæ contra temperantiam &c? Dicitur; *quæ homo vitia*, non modò secundum actum, nè in eum prorumpat, verùm & secundum habitum, ea *spirituali morte conficit*. Sicut enim morte corporali quis dicitur confectus, quando violenter ablato principio vitæ nempe animâ, vitales operationes sensationis amplius, non exercet; ita etiam spirituali seu morali morte homo vetus perimitur, dum per violentiam quandam discretam principia malæ seu vitiosæ vitæ, id est inclinationes vitiorum ad actualia peccata auferuntur. Dico; inclinationes vitiorum: non naturales & congenitas nobis, ut sunt fomes peccati, seu appetitus sensitivus, & ex eo procedentes passionēs, horum enim vitiositas, etsi per mortificationem minui, tolli tamen nisi ex speciali privilegio DEI nequit; verùm loquor hic, sicut de diminutione vitiositatis passionum, ita de habitibus vitiorum acquisitis, inclinantibus ad vitalitatem seu vivacitatem mortiferam, studio mortificationis radicibus eliminandis.

*Abnegatio sui dicitur Negatio sibi eorum, ad quæ vitiosè aliquis inclinatur.* Quæ negatio cum sit afflictiva & ablativa tum habitus, tum actus vitiorum, coincidit cum Mortificatione, solo nomine discrepans.

Mortificatio vel Abnegatio alia est Interior, alia Exterior. Sita est Interior in diminutione fomitis peccati, in extinctione habituum vitiosorum, & repressione actuum interiorum malorum. Exterior tum in refrænatione interioris inclinationis ad actus exteriores vitiosos, tum in destructione habituum & actuum, qui magis extrinsecè, quam intrinsecè videntur afficere hominem, qualis v. g. est Immodestia exteriorum motuum & gestuum corporis. Deinde mortificatio octupliciter partitur secundum divisionem materiæ, circa quam versatur. Etenim mortificanda sunt imo. Corpus lasciviens; seu gula, atque luxuria 2do. Sensus exterior pruriens; seu curiositas, & immodestia in visu, auditu &c. 3tio. Cor inficiens; seu avaritia, ira, invidia, acedia. 4to. Sensus interior deludens; seu otiosæ cogitationes. 5to. Multiplex affectus effrænis; seu passionēs per omnia vitia.



6to. Memoria vaga, nempe per otiosa & malitiosa. 7imo. Intellectus insipiens in imprudentia, mutabilitate, temeritate, inconstantia, &c. 8avo. Voluntas terrenis adhærens per eorum amorem &c. Verum quia de horum & similium singulis, eorum describendo essentiam, proprietates, tum Motiva, & Praxes ipsa evitandi dando, infra exacte actum est, nè videamur actum agere, hic de illis minimè agere necessarium est.

*Illicia Mortificationis, vel Abnegationis suiipsius. Imum. Christus:*

*Matth. 16.* Si quis vult post me venire, abneget semetipsum, & tollat crucem suam, & sequatur me: Qui enim voluerit animam suam salvam facere, perdet eam (quoad habitus, & actus vitiosos, vel per martyrium quoad vitam animalem) Qui autem perdidit animam

*Rom. 6:* suam propter me, inveniet eam. *Apostolus:* Hoc sciens, quia vetus homo noster simul crucifixus est, ut destruat corpus peccati, ut ultra non serviamus peccato. Qui enim mortuus est, iustificatus est à peccato. Si autem mortui sumus cum Christo, credimus quia simul etiam vivemus cum Christo, scientes, quod Christus resurgens ex mortuis, jam non moritur, mors illi ultra non dominabitur. Quod enim mortuus est, peccato mortuus est semel, quod autem vivit, vivit DEO. Ita & vos mortuos quidem esse peccato, viventes autem DEO in Christo JESU Domino nostro. Non ergo regnet peccatum in vestro mortali corpore, ut obediat concupiscentiis ejus. *Idem:* Spiritu ambulate, & desideria carnis non perficietis. Caro enim concupiscit adversus spiritum, spiritus autem adversus carnem: hæc enim sibi invicem adversantur. *Idem:* Deponite vos secundum pristinam conversationem veterem hominem, qui corrumpitur secundum desideria erroris. Renovamini autem spiritu mentis vestræ, & induite novum hominem, qui secundum DEUM creatus est in iustitia, & sanctitate veritatis.

*S. Basil. Magnus in Regul. fusius disputatis q. 8.* 2dum. *S. Augustinus:* Moriar, nè moriar. *S. Basilus:* Cum Dominus noster JESUS Christus, post multa documenta ad omnes loquatur ac dicat: Si quis venit ad me, abneget semetipsum, & tollat crucem suam, & sequatur me. *Item:* Sic igitur quicunque ex vobis non renunciat omnibus, quæ possidet, non potest meus



meus esse discipulus. Nos præceptum hoc ad plura arbitramur pertinere, quorum necessaria alienatio sit. Nam & diabolo renunciamus imprimis, itemque carnis affectibus, qui abdicavimus occulta dedecoris, consanguinitatibusquæ ac familiaritatibus, quæ cum hominibus nobis sint, similiterquæ consuetudini etiam vitæ, quæ perfectioni Evangelicæ satis adversatur. Et quod his omnibus magis necessarium est, quilibet sibi ipsi renunciat, qui exiit veterem hominem cum actibus suis, qui corrumpitur secundum desideria erroris. *S. Augustinus*: Si perit homo, *S. August. serm.* amando se, profectò invenitur negando se. *S. Gregorius*: Nisi quis à semetipso deficiat, ad eum qui super ipsum est, non appropinquat, nec valet apprehendere, quod ultra ipsum est, si nescierit mactare quod est. *S. Greg. Magn. in Evang. hom. 32.* Sic olerum plantæ transponuntur, ut proficiant: atque ut ita dixerim, eradicantur, ut crescant. Sic semina rerum in terræ admixtione deficiunt, ut in reparatione sui generis uberius assurgant. Unde enim videntur perdidisse quod erant, inde incipiunt apparere quod non erant. *Cassianus*: Mortificatione voluntatum extirpantur atque marcescunt universa vitia; *Cassian. lib. 4. Instit. c. 43.* expulsione vitiorum virtutes fructificant, atque succrescunt; pullulatione virtutum puritas cordis acquiritur; puritate cordis Apostolicæ charitatis perfectio possidetur. *S. Bernardus*: Genus Martyrii est, inquit, spiritu facta carnis mortificare, illo nimis, quo membra caduntur ferro, horrore quidem mitius, sed diuturnitate molestius. *Idem*: Salvatorem siquidem expectamus, qui reformabit corpus humilitatis nostræ configuratum corpori claritatis suæ. Quid adhuc murmuras caro misera, quid adhuc recalcitras, & adversus spiritum concupiscis, si te humiliat, si castigat, si redigit in servitutem, id profectò in tuo genere non minus tua interest, quàm ipsius. )) *Axiomata Spiritualis Mortificationis*: Tantum proficies, quantum tibi vim intuleris. *Aliud*: Tantum virtuti adjicies, quantum voluptati detraxeris. *Aliud*: Tantum quisque vivit DEO, quantum moritur sibi. *S. Bernardus*: Credite mihi, & putata repullulant, & effugata redeunt, & reaccendantur extincta, sopita denuo excitantur. Parum ergo est semel putasse, sæpè putandum est, imò si fieri potest semper, quia semper quid putari oportet, si non dissimulas, invenies. *S. Clementis*:



S. Clima, *serm. macus*: Hoc est opus nostrum in hac vita, actiones carnis spiritu  
13. *de verb.* mortificare quotidie, affligere, minuere, frænare, interimere.

*Dom.* Hæc est actio nostra, hæc est militia nostra.

2. Cor. 4.

*zitiū ab Exemplis.* I. Apostolus inquit: Semper mortificationem JESU (non quòd JESUS mortificaverit sua ulla vitia, quibus caruit, sed quòd mortificatus apparuerit ad similitudinem nostram) in corpore nostro circumferentes, ut & vita JESU manifestetur in

1. Cor. 9.

corporibus nostris. *Idem*: Castigo corpus meum, & in servitutum redigo, nè fortè cum aliis prædicaverim, ipse reprobus efficiar.)) *Exempla ex Biblioth. Man. P. Lobner Tit. Mortificatio.* II. S. David, cum valde desiderasset aquam de cisterna Bethleem, postquam allata est, noluit bibere, sed Domino illam libavit. III. S.

1. Paral. II. v.

17. & 8:

*Palladius in*

*Hist. laus c. 20.*

Macarius Alexandrinus mortificandi sui causâ toto septennio nihil præter cruda olera, vel legumina humectata sumpsit: totis viginti diebus & noctibus lectum non ingressus est, ut somnum vinceret, cum interdum quidem æstus ardore, noctu verò algore rigeret. Ad humiliandum se solitus est duorum modiorum spartam arenâ plenam, humeris impositam per totam solitudinem portare. IV.

*Theodor. in S.*

*Hist. relig. c.*

24.

Polychronius mortificabat se aspero cilicio, viliquè & nullius pretii vestitu, tamquè inopem ducebat vitam, ut nec necessarium quidem semper haberet nutrimentum, ac noctem totam vigil in precibus, stans consumeret. Ad augendam mortificationem habebat in cella truncum ingentem è quercu (quem Theodoretus vitæ scriptor fateretur se duabus manibus vix potuisse tollere) eumquè noctu diuquè humeris imponebat, & sic in oratione persistebat. V. S. Edmundus Cantuariensis Episcopus, non tantum zonâ, sed etiam calligis utebatur cilicinis, solo pane viliquè cibo contentus, nec carnes comedebat, sium eò usquè tolerabat, ut labra dirumperentur; ad quietem nocturnam capiendam, nec lodicibus nec stragulo, sed propriis tantum vestibus lectus confidebat, idquè per 30 annos, etiam ad Archiepiscopi dignitatem evectus, continuabat. VI. S. Antonius cum in adolescentia

*Surinus Novem.*

*bri.*

*S. Athanasius*

*in ejus vita.*

maximas poenitentias fecisset, multisquè annis incredibiles pugnascum dæmonibus sustinisset: quando ad extremam senectam, in qua aliquid quiescendum videbatur, pervenit, revocare coepit omnia pristina poenitentiae exercitia ad dandum bonum

exemplum



exemplum aliis quibuscum versabatur. Idem S. Franciscus Seraphicus faciebat. VII. Cum quidam ex antiquis Patribus nulum corporis affligendi modum teneret, ideoque ab aliis de rigore temperando moneretur, respondit ille: Mihi credite, filii, si & locus, & status, conditioque Beatorum in caelis dolorem aliquem admitteret, displicentiave alicuius capax esset, profecto hoc unum maximè dolerent, quòd plures & graviores affligendi se, mortificandique occasiones non quævisissent. VIII. S. Antonius quondam rogatus, quomodo totas noctes orando transigere posset? respondit: Scias, mi frater, tamdiu me latuisse, in quo vera contemplatio sita sit, quàm ullam mei ipsius habui rationem; ubi verò inquietis motibus mentem purgavi, & ab omni terrena concretionem segregatum cor ad superiora trans tuli, mox degustare cœpi mirificum illum Divinæ voluptatis fructum, qui caelestium rerum contemplatione à perpurgatis animis percipi solet. IX. S. Dorotheus cum mox ab initio sui Religionem ingressus, totus in abnegationem voluntatis, aliarumque affectionum inordinatarum incubuisset, ideoque ob summam, quam inde percipiebat animi tranquillitatem, dubitans, num rectâ viâ incederet, à Patre Spirituali consilium petere, respondit is: sine meru eum esse posse, tranquillitatem quippe eam ex mortificandi studio natam, ejusdem mortificationis præclarum esse fructum. X. P. Leonardus Lessius S. J. adeò rerum magnarum aviditatem extinxerat, ut diceret universum mundi desiderium è corde suo esse ablatum, hinc cum Romæ, aut alibi subinde occasionem haberet, multas res curiosas videndi, constanter eam abnegabat, mentisque animositatem, quam bilis commota sæpè in iram excitabat, adeò compresfit, ut columbinâ eum modestiâ sine felle diceret. Aiebat: carnem blandè vulpeculari, proinde dolos ejus, sedulâ indagatione retegendos, petulantiamque constanti fræno compescendam, id quod ipse assiduus faciebat; hinc quotidiana flagella, complura jeunia, & cilicia usurpabat, adultâ hyeme ignem vitabat, oblata solatia morborum respuebat, aut si assumere necessarium foret, dulcedinem prius piâ cogitatione, aut aliâ simili ratione temperabat. Rogatus cur adeò in se severus esset? respondit, eò quòd, dum morti-

Lib. 1. in vita  
c. 42.  
in vit. TP.

Vit. P. Gonzal.  
Sylu. l. 3. c. 5.

Arrias de Mor-  
tif. c. 15.

Vit. c. 12.



ficationes fugimus, ultra nos ipsæ Divinâ dispositione insequantur.

Plato in Phædone.

Atum. Exempla Profana. Socrates immotus cælo immitti, ab uno solis ortu ad alterum eodem in loco persistebat, vestitu utebatur vili, lacero, & pervetusto, injurias & contumelias uxoris, quæ lotio illum etiam perfundebat, æquisimo ferebat animo.

Diogen. Laert. in vita.

Aliud. Plato tam sobriè vivebat, ut sæpè semel tantum de die cibum sumeret, patrimonium suum fratribus relinquebat, honores in Republica nunquam ambiebat, iniurias à Dionysio Syraculano illatas placidissimè ferebat.

Laertius in vita.

Aliud. Diogenes herbis & crudis carnibus vescabatur, veste abjecta utebatur, dolio pro domo utebatur, hyeme nudis pedibus nives calcabat, & statuas nive cœpertas amplectebatur, pluvio cælo imbres etiam maximos excipiebat.

Sozomenus.

Aliud. Theodosius Arcadii filius per Bithyniam fervente cælo iter faciens, cum miles phialam frigidâ plenam obrulisset, eum remuneratus vas reddidit, sitimquè cum sociis tolerare maluit.

Curtius lib. 7.

Aliud. Alexander Magnus per loca arida exercitum ducens, oblatam aquam ante pedes effudit. Aliud. Solimanus Turcarum Imperator, cum ex monte Salahia urbem Damascenam situ loci, palatiorum amœnitate, & omni deliciarum genere abundantem conspexisset. Salve, inquebat, terrestris paradise, altequè ingemiscens subjungebat: Cum mihi pulchra hæc civitas cælesti munere donata sit, non ingrediar eam, veritus nè cor animumquè mihi surripiat, quo cæli cælestiumquè obliviscar, quibus dictis recessit, & nunquam eam vidit.

In Praxi pro Mortificatione, seu abnegatione sui ipsius

S. Bern. serm. 85. in Cant.

hæc ex Bibl. Man. P. Lokner Tit. Mortif. Observanda.

I. Oratio. Sic suavit s. Bernardus dicens: Id quidem (nempe contra seipsum indefatigabiliter proeliari) durum, si tuis obtemperaveris viribus, tale erit, ac si in uno digitorum tuorum torrentis impetum sistere, aut ipsam denuo coneris Jordanem convertere retrorsum. Quid facies? Quære Verbum cui consentias, ipso faciente, ut consentias. Fuge ad illum, qui adversatur, per quem talis fias, cui jam non adversetur, ut blandiatur, qui minabatur, & sit ad imitandum efficacior infusa gratia, quam incensa ira. Hinc meritò S. Paulus dixit: Omnia possum in eo, qui me confortat. Non ego autem, sed gratia DEI mecum.

Phil. 4. v.

13. 1.

Cor. 15. v. 10.

II. Seria



**II. Seria resolutio.** Hoc medium senex quidam suasit, dum *Rodrig. part. 2.* quarenti cuiquam, unde fieret, quod, cum tantum perfectionis *Tr. 1. c. 12.* consequendæ desiderium sentiat, tam parum tamen in eo studio proficiat? respondit, id unice ex defectu seriæ, & cordatæ resolutionis contingere.

**III. Exercitatio assidua.** Ut enim qui in arte militandi, vel *Ibidem c. 13.* digladiandi excellere cupiunt, prius privatim se per ludicra certamina exercent, ita idem faciendum ei, qui in arte mortificandi perfectus evadere cupit.

**IV. Amor DEI.** Fortis enim est ut mors dilectio: quia si- *S. Greg. super* cut mors corpus interimit; sic ab amore rerum corporalium & *Evang. Hom. II.* ternæ vitæ charitas occidit: nam quem perfecte absorbuerit, ad *S. August. Epist.* terrena foris desideria velut insensibilem reddit. Hinc *Aposto. 143.* ad *Demet.* lux exclamat: Quis nos separabit à charitate Christi?

**V. Spes præmii.** Nam omne opus teste *S. Augustino* leve fieri solet, cum ejus pretium cogitatur, & spes præmii solatium est laboris. Hinc merito *S. Paulus.* Omnis qui in agone conten- *I. Cor. 9. v. 25.* dit, ab omnibus se abstinet, & illi quidem ut corruptibilem coronam accipiant, nos autem incorruptam. Sed & *Basilus:* sem- *S. Basil. in ad-* per cor tuum promissa cælestia meditetur, ut ipsa te ad virtutis viam *mon. ad filium* provocent. *spirit.*

**VI. Exempla secularium considerare,** illudquæ *S. Augustini* si- *Arrias Tract.* bi de his dictum applicare: Potuerunt isti, & istæ (milites, mer- *de Mortif. part.* catores, agricolæ, aulici, pauperes, ægri) & tu non poteris? *3. c. 10*

**VII. Victoria frequens in minoribus rebus.** Ut *Eusebius,* re- *In sua Hist. re-* ste *Theodoreto* faciebat, causamquæ hujus studii rogatus, respon- *lat.* dit, quòd hac ratione, & graviores tentationes in leviores con-

vertantur, & in his, si quis succumbat, parum deperdat; si verò vincat, diabolus magnopere confusus recedere cogatur, utpote videns, se nè in parvis quidem de tali homine triumphare posse.

**VIII. Sex potissimum sunt capita,** quæ de hac virtute bene addiscere, aliis inculcare debet *Asceta.* Primum est: ut bene addiscat naturam, & substantiam Mortificationis, quæ quidem in eo ferè consistit, ut inferior animæ pars seu appetitus sensitivus superiori ejusdem animæ parti, id est, rationi perfecte subji- ciatur; & sicut homo per peccatum spoliatus est gratiis (id est donis



Rodrig. part.  
2. v. l. c. 2.

Psalm. 48. v.  
13.

donis supernaturalibus) vulneratus in naturalibus (id est imaginationem nactus inconstantem, memoriam dispersam, intellectum obscuratum, voluntatem ad malum proclivem, & ad bonum languidam) ita mortificationis beneficio duplex hoc malum à se removeat, sequè in antiquum justitiæ originalis statum, quoad cum Divino auxilio fieri potest, reducat, nè alioqui sensualem suum appetitum secutus, in se verifictur illud Prophetæ: Homo, cum in honore esset, non intellexit, comparatus est jumentis insipientibus, & similis factus est illis. Secundum est: ut bene apprehendat axioma illud à Christo propositum, cui tota mortificationis praxis innititur: Qui amat animam suam, perdet eam; & qui perdidit animam suam, propter me, inveniet eam. Quod scilicet odium sui, quoad inferiorem partem, sit verus amor sui quoad superiorem partem, quatenus per hoc odium procuratur animæ verum ac summum Bonum, quod est beatitudo, cujus etiam corpus olim suo modo fiet particeps. Unde, qui sic se odit, perinde censebitur agere, ac is, qui ut vitam salvet corporis, illud incidi & uri patitur, multaque ab eo desiderata obiecta negat, cum è contrario alius, omnia appetitui suo vitioso concedens, & per hoc sanitatem magis destruens, verius se odisse dicatur. Tertium est: ut sciat quem ordinem in Mortificationis exercitio observare, debeat, nimirum ut 1. In rebus ultro obvenientibus, sive ex rigore superiorum, sive ex imperfectione fratrum, sive difficultate officiorum id contingat, mortificare nos discamus. 2. Ut inde gradum ad res necessarias, id est ab observatione mandatorum aut regularum impediētes, faciamus. 3. Ut etiam in licitis nos mortificare assuescamus. 4. Ut opera ex obligatione obeunda, non ex necessitate, aut ex consuetudine, sed unico voluntatis & beneplaciti Divini implendi desiderio peragere studeamus. Quartum: ut solitam discat praxim hoc mortificationis exercitium fructuosè instituendi, quæ quidem in tribus ferè præceptis consistit. 1. Ut non conjunctim, sed per partes hoc studium arripiat, nam ut benè advertit Macarius: Quemadmodum in utero imperfectus infans, non quamprimum crescit in hominem, sed paulatim formatur & gignitur; ita in rebus quoque Spiritualibus paulatim augetur homo, evaditque in virum perfectum,



fectum, & plenitudinem ætatis. Certè ipse DEUS mundum, non in uno (ut tamen æquè facile potuisset) sed sex diebus produxit, ut vel suo exemplo prudentem in studio perfectionis maturationem doceret. II. Ut initium fiat ab iis, quæ validius nos occupant, & graviora mala accersunt. Ita *Cassianus* suavit his verbis; Ita adversus vitia arripienda sunt prælia ut unusquisque vitium, quo maximè infestatur, explorans adversus istud arripiat principale certamen, omnem mentis curam ac sollicitudinem erga illius impugnationem observationemquè defigens. Cum ab eo se senserit absolutum, rursus latebras sui cordis simili intentione perlustret, atquè exploret, quam sibi inter reliquas passiones perpexerit durior, atquè adversus eam specialius omnia spiritus arma commoveat. III. Ut discretè hoc negotium assumat: nam ut sapienter advertit, *Gregorius*, sic necesse est, ut arcem continentia teneat, quatenus non carnem, sed vitia carnis occidat: nam plerumquè dum plus nimio caro restringitur, etiam ab exercitatione boni operis enervatur, ut ad orationem quoquè vel prædicationem non sufficiat, dum incentiva vitiorum in te funditus suffocare festinat. Optimus est in omni re, modus, & laudabilis ubique mensura. (inquit rectè *S. Hieronymus*) corpus non frangendum, sed regendum est. Regulam autem pro hac discretione optimam, assignat *S. Augustinus*, dum enarratis gravioribus Sanctorum sui ævi poenitentis subiungit: Charitas præcipuè custoditur, charitati victus, charitati sermo, charitati habitus, charitati vultus aptatur, hanc si quis offendit, uno die durare non finitur. Sciunt hanc ita commendatam esse à Christo & Apostolis, ut si hæc una absit, inania, si hæc adsit, plena sunt omnia. Quintum est, ut fraudes diaboli in hoc studio occurrentes benè intelligat, & prudenter declinare studeat. Pro quibus dignoscendis, novit triplex esse hominum genus ejusmodi fraudibus obnoxium. Primi sunt, qui naturâ difficili præditi, gravem ad virtutes exercendas repugnantiam sentiunt, ideoquè ruinæ se proximos arbitrantur. Quibus proinde sæpe illa Doctorum, & SS. Patrum, regula: *Non nocet sensus, si absit consensus*, obicienda est. Alii sunt, qui quia naturaliter sortiti sunt animum bonum, nullam in ulla prope re difficultatem sentiunt, qui proinde monendi

Collat. 5. c. 14.

S. Greg. lib. 30. Moral. c. 22.

S. Hieronymus. ad Demet. Virg.

S. August. in lib. de Mori. Ecc. c. 13.



sunt, nè propterea altum sapiant, aliove despiciant, aut socordia occasione arripiant, sed potius infirmitati suæ atque fragilitati adscribant, quod in graves tentationes cadere non sinantur. Ultimi sunt, qui altissimâ pace non propter virtutis studium, nec propter naturæ bonitatem obtentâ fruuntur, sed quia omnia indulgent appetitui, quibus propter id, quod senior quidam similis genii Monacho dixit, exprobrandum est. Similis es portæ, per quam quivis vult, ingreditur, & egreditur, absquæ eo, quod sciat, quid jutus geratur, unde quia hostibus omnia patent, in perpetuo versantur animæ periculo: quod tunc primum intelligent, quando ut avis laqueis irretita, avolare voluerint.

*Actus Interni Mortificationis.*

1. **O**bsacro Domine, ut Mortificationem JESU in corpore meo semper circumferam,

2. Absit à me Domine, ut cadaveri meo abominabili, vel animo vitii detestabili, in aliquo indulgeam.

3. Benè, optimè; quod ego creatura nibilo & peccatis odibilis, aliqua patiar. Amplius Domine, amplius doloris perimite, inflige.

4. Dum tentaris ad aliquid mali, increpa te ipsum: O te omnium creaturarum facem & abominationem! adhuc amplius cupis sordescere? Vel: O me verè malignum! qui malo igne concupiscentiæ, sive malitiæ incendor. Vel: itane, O Insane! pro momentaneo, quod delectat, placebit æternum, quod cruciat? Vel: Heu extremam dementiam meam! pro fumo gloriolæ, pro luti flavi aut albi (illud est aurum, hoc argentum) lucello, pro sterquilinio voluptatule, cupere æterno resignare Cælorum Regno! Vel: Absit à me, O Summum Bonum, & Pulchrum! ut Te offendam ego Creaturarum probum. Velejusmodi intercisis verbis te invades: Sile o maledicte! O me infortunatissimum mortaliū! quousque talia patiar? Sive: Quid bestia denuo incipis? Sive: Quid agis effrenis bellua? Sive: O te Cloacam omni foetore plenam! &c.

Alios Actus vide supra I. 2. tra. I. c. 1. sec. 2. § 5. & sect. 4. subf. 1. § 3. Vide etiam supraposita, & illa hic convenienter applica, Ibidem subf. 2. §. 2. & 3.

*Actus*



*Actus Mortificationis ex P. Lohner Bibli. Manual.**Tit. Mortificatio.*

**P**rimus. Sensus suos & potentias externas, puta oculos, aures, gustum, odoratum, tactum, non modò ab illicita operatione & delectatione cohibere, sed etiam ultro objecta illis adversantia & ingrata amplecti.

2<sup>us</sup>. Lingvam ab omni noxia, inutili, aut frequenti locutione coërcere.

3<sup>ius</sup>. Memoriam à vanis, importunis, & illicitis cogitationibus aut phantasiis avertere.

4<sup>us</sup>. Intellectum à rebus inutilibus, aut noxiis addiscendis, aut discutiendis cohibere, atque ad iudicium suum aliis submitendum adigere.

5<sup>us</sup>. Voluntatem ab omni amore proprio, inordinato coërcere, eandemquè DEO & hominibus quodocunque honestè fieri potest, conformare.

6<sup>us</sup>. Passiones animi, amorem præcipuè, & odium, gaudium, & timorem, & iram, nè extra rationis & voluntatis Divinæ semitam evagentur, & abripiant, studiosè refrænare.

*Actus Mortificationis Interioris à P. Gaspar Druzbecki*

*Soc. JESV in vita sua exerciti.*

**H**ic Vir virtutis instruxerat contra se, vel potius pro se duodecim mortificationum internarum aciem, eamquè per duodecim totius anni menses, disposuerat; optimè arbitratus, internos animi hostes faciliùs superari posse, si duellari prælio cum illis concertetur, quàm si turmatim omnes impetantur.

In Januario itaque, vincere nitebatur *Æstimationem* suip<sup>us</sup> his modis. I. Crebrò in diem exuebat se coram DEO totà honoris, & famæ curâ, abdicabatquè à se jus omne ad illam procurandam, & tradebat illud omni creaturæ, verbis illis S. Augustini. *Senti de Augustino quidquid libet &c.* II. Intentus ad id erat, nè quisquam aliquid in laudem ejus, vel ille ipse in laudem propriam diceret. III. Non cupiebat scire, vel audire de se, suiquè rebus, talentis, gestis, judiciis, sensus speciosos, & amplos.

*Mortificatio  
Æstimationis  
suip<sup>us</sup>.*



IV. Petebat à DEO, (si na ei placeret) humilem atque infimum inter omnes gradum, abjectamquæ omnium de se opinionem, & ad externos etiam evulgationem. V. Speciali reflexione respiciebat occasiones vilificandi se. in oculis aliorum, absque censura vanitatis, & vitio affectationis. VI. Si quid æstimationi propriæ contrarium acciderat, de eo, coram Infante Verbo pro nobis factò contemptibili, gaudebat, & triumphabat.

*Mortificatio  
Libertatis pro-  
pria.*

*In Februario*, subdere specialiter adlaborabat Libertatem voluntatis propriæ, & independentiam in agendo, his modis. I. In rebus voluntati, atque libertati propriæ commissis, hoc potius agebat, quod aliis videbatur, quàm quod sibi, quodquæ repugnabat inclinationi suæ, quàm quod arridebat. II. Amabat alienum iudicium & sensum præsertim Superiorum, quorum directioni instar pueri rudis, senilvè bajuli, aut peregrini ignorantis, in simplicitate acquiescebat. III. Declinabat ab illa benevolentia, qua propriæ voluntati, & arbitrio permetteretur agere, quod vellet, esse ubi vellet &c. perindequæ hoc censebat, atque à DEO & providentiæ ejus regimine exclusus esset, ac in sensum reprobum datus, & in desiderium passionum, inquæ infrunitum, & irreverentem animum traditus. IV. Libertatem suam sibi relictam, similem putabat hederæ, aut viti non alligatæ palo: item membro luxato, & extra sedem suam nativam constituto. V. Providentiam Divinam, in omni eventu, ordinatione, seriè venerabatur, eandemquæ dulciter expendeat in quotidianis rebus, etiam minimis, & ea dulcedine pascebatur. VI. Curabat omnia, tam imperata, quàm spontanea peragere, amplectendo spontaneâ voluntate imperium.

*Mortificatio  
Amoris proprii.*

*In Martio*, Amorem proprium abnegare curabat, his modis. I. Peculiariter attendebat, nè uteretur cum sensu, & respectu ad se, illis vocibus; *Ego, Meum, Me* &c. II. Exercebat se in odio sui, & increpatione, atque maledictione, ac exprobratione nequitie ac miserie propriæ. III. Nullam rem, nullum opus, nullum successum sibi adscribebat, sive voce, sive mente, nec cupiebat sibi adscribi ab ullo. IV. Nulli rei, officio, personæ, commoditati affici curabat. Et identidem omnia prædicta præcurrens, reflectebat se, an aliquid ex his habere vellet, aut aliquid adimi noller. V. Nihil boni sibi deberi, si autem aliquid boni sibi præsta-



præstatur, id ex mera commiseratione præstari sentiebat. VI. In nulla re defensionem sui, aut ultionem quærebat, & si aliquando quæsit, ejurabat. VII. Gaudebat dum cuipiam, id quod suum erat, adscribebatur: idquæ silentio premebat, & alteri congratulabatur.

In Aprili, mortificabat Amorem internum creaturarum, his modis. I. Severè dispiciebat nè aliquam creaturam haberet, non tantum pro fine ultimo, sed etiam pro motivo aliquo impulsivo ad quidvis agendum. II. In actionibus omnibus, præ oculis habere curabat, non in quod appetitus, impetuosè ferebatur, aut à quo abhorrebat, sed quod spiritui, rationi, & profectui suo competens erat. III. Non plus quamlibet rem appretiabat, quam quantum eam DEUS appretiat, & natura cujusquæ exigit. IV. Certis temporibus omnem affectum etiam licitum abstrahere ab omni re creata, eumquæ toto impetu, totaliter, unà tecum ad DEUM convertebat. V. utebatur certis temporibus exspoliatione sui ab omnium rerum non amore tantum, sed etiam usu, & cura, & possessione, eo modo, quo id facturus erat in articulo mortis.

Mortificatio  
Amoris interni  
creaturarum.

In Maio, speciali curâ incumbere in mortificationem Amoris in se sensualis, his modis. I. Crebrò in se renovabat odium, nauseam, & contemptum omnium sensuum, & sensualium illis verbis: *Heu mihi! quia incolatus meus &c. Quis me liberabit de corpore mortis hujus?* II. Excitabat in se rædium patiens, & modestum, indigentiarum corporalium, & sensualium, nempe, cibi, potus, vestitus, calefactionis, venti, ablutionis, variationis sitis, & similia. III. Ingerebat sibi singulis diebus aliquoties, sensualem molestiam, incommoda irrogando, & commoda derogando. IV. Curabat esse hostis omnium mollium, delectantiumquæ sensus internos, & externos, quin & naturales commo-ditates salvâ valetudine, aut fugiebat, aut differebat, aut supernaturales faciebat. V. Omnia metiebatur purâ necessitate, eaque arctâ & durâ. VI. Alternis diebus in hebdomada, inquirebat in ea objecta, atque occasiones, in quibus potentiùs sensibus abstraheretur, dominiumquæ sui in talibus proponebat, & decernebat.

Mortificatio  
Amoris sensualis.



*Mortificatio  
Amoris sanitatis.*

*In Junio*, attenuabat in se Amorem sanitatis his modis. I. Scrupulosas & superstitiosas observationes in valetudine conservanda, lecto, vestitu, cibo, devitabat; nec de eis loquebatur. II. Laboribus, & defatigationibus libenter se impendebat, ut confessionibus, concionibus, vigiliis, & similibus, etiam cum aliquo, non tamen notabili detrimento sanitatis. III. Appetitum vivendi, ipsamque vitam offerebat DEO, Christo, animarumque salutis. IV. Frequenter illud commune dictamen; Nocet valetudini: frangam me intempestivè: explodebat, ablegabatque à se illo opposito S. Pauli; Ego non solum alligari, lassari, frangi, sed & mori paratus sum. Et illo: Vis servire Christo, usque ad defatigationem? Et illo: Nunquid meus sum? nunquid vires meæ, valetudo mea, vita mea, est mea & non Domini? nunquid servus, mancipium, jumentum sibi vivit, & non Domino? majorem nè mihi debet servitutem creatura, quam ego Creatori? & illa tamen servit mihi perditione sui. V. Desiderabat dissolvi, & esse cum Christo.

*Mortificatio  
Intellectus proprii.*

*In Julio*, mortificabat interiùs Curiositatem intellectus proprii, his modis. I. Omnem non necessariam, & non necessariorum sciendi cupiditatem frænabat. II. Rumores omnes nescire, nec narrare cupiebat, multò minus scribere præsertim bellorum, aut alios peregrinos, nisi urgens necessitas suassisset. III. Opiniones in omni materia communes sequebatur, novitatibusque nisi valde probatis non inhærebat. IV. Libros curiosos vitabat. V. Dum res fidei, revelationes, & mysteria recogitabat, faciebat id non curiositatis gratiâ, sed ex reverentia & ob devotionem, atque prædicationem. VI. Ostentationem ingenii in acumine, perspicacia, claritate, subtilitate, discursu, celeritate, vitabat: quod si quid ejusmodi prodendum erat, DEI, & proximi causâ modestè & neglectim elevando id faciebat.

*Mortificatio  
Cogitativæ facultatis.*

*In Augusto*, subigere studebat Intellectus cogitativam facultatem his modis. I. Curabat (quod etiam diebus omnibus in usu illi fuit) primitias cogitationum, de DEO habere, nec eas sinebat à diabolo, vel natura, vel otiositate, impetivè præripi. II. Cogitationibus directis, reflexas adjungebat, non sinebatque esse indifferentes, vel ordinis merè naturalis; sed curabat

eas



eas ad finem supernaturalem ordinare. III. Imaginativam facultatem dominio reflexionis subiciebat. IV. Brutalitem, sensitivæ partis, sine supernaturali & ratione dirigebat, præsentiaque DEI frænabat. V. Conabatur semper aliquid volvere in mente, præviâ deliberatione. VI. Curabat cuilibet operi, & tempori, assignatas habere regulas & observationes.

*In Septembri*, intentus erat mortificationi iudicii proprii *Mortificatio iudicii proprii.* his modis. I. Curabat habere iudicium flexibile non tantum ad iudicium superiorum, sed etiam cujuscunque alterius. II. Et si evidens aliquando erat, sensum illius esse bonum, cedebat nihilominus de suo sensu. III. Nunquam contentiosius agebat pro suo sensu, ac iudicio, imò etiam à rationibus inculcandis abstinerebat. IV. Facile, imò libenter patiebatur, si quis discedens à iudicio ejus, alium consuleret, & sequeretur: nec, dum iterum in aliqua re iudicium ejus poscebat, eum repellebat. V. Non utebatur illis verbis: Cogitabam hoc ego. Ego ita judicavi, & suasi. Pridem ego hoc cogito. Oportet etiam aliquando hominibus (id est mihi) credere. VI. Virtutem diffidentia familiarem sibi reddebat.

*In Octobri*, mortificare conabatur iudicium de rebus alienis, his modis. I. Occasionibus vitabat cognoscendi alienos mores, facta, talenta, dum id sibi non incumberebat, præterquam in bonum, & laudem proximi. II. Sermonem de alienis rebus, nec interebat, nec excipiebat, sed dextrè interrompebat, aliudque intrudebat. III. Vitabat suspiciositates, & umbrositates omnes. IV. Impetum mentis prurientis aliena judicare, etiam sub specie zeli refrænabat, his, & similibus dictaminibus: Quid ad te? Tu me sequere. Tu quis es? qui judicas alienum servum? Quis tibi clavem cordium dedit? Nunquid libri conscientiarum jam tibi aperti sunt? Si absque peccato es, primus in eum lapidem mittas. V. Dum ex officio mores, facta, & talenta aliorum cognoscebat, charitatem, misericordiam, & compassionem adjungebat, mansuetudinemque præmittebat. VI. Cavebat determinatum ferre iudicium aut concludere, suspendebatque iudicium, donec res in liquido esset. VII. Si quando aperte malum aliquid erat, & ex officio culpandum, differre tantisper reprehensionem curabat.



*Mortificatio  
Appetitus ira-  
scibilis.*

*In Novembri,* cohibebat specialiter Appetitum irascibilem his modis. I. Impatentiam, amaritudinem, & omnes cholerae impetus reprimebat. II. Odium, & omnes vindictæ modos vitabat. III. Audaciæ modum statuebat, nihilquæ supra vires tentabat, nihil præcipitanter aggrediebatur. IV. Nihil præter DEUM, & ab ejus gratia lapsum timebat. V. contra terricula-  
menta nocturna animum obfirmabat, & assuefaciebat. VI. Tristitiam, melancholiamquæ omnem fugiebat. VII. Omnes fiducia nidulos, speiquæ in se, & in hominibus, in corde suo disturbabat, tantumquæ conabatur desperare de se, quantum sperare de DEO. VIII. Equalis tam in prosperis, quàm in adversis esse curabat.

*Mortificatio  
Appetitus concupiscentia.*

*In Decembri,* mortificabat in se Appetitum concupiscibilem, & puram naturam his modis. I. Nullâ re utebatur non tantumquam propriâ, sed etiam tantummodo aliquo modo ad se spectante. II. Actionum suarum dominium, liberumquæ exercitium subdebat dominio Sanctissimæ TRINITATIS, atquæ Infantis VERBI possessioni. III. Impetus & æstus desideriorum inhibebat, & morâ dilationequæ temperabat. IV. Ab occupatione transferre se curabat quæritum. V. Puræ naturæ æstus, & commoda, quatenus puræ naturæ sunt, prævertebat, & sine sublimi intento supernaturalizabat. VI. Incommoda, molestiasquæ naturæ non removebat, nisi prævio aliquo rationis ductu commoda quoquæ naturæ, & exigentias non explebat, nisi etiam ratione præviâ.

*Actus Mortificationis Exterioris à P. Gasp. Druzicki*

*S. I. in vita sua exerciti.*

**I**dem magnus castigator corporis sui quinduplici in affligendo corpore, utebatur instrumento, nempe virgis, flagellis variis, cilicio, pectinibus ferreis & hemispharico globo. Fecerat autem ordinata in eo charitas DEI, ordinem ejusmodi afflictionum, ita ut quasdam habuerit quotidianas, alias mensuales, annuas deniquæ, & extraordinarias alias.

Dum has mortificationes in reconditis Patris Gasparis pagellis,

&



& consuetudinibus reperras, in lucem profero, inde exordior, unde exorsus est B. Petrus Damianus vitam S. Dominici Loricati descripturus, dum ita ait: *Viri DEI Dominici vita si scribatur, vereor ne à quibusdam Fratribus incredibilis judicetur.* Et infra ait: *Dicam, sed quis sciat, utrum fides assertioni fidelissimæ præbeatur? Sed parvipendendum est, si humana temeritas arguat, quem summa Veritas, falsitatis excusat.* Scribit autem ille de S. Dominico Loricato hæc: Hanc continuæ vitæ consuetudinem indifferentem habet, ut vix dies ulla prætereat quin duo Psalteria modulando, utraq; manu scopis armatâ nudum corpus allidat. Et hoc quidem remissiori tempore. Nam quadragesimalibus circulis, five cum poenitentiam peragendam habet (crebrò enim centum annorum poenitentiam suscipit) tunc per dies singulos, dum se scoparum tusionibus afficit, ut minus tria Psalteria meditando persolvit. Centum autem annorum poenitentia, sicut ipso auctore didicimus, sic expletur; Cum tria scoparum millia unum poenitentia annuum apud nos regulariter, decem autem Psalmorum modulatio, ut sæpe probatum est, mille scopas admittat dum 150. psalmis constare Psalterium non ambigitur, quinque annorum poenitentia in unius Psalterii disciplina rectè supputantibus invenitur. Consequitur ergo, ut qui 20. Psalteria cum disciplina decantat, centum annorum poenitentiam se peregrisse confidat. Hanc autem centum annorum poenitentiam ut mihi ipse professus est, sex diebus ex more consummat. Memini quoque quia cuiusdam Quadragesimæ imminentis initio, mille annorum imponi sibi per nos poenitentiam petiit, quos certè omnes ferine, antequam jejunii tempus transigeretur, explevit. Hactenus B. Damianus. Computemus jam, Quotidie ille Sanctus bis Psalterium recitabat, id est bis 150. Psalmos: ad singulos autem Psalmos infligebat sibi 100 ictus, multiplicentur 300. per 100. & fient 30000. triginta millia ictuum, quæ quotidie sibi infligebat. Quando autem centum annorum faciebat poenitentiam, per Quadragesimam infligebat sibi ictuum 300000. trecenta millia. Illâ verò vice, quando impetravit, & explevit per Quadragesimam mille annorum poenitentiam, infixit sibi ictuum 3000000. tres milliones. Institit nonnihil vestigiis Sancti hu-



jus Loricati Pater Gaspar, dum ita in se defævit, ut interdum, præsertim dum privatam vitam ageret, diversis diei & noctis temporibus, ad quindecim millia percussionum, cum rasuris ferreorum pectinum, & hemisphæræ aculeatæ puncturis, pervenerit.

*Mortificatio  
Oculorum in  
Januario.*

Quoad Menstruas Mortificationes. In Januario, præcipuè adhibebat mortificationem Oculorum his modis. I. Nullam personam de facie intuebatur, præsertim alicujus conditionis, aut formæ comprioris, nisi merus id casus, aut necessitas ferret. II. In alieno cubiculo, si illud ingredi contingebat, nihil eorum, quæ exposita erant, intuebatur, dispiciebatve. III. Ab aspiciendis novis, speciosis, splendidis, curiosis in omni materia abstinebat; ut sunt ædificia, imagines, pompæ personarum, &c. quantum sinebat urbanitas. IV. Obvios quosque domi, ac foris, item parietes domus, Templi, plateas, frontispicia, turres, non circumspiciebat, nisi necessitate deposcente, vel ob officia communia. V. Ad mensuram sui aciem oculorum ferme jaciebat, vix ultra, & nonnisi ex necessitate, ac ratione: liberam circumprovolutionem oculorum frænabat in quibuscunque occurribus, concursibus, quod observabat etiam cum solus esset. VI. Positivè autem mortificabat oculos, captando occasiones respiciendi res nauseam provocantes, uti sunt ulcera, fimeta, fordes, tabidi homines.

*Mortificatio  
Auditus in Fe-  
bruario.*

In Februario, mortificabat Auditum, & aures, his modis. I. Vellicabat aures suas singulis diebus aliquoties, manè ad revocandam mortificationis hujus memoriam: vesperi in poenam defectum illo die per aures commissorum, expiandæque & expellendæ delectationis per aures habitæ, causatæq; II. Delectationem ex colloquiis, & ex cantu, etiam in templis vitabat, aut si vitare non poterat, negligebat, nec ad concinnitatem ejus attendebat, consultò internæ operationi intentus. III. Consultò (sine tota tamen) vitabat personas, quarum conversatione, vel lepore posset recreari. IV. Ab audiendis rumusculis abstinebat. V.

*Mortificatio  
totius Corporis  
in Martio.*

Secretè, & secreta loquentibus, se non adjungebat. In Martio, qui incidit in Quadragesimam, totum corpus, omniaque membra, & omnes sensus externos, constituabat, obiectum, subjectumque quotidianæ afflictationis, ut invenietur



tur in mortificationibus quadagesimalibus infra ponendis.

*In Aprili*, mortificabat sensum Tactus his modis. *I. Pungebat se, & fricabat pectine ferreo, aut aciculâ aliquas corporis partes aliquoties de die. II. Reclinari in parietem, in sellam, inter lectum, aut sedendum, virabat. III. Duritiem sellæ, lecti, indusii, genuflexionis sectabatur. IV. Neminem omnino hominum, aut brutorum, & nihil mollium quarumvis rerum attingebat, nè quidem amicitie, aut ludicri causâ. V. Non solum in alieno cubiculo, sed nè in proprio quidem quidquam attingebat impertinens.* *Mortificatio Tactus in Aprili.*

*In Maio*, mortificabat Odoratum sic. *I. Nullum florem, decerpebat, aut odorabatur. II. In cubiculo nihil odoriferum servabat, non florem, non pomum, non aromata. III. Consul- to odorabatur habentia odorem gravem, & ingratum. IV. In certis occasionibus osculabatur, & odorabatur graveolentia loca ad vilificationem sui: mira tamen (ut hac occasione innuam) fuit ejus mundities; Nullus unquam in ejus cubiculo nidor etiam, cum ægrota- ret, imò nec tempore ætatis, quamvis clausæ manerent fenestræ, sentiebatur.* *Mortificatio Odoratus in Maio.*

*In Junio*, mortificabat Gustum his modis. *I. Condimenta ferculis non addebat, sed prout oblata fuerunt, sumebat. II. Ordinem ferculorum non permutabat. III. Non ferebat judicium, de qualitate ciborum, saporum, condimentorum, vinorum &c. IV. Inter comedendum, & bibendum inhibebat. & irritabat appetitum, impetumquæ ejus, morâ temporis frangebatur. V. Absynthio, vel alio tingebat lingvam, vel labia ante cibum, citra notam. VI. Ante ferculi sumptionem attendebat, quam in partem ferebatur appetitus suo pondere, & hac abstinendo, vel saltèm differendo, illum eludebat.* *Mortificatio Gustus in Junio.*

*In Julio*, mortificabat Caput his modis. *I. Pruritus capitis sustinebat, nec facilis erat ad fricandum. II. Capite, & fronte, terram manè & vesperi feriebat ex humiliatione sui, & reverentia Majestatis Divinæ. III. Pectine ferreo, vel aciculâ pungebat & scalpebat caput. IV. Capillos capitis vellebat. V. Dormiturus in duro & humili cervicali collocabat caput.* *Mortificatio Capitis in Julio.*

*In Augusto*, mortificabat Manus his modis. *I. Ungues digitorum profundè abradebat, doloris causâ, nunc hujus, nunc illius.* *Mortificatio Manuum in Augusto.*



illius digiti. II. Manus verberatione, aciculâ, pectine ferreo, catenulâ, expansione affligebat. III. Cohibebat manum à fricatione in pruritu. IV. Semper manus modestè compositas tenebat, & à faciendis inter loquendum, gestibus cohibebat.

*Mortificatio  
Pedum in Sep-  
tembri.*

*In Septembri*, mortificabat Pedes his modis. I. Stabat frequentius & diutius usque ad dolorem. II. Scrupulos pedibus supponebat ambulaturus per aliquod tempus. III. Igne plantas adurebat. IV. In quovis situ, pedibus commoditatem subtrahebat, incommoditatem verò obtrudebat. V. Verberatione, pectine, aliisque modis pungebat pedes. VI. Insistebat interdum uni pedi usque ad molestiam. VII. Sedebat suspenso altero, vel utroque pede. VIII. Genuflexiones diu continuabat, & per aliquot decades reperebat, adjectis aliquibus actibus: v. g. adorationis æternæ Sapientiæ, & similibus.

*Mortificatio  
Pectoris & La-  
terum in Octo-  
bri.*

*In Octobri*, adhibebat mortificationem Pectoris, Ventris, & Laterum his modis. I. Pectine ferreo sulcabat & radebat dictas corporis partes. II. In forma Crucis pronus orabat ad dolorem usque (discretum tamen) pectoris. III. Flagello, vel virgâ affligebat. IV. Latera igne adurebat aliquantulum. V. Tundebat frequenter pectus, cum compunctione animi.

*Mortificatio  
Lingvæ in No-  
vembri.*

*In Novembri*, Lingvam mortificabat his modis. I. Premebat, & admordebat eam dentibus. II. Aciculâ pungebat, & pectine ferreo radebat. III. Lingebat ea ferrum, laterem, vel aliam quampiam rem asperam. IV. Illiniebat, atque imbuebat eam amaris, vel acetosis succis, aloë &c. V. Calidis, & ferventibus cibis eam adurebat.

*Mortificatio  
Vocis in De-  
cembri.*

*In Decembri*, specialiter mortificabat Vocem his modis. I. Rarò loquebatur, parce, non diu, non multis, & purè necessaria. II. Submisse loquebatur, & elationem vocis, cachinnationes, & risus vitabat. III. Abstinebat à cantilatione, quæ esset cujuscunque delectationis, etiam honestæ & piæ causâ. IV. Utebatur vocibus, juxta usum loquendi simplicem. V. Fractiones vocis, & verborum, vitabat, non utendo diminutivis, superlativis, hyperbolicis, loquendi modis.

Tempus porrò harum mortificationum, in memoriam revocandarum, habebat post meditationem matutinam.

Præter



Præter has mortificationes quot annis graves faciebat disciplinas, & subinde pectineas rasuras. I. In fine anni. II. Tri-  
duo Bachanalium. III. Singulis Quadragesimæ diebus, semelnes *Quadrage-*  
manè, & iterum vespere afflictiones omnium sensuum, & mem-  
brorum instituebat collectim sumptas; quæ alias distributæ per  
singulos menses erant. IV. Die Parasceve. V. Diebus Roga-  
tionum. VI. Tempore Adventûs. VII. Die fidelium defuncto-  
rum. VIII. Post quamlibet Concionem.

Quodque magis mirum, etiam in infirmitatibus corpo-  
ris, hoc in negotio mortificationis validus erat; adverti ego eum *Mortificatio*  
ad initium extremi morbi, virgarum disciplinâ usum. Dicere, *in ipsis Morbis.*  
quoque solebat, non obfutura valetudini, si aliquis morbo  
pressus ter, vel quinquies vel licet utrumque pedem, in honorem  
Sacrosanctæ TRINITATIS, vel quinque Christi vulnere, aut  
simile quid in morbo, vividâ mente faciat. *Hæc Author vitæ ejus.*

NB. Conare omnino, quatenus ex Odio tui ipsius uti Nibili, infini-  
tequè Mali, ac Offensoris DEI super omnia dilecti, & potentis eum summi  
offendere, exerceas Actus internos & externos multiplicis Mortificationis :  
De quo Odio sui vide antecedentem sect. 5.

## SECTIO IX

### De Oppositis Mortificationis.

**P**rimò opponitur *Pseudomortificatio*. Qualis fuit illa anti-  
quorum Philosophorum, qui studio inanis gloriæ, intan-  
tum moderabant affectus suos, inquantum non prorum-  
perent ad extra in actum aliquem vitiosum, minus solliciti de  
fundamentali eliminatione interiorum sordium suarum. Planè se-  
pulchra foris dealbata, intrus plena sanie & foetore. Ejusmodi  
morsificatos B. Dorotheus affirmat *Philosophicè vivere*, eò quod ve-  
teres Philosophos imitentur. Hoc autem secundum Richardum *Richard. de*  
nôsse oportet: Quia disciplina corporis sine disciplina cordis *præpar. ad Con-*  
absque dubio inutilis est. *temp. c. 32.*

2do opponitur per *Excessum*. Contra quem S. Bernardus : S. Bern. serm.  
Discretio autem in hac discretione tenenda est, nè dum nimis fla-  
gellare cupimus, salutem perdamus: & nè dum hostem subju-  
gare



gare quærimus; civem occidamus. Considera corpus tuum, & corporis tui possibilitatem, intueri carnis complexionem, impone modum tuæ districtioni. Custodi corpus tuum incolume ad obsequium Creatoris. Multos vidimus ita in principiis carnem suam verberasse, & discretionis infregisse repagula, ut inhabiles laudum solemnibus redderentur, & lautioribus deinceps, diuturnis foverentur temporibus.

Rom. 8.

310. Opponitur per Defectum. Contra quem Apostolus: Debitores sumus non carni, ut secundum carnem vivamus; si enim secundum carnem vixeritis, moriemini; si autem spiritu facta-

Galat. c. 6.

carnis mortificaveritis, vivetis. Idem: Qui seminat in carne sua, de carne & metet corruptionem; qui autem seminat in spiritu,

S. Bernard. de spiritu metet vitam æternam. S. Bernardus: Quomodo dicunt nobis carnales homines, crudelis est vita vestra, non parcitis carni vestræ? Esto non parcimus semini. In quo ei magis parcere poteramus? An non melius est illi renovari & multiplicari in agro, quam in horreo putrefieri? Heu! computruerunt jumenta in stercore suo; Sic vos parcitis carni vestræ, simus nos crudeles interim non parcendo, at vos planè parcendo crudeliores.

I. 2. tra. 1. c. 1.

In Praxi contra Opposita Mortificationis exerceas te proportionem

sec. 4. subf. 2. facta juxta Methodum supra datam.

2. & 3.

## SECTIO X

### De Innocentia.

**I**nnocentia est Virtus specialis, & generalis. Specialis est, quatenus importat carentiam peccati actualis, nunquam commissi, ut offensa DEI est. Generalis est, quatenus includit carentiam peccati actualis nunquam commissi ut offensa DEI est, vel summè boni homini, vel summè in se boni, vel summè colendi, &c. Ita enim ejusmodi Innocentia pertinebit vel ad Spem, vel ad Charitatem, vel ad Religionem, vel ad aliam aliquam Virtutem; ex cujus motivo cavet peccatum, ejusquè carentiam amat. Carentia verò peccati actualis nunquam commissi, ut offensa DEI est, nullius alterius virtutis est, nisi Innocentiæ, à quo objecto etiam ipsa specificatur: quod objectum



Atum quia summè difficile, imò difficultas difficultatum est, dat rationem virtutis Innocentiæ, ut ipsa hoc modo virtus virtutum sit. De specificatione autem objecti Innocentiæ specialis & generalis, planè ad eum modum discurre; secundum quem suprà egimus de Pœnitentia speciali & generali.

*Gradus Innocentiæ* altus est, nunquam committere actuale peccatum mortale post baptismum, ut de nonnullis Sanctis legimus. Altior est, nunquam in adulta ætate committere peccatum actuale etiam veniale; quod solius Christi, & Beatissimæ Virginis fuit: Et infantum baptizatorum, sed in ætate immatura. Nam de aliis dicitur: *In multis offendimus omnes.* Altissimus est, *Jac. 3. v. 2.* carere peccato originali, & omni actuali. Hoc privilegium Christi, & Deiparæ est, non dabitur alteri. Siquidem nemo mundus à sordibus, nec infans cujus est vita unius diei super terram.

*Incitamenta ad Innocentiam.* *inim.* *Job.* Salvabitur innocens, salvabitur autem in munditia manuum suarum. *Psalm.* *Job. 22.* Quis ascendet in montem Domini, aut quis stabit in loco sancto ejus? Innocens manibus, & mundo corde. *Psalm.* *Psalm. 23.* Beati immaculati in via, qui ambulant in lege Domini. *Psalm. 118.*

*2dum.* *S. Augustinus:* Vera Innocentia est, ubi integritas sine peccato, venditio sine debito, flagellum sine merito. *S. Ambrosius:* Innocentia & integritas levi sordibus violatur aspersa, & Hieron. ad Degratia suæ munus amittit. *S. Hieronymus:* Innocentia inter ipsa tormenta fruitur conscientia bono, & inter malignitates, quum idem super illud de poena meruit, de innocentia gloriatur. *Idem:* Sicut parvulus lud Mat. Qui non perseverat in iracundia, læsus non meminit, videns pulchram cuncte humiliter non delectatur, non aliud cogitat, & aliud loquitur: *liaverit se si sic & nos nisi talem habuerimus innocentiam, & animi puritatem, cut parvulus.* regna cælorum non poterimus intrare. *Lactantius:* Nihil sancta & singularis illa Majestas aliud ab homine desiderat, quam *Lactantius Firmianus lib. 6.* solam innocentiam, quam si quis obtulerit DEO, satis piè religioseque litavit. *S. Bernardus:* Immediocris est titulus virtutis, *S. Bern. in Cant.* inter pravos vivere bonè, & inter malignantes retinere innocentia candorem, & morum lenitatem. *S. Thomas:* Dignitatem innocentia poenitens recuperare non potest. Recuperas tamen quandoque aliquid majus: quia ut Gregorius dicit in Homil. de



centum ovibus. Qui errasse à DEO se considerant, damna præcedentia lucris sequentibus recompensant. Majus ergo gaudium de eis fit in cælo, quia & Dux in prælio plus eum militem diligit, qui post fugam reversus, hostem fortiter premit, quam illum, qui nunquam terga præbuit, & nunquam aliquid fortiter fecit.

*3<sup>ium</sup>. Exempla Innocentiæ.* I. *Christus*, de quo *Apostolus* inquit: Talis enim decebat, ut nobis esset Pontifex, sanctus, innocens, impollutus, segregatus à peccatoribus, & excelsior cælis factus, qui non habet necessitatem quotidie, quemadmodum, Sacerdotes prius pro suis delictis hostias offerre: deinde pro populi, hoc enim fecit semel se offerendo. *Petrus Apostolus*: Christus passus est pro nobis, vobis relinquens exemplum, ut sequamini vestigia ejus, qui peccatum non fecit, nec inventus est dolus in ore ejus. II. *Virgo Beatissima*, quæ communi Doctorum Ecclesiæ sensu fuit immunis à peccato Originali, & Actuali, tam mortali quam veniali. III. *Job.* de seipso ait: Donec deficiam, non recedam ab innocentia mea. Justificationem meam quam cœpi tenere non deferam, neque enim reprehendit me cor meum in omni vita mea.

Circa *Præxim* Innocentiæ sciendum est. I. Solius DEI speciale munus est, nunquam peccasse, nec peccare mortaliter, & rarissimè venialiter, quod multis gemitibus, & actibus virtutum implorandum adeo ineffabile donum. Etsi fors aliquando peccet. I. 2. tra. 1. c. 1. cavit lethaliter, saltè impofterum non peccet. II. *Applica hic* sec. 4. subs. 2. convenienter, supradicta.  
§ 2.

## SECTIO XI.

### De Rectitudine Actuum indifferentium.

**A**ctus indifferens, seu opus adiophorum est, quod nec est moraliter bonum, nec moraliter malum: quales actus sunt v.g. Labor manualis, comestio, dormitio, ambulatio, & similia. Eiusmodi actus ut fiant moraliter & supernaturaliter boni ac meritorii gratiæ & æternæ gloriæ, conandum est cuius saluti suæ cordato Christiano. Etenim non rectificantes actus nostros indifferentes per Intentionem bonam, vel toties DEUM offen-



offendimus, quoties ejusmodi actus committimus juxta sententiam illorum, qui negant dari actum indifferentem quoad individuum nisi quoad speciem, & in particulari non esse nisi actum bonum, aut malum: Vel saltē immensa lucra caelestis beatitudinis aeternum perdimus, tot quotidie actus indifferentes exercendo, sicut ex sententia illorum colligitur, qui admittunt actum indifferentem dari quoque in individuo.

Quomodo verò in Praxi Actus indifferentes possint fieri moraliter boni, & supernaturaliter meritorii, fusc. actum suprā. 1. 2. tra: 1. cap. 1. sec. 2: & sec. 4. subf. 1. § 1. sub Circumstantia Cur.

## SECTIO XII

### De Labore ex Bibl. Man: P. Lohner Tit. Labor.

**L**abor est juxta Ciceronem, functio quaedam animi, vel corporis, gravioris operis, vel muneris. Vel brevius. Est seria occupatio hominis. Cic. lib. 2. Tusc. 9.

Dividitur in Laborem Mentalem, & Corporalem. Ille est, quo animus seu mens potissimum exercetur, uti est studium, meditatio &c. iste est, quo corporeae vires praecipue occupantur, uti sunt artificum & opificum, aut operariorum, ac servorum occupationes.

**Motiva ad Laborem.** Imum. Gen. Tulit ergo DEUS hominem, & posuit eum in Paradisum voluptatis, ut operaretur, & custodiret illum. Gen. Quia audisti vocem uxoris tuae, maledicta terra in opere tuo: in laboribus comedes ex ea cunctis diebus vitae tuae. Spinās & tribulos germinabit tibi, & comedes herbam terrae. In sudore vultus tui vesceris pane. Eccl. Non oderis laboriosa opera, & rusticationem creatam ab Altissimo. Prov. Qui congregat in messe, filius sapiens est: qui autem stertit astate, Filius confusionis. Job. Homo nascitur ad laborem, & avis ad volatum. Eccl. Quae in juventute tua non congregasti, quomodo in Senectute invenies? Psalm. Labores manu-um tuarum quia manducabis: beatus es, & benè tibi erit. Sap. Bonorum laborum gloriosus est fructus. Sap. Iustum duxit Dominus per vias rectas, &c. honestavit illum in laboribus & complevit labores illius. Thessal. Rogamus vos fratres, ut a- bunde-



bundetis magis, & operam detis, ut quieti sitis, & ut vestrum negotium agatis, & operemini manibus vestris, sicut præcepimus vobis, & ut honestè ambuletis ad eos, qui foris sunt, & nullius aliquid desideretis. *Thessal*: Cùm essemus apud vos, denunciabamus vobis, quoniam si quis non vult operari, non manducet.

2. *Thessal.* 3.  
v. 10.

*S. Chrys.* in 2.

2dum. *S. Chrysostomus*: DEUS posuit hominem ad laborandum, artusquè ejus ad hoc effinxit. Idcirco otiosus, ab or-

ad *Thessal.* 3.

*Cassian.* lib. 5.

*Instit.* c. 21.

*S. Hieron.* in

*Epist.*

*S. Bern.* in doct.

*Cant.*

*Psalm.* 87. v.

16.

*S. Basil.*

*Const.* Mon. c.

5.

*In Reg.* 3. *Brigitte*

*git.* c. 23.

*Act.* 20. v. 33.

*Vita* lib. 1. c. 7.

randum, artusquè ejus ad hoc effinxit. Idcirco otiosus, ab ordine suo & creatione deficit. *Cassianus*: Labor carnalis spiritus contritioni conjunctus acceptissimum DEO sacrificium, dignumquè sanctitatis habitaculum puris mundisquè recessibus exhibebit. *S. Hieronymus*: Nullus labor durus, nullum tempus longum videri debet, quo gloria æternitatis acquiritur. *S. Bernardus*: Ad laborem cùm veneris, sic temperabis opus agendum, ut sollicitudo operis intentionem animi tui ab iis, quæ DEI Idem super sunt, non aueruat. Idem: Qui in labore hominum non sunt, in labore profectò dæmonum erunt.

3tium Exempla. I. Christus in laboribus fuit à juventute sua. Quod idem etiam confirmat *S. Basilus* dicens: Christus primà suâ ætate parentum suorum imperio subiectus fuit, & labores corporis æquo cum ipsis animo illis obediens toleravit: Verisimile enim est, cùm homines illi essent, & justitiæ pietatis cultores, tennes tamen, nequè necessariis ad vivendum copiis satis instructi (quod ex præsepio intelligi potest, in quo venerabilis ille foetus est foris) solitos, eos in assiduus corporis laboribus versari, & hac ratione quotidianum victum quæritare. Porro IESUS, cùm in his, ut Divinæ literæ prædicant, esset subiectus, sine dubio in perferendis etiam unâ cum ipsis laboribus morigeram declarabat suam obedientiam. II. De B. Virgine Christus *S. Brigitte* dixit: Mater omne tempus suum tribus distinxit temporibus, unum, quo laudavit DEUM ore suo: aliud, quo manibus eiserviebat; tertium, quo corporis infirmitati compatiens, necessaria tribuit ei iuxta modum. III. *S. Paulus* ipsemet de se facetur, se argentum aut aurum nullius concupiisse, sed ad ea, quæ sibi opus erant, manus suas ministrasse. IV. *S. Bernardus* in virtute spiritûs simul & totus quodammodo laborabat, exterius



terius, & totus interioris vacabat, in altero pascens conscientiam, in altero devotionem. Laboris tempore & intus orabat seu meditabatur sine intermissione exterioris laboris, & exterius laborabat absque iactura interioris suavitatis. Et ut alio in loco dicitur, ita sese fecerat omnium servum, ac si toti genitus foret orbi: ita tamen liber ab omnibus, conscientiae suae curam gerens, tanquam soli deditus curae & custodiae cordis sui. v. B.

Virgo Cistercienses Monachos, cum toto die in agro laboras. *Specul. Exemp.* sent, in dormitorio dormientes invisere cum aliis duabus pedibus exemplo 103. sequis inspecta est, vasculumque portans Cellario id videntem *Lanciz Opus.* dicere: Meos ego hodie Monachos in agro invisi, eorumque *Opus.* sudores in hoc vasculum collegi, quorum odor & mihi, & Filio meo suavissimus afflatur, dignus utique suo praemio ac mercede.

v. i. Alias Reinoldo vidente ad Fratres in agro laborantes descendere, atque singulos amplexata & osculata sudorem a frontibus abstergere dignata est. vii. S. Franciscus Seraphicus, *Lanciz Opus.* cet infirmæ admodum valetudinis, nunquam sibi passus est *Opus.* a. 54. Fratribus ministrari, sed ipse suis manibus pavementum purgavit, & laceras vestes refecit. viii. S. Clara de monte Falco *Vit. p. 2. c. 27.* xit, se velle libenter occupari in vilissimis Monasterii officiis, eò quòd experiretur, orationem non perdi in talibus officiis, sed augeri.

i. x. S. Brigittæ dixit Christus: In spirituali vita, qui per *Lib. 6. Revel.* fecus esse desiderat, debet prius esse Martha laborando in ho- *c. 65.*

nore meo corporaliter. x. S. Ignatius de quodam fratre *Lanciz Opus.* rario dixit: Quot ponebat lateres in muro, quoties tunde- *Opus.* bat *Opus.* eos suo malleo, quoties calcem apponebat, tot sibi ponebat coronas in calo. xi. Christus dixit S. Gertrudi: In resurrecti- *Lib. 3. insu. c. 69.*

one futura, quando corpus hoc mortale induet incorruptionem, tunc singula membra humana recipient singula praemia meritorum pro singulis laboribus & exercitationibus in meo nomine & pro meo amore peractis. xii. S. Bernardus cui- *Cantiprat. lib.*

dam Fratri strenuè laboranti dixit: Eja frater perge sic labora- *I. Apam. c. 5.* re, quia nullum post hanc vitam purgatorium habebis. xiii.

Simon Murarius P. Petro Scargæ Rectori Collegii Vilnensis *Lanciz Opus.* totus splendidus, sed in manibus præcipuè apparuit dixitque *Opus.* a. 10.

causam majoris splendoris esse, quod manibus illis specialiter



*Ibidem* v. 9. pro DEI gloria laborasset. XIV. Vincentius Scottiglia, licet per 30. annos podagræ doloribus fuerit exercitatus, domestica tamen munia & labores magna cum charitæ obivit, unde post mortem cum suavissimo concentu P. Iulio Mancinello apparuit, *Panorm. lib.* & sequenti die inter Cælites conspectus est. XV. Alphonsus *de rebus Al-* Rex, cum à Matthæo Siculo eximæ sanctitatis viro reprehensus *phon.* fuisset, quod manibus laboraret, subridens respondit: Nunquid DEUS & natura regibus frustra manus dederunt?

*In praxi* circa Labores hæc observa. Tria sunt præcipuè, quæ Asceta de labore specialiter nôsse debet. *imūm.* Quid ante laborem observare debeat, nempe ut in nomine Domini *V. supra forma-* eundem inchoet, id est in gratia sit constitutus, propter DEUM *las intentionis* particularis p. peragat, & auxilium Divinum invocet, hos enim sensus patiuntur *I. 2. tra. 1. c. 1.* tur verba illa: *In nomine Domini.* Alterum est. Ut nôrit, quid sub *sec. 4. subs. 1.* labore observare debeat, scilicet ut diligenter, alacriter, & constant *9. sub Cir-* stanter eum peragat: hilarem enim datorem diligit DEUS, & *amst. Cur.* in Christianis non exordia laudantur, sed finis coronatur. Itaque sic laborare decet, ut cum Christo dicere possit: *Consum-* matum est. *ztium est* Ut pariter sciat, quid post laborem observare debeat, nempe ut nihil suis viribus adscribat, gratias pro felici successu debitas persolvat, & omnem eventum DEO penitus relinquat.

*I. 2. tra. 1. c. 1.* Pro labore virtuoso; seu ex virtute, aut laudabili intentione procedente, *sec. 4. subs. 2.* serviunt quoque supra specificata hic proportionatâ methodo applicanda ad practicum exercitium. *§ 2.*

## CAPUT VI. DE VIRTUTE CARDINALI JUSTITIÆ.

**I**ustitia multipliciter accipitur. *Primò,* pro Gratia Sanctificante, quæ justificat impium. *Secundò,* pro generalitate omnium virtutum. *Tertiò,* pro Legali Iustitia (quæ etiam Generalis appellatur) respicitque jus seu bonum Communitatis. *Quartò,* pro Iustitia Particulari, quæ dicit respectum



speciū ad ius alicujus in particulari. Igitur de Justitia prout est Legalis, & Particularis virtus, suisquē partibus Subjectivi, & Potestativis, tum suis Oppositis, in praesenti est agendum.

## SECTIO I.

### De Justitia in genere.

**I**ustitia includens Legalem & Particularem Justitiam, est habitus, secundum quem aliquis constanti & perpetuā voluntate ius suū unicuique (scilicet vel in communi, vel in particulari) tribuit. Dicitur; constanti & perpetuā voluntate. Ubi voluntas sumitur non pro potentia, sed pro actu. Deinde non sumitur hic constans & perpetua voluntas physicē, quasi sit nunquam defectibilis quoad actum: sed moraliter, inquantū est hoc proprium cujusque virtutis, ut contineat formaliter vel virtualiter propositum non operandi contra suam honestatem. Dicitur; ius suū unicuique tribuit, sive positivē, dando, sive negativē, non auferendo, quod suū est.

Advertendum autem, quia sicut triplex datur combinatio inter partes & totum, ita etiam exinde triplex ratio confurgit justitiarū. Nam *Primò* habet se pars ad totum, bonum totius spectando: & hoc fit per *Legalem justitiam*, quæ commune bonum intendit. *Secundò*, habet se totum ad partem; suū & partis bonum quarendo: quod facit *Distributiva justitia*. *Tertiò*, habet se in toto pars ad partem, invicem suo bono particulari consulendo: quod praestat *Commutativa justitia*.

*Gradus Justitiarū ex D. Bonaventura Comp. Theol.*

*Verit. lib. 5. c. 37.*

**J**ustitiarū politicarū secundum Macrobiū, est, servare unicuiquē, *Macrobius, lib. 1.* quod suū est. Justitiarū purgatoriarū secundum eundem, est, in *somn. scip.* ad unum, cujusquē propositi viam, uniuscujusque viam virtutis, c. 8. officium conservare. Justitiarū autem purgati animi est, ita cum Superna Mente sociari, ut servet cum ea fœdus perpetuum, eam imitando. Justitiarū Exemplaris est, quod perenni lege semper nā, operis sui continuatione non flectitur.



*Alii Gradus Justitiæ ex Formula aurea D. Bonaventuræ  
de grad. Viri. c. 11.*

- Graduum Justitiæ Christi-  
anæ ordo.** I. **I.** fitate, juxta illud : Gaudete cum gaudentibus &c. Et altior,  
**Rom. 12. Cap.** reddere sibi mercedem jus suum, scilicet dolorem de malis commissis,  
**Michae. c. 4.** juxta illud Propheticum : Dole quasi parturiens : & cautelam.  
**I. Thes. 5.** contra mala committenda juxta illud : Non solum à malo, sed ab  
omni specie mala abstinete vos. Altissimus, reddere DEO jus  
suum, scilicet timorem, quia Dominus justus ; & amorem, quia  
**Malach. 1.** Pater bonus est : unde Dominus dicit : Si ego Dominus ubi timor meus ? si Pater, ubi amor meus ?
- II.** Item altus gradus est, reddere unicuique bonum pro bono. Altior, reddere bonum pro malo. Altissimus, reddere optimum pro pessimo. Hoc fecit Christus, quando dedit corpus suum sanctissimum Judæ pessimo traditori.
- III.** Item altus gradus est, Justificare omnes operationes ut DEO placeant. Altior, justificare omnes locutiones. Altissimus, justificare omnes voluntates. In istis gradibus fuit Christus, cum dicit : Quæ placita sunt eis facio semper.
- IV.** Item altus gradus est, discere judicare omnia opera sua, quâ intentione, & ad quem finem fiant. Altior, judicare verba, utrum sint utilia vel nociva. Altissimus, judicare conscientiam utrum recta vel erronea sit, & omnes affectiones, utrum ordinatæ vel inordinatæ sint.
- V.** Item altus gradus est, exhibere naturalem justitiam omnibus vivis, scilicet quod oderis tibi fieri ; & quæcunque vultis ut faciant vobis homines &c. Altior, exhibere justitiam omnibus mortuis consanguineis in eleemosynis, orationibus, & maxime in testamentis eorum distribuendis secundum ordinationem ipsorum, & in omnibus, quæ ipsis fideliter commiserunt. Altissimus, Justitiam exhibere mortuis extraneis, sicut eis commiserunt & confidunt.
- Prov. c. 15.** *Illicia sectandæ Justitiæ sunt.* **Primum.** Prov : In abundanti justitia virtus maxima est **Item :** Justitia elevat gentem, miseros autem populos facit peccatum. **Item.** Qui sequitur justitiam



tiam, diligitur à Domino. *Christus Dominus*: Beati qui esuriunt & sitiunt iustitiam, quoniam ipsi saturabuntur. Supra quod B. *Chrysostomus* inquit: Iustitiam autem dicit vel universalem virtutem, vel particularem avaritiæ contrariam.

2<sup>o</sup> dum. S. Bonaventura effectus iustitiæ enumerat: quòd 1. Incomp. Theol. beatificat. Si quid patimini propter iustitiam, beati. Quòd verit. l. 5. c. exaltat. Qui operatur iustitiam exaltabitur. 2. Appetitum concupiscentiæ refranat. Erit iustitia cingulum lumborum ejus. 3. Locum DEO præparat. Iustitia & iudicium præparatio &c. 4. A morte liberat. Iustitia liberabit à morte. 5. coronat. Reposita est mihi corona iustitiæ. 6. remunerat. Retribuet mihi Dominus secundum &c. S. Ambros. ait: Prudentia sine iustitia nocet. Fortitudo quoque nisi eam iustitia temperet, intolerabilis insolentia est, furori quàm rationi propior, dominationi quàm libertati. Sobrietas & temperantia privata bona sunt, nec ullius vis, nisi iustâ erga Deum reverentiâ & fide deli mente pietatem colas. Iustitia sola est, quæ virtutes omnes complectitur, & commendat omnes. Doctor Angelicus inquit: D. Thomas 2. 2. Dicendum, quòd si loquamur de iustitia legali, manifestum est, quòd est præclarior inter omnes virtutes morales, inquantum bonum commune præeminet bono singulari unius personæ. Et secundum hoc Philos. in 5. Ethic. dicit: quòd præclarissima virtutum videtur esse iustitia, & neque est Hesperus neque Lucifer ita admirabilis. Sed etiam si loquamur de iustitia particulari præcellit inter alias virtutes morales duplici ratione. Quarum prima potest sumi ex parte subjecti: quia scilicet est in nobiliori parte animæ, id est in appetitu rationali, scilicet in voluntate, aliis virtutibus moralibus existētibz in appetitu sensitivo, ad quæ pertinent passionēs, quæ sunt materia aliarum virtutum moralium. Secunda ratio sumitur ex parte objecti. nam aliæ virtutes laudantur solum secundum bonum ipsius virtuos: iustitia autem laudatur, secundum quod virtuosus ad alium bene se habet. Et sic iustitia quodammodo est bonum alterius, ut dicitur in 5. Ethic. & propter hoc dicit Philos. in 1. Rhe: Necessarium est maximas virtutes esse eas, quæ sunt aliis honestissimæ: Si quidem est virtus potentia benefactiva. Propter hoc & fortes

Matth. c. 5.  
Hom. 15. in  
Matth.

1. Incomp. Theol.

Quòd verit. l. 5. c.

37.

1. Pet. 3.

Ecccl. 20.

Isa. 11.

Psal. 88.

Psal. 10.

Timot. 4.

Psal. 17.

S. Ambr. Tom.

4. c. 10. lib. 2.

de Abra.

D. Thomas 2. 2.

q. 58. a. 12.

Lib. 5. c. 1. Tom.

5.

Lib. 5. c. 1. T. 5.

Lib. 1. Rb. 5. 9.

T. 6.

&c



& justos maximè honorant, quoniã fortitudo est utilis aliis in bello. *D. Cyprian.* lo, justitia autem & in bello & in pace. *S. Cyprianus:* Justitia lib. de 12. abus. est pax populorum, tutamen patriæ, munimentum gentis, gaudium hominum, solatium pauperum, hereditas filiorum, & sibi metipsum spes futuræ beatitudinis.

1. *Christi Domini exempla* quoad justitiam ostensa sunt supra in Gradibus justitiæ à S. Bonaventura delineatis, & alia proponuntur infra sub aliquibus speciebus & actibus Justitiæ. *Job, 29.* II. s. *Job* de se dicit: Justitiã inducus sum, & vestivi me sicut vestimento, & diademate judicio meo.

*Biblioth. manual. tit. Justitia.*

*In Praxi* hæc ex *P. Lobner* observa. *unum est.* Ut cum justitia sit virtus ad jus suum cuique tribuendum inclinans, bene cognoscere studeat, quod sit jus illud, quod variis personis tribuere debeat. Nimirum 1. DEO amorem, reverentiam, obedientiam, gratitudinem. 2. Sanctis cultum, fiduciam, imitationem. 3. Superioribus reverentiam, & obedientiam. 4. Parentibus pietatem, honorem, & gratitudinem. 5. Benefactoribus beneficiorum gratam memoriam, prædicationem, & compensationem. 6. Senioribus & maioribus observantiam. 7. Aequalibus concordiam, & affabilitatem. 8. Subditis prudentem directionem, liberalem sustentationem, discretam correctionem. 9. Pauperibus compassionem, misericordiam, & liberalitatem. *2dum est:* Ut regulas perfectæ justitiæ à Lipsio in Politicis assignatas discat. 1. Nihil in penaribus venale sit, aut ambitioni pervium: quia hæc duo vitia sunt extremus hostis iustitiæ. 2. Causas, reosquæ semper audire oportet: quia inauditi ac indefensi, tanquam innocentes pereunt, Tacito teste. 3. Novæ leges parcè ferendæ: nam & illud verum Taciti effatum: Corruptissimâ Republicâ plurimæ leges; certè si hoc ævum aspicias fateare, ut antea flagitiis, sic nunc legibus laborari. 4. Leges ab ipso Legislatore accuratè observentur: nam in his iuxta Aristotelem, salus Reipublicæ sita est. Et ut sapienter notavit Seneca: Minimum decet liberè, cui nimium licet. 5. Justitiæ rigor clementiã temperandus: nam invisã imperia nemo retinuit diu.

*Actus*



## Actus justitiæ interni.

**P**ropono Domine nunquam lædere jus alienum, sed reddere cuique quod suum est: sicut mihi volo fieri, ita & aliis semper faciam.

Abst Domine in æternum, ut alicujus lædam vitam, sanitatem, honorem, famam, substantiam.

Precor Domine ut omnibus faciam satis ad votum juxta tuum beneplacitum. Mater DEI succurre, ut satisfaciam piis justitiæ propositis. Reliqua hinc supple ut supra.

1. 2. tr. 1. c. 1.

sec. 4. subf. 2.

§. 2.

## SECTIO II.

## De Oppositis Justitiæ in genere.

**P**rimo. Opponitur Falsa justitia seu Phariseorum, qui eam inter arctos limites conclusam videbantur observare, nec tam internè ex motivo honestatis justitiæ, quàm externè ad apparentiam hominum. Unde Christus præmonet: Nisi abundaverit justitia vestra plus quàm Scribarum & Phariseorum, non intrabitis in regnum celorum. Loquitur autem de virtute justitiæ moralis (de qua in præsentī) ut ex sequenti contextu Evangelii patet.

[Matth. 5.]

2do. Opponitur justitia per Excessum: quod vitium etsi dari à Doctoribus communiter negetur, assignatur tamen ab aliis, ut infra videbimus. Potestquè hinc illud propriè applicari: Noli esse justus multum.

Eccl. c. 7.

3tio. Opponitur justitia per Defectum, quæ aliàs dicitur Injustitia, vel Injuria: estquè vitium, quo jus alienum læditur vel negativè, non reddendo cuique quod suum est, vel positivè, auferendo, quod alterius est.

Contra Injustitiam est Imo. Psal. Virum injustum mala capient in interitu. Idem: Injusti punientur, & semen impiorum peribit. Eccl. Non placeat sibi injuria injustorum, sciens quoniam usque ad inferos non placebit impius. Idem: Regnum à gente in gentem transfertur propter injustitias & injurias, & contumelias, & diversos dolos. Idem: Objurgatio & injuriæ annullabunt substantiam. Apostolus. Vos injuriam facitis & fraudatis, & hoc fratribus. An nescitis, quia iniqui regnum DEI non possidebunt? 2do. S. Ambros. Omnis injustus in timore est: non

Psal. 139.

Psal. 36.

Eccl. c. 9.

Eccl. 10.

Eccl. 21.

1. Cor. 6.

S. Ambr. in 2.

Epis. ad Timoc.

fortis

1.



Idem alibi.

fortis sed infirmus: non est in dilectione, sed in odio: nec in mentis sobrietate, sed errore saucius. Si autem his caruerit, per fidem & fortis & dilectus & sobrius erit. Idem supra Psalm. 68. Dixit injustus ut delinquat &c: *hec habet.* Sibi ergo delinquit injustus. Nihil hanc sententiâ sublimius dici arbitror. In illis, qui sibi sapientiam seculi vendicârunt, nihil tale legi, nihil tale cognovi. Nec mirum, quandoquidem illi humano ingenio locuti sunt: hic infudit Spiritus DEI, Spiritus veritatis, quia injustus sibi delinquat, sibi generet vulnera, se ipse confodiat. Nam sicut spinæ nascuntur in manu ebriosi, ut scriptura asserit: ita & in Injusti sermone nascuntur, quæ compungant loquentem. Loquitur injustus, & interius ejus conscientia vulneratur: quia in omni sermone quem loquitur, non est fraudis immunis. Cujus enim gravior est poena quam propria, cum pro omni sermone det poenas? Serpens aliis infundit venenum: Injustus sibi.

S. Augus. lib. 4. de Civit. Dei. ita justitiâ, quid sunt Regna nisi magna latrocinia? Quia & ipsa Idem de ver. latrocinia quid sunt nisi parva Regna? Idem: Qui non repellit à Relig. socio suo injuriam, si potest, tam est in vitio, quam ille, qui facit.

1. 2. tra. 1. c. 1.

Ad Praxim vitandi injuriam proportionatè hic ex supradictis

sec. 4. subs. 2. adhibe,

§ 2. &amp; 3.

## SECTIO III.

## De Justitia Legali.

**I**ustitia Legalis est virtus, quâ obligantur cives ad reddendam jus proprium Communitatis, seu ut provideant bono Communitatis propter specialem quam habent cum ipsa connexionem tanquam Partis cum Toto.

S. Amb. de Virg. lib. 3.

Unde S. Ambros. Justitia, inquit, in alto quodam suggestu locata, videt, exploratquè omnia, quæ aliis potiùs nota quam sibi, non tam suas utilitates, quam publica emolumenta rimatur. Ratio autem est: quia cum per mutuam connexionem Cives cum Republica in se invicem conferant bona, puta Cives in Rempublicam conferunt sapientiam, bonitatem, obsequium, &c. Respublica verò in Cives confert gubernationem, defensionem, &c. Sequitur quòd Cives juxta illum contractum, innominatum: Do, ut

des,



des; Facio, ut facias, sese tacite obligent Reipublicæ ad ipsius bono publico consulendum, quæ illis adeo multa tribuit bona, multaque facit eorum causâ.

*Motiva Justitiæ Legalis.* Christus jubet: *Reddite quæ sunt Cæsaris, Cæsari.* Ubi nomine Cæsaris intelligitur quodvis Caput (sive illud sit una persona, sive plures) penes quod est regimen alicujus Reipublicæ, uti Imperii, Regni, Provinciæ, Civitatis, aut cujuscumque alterius Congregationis Ecclesiasticæ, Religiosæ, Politicæ. Porro Respublica ad tale Caput habet se per modum Moralis corporis. Unde sicut ad commodum & conservationem totius Corporis physici quodvis membrum debet concurrere sibi propriis officiis, sicut ad unum membrum confovendum omnia alia totius corporis conducunt: Ita & in morali corpore Reipublicæ idem observare est necesse. Alioquin membrum aliquod non præstando sibi competens officium, injurium erit in totum corpus. Hinc Apostolus pulchrè differit de Mystico corpore Ecclesiæ dicens: *Sicut in uno corpore multa membra habemus, omnia autem membra non eundem actum habent: ita multi unum corpus sumus in Christo, singuli autem alter alterius membra.* Et: *Non potest oculus dicere manui: Opera tua non indigeo: Aut iterum caput pedibus: Non estis mihi necessarii: sed multo magis quæ videntur membra corporis infirmiora esse, necessaria sunt.* Et paulò post: *DEUS temperavit corpus, ei (id est membro) cui deerat (honestas) abundantiorē tribuendo honorem, ut non sit schisma in corpore, sed id ipsum pro invicem sollicita sint membra: Et. Si quid patitur unum membrum, compatiuntur omnia membra: Sive gloriatur unum membrum: congaudent omnia membra.* Vos autem estis corpus Christi, & membra de membro. *S. Ambr.* Injustus & aliis inutilis, & sibi noxius est. Justus autem vita fructuosa aliis, & sibi dulcis. Dixit *S. Ambr. tit.* enim Salomon: *Fili si sapiens eris, tibi sapiens eris, & proximis.* Si autem malus evaseris, solus hauries mala. Advertimus ergo quia Justitia aliis est potius nata quam sibi. Commune commodum non suum expectat: & alienum bonum pro suo ducit emolumento. Beata & præclara Justitia, cujus bonum omnibus proficit. Ex uno plerumque ad plures proficiscitur, atque ad omnes pervenit. *Item.* Sola Justitia est, quæ omnibus temporibus aliis potius nata, quam sibi, quotidiano usu & fructu, pu-

Matth. 22.

Rom. 12.

I. Cor. 12.

*In Milleloquio*  
*S. Ambr. tit.*  
*Justitia.*

Ibidem.



blico suo damno alienas custodit utilitates, quæ nihil habeat utilitatis, & plurimum laudis. Hanc igitur Propheta prætendit ad sui meriti commendationem dicens: Feci iudicium & iustitiam, non tradas me nocentibus me.

*Pro Praxi exercendæ Iustitiæ Legalis imo.* Ex motivo honestatis ejusdem Iustitiæ, vel alio supernaturali, operari est necessarium. 2do. Ex eadem Iustitia Politici statûs superiores tenentur providere suis Inferioribus mutuam pacem & concordiam, defensionem ab hostibus, commodam rationem vivendi, eis qui serviunt Bono publico &c. & super omnia adjutorium impendere Ecclesiasticis personis ad promovendam veram fidem, & religionem, extirpare infideles & perversos. Superiores vero Ecclesiastici statûs ex hac iustitia obligantur ducere suos Inferiores ad supernaturale bonum gratiæ & gloriæ. Porro subditi (quique in suo statu) hanc iustitiâ stringuntur ad obedientiam, reverentiam, fidelitatem, obsequia, tributa, vectigalia, denique bona animi, corporis, fortunæ, in toto, vel in parte, conferenda, quantum publicum bonum requisierit. Ecce materia iustitiæ legalis, & ejus Actus. *Sic fac & vives, felix in presenti & in futuro.*

l. 2. tit. 4. l. c. 1.

sec. 4. subs. 2.

§ 2. & 3.

Applica quoque hic proportionatè ex suprâ datis.

§.

### De Injustitia Legalis.

Injustitia opposita Legali iustitiæ, est vitium, quo non servatur honestas æqualitatis cum jure communitatis, seu contemnitur bonum publicum. Unde s. Thomas docet: Illegalis injustitia secundum essentiam est speciale vitium ab injustitia derivata.

2. 2. quæst. 59. s. 1.

## SECTIO IV.

### De Iustitia particulari.

Iustitia particularis sic definiri aliter potest: Est virtus intendens honestatem æqualitatis operationis tuæ cum jure alterius. Id est, ut illa res, vel operatio, quæ est apud te, & ad quam habet jus alter, in tanta amplitudine proportionetur, & commensuretur juri alterius, in quantam amplitudinem jus alterius sese extendit per respe-



respectum ad illam rem, vel operationem. V. G. habet jus aliquis ad decem aureos apud te manentes; Igitur ut æqualitatem serves illius numeri auri cum jure alterius, non sufficit reddere quinque aureos, nisi & alios quinque reddideris. Similiter habet jus alter ad te ut ei labores totâ die, non commensurabitur ad æqualitatem illius juris operatio mediæ diei, nisi totius. Porro Justitia particularis divi dicitur in Distributivam, & Commutativam.

## SUBSECTIO I.

### De Justitia Distributiva.

**J**ustitia Distributiva est virtus, intendens honestatem æqualitatis cum jure alterius misto ex jure communi & privato, cum mutua utriusquæ juris connexionem & dependentiam. Dicitur: cum jure alterius misto &c. Quia bona, quæ per justitiam Distributivam alicui dantur, talia sunt bona, ut & ante distributionem & post distributionem maneant bona Reipublicæ seu communis. Unde eadem bona quando alicui ex intentione communis distribuantur, ita debent distribui, ut cedant non modò in utilitatem privatorum quibus distribuuntur, verùm & in utilitatem communis; adeoque conservetur æqualitas inter utilitatem & jus utriusquæ nempe privatorum & communis; quod fit dum benemeritis de communi bono & dignis, seu qui habent vim benefactivam, officia & bona communis tribuuntur, ut inde honorem & commodum pro suis meritis percipiant, & communitas ipsis se gratam præstet, aliosquæ ad bene merendum incitet, ipsumquæ præmiatum talem habeat, qui possit amplius de communi Bono bene mereri.

Motiva rite exercendi Justitiam Distributivam. *Imum* S. Augustinus: Justitiâ solâ Respublica sustentatur S. Gregorius: Summum in Regibus est, justitiam colere, ac sua cuiquæ servare; & subiectis non sinere, quod potestatis est, fieri, sed quod æquum est custodire. *2dum* Quia bene meritis & dignis conferre dignitates, officia, beneficia &c. est attigisse punctum ipsius honestatis: est honorâsse virtutem, solam dignam honore: est in tuto, pace, ac omni felicitate collocâsse Bonum publicum: cui

S. August. de civ.

S. Gregor. ad Franc. Reg.



sustentando viri digni tanquam firmæ & præclaræ columnæ supponuntur, quodve ut amplius promoveant, habent ex sibi collata dignitate subsidium. Est denique addere animos ad heroicis ausus & magna molimina pro emolumento Reipublicæ quam cernunt esse gratam de bene meritis. Et quid dicam de Ecclesiasticis honoribus, muniis, beneficiis, si ea (ut taceam rationem meritorum) dignioribus & melioribus, non attentâ dignitate carnali & vanâ, sed virtutis, prudentiæ, doctrinæ, conferantur; quanta lux pietatis, & sanctitatis per orbem hunc tenebricosum sceleribus, solis adinstar refulgeret? quot milliones animarum à via spatiosa perditionis æternæ in perennem beatitudinem auocarentur? Videant hæc & penitus considerent Distributivam in manibus habentes, quam graviter hoc in passu Bono publico sive temporali sive æterno sunt obstricti. Equidem Capita populorum nullum vobis foret onus in portando Orbe terrarum, cui sublevando dignos vestri Comites & Vicarios substitueretis.

L. 2. tit. 1. c. 1.

sec. 4. subf. 2.

§ 2.

Circa Praxim adhibe hic convenienti metodo suprâ specificatâ.

## SUBSECTIO II.

## De Oppositis Justitiæ Distributivæ.

**P**rimum per Excessum. Quando ultra merita vel vim benefactivam amplius benemerendi de bono publico, aliquid ex bonis Reipublicæ superfluum cuiquam tribuitur, quod aliàs potuisset cessisse in majus emolumentum boni communis.

2dum per Defectum. Dum Distributor deficit à motivo formali ejusdem justitiæ, nempe à causa concernente bonum publicum, quale est meritum ac vis benefaciendi in Rempubicam seu communitatem: & vel respectum personæ habet, cui aliquid confert, vel absolute denegat meritum beneficium. Quoad 1mum, ejusmodi vitium vocatur *Acceptio personarum*, quâ non attenditur causa. v. g. meritum vel dignitas seu vis benefactiva personæ, propter quam conferendum est officium aut beneficium, sed respicitur solum præcisè persona v. g. hic Petrus, aut Paulus: vel etiam respicitur conditio aliqua personæ (v. g. divitiæ, consan-

gui-

D. Thom. 2. 2.

q. 63. a. 1.



gvinitas non conferēs ad causam propter quam fit dignus illo dono. Unde Glossa super illud Eph. 6. Personarum acceptio non est apud Deum; dicit: quod Deus iudex iustus causas discernit, non personas.

*Contra Acceptionem personarum est. Eccl. Qui perdet animam suam prae confusione, & ab imprudenti persona perdet eam, personae acceptione perdet se.* Petrus ait: In veritate

Eccl. 20.

Act. 10.

omni gente, qui timet eum, & operatur iustitiam, is acceptus est illi. Super illud Jac. 2. Fratres mei nolite peccare. Glossa & S. Augustinus ait: Si hanc distantiam sedendi & standi ad honores Ecclesiasticos referamus, non est putandum leve esse peccatum, in personarum acceptione habere fidem Domini gloriae. Quis enim ferat eligi divitem ad sedem honoris Ecclesiae contempto paupere instructiore, sanctiore? Et Lessius: Acceptio personarum in Distributiva Iustitia quoad Ecclesiasticos, gradus, & beneficia, ut digniores postponantur, peccatum est & mortale: Unde graviter vetatur à Concilio Tridentino session. 24 C. 1. de Reform.

Lessius de Jure

&amp; Just. c. 32.

&amp; alii.

Quod vero concernit Seculares dignitates, officia, beneficia; & horum distributores, iniqui per respectum personarum gravissimè quandoquē peccant ob multiplices rationes. *1<sup>a</sup>* est, defraudatio benemerentis de Republica: alter exposuit fortunam, & periculo vitam suam, ob bonum publicum, in spem debitae gratificationis, & ecce illa privatur. *2<sup>a</sup>*, defraudatur Respublica intentione suā, quae sibi addictis ejusmodi bona cupit conferre: Unde distributor iniquus infidelis dispensationis arguitur, quod se non conformet voluntati dispensandi bona, quae sunt aliena nempe Reipublicae, non verò ipsius distributoris privata. *3<sup>a</sup>*, omnium privationis bonorum constituit se rem iniquus distributor, quae alias bona redundare poterant in Rempublicam tum ex vi benefactiva illius personae, cui debebatur recta distributio, tum ut allicerentur alii ad alacriter & fortiter agendum pro bono communi: dum vident non gratis suos conatus & labores aestimari, iam verò his omnibus subsidiis carere debet Respublica per promotionem nec benemeritae nec dignae personae. *4<sup>a</sup>*, si indigna seu impia aliqua persona pro-

movea-



Sap. 6.

Ibidem.

moveatur, quæ bonis Reipublicæ in ejus exitium utatur, equidem prævidens talia distributor, quantum pondus criminum, in suum caput devolvit? *Vae potentibus!* quia potenter tormenta patientur, maxime ob participationem alienorum innumerabilium scelerum, quorum illi causæ morales existere. Igitur *Præbete aures vos qui continetis multitudines, & placetis vobis in turbis nationum: quoniam data est à Domino potestas vobis, & virtus ab Altissimo, qui interrogabit opera vestra, & cogitationes scrutabitur: quoniam cum essetis ministri Regni illius, non recte judicastis nec custodistis legem justitiæ, neque secundum voluntatem DEI ambulastis.* Horrende & cito apparebit vobis: quoniam judicium durissimum in his qui præsumunt, fiet. Et paulopost: Fortioribus autem fortior cruciatio. Hæc pro Ecclesiasticis & Politicis Distributoribus.

l. 2. tra. 1. c. 1.

Ad Præxim cavendi opposita Distributivæ justitiæ applica pro-

sec. 4. subf. 2. portionatè ex suprà dictis.

§ 2. &amp; 3.

## SUBSECTIO III.

## De Justitia Commutativa.

**J**ustitia commutativa, est virtus intendens honestatem æqualitatis cum jure alicujus privato. Porro sicut multiplex est Jus privatum alicujus; ita quoque multiplex erit Actus justitiæ Commutativæ. Hinc per homicidium vel mutilationem, nolle lædere, jus alterius, quod habet ad suam vitam, & membra corporis: Item per convitium, calumniam, improprium, sive per obrectationem, aut susurrationem, seu irrisionem nolle violare jus alicujus, quod habet ad proprium honorem, famam, amicitiam cum aliis, quietem: Item per furtum, aut rapinam, sive fraudulentiam in emptionibus & venditionibus, vel per usuram nolle alterius jus tollere, quod habet ad suam substantiam: Item per maledictionem non optare auferendum jus alicui quod habet ad bona sui corporis, animi, substantiæ: sunt actus iustitiæ sumpti negativè, quatenus non lædendo jus alterius eo ipso redditur ei quod suum est, maxime si actus voluntatis non lædendi jus alterius ex motivo honestatis in tali non læsione reperto formaliter eliciatur, erit Actus justitiæ Commutativæ & meritorius.



rius. Sicut & Actus iustitiæ commutativæ erit positivus ac meritorius circa prædicta jura, quando ea quispiam alteri vult conservare, Ut v. g. in emptionibus & venditionibus.

Ecce quanta possent sibi augere iustitiæ merita qui circa mercimoniam vel aliam iustitiæ materiam versantur; tantummodo supraspecificatos Actus iustitiæ rectâ intentione præmissâ faciant; & cum reflexione ad aliquod motivum supernaturale assuescant elicere. Ad quod Curatores animarum studeant illos perducere. Reliqua, quæ *Motivum & Praxim iustitiæ Commutativæ* concernunt, ex supradictis facillè colligi possunt.

#### SUBSECTIO IV.

##### De Oppositis Iustitiæ Commutativæ.

**V**itia iustitiæ commutativæ in duplici differentia opponuntur: Nam aliqua versantur circa commutationes involuntarias, aliqua circa commutationes voluntarias. Circa commutationes involuntarias versantur, quando aliquod nocuum infertur proximo, contra eius voluntatem. Quod potest contingere dupliciter: Facto, & Verbo. Facto contingit homicidium, furtum, & rapina. Verbo autem, idquæ extra iudicium accidit contumelia, detractio, derisio, maledictio. In iudicio autem ex iniustitia iudicis, Accusatoris, Rei, Testium, Advocati. Quæ iniustitia ponetur in Oppositione iustitiæ iudicis, Accusatoris &c. Porro in commutationibus voluntariis contingunt vitia: nempe fraus, usura. De quibus agendum sequentibus.

##### §. I.

##### De Homicidio, & Mutilatione membrorum.

**H**omicidium est peccatum, quo ex animo & intentione mors homini violenta injustè infertur.

Contra Homicidium est, imo. Quia homicidium est clamans in cælum peccatum pro ultione. Hinc DEUS ad Cain peremptorem Abelis dixit: Quid fecisti? Vox sanguinis Fratris tui clamat ad me de terra. Nunc igitur maledictus eris super terram. Deinde gravissimè

Gen. c. 4.

Exod. 20.



1. Joan. 3. visimè prohibetur præcepto Divino: *Non occides.* Joan: *Omnis S. Aug. lib. 1. de homicida non habet vitam eternam in se manentem.* 2do. S. Augustinus: Civit. DEI. Qui sine publica administratione maleficum interfecerit, veluti

homicida judicabitur, & tantò amplius quantò sibi potestatem à DEO non concessam usurpare non timuit. Idem: Periculose decipiuntur, qui æstimant eos tantum homicidas esse, qui manibus homines occidunt, & non potius eos, per quorum consilium, & fraudem, & hortationem homines extinguuntur.

Idem lib. 1. de Idem: Hoc dicimus, hoc asserimus, hoc omnibus modis approbamus, neminem spontaneam mortem sibi inferre debere, veluti fugiendo molestias temporales, nè incidat in perpetuas: neminem propter aliena peccata, nè hoc ipso incipiat habere gravissimum proprium, quem non polluebat alienum: neminem propter sua peccata præterita, propter quæ magis hac vitâ opus est, ut possint poenitendo sanari: neminem velut desiderio melioris vitæ, quæ post mortem speratur, quia reos suæ mortis melior post mortem vita non suscipit.

2. Paral. 24. Joas Rex Juda Zachariam lapidare jubens, vix exacto anno, magnis cladibus coangustatus, in lectulo à suis, multis vulneribus, vindice DEO, peremptus est. Achab Rex Israel occidens Naboth, audivit ab Helia sibi prædici: *Hæc dicit Dominus: In loco hoc, in quo linxerunt canes sanguinem Naboth, lambent quoque sanguinem tuum.*

Exod. 20. Quoad Mutilationem membrorum hæc prohibetur per poenam Divinius statutam: *Oculum pro oculo, dentem pro dente, manum pro manu, pedem pro pede.* Adonibezec capto ab Israel cæcæ sunt summitates manuum ejus, ac pedum: *Dixitque Adonibezec: Septuaginta Reges amputatis manuum ac pedum summitatibus colligebant sub mensa mea ciborum reliquias: sicut feci, ita reddidit mihi DEUS.*

Jud. c. 1. In Praxi execrandi & cavendi Homicidium, seu Læsi-

1. 2. tra. 1. c. 1. sec. 4. subf. 2. nem membrorum proximi tui applica convenienter suprâ dicta. § 2. c. 3.

## § II.

### De Furto, & Rapina.

V. D. Thom. 22. FURUM, est alienæ rei occulta ablatio invito rationabiliter Domino. q. 66. art. 3. Rapina, est alienæ rei violenta ablatio.

1. Ibidem a. 4.

Motiva



*Motiva cavendi Furtum.* *Prov.* Qui cum fure participat, odit animam suam. *Eccl.* Super furem est confusio, & poenitentia. *Apostolus:* Fures Regnum DEI non possidebunt. *2dum. S. Ang.* ait: Septimum praeceptum est: Non furaberis, & plaga septima fuit grando in fructibus; quod per furtum contra DEI praeceptum subducis, de caelo perdis. Nemo enim habet injustum lucrum sine justo damno. Qui furatur, acquirit vestem, sed caelesti iudicio perdit fidem; ubi lucrum ibi damnum; visibiliter lucrum, invisibiliter damnum. Lucrum suâ cecitate, damnum, quia vivit sine aequitate: Ergo qui suo iudicio forinsecus furantur, iusto iudicio DEI intrinsecus grandinantur, quia scilicet reatu mortis aeternae in anima feriuntur. *S. Cyrillus lib. 3. apol. Moral.* *Ibidem.* Omnis fur ante perdit sua quam aliena, nempe dat pro veste fidei gloriam, pro auro iustitiam, pro libo vitam, pro accidenti substantiam, pro iniquitate pascenda, tanquam mercator stolidus virtutis charissimae farinam perdit. Melior est igitur labor factus fructu iustitiae, quam tempestuosissima quies rapacis avaritiae.

*Motiva cavendi Rapinam.* *Prov.* Alii rapiunt non sua, & semper in egestate sunt. Et: Rapinae impiorum detrahent eos, quia voluerunt facere iudicium. Vel ut *Aben Ezra* vertit: Rapina est quasi serra ferrans, & dissecans raptorum conscientiam, animum & mentem. Rapina enim magis mordet conscientiam, quam caetera crimina, ac sicut vulnus serrâ inflictum difficile coalescit ut tradunt chirurgi, eò quod inaequaliter admorsae, & dentibus serrae extritae carnes non coeant: sic pariter vulnus menti inflictum à forti conscientia vix coalescit & per sanatur, etiam post poenitentiam, & rei furto sublatae restitutionem: rapinae enim praeteritae memoria jugiter conscientiam flagellat, eique oclamat: Cur aliena rapuisti? cur hoc te dedecore & maculâ inusisti, ut in perpetuum auditurus sis raptor, omnesque conscii digito te ostensuri dicant: En ille raptor, En ille fur, *Eccl.* Panis egentium vita pauperum est, qui defraudat illum homo sanguinis est. *Ibidem.* Qui aufert in sudore panem (id est sudoris)

*Prov. 29.**Eccl. c. 1.**Cor. c. 6.**S. Cyrillus lib. 3.**apol. Moral.**Ibidem.**Prov. 11.**Prov. 21.**Eccl. 34.**Ibidem.*



*Hom. 33. ad doris*) quasi qui occidit proximum suum. Unde *S. Chrysost*: Cæde peior est rapina paulatim pauperem devorans. *Isaias*. Væ qui

*pop.* prædaris, nonne & ipse prædaberis? Hinc *S. Aug.* Ideo te quærit major raptor, quia invenit minorem raptorem: ideo te quærit major aquila, quia prior cepisti leporem. Præda tibi fuit mi-

*123.* nor, præda eris majori. *Idem*: Si in ignem æternum ibit, cui dicturus est Christus: Nudus fui, & non vestisti me; quem locum habebit in igne æterno, cui dicturus est: Vestitus fui, & spoliasti me?

*Orosius ad ver-* Exemplum contra furtum. *Fabius Censorinus Fabium*.  
*sus pagan. lib.* Buteonem filium suum furti insimulatum interfecit: dignum scilicet facinus quod pater vel parricidii plectendum duceret, quod nè leges quidem nisi multa pecuniæ, aut ad summum exilii circa quemlibet hominum censuerunt.

*R. 2. tra. 1. c. 1.*

*Ad Praxim abominandi & vitandi Furtum & Rapinam servire*

*sec. 4. subf. 2. possunt proportionatè applicata suprà notata.*

*§ 2. & 3.*

### § III.

#### De Contumelia, Convitio, & Improperio.

**C**ontumelia, & Convitium, & Improperium, quandoquæ unum pro altero ponitur. Interim tamen hæc tria consistunt in verbis, quibus aliquis id, quod est contra alicujus honorem, deducit ad ejus, & aliorum notitiam. Per Contumeliam autem exprobratur defectus culpæ; per Convitium defectus poenæ corporalis vel spiritualis; per Improperium defectus minorationis, seu indigentia.

*Contra Contumeliam, Convitium, & Improperium in genere.*

*Prov. c. 13.*

*Prov.* Impius confundit, & confundetur. *Et Christus*: Omnis qui irascitur fratri suo, reus erit judicio; qui autem dixerit fratri suo, racha, reus erit concilio; qui autem dixerit fatue, reus erit gehennæ ignis.

*S. Chrys. de comp. cordis lib. 1. fo. 5.*

*S. Joannes Chrysost*: Sive fatuum quis dixerit, sive vanum, sive latronem, sive quolibet alio nomine injuriam vel maledictum fratri ingesserit: ex quolibet horum vocabulo sub maledicti titulo gehennæ ignis supplicis condemnatur.

*Prov. 10.*

*Ecc. 6. 22.*

*Contra Contumeliam in specie.* *Prov.* Qui profert contumeliam, insipiens est. *Ecc.* Ante ignem camini, vapor & fumus ignis



ignis dilatur: sic & ante sanguinem maledicta, & contumeliæ, & minæ. *S. Basilius* Non sic Echo in ipsos clamantes intempesti- *S. Bas. homil.* vè infringitur, sicut in hominem injustum & contumeliolum *de ira.* contumelia revertitur. Et *S. Joannes Eleemosynarius*: Iniquum est id ab homine exprobrari, quod à DEO est clementer condonatum. Ita fecit in Evangelio Phariseus ille superbus contra Publicanum poenitentem, unde hic præ illo justificatus abscessit. *S. Chrysost.* Non cernitis porcos coenum edentes ac volventes? Sic *S. Chrys. hom.* & isti detractores. Quid enim foetidius verbis quæ contumeliosi *32. ad pop.* loquuntur? *S. Gregorius*: Sæpe qui in potestate sunt ad subjectorum passim contumelias erumpunt, & hoc quod invigilantes regimini serviunt, per lingvæ procacitatem perdunt, minori scilicet rectitudine verba judicis pensantes; quia qui sine causa fratrem fatuum dixerit, gehennæ se ignibus adjicit. Optimè *Siracides*: Est correptio mendax in ira contumeliosi. *C. 9.*

*Contra Convitium.* *Ecclesiasticus*: Mittens lapidem in volatilia, deficiet illa: sic & qui convitatur amico, dissolvit amicitiam. Ex pueris convitiantibus *Elisæo* hisce dictis: *Ascende calve; ascende calve*: mox quadraginta duo ab uris lacerantur. *S. Hieronymus*: Homicidii est reatus, convitium in Fratres. *Eccl. c. 22.* *4. Reg. I.* *Epist. I. ad Hebr.*

*Contra Improperium.* *Ecclesiasticus*: Homo assuetus in verbis improperit, in omnibus operibus suis non erudietur. Hinc *Palatius*: Cave nè lingua assvescat iacere in alios contumelias. Nam id signum æternæ reprobationis est; non enim tales homines à DEO erudiuntur. At verò ut beatus est, quem tu erudieris Domine, ita reprobus, ac ideo omni infelicitate infelicior, quem tu non erudieris. *Eccl. c. 23.*

In Praxi detestandi & fugiendi Contumeliam, Convitium, & Improperium, agendum est iuxta datam supra Methodum hic congruè applicandam. *I. 2. tra. I. c. 16. sec. 4. subs. 2.* *§ 2. & 3.*

## § IV.

## De Obrectatione.

Sicut Contumelia est publicè, seu in faciem præsentis personæ per verba læsiva honoris eius; ita Detractio est fame,



V. D. Thom. 2. *occulte, seu absentis personæ per verba, denigrativa.* Contingit autem detractio directe & indirecte. *Directe* quadrupliciter: *Uno modo*, quando falsum imponit alteri. *2do*, quando peccatum adauget suis verbis. *3tio*, quando occultum revelat. *4to*, quando id, quod est bonum, dicit malâ intentione factum. *Indirecte* autem vel negando bonum alterius, vel malitiose reticendo, vel minuendo.

*Ibid.* 4. 2.

Peccatur autem detractio mortaliter, quando fama alicuius malitiose & ex intentione aufertur. Quia fama inter bona temporalia esse pretiosior videtur. Non est verò detractio mortalis, si ex levitate animi, vel propter causam aliquam non necessariam fiat: nisi fortè verbum quod dicitur sit adeò grave, quod notabiliter famam alicuius lædat, maximè in his, quæ pertinent ad honestatem vitæ. Cæterum si verba per quæ fama alterius diminuitur proferat aliquis propter aliquod bonum, vel necessarium, debitis circumstantiis observatis, non est peccatum, nec dici potest detractio.

*Incitamenta* fugiendi execrabile vitium detractonis hæc afferuntur. *Eccl. c. 10.* *Eccl:* Si mordeat serpens in silentio, nihil eo minus habet, qui occultè detrahit. *Prov. 24.* Abominatio hominum detractor. *Apostolus:* Detractores DEO odibiles. *S. Iacobus:* Nolite detrahere alterutrum fratres mei: Qui detrahit Fratri, aut qui iudicat fratrem suum, detrahit legi, & iudicat legem. *S. Chrys. hom. 2dum S. Chrysost:* Grave malum est detractio, turbulentus dæmon, nec unquam pacatum hominem reddens. Ex ea odia pullulant, iurgia conflantur, dissidia ortum habent, suspiciones malæ procreantur, sine ulla causa hostem reddit, qui paulò antè amicus erat, vniversas domos subvertit, & pacatas urbes ad bellum excitat, pulchræ pacis vincula dissolvit, magnæ charitatis nodum infringit. Qui detractioi studet, diabolo servit, utpote qui calumniæ opera exequatur. Quare detractor *Marchan. hort.* tanquam mendax & fur est propellendus. *Jacobus Marchan.* Cerpent. *Trac. 4. de* tē hoc vitium comparare possumus caudæ draconis, de qua dicitur in Apocalypsi, quòd per illam draco terriam partem stellarum è cælo detraxerit, quia illi qui tanquam stellæ videntur lucere, hoc vitio implicati obtenebrantur, & in perditionis abyssum ruunt.



unt. Magna utique pars hominum ob hoc vitium lingvæ maledicæ, in æternam ruinam dilabitur, etiam inter Religiosos. Sic verum est illud Prov. 23. *Mors & vita in manibus lingvæ*) Et paulò post idem Author. Sunt multa peccata, quæ etsi committuntur, non ita tamen in omnibus locis, nec in omni tempore, nec ab omnibus personis. Hoc vero detractionis vitium vix ullum excipit locum, vix tempus, vix personam. In colloquiis privatis, in conviviiis, in locis & personis sacris frequentissimum est. Invicem se mordent homines, comedunt, invicem famam dilacerant, invidiæ veneno tabefacti. Nec verò solum communes personas virulentâ lingvâ lædunt, sed & maximè eas quæ in sublimitate eminent. Principes, Magistratus, Sacerdotes, Religiosos, Prælatos cujuslibet ordinis, lingvâ maledicâ impetere non cessant, & sacro eorum statui maculas inurere. In persona eorum verè dixit Propheta: *In me psallebant, qui bibebant vinum.* Nec solum vi- *Psalm. 68. 13.* vos attingunt, sed & mortuos è sepulchris educunt, ut dilanient, nullis parcunt: ita ut quilibet irreprehensibilis licèt vitæ, debeat timere multorum lingvæ maledicam, quæ sæpè infligit vulnus irremediabile. *S. Hieronymus:* Pauci sunt, qui huic vitio renuntient, *S. Hieron. ad tantâquè hujus mali libido, mentes hominum invasit, ut etiam Celantiam.* quàm procul ab aliis vitiis recesserūt, in istud tamen quasi in extraneum laqueum incidunt. *S. Bernardus:* Alii simulatæ verecundiæ *S. Bern. serm. 24. in Cant.* fucos inceptam malitiam, quam retinere non possunt, adumbrare conantur. Videas præmitti alta suspiria, sicquè quadam cum gravitate & tarditate, vultu mœsto, superciliis demissis, voce plangenti egredi maledictionem, & quidem tantò persuasibiliore, quantò creditur ab his, qui audiunt, corde invito, & magis condolentis affectu, quàm malitiosè proferri. Doleo, inquit, vehementer pro eo, quod diligo, cum satis & nunquam potui de hac re corrigere eum. Et alius: Mihi quidem, ait, benè comper- tum fuerat de illo istud, sed per me nunquam innotuisset: at quoniam per alterum patefacta est res, veritatem negare non possum dolens dico, revera ita est.

*2<sup>um</sup>.* Legitur in libro, qui dicitur Fasciculus morum: quòd *Joan. Beda* sceleratus quidam omnes detractionibus suis lacerare consuetus, *Minorita,* morte præventus est, non confessus. Neque enim merebatur,



ut ea lingua peccati venenum evomeret, quæ tam frequenter aliorum etiam innocentiam lacefferat. Apparuit autem non longè post mortem cuidam vitæ suæ præmia condigna ostendens. Habebat autem linguam quasi igneam ab ore usque ad terram dependentem, quam crebris morsibus idem ipse momordit, corrolit, & expuit. Cumque particulatim eam usque ad fundamenta abscissam ejecisset, rursus ad priorem quantitatem reformabatur denuo corrodenda. Quæsiuit vivus à mortuo, quidnam hoc designaret? qui respondit: quoniam dum vixi per hoc membrum maledictum omnes persequabar: idcirco ab hoc tormento in perpetuum non liberabor. Per quæ enim peccavit quis, per hæc punietur.

D. Thom. 2. 2.  
q. 78. a. 4.

*Inducens* juxta D. Thomam alium ad detrahendum, vel complacens sibi in detractione propter odium ejus, cui detrahitur, non minus peccat, quàm detrahens, imò quandoque magis. Quia secundum Apostolum ad Romanos primo: Digni sunt morte non solum qui peccata faciunt, sed etiam qui facientibus peccata consentiunt. Quod quidem dupliciter contingit. Uno modo directè, quando scilicet quis inducit alium ad peccatum, vel ei placet peccatum. Alio modo indirectè, quando scilicet non resistit, cum resistere possit. Et hoc contingit quandoque non quia peccatum placeat, sed propter aliquem humanum timorem. Dicendum est ergo quod si aliquis detractiones audiat absque resistentia, videtur detractori consentire: unde fit particeps peccati ejus. Et si quidem inducat eum ad detrahendum, vel saltèm placeat ei detractio propter odium ejus cui detrahitur, non minus peccat quam detrahens, & quandoque magis. Unde Bernardus dicit: Detrahens aut detrahentem audire, quid horum damabilius sit, non facile dixerim. Si verò non placeat ei peccatum, sed ex timore, vel negligentia, vel etiam verecundiâ quâdam omittat repellere detrahentem, peccat quidem, sed multò minus quam detrahens & plerumque venialiter. Quandoque etiam hoc potest esse peccatum mortale, vel propter hoc, quod alicui ex officio incumbit detrahentem corrigere, vel propter aliquod periculum quod audiens novit consequens, vel propter radicem qua timor humanus quandoque potest esse peccatum mortale.

Lib. 2. de Con-  
sid ad Eugeni-  
um circa fin.  
illius:

Mo-



*Motiva*, non præbendi animum, vel etiam resistendi detractoribus. *S. Bern.* Nunquid non vipera est lingua ista? *S. Bern. de* Ferocissima planè, nimirum quæ tam lethaliter tres inficiat flacu *triplici custo-* uno. Nunquid non lancea est ista lingua? Profectò & acutissi- *dia manus, lin-* ma, quæ tres penetrat ictu uno. Lingua, inquit, eorum gladius *guæ, cordis.* acutus. Gladius quidem anceps, imò triceps est lingua detractoris. Nec verò ejusmodi linguam ipso etiam mucrone, quo Dominicum latus transfixum est, crudeliorem dicere verearis. Fodit enim hæc loquē Christi corpus, & membrum de membro, nec jam exanimè fodit, sed facit exanime fodiendo. Ipsis quoque nocentior est spinis, quas illi tam sublimi capiti furor militaris imposuit, seu etiam clavis ferreis, quos sanctissimis manibus illis & pedibus consummatio Judaicæ iniquitatis infixit. Nisi enim hujus quod nunc pungitur & transfoditur corporis sui vitam illius vitæ corporis prætulisset, nunquam illud pro isto mortis injuriæ, crucis ignominie tradidisset. Et dicimus: Levis res sermo, tenera, mollis, & exigua caro lingua hominis, quis sapiens magni pendat? Levis quidem res sermo, quia leviter volat, sed graviter vulnerat, leviter transit, sed graviter urit, leviter penetrat animum, sed non leviter exit: profertur leviter, sed non leviter revocatur: facile volat, atque ideo facile violat charitatem. Tenerum membrum lingua, attamen vix teneri potest: Substantiâ quidem infirmum atque exiguum, sed usu magnum & validum invenitur. *Idem*: Facile lingua labitur, nec minùs facile illabitur cordi, ita ut multis inter loquendum *S. Bern. Serm. de 3. custod.* minùs profuerit, quòd propriam cohibuerint, dum non caverint alienam. Utilis est frater qui tibi loquitur, sapiens est, Religiosus ac timens DEum, plus dico, Angelus est, & Angelus lucis, etiam sic cave tibi, nè audias unde lædaris. Nec personam velim tibi suspectam esse sed linguam, præsertim in sermocinatione communi. *Idem*: Detractor, & lubens auditor, uterque diabolus portat in lingua. Si pauper es, vilem & abjectum reputat; si dives, ambitiosum, avarum, & cupidum; si affabilis dissolutum; si prædicator vel doctor, honoris, & humani favoris quæsitorem; si tacens, inutilem; si jejunus, hypocritam; si comedens, voratorem. *S. Hieron.* Est planè hoc vitium, *S. Hieron Epist. ad Celanciam.*



um, quod vel extingvi debeat, & ab eis qui se sanctè instituire volunt prorsus excludi. Nihil enim tam inquietat animum, nihil est quod ita mobilem mentem ac levem faciat, quàm facilè totum credere, & obrectatorum verba temerario mentis assensu sequi: hinc enim crebræ dissensiones, hinc odia injusta nascuntur. Hoc est quod sæpè de amicisimis etiam inimicos facit, dum concordēs quidem, sed credulas animas maliloqua-

*Ex lib sen-* lingua dissociat. )) Dixit Abbas Ypericus: Melius est comedere  
*tent Patr. §. 1.* carnes, & vinum bibere, quàm comedere in vitio, & ratione car-  
*25.* nes fratrum. Sicut enim susurrans serpens Evar de paradiso excuslit: ita qui fratri suo detrahit, non solum suam, sed & au-

*Collect. spec.* diantis animam perdit. )) Legitur de quodam Episcopo in pur-  
*exemp.* gatorio existente, qui vehementer affligebatur in foetore Clerici sui in inferno existentis, & ascendentis ad ipsum, qui detractiones suas libenter audiebat, & eum non satis corripuerat,

*Psal. 100* quanquam esset satis bonus Episcopus. )) S. Propheta David de se ipso fatetur, quantoperè hoc vitium fugerit, dum ait: Detrahentem secretò proximo suo hunc persequabar. Vespasianus & Titus Imperatores tanto odio Detractores persecuti sunt, ut flagellis cæfos veluti publico exitio destinatos, per Amphitheatri arenam spectandos traducerent. Domitianus Detractores urbe expulit, hanc vocem crebrò usurpans: Obrectatores  
*Alex. ab Alex.*  
*lib. 3. Gen: C.*  
*22.*

*Tympius in* res urbe expulit, hanc vocem crebrò usurpans: Obrectatores  
*spec. Mag. p. 1.* & Calumniatores, qui non castigat, irritat.  
*fig. 47.*

*Praxim* cavendi facere, & audire detractiones, porrigit  
*Cornel. à lap.* Cornelius à lap. supra illud Ecclesiastici: Sepi aures tuas spinis, &  
*comm. in Ec-* lingvam nequam noli audire, & ori tuo facito ostia & seras, ita dicens:  
*eli. c. 28.* Porro variæ sunt spinæ, praxes & modi, quibus aures sepiantur detractioni, illaque succidatur. *1mus*, Si apertè ei resistatur, & detractor increpetur, ut cùm audiens usurpet illud Christi: Nolite judicare, ut non judicemini. In quo enim iudicio judicaveritis, judicabimini: & in qua mensura mensi fueritis, remetietur vobis. Aut illud Pauli: Nolite ante tempus judicare. *2dus*, Si somnum inear, aut simulet. Ita Macheres, si quis verbum detractionis protuleret, illicò in somnum incidebat, ait Cals. *3tius*, Si alium sermonem inducat. Ita faciebat Thomas Morus Angliæ Cancellarius, vir sapientiâ & virtute celebris, qui audiens detractionem,

*Matth. 7.*  
*1. Cor. 4.*  
*Cassia: lib. 1.*  
*de Instit. re-*  
*monem inducat.* Itaque faciebat Thomas Morus Angliæ Cancellarius, vir sapientiâ & virtute celebris, qui audiens detractionem, sumpta



sumptâ aliunde occasione aliò colloquium divertebat. Exempli gratia inquit: Dicat quisque quod volet, ego dicam domum illam pulcherrimè exstructam, eumquè qui illam fabricavit excellentem in sua arte esse architectum. Ita Stapleton in ejus vita. Hinc gentiles Jovem in Creta pingebant sine auribus, ut hac effigie omnes, præsertim principes admonerentur, non oportere eos aures præbere delatoribus. Midas verò Rex asininis auribus deformabatur, quia & delatores circum se, & consultores, quos hodie auditores vocant, habebat parum ab asinis differentes. *4tus*, Si superior subditos detrahentes compescat & castiget. Ita S. Franciscus ait S. Bonaventura in ejus vita c. 8. § 1. suos castigabat, quin & habitu monastico spoliandos censebat. Detractionis enim vitium inimicum fonti pietatis & gratiæ, tanquam serpentinum abhorrebat morsum, & atrocissimam pestem, & piissimo DEO abominabile esse affirmabat, pro eo quod detractor animarum sanguine pascitur, quas gladio lingvæ necat. Et inferius: Tantò major est inquit detractorum impietas quàm latronum, quantò lex Christi, quæ in observantia pietatis impletur, magis animarum quàm corporum nos optat amare salutem. *5tus*, Si detractori velut cani, os proprium, quod rodat, puta vitium publicum quo laborat, auditor objiciat. Ita fecit Christus accusatoribus adulteræ: Qui inquit sine peccato est vestrùm, *Joann. 8. 7.* primus, in illam lapidem mittat: Sciebat enim illos ipsos adulteros. Sæpè enim fit, ut qui alios de vitio quopiam culpant, eodem laborent magis quàm illi quos culpant, aut certè justo DEI judicio in illud ipsum incidant. Cujus rei exemplum memorabile Machetis Abbatis recenset Casianus. Dicat ergò auditor detractori cum Christo: Quid vides festucam in oculo fratris tui, & tragem in oculo tuo non vides? Hypocrita, ejice primum tragem de oculo tuo, & tunc videbis ejicere festucam de oculo fratris tui. *6tus*, Detractor inquirat & succidat radicem detractionis. Origo enim, fons & radix judicii temerarii & detractionis est amor proprius, quo ut regamus vel minuamus vitia propria, judicamus & accusamus aliena. Quocirca omnis detractor propria mala non videns, arguit aliena. Ex adverso qui sui est inspector, proximi est laudator. Ita Pimenius Abbas apud Ruffin. lib. 3. Vit. SS. Patr. num. 133. rogatus: Quomodo potest vitare homo nè loquatur

Lib. 5. de Instit.  
renun. C. 30.

Matth. 7. 3.



malum de proximo suo? respondit: Ego & proximus meus due imagines sumus, cum ergo meam perspexero & reprehendero, invenitur imago fratris mei apud me venerabilis: quando autem meam laudavero, tunc fratris mei imaginem pravam respicio. Tunc ergo de alio non detractio, si semper me ipsum reprehendo. Et Joannes Abbas: Parvam, inquit, sarcinam dimisimus, id est, nos ipsos reprehendere, & gravem portare elegimus, id est, ut nos justificemus, & alios condemnemus.

Epist. 2. ad  
Rustic.

Præclare verò S. Hieronymus eorum excusationes excludit, qui se negant obrectatoribus aures claudere posse. Nequè verò, inquit, illa iusta excusatio est, referentibus aliis injuriam facere non possum. Nemo invito auditori libenter refert: sagitta in lapidem, nunquam figitur, interdum resiliens percutit dirigentem. Discat detractor, dum te videt non libenter audire, non facile detrabere. Cum detractoribus, ait Salomon, non miscearis, quia repente veniet perditio eorum, & ruinam utriusque quis novit? tam videlicet ejus, qui detrabit, quam illius qui aurem accommodat detrabenti. Denique S. Ambrosius lib. 4. Epist. 29. Floriano normam vitæ præscribens: De malo alieno, inquit, non coinquines os tuum, nunquam detrabe peccanti, sed condole: quod in aliis detrahis, in te potius pertimesce. Nunquam profectò detrahes, si te ipsum benè perspexeris. Tantum cura corrigere vitam suam, quantum perspicis alienam. Deinde ut virus linguæ nequam caveas, claude ostium, nè cum illa sermonem micideas, illique blandiaris, consentias, corrideas, applaudas, itaque ipse detrahas & maledicas. Quare ori tuo facito non unum, sed multa ostia & seras. Sicut enim civitas, domus, hortus, & vinea non tantum sepitur muro vel sepe contra incursus bestiarum, & hostium, sed etiam multis ostiis & seris obseratur, tum ut bestia, & hostes excludantur, tum ut domestici egredi nequeant, nisi ad nutum heri vel custodis, qui claves tenet: ita pariter ut animam intactam à maledica lingua serves, non tantum aures occludendæ sunt, sed & os obturandum, & clausurâ labiorum & dentium, puta obfirmatione animi ad silentium, nè interim tui sensus & cogitationes prurientes ad colloquendum, & proximi vitia narrandum, per os erumpant, hostemque puta maledica verba, intromittant. Ita obseravit os suum David dicens: Posui ori meo custodiam, cum consisteret peccator adversum me.

Psal. 38. 2.

Obmu-



Obmutui, & humiliatus sum, & filii. Verum, quia hæc custodia à nobis & viribus naturæ præstari nequit, sed est opus gratiæ DEI, hinc eandem instantèr invoca, dicens: *Pone Domine custodiam ori meo, & ostium circumstantiæ labiis meis*, puta ostium circumstans, claudens, custodiens labia mea.

Vide quoque supradicta, & hic ad eradicandum detractiōis vitium convenienti modo adhibe.

I. 2. tr. 4. l. C. 1.

Sec. 4. subf. 2.

§. 2. &amp; 3.

## § V.

## De Susurratione.

**S**usurratio est vitium, quo inter aliquos amicitia læditur, & illius intenditur separatio. D. Tho. 22. q. 74.

Contra Susurrationem. *Levit*: Non eris criminator, nec susurro in populo. *Prov*: Cum defecerint ligna extingvetur ignis, & susurrone subtrahito jurgia conquiescent. *Eccl*: Non appelleris susurro, & lingua tuâ nè capiaris, & confundaris. *Ibidem*: Susurratori odium, & inimicitia, & contumelia. *Eccl*: Susurro & bilinguis maledictus. Multos enim turbavit pacem habentes. Lingua tertia multos commovit, & dispersit illos de gente in gentem: civitates muratas divitum destruxit, & domos magnarum effodit. Virtutes populorum concidit, & gentes fortes dissolvit. Lingua tertia mulieres viratas ejecit, & privavit illas laboribus suis. Qui respicit illam, non habebit requiem, nec habebit amicum in quo requiescat. Flagelli plaga livorem facit: plaga autem lingvæ comminuet ossa. Multi ceciderunt in ore gladii, sed non sic quasi qui interierunt per linguam suam. Beatus qui tectus à lingua nequam, qui in iracundiam illius non transivit, & qui non attraxit jugum illius, & in vinculis ejus non est ligatus: jugum enim illius jugum ferreum est, & vinculum illius vinculum æreum est. Mors illius, mors nequissima, & utilis potius inferus quàm illa. Perseverantia illius non permanebit, sed obtinebit vias iniquorum: & in flamma sua non comburent justos. Qui relinquunt DEUM, incident in illam, & exardebit in illis, & non extingvetur, & immitteretur in illos quasi leo, & quasi pardus lædet illos. *S. Gregorius*: Omnes qui per discordiam separantur, à viriditate dilectionis arefiunt: qui etiam

Levit. C. 19.

Prov. 26.

Eccl. 5.

Ibidem.

Eccl. C. 28.

S. Gregor. part.

3. past. admon.



boni operis fructus in suis actionibus proferunt, profectò nulli sunt, quia non ex unitate charitatis oriuntur. Hinc autem pendant seminantes jurgia, quàm multipliciter peccent, qui dum unam nequitiam perpetrant, ab humanis cordibus cunctas simul virtutes eradicant. In uno enim malo, innumera peragunt, quia seminando discordiam, charitatem, quæ nimirum omnium virtutum mater est, extingunt, quia autem nihil pretiosius est DEO virtute dilectionis, nihil delectabilius diabolo extinctione charitatis. Quisquis ergo seminando jurgia dilectionem proximorum perimit, hosti DEI familiarius servit, quia quâ ille amisâ cecidit, hanc iste vulneratis cordibus subtrahens, eis iter ascensionis abscidit. *Doctor Angelicus*: Sufurratio majus est peccatum, quàm detractio, etiam quam contumelia: quia amicus (quem aufert susurro) est melior quam honor, & amari, quàm honorari, uti *Ethic. c. 8.* Philosophus dicit: *Et in Respons. ad 3. ait*: hoc peccatum (*Sufurbationis*) maximè contra DEUM est, quia DEUS dilectio est, ut dicitur *1. Joan. 4.* Et propter hoc dicitur *Prov. 6.* Sex sunt quæ odit Dominus, & septimum detestatur anima ejus: & hoc septimum ponit eum qui seminat inter fratres discordias.

*Circa Praxim execrandi, & cavendi Sufurbationem, proportiona-*

*1. 2. tra. 1. c. 1. t. è adhibe supra specificata.*

*sec. 4. subf. 2. §*

*2. & 3.*

## § VI.

### De Irrisione.

*S. Thom. 2. 2. 75.* **D**erisio est vitium, quo intenditur proximi erubescencia. Bifariam autem contingit. Imo quando irrissio fit ore, id est verbis & cachinnis. 2do quando fit alio modo v. g. naso rugato, tunc ejusmodi irrissio vocatur *Subsannatio*. Porro sicut per calumniam tollitur honor & fama, quæ proveniunt ex virtuoso opere: ita ad irrisionem per erubescenciam & confusionem propriam tollitur quædam securitas, quies, ac gloria, conscientia testimonium sibi perhibentis de sua virtute juxta illud Apostoli *2. Cor. 1.* Gloria nostra hæc est testimonium conscientia nostra. Derisio tamen est peccatum mortale dum quis alterius honorem per ludum contemnit, sicut contumeliosus honorem alterius seriosè spernit. Est què eò gravius peccatum, quò persona fuerit majori hono-



honore digna. Cæterum veniale est, si malum vel defectum personæ secundum se parvum in risum vel ludum accipit. Vel si persona est talis, quales sunt pueri & stulti, quorum defectus parum ponderare solemus.

*Contra Irrisionem. imo. Prov. Qui erudit derisorem, ipse injuriam sibi facit, & qui arguit impium, sibi maculam generat. Prov. c. 9. Prov: Qui annuit oculo, dabit dolorem: & stultus labiis verberatur. Quod Beda & Cajetanus explicant de irrisore, qui annuens oculis dat dolorem aliis, unde pariter & ipse labiis suis verberatur, dum propter labia sua irrisoria verbis & verberibus malè afficitur. Prov. Parata sunt derisoribus judicia: & mallei percutientes etiam stultorum corporibus. Unde Dionysius. Parata derisoribus veritatibus & æquitatis judicia: quoniam DEUS paratus est eos judicare & condemnare. Prov. Ejice derisorem & exibit cum eo jurgium, ces- Prov. c. 22. tabuntquè causæ & contumeliæ. S. Gregorius. Timendum est nè eti- S. Greg. lib. 25. am nobis cadentibus surgat, qui à nobis stantibus irridetur, quam- Moral. c. 8. vis stare jam non noverit, qui non stantem noverit irridere. 2do. Comes Geldriæ Ottho curforem cum literis Parisios miserat, cursu Cantip. lib. 2. perpeti rediturum: Quem redeuntem Comes Ottho interro- c. 53. par. 63. gans quæsit, si Regem Franciæ Ludovicum vidisset? At ille de Apibus. ubi more subfannantis contorsit collum: Vidi, inquit, vidi istum miserum papalardum Regem, caputium habentem capitis super scapulas. Hæc dicens faciem contorsit ex adverso, & sic facies contorta remansit toto tempore vitæ suæ.*

*In Praxi vitandæ irrisionis adhibe convenienter supra dicta.*

*I. 2. tra. 1. c. 2.*

*sect. 4. subs. 2.*

*§ 2. & 3.*

## § VII.

### De Maledictione.

**M**aledictio est vitium, quo optatur malum alteri, inquantum est malum, quasi ipsum malum intendens. Porro optare malum alterius sub ratione boni, sic licitum est: quia principalis intentio dicentis non fertur ad malum, sed ad bonum. Contingit autem aliquod malum dici imperando vel optando sub ratione duplici boni. Quandoquè quidem sub ratione justitiae: Et ita Ecclesia maledicit anathematizando: Quandoque dicitur malum sub ratione utilis, puta cum aliquis optat aliquem peccato- rem.

*D. Tho. 2. 2.*

*q. 76. a. 1.*



rem pati aliquam ægritudinem, aut aliquod impedimentum, vel ut ipse melior efficiatur, vel ut saltē ab aliorum nocumento cesset. Maledicere formaliter, & magnum imprecari malum, ex suo genere mortale vitium est: quia id repugnat charitati, quā diligimus proximum, volentes ipsius bonum. Et tantō gravius peccatum, quantō personam cui maledicimus, magis amare & revereri tenemur. Veniale autem peccatum Maledictio est, si vel malum quod imprecatur alteri, est ex se leve, vel fiat maledictio ex levi motu, aut ex ludo, aut ex surreptione aliqua: quia peccata verborum maximē ex affectu pensantur.

*Lev. c. 24.*

*Prov. 20. c.*

*Motiva contra Maledictionem.* *Imum: Levi:* Qui maledixerit Patri suo, aut Matri, moriatur. *Item: Qui maledixerit Patri suo, & (five) Matri, extingvetur lucerna ejus in mediis tenebris.* *Lucerna, id est, lumen rationis, honoris, famæ,*

*Ecc. 21.*

*Ecc. 4.*

*Prov. c. 3.*

*Ecc. c. 3.*

felicitationis præsentis, & quod majus est, lumen gratiæ DEI & gloriæ, ejusmodi maledictione deficiet: Ut maneat medius Cimmerias inter tenebras miseriæ ac calamitatis, & demūm projiciatur in tenebras exteriores: *Ecc.:* Dum maledicit impius calumniatorem, maledicit ipse animam suam. *Ecc.:* Maledicentis tibi in amaritudine animæ, exaudietur deprecatio illius, exaudiet autem eum, qui fecit illum. *Prov.:* Nē accuses servum ad Dominum suum, nē fortē maledicat tibi, & corruas. *Ecc.:* Benedictio Patris firmat domos filiorum: maledictio autem Matris eradicat fundamenta.)) Cham à Patre Noë maledictus, talis in omni sua Chanaanorum posteritate evasit. Sic & Ruben à Jacob ob incestum maledictus, talis extitit; Idem contigit Levi & Simeoni. Exemplum memorabile habet S. August. Civ. 8. de 10. prolibus à matre maledictis, qui mox horribili membrorum tremore percussi sunt, prout infra fusiùs refertur.

*S. Chrysost. for-*

*te hom. 49.*

*S. Greg. lib. 3.*

*Dial. c. 15.*

*S. Aug. de con-*

*fictu vitiorum*

*c. 9.*

*1. Cor. 6.*

*2dum: S. Chrysost:* Omnes averfantur maledicum, ut eum qui lutum redoleat, & hirundinem quæ tetra sanguine, & scarabeum, qui stercore, id est alienis malis aluntur. *S. Gregorius:* Neque maledici regnum DEI possidebunt. Pensa quā gravis est culpa quæ separat à regno cælestis vitæ. *S. August.* Quid flictu vitiorum de illis dicendum est, qui in furore cœcitatibus usque ad verba prorumpunt maledictionis, nisi hoc quod *Apostolus ait:* Neque maledici



ledici regnum DEI possidebunt. Et in Proverbiis: Maledictum Prover. 26.  
frustra prolatum in quempiam devolvetur. Interlinearis: In-  
proferentem. S. Ephrem: Verè beatus, iterumquè beatus ille est, S. Ephrem. de  
qui à deterrimo maledicendi genere se integrum custodierit, virt. & vit.  
quoniam Spiritus Sanctus in eo habitabit. Homo maledicus u- Tom. 1.  
troquè & odii & susurrationis morbo laborat. Et qui talis est,  
fratricida, & crudelis atquè immitis censetur. Quid hoc scele-  
re gravius?

atium. In Oratorio dum vir DEI Florentinus solus habi- S. Gregor.  
taret, simplicem ducens vitam, à DEO petiit, ut ei illic ad ha- Dial. lib. 3. C.  
bendum aliquid solatii largiretur, qui post orationem Oratorium is.  
egressus, ante fores ursum reperit stantem, nihil feritatis in suis  
moribus demonstrantem, & quia in eadem cella pecudes qua-  
tuor vel quinque remanserant relictæ à viro DEI Eutichio, ei-  
dem urso præcepit dicens: Vade & has oves ad pastum educ,  
ad sextam verò horam revertere. Cœpit hoc itaque indefi-  
nenter agere: cum vir DEI jejunare voluisset ad nonam horam,  
præcipiebat ursum cum ovibus reverti, cum verò noluisse ad  
sextam. Cum hoc diutius ageretur, cœpit longè tantæ vir-  
tutis fama increbrescere. Sed quatuor discipuli Eutichii inviden-  
tes, quòd eorum Magister signa non faceret, eundem ursum  
insidiantes occiderunt. Die verò altero perrexit vir DEI ad  
agrum, ursum pariter ovesquè quæsiturus, quem occisum re-  
perit, sed sollicitè inquirens, citius à quibus fuerat occisus in-  
venit, tunc sese in lamentum dedit, fratrum magis malitiam,  
quàm ursi mortem deplorans, quem Eutichius consolari studu-  
it, sed ille magno dolore accensus imprecatus est dicens: Spe-  
ro in Domino, quia in hac vita ante omnium oculos ex malitia  
vindictam recipient. Cujus vocem protinus ultio Divina secu-  
ta est. Nam illi quatuor elephantino morbo percussi sunt, ut  
membris putrescentibus interirent. Quod factum vir DEI Flo-  
rentinus expavit, sequè ita Fratribus maledixisse pertimuit, omni  
enim vitæ suæ tempore flebat. Aliud. B. August. scribit dicens: S. Aug. lib. 22.  
Unum est apud nos factum tam clarum atquè illustre miracu- de Civit. DEI  
lum, ut nullum arbitrer esse Hipponensium, qui hoc non vel C. 8.  
viderit, vel didicerit, nullum qui oblivisci ullâ ratione potuerit.



Decem quidam fratres fuerunt, quorum septem sunt mares, tres foeminae, de Caesarea Cappadociae suorum civium non ignobiles, recenti patris eorum obitu destitutae maledicto matris, quae injuriam sibi ab eis factam acerbissime tulit, tali poenâ sunt Divinitus coërciti, ut horribiliter quaterentur omnes tremore membrorum. In qua foedisima specie oculos suorum civium non ferentes, quaquaersum cuique ire visum est, toto penè vagabantur orbe Romano. Ex his etiam ad nos venerunt duo, Frater & Soror, Paulus & Palladia, multis aliis locis miseriam diffamante jam cogniti.

*1. 2. tra. 1. c.*

*In Praxi vitandae Maledictionis, & profligandae, observa propor-*

*1. Sec. 4. Substitutione supra specificata.*

*2. §. 2. & 3.*

### §. VIII.

#### De Fraudulentia in emptionibus, & venditionibus.

*D. Thom. 2. 2. q. 77. a. 1.*

**E**jusmodi fraudulentia committitur imò, si res carius vendatur, vel vilius ematur, quam in sui pretio digna est. Unde talis emptor, vel venditor, tenetur ad restitutionem. Considerato autem, quòd talis Venditor damnificetur ex venditione illius rei, unde Emptor multum juvatur, ita licebit ratione illius damni rem carius vendere, quam in se digna est. Sin verò Emptor multum juvatur, & Venditor non damnificatur, non licebit carius vendere: quia nemo vendere potest, quod suum non est, illa verò utilitas est ementis, non vendentis. 2do committitur dicta fraudulentia in venditione rei secundum triplicem defectum. Secundum defectum quoad speciem, dum una species pro altera specie, v. g. vinum aqua mistum pro puro vino, vitrum pro gemma venditur. 2. Secundum defectum quoad quantitatem, dum mensurae, pondera, deficiunt in debita sua proportionem. 3. Secundum defectum quoad qualitatem, dum v. g. equus infirmus vel piger pro sano aut veloce venditur. Potest autem nonnunquam venditor indemnitati suae consulendo, rei occultum vitium tacere, dummodò in damnum seu periculum non vertatur emptoris, praecipue si vitium sit occultum: ceterum ejusmodi fraudes scienter factae sunt illicitae, & tenen-

*Ibidem Art. 2.*

*Ibid. a. 3.*



tenentur ad restitutionem, ignoranter autem commissa, tum obligant ad restitutionem damni, postquam hoc ad notitiam venerit. Idem intelligendum de Emptore, contingit enim quandoque Venditorem credere, rem suam esse minus pretiosam, quantum ad speciem, sicut si aliquis vendat aurum loco auri chaldi, Emptor si id cognoscat, injustè emit, & ad restitutionem tenetur, & eadem ratio est de defectu quantitatis, & qualitatis.

*Contra dictam Fraudulentiam.* Prov: Statera dolosa abominatio est apud Dominum, & pondus æquum voluntas ejus. *Prov. C. II.*  
*Ibidem:* Statera & balances judicii Domino sunt (id est, propter Dominum sunt). Ille enim præcipit, ut æquo pondere & trutinâ justum unicuique tribuatur. Rursum, *Domino & Domini sunt:* hoc enim est; Dominus eorum æquitate & rectitudine delectatur. *Eccl. C. 5.*  
 runt tibi in die obductionis, & vindictæ. *Ezech: Qui dissolvit pactum (seu contractus) nunquid effugiet?* *S. August: Ille verò non solum Christianus est, sed & ipse Christus in illo habitavit, qui stateras dolosas & mensuras duplices velut gladium temporis diaboli pertimescit.* *S. Hieronymus: Manus assera thesaurum condere, fraudulentam linguam possidet.* *S. Hieron. Cap. 6. Michee.*  
 ter præcepta enumerat dicens: Nè fraudem feceris. *Apostolus: Quare non magis injuriam accipitis, quare non magis fraudem patimini? Sed vos injuriam facitis, & fraudatis, & hoc fratribus. An nescitis, quia iniqui regnum DEI non possidebunt?* *1. Cor. 6.*

*Ad Praxim detestandi & cavendi specificatam Fraudulentiam accipe proportionatè methodum juxta supra data.* *1. 2. tra. I. c. 1. Sec. 4 subf. 2. §. 2. & 3.*

## § IX.

## De Usura.

**U**Sura est lucrum immediate proveniens, ex mutuo, tanquam debitum ex justitia. Ubi lucrum intelligitur exactio rei ultra sortem seu summam mutuam, sive eadem res, sit ejusdem speciei cum sorte, sive alterius speciei, modò sit pretio æstimabilis. Deinde hic materia mutua supponitur res ulu consumptibilis, unde in reddendo mutuo, creditori, non tenetur debitor ean-



dem numero rem reddere, sed nonnisi specie v. g. non eandem numero pecuniam, vel vinum, sed specie eandem pecuniam, aut vinum. Dicitur: *tanquam debitum ex iustitia*. Quia si lucrum detur ex alia virtute, v. g. liberalitate, vel tanquam quid gratuitum, aut ex amicitia, sive etiam vi lucri, aut damni emergentis, uti ex hoc motivo nunc permittitur §. vel 6. à centum accipere, hoc lucrum non est usura.

Usura alia est *Realis*, includens pactum saltèm implicitum, reddendi aliquid supra sortem. Alia usura est *Mentalis*, dum mutuans intendit ex mutuo lucrum, quanquam hoc extrinsecus non aperiatur. Item alia usura est *Formalis*, quando aliquis re ipsâ mutuo tradit alteri rem. Alia usura est *Virtualis*, quæ importat mutuum implicitum & palliatum alio contractu.

Porro Usuram esse peccatum. Quia per illam accipitur pretium pro nihilo, v. g. pro consumptione seu *usu rei*, unde nomen usura, quæ consumptio quasi annihilatio quædam rei est. Unde non servatur æqualitas inter datum & acceptum, quod injustum ac illicitum est.

*Levit. 25.*

*Deuter. 23.*

*Luc. C. 6.*

*S. Chrys. hom.*

*12. in Matth.*

*C. 5.*

*S. Amb. Epist.*

*70. ad Vigil.*

*am.*

*Motiva ad fugam Usuræ.* *Primum Præceptum DEI:* Pecuniam non dabis fratri tuo ad usuram, & frugum abundantiam non exiges. *Et:* Fratri tuo absque usura commodabis id, quo indiget, ut benedicat tibi Dominus in omni opere tuo. *Præceptum Christi:* Mutuum date nihil inde sperantes, & erit merces vestra multa.

*2dum. S. Chrysost:* Pecunia usuraria similis est morsui aspidis. Percussus ab aspide quasi delectatus in somnum vadit, & per suavitatem soporis moritur: quia tunc venenum per omnia membra latenter decurrit, sic qui pecuniam sub usura accipit eo tempore quasi beneficium sentit, sed usura per omnes ejus facultates decurrit, & totum convertit in debitum, id est hominem cum substantia devorat. *S. Ambrosius:* Non dabis pecuniam tuam ad usuram, quoniam scriptum est, quod is qui pecuniam suam non dedit ad usuram, habitabit in tabernaculo DEI. Nam ille est supplantator, qui usurarum captat emolumenta. Itaque vir Christianus, si habet, det pecuniam quasi non recepturus



pturus, aut certè sortem quam dedit recepturus. Habet in ea non mediocrem usuram gratiæ. Alioquin decipere istud est, non subvenire. Quid enim durius quàm ut des pecuniam tuam non habenti, & ipse duplum exigas? qui simplum non habuit, unde solueret, quemadmodum duplum solvet? Exemplo nobis sit Tobias, qui nunquam requisivit pecuniam quam dederat, nisi in extremo vitæ suæ tempore, magis nè fraudaret heredem, quàm ut depositam pecuniam cogeret ac recuperaret. Populi sibi conciderunt fœnore, & ea publici exitii causa extitit. Unde nobis Sacerdotibus id præcipuè curæ sit, ut ea vitia rescemus, quæ in plurimos videntur serpere. *Idem: Spina usura est, spina centesima est: tribulus fœnus est, malè urit.* Quomodo ergo potes fructum habere de spinis? Si iste fructus de spinis non nascitur, illic nascitur æternus. De ærumnis ditaris, de lachrymis lucrum quæris, de fame alterius pascaris, de exuviis spoliatorum hominum cudis argentum, & judicas te divitem, qui stipem poscis à paupere? Sed audi quid dicat Salvator; Væ vobis divitibus, qui habetis consolationem vestram. *Idem: Potestis benedicti esse si velitis. Potestis iusti esse.* Homo enim iustus secundum Ezechielem, qui pignus debitori reddiderit, & pecuniam suam in usuram non dederit, & superabundantiam non acceperit, & ab injustitia averterit manum suam; iustus est, inquit, iste: vitâ vivet dicit Dominus: Qui autem pignus non reddidit, & in simulachra apposuit oculos suos, iniquitatem fecit, cum usura dedit, & superabundantiam accepit, hic vitâ non vivet: omnes iniquitates istas fecit, morte morietur: sanguis ejus super ipsum manet. Vide quomodo fœneratorem cum idololatria copulavit, quasi crimen æquaret. *Idem: Dives es, non sumas mutuum; pauper es, non sumas mutuum.* Dives es, nullam patris petendi necessitatem. Pauperes, considera soluendi difficultatem. Opulentia usuris minuitur: Paupertas usuris non levatur. Nunquam enim malum malo corrigitur, nec vulnus curatur vulnere, sed exasperatur ulcere. *S. August.* Quid dicam de usuris, quas etiam ipse leges & iudices reddi jubent? An crudelior est qui subtrahit aliquid vel eripit diviti, quàm qui trucidat pauperem fœnore? Hæc atque hujusmodi malè utique possidentur, &

*Idem in tractu  
de Tobia C. 14.*

*Ibid. C. 15.*

*Ibid. C. 21.*

*S. August. ad  
Maced. Epist.*

54.



vellem ut restituerentur. Sed non est, quo iudice reperantur.  
*Idem de verbis Idem.* Quod invenisti & non reddidisti, rapuisti. Qui alienum  
*Apost.* negat, si poruit, tollit.

*S. Bernard.* 3<sup>ium</sup>, *S. Bernardinus Senensis.* Legitur, inquit,  
*Serm. 43. art.* de usurario quodam, quod nocte quadam, post splen-  
*3. c. 5.* didam coenam cum dormiret in lecto cum uxore sua, subito  
 expergefactus exilierit de lecto: cum autem ab uxore sua quid  
 haberet, interrogaretur, ait: Modò raptus fui ante iudicium.  
 Dei, sunt opposita contra me, quod nec scivi, nec potui respondere:  
 cumquē fuerim diu ad poenitentiam expectatus, nec hucusquē  
 volui Divinis praeceptis & bonis inspirationibus obedire: audi-  
 vi nunc Iudicem contra me sententiam protulisse, mequē datum  
 audiui potestati dæmonum, qui me hodie ad æterna supplicia  
 asportare debeant. Quo dicto de pertica, vili veste assumptā  
 domum rapido cursu egressus est: quem sui hinc inde quæren-  
 tes in quodam monasterio Monachorum matutinum cantanti-  
 um invenerunt. Cunctis igitur eum ad poenitentiam inducen-  
 tibus, nec proficere valentibus, ratione, aut exhortatione, vel  
 precibus, custoditus est diligenter usquē ad sextam horam.  
 Denique cum ejus consanguinei domum illum reducere vel-  
 lent, & ad quendam fluvium, per cuius pontem transitori  
 rant, pervenirent: Viderunt navim quandam rapido cursu  
 ascendentem, à nullo, ut videbatur, conductam, sed ab usurario  
 plena dæmonibus visa est, qui, ut ait, ideò venirent, ut eum ad  
 æterna supplicia asportarent. Quo dicto statim violenter de  
 manibus eorum à dæmonibus rapitur, & in navem projicitur,  
 & cursu rapido retracta subito disparuit cum dæmonibus &  
*Nicolai Dīn-* præda præfata & navis. *Aliud.* Legitur in libro de septem donis,  
*despule.* quod Frater Wilhelmus Pictaviensis, minister Ordinis fratrum  
 Minorum, prædicavit in quâdam civitate, quod quidam frater  
 Ordinis sui, homo valde religiosus, vidit in quadam visione  
 hominem unum in medio flammarum prostratum, de cuius u-  
 tero procedebat arbor alta, in cuius ramis homines diversi, ma-  
 sculini & foemini sexûs, sursum pedibus, & capite deorsum  
 suspensi erant, qui omnes flammâ ab imo procedente diversi-  
 modè & acerrimè torquebantur. Sed ille, qui in fundo jace-  
 bat,



bat, super omnes alios maximè cruciabatur. Et cum ille frater, qui hæc audiebat, quæreretur à Ductore suo, quid hoc esset? respondit ei: Ille, qui jacet in imo, pater fuit, & principium generationis istorum omnium, & fuit pauper, & per usuras ascendit. Alii omnes sunt filii sui & nepotes, qui processerunt ab eo, in quibus ipse delectabatur, & torquentur, quia fuerunt imitatores sceleris paterni, & quia per usuras acquisita possederunt, nec restituerunt; Pater autem super omnes torquetur, vidento illos, qui per eum in hoc tormentum venerunt, & pro omnibus his poena ei cumulat.

*4um. Exempla Profana.* Romani 12, tabularum cave-  
runt, nè quis plus uncario fœnore fœneraret: mox tribunitiâ  
rogatione ad semiunciam fœnus redactum est, statim ad semis-  
sem, postea ad trientem; demum L. Semutius tribunus plebis  
tulit ad populum, nè omnino fœnerari liceret: paulatim ite-  
rum fœnus succrescens, Cæsar succidit. *Aliud.* Ex Catone Cen-  
sorio cum quispiam percontaretur, quid in re domestica maxi-  
mè expediret? respondit: Benè pascere, benè vestire, & benè  
agrum colere, & ille qui quæsierat: quid fœnerari? Cato,  
quid? hominem (inquit) occidere: Non minus igitur fœne-  
ratorem peccare censuit quàm homicidam.

*In Praxi abominandæ & cavendæ Usuræ adhibe convenienter* I. 2. tit. 1. C.  
*suprà notata.* I. Sec. 4. Subj.  
2. §. 2. & 3.

## SUBSECTIO V.

De actu justitiæ Commutativæ, qui est  
Judicium.

**I**udicium est actus justitiæ commutativæ, quo ex ejusdem motivo, pu-  
blica auctoritate, ad leges, & rectam rationem aliquid juris vel justitiæ  
secundum allegata & probata decernitur. Dicitur; Actus Justitiæ  
&c. Quia aliquid benè definire in operibus virtuosis propriè  
procedit ab habitu virtutis, sicut rectè castus determinat ea,  
quæ pertinent ad castitatem: Et ideo etiam recta determinatio  
justi, seu ejus quod est justum, pertinet ad justitiam. Unde Phi-  
los. Eth. 5. dicit, quod homines ad judicem confugiunt, sicut ad  
quan-

V. Beyerlinck

Cic. lib. 2.  
Offic.D. Thom. 2. 2.  
q. 60. a. 1.



*Ibid.* q. 60. quandam justitiam animatam. Porro Judicium ut sit actus justitiæ, tria ad hoc requiruntur: *1<sup>mo</sup>* quidem, ut procedat ex inclinatione justitiæ. *2<sup>do</sup>*, quod procedat ex autoritate præsentis. *3<sup>io</sup>*, quod proferatur secundum rectam rationem prudentiæ. Quodcunque autem horum defuerit, judicium erit vitiosum & illicitum. Uno quidem modo, quando est contra rectitudinem justitiæ. Et sic dicitur judicium perversum, vel injustum. Alio modo, quando homo judicat de his, in quibus non habet autoritatem: & sic dicitur judicium usurpatum. Tertio modo, quando deest certitudo rationis, puta cum aliquis de his judicat, quæ sunt dubia vel occulta propter aliquas leves conjecturas, & sic dicitur judicium suspiciosum, vel temerarium. ))

*S. Aug. de Civ. Dei lib. 16.* His adnecto *S. Augustinum* qui ait: Ignorantia iudiciiis plerumque est calamitas innocentis. )) Ratione publicæ autoritatis in iudice: quia sicut *D. Thomas* inquit: Iudex constituitur ut minister

*D. Thom. 1. 2. DEI.* Ude dicitur: *Quod justum est, judicate.* Et postea subdit: *Deuter. 1.* Quia *DEI* est judicium. Dicitur in definitione: *2<sup>dm</sup> allegata & In 2. ad Cor.* probata: quia ut *S. Ambrosius* ait: Iudicis non est sine accusatore, damnare, quia Dominus Judam licet fuisset fur, cum non esset accusatus, minime abiecit.

*Deuter. C. 25.* *Motiva* Sectandi justitiam in iudicio. *1<sup>um</sup>.* *Deut.* Si fuerit causa inter aliquos, & interpellaverint Iudices, quem justum esse perspexerint, illi justitiæ palmam dabunt, quem impium, condemnabunt, impieratis. Pro mensura peccati erit & plagarum modus. *Psalms.* Beati qui custodiunt iudicium, & faciunt

*Psalms. 105.* justitiam in omni tempore. *Sap. 1.* Diligite justitiam, qui iudicatis terram. *Eccles. 7.* Noli querere fieri iudex, nisi valeas virtute irrumpere iniquitates, ne forte extimescas faciem potentis, & ponas scandalum in agilitate tua. *Prov. 16.* Justitiâ firmatur solium.

*Prov. C. 29.* *Prov.* Rex justus erigit terram, vir avarus destruet eam.

*Petrus Raven.* *2<sup>dm</sup>.* *Petrus Ravennat.* Nihil adeo gloriosius lucet in iudice, sicut amare & exhibere justitiam sine omni acceptione personarum, teste enim *Cicerone*: Exiit personam iudicis, quisquis amicum induit. Equitas cui iudex obsequitur, sinistram odii, vel amoris dexteram nescit. Nam talis debet esse juris minister, ut in ejus manu nullius autoritate personæ titubet, aut vacillet libra justitiæ.

*3<sup>rium</sup>:*



rectum: Exemplum DEI, de quo Psalmista: Justus Dominus & justitias dilexit, æquitatem vidit vultus ejus. Et: Justus es Domine: & rectum judicium tuum. Exemplum Christi: de quo Iſaias: Non secundum visionem oculorum judicabit, neque secundum auditum aurium arguet; sed judicabit in justitiâ pauperes, & arguet in æquitate pro mansuetis terræ.) Præclarum è multis hic afferre libet Exemplum Magni Mori Angliæ Cancellarii. Cùm enim gener ejus injustam litem coram se institueret, monuit ipsum, ut ab ea desisteret. Quod cùm non faceret, contra eum expedite tulit sententiam. Aliud ejus in tribunalibus innocentie argumentum hoc fuit, insignicum lepore mixtum. Quidam cui sis cum vidua quadam intercesserat, cùm Thoma judice, causâ cecidisset, calumniatus est post prolatam sententiam, Morum ab adversaria poculum aureum accepisse. Res ad Regis aures pervenerat. Juberur in diem certum adesse vidua. Eâ præfente, coram multis nobilissimis viris rogat Cancellarium Rex, an poculo aureo ab illa vidua remuneratus fuisset. Faterur Morus. Hoc cùm indignius Rex ferre videretur, orat Morus, ut interrogetur Matriona, quid porro de poculo factum sit, respondit illa, Cancellarium hilari quidem vultu, promptâ manu scyphum accepisse, & magnas egisse gratias, convocatâque familiâ, magnificis verbis donum prædicasse, verum postulato vino ipsi hilariter præbibisse, simulque poculum reddidisse. Indignatus Rex ob rem tam futilem se interpellari, objurgatos delatores facessere jussit. Luculentum & hoc ejus in re judiciaria specimen extitit. Est tribunal illud Londini supremum, cui præsidebat Morus, ita causis & litibus prægravatum, ut vix unquam fiat, quin innumeræ controversiæ pendeant non decise. Certè Moro Magistratum hunc in eunte viginti faciliè causæ injudicatæ hærebant. Ille verò tam dextrè & feliciter hoc munus gessit, ut (quod antea nec deinceps unquam visum) semel tribunal de more conscendens, & lite quâdam expedita sequentem proferri jubens, responsum accepit, nullam illic amplius causam superesse. DEO igitur gratis actis, quod negotiosissimum illud tribunal semel vacaret, latus surrexit, & jussit in acta referri. Porro quantum

Psalm. 10.

Psalm. 118.

Isa. c. 11.

P. Michael

Perrensfelder

Conc. Histor.

Historia 114.



abhorreret à rebus iniquè partis familiari verbo ostendebat: cum diceret: *Qui cum DEI offensa bona mundi vel acquirit, vel conservat, certissimè sibi persvadeat illa bona nunquam ei bona futura, nam vel citò DEUS male parva auferet, vel ad majus malum conservari permittet.* Inter Ethnicos quoque Principes ac Judices non defue-

*Vincentius* runt, qui insigni justitiæ laude florerent. In quibus fuit Tra-  
*Belluac. Spec.* janus Imperator, qui profecturus ad bellum, cum equum jam  
*hisor. lib. 10.* conscendisset, vidua quædam occurrit altâ voce inclamans: Fi-  
*ca. 46.* lius meus ô Cæsar te regnante interfectus est: Mox apprehen-  
 so pede illius dixit: Obsecro Domine, ut cum eum mihi  
 reddere non valeas, sanguinem saltè ejus vindicare velis. E-  
 go, ait ille, satisfaciam tibi cum rediero. Quid si non redieris?  
 Iubjungit illa, quis mihi iudicium præstabit? Successor meus,  
 respondet Imperator. At illa: Quando hoc sciam? quod etsi  
 facturus est, quid tibi proderit, si alius benefecerit? Successor  
 tuus injuriam patientibus, vel passuris, pro se tenebitur, te non  
 liberabit à justitia aliena, nonnè melius tibi sit, si tu justiti-  
 am mihi administres, & pro hoc mercedem à Diis recipias, quam  
 alteri causam transmittas? Movit Imperatorem pietas, & equo  
 descendens causam viduæ diligenter examinavit, eamque con-

*Timpius* dignâ satisfactione consolatus est. Aliud. Totila Gothorum  
*Spec.* Princ. Rex homo cæteroquin barbarus, æquitate judicandi præcelluit.  
*Sig. X. c. II.* Fortè accesserat ad eum Calaber quidam, incusaverat à Satellitio  
*Sigonius* ad regem quendam filia suæ per vim oppressæ. Totila statim ho-  
*annum* §43. minem in vincula dat, debitas poenas sumpturus. Remoran-  
*Baron. ad an-* tur sententiam milites miseratione, an cupidine paris licentiæ  
*nam* §47. §42. tacti, agmine facto adeunt Regem, petuntque dimitti, ac do-  
*§43. §46.* nari sibi commilitonem notâ virtute ac fortitudine clarum.  
 Totila auditos acri oratione castigat, & altâ voce ingeminans:  
*Non feram, inquit, non feram, justitiæ vim fieri, vos si ferre vultis, me*  
*auferte.* Ecce corpus & pectus, aut per am ego, aut perdam malos.  
 Quibus verbis moti sunt militum animi, & iudicium Regi per-  
 miserunt, qui stupratorem è carcere eductum gladio feriri jus-  
 sit, damnatque fortunas viciatæ tanquam in dotem addixit. ))  
 Visus est DEUS hanc utriusque Principis justitiæ laudem re-  
 munerari, nam & Trajanus toto Oriente victor, se Romanum præ-



prædicabat Alexandrum: Torila verò exercitu non amplius quinque millium è Gothis non semel cæsis collecto, collatis signis Romanos Duces superavit, Italiam & Siciliam in potestatem redegit. Neapolim & Romam ipsam coepit.

*Circa Praxim servandæ justitiæ in judicio adhibe proportionatè* 1. 2. tra. 1. c.  
*suprà dicta.* 1. Sec. 2. Subs.

4. §. 2.

## SUBSECTIO VI.

### De Competitoribus Judicii.

Post Judicem ejusmodi sunt Accusator, Reus, Testes, Advocatus.

#### §. I.

**A**ccusator juxta Isidorum quasi Adcausator, qui ad causam (id est lib. 8. Orig. ad respondendum coram Judice) vocat eum, quem appellat, seu insinuat deliquisse. Porro Accusatio talis, si fiat ex motivo justitiæ, erit actus justitiæ; si ex motivo Correctionis fraternæ, juxta illud Christi: *Dic Ecclesiæ*, erit actus charitatis & misericordiae. Matth. 18.

#### §. II.

**R**eus ille est, cujus delictum denuncietur Judici. Unde, si in veritate culpabilis est, & agnoscit, fateaturquè se peccasse, exercet actum Humilitatis; tum justitiæ Legalis, in cujus gratiam tenetur publico bono privatum suum postponere; insuper & vitam propter illam profundere, dum alias Communitati malum imminet: jam verò Reus, maxime qui se æstimat difficile corrigi posse, nisi poenis urgeatur, est publicum malum Communitatis. Igitur ob bonum commune Reus fatens culpam suam, paratus ad subeundam justitiæ poenam, exercet actum justitiæ Legalis.

#### §. III.

**T**estis, quasi tenens statum causæ in judicio, concurrat, juxta Matth. 18. Christi doctrinam, ad opus Correctionis fraternæ, dum privatum non emendatum & delatum ad judicium, suis testimoniis culpam



*Prov. c. 14.* culpam delati confirmat. Deinde liberat animam testis fidelis, qui est actus Misericordiæ. Vel testimonium prolatum ex motivo justitiæ, erit quoque ipsius actus.

## §. IV.

**A**dvocatus, qui propriè vocatur Patronus Causarum, si hæc iustæ sint, quid aliud quam justitiæ defensorem ejusmodi Causidicus agit? Tum insuper multiplex opus Misericordiæ exercet, ut manifestum est. *S. Gregorius* inquit: Justus Advocatus à nullo injustas causas accipit, nec verba dare pro injustitiâ sustinet.

*I 2. tra. 1. In Praxi servandi justitiam à Competitoribus Judicii, applicentur c. 1. Sec. 4. convenienter supra specificata. Subf. 2. §. 2. & 3.*

## SUBSECTIO VII.

## De Injustitia Judicis, Accusatorum, Rei, Testium, Advocatorum.

## §. I.

**I**njustitia Judicis imò committitur quoad substantiam judicii, dum scilicet non decernit id, quod aliquem concernit. *2do.* Quoad modum, dum format processum judicii non juxta leges, vel allegata, & probata &c.

*Exod. 23.* Motiva vitandi injustitiam Judicii, imò. *Exod:* Non sequeris turbam ad faciendum malum: nec in judicio plurimorum acquiesces sententiæ, ut à veritate devies. *Pauperis* quoque non misereberis in judicio. *Eccle:* Judex sapiens judicabit populum suum, & principatus sensati stabilis erit. Secundum Judicem populi, sic & ministri ejus: & qualis rector civitatis, tales & habitantes in ea. *Dent:* Maledictus, qui pervertit judicium advenæ, pupilli, & viduæ. *Prov:* Et qui justificat impium, & qui condemnat justum, abominabilis est uterque apud DEUM. *Esa:* Væ! qui justificatis impium pro muneribus, & justitiam justii aufertis ab eo. *Idem:* Væ! qui condunt leges iniquas,



iniquas, & scribentes injustitiam scripserunt: ut opprimerent in judicio pauperes, & vim facerent causæ humilium populi mei, ut essent viduæ præda eorum, & pupillos eorum diriperent. Quid facietis in die visitationis & calamitatis de longè venientis? ad cujus confugietis auxilium? *Amos: Quoniam* *Amos 6.* convertistis in amaritudinem judicium, & fructum justitiæ in absinthium, qui lætaminini in nihilo: Ecce ego suscitabo super vos domus Israël, dicit Dominus exercituum, gentem, & conterent vos. *2dum. S. Gregorius:* Judicare digna de subditis *S. Gregor. in* nequeunt, qui in subditorum causis vel odium, vel gratiam se- *Moral.* quantur. *S. Bernardus:* Quid faciet de injustis judiciis, qui *S. Bern. in* ipsas quoque justitias judicabit, qui cuique merita recitabit? *Epist.* Veniet, inquam, veniet Dominus judicii, ubi plùs valebunt pura corda, quàm astuta verba: conscientia bona, quàm marsupia plena: ibi judex non falletur verbis, nec flectetur donis. *S. S. Isid. de* *Isid.* Gravius lacerantur pauperes à pravis judicibus, quàm à summo bono *summo bono* *lib. 3.* *Idem:* Qui enim consanguinitatis, vel amicitiae favore, sive inimicitiarum odio judicium pervertunt, sinè dubio in Christum, qui est veritas, & justitia, peccare noscuntur. *S. Bernardus:* Non parvi te reum *S. Bern. de* peccati existimes, si facies peccatorum sumis, & non potius *Consid. lib. 2.* causas judicas meritorum. Est enim vitium, cujus si te immu- *ad Eugen. Pon-* nem sentis, inter omnes quos novi, ex his qui cathedras ascen- *tif.* derunt, sedebis me iudice solitarius; quia veraciter singulariter- què levâsti te, super te. Hujus callidissimæ vulpeculæ magnorum neminem comperi satis cavisse versutias. *3tiùm. Camby-* *Faber in ant.* *Thom. 2. 2. q.* *Them. 5. in se-* *sto S. Barthol.* tes Rex Persarum, iudici iniquo, & muneribus corrupto, pel- *lem detrahi,* & iudicium tribunali insterni jussit, ut vel hujus *exempli severitate moti,* justius judicarent.

## S. II,

**I**njusta omnis redditur *Accusatio*, vel per calumniam falsa crimina imponendo, vel per prævaricationem, fraudem scilicet *D. Thom. 2. 2. q.* in accusatione adhibendo, vel per tergiversationem, omnino *68. a. 3.*



Prov. c. 22. videlicet ab accusatione desistendo.)) Prov: Qui calumniatur pauperem, ut augeat divitias suas, dabit ipse ditiori, & egebit.

## §. III.

S. Thom. 2. 2.  
q. 69.

**I**njustitiam Reus committit, si justè requisitus, veritatem, quam confiteri tenetur, tacet, vel falsitatem dicit, vel quoquo modo mentitur. Deinde si injustè appellat, ut remoretur decretum. Denique si justè condemnatus sese defendit. Quia quoad unum. Cum Iudex habeat jus, ut Reus ipsi obediat manifestando veritatem, hoc Jus à Reo læditur per inobedientiam, occultando veritatem. Quoad 2dum. Quia facit injuriam Judici, cujus officium impedit, & adversario, cujus justitiam, quantum potest, perturbat. Quoad 3tium. Quia defendendo se, dum potestati resistit, DEI ordinationi resistit, qui potestatem instituit ad vindictam malefactorum, laudem verò bonorum. S. Ambrosius: Mitigat Judicem pudor Reorum, excitat autem pertinacia negantium.

S. Amb. de Ca.  
in & Abel.

## §. IV:

**I**njustitia Testium in judicio trifariam committitur, vel occultando veritatem, nè alter liberetur: vel dicendo falsum testimonium, ut alter condemnetur, aut etiam liberetur.

Exod. 20.

Mandatum DEI grave. Exod: Non loqueris contra

Prov. 21.

proximum tuum, falsum testimonium. Prov: Testis mendax

Origenes super  
per Levit.

peribit. Origenes: Si quis ea, quæ videt in proximi sui delicto, vel non indicat, vel in testimonium vocatus, non quæ vera sunt, dixerit, peccatum, quod commisit ille, qui celat, ipse suscipiet, & poena commisi revertitur ad conscientiam.

Daniel. 3.

Falsi Testes Susannam adulterii insimulant, mendacii au-

Plutarch. in

tem convicti lapidati sunt. Pericles amico roganti, ut pro se

Apoph.

falsum testimonium diceret, se quidem Amicum esse dixit, sed usque ad Aras,

## § V.

D. Thom. q. 71.

**A**dvocatus delinquit, dum pauperum causas (si scilicet eis aliter occurri non potest) minime defendit, aut causam injustam defendendam suscipit.

Advo-



Advocatus quidam multarum causarum iniquarum patronus effectus, post mortem absque lingua repertus est, iusto DEI iudicio, quo effectum, ut linguam perdiderit moriens, quam vivens toties vendiderat.

*Circa Praxim cavendi in iustitiam in iudicio ab ejusdem competitoribus, servantur supra notata hic proportionato modo applicata.*

*Cæsar lib.*

*VII. hist. c. 46.*

*I. 2. tra. 1.*

*c. 1. Sec. 4.*

*Subj. 2. §. 2.*

*et 3.*

## SUBSECTIO VIII.

### De Actu Justitiæ Commutativæ, qui est Restitutio.

**R**estitutio, est actus justitiæ commutativæ, quo iteratò aliquis statuitur in possessionem, vel dominium rei, vel honoris, vel fame sue, formaliter, sive æquivalenter, vel alio possibili modo. Ratio est; quia ad eandem virtutem pertinet illatum jus alienum servare, & latum reparare. Deinde si res seu bonum utile restituendum est, multò magis id verum de bono honesto, qualis est honor, & bona fama, multò enim pretiosius hoc bonum, utpotè proprium naturæ rationalis præ illo, quod etiam est commune cum brutis, æstimatur, adeoque magis in jure istius quàm illius homo læditur.

*V. D. Thom. 2.*

*2. q. 62. a. 1. et 2.*

*2.*

*Motiva* ad faciendam Restitutionem sunt hæc. *mum.* Apostolus monet, dicens: Reddite omnibus debita. *edum. D. Rom. 13.* Augustinus ait: Si res aliena, propter quam peccatum est, reddi possit, & non redditur; poenitentia non agitur, sed simulatur. *Epist. ad Maced. ced. 14. 9. 6.* Si autem veraciter agitur, non remittitur peccatum, nisi restituatur ablatum, si (ut dixi) restitui potest. *Orig. super Levit.* Origenes: Multi sine peccato putant esse, si alienum, quod invenerint, teneant, & dicunt: DEUS mihi dedit, cui habeo reddere? Discant ergo, peccatum hoc esse, simile rapinæ, si quid inventum non reddant. *3. tum.* Ratio ex S. Thoma est: quia Restitutio est actus justitiæ commutativæ, jam verò conservare justitiam, est de necessitate salutis. Ergo & restituere, quod injustè ablatum est, est de necessitate salutis. Ratio ex eodem S. Doctore *ibid. Ar. 2. et 1.* ulterior

*D. Thom. 2.*

*2. q. 62. a. 2.*

*ibid. Ar. 2. et 1.*



ulterior est. Quia præceptum de restitutione faciendâ, quamvis secundum formam sit affirmativum, implicat tamen in se negativum præceptum, quo prohibemur rem alterius detinere. Atqui præceptum negativum obligat pro semper. Ergo & restituere, obligat pro semper, nisi adsit impossibilitas.

*Collector specul. Exempl.*

*atum.* Quidam demoniacus ductus erat ad quendam S. Virum, qui præcepit demoni, ut exiret, & nomen suum diceret: Nos (ait ille) sumus tres, qui habitamus in isto homine, & ego vocor claudens cor, & officium meum est, cor peccatoris claudere, quod non possit habere contritionem: si verò contritionem habuerit, tunc frater meus, qui hic moratur, vocatur claudens os, qui laborat ad hoc, ut homo non possit confiteri. Sed si confitetur & convertitur, tunc tertius frater meus, qui hic moratur, vocatur claudens burlam, nè pecunia deficiat, & incidat in paupertatem, qui laborat ad hoc, ut non satisfaciat restituendo ablata, & injustè acquisita. Et ille plures nobis omnibus acquirit, quia licet conteruntur quandoquè & confitentur, tamen rarò vel nunquam omnia plenè restituunt, & sic seipsos damnant, quia peccatum non dimittitur, nisi res ablata restitu-

*Collector specul. Exempl.*

*atur. Aliud.* Puer quidam oblitus restituere exiguum accommodatum, atrocissimè igne purgatorii torquebatur, donec per restitutionem factam liberatus est. *Aliud.* Religiosus quidam, apud P. Majorum, quos Conversos vocant, ob Naulum medii denarii haud solutum, minimè potuit venire ad requiem æternam, quousquè idem pretium persolveretur. *Aliud.* In Teutonicis partibus

*Cæsaribus lib. 2. c. 35.*

*Damianus Epist. ad Dominicum c. 8.*

Comes quidam dives ac præpotens, sed (quod in illo ordine hominum prodigium est) bonæ opinionis, & innocentis vitæ, prout humanum de ejus æstimatione erat judicium, ante decennium verò defunctus est. Post cujus obitum quidam Religiosus vir per Spiritum ad inferna descendit, præfatumquè Comitum in supremo gradu cujusdam scalæ positum vidit. Aiebat namquè: quia scala inter stridentes & crepitantes ulticis incendii flammæ videbatur erecta, atquè ad suscipiendos omnes, qui ex ejus Comitum Genealogia descenderent, constituta. Erat autem tartarum immanè & infinitè patens, atquè in profunda diversum, unde scala producta surgebat. Hoc igitur ordine

succe-



succedenti uni sibi series texebatur, ut cum quis eorum novus accederet, primum interim scalæ teneret gradum: is autem, qui illic repertus erat, aliquē omnes ad proximorum sibi graduum ima descenderent. Cumquē alii atquē ex eodem genere homines post carnis opera ad præfatam scalam per temporum intervalla confluerent, alii protinus cedentes, inevitabilis necessitate iudicii ad inferiora inigrabant. Planē cum vir, qui hæc contemplabatur, causam huius horrendæ damnationis inquireret, & præsertim, cur ille Comes sui temporis puniretur, qui tam iustē, tam honestē, tamquē decenter vixisset, audit, quia propter quandam prædii possessionem Metensis Ecclesiæ, quam Beato Stephano proavus ejus abstulerat, cui videlicet jam iste decimus in hereditate successit, omnes isti non diverso supplicio deputati sunt: Et sicut eos ad peccandum non dispar avaritiæ culpa conjunxit: ita nihilominus ad perfendas atroces poenas incendi, commune supplicium copulavit.

Quoad Præxim Restitutionis universaliter sciendum est juxta D. Thomam: Non modò qui aliena rapuerunt, sed qui etiam, V. D. Thom. 2. injustæ acceptionis aliquo modo causa fuerunt, restituere tenentur: quanquam ipsi non acceperint: idquē ei cujus fuit res accepta, & quidem absquē dilatione, nisi hæc obtineatur ab injuriato. Restitutio autem debet fieri vel formaliter reddendo eandem rem acceptam; & sic in fama, fatendo se falsum dixisse; si diffamavit falsò & injustē: aut fatendo se malè dixisse sive injustè diffamasse, si verum crimen contra ordinem, tamen debitum revelaverit, exhibendo reverentiam ei, quem læsit in honore. Vel si formaliter restitutio fieri nequit, debet fieri æquivalenter, v. g. pro equo ablato æquivalens pecunia danda: Aut si nec æquivalenter potest, tum alio modo, quo possibile est, facienda est restitutio, ut pro mutilato membro, pecuniâ, vel honore reddendum: consideratâ conditione utriusquē personæ, secundum arbitrium boni & prudentis viri. Sed de his plura enucleatius Moralis Theologia agit.

Ad Præxim faciendi Restitutionem valent quoquē suprà notata, 1. 2. tra. 7. c. 1. hic convenienti methò applicata.

Sec. 4. Subs. 2.

§. 2.



## SECTIO V.

De Justitiæ Partibus Potentialibus, & earum  
Oppositis.

D. Thom. 2. 2.  
q. 80. 4. 1.

**D**icendum, quòd in Virtutibus, quæ adjunguntur alicui principali Virtuti, duo sunt consideranda. *1<sup>mo</sup>* quidem, quòd virtutes illæ in aliquo cum principali virtute contineantur. *2<sup>do</sup>*, quòd in aliquo deficiant à perfecta ratione ipsius. Quia verò justitia ad alterum est, omnes virtutes, quæ ad alterum sunt, possunt ratione convenientiæ, justitiæ annecti. Ratio verò justitiæ consistit in hoc, quòd alteri reddatur, quod ei debetur secundum æqualitatem. Dupliciter ergo aliqua virtus ad alterum existens à ratione justitiæ deficit. Uno quidem modo, inquantum deficit à ratione æqualis. Alio modo inquantum deficit à ratione debiti. Sunt enim quædam virtutes, quæ debitum quidem alteri reddunt, sed non possunt reddere æquale. Et *1<sup>mo</sup>* quidem, quidquid ab homine DEO redditur, debitum est, non tamen potest esse æquale, ut scilicet tantum ei homo reddat, quantum debet, secundum illud Psalm. 115: Quid retribuam Domino pro omnibus, quæ retribuit mihi? *In f. 4. ante* Et secundum hoc, adjungitur justitiæ Religio, quæ, ut dicit Tullius in lib. 2. de iis: Superioris ejusdem naturæ (quam Divinam vocant) cum Invent. lib. 8. ram, ceremoniamquæ vel cultum affert. *2<sup>do</sup>*. Parentibus non cap. 6. Tom. 5. potest secundum æqualitatem recompensari, quod eis debetur, ut patet in Philos. in 8. Ethic: Et sic adjungitur justitiæ Pietas, Lib. 2. de In- per quam, ut Tullius dicit: Sangvine junctis patriæquæ benevo- vent. in f. 4. lis, officium & diligens tribuitur cultus. *3<sup>io</sup>* Non potest se- Lib. 4. c. 3. cundum æquale præmium recompensari ab homine virtus, ut Tom. 5. patet per Philosophum in 4. Ethic: Et sic adjungitur justitiæ Lib. 2. de In- Observantia, per quam, ut Tullius dicit: Homines aliquâ digni- vent. f. 4. antetate antecedentes quodam cultu & honore dignantur. A ra- finem l. tione verò debiti justitiæ defectus potest attendi, secundum, quod est duplex debitum, scilicet Morale, & Legale. Unde & Lib. 8. c. 13. Philos. in 8. Ethic, secundum hoc duplex justum assignat. De- bitum



bitum quidem Legale est, ad quod reddendum aliquis lege adstringitur. Et tale debitum propriè attendit iustitia, quæ est principalis virtus. Debitum autem Morale est, quod aliquis debet ex honestate virtutis. Et quia debitum necessitatem importat, idè tale debitum habet duplicem gradum. Quoddam enim est sic necessarium, ut sine eo honestas morum conservari non possit. Et hoc habet plus de ratione debiti. Et potest hoc debitum attendi ex parte ipsius debentis: & sic ad hoc debitum pertinet, quod homo talem se exhibeat alteri in verbis, & in factis, qualis est. Et ita adjungitur iustitiæ Veritas, per quam, ut Tullius dicit: immutata sunt ea, quæ sunt, aut fuerunt, aut futura sunt. Potest etiam attendi ex parte ejus, cui debetur, prout scilicet aliquis compensat alicui secundum ea, quæ fecit. Quandoquè quidem in bonis, & sic adjungitur iustitiæ Gratia, in qua, ut Tullius dicit, amicitiarum & officiorum alterius memoria, remunerandi voluntas continetur alterius. Quandoquè autem in malis, & sic adjungitur iustitiæ Vindictio, per quam, ut Tullius dicit, vis aut injuria, & omnino quidquid obscurum est, defendendo, aut ulciscendo propulsatur. Aliud verò debitum est necessarium, sicut conferens ad majorem honestatem, sine quo tamen honestas conservari potest. Quod quidem debitum attendit Liberalitas, Affabilitas, sive Amicitia, aut alia hujusmodi, quæ Tullius prætermittit in prædicta enumeratione, quia parum habent de debiti ratione. *Hæc*  
D. Thomas.

*Ibidem.**Ibidem.**Ibidem.*

## SUBSECTIO I.

## De Religione.

**R**eligio, est dicta à religando hominem, DEO tanquam summo & V. D. Thom. 2. indeficienti nostro Principio, ad quem etiam nostra electio semper 2. q. 81. dirigi debet, sicut in ultimum finem. Definitur autem esse virtus, quâ homo DEO debitum cultum vel exhibendo aliquid ei, vel assumendo aliquid Divinum, ad protestationem ipsius summe excellentiæ, & nostræ ad eum subjectionis & dependentiæ, facit in ordine ad præstandam ipsius Divinæ Majestati reverentiam, honorem, & gloriam.



## Gradus Religionis ex Formula aurea de grad. Virt. S. Bona-

ventura c. 21. quorum graduum aliqui supponunt actus elicitos proprios Virtutis Religionis, alii imperatos à Virtute Religionis actus cæterarum Virtutum, quæ spectant ad perfectionem status Religiosi. Itaque

Ordo gradu-  
um Religionis.

I.

Religionis altus gradus est, cognoscere omnia impedi-  
menta Religionis, & ea odisse, sicut est orium, dissolutio, mala  
societas, curiositas, & nimia libertas. Altior est, cognoscere  
omnia incitamenta Religionis, & ea desiderare, ut est maturi-  
tas, solitudo, taciturnitas, bona societas, bona exempla. Altis-  
simus, studiosè exercitare se in omnibus, quæ pertinent ad Re-  
ligionem, ut sunt virtutes, & opera virtuosa.

II.

Item altus gradus est, diligenter servare omnia præcepta  
Religionis. Altior, servare omnia vota Religionis, non solum  
maxima, sed & minima. Qui enim minima negligit, paula-  
tim decidet. Altissimus, imitari optimos in Religione, & ipsis  
se conformare.

III.

Item altus gradus est, relinquere res temporales. Altior,  
relinquere omnes amicos, tam carnales, quàm spirituales.  
Altissimus, relinquere proprium sensum, & propriam volun-  
tatem.

IV.

Item altus gradus est, servare Religionem, & amare Re-  
ligionem, propter poenam vitandam, quæ debetur irreligiosis.  
Altior, propter spem in præcedenti, & gloriam in futuro, quæ  
debetur Religiosis. Altissimus, amare Religionem purè pro-  
pter DEUM.

V.

Item altus gradus est, semper niti ad proprios defectus  
videndos, qui semper pullulant. Altior, niti semper ad crescen-  
dum in virtutibus, & spiritualibus donis, ad conformandum se  
Divinis moribus. Altissimus, semper dolere, quod non potest  
omnes defectus devincere, nec semper exercere virtutes. In  
multis his gradibus fuit Christus.

Eccl. c. 1.

Motiva ad fervens exercitium Religionis. *ymum.* Eccl:  
Religiositas custodiet & justificabit cor, jucunditatem atquè  
gaudium dabit. *Prov:* Initium sapientiæ timor Domini. Vel  
secundùm 70: *Interp:* Pietas Domini, & Religio.

Eccl. 1.



2<sup>dam</sup>. Religio est virtutum moralium excellentissima; quia Doctore Angelico ea, quæ sunt ad finem, sortiuntur bonitatem ex ordine in finem. Et ideo, quanto sunt fini propinquiora, tanto sunt meliora. Virtutes autem morales sunt circa ea, quæ ordinantur in DEUM, sicut in finem. Religio autem magis de propinquo accedit ad DEUM, quam aliæ Virtutes morales, inquantum operatur ea, quæ directè & immediatè ordinantur in honorem Divinum. Et ideo Religio præminet inter alias Virtutes morales. )) S. Ambrosius: Religio præponit Divina humanis, perpetua temporalibus. S. Ambr. super Divina. Lactantius: Apparet per Levit. nullam aliam spem vitæ homini esse propositam, nisi ut abjectis vanitatibus, & errore miserabili, DEUM cognoscat, & DEO ferviat, nisi huic temporali renunciet vitæ, ac se rudimentis iustitiæ ad cultum veræ Religionis instituat. Hac enim conditione gignimur, ut generanti nos DEO iusta & debita obsequia præbeamus: hunc solum noverimus, hunc sequamur. Hoc vinculo pietatis obstricti DEO & religati sumus, unde ipsa Religio nomen accepit. Idem: Religio & timor DEI solus est, qui custodit hominum inter se societatem. Idem lib. de ira c. 12. Livius: Omnia prospera eveniunt colentibus DEUM, adversa spernentibus. Livius lib. 5. Cicero: Diligentiori Urbem Religione, quam ipsis moenibus cingitis. Cicero lib. 3. de nat. Deor.

3<sup>iam</sup>. Felix successus Israelitici populi sub Iudicibus, tum Regni David, Ezechia, Josia, maxime provenire videbatur ex solerti cultu veri DEI. Uti & Magnum Constantinum, Magnum Theodosium, Magnum Carolum, aliosque Imperatores Orbis, Reges, Principes, quid cælo terræque extulit? nisi magnus zelus promovendi Religionem veram, cultumque Numinis summi. Sufficiat nunc, aliquid fusiùs dixisse de religiositate Magni Constantini. Quod hic Orientis atque Occidentis Dominitor ac Rector Constantinus, octavo post susceptum baptismate, contulerit se ad aream in ædificanda Basilica Apostolorum Petri & Pauli, depositoque diademate, & humi procumbens, vim lachrymarum profuderit, mox sumpto ligone & bidente terram eruerit, indeque duodecim terræ cophinis, honoris duodecim Apostolorum causâ, ablatis, locum Ecclesiæ designavit.



Brev. Rom. 18. Novem. Quid quod testamento mandavit, ut corpus defuncti in limine basilicæ à se conditæ humaretur? Hinc à S. Chrysostomo hom. 60. ad populum. Janitor Piscatoris appellatur. De zelo autem disseminandæ Religionis Catholicæ, quæ lingua, quis calamus saris disertus reperiatur? Christi Crucifixi cultum ac venerationem in libris Evangelicis, quos emendatissimè describi curavit, in statuis, quas posuit, in lampadibus, in ære, argento, & auro omnium oculis objecit & commendavit. Superato Maxentio Tyranno, nec in laudes acclamantis populi Romani, nec in plausu tantæ urbis animos laxavit, nequè suæ virtuti rem gestam, sed Divino muneri attribuit. Imagines ubi Senatus triumphanti erexit, vexillum Dominicæ Crucis in dextera sua jussit depingi, & subter adscribi: *In hoc signo singulari, quod est veræ virtutis insigne, Urbem Romam, Senatunque, & populum Romanum, jugo Tyrannicæ dominationis ereptum, pristina libertati, nobilitatiquè restituit Constantinus.* Euseb. lib. 9. Niceph. c. 30. Idem Imperator non contentus, militum suorum vestibus & armis signum crucis inferuisse, etiam in moneta effigiari voluit dextram præferentem globum aureum cruce signatum, ut inter manus vendentium & ementium versaretur salutis nostræ pretium: & quemadmodum pecuniæ obediunt omnia: sic ipsa obediret DEO, charumquè inciperet esse mortalibus, invisum nuper & infame mortis instrumentum. Liberalitatem verò ac munificentiam, quâ piissimus Imperator tot per orbem templa Christianis excitavit, tot Sacerdotia fundavit, tantum ornamentorum, tantum suppellectilis ex argento, auro, gemmis in ædes sacras, sacrorumquè ministros contulit, quis vel cursim memorando explicet? Jam quantâ reverentiâ & observantiâ in Pontifices, Præsules, Sacerdotes ferebatur? Cùm fortè aliquot altercationum libellos accepisset ab Episcopis, in consilio Nicæno congregatis, nequaquam eos legit, sed combussit; Nam Sacerdotum, aiebat, vitia non sunt populo aperienda, nè is inde causâ offendi- culi acceptâ, licenter peccare aggrediatur. Idem dicebat: Si Sacerdotem flagitiosè aliquid patrantem cerneret, se purpurâ eum suâ contexturum. Theodoret. lib. 1. c. 11. Quid mirum igitur, Imperatorem hunc æquè ab Ethnicis quàm Christianis celebra- tum,



tum, Cælitum ordinibus adscriptum esse? Gentiles quidem imaginem ejus in curru triumphali quatuor equis candidis juncto in nubes intulerunt, è quibus manus portandi visa, quæ ipsum ad immortalitatem invitabat. *Causin.* Christiani verò vigesimum primum mensis Martii diem ejus honori dedicaverunt. Fulgos. lib. 8. c. 16. Aliud. Adstet magno Imperatori magnus in Religione Comes, Morus Angliæ Cancellarius. Hic matrimonio junctus, sacellum domesticum instruxit, eiquè ap- paratum sacrificalem liberaliter ex auro, argentoquè addidit. Quotidianum precum pensum ita habebat defixum, strenuèquè observabat, ut à Rege ipso Henrico 8. accersitus, cum fortè sacris assisteret, & iterum ac tertio vocaretur, venire noluerit, nisi re Divinâ peractâ: urgentibus mandatum respondit: *Majori prius Domino obsequium præstandum esse.* Jam Cancellarius lineo amiculo indutus, ministrabat ad Aram operanti, quin etiam eodem cultu Crucem in publica supplicatione præferebat, eoquè nomine reprehensus à Duce Nortfoliæ, Magno Regni Thesaurario, Davidis ante arcam tripudiantis exemplum ei objecit. Vesperis domesticis in aulam ædium convocatis preces præire, & mensam sacrarum lectione literarum anagnosten agente filiâ condire solebat. Maximum damnum ex incendio perpes- sus, consolans suam consortem literis, tandem ad eam conclu- dit, scribens: *Rogo itaque, bono sis animo, & omnem tecum familiam duc ad templum, DEOquè gratias age, tam de his, quæ nobis donavit, quam quæ nunc abstulit, & quæ etiamnum reliquit.* Facile DEO est, si ei sic visum augere nondum ablata. Quodsi plura velit auferre, sicut Domino placuerit: ita fiat. Unde Regum Sapientissimus ait: *Miserericordia, & veritas custodiunt Regem.* Ubi *S. Athanasius* ad Imperat. Constantium: Orthodoxam Religionem, veriquè DEI cultum intelligit. Non exercitus, non thesauri, non præsidia, firmiorem custodiam addunt Regibus, quàm conservatio pietatis avitæ. Hinc lauri & triumphi, hinc repugnantium salus, & Regnorum propagationes ac felicitates innumeræ.

atum. Romanus Senatus, inquit Marcus Varro, ita magni Religionem fecit, ut quotiescunque à Magistratu coactus ille esset, hoc ipsum, quod ad Religionem pertineret, primò pro-

V. Pexenfel-  
der Hist. Con-  
cion. hist. 114.

Prov. 20.

V. Pexenfel-  
der Hist. Conc.  
historia 75.

pro-



proponeretur; nullaquæ quanquam gravior causa, vel quæ celeritatem requireret, morem hunc anteverteret.

*Praxis* circa virtutem Religionis est. *1mo*, Excitare in se pios motus, actus, & affectus in eadem, aliaquæ proportionatè agere, secundum suprà dicta. *2do*, Exercere se in actibus interioribus & exterioribus Religionis, tum elicitis, tum imperatis. Sunt autem interni actus Devotio, & Oratio. Externi. *1mo*, Adoratio, per quam aliquis suum corpus ad DEUM venerandum exhibet. *2do*, Illi actus, quibus aliquid de rebus exterioribus DEO offertur; ut sunt Sacrificium, Oblationes, Primitiæ, Decimæ, Vota. *3to*, Actus illi, quibus ea, quæ DEI sunt, assumuntur, nempe Sacramentum aliquod, vel ipsum Nomen Divinum per Juramentum, Adjurationem, Invocationem ad Orandum vel Laudandum. De quibus omnibus in sequentibus agendum.

## §. I.

De actu Religionis interiori, qui est Devotio.

**D**evotio, alia est *generalis*, quæ scilicet in omni virtute reperiri debet, de qua suprà inter perfectiones virtutis sub actu virtutis in genere. Alia *specialis*, pertinet ad Religionem; Estque actus Religionis, faciens voluntatem promptam & paratam ad exequenda, quæcunque ad DEI cultum concurrunt.

*Eccl. 6. 35.*

*Ibidem.*

*Corn. in Eccl. 6. 35.*

*Luc. 21. 4.*

*Motiva* ad studium Devotionis. *1um*. *Eccl.* Oblatio justî (adeoque devoti) impingvat altare, & odor suavitatis est in conspectu Altissimi. *Item*: In omni dato hilarem fac vultum tuum, & in exultatione sanctifica decimas tuas. Unde *Cornel. a Lap.* inquit: Multum virtuti & Sanctitati æquè ac oblationi addit hilaritas animi. Hæc enim facit, ut opus sit speciosius, intensius, melius & perfectius, ac hilaritate quasi saccharo conditum. Et paulò post: Hilaritas enim est bonæ & devotæ voluntatis signum ait *Lyran.* adeoque ipsa est decor & flos virtutis: longè enim magis decorum est opus misericordiæ, obedienciæ, patientiæ, humilitatis, &c. quod fit hilariter, quàm quod fit animo tristi, adeoque tardo & torpido. Unde vidua hilariter



riter offerens duo minuta plus cæteris, plura offerentibus judicata est obtulisse à Christo. *Apostolus*: Hilarem datorem diligat DEUS. *2dum. S. Prosper*: Cum bonum facis, hilariter fac, *S. Prosp. Ser.* si enim tristis facis, magis de te fit, quam facis. *S. August.* Sin2. panem dederis tristis, & panem & meritum perdidisti. *Idem S. Aug. in Psal.* docet justum delinquere, dum in beneficentia ei subrepat tædium, obfuscans hilaritatem, ob quam DEUS diligit datorem. *Idem lib. de 2tium. S. Bernardus* præmonet: Quantum potest, laborat ad perfectam justitiam. *S. Bern. Sermon.* versarius noster, ut holocaustum nostrum devotionis pinguedine vacuetur, & ut minus acceptum sit DEO, & conscientia nostra in Spirituali gaudio minus exhilaretur: si quid de pusillanimitate tolerantia, etiam conscientia pusillanimitas generetur. Cujus astutias non ignorantes, tota obsecro adversus eum solitudine vigilemus. *4tum* Læticia est devotionis effectus. *Ita S. Thomas*: Dicendum, quod devotio per se quidem & principaliter læticiam mentis causat: ex consequenti autem & per accidens causat tristitiam. *2. q. 82. a. 4.* Dictum est enim, quod devotio ex duplici consideratione procedit. Principaliter quidem, ex consideratione Divinae bonitatis: quia ista consideratio pertinet quasi ad terminum motus voluntatis, tradentis se DEO. Et ex ista consideratione per se quidem sequitur delectatio, secundum illud *Psalm. 76*: *Memor fui DEI, & delectatus sum.* Sed per accidens hæc consideratio tristitiam quandam causat in his, qui nondum planè DEO fruuntur, secundum illud *Psalm. 41*: Sitivit anima mea ad DEUM fontem vivum, & postea sequitur: Fuerunt mihi lachrymæ meæ &c. *Secundario* verò causatur devotio, ut dictum est *Art. præcedenti*, ex consideratione priorum defectuum. Nam hæc consideratio pertinet ad terminum, à quo homo per motum voluntatis devotæ recedit, scilicet ut in se non existat, sed DEO se subdat. Hæc autem consideratio è converso se habet ad primam. Nam per se quidem nata est tristitiam causare: recogitando proprios defectus. Per accidens autem læticiam, scilicet propter spem divinae subventionis. Et sic patet, quod ad devotionem primò & per se consequitur delectatio: Secundario autem, & per accidens, tristitia, quæ est secundum DEUM. *S. Hieronymus*: Non solum



*S. Hieron. ineffusio sanguinis in confessione reputatur, sed devotæ quoque  
vita S. Paulæ mentis servitus immaculata quotidianum martyrium est. Illa  
Rom. corona de rosis & violis. ista de liliis. etiam. Imitare DEUM*

corona de rosis & violis, ista de liliis. *stum.* Imitare DEUM, qui omnia ab æterno disposita, in tempore tum propter suam gloriam, tum propter nostrum bonum in instanti celerrimè facit, idquè cum summo gaudio, hilaritate, & amore erga nos.

*6rum. Imitare Christum: hic, quàm promptus fuerit ad offerendum se in sacrificium DEO Patri, in Ara Crucis pro salute nostra insinuat, cum, ut bibat calicem passionis, resignat se Pa-*

Matth. 26. tri, dicens: *Fiat voluntas tua.* Quæ verba, quod ex summo fervore charitatis, devotionis, promptitudinis processerint, signum est ille sudor sanguineus, dispulsus ab amore summâ vi à corde per totum corpus ad extra usquè, largissimè & effusissimè prorumpens. *7<sup>timum.</sup>* Imitare Beatissimam Virginem, quæ

agnitâ voluntate DEI, de ineffabili mysterio Incarnationis Filii  
DEI in suo purissimo utero, mox promptissimè annuit, dicens:

*Luc. 7. Ecce ancilla Domini, fiat mihi secundum verbum tuum. 8vum. Imitare Sanctos, S. Job de seipso dicentem: Si negavi, quod volebant,*

*pauperibus: & oculos viduæ expectare feci. Unde S. Gregorius inquit: Petentem Viduam expectare noluit, ut non solum ex munere, sed ex celeritate quoquè muneris bonorum operum merita-*

*Exod. 35.* augeret. )) *Exod:* legitur, quòd multitudo filiorum Israel obtulit mente promptissimâ atquè devotâ primitias Domino. *S.*

*Ambrosius* promptitudinem devotionis declarat exemplo Abraham Patriarchæ, dicens: Abraham filium suum ad holocaustum justus offerre, non post dies, ut Cain, obtulit, sed exurgens manè,

*Genes. 22. v. 9.* traxit asinam &c. Et: Cucurrit & accepit vitulum unum te-  
nerum & bonum, & dedit puero, & festinavit facere cibum, u-

bique impigra devotio, & ideo fuit munus ejus acceptum. Mox subjicit exemplum devoti Zachæi: Festinans descendit, & accepit illum (Christum) gaudens. Et ideo probavit Domi-

nus ejus affectum, & eum celeri remuneratione donavit, dicens: quia hodie salus domui huic facta est. Festinavit enim & Dominus ad beneficium, & ideo non expectavit, ut promitteret.

& impleret omnia, sed antè fecit, postea declaravit. Dixit enim, facta est salus, quod utique prævenienti servit, non promittenti.

Fraxio

Praxis



*Praxis circa studium Devotionis.* 1<sup>mo</sup>. Tollere impedimenta Devotionis, ut Acediam; de qua suprà: tum Consolationum *1. 2. tra. 2. c.* culas carnis, impeditivas gaudii Spiritualis; & ex illo resultantis *3. sec. 7. §. 2.* devotionis seu hilaritatis & promptitudinis in omni opere bono, potissimum cultu Divino. 2<sup>do</sup>. Juxta D. Bernardum: *Quatuor esse dicuntur, quæ nostræ gratiam devotionis adaugent. Memoria sententiis, peccatorum, quæ hominem reddit humilem apud se. Recordatio poenarum, quæ illum sollicitat ad bene agendum. Consideratio peregrinationis, quæ illum hortatur, visibilia debere contemnere. Desiderium vitæ perennis, quæ hominem incitat ad profectum, cogit eum à terrenis affectibus voluntatis mutatione suspendi.* Porro Doctor Angelicus proxima *S. Thom. 2. 2. mam causam devotionis assignat dilectionem, quæ comparatur q. 82. a. 3. ex consideratione Divinæ bonitatis & beneficiorum. 3<sup>to</sup>. Cum juxta eundem Doctorem DEUS causa sit extrinseca devotionis, ideo cum Psalmista ad eum identidem orandum: Expandi manus meas ad Te, anima mea sicut terra sine aqua Tibi, velociter exaudi me, Domine: defecit Spiritus meus. Et: Sicut adipe & pinguedine repleatur anima mea, & labiis exultationis laudabit os meum. 4<sup>to</sup>. Cognitâ voluntate DEI circa aliquid agendum, vel omittendum, ingemina cum Regio Propheta: Paratum cor meum DEUS, Psalm. 107. paratum cor meum.*

Vide quoque suprà dicta, & hic proportionata Methodo in Praxim applica. *1. 2. tra. 1. c. 1. sec. 4. subs. 2. §. 2.*

## §. II.

## De actu Religionis interiori, qui est Oratio.

**O**ratio, est actus Religionis, quo DEUM homo reveretur, quatenus se D. Thom. 2. 2. ei subicit, & proficitur orando, se eo indigere, sicut Authore suorum q. 83. a. 3. bonorum. Oratio communiter & latius accepta, sumitur pro omnibus suis partibus, quæ tamen strictè sumpta est, aliquid aliud præter suas partes, quales enumerat Apostolus 1. Timot. 2. & sequuntur. Nam Oratio, est ascensus mentis seu intellectus in DEUM. Postulatio, seu petitio, est, dum aliquid petitur à DEO determinatè, dum verò indeterminatè, ut si quis petit juvari à DEO, vocatur Supplicatio; sive solum factum narratur, secundum



cundum illud Joan. 11: Ecce quem amas infirmatur; vocatur *Insmuatio*. *Obsecratio*, quæ est ratio impetrandi ex parte DEI, est quæ per sacra contestatio, sicut dum dicimus, per Nativitatem Tuam libera nos Domine. Vel, ut Daniel, qui oravit: Propter Temetipsum inclina DEUS meus aurem tuam. Sicut etiam in Collectis Ecclesiæ ponitur in fine: Per Dominum nostrum &c. pertinet ad Obsecrationem. *Gratiarum actio*, quæ est ratio impetrandi ex parte petentis, quia de acceptis beneficiis gratias agentes, meremur accipere potiora.

S. Thom. 2.  
2. q. 83. 4. 12.  
in corp.

Oratio, alia est *Vocalis*, quæ nempe verbis profertur. Eaque est vel communis, vel singularis. *Communis* quidem Oratio est, quæ per Ministros Ecclesiæ in persona totius fidelis populi DEO offertur. Et ideo oportet, quod talis Oratio innotescat toti populo, pro quo offertur: quod non posset fieri, nisi esset Vocalis. Et ideo rationabiliter institutum est, ut Ministri Ecclesiæ huiusmodi Orationes etiam altâ voce pronuncient, ut ad notitiam omnium possint pervenire. *Oratio verò singularis* est, quæ offertur à singulari persona cujuscunque, sive pro se, sive pro aliis orantis. Et de huiusmodi Orationis necessitate non est, quod sit Vocalis. Adjungitur tamen vox tali orationi triplici ratione. *Imò* quidem, ad excitandum interiorem devotionem, quâ mens orantis elevetur in DEUM: quia per exteriora signa, sive vocum, sive etiam aliquorum factorum, movetur mens hominis, & secundum apprehensionem, & per consequens secundum affectionem. Unde S. Augustinus dicit ad Pro-

S. Aug. Epist.  
121. c. 9. circa  
princ. To. 2.

bam: Quod verbis & aliis signis ad augendum desiderium Sanctum, nos ipsos acrius excitamus. Et ideo in singulari Oratione tantum est vocibus & huiusmodi signis utendum, quantum proficit ad excitandum interius mentem: Si verò mens per hoc distrahatur, vel qualitercunque impediatur, est à talibus cessandum. Quod præcipue contingit in his, quorum mens sine huiusmodi signis est sufficienter ad devotionem parata. Unde Psalm 29. dicebat: Tibi dixit cor meum: exquisivit te facies mea. Et de Anna legitur 1. Reg. 1, quod loquebatur in corde suo. *2do*. Adjungitur Vocalis Oratio, quasi ad redditionem debiti, ut scilicet homo DEO serviat secundum illud totum,



rum, quod ex DEO habet, id est, non solum mente, sed etiam corpore. Quod præcipue competit orationi, secundum quod est satisfactoria. Unde dicitur Osee ultimo: Omnem aufer iniquitatem, & accipe bonum, & reddemus vitulos labiorum nostrorum. 3<sup>ti</sup> d. Adjungitur Vocalis Oratio, ex quadam redundantia ab anima in corpus, ex vehementi affectione, secundum illud Psalm. 15: Lætatum est cor meum, & exultavit lingua mea.

Alia Oratio est *Mentalis*, nempe dum sine verbis voceque solâ mente fit. Eaquæ strictè sumitur, quatenus constat solis partibus Orationis, nempe, oratione, postulatione, obsecratione, gratiarum actione, vel laxè etiam accipitur, pro omni sacra meditatione, ordinata ad mentis elevationem in DEUM, vel Divina. Alia Oratio est *Mixta*, ex Vocali & Mentali; dum ebulliens Spiritus fervore sanctorum desideriorum, ea modò gemitibus, suspiriisque devotis, modò voce, verbisque prolatis, modò dulci cantu, per moras silentium suæ animæ internum (quod omni voce ineffabilius resonat) identidem pandit.

*Conditiones Orationis sunt.* 1<sup>ma</sup>. Ut determinatè petantur illa bona, quibus nemo malè uti potest, qualia continentur in petitionibus Orationis Dominicæ. Illa verò bona, quibus homo malè vel benè uti potest, quales sunt v. g. honores, divitiæ, &c. in suum finem, & cum resignatione in Divinam voluntatem petenda sunt, vel inquantum ad sufficientiam statûs sui proportionatè conveniunt. Unde D. Thomas, citans S. Augustinum, dicit: Hoc licet orare, quod licet desiderare. Tempora-  
lia autem licet desiderare, non quidem principaliter, ut in eis finem constituamus, sed sicut quædam adminicula, quibus adjutamur ad tendendum in beatitudinem: inquantum scilicet per ea vita corporalis sustentatur: & inquantum nobis organicè deserviunt ad actus Virtutum. Ut etiam Philos. dicit in 1. Ethic. Et ideo pro temporalibus licet orare. Et hoc est, quod S. Augustinus dicit ad Probam: quòd sufficientiam vitæ non indecenter vult, quisquis eam vult, & non amplius: quæ quidem non appetitur propter se ipsam, sed propter salutem corporis, & congruentem habitum personæ hominis, ut non sit inconveniens

V. D. Thom.

2. 2. q. 83. a. 5.  
& 6.

D. Thom. 2.

2. q. 183. a. 6.

S. Aug. Epist.

121. c. 12. to. 2.

Lib. 1. Ethic.

c. 8. ad fin. to. 3.

S. Aug. Epist.

121. c. 6. to. 2.

circa med.



eis, cum quibus vivendum est. Ita ergo cum habentur, ut teneantur, cum non habentur, ut habeantur, orandum est.

*2da Conditio Orationis est, quod debeat esse Attenta: hæc vero attentio per ordinem ad triplicem effectum orationis explicatur. Itaque unus effectus orationis communis omnibus actibus, charitate informatis, quod est mereri. Et ad hunc effectum non ex necessitate requiritur, quod attentio adsit orationi per totum: sed vis primæ intentionis, quâ aliquis ad orandum accedit, reddit totam orationem meritoriam, sicut in aliis meritorii actibus accidit. 2dus autem effectus orationis est ei proprius, quod est impetrare. Et ad hunc etiam effectum sufficit prima intentio, quam DEUS principaliter attendit. Si autem prima intentio desit, oratio nec meritoria est, nec impetrativa. Illam enim orationem DEUS non audit, cui ille, qui orat, non intendit; ut Gregorius dicit. 3tius autem effectus orationis est, quem præsentialiter efficit, scilicet, quædam spiritualis resectio mentis. Et ad hoc de necessitate requiritur in oratione attentio, ut dicitur 1. Cor. 14: Si orem lingvâ, mens mea sine fructu est. Sciendum tamen, quod triplex est Attentio, quæ orationi vocali potest adhiberi; una quidem, quâ attenditur ad verba, nè aliquis in eis erraret: 2da, quâ attenditur ad sensum verborum. 3tia, quâ attenditur ad finem orationis, scilicet, ad DEUM, & ad rem, pro qua oratur, quæ quidem est maximè necessaria. Et hanc etiam possunt habere Idiotæ. Et quandoquæ intantum abundat hæc intentio, quâ mens fertur in DEUM, ut etiam omnium aliorum mens obliviscatur: sicut dicit Hugo de S. Victore. ))*

*In lib. de modo orandi c. 2. Marchantius ad tertium genus attentionis reducit attentionem March. Hort. ad Christum, vel ejus mysteria, aliquid horum inter orandum considerando; & dicit: Hæc quoque optima attentio est, quandoquidem & Ecclesia in memoriam passionis Christi preces suas ordinet. Sic optimè attendit ad Sacrificium, & Orationes ibi oblatas, qui sibi Christum Crucifixum repræsentat, aut redemptionis aliquod mysterium cogitatione volvit, cum tota illa actio, Redemptionis & Crucis, sit rememoratio, & quædam renovatio. Hæc, quotiescunque feceritis, in mei commemorationem*

*1. Cor. II,*

*facie-*



facietis. Similiter & Horarum lectio septempliciter distincta, varias Christi patientis horas repræsentat, juxta illud:

*Matutina ligat Christum, qui crimina solvit.*

*Prima replet sputis, causam dat Tertia mortis.*

*Sexta Cruci nectit pectus, sed Nona bipertit.*

*Vespera deponit tumulo: Completa reponit.*

Optimum ergo erit has persolvendo (cum debita tamen verborum pronuntiatione) aspicere in JESUM, & hunc Crucifixum, sicut & in omnibus aliis precibus. Quapropter non solum ad diem judicii, sed etiam ad totum tempus Ecclesiæ referri potest illud: *Effundam super domum David, & super habitatores Jerusalem, Spiritum gratiæ, & precum, & adspicient ad me, quem confixerunt, & plangent planctu, quasi super Unigenitum.* Sed nequē sine mysterio est, quod ibidem additur de diversis familiis plorantibus: Familix & familiæ seorsum, & mulieres eorum seorsum, familiæ domus David seorsum, & mulieres eorum seorsum, &c. Significatur enim diversi generis, ordinis, conditionis, statûs, congregationes, in memoriam Christi Crucifixi preces offerre debere, & pios gemitus. Et cum dicitur, quod seorsum viri plangent, seorsum mulieres, id maximè verificatur in tot monasteriis virorum, & mulierum; quæ toto orbe, nocte diequē mentem elevant ad vulnera Crucifixi cum gemitu, & suspiriis. Patet ergo ex his omnibus, non solum sufficientem esse hanc attentionem, dum oramus: sed & omnibus commendandam & inculcandam, doctis & indoctis, utpotè quæ & literatis & idiotis communis esse possit, & maximè fructuosa. Nec impertinens est, quælibet enim in eo fundatur oratio: quia quidquid petimus, petere debemus meritis Crucifixi, & omne nostrum obsequium debet offerri Christo Crucifixo. Opportunè quoquē hoc modo distractiones propelluntur, dum cor nostrum, cordi Christi patientis firmiter jungimus, ut aliorum non distuat. Ad illius autem cor nobis accessus patet per latum illud ostium lateris, per sacram illam januam pietatis, apertam omnibus. Possunt & alia Mysteria ad eundem finem considerari. Unde Thomas à Kempis loquens iis, qui in Claustro preces persolvunt,

Zach. 12. 10.



Thom. à Kemp. vult, sic dicebat: Chorus est DEI, & Sanctorum Angelorum lib. 8. de discip. locus sacratiss; sicut Angeli in cælo, sic Ministri ordinati sunt in choro. Opus Angelorum est, DEUM semper laudare; Opus Religiosorum est intentâ mente psallere, & orare. Sic sta in choro, & canta, quasi in medio Angelorum stares. Recor-

Claustr.

dare dilecti Domini tui in præsepio jacentis, aut in cruce pendentis, aut in cælo ad dexteram Patris sedentis, tanquam coram assisteres & cantares. )) Hec Marchantius.

1. 2. tra. 1. c.

Vide quoque supra dicta, & hic convenienter adhibe de memoria

1. Sec. 4. Subs. Præsentie DEI.

1. §. 3.

Oppositum Attentionis est Evagatio mentis: Inculpabilis una, Culpabilis altera. De Inculpabili hæc affert S. Thomas: Dicendum, quod in Spiritu & veritate orat, qui ex instinctu Spiritus ad orandum accedit, etiamsi ex aliqua infirmitate mens postmodum evagetur. Item dicendum, quod mens humana,

1. 2. 3.

propter infirmitatem naturæ, diu stare in alto non potest. Pondere enim infirmitatis humanæ deprimitur anima ad inferiora. Et ideo contingit, quod, quando mens orantis ascendit in DEUM per contemplationem, subito evagetur ex quadam infirmitate. Culpabilis autem est, si quis ex proposito in Oratione mente evagetur: hoc enim peccatum est, & impedit Orationis

fructum. Et contra hoc Augustinus dicit in Regula: Psalmis & hymnis cum oratis DEUM, hoc versetur in corde, quod profertur in ore. Evagatio verò mentis, quæ sit præter pro-

In serm. de orando Deum. verò debilitatus à peccato, fixè nequis orare, quantumcunque potes, te ipsum cohibeas, & DEUS ignoscit, eo quod non ex negligentia, sed ex fragilitate non potes, ut oportet, assistere coram eo.

3. Regula to. 1. & hymnis cum oratis DEUM, hoc versetur in corde, quod profertur in ore. Evagatio verò mentis, quæ sit præter pro-

positum, orationis fructum non tollit. Unde Basiliius dicit: Si verò debilitatus à peccato, fixè nequis orare, quantumcunque potes, te ipsum cohibeas, & DEUS ignoscit, eo quod non ex negligentia, sed ex fragilitate non potes, ut oportet, assistere coram eo.

3. Regula to. 1. & hymnis cum oratis DEUM, hoc versetur in corde, quod profertur in ore. Evagatio verò mentis, quæ sit præter pro-

positum, orationis fructum non tollit. Unde Basiliius dicit: Si verò debilitatus à peccato, fixè nequis orare, quantumcunque potes, te ipsum cohibeas, & DEUS ignoscit, eo quod non ex negligentia, sed ex fragilitate non potes, ut oportet, assistere coram eo.

3. Regula to. 1. & hymnis cum oratis DEUM, hoc versetur in corde, quod profertur in ore. Evagatio verò mentis, quæ sit præter pro-

positum, orationis fructum non tollit. Unde Basiliius dicit: Si verò debilitatus à peccato, fixè nequis orare, quantumcunque potes, te ipsum cohibeas, & DEUS ignoscit, eo quod non ex negligentia, sed ex fragilitate non potes, ut oportet, assistere coram eo.

3. Regula to. 1. & hymnis cum oratis DEUM, hoc versetur in corde, quod profertur in ore. Evagatio verò mentis, quæ sit præter pro-



vel, quia non intermittit, quin temporibus statutis oret, vel propter effectum, sive in ipso orante, qui etiam post orationem remanet magis devotus, sive etiam in alio, puta, cum aliquis suis beneficiis provocat alium, ut pro se oret, etiam quando ipse ab orando cessat & quiescit.)) Oratio autem, secundum se considerata, non potest esse assidua, quia aliis operibus oportet vacare, quare prolixior vel brevior oratio esse debet, quantum utilis fuerit, ad excitandum interioris desiderii fervorem, sin verò sine tædio durare non possit, non est ulterius oratio protendenda, nisi aliqua accesserit obligatio absolvendæ certas preces, vel desolatione interna Spiritus quis affligatur, tum & cum tædio vacandum orationi, ut in vita S. Teresæ, & S. Magdalene de Paz legimus. Hinc Augustinus dicit ad Probum: Dicuntur Fratres in Ægypto crebras quidem habere orationes, sed eas tamen brevissimas, & raptim quodammodò jaculatas: nè illa vigilanter erecta, quæ oranti plurimum necessaria est, per productiones moras evanescat, atque hebetetur intentio: ac per hoc etiam ipsi satis ostendunt hanc intentionem, sicut non esse obruendam, si durare non potest, ita si perduraverit, non citò esse rumpendam. Et sicut hoc est attendendum in oratione singulari, per comparisonem ad intentionem orantis, ita etiam in communi oratione per compirationem, ad populi devotionem.)) Itaque illa oratio, quæ plerumquæ gemitibus quam sermonibus agitur, affectusquæ pius continuatur, silvâ discretionis, prolixior faciendâ, juxta Domini exemplum, qui pernoctabat in orando, & prolixius oravit.

4ta Conditio, includens plures, ut Oratio habeat comites sui, sequentes Virtutes. *Fidem*, quâ orans credat, à DEO posse obtineri omnia, quæ petuntur. *Spem*, per quam confidat, DEUM & posse dare ob suam omnipotentiam, & velle dare ob suam bonitatem, & fidelitatem, stando in promissis, quæ petuntur. Hinc Jacobus: Si quis vestram indiget sapientiâ, postulet à DEO, qui dat omnibus affluenter, & non improperat, & dabitur ei. Postulet autem in fide, nihil hesitans: qui enim hesitat, similis est fluctui maris, qui à vento movetur, & circumfertur. Non ergo æstinet homo ille, quod accipiat aliquid à Domino. *Charitatem*, ad quam pertinet

F f

deside-

Ibidem a.

14. in corp.

Collector.

S. Aug. Epist.

121. c. 10. fo. 2.

V.D. Thom. 2.

2. q. 83. a. 15.

Jacob. 1.



desiderium rei, cuius complementum petit oratio. *Devotio-*  
*nem*, qui proximus actus religionis est necessarius, ad omnes  
 consequentes. *Humilitatem*, quâ orans suam indigentiam re-  
 cognoscit. Unde *Oratio humiliantis se, nubes penetrabit, & donec*  
*propinquet, non consolabitur, & non discedet, donec Altissimus afficiat.*  
*Perseverantiam*, quâdam enim non negantur, sed ut congruo  
 dentur tempore, differuntur, ut August. dicit super Joannem,  
 quod tamen potest impediri, si in petendo non perseveret. Cæ-

*S. Basl.* interûm dicta hæc ex Basilio confirmantur: *Ideo, quandoquæ petis,*  
*Serm. de orand.* inquit, *& non accipis, quia perperam postulasti, vel infideliter, vel le-*  
*DEUM.* *viter, vel non conferentia tibi, vel destitisti.* Jam verò, quia nemo

alteri vitam æternam, nec ea, quæ sunt ad vitam æternam, ex  
 condigno mereri potest: & propter hoc non semper auditur,  
 qui pro alio orat. Atquæ ideo ponuntur quatuor Conditio-  
 nes, quibus concurrentibus aliquis impetrat, quod petit, ut sci-  
 licet pro se petat, necessaria ad salutem, piè & perseveranter.

*V. D. Thom.* *Ista Conditiō Orationis, ut sit meritoria, debet fieri in statu*

*2. 2. q. 83. a. 13.* gratiæ, quatenus verò impetratoria est, etiam extra statum gra-  
 tiæ effectum impetrationis habet, dummodò fiat ex bono desi-  
 derio. Idquæ peccator petat pro se necessaria ad salutem piè  
 & perseveranter. Ratio differentiæ est, quia meritum impetrat  
 quandam vim justitiæ retribuentis, impetratio autem soli puræ  
 misericordiæ innititur. Caterûm peccator si orat secundum  
 desiderium peccati, in hoc non auditur à DEO ex misericor-  
 dia, sed quandoquæ auditur ad vindictam, dum DEUS permit-  
 tit peccatorem ampliùs ruere in peccatum. DEUS enim quæ-  
 dam negat propitiùs, quæ concedit iratus, ut D. Augustinus  
*D. Aug. tra.* dicit.  
*73. in Joan.*

*V. D. Thom.* *Incentiva ad orandum sunt. immum.* Oratio necessaria est,

*2. 2. q. 83. a. 2.* non quidem, ut Divina immutetur dispositio, sed ut impetre-  
 mus, quod DEUS per orationes Sanctorum disposuit imple-  
 dum.)) Quia cùm inter causas aliquorum effectuum natura-  
 lium, supernaturaliumquæ Divina providentia ordinaverit etiam  
 Actus humanos, inter quos quoquæ est oratio, sequitur produ-  
 cendos esse vel non producendos eosdem effectus, positâ vel

non



non posita oratione, tanquam causâ ipsorum. Unde *S. August.*  
ait: Nisi Stephanus orasset, Ecclesia Paulum non haberet. *2dum. in lib. Confess.*  
Utilitas Orationis exinde provenit. Quia, etsi DEUS nobis mul-  
ta præstet ex sua liberalitate, etiam non petita: sed quod aliqua  
vult præstare nobis petentibus, hoc est propter nostram utili-  
tatem, ut scilicet fiduciam quandam accipiamus recurrendi ad  
DEUM, & ut recognoscamus, eum esse bonorum nostrorum  
Authorem. Unde *S. Chrysost.* dicit: Considera, quanta est tibi *S. Chrysost.*  
concessa felicitas, quanta gloria attributa, orationibus fabulari *in lib. de orand.*  
cum DEO, cum Christo miscere colloquia, optare quod velis, *Deum.*  
quod desideras postulare. *3tium.* Impetrat omnia à DEO:  
Unde *Christus* promittit: Amen, Amen, dico vobis, si quid peti- *Joan. 16.*  
eritis Patrem in nomine meo, dabit vobis. Et: Omnia, quæ *Matth. 21. &*  
cunquæ petieritis in oratione, credentes accipietis. Et: Petite, *Marc. 11.*  
& dabitur vobis. Omnis enim qui petit accipit, & qui quærit *Matth. 7. &*  
invenit, & pulsanti aperiatur. Si ergo vos, cum sitis mali, nō *Luc. 11. &*  
stis bona dare filiis vestris, quanto magis Pater vester, qui in  
cælis est, dabit Spiritum bonum petentibus se? *4tum.* A ten-  
tationibus præservat: Vigilate, & orate, nè intretis in tentatio- *Matth. 26.*  
nem. *5tum.* In tribulatione auxiliatur, & consolatur: Invoca *Psal. 50.*  
me in die tribulationis, & eruam te. Et: Fili, in tua infirmi-  
tate nè despicias te ipsum, sed ora DEUM, & curabit te. Et:  
Tristatur aliquis vestrum, oret. )) Ita *Christus* in agonia pro- *Jacob. c. 5.*  
lixius orans, habuit Angelum consolantem. *6tum.* Præclari ef-  
fectus Orationis. *S. Augustinus:* Oratio iusti clavis est cæli, *S. August.*  
ascendit precatio, & descendit DEI miseratio. *S. Bernardus;* O- *serm. 226. de*  
rando bibitur vinum Spirituale, latificans cor hominis, vinum, *temp.*  
scilicet Spiritus Sancti, quod inebriat mentem, & carnalium vo- *S. Bern. apud*  
luptatum infundit oblivionem, humectans interiora arentis con- *Ludo v. Gra-*  
scientiæ, escas bonorum actuum digerit, & deducit per quæ *nat. lib. 3. de*  
dam animæ membra, fidem roborans, spem confortans, vege- *orat. c. 8.*  
tans, ordinansquæ charitatem, & impingvans mores. *7timum.*  
De nocte & manè monemur orare. *S. Ambrosius* super *Beati*  
*immaculati:* Pernoctabat in oratione Dominus JESUS, non indi- *S. Ambr. in*  
gens precationis auxilio, sed statuens tibi imitationis exemplum, *Psal. m. 118.*  
Idem: Mediâ nocte (ait Propheta) surgebam, ad confitendum  
tibi,



tibi, super iudicia justificationis tuæ, & tu surge vel mediâ nocte, si non potes totâ nocte vigilare. *Isidorus in Synonymis*: Per noctem in oratione, & prece: incumbere nocturnis vigiliis, ad modicum clausis oculis, rursus ora. Et *Ecl.* dicitur de Sapiente, quod cor suum tradet ad vigilandum diluculo ad Dominum, qui fecit illum, & in conspectu Altissimi deprecabitur. Aperiet os suum in oratione, & pro delictis suis deprecabitur. Deinde *Sapiens* insinuat: Oportet prævenire solem ad benedictionem tuam, & ad orientem lucis te adorare. *gym.* Dominico die à labore terreno cessandum est, atque omnimodè orationibus insistendum: ut quod negligentia per sex dies est contractum per diem septimum, qui est Resurrectionis Dominicæ, expietur.

*Isa. 56.* *gym.* In Ecclesia, quam alio loco, devotior meliorquè oratio. *S. Chrys. hom.* Ita DEUS per Prophetam: Latificabo eos in domo orationis & de incompr. meæ. Et *S. Chrysost.* Orare vel domi possumus dicunt, sed hominiam, doctrinamquè audire, non nisi in Ecclesia possumus. Te homo decipis. Nam etsi domi quoquè DEUM orandi est facultas, tamen fieri non potest, ut domi tam benè ores, quam in Ecclesia, ubi tot Patres, ubi clamor felici societate excitus, ad DEUM Immortalem refertur. Non pariter exoras, cum solus Dominum obsecras, atque tuis cum fratribus. Est enim in huiusmodi plus aliquid v. g. concordia, conspiratio, copula amoris & charitatis, Sacerdotum clamores. Præsent enim ob eam rem Sacerdotes, ut populi Orationes, quæ infirmiores per se sunt, validiores illas complexæ, simul in cælum evehuntur. Deinde *S. Thomas* inquit: Determinatus locus eligitur ad orandum: non propter DEUM, qui adoratur, quasi loco concludatur, sed propter ipsos adorantes. Et hoc triplici ratione. 1. quidem, propter loci consecrationem, ex qua Spiritualem devotionem concipiunt orantes, ut magis exaudiantur, sicut patet ex adoratione Salomonis 3. Reg. 8. 2. propter sacra mysteria, & alia Sanctitatis signa, quæ ibi continentur. 3. propter concursum multorum adorantium, ex quo fit oratio magis exaudibilis, secundum illud Matth. 18: Ubi sunt duo vel tres congregati in nomine meo, ibi sum ego in medio eorum.

*icmum.* Christi exemplum, de quo *S. Gregorius* inquit: Humani generis Redemptor per diem miracula urbibus exhibet, & ad



& ad orationis studium in monte pernoctat. Et *Seraphicus Do-6. Moral. c. 17.*  
 For piè meditatur, dicens: Compatere & admirare suam pro- *S. Bonavent.*  
 fundissimam humilitatem. Cùm enim sit DEUS Patri suo co- *medit. vitæ*  
 æternus & coæqualis, oblitus videtur se DEUM esse, & orat ut *Christiane.*  
 homo, stat tanquam quilibet homunculus de populo Dominum  
 orans. *Ibidem:* Sed & illud animadverte contra impatientiam  
 nostram, quòd Dominus tribus vicibus oravit, antequam à Pa-  
 tre responsionem acciperet. *Idem:* Quis lugens, nisi qui cum *Idem in Stim.*  
 clamore valido, & lachrymis preces, supplicationesquè offerens *amor. c. 8.*  
 pro suis Crucifixoribus, & nobis peccatoribus, suisquè inimi-  
 cissimis?

*unum. Exemplum Deiparæ,* quæ de seipsa hæc refert, ad *S. Dam. lib. 4.*  
 Elizabeth, dicens: Volo te facere, ut faciebam ego. Surgebam *fid. Ortho. c. 15.*  
 enim semper in noctis medio, & pergebam ante altare templi, *Niceph. lib. 1.*  
 & tanto desiderio, & tantâ voluntate, & tantâ affectione, quan- *Eccl. hist. c. 17.*  
 tâ poteram, & sciebam, petebam gratiam ab omnipotenti DEO  
 observandi illa tria præcepta, & omnia alia mandata legis. Et  
 sic stando ante altare, septem petitiones Domino faciebam, quæ  
 sunt hæc: 1. enim petebam gratiam, quâ possem implere dile-  
 ctionis præceptum, scilicet ipsum diligere ex toto corde &c.  
 2. petebam gratiam, quâ possem diligere proximum, secun-  
 dùm voluntatem & beneplacitum suum, & ut faceret me ama-  
 re omnia, quæ ipse amat & diligit. 3. petebam, ut me faceret  
 odire & fugere omnia, quæ odit. 4. petebam humilitatem,  
 patientiam, benignitatem, & mansuetudinem, & omnes virtu-  
 tes, per quas efficerer gratiofa ante conspectum suum. 5. pe-  
 tebam, ut faceret me videre tempus, in quo esset nata illa bea-  
 tissima Virgo, quæ debebat Filium DEI parere: & ut conserva-  
 ret oculos meos, ut possem eam videre: linguam, ut possem  
 eam laudare: manus, ut possem ei servire: pedes, ut possem  
 ire ad servitium suum: genua, ut possem adorare DEI Filium  
 in gremio suo. 6. petebam gratiam obediendi mandatis, &  
 ordinationibus Pontificis templi. 7. petebam, ut templum, &  
 universum populum suum ad servitium suum conservaret. Be-  
 atus verò *Hieronymus* de vita ipsius scribit: Hanc sibi regulam,  
 Beata Virgo statuerat, ut à manè usquè ad horam tertiam ora-  
 tionibus princip.



tionibus insisteret, à tertia usque ad nonam externo opere se occuparet, à nona verò iterum ab oratione non recedebat, quousque dum illi Angelus appareret, de cuius manu escam accipere solebat, & melius in DEI opere & amore proficiebat. Fiebat, ut in vigiliis inveniretur prior, semper in oratione, & in scrutatione legis DEI permanebat.

12um. *Exempla Sanctorum ex Biblio. Manual. P. Lobner tit.*

8. *Arbanas. Orat.* S. Antonius sæpè totà nocte orans exorto sole dixit: Ah! quid me impetis o Sol? qui oriris, ut me ab amoeniore Sole abstrahas. *Aliud.* Beatus Aloysius tantum studii in oratione ponebat, ac si in ea virtutum summa omnium posita esset. Hinc dicebat: Religionum tam miseras facies ex una oratione neglecta provenire, illam esse compendiosam viam ad perfectionem, finè illa neminem se perfecte vincere posse. Maximas reputabat delicias, cum orationis tempus appropinquabat, dicebatque se putare eum, qui has delicias semel gustasset, non facile ab oratione avelli se passurum. Omnem in præparatione adhibebat diligentiam, dicens: animum non præparatum, tam parum posse Divinam similitudinem in se recipere, quam parum aqua turbida humanam faciem representat. Nè distraheretur, ab exuendo etiam abstinebat. Nihil erat ei facilius, quam mentem cum DEO conjunctam habere, tantumque sentiebat ipse difficultatis in cogitationibus à DEO avellendis, quantum alii in mente DEO unienda.

Beierl. the.

13um. *Exempla profana ex citato P. Lobner.*

2. in festo S. nus nunquam rem aliquam arduam auspicatus est, quin prius à Jove consilium & auxilium pro felici successu petierit. *Aliud.* Numam Pompilium Jovem è caelo precibus suis deducere potuisse, superstitiosa credidit antiquitas. *Aliud.* Lacedæmones, teste Platone, orantes solum pulchra & bona petere solebant, nec unquam aliud quid precari auditi sunt.

*Ibidem.*  
*Dadræus v.*  
*orat. in loc.*  
*simil.*

Quoad *Praxim* Orationis hæc observa. *mò.* Disponas te remotè, & proximè, ad orationem. Remotè, per vitam bonam. Unde Venerab. Beda: Multum juvat orationis puritatem, si in omni loco vel tempore nos ab actibus temperemus illicitis: quidquid enim ante orationis horam (inquit *Cassianus*) anima nostra

*Ven. Beda de*  
*templo Salom.*  
*Cassian. Coll.*  
*9. 6. 3.*



nostra conceperit, necesse est, ut orantibus nobis per ingestio-  
nem recordationis recurrat. Quamobrem quales orantes vo-  
lumus inveniri, tales nos ante orationis tempus præparare de-  
bemus, ex præcedente enim statu mens atque animus in sup-  
plicatione formatur. Et idcirco quidquid orantes nolumus, ut  
nobis irrepat, ante orationem de abditis pectoris nostri extru-  
dere studeamus. Proxima dispositio ad orationem est primò curarum  
sepositio, & affectuum inordinatorum relictio: nam & hæc duo inter  
potiora impedimenta orationis S. Bernardus posuit, curam scilicet  
pungentem, & affectum vigentem: id quod super illa verba Isaia:  
Et vocaberis Sabbatum delicatum, discurrens Granatensis, pulchre  
ostendit, dum ait: Dictu mirum est, quàm arduum ac difficile  
sit, piis etiam hominibus, mentem à terrenis ad cælestia perte-  
ctè elevare, non enim à peccatis solum vel levisimis, quæ fer-  
vorem charitatis tepefaciunt, sed à multis etiam aliis, quæ quam-  
vis peccata non sint, mentem tamen distrahunt, & ab interna  
illa vacatione vel avocant, vel impediunt, abstinendum est. Idèd  
non mirum, si Sabbatum delicatum à nobis exigat, quod vide-  
licet delicatè, hoc est, non segniter aut oscitanter, sed magnà cu-  
râ & attentione, quod in eo præcipitur, agendum est. 2dò.  
Temporis apti electio. Ita S. Bernardus insinuavit, dicens: Non  
modò locum, sed & tempus observare oportet eum, qui sibi o-  
rare voluerit. Tempus feriatum commodius, aptiusquè, ma-  
ximè autem, cùm profundum nocturnus sopor silentium indi-  
cit, tunc planè liberior, puriorquè exit oratio.

2dò. In ipsa oratione sit 1. Sensuum exteriorum, & præci-  
puè oculorum custodia: hoc enim Christus svasit, dum clauso ostio  
cubiculi nos orare voluit. Et prisci Patres, dum amantem ora-  
tionis, cæcum, surdumquè fieri volebant. 2. Præsentia DEI, fir-  
miter in animo impressa: ita V. Beda svasit, dum quæsitus, quo-  
modo quis obtinere possit, ut sensus in oratione non vagentur?  
respondit; si certus sit, se ante oculos Domini asistere. Idem  
S. Bernardus sequentibus verbis: Veniens ad Ecclesiam, pone ma-  
num tuam super ostium, & dic: Expectate hic cogitationes pes-  
simæ, intentiones, & affectus cordis, & appetitus carnis: tu au-  
tem anima intra in gaudium Domini tui, ut videas voluntatem

Domi-

V. suprâ in  
practica dispo-  
sitione ad Con-  
templat.Lud. Grana-  
tensis in Silva  
loc. comm. v.  
præparatio ad  
orat.S. Bern. Serm.  
86. in Cant.

Matth. 6. v. 6.

Drex. in  
Rhet. cæl. lib.

1. c. 5. §. 2.

V. Beda in  
hexam. lo. 9.S. Bern. a-  
pud Rodrig.

par. 1. tr. 5. c.

22.



Domini, & visites templum Sanctum ejus. 3. *Præsentia Sanctorum Angelorum, aliorumque Cælitum cogitata*: quod medium S. Chrysost. suggestit, dicens: Imaginare tibi, quando ad orationem pergis, intrare te curiam illam beatam, in qua Rex gloriæ sedet stellis coronatus, innumerabilibusque Angelis & Sanctis ipsi ministrantibus circumdatus, qui in te unum omnes oculos, mentemque convertant, ut dicere orantes possint: Spectaculum facti sumus mundo, Angelis, & hominibus. 4. *Abigere tentationes*, perturbantes orationem, quarum prima est *Consolationum defectus*, pro qua vincenda sciat. I. Veram devotionem, non in sensibili sapore, sed in bona & prompta voluntate DEO serviendi consistere. II. Revocet in memoriam, uti nihil in orbe, ita neque has desolationes sine voluntate DEI obvenisse, utpote qui eas, vel ad negligentiam nostram in præparatione, aut alio genere, commissam, castigandam, vel ad humilitatem conservandam, vel virtutem ac patientiam probandam, vel majorem suam, & nostram gloriam promovendam immisit, unde oportet dicere *lib. 3. de imit. cum pio Asceta*: Adesto mihi Domine JESU, in omni loco & tempore. Hæc mihi sit consolatio, libenter velle carere omni solatio. Et si tua defuerit consolatio, sit mihi tua voluntas, & iusta probatio pro summo solatio. 2da tentatio est, *mentis instabilitas, & distractionum multitudo*: circa quam salubriter iterum sibi sequentem Thomæ Kempensis doctrinam in memoriam revocat: Nec est illusio, quod aliquando in excelsum subito raperis, & statim ad solitas ineptias cordis reverteris. Illas enim invite magis pateris quam agis, & quamdiu displicent, & reniteris, meritum est & non perditio. 3ia est, *defectus temporis ad orandum ab varia negotia*: cui occurrat ostendendo 1. non requiri longas orationes, sed breves sufficere, quas antiqui Patres frequenter, imò assidue usurpasse dicuntur, ne illa vigilanter erecta intentio per productiores moras evanescat. Ostendat 2. varios modos *Galfaldus apud Nieremb. asc. deria*, nam teste Galfaldo vir desideriorum, vir orationum *doct. lib. 1. doc. est.* Et bene semper orat, qui bene semper optat sine intermissione. Efficacius enim apud DEUM vora, quam verba S. Anselm. in c. clamant. Sic, ut S. Anselmus testatur, orabat Moyfes, cui tacenti

5. Epist. L ad  
Thessal.

Domini



Dominus dixit: quid clamas ad me? clamabat enim corde, quamvis nihil diceret ore. Ita jube desiderium, & incessabilis amor, assidua est oratio Sanctorum. Aliter idem defectus per bonam vitam legisquē, & obedientiae accuratam impletionem compensatur, nam ita Siracides docuit, dicens: Qui conservat Legem, multiplicat orationem: Sacrificium salutare est attendere mandatis. Eccl. 35. v. 1. & 2.

3<sup>id.</sup> Vide supra dicta, & hic convenienter applica 1. 2. Tra 1. c. 1. Sec. 4. Subf. 2. §. 2.

4<sup>id.</sup> Quid autem orare debeamus, docet S. August. dicens: Si non oraveritis, spem non habebitis, si aliter quam Magister docuerit, oraveritis, non exaudiemini. Hinc expedit Orationem Dominicam hic ore Angelici Doctoris explicatam apponere, qui ait: XL. Dicendum est, quod Oratio Dominica perfectissima est, quia, si- cur Augustinus dicit ad Probam: Si recte & congruenter oramus, nihil aliud dicere possumus, quam quod in ista oratione Dominica positum est, quia enim oratio est quodammodo desiderii nostri interpres apud DEUM, illa recte solum orando petimus, quae recte desiderare valemus. In Oratione autem Dominica non solum petuntur omnia, quae recte desiderare possumus, sed etiam eo ordine, quo desideranda sunt: ut sic haec oratio non solum instruat postulare, sed etiam sit informativa totius nostri affectus. Manifestum est autem, quod primo cadit in desiderio nostro finis: deinde ea, quae sunt ad finem. Finis autem noster DEUS est, in quem noster affectus tendit dupliciter: uno quidem modo, prout volumus gloriam DEI: alio modo, secundum quod volumus frui gloria ejus. Quorum primum pertinet ad dilectionem, quam DEUM in se ipso diligimus. 2<sup>um</sup> vero pertinet ad dilectionem, quam diligimus nos in DEO. Et prima petitio ponitur: Sanctificetur nomen tuum: per quam petimus gloriam DEI: Secunda vero ponitur: Adveniat regnum tuum: per quam petimus ad gloriam DEI, & regni ejus pervenire. Ad finem autem praedictum nos ordinat aliquid dupliciter. Uno modo per se, alio modo per accidens. Per se quidem bonum, quod est utile in finem. Est autem aliquid utile in finem beatitudinis dupliciter: uno modo directe & prin-



principaliter secundum meritum, quo beatitudinem meremur, DEO obediendo. Et quantum ad hoc, ponitur: *Fiat voluntas tua, sicut in celo & in terra.* Alio modo instrumentaliter, & quasi coadiuvans nos ad merendum. Et ad hoc pertinet, quod dicitur: *Panem nostrum quotidianum da nobis hodie:* sive hoc intelligatur de pane Sacramentali, cujus quotidianus usus proficit homini, in quo etiam intelliguntur omnia alia Sacramenta: sive etiam intelligatur de pane corporali, ut per panem intelligatur omnis sufficientia victus: sicut dicit Augustinus ad Probam:

*Epist. 121. c.* Quia & Eucharistia est precipuum Sacramentum, & panis est  
*11. in me. to. 2.* precipuus cibus. Unde & in Evangelio Matthæi scriptum est,  
*2. Matth. 6.* supersubstantialem, id est, precipuum, ut Hieronymus exponit.  
*20. 9.*

Per accidens autem ordinamur in beatitudinem, per remotiorem prohibentis. Tria autem sunt, quæ nos à beatitudine prohibent. Primò quidem peccatum, quod directè excludit à regno, secundum illud 1. ad Corinth. 6: Nequè fornicarii, nequè idolis servientes, &c. regnum DEI possidebunt. Et ad hoc pertinet, quod dicitur: *Dimitte nobis debita nostra.* Secundò tentatio, quæ nos impedit ab observantia Divinæ voluntatis. Et ad hoc pertinet, quod dicitur: *Et ne nos inducas in tentationem:* per quod non petimus, ut non tentemur, sed ut à tentatione non vincamur, quod est in tentationem induci. Tertiò poenaltas præfens, ut quæ impedit sufficientiam vitæ. Et quantum ad hoc dicitur: *Libera nos à malo.* Hæc D. Thomas.

Deniquè obvi sunt innumeri Libelli, in omni genere & forma precum, quos tibi pro tuo gustu, & spiritu selige, & illis feliciter utere. Commendo quoque nostrum Incensum Orationis.

## ACTUS EXTERIORES RELIGIONIS.

### § I.

#### De Adoratione.

D. Thom. 2. *A* Doratio, est actus Religionis, quo non modo secundum spiritualem naturam seu substantiam, verum & secundum corporalem, humiliatur homo coram Divina Majestate, ejus per hoc summam excellentiam designando, & se ad ejus subjectionem excitando. Ratio est: Quia con-  
*2. q. 84.*  
*ibid. 2. 2.* naturale



naturale est nobis, ut per sensibilia ad intelligibilia procedamus. Tum quia ex duplici natura compositi sumus, sensibili & spirituali, duplicem quoque adorationem DEO offerimus, spiritualement & sensibilem, v. g. per genuflexionem, quâ nostram infirmitatem designamus, in comparatione ad DEUM, per prostrationem, quasi profitentes, nos nihil esse ex nobis.

Duplex est adoratio. Alia Latriæ, quâ recognoscimus DEUM ut summum Numen, Principium, & ultimum Finem nostrum. Alia, quâ, juxta Damascenum, Deiparam, ut DEI Matrem, honoramus, Apostolos, ut fratres Domini, & inspectores in passionibus ejus, Martyres verò ut milites Christi, & omnes Sanctos honorare decet, de fide Orthodox. ut amicos Christi, & filios DEI, qui uniti sunt DEO, & cum ipso regnant. Et quamvis in utraque hac adoratione iidem Exteriores actus exercentur, diversâ tamen intentione, ut modò dictum est. Sicut & homines similibus actibus inclinationis, genuflexionis, prostrationis in terram, veneramur, in signum alicujus ipsorum excellentiæ vel dignitatis. Porro Christum Dominum solâ adoratione Latriæ prosequimur: quia etsi humana & Divina natura in Christo reperiatur, quia tamen eadem natura humana solâ Personalitate Filii DEI subsistit, ideoque Christum Dominum in Persona DEI unâ adoratione latreuticâ soli DEO competente, & non aliâ veneramur.

Jam verò, qualiter Imagines & Reliquiæ Sanctorum adorantur à Christi Ecclesia paulò fusiùs, adeoque clariùs est opus explicare, tum pro utili noticia Catholicorum, cum horum sit quotidiana praxis, tum ut obstruatur os iniqua loquentium, contra Catholicos, nunc ferè omnium hæreticorum, qui de crimine idololatriæ Catholicos calumniantur, ut tuos sequaces, sub specie falsi boni dementatos, à veritate in tenebras errorum, & perditionis aternæ abducant. Itaque quoad imagines P. Franciscus Franc. Arias thes. inexpl. tra. de Relig. ontis Virt. Arias ita discurret, dicens: Sciendum est, nos posse Christi, & jusque Sanctorum imagines bifariam considerare. Primò, ut sunt res naturales & artificiales ex auro, vel argento, vel ligno, & cum tali figura, forma, artificio, & ornatu. Et hoc modo clarum est, nos eas non adorare, nec posse adorare, cum sic consideratæ, ut sunt res naturales, artificialesvè, nec virtutem habeant,



236 *Prima Secundæ. Tract. 2. Cap. 6. Sect. 5. Subst. 16. 1. Ad. Exter. Rel.*  
beant, nec sanctitatem, nec sensum, nec ullâ reverentiâ sint dignæ.

Alter modus, quo imagines consideramus, est, inquantum sunt imagines, id est, inquantum sunt medium, quod nos ad rem præsentatam ducit, ita, ut adoratio non sistat in imagine, sed per eam transeat ad rem representatam. Considerando hoc modo imagines, adoramus eas, ac debemus adorare, & eadem adoratione, quâ rem representatam adoramus. Si imago sit Christi, DEI ac Domini nostri, quemadmodum Crux & Crucifixus, quæ est imago Christi crucifixi, & quævis alia imago, quæ ipsum in nativitate, aut in columna, aut in quocunque alio vitæ, sive passionis ejus capite representet, adoramus hanc talem Christi imaginem adoratione *Latriæ* propriâ & verâ, quæ soli DEO datur, quia adorare hoc modo Christi imaginem, ut

*Cajet. p. 3.  
q. 25. a. 3.*

benè Cardinalis Cajetanus notat, idem est, quod adorare Christum, per talem imaginem representatum. Unde cum dicimus, nos non solum adorare Christum, sed eadem adoratione etiam adorare Christi imaginem, volumus dicere, nos non solum adorare Christum, considerando eum in se ipso, ut est in cælo, & ut beati illum vident, sed adorare nos etiam eum, considerando ipsum in sua imagine representatum. Et quia idem Dominus est, qui adoratur, sive visus in cælo, sive in imagine representatus, eandem ei adorationem tribuimus. Et sic adorantes imaginem Christi, non damus adorationem *Latriæ* creaturæ, sed Creatori: quia adoratio non sistit in imagine, quæ est creatura, sed per eam transit ad Christum, qui Creator & Salvator noster est.

Et si imago sit Sancti cuiuspiam Beati, adoramus eadem adoratione, quâ Sanctum adoramus, id est, tanquam magnum DEI amicum, qui regnat cum eo, fruiturquè illo in cælo. Et si imago sit Sanctissimæ Virginis, adoramus eam eadem adoratione, quâ Virginem adoramus, nempe, ut Matrem DEI, quæ ipsum concepit ac genuit, quâ hominem, & ut cælorum Reginam, & excellentissimam inter omnes, quas DEUS fecit, puras creaturas. Siquidem (ut ostendimus) adorare hoc modo Sancti imaginem, idem est, quod adorare Sanctum. dictâ imagine repræ-



representatum; & adorare hoc modo imaginem Virginis, est adorare Virginem, dictâ imagine representatam. Atque ita adorando Sanctorum imagines, non damus ullum honorem insensibilibus creaturis, sed beatis Sanctis, qui quoniam amici DEI sunt, magno sunt honore & reverentiâ digni: nam, uti diximus, adoratio, quam damus Sancti imagini, in ea non sistit, sed per eam ad Sanctum ipsum honorandum venerandumque transit.

Hic ordinarius, & ab Ecclesia receptus modus est adorandi imagines, & sic verum est, nos propriè, verèque eas adorare. Et quamvis alius licitus modus imagines adorandi, aliàque propter hanc ratio, cur eas adorentur, sit, hic tamen magis ordinarius, & in praxi, usque omnium Fidelium, receptior ab Ecclesia modus est. Et dando imaginibus eandem adorationem, quæ rei representatæ secundum Ecclesiæ usum datur hæc sola, quam diximus, ratio est, ob quam sanctè & religiosè fit. Et hæc, quam dicimus, Sanctorum doctrina est, traditio- ne, usque universalis Ecclesiæ, & sacrorum Conciliorum decre- tis confirmata. Id significavit S. Basilius, & qui eum alii sequuntur, dicentes: Honor, qui datur imagini, transit ac per- venit ad exemplar, hoc est, ad id, quod ab eadem imagine re- præsentatur. Et hoc significant sacri Theologi, dum dicunt, imaginem non esse terminum, ubi adoratio sistat, sed rem ab ipsa representatam terminum esse, & illam esse, veluti viam & medium, quod adorationem ducit ad rem, quam illa repræsen- tat, qui est Christus gloriosus, aut benedicta ejus Mater, aut be- atus, aliquis Sanctus.

In Concilio quarto Constantinopolitano, quod ex gene- ralibus octavum est, sanxit hæc veritatem Ecclesia, his verbis: Dignum est, ut secundum congruentiam rationis, & antiquissimam tra- ditionem, propter honorem, quia ad principalia ipsa refertur, etiam deri- vate imagines honorentur. Et novissimè sacrum Concilium Tri- dentinum determinavit, declaravitque, hæc sanctam consue- dinem, & hunc sanctum modum adorandi imagines, in hæc verba: Mandat Sancta Synodus, ut juxta Catholice Ecclesiæ usum, a pri- mæ Christianæ religionis temporibus receptum, imagines Christi, Dei-

D. Basil. lib.

de Spir. S. c. 27.

c. 29.

Damasc. lib.

4. de fide c. 17.

D. Thom. p. 3.

q. 25. a. 3. &amp;

2. 2. q. 81. a. 3.

ad 3.

Tho. Wald,

de Sac. l. 1.

c. 120.

Campol. in 3.

d. q. a. 3.

Medin. ibid.

Sil. in rosa

aur. tr. 8. c. 9.

Concil. Const.



Trid. Sess. 25. paræ Virginis, & aliorum Sanctorum, in templis præsertim habeantur, & retineantur, eisquæ debitus honor & veneratio impertiatur, non quòd credatur inesse aliqua in iis Divinitas vel virtus, sed quoniam bonos, qui imaginibus exhibetur, refertur ad prototypa, quæ illæ representant, ita ut per imagines, quas honoramus, Christum adoremus, & Sanctos, quorum illæ similitudinem gerunt, veneremur.

*Thesaur.*

*inex. tract. de vias hæc affert, dicens: Docet insuper, svadetquæ nobis virtus Religionis vir-*  
*tute.*

*D. Thom. p. 2. q. 25. a. 6.*

Quantum verò attinet Sanctas Reliquias, idem Franciscus A-  
 liquas Christi dicimus res, quæ Christum tetigerunt, ita, ut in  
 eis nulla esset culpa, & quia ab eo benevolè contactæ fuerunt,  
 sanctificatæ manserunt, cuiusmodi sunt lancea, clavi, spinea co-  
 rona, lignum crucis, vestimenta Domini, præsepe, sepulchrum,  
 linteamen, in quo involutus fuit, &c. Reliquiæ Sanctorum sunt  
 eorum corpora, ossa, sanguis, vestes, omniaquæ alia, quæ illi ad  
 suum usum corporibus ac manibus suis tetigerunt. His rebus  
 omnibus honorem, venerationemquæ debemus: nam qui per-  
 sonam aliquam æstimat, amatquæ plurimum, etiam res, quæ ad  
 illam pertinent, plurimum amat & æstimat. Et DEUS magnis  
 miraculis, singularibusquæ beneficiis, quæ per suas, Sanctorum-  
 quæ suorum reliquias, semper in Ecclesia sua, ejusquæ filiis fe-  
 cit, nec non magnis poenis, quas illis irrogavit, qui eas profa-  
 nârunt, malèquæ tractârunt, aut contra ipsarum reverentiam  
 aliquid designârunt, ostendit, hanc suam esse voluntatem. His  
 aliisquæ testimoniis, necnon autoritate ac consuetudine san-  
 ctæ suæ Ecclesiæ, manifestavit Christus rem valdè piam, magnæ-  
 quæ obligationis esse, reliquias suas, & Sanctorum suorum ado-  
 rare.

Sed videamus, qualem illis adorationem ac reverentiam  
 debeamus, sitnè eadem, quam personis, quarum sunt reliquiæ,  
 damus, an diversa. Ad hoc sciendum est, duobus modis Chri-  
 sti Sanctorumquæ ejus reliquias considerari posse, unus est con-  
 siderando eas, tanquàm res unitas & conjunctas cum ipsa per-  
 sona, cujus sunt reliquiæ, ut si consideremus clavos, præsepe,  
 spinas, & frusta crucis, tanquàm res unitas cum Christo, quem-  
 admodum unitæ fuerunt, quando tetigerunt corpus Christi; &

ficuti;



sicuti, si consideremus Sanctorum corpora & membra, & ossa & vestimenta cum ipsis vestita, quemadmodum fuerunt cum ipsis vivis unita. Et considerando ad hunc modum Christi reliquias, damus illis eandem reverentiam & adorationem *Latriæ*, quam Christo, tanquam Creatori ac supremo Domino damus, quia in hoc casu non dirigimus adorationem ad solas reliquias, sed ad ipsam personam, quæ est Christus Dominus noster, & totum in sua parte adoramus. Quemadmodum, si Rege vestito reverentiam vestimento faceremus, tangendo illud, & osculis admovendo, reverentiam illam ipsi Regi dæremus, & quemadmodum si reverentiam pedi Pontificis exhibemus, osculando eum, quia unitus cum illo est, reverentiam ipsimet Pontifici facimus. Ita considerando Christi reliquias cum sacra ejus humanitate unitas, & humanitatem unitam cum Divina Persona, reverendo, adorandoquæ reliquias, damus reverentiam & adorationem ipsimet Christo, adeoque adoramus eas verâ adoratione, quam DEO tribuimus. Eodemquæ modo considerando reliquias Sanctorum, prout, quando cum ipsis unitæ fuerunt, damus eis eandem reverentiam & adorationem, quam Sanctis, quia ad hos adorationem dirigimus. Et in hoc casu idem est adorare corpus, aut ossa, aut vestem Sancti, ac Sanctum, cum est illud corpus, illa ossa, illud vestimentum. Atquæ ita sub hac consideratione certum est, (ut ait S. Thomas,) non solum crucem Christi propter contactum, sed etiam omnes cæteras res Christi, quæ ipsum tetigerunt, adorandas esse eadem adoratione, quâ Dominus adoratur.

Alter modus, quo Christi, ejusquæ Sanctorum reliquias considerare possumus, est tanquam res, quæ jam à Christo & Sanctis distinctæ, separatæquæ sunt, cæterum alio tempore cum iisdem unitæ, conjunctæquæ fuerunt. Considerando hoc modo reliquias Christi, ejus clavos, lanceam, spinas, præsepe, & porticum, omnesquæ cæteras, ratione contactûs, quem alias cum Christo habuerunt, eas veneramur & adoramus, sed non eadem adoratione, quâ adoramus Christum, quia sub hac consideratione eas adorantes, non adoramus directè Christum, nec ad hunc adoratio transit, sicuti quando imaginem adoramus:

ideo-

D. Thom. 3.

p. q. 25. a. 6.

Th. Wald. de

Sacr. t. 13. c.

120.



ideoquæ non est una eademquæ adoratio, sed adoramus easdem reliquias aliâ distinctâ adoratione, videlicet tanquàm creaturas dignas reverentiâ, quia à Christo contactæ fuerunt, & adoratio fuit in iisdem reliquiis, cum hoc respectu consideratis, quod à pretiosissima Christi carne contactæ fuerunt, ob quem respectum debetur ipsis reverentia & adoratio, non illa, quæ Creatori datur, sed illa, quam par est certis creaturis ab ipso met Creatore honoratis, dignatisquæ dari. Quam adorationem, vocamus *Duliam*, quod est generale vocabulum, quo significamus honorem ac reverentiam, quæ datur alicui creaturæ, ob quandam excellentiam, quam à DEO accepit, & propter ipsum DEUM. Et suppositâ hâc consideratione dixit idem S. Thomas, frusto ligni crucis, considerando illud non ut imaginem Christi, nec ut rem unitam cum ipso, sed ratione contactus, quem alio tempore cum Christo habuit, nos non dare eandem adorationem, quam Christo, sed aliam distinctam ac minorem eâ, quam Virgini damus. Quia considerando illud tanquàm rem distinctam, quando id adoramus, non est Christus objectum ac terminus illius adorationis, sed creatura, quæ est lignum crucis, aut spina, aut clavus, ob illam excellentiam & respectum, quia à Christo contacta fuit. Considerando etiam, hoc modo reliquias Sanctorum, tanquam res ab eis distinctas, ac separatas, cæterum cum hoc respectu, quod fuerunt aliàs cum Sanctis unitæ, non debetur iis eadem reverentia & adoratio, quæ Sanctis, sed alia longè diversa ac minor, tanquam creaturis quibusdam inanimatis, quæ à DEO fuerunt honoratæ, multoquæ magis erunt in resurrectione honoratæ.

Hiscæ duobus modis possumus adorare reliquias; & ambo sunt liciti, religiosi, ac Fidelibus usitati. Et utrumquæ comprehendit, approbavitquæ sacrum Concilium Tridentinum, dicens: *Sanctorum Martyrum, & aliorum cum Christo regnantium corpora, quæ viva membra Christi, & templum Spiritus Sancti, ab ipso ad æternam vitam suscitanda & glorificanda, à fidelibus veneranda sunt, per quæ multa beneficia à DEO hominibus præstantur; unde Ecclesia Christi damnavit, & damnat eos, qui affirmant, Sanctorum reliquiis venerationem atquæ honorem non deberi.*

Demus

*D. Thom. in  
3. d. 25. q. 1.  
Th. Wald. ubi  
suprà.  
Sil. ros. aur.  
tr. 3. cas. 2.  
Gabr. in  
cant. lect. 50.*

*Trid. Sess.  
25. princ.*



Demus igitur Christo hunc honorem, adorando ipsius, & Sanctorum ejus reliquias, eumquæ illi demus cum Spiritu, & interiore devotione, elevando animam nostram ad considerationem infinitæ altitudinis Christi, quem in suis reliquiis adoramus, æstimando honorem ipsius, & gloriam, & impletionem. Divinæ ejus voluntatis, super omnes res creatas, consecrando nos cum corpore & anima Divino illius obsequio, & desiderando, ut universi homines in mundo eum cognoscant, ei serviant, eum ament, quemadmodum ejus Sancti ipsum cognoverunt, serviêrunt, & amârunt, ut omnes in æterna vita eundem possideamus & perfruamur. *Hæc Franciscus Arias.*

*Motiva.* I. *Psalm.* Venite adoremus, & procidamus, & ploremus coram Domino. *Ecclesiasticus.* Qui adorat DEUM, in oblectatione suscipietur, & deprecatio illius usquæ ad nubes propinquabit. *Matth.* Dominum DEUM tuum adorabis, & illi soli servies. II. *ab Exemplis.* I. *Christus Dominus in horto orationem ad æternum Patrem faciens, adoravit eum postis genibus, quin etiam procidens in faciem suam.* Et quod tunc fecit, aliàs quoquæ fecit, quando in montibus orabat, & in oratione pernoctabat; quia eandem semper erga æternum Patrem suum reverentiam habuit, & quemadmodum volebat, ut suum sanctissimum corpus adjuvaret, ac comitaretur animam in faciendâ ad æternum Patrem oratione, sic volebat, ut eandem juvaret, comitareturquæ in eodem reverendo & adorando. Unde S. Gregorius Nyssenus: *Humanus, inquit, usus est, pronos terræ supplicare majoribus, unde ille, qui nostros langvores portavit, per hominem, quem sumpsit, genu flectit, orando Patrem, sanciens non esse superbiendum orationis tempore, sed per omnia, humilitati conformandum.* II. De Beatissima Virgine canit Ecclesia: *Quem genuit (Christum) adoravit.* Quod & toto suæ vitæ tempore, cum sponso suo S. Joseph, DEUM adorando, fidelissimè & perfectissimè exercuit. III. *Tres Reges, coram infante Christo, procidentes adoraverunt eum.* IV. *S. Jacobus Minor, eo usquæ DEUM pro populo flexis genibus solebat deprecari, ut callum durissimum obduceret.* V. *S. Bartholomeus, de die centies, & de nocte centies, flexis genibus orabat.* VI. *Sanctus Arsenius, quovis Sabbato, à vespere usquæ*

Psalm. 94.

Ecclesiasticus. 35.

Matth. 4

Matth. 26. 33.

Luc. 22. 42.

D. Gregor.

Nyss. Luc. 22.

Matth. 2.

S. Hieron. de

vir. illius.

Marul. lib. 2.

c. 1.

usquæ Marul. l. 2. c. 1

H h



242 Prima Secundæ Tract. 2. Cap. 6. Sect. 5. Subs. 1. §. 1. Ad. Exter. Rel.  
usque ad matutinum tempus, orationem submisit genibus facie versus orientem protrahere, adorans eum, de quo per Prophetam dicitur: Ecce vir oriens nomen ejus.

In Praxi, ut non materialis, sed formalis fiat adoratio, necesse est, quatenus hæc exterior proveniat ab interiori. Unde Christus ait: Veri adoratores adorabunt Patrem in Spiritu & veritate. Nam & Pater tales querit, qui adorent eum, Spiritus est DEUS, & eos, qui adorant eum, in Spiritu & veritate oportet adorare.

Joan. 4.

1. 2. tra. 1. c.

1. sect. 4. subs.

2. §. 2.

Applica quoque hic proportionatè supradicta.

### ACTVS INTERNI ADORATIONIS

ex Thesauro indefic. Blasii Palma.

Dominum DEUM tuum adorabis. Lac. 4.

I. DEUS infinitæ Majestatis, & magnitudinis, Pater, Filius, & Spiritus Sanctus: si cultus latriæ, qui tibi soli DEO debetur, est actus internus, simul ac externus, quo rationalis creatura te colit, humiliando se animo te adorandi, & profitendi te DEUM: Ecce ego omni illâ, quâ possum, submissione & humilitate, positus coram tua Divina Majestate, DEUS meus, agnosco me creaturam, & opus manuum tuarum, à te per omnia dependens, te universorum absolutum Dominum: dignissimum, qui pro tali ab omnibus honoreris & habearis: infundâ, cordiali submissione humi prostratus, & ex profunda abyssu mei nihili te adoro, adoratione Latriæ: & tantæ Majestati infinitum me submitto, omnemque reverentiam, & honorem, quem possum, exhibeo.

II. Contentus etiam sum, imò contentissimus nihil esse, ac posse, nisi à te provenire, imò nollem esse, nec aliquid posse, nisi dependenter à te.

III. Ideo invito & invoco Sanctissimam Virginem, beatos Spiritus, & totam Curiam caelestem, imò creaturas universas, ut mecum adorent, venerentur, & agnoscant tantam Majestatem, & jam nunc, unâ cum illis te adoro, & agnosco: imò isto meo actu omnes alias adorationes, alios cultus, quibus hactenus affectus, & quibus affici te conveniebat, omnes, inquam, eos cultus uno fasciculo comprehensos & colligatos tibi offero, dedico.

IV. Tandem, ô DEUS meus, consecro tibi omnia, qui es absolutus Dominus universorum, singulariter autem omnes meas cogitationes, verbas & operas, tam interna quàm externa, tibi offero, & consecro;

illud



illud unum supplicans, ut in me perfectissime impleatur amabilis tua voluntas, quâ me creâsti, & vocâsti ad tibi serviendum.

### ACTVS EXTERNI ADORATIONIS

ex Thesauro inexhausto P. Aria de Virt. Relig.

Ejusmodi actus consistunt in humiliatione corporis, quæ fit caput aperiendo, inclinandoquæ, genua flectendo, totum se solo adsternendo, manus tollendo, ac conjungendo, & pectus percutiendo. Fit etiam exterior adoratio lumina accendendo, thus adolendo, odores offerendo, & Divinas laudes dicendo. His exterioribus adorationis actibus profitemur interiori adorationem cordis, eamquæ excitamus, & adjuvamus,

## §. II.

### De Sanctissimo Missæ Sacrificio.

**S**acrosanctum Missæ Sacrificium, est actus Religionis, quo in persona Christi & Ecclesiæ Sacerdos, per transubstantiationem panis & vini in Corpus & Sangvinem Christi, specierumquæ panis & vini alterationem, protestatur supremum DEI dominium, aliosquæ consequi intendit fines, & effectus. Dicitur: quo in persona Christi &c. Ubi imò principalis Sacrificans seu offerens Missæ Sacrificium intelligitur esse Christus Dominus: Tum, quia ipse hoc Sacrificium instituit, omnemquæ valorem ex suis meritis illi indidit: Tum, quia vocatur Sacerdos in æternum, ex eo, juxta interpretationem Patrum, quod per suos Ministros offerat quotidie. Hinc Trident. inquit: Idem nunc offerens Sacerdotum ministerio, qui seipsum tunc in cruce obtulit. Tum, quia ipse Missas, quas celebrant Sacerdotes, DEO Patri actu & re ipsâ offert in cælo, tanquam Advocatus noster, & Mediator DEI & hominis, interpellans pro nobis: Tum potissimum, quia Sacerdos in persona Christi sacrificando illa verba profert: Hoc est corpus meum. Unde S. Anselmus ait: Ipse offerre manifestatur in nobis, cujus sermo sanctificat Sacrificium, quod offertur. Quare Sacerdos sacrificans, respectu Christi, est tanquam causa Instrumentalis seu Ministerialis, per quem Christus, ut causa Principalis, perficit Sacrificium Missæ. 2<sup>us</sup> offerens Sacrificium Missæ, est Ecclesia, quæ per Sacerdotem non eo modo quo Christus, sed tanquam per suum Legatum & Mediatorem,

*Psal. 109.*

*Seff. 22. c. 2.*

*In Psalm. 38.*



244 Prima Secunde. Tract. 2. Cap. 6. Sect. 5. Subs. 1. §. 2. Aff. Exter. Rel.  
rem, nomine suo, offert DEO hoc Sacrificium. Hinc Sacerdos  
celebrans vices agit, & personam Ecclesiæ, sicut Legatus perso-  
nam Reipublicæ, ut quidquid ille egerit, tota Respublica dicatur  
agere: Ita & in Sacrificante dicitur tota Ecclesia, seu omnes Ca-

S. Aug. 10.  
civitat. 20.

tholici sacrificare. Hinc S. Augustinus: *Christus inquit, est Sacer-*  
*dos ipse offerens, & ipse oblatio, cuius rei Sacramentum quotidianum es-*  
*se voluit Ecclesiæ Sacrificium, quæ cum ipsius capitis corpus sit, seipsam*  
*per ipsum ducit offerre.* Porro ex fidelibus Ecclesiæ, aliqui sacri-  
ficant tantum habitualiter, nempe qui non assistunt Missæ Sacri-  
ficio, nequè cogitant de illo, nisi quòd propter unionem cha-  
ritatis cum corpore Ecclesiæ dicuntur id habitualiter agere, quòd  
agit Ecclesia. Alii verò actu ipso assistentes Missæ, illiquè in-  
tendentes, dicuntur illam actualiter offerre. Alii deniquè cau-  
saliter Sacrificium offerunt, qui illud prece, stipendio, vel alio  
modo procurant fieri à Sacerdote, qui solus propriè celebrat  
Sacrosanctum Missæ Sacrificium, ab ipso Christo in cæna incru-  
entè, in cruce verò cruenta, adeoque publicâ autoritate insti-  
tutum, quæ autoritas est requisitum Sacrificii. Dicitur: *per*  
*transubstantiationem* &c. quæ transubstantiatio fit, quando ad  
prolationem formæ Sacrificii: *Hoc est enim corpus meum.* Et: *Hic*  
*est enim calix sanguinis mei* &c. desinente substantiâ panis & vini,  
in eorum locum succedit verum & reale corpus & sanguis  
Christi, vel per Reproductionem novâ actione factam ejusdem  
corporis & sanguinis Christi, vel per Replicationem solam, id  
est, Additionem corporis & sanguinis Christi. Dicitur: *spe-*  
*cierumquè panis & vini alterationem.* Quia sicut antiqua Sacrificia  
essentialiter perficiebantur, dum victima occideretur, & inte-  
graliter fuerunt perfecta, quando comedebantur, vel igne ab-  
sumebantur: ita Sanctissimum novæ legis Sacrificium, quoad  
suam substantiam, peragitur factâ consecratione, & transub-  
stantiatione panis & vini, in corpus & sanguinem Christi, inte-  
graliter verò completur per Communionem seu Consumptionem  
Sanctissimæ Eucharistiæ Sacramenti. Dicitur: *protestatur*  
*supremum DEI dominium.* Etenim hic est principalis finis Sacri-  
ficii, protestatio scilicet summæ in DEO excellentiæ, nempe quòd  
iple sit supremum Numen, primum Principium, & ultimus Fi-  
nis



nis omnium, habens absolutissimam potestatem supra creaturam, eam vitā & suo Esse donare, vel privare; adeoque dignissimum esse, in cuius honorem & cultum vita, quam à DEO homo accepit, destruat. Unde in signum huius, sicut in veteri lege per sacrificium animalia occidebantur, & igne cremabantur, ita ad eundem finem sub novo Testamento Christus in Ara Crucis occisus, seipsum obtulit DEO Patri. Cujus cruenti Sacrificii incruenta fit repræsentatio in Missa, ita tamen, ut hæc repræsentatio non sit tantum pura repræsentatio, ut v. g. est figura vel statua Crucifixi, verum etiam simul habeat perfectam rationem Sacrificii, sitam in morali destructione corporis & sanguinis Christi, dum scilicet per Consecrationem corpus & sanguis Christi sub speciebus panis & vini in tali statu ponuntur, ut amittant alios usus naturales corporis humani, solumque constituantur in ratione cibi & potus, per modum panis manducabilis, & vini potabilis, fiuntque ex non comestibilibus, & potabilibus, comestibilia ac potabilia. Quæ moralis destructio sufficit ad veritatem Sacrificii, prout & in legis veteris Sacrificiis inveniebatur, quando vinum vel oleum pro DEI honore in terram effundebatur, per quam effusionem non statim physicè destruebatur, sed non nisi ad alios usus antecedentes ineptum reddebatur. Deinde in Missa altera destructio ejusdem corporis & sanguinis Christi fit non secundum se, verum secundum rationem cibi manducabilis, & vini potabilis, quando per sumptionem species corrumpuntur, sub quibus Christus in ratione cibi & potus constituebatur. Quibus consumptis, desinit etiam corpus Christi esse manducabile, & sanguis potabilis.

Præter hanc protestationem Supremi DEI dominii, alii quoque fines & effectus Missæ Sacrificii à Christo intenti sunt, & à Sacerdote intendi debent, de quibus modò sequitur.

*Motiva præclarissima ad Missæ Sacrificium frequentandum hæc proponuntur.* — imum ex ejus valore, fine, fructu, effectu. De quo cum primis breviter suppone valorem seu vim effectivam Missæ spectari in actu primo, & actu secundo. In actu primo, hæc vis effectiva consistit in opere operato, & opere operantis.



Sess. 22. Can.  
1. & 2.

Quod in opere operato sita sit, inde patet, quia in Missæ Sacrificio actio principalis offerentis est actio Christi, quæ independentem à bonitate vel malitia ministri, ex vi sua est productiva certorum effectuum. Hinc Trident. docet: *Sacrificium Missæ habere vim & efficaciam applicandi aliquem fructum Christi passionis, & hoc ex vi suæ institutionis.* Et quidem Christus Dominus illâ actione suâ non actualiter meretur, & satisfacit, cum jam sit extra statum merendi, & satisfaciendi, sed potius illâ actione per Missæ Sacrificium applicat præteritam suam satisfactionem, & merita, ad producendos certos effectus. Deinde quod vis quoque effectiva Missæ fundetur in opere operantis: Et primò quidem ex parte Ecclesiæ, in cujus etiam persona sacrificatur, inde est, quia cum DEUS suam Ecclesiam diligat, hinc placet ei, & facile acceptat, quod ejus nomine offertur, necnon flectitur ad dandum, quod ab Ecclesia postulatur. 2dò. Ex parte Sacerdotis operantis eadem vis effectiva in Missæ Sacrificio habetur, quia licet hic in persona Christi & Ecclesiæ sacrificatur, tamen dum sacrificat, exercet præstantissimum actum Virtutis Religionis, quæ eosdem effectus producere valet, quos possunt in generali, & aliæ virtutes. Cæterum pro ratione perfectionis dispositionis Sacerdotalis ex opere operantis, crescit quoque major Sacrificii Missæ valor, ad velociore & copiosiores, perfectioresque effectus producendos. Quia talium oblatio non modò secundum se, verum & secundum offerentes, est DEO gratior & acceptior, adeoque magis movens DEUM ad præstandum id, quod per Sacrificium intenditur. Quod aliàs non fit ex occasione minus dispositorum Sacerdotum.

Porrò in actu secundo vis effectiva Missæ, proveniens ab actu primo, tanquam sua radice, est ipse actualis fructus & effectus Missæ; qui dividitur in Generalissimum, Specialem, & Specialissimum. Generalissimus est, qui ex parte Ecclesiæ tum refertur ad DEUM, & Sanctos, tum Ecclesiæ toti applicatur. Ut dum v. g. nomine Ecclesiæ totius hoc Sacrificio DEUS honoratur, ipsi gratiæ aguntur pro beneficiis toti Ecclesiæ concessis, aliquid impetratur pro tota Ecclesia, &c. Specialis similiter, qui ex nomine unius personæ vel plurium, respectu DEI & Sancto-

rum,



rum, intenditur ad eos honorandos &c. tum quoque etiam illi vel illis personis, pro qua vel quibus determinatè offertur Missa, ejus fructus applicatur. *Specialissimus fructus* est, qui à Sacerdote sacrificante DEO, ac Sanctis exoptatur, ac ipsi Sacerdoti confertur. Denique hi actus, effectus, fructus scilicet Generalissimus, Specialis, & Specialissimus, subdividuntur in Latreuticum, Propitiatorium, Satisfactorium, Eucharisticum, Imperatorium effectum seu fructum. Quippe quod in veteri Synagoga multis Sacrificiorum generibus obtineri intendebatur, ac simul figurabatur, hoc uno Missæ Sacrificio in Ecclesia Christi multò nobiliora obtinentur, & præstantur. Deinde vis & ratio Latreutica, Propitiatoria, Satisfactoria, Eucharistica, & Imperatoria, vel continentur in dictis actibus, fructibus, effectibus, id est Generalissimo, Speciali, & Specialissimo, tanquam in suis generibus, vel non continentur. Si continentur, salva res; si non continentur, id maximè foret verum de Generalissimo. Atqui id non conceditur. Tum quia nulla in hoc implicancia. Tum quia id exigit Communio Sanctorum, ut membra Corporis mystici Ecclesiæ, tum inter se invicem, tum maximè à suo Capite Christo participant bona Sacrificiorum, Suffragiorum, &c. Ergo.

Primò itaque Sacrosanctum Missæ Sacrificium præstat *Latreuticum effectum*, seu cultum Patriæ, quo DEUS honoratur, tanquam Supremum Numen, primum omnium Principium, & ultimus Finis, cujus absoluto dominio subsunt omnia, tanquam Domino vitæ & mortis, ut suprà insinuavimus. Hunc maximè effectum Missæ sacrificio intendit Christus & Ecclesia, cum is sit potissimus finis, ad rationem pertinens Sacrificii. Huc refertur 1. memoria vitæ & passionis Christi, & præcipuè memoria immensæ illius charitatis ostensæ in sanctissimo Eucharistiæ Sacramento nobis relicto, seu Sacrificio incruento: Tum in Sacrificio cruento in Ara Crucis. Unde ipse præcepit, dicens: *Hoc facite in meam commemorationem.* Et Apostolus: *Quotiescun-* Luc. 22.  
*què &c. mortem Domini annuntiabitis, donec veniat.* 2. Huc re- 1. Cor. II.  
fertur Hyperdulia Humanitatis Christi, & Deiparæ, ac Dulia Sanctorum: Non quòd ipsis offeratur Missæ Sacrificium, utpote  
foli



foli DEO debitum, sed quod offeratur DEO in honorem & gaudium accidentale ipsorum. Estquè hæc voluntas Christi, & Ecclesiæ, ut maximo, quo potest fieri, modo, Sancti honorentur, ex quorum cultu maiore major quoquè in DEUM resultat gloria.

*2dò* Missæ Sacrificium est *Propitiatorium*, seu placativum, DEI, & remissivum peccatorum. Quod insinuat Christus, dicens: *Hic est sanguis meus novi testamenti, qui pro multis effundetur in remissionem peccatorum.* Et S. Chrysostomus: Sacerdos, in-

*Matth. 26. Lib. 6. de Sacerdotio.* "quit, pro universo Orbe terrarum legatus intercedit, deprecatorquè est apud DEUM, ut omnium hominum, non viventium modò, sed etiam peccatis defunctorum propitius fiat.) Hæc autem remissio peccatorum non provenit immediatè à Sacrificio Missæ, sed mediatè, quod nempe ex vi Sacrificii hujus conferuntur gratiæ actuales, & donum poenitentiae, ad cuius actuale exercitium consequitur venia peccatorum. Unde

*Trid. Sess. 22. c. 2.* Trident docet: DEUM hoc Sacrificio placatum, etiam ingentia crimina remittere, concedendo poenitentiae donum. Quod donum tribuitur ex opere Operato, seu ex vi meritorum Christi, ut citata Evangelii verba clarè ponunt: Tum ex opere Operantis Ecclesiæ, quia idem Actus, qui est impetratorius, (quale est Missæ Sacrificium,) est quoquè simul meritorius, saltè de congruo, ut liquet ex Angelico Doctore. Et omnis actus moralis supernaturaliter bonus per intentionem Operantis fit hoc modo propitiatorius, uti placet Spiritualibus Magistris. Conceditur autem hoc donum poenitentiae secundum generalissimum, specialem, & specialissimum fructum, aliis per efficaces, aliis per sufficientes gratias, pro ratione dispositionis cujusquè, & ratione æternæ DEI Providentiæ.

*3tiò.* Missa *Satisfactorium* producit effectum, seu satisfactionem, pro poenis temporalibus. Etenim, si Sacrificia veteris testamenti tollebant poenas legales, quidni id magis concedendum Sacrosancto huic Sacrificio, quoad veras poenas peccatis debitas? Verùm soli iusti ejusmodi participant favorem: quia in peccatoribus sinè mortalibus culpis non dimissis, non dimittitur quoquè poena. Porro id certum non modò de iustis vi-



vis, verum & piè defunctis, eorum purgatorii poenas Sacrificio Missæ potissimum aboleri. Unde Cyrillus Hierosol. inquit: *Maximum esse credimus animarum juramen, pro quibus offertur obsecratio Sancti illius, & tremendi, quod in altari positum est, Sacrificii.* Provenire autem hanc satisfactionem ex opere operato liquet: quia ex præcipuis fuit & iste finis passionis, & Sacrificii Christi crucienti in Cruce, nempe satisfactio rigorosa iustitiæ DEI vindictivæ, in exsolvendo poenas tales, quæ satisfactio æquivaleret, imò infinites superabundaret poenis æternis totius mundi peccatis debitæ. Porro ejusmodi satisfactio alligata est Sacrificio Missæ, nè minoris conditionis foret præ Sacrificiis antiquis sui figurativis. Tum ex opere operantis Ecclesiæ, & Sacerdotis, prodit dicta satisfactio. Cum omnis actus virtutis (quale etiam est Missæ Sacrificium) ex intentione operantis sortitur vim satisfactionis, juxta doctrinam Spiritualium Theologorum, Et Doctor Angelicus inquit: *Eucharistia, inquantum est Sacrificium, habet vim Satisfactivam, sed in satisfactione magis attenditur affectus offerentis, quam quantitas oblationis.* Unde & Dominus dicit Luc. 21. de vidua, quæ obtulit duo æra, quod plus omnibus misit. *Quamvis ergo hæc oblatio ex sui quantitate sufficiat ad satisfaciendum pro omni poena, tamen fit satisfactoria illis, pro quibus offertur, vel etiam offerentibus, secundum quantitatem suæ devotionis, & non pro tota poena.* Applicatur autem hæc satisfactio omnibus justis, vivis & defunctis, (qui nondum expiârunt suas poenas,) juxta rationem generalissimi, specialis, & specialissimi fructus.

4<sup>to</sup>, Missæ Sacrificium est *Eucharisticum*, id est, non modo collativum multiplicis bonæ gratiæ, (Eucharis enim bona gratia interpretatur) verum est & gratiarum actorium. Quo ad *nam* patuit ex dictis, & patebit ex dicendis hæc multimoda gratia. Nunc verò asserendum, Sacrificium hoc, ut conferat gratias actuales, dispositivas, ad gratiam primam habitualement (de quo visum supra) ita conferre gratiarum auxilia, ad eandem conservandam, & augendam, vi meritorum Christi. Tum quia eadem ratio valet tam respectu primæ gratiæ, quam respectu secundæ: Tum si in lege veteri Sacrificia externâ conferebant sanctitatē, quanto magis in lege gratiæ sanctissimum hoc Sacrificium de-

Catech. 5.

Mystag.

D. Thom. 3.

q. 29. 4. 5.



bet conferre gratiam, gratum facientem, seu internam Sanctitatem gratiæ actualis dispositivam ad habitualementem ejusque conservativam (cujus figura erat illa externa sanctimonia) idque toties, quoties peragitur? Imò etiam ex opere operantis Ecclesiæ, per Sacrificium Missæ procurantur gratiæ actuales in ordine ad augmentum gratiæ. Quia, si calix aquæ frigida datus pauperi, in justo immediatè promeretur incrementum gratiæ, quidni ob Sacrificium hoc Ecclesia justorum promereatur ejusdem gratiæ ampliorem proventum, saltè mediatè? Deinde Angelicus Doctor inquit: *spiritualiter communicantes (quod facit sacrificans Ecclesia in suo ministro) etsi non Sacramentum, rem tamen percipere Sacramenti.* Et hæc sunt dicta, respectivè ad Generalissimum & Specialem fructum. Ceterum quoad Specialissimum effectum Sacerdoti sacrificanti dari solitum ex parte Communionis, seu sumptionis Sanctissimi Sacramenti, is sine ulla controversia ex opere operato, & opere operantis talis tribuitur, qualis & aliis communicantibus in gratia accedentibus, nempe augmentum gratiæ habitualis, præservatio à peccatis, amplior gratia actualis pro faciendo incremento gratiæ Sanctificantis, &c.

*Sess. 22. c. 3.* Quod concernit gratitudinem, seu gratiarum actionem, pro beneficiis à DEO collatis, hanc quoque sacrum Missæ Sacrificium præstare indubium est, idque ex opere operato, & opere operantis, secundum Generalissimum, Specialem, & Specialissimum actum, ex supradictis faciliè probatio colligitur. Adde Suppositum ex Trident: *Si quis dixerit, inquit, Missæ Sacrificium tantum esse laudis & gratiarum actionis, aut nudam commemorationem Sacrificii in cruce peracti, non autem propitiatorium, &c. anathema sit.*

*5to.* Missæ Sacrificium esse *Impetratorium* omnis generis beneficiorum, temporalium, & æternorum, sive ex opere operato, sive ex opere operantis, in vi Generalissimi, Specialis, & Specialissimi actus & effectus, liquet ex supradictis. Tum, quia etiam in veteri Testamento Levit. 7. jubentur offerri Sacrificia, pro impetrando beneficio. Tum, quia Christus Dominus, qui est interpellans pro nobis, maxime sanguine suo fuso clamat ad Patrem,



Patrem, non vindictam, sed gratiarum dona, pro nobis expostulando, unde etiam exauditur pro sua reverentia. Tum, quia ob suam dilectionem in Ecclesiam, maximè interposito hoc efficacissimo Missæ Sacrificii medio, movetur eidem ad collationem beneficiorum, quæ aliàs & simplici orationi promisit se daturum, juxta illud: *Petite, & dabitur vobis.*

Matth. 7.

Deniquè, sicut omnis alius actus Virtutis potest offerri ad varios fines, moraliter & supernaturaliter bonos, ut alibi vidimus: ita Sacerdos, ex nomine Ecclesiæ, & suo, potest similem oblationem facere cum Missæ Sacrificio, (salvis tamen debitis intentionibus, ad quas obligatur offerre,) quod profectò in maximum emolumentum Ecclesiæ, præcipuè ipsius sacrificantis Sacerdotis, cedere notum est, ac perspicuum.

I. 2. tr. 1 c.

I. sec. 2.

*Confirmantur dicta.* Thomas Theodidactus inquit: *Quando Sacerdos celebrat, DEUM honorat, Angelos letificat, Ecclesiam edificat, vivos adjuvat, defunctis requiem præstat, & sese omnium bonorum participem efficit.*

Lib. 4. de imit.

Christi c. 5.

2dum Motivum à dignitate immensa Missæ Sacrificii: hoc enim juxta SS. Patres vocatur à DEO per Prophetam oblatio munda, de qua sic ait: *Ab ortu solis usque ad occasum magnum est nomen meum in gentibus, & in omni loco sacrificatur, & offertur nomini meo oblatio munda.* Et juxta Zachar: *Quidenim bonum ejus est, & quid pulchrum ejus, nisi frumentum electorum, & vinum germinans Virgines?* Et Psalmista: *Memoriam fecit mirabilium suorum, misericors & miserator Dominus, escam dedit timentibus se.* S. Dionysius Eucharistiam appellat omnium Sacramentorum consummationem, Divinissimum & Sacrosanctum Sacramentum, Sacrosancta & augustissima mysteria. S. Chrysostomus inquit: *Cum benedictionem dico, Eucharistiam dico, & dicendo Eucharistiam, omnem benignitatis DEI thesaurum hom. 24. in E-*  
*aperio. Etenim cum calice inenarrabilia DEI beneficia consecuti sumus, pist. 1. Cor.*  
*&c. S. Gregorius: Quis fidelium habere dubium possit, in ipsa immolationis hora, ad Sacerdotis vocem, celos aperiri, in illo JESU Christi Dial. c. 58.*  
*mysterio Angelorum choros adesse, summis ima sociari, terrena celestibus jungi, unum quid ex visibilibus atque invisibilibus fieri?* P. Lohner In Missali  
 in Biblio. Man. tit. Sacr. Missæ inquit: *Unius Sacrificii oblatione novo anno*  
*gratius præstatur DEO obsequium, quam si omnes possibiles virtutum* 1634. recogni-

Malach. c. 1.

Zach. c. 9.

Psalm. 110.

S. Dion. Eccl.

Hierar. c. 3.

S. Chrysost.

S. Greg. 4.

Dial. c. 58.

In Missali

anno

1634. recogni-

tus to.



252 *Prima Secunda. Tract. 2. Cap. 6. Sect. 5. Subs. 1. §. 2. Aff. Ext. Rel*  
actus elicerentur, & omnia excogitabilia tormenta ex amore DEI susti-  
nerentur. Hinc Urbanus VIII. in quodam diplomate ait: Si quid esset  
in rebus humanis planè Divinum, quod nobis Superni Cives (si in eos  
invidia caderet) invidere possent, id certè est Sacrosanctum Missæ Sacri-  
ficium.

3<sup>ium</sup> Motivum. Imitari Christum, qui summo charitatis  
ardore incensus, in ultima cœna Sacrificium hoc Divinisimum  
Luc. 22. peregit, dum ait: Desiderio desideravi, hoc Pascha manducare vobis-  
D. Hieron. cum, antequam patiar. Ipsequè, juxta D. Hieronymum, Dominus  
Epist. ad Hed. JESUS Conviva, & Convivium, ipse comedens, & qui comedi-  
tur. Deinde post Consecrationem à Matthæo & Luca Christus  
Matth. 26. dixisse refertur: Non bibam à modo de hoc genimine vitis, donec illud  
Luc. 22. bibam novum in regno Patris mei. S. Andreas, dum à Tyranno Di-  
Petrus Sanch. is sacrificare juberetur, respondit: Quotidie sacrifico Omnipoten-  
in regno DEI tenti DEO, non boves & oves, sed immaculatum agnum, cujus  
p. 7. c. 4. caro, licet à populo manducetur, integer tamen ipse perseve-  
rat. B. Casius Episcopus quotidie celebrans (sed vitâ corre-  
S. Greg. Dial. spondente tanto Sacrificio) audivit sibi à Domino dici: Age,  
lib. 4. c. 56. quod agis, operare, quod operaris, non cesset opus tuum, non  
lib. 3. c. 6. cesset pes tuus, non cesset manus tua: Natali Apostolorum ve-  
nies ad me, & retribuam tibi mercedem tuam. S. Cajetanus  
Rho. lib. 3. plerumquè horas octonas sese ad Sanctissimum Missæ Sacrifici-  
Virt. c. 1. 15. um præparabat, idquè præmissâ Confessione, tunc primùm  
celebrabat.

4<sup>um</sup> Motivum. Specialiter incitans ad singularem devo-  
tionem, in audiendo & ministrando Sanctissimo Missæ Sacrifi-  
cio. Ex Corn. à lap. hæc accipe: Quinquè hujus rei (id est  
Comment. in auditionis sacri) fructus paucis assignat Toletus lib. 6. sum-  
Exod. c. 29. mæ cap. 10. 1<sup>us</sup>, inquit, est gratiæ augmentum, qui enim in  
gratia est, sacrum audiendo gratiæ augmentum consequitur,  
tum, quia offert, tum, quia pro ipso etiam sacrum offertur. 2<sup>do</sup>,  
consequitur poenæ temporalis, pro peccatis debita, remissio-  
nem. 3<sup>to</sup>, quod petit, facilius impetrat. Nam DEO Patri ob-  
lationem acceptissimam, puta Christum offert, 4<sup>to</sup>, actus vir-  
tutum exercentur, & præcipuè trium, quæ sunt magni momen-  
ti, scilicet Fidei, Charitatis, & Religionis. 5<sup>to</sup>, comparet homo  
in



in præsentia Christi, & eo quo potest modo, puta per fidem. Præsentem videt Christum, & habet, atque impetrat, quod impetraret, si videret, si debito modo petat, ut cæcus impetravit. Eosdem fusiùs tradit Svarez to. 3. in 3. part. disp. 79. sect. 2. §. 4. qui præterea piè & probabiliter opinatur, assistentes Missæ (quos & offerentes esse censet) ex opere operato consequi proprium fructum suum, etiamsi Sacerdos intentione suâ nullum eis talem fructum applicet. )) Beatissima Virgo post ascensionem Filii sui, quotidie sacrum audiebat, quod à Sancto Joanne, vel ab alio Sacerdote, celebrabatur. Ita Svarez, & alii. S. Anselmus, Cantuar. Archiepisc. cum ob senium facere Missam non posset, delatus in Oratorium, quotidie Missam audiebat, ait Eddinerus in ejus vita lib. 2. S. Thomas Aquinas, in summis etiam studiis, quotidie Missam faciebat, & alteram audiebat, & eidem sæpè ministrabat. In Chronicis Hispaniæ celebris est Capitanus Paschalis Vivas, qui tempore prælii contra Regem Cardubæ Maurum, dum audiret Missas in templo S. Martini, visus est in prælio fortiter pugnare, & vexilliferum occidere, esseque causa victoriæ, cum tamen pugna non interfuisset, Angelo sub ejus forma pugnante. Multos à periculis, à morte, à paupertate liberatos, quod Missam quotidie audirent, collegit Pinellus lib. de fruct. Missæ. Ecquid mirum? ipsi Angeli Missæ assistunt, & ministrant. Unde in Canone orat Sacerdos: Jube hæc perferri per manus Sancti Angeli tui. Vidit S. Chrysost. teste B. Nilo, ejus discipulo, Presbyteris, Eucharistiam distribuentibus, Angelos auxilium ac robur ferre. Scribit Cyrillus in vita S. Euthymii, sæpè ab eo visam terribilem Angelorum multitudinem, unâ secum DEO ministrantem, & sacra contrectantem. Unde S. Bonav. Ad Missam, inquit, libenter ministra, quia hoc est officium Angelorum: ipsi enim DEO suo ubique ministrant devotissimè. Et S. Ephrem: Angeli mundi, inquit, cum tremore ministrant, faciemque obtegentes non audent respicere. S. Ambros. in c. 1. Lucæ: Non dubites, ait, assistere Angelum, quando Christus immolatur. S. Chrysost. lib. 6. de Sacerd. ait: Altare Angelorum choris plenum esse, qui clamores excitant, dum Christus immolatur. )) S. Nilus Abbas Epist.

Collector ex de  
la Croix Hort.  
Mariani art.  
5. c. 8.



254 *Prima Secunda, Tract. 2. Cap. 6. Sect. 5. Subf. 1. § 2. Act. Exter. Rel.*  
ad Anast. Episc. scribit de S. Joanne Chrysof. eum, quoties ferè  
celebrabat, Angelos vidisse. Cùm cœpisset, inquit, sanctum  
Sacrificium, plurimæ statim ex illis Virtutibus, de cælo descen-  
dentes, stolis indutæ splendidissimis, nudis pedibus, inrentis o-  
culis, pronæ altari, magno cum silentio, & reverentia, quoad  
venerandum illud mysterium expletum fuit, circumsteterunt,  
Deinde huc, illuc singulæ per totam domum diffusæ, Presby-  
teris, & Diaconibus, distributionem corporis & pretiosi sangui-  
nis ministrantibus, adhæserunt, satagentes, & sedulò adjuvan-  
tes.)) Audiant in Ecclesia garruli, audiant immodesti. S. Am-  
bros. lib. 3. de Virgin. Estne quicquam, inquit, indignius, quàm  
oracula Divina circumstrepì, nè audiantur, nè credantur, nè re-  
velentur? circumsonare Sacramenta confusis vocibus, ut im-  
pediatur oratio pro salute deprompta omnium, cùm gentiles  
idolis suis reverentiam tacendo referant? Unde illud exem-  
plum proditur: Alexandro Macedonum Rege sacrificante, pu-  
erulum barbarum, qui ei lumen accenderet, excepisse ignem,  
brachio, atquè adusto corpore mansisse immobilem, nec dolo-  
rem prodidisse gemitu, nec tacito poenam indicasse fletu. Tan-  
ta in puero barbaro fuit disciplina reverentiæ, ut naturam vin-  
ceret, atquè ille non Deos, qui nulli erant, sed Regem time-  
bat.)) Apud Græcos sacrificaturus Sacerdos præfabatur: *Quis  
hic?* Assistentes sacris respondebant: *Multi, & boni.* Quare

*P. Lobner Virg: Procul hinc, procul este profani.* In India Porcæ Rex, et si  
*Bibli. Manua.* primis adhuc juvenilis licentiæ annis, tam erat tamen in colen-  
*ex Petro fa-*dis idolis suis, quæ non pauciora quingentis in Larario asser-  
*mon l. 6. bist.*vabat superstitiolè religiosus, ut quotidie rotum antemeridia-  
*Ind. Orient.*num tempus, sex solidas horas, offerendis suis cuiquè donis im-  
penderet, nec ad alia ulla negotia daret aditum. Christiane,  
cave, & pave, nè paganorum devotio inter suos nidores, con-  
demnet tuam incuriam inter Divinisissimi Sacrificii odores.

*In Praxi* circa celebrationem Missæ observa imò, quod S.

*S. August.* Augustinus ait: Accipe quotidie, quod quotidie tibi proffit, sic  
*tractans illud*vive, ut quotidie merearis accipere: qui non meretur quotidie  
*Matth. 6. Pan.*accipere, non meretur post annum accipere. 2dò adhibe præ-  
*etc.*parationes ad Missam, quæ passim in Libellis piis circumferun-  
tur.



tur. 3tio. Audi *S. Ambrosium*: Quantâ enim cordis contritione, *S. Ambros.*  
 & lachrymarum fonte, quantâ reverentiâ & tremore, quantâ in orat. ante  
 corporis castitate, atque animi puritate, illud Divinum Cæleste Missam dicen-  
 mysterium est celebrandum, Domine DEUS! ubi caro tua in da.  
 veritate sumitur, ubi sanguis tuus in veritate bibitur, ubi sum-  
 mis ima, humanis Divina junguntur, ubi adest Sanctorum præ-  
 sentia Angelorum, ubi tu es Sacerdos, & Sacrificium, mirabiliter  
 & ineffabiliter. Quis dignè hoc celebrare mysterium potest,  
 nisi tu DEUS Omnipotens offerentem feceris dignum?)) De-  
 inde vide, quod apud *Rom. Numa* sancitum tulit, ut nempe quate-  
 nus ad Sacrificia præco ingenti voce præcedens clamaret: *Hoc*  
*age*, nimirum, ut toti essent animo intenti ad Sacrificium. De-  
 inde illa sanctio huc pertinet: *Ad Divos adeunto castè, pietatem ad-*  
*hibento, opus amovento, qui secus facit, DEUS vindex erit.* Ægyptii  
 Sacerdotes, contemptâ negotiorum curâ, carne & vino absti-  
 nentes, castimoniam vitæ colebant. Hæc dæmoniorum Sacri-  
 ficuli, quid non agendum Summi Numinis Mystis?

*Adhibe quoque hic proportionatè suprâspecificata.*

*1. 2. tra. 1. c.*

*Præparationem ad Sanctissimum Missæ Sacrificium, & alias de- 1. sec. 4. subs.*  
 votiones circa illud, reperies quoque in nostro Incenso Orationis. *2. §. 2.*

### §. III.

#### De Sanctissimæ Eucharistiæ Communione Sacramentali.

**C**ommunio Eucharistica, est actus Religionis, quo immensam excellen-  
 tiam Divinæ Charitatis in institutione hujus Sacramenti, tum in Pas-  
 sione, & Morte Christi, ostensam, per sumptionem Eucharistiæ Sacramen-  
 talem recolimus, & veneramur; acceptâque eadem Divinissimâ alimen-  
 tiâ, & ejus fructu, hoc ipso DEUM honoramus, & in ejus cultu in  
 Spiritu reficimur. Dicitur: Excellentiam Divinæ Charitatis &c.  
 Quia id Dominus jubet, dicens: *Hoc facite in meam commemoratio-*  
*nem*, scilicet in memoriam tantæ meæ dulcedinis, & dilectionis  
 erga vos, ut illam multum appetiimini, & veneremini, di-  
 gnantemque vos tali honore reciprocè honoreris, & quod ma-  
 ximum est, ut amantem redameteris. Hæc enim duo, honorem  
 videli-

*Lxc, 22.*



videlicet, & amorem mutuum, inter se amici valedicentes, donativo aliquo testatum, ad invicem relinquere solent. Siquidem amor potest esse absquæ honore: sic flosculum elegantem amamus, sed præ parva æstimatione facilè rejicimus in terram. Lapidem verò pretiosum & amamus, & simul ejus pretium multum æstimamus, semperquæ ei honorificentissimum locum assignamus, uti in Corona, in annulo.

*Joann. 16.*

*Illicia* ad dignè & devotè frequentandam Sanctissimæ Eucharistiæ Communionem sunt. *Imum.* *Joann.* Ego sum panis vivus, qui de cælo descendi. Si quis manducaverit ex hoc pane, vivet in æternum, & panis, quem ego dabo, caro mea est pro mundi vita. *Item:* Nisi manducaveritis carnem Filii hominis, & biberitis ejus sanguinem, non habebitis vitam in vobis. Qui manducat meam carnem, & bibit meum sanguinem, habet vitam æternam, & ego resuscitabo eum in novissimo die. Caro enim mea verè est cibus, & sanguis meus verè est potus. Qui manducat meam carnem, & bibit meum sanguinem, in me manet, & ego in illo. *Item:* Qui manducat hunc panem, vivet in æternum.

*Ibidem.*

*Ibidem.*

*S. Cyrill. l. 4.*

*c. 17.*

*2dum.* *S. Cyrillus:* Non mortem solùm, verùm etiam, morbos omnes depellit. Sedit enim, cum in nobis maneat Christus, sævientem membrorum nostrorum legem, pietatem corroborat, perturbationes animi extingvit: nec in quibus sumus peccatis, considerat: sed ægrotos curat, collisos reintegrat, & sicut pastor bonus, qui animam suam pro ovibus posuit, ab omni nos erigit casu. *Ex Doctore Angelico hæc accipe:* Effectus Sacramenti hujus debet considerari: 1. quidem, & principaliter, ex eo, quod in hoc Sacramento continetur, quod est Christus. Qui sicut in mundum visibiliter veniens, contulit mundo vitam gratiæ, (secundum illud Joann. 1: Gratia & veritas per JESUM CHRISTUM facta est) ita in hominem Sacramentaliter veniens, vitam gratiæ operatur, secundum illud Joann. 6: Qui manducat me, vivet propter me. Unde & *Cyrillus* dicit: Vivificativum DEI Verbum, uniens seipsum propriæ carni, fecit ipsam vivificativam: decebat enim eum, nostris quodammodo uniri corporibus, per sacram ejus carnem, & pretiosum sanguinem, quæ

*D. Thom. p.*

*3. q. 79. a. 1.*

*Lib. 4. in Joann.*

*c. 22. & 14.*

qui manducat me, vivet propter me. Unde & *Cyrillus* dicit: Vivificativum DEI Verbum, uniens seipsum propriæ carni, fecit ipsam vivificativam: decebat enim eum, nostris quodammodo uniri corporibus, per sacram ejus carnem, & pretiosum sanguinem, quæ



quæ accipimus in benedictionem vivificativam, in pane, & in vino. 2. consideratur ex eo, quod per hoc Sacramentum representatur, quod est passio Christi. Et ideo effectum, quem passio Christi fecit in mundo, hoc Sacramentum facit in homine. Unde super illud Joann. 19: *Continuò exivit sanguis & aqua*, dicit Chrysostomus: Quia hinc suscipiunt principium sacramentaria, cum accesseris ad tremendum calicem, ut ab ipsa bibiturus Christi costa, ita accedas. Unde & ipse Dominus dicit Matth. 26: Hic est sanguis meus, qui pro vobis effunderetur in remissionem peccatorum. 3. consideratur effectus hujus Sacramenti ex modo, quo traditur hoc Sacramentum, quod traditur per modum cibi & potûs. Et ideo omnem effectum, quem cibus & potus materialis facit, quantum ad vitam corporalem, (quod scilicet sustentat, auget, reparat, & delectat,) hoc totum facit hoc Sacramentum, quantum ad vitam Spiritualem. Unde Ambros. dicit in lib. de Sacramentis: Iste panis est vitæ æternæ, qui animæ nostræ substantiam fulcit. Et Chrysost. dicit super Joann: Præstat se nobis desiderantibus, & palpare, & comedere, & amplecti. Unde ipse Dominus dicit Joann. 6: Caro mea verè est cibus, & sanguis meus verè est potus. 4. consideratur effectus hujus Sacramenti ex Speciebus, in quibus traditur hoc Sacramentum. Unde August. ibidem, dicit: Dominus noster corpus & sanguinem suum in eis rebus commendavit, quæ ad unum aliquid rediguntur ex multis: namquæ aliud, scilicet panis, ex multis granis in unum constat, aliud, scilicet vinum, in unum ex multis acinis confluit. Et ideo ipse alibi dicit super Joann: O Sacramentum pietatis! ô signum unitatis! ô vinculum charitatis. Et quia Christus, & ejus passio est causa gratiæ, & Spiritualis refectio, & charitas sine gratia esse non potest. Ex omnibus præmissis manifestum est, quod hoc Sacramentum gratiam confert. ))

Per hoc Sacramentum, juxta D. Thomam, augetur gratia, S. Thom. p. 3. & perficitur Spiritualis vita, ad hoc, quod homo in seipso perfectus existat per Conjunctionem ad DEUM. Ibidem: Hoc Sacramentum confert gratiam Spiritualiter cum virtute charitatis. Unde Damascenus comparat hoc Sacramentum carboni, quem



Isaias vidit, Isa. 6. Carbo enim lignum simplex non est, sed unitum igni: ita & panis Communionis non simplex panis est,

*Hom. 30. in* sed unitus Divinitati. Sicut Gregor. dicit in hom Pentec: A-  
*Evang. non* mor DEI non est otiosus, magna enim operatur, si est. Et ideo  
*longè à princ.* per hoc Sacramentum, quantum est ex sui virtute, non solum

habitus gratiæ & virtutis confertur, sed etiam excitatur in a-  
ctum: secundum illud 2. Cor. 5: Charitas Christi urget nos. Et  
inde est, quodd ex virtute hujus Sacramenti anima Spiritualiter  
delectatur, & quodammodo inebriatur dulcedine bonitatis Di-  
vinæ: secundum illud Cant. 5: Comedite amici, & bibite, & in-

*S. Thom. cit.* ebriamini charissimi. *Idem* citat S. August. dicentem super il-  
*ibidem art. 2.* lud Joann. 6: Caro mea verè est cibus, cum cibo & potu id ap-  
petant homines, ut non esuriant, nequè sitiant, hoc veraciter  
non præstat, nisi iste cibus & potus, qui eos, à quibus sumitur,  
immortales & incorruptibiles facit in societate Sanctorum, ubi

*Ibid. a. 2. ad 1.* pax erit, & unitas plena, atquè perfecta. *Idem Angelicus Doctor:*  
Hoc Sacramentum non statim nos in gloriam introducit, sed dat  
nobis virtutem perveniendi ad gloriam, & ideo Viaticum dici-  
tur. In cujus figura loquitur 3. Reg. 19. quodd Elias comedit &  
bibit, & ambulavit in fortitudine cibi illius quadraginta diebus,  
& quadraginta noctibus, usquè ad montem DEI Horeb. *Ibi-*

*dem:* Qui est in peccato mortali, cujus conscientiam & affe-  
*ibid. a. 4.* ctum non habet: fortè enim primò non fuit sufficienter con-  
tritus: sed devotè & reverenter accedens, consequetur per hoc  
Sacramentum gratiam charitatis, quæ contritionem perficiet, &  
remissionem peccati. *Ibidem:* Dicendum, quodd in hoc Sa-  
cramento duo possunt considerari, scilicet, ipsum Sacramen-  
tum, & res Sacramenti, & ex utroquè apparet, quodd hoc Sacra-  
mentum habet virtutem ad remissionem venialium peccato-  
rum. Nam hoc Sacramentum sumitur sub specie cibi nutri-  
entis. Nutrimentum autem cibi, est necessarium corpori, ad re-  
staurandum id, quod quotidie deperditur per actionem caloris  
naturalis. Spiritualiter autem quotidie aliquid in nobis de-  
perditur, ex calore concupiscentiæ, per peccata venialia, quæ  
diminuunt fervorem charitatis. Et ideo competit huic Sacra-  
mento, ut remittat peccata venialia. Unde & Ambros. dicit in  
lib.



lib. de Sacram: Quod iste panis quotidianus sumitur in remedium quotidianæ infirmitatis. Res autem hujus Sacramenti, est charitas, non solum quantum ad habitum, sed etiam quantum ad actum, qui excitatur in hoc Sacramento, per quod peccata venialia solvuntur. Unde manifestum est, quod virtute hujus Sacramenti remittuntur peccata venialia. *Ibidem*: Quoad remissionem poenæ dicit: Hoc Sacramentum directe ex vi sua, non esse institutum ad satisfaciendum, sed ad Spiritualiter nutriendum, per unionem ad Christum, & ad membra ejus: sicut & nutrimentum unitur nutrito. Sed quia hæc unitas fit per charitatem: ex cujus fervore aliquis consequitur remissionem, non solum culpæ, sed etiam poenæ; unde est, quod ex consequenti per quandam concomitantiam ad principalem effectum homo consequitur remissionem poenæ: non quidem totius, sed secundum modum suæ devotionis & fervoris. *Ibidem*; Peccatum est quædam Spiritualis mors animæ. Unde hoc modo præservatur aliquis à peccato futuro, quo præservatur corpus à morte futura. Quod quidem fit dupliciter. Uno modo, in quantum natura hominis interiori roboratur contra interiora corruptiva: & sic præservatur à morte per cibum, & medicinam. Alio modo per hoc, quod munitur contra exteriores impugnationes, & sic præservatur per arma, quibus munitur corpus. Utroque autem modo hoc Sacramentum præservat à peccato. Nam imò quidem per hoc, quod Christo conjungit per gratiam, roborat Spiritualem vitam hominis, tanquam Spiritualis cibus, & Spiritualis medicina: secundum illud Psalm. 103: Panis cor hominis confirmat. Et August. dicit super Joannem: Tract. 26. in Securus accede, panis est, non venenum. Alio modo, in quantum est quoddam signum Passionis Christi, per quam victi sunt dæmones, repellit omnem dæmonum impugnationem. Unde Chrysost. dicit super Joann: Ut Leones flammam spirantes, sic ab illa mensa discedimus, terribiles effecti diabolo. *Ibidem* lo. à me: illius; S. Thomas: Licet hoc Sacramentum non directe ordinetur ad diminutionem fomitis, diminuit tamen fomitem ex quadam, consequentia, in quantum auget charitatem: quia, sicut August. dicit in lib. 83. Quæst. augmentum charitatis est diminutio cupiditatis.

*Ibidem* a. 5.*Ibidem* a. 6.*Tract. 26. in lo. à me. to. 9.**Hom. 45. in lo. à me: illius;**Ibidem* lo. à me: illius;*Ibid. a. 6. ad tertium,*



260 *Prima Secundæ Tract. 2. Cap. 6. Sect. 5. Subs. 1. §. 3. Aff. Exter. Rel.*  
piditatis: Directè autem confirmat cor hominis in bono, per  
quod etiam præservatur homo à peccato. *Hæc Angelicus Doctor*  
*de Angelico cibo & potu.*

*Trid. Sess. 13.*  
*c. 2.*

*Concilium Tridentinum* hæc habet: Salvator discessurus ex  
hoc mundo ad Patrem, Sacramentum hoc instituit, & in illius  
sumptione colere nos sui memoriam præcipit, suamquè annun-  
ciare mortem, donec ipse veniat ad judicandum. Sumere au-  
tem voluit Sacramentum hoc, tanquam Spiritualem cibum ani-  
marum, quo alantur, & confortentur, viventes vitâ illius, qui  
dixit: Qui manducat me, vivet propter me: & tanquam anti-  
dотum, quo liberemur à culpis quotidianis, & à mortalibus  
præservemur. Dignus etiam voluit esse futuræ felicitatis, ade-  
oque Symbolum unius illius corporis, cujus ipse caput existit,  
cuiquè nos, tanquam membra arctissima, Fidei, Spei, & Chari-  
tatis conjunctione, astrictos esse voluit.

*P. de La Croix.*  
*Hort. Mar. ar.*  
*§. c. 9.*

3<sup>ti</sup>um Illicium est exemplum Deiparæ, quam Filio suo in  
terris Superstitem quotidie Sacram Eucharistiam sumpsisse, &  
ipsius ferventissima pietas, atquè ad res Divinas inexplicabilis  
propensio, & devota Christianorum tunc temporis consuetudo  
manifestè probant. *Alia exempla ex Biblio. manual. P. Lobner tit.*

*Daur. in Cat.*  
*c. 5. tit. 16.*  
*Daur. l. tit.*  
*10. ex. 19.*

*Eucharistia.* 1. S. Mechtildis, Christum, post Communionem  
peractam, sibi dicentem audivit: Tu in me, & ego in Te, & in  
æternum non derelinquam Te 2. Ad Sanctam Catharinam Sen-  
nensem hæc quondam dixit verba DEUS: Ut plenius intelli-  
gas, quàm ardenti desiderio cupiam vobiscum esse, utquè magis  
accendaris ad subigendam mihi, copulandamquè meæ volunta-  
tem tuam: vide, & altâ mente considera, voluisse me, ut Uni-  
genitus meus incarnaretur, parâsse inluper mensam maximi, pa-  
rumquè agniti Sacramenti, Corporis ipsius & Sangvinis, ut in  
cibum fumentes transformemini, muteminiquè in me. Et hoc  
est, quod Augustino Servo meo his verbis dixi: *Cibus sum gran-*  
*dium, cresce, & manducabis me, sed tu mutaberis in me.* 3. Cùm

*L. §. in fin.*  
*c. 30.*

Sancta Gertrudis Domino diceret: Quid in me omnium crea-  
turarum peripsemate poteris invenire, in quo taliter delecteris,  
& hoc amplexibus, & osculis sponsalis blanditatis æquiparare  
digneris? respondit Dominus: Hoc, quod toties me tibi commu-  
nico in Sacramento Altaris. Et in hoc ego in infinitum plus dele-  
ctor, quàm omnes simul, qui unquam in humanis amplexibus &  
osculis



osculis sunt delectari, potuerunt experiri, nam delectatio ample-  
xuum & osculorum humanorum vilis est, & cum tempore transit,  
svavitas verò unionis illius, quâ ego me tibi communico per hoc  
Sacramentum Altaris, nobilissima est, nec unquam deficit, aut te-  
pescit, sed quantò sapiùs renovatur, tantò efficacius viget in ater-  
num. 4. Cùm Sanctimonialis quædam alias à frequenti Com-  
munionem absterret, Christus de ea S. Gertrudi pro illa oranti  
dixit: Non placet, quæ cæteras à sacra Corporis mei mensa  
absterret, cùm summæ mihi deliciæ sint esse cum hominibus. 5.  
S. Bonaventura, cùm aliquamdiu ex reverentia SS. Missæ Sacrificio  
abstineret, alteri cuiusdam Sacerdoti ad Aram facienti assistens,  
sensit, unam sacræ hostiæ particulam ab Altari in os mirabiliter  
transferri, ex quo intellexit, gratius esse DEO, si ex amore ad  
tremenda illa mysteria accedamus, quàm si ex timore quodam &  
reverentia subterfugiamus. 6. S. Catharina Genuensis, quan-  
do ex causa ad Divinam mensam accedere non poterat, toto illo die  
dolore conficiebatur, & sibi ipsi intolerabilis erat, unde, qui apud  
illam morabantur, ei compatiens dicebant clarum esse placere  
DEO, ut quotidie cæleste epulum accipiat. 7. Cùm S. Gertru-  
dis Communionem, quam valde desiderârat, consilio Matris Spi-  
ritualis omisisset, Christus ei dixit: Quia deliberasti me omitte-  
re purè propter me, ego in gremio meo confovebo te. 8. S.  
Franciscus flagrabat erga Sacramentum Dominici Corporis fer-  
vore omnium medullarum, stupore admirans permaximo illam  
carissimam dignationem, & dignissimam charitatem. Sæpè  
communicabat, & tam devotè, ut alios devotos efficeret, dum ad  
immaculati Agni degustationem svavem, quasi Spiritu ebrius, in  
mentis plurimum rapiebatur excessum. 9. B. Virgini animam a-  
genti Christus ipse læto vultu corpus suum obtulit, dicens: Acci-  
pe chara Mater, quod nox complebitur tibi in regno meo, unâ  
cum Patre meo. 10. S. Hieronymus Viaticum sumpturus, de le-  
ctulo humi se prosterni, saccoquè operiri iussit, tunc genibus pro-  
volutus lachrymas fudit, pectus pugno percussit, & sic sacram  
oblationem hausit. 11. Lucianus Martyr, cùm aliter ob carcerem  
& vincula non posset, super pectus suum sacrificans, sibi & aliis  
Viaticum præbuit. 12. S. Augustinus moribundus sic Christum  
pro Viatico oblatum allocutus est: Ave principium nostræ creationis, &  
reparationis: ave Sacrificium nostræ reconciliationis: ave antidotum

Blosius in  
Monili c. 6.

Ribad. in vita  
19. Maji.

Vita c. 3.

Blosius in  
Monili c. 6.

D. Bonav. in  
vita c. 9.

Daur. c. 5.  
tit. 13. ex. 1.

Ibid. ex. 7.

Ibid. ex. 9.

Jo. Nadas.  
in annot.



nostræ curationis: ave viaticum nostræ peregrinationis: ave solatium nostri laboris: ave refugium nostræ tribulationis: ave præmium nostræ expectationis. 13. D. Thomas Sanchez Sanctissimam Eucharistiam quinquies quotidie visitabat; die Jovis (quem singulariter hanc ob causam venerabatur) octies, quo die etiam disciplinam fecit, cilicium gestavit, totoque pene die de illa cogitabat. Si tentabatur, solum hæc verba dicebat: *JESUS Crucifixus, Sanctissimum Sacramentum, Beatissima Virgo: & ita* tim omni tentatione liberatus est. Et accidit aliquando, ut jumento insidens, cum mulo perterritus in præcipitium toto impetu ferretur, sed prolatis his verbis, mulus repente in medio cursu subtitit. *Hactenus Lobner.* 14. S. Magdalena de Pazis adeo fuit devota erga Sanctissimam Eucharistiam, ut in seculo quolibet die octavo, in Religione verò quolibet die, totâ vitâ suâ nunquam intermitteret Communionem sacram. Imò in infirmitatibus suis gravissimis, ejusmodi sibi comparabat patientiam, & hilaritatem, propter hanc solum rationem, nè privaretur hoc edulio cælesti. Igitur quâdam vice, dum persvaderetur ab una Sororum, veller in morbo sese aliquantulum reficere cibo vel potu, respondit: Soror, magis ego infirmior, desiderando illam Spiritualem refectionem: majora ego pro amore JESU mei suscipere debeo. Super omnes dolores, id mihi maximum dolorem infligeret, si quamvis ab una Sanctissima Communionem hoc uno die removeret. Eidem Sanctæ, dum svaderetur graviter infirmanti, ut ad tres dies saltè intermitteret Communionem Sacram, respondit: Id non faciam, etiamsi in maximo valetudinis meæ periculo, nisi adacta fuero obedientiâ Patris Spiritualis. Censeo enim pro re certissima, nisi quotidianâ Sanctissimæ Communionis essem roborata refectione, nunquam hos assiduos morbos, dolores, & afflictiones Spirituales, perferre ulterius possem. Suscipiens enim hunc panem vitæ, in omnibus meis tribulationibus, etiam potentissimis, de ipso experior magnum valde & efficax robur.

*In Praxi circa Communionem Sanctissimi Eucharistiæ Sacramenti hæc præcipue exercenda. Imò. Puritas à peccato letba-*  
*li. Quia juxta Apostolum: Quicunque manducaverit panem hunc,*

*Annua 1610.*

*In Vita ejus.*

*I. Cor. II.*

*& bi-*



& biberit calicem Domini indignè, reus erit corporis & sanguinis Domini. Probet autem seipsum homo, & sic de pane illo edat, & de calice bibat. Qui enim manducat & bibit indignè, iudicium sibi manducat & bibit, id est, condemnationem. Dicit autem glossa ibidem, quòd indignè manducat, & bibit, qui in crimine est, vel irreverenter tractat. Propter quod etiam S. Hildegardis anno 1180. prophetavit, Germaniam, aliasquè Provincias, à fide defecturas, iusto DEI iudicio, veritatem fidei ab eis subtrahente, ob indignam & impuram tractationem Sanctissimi Corporis Domini. Et quanquam ad gratiæ statum reparandum, ac puritatem à peccato quovis, sufficiat Contritio: tamen accessurus ad mensam Domini, juxta præceptum Ecclesiæ, confessione sacramentali expianda sunt peccata, nisi Sacerdos absit, & conveniri pro confessione nequeat, instetquè necessitas Sacrificandi, quæ necessitas non Sacerdotibus tam facilè obtingere non potest, nisi in quibusdam rarissimis & gravissimis casibus. Sed de his plura Morales. Deinde requiritur puritas à venialibus, circa ipsam Communionem: quia Doctore D. Thoma: Et si peccata venialia præterita nullo modo impediunt effectum hujus Sacramenti, potest enim aliquis, post multa peccata venialia commissæ, devotè accedere ad hoc Sacramentum, & plenariè hujus Sacramenti consequi effectum, tamen secundarius effectus, qui est actualis, refectio Spiritualis dulcedinis impeditur, si aliquis accedat ad hoc Sacramentum, per peccata venialia mente distractus. Non autem tollitur augmentum gratiæ habitualis, vel charitatis. Deniquè puritas corporis: ita, ut si pollutio nocturna accidat cum peccato mortali, vel præcedente, vel simul comitante, debet à Communionem abstineri ex necessitate: Sin verò contigerit sinè peccato, vel cum peccato veniali, non ex necessitate impedit sumptionem hujus Sacramenti, quasi sumendo sit reus corporis & sanguinis Domini: sed ex congruitate, tum propter foeditatem corporalem, tum propter evagationem mentis circa pollutionem, præcipuè, quando cum turpi imaginatione evenit, nisi id excuset aliqua necessitas, v. g. festus dies, quòd Sacerdos deest, qui celebret. 2dò. Profunda reverentia, & humilitas, dicendo: Domine, non sum dignus, ut intres sub tectum meum. Matth. 8.

Quæ

S Hildegardis anno 1180.

Trident. Sess. 13. c. 7. &amp; can. 11.

3. q. 79. a. 8

D. Thom. 4. 7.



Quæ submissio summoperè placuit Christo in illo Centurione Evangelico. 3to. *Fervens charitas, & desiderium hujus Sacratissimi cibi.* Quia id Sacramentum vocatur *Pignus Amoris*, quatenus ejus sumptione recordemur immensæ dilectionis Divinæ institutione Eucharistiæ, tum in sua passione & mortè pro nobis manifestatæ, eiquè, sicut Sacramentaliter per susceptionem intra nos, ita & Spiritualiter per reciprocum amorem uniamur: quare eliciendi ante, sub, post Communionem maximè actus

*Marchant: charitatis.* 4to. *Marchantius docet cum aliis Theologis, probabile*

*Hort. pastor.* omnino esse, quamdiu realis præsentia Christi manet in lumen-  
*Can. delab. re,* (manet autem, quamdiu species non sunt digestæ,) si ho-  
*myst. tract. 4.* mo majorem dispositionem in se excitet, majori etiam donari  
*lect. II.* gratiâ vi ipsius Sacramenti. Ratio est, quia gratia Sacramen-

*Joan. 6. 58.* to promissa est propter Christum manducatum: *Qui manducat me, vivet propter me.* Ipse verò, quamdiu nobiscum manet, non est otiosus, sed vim sanctificandi habet: & ideo, si homo se melius & melius disponat, gratiæ hujus Sanctificantis influxum, & copiam majorem à Christo præsentem recipit. Confirmat id ipsum similitudo cibi materialis, qui non tantum operatur, cum sumitur, sed quamdiu in stomacho durat, confortat, & nutrit: ergo & hoc Sacramentum, quod per modum cibi est institutum, id ipsum præstat, quamdiu in homine perdurat, & quidem inæqualiter juxta proportionem crescentis dispositionis. Hæc est sententia Cardinalis Cajetani, & Ruardi Tapperi, quos sequuntur multi Theologi. *Hactenus Marchantius.* Cæterum ejusmodi dispositiones, & alia circa Sanctissimam Communionem adhibenda, in obviis libellis piis passim traduntur. 5to.

*In lib. de S. August.* inquit, quotidie Eucharistiæ Communionem percipere, nec laudo, nec reprehendo, omnibus tamen diebus Dominicis *Eccl. dogm.* *svadeo & hortor,* si tamen mens sinè voluntate peccandi sit. 6to. *Imploratio Sanctorum,* ad supplendam per merita sua indignitatem *suscipientis:* Ita Christus S. Mechtildem docuit, dicens: *Quan-*

*Blosius in* do Sacram Communionem perceptura es, desidera, & opta, ad  
*Monil. Spir.* laudem nominis mei, habere omne desiderium, omnemque amorem, quo unquam cor aliquod erga me flagravit, & ita ad me accede, nam ego amorem illum in te attendam, atque suscipiam,

piam,



piam, non sicut in te est, sed sicut velles eum in te esse. Cum Sanctam Gertrudem ingens cupido communicandi incesisset, *Blosius in* & ipsa se ad eam minùs dispositam credidisset, tristis ad DEI *Monil. c. 6.* Matrem, Caelitesquè se convertit, rogavitquè, ut quidquid in illis olim gratiæ ad promerendos Divinos favores fuerat, totum pro se DEO offerant, quo modo effecit, ut in oculis DEI talis visa fuerit, qualis esse optabat, ut ipse Christus ei revelavit. 7mò. *Effusionis animi post Communionem vitandæ studium; ita Thomas Kempen.* indicavit, dum dixit: Oportet, ut non solum te præpares ad devotionem ante Communionem, sed ut etiam te sollicitè conserves in ea post Sacramenti perceptionem. Nam bona postmodum custodia iterum est præparatio ad maiorem gratiam consequendam. Ferdinandus II. Imperator ante Sinaxin percipiendam, semper severiore abstinentiâ cœnulam accidit. Ipso verò Eucharistiæ suscipiendæ tempore tantum ardorem & pietatem, tot suspiria & lachrymas præferebat, ut incensus DEI amore animus, planè è corpore suo Servatori obivius ire velle videretur. Indi post acceptum Christi corpus, *Annua 1589. f. 578.* quod superest temporis ad horam cibi capiendi usquè, precibus, gratisquè agendis, magnâ reverentiâ in templo ponunt. Multi etiam post cibum sumptum in templum redeunt, manentquè usquè ad vesperam. Dies, quâ primò accedunt ad Eucharistiam, est illis festivâ lætitiâ celebris. S. Magdalena de Paz *In vita S. Magdal. de Paz.* zis optabat, nè post Communionem citò ad occupationes & exercitia Clauſtri se reciperent, sed potiùs, ut non exiguo tempore continerent se Sorores in solatio de præsentia illius Divini Hospitis, intra sui cordis intima suscepti. Dicebatquè, illud tempus esse pretiosissimum, quod in hac vita habemus, & aptissimum ad agendum cum DEO. Quare dandum Domino tempus, & spatium ad purgationem, illuminationem, & Sanctificationem animarum nostrarum. Quare consumendum est in affectibus ardentis amoris, in glorificatione, & laude, in gratiarum actione, & oblatione suipsius DEO. Affirmabatquè, quòd non possit reperiri efficacius medium ad perfectionem cujuscunque animæ, quàm totum tempus post Communionem consumere in his sanctis exercitiis. Nam qui discit à JESU,



266 *Prima Secunda. Tract. 2. Cap. 6. Sect. 5. Subf. 1. §. 3. Act. Exter. Rel.*  
( inquebat ) non indiget, ut doceatur ex aliis libris & exercitiis.

*1. 2. tra. 1. c. 1.*

*sect. 4. subf. 2.*

*§. 2.*

*Vide etiam suprā specificata, & hic convenienter applica.*

## PUNCTUM UNICUM

### De Oppositis Sanctissimæ Eucharistiæ in Communione Sacramentali.

**P**rimum Oppositum est, tum negligens dispositio ad Sanctissimum hoc Sacramentum: Tum negligentia Sanctissimæ Communionis. Quæ, si fit contra præceptum Ecclesiæ, in omittenda Communione Paschali, vel contra præceptum Christi, in omittendo Viatico, arguitur lethalis culpæ. Aliàs extra hos & alios casus, in quibus non obligatur graviter aliquis ad Communionem, quamvis non peccet graviter, negligens tamen incurrit ingens damnum bonorum Spiritualium, & æternorum, quæ aliàs lucrari poterat, ut ex dictis patet.

*Contra Negligentiam circa Sanctissimam Communionem, est mō.*

*Pedag. Christ.* Sicut ignis fortius ac citius in ligno sicco, quam viridi exardescit; sic Christus in Eucharistia citius & copiosius amore suo incendit eum, qui à terrenis cupiditatibus exsiccatus est, quam

*Thom. Kemp.* quem iisdem adhuc repletum invenit. Qui aliter se non præparat, nisi instante Festo, vel consuetudine compellente, sæpius imparatus erit. Oportet autem, ut non solum te præpares ad

*Ibid. §. 4.* devotionem ante Communionem, sed ut etiam te sollicitè conserves in ea post Sacramenti perceptionem. Non minor custodia post exigitur, quam devota præparatio prius. Nam bona postmodum custodia, optima est iterum præparatio, ad maiorem gratiam consequendam.

*Psal. 101. 5.* Percussus sum ut fœnum, & aruit cor meum, quia oblitus sum comedere panem meum. *Joann.* Amen, Amen, dico vobis, nisi manducaveritis carnem Filii hominis, & biberitis ejus sanguinem, non habebitis vitam in vobis.

*S. Cyrill. in Joann.*

*2dō.* Sciant baptizati homines, si longo temporis spatio, propter simulatam Religionem, mysticè Christo communicare recusent, ab æterna vita se procul depellere. Quippe recusatio hujusmodi, quamvis ex Religione proficisci



fifici videatur, & scandalum facit, & laqueos instruit. Quare oportet omnibus viribus à peccato mundari, & rectè vivendi jactis fundamentis, magna cum fiducia ad sumendam vitam concurrere. *Tho: Kempis*: Frequenter recurrendum est ad fontem gratiæ, & divinæ misericordiæ, ad fontem bonitatis, & totius pietatis: quatenus à passionibus tuis & vitiis curari valeas, & contra universas tentationes, & fallacias diaboli, fortior atque vigilantior effici merearis. *De imitati Christi l. 4. c. 10. §. 1.*

*P. Baltasar Alvarez* dicere solebat, cur multi recusent arcam vivam novi Testamenti, in Sanctissimo Sacramento latentem, aut eam recipiant cum exiguo sensu ac fructu, causam esse, quòd velint in Altari cordis sui idolum Dagon, id est Creaturarum, quas inordinatè diligunt, retinere, quòd nisi in terram cadat, & mortificationis gladio ita ejus manus ac caput amputent, ut amplius non audeat cogitare, loqui, ac facere, quòd solebat, non efficiet in tali corde divina hæc arca stupenda misericordiæ suæ opera, sed justitiæ, puniendo illos magnâ ariditate, tenebris, cordis duritiâ, aliisque internis desertionibus, donec verè se emendent, aut indurati arcam à se rejiciant, judicantes, esse grave, & planè insulsû, frequenter communicare.

*S. Magdalena de Pazzis*, ipsa Magistra in medio Novitiarum cadens in genua, formatisque in pectore per modum crucis manibus, dixit: O Sorores! si penetraremus, quòd illo tempore, quo perseverant in nobis Sacramentales Species, Verbum Divinum hos in nobis perficit effectus & opera, quæ & in sinu æterni Patris peragit; O si penetraremus, quòd cum Verbum in Patre sit, & Pater in Verbo, & Spiritus S. inseparabiliter in amobus! Nos verbum suscipientes, perfectam Trinitatem Sanctissimam suscipimus. O si penetraremus has veritates! profectò cum majori multò devotione, cum diligentiori præparatione animi ad Angelicum accederemus convivium, non taliter, qualiter; non casu; non omitteremus illum suscipere, propter minutas occasiones, consideraremus multum, antequam illum deberemus interdum omittere. Unde quando advertit, quòd aliqua Sororum ex propria voluntate omisisset Communionem, flebat, corripiebatque illam Sororem, ostendendo suum errorem, ac damnum tanti boni, solebatque tali dicere: Vos nescitis, ô Soror,



quàm magno bono vos privástis! O quàm magnum bonum hâc die perdidistis! O si comprehenderetis damnum animæ vestræ, quod ei attulit negligentia Sanctissimæ Communionis! Ostendebatquè ineffabilia bona & gratias, quas operatur in anima hoc Sacramentum; tum injuriam, quæ fit amorì JESU per talem negligentiam. Quando verò videbat frequentationes Sanctissimæ Communionis frigiditas, & cum minori diligentia, magno cordis angustia dolore dicebat: Eheu! quànâ hâc focordia hominum in usu cibi vitæ. Ego enim sum omninò hujus certa, quòd una Communio cum vero absoluta spiritu & sensu, est apta facere, ut anima veniat citò ad magnam vitæ perfectionem. Maximè verò Communicaturis consulebat, nè cum minima etiam amaritudine, aut inquietudine contra proximum, accederent Mensæ Divinæ. Nam amoris Sacramentum sine amore proximi non debet suscipi. Deinde monebat, ut loco præparationis ad hoc Sacramentum, accederetur ad illud eum desiderio, totum mundum juvandi.

*2<sup>um</sup> Oppositum, est indigna Sanctissimi Sacramenti Communio, quâ aliquis existens in peccato mortali, participat de Sanctissima Eucharistia. Contra ejusmodi indignam Communionem accipe:*  
*Levit. 7. v. 20. 1<sup>mo</sup>. Anima polluta, quæ ederit de carnibus hostiæ pacificorum, quæ oblata est Domino, peribit de populis. Ibidem: Levit. 22. v. 4. profus, aut patiens fluxum seminis, non vescetur de his, quæ*  
*Matth. 7. v. 6. sanctificata sunt mihi, donec sanetur. Et hæc de figura Sanctissimi Eucharistiæ Sacramenti dicta. Christus: Nolite Sanctum dare canibus, nequè mittatis margaritas ante porcos, nè fortè*  
*1. Cor. II. v. 29. conculcent eas pedibus suis, & conversi dirumpant vos. Apost. S. Remigius stolus: Qui manducat & bibit indignè, judicium sibi manducatur super Matth. cat & bibit, non dijudicans Corpus Domini. 2<sup>do</sup>. Væ! tradentibus Christum ad crucifigendum: sed væ! cum maligna conscientia sumentibus illum. S. Chrysost. Nam si qui regiam purpuram coinquinant, haud secus qui scindunt, puniuntur: quid mirum, si, qui immundâ conscientia Christi Corpus accipiunt,*  
*S. Bern. apud idem supplicium subeant, quod qui eum clavis affixerunt. S. Bromiard. lit. Bernard: Heu! quàm temerarium, quàmquè nefarium est, cruentatis manibus tractare Virginis Filium, quis auditus sustineret aurium? quis oculus non confunderetur ad intuitum? quæ mens*



mens non raperetur in excessum: ubi mundi pretium mittitur in sterquilinum? non est minus detestabile, in os pollutum, quam in lutum mittere Virginis Filium. *S. Chrysof.* Sicut corporalis cibus, cum ventrem invenerit malignis humoribus occupatum, amplius lædit, & nullum præstat auxilium: ita & iste Spiritualis cibus, si aliquem reperit malignitate pollutum, magis eum perdet, quam proderit, non naturâ suâ, sed accipientis vitio.)) Hinc Ecclesia canit: Mors est malis, vita bonis: vide, paris sumptionis, quam sit dispar exitus.)) Sicut Sole super fimentum lucente, ipsum amplius foetet, Sole ipso nec foetente, nec aliud damnum patiente: ita Christus peccatorem ipsum lumen-tem magis foetere facit, nec tamen propterea ipse inquinatur.)) In Primitiva Ecclesia Diaconus populo Communionem præbiturus, altâ voce clamabat: *Sancta Sanctis. Si quis non sit Sanctus, Sacramentum non accedat.* 3<sup>ti</sup>o. Quidam Sacerdos in sumenda Eucharistia magnam difficultatem expertus, vidit Christum manibus pedibusque reluctantem; iussus ergo mores corrigere, vidit sinè resistantia ingredientem. *Aliud.* Quidam Episcopus celebrans, post Divinam illam, atque terribilem Consecrationem, dum accederent singuli ad participationem Sancti mysterii, per vultus eorum cernebat, quibus unaquæque anima subjaceret peccatis: Et peccatorum quidem hominum videbat facies nigras, quosdam verò ipsorum tanquam ab æstu exustas facies habentes, oculos autem igneos & sanguineos: alios autem eorum claros quidem facie, candidos verò amictu. Et alii quidem, dum acciperent Corpus Domini, exurebat, & incendebat eos: aliis autem, sicut lumen efficiebatur in se, & per os ingressum omne eorum corpus illustrabat. Erant autem inter eos etiam, qui solitariam vitam elegerant, & qui in conjugis erant, qui & ipsi ita esse videbantur. Porro Angelus Domini explicans singulorum statum, dixit ad Episcopum: Hi quidem qui splendidi, atque hilari sunt vultu, in sobrietate, & castitate, & iustitia vivunt, modesti quoque, & condolentes, ac misericordes sunt. Hi verò, qui nigras habent facies, fornicationis, & libidinis operarii sunt, caterorumque scelerum & delictorum. Hi verò, qui apparuerunt sanguinei, atque rubei, in-

*S. Chryf.  
hom. 5. super  
Matth.*

*Bromiardus  
v. Euchar. n.*

*Peda. Christ.  
c. 16. §. 3.  
Rodrig. p. 2.  
c. ult.*

*Lib. de Pro-  
vid. in Vitis  
PT. n. 24.*



270 Prima Secundæ. Tract. 2. Cap. 6. Sect. 5. Subf. 1. §. 4. Act. Ext. Ref.  
malignitate, & injustitia viventes sunt, amantes detractiones,  
blasphemias, & delosi, & homicidæ sunt.

1. 2. era, 1. c. Contra Opposita Communionis Sacramentalis accipe congruo modo  
1. sect. 4. subf. exercenda suprâspecificata.  
2. §. 2. & 3.

#### §. IV:

### De Communione Sanctissimæ Eucharistiæ Spirituali.

V. S. Thom. 3. q. 80. a. 1. *Spiritualis communio, est desiderium sumendi ipsum Sacramentum Eucharistiæ. Nequē otiosa potest esse talis Communio: quia idem Sanctus docet, effectus Sacramenti potest ab aliquo percipi, si Sacramentum habeat in voto, quamvis non accipiat in re. Et ideo, sicut aliqui baptizantur in baptismo flaminis propter desiderium baptismi, antequam baptizentur baptismō aquæ: ita etiam aliqui manducant Spiritu: liter hoc Sacramentum, antequam Sacramentaliter sumant. Per Spiritualem autem manducationem percipit quis effectum hujus Sacramenti, quo Spiritu: aliter homo Christo conjungitur per fidem & charitatem. )*

Jacob. Merlo *Piissimus Jacobus Merlo Horstius inquit: Magnæ virtutis, Horst. Paradis. & utilitatis est hæc Spirituality Communio, ita, ut sæpè non minorem adferat fructum, & gratiam, quàm plerisquē ipsa Sacramentalis: Unde colligitur, quàm ea nobis curæ esse debeat, maxime cùm sæpiùs uno die, nunquam sinè novo sed semper cum.*

Daur. c. 5. *gratiæ & charitatis incremento institui possit. ) Cùm quidam Con- versus Monachos communicare vidisset, & sibi hoc minimè licere vidisset, stans contra Altare, communicandi desiderio suspiravit. Et ecce, pius Dominus, sinè Sacerdotis ministerio, de Altari per Sacramentum descendere dignatus est in os ejus, qui mox hostiam aperto ore ostendens, causam tantæ gratiæ manifestans, cunctos in stuporem convertit. Eandem enim hostiam defuisse, reppererunt in Altari. ) B. Joanna de Cruce affirmabat, se in Spirituali Communionem iisdem gratis cumulari solitam esse, quibus in reali Communionem fruebatur. Et suspirans, ô præclaram, agebat, communicandi methodum, nequē enim Confessario, nequē Superioris facultate, nequē ullius alloquio opus*

Barrius die.  
10. med. 2. in  
solit.



opus est, præterquam tuo, ô DEUS meus! )) Beata Agatha. *Hagiophila à Cruce quotidie Communionem Spiritualem ducenties iterabat. intent. 24.*

*Præxim Communionis Spiritualis accipe ex Paradiso a- Paradisi sect.*  
nimæ Christianæ, autore Jacobo Merlo Horstio. *Primum. Exci- s. de Sacram.*  
tanda viva, & vera fides, circa hoc Sacramentum, quæ facile ful- *Euchar.*  
ciri potest, consideratione Divinæ Potentiæ, Sapientiæ, Bonita-  
tis, & Veritatis. Hinc sequatur exercitium spei, quid enim  
neget tam bonus & clemens DEUS, qui seipsum dedit? quid  
non poterit etiam non præsens corpore? qui puerum Centuri-  
onis, & plures alios, etiam absens, curavit? Deniquè excita-  
amorem, & ardenti cordis desiderio, aspira & desidera ad  
Christum, velut ad fontem vivum, ex quo qui biberit, non fi-  
tiet in æternum. Opta ergo, Christo per Virtutem Corporis  
& Sangvinis ejus uniri, & incorporari intimè, ut velut unus  
cum illo Spiritus effectus, nunquam ab eo separari possis.

*Orationem pro Spirituali Communionem ex eodem Authore in nostro  
Incenso Orationis vide.*

## § V.

## De Oblationibus.

**O**blatio, est actus Religionis, quo aliquid offertur Sacerdotibus, tan- *D. Thom. 2,*  
quam DEI Ministris, & Mediatoribus inter DEUM & homines, *2. q. 86.*  
non solum, ut eas in proprium usum assumant, sed ut fideliter quoque di-  
spensent in his, quæ ad Divinum cultum spectant, & in usus ac susten-  
tationem pauperum.

*Incitamenta.* Num: Omnia, quæ offeretis ex decimis, *Num. c. 18.*  
& in donaria Domini separabitis, optima & electa erunt.  
*Eccl. Fili, si habes, benefac tecum (tibi), & DEO dignas obla-* *Eccl. c. 14.*  
*tiones offer. Malach. Proph: Maledictus dolosus, qui habet in* *Malach. c. 1.*  
*grege suo masculum, & votum faciens, immolat debile Domi-*  
*no. Ecclesi. Altissimo secundum donatum ejus, & in bono* *Eccl. 33. D.*  
*oculo adinventionem facito manuum tuarum, quoniam Domi-*  
*nus retribuens est, & septies reddet tibi. S. Gregorius: Omni-* *Habetur de*  
*no Christianus procuret, ad Missarum Solennia aliquid DEO* *Consecr. DEI*  
*offerre. S. Thomas docet, contingere posse aliquem, I. c.*  
ad oblationes teneri quadruplici ratione. Imò quidem *D. Thom. 2. 2.*  
*ex q. 86. 4. 1. corp.*



272. *Prima Secundæ, Tract. 2, Cap. 6, Sect. 5. Subf. 1. §. 6. Aff. Ext. Rel*  
 ex præcedenti conventionem, sicut cum alicui conceditur aliquis  
 fundus Ecclesiæ, ut certis temporibus certas oblationes faciat,  
 quod tamen habet rationem censûs. 2dò propter præceden-  
 tem deputationem, sive promissionem; sicut cum aliquis offert  
 donationem inter vivos, vel cum relinquit in testamento Eccle-  
 siæ aliquam rem mobilem vel immobilem in posterum solven-  
 dam. 3tò modo propter necessitatem, puta, si Ministri Eccle-  
 siæ non haberent, unde sustentarentur. 4tò propter consuetu-  
 dinem. Tenentur enim fideles in aliquibus Solennitatibus ad  
 aliquas oblationes consvetas. Tamen in his duobus ultimis  
 casibus remanet oblatio quodammodo voluntaria, scilicet quan-  
 tum ad quantitatem, vel speciem rei oblatae.))

1. Reg. 1. &  
 seq.

Offerre proles suas DEO, quàm sit beatum, probavit  
 Anna, quæ Samuelem obtulit DEO, qui fidelis Propheta Domi-  
 ni inventus fuit in Israel, simul Supremus, & Sanctissimus Ju-  
 dex. Ita Aleydis, parens S. Bernardi, eum recens natum obtu-  
 lit, & deposuit in Altari templi. Idem facere solebat singulis  
 suis prolibus recens natis. Sed, ô quàm felici eventu, quod nem-  
 pe sunt beatificati. Ita B. Virgo, S. Joannes Baptista, S. Gregor.  
 Nazianzenus, S. Dominicus, S. Bonaventura, S. Bernardinus, S.  
 Nicolaus Tolentinas, S. Elzearius Comes, S. Franciscus de Paula,  
 & alii, DEO in ipso ortu à Parentibus oblati, sanctitate, & mi-  
 raculis fuerunt illustres.

## §. VI.

### De Primitiis.

D. Thom. 2. 2.  
 q. 86. a. 4.

**P**rimitiæ pertinent ad genus oblationis, quo offertur DEI Ministris id,  
 quod est præcipuum de fructibus terræ, in recognitionem beneficii ac-  
 cepti à Supremo Largitore omnium, cujus est Orbis terræ, & plenitudo  
 ejus.

Prov. 3.

*Motiva.* Prov: Honora Dominum de tua substantia,  
 & de primitiis omnium frugum tuarum da ei: & implebuntur  
 horrea tua saturitate, & vino torcularia tua redundabunt.))

2. Paral. 31.

Quod Judæi sub Ezechia Rege experti dixerunt: Ex quo coepe-  
 runt offerri primitiæ in domo Domini, comedimus, & saturati  
 sumus,



sumus, & remanserunt plurima, eo, quòd benedixerit Dominus populo suo. *Genesis* dicitur, quòd respexit Dominus ad Abel, & munera ejus: Ad Cain verò, & ad munera ejus non respexit. Rationem horum interpretes dant, quia Abel de primis, & melioribus obtulit, Cain autem deteriora pro munere selegit. Cujus Oblationis disparitas Abelo ad coronam martyrii, Caino ad desperationem, & damnationem fuit occasio.

Gen. 4.

V. Corn. 2

lap. Comm. in

4. Gen.

## §. VII.

## De Decimis.

**D**ecimarum pensio, est Religionis actus, quatenus animarum curam gerentibus (quæ necessariò ministerium DEI, & respectum Divinorum importat) ad eorum usum & sustentationem necessaria vitæ tribuuntur.

*Stimuli* ad promptè & hilariter solvendas Decimas. *Imus.*

Quia eas solvere, est juris naturalis; Unde Abraham dedit Melchisedecho Sacerdoti DEI Altissimi Decimas ex omnibus. In quo, juxta D. Chrysostomum, Melchisedech præfigurabat novæ legis Sacerdotes, Abraham Laicos. *2dus.* Decimas dare, est de jure

Gen. c. 14.

Orat. 4. con-

tra Judeos.

Divino. Ita Alexander III. asserit, dicens: Cum Decimæ nec ab hominibus, sed ab ipso Domino sunt institutæ, quasi debitum exigì possunt. )) Quippe Jus Naturale & Divinum universaliter dicat, Ministros DEI, & Sacerdotes esse alendos à populo, cujus etiam nomine recompensant cultum DEO debitum, quem populus curâ vitæ hujus distentus, non ita perfectè, ut tenetur, exhibet DEO. *3tius.* Exod. Decimas, & primitivas tuas, non tardabis offerre Domino. Et: Decimam partem

Exod. 22.

Deut. 14.

separabis de cunctis fructibus tuis, qui nascuntur in terra per singulos annos. Item: Omnia, quæ offeretis ex Decimis, & in donaria Domini separabitis, optima & electa erunt cuncta.

Num. 18.

Item: Et non peccabitis super hoc: Egregia, & pingvia servantes, nè polluatís Oblationes Filiorum Israel, & moriamini. Item: In omni dato fac hilarem vultum tuum, & in exultatione sanctifica Decimas tuas. Item: Inferte omnem Decimam in horreum meum, & sit cibus in domo mea, & probate me super hoc, dicit Dominus: Si non aperuero vobis cataractas cæli, &

Ibidem.

Eccl. 35.

Malach. 3.



effudero vobis benedictionem, usque ad abundantiam, & increpabo pro vobis devorantem, & non corrumpet fructum terræ vestræ, nec erit sterilis vinea in agro, dicit Dominus exercituum. *4tus. S. Augustinus:* Majores nostri ideo omnibus copiis abundabant, quia DEO Decimas dabant, & Cæsari censum reddebant: modò autem, quia discescit devotio DEI, accessit indictio fisci. Nolumus partiri cum DEO Decimas, modò autem totum tollitur. Hoc tollit fiscus, quod non accipit Christus. *Idem:*

*S. August. hom. 48. inter. 50.*

*Idem de doct. Christi.*

*Ibidem.*

Hæc est Domini iustissima consuetudo, ut si tu illi Decimam non dederis, tu ad Decimam revocaberis: id est dæmonibus, quæ est decima pars Angelorum, associaberis. Dabis, inquit, impio militi, quod non vis dare Sacerdoti. *Ibidem:* Si Decimam dederis, non solum abundantiam fructuum recipies, sed etiam sanitatem animæ & corporis consequeris: & quia Decimas dando, & terrena, & cælestia possis præmia promereri. Unde, qui Decimas dare nolunt, res alienas invadunt, & Dominus, qui dignatus est totum donare, Decimas à nobis dignatus est reci-

*S. Hieron. Damaso Papa & habetur 16. q. 1. Quoniam quidquid.*

pere. *S. Hieronymus:* Quoniam, quidquid habent Clerici, pauperum est: & domus illorum omnibus debent esse communes: susceptioni peregrinorum, & hospitum invigilare debent. Maxime curandum est illis, ut de Decimis & Oblationibus, Cœnobiis, & Xenodochiis, qualem voluerint, & potuerint, sustentationem impendant.

## S. VIII.

### De Voto.

*D. Thom. 2. 2. q. 88.*

**V**otum, est actus Religionis, seu Patriæ, soli DEO debitus, quo aliquis deliberatè, animo se obligandi, promittit DEO de meliori bono, hoc est de quopiam actu virtutis supererogatorio (quanquam & de necessario actu virtutis fieri possit) præstando in obsequium, cultum, & reverentiam Divinæ Majestatis. Dicitur: Soli DEO debitus: quia vota ordinata sunt in cultum DEI: Unde homo promittens aliquid Sanctis, vel Prælati, illud cadit sub voto materialiter, inquantum scilicet homo vover se DEO impleturum, quod Sanctis, vel Prælati promittit.

Votum



Votum aliud est *Reale*, quo res aliqua præstanda vovetur. Aliud *Personale*, quo actio aliqua ab ipso vovente exercenda promittitur. Aliud *Simplex*, quod sine Solemnitatibus ab Ecclesia institutis fit. Aliud *Solemne*, quod cum iisdem Solemnitatibus factum, inhabilem reddit voventem, ad certos actus & contractus.

*Illicia* ad Vota facienda & præstanda. *inim.* Deut: Cum Votum voveris Domino tuo, non tardabis reddere, quia requirer illud Dominus DEUS tuus: & si moratus fueris, reputabitur tibi in peccatum, &c. *Psalms*: Vovete, & reddite Domino DEO vestro. *Ecclesi*: Si quid vovisti DEO, nè moreris reddere: displicet enim ei infidelis & stulta promissio. *Prov*: Vota justorum placabilia. *2dum.* S. Thomas docet, laudabilius esse, magisque meritorium, quicquam ex voto facere, quam sine voto: cujus ratio triplex est: 1. quia vovere est actus Latriæ, quæ est præcipua inter Virtutes Morales. Nobilioris autem Virtutis est opus melius & magis meritorium, unde actus inferioris Virtutis est melior, & magis meritorius ex hoc, quod imperatur à superiore Virtute, cujus actus fit imperium, sicut actus fidei, vel spei, melior est, si imperetur à charitate. Et ideo actus aliarum Virtutum Moralium, puta jejunare, quod est actus abstinentiæ, & continere, quod est actus castitatis, sunt meliora, & magis meritoria, si fiant ex Voto: quia sic jam pertinent ad Divinum cultum, quasi quædam DEI Sacrificia. Unde Augustin. dicit in lib. de Virginitate, quod neque ipsa Virginitas, quia Virginitas est, sed quia DEO dedicata est, honoratur, quam fovet & conservat continentia Pietatis. 2. Quia ille, qui vovet aliquid, & facit, plus se DEO subicit, quam ille, qui solum facit. Subicit enim se DEO, non solum quantum ad actum, sed etiam quantum ad potestatem, quia de cætero non potest aliud facere: sicut plus daret homini, qui daret ei arborem cum fructibus, quam qui daret ei fructus tantum; ut dicit Anselmus in libro de Similitudinibus. Et inde est, quod etiam promittentibus gratiæ aguntur. 3. Quia per votum immobiliter voluntas firmatur ad bonum. Facere autem aliquid ex voluntate firmata in bonum, pertinet ad perfectionem Virtutis,

Deut. c. 21.

Psalms 75.

Eccl. 5.

Prov. 15.

D. Thom. 2.

2. 2. 88. a. 6.

corp.

Cap. 8. circa

princ. tom. 9.

C. 84.



tutis, ut patet per Philosophum in 2. Ethic. Sicut etiam peccare mente obstinatâ aggravat peccatum, & dicitur peccatum in-

*S. Ambrosius* Spiritum Sanctum. )) *S. Ambrosius*: Redde promissum, dum lib. 9. in *Lus.* in hoc corpore es, priusquam veniat exactor, & mittat te in *ad c. 20.* carcerem. *Idem*: Prima Voti gratia est celeritas solutionis:

*De Cain* & cum enim moram facis, non reddis. *S. Augustinus*: Quia jam *Abel lib. 1. c. 7.* voluisti, jam te adstrinxisti, aliud tibi facere non licet. Non

*S. August.* in talis eris, si non feceris, quod voluisti, qualis mansisses, si ni- *Epist. ad Ar-* hil tale vovisses. Minor enim tunc esses, non pejor; modò

*mentarium* & autem quod absit milerior, si DEO fidem fregeris, quantò be- *Paulinm.* atior, si persolveris. *Idem*: Felix necessitas, quòd ad meliora

*Epist. 45. ad* compellit. *3tium.* Christus Dominus in primo Conceptionis *Arment.* suæ instanti per Votum se consecravat DEO ad redemptionem

*Svarez in 3.* humani generis, quare in hunc finem omnes actiones & passi- *par. t. 2. q. 28.* ones suas, tum ipsam mortem per Votum DEO obtulit, prout

*sect. 2.* dicit *Svarez*. *S. David* de seipso indicavit, dicens: *Vota mea Do-* *Psalm. 115.* mino reddam in conspectu omnis populi ejus. *Aliud.* Latatus est po-

*1. Paral. 29.* pulus, cum Vota spontè promitterent, quia corde toto offere- *bant ea Domino.* Sed & *David Rex* gavisus est gaudio magno.

*Vita lib. 6.* *Aliud.* *S. Franciscus Xaverius* quotidie faciebat Votorum reno- *c. 13. & 15.* vationem, dicebatquè, vix ullum esse hominibus DEO sacris

tutius contra diaboli impetus munimentum, hâc quotidianâ re- *novatione.* *Aliud.* Apud Italos antiquos mos inolevit voven-

*V. Beyerlinck* di *Ver Sacrum.* Quali Voto in magnis periculis se obstringe- *thea. fol. 239.* bant, adeoque vovebant se omnia animalia, (pueros quoquè, &

puellas,) quæ proximo vere nascerentur, oblaturos.

## PUNCTUM

### De Votis statûs Religiosi.

**V**ota statûs Religiosi sunt Solemnia, eaquè tria, nempe Vo- *In vita ejus.* tum Paupertatis, Castitatis, & Obedientiæ. In nonnullis Re- *ligionibus* additur & quartum, ut v. g. *S. Franciscus de Paula,* suos Fratres quarto Voto obstrinxit ad abstinentiam Quadrage- *simalem* toto anno servandam.

Præter suprà data *Allectiva* ad reddendum DEO Vota *etiam*



etiam Religiosa est *imū* à nobilissimis effectibus Votorum statūs Religiosi, qui juxta *D. Thomam* potest considerari tripliciter. Uno *D. Thom. 2.* modo, secundum quod est quoddam exercitium tendendi ad 2. q. 186. a. 7. perfectionem charitatis: Alio modo, secundum quod quietat *corp.* animum humanum ab exterioribus sollicitudinibus: secundum illud 1. Corinth. 7: Volo vos finē sollicitudine esse. Tertio modo, secundum quod est quoddam holocaustum, per quod aliquis totaliter se & sua offert DEO. Et secundum hoc, ex his tribus Votis integratur Religionis status. Primò enim quantum ad exercitium perfectionis requiritur, quòd aliquis à se removeat illa, per quæ posset impediri, nè totaliter ejus affectus tendat in DEUM, in quo consistit perfectio charitatis. Hujusmodi autem sunt tria: Primum quidem, cupiditas exteriorum bonorum, quæ tollitur per votum paupertatis: Secundum autem est concupiscentia sensibilibum delectationum, inter quas præcellunt delectationes venereæ, quæ excluduntur per votum continentie. Tertium autem est inordinatio voluntatis humana, quæ excluditur per votum obedientie. Similiter autem sollicitudinis secularis inquietudo præcipuè ingeritur homini circa tria. Primò quidem, circa dispositionem exteriorum rerum, & hæc sollicitudo per votum paupertatis homini aufertur. Secundò, circa gubernationem uxoris, & filiorum, quæ amputatur per votum continentie. Tertio, circa dispositionem priorum actuum, quæ amputatur per votum obedientie, quo aliquis se alterius dispositioni committit. Similiter etiam holocaustum est, cum aliquis totum, quod habet, offert DEO, ut Gregorius dicit super Ezechielem: Haber autem homo triplex *Hom. 20. a* bonum, secundum Philosophum in Imo Ethicorum. Primò quidem exteriorum rerum, quas quidem totaliter aliquis DEO offert *med. illius.* per votum voluntarie paupertatis. *Lib. 1. c. 8. &* Secundò autem bonum proprii corporis, quod aliquis præcipuè DEO offert per *lib. 7. c. 13.* votum continentie, quo abrenunciat maximis delectationibus corporis. Tertium autem bonum est animæ, quod aliquis totaliter DEO offert per obedientiam, quā aliquis offert DEO propriam voluntatem: per quam homo utitur omnibus potentiis, & habitibus animæ. Et ideo convenienter ex tribus votis



status Religionis integratur. *Hæc Angelicus Doctor. 2dum. S. In vita ejus. Magdalena de Paz dicebat:* Si propriè perciperemus dignitatem animæ nostræ ob strictam unionem, quam fecit cum DEO per merita trium Votorum Religiosorum, procederemus more cujusdam villanæ filiæ pastoritiæ, quæ accepta à potentissimo Rege in thalamum Regium, offenditur, dum ei aliquis in memoriam revocat primum statum abjectum. Ita & nos contemptui duceremus, trahi à propriis cogitationibus ad considerationem rerum mundanarum. Et cognoscendo, quòd factæ simus Sponsæ Regis totius mundi, non accommodaremus nos voluntati nostræ in rebus terrenis, & corruptibilibus: sed potiùs elevaremur sanctâ elatione ad considerandum æterna in calo.

*Praxis* servandi Vota Religiosa, ex parte est suprà proposita sub statu Religioso in summa Theologiæ Spiritualis: nunc

*P. Lobner* adjicio ex *P. Lobner* sequentia media. I. *Crebra Divine gratiæ Bibli. Manu- invocatio.* Sic enim *Salomon* exemplo suo docuit, dum de seipso al. tit. *Votum*, dixit: Et ut scivi, quoniam aliter non possem esse continens, *Sap. 8. v. 21.* nisi DEUS det, & hoc ipsum erat Sapientiæ, scire, cujus esset hoc donum, adii Dominum, & deprecatus sum illum.)) Quod *S. August.* in ipsum etiam confirmans *S. Augustinus*: Est, inquit, devotio *Psalm. 3 I.* ventis, sed est humilitas deprecantis. Nemo præsumat se viribus suis reddere, quod voverit. Qui te hortatur, ut voveas, ipse adjuvat, ut reddas.

*S. Basilii* II. *Crebra memoria factæ Professionis.* Sic *S. Basilii* *Virgini* cuiquam lapsæ fvasit, dicens: Revoca in memoriam honestam Professionem, venerandam Congregationem, & Sacrarum Virginum chorum. Recordare dierum carentium tumultu, & noctium illuminatarum, cantilenarum Spiritualium, orationum Sanctarum, & cubiculi casti, & Virginei progressus, & mensæ temperantis, &c.

*S. Gregor. in Moral.* III. *Crebra Votorum renovatio:* Nam ut sapienter *S. Gregor.* dixit: Si lassescere ab inchoatis bonis nolumus, valde necessarium est, ut inchoare nos quotidie credamus. Sicut enim, quò crebrioribus ictibus clavus in lignum aut murum adigitur, tantò firmiùs hæret, sic quò crebrius hæc promissio repetitur, tantò difficiliùs violatur.

IV. *Crebra*



IV. *Crebra consideratio fructuum, qui ex Votis, Religionis maxime, oriuntur*: quis enim, si centuplum pro ejusmodi Votorum editione promissum consideret, non vehementer accendatur ad Vota talia perfectissimè servanda, ut tam pretiosi centupli & ipse fieri particeps possit?

V. *Crebra ponderatio sententiae à Christo prolatae*: Tollite Matth. II, v.  
jugum meum super vos, jugum enim meum leve est, & onus 28.  
meum leve.)) Sicenim phantasiā corrigeret, quā multos abster-  
ret per suadendo, difficilem nimis esse Votorum editionem.  
Contra quam opinionem etiam S. Chrysostomus sic loquitur: S. Chrysost.  
Quid levius dices ac melius, quā solitudine saeculari, & la- ad Theod. La-  
boribus, & metu exui? quā ab istius mundi fluctibus segre- psum.  
gari, & possidere placidi, tranquillique portus securitatem?  
*Hec Lobner.*

VI. *Actus Paupertatis, Castitatis, Obedientiae, exercere ex hoc motivo*: quia vovi, quia promisi; & en modus renovati-  
onis Votorum 1. DEUS meus, libenter hanc penuriam sustineo, ut  
sim pauper, sicut tibi promisi; & nunc iterum promitto ad honorem tui.  
2. DEUS meus, detestor nimis omnes foetores libidinis, amo nitorem ca-  
stitatis ideo, ut exequar, quod tibi vovi ad colendum te. Quam integri-  
tatem carnis & Spiritus iterum ac iterum tibi voveo, adjuva me. 3.  
DEUS meus, obedio promptissimè ad explendam tibi promissam obedien-  
tiam pro gloria tua: quam nunc iteratis vicibus promitto, voveo.

Applica proportionatè hic supraspecificata.

1. 2. tra. 1. c.

1. sect. 4. subf.

2. §. 2.

### § IX.

#### De Administratione, & Susceptione Sacramentorum.

*S*uppone Sacramentum esse signum sensibile, ac stabile, ex in-  
stitutione Divina, symbolice significativum gratiae DEI, ejus-  
què collativum. Dicitur: *signum sensibile*: quia est institutum  
pro hominibus, quibus, juxta D. Thomam, cum naturale sit per  
sensibilia ad intelligibilium cognitionem pervenire, Sacramen-  
tum, quod Spiritualia & intelligibilia homini significat, res sen-  
sibilis esse debet. Dicitur: *stabile*: quia Sacramentum est Ca-  
remonia

3. q. 60. a. 4.



280 *Prima Secundæ. Tract. 2. Cap. 6. Sect. 5. Subf. I. §. 9. Act. Exter. Rel.*  
ceremonia principalis, pertinet ad statum Ecclesiæ, effectiva  
uniformis ritus colendi DEUM ab omnibus fidelibus. Dicitur:  
*ex institutione Divina*; quia, cum gratia sit supra vires, captum-  
quæ naturalem hominis, in soliusquæ DEI collatione consistat,  
hinc non ad alium, quam ad solum DEUM spectat, pro suo  
beneplacito signa gratiæ instituere. Dicitur: *symbolicè signifi-*  
*cativum gratiæ* &c. id est, quod illa signa sensibilia in Sacramen-  
tis habeant similitudinem quandam ex effectibus certis gratiæ  
DEI, qui effectus ad positionem eorundem signorum causan-  
tur in homine, uti infra patebit.

Administrare, & suscipere Sacramenta, sunt actus Reli-  
gionis, quibus signa quædam sacra adhibentur, ut hoc pacto  
per ea designentur veri Cultores DEI, simulquæ ad eundem  
cultum convenienter exhibendum, requisitam per eadem signa  
participent sanctitatem, & gratiam.

*Motiva* ad probam administrationem, & susceptionem  
Sacramentorum. Quod concernit *administrationem*, monet A-  
postolus: *Sic nos existimet homo, ut ministros Christi, & dispensatores*  
*Myteriorum DEI.* Hic jam queritur inter dispensatores, ut fidelis quis  
inveniatur. Fidelis, inquam, nè scilicet margaritas projiciat an-  
te porcos, sacra mysteria haud conferat minus dignis, & indi-  
spolis, vel de eis turpem questum Mammonæ, aut inanis gloriæ  
capter, quin potius solius DEI cultum, gloriam, animarumquæ  
salutem promovere adnitatur. Qui enim benè ministraverint, ut  
idem Apostolus promittit, *gradum bonum sibi acquirent, & multam*  
*fiduciam in fide, quæ est in CHRISTO JESU.* Quos enim amplis-  
simos gradus gloriæ essentialis & accidentalis, non habet spe-  
rare bonus Minister, qui tot ex mancipiis diaboli per Baptismum  
regenerat in filios DEI? tot per Confirmationem roborat for-  
tissimos athletas Christi, & præmittit in cælum gloriosissimos  
triumphatores mundi, carnis, diaboli? tot per Sacramentalem  
Poenitentiam ex inferno erutos cælo restituit? tot alimoniam San-  
ctissimæ Eucharistiæ confortat in constanti cursu viæ Regni Su-  
perni? tot extremâ Unctione feliciter expedit in beatam vitam?  
Deniquæ his omnibus fiunt Ministri per Sacramenta, ad alia  
Specialium gratiarum actualium, tum maxima gratiæ Sanctifi-  
cantis,



cantis, virtutum, donorumquæ, ac consequenter æternæ gloriæ augmenta? Profectio inestimabile præmium expectat fidelem Myfteriorum DEI Ministrum. Quamquam etiam non exiguus labor requiritur, ut in hoc passu sit quis prudens, & fidelis dispensator; multâ enim ad hoc est opus scientiâ, prudentiâ, Sanctimoniâ, diligentîâ, ut suprà patet.

Quod verò spectat dignam susceptionem & usum Sacramentorum, ad hoc excitare potest. Quia Sacramenta in vita Spirituali, juxta Angelicum Doctorem, conferunt gratiam Sacramentalem, super gratiam virtutum, & donorum. Id est, præter ademptionem, vel reparationem primæ gratiæ Sanctificantis, cum suis habitibus virtutum, & donorum, ut fit in baptismo, & poenitentia, aut incrementum ejusdem gratiæ, quod contingit in reliquis Sacramentis, insuper additur actualis gratia, seu quoddam auxilium Divinum, ad finem Sacramenti consequendum. Ecclesiæ enim Sacramenta ordinantur ad quosdam speciales effectus necessarios, in vita Christiana, nempe, ut idem S. Doctor ait: Ordinantur ad duo, scilicet perficiendum hominem in his, quæ pertinent ad cultum DEI, secundum Religionem Christianæ vitæ, & etiam in remedium contra defectum peccati. Utrouque autem modo convenienter ponuntur 7. Sacramenta. Vita enim Spiritualis conformitatem aliquam habet ad vitam corporalem, sicut & cætera corporalia conformitatem quandam Spiritualium habent. In vita autem corporali dupliciter aliquis perficitur. Uno modo, quantum ad personam propriam: alio modo, per respectum ad totam communitatem Societatis, in qua vivit: quia homo naturaliter est animal sociale. Respectu autem sui ipsius, perficitur homo in vita corporali dupliciter. Uno modo per se, acquirendo scilicet aliquam vitæ perfectionem; alio modo per accidens, scilicet removendo impedimenta vitæ, puta ægritudines, vel aliquid hujusmodi. Per se autem perficitur corporalis vita tripliciter. 1<sup>o</sup> quidem per generationem, per quam homo incipit esse, & vivere. Et loco hujus in Spirituali vita est Baptismus, qui est Spiritualis generatio: secundum illud ad Titum 3: Per lavacrum regenerationis, &c. 2<sup>do</sup> per augmentum, quo aliquis perducitur ad perfectam quantitatem,

*De statu Ecclesiæ in sum.  
Theol. Spirit.*

*D. Thom p 3.  
q. 62. a. 2.*

*Ibid. q. 65.*



& virtutem. Et loco hujus in Spirituali vita est Confirmatio, in qua datur Spiritus Sanctus ad robur. Unde dicitur Discipulis jam baptizatis Luc. ult: Sedete in Civitate, quousque induamini virtute ex alto. 3<sup>to</sup> per nutritionem, quâ conservatur in homine vita & virtus. Et loco hujus in vita Spirituali est Eucharistia: Unde dicitur Joann. 6: Nisi manducaveritis carnem Filii hominis, & biberitis ejus sanguinem, non habebitis vitam in vobis. Et hoc quidem sufficeret homini, si haberet & corporaliter & spiritualiter impassibilem vitam. Sed quia homo incurrit interdum & corporalem infirmitatem, & Spiritualem, scilicet peccatum, ideo necessaria est homini curatio ab infirmitate. Quæ quidem est duplex, una quidem est sanatio, quæ sanitatem restituit. Et loco hujus in Spirituali vita est poenitentia, secundum illud Psalm. 40: Sana animam meam, quia peccavi tibi. Alia autem est restitutio valetudinis pristinae, per convenientem dietam & exercitium. Et loco hujus in Spirituali vita est Extrema unctio, quæ removet peccatorum reliquias, & hominem paratum reddit ad finalem gloriam: unde dicitur Jacobi 5: Et si in peccatis sit, dimittentur ei. Perficitur autem homo in ordine ad totam Communitatem dupliciter. Uno modo per hoc, quod accipit potestatem regendi multitudinem, & exercendi actus publicos. Et loco hujus in Spirituali vita est Sacramentum Ordinis: secundum illud Heb. 7. Quod Sacerdotes hostias offerunt non solum pro se, sed etiam pro populo. 2<sup>do</sup> quantum ad naturalem propagationem: quod fit per Matrimonium, tam in corporali, quam in Spirituali vita, eo quod est non solum Sacramentum, sed naturæ officium. Ex his etiam patet Sacramentorum numerus, secundum quod ordinantur contra defectum peccati. Nam Baptismus ordinatur contra carentiam vitæ Spirituales: Confirmatio contra infirmitatem animi, quæ in nuper natis invenitur: Eucharistia contra labilitatem animi ad peccandum: Poenitentia contra actuale peccatum, post Baptismum commissum: Extrema Unctio, contra reliquias peccatorum, quæ scilicet non sunt sufficienter per poenitentiam sublatae, aut ex negligentia, aut ex ignorantia: Ordo contra dissolutionem multitudinis: Matrimonium in remedium



dium contra concupiscentiam personalem, & contra defectum multitudinis, qui per mortem accidit. Quidam verò accipiunt numerum Sacramentorum per quandam adaptationem ad virtutes, & ad defectus culparum, & poenalitatum, dicentes, quòd Fidei responder Baptismus, & ordinatur contra culpam originalem: Spei, Extrema Unctio, & ordinatur contra culpam venialem: Charitati, Eucharistia, & ordinatur contra poenalitatem malitiæ: Prudentiæ, Ordo, & ordinatur contra ignorantiam: Justitiæ, Pœnitentia, & ordinatur contra peccatum mortale: Temperantiæ, Matrimonium, & ordinatur contra Concupiscentiam: Fortitudini Confirmatio, & ordinatur contra infirmitatem. *Hec D. Thomas.*

Circa *Praxim* ritè administrandi, suscipiendiquè Sacramenta, plenissimè tractant Morales Theologi, & habent Ritualia. Nos hic, quæ concernunt usum bonum Sacramentalis Pœnitentiæ, & Eucharistiæ, utpote sæpiùs frequentandum à fidelibus, suis locis in particulari proposuimus.

## §. X.

## De Sacramentalibus.

**S**acramentalia sunt, Aspersio aquâ benedictâ, Benedictio Episcopi vel Abbatis, ingressus Ecclesiæ, tussio pectoris, gestatio Agni cerealis, & similia. Dicuntur *Sacramentalia*; quia similitudinem quandam habent in ratione signi exterioris, conferentis aliquam Sanctificationem animi, non quidem causativè, ut faciunt Sacramenta, & ex opere operato, sed occasionativè, quatenus in adhibente ejusmodi signa, excitantur pii motus animi, v. g. compunctio cordis, elevatio mentis in Divina, & Spiritualia, Sancta desideria, & proposita, &c. ad quorum positionem dimittuntur peccata venialia, conferuntur auxilia gratiæ actualia, imò & gratia Sanctificans quandoquè datur, vel augetur. Et hic est primus Sacramentalium fructus.

Alius effectus formalis Sacramentalium est, habere rationem virtutis, & consequenter ea mereri, quæ meretur virtus. Et ita Sacramentalia ministrans, vel suscipiens ex motivo Religi-



284 *Prima Secunda. Tract. 2. Cap. 6. Sect. 5. Subf. h. §. II. Act. Ext. Rel.*  
 onis, siue alterius Virtutis, erit actus Religionis, siue alicujus  
 alterius Virtutis. Proprie tamen Sacramentalia pertinent ad ac-  
 tus Religionis, quia sunt quidam ritus, caeremoniae, vel signa  
 verorum Cultorum DEI, signa, inquam, in Ecclesia DEI ex Spi-  
 ritu S. instituta, & significativa alicujus rei Divinae, & sacrae, aut  
 Sanctificationis verae, per quod differunt à similibus ritibus, &  
 signis falsorum Cultorum DEI, utpote pro eorum beneplacito,  
 non verò DEI institutis, nec correlativis cum vera Sanctitate ex  
 vi supremi arbitrii.

## §. XI.

### De Juramento.

*D. Thom. 2. 2. q. 89.* **J**uramentum, est actus Latriæ, seu Religionis, quo ad alicujus rei cer-  
 tam confirmationem efficiendam, quispiam DEUM Testem invocat; hoc  
 ipso profitens, DEUM esse indefectibilis Veritatis, & super omnes Excel-  
 sum, & Sapientem.

*Hier. 4.* **C**onditiones Juramenti insinuantur apud Prophetam, qui  
 ait: *Jurabis, vivit Dominus, in veritate, in judicio, & in justitia.*  
 Quod exponens S. Hieronymus dicit: Animadvertendum est,  
 quòd jusjurandum hos habet comites, scilicet veritatem, judici-  
 um, & justitiam. Porro Angelicus Doctor: Juramentum non est  
*D. Thom. 2. 2. q. 89. 4. 3.* bonum, nisi ei, qui benè utitur Juramento. Ad bonum autem  
 usum Juramenti duo requiruntur. imò quidem, quòd aliquis  
 non leviter, sed ex necessaria causa, & discretè juret. Et quan-  
 tum ad hoc requiritur judicium, scilicet discretionis ex parte  
 jurantis, 2<sup>do</sup> quantum ad id, quod per Juramentum confirma-  
 tur, ut scilicet nequè sit falsum, nequè sit aliquid illicitum. Et  
 quantum ad hoc requiritur veritas, per quam aliquis Juramen-  
 to confirmat, quod verum est, & justitia, per quam confirmat,  
 quod licitum est. Judicio autem caret juramentum incautum:  
 veritate autem juramentum mendax, justitiâ autem juramentum  
 iniquum, & illicitum.

*Ibid. 4. 6.* Juramentum fit duplici modo. imò, per simplicem con-  
 festationem, inquantum scilicet DEI testimonium invocatur: &  
 hoc juramentum innititur DEI veritate. 2<sup>do</sup> modo fit, dum ad  
 jura-



juramentum assumuntur aliqua creaturæ, non secundum se, sed inquantum in eis Divina veritas manifestatur. Sicut juramus per Evangelium, id est, per DEUM, cujus veritas in Evangelio manifestatur: & per Sanctos, qui hanc veritatem crediderunt, & observaverunt. Alius autem modus jurandi est per execrationem. Et in hoc juramento inducitur creatura aliqua, in qua Divinum judicium exerceatur. Et sic solet homo jurare per caput suum, aut per filium suum, aut per aliquam aliam rem, quam diligit. Sicut & Apostolus juravit 2. ad Cor. 1. dicens: Ego testem DEUM invoco in animam meam. Quod autem Joseph per salutem Pharaonis juravit, utroque modo intelligi potest: vel per modum execrationis, quasi salutem Pharaonis obligaverit DEO: & per modum contestationis, quasi contestando veritatem Divinæ Justitiæ, ad cujus executionem Principes terræ constituuntur.

Juramentum aliud est Assertorium, quando testimonium Divinum inducitur ad asserendum præterita, vel præsentia. Aliud est promissorium, quando inducitur Divinum testimonium ad confirmandum aliquid futurum.

Et si Juramentum convenienti modo factum sit licitum & bonum, maximè, dum gravis instat necessitas, v. g. in judicio, ad liberandum alterum à grandi injuria; cæteris tamen paribus multò melius præstat, non jurare. Estque hoc ipsum actus Religionis, quo præcavetur, ne per juramenti sui aliquem defectum, qui facillimè contingere potest, in ejusmodi, DEO fiat irreverentia. Quia ad eandem virtutem pertinet & actus prosecutionis, & actus fugæ. Quare ad hoc secundum Motiva potius adhibenda, quam ad illud imum. Itaque cavendi omne Juramentum, Motivum imum est. Christus monet: Iterum audistis, quia dictum est antiquis: Non perjurabis, reddes enim Domino juramenta tua. Ego autem dico vobis, non jurare omnino, neque per cælum, quia thronus DEI est, neque per terram, quia scabellum est pedum ejus. Sit autem sermo vester: Est, Est; Non, Non: quod autem his abundantius est, à malo est. Jacobus Apostolus: Ante omnia autem, fratres mei, nolite jurare, neque per cælum, neque per terram, neque aliud quodcunque juramentum. Sit

N n 3

autem

Ibid. 4. l.

Matth. 5.

Jacobi 5.



autem sermo vester, Est, Est; Non, Non, ut non sub iudicio de-  
*S. Aug. serm. cidatis. 2dum. S. Augustinus:* Falla juratio exitiosa est, vera-  
 28. *de verb. juratio periculosa est, nulla juratio secura est. Idem:* Dico vo-  
*Apost.* bis, non jurare omnino, nè scilicet jurando ad facilitatem ju-  
*Idem lib. de randi veniatur, de facilitate ad consuetudinem, de consuetudi-*  
*mendacio.* ne ad perjurium decidatur. *S. Joann. Chrysost:* Nemo est, qui  
*Joann. Chrys.* frequenter juret, quin aliquando non perjuret: sicut qui con-  
*super* illud sœvit multa loqui, aliquando loquitur importuna. *3tum. Ju-*  
*Matth. 5.* Non ramentum homini libero pro tormento est. Unde Romani à  
*jurare omnino.* Servis veritatem tormentis extorquebant, à Cive Juramento, à  
*Plutarch in Sacerdote solo verbo.*  
*probl.*

## §. XII.

## De Adjuratione.

**A**djuratio, est actus Religionis, quo per interpositionem, ac reveren-  
 tiam Divini Nominis, aut alicujus rei sacræ, alium inducimus ad a-  
 liquid agendum, vel omittendum.

*D. Thom. 2.* Adjuratio illicita est, si aliquis per invocationem Divini  
 2. *q. 90. a. 1.* Nominis, vel cujuscunque rei sacræ, alicui non sibi subdito,  
 adjurando, necessitatem agendi aliquid imponere intendit: si-  
 cut imponit sibi ipsi jurando, quia usurpat potestatem in ali-  
 um, quam non habet. Tamen propter aliquam necessitatem  
 Superiores, suos inferiores tali genere adjurationis constringe-  
 re possunt: Si verò intendat solummodo per reverentiam  
 Divini Nominis, vel alicujus rei sacræ, aliquid ab alio obtinere  
 absque necessitatis impositione, talis adjuratio licita est respec-  
 tu quorumlibet. Porro dæmones licet adjurare, non per mo-  
 dum deprecationis, seu inductionis, ob reverentiam alicujus  
 sacri, quia hoc videtur ad quandam amicitiam vel benevolen-  
 tiam pertinere, quâ non licet ad dæmones uti: sed per modum  
 compulsionis adjuratio potest fieri dæmonum, non quidem ad  
 aliquid ab eis addiscendum, vel obtinendum: quia hoc perti-  
 net ad aliquam societatem cum eis habendam (nisi fortè ex  
 speciali instinctu, vel revelatione Divina aliqui Sancti ad aliquos  
 effectus dæmonum operatione utantur, sicut legitur de beato  
 Jacobo,



Jacobo, quòd per dæmones fecit Hermogenem ad se adduci) verùm ad repellendum eos, nè nobis noceant spiritualiter, vel corporaliter, secundùm potestatem Divinam, datam à Christo, juxta illud Luc. 10: Ecce, dedi vobis potestatem calcandi supra serpentes, & scorpiones, & supra omnem virtutem inimici, & nihil vobis nocebit. Cæterùm adjurare creaturas irracionales secundùm se, est vanum: inquantùm verò adjurantur per respectum ad eum, à quo moventur, est licitum: & ita irrationabilium fit adjuratio, vel per modum deprecationis ad DEUM directæ, prout solent miracula facientes: vel per modum compulsionis, directæ ad dæmonem, nè per easdem creaturas nobis noceat. Et talis est modus adjurandi in Ecclesiæ exorcismis, per quos dæmonum potestas excluditur ab irrationabilibus creaturis.

Ibid. a. 3.

## §. XIII.

## De Laude DEI.

**L**AUS DEI, est actus Religionis, dum aliquis Magnalia DEI ore loquitur, vel deprædicat, sive hymnis, & canticis spiritualibus celebrat: *V. D. Thom. 2. 2. q. 91.* ad excitandum in se, tum in aliis erga DEUM pium affectum, devotionem, reverentiam, ejusquè glorificationem.

*Incitamenta* ad Laudem DEI hæc proponuntur. *imum.*

*Psal.* Laudate Dominum de cælis, laudate eum in excelsis. *Psal. 148.*

Juvenes, & virgines, senes cum junioribus laudent nomen Domini. Et: Laudate Dominum in Sanctis ejus: Laudate eum *Psal. 150.*

in firmamento virtutis ejus. Laudate eum in Virtutibus ejus,

laudate eum secundùm multitudinem magnitudinis ejus. Lau-

date eum in sono tubæ; laudate eum in psalterio, & cythara.

Laudate eum in tympano, & choro; laudate eum in chordis, &

organo. Laudate eum in cymbalis benesonantibus, laudate

eum in cymbalis jubilationis: omnis Spiritus laudet Dominum.

*Ecc.* Sapientiæ DEI astabit laus, & in ore fideli abundabit, &

Dominator dabit eam illi. *Idem:* Glorificantes Dominum, *Ecc. 15.*

quantumcunquè potueritis, supervalebit adhuc, & admirabilis *Ecc. 6. 43.*

magnificentia ejus. Benedicentes Dominum, exaltate illum,

quan-



quantum potestis, major enim est omni laude. Exaltantes eum replemini virtute. Nè laboretis: non enim comprehendetis. Quis enim videbit eum, & enarrabit? & quis magnificabit eum, sicut est ab initio?

*Psal. 134.*

*2dum.* Psalter exhortatur: Laudate nomen Domini, laudate servi Domini. *Ibidem S. August.* Psalmus iste, ut laudemus nomen Domini, svadet, causamque, quare justum sit, illum laudare, subdit, cum dicit: Laudate servi Domini. Quid justius, quid dignius, quid gratius? Etenim, si non laudaverint servi Domini, superbi, ingrati, irreligiosi erunt. *S. Justinus* Martyr, ita hymnodiam celebrat, & psalmodiam: Excitat, in-  
quiens, hæc cum voluptate quadam animum ad flagrans ejus, quod carmine celebratur, desiderium. Affectiones, & concupiscentias carnis sedat: cogitationes malas inimicorum, quos cernere non est, amolitur. Mentem ad fructificationem bonorum Divinorum rigat, pietatis decertatores gloriosos & fortes per constantiam in rebus adversis efficit: omnium rerum, quæ in vita tristes & luctuosæ accidunt piis, affert medicinam.

*S. Aug. lib. 9. Conf. c. 4.*

*S. Augustinus:* DEUM alloquens, sic inquit: Quas tibi voces dabam in psalmis illis, & quomodo in te inflammabar ex eis, & accendebar eos recitare, si possem toto orbe terrarum adver-

*S. Isid. lib. 7. sent. c. 7.*

sum typhum generis humani. *S. Isidorus:* Nescio, quo pacto modulatione canentis major nascitur compunctio cordis. Multi enim reperiuntur, qui cantûs svavitate commoti crimina plangunt, atque ex parte magis flectuntur ad lachrymas, ex

*S. Bernard. serm. II. in Cant.*

qua psallentis insonuerit dulcedo svavissima. *S. Bernardus:* Nil ita propriè quendam in terris repræsentat cælestis habitati-  
onis statum, sicut alacritas Laudantium DEUM, dicente Scri-  
pturâ: Beati, qui habitant in domo tua, Domine, in secula se-  
culorum laudabunt te. *S. Basilius:* Psalmus est animarum tran-

*S. Basil. in Epist. S. Jacobi.*

quillitas, pacis arbiter, turbas, & fluctus cogitationum compe-  
scens, iracundiam mollit. Psalmus amicitie conciliator, dissi-  
dentium conjunctio, inimicorum reconciliatio. Quis enim ini-  
micum existimabit eum, cum quo unam ad DEUM vocem  
emittit? *Et inferius:* Psalmus demones fugat, auxiliares An-  
gelos advocat, in nocturnis terroribus securitas, in diurnis la-  
boribus



boribus requies est: Infantibus tutela, junioribus decor, senioribus solatium, mulieribus honestissimus ornatus: solitudines celebres facit: elementum incipientibus, incrementum proficientibus, consummatio perfectorum. Psalmus est vox Ecclesiæ, ac dies festos agit. Psalmus est Angelorum opus, cælestis rei publicæ spirituale ornamentum.

*zium ab Exemplis.* Corn. à lap. explicans illud Ecclesiastici: Porro Sapientiæ DEI adstat Laus DEI; ait: Quia Sapientiam DEI laudant, non tantum omnes Angeli, & Beati, sed & ipse DEUS, puta ipsa SS. Trinitas, in qua Pater immensâ laude laudat, & glorificat Filium, & Spiritum Sanctum: Spiritus Sanctus Patrem, & Filium. Dum enim videt quisque in eis Deitatem, & Divinam Majestatem, plenam infinitis dotibus, ideoque infinitâ laude & gloriâ dignum: idcirco jugiter eos toto affectu laudat, & celebrat, idque fecit ab æterno, & faciet in omnem æternitatem. Hæc laus nobis imitanda, & assumenda est, uti assumit Ecclesia, cum in fine cujusque Psalmi canit: *Gloria Patri, & Filio, & Spiritui Sancto*: hæc enim doxologiâ non tantum creatam & finitam dicit, optatque SS. Trinitati gloriam, sed & increatam, ac infinitam, idque magis propriè. Sequitur enim: *Sicut erat in principio, & nunc, & semper, & in secula seculorum, Amen.* Certum autem est in principio, id est, ab æterno nullam creaturam (utpote quæ nulla tunc fuerit) dixisse: *Gloria Patri, & Filio, & Spiritui Sancto*: Sed idipsum sola potuit dicere SS. Trinitas sibi ipsi. Atque hæc est summa laus, quam DEO dare possumus: est enim immensa, ideoque DEO adæquata. Idem: Quis comprehendet, quanto ardore, quantâ perfectione, quanto jubilo Christus glorificet DEUM Patrem, Filium, & Spiritum Sanctum, in se, & in opere Incarnationis, quod in se operatus est, sibi quæ tribuit, ut scilicet hæc sua Humanitas uniretur Verbo, ideoque hic Homo hypostaticè esset DEUS, & DEI Filius, ac per eam operaretur Redemptionem nostram, & salutem totius Universi? Idem: Beata Virgo, & Christus laudant DEUM; B. Virgo enim, sicut omnes homines & Angelos longè superat in gratia, ita in gloria, ac visione DEI. Unde magis penetrans speciem DEI, & attributa,

Cornelius

Comment. in  
Eccles. c. 15.  
v. 10.Idem Com-  
ment. in Eccl.  
c. 43.

Ibidem.



*Ibidem.*

buta, excellentius omnibus ea celebrat. Laudavitque in terris adhuc existens: Magnificat anima mea Dominum. *Idem*: Beati in cælo, homines & Angeli, præsertim Seraphini, ardentis amore: & admiratione DEI, semper ei accinunt: *Alleluja: Sanctus, Sanctus, Sanctus Dominus DEUS Sabaoth: plena est omnis terra gloria ejus.* Isa. 6. Apocal. 4. Sicut ergo philomela integros dies & noctes canunt, laudantque DEUM initio Veris, nec aliare, quam cantu suo delectantur, eumque semper augere & intendere, aliosque omnes superare contendunt, adeo, ut quandoque ex hac vocis contentione rumpantur & moriantur: Sic & Beati, ac Seraphini omnes vires suas exhauriunt in laudando DEUM: & cum vident, se eum dignè, ut meretur, laudare non posse, sed in immensum eum esse pulchriorem, & laudabiliorem, optant, in immensum amplius eum laudare: sed quia se vinci ab eo vident, in eo gaudent, quod tantus sit DEUS, ut omni laude sit Superior. *Idem*: Homines, præsertim fideles

*Ibidem.**Psalms. 118.**Psalms. 33.*

& sancti in terra, considerantes immensam DEI Majestatem, beneficentiam, & perfectionem, eam mente & voce prædicant, ac quia id in hac vita plenè præstare nequeunt, aspirant ad alteram, dicentes: *Beati, qui habitant in domo tua Domine, in secula seculorum laudabunt te.* Ita S. Franciscus, considerans perpetim immensam DEI pulchritudinem, ad eam aspirabat, ac præ desiderio languebat, adeoque ipsi immortalis est, dicendo: *Educ de custodia animam meam, ad consistendum nomini tuo: me expectant iusti, donec retribuas mihi: testis est S. Bonaventura in ejus vita.* Hec Cornelius à lapide. II. Sanctissimus Rex David *septies per diem laudem dixit Domino.* Imò dicit: *Benedicam Dominum in omni tempore, semper laus ejus in ore meo.* Qui simul omnes creaturas invitat ad laudandum DEUM, & præcipuè homines, quibus exhibuit Placerium, plenum Divinis laudibus, chorosque DEUM laudantium Levitarum instituit. Denique omnes creaturæ mutâ voce suum Creatorem jugiter celebrant, dum in seipsis ejus Potentiam, Sapientiam, Bonitatem, omnibus commendant, & ostentant, juxta illud Psalm 18 v. 1: *Celi enarrant gloriam DEI, & opera manuum ejus annuntiat firmamentum.* Hinc sibi arroget fidelis quisque, invitando cum Daniele creaturas omnes



omnes ad DEI laudem; *Benedicite omnia opera Domini Domino*. III. Dan. 3.  
 Choris alternantibus in Ecclesia cantare Antiphonas, Psalmos,  
 & Hymnos, ait Socrates esse à S. Ignatio, Apostolorum discipu- *Socrat. lib.*  
 lo, & Episcopo Antiocheno. Hic, inquit, visionem vidit Ange- *6. hist. c. 2.*  
 lorum Sanctam Trinitatem hymnis alternâ vice decantatis col-  
 laudantium, & formam canendi in ea visione expressam Eccle-  
 siæ Antiochenæ tradidit. Unde illa traditio in omnibus Eccle-  
 siis recepta est. IV. Novitius quidam, Gratiano nomen erat, *Nebridius*  
 pro culpa sua à P. Gvardiano ad chorum relegatus est, ut ibi *Antiq. Monast.*  
 ad revocationem usque oraret. Cujus memoriâ, cum Patri ex- *Epist. 64. cit.*  
 cidisset, Gratiano in choro pernoctandum fuit. Hora instabat *Boyer. A. D.*  
 decima, & ecce quam plurimi templum ingrediuntur splendi- *1542.*  
 disime vestiti. Hi factâ profundâ reverentiâ SS. Eucharistiæ  
 Altari, fratrumque communi sepulturæ, in his locis thus adole-  
 bant. Obstupuit principio frater, deinde proximum ex iis ro-  
 gat: Ecquid hæc pompa, tamque splendidus amictus sibi ve-  
 lit? Cui ille: Tam pretiosæ, inquit, immortales, atque impu-  
 trescibiles vestes donantur in calis Capucinis pro suis grossis  
 ac vilibus, quas in mortali vita gestant. Sed quia tam oppor-  
 tunè ades, dicas Guardiano, ut curet in choro canonicas horas lentius  
 recitari: quia nihil in Ecclesiâ post usum & cultum Sacramentorum DEO  
 gratius est, recitatione Horarum canonicarum, cum ab ipso Christo Do-  
 mino institutæ sint.

Circa *Praxim* Laudis Divinæ observa mō: quia non est *Eccles. 15.*  
*speciosa laus in ore peccatoris.* Unde talibus dicit DEUS: *Aufer*  
*à me tumultum carminum tuorum, & cantica lyre tue non audiam.* *Amos 5.*  
 Quare conscientia cum primis depuranda à sorde peccati, tum  
 solvenda ora in laudem Creatoris. Et *Nebridius* inquit: Dislo- *Antiq. Mo-*  
 lutorum oratio horret foetetque coram DEO. *Justinus, Bearens, Epist. 71.*  
 memoriæ Capucinus, aliquando raptus in extasim pervenit in- *Boyer. A. D.*  
 Spiritu ad Ecclesiam, cum Religiosi matutinum officium pera- *1547.*  
 gerent. Speravit bonus Pater, auditurum se concentum An-  
 gelorum, sed ecce, nihil percipere aliud potuit, quam horren-  
 dos latratus canum, grunntus porcorum, mugitus boum, &  
 verba blasphemiarum. Territus hoc tam monstroso matutino,



supplex à DEO poscit, quid hoc sibi velit? Et vox ad eum: Illorum Religiosorum preces, qui dissolutè vivunt, regulam negligunt, aliosquè rectè viventes impediunt, nihil aliud esse, quàm blasphemias, ac voces belluarum. Quid ad hoc cogitas? non expavescis? Censeo hanc DEI sententiam non modò Religiosos, sed & malos Clericos, & Laicos tangere. Quoties ingemui, & fleui, dum oranti & Sacrificanti mihi intus dici putabam, id quod de Sacrificiis & oblationibus Judæorum olim per DEUM dictum est: Qui immolat bovem, quasi qui interficiat virum; qui mactat pecus, quasi qui excerebret canem; qui offert oblationem, quasi qui suillum sanguinem offerat: qui recordatur thuris, quasi qui benedicat idolo. Iniqui sunt coetus vestri; calendæ vestras, & Sabbatum, & solemnitates odit anima mea: facta sunt mihi molesta, laboravi sustinens. Et cum extenderitis manus vestras, avertam oculos meos à vobis, & cum multiplicaveritis orationem, non exaudiam: manus enim vestre sanguine plene sunt. Lavamini. 2dò: frigida laus est insipida, & extorta, nisi priùs fuerit fulgurans cognitione, dulciquè amore incensa magnalium DEI. Hinc appositè de

S. Bern. serm.

7. in Cant.

Psalmodia S. Bernardus: Cibus in ore, Psalmus in corde sapit &c. Mel in cera, devotio in litera est, alioquin litera occidit, si absquè Spiritus condimento glutieris. Si autem cum Apostolo psallas Spiritu, psallas & mente, cognosces & tu de illius veritate sermonis, quem dixit IESUS. Verba, quæ locutus sum vobis, Spiritus & vita sunt. Similiter & de Concionibus Laudibusquè DEI dicendum; ubi speranda laus DEI magis vel minùs ferventior, præcedente eam majori vel minori æstimatione, clariorque, vel minùs clarâ cognitione DEI & Divinorum, ita enim unum ex altero ordinariè fluit.

S. August. lib.

10. Conf. c. 32.

3tiò. Adverte, quod S. Augustinus ait: Commoveor non cantu, sed rebus, quæ cantantur, cum liquidâ voce, & convenientissimâ modulatione magnam instituti huius utilitatem agnosco, ut per oblectamenta aurium infirmior animus in affectum pietatis assurgat. Tamen cum mihi accidit, ut me amplius cantus, quàm res, quæ canitur, moveat, poenaliter me peccare confiteor, & tunc mallet non audire cantandem.

4tò. Cave illud Domini improprium: Populus hic labia

me



ine honorat, cor autem eorum longè est à me. Et observa S. Augustini monitum: Si erat Psalmus, inquit, orate, & si gemit, gemite, S. August. in & si gratulatur, gaudete, & si timet, timete. Omnia enim, quæ Psalm. c. 30. hic conscripta sunt, speculum nostrum sunt. Cæterum pro varietate cujusquæ devotionis, & spiritûs, tum pro infirmitatis, & ignorantia defectu, tria Attentionis genera in Oratione & Psalmodia assignantur: ut qui in uno minùs sufficiens fuerit, in alio magis proficiat. De his vide supra sub Attentione Orationis. Sect. 5. subf.

5<sup>to</sup>. Deniquè accipe summam, quæ caveas, & obser- 1. §. 2.  
ves in sacro Cantu. In vita S. Leuridi aurea regula proponitur, In Chron.  
quomodo se quisquæ in toto Orationis progressu habere debe-  
at, ut eò perfectius oret. Facto signo pro Officio Divino, in-  
quit, dimittas omnia, quæ erunt in manibus tuis, & primus es-  
se in choro semper contendas, tam nocte, quàm die. Exiens  
è cella, fores sinè strepitu aperi & claudè. In cantu non fran-  
gas vocem, aut fœmineis accentibus aliis te dulciter canere o-  
stentes, sed vocem tuam in fortitudine spiritûs exaltans, DE-  
UM tuum laudare satage. Non adhæreas humeris ad sedilia,  
nequè lacertis, sed stans jugiter, & viriliter, genibus junctis &  
pedibus, nec tibias super genua, nequè pedem super pedem  
omniò reponas. Cum federis, pedem ultra fimbriam non ex-  
tendas: non suspires ibi, non clames, non legas, aut horas di-  
cas altâ voce, dum tacent alii. Non gemas, aut pectus ibi  
percutias immoderatè, quia hypocritarum hic mos est. Inclina,  
& erige te uniformiter cum aliis. Semper, cum sedendum est,  
tu sis ultimus, & primus in surgendo. In choro non loqua-  
ris, aut rideas. Non sis vagus & curiosus, sed semper aspe-  
ctus tui defixi maneant ad pedes tuos, nè in ullo obtutum An-  
gelorum offendas. Cum ibidem errores contigerint, tu nemi-  
nem corrigas, sed quietus persevera. Cum strepitus aut ru-  
mor acciderit, tu non eò statim oculos volve, sed semper in  
eodem statu perseveres. Non sis inquietus, & strepitosus. Si  
nasi aut pectoris indiges purgatione, tam discretè hoc perage,  
nè aliis nauseam crees. In auribus aut naribus non figas digi-  
tos, nequè ibi dentes purgaveris: hoc enim valdè indecens est.  
Si pulicibus aut pruritu alio stimulatus fueris, si sufferre non



potes, honestè & cautè tibi provide, nè advertant id alii. Sinè urgente necessitate non recedas ab Officio. In fine defectus tuos examina. Cellam autem ingressus recites Salutationem Angelicam.

*Card. Bona* *Cardinalis Bona hæc profert, dicens: S. Bernardus, qualis debe-*  
*de DiVin. P/al.* at esse cantus, ita describit. Cantus plenus sit gravitate, nec la-  
*c. 17.* stiviam resonet, nec rusticitatem. Sic svavis, ut non sit levis:

*S. Bern.* E- sic mulceat aures, ut moveat corda. Tristitiam levet, iram.  
*pist. 312.* mitiget, sensum literæ non evacuet, sed fecundet. Non est levis ja-  
ctura gratiæ Spiritualis levitate cantûs abduci à sensuum utilita-  
te, & plus sinuandis intendere vocibus, quàm rebus insinuan-

*Idem, sita-* dis. Item alibi cantantium vitia sic redarguit: Sunt quidam.  
*men ipse est, de voce dissoluti, qui vocis suæ modulatione gloriantur, nec tan-*  
*inter. domo c.* tùm gaudent de dono gratiæ, sed etiam alios spernunt. Tu-  
*51.* mentes elatione aliud cantant, quàm libri habeant, tanta est le-  
nitas vocis, forsitan & mentis. Cantant, ut placeant populo  
magis quàm DEO. Si sic cantas, ut ab alijs laudem quæras,  
vocem tuam vendis, & facis eam non tuam, sed suam. Habes  
in potestate vocem tuam, habeto & animum. Frangis vocem,  
frange & voluntatem. Servas consonantias vocum, serva &  
concordiam morum. Cave, nè sicut delectaris altitudine vo-  
cis, delecteris elatione mentis. Ingenium musicum à propor-  
tione in voce reducendum esse ad proportionem in mente, o-

*Plotinus Enn.* stendit Plotinus. Nimis enim indignum videtur, & nimis flen-  
*1. lib. 3. c. 1.* dum, ut ait Augustinus, per suam scientiam versum benè curre-  
*August. lib.* re, citharamquè concinnere, & suam vitam, sequè ipsam, quæ  
*2. de Ordine* anima est, devium iter sequi, & dominante sibi libidine, cum  
*c. 2.* turpissimo se vitiorum strepitu dissonare. Extat etiam in an-  
tiquissimo nostri Ordinis Statuto optima canendi institutio,  
quam idem Sanctissimus Pater Bernardus suis discipulis reliquit:  
Psalmodiam, inquit, non nimium protrahamus, sed rotundè, &  
vivâ voce cantemus. Metrum & finem versûs simul intone-  
mus, & simul dimittamus. Punctum nullus teneat, sed statim  
dimittat. Post metrum bonam pausam faciamus. Nullus an-  
te alios incipere, & nimis currere præsumat, aut post alios pneu-  
ma trahere, vel punctum tenere. Simul cantemus, simul pau-  
semus,



semus, semper auscultando. Quicumque incipit Antiphonam, aut Psalmum, Hymnum, Responsorium, Alleluja, unam aut duas partes solus dicat, aliis tacentibus: & ab eo loco, quo ille dimittit, alii incipiant, non repetentes, quod ille jam dixit. Monemus vos dilectissimi, ut, sicut reverenter, ita & alacriter Domino assistatis, non pigri, non somnolenti, non oscitantes, non parcentes vocibus, non præcidentes verba dimidia, non integra transilientes, non fractis & remis vocibus muliebre quiddam de nare sonantes, sed virili sonitu & affectu voces S. Spiritus depromentes. Viros enim decet virili voce cantare, & non more foemineo tinnulis, vel falsis vocibus, veluti histrionicam imitari lasciviam: & ideo constituimus, mediocritatem in cantu servari, ut gravitatem redolet, & devotio conserve-  
*tur. Hæc Statutum Cisterciense.* Liquet autem ex dictis, quamnam debeant vitia Ecclesiastici cantores evitare. Et paulo infra *idem Cardinalis Bona hæc prosequitur:* Denique damnati sunt illi, qui parcentes vocibus suis rapinam faciunt in holocaustis, qui vitulos scilicet laborum suorum Domino reddere negligentes, vel dolorem capitis, vel stomachi debilitatem, vel exilitatem, vocis prætendunt ad excusandas excusationes in peccatis: cum revera totum in eis sibi vendicat mentis evagatio, distractio cordis, carnis inertia, & propriæ salutis incuria. Non enim considerant, quod, qui à communi labore se subtrahunt, communi etiam retributione carebunt, & qui Ecclesiam servitute, proximum ædificatione, Angelos lætitiâ, Sanctos gloriâ, DEUM cultu defraudant: ipsi quoque DEI gratiâ, Sanctorum suffragiis, Angelorum custodiâ, proximi adjutorio, Ecclesiæ beneficiis se reddunt indignos. *Hactenus cit. Cardinalis.*

## SUBSECTIO II.

De Oppositis vitiis Religionis per Excessum,  
 seu de Superstitione.

**S**uperstitio, vitium est Religionis oppositum, secundum excessum quo quis Divinum exhibet cultum, vel cui non debet, vel non eo modo, quo debet.

D. Thom. 2.

2. q. 92. a. 1.

Multæ



Ibidem a. 2.

Multæ sunt Superstitionis species, ut Indebitus veri DEI cultus, Idololatria, Divinationes, ac varia Observationum genera. Etenim diversificantur Superstitionis species. imò quidem ex parte objecti. Potest enim Divinus cultus exhiberi, vel cui exhibendus est, scilicet DEO vero, modo tamen indebito: & hæc est prima Superstitionis species: vel ei cui non debet exhiberi, scilicet cuicunque creaturæ. Et hoc est aliud Superstitionis genus, quod in multas species dividitur, secundum diversos fines Divini cultûs. Ordinatur enim imò Divinus cultus ad reverentiam DEO exhibendam. Et secundum hoc una species huius generis est Idololatria, quæ Divinam reverentiam indebitè exhibet creaturæ. 2<sup>da</sup> ordinatur ad hoc, quòd homo instruat a DEO, quem colit. Et ad hoc pertinet Superstitio divinativa, quæ dæmones consulit per aliqua pacta cum eis inita, vel tacita, vel expressa. 3<sup>ta</sup> ordinatur Divinus cultus ad quandam directionem humanorum actuum, secundum instituta DEI, qui colitur: & ad hoc pertinet Superstitio quarundam

*S. August. lib. 2. c. 20. in dicens: Superstitionem esse, quicquid institutum est ab hominibus, ad faciendâ & colendâ idola pertinens. Et hoc pertinet ad eodem nunc imum. Et postea subdit: Vel ad consultationes & pacta quædam significationum cum dæmonibus placita atque foederata: loco dicto.*

*Eodem c. 2. quod pertinet ad 2<sup>dum</sup>. Et post pauca subdit: Ad hoc genus perum à prim, pertinent omnes ligaturæ, & cætera huiusmodi: quod pertinet ad 3<sup>tium</sup>.))* Ex his sequentes actus Superstitionis derivantur.

## ACTUS SUPERSTITIONIS.

Lobner Biblio.

manual. tit.

Superstitio.

I. est, DEUM per ceremonias abolitas colere. II. Officium auctoritatis publici Ministri Ecclesiastici sibi arrogare, v.g. Si confessiones laicus excipiat, aut Sacrificium offerat. III. Propriâ auctoritate aliquid velut ab Ecclesia à DEI cultum ordinatum proponere; ut si quis varias ceremonias in Sacramentorum administratione adhiberet. IV. Falsas reliquias, miracula, revelationes confingere, & proponere. V. Dæmonem, aut magos de rebus occultis consulere. VI. Solem



Solem, aut aliam creaturam pro DEO habere: uti frequenter faciunt magi, diabolum cultu latriæ adorantes. VII. Varia amuleta aut ligaturas portare contra vulnera, vel subitam mortem, aut alios similes effectus improporcionados. VIII. est, rebus sacris maiorem vim, quam conveniat, attribuere: ut, si quis aquam benedictam crederet habere virtutem infallibilem ad dæmones & homines malos arcendos. IX. Varia animalia ex tempore creare, aut ex alio loco longè dissito in momento adducere. X. Variis incantationibus pecora aut agros alterius inutiles efficere.

*Motiva fugiendi superstitionem.* Imum. Deuter: Non inveniatur in te, qui Ariolos sciscitetur, & observet somnia, atque auguria, nec sit maleficus, neque incantator, nec qui Pythones consulat, nec Divinos, aut quærat à mortuis veritatem. Omnia enim hæc abominatur Dominus. Apoc: Veneficis, & idololatriis, & omnibus mendacibus, pars illorum erit in stagno ardente igne & sulphure, quod est mors secunda. Deut. 18. v. 10. Apoc. 21. v. 8.

2dum. Quia hoc vitium est singulariter in odium DEI à dæmonibus inventum, ut per illud cultum DEO debitum in se transferant, atque adeo non potest non graviter DEO displicere: hinc rectè S. Augustinus monet: Non sit nobis Religio cultus dæmonum, quia omnis superstitio, cum sit magna pœna hominum, & periculosissima turpitudine, honos est, ac triumphus illorum. Quia valdè dedecet Christianum, ut, qui per baptismum abrenunciavit dæmoni, nunc iterum cum eo amicitiam ineat. Quæ omnia pulchrè explicat S. Ephrem: dum ait: Abrenunciatio, quam in baptismo facimus, nominata quidem apparet parva, sed intellecta, admodum magna, quam qui servare voluerit, beatissimus erit: Paucis namque verbis cuncta, quæ nominantur mala, quæque odit DEUS, valere jubemus, & abrenunciamus, cuiusmodi sunt non unum duntaxat, non duo, nec decem, sed quodcumque appellatur malum, puta, abrenunciatio satanæ, & cunctis operibus ejus. Quibus, inquam, operibus audite, fornicationi, adulterio, immunditie, furto, invidia, veneficio, divinationi, incantationibus, augurationibus, spirituum immundorum interrogationibus, quæ cuncti novimus opera ac doctrinas esse dia-

S. Aug. lib. de  
vera Relig. c. 55.

S. Ephrem:  
de abren.



*S. Chrysoſt.* bolorum. *S. Chryſoſtomus*: Etiamſi millies exurat febris, ani-  
*Orat. 5. contra* ma tua quovis liquore, quâvis irrotatione meliorem, utilio-  
*lud.* remquè mitigationem adducet. Quemadmodum enim, post-  
 quam acceperis mutationem, ſanusquè factus fueris (per ma-  
 gicas artes), miſerior factus es iis, qui febre laborant, dum te-  
 cum reputas peccati magnitudinem: ſic nunc quoquè, etiamſi  
 febricitaris, innumeraquè patiaris mala, repulſis impiis illis, quo-  
 vis ſano meliùs eris affectus animo, geſtiente præ gaudio con-  
 ſcientiâ, ac laudante te, probantequè, ac dicente: Euge, Euge,  
 heus homo Chriſti ſervus, vir fidelis, Athleta pietatis, qui malu-  
 eris moleſtiis immori, quàm deferere tuam pietatem, proximo  
 ſecundùm Martyres loco ſtabis illâ die.

*Surius 20.* 3tium. *S. Bernardus* puerulus capitis gravi dolore labo-  
*Auguſti.* rans, mulierem ad ſe venientem, dolorem carminibus mitigatu-  
 ram acri indignatione & clamore rejecit, & ſeſe prorapiens ex  
*Dio. l. 57.* lectulo, mox divinitus convaluit. *Aliud.* Tiberius, Imperator  
 Romanorum, decretum contra magos & Aſtologos judiciari-  
 os edidit, quorum exteros occidit, cives autem patriâ exulare  
 juſſit.

*In Praxi* imò inſtinctui ad ſuperſtitiones concitanti reſi-  
*S. Auguſt.* ſtere. Ita *S. Auguſtinus*, dum ait: Homines negligentes, & fa-  
*Serm. 241.* deciles, langvida deſideria, & fidem deſidem habentes, etiamſi  
*temp.* incipiant, non diu perfeverant in operibus DEI, ſed ubi ſe an-  
 redictis ſacrilegiis abſtinuerint, vel unam diaboli nequitiam,  
 pertulerint, ſtatim poenitent, ſe ad Dominum converſos eſſe, &  
 machinamenta diaboli reliquiſſe, iterum revertuntur ad obſer-  
 vationes auguriorum, velut canis ad vomitum ſuum. Unde  
 ſvadet, ab initio ſemel iterumquè fortiter repellendos, qui ad  
 ejuſmodi artes impellunt, ſi enim ſemel, inquit, aut ſecundò ne-  
 quitias, quas diabolus immiſerit, cum animo & totâ fide con-  
 tempereris, ita ipſum diabolum poſtea à veſtra inſeſtatione,  
 DEUS dignabitur repellere, ut nunquam poſſit vos ſuâ callidi-  
 tate decipere.

2dò ad DEUM oratione & piâ fiduciâ recurrere. Un-  
*S. Chryſoſt.* de *S. Chryſoſtomus*: Hoc eſt mihi corona, hoc diadema, propter  
*in Pſalm. 9.* te trophæum erigere, propter te ſalutem adipiſci. Hoc autem  
 dico



dico propter eos, qui in morbis utuntur incantationibus, & alias exquirunt imposturas, & praeſtigia ad suam levandam ægritudinem. Quod intelligendum est & circa alia mala, damna, eventus, &c.

3<sup>o</sup>id. Adhibe hęc proportionatē supràſpecificata.

1. 2. tra. 1. c.

1. ſect. 4. ſubſ.

2. 6. 2. & 3.

### §. I.

#### De illegitimo cultu DEI.

**I**llegitimus DEI cultus, est Superſtitionis ſpecies: contingitque tripliciter, ut ex ſequenti doctrina S Thomæ pater, ubi ſimul nonnulla Incentiva ad ejus fugam habes. Diſſerit igitur præſatus Sanctus hunc in modum. Mendacium maximè pernicioſum est, quod ſit in his, quæ ad Chriſtianam Religionem pertinent. Est autem mendacium, cùm aliquis exterius ſignificat contrarium veritatis. Sicut autem ſignificatur aliquid verbo, ita etiam ſignificatur aliquid facto. & in tali ſignificatione facti conſiſtit exterior Religionis cultus. Et ideo, ſi per cultum exteriorum aliquid falſum ſignificetur, erit cultus pernicioſus. Hoc autem contingit dupliciter. Uno quidem modo ex parte rei ſignificatæ, à qua diſcordat ſignificatio cultus: & hoc modo, tempore novæ legis, peractis jam Chriſti myſterius, pernicioſum est uti caeremoniis veteris legis, quibus Chriſti myſteria figurabantur futura, ſicut etiam pernicioſum eſſet, ſi quis verbo confiteretur Chriſtum paſſurum eſſe. *Alia modo poteſt contingere falſitas in exteriori cultu ex parte colentis, & hoc præcipuè in cultu communi, qui per miniſtros exhibetur in perſona totius Eccleſiæ. Sicut enim falſarius eſſet, qui aliqua proponeret ex parte alicujus, quæ non eſſent ei commiſſa ita vitium falſitatis incurrit, quòd ex parte Eccleſiæ cultum exhibet DEO, contra modum Divinæ authoritate ab Eccleſia conſtitutum, & in Eccleſia conſuetum. Unde Ambroſius dicit: Indignus eſt, qui aliter celebrat myſterium, quod Chriſtus tradidit. Et propter hoc etiam gloſſ. dicit Coloff. 2. Quòd ſuperſtitio eſt, quando traditioni humanæ Religionis nomen applicatur. Ibidem D. Thomas dicit panem inquit: Dicendum, quòd aliquid dicitur ſuperfluum dupliciter.*

D. Thom. 2.

2. 2. 93. a. 1.

1. ad Cor. 11.

super illud:

Quicumque e-

panem

to. 5.



Uno modo secundum absolutam quantitatem, & secundum hoc non potest esse aliquid superfluum in Divino cultu: quia nihil potest homo facere, quod non sit minus eo, quod DEO debet. Alio modo potest esse aliquid superfluum, secundum quantitatem proportionis, quia scilicet non est fini proportionatum. Finis autem Divini cultus est, ut homo DEO det gloriam, & ei se subiciat mente, & corpore. Et ideo, quicquid homo faciat, quod pertinet ad DEI gloriam, & ad hoc, quod mens hominis DEO subiciatur, & etiam corpus per moderatam refrænationem concupiscentiarum, secundum DEI & Ecclesiæ ordinationem, & consuetudinem eorum, quibus homo convivit, non est superfluum in Divino cultu. Si autem aliquid sit, quod quantum est de se, non pertinet ad DEI gloriam, neque ad hoc, quod mens hominis feratur in DEUM, aut quod carnis concupiscentiæ inordinatæ refrænentur: aut etiam, si sit præter DEI & Ecclesiæ institutionem, vel contra consuetudinem commu-

*In Epist. 86.* nem (quæ secundum *August.* pro lege habenda est) totum hoc parum à princ. reputandum est superfluum & superstitiosum: quia in exterioribus solum consistens, ad interiorem DEI cultum non pertinet. *Cap. 3. à med. net.* Unde *S. August.* in lib. de vera Religione inducit, quod dicitur Luc. 17. Regnum DEI intra vos est: loquitur contra superstitiosos, qui scilicet exterioribus principalem curam impendunt.

*S. Chrysost.* *hom. 8.* Contra communioem illegitimi cultus Divini speciem in propul-  
satis malis morborum, damnorum, &c. *S. Chrysost.* inquit: Superstitiosa illa, quæ ægrotis applicatis, etiamsi mille modis philosophentur, qui quantum ex ipsis faciunt, dicentes: DEUM invocamus, & præterea nihil facimus, & quicquid ejusmodi prætendunt, & Christiana est hæc anus, & fidelis, idolatriam tamen sapiunt. Fidelis es? Crucis signaculo utere. Dic, hoc duntaxat habeo scutum, hoc solum pharmacum, aliud ignoro. Dic mihi si Medicus ad ægrotum accedens, relictis medicinæ pharmacis incantatione uteretur, an hunc Medicum diceres? nequaquam; non enim videremus medicinæ pharmaca: ita neque hic, quæ sunt Christianismi.



## §. II.

## De Idololatria.

**I**dololatria, est Superstitionis species, quâ debitus DEO honor & cultus Creaturae tribuebatur. De qua Morales Theologi: hic fufius discurre de ea minimè opus, cùm, DEO sint laudes, ejusmodi sordibus expurgatus maneat mundus; & SS. Patres, & Doctores Ecclesiæ amplissimè contra Idololatriam egerunt, & scripserunt; Theologiaquè Spiritualis præsupponat fideles, à quibus illa non tam addiscatur specularivè, (quod etiam ex parte pertinet ad infideles convertendos) quàm sciatur, & exerceatur practicè, quod solis convenit veris Christianis.

D. Thom. 2.

2. q. 94.

## §. III.

## De Divinatione.

**D**ivinatio, quantum ad finem pertinet, quem Divinatio intendit, ad curiositatis genus refertur: quantum verò ad operationis modum spectat, est Superstitionis species. Estque peccatum, quo aliquis sibi usurpat futurorum, ut futura sunt, notitiam, & prædictionem ad DEUM propriè pertinentem.

D. Thom. 2.

2. q. 95. a. 2.

Porro futura dupliciter prænosci possunt. Uno quidem modo in suis causis. Alio modo in seipsis. Causæ autem futurorum tripliciter se habent. Quædam enim producant ex necessitate, & semper suos effectus. Et hujusmodi effectus futuri per certitudinem prænosci, & prænunciari possunt ex consideratione suarum causarum, sicut Astrologi prænunciant Eclipses futuras. Quædam verò causæ producant suos effectus, non ex necessitate, & semper, sed ut in pluribus: raro tamen deficiunt. Et per hujusmodi causas possunt prænosci effectus futuri, non quidem per certitudinem, sed per quandam conjecturam: sicut Astrologi per considerationem stellarum quædam prænosce & prænunciare possunt de pluviis, & siccitatibus, & Medici de sanitate vel morte. Quædam verò causæ sunt, quæ, si secundum se considerentur, se habent ad utrumlibet, quod præcipuè videtur de potentiis rationalibus, quæ se

Ibid. a. 1.



Lib. 9. Met. habent ad opposita, secundum Philosophum. Et tales effectus  
tex. 3. & 18. vel etiam si, qui effectus ut in paucioribus casu accidunt, ex na-  
to. 3.

turalibus causis, per considerationem causarum prænosci non  
possunt: quia eorum causæ non habent inclinationem determi-  
natam ad huiusmodi effectus. Et ideo effectus huiusmodi præ-  
nosci non possunt, nisi in seipsis considerentur. Homines au-  
tem in seipsis huiusmodi effectus considerare possunt solum,  
dum sunt præsentis. Sicut cum videt homo sortem currere.  
Sed considerare huiusmodi in seipsis, antequam fiant, est DEI  
proprium, quia solus in sua æternitate videt ea quæ futura sunt,  
quali præsentia. Unde dicitur Isa. 41. *Annunciate, quæ ventura  
sunt in futurum, & scimus, quia Dii estis vos.* Si quis ergo hu-  
iusmodi futura prænunciare, aut prænocere quocunque modo  
præsumperit, nisi DEO revelante, manifestè usurpat sibi quod  
DEI est, & ex hoc aliqui Divini dicuntur. Unde dicit Iud. in  
lib. Etym. Divini dicti, quasi DEO pleni. Divinitate enim se  
plenos simulant, & astutiā quādam fraudulentæ hominibus fu-  
tura conjectant. Divinatio ergo non dicitur, si quis prænun-  
ciat ea, quæ ex necessitate eveniunt, vel ut in pluribus, quæ hu-  
manâ ratione prænosci possunt, nequè etiam, si quis futura alia  
contingentia DEO revelante, cognoscat. Tunc enim non ipse  
divinat, id est, quod Divinum est, facit, sed magis, quod Divi-  
num est, suscipit. Tunc autem solum dicitur divinare, quan-  
do sibi indebito modo usurpat prænationem futurorum e-  
ventuum. Hoc autem constat esse peccatum. Unde Divina-

tiō semper est peccatum. Et propter hoc Hieronymus dicit super  
mentarii in c. Michæam, quod Divinatio semper in malam partem accipitur.

3. Michæa to 6. Angelicus Doctor tria Divinationum genera enumerat, dicens:

D. Thom. 2. Omnis Divinatio utitur ad præcognitionem futuri eventus ali-

quo dæmonum consilio, vel auxilio. Quod quidem vel expres-  
sè imploratur, vel præter intentionem hominis se occultè dæ-  
mon ingerit ad prænunciandum futura quædam, quæ homini-  
bus sunt ignota, eis autem cognita per modos, de quibus in

primò dictum est. Dæmones autem expressè invocati, solent  
futura prænunciare multipliciter: quandoquè quidem præstigi-  
osis quibusdam apparitionibus se aspectui & auditui hominum

inge-

L. 8. c. 9. a  
me. Et refer-  
tur 26. q. 4. c.  
igitur circ.  
primo.

Q. 77. a. 3.



ingerentes, ad prænunciandum futura: & hæc species vocatur *Prestigium*, ex eo, quòd oculi hominum perstringuntur. Quandoquæ autem per somnia: & hæc vocatur *Divinatio somniorum*. Quandoquæ verò per mortuorum aliquorum apparitionem, vel locutionem: & hæc species vocatur *Necromantia*, quia ut *vergòs, mortuus*. dicit Isidorus in lib. Etymol. *necron* græcè mortuum, *mantia* ve-  
 rò *Divinatio* nuncupatur, quia quibusdam præcantationibus, *Lib. 8. c. 8.* adhibito sanguine, videntur resuscitati mortui, divinare, & ad parum ante interrogata respondere. Quandoquæ verò futura prænunciant per homines vivos, sicut in arreptitiis patet. Et hæc est *μαντενεια*. *Divinatio per Pythones*. Et ut Isid. dicit: *Pythones* à *Pythone*, *divino*. Inde Apolline sunt dicti, qui dicebatur esse author divinandi. Quandoquæ verò prænunciant per aliquas figuras, vel signa, quæ in *Lib. 8. Etymol.* rebus inanimatis apparent, quæ quidem, si appareant in aliquo *c. 9. à med.* corpore terrestri, puta in ligno, vel ferro, vel lapide polito, vocatur *Geomantia*. Si autem in aqua, *Hydromantia*. Si autem in aëre, *Aëromantia*. Si autem in igne, *Pyromantia*. Si autem in visceribus animalium immolatorum, in aris dæmonum, vocatur *Haruspicium*.

*Divinatio* autem, quæ fit absquæ expressa dæmonum invocatione, in duo genera dividitur. Quorum primum est, quando ad prænosendum futura, aliquid consideramus in dispositionibus aliquarum rerum. Et si quidem aliquis conetur futura prænoscere ex situ & motu syderum, hoc pertinet ad *Astrologos*, qui & *Genethliaci* dicuntur, propter natalium considerationes dierum. Si verò per motus, vel voces avium, seu quorumcunque animalium, sive per sternutationes hominum, vel membrorum saltus, hoc pertinet generaliter ad *Augurium*, quod dicitur à garritu avium, sicut *Auspicium* ab inspectione avium. Quorum primum pertinet ad aures, secundum ad oculos. In avibus enim huiusmodi præcipuè considerari solent. Si verò huiusmodi consideratio fiat circa verba hominum, absquæ intentione dicta, quæ quis retorquet ad futurum, quod vult prænoscere, hoc vocatur *Omen*. Et sicut Valerius *Lib. 1. cap. 5.* Maximus dicit: Omnium observatio aliquo contractu Religio in princip. oni annexa est, quoniam non fortuito motu, sed Divinâ providentiâ



dentia constare creditur: quæ fecit, ut Romanis deliberantibus utrum ad alium locum migrarent, fortè eo tempore centurio quidam exclamavit: Signifer, statue signum, hic optimè manebimus. Quam vocem auditam pro omine acceperunt, transeundi consilium omittentes. Si autem considerentur aliquæ dispositiones figurarum in aliquibus corporibus visui occurrentes, erit alia Divinationis species. Nam ex lineamentis manûs consideratis Divinatio sumpta, *Chiromantia* vocatur, quasi Divinatio manûs, (*Chir* enim græcè, dicitur manus) Divinatio verò ex quibusdam signis in spatula alicujus animalis apparentibus, *Spatulamantia* vocatur.

Ad secundum autem Divinationis genus, quod est sine expressa dæmonum invocatione, pertinet Divinatio, quæ fit ex consideratione eorum, quæ eveniunt ex quibusdam, quæ ab hominibus seriò fiunt, ad aliquid occultum inquirendum, sive per protractionem punctorum, quod pertinet ad artem *Geomantia*, sive per considerationem figurarum, quæ proveniunt ex plumbo liquefacto in aquam projecto, sive ex quibusdam schedulis scriptis vel non scriptis in occulto repositis, dum consideratur quis quam accipiat, vel etiam ex festucis inæqualibus propositis, quis majorem vel minorem accipiat, vel taxillorum projectione, quis plura puncta projiciat, vel etiam, dum consideratur, quid aperiendi librum occurrat, quæ omnia *Sortium* nomen habent.

Sic ergo triplex patet esse Divinationis genus, quorum primum est per manifestam dæmonum invocationem, quod pertinet ad *Necromanticos*: secundum autem est per solam considerationem dispositionis, vel mortis alterius rei, quod pertinet ad *Augures*: tertium est, dum facimus aliquid, ut nobis manifestetur aliquid occultum, quod pertinet ad *Sortes*. Sub quolibet autem horum multa continentur, ut patet ex dictis. *Hæc D. Thomas.*

Levit. 20.

*Incitamenta* ad fugam Divinationis. *Imum.* Levitici minatur DEUS: Anima, quæ declinaverit ad magos, & ariolos, & fornicata fuerit cum eis, ponam faciem meam contra eam, & inter-



& interficiam eam de medio populi mei. *Deut. prohibet DE-*  
**US:** Non inveniatur in te, qui ariolos sciscitetur, nequē Pytho- *Deut. 18.*  
 nes consulat. *Deut.* Si surrexerit in medio tui Prophetes, aut *Deut. 13.*  
 qui somnium vidisse se dicat, & prædixerit signum, atquē por-  
 rentum, & evenerit, &c. non audies verba Prophetæ illius, aut  
 Somniatoris: quia tentat vos Dominus DEUS vester, ut palam  
 fiat, utrū diligatis eum, an non, in toto corde, & in tota  
 anima vestra. *Ecclesiasticus* ait: Vana spes, & men- *Eccl. c. 34.*  
 daciū viro insensato: & somnia extollunt impruden-  
 tes, quasi qui apprehendit umbram, & persequitur ventum: sic  
 & qui attendit ad visa mendacia. Hoc secundū hoc visio  
 somniorum. Ante faciem hominis similitudo alterius homi-  
 nis. Ab immundo quid mundabitur, & à mendace quid ve-  
 rum dicetur? Divinatio erroris, & auguria, mendacia, & somnia  
 malefacientium, vanitas est. Et sicut parturientis, cor tuum  
 phantasias patitur, nisi ab Altissimo fuerit emissā visitatio, nè de-  
 deris in illis cor tuum: multos enim errare fecerunt somnia,  
 & exciderunt sperantes in illis. Sinè mendacio consummabi-  
 tur verbum Legis, & Sapientia in ore fidelis complanabitur.))  
*Rex Saul* consulens Pythonissā, postridie suā se interficiens ma- *1 Reg. c. 28.*  
 nu, in peccatis occubuit. *Ochozias Rex* pro consilio mittens *31.*  
 ratione valetudinis suæ ad Beelzebub Deum Accaron, tristem *4. Reg. c. 1.*  
 nuncium accepit ab Elia de morte sua.)) *S. Thomas* docet, quod *D. Thom. 2.*  
 dæmon intendens perditionem hominum ex suis responsis, *2. q. 85. a. 4.*  
 etiam si aliquando vera dicat, intendit homines assuefacere ad  
 hoc, quod ei credatur, & sic intendit perducere in aliquid, quod  
 sit salutis humanæ nocivum. Unde *Athanasius*, exponens illud,  
 quod habetur *Lucæ 4.* increpavit illum, dicens: *Obmutesce*, di-  
 cit: quamvis vera fateretur dæmon, compescebat tamen Chri-  
 stus ejus sermonem, nè simul cum veritate etiam suam iniqui-  
 tatem promulget, ut nos etiam assuefaciat, nè curemus de tali-  
 bus, etsi vera loqui videatur. Nefas enim est, ut, cū adsit  
 nobis Scriptura Divina, à diabolo instruamur.)) *2dum. Cor-*  
*nelius à lap.* ait: Atquē hæc est causa, cur dæmon subinde futu- *Corn. à lap.*  
 ros eventus, v. g. morbos, mortes, neces, per suos divinos, sa- *Comment. in*  
 gas, & magos prædicit dicendo: v. g. illis, qui eos de sorte, & *Eccl. c. 39.*  
 sibi



sibi eventura consulunt. Tu morieris aquâ, tu igne, tu tali anno incidēs in febrim, phthisim, pestem, tu tali anno, tali morbo morieris. Quia scilicet dæmon prædicit id, quod ipse facturus est, nimirum, quod eis tali anno talem morbum, vel mortem illaturus, aut procuraturus sit. DEUS enim eos, qui consulunt dæmonem, illi subijcit, illiquē in eos potestatem dat, ad

5. Aug. lib. 4. c. 3. in princ. to. I. castigandum eorum à DEO apostasiam. S. Augustinus ait: Illos planetarios, quos Mathematicos vocant, consulere non desistebam, quod quasi nullum esset eis sacrificium, & nullæ precēs ad aliquem spiritum ob Divinationem dirigerentur: quod ra-

Idem ad Gen. lib. 2. c. 17. non tendum est, quando à Mathematicis verā dicuntur, instinctu procul à fine quodam occultissimo dici, quem nescientes humanæ mentes, patiuntur: quod tamen ad decipiendos homines sit, spirituum

to. 3. immundorum & seductorum operatione, qui quædam vera de temporalibus rebus nōsse permittuntur. Unde concludit. Quapropter bono Christiano, sive Mathematici, sive quilibet impiè divinantium, & maxime dicentes verā, cavendi sunt, nè confortio dæmoniorum deceptam animam, pacto quodam societatis irretiant.)) In Decret. graviter vetatur: Sortes, quibus cuncta vos vestris discriminatis provinciis, quas Patres damnaverunt, nihil aliud quam Divinationes, & maleficia decernimus. Quamobrem volumus illas omnino damnari, & ultra inter Christianos nolumus nominari, & nè exerceantur, anathematis interdicto prohibemus.)) ztiun.

Act. 6. 19. quod multi ex iis, qui fuerant, curiosa sectati, contrulerunt libros suos, & combusserunt.

## §. IV.

## De Observatione superstitiosa.

D. Thom. 2. 2. q. 96. OBSERVANTIA vana, est Superstitionis species, dum aliquis rebus & signis utitur, ad assequendos, vel producendos, seu pronunciandos quosdam effectus, qui nec per Divinam institutionem, nec per naturalem causalitatem ab iisdem rebus vel signis dependent, sed potius, dum ab iisdem signis, & rebus fiunt vel casu, & fortuito: vel potissimum ope dæmonis,



monis, pacto explicito sive implicito sunt. Hinc Arte notariâ utens, inspectione quarundam figurarum, & prolatione quorundam ignotorum verborum, & aliis hujusmodi ad obtinendam scientiam, quæ minimè naturaliter vel supernaturaliter causatur ab iisdem figuris, verbisque, est superstitiosa Observantia. Item. Observationes v. g. in characteribus, in rebus suspendendis, vel consignandis, &c. quæ putantur servire ad immutationem corporum in sanitatem, infirmitatem, robur, duritiem, &c. utpote nullam habentes connexionem cum iisdem effectibus, vanæ, & superstitiosæ sunt. Deniquè Observationes ad prænoſcenda futura, fortunata, vel infortunata, ex quibusdam signis, cum futuris eventibus, malis vel bonis inconnexis, superstitiosæ, & illicitæ sunt.

*Contra vanam Observantiam.* Jerem: Hæc dicit Dominus; juxta vias gentium nolite discere, & à signis cæli nolite metuere, quæ timent gentes, quia leges populorum vanæ sunt. Apostolus: Quomodo convertimini iterum ad infirma, & egena elementa, quibus denuò servire vultis? Dies observatis & mensibus, & tempora, & annos.

Jer. 10.

Galat. 4.

## §. V.

## De Magia, Maleficio, &amp; Veneficio.

**M**aleficio, est vis nocendi aliis, ex pacto, & cooperatione demonis. Differt à Magia, quòd hæc intendat facere mira, illud autem dirigatur ad nocendum.

Tol. l. 4. c. 10.

Fill. to. 24. c.

Maleficio aliud dicitur *Amatorium*, seu *philtrum*, cujus usus est ad carnalem amorem, vel odium excitandum, dæmone hominis phantasiâ commovente, nihil tamen agente in voluntatem. Unde patet, si maleficio sic infecti labantur, eos verè peccare, quia libertas non auferitur. Aliud dicitur *Veneficio*, quo alicui personæ, vel ejus bonis damnum inferitur.

8. q. 1.

Fill. l. c. num.

183. Azor to. 1.

lib. 9. c. 26.



## SUBSECTIO III.

De oppositis Vitiis Religionis per Defectum,  
seu de Irreligiositate.

*D. Thom. 2. 2. q. 97. in accessu.* **H**ujusmodi autem vitia sunt, quæ pertinent ad contemp-  
tum, sive ad irreverentiam DEI, & rerum sacrarum.  
Imò ergo considerandum est de vitiis, quæ pertinent di-  
rectè ad irreverentiam DEI. 2dò de his, quæ pertinent ad ir-  
reverentiam sacrarum rerum. Circa primum considerandum  
occurrit de Tentatione, quâ DEUS tentatur, & de Perjurio, in  
quo nomen DEI irreverenter assumitur. Circa secundum  
considerandum est de Sacrilegio, & Simonia.

## §. I.

## De Tentatione DEI.

*D. Thom. 2. 2. q. 97.* **T**entatio DEI, est vitium Religioni adversum, quo explorat aliquis, an  
DEUS sciat, velit, aut possit id, quod ei proponitur. Is quoque in-  
terpretativè DEUM tentare dicitur, qui absquè necessitate periculo se  
exponit, cupiens experiri, an DEUS sit illum liberaturus.

Dicitur: vitium Religioni adversum. quia est contra reve-  
rentiam DEI, nam tentare aliquem, ad irreverentiam ejus spe-  
ctat. Nullus enim præsumit tentare eum, de cujus excellen-  
tia certus est. Jam verò quod contrariatur reverentiæ DEI,  
adversatur Religioni, adeoque & Tentatio DEI. Dicitur; quo  
explorat &c. id est, experimentum facit dictis, v. g. orando, &c.  
vel factis, sinè ulla necessitate, vel utilitate, ex ignorantia, aut  
dubietate de DEI aliqua perfectione & virtute, v. g. Sapientia,  
Bonitate, Omnipotentia, quatenus eam probando cognoscat.  
Unde experimentum facere eorum, quæ ad Divinam perfecti-  
onem pertinent, non ut ipse cognoscat, sed ut aliis demonstret,  
hoc non est tentare DEUM, cum subsit justa necessitas, seu pia  
utilitas, & alia, quæ ad hoc concurrere debent. Sic enim Apo-  
stoli petiverunt à Domino, ut in nomine JESU CHRISTI fie-  
rent



rent signa, ut dicitur Act. 4. ad hoc scilicet, quod virtus Christi infidelibus manifestaretur. Similiter propter aliquam necessitatem, vel utilitatem committere se Divino auxilio in suis petitionibus, vel factis, hoc non est tentare DEUM. Dicitur enim in 2. Paral. 20. Dum ignoramus, quod agere debeamus, hoc solum habemus residui, ut oculos nostros dirigamus ad Te.

*Contra Tentationem, vel Tentatorem DEI.* Deut. prohibetur: *Non tentabis Dominum DEUM tuum, sicut tentasti in loco tentationis: nempe in Raphidim, ubi propter penuriam aquae murmuravit populus Israel, eductus ex Aegypto.* Hinc Moyses vocavit nomen loci illius Tentatio, propter jurgium Filiorum Israel, & quia tentaverunt Dominum, dicentes: *Estne Dominus in nobis an non?* Huius loci fit crebra mentio in Scriptura, ostendens, quantum displicet DEO hæc sui tentatio. Unde Christus Dominus incitanti diabolo, ut se de pinnaculo templi mitteret deorsum, respondit; *Scriptum est: Non tentabis Dominum DEUM tuum,*

Deut. c. 6.

Exod. c. 17.

Matth. 4.

## §. II.

## De Perjurio.

**P**erjurium, est vitium Religioni oppositum, quo aliquis jurat falsum in V.D. Thom. 2.  
re, aut jurantis opinione, vel illicitum, vel indiscretè sine iudicio 2. q. 98.  
jurat.

*Scimuli ad vitandam jurandi consuetudinem, seu Perjurium.* Imus. Exod: *Non assumes nomen Domini DEI tui in vanum.* Non enim habebit infontem Dominus eum, qui assumpserit nomen Domini DEI sui frustra. Eccl: *Nominatio DEI non sit assidua in ore tuo, & nominibus Sanctorum non admiscearis: quoniam non eris immunis ab eis.* Ibidem: *Multum jurans implebitur iniquitate, (nempe blasphemis, perjuriis, &c.) & non discedet à domo illius plaga.* Et: *Si frustraverit fratrem, delictum illius super ipsum erit; & si dissimulaverit, delinquit dupliciter, & si in vacuum (id est leviter, temerè) juraverit, non justificabitur: Replebitur enim retributione domus illius.)* Hunc versum, tum alios præcedentes, explorans Palacius, ait: *Tres malè jurandi modos affert. Imus, Fratrem,*

Exod. 20.

Eccl. c. 23.

Ibidem.



frustrando, & tunc si quis frater frustratus propterea deliquerit, hoc delictum gravat jurantem, ut qui ejus delicti causam dederit. Ergo, si frater frustratus nocuerit ei, qui fidem violavit, ejus criminis culpa in perjurium recidit. 2<sup>us</sup> modus est, dissimulando veritatem coram iudice, & qui veritatem ita dissimulat, dupliciter delinquit: Nam delinquit contra DEUM, & contra iudicem, cui simpliciter ad ejus mentem respondendum est, si modo juridico interroget. 3<sup>ius</sup> modus est, jurando quidem verè, sed absquè necessitate, & utilitate, & tunc non evadet culpam: replebitur enim domus ejus retributione, ut sicut jurans caret reverentiâ erga DEUM, ita mala careant reverentiâ erga eum, sed irreverenter domum intrent, ut temerè DEUM ille jurabat.

Hom. 2.

2<sup>us</sup>. *Author imperfect. oper.* in Matthæum apud S. Chrysostomum inquit: Nisi juramentum (*crebrum & temerarium*) interdicator, non possunt amputari perjuria. Ex juramento enim perjurium generatur: Nemo est enim, qui frequenter jurat, & non aliquando perjuret. Propter hoc admonet Salomon: *Non asvescas juramento os tuum, multus enim casus in illo.* Sicut enim, qui facit consuetudinem multa loqui, necesse est, ut etiam aliquando importuna loquatur: & qui facit consuetudinem, manu suâ frequenter percutere, necesse est, ut & aliquando injustè percutiat: sic qui facit consuetudinem jurare non in rebus idoneis frequenter, & in rebus superfluis etiam nolens consuetudine trahente perjurat. Nam omnium rerum consuetudinem, quando voluerimus quidem, tunc facimus, sed non quando volumus, tunc repellimus eam. *Et inferius:* Cesset ignis, & incendium non fit, subtrahe gladium, & homicidium non committitur: sic tolle juramentum, & perjurium non fit.

S. Isid. lib. 2. S. Isidorus: Quâcunquè arte verborum quis juret, DEUS tamen, qui conscientie testis est, ita accipit, sicut ille, qui jurat, intelligit. Dupliciter autem reus fit: quia & nomen DEI in vacuum assumit, & proximum dolo capit. S. Augustinus: Ille qui

S. Aug. in de-hominem provocat ad jurationem, & scit eum falsum juratum esse, vincit homicidam: quia homicida corpus occisurus Bapt. & hab. est, ille animam, imò duas animas, & ejus animam, quem jurare

22 q. 5. Ille qui.



rare provocavit, & suam. Scis verum esse, quod dicis, & falsum, quod ille dicit, & jurare compellis, ecce jurat, ecce pejerat: tu quid invenisti? imò & tu periisti, qui de ejus morte satiari voluisti. *Idem*: In novo Testamento dictum est, nè *Idem in Epist.* omnino juremus: quod mihi quidem propterea dictum esse vi- *ad Publicolam* detur, non quia peccatum est jurare, sed quia pejerare immane *& hab. 2. 2. q.* peccatum est, à quo longè nos esse voluit, qui omnino, nè ju- *1. in novo.* remus, commonuit. *Corn. à lap.* Solet vindicta DEI maximè *Corn. à lap.* persequi perjuros, utpote laesi Numinis & nominis Divini re- *Comment. in* os. Hinc qui S. Antonium in testem invocando falsum jurant, *Sapient.* solent ab eo sacro igne feriri. Olim in causa dubia res mittebant ad Oratorium S. Stephani, ut se juramento de crimine objecto purgarent: at si pejerabant, illicò calitus castigabantur. *Idem* de Oratorio S. Martini scribit Gregor. Turon. lib. 8. *Histor.* c. 16. ubi inter alia narrat, incendiarium quendam incendium à se commissum negantem, & pejerantem in aede S. Martini, ultatricibus à calo flammis fuisse absumptum. *Idem* fiebat in Oratorio S. Processi & Martiniani, de quibus ait S. Gregor. *hom.* 32. in Evang: Ad extincta eorum corpora viventes agri veniunt, & sanantur: perjuri veniunt, & à dæmonio vexantur. Et in Oratorio S. Felicis Nolensis, ad cujus Ecclesiam S. August. uti ipse refert Epist. 137. ad Hippon. misit Bonifacium Presbyterum de crimine accusatum, ut se ibi per juramentum purgaret; & si reus esset, per solitam DEI vindictam se proderet.

3<sup>tius</sup>. *Exempla profana*. I. Clinias è Pythagorea secta, *S. Basil. in* licèt per juramentum verum multam trium talentorum eva- *homil. de leg.* dere potuisset, maluit tamen injuriam pati, quàm jurare. II. *lib. gent.* Saguntini, nè fidem & juramentum præstitum Romanis violarent, fame contabescentes, & nè etiam captivi in manus Hannibalis pervenirent, rogi ardentem ascendentes, se, mortuosque suos combusserunt. III. Prisci adeò parcebant Diis suis, *Svidas apud* ut, nè per eos jurarent, sæpè dicerent: Per hanc rugosam pel- *Drex. in Phaër.* lem meam, per aridam hanc arborem, has fores testor, per hunc c. 30. gladium, hoc sceptrum, aut telum juro. IV. Pericles amico *Plutarch. in* roganti, ut pro ipso perjurium diceret, respondit, se quidem *apopb.* amicum esse, sed tantum usque ad aram.

Igitur



Matth. 5. Igitur cavendum non modò Perjurium, sed & pessima  
jurandi consuetudo. Imò juxta Christi monitum: Nolite jurare  
omnino.

I. 2. tra. 1. c.  
1. sect. 4. subf.  
2. §. 2. & 3.

Vide quoque ad Praxim applicanda convenienter supràdicta.

### §. III.

#### De Sacrilegio.

D. Thom. 2. **S**acrilegium, est vitium Religioni adversum, quo res sacra, seu DEO  
2. q. 99. dicata, violatur per aliquam irreverentiam. Angelicus Doctor  
Idem 2. 2. q. inquit: Sacrilegium committitur in re sacrata, quæ concupi-  
154. 4. 10. ad scitur vel ad concubitum, & sic pertinet ad luxuriam. Vel quæ  
3tium. concupiscitur ad possidendum, & sic pertinet ad injustitiam.  
Potest etiam ad iram pertinere Sacrilegium, puta, si aliquis ex  
ira injuriam inferat personæ sacræ: vel si gulosè cibum sacrum  
assumat, Sacrilegium committit. Specialius tamen Sacrilegium  
attribuitur luxuriæ, quæ opponitur castitati, ad cujus observan-  
tiam aliquæ personæ specialiter consecrantur.

*Motiva* cavendi Sacrilegium. Balthazar, Rex Babylonius,  
Dan. c. 5. quia vasa templi Domini direpta, adhibuit suo convivio, ex  
eisquæ cum suis potavit, in eadem hora scriptum est decretum  
DEI, de excindendo eo, & suo regno, adeoque eadem nocte inter-  
fectus est Balthazar Rex Chaldaeus. Et Darinus Medus successit in re-  
gnum.)) Heliodorus è templo Domini volens asportare deposi-  
tum aurum, & argentum, à duobus Angelis acerrimè est fla-  
gellatus, & ferè vitâ privatus. Oniæ autem Sacerdotis oratio-

2. Machab. 3. ne vitâ donatus, reversus ad Regem dixit: Si quem habes hostem,  
aut regni tui insidiatorem, mitte illuc, & flagellatum eum recipies, sta-  
men evaserit, eo quòd in loco sit verè DEI quedam virtus. S. Ste-  
phanus Papa decrevit vestimenta Ecclesiæ, in quibus Domino mi-  
nistratur, sacrata debere esse, & honesta, quibus in aliis usibus non  
debent frui, quàm Ecclesiasticis, & DEO dignis officiis, quæ nec  
ab aliis debent contingi, nisi à sacratis hominibus, nè ultio, quæ  
Balthazar Regem percussit, super hoc transgredientes veniat, &

S. Hieron. corruere faciat eos ad ima. S. Hieronymus Epist. 31: Amico rape-  
Epist. 31. re quicquam, furtum est, Ecclesiam fraudare, Sacrilegium est.

Acce-



Accepisse aliquid pauperibus erogandum, & esurientibus, apertissimi sceleris est. Aliquid inde subtrahere, omnium prædonum cupiditatem superat. *S. Augustinus*: Non undecunque tollere, hoc est Sacrilegium committere, sed de Ecclesia qui aliquid furatur, Judæ proditori comparatur. *S. Eucherius* Aurelianensis Episcopus, qui in Monasterio *S. Trudonis* requiescit, in oratione positus, ad alterum est seculum raptus: & inter cetera, quæ Domino sibi ostendente conspexit, vidit Karolum Regem, seu Tyrannum Franciæ in inferno inferiori torqueri. Cui interroganti ab Angelo ejus ductore responsum est, quia Sanctorum judicatione, qui in futuro judicio cum Domino judicabunt, quorumcunque res abstulit, & divisit, ante illud judicium animâ & corpore sempiternis poenis est deputatus; & recipit simul cum suis peccatis poenas, propter peccata omnium, qui res suas & facultates in honore & ampre Domini ad Sanctorum loca luminaribus Divini cultus, & alimoniis Servorum Christi ac pauperum, pro animarum redemptione tradiderant. Qui in se reversus, *S. Bonifacium*, & *Fulradum*, Abbatem Monasterii *S. Dionysii*, & summum Capellanum Regis *Pipini* ad se vocavit; eisquæ talia dicens, in signum dedit, ut ad sepulchrum illius irent, & si corpus ejus ibidem non reperissent, ea quæ dicebat, vera esse concrederent. Ipsi autem pergentes ad prædictum Monasterium, ubi corpus illius Karli humatum fuerat, sepulchrumquæ illius aperientes, visus est subito exiisse draco, & totum illud sepulchrum interius inventum est denigratum, acsi exustum &c. Quæ ideò hic inferuimus, ut omnibus hæc legentibus nota fieret istius justa damnatio, per quem facta est harum rerum Ecclesiasticarum injusta ablatio.

*Adbibe hic convenienter in Praxim suprâspecificata, ut nimirum caveatur præfatum peccatum Sacrilegii.*

## §. IV.

## De Simonia.

*Simonia, est vitium Religioni contrarium; definiturquæ, esse studiosa, seu deliberata voluntas emendi, vel vendendi pretio temporali ali-*

R r

quid

*S. Aug. in**Joann. & hab.**13. q. 4. canon.**Quid ergo vo-**luit §. non un-**dec.**Joann. Bol-**land. in vita**S. Rigoberti**Archiep. Re-**men.**1. 2. tra 1. c.**1. sect. 4. subs.**2. §. 2. & 3.*



*quid spirituale, vel spirituali annexum.* Dicitur; *vitium Religioni contrarium*: quia rebus sacris fit irreverentia, eas pretio temporali commenturando, cum earum valor summè excedat quævis terrena. Dicitur; *emendi, vel vendendi*: ubi omnes contractus grauiti v. g. locatio, permutatio, &c. subintelliguntur. Dicitur; *pretio temporali*: cuius nomine supponitur 1<sup>mo</sup> pretium muneris, v. g. pecunia, vestis, animal aliquod, &c. 2<sup>do</sup> pretium lingvæ, v. g. laus, recommendatio apud Principem, patrocinium Advocati, &c. 3<sup>io</sup> pretium obsequii, v. g. in famulatio, in oeconomia, &c. Hæc enim omnia pretio sunt æstimabilia. Dicitur; *aliquid spirituale*: nempe, quod est aliquomodo Supernaturale, sive illud sit physicum, sive morale, sive per modum habitûs, sive per modum actûs: ut sunt Sacramenta, virtutes, gratiæ, consecrationes, &c. Dicitur; *vel spirituali annexum*: nimirum id, quod aliquomodo respicit spirituale, sive antecedenter, prout est jus patronatûs antecedens præsentationem ad beneficia: sive consequenter, sicut beneficium Ecclesiasticum consequitur ad officium Divinum: sive concomitanter, prout labor concomitatur administrationem Sacramentorum.

Simonia alia est *Mentalis*, sita in intentione conferentis alicui aliquid spirituale, ut illum obliget ad reddendum temporale, vel e converso, idquè sinè ullo pacto exteriori. Alia est *Conventionalis*, quæ supra Mentalem, pactum adjicit externum sinè executione saltèm alterutrius partis. Alia denique est *Realis*, sita in pacto externo, ex utraque parte completo, saltèm inchoativè.

*Incentiva detestandi vitium Simoniz.* 1<sup>um</sup>. *Christus Matth. 10. jubet*: Gratis accepistis, gratis date. *In Actis Apostolorum scribitur*: Cum vidisset autem Simon, quia per impositionem manûs Apostolorum daretur Spiritus Sanctus, obtulit eis pecuniam, dicens: Date & mihi hanc potestatem, ut cuicumque imposuero manus, accipiant Spiritum Sanctum. Petrus autem dixit ad eum: Pecunia tua tecum sit in perditionem, quoniam donum DEI existimasti pecuniâ possideri. Non est tibi pars, neque fors in sermone isto, cor enim tuum non est rectum coram DEO. Poenitentiam itaque age ab hac nequitia tua: & roga DEUM,



DEUM, si fortè remittatur tibi hæc cogitatio cordis tui, in felice enim amaritudinis, & obligatione iniquitatis video te esse.

*2dum.* S. Bernardus citatis hisce verbis, ait: O vox tonitru! ô S. Bern. Epist. vox magnificentiæ & virtutis! ad cuius terrorem confundantur <sup>237.</sup>

& convertantur retrorsum omnes, qui oderunt Sion. Hugo ait: Simonia, hæresis contagium, jam olim in Balaam pullulavit, qui Hugo le. 2 de Divinationis pretio proposito, ad maledicendum populum DEI <sup>sacra par. 10.</sup> perrexit; dehinc hujus duo leguntur authores emerisse: alter sub Prophetica, alter sub Apostolica doctrina. Primus Giezi Magister esse vendentium, deinde Simon videtur emptor. Horum autem Sectatores, sicut non sunt in errore diversi: ita nec in damnatione divisi.

S. Gregorius inquit: Presbyter, si per S. Greg. in pecuniam Ecclesiam obtinuerit, non solum Ecclesiâ priveretur, sed <sup>Regestro hab. 1.</sup> etiam Sacerdotii honore spoliatur: quia Altare, & Decimas, & q. 1. Can. pre-Spiritum Sanctum emere vel vendere Simoniam hæresim esse <sup>byter.</sup>

Idem: Quicumque sacros Ordines ven- <sup>Idem Can.</sup> dunt aut emunt, Sacerdotes esse non possunt. Unde scriptum <sup>Quicumque.</sup>

est: Anathema danti, Anathema accipienti: hæc est Simoniacæ hæresis. Quomodo ergo anathematizati sunt, & Sancti non sunt, sanctificare alios possunt, & cum Christi corpore non sint, quomodo Christi corpus tradere, vel accipere possunt? qui maledictus, benedicere quomodo potest? <sup>3tium.</sup> S. Petrus Damianus

refert Simoniacum quendam, minus curantem scelus suum, S. Petrus Da- nullum pronunciare Gloria Patri, & Filio, & Spiritui Sancto, <sup>mianus Epist. 5.</sup> non potuisse dicere & Spiritui Sancto, nisi tantum Gloria Patri, <sup>c. 7.</sup> & Filio, etiamsi secundo & tertio repeteret, nitereturquè dicere & Spiritui Sancto; Unde subdit Damianus: merito Spiritum Sanctum dum emit, amisit, ut quem excluderat ab anima, procul

etiam consequenter esset à lingua. Marchantius scribit, quendam tacito nomine retulisse: dæmoni olim duas fuisse filias nobis Hort. Past. biles, & in matrimonium elocandas, & prostituendas; unam <sup>Tubæ Pastor.</sup> quæ earum Ecclesiasticis, alteram Mercatoribus consignare <sup>tra. 2. lect. 8.</sup> optabat. Sed turpes erant facie, turpes nomine, ideo deserebantur. Una quidem Simonia, altera vocabatur Usura. Id advertens ille, faciem colore aliquo immutavit eis, immutavit & nomen, uni nomen dedit Pensionis, alteri nomen dedit Interesse,



five Damni emergentis Sicquæ sub nomine isto & colore multos procos fortitæ sunt, multis placuerunt, qui sub nomine Usuræ aut Simonia prius displicebant. Certè sicut exploratum est, sub titulo lucri cessantis, vel damni emergentis, multos fovere Usuram; ita etiam nemo ignorat, sub nomine Pensionis multas corruptelas, & illicitas pactiones passim irrepere, non sinè Simonia ))

Igitur si te Simonis Magi Sacrilegi Sectatorem esse animadverteris, nè ipsi quoquæ sis comes futurus in cruciatibus æternis, consule Morales Theologos, quomodo tuæ ruinæ mederi possis, & in foro conscientia, & in foro fori satisfacere.

## SUBSECTIO IV.

### De Virtute Pietatis.

D. Thom. 2.  
2. q. 101.

**P**ietas, est virtus specialis, quæ DEO, Parentibus, Patriæ, debitum cultum & obsequium deferimus. Dicitur: specialis virtus: quia ubi invenitur specialis ratio debiti alicui personæ; ibi est specialis virtus. Debetur autem aliquid alicui specialiter ab aliquo, quia ejus est connaturale principium, producens in esse & gubernans. Tale autem principium sunt Parentes, DEUS, Patria. Unde pietas, hæc respiciens, est virtus specialis. Dicitur: quæ DEO, Parentibus, Patriæ: ubi sub nomine Parentum, intelliguntur Consanguinei, quia ab iisdem parentibus originem ducunt; Nomine verò Patriæ, Concives, & Conterranei, ac benevoli Amici Patriæ, supponuntur. Dicitur: cultum & obsequium deferimus: id est, honorem, reverentiam, obedientiam, & in casu necessitatis victum, amicum, medicinam, & similia vitæ necessaria, ex pietatis officio subministramus.

1. Timot. 4.

1. Timot. 6.  
Ibidem.

Motiva colendæ pietatis. *imum.* Apostolus monet: Exerce teipsum ad pietatem. Nam corporalis exercitatio ad modicum utilis est: pietas autem ad omnia utilis est, promissionem habens vitæ, quæ nunc est, & futuræ. *Ibidem:* Est autem quæstus magnus, Pietas cum sufficientia. *Ibidem:* Tu autem ô homo



ô homo DEI! hæc fuge: sectare verò iustitiam, pietatem, fidem, charitatem, patientiam, mansuetudinem. *Tit.* Apparuit enim gratia DEI Salvatoris nostri omnibus hominibus: erudiens nos, ut abnegantes impietatem, & secularia desideria, sobriè, & iustè, & piè vivamus in hoc seculo. *2dum. S. Ambrosius:* Pietas amica est parentibus, grata DEO, Dominum conciliat, necessitudines fovet: DEI cultura, merces parentum, filiorum stipendium: pietas, inquam, justorum tribunal, egenorum portus, miserorum suffragium, indulgentia peccatorum. *3tium ab Exemplis. S. Petrus Chrys.* Penes DEUM nec pietas sinè iustitia est, nequè sinè pietate iustitia, nec sinè pietate cælesti sensus, sinè bonitate æquitas, sinè æquitate bonitas non habetur. *Vir- 145. de gener.* tutes si separatæ sunt, dilabuntur. *Æquitas sinè bonitate sævitia est, & iustitia sinè pietate crudelitas est. Mellissus Doctor in-* quit: Sunt viri divitiarum in domo Domini Virtutum, investi- *S. Bern. in* genis an apud eos huiusmodi habeantur ungenta. *Primus festo B.M. Ma-* occurrit mihi Paulus (sicut ubiquè solet) totus præsentis deli- *gdal.* gatus ungento. *Quis infirmatur, inquit, & ego non infirmor?* *2. Cor. II.* Felix anima facta sibi tanquam vas perditum, ut omnium mis-  
serias in sua continentia colligaret, totum se toti corpori Christi donaverat: Omnibus omnia factus, ut omnes lucrificeret. Sed & ille *simplex & rectus, & timens DEUM*, vide quomodo secundum non hominem, imò verò secundum hominem, & quod verius est, supra hominem ambulabat. *Oculus, inquit, fui cæco, & pes claudus, pater eram pauperum, &c. Qui sic eum hoc ungento perunxerat, ut de misericordiæ thalamo largius irroratus exiret. Samuelem recolo, qui non semel, sed omnibus diebus vitæ suæ lugebat super Saul, cum sciret, illum longius ab oculis Divinitatis elongatum, non cessabat tamen compassio, quæ condolentis animum irreperat, fundens lachrymas, etsi non profuturas, puras tamen. David parricidam filium continuâ deploratione deplorabat, plorans in eo non carnis necessitudinem, sed fidei destructionem. Cerne, quomodo Joseph totus hoc melle illitus erat. Veniunt fratres non jam ad fratrem, sed ante Dominum assistentes, conscii proditoris, homicidii rei, fratricidii successores. Videt eos Joseph, & omnium*

*Tit. 2.**S. Ambrosius  
Psalm. 118.**S. Petrus  
Chrys. serm.  
145. de gener.**S. Bern. in  
festo B.M. Ma-  
gdal.**2. Cor. II.**Job. 29.**1. Reg. 15.**2. Reg. 13.**Gen. 45.*



*Exod. 32.*

injuriarum immemor dulcissimis flatibus inundatur, & pietatis adeps, qui intus latitat, foras per oculos emanat. Fugit odium, nescit iram, tempus iracundiæ non reservat, reddens bonum pro malo, pro crudelitate dulcedinem. Penè quin oblitus sim Moysen, adeò sacri liquoris huius rore perfusum, ut totus ex eo superfundatur, & profluat. Peccat Israel, & Moyses peccantem reconciliare nititur Creatori, sed dissimulat Dominus exaudire rogantem. Promittit plurima Moysi Creator omnium, & ulciscendi licentiam quærit à Moysè, qui Moysen fecit. Dimitte me, (inquit) ut irascatur furor meus contra eos, & faciam te in gentem magnam. Respondit Moyses: Si dimittis, dimitte; Alioquin dele me de libro, quem scripsisti. Obstupescenda profectò dulcedo, & principatum respuit gentis alienæ, & de libro viventium deleri desiderat, nisi peccantibus dimittatur offensa. ))

*1. 2. tra. 1. c. Ad Praxim colende Pietatis serviunt supradicta, hic convenien-*  
*1. sect. 4. subf. ter assumenda.*  
*2. §. 2.*

## §. I.

De Pietate, & Officiis mutuis Parentum,  
ac Liberorum.

**D**E Pietate, & Officiis Liberorum in Parentes, DEI præceptum: *Exod. c. 20.* Honora Patrem tuum, & Matrem tuam, ut sis longævus super terram. Quod explicans *Cornelius à lap.* ait: Honora imò amando; 2<sup>dò</sup> reverentiam internam & externam exhibendo; 3<sup>tio</sup> obediendo; 4<sup>tò</sup> juvando, & subveniando. Hæc enim quatuor complectitur honor, hæcquæ enim parentibus sunt debita. Unde Scriptura sub honore etiam munera donaque accipit, ut patet *1. Timoth. 5. 3. & 17.* atque de iis etiam hoc præceptum intelligit Christus *Matth 15. 6.* ut ibi notat *S. Hieron.* Unde idem inquit: Ut sis longævus, vel longo vivas tempore, in terra scilicet, non morientium, sed viventium, id est, in cælo. Unde *Ephes. 6. v. 2.* primum hoc mandatum dicitur in promissione: æquum enim est, ut filii, qui grati sunt parentibus de vita accepta, longam ejus conservationem mereantur, uti dixi *Ephes. 6. v. 3.* Vide & *S. Thom. in opusc. 7.* ubi inter alia ait: Post DE-

UM



UM juberi statim coli parentes ob similitudinem, quam habent cum DEO. Nam *1<sup>mo</sup>* dant filiis stabilimentum quoad esse. Eccl. 7. Gemitus matris tuæ non obliviscaris, memento quoniam nisi per illos natus non fuisses. *2<sup>do</sup>* dant filiis nutrimentum. *3<sup>to</sup>* documentum, maxime ut timeant Dominum, & abstineant ab omni peccato: illi filios ad Sacramenta, ad fidem, ad Religionem, ad mores Christianos erudiunt, & deducunt. Exemplum illustre est in Tobia. *Addit D. Thomas:* Filios à parentibus vitam accipere, sicut milites à Rege accipiunt feudum, ut si ei sunt fideles, ejus conservationem, sin infideles ejus privationem mereantur. *)) Eccles. 1. 3.* ait: Qui timet Dominum, honorat parentes, & quasi Dominis servies his, qui te genuerunt. *Item:* Qui honorat Patrem suum, dimittentur delicta ejus, & reponit thesauros, qui honorat Matrem suam. Eccl. In opere & sermone, & omni patientia, honora Patrem tuum, ut superveniat tibi benedictio ab eo, & benedictio illius in novissimo maneat. *Ibidem:* Fili suscipe senectam Patris tui, & non contristes eum in vita illius &c. Et si defecerit sensu, veniam da, & nè spernas eum in virtute tua: Eleemosyna enim Patris non erit in oblivione. Nam pro peccato Matris restituatur tibi bonum. Et in justitia ædificabitur tibi, & in die tribulationis commemorabitur tui: Et sicut in sereno glacies, solventur peccata tua. Quam malæ famæ est, qui derelinquit patrem & maledictus est à Deo, qui exasperat Matrem. *Tobias exhortatur:* Honorem habebis Matri tuæ, memor enim esse debes, quæ & quanta pericula passa sit pro te in utero suo. *Et Apostolus:* Filii obedite parentibus vestris in Domino, hoc enim justum. Honora Patrem tuum & Matrem tuam: (quod mandatum primum in promissione) ut bene sit tibi, & sis longævus super terram. *)) Et hæc officia sunt filiorum in parentes.*

Jam vero Parentes filiis congruam educationem corporalem, tum maxime eruditionem spiritualem in fide, cæterisque virtutibus, in doctrina, vel suo statui convenientibus artibus & scientiis, provisionem bonorum in futurum præstare debent. Hinc pro educatione morali, pia vel impia dicitur Prov. Ado-

Eccles. 1. 3.

Syrus in Ecclesiast. c. 3. 14. 4. &amp; 5.

Eccl. c. 3.

Ibidem.

Ephes. c. 6.



Prov. 22. Adolescens juxta viam suam, etiam cum tenuerit, non recedet  
*S. Hieron. epis.* ab ea. Unde *S. Hieronymus*: Difficulter eraditur, quod rudes  
 7. ad Letam anni perbiberunt: lanarum conchylia quis in pristinum cando-  
*de instit. filie* rem revocet? recens testa diu & saporem retinet & odorem,  
 quo primum imbuta est.)) Alludit ad illud Horatian. l. i. epist.  
 ad Lolium.

*Quo semel est imbuta recens servabit odorem  
 Testa diu.*

Prov. 23. Prov. Noli subtrahere à puero disciplinam: si enim percusseris  
 eum virga, non morietur: tu virgâ percuties eum, & animam  
*Comm. in Prov.* ejus de inferno liberabis. *Supra quod Corn. à lap. inquit*: Docet  
*cit. Cap.* ergo hic Salomon parentes, qui nimis indulgenter amant, tra-  
 ctantque filios, nec peccantes castigant, exponere eos periculo  
 inferni; ac proinde pro virga dare eis gehennam, quæ sanè  
 ingens est imprudentia, imò maleficium & odium filiorum.  
 Si ergo, ô Pater, amas filium, da ei virgam disciplinæ, si non vis  
 ei dare ignem gehennæ, alterutrum enim ei des oportet, vir-  
 gam vel gehennam, elige. Quocirca prædestinatio, electio, fa-  
 lus, & beatitudo filiorum pendet ab educatione, severa castiga-  
 tione, & virga parentum. Vice versâ licentior educatio ac om-  
 issio castigationis & virgæ parentum, est causa reprobationis  
 & damnationis filiorum: ex illa enim ruunt in scelera, ob quæ  
 reprobantur & damnantur. Nota est historia pueri quinquen-  
 nis, qui ob blasphemias suas è sinu patris à dæmonibus acceptus  
 ad tartara, quam recenset *S. Gregorius* 4. Dialog. c. 18. Quot  
 putatis in inferno sunt filii, qui maledicunt parentibus, & male-  
 dicent, diraque omnes imprecabuntur in æternum, quod ob  
 omisam castigationem sibi fuerint causa damnationis æternæ?  
 Nec sinè causa, fuerunt enim eis parentes non vitæ sed mortis,  
 non cæli sed inferni, non felicitatis sed gehennæ in æternum.  
 Mores enim quos puer induit, retinet in senium usque ad mor-  
 tem.)) Hinc de improbè educato dicitur: *Job*. Ossa ejus im-  
 plebuntur vitis adolescentiæ ejus, & cum eo in pulvere dormi-  
 ent. *Apostolus* exhortatur: Et vos Patres, nolite ad iracundiam,  
*c. 8.* provocare filios vestros, sed educate illos in disciplina & corre-  
*Plato lib. 7. de* ptione Domini, *Plato* severioris educationis rationem dat in-  
*leg.* quens:



quiens: Primâ luce pueri in ludum literarium proficiscantur. Quoniam verò nec pecudes, neque ullum aliud animal, sinè custode vivere debet, neque pueri etiam sinè pædagogis, neque sinè Dominis servi. Puer autem omnibus bestis intratabilior est: cum enim Sapientiæ fontem nondum absolute compositum habeat, insidiosissimum est, acerrimum, petulantissimum omnium brutorum animalium, idcirco multis quasi frænis constringendus est puer, & cum primùm à matribus nutricibus sejungitur, pædagogis continuò tradendus est, qui ejus lasciviam regant, atque doment: deinde Præceptoribus commendandus est, ad eas disciplinas discendas, quæ liberum hominem decent.)) Quidam adolescens malè educatus, ductus ad supplicium, exclamavit: *Non prætor, sed mater mea, me ducit ad furcam.*

*In Praxi educationis liberorum, vel tibi commissæ juventutis, hæc observanda ex Biblio. manual. P. Lohner. tit. Educatio.*

I. *Gratiæ Divinæ imploratio:* ut enim, licet agricola areæ & seminet agrum, nihil tamen efficiet, nisi Solis influxus accedat: ita nisi DEUS per gratiæ suæ radios coopereretur, omnis institutio frustranea erit.

II. *Recta instituendi dispositio:* quæ juxta Boëtium in tribus consistit, in attentione, benevolentia, & docilitate, ut scilicet sit docilis ingenio, attentus exercitio, benevolus animo. Hinc & illi, qui equos instruere volunt, ante omnia rectè fræno parere docent.

Boët. de  
Schol. discipl.

III. *Instituentis discreta directio:* nam ut sapienter advertit S. Gregorius, miscenda est lenitas cum severitate, & faciedum ex utraqûe quoddam temperamentum, ut nec multâ asperitate exulcerentur Subditi, nec nimîâ lenitate solvantur. Hinc olim in arca cum tabulis legem comprehendentibus manna & virga simul posita fuerant.

S. Gregor. lib.  
20. Moral.

IV. *Vigilans custodia in removendis impedimentis:* ut enim Agricolaë vallos apponunt arbusculis, quò securius crescant; ita qui alios instituit, sua custodia & vigilantia eos vallare debet.

Plutarch. in  
Moral.

V. *Quatuor præcipuè præcepta observare debet Asceta,*  
S f qui



qui vel alios instruere ipsemet, vel rectum instituendi modum docere cupit. *Primum* est, ut à moribus institutionem incipi-

*Senec. Epist. at,* uti jam olim monuit Seneca, dicens: Mores primum, mox  
76. Sapientiam disce, quæ sinè moribus malè discitur. *Alterum est,*

ut diligenter attendat, quæ maximè utilia sint futura illi, quem instituendum suscepit: ut enim nec terræ semina quæcunque injicimus, sed quorum capacem novimus; ita ipsa quoque institutio capacitati, & fini instituendi accommodanda est. *Ter-*

*Plutarch. in  
Moral.*

*tium est,* ut ex pluribus doctrinis optimæ quæque seligantur, & præ reliquis inculcentur; uti jam olim sapienter monuit Plutarchus, dicens: Ut plures Urbes præternavigasse pulchrum est, sed expedit unam incolere optimam; ita quàmplurima sunt cognoscenda, sequenda retinendaque optima. *Quartum est,* ut non

*Jacob. §. v. 7.* mox cesset à cultura, si fructum non sequi advertat, sed potius Agricolarum exemplum ob oculos habeat, de quibus S. Jacobus dixit: Ecce Agricola expectat pretiosum fructum terræ, patienter ferens, donec accipiat temporaneum, & ferotinum.

## §. II.

### De mutua Pietate, & Officiis Conjugatorum.

*Primum* officium, est reciprocum adjutorium, & solatium: quia in hunc finem DEUS creavit Evam, dicens *Gen:* Non

*Gen. 1. 2.*

est bonum hominem solum esse, faciamus ei (Adamo) adjutorium simile sibi.)) Idquè ad mortem seipsos non derelinquere, sed fideliter juvare debent vi sponsonis, & contractûs Matrimonialis. *2dum,* fidelitas; maximè in servanda fide conjugal

*Heb. 13.*

castimonie. Unde *Apostolus:* Honorabile connubium in omnibus, & thorus immaculatus. Fornicatores enim & adulteros judicabit DEUS. *3tium.* Conveniens usus Matrimonii. Hinc

*I. Cor. 7. v. 1.*

*Apostolus:* Bonum est homini, mulierem non tangere. Propter fornicationem autem unusquisque suam uxorem habeat, & unaquæque suum virum habeat. Uxori vir debitum reddat: similiter autem & uxor viro. Mulier sui corporis potestatem non habet, sed vir. Similiter autem & vir sui corporis potestatem non habet, sed mulier. Nolite fraudare invicem, nisi

fortè



fortè ex consensu ad tempus, ut vacetis orationi: & iterum revertimini in idipsum, nè tentet vos satanas propter incontinentiam vestram. Hoc autem dico secundum indulgentiam, non secundum imperium.)) De abusu Matrimonii quoad copulam vide sub Vitio contra naturam, quo multi conjugati æternum pereunt falsè opinatà decepti licentiâ. *4um.* Mulier viro debet subjectionem, & obedientiam, juxta mandatum DEI, dicentis: *Gen:* Sub viri potestate eris, & ipse dominabitur tui.)) *2. subs. 17. §. 1.* Viri simpliciter, *monente Apostolo*, cohabitantes secundum scientiam, quasi infirmiori vasculo muliebri, impartientes honorem, *1. Petri 4. v. 7.* tanquam & coheredibus gratiæ vitæ: ut non impediantur orationes vestræ.

## SUBSECTIO V.

## De Oppositis Pietatis.

## §. I.

**P**rimum est *Pseudopietas*, quâ aliquis ex propensione affectus erga suos transgreditur præcepta vel consilia DEI.

Hæc potissimum viget inter parentes & liberos, dum v.g. illi istos à strictiori servitio DEI, mundi contemptu, Statu Religionis ad amorem seculi trahunt: Unde *S. Hieronymus*: Volens discipulus reverti domum, & suis omnia renunciare, magistri voce prohibetur, sepultura patri non datur, & pietatis genus est, impium esse pro Domino. *Idem*: Clades in suos, pietas in DEUM est. Nemo pietatem debet anteferre Religioni.

Qui amat filium aut filiam super me, non est me dignus.)) Deinde eadem Pseudopietate affecti parentes, insolentiam & libertatem licentiosè vivendi suorum liberorum dissimulant: quos postea experiuntur inobedientes, sui contemptores, percussores, criminosos, infames, cum sui ineffabili dolore, & acceleratione mortis. Et meritò: ut *S. Bernardus* inquit: *Quales fovent, tales sustinent*: iusto DEI judicio indiscreta pietas parentum meretur impietatem liberorum.

S f 2

Deni-

*S. Hieron. in Epist. ad Maron.*  
*Idem in Epist. ad Paulum.*



Denique Pseudopietas parentum est in congregandis per-  
fas & nefas opibus, divitiis pro suis liberis. Sed prohi dolor!  
plerumque ejusmodi bonis tertius non gaudet heres. Ut ta-  
ceam mille eis posita discrimina insidiantia: ipsis heredes taliter  
conquisitis bonis abutuntur ad DEI offensam, suum exitium,  
familix infamiam, ad extremum in egestate contempti, male-  
dicti in hoc & futuro seculo moriuntur.

## §. II.

De Pseudopietate Ecclesiasticorum in suos  
Propinquos:

*March. in* **C**ontra hanc impiam pietatem ex piissimo Marchantio acci-  
pe: Deducitur, inquit ille, manifestè ex mente SS. Patrum,  
*Hort. Past. virg.* bona Ecclesiastica in Consanguineos haud licitè profundì, ut illis  
*Aaron. tra. 4.* ditentur. Quod expressit Concilium Tridentinum, hortans &  
*Trid. Sess. 25.* monens Ecclesiasticos: *Ut omnem humanum hunc erga fratres, nepo-*  
*r. l.* *tes, propinquosque carnis affectum, unde multorum malorum in Ecclesia*  
*Seminarium extat, penitus deponant.* Illis tamen, si pauperes sint,  
ex charitate ut pauperibus subvenire, laudabile est, ut decernit  
etiam Concilium: Nam & illa probanda liberalitas, ut proximos se-  
minis tui non despicias, si egere cognoscas, ut dicit Ambros. 1. de  
Offic. c. 30. Verùm multis viscus est, & laqueus hic cognato-  
rum affectus, à quo se vinci patiuntur, & in salutis pericu-  
lum pertrahi, dum illi nimis indulgent, & ex bonis Ecclesiæ fu-  
orum statum augent, stimulante cupiditate. Propterea mone-  
*S. Basl. in* bat S. Basilius in Constit. *Scientes itaque intolerabile detrimentum hu-*  
*Constit. c. 23.* *jus erga cognatos affectus, fugiamus illorum curam, tanquam diaboli*  
*ad nos impugnandum armaturam.* DEUS nempe voluit, Sacerdo-  
res cælibes esse, & illiberos, ut à terrenis curis ad cælestia ani-  
mum traducerent: Verùm satan affectu Cognatorum, Fratrum,  
Nepotum, eos ita obligat, ut non minus terrenis curis implicet  
propter ipsos, quàm si proprios Liberos nacti essent, quibus  
providere deberent, aut in illis familiam perpetuare, instar ho-  
minum hujus seculi. Et hæc sunt insidiæ satanæ, quibus etiam  
bonos illaqueat, ut verum esse illud agnoscamus:

Cum



*Cum Factor rerum, privaret semine Cleram;*

*Ad satanae votum, successit turba nepotum.*

Hic oportet statum aliquem sollicitè procurare, vel beneficia conquirere, aut resignare pramaturè, & providere, ut in familia permaneant, sicquè oportet hereditate possidere Sanctuariam DEI, & ædificare Sion ex sanguinibus. Et cum nemo carnem suam odio habeat, sed nutriet, & foveat eam, cum Nepotes, & Fratres, os nostrum sint, & caro nostra, plus a quò illis indulgetur, in nostrum, eorumquè damnum. Exemplum ea de re habemus in S. Udalrico Augustano Episcopo, qui Episcopatum resignans in Adalberonem nepotem, licet sapientiā & virtute conspicuum, moriturus tamen ad DEI iudicium rapus est, & per visum didicit, se ob eam causam purgatorii poenas subiturum: Unde ad se rediens dicebat: *Heu! heu! quòd lect.* 2.

meum Nepotem Adalberonem unquam vidi; quia pro eo, quòd ei secundum desiderium suum consentiebam, nolunt Caelites me impunitum in suum recipere consortium. Udalricus ergo post mortem per purgatorium transiit, & Adalbero anno sequenti repentinà morte extinctus est. Sic verum esse patet, de aliquibus scribit S. Gregorius, quòd seculum & secularia deferere videantur: sed tamen adhuc vinculo carnalis cognationis obligati, dum amor propinquitatis in discretè deserviant, ad ea sepe per affectum cognationis redeunt; cumque plus quàm necesse est carnis propinquos diligunt, retracti exterius, à cordis parente dividuntur. Quò itaque isti, nisi in rete ambulant, quos à presenti seculo inchoata jam vitæ perfectio solverat, sed inordinatus amor terrene cognationis ligat? Verum contra horum propinquorum, five Fratrum, five Sororum, five & Nepotum importunitatem, aut aliorum vel Parentum affectum nimium, eos qui pietatem sectantur, armans Climacus, sic ait: Melius est contristare parentes, quàm Dominum JESUM: hic enim nos creavit, & salvavit, illi sepe suos amando perdiderunt. Amor DEI ipsiusquè sanctum desiderium extinguit in anima carnalem parentum amorem: qui autem utrosque in uno corde claudi posse putat, is seipsum decipit. Nè te moveant tuorum lachrymæ, nè tu tibi ipsi æternas lachrymas parias.

Neque verò desunt exempla eorum, qui se hac in re fortiter gesserunt, propinquorum importunitatem, preces, la-



chrymas despicientes, nè in Ecclesiæ aut pauperum præjudici-  
um eos bonis Ecclesiasticis adaugerent.

Laurentius Justinianus, Patriarcha Venetus, urgebatur à con-  
sanguineo quodam suo non ita paupere, ut pecuniâ eum iuva-  
ret in filiæ dotem: ipse verò non minùs piè quàm sapienter  
respondit: *Considera frater, queso, si parum dederò, non est quo epus  
habet: si multum, defraudaverò multos, ut uni satisfaciam: & præterea  
quidquid illud est: quod est ad cibos potius pauperum, quàm ad intortos  
crines, aut margaritas ab Ecclesia traditum est.*

Austerus fuit planè hac in re, ut Præsulibus speculum,  
exhiberet Clemens IV. ante Sacerdotium conjugatus, & Bono-  
niæ Juris Doctor. Cùm is Anno 1285. evectus foret ad Ponti-  
ficatum, accesserunt duæ ejus filiæ ex matrimonio susceptæ,  
sperantes ab illo dotem juxta Pontificiam dignitatem. Respon-  
dit ipse, Papam non habere filias, ideoquè debere eis sufficere  
patrimonium eis relictum, nec licere, quod suum non esset,  
propinquis dare. Trecentas ergò libras Turonenses solum,  
contribuit unicuique earum, vel ad Matrimonium, vel ad Reli-  
gionem. Quapropter post obitum ejus repertum est hoc Bre-  
ve in Cœnobio Dominicanorum Barchinonensi, ad Nepotem,  
“ suum Petrum Grossum. Multis de nostra promotione gau-  
“ dentibus, nos soli sumus, qui certiùs immensitatem oneris ex-  
“ perimur. Et idcirco quod aliis gaudium, nobis fletum submi-  
“ nistrat, & metum. Sanè ut scias, qualiter his auditis debe-  
“ as te habere, scire te volumus, quòd humilior solito debes  
“ esse. Neque enim, quod nos vehementer humiliat, debet  
“ nostros extollere, maximè cùm honor hujus seculi momen-  
“ taneus sit, & sicut ros transeat matutinus. Neque vos, neque  
“ fratrem vestrum, vel ex aliis nostris aliquem venire volumus,  
“ sinè nostro speciali mandato, quia spe suâ frustratus, si secùs  
“ venire præsumeret, oporteret, ut rediret confusus. Sed nec  
“ in sororis tuæ nuptiis gradum quæras propter nos altiore,   
“ nec enim nos haberes propitios, nec in aliquo adjuutores. Si  
“ tamen eam filio militis simplicis desponsaveris, in Tercentum  
“ libris Turonensibus tibi proponimus subvenire. Et si altiora  
“ quæsieris, nè denarium speres unum. Et hoc ipsum secretis-  
simum



finum esse volumus, ac tibi, & Matri solummodò notum esse. Illud etiam scias, quòd nullum, nullamquè de sangvine nostro sub nostræ sublimationis obtentu inflari volumus. *Hec Pontifex.* Interim nepoti cuidam suo, cùm nihil unquam dedisset, Galliæ Antistites in gratiam Pontificis tres contulerunt Canonatus, verùm ipse compulit eum, ut ex tribus illis unum, quod mallet, retineret, reliqua resignaret, nec voluit eum ulteriori dignitate cohonestare, licèt à multis pro eo preces fierent. Quibus respondit ipse: Ego DEO, non autem carni & sanguini acquiescam. DEUS ita vult, ut sua in pias causas erogentur: dignus Petri successor non est, qui plus cognationi, quàm pietati & Christo defert.

Simili modo se gessere erga propinquos Cælestinus V. Urbanus VII. Benedictus XI. & XII. Nicol. IV. Marcellus Pont. & Adrianus VI. Noluerunt hi ædificare Sion ex sangvinibus, noluerunt propinquos, vel ad opes, vel ad dignitates provehere. scientes has deferendas non sanguini, sed vitæ: Suo etiam exemplo docentes, Sacerdotes, ac Præsules debere esse instar Melchisedech, quasi sinè Patre, sinè Matre, sinè Genealogia. Introducitur enim talis ab Apostolo, ut indicetur, Sacerdotes debere parentum oblivisci, quasi cælestes forent, ac de cælo lapsi, ut viscoso cognationis glutino expediti, cælestia possint cogitare, & in Ecclesiæ communem utilitatem, curam suam omnem impendere, illiquè prodesse.

S. Cyprianus à conjugio assumptus ad Episcopatum Carthaginensem, uxorem & liberos non diravit, aut evexit: sed bona sua in pauperes erogavit, curamquè uxoris & filiorum planè à se abdicavit, eamquè Cæcilio Presbytero commisit, relinquens eis dotem, quæ tantùm ad necessaria vitæ sufficeret. Ita habet Pontius Diaconus in ejus vita.

S. Richardus Episcopus Cicestrensis consanguineos non De S. Richardo  
lebat ullâ ratione ad beneficia promovere, dicens: Pastorum, do Episc. Suri-  
Principem, Dominum JESUM CHRISTUM, non B. Joanni us 3. April.  
Evangelistæ consanguineo, sed B. Petro, sanguine minimè conjuncto, claves Regni cælorum tradidisse. Christus Dominus cognatis suis, Jacobo & Joanni, non opes & divitias, vel primatus



matus promissit, licet Mater urgeret: sed solum calicem Passio-  
nis suæ proposuit, & propinavit. *Hactenus Marchantius.*

Igitur in Praxi cavendi Pseudopietatem, & exercendi Pi-  
etatem in propinquos: Observa. Vel propinqui tui sunt divi-  
tes; & ita ex patrimonio Crucifixi eos facere ditiores prorsus  
infandum scelus est, nec talibus quidquam dandum. Vel sunt  
mediocres; sed nec talibus succurrendum, nam eo ipso supra  
mediocritatem suam excreverent, & fierent ditiores: quod  
omnino Canonibus prohibetur. Vel sunt pauperes; & talibus  
subveniendum, sed quomodo subvenires alteri pauperi, qui non  
esset tuus propinquus. Verum hic occultissimum diaboli la-  
queum cave, ne speciosas rationes paupertatis in tuis propin-  
quis & familiaribus præendas. Nam citius amor tuorum fa-  
cile ejusmodi excusationes, & ratiunculas reperiet. Sed DEUS  
videt hæc, & judicabit omnia in veritate, & justitia.

Conc. Trid.  
Sess. 25. c. 1. de re-  
ditibus  
Reform.

Audi Concil. Trident: Interdicit S. Synodus Episcopis, ne ex  
reditibus Ecclesie consanguineos, familiaresque suos augere studeant, cum  
& Apostolorum Canones prohibeant, ne res Ecclesiasticas, quæ DEI sunt,  
consanguineis donent: sed si pauperes sint, eis ut pauperibus distribuant.  
Quæ verò de Episcopis dicta sunt, eadem non solum in quibuscunque Ec-  
clesiastica beneficia, tam secularia, quam regularia, obtinentibus pro  
gradu suæ conditionis observari, sed etiam ad S. R. E. Cardinales perti-  
nere decernit.

Ejusmodi certè viâ posse præcaveri tyrtes & charybdes,  
quibus plures dispensatores bonorum Christi, tam Ecclesiastici,  
quàm Religiosi, in infernum absorbentur. Præterquam quòd  
& illorum propinqui penes Ecclesiastica bona, & sua propria  
perdunt, & vel ipsi, vel ipsorum successores, miserrimè depau-  
perantur, sinè benedictione DEI in præsentem sunt, utinam non  
in æternam maledictionem transeant! Ejusmodi homines non  
paucos nostra vidit ætas.

### §. III.

Sap. 14.

SECUNDUM Oppositum Pietatis, est *Impietas*. Contra quam Sap:  
Odio sunt DEO impius, & impietas ejus, Item: Non est  
pax



pax impiis, dicit Dominus Omnipotens. *Job:* In diem perditionis servatur impius, & ad diem furoris ducetur. *Prov:* Ani-  
ni impiorum breviabuntur. *Apostolus inquit:* Si quis autem  
suorum, & maximè domesticorum, curam non habet, fidem ne-  
gavit, & est infideli deterior.

*In Praxi contra Opposita Pietatis exerceas te juxta supràdatam  
methodum servatâ congruentiâ.*

*Job. 12.**Prov. 10.**1. Tim. 5.**I. 2. tra. 1. c.**1. sect. 4. subs.**2. §. 2. & 3.*

## SUBSECTIO VI.

## De Observantia.

**O**bservantia, est quedam virtus specialis, sub pietate contenta, per quam personis in dignitate constitutis, cultum & honorem exhibemus. Dicitur; sub pietate contenta: Quia sicut carnalis Pater particulariter participat rationem principii, quæ universaliter invenitur in DEO: ita etiam persona, quæ quantum ad aliquid providentiam circa nos gerit, particulariter participat proprietatem Patris: quia Pater est principium & generationis, & educationis, & disciplinæ, & omnium quæ ad perfectionem humanæ vitæ pertinent. Persona autem in dignitate constituta, est sicut principium gubernationis respectu aliquarum rerum, sicut Princeps civitatis in rebus civilibus, Dux autem exercitus in rebus bellicis, Magister autem in disciplinis, & simile est in aliis. Et inde est, quod omnes tales personæ Patres appellantur, propter similitudinem curæ: sicut 4. Reg. 5. Servi Naaman dixerunt ad eum: Pater, etsi rem grandem dixisset tibi Propheta, &c. Et ideo sicut sub Religione, per quam cultus tribuitur DEO, quodammodo invenitur pietas, per quam coluntur parentes, ita sub pietate invenitur observantia, per quam cultus & honor exhibetur personis in dignitate constitutis. Dicitur: per quam personis &c. Quibus personis dupliciter aliquid exhibetur: Uno modo in ordine ad bonum commune, puta cum aliquis servit in administratione Reipublicæ, & hoc jam non pertinet ad observantiam, sed ad pietatem, quæ cultum exhibet non solum patri, sed etiam patriæ. Alio modo

*D. Thom. 1.**102.**Ibid. 4. l.**Ibid. 4. 3.*

T t

exhi-



Ibid. 4. 2.

exhibetur personis in dignitate constitutis, pertinens specialiter ad personalem eorum utilitatem, vel gloriam, & hoc propriè pertinet ad observantiam, secundum quod distinguitur à pietate. 2) Ratio autem, cur observantia dignitariis exhibenda est. Quia ad eos, qui sunt in dignitate constituti, pertinet gubernare subditos. Gubernare autem est movere aliquos in debitum finem: sicut nauta gubernat navem, ducendo eam ad portum. Omne autem movens habet excellentiam quandam, & virtutem supra id, quod movetur. Unde oportet, quòd in eo, qui est in dignitate constitutus, imò consideretur excellentia status cum quadam potestate in subditos. 2dò ipsum gubernationis officium. Ratione igitur excellentiæ debetur ei honor, qui est quædam recognitio excellentiæ alicujus. Ratione autem officii gubernationis debetur ei cultus, qui in quodam obsequio consistit: dum scilicet aliquis eorum obedit imperio, & vicem beneficiis eorum pro tuo modo rependit. 3) Ra-

Ibid. 4. 2. ad  
mum.

tionem verò, quam habent ad coercendum, debetur eis timor: Tum tributa, quæ sunt quædam stipendia laboris eorum. Cæterum, ex quo duplex est debitum, unum quidem legale, ad quod reddendum, homo lege compellitur. Et sic debet homo honorem & cultum his, qui sunt in dignitate constituti, prælationem super ipsum habentes. Aliud autem est debitum morale, quod ex quadam honestate debetur. Et hoc modo debemus cultum & honorem his, qui sunt in dignitate constituti, etiam si non simus eis subjecti. 4) Denique quia per scientiam, & virtutem, & omnia alia huiusmodi, aliquis idoneus redditur ad dignitatis statum, reverentia, quæ propter quamcunque excellentiam aliquibus exhibetur, ad eandem virtutem pertinet.

Ibid. 4. 1. ad  
2dum.

Rom. 13.

Motiva ad Observantiam. unum. Apostolus monet: Omnis anima potestatibus sublimioribus subdita sit. Non est enim potestas, nisi à DEO: quæ autem sunt, à DEO ordinata sunt. Itaque qui resistit potestati, DEI ordinationi resistit. Qui autem resistunt, ipsi sibi damnationem acquirunt. Nam principes non sunt timori boni operis, sed mali. Vis autem non timere



timere potestatem? bonum fac, & habebis laudem ex illa. DEI enim minister est tibi in bonum. Si autem malum feceris; time: non enim sine causa gladium portat. DEI enim minister est, vindex in iram ei, qui malum agit. Ideo necessitate subditi estote, non solum propter iram, sed etiam propter conscientiam. Ideo enim & tributa praelatis: ministri enim DEI sunt, in hoc ipsum servientes. Reddite ergo omnibus debita, cui tributum, tributum: cui vestigal, vestigal: cui timorem, timorem: cui honorem, honorem. *Item S. Petrus: Subjecti S. Petrus c. 2. v. 13.* estote omni humanae creaturae propter DEUM: sive Regi, quasi prae excellenti: sive Ducibus, tanquam ab eo missis, ad vindictam malefactorum, laudem vero honorum: quia sic est voluntas DEI, ut benefacientes obmutescere faciatis imprudentium hominum ignorantiam: quasi liberi, & non quasi velamen habentes malitiae libertatem, sed sicut servi DEI. Omnes honore. Fraternitatem diligite, DEUM time, Regem honorificate. *2dum. S. Bernardus: Redde reverentiam Praelato, & S. Bern. in serm.* obedientiam, quarum altera cordis, altera corporis. Nec enim sufficit exterius obtemperare Majoribus nostris, nisi ex intimo cordis affectu sublimiter sentiamus de eis. Quod etsi tam manifeste innotuerit indigna alicujus Praelati vita, ut nihil omnino dissimulationis, nihil excusationis admittat; propter eum tamen, a quo est omnis potestas, ipsum quem modò talem novimus, excelsum reputare debemus, non praesentibus personae meritis, sed ordinationi Divinae ac dignitati ipsius officii deferentes. *3tium. Exempla JESU adhuc in utero infantis, Beatis- Luc. c. 2.* simae MARIE & Joseph, qui ad descriptionem à Caesare Augusto imperatam perrexerunt in Bethleem. Deinde Christus pro se & Petro curavit solvere staterem in tributum, ut patet ex ejus verbis: *Quid tibi videtur Simon? Reges terrae à quibus accipiunt tributum, vel censum, &c. Matth. c. 17.*

*Circa Praxim Observantiae observa convenienter suprà dicta.*

*1. 2. tra. 1. c.*

*1. sect. 4. subs.*

*2. §. 2.*



## SUBSECTIO VII.

## De Dulia, &amp; Hyperdulia.

V.D. Thom. 2.

2. q. 103. a. 3.

6. 4.

**D**ulia dupliciter sumitur. *imò* prout est quædam communis virtus, continens sub se Pietatem, Observantiam, & quamlibet aliam virtutem, quæ homini reverentiam exhibet. Item Hyperdulia, ut potissimam sui Speciem. Etenim maxima debetur reverentia homini ex affinitate, quam habet ad DEUM. *2dò*. Dulia strictè sumitur, prout est virtus, quâ servus Domino reverentiam exhibet. Quia Dulia græcè Servitus dicitur. Et distinguitur à Latria, per quam DEO, quatenus verum & plenarium dominium obtinenti, cultum, honorem, ac debitam servitutem deferimus. Per Duliam verò homini, quâ similitudinem Divini domini participanti, cultum & servitutem exhibemus.

*Ibid. a. 2.*

Dulia pro honore seu honoratione alterius accepta, nihil aliud est, quàm protestatio quædam de excellentia bonitatis alicujus. Potest autem alicujus excellentia considerari non solum per comparisonem ad honorantem, ut scilicet sit excellentior eo, qui honorat, sed etiam secundum se, vel per comparisonem ad aliquos alios. Et secundum hoc honor semper debetur alicui propter aliquam excellentiam, vel superioritatem. Non enim oportet, quòd ille, qui honoratur, sit excellentior honorante, sed fortè quibusdam aliis, vel etiam ipso honorante, quantum ad aliquid, & non simpliciter. Hinc *idem S. Doctor* alio in loco dicit: Honor est quoddam testimonium de virtute ejus, qui honoratur. Et ideo sola virtus est debita causa honoris: sciendum tamen, quòd aliquis potest honorari non solum propter virtutem propriam, sed etiam propter virtutem alterius. Sicut Principes & Prælati honorantur, etiam si sint mali, inquantum gerunt personam DEI, & communitatis, cui præficiuntur, secundum illud Proverb. 26: Sicut qui immitit lapides in acervum Mercurii, ita qui tribuit insipienti honorem. Quia enim Gentiles ratiocinationem attribuebant Mercurio, acervus

*Idem q. 63.**a. 3. corp.*



cervus Mercurii dicitur cumulus ratiocinii, in quo mercator quandoque mittit unum lapillum loco centum marcarum: ita etiam honoratur insipiens, qui ponitur loco DEI, & loco totius communitatis. Et eadem ratione Parentes & Domini sunt honorandi, propter participationem Divinæ dignitatis, qui est omnium Pater & Dominus. Senes autem sunt honorandi propter signum virtutis, quod est senectus, licet hoc signum, quandoque deficiat. Unde ut dicitur Sap. 5. Senectus venerabilis est non diuturna, neque annorum numero computata. Cani autem sunt sensus hominis, & ætas senectutis vita immaculata. Divites autem honorandi sunt propter hoc, quod majorem locum in Communitatibus obtinent. Si autem solum intuitu divitiarum honorentur, erit peccatum acceptionis personarum.

S. Magdalena de Paz in omnibus personis plus appretiat animas quam corpus. Hinc omnes homines hoc vocabat nomine *Animæ*. Eadem Sancta Superiores Claustrum, cunctasque Matres Seniores adeo venerabatur, ut in præsentia illarum, semper staret oculis in terram demissis, cum tanta modestia, ac si foret Novitia recens ad Religionem suscepta.

In vita S.  
Magd. de Paz

## §. I.

## De Dulia, seu Honore erga omnes.

**M**otiva, immum. Rom: Honore invicem prævenientes. Et nihil per contentionem, neque per inanem gloriam, sed in humilitate Superiores sibi invicem arbitantes. Et Isaias: Væ! qui prædaris, nonne & ipse prædaberis? Væ! qui spernis, nonne & ipse sperneris? Cum consummaveris deprædationem, deprædaberis; cum fatigatus desieris contemnere, contemneris. 2dum. S. Cyrillus: Neminem spernas, sed unicuique debitum honorem exhibeas. Et post plura: Quid enim honor aliud est, quam unicus actus omnium virtutum? hic enim est prudentia, cum attenditur cui, quando, ubi, quomodo tribuatur; justitia verò cum non justo minus impenditur. Magnanimitas, cum non debito amplius datur, nam extra modum ho-

Rom. 12.

Philip. 2.

Isai. c. 33.

Cyrril. lib. 1.

Apol. moral. c.

18.



*Aloys Lipom.* norare illudere est. *Aloysius Lipomanus ait:* Rarus est, qui non in Exod. a. 36. insigni aliquâ gratiâ præter alios donatus inveniatur, quâ maxime & Ecclesiam juvare possit, & ministrare Christo. Hujus rei figurâ & exemplo, mulieres quoque à Moyse vocatæ sunt ad fabricam tabernaculi, ut nerent pilos caprarum, ex quibus fierent saga sive cortinæ ad operiendum tabernaculum. 3<sup>ium</sup>.

*Psalms. 8.*

DEUS honoravit homines, quod Psalmista stupens ait: Quid est homo, quod memor es ejus, & filius hominis, quoniam visitas eum. Minuisti eum paulò minùs ab Angelis, gloriâ & honore coronasti eum, & constituisti eum super opera manuum tuarum, omnia subjecisti sub pedibus ejus.

1. 2. tra 1. c.

*Ad Praxim Dulie juvat exercitium juxta suprâdatam methodum.*

1. f. 4. subf.

2. 9. 2.

## S. II.

### De Dulia & Officiis Servos inter & Dominos.

*Ephes. 6.*

**I**ncitamenta. Servorum in Dominos officia sunt imò: Subjectio, honor, & obedientia. Unde *Apostolus* exhortatur: Servi obedite Dominis carnalibus, cum timore, & tremore, in simplicitate cordis vestri, sicut Christo: non ad oculum servientes, quasi hominibus placentes: sed ut servi Christi, facientes voluntatem DEI ex animo: cum bona voluntate servientes, sicut Domino, & non hominibus, scientes, quoniam unusquisque, quodcunque fecerit bonum, hoc recipiet à Domino, sive servus, sive liber. Item *S. Petrus Apostolus*: Servi, subditi estote in omni timore Dominis, non tantum bonis & modestis, sed & dyscolis. Hæc est enim gratia, si propter DEI conscientiam, sustinet aliquis tristitias, patiens injuste. Quæ enim est gratia, si peccantes, & colaphizati suffertis? sed si benefacientes patienter sustinetis: hæc est gratia apud DEUM. 2<sup>dò</sup>: Fidelitas non modò in agendo, verum & loquendo, & silendo arcana Domini. Unde dicitur *Matth.* Euge serve bone & fidelis, quia super pauca fuisti fidelis, supra multa te constituam. 3<sup>idò</sup>: Diligentia. Hinc monemur tractare cum servo pigro de multa operatione. Porro Domini, quæ debeant servis, docet *Ecclesiasticus*: Pa-

1. Petri 2.

Matth. 25.

Eccel. 37.

Eccel. c. 33.

nis, & disciplina, est opus servo, operatur in disciplina, & querit

rit



rit requiescere: laxa manus illi, & quærit libertatem. Jugum & lorum curvant collum durum, & servum inclinant operationes assiduæ. Servo malevolo tortura, & compedes: mitte illum in operationem, nè vacet: multam enim malitiam docuit otiositas. In opera constitue eum, sic enim concedet illum. Quod si non obaudierit, curva illum compedibus, & non amplifices super omnem carnem. Verùm finè judicio nihil facias grave. Si est tibi servus, (*id est fidelis*) sit tibi quasi anima tua: quasi fratrem, sic eum tracta: quoniam in sanguine animæ comparasti illum. Si læseris eum injustè, in fugam convertetur: & si extollens discesserit, quem quæras, & in qua via quæras illum, nescis. *Apostolus*: Et vos Domini eadem facite illis, remittentes minas: scientes quia & illorum, & vester Dominus est in cælis: & personarum acceptio non est apud DEUM. Quare *Philo* inquit: Talem te domesticis servis præsta, qualem DEUM in te esse velles, ut enim audimus, sic à DEO audiemur: atque ut intuemur alios, sic DEUS nos intuebitur. Offeramus ergo misericordiæ misericordiam, ut simili simile consequamur. Imitare pium Centurionem illum Evangelicum, qui pro infirmi sui pueri valetudine agebat apud Christum: Et tu in infirmitate servi tui esto pius, maximè provide ei de Sacramentorum Ecclesiasticorum susceptione.

Ephef. c. 6.

Matth. 8.

*S. Elzearius* Comes quàm Christianè suam domum, familiamquè rexit refert vitæ ejus historia dicens: Novus paterfamilias novo quodam modo coepit suæ familiæ præsidere, novasque morum plantulas inferere, & transgressoribus poenas proponere. Primò constituit ut omnes è sua domo tam mares quàm foeminae, quotidie ut minimum Missam unam integrè audiant. Secundò ut vivant castè & purè: qui secus facerent, eos suâ domo expellebat. Nolebat enim ut quisquam pane suo vesceretur, quem sciret peccato mortifero implicatum, nè alios inficeret. Et nè illius peccatum ipse fovere videretur. Tertiò ut nobiles & milites, itemquè virgines & matronæ qualibet hebdomadâ semel confiteantur peccata sua, & singulis mensibus devotè percipiant Eucharistiæ Sacramentum. Quartò ut eadem virgines & matronæ manè usque ad prandium precibus

Surius 17. sept.  
vit. S. Elzear.



*Prov. 18.**1. Cor. 15.*

bus & piis exercitiis vacent: à prandio manuariis operibus sese occupent. Quintò ut nemo ausus sit blasphemare DEUM, Sacrosanctam Virginem, vel aliquem Sanctorum: nec quisquam falsò juret, aut vitiosè & leviter absque causa: nec impudica vel inhonesta verba proferat. Sciebat enim ex Sapiente mortem & vitam esse in manibus lingvæ: & ex Apostolo, corrumpere bonos mores colloquia prava. Hujus constitutionis violatores hac ratione puniri voluit, ut vel toto prandio coram aliis federent in terra, solo pane & aquâ contenti, vel toto die in cubiculo manerent inclusi, communi cibo vescentes. Sextò ut nulli fas sit ludere tessæris, aut alio uti lusu illicito, turpi, ac inhonesto. Si quis contrà fecisset, gravis illum poenâ manebat. Septimò ut omnes è sua familia, pace, amicitia, & concordia inter se fruantur, alius alium non offendant, neque verbo, neque facto. Si quid à quopiam aliter sit attentatum, mox cum offenso redeat in gratiam. Atque ut id fieret, non mediocriter ipse dabat operam, reos autem pro ratione culpæ puniebat. Octavò, ut quotidie à prandio, vel aliâ horâ vespertinâ, nisi legitimum impedimentum inciderit, fiat aliqua Collatio inter illos, ipso præsentè de verbis Domini pro animarum informatione. In eo autem colloquio dum unus aliquis loquitur, ceteri orent pro illo in cordibus suis, ut DEUS illi suo ministret sermonem, ex quo omnes proficiant: nec quisquam audeat scilicet verba interrumpere, aut aliter impedire. Id si quis non observasset, à tam pio colloquio excluderetur, donec commendatus ab aliis revocaretur. In ejusmodi verò colloquiis, & in sermonibus suis ipse Elzearius animo & facie jucundus & hilarius, nec mediocriter Divinâ gratiâ cumulatus, ignea edebat verba, à fonte Divinæ Sapientiæ prodeuntia: ita ut audientes eum, magnam intra se sentirent animi mutationem, bonisque ac sanctis arderent desideriis, & humiles, ac Religiosi efficerentur. Docebat enim familiam suam, ut alter Tobias, timere DEUM, & abstinere à peccatis, atque Divina servare præcepta, Hortabatur eos, ut Divino studerent amorì, sese invicem diligere, & corpora sua munda ac pura conservarent. Aiebat à vitiorum suorum consideratione debere Christianum exordiri preces



preces suas, atque inde sese humiliare. Oratio enim humiliantis se nubes penetrat. Hæc aliaquæ iis similia dicebat, quæ omnia scripto comprehendere difficulter queunt. Etsi autem quotquot apud eum degebant, in bona voluntate, studioquæ bonorum operum proficere se sentirent, singulariter tamen ex ejus propinquitate & familiaritate carnis incendia & libidinis flammæ consopiri experiebantur. Atque eâ causâ milites & nobiles, aliaquæ permulti non solum promiserunt, sed etiam servârunt perpetuam castitatem, plerique etiam virgineam puritatem & integritatem. Eratquæ in ejus domo tanta omnium charitas, tanta morum maturitas & honestas, tanta pax, pietas, benignitas, puritas, ut dempto habitu potius ibi benè institutum Monasterium, quàm Aula Comitum videretur.

## §. III.

## De Dulia &amp; Honore Sacerdotum, &amp; Servorum DEI.

**I**ncitamenta. *Eccl.* In tota anima tua time Dominum, & Sacerdotes Illius sanctifica. In omni virtute tua dilige Eum, Qui te fecit, & Ministros Ejus nè derelinquas. Honora DEUM ex tota anima tua, & honorifica Sacerdotes, & propurga te cum brachiis. Da illis partem, sicut mandatum est tibi, primitiarum & purgationis: & de negligentia tua purga te cum paucis. *S. Ignatius ait:* Sacerdotium est omnium bonorum, quæ in mundo sunt, qui adversus illud fecerit, non hominem ignominiam afficit, sed DEUM. *S. Chrysostomus:* Rex caput submittit manui Sacerdotis, & ubique in veteri scriptura Sacerdotes ungebant Reges.)) Christus Dominus Sacerdos Moysaicos est veneratus, mittens ad eos leprosos à se sanatos, cum diceret: *Ite, ostendite vos Sacerdotibus.* Constantinus magnus quanto honore prosequeretur Sacerdotes & Episcopos in Concilio Nycæno congregatos, describit *Eusebius*, dum ait: Significabant hoc (id est reverentiam) oculi submissi, rubor in vultu, decens ingredientis motus, morum humanitate, imperialisquæ clementiæ mansuetudine permixtâ &c. positâquæ modum.



dicâ quâdam sede, non sedit, priusquam ab Episcopo annueretur. *Et inferius*: Unumquemque illorum pro cuiusque dignitate, magnificis muneribus honorabat. *S. Magdalena de Pazis* Sacerdotes & Prælatos Ecclesiæ ex magna reverentia nominare solebat Christos, Divinos, illosquæ ita venerabatur, sicut DEI personam gerentes. De Confessariis, & Patribus Spiritualibus ferè cum inæstimabili reverentia loquebatur, multumquæ contremiscebat, si audiret eos memorari ab aliis Sororibus ex aliqua levi causa, vel inconsiderato sermone, vel denique non cum magna reverentia: in præsentia verò illorum semper cadens super genua, tam diu flectebat, quousque jubebatur surgere: quod servavit toto vitæ suæ tempore. *Basilii Imperator* admonendo filium suum, ita dicit: Summo honore prosequâre Matrem tuam Ecclesiam, quæ te in Spiritu Sancto lactavit, & tuo capiti, ad DEI per Christum laudem, coronam imperii imposuit &c. Honora ergo Ecclesiam DEI, ut tu vicissim à DEO in honore habeari, & Sacerdotes ejus reverere tanquam Spirituales Patres & Deprecatores pro nobis apud DEUM. Honor enim, qui Sacerdotibus habetur, ad DEUM refertur. Et sicut propter te ministros tuos in honore habere justum est; ita & propter DEUM Sacerdotes ejus magnificere, & in pretio habere, sanctum. Sicut autem honor, qui eis deferretur, ad DEUM pertinet; ita eorum contumelia & contemptus longè etiam gravius ejus iram provocat.

*In vita S. Magdalena de Pazis*  
*Basil. Imper.*  
*ad Leonem Filium.*

#### §. IV.

#### De Hyperdulia, seu cultu Humanitatis Christi Domini.

*Patet ex* **E**jusmodi Hyperdulia, est actus virtutis, quo Humanitati Christi, promodò dictis propter excellentiam unionis ad Personalitatem Filii DEI, honorem & cultum specialem super omnes puros homines & Angelos deferimus. *Subf. 7. de Dulia & Hyperd.* Verum quod DEUS conjunxit, homo non separet: ideo svadetur cultus & devotio exercenda potius erga Christum, quàm DEUM-Hominem, quàm erga solam ejus Humanitatem: Sufficitquæ scire, Christo, quàm DEO cultum laureuticum, quàm ejus Humanitati hyperdulicum, deberi. *Vide suprâdi Et de Adoratione.* *Illicita*



*Illicia* ad cultum & devotionem erga Christum habentur simul, ubi egimus de amore DEI-Hominis: ad quod servit & excellentiæ Christi consideratio: de qua infra parte 3. tract. 2. c. 2. 1. 2. tra. 2. c. 3. sect. 3.

*Praxis* colendi Christum, ejusque mysteria, simul cum Motivis & exemplis in hac materia edidit R. P. Paulus de Barry nobilissimo libello intitulo *Hagiophili Blanditiæ Sanctæ*. Qui cum obvius sit, ad eum devotum Amatorem JESU pro suo voto ferventem remittimus. Patent & alii similes Tractatus, tum pii Libelli, quibus Praxes devotionis & cultus Christi Domini ejusque mysteriorum passim porriguntur. Vide quoque nostrum Incensum Orationis.

## §. V.

## De Hyperdulia, seu cultu Deiparæ.

**E**jusmodi Hyperdulia, est actus virtutis, quo post Christum Beatissimam Virginem MARIAM, ob dignitatem Maternitatis DEI, eminentiori veneratione & cultu supra alias Creaturas prosequimur.

Motiva devotius colendi Virginem DEIPARAM pariter servata cum dilectione erga MARIAM vide. Deinde ad æstimationem, cultumque ejus majorem facit notitia Excellentiarum ejus, de quibus infra sub Fine Supernaturali. 1. 2. tra. 2. c. 3. sect. 5. p. 3. tra. 2.

*Praxis* simul & Motiva plura exercendæ devotionis, & cultus Beatissimæ Virginis, pro cujusque genio & Spiritu frequentia & obvia habentur in piis libris, libellisque. Vide Paradisum P. Pauli de Barry: Tum quoque nostrum Incensum Orationis. c. 2.

## §. VI.

## De Dulia, seu cultu Sanctorum.

**E**ST autem hæc Dulia, Virtus, quæ ob excellentiam gratiæ & virtutis in Sanctis relucens, eos piis actibus & affectibus veneramur & colimus.

Motiva cultus Sanctorum. *num.* Josue videns stantem virum evaginato gladio, ait: Noster es an adversariorum? At ille: Josue c. 5.



3. Reg. c. 18. ille: Nequaquam, sed Princeps sum exercitus Domini, & nunc venio. Cecidit Josue pronus in terram, & adoravit. Reg: Abi-  
 Psalm. 72. as quoque vir sanctus adoravit Heliam pronus in terram, nem-  
 pe adoravit ut virum Sanctum. Rex David sic canit: Mihi au-  
 tem nimis honorificati sunt amici tui DEUS, nimis confortatus  
 est principatus eorum.

S. Joann. Da- 2dum. S. Joannes Damascenus: Honorare decet Sanctos,  
 masc. de fide ut Amicos Christi, ut Filios, & Heredes DEI. S. Hieronymus: Ho-  
 Orthod. lib. 4. noramus Servos, ut honor Servorum redundet ad Dominum.  
 c. 16. S. Ambrosius: Quisquis honorat Martyres, honorat & Christum,  
 S. Hieron. E. & qui spernit Sanctos, spernit & Dominum.

pist. ad Ripariū. 3tium ab Exemplis. I. Si quis mihi ministraverit, hono-  
 S. Ambros. rificabit eum Pater meus. II. Christus Dominus magno hono-  
 serm. 6. in fine. re affecit suos Discipulos, eorum pedibus submittens se, eosque  
 Joann. 12. lavans. III. Laurentius Surius in agone omnes Sanctos, quorum  
 Barry in præ- vitas in tomis suis descripsit, spectabiles habuit, ab iis robur &  
 fat. foed. sanct. auxilium in illo periculo accepit. IV. Cum S. Mechthildis in  
 Ibidem. festo S. Agnetis ardorem illius meditata affligeretur, quod non-  
 dum perinde ut illa totis animis DEUM amasset, Servator S.  
 Agnetem jusfit omnia sua bona opera illi dare. Unde illa in-  
 tellexit, DEUM Sanctis hanc gratiam & potestatem fecisse, ut  
 quæ ipsi pro Christo egere, aut passi sunt, possint cum iis dividere,  
 quos charos & devotos sibi è mortalibus habent. V. Religi-  
 osus quidam ex ordine Eremitarum S. Augustini, cum per octo  
 dies ad festivitatem omnium Sanctorum per orationem & fe-  
 veram corporis castigationem sese præparare, & festum ipsum  
 per totos octo dies maximâ, quâ poterat, devorione celebrare  
 consvesset, tandem ipso omnium Sanctorum festo defunctus, post  
 mortem cuidam per quietem pulcher & jucundus apparuit, di-  
 xitque, se felici omnium Sanctorum locietate ac collegio gau-  
 dere, gavisurumque æternum. VI. Tempore quo S. Mechthil-  
 dis agonizabat, visi sunt Sancti, dum Litanie recitabantur, sin-  
 guli ad suum nomen incredibili gaudio assurgere, ac demissi co-  
 ram DEO in genua, merita sua pro moriente offerre. VII. Al-  
 teri cuidam moribundo B. Virgo inter SS. Apostolos Petrum &  
 Joannem, cum omnibus Apostolis aliis, Martyribus, Confessori-  
 bus,

In vitis hujus  
 Ord.

Paulus Barry  
 foed. c. 10.

Valerian. Prati  
 p. 2. l. 4. c. 8.  
 pag. 471.

bus.  
 manu  
 & San  
 thelau  
 lisejeci  
 tebit, q  
 vestrum  
 modum  
 IX. F  
 tus à m  
 neglig  
 conver  
 tuam te  
 tum No  
 est, &  
 ratus, v  
 in deli

Foedu  
 Oratio

Mo  
 le  
 davit d  
 portabu  
 stolas:  
 si prop

tas an  
 navit  
 lum, &  
 sum m  
 cum Ch



bus, Virginibus, in suos choros distinctis, & cereos accensos manuferentibus aderat, eumquē in cælos deducebat, quod sibi, & Sanctis omnibus unicē devotus fuisset. VIII. Cū Mithgarius thesaurum Ecclesiæ cujusdam auferens famulos S. Remigii flagellis eiecisset, iisque S. Remigium invocantibus dixisset: Modò parebit, qualiter vos S. Remigius adjuvabit: videte quomodo in vestrum adjutorium veniat: subito vociterari, stupendum in modum intumescere cœpit, & tandem omnino medius crepuit. IX. Frater quidam Ordinis S. Francisci, cū S. Barbaræ devotus à multis per eam periculis defensus fuisset, tandem solita negligens obsequia, audit ab illa in somno apparente: Tu me consuetis obsequiis dereliquisti, & ego solitis adjutoriis destituam te. Et ita evenit, nam frater primū Apostata factus, tum Norimbergam profectus, brevi ad extrema ibi deductus est, & licet à P. Conrado, Ordinis Socio ad resipiscentiam invitatus, vestem religiosam denuò oblatam abiecit, sicquē miserē in desperatione perit.

Quoad *Praxim* tum plura Motiva cultūs Sanctorum vide Fœdus Sanctum P. Pauli de Barry, nostrum quoquē Incensum Orationis.

## PUNCTUM I.

## De Cultu SS. Angelorum Custodum.

**M**otiva ad cultum SS. Angelorum Custodum eliciuntur ex sequentibus. *imū. Psalm:* Quoniam Angelis suis mandavit de te, ut custodiant te in omnibus viis tuis: in manibus portabunt te, nè fortè offendas ad lapidem pedem tuum. *Apostolus:* Omnes sunt administratorii Spiritus, in ministerium missi propter eos, qui hereditatem capient salutis.

*2dum. S. Hieronymus.* Vide, ô homo, quanta sit dignitas animæ, & quanti eum æstimet ipse DEUS, qui à momento nativitatis tuæ assignatum tibi de cælo voluit Custodem Angelum, & hunc tantæ Potentiæ, ut citius ictu oculi possit universum mundum invertere: tantæ Majestatis, ut S. Joannes, tamen cum Christo ipso familiariter conversari soleret, ad conspectum



Angeli provolveretur in terram, eum adoraturus, tam inexpli-  
cabili scilicet ipsius vultus dignitate, & claritudine coruscabat.  
Et tamen, ô homo, hic Angelus tam potens, tam splendidus,  
ac venerandus, abs DEO tibi in Tutorem adjungitur. *Idem:*

*Idem super* Magna dignitas fidelium animarum, ut unaquæque habeat ab  
*Matth. 23.* ortu nativitatis in custodia sui Angelum deputatum, imò plures.

*S. Aug. Solil. 6. 27.* *S. Augustinus:* Magna sunt beneficia tua Domine, quibus nos  
honorasti, dans nobis Angelos tuos in ministerium nostrum:  
dederas enim nobis, quidquid cæli ambitu continetur, & quasi  
parva reputas hæc, quæ sub cælo sunt, nisi adderes ea, quæ su-  
per cælum sunt. *S. Bernardus:* Fidelis Paranympus discurre  
medius inter dilectum & dilectam, vora offerens, & referens  
*Ibidem.* dona, excitat istam, placat illum. *Idem:* Angeli nostros sudo-  
res, non suos: nostras non suas lachrymas offerunt DEO, no-  
bis quoque ejus munera referunt. *Idem:* Ipsi amant nos, quia  
Christus nos amavit. Dicitur cerè vulgari proverbio: Qui  
me amat, & canem meum amat. Nos verò ô Beati, catelli su-  
mus Domini illius, quem tanto affectu diligitis, catelli autem  
cupientes faturari de micis, quæ cadunt de mensa Dominorum  
nostrorum, qui estis vos.

*Gvil. Baldef. 3. 2. sim. c. 2.* *3. 1.* *S. Francisca Romana* duos semper secum Ange-  
los habebat, unum ex Archangelorum choro, qui nunquam ab  
ea discedebat, & alium ex quarto ordine, qui non quidem as-  
siduè, sed frequenter tamen se illi ostendebat. Hos sæpè præ-  
sentibus aliis, sed nihil videntibus, hæc ferè specie intuebatur,  
Vestes erant candore plerumque niveo, aliquando cæruleo, ra-  
rius purpureo colore, alter impressa semper in crucis modum  
brachia pectori apprimebat, alter ex auro, tres palmæ ramulos  
dextrâ præferebat; uterque quamvis vicini essent Virgini, (al-  
ter enim semper dextrum claudebat pectus) in cælum defixos  
habebat oculos: utrique promissa & aurea cæsaries: utrique  
ea claritas vultus, ut præ altero sol ipse minùs luceret, præ alte-  
ro nubeculæ instar obscuræ videretur. *2.* *S. Isidoro Agricola*  
pietati & orationi in templo vacante, *S. Angelus Custos* illius la-  
trato interea terram sulcabat. pascebat mulos, & lupos à gregi-  
bus arcebat. *3.* *Pater Bernardus Colnagus Romæ* frequentissi-  
mè

*Vita.*

*Vita.*



mè Angelum Custodem suum viderat, à quo, quotiès cunque, in occasione venialis peccati fuit, admonitus est. 4. Pater Petrus Faber secundam feriam semper S. Angelo Custodi dedicavit, eiquè se de nocte ac die jaculatoriis precibus ardentissimè commendabat. Idem quoties oppidum aut pagum ingressus est, prius Archangelum, Angelosquè custodes ejus loci in auxilium vocabat.

4<sup>ta</sup>um. 1. Gentiles videntur agnovisse Angelicam custodiam, dum effectus quosdam fortuitos, quos Philosophi casus contingentes dixère, considerantes, cum eorum rationem naturalem investigare non possent, Angelis tribuère, quos profano vocabulo Lares, id est, Deos particulares domorum dixère, & Genios, id est, protectores personarum suarum. 2. Aristoteles ad Alexandrum Magnum inter alia scripsit: An nescis, quòd teste Hermogene, duo sunt Spiritus, qui te custodiant, quorum unus stat ad dexteram, & alius ad sinistram, custodientes, & scientes opera tua, & referentes Factori tuo, quidquid feceris? Hoc solum in veritate debet te, ô Alexander, retrahere ab omni inhonesto opere.

Hist. Soc. l. 3.  
n. 29.

Albert. c. 3.  
de Ang. Cust.

Arist. in lib.  
de Secret. Se-  
cretorum.

Præxim colendi S. Angelos Custodes vide in nostro Incenso Orationis.

## PUNCTUM II.

### De Cultu S. Josephi, Sponsi Virginis Matris.

**M**otiva colendi S. Josephum. I. Ejus summa dignitas & excellentia: de qua vide *suprà* Primâ parte C. 1. Sect. 2 Subsc. 2. & Tertiâ parte Tr. 2. C. 2. Sect. 5. II. Qui amat & colit JESUM, ac MARIAM, ex illorum amore diliget quoquè & colat S. JOSEPHUM, illius Nutritivum, istius Sponsum. Hinc mellifluus Doctor super illa verba Evangelii: Et erat subditus illis, ait: Quis quibus? DEUS hominibus. DEUS inquam, cui Angeli subditi sunt, cui Principatus & Potestates obediunt, subditus erat MARIE. Nec tantum MARIE, sed etiam JOSEPH propter MARIAM. III. Amandus, & colendus est S. JOSEPH in vim gratitudinis, quòd Filium DEI venientem in hunc

S. Bern. hom.  
1. super Mat.  
sus est.



hunc ingratissimum mundum ( eo rejiciente & persequente ) nomine omnium Electorum, cum Virgine Matre primus adoraverit, salutaverit, osculatus, amplexatusque fuerit, suscepit, paverit, aliaque solatia, & fomenta præstiterit, nobis dulcem JESUM, Angelicæ & humanæ felicitatis principium & centrum educaverit, tutatus fuerit, & conservaverit, idque labore manuum suarum, singulari affectu, curâ, & sollicitudine. IV: Similiter quia Beatissimam Virginem, Matrem nostram amabilem, delictum universi, omni honore, & purissimo dilectionis affectu est prosecutus, cuncta ei ad nutum devotissime providens, eam tuens, defendens, & in omnibus fidelissime ac prom-

P. I. c. 1. sect. 2. subs. 2. & p. 3. tr. 2. c. 2. sect. 5. praisimè illi serviens. V. Quia Pater celestis S. JOSEPHUM tanto amore & honore ipso effectu sublimavit, quantus post Maternitatem DEI major cogitari nequit, ut ex ejus prærogativis supra, & alibi descriptis patet. VI Quia Dominus noster JESUS

CHRISTUS existens in terris, eum ut Patrem suum adoptivum & dilectissimum incomparabiliter amavit, & honoravit, quod

Carol. Sten-  
gel. hist. vite  
S. Josephi c. 15. ipsum nunc quoque in cælis facit. Hinc Stengelius ait: Sic-  
cut Christus ipse in terris tanquam patri ad nutum obsecun-  
davit, ita in cælis acceptæ ab eo beneficentiæ non immemor,

“ ad nutum eidem tanquam patri affectu filiali, quem ab infan-  
tia concepit, ac perpetuò conservavit, ad nutum in cælis obe-  
dit. VII. Quia DEI Mater ipsum ut Sponsum, providorem,

ac tutorem suum peculiari dilectione ac veneratione coluit.

VIII. Quia Cælites ad JOSEPHI nomen pronunciatum, reverentiæ gratiâ, sua dimitunt capita, ut ex quadam revelatione habetur. IX. Quia antiquitus colebatur, & nunc in Ecclesia DEI erga hunc Sanctum magna capit incrementa devotio. Ab-

Tritheimus  
lib. 2. de B. V. c. 12. “ bas Tritheimus loquens de Carmelitarum ordine ait: Sunt præ  
cæteris multis de primæ institutione sui Ordinis B. M. DEI

“ Genitrici, semper immaculatæ MARIE, singulari famulatu  
“ devotissimi, & in veneratione SS. pietissimâ celebratione,

“ Religionis præcipuæ. Maxime autem honorant Dominicam  
“ Parentelam, Divum videlicet Joachim Nazarenum, & Sanctissi-

“ mam Conjugem ejus Annam, Parenthes intractæ Virginis Matris  
“ DEI, Sanctum quoque Joseph, Sponsum Domine nostræ ))

Hujus



Hujus devotionis eximia imitatrix fuit *S. Teresia*, eamquæ mirificè propagavit. Placet aliqua ex ejus dictis incentiva devotionis in hunc Sanctum afferre. Ait ergo hæc *Seraphica Virgo*: In Patronum & Dominum selegi gloriosum Virum Sanctum Josephum, ejusquæ me patrocínio unicè commendabam. Liquidò deinde perspexi Sanctum hunc Patrem, & Dominum meum, tam ab hac me necessitate, quàm aliis majoribus, in quibus de animæ meæ honore & perditione agebatur, liberâsse. *Item ait: riogr.*

Non memini me aliquid ab eo petiisse, cujus me compotem non reddiderit. Nam aliis (inquit) Sanctis gratiam DEUS dedisse videtur, ut in una necessitate invocantibus se opitulentur, sed hunc gloriosum Virum ego experta sum in qualibet necessitate adjuvare & adesse. Neminem novi, qui cum vero ex animo illi devotus esset, particularibus quibusdam obsequiis eum coleret, non plus per ejus opem visus sit in virtute profecisse, mirum enim in modum illos, ut in ea proficiant, juvat, qui se ei commendant. Speciatim illi, qui Orationis studio tenentur, semper eum Patronum deligere deberent, & erga eum affici. Qui Magistrum & Instructorem non habet, à quo orandi rationem & modum discat, gloriosum hunc virum in Magistrum deligat, & eo præeunte haud errabit.)) Deinde eidem Sanctæ à Beatissima Virgine revelatum, gratissimum illum esse cultum, qui fit Sponso suo S. JOSEPHO. Unde *Stengelius* hæc de S. Teresia inquit: B. Teresia, fundatrix Carmelitarum Excalceatorum, per intercessionem S. Joseph, cui devotissima fuit, sanitatem corporis non semel consecuta, gravissima quæque ac stupenda peregit, Monasteria plurima Ordinis sui sub ejus invocatione fundavit, & quosque eum in necessitatibus invocare docuit.

Præxim colendi S. Josephum, vide in nostro Incenso Orationis.

## SUBSECTIO VIII.

### De Obedientia.

**O**bedientia est virtus, quâ tacitum vel expressum præceptum Superioris adimpletur. Nomine taciti seu interpretativi præcepti, intel-

X x

*7. D. Thom. 2.*

*2. q. 104. a. 2.*



intelligitur voluntas Superioris, quomocunque innotescat. Et tantò videtur obedientia promptior, quantò expressum præceptum obediendo prævenit, voluntate Superioris intellectâ. ))

*Ibidem a. 4.*

Nomine *Superioris*, cum primis intelligitur DEUS: quia sicut DEUS est primus Motor omnium, quæ naturaliter moventur, ita etiam est primus Motor omnium voluntatum. Et ideo sicut naturali necessitate omnia naturalia subduntur Divinæ motioni, ita etiam quâdam necessitate justitiæ omnes voluntates tenentur obedire Divino imperio. )) 2dò. Nomine *Superioris*, intelligitur homo, qui potestate acceptâ à Summo Motore voluntatum, easdem dirigit ad finem naturalem, si civilis est Superior: vel supernaturalem, si Spiritus: quibus obediendum est: quia DEUS pro hac rerum providentia, ordinariè inferiora, non nisi per superiora, quæ sunt media inter DEUM & inferiora, movet, disponit, ac gubernat. Unde obediendum Superioribus, non quasi hominibus placentes, sed tanquam Christo, qui est Rex Regum, & Dominus Dominantium, cujus Vicarii sunt ac locum tenentes Superiores.

*V. ibid. a. 5.*

Ceterum (juxta D. Thomam) sicut Superiores non possunt præcipere ea, quæ sunt contra voluntatem altiorum Superiorum, tum ipsius DEI; neque ea præcipere queunt, ad quæ se non extendit ratio Superioritatis eorum, ut v. g. ratio Superioritatis Ducalis non extendit se, ut militibus præcipiat circa Oeconomiam exercendam, sed non nisi circa bellum gerendum; ita si præcipiant, non tenentur ipsis obedire: quia limitatam homo superior habet potestatem præcipiendi, & non nisi ad quædam determinata, sicut DEUS omnimodam & absolutam tenet potestatem omnia ex imperio agendi.

*Ibid. a. 2.*

Dupliciter Obedientia accipitur, 1mò pro executione cujuscunque, quod potest cadere sub præcepto, & inobedientia, pro omissione ejusdem ex quacunque intentione: sic obedientia erit generalis virtus, & inobedientia generale peccatum. 2dò. Obedientia accipitur, secundum quod respicit per intentionem formalem rationem præcepti, & ita erit specialis virtus, & inobedientia speciale peccatum. Secundum enim hoc ad obedientiam requiritur, quòd impleat aliquis actum justitiæ, vel alterius



alterius virtutis, intendens implere præceptum, & ad inobedientiam requiritur, quod actualiter contemnat præceptum. ))  
 Addo 3<sup>to</sup>. Aliud esse cum obedientia operari, videlicet sub tacita vel expressa Superioris licentia, nè taliter operans peccet contra legem vel votum obedientiæ; & huiusmodi actus est indirectus obedientiæ, quippe cum licentia operans intendit non lædere Superioris præceptum; quanquam potest quandoque esse actus malus ex improbitate & imprudentia petentis & operantis, etsi ex parte Superioris concedentis non sit actus malus, qui connivet imperfectioni subditi, pejora evitare volens: & talis actus nullius erit virtutis, imò delictum. Aliud est ex obedientia operari, nempe placita Superiorum exequi ex motivo honestatis, obedientiæ, vel beneplaciti Divini, qui actus obedientiæ erit directus.

1<sup>a</sup>ma Conditiō Obedientiæ est *Promptitudo*, quæ redditur prompta hominis voluntas ad implendam voluntatem alterius, scilicet præcipientis. Ubi cautè advertendum est, præcepta quæ implentur propter propriam voluntatem, id est, quia ultro tendit voluntas propria in objectum præceptum, utpote de se bonum sibi què conveniens, ita non videtur exerceri actus obedientiæ, sed potius propriæ voluntatis. Si tamen idem præceptum, etsi bonum voluntati propriæ, & accommodum, tamen devotè & promptè impleatur, quia præceptum est, per hoc non fit minus laudabilis obedientia, quàm si exerceretur in adversis sibi præceptis, in quæ non ex propria tendit voluntate; utpote sibi disconvenientia, sed merè ex imperio movetur alieno. S. Bernardus: Fidelis obediens, inquit, nescit moras, fugit crastinum, ignorat tarditatem, præripit præcipientem, parat oculos visui, aures auditui, lingvam voci, manus operi, itineri pedes. Totum se colligit, ut imperantis compleat voluntatem. Et S. Benedictus in Reg: Perfecta obedientia sua imperfecta relinquit. Psalm: In auditu auris obedivit mihi.

2<sup>a</sup>da Conditiō est obedire *Simpliciter*, quæ est cæca obedientia adeò commendata à SS. Patribus, id est, sinè dijudicatione præcepti, quod tamen est in se bonum vel indifferens, (nam in malo maledicta est obedientia, sed totaliter submitiendo su-

V. ibidem a.

2. ad 3.

S. Bern. Serm.

de virtute O-

bedientiæ.

Psalm. 17.



um iudicium & voluntatem arbitrio alterius. Hinc *S. Bernardus* supra illud *Actor. 9.* Domine quid me vis facere? inquit: O! *Serm. I. in Con-* verbum breve sed plenum, sed vivum, sed efficax, sed dignum *vers. S. Pauli.* omni acceptione, quam pauci inveniuntur in hac perfectione, obedientiæ forma, qui suam ita abjecerunt voluntatem, ut nè ipsum quidem cor proprium habeant, & non quod ipsi, sed quid Dominus velit, omni horâ requirant, dicentes sinè intermissione: Domine, quid me vis facere? Et illud *Samuelis: Loquere Domine, quia audit servus tuus.* Heu! plures habemus Evangelici illius cæci, quam novi Apostoli, imitatores. Quid vis (ait Dominus ad cæcum illum) ut faciam tibi? quanta est miseratio tua Domine, quanta dignatio tua? Siccinè Dominus quærît, ut servi faciat voluntatem? Verè cæcus ille, quia non consideravit, non expavit, non exclamavit. Absit hoc Domine, tu magis dic, quid me facere velis. Sic enim decet, sic omninò dignum est, non meam à te, sed à me tuam quæri & fieri voluntatem. Videtis fratres, quia verè necessaria erat hoc in loco conversio? Sic profectò, sic multorum usque hodie pusillanimitas & perversitas exigit, ut ab eis quæri oporteat. Quid vis ut faciam tibi? Non ipsi quærant, Domine quid me vis facere? Considerare necesse habent ministri & vicarii Christi, quod sibi præcipi velint, non ipsi considerant, quæ voluntas sit præceptoris. Non est obedientia eorum plena, non in omnibus parati sunt obsequi, non per omnia sequi proposuerunt eum, qui non suam, sed Patris venit facere voluntatem. Discernunt, & dijudicant eligentes, in quibus obediant imperanti, imò in quibus præceptorem suum ipsorum necesse sit obedire voluntati. Huiusmodi itaque etsi tolerari se videant & condescendi, ac moram geri infirmitati suæ, proficiant obsecro, pudeatquè semper parvulos inveniri, nè quando fortè audiant: Quid debui vobis facere, & non feci? & abutentibus patientiâ & benignitate Prælati, fiat tandem multitudo exhibitæ miserationis cumulus iustæ damnationis.

Gradus



*Gradus Obedientiae ex aurea Formula D. Bonaventurae  
de grad. virtutum c. 2.*

**O**bedientiae altus gradus est, obedire Creatori, Redemptori, Remuneratori nostro, qui vult commune bonum nostrum in praesenti & in futuro: cui obediendum est merito in omnibus praecceptis & prohibitionibus, quia nihil praecipit, nisi ducat nos ad summum bonum; & nihil prohibet, nisi abducatur nos à summo bono. Altior videtur obedientiae gradus quodammodo esse, cum obedimus homini in persona DEI, quasi obediremus ipsi DEO: quia DEO tenemur obedire propter praedicta, sed non homini tenemur, nisi propter DEUM. Cum obedimus, inquam, homini perfecto & discreto, qui omnia cum discretione & deliberatione imperat. Altissimus autem videtur gradus obedientiae, cum obedimus homini indiscreto, & dyscolo, & despecto, in persona DEI, qui multa imperat cum impetu, & sine discretione & deliberatione. Unde Petrus: Servi obedite Dominis, non tantum bonis, & modestis, sed etiam dyscolis. Haec est enim gratia apud DEUM. Quasi dicat, non est meritum magnum bonis & modestis obedire; tamen cautè videatur, nè obediatur contra salutem.

Item aliqualis gradus est obedientiae in eo, quod homini svave est, & leve. Altior est, obedire in eo, quod grave est, & ad breve tempus. Altissimus, obedire in eo, quod grave est ad longum tempus, vel usque ad mortem. In hoc gradu stetit Christus, cum obedivit Patri suo usque ad mortem, à principio vitae turpissima sustinendo.

Item aliqualis est gradus obedientiae, obedire propter timorem poenae inferendae propter inobedientiam, sicut saepe contingit. Altior est, obedire propter spem gratiae in praesenti, & propter amorem gloriae in futuro, quod etiam saepe contingit. Altissimus est, obedire propter neutrum horum, sed purè propter DEUM, quia DEUS Dominus noster est, & nos servi ejus.

Item altus gradus est obedientiae, implere verbum Praelati propter DEUM. Altior, implere nutum. Altissimus, implere

*Graduum  
Obed. Ordo.*

I.

*1. Petr. 2.*

II.

III.

IV.



Joann. 6. plere voluntatem; sicut Christus dixit: Non veni facere voluntatem &c. Et iterum: Si fieri potest, transeat &c.

V.

Item aliqualis gradus est, cum mandatum differtur, & tamen impletur. Altior, cum statim perficitur, sed tamen cum murmure & involuntariè. Altissimus, cum statim perficitur, sponte, & cum magno desiderio.

*Incitamenta* Obedientiæ hæc afferuntur. *imum.* DE-

Josue c. 10. US obedit obedientibus sibi: hinc ad imperium Josue bellantis bellum Domini, stetit sol in medio celi, & non festinavit occumbere spatio unius diei, obediente Domino voci hominis, & pugnante pro

Psalm. 144. Israel. Et Psalmista canit: Voluntatem timentium se faciet. Reg:

1. Reg. 15. Nunquid vult Dominus holocausta & victimas, & non potius ut obediat voci Domini? Melior est enim obedientia, quam victimæ, & auscultare magis quam offerre adipem arietum: quoniam quasi peccatum ariolandi est repugnare, & quasi scelus idololatriæ nolle acquiescere. Eccl: Qui custodit præ-

Eccl. 8. ceptum, non experietur quidquam. Prov: Vir obediens loque-

Prov. 21. rur victorias. Hinc D. Gregorius: Cum hominibus pro DEO

D. Gregor. lib. 4. in 1. Reg. subjicimur, superbos spiritus superamus. Cæteris quidem virtutibus dæmones impugnamus, per obedientiam vincimus. Victores ergo sunt, qui obediunt, quia dum voluntatem suam,

6. 10. aliis perfectè subjiunt, ipsi lapsis, per obedientiam dominan-

S. Laurent. tur. Et S. Laurentius Justinianus ait: Sicut sinè Duce non conficitur de victoria, ac sinè gubernatore non pervenitur ad portum: ita & absque obedientia impossibile est in vitæ hujus pelago non periclitari. Illa enim facit hominem triumphare.

Hebr. 13. v. 3. Apostolus præcipit: Obedite Præpositis vestris, & subjacete eis. Ipsi enim pervigilant, quasi rationem pro animabus vestris reddituri, ut cum gaudio hoc faciant, & non gementes. Hoc enim non expedit vobis. Et Philipp: Itaque charissimi mei, sicut semper obedistis, non in præsentia mei tantum, sed multò magis nunc in absentia mea, cum metu & tremore salutem vestram operamini.

D. Thom. 2. 2dum. Angelicus Doctor necessitatem Obedientiæ exinde

2. 2. 104. a. 1. probat: Quia sicut ex ipso ordine naturali divinitus instituto inferiora



inferiora in rebus naturalibus necesse habent subijci motioni superiorum; ita etiam in rebus humanis ex ordine juris naturalis & Divini tenentur inferiores suis superioribus per præcepta moventibus obedire. *Idem S. Doctor* primatum obedientiæ inter virtutes morales tribuit, quas etiam meritorias eadem facit, ita dicens: Inter virtutes morales tantò aliqua potior est, quantò aliquis majus aliquid contemnit, ut DEO inhæreat. Sunt autem tria genera bonorum humanorum, quæ homo potest contemnere propter DEUM, quorum infimum sunt exteriora bona, medium autem sunt bona corporis, supremum autem sunt bona animæ. Inter quæ quodammodo præcipuum est voluntas, inquantum scilicet per voluntatem homo omnibus aliis bonis utitur. Et ideo, per se loquendo, laudabilior est obedientiæ virtus, quæ propter DEUM contemnit propriam voluntatem, quam aliæ virtutes morales, quæ propter DEUM aliqua alia bona contemnunt. Unde *S. Gregorius* dicit in ult. Moral. quòd obedientia victimis jure præponitur, quia per victimas aliena caro, per obedientiam verò voluntas propria mactatur. Unde etiam quæcunque alia virtutum opera ex hoc meritoria sunt apud DEUM, quòd sunt ut obediatur voluntati Divinæ. Nam si quis etiam martyrium sustineret, vel omnia sua pauperibus erogaret, nisi hoc ordinaret ad impletionem Divinæ voluntatis, quod rectè ad obedientiam pertinet, meritoria esse non possent, sicut nec si fierent ex charitate, quæ sine obedientia esse non potest. Dicitur enim 1. Joan. 2. quòd qui dicit se nōsse DEUM, & mandata ejus non custodit, mendax est. Qui autem servat verba ejus, verè in hoc charitas DEI perfecta est. Et hoc ideo est, quia amicitia facit idem velle, & nolle. Hæc *D. Thomas*. Idem: Laudabilius est obedire DEO, quàm sacrificium offerre; quia in sacrificio immolatur aliena caro, per obedientiam autem propria voluntas, ut *S. Gregor.* dicit: Specialiter tamen in casu, in quo loquebatur Samuel, melius fuisset Sauli obedire DEO, quàm animalia pingvia Amalechitarum in Sacrificium offerre contra DEI mandatum. Idem *S. Gregorius* citans ait: Obedientia sola virtus est, quæ virtutes cæteras inserit, insertasquæ custodit; inquantum scilicet actus virtutum operatur causaliter, vel dispositivè ad earum generationem,

D. Thom. 2.

2. q. 104. a. 3.

D. Gregor. lib.

ult. c. 12. ante

med.

NB.

D. Thom. 2.

2. q. 104. a. 3.

ad 1.

Moral. lib.

ult. c. 12.

D. Thom. cit.

2. q. 3. ad 2.

S. Gregor. ult.

Moral. c. 12.



nem, & conservationem. Nam ad obedientiam pertinent

omnes actus virtutum, prout sunt in præcepto. *S. Augustinus*

*S. August. in  
Psalm. 143.*

pulchrè dīscūrrit: Expedi, ut ille, qui sibi subjici vult, quod est inferius, se subjiciat superiori suo. Agnosce ordinem. Tu DEO, tibi caro; quid iustius? quid pulchrius? tu majori, minor tibi: servi tu ei, qui fecit te, ut tibi serviat, quod factum est propter te. Si autem contemnis tu servire DEO; nunquam efficies ut tibi caro. Qui non obtemperas Domino, tor-

*Climachus  
grad. 4.*

queris à servo. *Climachus*: Obedientia, ait, est animæ propriæ perfecta abnegatio, spontanea mors, vita curiositate carens, securum periculum, immediata ad DEUM excusatio, metus mortis contemptio, tuta navigatio, confectum dormiendo iter. Obedientia est sepulchrum voluntatis, discretionis depositio. *S. Antonius* aiebat velocem & compendiosum modum perveniendi ad perfectionem esse obedientiam; quod ut nos doceret Christus, ait se venisse, ut faceret voluntatem, non suam, sed Patris.

*In vitis Pa-  
trum.*

Unde Paulus simplex ex hac doctrina *S. Antonii*, Obedientiæ & simplicitatis merito ad tantum gratiarum culmen ascendit, ut multò plura & potentiora faceret miracula, quàm ipse *S. Antonius*. Legitur in vitis Patrum, quendam vidisse quatuor ordines in cælo. 1. infirmorum & gratias agentium DEO. 2. hospitalitatem sectantium. 3. in solitudine conversantium. 4. O-

*In vitis Pa-  
trum lib. 14.*

bedientium. Utebatur autem, inquit, ordo obedientium tor- que aureâ & coronâ, & majorem quàm alii gloriam habebat, quia alii faciunt sua secundum propriam voluntatem, obediens autem omnes voluntates suas abiciens pender ad DEUM, & ad iustionem Patris spiritualis, propterea & majorem gloriam præ aliis habet. Unde adhortando concludit: Obedientia salus est omnium fidelium, obedientia est genitrix omnium virtutum, obedientia regni cælorum inventrix est. Obedientia cælos aperit, & homines de terra elevat, obedientia cohortatrix Angelorum est. Obedientia Sanctorum omnium cibus est. Ex hac enim ablactati sunt, & per hanc ad perfectionem perve-

*S. Bernardus  
Serm. super  
Cant.*

nerunt. *S. Bernardus*: Bonus obediens dat suum velle, & suum nolle, ut possit dicere, paratum cor meum DEUS, paratum cor meum, paratum quodcunque præceperis facere, paratum ad nutum



nurum citius obedire, paratum tibi vacare, proximis ministrare, meipsum custodire, & in caelestium contemplatione requiescere, amabilis socius, omnibus officiosus, & nulli onerosus, devotus ad DEUM, benignus ad proximum, sobrius ad mundum, Domini servus, proximi socius, mundi Dominus. Superiora habet ad gaudium, æqualia ad consortium, inferiora ad servitium.)) *S. Magdalena de Pazzis* dixit: Faciendo exercitia religiosa, & actus obedientiae: certa sum, quod id sit, facere voluntatem DEI: de quo non sum certa, cum facio orationem, seu alia quanquam bona, & sancta opera, electa ex propria voluntate.

*In vita S. Magdal. de Paz.*

3. *Incitamentum ex Patre Lobner addo pro Religiosis,* *Biblio. Man.* quatenus obedientia sub votum cadit. Quia 1. per votum Obedientiae non tantum corpus proprium, quod per castitatem offertur, nec tantum res exteriores, quae per votum paupertatis DEO consecrantur; sed ipsa voluntas, quae omnibus potior est, dedicatur. 2. Quia votum obedientiae continet sub se alia vota, cum ad votum illud spectet servare omnia, quae sub præceptum cadunt, vel sub peccato obligant, qualia utique etiam castitas & paupertas censentur. 3. Quia votum obedientiae propriè se extendit ad actus Religionis, quantum autem aliquid propinquius fini est, tanto melius censetur. Atque haec tres rationes à Sancto Thoma afferuntur, ex quibus ille deducit, hoc magis esse essentiale votum, quam reliqua, cum illa duo finè obedientiae neutiquam constituent Religiosum, obedientia verò secundum Regulam sola à quibusdam Religionibus, ut Carthusiensi & Benedictina voveatur. 4. Quia virtus obedientiae est origo, materque omnium virtutum. 5. Quia summam cum charitate conjunctionem habet, cum utraque secundum beneplacitum Divinum actiones suas dirigat; utraque sit virtus generalis ad mandatorum custodiam impellens; utraque sit virtutum reliquarum forma & parens: utraque idem cum DEO velle & nolle habeat, licet diversâ ratione, nempe charitas per modum amici, obedientia per modum subditi. Ex quibus omnibus tandem colligitur, obedientiam asserre homini triplicem perfectionem, juxta tri-

*Otit. Obedientia.*



plicem scilicet titulum, secundum quem considerari potest. Nam quatenus simpliciter ut homo spectatur, eum perficit, dum eum in naturalem suum statum reducit, omnesque inferiores potentias rationi, veluti parti superiori subijcit: deinde quatenus politicè, consideratur, ut membrum communitatis, vel reipublicæ, eundem perficit: dum eum suo capiti subordinat, & per hoc ipsam politici corporis incolumitatem conservat: denique quatenus ut Religiosus perfectionis studiosus spectatur, ipsum perficit, dum eum DEO ipsi perfectissimè conjungit, & subijcit, secumque charitatem, & reliquarum virtutum supernaturalium apparatus adducit.

4<sup>um</sup> ab Exemplis. Christus obedientiæ idea: De quo S. Bernardus Bernardus: Disce homo obedire, disce terra subdi, disce pulvis obtemperare. De Authore tuo loquens Evangelista: Et erat subditus illis, haud dubium, quin MARIE & Joseph. Erubescere superbe cinis, DEUS se humiliat, & tu te exaltas? DEUS se hominibus subdit, & tu dominari gestiens hominibus, tuo te prapronis Authori? Utinam! mihi aliquando tale aliquid cogitant DEUS respondere dignaretur, quod, & suo increpando respondit Apostolo; Vade, inquit, post me sathana, quia non scapis ea, quæ DEI sunt. Quoties enim hominibus præesse desidero, toties DEUM præire contendo, & tunc verè non scapis ea, quæ DEI sunt. De ipso namque dictum est: Et erat subditus illis. Si hominis, ô homo, imitari dedignaris exemplum, certè non erit tibi indignum, sequi Authorem tuum.)) Et Apostolus de Christo inquit: Humiliavit semetipsum, factus obediens usque ad mortem; mortem autem crucis. Propter quod & DEUS exaltavit illum, & donavit illi nomen, quod est super omne nomen, ut in Nomine JESU omne genu flectatur, cælestium, terrestrium, & infernorum: & omnis lingua confiteatur, quia Dominus JESUS CHRISTUS in gloria est DEI Patris. Itaque charissimi mei, (sicut semper obedistis,) non in præsentia mei tantum, sed multò magis nunc in absentia mea, cum metu, & tremore vestram salutem operamini.)) Ubi advertite, fuisse Christum obedientem etiam sententiæ iniquissimi sui Judicis Pilati, tum voluntati sceleratissimorum Tortorum suorum,

S. Bernardus  
homil. 1. super  
missus est.

Luc. 2.

Philip. c. 2.



eorum, accommodando suum Sanctissimum corpus ad eorum carnificinam pro ipsorum arbitrio. Et ad Hebr. scribit: Et quidem cum esset Filius DEI, didicit ex iis, quæ passus est obedientiam, & consummatus, factus est omnibus obtemperantibus sibi causa salutis æternæ.

Hebr. 1.

DElpara obedientiæ exemplar. Audiatur Guarricus V Justinum Abbas Serm. 3. de Assumpt. ubi ait: MARIA voluntatem Patris in tantum faciebat, ut de ipsa prædicaret Pater: Vocaberis, voluntas mea in Litaniis Laur. ea. Hinc Beatissima Virgo obediens in mysterio Incarnationis tit. Speculum illo verbo Fiat, plus merita est quam omnes Sancti suis actibus, iustitie. teste S. Bernardino: Elevata quippe est, ut ipse ait, ad infinitatem S. Bernardi- perfectionum & gratiarum, ad imperscrutabilem abyssum cha- nus Serm. 15. rismatum Spiritus Sancti. Audiatur quoque ipsa DElpara, de B. V. quæ apud S. Brigittam lib. Revelat. cap. 42. sic loquitur: Habui abedientiam, quia studui obedire Filio meo in omnibus. Obediens fuit hominibus. Et primò parentibus suis promptissimâ, latissimâ- què voluntate, in omnibus obsecundavit. Sancta Melchilidis quæ per revelationem accepit, hæc de ea refert lib. 7. c. 15. Ab infantia patri & matri usque adeo obsequens & morigera erat, ut nullâ unquam re eos aut offenderit, aut contristaverit. Nec Parentibus modò, sed aliis etiam hominibus (teste S. Epiphanio) quacunque de re cum illis ageret, honori & venerationi fuit. Quo tempore vixit in templo, summam reverentiam Sacerdotibus exhibebat, & Summi Pontificis decretis promptissimè obtemperabat. S. Bonaventura vitæ Christi c. 4. affirmat, B. M. Virginem inter cætera quæ consueverat degens in templo à DEO petere in orationibus, petivisse singularem à DEO gratiam mandatis, & decretis Pontificis templi parendi. Secundò, obedivit Joseph sponso suo per triginta & unum annos (eo enim anno, quo Christus baptisma suscepit, Joseph mortuus esse creditur, secundum Canisium libro tertio, capite tertio) subiecta fuit. In Nazareth eum sequendo: in Bethleem cum Cæsari census esset pendendus, eum comitando: in Egyptum cum eo secedendo. Per septem annos (ex sensu S. Anselmi in Capite secundo Matth.) cum eo continuò manendo, & rursùm in Patriam redeundo. Tertiò, obedivit Cæsari Augusto, homini Ethnicò, cum à Naza-

reth



Luc. 2.

reth in Bethleem nonaginta millia passuum itinere (ut Antonius Aranda in descriptione terræ Sanctæ tradit) idque partui vicina, cum Joseph profecta est, ut profiteretur, hoc est, ut nomen suum inscribi faceret, & nummum censûs capiti positum, penderet; Quo sanè docet, obediendum esse Superioribus, nedum fidelibus & bonis, verum & infidelibus, perversis, ac impiis. Quarto obedit, cum Legi Purificationis spontè se subiecit: quod communis lex vulgaribus foeminis puerperis præscribebat, ipsa non vulgaris, sed singularis, ac proinde non lege obstricta, sed solo exemplo Filii sui mota, executâ est.

S. Bernard.

S. Bernardus ait: Vis audire perfectæ obedientiæ formam? Vidit Dominus (ait Evangelista) Petrum & Andream mittentes rete in mare, & ait illis: Venite post me, faciam vos fieri pisces hominum.

S. Martini.

Idem in festo S. Martini.

Faciam (inquit) de piscatoribus piscatores, imò prædicatores. At illi continuo nihil dijudicantes aut hæsitantes, nihil solliciti unde viverent, nec considerantes, quoniam modo rudes homines, & sine literis, prædicatores fieri possent; nihil denique interrogantes, sine omni mora, relictis retibus, & navi, secuti sunt eum. Idem; Nec sanè dubium, quin ampliorem gratiam mereatur, qui paratum se exhibeat etiam ante mandatum, quam qui obedire satagit post mandatum. Magna quidem obedientia vestra, Angeli Sancti, sed quod dicere audeam pacem vestram nescio an inveniatur in vobis quisque paratus, aliquando in tale ministerium mitti, in quo necesse habeat non videre faciem Patris. Magnum est, Petre, qui Dominum secuturus omnia reliquisti, sed audiui te in monte dicentem, ubi transfiguratus es coram vobis: Domine bonum est nos hic esse, faciamus hic tria tabernacula. Non est hoc: Si adhuc populo tuo sum necessarius, non recuso laborem. Paratum cor tuum Martine, paratum cor tuum, siue manere in corpore, siue dissolvi, & esse cum Christo.

Lobner Bibl. man. tit. Obedientia.

Cass lib. 4. de instit.

Alia exempla ex P. Lobner. Cassianus de Monachis sui avi sic scribit: Confidentes intra cubilia tua, & operi ac meditationi pariter intendentes, cum sonitum pulsantis ostium ac diverforum cellulas percutientis audierint, ad orationem scilicet eos, seu ad opus aliquod invitantis, certatim è cubilibus suis prorumpunt,



ram punct, ita ut is, qui opus scriptoris exercet, quam repertus fuerit inchoasse literam, finire non audeat, sed in eodem puncto, quo ad aures ejus sonitus pulsantis advenerit, summam velocitate profliliens, ne tantum quidem moram interponat, quantum coepta apicis consummet effigiem, sed imperfectam lineam literae relinquens, non tam operis compendia lucrari, quam obedientiae virtutem exequi toto studio atque æmulatione festinet. Quam non solum operi manuum, seu lectioni, vel silentio & quieti cellae, verum etiam cunctis virtutibus ita praeferrunt, ut huic judicent omnia postponenda, & universa dispendia subire contenti sint, dummodo hoc bonum in nullo violare videantur. *Aliud.* S. Dositheus, cum ob delicatam indolem graves poenitentias suscipere non posset, coronam S. Antonio parem per quinque annorum exactam obedientiam promeruit. *Aliud.* Quidam senex, cum Fratres noctu psallerent, Angelum prodeuntem, & calicem cum hostia portantem vidit, in quem intingens signabat frontem praesentium, imò & aliquorum absentium sedes, quia ex obedientia aberant, & licet somno vacarent, commune tamen cum aliis meritum reportabant. *Aliud.* S. Dorotheus de seipso fassus est, obedientiam factum esse, ut in tanta quiete viveret, ut plerumque poeniteret ipsum tantae tranquillitatis, quousque hanc suam tentationem Patri Spirituali expositam intellexit, hunc proprium obedientiae esse fructum. *Aliud.* S. Franciscus Seraphicus de se ita dicere solebat: Inter alias gratias, quas Divina bonitas in me plenam congescit manu, etiam hanc me dignata est, ut animo tam libenti unius horae Novitio, quam cuivis Veterano quamlibet prudenti obtemperarem. *Aliud.* S. Francisca Romana etiam illas res, quas sciebat Divinitus se debere exequi, non exequabatur sine Confessarii consensu, idque DEUS in illa probabat. Eidem S. Brigitta apparens dixit, ut ad imitationem sui nunquam discederet ab obedientia, cum sit vera via operandi mirabilia, & addidit, ut si forte vocaretur ab obedientia, dum cum magna suavitate loquitur cum dilecto Domino, sine ulla mora relinqueret illam conversationem propter obedientiam. *Hactenus Lohner.*

Rodr. p. 3. tr.

S. c. 1.

S. Dorotheus

doctr. 15.

S. Dorotheus

doctr. 5.

L. I. Chron.

p. I. c. 28.

L. I. vit. c.

27. &amp; lib. 3. c.

I 7.

S. Magdalena de Pazzis in primo ingressu ad Novitium

In vita ejus.



procidens ad pedes Magistræ suæ humiliter petiit: Mater mea (inquit) tibi me reddo tanquam mortuam, fac mecum quod tibi placuerit; promitto me fore in omnibus obedientem: Et precor, nè ullam habeas conniventiam humiliandi me, & mortificandi, prout tibi DEUS mandaverit. Eadem Sancta cum voluntatem DEI in ecstasi edocta, ad se reversa, vellet quâdam vice cum Superiorum consensu perficere: isquè negaretur: iterum in ecstasi cum adigeretur ad idem perficiendum, dixit: DEUS meus! quando ero tecum, ero tibi obediens: & cum fuero cum illis, illis obediens ero, digneris ipsi dare lumen in illa valle. Eidem Sanctæ non sufficiebat esse subditam solis Superioribus, insuper subdebat se æqualibus suis, imò longè junioribus se. Elegit itaque unam ex sociabus sororem, cui se tradidit in obedientiam cum tanta humilitate, ut etiam ipsas actiones, quas vel ex imminente necessitate, vel ex Regula, & Constitutionibus perficere debuisset, nunquam illas explebat, sinè illius impetrata facultate: Idquè faciebat ideo, quia novebat benè, gratius esse DEO, facere ex obedientia. Cum verò illam sororem non haberet præsentem, ab aliis sororibus petebat licentiam, quòd si & has non habuisset, tunc apud suas proprias Novitias mendicabat obedientiam. Deinde adedò sincere, promptè, ac hilariter fuit obediens minimæ etiam sorori in culina gubernam tenenti, quasi ipsi superiori Matri. Et in illa enim respiciebat personam jubentis Christi. Docebatquè sibi subditas, quòd hic modus obediendi simpliciter omnibus (nimirum in quolibet præcipiente respiciendo personam Christi) esset præcipuum medium, quo fit in statu religioso maximus fructus, & copiosum in virtutibus sanctissimis incrementum. Addebatquè, quòd anima quælibet, quæ hanc veritatem in corde suo exprimit: Quòd omnis superior sit vicarius DEI, & quidquid statuit, & dicit, quòd sit statutum & dictum à DEO ipso per os ejus; pro hoc acquirit à DEO has quinque præcipuas gratias, imò. Quòd mediante ejus fide DEUS eò amplius se partitur illi superiori, pariter & ejusmodi subdito, qui habet hanc fiduciam ita vivam in corde suo. 2dò Quòd omnis obedientia semper illi erit æqualiter amabilis, sive fuerit molestissima, sive



sta, five etiam accepta. 3<sup>to</sup>. Quod semper invenietur in corde suo pacificus & sine pavore: sentietque intra quoddam magnum gaudium & dulcedinem animæ. 4<sup>to</sup>. Quod eo magis fiet aptior ad juvandum Ecclesiam & oratione, quia JESUS exaudit orationes obedientium: & quidquid petierint, exaudientur propter veram obedientiam. 5<sup>to</sup>. Quod ex animabus obedientibus ipse DEUS efficit sibi coronam: quia sicut corona, monstrat magnificentiam Regiam, ita animæ obediētes magnificant & glorificant DEUM in omnibus operibus suis. Eadem Sancta etiam in profundis ecstasibus ad vocem obedientiæ revertebatur, perficiebatque opus manens ecstatica. Imò videbant sorores sæpe, quod in suis ecstasibus nullam aliam audiebat nec intelligebat vocem, nisi vocem Superioris suæ. Eadem Sancta modò minimum signum haberet voluntatis Superiorum, obediēbat: imò suis modis conabatur semper prævidere voluntatem Superiorum, ut anteverteret oris mandatum. Cæcam, obedientiam, quæ consistit præcipuè in abnegatione proprii iudicii, summè colebat hæc Sancta, ut dixerit: Obedientia expleri perfectè nequit, si non fuerit venundatum proprium iudicium sub voluntatem & iudicium Superioris. Videbaturque ei non esse vera obedientia, etsi quis mandatum expleret, si suum iudicium aliis non subderet, quanquam in rebus sibi contrariè visis. Unde in ecstasibus præcepta sibi à Domino (etsi sciret illa esse à DEO) nunquam perficiebat sinè expressa obedientia Superioris, dumque aliud iudicium Superiorum suorum sentiret, mortificabat suum, subdebatque. Proxima morti facta est, quod ex nulla re maiorem quietem inveniret, quam quod fuisset certa, totâ suâ vitâ nunquam se gessisse juxta proprium iudicium & voluntatem, sed semper imitata fuisset voluntatem Superiorum, & fuisset obediens mandato Patrum Spiritualium.

Beata Catharina Bononiensis dicebat: Obedientia magis sinè dubio est meritoria, quam ulla pœnitentia, quæ fieri potest. Si enim Abraham fuit iustificatus, & tantoperè placuit, quia DEO solum obedivit, quantò magis iustificabitur creatura, quæ pro amore DEI se submittit ad obedientiam servo ipsius DEI. Eadem dixit: Quis dubitare potest de sua salute, si vitam finiat in

In lib. à se  
scripto jubente  
DEO,

6.7. de armat.

obe-



obedientia, quæ suo Domino similiorem facit, quàm ulla alia virtus. Itaque qui vult erigere bonum ædificium, accipiat illam pro suo fundamento, & credat firmiter, se melius salvandum per illam, quàm per ullam poenitentiam, jejunium, & quamvis contemplationem.

*Biblioth.*

*Man. tit. Obedientia.*

*In epist. de obedientia.*

*Lib. de præc. & disp.*

Circa *Praxim* Obedientiæ hæc ex P. Lohner observa: I. Non intueri in persona Superioris hominem obnoxium erroribus atque miseriis, sed Christum ipsum, qui est sapientia summa, bonitas infinita, charitas infinita, qui nec decipi potest, nec nos vult ipse decipere. Quibus verbis S. Ignatius hoc medium svasit, adducens pro illius confirmatione etiam S. Bernardum dicentem: Sive DEUS, sive homo vicarius DEI mandatum quodcunque tradiderit, pari profectò obsequendum est curâ, pari reverentiâ deferendum, modò tamen DEO contraria non præcipiat homo.

II. Firmissime credere: eum superiorem, quem quis habet, à DEO ipsi prædestinatum esse, & quidquid ipse præceperit, DEI præceptum esse: sic enim perinde ut ad credenda, quæ fides Catholica proponit, toto animò, assensuquè nostro statim incumbimus, sic ad ea facienda, quæcunque superior dixerit, cæco quodam impetu voluntatis parendi cupidæ, sinè ulla disquisitione feremur, quemadmodum S. Abraham filium immolaturus fecisse, credendus est. Ita iterum ejusdem ferè verbis hoc remedium

*In dictis P. P. c. 2.*

S. Ignatius commendavit. Quod etiam pius quidam Pater apud Blosium his valde benè notandis verbis svasit: Certò tibi persuade, ipsum Dominum DEUM tuum suâ æternâ sapientiâ ad bonitatem illos prælatos, quos habes in eo, quem aggressus es, statu tibi prædestinasse, & providisse, ac per eos potius, quàm per alios tuam gratiam tibi præstare velle.

*In Epist. cit. de obedientia.*  
*S. Leo l. 4. de atur;*  
*jejunio sept. virtut;*  
*Mensis.*

III. Bene animatum affectumquè esse ad id, quod superior mandatum vel sentit: sic enim fiet, inquit iterum S. Ignatius, non solum ut sinè molestia, sed etiam cum voluptate lætitiaque pareatur: nam, ut est apud S. Leonem, non durâ ibi necessitate ferimus, ubi diligitur, quod jubetur. Pro quo medio facilius prædicando svasit P. Jacobus Alvarez, ut superiores suos quis tanquàm de se benemeritos Patres, & qui non tam esse, quàm benè esse dare soleant, aspiciat, diligatquè.

IV. Omnem



IV. *Omnem affectum inordinatum eruere, præcipuè amoris, & timoris immoderati, quod medium Richardus de S. Victore* Richard. apud Alvar. to. 2. l. 1. *sequentibus verbis prudenter svasit: Duo sunt, quæ solent perfectionem obedientiæ præpedire, id est, nè cogamur vel amata deferere, vel aspera tolerare. Sed si semel animus vel amore abstinentiæ, vel patientiæ perfectè incaluerit, protinus Ruben, id est, timor DEI ad omnem obedientiam absque ulla contradictione se subdit. Qui enim tam aduersa perpeti, quam prosperis non delectari, apud semetipsum statuit, quæ difficultas ejus obedientiam minuere poterit? Si enim dura & aspera quæque pro DEI amore etiam per memetipsum appeto, cur non magis hæc ex adjuncta obedientia, ad majoris meriti gloriam tolero?*

V. *Assuefacere se, ut etiam minoribus se subdat, & obediat: Sic enim non difficulter Majoribus obedientiam præstabit. Quod medium S. Bernardus his verbis suggessit: Parum est, subjectum esse DEO, nisi sis & humanæ creaturæ propter DEUM, sive Abbatem, tanquam præcellentem, sive Prioribus, tanquam ab eo constitutis. Ego plus dico: subdere paribus, subdere & minoribus, sic enim nos decet implere omnem justitiam, & perfectionem obedientiæ.* S. Bernard. Serm. 2. in Cant.

*Vide etiam supradicta, & hic proportionatè applica.*

*Actus interni Obedientiæ, ex Discipl. Claustr. P. Joannis à J. M.*

I. 2. tra I. c.

I. scilicet, 4. subf.

2. §. 2.

I. *Clementissime DEUS, postquam per Superiorem mihi tuum beneplacitum significaveris, firmissimè constituo ei, quasi tibi parere.*

II. *Profectò Sapientissime Domine, quamvis superior homo aegrestis & ignarus esset; quidquid mihi diceret, quasi cælestia oracula susciperem.*

III. *Prosteror Domine, Superiorem meum propter te veneratione dignissimum esse, ac propterea me totum illi libentissimè subdo.*

IV. *Certissimum est Domine, Superiorem meum quasi DEUM esse, aliam ergo Sapientiam vel eruditionem minimè requiram.*



V. Sanè tametsi videretur carnis oculis meis Superior meus stultè loqui, verba vitæ me audire putarem.

VI. Eo certè modo fidelissime Domine, quo tibi obedirem, si te corporeis oculis cernerem, superiori meo parebo.

VII. Absit à me Domine, ut improbem, quod Superior meus probat.

*Actus externi Obedientiæ Christianæ, ex Thesaur. indef.  
Blasii Palma.*

I. Majorum tuorum, Pastoris, Confessarii què vocem, ut Divinum oraculum auscultato: iis, & tum Magistratibus, tum Parentibus, ob-servantiam præstato; eorum dictis obediens esto.

II. Leges Reipublicæ, aut communitatis, in qua vivis, exa-ctè & constanter observato.

III. Multò magis, si filiusfamilias, si servus, superiorum na-tus attendito; imperata mox exequitur.

IV. Si à jussis abhorres, nisi rem malè præcipi liqueat, ob-temperato.

V. Si dura imperantur, concoque, & peragito.

VI. In obediendo causam mandati nè querito, nè excutito, ratio est voluntas & authoritas imperantis.

VII. Obedito autem spontè, sinè mora, sinè tædio, & integrè, quæ his ornamentis caret obedientia, imago & umbra est, non virtus.

SUBSECTIO IX.

De Oppositis Obedientiæ.

V.D. Thom. 2.  
2. q. 104. a. 2.  
ad 2.  
Act. c. 5.  
Ex vitis fra-  
trum Eremita-  
rum D. Augu-  
stin. lib. 2. c. 13.

**P**rimum est, Pseudo-obedientia, seu per Excessum; quæ atten-ditur, non quidem secundum quantum, sed secundum alias circumstantias, inquantum scilicet aliquis obedit vel cui non debet, vel in quibus non debet.)) Contra quod illud servit Petri: Obedire oportet DEO magis quàm hominibus. Hic quoquè servit exemplum de quodam fratre Laico, qui licèt apparebat esse castus, & zelator ordinis; quia tamen dimitte-batur



batur ipsi voluntas propria, & superbè inter fratres conversa-  
batur, & contra Superiores agebat quasi per zelum ordinis, in-  
felix aeternum condemnatus est.

2dum est, per Defectum contradictorie, quæ est Negligentia Obe-  
dientia: quod scilicet minimè quis curat sua opera bona, vel  
indifferentia, ex motivo obedientia peragere. Hoc quantum  
damnum inferat Spiritus lucris cessantis, est ineffabile. Quan-  
doquidem Angelicus Doctor asserat, nullum opus moraliter quo-  
que bonum, esse meritorium, quod non fiat ex obedientia, ut  
præcedenti Subsectione visum. Quod ipsum sufficiat ad excu-  
tiendam Incuriam Obedientia. Huc refertur Imperfecta obedi-  
entia, quæ ex supra positis conditionibus aliquâ carer; sic v. g.  
de Obedientia non libenter & hilariter, sed cum murmure fa-  
cta, S. Benedictus dicit; non fore ejusmodi Obedientiam gra-  
tam DEO, qui respicit cor murmurantis, imò pœnam habitur-  
um ob delictum murmuris. Et sic de aliis.

3tium Oppositum per Defectum contrarie, est Obedientia, quæ  
mandatum Superioris contemnitur. Unde cum sit aliquid con-  
tra præceptum, non propter præcepti contemptum, sed propter  
aliquid aliud, est inobedientia materialiter tantum, & pertinet  
formaliter ad aliam speciem peccati.

Motiva contra Inobedientiam. Christus: Qui vos audit,  
me audit: qui vos spernit, me spernit. Rom: Per inobedienti-  
am unius hominis peccatores constituti sunt multi. Et Hebr:  
Omnis prævaricatio & inobedientia accipit justam retributio-  
nem mercedis. S. Gregorius supra illud 1 Reg. 15: Quasi pecca-  
tum ariolandi est repugnare, & quasi scelus idololatriæ, nolle  
acquiescere, sic ait: Quia velut contempto Divino altari, ad aras  
dæmonum responsa percipiunt, dum cordis sui præcordiis ac  
superbis adinventionibus credunt, & salubribus Prælatorum con-  
ciliis, contraria sentiendo refragantur. Nolle autem acquiesce-  
re, idololatriæ sceleri simile dicitur, quia nimirum in inobedi-  
entia suæ obstinatione non persisteret, si propositi sui figmen-  
tum in corde quasi Idolum non gestaret: dum enim agenda in  
corde concipit, quasi Idolum facit, & dum conceptum mentis pro-  
positum se acturum deliberat, quasi ad adorandum simula-  
chrum

Reg. c. f.

Luc. 10,

Rom. f.

Hebr. 2.



S. Augustin.  
in Psalm. 70.

chrum se inclinat, quasi ergo scelus Idololatriæ est, nolle acquiescere: quia quisquis in propria obstinatus est deliberatione, in maiorem erigitur, quia intus eis, quæ fingendo statuit, propositis suis simulachris incurvatur. S. Augustinus: Sola Obedientia tenet palmam, sola Inobedientia invenit poenam. Ex S. Bernardo vulgare dictum: Cesset voluntas propria, & infernus non erit.

Adam per inobedientiam ejectus Paradiso cum tota stirpe sua, heu! heu! in quantas calamitates temporales, & innumera millia hominum in æternas devenerunt!

Rex Saul ob inobedientiam reprobatus, à Samuele auditur: Pro eo, quod abjecisti sermonem Domini, abiecit te Dominus, ne sis Rex. Et utinam! solum perdidisset regnum terrenum, non verò etiam æternum. Hæc inobedientia Saulis, etsi obtegebatur specie boni, nam quasi ex quadam pietate, seu Religione pepercerat optimis gregibus Amalech in Sacrificia Domini, attamen id ipsum displicuit Domino, qui iusserat omnia interficere in terra Amalech.) Ad propositum, dixerunt quidam Senes: Si videris juvenem voluntate suâ ascendentem in celum, tene pedem ejus, & projice eum in terram, quia non ita expedit ei.

I. 2. tra. 1. c.

I. sect. 4. subf. cificata.

2. §. 2. & 3.

In Praxi contra Opposita Obedientiæ utere convenienter suprâspe-

## SUBSECTIO X.

### De Gratitude.

D. Thom. 2.  
2. 1. 106.

**G**ratia, seu Gratitude est virtus specialis, quâ beneficium à quocunque acceptum, mox affectu summo, re autem tempore opportuno, pro possibilitate, largientisquæ benevolentia, recompensatur.

Dicitur: Virtus specialis: quia etsi eminenter contineatur in Religione, per quam fit gratiarum actio Summo omnium bonorum Largitori; tum in pietate, quâ grati existimus in Parentes, ut nostræ generationis & disciplinæ principia; tum in observantia, quâ gratificamur dignitariis, ob eorum in com-

mune



mune bonum beneficia: Tamen necessaria est alia virtus, quâ cuipiam benefactori, ex quadam honestate, & morali debito, pro privatis & particularibus beneficiis obligatur alter rependere vicem. Dicitur: à quocunque acceptum; quia cùm benefactor sit causa & principium quoddam beneficiati, tenetur is, cui benè fit, suo benefactori cuicunque gratus existere, præcellentibus quidem honorem exhibendo, indigentibus verò, aliquid eorum utilitati & necessitati proficuum exhibendo. Dicitur: mox affectu summo &c. Unde Seneca lib. 2. c. 35. de ben: Vis reddere beneficium? benignè accipe. Idem lib. 4. de ben: Qui nimis citò cupit solvere, invitus debet, & qui invitus debet, ingratus est. Dicitur: pro possibilitate &c. Quia honestatis ratio atque debitum postulat, ut compensatio non tantummodo æquet, sed ut superet acceptum beneficium. Dicitur: largientisque benevolentia &c. Nam recompensatio beneficii potest ad tres virtutes pertinere. Scilicet 1<sup>mo</sup> ad iustitiam, ut fit in mutuo &c. & ibi recompensatio attendi debet secundum quantitatem dati. 2<sup>do</sup> ad amicitiam, quæ est utilis, & ibi recompensatio debet fieri secundum utilitatem, quam quis ex beneficio accipit. 3<sup>tiò</sup> ad amicitiam honesti, ubi respectus faciendus est ad affectum dantis, quia hoc præcipuè requiritur ad virtutem.

*Gradus Gratitude ex aurea Formula Seraphici  
Doctoris.*

*S. Bonavent.  
de Grad. virtutum c. 20.*

I. Gratitude altus gradus est, dignè ponderare naturalia dona corporis. Altior, dignè ponderare naturalia dona animæ, scilicet memoriam, intellectum, & voluntatem. Altissimus, dignè ponderare gratuita dona animæ, scilicet dona Spiritûs Sancti, & virtutes.

II. Item, altus gradus est, ponderare dona temporalia à DEO collata. Altior, ponderare dona spiritualia à DEO percepta. Altissimus, ponderare dona æterna à DEO percipienda.

III. Item, altus gradus est, gratias agere de Scriptura. Altior, gratias agere de septem Sacramentis. Altissimus est, gratias agere de Sanctissimis exemplis JESU CHRISTI, & moribus Divinis.

Z z 3

IV. Item,



IV. Item, altus gradus est, gratias agere de præceptis sacræ scripturæ. Altior, de consolationibus. Altissimus, de doctrinis Christi in Evangelio.

V. Item, altus gradus est, gratias agere de omnibus creaturis, quas habet homo in terra. Altior est, gratias agere de omnibus Angelis, & Sanctis, quos habet homo in cælo. Altissimus est, gratias agere de omnibus bonis, quæ habet in ipso. In omnibus his gradibus fuit Christus, ipso teste: Quæ placita sunt ei, facio semper.

I. Thess. 5.

*Illicia gratitudinis.* *Imum, Thess.* Semper gaudete, sine intermissione orate, in omnibus gratias agite. Hæc enim voluntas DEI in CHRISTO JESU, in omnibus vobis.

S. Augustin.  
Epist. 77.

*2dum, S. Augustinus:* Quid melius, inquit, & animo geramus, & ore promamus, & calamo exprimamus, quam DEO gratias? Hoc nec dici brevius, nec audiri latius, nec intelligi

S. Bernardus  
Serm. 4. super  
Psalm.  
habitabit.

grandius, nec agi fructuosius potest. *S. Bernardus:* Confitemini humiliter, & devotè gratias referenti, non immeritò amplius. *Qui* ora beneficia promittuntur: nam qui fidelis invenitur in modico, jure constituetur super multa: sicut è contrario accipiendis indignus est, qui fuerit de acceptis ingratus, *S. Joann. Chrysost.*

Joann. Chry-  
sost. in tract. de  
Symbolo.

Admoneo vos, ut Dominum semper benedicatis. Si venerint mala, benedicite, & dissolventur mala. Si prospera venerint, benedicite, & perseverabunt bona & prospera. *S. Bernardus:*

S. Bernardus  
in Epist.

Danti rependi gratius ab accipiente non potest, quam si gratum habuerit, quod gratis accipit: nam spiritui gratiæ contumeliam facit, qui beneficium dantis gratâ mente non suscipit.

Idem super  
Cant. Serm. 1.

Quoties tentatio superatur, aut vitium subjugatur, aut imminens periculum declinatur, aut laqueus insidiantis deprehenditur, aut annosa, & inveterata quæcunque animi passio semel perfecteque sanatur, aut multum diu cupita, & sæpius perita virtus, tandem aliquando DEI munere obtinetur: toties personare debet gratiarum actio, & vox laudis. Debet ad singula quæque beneficia benedici DEUS in donis suis, alioquin ingratus reputabitur, dum discussio venerit, qui non potest dicere DEO: Cantabiles mihi erant justificationes tuæ. *S. Augustinus:*



*Iustinus*: Quid est totâ die, id est finè intermissione laudare, in prosperis, quia consolaris: in adversis, quia corrigis: antequam essem, quia fecisti me: cùm essem, quia salutem dedisti: cùm peccâssem, quia ignovisti: cùm conversus essem, quia audi-  
 sti: cùm perseverâssem, quia coronâsti. *Cardin. Bona*: Grati-  
 tudo debitum respicit ob acceptum beneficium. Nihil autem  
 magis præstandum, quàm beneficii æstimatio; si non ex rei  
 magnitudine, saltèm ex animo, & affectu donantis. Tum ju-  
 gis benefacti memoria necessaria est, quæ semper animo hare-  
 at. Gratiâ referre nequit, nisi qui meminit; & qui me-  
 minit, jam refert. Hoc non exigit opes, non operam, non fe-  
 licitatem, in promptu omnibus est. Ut desint vires, nunquam  
 deerit voluntas, quâ rependere etiam Regibus potes. Cùm ab  
 aliquo accipis beneficium, hilaris accipe, & gaudium profiteri,  
 quod sit dari manifestum, ut muneris sui fructum capiat. Ju-  
 sta lætitiæ causa est, lætum amicum videre, justior, fecisse.  
 Qui gratè beneficium accepit, qui libenter & benignè primam  
 ejus pensionem solvit. Nunquam voluit gratus esse, qui be-  
 neficium tam longè projecit, ut extra conspectum sit. Qui il-  
 lud extollit, qui se negat gratiam referre posse, jam reddidit.  
 Qui fastidiosè accipit, & negligenter, parvi facere illud vide-  
 tur. Qui vix indicat se sensisse, vix labia deducit, ingrator  
 est, quàm si taceret. Vir bonus dum accipit beneficium, de  
 reddendo statim cogitat. Quid enim tam contra officium,  
 quàm non reddere quod acceperis? Nec mensurâ pari, sed u-  
 beriori reddendum; sicut terra suscepta semina majori cumu-  
 lo restituit. Cave tamen, nè in gratiæ relatione nimium fe-  
 stines. Quidam, cùm aliquod munusculum missum est illis,  
 aliud subinde intempestivè remittunt, & se nihil debere testan-  
 tur. Rejiciendi hoc genus est, cùm munus munere subitò ex-  
 pungis.

*zium*. Mover ad gratitudinem consideratio ex dantis ex-  
 cellentia, & propensione affectus, tum ex accipientis utilitate, in-  
 gratitudine, tum ex dati honestate, necessitate, utilitate, jucun-  
 ditate, quantitate. Hinc oritur æstimatio, beneficii memoria,  
 conatus in recompensa modo sibi possibili.



atum ab exemplis ex P. Lobner Biblioth. Man. tit. Gratitude.

Primò exemplum Christi, qui quando volebat opus grande facere, Marc. 8. v. 6. prius in cælum suspexit, & gratias egit, sicut patet in multipli- Joann. 6. v. catione panium, suscitatione Lazari, & Eucharistiæ institutione.

II. &c. II. v. Secundò, exemplum B. V. MARIE, quæ nè unquam DEUM be- 41. nedicere cessaret, ut D. Bonaventura loquitur, semper in ore

D. Bonavent. habuit verba: DEO gratias. Neque aliud ferè respondere solita de vita Christi est. Tertiò, exempla Sanctorum. Ita omnes Angeli stabant olim,

c. 33. ut vidit S. Joannes, in circuitu throni, & ceciderunt in facies su- Apoc. 7. v. 11. as, & adoraverunt DEUM, dicentes: Amen. Benedictio, &

claritas, & sapientia, & gratiarum actio, honor, & virtus, & for- In cap. 7. titudo DEO nostro in secula seculorum, Amen. Aliud. SS. A-

Marc. postoli cum gaudio reversi sunt, dicentes: Domine, etiam da- monia subiciuntur nobis in nomine tuo, quibus verbis bene-

ficium sibi collatum extollunt, ac proinde gratias agunt, teste S. Aug. in S. Hieronymo, & Theophylacto. Aliud. Primi Christiani, imò

Pf. 132. & Religiosi, teste S. Augustino, in communi congressu se per voces: DEO gratias: salutabant: hinc à Circumcellionibus per-

scomma, DEO gratias sunt vocati. Quartò, exempla Prophana. Æneas Sylvi-

us de dictis. Sic Alphonsus Rex de tribus incessanter DEO gratias agebat, sci- licet quòd hominem, quòd Christianum, quòd Regem fecerit, Faber in Dom. Aliud. Plato DEO assidue gratias agebat, quòd homo, quòd

13. post Pent. mas, quòd Græcus, quòd Atheniensis, quòd tempore Socratis, 10. 2. à quo institui posset, natus esset.

In Praxi ad comparandam tibi gratitudinem præter su- L. 2. c. 10. præ data hæc quoquè Motiva adhibe ex P. Lobner citat: quorum

§ 5. est I. Dignitas benefactoris DEI: De qua sic loquitur Thom. L. 3. c. 22. §. 1. Kemp: Si dignitas datoris inspicitur, nullum datum parvum

aut nimis vile videbitur; non enim parum est, quod à Summo DEO datur. Et iterum alibi: Minor ego sum omnibus bonis

mihi præstitis; & cum tuam nobilitatem attendo, deficit præ ma- gnitudine spiritus meus. II. Utilitas illius, cui beneficium con-

Pf. 8 v. 5. fertur. Quid enim est homo, quòd memor es ejus? filius ho- minis, quoniam visitas eum: tot scilicet beneficiis prævenien-

Lib. 4. de be- do? III. Multitudo beneficiorum: Neque enim, ut benè Seneca vesic. c. 5. pronunciavit, necessitatibus nostris tantum provisum est, usque

in



in delicias amamur. Si ergo pauci interdum nummi aut floreni donati, tantopere excitant alios ad amorem benefactoris, gratumquē ei animum demonstrandum, quid tanta & tam multa beneficia non efficient? IV. *Magnitudo beneficiorum.* Quid enim majus DEO, & DEI Filio? arqui utrumque dat, se quidem in gloria, Filium verò pro redemptione, & in SS. Eucharistia; ad quæ duo beneficia, quia omnia ferè alia ordinantur, meritò ab illis quoque infinitam quandam magnitudinem participant. V. *Constantia & longanimitas benefactoris.* Ut qui toties à nobis offensus & irritatus, benefacere non cessat: unde me

Serm. de  
grat. reddendis.

ritò S. Chrysostomus quærens dicit: Cùm cæli ipsi DEI gloriam prædicent; ipse verò ob cuius gratiam sunt illi effecti, ita te geris, ut tui fictor & Creator DEUS propter te malè plerumque audiat. VI. *Utilitas donorum DEI.* Dat enim singula ad ipsum cognoscendum, amandum, fruendum, & ad nos beatificandum.

B. Albertus  
l. c.

Vide quoquē suprādicta, & illa hic proportionatè adhibe.

l. 2. tra. I. c.

*Actus interni Gracitudoinis, ex Discipl. Claustra. Joannis à  
JESU MARIA. Carmelit.*

l. sect. 4. subf.  
2. §. 2.

I. *Dulcissime DEUS, habeo tibi gratiam pro immensis, tum naturalibus, tum supernaturalibus bonis, quibus me semper cumulas.*

II. *Misericordissime Domine, quid tibi pro creatione, conseruatione, redemptione, justificatione, præseruatione, auxilio, inspirationibus reddam? Amantissime Domine, quid pro malis, quæ non committo, rependam, cùm tot sint beneficia, quot in mundo perpetrantur peccata.*

III. *Benignissime Domine, quid pro bonis operibus, verbis, cogitationibus, te donante, à me conceptis, & præstitis referam? Quippe, qui nisi te largiente nihil boni cogitarem.*

IV. *Optatissime DEUS, hac ipsa horâ, ut commerui, flammis inferni comburerer, & beneficio tuo liberatus sum: quid ergo tibi retribuam?*

V. *Liberalissime Domine, contulisti in me jus hereditatis æternæ (ut spero) quid agam?*

VI. *Fidelissime DEUS, providisti Sacramenta, verbi tui partem,*

A a a

sum,



stum, consilia, solatia, & alia multa, quibus adjuver, ut ad te citius commodiusque perveniam: quid respondebo? Reddo tibi Domine cor meum: offero viscera mea: Sacrifico tibi in hostiam laudis præcordia mea.

VII. Utinam amabilissime DEUS universa & Angelorum, & Sanctorum, & quotquot in universo mundo tibi placent, Filii præsertim tui unigeniti, ac Matris ejus corda possiderem, quæ tibi gratissimo affectu consecrarem.

VIII. Quo pacto possum dulcissime Domine, JESUM CHRISTUM Redemptorem meum, ac Beatam Virginem, & omnes Angelorum Hierarchias, & Beatorum reliquorum Justorum animas, quos rogo mihi ad gratitudinem sociari, tibi pro beneficiis reddo.

*Actus externi Gratitude, ex P. Lohner Biblioth. manual.  
tit. Gracitudo.*

Actus potiores gratitudinis sunt I. Beneficium non negare, sed in recenti memoria retinere, & magnificare. II. Beneficium, & benefactorem, ubi occasio datur, laudare & publicare. III. Benefactorem venerari, & amare. IV. Beneficium pro viribus mutuâ beneficentiâ recompensare. V. Beneficium etiam intuitu benefactoris honorandi & extollendi, ac recreandi, benè impendere.

## SUBSECTIO XI.

### De Oppositis Gratitude.

V. D. Thom.  
2. 2. q. 107. a. 2.

**V**itium gratitudini oppositum per Excessum est, puta si recompensatio beneficii fiat, vel pro quibus non debet, vel citius quàm debet. Per Defectum autem opponitur secundum diversos gradus, qui sunt secundum ordinem eorum, quæ ad gratitudinem requiruntur, in qua primum est, quòd homo acceptum beneficium recognoscat: secundum est, quòd laudet, & gratias agat: tertium est, quòd retribuatur pro loco & tempore, secundum suam facultatem. Sed quia quod est ultimum in generatione, est primum in resolutione, ideo primus ingra-



ingratitude gradus est, ut homo beneficium non retribuatur. Secundus est, ut disimulet, quasi non demonstrans se beneficium accepisse. Tertium gravissimum est, quod non recognoscatur, sive per oblivionem, sive quocunque alio modo. Et quia in affirmatione opposita intelligitur negatio, ideo ad primum ingratitude gradum pertinet, quod aliquis retribuatur mala pro bonis: ad secundum, quod beneficium vituperet: ad tertium, quod beneficium quasi maleficium reputet. *Idem*: Ingratitudo pro diversitate circumstantiarum interdum lethale, interdum veniale peccatum est. Ratio est, quia ex quo ingratus aliquis dupliciter dicitur. Uno modo per omissionem solum: puta, quia non recognoscit, vel non laudat, vel non retribuit vices pro beneficio accepto. Et hoc non semper est peccatum mortale: quia debitum gratitudinis est, ut homo etiam aliquid libenter tribuat, ad quod non tenetur. Et ideo, si illud prætermittit, non peccat mortaliter. Est tamen peccatum veniale, quia hoc provenit ex negligentia quadam: aut ex aliqua indispositione hominis ad virtutem. Potest tamen contingere, quod etiam talis ingratitude sit peccatum mortale, vel propter interiorem contemptum, vel etiam propter conditionem ejus quod subtrahitur, quod ex necessitate debetur beneficio, sive simpliciter, sive in aliquo necessitatis casu. Alio modo dicitur aliquis ingratus, quia non solum prætermittit implere gratitudinis debitum, sed etiam contrarium agit. Et hoc etiam secundum conditionem ejus quod agitur, quandoque est peccatum mortale, quandoque veniale. Sciendum tamen, quod ingratitude, quæ provenit ex peccato mortali, habet perfectam ingratitude rationem. Illa verò, quæ provenit ex peccato veniali, imperfectam.

*Stimuli fugiendæ ingratitude.* *imus. Prov:* Qui reddit malum pro bonis, non recedet malum de domo ejus. *Sap:* Ingrati spes tanquam hybernalis glacies tabescet, & disperiet tanquam aqua supervacua.)) Ob ingratitude reprobati à DEO antiqui Philosophi. Quia juxta *Apostolum*, cum cognovissent DEUM, non sicut DEUM glorificaverunt, aut gratias

Ibidem a. 3.

Prov 17.

Sap. 16.

Rom. 1.



egerunt, sed evanuerunt in cogitationibus suis, & obscuratum est insipiens cor eorum.

S. Bernardus  
Serm. I. in cap.  
jejunii.

2dus. Mellissimus Doctor: Fluminis aqua, si stare coeperit,

& ipsa putrescet, & inundatione factâ superveniens expelletur. Sic planè sic gratiarum cessat decursus, ubi recursus non fuerit: nec modò nihil augetur ingrato, sed & quod acceperat, vertitur ei in perniciem. Fidelis autem in modico, censetur di-

Idem Serm.

2. Dom. 6. post  
Pentec.

gnus munere ampliori. Idem: Et licet dignas non sufficiam. Gratias agere, sed ingratitude prorsus odit anima mea. Peremptoria siquidem res est ingratitude, hostis gratiæ, inimica salutis. Dico ego vobis, quoniam pro meo sapere nihil ita displicet DEO, præsertim in filiis gratiæ, in hominibus conversionis, quemadmodum ingratitude. Vias enim obstruit gratiæ, & ubi fuerit illa, jam gratia accessum non invenit, locum non habet. Hinc mihi fratres tristitia magna & dolor

continuus est cordi meo, quòd nonnullos tam pronos ad levitatem, & risum, & ad scurrilia verba tam faciles video, ut pertimescam valdè, nè fortè plus quàm expediat Divinæ misericordiæ sint immemores, & ingrati tam multis beneficiis suis, aliquando deserantur à gratia, quam non ut gratiam venerantur.

Idem contra  
vitium ingra-  
titudinis Serm.  
27.

Idem: Et fortè hoc etiam clementiæ esse videtur, ingratos negare quod postulant. Nè contingat nobis, ut tantò gravius de ingratitude judicemur, quantò magis accumulatis beneficiis, ingrati probabimur extitisse. Ergo misericordiæ res est, in hac parte subtrahere misericordiam, quemadmodum iræ & indignationis misericordiam exhibere, eam sanè, de qua per Prophetam ipse Pater misericordiarum loquitur, dicens: Misereamur impio, & non discet facere justitiam. Idem: Omnino enim sola nos à profectu conversationis impedit ingratitude nostra, dum quodammodo amissum reputans Dator, quod ingratulus accepit, caveret sibi de cætero, nè tantò plura amitteret, quantò plura conferret ingrato. Obsecro itaque fratres mei, humiliemur magis ac magis sub potente manu DEI, & ab hoc tam maximo, tam nequissimo vitio ingritudinis longè fieri studeamus, ut totâ devotione in gratiarum actione versantes, conciliemus nobis gratiam DEI nostri, quæ sola potest salvare ani-

Idem ibidem.

mas,



mas. Gellius: Legimus leones aliasquæ ferocissimas bestias gratas fuisse suis benefactoribus hominibus, eosquæ à periculis liberasse.)) Hinc, quàm ille horum omnium bestia bestialior, atrocior, adeoque execrabilior, qui ingratus existit sibi beneficienti.

scius. Imitare Psalmistam, qui ait: Benedic anima mea Domino, & noli oblivisci omnes retributiones ejus. Psalm. 102.

Vide suprânotata, & hîc in praxim detestandi & fugiendi ingratitudinem, proportionatè accommoda. 1. 2. tra. 1. c. 1. sect. 4. subf. 2. §. 2. & 3.

## SUBSECTIO XII:

## De Vindicatione.

**V**indicatio, est virtus specialis, quâ non ex livore contra peccantem, sed ex aliquo motivo honesto, adhibitis certis conditionibus, poenis proportionatis, punitur peccatum præteritum, vel præcavetur futurum. D. Thom. 2. 2. q. 108.

Dicitur: Virtus specialis: quia cùm ad quamlibet inclinationem naturalem determinatam ordinatur aliqua virtus specialis; est autem quædam specialis inclinatio naturæ ad nocumtarem removendam; sequitur debere dari quoque specialem virtutem, quâ eadem perficiatur inclinatio: & hæc virtus vocatur Vindicatio. Dicitur: quâ non ex livore &c. Quia animus vindicantis non debet ferri principaliter in malum alterius, ut in eo quiescat, hoc enim pertinet ad odium, delectari in malo alterius. Sed vindicantis intentio debet ferri principaliter ad aliquod bonum, ad quod pervenitur per poenam peccantis: puta, ad emendationem peccantis, vel saltèm ad cohibitionem ejus, & quietem aliorum, & ad justitiæ conservationem, & DEI honorem, potest esse Vindicatio licita, aliis debitis circumstantiis servatis.)) Dicitur: adhibitis certis conditionibus; quarum prima est, ut injuriam illatam non ulciscatur privata auctoritate: quia ita sibi usurpat, quod ei à DEO non est concessum, sed utatur ad hoc publicâ potestate, quam DEUS instituit, ut sit vindex in iram ejus,



eius, qui malè agit, prout Rom. 13. dicitur. *Secunda*, non esse incutiendum per poenas timorem illis, qui ex amore bonum operantur, sed illis qui ex amore non moventur ad bonum, quia lex Evangelii est lex amoris. *Tertia*, ut injuriam DEO nequaquam dissimulemus, neque propriæ personæ illam, si ea quoque redundat in DEUM & Ecclesiam, sicut patet in Helia, qui fecit ignem de cælo descendere in eos, qui venerant eum capere. In quantum verò injuria cuiuspiam illata ad ejus personam pertinet, debet eam tolerare patienter, si expediat. Alioquin si non expedit, saltè in præparatione animi patiens esse debet. Dicitur: *poenâ proportionatâ*, id est peccato; ubi intelligitur ratio æqualitatis inter culpam & poenam, per quam æqualitatem vindictio ad rationem justitiæ accedit. Esse autem

D. Thom. 2. 2. (consentiente D. Thoma) octo poenarum genera in legibus  
 1. 108. 4. 3. scribit Tullius, referente D. August. de Civit. lib. 21. c. 11. scilicet mortem, per quam tollitur vita: verbera, & talionem, ut scilicet oculum pro oculo perdat, per quæ amittit quis corporis incolumitatem: servitutem & vincula, per quæ perdit libertatem: exilium, per quod perdit Patriam: damnum, per quod perdit divitias: ignominiam, per quam perdit gloriam. Dicitur: *quâ peccatum punitur*; nempe id, quod voluntariè commissum est, cujus poena est tanquam medicina sanativa. Quamquam poena nonnunquam etiam justis ut medicina peccatorum futurorum præservativa, & alicujus boni promotiva rectè infligitur.

*Motiva* ad faciendam vindictam in peccatoribus. *num.*

Exodi 32.

Moyſes ob adoratam vitulum aureum cum Levitis 33. millia hominum cæcidit ex Israël, ac tandem dixit Levitis: Consecratis manus vestras hodie Domino, unusquisque in filio, & in

Proverb. c. 29.

fratre suo, ut detur vobis benedictio. Proverb. dicitur: Vir-

Eccl. c. 7.

ga atque correptio tribuit sapientiam. Eccl: Noli quærere fieri iudex, nisi valeas virtute irrumpere, (*id est, tollere, propulsare iniquitates*). nè fortè extimescas faciem potentis, & facias scandalum in æquitate tua.

2dum. DEUS ad Ezechielem ait: Quòd Nabuchodonosor Rex Babylonis non acceperit mercedem pro servitute, quâ DEO



DEO servivit adversus evertendam Tyrum, ideoquè donandum esse eum pro hoc regno Egypti. Hinc videtur DEI instinctu, *Cornel. à lap.* vel Jeremiæ & Prophetarum monitu, Nabuchodonosor Tyrum in *Prophetam* invasisse bello justo. Unde DEUS pro hoc obsequio morali- *Ezechiel. c. 29.* ter bono, infideli aliàs & impio Nabuchodonosori dedit mercedem non ex condigno, sed ex congruo, scilicet spolia Egypti. Ita Hector, Pintus, & Emanuel Sa. Notent milites, qui Regi fideliter in bello justo serviunt, se DEO servire, etiamsi id expressè non cogitent. DEUS enim omnis justitiæ est Præses. Unde S. Hieron. ex hoc loco colligit, DEUM etiam infidelium bona opera remunerare. Verùm verius videtur, quòd Nabuchodonosor inscius, materialiter tantùm serviverit DEI providentiæ, & justæ vindictæ in vastanda Tyro: Formaliter verò, & ex intentione obsecutus sit suæ superbiæ, & ambitioni regnandi. Dicitur ergo merces ei data à DEO, non propriè, sed materialiter, id est, voluit DEUS, & statuit, ut ipse, quia voluntatem suam in Tyro punienda compleverat, ornaretur & honoraretur regno Egypti. Vide Canon 35. & 36. Voluit DEUS hic ostendere, quam sancta ipsiquè chara sit scelerum & sceleratorum vindicta, utpote qui eam licet materialem tantùm, in Chaldæis tam amplà mercede, scilicet spoliis Egypti, & Monarchiâ sit remuneratus. Chaldæi enim materialiter tantùm, impleverant vindictam & voluntatem DEI, quia scilicet materialiter fecerunt volitum DEI, sive id quod volebat & optabat DEUS, nimirum ut Tyrus puniretur, & vastaretur, cùm formaliter non intenderent DEI, sed suam implere voluntatem dominandi. Sicut ergo improprium fuit hoc eorum meritum, & impropria adimpletio voluntatis Divinæ: ita & impropria fuit eorundem merces, propriè enim fuit donum DEI, non merces. Simili phrasi Chaldæos ad excidium Moab hortatur DEUS, dicens Jerem. 48. 10: Maledictus, qui facit opus DEI fraudulenter, opus Domini vocat vindictam & excidium Moab. Unde explicans subdit: Maledictus qui prohibet gladium suum à sanguine.) Cyrus, puniens, & evertens Babylonem, itaque peragens re ipsâ justum contra eam iudicium, vocatur Beatus Psalm. 136. 8. Filia Babylonis misera: Beatus qui retri-



retribuet tibi retributionem tuam, quam retribuisti nobis. Beatus qui tenebit, & allidet parvulos tuos ad petram. *S. Augustinus ait:* Agenda sunt etiam multa cum invitis benignâ quâdam asperitate plectendis, quorum potius utilitati consulendum est, quàm voluntati. Nam cui licentia iniquitatis eripitur, utiliter vincitur: quoniam nihil est infelicius felicitate peccantium, quâ poenalis nutritur impunitas, & mala voluntas, velut

*S. Augustinus. Epist. 5.*

*S. Gregor. in hostis interior roboratur. S. Gregor:* Tantò metuenda est via Dial. l. 1. c. 9. iustorum, quantò & constat, quia in illorum cordibus ille præfens est, qui ad inferendam ultionem, quam voluerit, invalidus non est.

*S. Bernardus:* Alius alia dispenset, de disciplina tu pro l. 4. c. 6. de vide. Illud nemini credas. Si insolentior coram te sermò sol. Confid. ad Euseb. nuerit, vel habitus apparuerit, manus tua super huiusmodi, ulciscere injuriam tuam. Impunitas ausum parit, ausus excessum. *Ibidem:* Pontificem esse debere virgam Potentium, maleum Tyrannorum, Regum Patrem, Deum Pharaonis. Additque: Ubi malitiæ juncta potentia est, aliquid tibi supra hominem præsumendum. Vultus tuus super facientes mala. Timeat spiritum iræ tuæ, qui hominem non veretur, gladium non formidat; timeat orationem, qui admonitionem contempnit: cui irasceris tu, DEUM sibi iratum non hominem putet. Qui te non audierit, DEUM contra se auditurum paveat.

*S. Bernardus Idem:* Non irasci ubi irascendum sit, nolle emendare, peccatum in Epist. ad est; prius verò irasci quàm irascendum sit, peccatum peccato Gvil. Abb. addere est. *S. Bonaventura:* Iræ affectus datus est homini, ut *S. Bonav. de* irascatur vitiis, & malis suggestionibus, & ex indignatione non perfect. Relig. patiat se trahi in consensum peccati, & reprimat malos motus in se, & in aliis, ubi opportunè potest, & ulciscatur DEI injurias & transgressiones justitiæ: & tunc dicitur zelus justitiæ. Sic legitur Christus iratus fuisse pluries Phariseis, & aliis non rectè agentibus, & alii sancti viri.

*S. Bernardus Idem:* Non irasci ubi irascendum sit, nolle emendare, peccatum in Epist. ad est; prius verò irasci quàm irascendum sit, peccatum peccato Gvil. Abb. addere est. *S. Bonaventura:* Iræ affectus datus est homini, ut *S. Bonav. de* irascatur vitiis, & malis suggestionibus, & ex indignatione non perfect. Relig. patiat se trahi in consensum peccati, & reprimat malos motus in se, & in aliis, ubi opportunè potest, & ulciscatur DEI injurias & transgressiones justitiæ: & tunc dicitur zelus justitiæ. Sic legitur Christus iratus fuisse pluries Phariseis, & aliis non rectè agentibus, & alii sancti viri.

*P. 3. tra. ult. 3tium.* In DEO quantum emineat justitia vindicativa, *Johann. 2.* vide infra. *Christus Dominus* confecto flagello de funiculis eiecit vendentes de templo. *Rex David ait:* In matutino interficiebam omnes peccatores terræ: ut disperderem de Civitate Domini

*In Chron. l. ni omnes operantes iniquitatem. S. Franciscus,* quamvis benignissimus,



simus, & suavissimæ naturæ, magnam in castigandis suorum subditorum culpis rectitudinem adhibuit. Cum uni ex Religiosis præcepisset, ut ad inserviendum quibusdam leprosis iret, nec ille ivisset, severissimè eum puniri iussit; id quod & factum, licet ita, ut vitæ adesset periculum: didicit ex hac poena Religiosus suam culpam, sequè correxit. Et agnovit Sanctus tantam puniendi necessitatem, obligationemquè esse, ut cum ob ingentem Religiosorum multitudinem culpæ excrevissent, nec ille propter conditionem & infirmitates suas animum, viresquè ad eas, sicuti oportebat, puniendas haberet, officium Generalatûs abdicârit.

L. 2. c. 31. 32.

*In Praxi* ut hæc virtus vindicationis rectè exerceatur, his conditionibus est opus. *ima.* Quatenus vindex habeat publicam auctoritatem ordinariam, vel delegatam puniendi. Hinc privata vindicta sui etiam in superiore non expedit: quare si ab inferiore injuriatur persona vel officium in superiore, Communitas ejusmodi noxium judicet & puniat. Quod si non judicaverit, tum ipse superior læsum officium suum vindicet: quia officium superioris quæ tale, est publicum bonum Communitatis: injurias verò quatenus personam suam concernentes inferiori potius dimittat, imitans Christum, qui ad personales proprias injurias atrocissimas nec quidem aperuit os suum, imò Patrem pro suis crudelissimis adversariis oravit: Sed tactus in officio prædicationis doctrinæ, suæ ejus sufficientes rationes dedit interroganti se Pontifici, & propterea in maxillam percussus à servo, cum eo cœpit durius expostulare. Ita & S. Carolus Borromæus ad personæ propriæ injurias fuit patientissimus, sicut ad officii læsiones ultor zelosissimus. Denique S. Martinus, tametsi injurias propriæ suæ personæ factas sufferebat, nec puniebat, ut mansuetudinem, humilitatemquè exerceret, & omnibus idem faciendi exemplum daret; tamen culpas contra alios, vel in damnum, malumvè exemplum Communitatis commissas, admodum justè vindicabat. Verùm cave hic, nè te cæcus seducat amor tui proprius, ut non possis discernere inter dictas injurias: v. g. Injurix personales sunt, si inferior superiorem

B b b

facto



facto dishonoret, vel calumniatur verbis vocando eum superbum, gulosum, iracundum, &c. Injuriae officii sunt v. g. si sit inobediens, contemptor eorum, quæ sibi tanquam à superiore proponuntur &c. 2da *Conditio* est, ut poena infligatur bonâ intentione, ex zelo honoris DEI, & publici boni, aut privati delinquentis, ut potius hic puniatur quam in futuro seculo, vel ut præcaveantur futura delicta &c. 3tia. Poenas decernere juxta leges publicas, & prudens dictamen rationis, ita tamen, ut exaltet misericordia judicium.

## SUBSECTIO XIII.

### De Oppositis Vindicationis.

*S. Gregor. lib. 26. c. 38.*

**P**rimum Oppositum est, *Pseudozelus justitiæ vindicativæ*. *S. Gregorius*: Omnis, per quem necesse est aliena vitia corrigi, semetipsum prius debet solerter intueri, nè dum aliorum culpas ulciscitur, ipse ulciscendi furore superetur. Ple- rumque enim mentem sub obtentu justitiæ, iræ immanitas va- stat, & dum quasi sævit zelo rectitudinis, rabiem explet furo- ris, justèquè se facere æstimat, quidquid ira nequiter dicat.

*Idem hom. 38. in Evang.*

*Idem*: Vera justitia compassionem habet, falsa verò indignati- onem: quamvis & justî soleant rectè peccatoribus indignari: sed aliud est quod agitur typo superbiæ, aliud quod zelo disci- plinæ.

2dum Oppositum vindicationis per Excessum, est peccatum crudelitatis vel sævitæ, quæ excedit mensuram in puniendo. *Lib. 3. Reg.* Hinc DEUS Eliæ zelanti contra malignissimam Jezabellem & Pseudo-Prophetas Baal, apparuit non in turbine, non in igne, sed in sibilo auræ tenuis, ut eum doceret improbos puniendos non concito impetu ad extremam ruinam, verum longanimitèr,

*S. Iren. l. 4. & mitius.* Unde *S. Irenæus* inquit: Docebatur Propheta tur- contra heres. batior & concitior ad vindictam mitius agere. *S. Gregorius*: *c. 37.* Boni te dulcem, pravi sentiant correctorem. In qua correcti-

*S. Gregor. in Regist. in di. ligas, & vitia persequaris; nè, si aliter agere volueris, transeat in*

*4. c. 8.*

crude-



crudelitatem correctio, & perdas, quos emendare desideras.

3<sup>ium</sup> Oppositum est per Defectum, & vocatur Impunitas, quâ vel absolutè non punitur, vel nimis remissè punitur peccator reus. Contra quod est primò. Sacerdos Heli de Sylo, quia remissus, & non severius, efficaciusquè corripuit filios suos nequam, audivit à Domino: Ecce ego facio verbum in Israël, quòd quicumque audierit, tinnient ambæ aures ejus. In die illa fulcitrabo adversum Heli omnia quæ locutus sum super domum ejus: incipiam, & complebo. Prædixi enim ei, quòd judicaturus essem domum ejus in æternum propter iniquitatem, eò quòd noverat indignè agere filios suos, & non corripuerit eos. Idcirco juravi domui Heli, quòd non expietur iniquitas domus ejus, victimis & muneribus usque in æternum.)) Deinde Rex Saul, quòd non pugnaverit usque ad internecionem Amalec, juxta mandatum Domini, audivit à Samuele: Pro eo quòd abjecisti sermonem Domini, abiecit te Dominus, nè sis Rex. Similiter Achab Rex Israël parcens Benadab Regi Syriæ, hoc triste accepit nuncium à Propheta Domini: Hæc dicit Dominus: Quia dimisisti virum dignum morte de manu tua, erit anima tua pro anima ejus, & populus tuus pro populo ejus. 2dò. Jerem. Maledictus qui prohibet gladium suum à sanguine. Unde Petrus Damiani inquit: A sanguine gladium suum prohibet, qui te ab inferenda reprobis ultione digna coërcet: facti siquidem culpam habet, qui quod potest, negligit emendare. S. Augustinus: Timendum est, nè plura membra putrescant, dum quibusdam putribus parcitur. S. Ambrosius: Cum uni Superior indulget indigno, ad prolapsionis contagium provocat universos. S. Bernardus: Inferiorum culpæ ad nullos magis referendæ sunt, quàm ad desides & negligentes Rectores. Et inferius: Impunitas incuriæ soboles, insolentiæ mater, radix impudentiæ, transgressionum nutritrix. Boëtius: Mali puniti feliciores sunt quàm impuniti. Seneca: Bonis nocet quisquis pepercerit malis. Totilla Rex Gotthorum rogatus, ut cuidam stuprum virgini illatum condonaret, respondit: Ejusdem est ingenii delicto se obstringere, & delictorum supplicia impedire: omnino autem

1 Reg. c. 3.

1. Reg. c. 15.

3. Reg. c. 20.

Jerem. 48.

Petrus Damiani Epist. II.

c. 3.

S. Augustin.

Epist. 89. ad

Hilar.

Habetur 2. 2.

q. 4. c. est in

justa.

S. Bern. l. 3.

de Confid. c. 5.

Boëtius lib. 4.

de Conf.

Seneca in sent.

Ita Syzon de

aut Occident. Imp.



aut hunc poenam dare, aut Gotthorum rempublicam interire  
necesse est.

1. 2. tra. 1. c.

Contra Opposita Vindicationis, in Praxi adhibe proportionate su-

1. sect. 4. subf. prædicta.

2. §. 2. & 3.

## SUBSECTIO XIV.

### De Veritate.

V.D. Thom. 2.

2. q. 109. a. 4.

Vide ibidem

a. 4.

Lib. 4. Ethic.

c. 7.

**V**eritas, est virtus specialis, per quam homo exteriora sua, vel  
verba, vel signa, vel facta debite ordinat ad aliquid sicut signum ad  
signatum. Id est, ut non aliter verbis, signis, vel factis  
propriis exprimat aliquid in notitiam alterius, quam sit illud in  
re ipsa. Ad virtutem veritatis pertinet, declinare in minus af-  
firmando, ut videlicet quispiam de se ipso minus boni dicat,  
quam in ipso est. Non autem declinare in minus negando, ut  
videlicet quispiam neget bonum sibi inesse, quod verè inest.  
Quia quoad primum, cum aliquis non manifestat totum bo-  
num, quod in ipso est, puta scientiam vel sanctitatem, vel ali-  
quid huiusmodi, quod sit sine præiudicio veritatis, quia in ma-  
iori etiam est minus. Et secundum hoc hæc virtus declinat in  
minus. Hoc enim, ut Philosophus dicit, videtur esse pruden-  
tius propter onerosas superabundantias. Homines enim, qui  
maiora de seipsis dicunt quam sint, sunt aliis onerosi, quasi ex-  
cellere alios volentes. Homines autem, qui minora de seipsis  
dicunt, gratiosi sunt, quasi aliis condescendentes per quandam  
moderationem. Unde Apost. dicit 2. ad Cor. 12: Si voluero  
gloriari, non ero insipiens: veritatem enim dicam: parco au-  
tem, nè quis me existimet supra id, quod videt in me, aut audit  
ex me. Alio modo potest aliquis declinare in minus, negan-  
do, scilicet ut neget sibi inesse quod inest. Et sic non pertinet  
ad hanc virtutem declinare in minus, quia per hoc incurreret  
falsum. Et tamen hoc ipsum esset minus repugnans veritati,  
non quidem secundum propriam rationem veritatis, sed secun-  
dum rationem prudentiæ, quam oportet salvare in omnibus vir-  
tutibus. Magis enim repugnat prudentiæ (quia periculosus  
est



est & onerosius aliis) quòd aliquis existimet, vel jactet se habere, quod non habet, quàm quòd existimet, vel dicat se non habere, quod habet.

*Gradus veritatis ex Formula aurea Seraphici  
Doctōis.*

S. Bonav. de  
grad. Virt. c. 7.

Veritatis altus gradus, libenter cogitare veritatem, & libenter cogitare de veritate. Altior est, libenter loqui veritatem, & libenter loqui de veritate. Altissimus est, libenter vivere secundum veritatem, & alios ad hoc inducere.

I.

Item. Altus gradus est, cognoscere veritatem. Altior, amare veritatem. Altissimus, seipsum, & alios judicare secundum veritatem. In omnibus istis gradibus fuit Christus.

II.

Item. Altus gradus est, liberè, & absque adulatione, & sinè pallio pronunciare veritatem, quando liberè pronunciare oportet. Altior, liberè defendere veritatem, quando defendere convenit. Sed qui hoc faciunt, sæpè amaritudinibus replentur, quia veritas res amara est. Dicit S. Bernardus: Melius est tamen pro veritate pati supplicium, quàm pro adulazione pati beneficium. Altissimus est, liberè defendere veritatem coram inimicis.

III.

Item. Altus gradus est, propter veritatem res temporales in periculo ponere. Altior, honorem imponere. Altissimus, corpus in periculo ponere. Et hoc meritò faciendum est, quia Christus Veritas est.

IV.

*Incentiva diligendæ veritatis.* *Imum, Esdræ: Fortis Rex,* 3. *Esdræ c. 3.*  
*forte vinum, fortes mulieres, sed est fortissima veritas. Ibidem:* *Ibidem c. 4.*  
Omnis terra veritatem invocat, cælum etiam ipsum benedicit, & omnia opera moventur, & tremunt, & non est cum ea quicquam iniquum. *Ibidem:* Veritas manet & invalescit in æternum, & vivit, & obtinet in secula seculorum. Nec est apud eam accipere personas, neque differentias, sed quæ justa sunt, facit omnibus injustis ac malignis, & omnes benignantur in operibus ejus. Et non est in judicio ejus iniquum, sed fortitudo, & regnum, & potestas, & majestas omnium ævorum.



Benedictus DEUS Veritatis. *Ibidem* mox: Et omnes populi clamaverunt, & dixerunt: Magna est veritas, & prævalet. *Prov.* 12. *Eccl.* 4. Labium veritatis firmum erit in perpetuum. *Eccl.* Non contradicas verbo veritatis ullo modo, & de mendacio ineruditio-  
*Psalm.* 30. nis tuæ confundere. *Psalm.* Veritatem requirit Dominus. *Eph.* 5. Fructus lucis est in omni bonitate, & iustitia, & veritate. 2dum.  
*S. Basilius* *S. Basilius* ait: Veritas est præstantissimum bonum, *S. Bernardus*:  
*apud Ant. Me-* Veritas sola liberat, sola salvat, sola lavat. *S. Augustinus*: Veritas  
*lissa c. 21.* dulcis est, & amara, quando dulcis est, parcit, & quando ama-  
*S. Bernard.* ra, curat. *Idem*: Si de veritate scandalum sumitur, utilius per-  
*de grad. hum.* mittitur nasci scandalum, quam veritas relinquatur. 3tium, ab  
*S. August.* ad Exemplis: DEUS est ipsa Veritas, qui secundum D. *Augustinum*,  
*Christian.* est prima vita, & prima essentia, ubi est prima sapientia. Nam  
*Ibidem lib. de* hæc est illa incommutabilis veritas, quæ lex omnium artium,  
*libero arbitrio,* rectè dicitur, & ars omnipotentis artificis:)) *Christus* de seipso  
*S. August.* in dicit: Ego sum via, veritas, & vita. *Paulus Apostolus*: Non  
*Sent. Sent. 386.* possumus aliquid adversus veritatem, sed pro veritate. *S. Au-*  
*Joann. 14.* *gustinus*: Incomparabiliter pulchrior est veritas Christianorum,  
*1. Cor. 12.* quam Helena Græcorum. Pro illa enim fortius Martyres no-  
*S. August.* stri adversus hanc Sodomam, quam pro ista illi Heroes adver-  
*Epist. 9.* sus Trojam dimicaverunt.  
 1. 2. tra 1. c. In Praxi diligendi veritatem, & exercendi, age juxta methodum  
 1. s. ct. 4. subf. supradatam, proportionem servatâ.  
 2. 9. 2.

## SUBSECTIO XV.

## De Vitiis Oppositis Veritatis.

*V. D. Thom.* **V**itia Veritati opposita juxta D. *Thomam* sunt mendacium,  
 2. 2. in access. simulatio, sive hypocrisis, jactantia, & ei oppositum vi-  
 9. 110. tium.)) Quamquam hæc vitia sub ratione generica  
 mendacii continentur: Quod vel ex nomine ipso pater. Nam  
 mentiri est contra mentem ire, quod fieri potest non modò  
*V. D. Thom.* verbo, sed & signo, & facto. imò. Vitia veritati per Excessum  
 2. 2. q. 107. 4. seu superfluum opposita sunt, v. g. importunè, quæ sua sunt,  
 1. ad 2. & 3. mani-



manifestare: sine debita causa laudare seipsum etiam de vero: Peccatum suum publicare, quasi de hoc se laudando, vel qualitercunque utiliter manifestando.))

2do. Mendacium, est vitium veritati per Defectum oppositum, quo aliquis sciens, & volens falsum, seu quidpiam aliter, quam est in se, dictis, vel signis, vel factis, enunciat, aut representat.

Porro secundum D. Thomam: Intentio, & cupiditas falsitatem in opinione alterius constituendi, non pertinet ad speciem mendacii, sed ad quandam ipsius perfectionem.)) Ibidem q. 110. a. 1.

Mendacium juxta D. Thomam uno modo secundum ipsam rationem mendacii, dividitur in mendacium, quod transcendit veritatem in majus, quod pertinet ad jactantiam; & in mendacium, quod deficit à veritate in minus, quod pertinet ad ironiam. Alio modo mendacium dividi potest, inquantum habet rationem culpæ secundum ea, quæ aggravant, vel diminuunt culpam mendacii, ex parte finis intenti: aggravat autem culpam mendacii, si aliquis per mendacium intendat alterius nocumentum: quod vocatur *mendacium perniciosum*. Diminuitur autem culpa mendacii, si orderetur ad aliquod bonum, vel delectabile, & sic est *mendacium jocosum*: vel utile, & sic est *mendacium officiosum*, quo intenditur juyamentum alterius, vel remotio nocumenti. 3tio modo dividitur mendacium universaliter, secundum ordinem ad finem: sive ex hoc addatur vel diminuat ad culpam mendacii, sive non. Et secundum hoc divisio est octo membrorum, quæ dicta est: in qua quidem tria prima membra continentur sub mendacio pernicioso: quod quidem fit vel contra DEUM, & ad hoc pertinet primum mendacium, quod est in doctrina Religionis: vel est contra hominem, sive solâ intentione nocendi alicui: & sic est mendacium secundum, quod scilicet nulli prodest, & obest alicui: sive etiam intendatur in nocumento unius utilitas alterius, & hoc est tertium mendacium, quod uni prodest, & alteri obest. Inter quæ tria primum est gravissimum; quia semper peccata contra DEUM sunt graviora. Secundum autem est gravius tertio, quod diminuitur ex intentione utilitatis alterius. Post hæc autem tria, quæ superaddunt ad gravitatem culpæ mendacii, poni-



ponitur quantum: quod habet propriam quantitatem sine additione, vel diminutione. Et hoc est mendacium, quod fit ex sola mentiendi libidine, quod procedit ex habitu. Unde Philosophus dicit in 4. Ethic. quod mendax, eò quod talis est secundum habitum, ipso mendacio gaudet. Quatuor verò subsequentes modi diminuunt de culpa mendacii. Nam quintum est mendacium jocosum, quod fit placendi cupiditate. Aliarum verò tria continentur sub mendacio officioso, in quo intenditur, quod est alteri utile, vel quantum ad res exteriores: & sic est sextum mendacium, quod prodest alicui ad pecuniam conservandam: vel est utile corpori, & hoc est septimum mendacium, in quo impeditur mors hominis, vel etiam utile est ad honestatem virtutis: & hoc est octavum mendacium, in quo impeditur illicita pollutio corporalis. Paret autem, quod quantum bonum intentum est, melius, tanto magis minuitur culpa mendacii. Et ideo si quis diligenter consideret secundum ordinem prædictæ enumerationis, est ordo gravitatis culpæ in istis mendaciis. Nam bonum utile præfertur delectabili, & vita corporalis præfertur pecuniæ, honestas autem ipsi corporali vitæ.

*Psalm. 5. Incitamenta execrandi mendacium. immum. Psalm: Perdes omnes, qui loquuntur mendacium. Proverb. 12. Abominatio Domino labia mendacia. Apocal: Omnibus mendacibus pars illorum in stagno ardenti igne & sulphure, quod est mors secunda. 2dum S. August: Si quis ad te confugiat, qui mendacio tuo possit à morte liberari, tibi non est mentiendum, quia os quod mentitur occidit animam; & cum mentiendo vita æterna amittitur, nunquid pro cujusquam vita temporali mentientum est? S. Cyprianus: Hæc est vera dementia, non cogitare, nec scire, quod mendacia non diu fallant. S. Thomas: Mendacium omne est ex genere suo malum & peccatum. Quia cum voces naturaliter sint signa intellectuum, innaturale est, & indebitum, quod aliquis voce significet id, quod non habet in mente. Unde Philosophus dicit in 4. Ethic. c. 7. quod mendacium est per se pravum & fugiendum: verum autem est bonum*

num



num & laudabile. *Idem.* Mendacium comparat falsæ mone- *Idem in O-*  
 ræ, puta denario adulterino, quem omnes aspernantur. *Addit- pusc. de erud.*  
*quæ:* Qui loquitur mendacium, diaboli figuram gerit, & ima- *Princip.*  
 ginem, hic enim mendax est ab initio. Aliquando ergo audi-  
 turus est Princeps mendax, denarius falsus, porro ad verba illa:  
 Cujus est hæc imago & superscriptio? & cum responsum fu-  
 erit diaboli, dicetur statim: reddite ergo quæ sunt diaboli di-  
 abolo. *S. Augustinus:* Cavete fratres mendacium, quia omnes, *S. August in*  
 qui amant mendacium, filii sunt diaboli. *Idem:* Quisquis ve- *Serm. de Abra-*  
 ritatem DEI occultat, iram DEI super se provocat, qui magis *ham.*  
 hominem timet, quàm DEUM. *S. Hieronymus:* Antiquus ser- *Idem apud*  
 mo est: mendaces faciunt, ut nec vera dicentibus credatur. *) Drex. Phæt.*  
 Ananias & Saphira propter mendacium coram S. Petro prola- *c. 37.*  
 tum, repentinâ morte interiérunt. *3tium.* Ab exemplis fugien- *S. Hieron.*  
 tium mendacium. Salomon horrens mendacium, ait ad DE- *Epist. 37.*  
 UM: Duo ragavi te, nè deneges mihi, antequam moriar; va- *Act. 5.*  
 nitatem, & verba mendacia longè fac à me. *Aliud. S. Ansel-* *Prov. 30.*  
 mus de omnibus Christianis hanc opinionem imbiberat, ut cum *Surius 2. April.*  
 quidam monerent, nè aliquibus manifestè imponentibus fidem  
 haberet, responderit: Nunquid non Christiani sunt? quomo-  
 do ergo possunt mentiri? *Aliud. S. Thomas Aquinas, cum* *Engelg. l. 6.*  
 socius ipsius Religiosus joco dixisset: En boves volantes! & *& 9. 1.*  
 ipsum præterea circumspicientem ob simplicem credulitatem  
 irrississet, severo eum supercilio correxit, dicens: Facilius est,  
 Frater, credendum, boves volare, quàm Religiosum mentiri.  
*Aliud. S. Chrysostomus ex eo tempore, quo Christianorum* *Mosetius*  
 ritu ablatus est, nunquam juravit, nec alium jurare compulit: *c. 191.*  
 nunquam ulli maledixit: nunquam mentitus est. *Aliud. Mer-* *Cesarius l.*  
 catores duo Colonienfes mendaciis ad vendendas merces uti *3 mir. c. 37.*  
 soliti; postquam svasu Confessarii ab ejusmodi more abstinere  
 se coeperunt, effecerunt, ut plures ad eos emptores confluerent,  
 quàm prius soliti fuerant. *4tium.* A profanis exemplis. Perla *Drex. in*  
 adeo mendacium abominati sunt, ut turpissimum haberetur, *Phæt. c. 35.*  
 ex ære alieno laborare, & mentiri. *Aliud. Romani omne* *S. 3.*  
 mendacium homine ingenuo ac libero indignum putârunt, ser- *Ibidem.*  
 vilequè vitium esse, nec cadere posse, aut debere in generosum



pectus, quod ante vitam projiciat, quam illam mendacio com-  
Emilius maculet. Aliud. Epaminondas tam serius veritatis cultor fuit,  
Probns. ut nè joco quidem unquam sit mentitus.

1. 2. tra. 1. c. Ad Praxim fugiendi mendacium, serviunt suprânotata proportione  
sect. 4. subf. servatâ.

1. S. 2. & 3.

## §. I.

### De Simulatione, & Hypocrisi.

V. D. Thom. **S**imulation, est peccatum, quo aliquis exteriorum factorum signis men-  
2. 2. q. III. 4. l. titur, seu representat quidpiam aliter quam est in re.

Job. c. 36. Contra Simulationem. Job: Simulatores & callidi provo-

Rom. c. 21. cant iram DEI. Apostolus monet, ut sit dilectio sine simulatione.

1. Petr. c. 2. ne. Et Petrus: Deponentes omnem malitiam, & omnem do-  
Tripart. hist. lum, & simulationes &c.)) Mendicus quidam simulans se

1. 9. c. 48. mortuum, ut pro sua sepultura focii operâ pecuniam à S. Epi-  
phanio acciperet, verâ morte à DEO mulctatus est. S. Augusti-

S. Aug. in l. nus: Sicut prope summa & Divina virtus est neminem decipe-  
83. qq. q. 33. re, ita ultimum vitium est quemlibet decipere.

V. D. Thom. Hypocrisis est simulatio, quâ simulat se quis habere personam, quam  
2. 2. q. III. non habet, v. g. Apparere personam sanctam esse, & non in ve-  
ritate talem esse, vel etiam non curare talem esse.

Job. c. 15. Contra Hypocrisim. imum. S. Job: Congregatio Hypo-  
Idem c. 20. critæ sterilis. Idem. Hoc scio à principio, ex quo positus est  
homo super terram, quòd laus impiorum brevis sit, & gau-  
dium hypocritæ ad instar puncti. Si ascenderit usque ad cæ-  
lum superbia ejus, & caput ejus nubes tetigerit, quasi sterqui-  
linium in fine perdetur, & qui eum viderant, dicent: Ubi est?

Idem c. 20. Et paulò infra: Cum enim dulce fuerit in ore ejus malum, ab-  
scondet illud sub lingua sua. Placet illi, & non derelinquet il-  
lud, & celabit in gutture suo. Panis ejus in utero illius verte-  
tur in fel aspidum intrinsecus. Divitias quas devoravit, evo-  
met: & de ventre illius extrahet eas DEUS. Caput aspidum  
fugiet, & occidet eum lingua viperæ. Non videat rivulos flu-  
minis, torrentes mellis, & butyri. Luet qui fecit omnia, nec  
tamen consumetur: juxta multitudinem ad inventionum sua-  
rum,



rum, sic & sustinebit, *Idem*: Omnes tenebræ absconditæ sunt *Idem c. 20.*  
 in occultis ejus: devorabit eum ignis, qui non succenditur: affligetur relictus in tabernaculo suo. Revelabunt cæli iniquitatem ejus, & terra confurget adversus eum. Apertum erit germen domûs illius, detrahetur in die furoris DEI. *Eccl*: Nè fueris hypocrita in conspectu hominum, & non scandalizeris in labiis tuis, (*id est, te jactando probum, pium, cum aliter sit, adeoque ore tuo tibi ruinam procures*) & adducas animæ tuæ inhonorationem, & revelet DEUS abscondita tua, (*seu tuam absconditam occultatamque iniquitatem*) & in medio Synagogæ (*seu multitudine populi*) elidat te.)) Ut fecit cum Simone Mago, qui ut quidam Divinus vir volans in cælum, S. Petri precibus fuit elisus in terram. *Eccl*: Vidi impios sepultos, qui etiam dum adhuc viverent, in loco sancto erant, & laudabantur in civitate, quasi iustorum operum (*cum tamen essent impii, adeoque hypocritæ*) sed & hoc vanitas est.

*Eccl. c. 1.**Eccl. c. 2.*

*Christus* Dominus multoties ingeminans terribiliter: *Væ! vobis Scribæ & Pharisei hypocritæ*, enumerat vitia eorum, ac inter alia dicit: *Væ! vobis Scribæ & Pharisei hypocritæ*, quia similes estis sepulchris dealbatis, quæ à foris parent hominibus speciosa, intus verò sunt plena ossibus mortuorum, & omni spurcitiâ. Sic & vos à foris quidem paretis hominibus iusti: intus autem pleni estis hypocrisis & iniquitate. *Et paulò post*: Serpentes genimina viperarum quomodo fugietis à facie gehennæ?)) Quare Salvator monet suos: Attendite, nè justitiam vestram faciatis coram hominibus, ut videamini ab eis: alioquin mercedem non habebitis apud Patrem vestrum, qui in cælis est. Cum ergo facis eleemosynam, noli rubâ canere ante te, sicut hypocritæ faciunt in Synagogis & vicis, ut honorificentur ab hominibus: Amen dico vobis, receperunt mercedem suam. Te autem faciente eleemosynam, nesciat sinistra tua, quid faciat dextera tua: ut sit eleemosyna tua in abscondito: & Pater tuus, qui videt in abscondito, reddet tibi. *Et paulò post*: Cum autem jejunatis, nolite fieri sicut hypocritæ tristes. Exterminant enim facies suas, ut pareant hominibus jejunantes. Amen dico vobis, quia receperunt mercedem suam. Tu autem cum jeju-

*Matth. 23.**Matth. c. 6. v. 1.*



nas, unge caput tuum, & faciem tuam lava: ne videaris hominibus jejunans, sed Patri tuo, qui est in abscondito: & Pater tuus, qui videt in abscondito, reddet tibi. 2dum. *S. Augustinus: Psalm. 23.* Simulata æquitas non est æquitas, sed duplex iniquitas, quia iniquitas est simulatio. *S. Bernardus:* Quis magis impius, an profitens impietatem, an mentiens sanctitatem? Nonne is, qui etiam mendacium addens, geminat impietatem? *S. Gregorius: Moral.* Qualis hypocrita imperitis innotescit, talis vult ab omnibus æstimari, & paratior est mori, quam corripi: Hypocrita quot vitiis est plenus, quasi tor stercoribus in conspectu æterni Judicis illius pectus foetet. Hypocritarum corda diabolus tacitus tenet, & quasi ipse quietus ipse dormit, ubi eos, quos possidet; quiescere non permittit. *S. Petrus Chrysologus:* Hypocritis subtile malum, secretum virus, venenum latens, virtutum fucus, tinea sanctitatis. 3tium. Alphonsus Rex Aragoniæ audiens Antonium quendam, qui ob titulum abstinentiæ & sanctitatis Italiâ Hispaniâque celebris habebatur, ac cum Angelis versari ac colloqui ferebatur, suam hypocrisim morti vicinus prodidisse, & à vermibus corrosum comestumque interiisse, præclare dixit: Propterea DEUS in hypocritas tantopere sevit, quod, dum homines decipiunt, interponunt DEUM ipsum tanquam sceleris mediatorem, ideoque ut plurimum viventes adhuc plectuntur in hominum oculis, quos DEI nomine sefellerunt: ut intelligant mortales, à tali monstro maxime sibi cavendum esse, quod DEUM ipsum non tantum post mortem, sed etiam in vita ipsa indubitatum habent ultorem.)) Similis fuit & ille Doctor Parisiensis, qui ab omnibus in vita probus habitus, post mortem se alium fuisse quam æstimaretur, detexit, dum ad Vigiliis mortuorum lectio recitaretur: Responde mihi, quantas habeo iniquitates; erigens se mortuus è feretro, horrendâ voce proclamavit primâ die: justo DEI judicio accusatus sum: Similiter secundâ die; justo DEI judicio judicatus sum: Denique tertiâ die; justo DEI judicio condemnatus sum.

1. 2. tra. l. c. Praxis vitandi Simulationem & Hypocrisim, formari potest con-  
1. sect. 4. subf. venienter juxta suprâdicta.  
2. §. 2. & 3.



## §. II.

## De Jactantia.

**J**actantia, est peccatum Veritati contrarium, quo aliquis se extollit, seu *V. D. Thom.*  
*de se supra se aliquid dicit, quam est in rei veritate; vel in opinione* 2. 2. q. 112.  
*hominum, etsi sit talis in rei veritate.* Dicitur: peccatum &c. Nempe vel mortale, vel veniale, pro ratione causæ, ex qua oritur, qualis potissimum est superbia, inanis gloria; vel pro ratione finis intenti, v. g. lucri, vanæ complacentiæ, &c. Vel pro ratione virtutis, cui ex adjuncto opponitur, uti charitati DEI & proximi, humilitati, &c. Dicitur: vel in opinione hominum &c. quod Paulus refugiens dicit 2 Cor. 12. Parco, nè quis me existimet supra id, quod videt in me, aut audit aliquid ex me.

*Motiva vitandi jactantiam.* *im.* *Psal.* Disperdet *Psal.* II.  
 Dominus universa labia dolosa, & linguam magniloquam.  
*Proverb.* Nè glorieris in crastinum, ignorans quid superventura pariat dies. Laudet te alienus, & non os tuum, extraneus, & non labia tua. *Tob.* Superbiam in tuo sermone nunquam dominari permittas. Nam superbiæ conjunctus est interitus, multaque perturbatio. *Apostolus* de illis antiquis Philosophis ait: Dicentes se esse sapientes, stulti facti sunt. *2dum. S. Chrysostomus:* Dum causâ jactantiæ pauper pascitur, etiam ipsum de summo bono misericordiæ opus in peccatum convertitur. *S. Ambrosius:* Sci- *lib. 3.*  
 amus neminem jactare se debere, nam si Petrus lapsus est, qui *S. Ambrosius:*  
 dixit: Etsi alii scandalizati fuerint in te, sed non ego: quis ali- *ut habetur 6.*  
 us jure de se præsumat? Denique & David, qui dixerat: Ego *q. 1. Can. Imi-*  
 dixi in abundantia mea, non movebor in æternum, eam sibi jactantiam obsuisse confiteretur, dicens: Avertisti faciem tuam à *tere §. Sciamus.*  
 me, & factus sum conturbatus. *S. Augustinus:* Animadvertendum est, non solum rerum corporearum nitore, atque pompâ, *S. August. de*  
 sed etiam in ipsis sordibus esse posse jactantiam: & eò periculo- *in monte.*  
 sio-rem, quò sub specie servitutis DEI decipit. *Idem:* Jactantia *Idem lib. 10.*  
 non est vitium laudis humanæ, sed vitium animæ perversæ, aman- *de Civit. DEI.*  
 tis humanam laudem, spreto testimonio conscientiæ. *3tium. S. Bernardus*  
*S. Bernardus:* In prosperis quoque contra eum, qui dixit: Non *serm. 3. temp.*  
 qui Pasch.



qui seipsum commendat, ille probatus est; commendamus nosmetipsos non in multa patientia, sed in arrogantia, & inquinat nos altera lepra verbum jactantiæ. Ut ergo mundemur ab illa, mergamur in Jordane, & imitemur eum, qui non quærebat gloriam suam. Unde & dæmonia quæ clamabant, quia ipse esset DEI Filius, præcipiebat obmutescere, & illuminatos cecos dicere prohibebat.)) Imitare Paulum Apostolum, qui de seipso sic ait: Non audemus inferere aut comparare nos quibusdam, qui seipfos commendant, sed ipsi in nobis nosmetipsos metientes, & comparantes nosmetipsos nobis. *Ibidem*: Non enim qui seipsum commendat, ille probatus est, sed quem DEUS commendat.

2. Cor. 10.

*Ibidem.*

1. 2. tra. 1. c.

In Praxi cavendi jactantiam adhiberi potest forma juxta supraddictam.

1. sect. 4. subf. 11a, modo proportionato.

2. §. 2. &amp; 3.

## §. III.

## De Ironia.

*D. Thom. 2. 2. q. 113.* Ironia, est vitium veritati oppositum, quo aliquis de se minora dicit mentiando, vel negando, quod in se magnum est. Non autem est ironia, minora quæ vera sunt proferre, majora occultando, nisi id fiat per alicujus circumstantiæ corruptionem, tunc erit peccatum. Unde quoad primum Augustinus dicit supra Joannem 22. q. 15: Non ita caveatur arrogantia, ut veritas relinquatur. Et Gregorius lib. 26. Moral. c. 2. dicit, quod incautè sunt humiles, qui se mentiendo illaqueant. Quoad secundum verò, ubi dicitur: *Nisi id fiat &c.* quia illi, qui excellentiam aliquam spiritualem per exteriorum rerum defectum v. g. per abjectam vestem ostentare desiderant, simul incurrunt vitium ironiæ & jactantiæ, tamen secundum diversa. De talibus Dominus Matth. 6. dixit, quod exterminant facies suas, ut appareant hominibus jejunantes. Propter quod de Augustino legitur, quod neque vestes nimis pretiosas, neque nimis abjectas habere volebat, quia in utroque homines suam gloriam quærunt.

*Ibidem.*



## SUBSECTIO XVI.

## De S. Simplicitate, seu Sinceritate.

**S**implicitas, est virtus, quâ homo inclinatur ad hoc, ut quemadmodum est coram DEO interiorius, ita in omni verbo & actione gerat se in thesaur. bonor. exteriorius. *Franc. Arias in thesaur. bonor. Christ. T.*

*Illicia diligendæ Simpliciter. immum. Regius Prophetæ DEO* tra. 8. c. 1.  
*loquens: Scio DEUS meus, quod probes corda, & simplicitatem diligas. Proverb: Qui ambulat simpliciter, ambulat confidenter. Ibidem: Abominabile cor pravam, & voluntas ejus (DEI) in his, qui simpliciter ambulant. Ibidem: Justus, qui ambulat in simplicitate sua, beatos post se filios relinquet. Ibidem: Qui ambulat simpliciter, salvus erit. Matth: Estote prudentes sicut serpentes, & simplices sicut columbæ. 2dum. S. Hieronymus: Habere simplicitatem columbæ, nè cuiquam machinarius dolos; & astutiam serpentis, nè aliorum supplanteris insidiosis, quia non multum distat in vitio, aut decipere, aut decipi posse. S. Gregorius: Nihil simplici corde felicius: quia ex quo innocentiam erga alios exhibet, nihil est, quod pati ab aliis formidet. Habet enim quasi artem quandam, simplicitatem suam: nec suspectus est pati, quod se fecisse non meminit. At contra mens prava semper in laboribus est: quia aut molitur mala, quæ inferat: aut metuit, nè sibi hæc ab aliis inferantur. S. Bernardus: Omnibus nobis in conversionis initio nulla virtus magis necessaria est, quàm simplicitas humilis, & gravitas verecunda. 3tium. Beda: De beato Job dicitur, quod erat vir simplex, & rectus: simplex videlicet per innocentiam man- suetudinis, rectus per cautelam discretionis: simplex, quia nullum lædere, imò prodesse desiderabat: rectus, quia se à nullo corrumpi permittebat.*

*Praxis comparandi Simpliciter Sanctam formari potest juxta* 1. 2. tra. 1. c.  
*supràspecificata proportionem servatâ.* 1. sect. 4. subf.  
 2. §. 2:

SUB-



## SUBSECTIO XVII.

## De Oppositis S. Simpliciter.

*S. Hieronym.*  
*super Oseam.* **P**rimum: *Pseudosimplicitas*, quæ est simplicitas carens prudentiâ. Unde *S. Hieronymus* inquit: Prudentia absque simplicitate malitia est, & simplicitas absque ratione stultitia nominatur. 2dum *Oppositum*, est *Duplicitas*, quæ coincidit cum *Pseudosapientia*, astutia, dolo, fraude, mendacio, simulatione, hypocrisis, de quibus hic varis locis vide. 3tium *Oppositum* respectivè ad proximum est *suspiciosum* vel *temerarium iudicium*, quo (ut definit *D. Thomas*) aliquis de his iudicat, quæ sunt dubia & occulta, propter aliquas leves conjecturas. Hoc ipsum explicans ulterius *S. Doctor* ait: Dicendum, quod, sicut *Tullius* dicit, suspicio importat opinionem mali, quando ex levibus indiciis procedit. Et contingit ex tribus. Uno quidem modo ex hoc, quod aliquis ex seipso malus est: & ex hoc ipso, quasi conscius suæ malitiæ, facilius de aliis malum opinatur, secundum illud *Ecclesiæ* 10. In via stultus ambulans, cum ipse sit insipiens, omnes stultos æstimat. Alio modo provenit ex hoc, quod aliquis malè afficitur ad alterum: cum enim aliquis contemnit vel odit aliquem, aut irascitur, vel invidet ei, ex levibus signis opinatur mala de ipso: quia unusquisque facilius credit quod appetit. Tertio modo provenit ex longa experientia. Unde *Philosophus* dicit in 2. *Rhetor.* quod senes sunt maxime suspiciosi: quia multoties experti sunt aliorum defectus. Primæ autem duæ suspicionis causæ manifestè pertinent ad perseverantiam affectûs. Tertia verò causa diminuit rationem suspicionis, inquantum experientia ad certitudinem proficit, quæ est contra rationem suspicionis. Et ideo suspicio vitium quoddam importat: & quanto magis procedit suspicio, tanto magis est vitiosum. Est autem triplex gradus suspicionis. Primus quidem gradus est, ut homo ex levibus indiciis de bonitate alicujus dubitare incipiat, & hoc est veniale & leve peccatum. Pertinet enim ad tentationem humanam: sine qua vita ista non



non ducitur, ut habetur in Glossa super illud 1. Cor. 4: Nolite ante tempus judicare. Secundus gradus est, cum aliquis pro eo. in Joann. certo malitiam alterius æstimat ex levibus indiciis. Et hoc si parum ante sit de aliquo gravi, est peccatum mortale, inquantum non est med. sine contemptu proximi. Unde Glossa ibidem subdit: Et si ergo suspiciones vitare non possumus, quia homines sumus, judicia tamen, id est, diffinitivas, firmasque sententias continere debemus. Tertius gradus est, cum aliquis iudex ex suspitione procedit ad aliquem condemnandum, & hoc directe ad injustitiam pertinet; unde est peccatum mortale.)) Porro non modò intelligendum est iudicium temerarium vel suspicio committi, dum ex non sufficientibus conjecturis quis dijudicatur: verum etiam si aliquis semel rectè iudicatus fuisset, ob sufficientia signa; tamen alià vice talis amplius non debet iudicari, nisi de novo similia signa & indicia habeantur, & maxime, si quodpiam signum poenitentiae & emendationis dederit. Poterat enim ille peccator interea temporis poenituisse, & coram DEO iustus apparere, & esse, adeoque à te iniquè iudicari. In quo iudicio temerario toties Pharisei impeerunt, ut in illo Publicano Evangelico percutiente pectus suum, Magdalena poenitente, Matthæo, & Zachæo, Christum suscipientibus, qui eo ipso jam peccatis valedixerunt, nec tales fuerunt, ut iudicabantur, vel cum quibus Christus conversabatur. Huc refertur & aliud iudiciorum temerariorum genus, quo pia opera proborum non ex supernaturali principio gratiæ DEI; verum ex naturali inclinatione vel vicio procedere æstimantur: ut ex D. Chrysostomo refert Marchantius: Si quis, inquit, studet humilitati, dicunt hypocrita est; si recreationi, gulosus est; si patientiæ, timidus est; si iustitiæ, impatiens est; si simplicitati, fatuus est; si prudentiæ, malitiosus est; si maturitati, phlegmaticus est; si iucunditati, dissolutus est; si Religioni, singularis est; si societati, secularis est; si vigiliis & orationibus, indiscretus est; si dormitioni, somnolentus est; si prædicationi, & aliorum salutari, appetitor laudis est; si desistat, negligens est; si habet gratiam hominum, adulator est; si adulari renuit, dicitur quod superbus est ))

Marchant.

Hort. Pastor. T.

de charit. Lect.

M



Vide in simili  
sub blasphem.  
in Spirit. S.

Ex his collige 1<sup>mo</sup>: iudicium, suspicionem, dubium, inter se distingvi. Dubium enim est suspensio iudicii inter utramque partem negationis, & affirmationis, ut neque pro certo credat, & assentiatur, neque discredat, & dissentiat de aliquo malum, vel bonum, propter æqualem utrinque apparentiam rationum. Suspicio est propensio iudicii magis ad unam, quam ad alteram partem, ut quamvis moveatur, & inclinetur ad magis credendum malum, vel bonum, de altero, quam discredendum, non tamen id determinatè pro certo credit. Iudicium est firmus assensus, seu determinata affirmatio, vel negatio de bono, vel malo alterius.

Collige 2<sup>do</sup>: Non esse temerarium iudicium, cum ejus sufficiens iustaquè adsit ratio. Atque ita primò non peccatur temerario iudicio, dum vides aliquem manifestè peccantem, v. g. aliena rapientem, mentientem, blasphemantem, &c. Hinc

S. Augustin. S. Augustinus ait: Quod dicit: Tu quis es, qui iudicas alienum servum? ad hoc dicit, in his rebus, quæ possunt & bono animo fieri, & malo, non audeamus de alterius corde, quod non videmus, ferre sententiam.

In his enim rebus, quas bono & casto animo non posse fieri manifestum est, non improbat si iudicemus.)) Et alio loco explicans eandem auctoritatem, inquit: Eis dictum intelligitur, qui volebant non de factis manifestè malis, sed de cordibus alienis iudicare.)) Imò Christus iussit attendere nobis à falsis Prophetis, qui veniunt in vestimentis ovium, intrinsecus autem sunt lupi rapaces: nè ab eis decipiamur. Modumquè cognoscendi eorum falsitatem tradit, dicens: A fructibus eorum cognoscetis eos: nempe ex operibus perversis, ut dum v. g. honoribus sibi delatis intumescunt, persecutione sui aliquà efferantur & furunt, quæstui turpis lucri inhiant.

Matth. 7.



1. Cor. 2.

Collige 3<sup>io</sup>: Non esse peccatum, dubitare & suspicari gravia proximi mala, quando eorum sufficientia indicia dantur, quanquam opus est majoribus indiciis ad suspicandum, quam ad dubitandum. Hinc Apostolus dicit: Spiritualis iudicat omnia. Quocirca & SS. Patres virtutum vitiorumquè conscripsere signa & indicia, ut per eorum notitiam veniamus ad cognitionem sui, & vitiis tam nostris quam proximorum occurramus extirpandis.



dis. Porro *Regula* cognoscendi, est sufficientia rationis, ad formandum iudicium suspicionis, & dubium de malo alterius, ut non sint hæc temeraria, sed licita. Quæ sufficientia rationis est, *moralis quædam & humana certitudo, desumpta à rebus ordinariè accidentibus, verèquè evenientibus.* Atque ita iudicare, aliquem subinde furari, qui cum furibus nocte exit; vel iudicare, juvenem sibi liberum prostibula meretricum non rarò ingredientem, quandoque in turpitudines prolabi, non est iudicium temerarium, sed rectum. Id enim communiter & verè evenit, ut fortius furum interdum datâ occasione aptâ furetur, & conversans cum impudicis, impudicitiam incurrat.

*Motiva* vitandi temeraria iudicia, & suspensiones. *immut.*

*Matth.* Nolite iudicare, ut non iudicemini. In quo enim iudicio iudicaveritis, iudicabimini. *Joann.* Nolite iudicare secundum faciem, sed iustum iudicium iudicate.)) *Pharisæorum* est malitia, in malam partem interpretari omnia, sicut *Matth. II.* habetur: Venit Joannes neque manducans, neque bibens, & dicunt, dæmonium habet. Venit Filius hominis manducans & bibens, & dicunt: Ecce homo vorax, & potator vini, publicanorum & peccatorum amicus. *Apostolus:* Propter quod inexcusabilis es, ô homo, omnis qui iudicas. In quo enim iudicas alterum, te ipsum condemnas: eadem enim agis, quæ iudicas. Existimas autem hoc, ô homo, omnis qui iudicas eos, qui talia agunt, & facis ea, quia tu effugies iudicium DEI?

*2dum.* *S. Augustinus:* Maxime hi temerè iudicant, qui de meritis aliorum facilè reprehendunt: qui magis amant vituperare & damnare, quàm emendare, & corrigere: quod vitium vel superbiæ est, vel invidiæ. *S. Ambrosius:* Iudicet ille de alterius errore, qui non habet in seipso quod condemnet: iudicet ille, qui non agit eadem, quæ in alio putaverit esse puniendam, nè cum de alio iudicat, in seipsum sententiam ferat: Iudicet ille, qui ad pronunciandum nullo odio, nullâ levitate ducitur.

*Dorotheus:* Nihil gravius, nihil difficilius, quàm proximum iudicare vel contemnere, cur non magis nos ipsos diiudicemus de malis propriis, quæ optimè novimus, de quibus reddere cogemur rationem? Quid ad nos de creatura & servo alieno?

*Matth. 7.*

*Joann. 2.*

*Matth. II.*

*Rom. 2.*

*S. August. de Serm. Domini in monte.*

*S. Ambrosius super illud: Beati immaculati.*

*B. Ex doctrina*

*B. Dorothei c.*

*6. Biblioth. Patrum to. 22.*



D. Franciscus 3<sup>ti</sup>um.  
in reg & te-  
fram.

Imitare & audi S. Franciscum: Moneo, & exhortor fratres meos, nè despiciant, neque judicent homines, quos viderint mollibus indumentis, & coloratis indutos, cibis & potibus delicatis nutritos, sed magis unusquisque judicet & despiciat seipsum. Et si haberem tantam sapientiam, quantam Salomon, & invenirem pauperculos Sacerdotes in Parochiis, in quibus morantur, nolo prædicare contra voluntatem ipsorum. Et ipsos, & omnes alios volo timere, amare, honorare, sicut Dominos meos. Et nolo in ipsis considerare peccatum, quia

Palladius ad  
finem 3. libri  
n. 36.

Filium DEI discerno in eis, & Domini mei sunt. Aliud. Quidam Senex dixit: Si audieris de aliquo Fratre verbum malum, vel quod sit iniquum, responde dicens: Nunquid ego iudex ejus sum? ipse hodie, ego cras. Opera quidem ejus infirma tibi nota sunt, & perscrutaris ea, quare fortia opera ejus & utilia nescis? Ego jam mortuus sum in peccatis, sufficiunt mihi

Vide Fran-  
ciscum Ariam  
Thesaur. inex-  
bau. Tom. 3.  
tra. 8. c. 21. ci-  
tant. Hist. Min  
in vita Ber-  
nardi.

peccata mea. Aliud. Refertur de quodam Sancto Fratre ex primis S. Francisci discipulis & sociis, nomine Fratre Bernardo de Quintavalle; qui cum in seculo vir primarius, valdequè potens fuisset, in Religione perquam humilis, & in omni virtute perfectus, ac præcipuè in virtute Simplicitatis eminens fuit. Si in plateis laceros, ac pannosos pauperes videret, id virtuti attri- buebat, judicans, eos paupertatem illam æquo, libentiquè animo ferre, & intra se dicebat: Hi paupertatem melius quàm ego ob- servant. Si homines divites benè vestitos cerneret, in bonam partem interpretabatur, agebatquè secum: Fortassis isti sub vesti- bus cilicium gestant, & in abscondito poenitentias exercent, quibus car- nem suam macerant, & his omnibus exterioribus vestimentis se melius quàm ego à vana gloria defendunt. Sic res indifferentes ac dubias proximorum in partem meliorem trahebat: fuitquè mirabile, virum adeo sapientem ac prudentem tam puram Simplicitatem conservare. Post ejus mortem cum beatus Frater Leo, & ipse S. Francisci socius, in Divina, quam habuit, revelatione, Beato- rum ejusdem sui Ordinis Religiosorum processionem conspe- xisset, vidit inter eos hunc ipsum Bernardum plenum celesti gloriâ, ex cujus oculis pulcherrimi quidam radii gloriæ, sole ipso incomparabiliter clariores, splendorioresquè egrediebantur, &

dictum.



dictum illi fuit, tam excellentis gloriæ, quam is in oculis haberet, causam esse magnam Simplicitatem, quam in vita sua conservasset, interpretando res omnes dubias in meliorem sensum, & de omnibus quoad potuisset benè judicando. Hoc fuit testimonium specialis, & excellentissimi præmii gloriæ, quod is propter gratiosissimam virtutem Simplicitatis in æterna vita acceperat. *4tum.* Socrates, oblatâ occasione judicandi de rebus ad se non pertinentibus, dicere consueverat: *Quæ supra nos, nihil ad nos.* *Laërt. l. 6.*

*In Praxi* cavendi temeraria judicia & suspiciones, ac proficiendi in S. Simplicitate, observa potissimum imò, quod S. Bernardus docet: *Cave alienæ conversationis esse temerarius iudex.* *S. Bernardus* Etiam si perperam actum quid deprehenderit, nec sic iudices proximum; *Serm. 40. in* magis autem excusa. Excusa intentionem, si opus non potes: puta ignorantiam, puta subreptionem, puta casum, vel vehementem nimis fuisse inimici tentationem. Et alibi idem: *Quod si, inquit, omnem omnino* *Idem Serm.* dissimulationem excusationemve rei malæ à proximo admisse certitudo *II. in Cant.* & evidentia recusat, syade nihilominus ipse tibi, & dicito apud temetipsum: Si tentatio illa me tantâ vi impugnasset, quantâ illum impugnavit, & tentator diabolus tantam potestatem me tentandi habuisset, quantam habuit tentandi illum, quid de me fecisset? Audi & S. Gregorium: *Sunt quidam, inquit, si quid fortasse justè exterius vel tenuiter* *S. Greg. Lucæ* egerint, protinus proximos despiciunt, & peccatores quosque dedignantur. *7. Hom. 33.* Ad hanc culpam evitandam semper necesse est, ut cum peccatores quosque conspiciamus, nosmetipsos prius in illorum calamitate defleamus; quia fortasse in similibus aut lapsi sumus, aut labi possumus, si lapsi non sumus. *Observe 2dò,* ut dubia in meliorem partem interpreteris. Unde S. Augustinus: *Præcipit Dominus, ut ea facta, quò dubium est, quo* *L. 2. de Serm.* animo fiant, in meliorem partem interpretemur. Quod confirmat dicto Apostoli: *Qui non manducat, manducantem non judicet.* *Imi-* *Domini in* *Monte.* *tare hoc in puncto illum Fratrem, de quo B. Dorotheus, qui si* *Rom. 14.* *cujus Fratrìs cellam mundam ornatamquè vidisset, ajebar apud* *Serm. 6. &* *se: En quàm pura & immaculata est Fratrìs hujus anima.* *Ex ex- 16.* *terna cellæ Fratrìs munditiæ internam Fratrìs conjecturans puritatem.* Sin verò alterius cellam vidisset neglectam, & immundam, dicebat intra se: *Quàm beatus est Frater iste, & ut se to-*



tum ab his terrenis ad celestia & Divina contemplanda transtulit: nam neque propriæ cellæ exornandæ illi est cura aliqua. Quo S. Simpli-  
tatis studio præclara dona & favores à DEO consecutus est. *Observe* 3tio, & nec sub specie alicujus boni pronus sis alios ad  
judicandum. Hinc S. Catharina Senensis hoc vitio quondam

*Dial. c. 108.*

laborans, ita de seipsa scribit: Tradidisti mihi medicinam optabilem  
contra quandam occultam agritudinem, quam ignorabam, nec illam agno-  
scebam, instruendo me, nè ullatenus ego judicare præsumam aliquam ra-  
tionalem creaturam, & præcipuè Servos tuos, de quibus aliquando, velut  
ex cecitate & ignorans, hæc eram infirmitate corrupta: quia sub colo-  
rata specie tui honoris, atque salutis animarum temerè judicabam. To-  
tila Rex, dum Cassium, Narniensem Episcopum, facie rubicun-  
dum conspexisset, ideoquè potui quasi assuetum contempnisset,  
malignus spiritus Spatharium ejus invasit, nec ante venare desti-  
tit, donec ad S. Cassium perductus, ab illo liberatus est. *Observe*

*S. Gregor Dial.*

*l. 3, c. 6.*

4to, & informare illo exemplo, quod in vita Pasnuttii legis, qui bea-  
tus vir post multam in virtute exercitationem cum DEUM roga-  
ret, cui Sancto foret similis, responsum est ei, esse similem cui-  
dam Tibicini, aliàs homini peccatori, ebrioso, & scortatori, qui  
tamen in vita sua unum vel aliud heroicum opus bonum pa-  
trârat. )) Ecce inter nefarios peccatores quàm aliqui pretiosi in  
conspectu æterni Judicis propter aliqua pia opera, qui in tuis o-  
culis mali dicti sunt, & condemnati. Ergo & sceleratissimum  
quoque judica, eum esse forsan meliorem in oculis DEI propter  
sua quæpiam bona, etsi pauca, sed insignia & heroica, quàm  
tu sis cum omnibus tuis perfectionibus & virtutibus: Judica,  
inquam, & humiliare sub pedibus omnium, etiam nequissimo-  
rum. Et hujusmodi simplicitas columbina etiam ipsis Superi-  
oribus, & aliis, ad quos spectat correctio aliorum servanda, ut  
nimirum apud seipsos interiùs talia forment judicia de corri-  
gendis, quànquam exteriùs serpentinâ prudentiâ minimè ne-  
gligere debeant officia correctionis fraternæ. Specialia con-  
tra eos, qui opera DEI per homines facta adscribunt vel natu-  
ræ, vel dæmonis operationi, dicta sunt suprâ sub Blasphemia  
contra Spiritum S.

*Ruff. l. 2, c. 16.*

*Observe*

*Observe*



Observe s<sup>to</sup> agendo proportionatè juxta supràdicta ad præcaven-  
da temeraria judicia & suspiciones.

1. 2. tra. 1. c.

1. sect. 4. subs.

2. §. 2. &amp; 3.

## SUBSECTIO XVIII.

## De Amicitia, seu Affabilitate, vel Benignitate.

**D**upliciter sumitur Amicitia. imò pro ea, quæ consistit V. D. Thom.  
principaliter in affectu, quo unus alium diligit; sed de 2. 2. q. 114.  
hac suprà dictum, ubi de Charitate. 2<sup>do</sup>. Amicitia seu  
Affabilitas (prout hic de ea agimus) sumitur, & est virtus speci-  
alis, secundum quam homines exterioribus vel verbis, vel factis inter se  
juxta rationem honesti & decori benè disponuntur simul conviventes.  
Importat autem hæc Amicitia quandam hilaritatem animi &  
vultus ad alios, non lascivam, sed honestam, modestam, ac ma-  
turam, juxta illud Psalmi 132: Ecce quàm bonum & quàm ju-  
cundum, habitare fratres in unum. Quia sicut sinè Veritate  
non posset homo vivere in societate, ita nec sinè delectatione.  
Unde Philos. dicit in 8. Ethic. c. 5. Tom. 5: Nullus potest per di-  
em morari cum tristi, nec cum non delectabili, & ideo homo  
tenetur ex quodam naturali debito honestatis, ut aliis delecta-  
biliter convivat. Vel etiam importat Amicitia quandoque tristi-  
tiam pro quadam existentia circumstantiarum, condolendo ali-  
is, ut dicitur Eccles. 7: Non desis plorantibus in consolatione,  
& cum lugientibus ambula. Deinde non debemus hilarem  
vultum ostendere ad eos delectandum, qui proni sunt ad pec-  
candum, nè videamur illorum peccatis consentire, & quodam-  
modo peccandi audaciam ministrare. Unde dicitur Eccl. 7:  
Filix tibi sunt, serva corpus illarum, & non ostendas hilarem  
faciem tuam ad eas.

Motiva fovendæ Affabilitatis. Eccl. Congregationi Eccl. c. 4.  
pauperum affabilem te facito. Idem: Nonne ardorem sedabit Idem c. 18.  
ros? sic melius verbum, quàm donum. Eccl: Sapiens in Eccl. c. 20.  
verbis seipsum amabilem facit, gratiæ autem fatuorum effun-  
dentur. Proverb: Vir amicabilem ad societatem magis amicus Proverb. c. 18.  
erit,



- Eccl. 7.* erit, quàm frater. *Eccl.* Verbum dulce multiplicat amicos, & mitigat inimicos, & lingua eucharis in bono homine abundat. *Eccl.* Melius est duos esse simul, quàm unum, habent enim emolumentum societatis suæ. Si unus ceciderit, ab altero fulcietur: Væ soli! quia cùm ceciderit, non habet sublevantem. *Idem:* Amicus fidelis protectio fortis, qui autem invenit illum, invenit thesaurum. *Ibidem:* Amico fideli nulla est comparatio, & non est digna ponderatio auri & argenti contra bonitatem fidei illius. *Ibidem:* Amicus fidelis medicamentum vitæ & immortalitatis, & qui metuunt Dominum, invenient illum. *Ibidem:* Amicum salutare non confundaris. A facie illius non me abscondam: & si mala mihi evererint per illum, sustinebo. Omnis qui audiet, cavebit se ab eo. *Ibidem:* Beatus qui invenit amicum verum.
- S. August.* 2dum. *S. Augustinus:* Nullius repudianda est amicitia se-  
*12. q.* se ingerentis ad amicitiam copulandam, non ut statim recipiatur, sed ut recipiendus optetur, atque ita tractetur, ut recipi possit. Illum enim in amicitiam recipere debemus, cui omnia nostra consilia refundere audeamus. *Ibidem:* Nihil sic probat amicum, quemadmodum oneris amici supportatio. Nemo nisi per amicitiam cognoscitur, & ideo amicorum mala firmiter sustinemus, quia bona eorum nos delectant & tenent. *S. Am-*
- S. Ambrosius de* Solatium hujus vitæ est, ut habeas, cui pectus tuum  
*offic. l. 3.* aperias, cui arcana communices, cui secreta tui pectoris committas, ut colloques tibi fidelem virum, qui in prosperis gratuletur tibi, in tristibus compatiatur, in persecutionibus adhortetur: facilis vox & communis: *Tuus sum totus*, sed paucioris est effectus. *Idem:* Defer amico, ut æquali: nec te pudeat, si prævenias amicum in officio. Amicitia enim superbiam necit: Nam sicut amoris est deferre, ita qui odit, quæstiones movet, & qui amat, deferat reverentiam. *Idem:* Solem è mundo tollunt, qui tollunt amicitiam. *Isidorus:* Nonnunquam accidit, ut inter amicos aliqua redargutionis nutrita discordia, majorem postea charitatem parturiat, utpote cùm corriguntur ea, quæ displicere in animo videntur. *Idem:* Benignus est vir spontè ad benefaciendum paratus, & dulcis alloquio. *S. Chry-*
- sol.* 10. c. 2.



*Joſtomus*: Si virum verè Sanctum agere vis, austerus erga te & *S. Chryſoſto-*  
 rigidus, erga alios verò benignus ac pius esto: videant homi- *mus hom. 73.*  
 nes ſuavia imperare, te verò ipſum gravia, difficiliaquè ex- *Matth. 13.*  
 qui. *Cassianus*: Qui verè amicus est, omni tempore diligit, *Cassianus in*  
 nam eum tormentum non ſeparat, labor non laxat, theſaurus *Epist.*  
 non ſuperat, alienus amor non occupat. *Ibidem*: Sinè amicis *Cassianus in*  
 omnis cogitatio eſſet tædium, omnis operatio labor, omnis ter- *Epist.*  
 ra peregrinatio, omnis vita tormentum, ſine quorum ſolario  
 vivere eſſet mori. *Idem*: Vera amicitia tantum inter bonos o- *Idem ſuper*  
 ritur, inter bonos profuit, inter optimos conſummat. *Pſalm.*

*3<sup>ti</sup>um ab Exemplis*: DEUS dulcis & amabilis in homi-  
 nes. *Unde Sapient*: O quàm bonus & ſuavis eſt Domine Spiri- *Sap. 12.*  
 tus tuus in omnibus. *Apoſtolus ad Tit*: Benignitas & humani- *Apoſt. ad Tit.*  
 tas apparuit Salvatoris noſtri DEI, non ex operibus juſtitiae, quæ *c. 3.*  
 fecimus nos, ſed ſecundum ſuam miſericordiam ſalvos nos fe-  
 cit, per JESUM CHRISTUM.)) Cujus ineffabilis dulcedo &  
 amabilitas in homines, quantum reſplenduerit in luſcipiendis,  
 corrigendisquè peccatoribus, in ſufferendo & connivendo im-  
 perfectionibus ſuorum diſcipulorum, in convictu & converſa-  
 tione cum omnibus, plenum eſt Sanctum Evangelium.

In Belgio cùm vir quidam inſignis in extrema lucta, im- *Engelgr. p. 2.*  
 primis uxorem, deinde filios & filias, & demùm ſervos & an- *Luc. Evang.*  
 cillas rogâſſet, ut opem ferrent, & ſinguli reſponderent, non- *Embl. 13. ſ. 3.*  
 eſſe hoc in ſua poteſtate, in has voces & gemitus erupit: O va-  
 nas hominum curas! O quantum eſt in rebus inane! Ecce ego  
 tibi uxor, vobis ô filii & filiae, laboravi, ſudavi, vires & vale-  
 tudinem impendi, quin & animam fortè oppignoravi, & ecce  
 hæc eſt merces mea, ut in hora noviſſima implorem opem ve-  
 ſtram, & non inveniam. O quàm ſatiùs fuiſſet, ſi DEO ſervi-  
 viſſem, ſi amicos in terra & in cælis mihi comparâſſem, qui in  
 hoc articulo mihi aſſeſſent! O ſi vivere liceret, quàm ſape-  
 rem! *Aliud*. Jonathas dilexit David quaſi animam ſuam, quia *I. Reg. 18. v. 1.*  
 anima illius erat conglutinata animæ David; hinc & expoliavit  
 ſe Jonathas tunicâ ſuâ, quâ erat indutus, & dedit eam David,  
 & reliqua veſtimenta ſua, uſque ad gladium & arcum ſuum,  
 & uſque ad balteum.



1. 2. tra. 1. §.  
apophib.

Dionysius Senior admiratus egregiam fidem Damonis & Pythiæ (quod scilicet Damon ad mortem damnatus, cum facultatem impetrasset, domum prius eundi, & res suas componendi, & Pythias interea vadem se obtulisset, ad constitutum tempus redierit,) rogo, inquit, ut me quoque in amicitiam vestram recipiatis: simulque vitam damnato donavit.

1. 2. tra. 1. §.  
1. sect. 4. subf. methodo.  
2. §. 2:

In Praxi adipiscendi Affabilitatem, utere suprädictis, proportionatâ  
Ceterum hæc virtus in Dilectione proximi (de qua suprâ)  
eminenter continetur, adeoque Dilectionis possessio est Amicitia seu Affa-  
bilitatis perfecta acquisitio.

## SUBSECTIO XIX.

### De Oppositis Amicitia, seu Affabilitatis.

#### §. I.

Primum Oppositum multiplex est Pseudo-amicitia. Ejusmodi communiter reperitur imò in Amicis divitum, juxta illud Proverb. c. 19. verb: Divitiæ addunt amicos plurimos: pauper etiam ab amicis deferitur. Ibidem: Multi colunt personam potentis. & amici sunt bona tribuentis. Eccles. Est amicus socius mensæ, & non permanebit in die necessitatis.) De talibus amicis Isido-

Isidorus 3. rus ait: Non sunt fideles in amicitia, quos munus, non gratia de summo bo-  
copulat: nam citò deferunt, nisi semper acceperint: Dilectio enim, quæ munere glutinatur, eodem suspensio dissolvitur. 2dò.

Proverb. 18. Falsa amicitia est ejus, de quo Proverb: Occasionem quærit, qui vult recedere ab amico, omni tempore erit exprobrabilis. Un-

S. Ambros. de S. Ambrosius: Amicitia, quæ desinere potuit, nunquam fuit de offic. vera. 3tò. S. Augustinus: Nescio utrum Christianæ amicitia

S. August. in putandæ sint, in quibus magis valet vulgare proverbium: Ob- Epist. ad Hier. sequium amicos, veritas odium parit: quàm Ecclesiasticum:

Meliora sunt vulnera diligentis, quàm fraudulenta oscula odientis. Idem: Est quidem amici amicitia mala, quæ nec amicitia dicenda est, quam mala conscientia facit. Sunt enim homines, qui pariter mala committunt, & ideo videntur sibi juncti, quia



quia conscientia malâ ligati sunt. Exceptâ illâ variâ amicitia, quæ est quædam amicitia carnalis, per similitudinem habitandi, colloquendi, simul conversandi, ut tristetur unus, quum deseritur ab amico, cum quo solet colloqui, & habere conjunctionem, conveniunt duo, ambulant simul triduo, & jam nolunt à se recedere: & ista quidem amicitia est honesta; sed est consuetudinis, non rationis: habent enim illam & pecora: duo equi manducant simul, præcedit unus, festinat alter, desiderans quasi amicum suum, vix regitur à possessore suo, & tamdiu se impetu suo provocat, quousque ad alium perveniat. Et est alia amicitia superior, non consuetudinis, sed rationis; quâ diligimus hominem propter fidem, & mutuam benevolentiam, in ista vita mortali, & superius quidquid invenimus Divinum esse, incipiat homo amare, & non amabit in homine, nisi DEUM. *S. Hieronymus*: Vera illa amicitia, & Christi glutino co-  
pulata, quam non utilitas rei familiaris, non præsentia corporum tantum, non subdola & palps adulatio, sed DEI timor, & Divinarum scripturarum conciliant studia.

*S. Hieronymus.**in Epist. ad Paulinum.*

*Motiva* vitandi malam seu falsam Amicitiam, vel Societatem, & quærendi bonam. *imm.* *Psalm*: Cum Sancto Sanctus eris: & cum viro innocente innocens eris. Et cum electo electus eris: & cum perverso perverteris. *Eccl*: Qui tetigerit picem, inquinabitur ab ea, & qui communicaverit superbo, induet superbiam. *2dum.* *S. Gregorius*: Cum incautè malorum amicitias jungimur, eorum culpis ligamur. *S. Ambrosius*: Caveamus perfidum, caveamus proditorem, nè per unum pluri fluctuemus. *S. Chrysost*: Bonus sic malo connectitur, ut aut pares reddantur, aut citò ab invicem separentur. Amicitia enim pares aut quærent, aut faciunt. *Hugo*: Amabilis socius omnibus est officiosus, & nulli onerosus, quia devotus ad DEUM, benignus ad proximum, sobrius ad mundum, Domini servus, proximi focus, mundi Dominus, superiora habet ad gaudium, æqualia ad consortium, interiora ad servitium. *S. Bernardus*: Vitiosus conscientias vitiosorum non refugit, & ubi omnes sordent, unus fortè minimè sentitur. *3tium.* *Rutilius*, cum amico injustum quid petenti negasset, & is diceret: quid

*Psalm. 17.**Eccl. c. 12.**S. Gregor. in**Pastoral.**S. Ambrosius**super Luc. c. 4.**S. Chrysost.**in Matth.**Hugo lib. 3.**de anima.**S. Bern. lib.**de Considerat.**Val. Max. l.**6. c. 4.*



ergo tuâ mihi opus est amicitia, si quæ peto, non impetrem?  
respondit: quin inò quid tua mihi prodest amicitia, si inho-  
nesta propter te facere cogar?

*Descriptio Pseudo-amicitia, eamquè cavendi Motiva & Praxi,*

*Biblioth. Ma- ex P. Lobner:* Noverit discernere & fugere particulares & noxias  
*nual. tit. Ami-amicitias,* quod ut tantò certius præstet. *Primò* nôsse in gene-  
*citia.* re debet, quanam particulares & noxiæ amicitia dicendæ sint,

scilicet omnis illa, cujus causa & fundamentum non est DEUS.

*S. Basilii c.* De qua clariùs locutus S. Basilii: Charitatem quidem, inquit,  
30. *Constit.* habere inter se mutuam debent Fratres, non ita tamen, ut duo,  
*Mon.* tresvè seorsim à cæteris sodalitatem ineant. Quandoquidem

hoc non charitas, sed carnalitas, sed seditio, & divisio foret, &  
eorum, qui sic coeunt, improbitatis indicium. *Secundò* nôsse

debet species harum amicitiarum, quarum tres enumerat Al-

*Rodr. p. 1. tr.* phonus Rodriquez, quarum prima est eorum, qui ob similitu-  
4. c. 18. *& seg.* dinem naturæ, aut amabilitatem, formamquè corporis, se mul-

tò plùs, quàm alios diligunt. Altera eorum, qui certis quibus-  
dam personis, à quibus promotionem ad honorata officia spe-  
rant, adhærent, eorumquè gratiam & favorem variis obsequiis  
aucupantur. Tertia & pessima est eorum, qui inter se coeunt  
ad novitates in Religionem inducendas, & Constitutiones ejus-  
dem convellendas, de quibus proinde jure dicitur illud Canti-

*Cant. I. v. 6.* corum: Filii Matris meæ pugnaverunt contra me. *Tertiò* nôs-

se debet indicia, per quæ cognosci possunt ejusmodi amicitia,

*S. Laurent.* quæ quidem clare S. Laurentius Justin. sequentibus verbis indi-  
*Justin. de di* cavit: Hic amor cum in corde imprudentis exortus radices mit-  
*sciplin. Mo-* tere ac pullulare coeperit, corporalem quærit dilecti præsentia-  
*nost. c. 22.* am, cum eodem habitare, cum eodem loqui desiderat. Sicut

autem ex ipsius gaudet aspectu, ita absentia contristatur. So-  
lus vult cum eo, quem diligit sensualiter loqui: solus cum eo  
conversari, quia in illius mente habitare jam coepit: livore,  
quippe invidia accenditur, si quempiam ab eodem diligi, &  
cum eodem conversari perspexerit. Absentiam etiam illius,  
magnam sibi delectationis jacturam æstimat. Sicut enim amat  
singulariter, ita & amari vult, atque cæco seductus errore igno-  
rat, se vesano amore percussum. *Quartò* nôsse debet damna,

quæ



quæ ex talibus amicitis oriri solent, & ad tria ferè capita revocari possunt, dum scilicet DEO subtrahitur debitus honor, aut certè in creaturas dividitur; quam ob causam, ut observavit S. Chrysostomus, Christus post resurrectionem suam non est versatus cum discipulis quadraginta diebus, sed per quadraginta dies, advolabat enim, ac devolabat rursus. Cur ita tandem? Subducebat animos illorum ad altiora, nec patiebatur illos similiter erga ipsum sic affectos esse, quemadmodum prius fuerant. Siquidem sic erant affecti, ut admodum ægrè ab illo divellerentur. Unde & consolans illos dicit: Expedi vobis ut ego vadam. Deinde ipsi quoque *Communitati* seu *Religioni* graviter nocent; nam inducunt varias divisiones, clancularios congressus, conspirationes, odia, suspiciones, invidias, inimicitias, atque adeo deterrima peltis Religionum meritò vocantur. Denique iis ipsis, qui eos fovent, nocent gravissimè, dum & omni merito eos privant, (nam teste D. Thomâ, dilectio amicorum apud DEUM mercedem non habet, quando propter hoc solum amantur, quia amici sunt) & gratiarum Divinarum influxum impediunt; nam si, ut benè discurret S. Bernardus, Apostoli carni Dominicæ inhaerentes, quæ sola Sancta erat, Spiritu Sancto repleti nequiverunt, donec tolleretur ab eis, tu carni tuæ (& carnalibus sociis) adstrictus & conglutinatus, illum meracissimum Spiritum te putas posse suscipere, nisi carnis istius consolationibus funditus renunciare tentaveris? id quod benè advertit S. Gertrudis, hinc cavebat maximè in verbis, nè cuiusquam hominis cor sibi attraheret, nè in ejus se amicitiam insinueret, unde quâvis post occasione retraheretur. Omnem enim amicitiam humanam, cujus advertere potuit causam, fundamentumquè non esse DEUM, ut virus lethale, abhorrebat, malebatquè obsequiis, ac beneficiis cujuscunque carere, quàm admittere, ut humano secum favore cor cujuscunque esset occupatum. Ejusdem animi Joannes de Luca ex Ordine S. Francisci erat, qui cum à quodam interrogatus fuisset, cur tantoperè Fratrum consortium vitaret? respondit: id se ob ipsorum bonum facere; quanto enim ipse DEO unitus foret, tantò plus eorum commodis se prospecturum; teneriores

S. Chrysost.

hom. 1. in Acta

Apostol.

D. Thom. 2. 2.

q. 27. a. 7. ad 1.

S. Bernard.

serm. de Ascens.

Lib. 2. In fin.

c. 7.

Rodr. p. 1. tr.

4. c. 18.



verò cum iis amicitias à DEO retrahere, adeoque sibi & ipsis officere.

1. 2. tra. 1. c.

1. sect. 4. subf. dictis.

2. §. 2. & 3.

In Praxi fugiendi Opposita Amicitia utere proportionatè suprâ-

## §. II.

### De Adulatione.

D. Thom. 2. **S**ecundum Oppositum Amicitia per Excessum, est Adulatio: quæ est peccatum, quo aliquis supra debitum virtutis modum, verbis, vel factis, in communi conversatione, alicujus commodi consequendi intentione, alium delectare studet. Dicitur: est peccatum: Quia cuipiam adulari, vel ejus extollendo delicta, vel animo lædendi: vel ruinæ alicujus occasionem præbendo, peccatum mortale est: aliàs verò adulari vel delectandi causâ, vel commodi alicujus consequendi, veniale est. Dicitur: per Excessum oppositum: quia cum amicitia spectatis circumstantiis illos, quibus convivit, principaliter delectare, vel etiam ubi opus contristare, studeat: Sequitur illum, qui in omnibus velit ad delectationem loqui alteri, excedere modum in delectando, adeoque peccare per excessum. Dicitur: verbis, vel factis, &c. Ubi inter verba ponitur laus alterius. Contingit autem (inquit D. Thomas) laudare aliquem & benè & malè, prout scilicet debitæ circumstantiæ vel servantur, vel prætermittuntur. Si enim aliquis aliquem velit delectare laudando, ut ex hoc eum consoletur, nè in tribulationibus deficiat, vel etiam, ut in bono proficere studeat, aliis debitis circumstantiis observatis, pertinebit hoc ad prædictam virtutem amicitia. Pertinet autem ad Adulationem, si quis velit aliquem laudare, in quibus non est laudandus, quia fortè mala sunt, secundum illud Psalm. 9: Laudatur peccator in desideriiis animæ suæ: vel quia non sunt certa, secundum illud Eccl. 27: Ante sermonem non laudes virum. Et iterum Eccl. 11: Non laudes virum in specie sua; vel etiam, si timere possit, nè humanâ laude ad inanem gloriam provocetur. Unde dicitur Eccl. 11: Ante mortem nè laudes hominem. Similiter etiam velle placere hominibus propter charitatem nutriendam, ut in ea homo



homo spiritualiter proficere possit, laudabile est. Quod autem aliquis velit placere hominibus propter inanem gloriam, & propter lucrum, vel etiam in malo, hoc esset peccatum, secundum illud Psalm. 54: DEUS dissipavit ossa eorum, qui hominibus placent. Et Apostolus dicit ad Gal. 1: Si adhuc hominibus placerem, Christi servus non essem.

*Motiva* fugiendi, fugandique Adulationes. *Imum. Prov.* Prov. 28.  
 Qui derelinquunt legem, laudabunt impium. *Isa:* Væ! qui iustificatis impium. *Ibidem:* Popule meus, qui te beatum dicunt, ipsi te decipiunt, & viam gressuum tuorum dissipant. *Osee:* In malitia sua latificaverunt Regem, & mendacis suis Principes. *Ecclesiasticus:* Melius est à sapiente corripiri, quam stultorum adulationibus decipi. *Osee c. 7.*  
*Ecclesiasticus c. 7.*

*2dum.* *S. Augustinus:* Duo sunt genera persecutorum, scilicet vituperantium, & laudantium: sed plus persequitur lingua adulatoris, quam manus persequentis. *S. Hieronymus:* Beata mens, quæ nec adulatur aliquando, nec adulanti credit; quæ nec decipit alterum, nec ipsa decipitur, denique nec malum famulatur. *Idem:* Adulatores sunt hostes, & scintillæ diaboli. *Idem:* Isto maxime tempore regnat vitium Adulationis: quodquæ est gravissimum, quia humilitatis ac benevolentiae loco ducitur; ita fit; ut qui adulari nescit, aut invidus, aut superbus reputetur. *S. Chrysostomus:* Adulator omnis virtutis inimicus est, & quasi clavum figit in oculos illius, cum quo sermonem conferit: eoquæ magis cavendus est; quo amanti specie nocere non desinit: donec rationis obtundat acumen, & modicum illud luminis, quod adesse videbatur, extinguat. *Cassiodorus:* Adulatio blanda omnibus applaudit, omnibus salve dicit; prodigos vocat liberales; avaros parcos & sapientes; lascivos curiales; garrulos affabiles; obstinatos constantes; pigros maturos & graves; hæc sagitta leviter volat, & citò infigitur. *Hugo:* Adulator amicus in obsequio, hostis in animo, comptus in verbo, turpis in facto, latus ad prospera, fragilis ad adversa, inflatus ad obsequia, anxius ad opprobria, immoderatus ad gaudia, facilis ad humana, difficilis ad honesta.

Plato Adulatorem vocabat bestiam humano generi per-

stilen-



*Apud Fab* stilentem, similem venefico, imò impuro dæmoni, qui animos  
*conc. in Dom.* incautos funestis epulis fovet, & sordibus noxiis inquinat. Item  
*22. post Pente.* præstigiatori, qui iudicium & rationem aliis eripiat. Deinde  
*Ibidem.* Plutarchus adulatores appellare solebat *Patriæ & virtutis inimicos;*

Epictetus *Corvos*, ut qui perinde viventium animos excæcent, ac  
 corvi mortuorum oculos effodiunt: Antisthenes *Meretrices;* A-  
 naxilaus *Opum vermes;* Constantinus Magnus *Tineas & Sorices,*

*S. Hieron. in* *3tium.* Imitare Christum, qui teste S. Hieronymo, etsi  
*Matth.* pauperrimus, nulli tamen adulari voluit, ideo in urbe hospiti-  
 um reperire non potuit, foris illud quærere debuit apud pecu-

*Psal. 140.* des. Imitare *S. David* dicentem: Oleum peccatoris non im-  
*1. Theff. 2.* pingvet caput meum. Et *Apostolum*: Neque aliquando fuimus

*Galat. 1.* in sermone adulationis. *Idem*: An quæro hominibus placere?  
 si adhuc hominibus placerem, Christi servus non essem. *Aliud*:

*Drex p. 1.* Carolus V. Parisiis publicâ oratione laudatus Oratori respondit:

*Phaëth. c. 1.* Grata mihi est affinis Regis in me benevolentia, sed laudes, non  
 §. 3. qualis sim, sed qualis esse debeam, me docent.

*Fab. Conc. 1.* *4tum.* *Exempla profana.* Justinianus Imperator, alioqui  
*in Dom. 22.* sagacissimus, quia Triboniano Jurisconsulto cum assentatione,  
*post Pentec.* dicenti, ipsum non moriturum, sed corpore, animoque ad cæ-  
 los migraturum, credidit, & inde turgidior factus est, in hæ-

*Ibidem.* resim postea prolapsus, miserè periit. Alexander Magnus Phi-  
 losophum quendam, quo antea familiariter utebatur, à suo con-  
 sortio hac una de causa removit, quòd nunquam Regem ob-  
 jurgaret: si enim, inquiebat, mala, quæ-facio, non intelligit,  
 insipiens est; si intelligit, & non arguit, est malevolus adula-  
 tor, utrovis nomine dignus, qui à Regia familiaritate planè ar-  
 ceatur. *Aliud.* Cùm Antipater à Phocione iniquum aliquid

*Ibidem §. 4.* jure amicitie peteret, respondit Phocion: Non potes, ô Anti-  
 pater, Phocionem & amicum habere, & adulatorem. *Aliud.*

*Fab. l. 6. n. 3.* Augustus Imperator ludos spectans, pronunciantem Mimo: ô  
 Dominum æquum & bonum! mox adulationem populi ap-  
 plaudentis manu vultuquè suppressit, & sequenti die edicto ve-  
 nuit se Dominum appellari.

*1. 2. tra. 1. c.* *Ad Praxim profigandi Adulationem applica convenienter supra.*

*1. sect. 4. subf. posita.*

*2. §. 2. & 3.*

§. III.



§. III.

## De Litigio.

**T**ertio Amicitiae opponitur *Litigium*: quo quis alicui contradicit, propter defectum amoris erga dicentis personam: dicitur, quod scordiae species est charitati contraria. At illud, quo aliquis alicui contradicit ad eum potius contristandum, quam ei contradicendum, virtuti affabilitatis & amicitiae maxime adversatur, idque per excessum. Quia quoad hoc ultimum; sicut adulator superabundat in delectando, ita litigiosus superabundat in contristando.

Forro *Lis* seu Litigium vulgò acceptum pro Actione juridica, seu defensione juris coram iudice, aliud est bonum, aliud est malum, aliud indifferens. *Bonum* est, si quis jura Communitatis Ecclesiasticæ vel Civilis sibi commissa tueatur, absque intentione contristandi Adversarium, quasi hanc tristitiam directè velit; etsi autem indirectè acciderit, sibi imputet injustus litigans. Ita S. Thomas Archiepiscopus Cantuariensis pro juribus & libertatibus Ecclesiæ gloriosus Martyr occubuit. *Malum Litigium* est, dum quis illud vel ex intentione contristandi alium, vel se injustè vindicandi, vel aliquid injustè in possessionem capiendi &c. movet. *Indifferens Litigium* est, quod justè pro defensione juris proprii excitatur, cui aliàs juri licitè imò & supererogatorio actu virtutis litigans cedere possit.

§. IV.

**Q**uartum Amicitiaæ Oppositum est per Defectum. *Job: Qui tollit ab amico misericordiam, timorem Domini relinquit. Eccl: Nè derelinquas amicum antiquum, novus enim non erit similis illi Proverb: Nè moliaris amico tuo malum: cum ille in te habeat fiduciam. Ibidem: Qui despicit amicum suum, indigens corde est. Isidorus: Sæpè propter honorem quorundam mutantur & mores: & quos ante conglutinatos charitate habuerunt, postquam ad culmen honoris veniunt, amicos habere despiciunt. Cassianus: Novæ dignitates veteres solent* *Job. c. 6. Eccl. c. 19. Prov. c. 3. Ibidem c. II. Isidorus de summo bono. Cassianus in amici-quadam Epist.*



amicitias immutare. Creat enim cor novum, & novos affectus novæ dignitatis conscientia. Divites facti paupertatis amicos cum paupertate fastidiunt, nè quid penes eos de veteri videatur inopia resedisse. Semper enim apud indignos mores crescit cum potestate supercilium.

## SUBSECTIO XX.

### De Liberalitate.

D. Thom. 2.  
2. q. 117.

**L**iberalitas est virtus, quâ benè utimur in omnibus illis externis, quæ nobis ad nostram sustentationem concessa sunt. Dicitur: est virtus: Quia sicut August. dicit in lib. 2. de lib. arb. benè uti his, quibus malè uti possumus, pertinet ad virtutem. Possumus autem benè & malè uti non solum his, quæ intra nos sunt, puta potentiis, & passionibus animæ, sed etiam his, quæ extra nos sunt, scilicet rebus hujus mundi, concessis nobis ad sustentationem vitæ. Et ideo cum benè uti his rebus pertineat ad liberalitatem, consequens est, quod liberalitas virtus sit. Dicitur: quâ benè utimur: scilicet tam in nostras, nostrorum, quæ expensas, quam alienorum data, hoc enim utrumque pertinet ad liberalitatem, nisi quod dare alienis, & à se remotioribus sit principalior actus liberalitatis, sicut majoris est virtutis agere remotius, quam propinquius. Cæterum ex bono affectu in personam, dare spectat ad charitatem & amicitiam, ex moderatione autem amoris & concupiscentiæ circa pecuniam, cujus nomine bona externa intelliguntur, spectat ad liberalitatem, quæ non tantum amicis, sed & ignotis largitur. Deinde nihil prohibet, aliquos virtuosos licet pauperes esse

Philos. lib. 4. liberales. Unde Philosophus dicit 4. Ethic. Secundum substantiam, id est, facultatem divitiarum, liberalitas dicitur. Non enim consistit in multitudine datorum, sed in dantis habitu. Et S. Ambrosius lib. 1. de offic. quod affectus divitem collationem aut pauperem facit, & pretium rebus imponit.

c. 30. inter pri  
e. med. to. 1.

Gradus



*Gradus Largitatis ex aurea Formula Seraphici Doctoris  
de grad. Virt. c. 15.*

Largitatis altus gradus est, hilariter dare temporalia, sicut fecit Abraham, qui nulli negavit hospitium. Altior est, hilariter dare spiritualia, sicut Apostolus fecit, dicens: Sapientibus & insipientibus debitor sum. Item: Si vobis spiritualia seminamus &c. Altissimus est, spontè & hilariter dare corpus suum, sicut fecit Christus, qui dicit per Prophetam: Corpus meum dedi percutientibus; & cum dixit: Comedite ex hoc omnes, hoc est &c.

Item in altum gradum Largitatis ascendit, qui dat quidquid ab eo petitur, sicut Herodes fecit, qui filia dixit: Quidquid petieris, dabo tibi. In altiorem ascendit, qui dat plus quam petatur ab eo, sicut fecit Naaman Giezi servo Elisei, petenti unum talentum, dixit: Melius est, ut duo accipias. In altissimum ascendit, qui arguit non petentes, ut petant, sicut Christus: Usque modo non petistis quidquam.

Item in alto gradu stat, qui dat aliquid, habens spem recuperandi, vel recompensationis, sicut ferè faciunt omnes homines, juxta illud Isaia: Omnes diligunt munera &c. Item in altiori stat, qui dat aliquid sinè spe recompensationis, sicut Apostolus dedit spiritualia, dicens: Non quero vestra, sed vos. In altissimo stat, qui refert gratias accipientibus dona, sicut Chrysostomus dicit de Christo: Pro omnibus quæ tribuisti nobis o Christe, nihil petis, quam salvari, hoc ipsum tribuens, & accipientibus gratias agens. In omnibus istis gradibus fuit Christus.

Item in alto gradu stat, qui dat dona consanguineis indigentibus. In altiori stat, qui dat extraneis indigentibus. In altissimo stat, qui dat inimicis indigentibus, sicut DEUS, qui facit solem suum oriri super bonos & malos.

*Illicia Liberalitatis.* *Psalm.* Dispersit dedit pauperibus, justitia ejus manet in seculum seculi, cornu ejus exaltabitur in gloria, *Eccl.* Qui prævalet manu (id est benefici-

I.

Rom. I.

1. Cor. 9.

Isa. 50.

Matth. 26.

II.

Marc. 6.

4. Reg. 5.

Joann. 16.

III.

Isa. 1.

2. Cor. 12.

IV.

Matth. 5.

Psalm. III.

Eccl. c. 29.



centiâ liberali, juxta illud, manum suam aperuit inopi) servat man-  
data. Apostolus incitans suos ad copiosam munificentiam, allu-  
dit ad similitudinem sementis, dicens: Qui parçè seminat, parçè  
& metet: & qui in benedictionibus seminat, de benedictioni-  
bus & metet.

*2. Cor. 9.*

*S. Ambrosius in 2dum. S. Ambrosius:* Non solum quæritur quantum, sed  
*Epist. ad Cor.* de quanto, & quo animo detur. *Idem:* Dominus non vult  
*Idem lib. 1.* simul effundi opes, sed dispensari, nisi fortè ut Elisæus boves  
*de offic.* suos occidit, & pauperes pavit de eo, quod habuit, ut nul-  
lâ curâ teneretur domesticâ. *S. Gregorius:* In ipsa au-

*S. Gregor. in* tem liberalitate, modus adhibendus est rerum & per-  
*Epist.* sonarum: rerum, ut non omnia uni, sed singulis quæ-  
dâm præstentur, ut pluribus prodesse possimus: juxta  
illud Prophetæ: Dispersit dedit pauperibus. Perso-  
narum, ut primum iustis, deinde peccatoribus: quibus ta-  
men prohibemur dare, quia non homines, sed quia peccatores.

*S. Leo Papa S. Leo:* Nulli parvus est census, cui magnus est animus; nec de  
*in appar. Dom.* rei familiaris mensura pendet modus pietatis. Majora qui-  
dem sunt impendia divitum, & minora mediocrium, sed nec  
discrepat fructus operum, ubi non deest affectus operantium.  
*Ibidem.* *Ibidem:* Si non est omnium æqualis facultas, debet esse par pie-  
tas: quoniam fidelium largitas, non de muneris pensatur pon-  
dere, sed de benevolentia quantitate.

*Jac. 1.* *3tium. Exempla.* DEUS dat omnibus affluenter, & non im-  
properat. Christo quid liberalius, qui semetipsum, suaquæ omnia  
in hominis emolumentum & felicitatem tradidit? *Beatissima*  
*Virgo* Jus suum quod habuit in Filium, liberalissimè nobis ces-  
sit, in commune secum participium ad omnem nostram beatitudi-

*Jovinus in* nem. *Leo X.* nulla in re ardentius & effusius, quàm ad liberali-  
*Leon. X. l. 4.* tatis gloriam anhelavit, eos Principe loco indignos existimans,  
qui non beneficâ manu facultates suas erogarent. Purpuream  
crumenam quotidie aureis nummis sibi repleri jubebat, ad in-  
certas exercendæ liberalitatis occasiones. Magnum vetera-  
norum militum ac exulum alebat numerum: nihilquæ vehe-  
mentius contendebar, quàm ut nemo calamitatem & fortunæ  
adversæ mala & incommoda pateretur. Tantâ agrestium po-  
pulorum



pulorum gratulatione atque lætitiâ accipiebatur, ut cuncti ejus adventum se vel fertilissimis messibus fertiliorē sentire fate-  
rentur, utpote qui senibus ac pueris effulis in viam, ac rustica  
munera offerentibus, non modò pecuniam largissimâ manu of-  
ferebat, sed etiam appellando, quânam in re acrius premeren-  
tur; & virgines quidem dote præbitâ sublevaret, affectis au-  
tem morbo & ætate, vel numeroso familiæ onere prægravatis,  
æ alienum protinus dissolveret. Cyrus Persarum Rex nullum  
in suos liberalitatis genus prætermisit: non pecuniam, sed ami-  
cos, quibus ipse plurimum divitiarum contulisset, suos esse the-  
sauros dicens.

*In Praxi liberalitatis* has condiciones seu circumstanti-  
as ex P. Lohner observa. I. est, ut animo bono & sincero exercea-  
tur; nam ut benè S. Ambrosius advertit, hoc primum quæri-  
tur, ut cum fide conferas, fraudem non facias de oblati, nè di-  
cas te plus conferre, & minus offeras. Quid enim opus est di-  
cere? in tua potestate est largiri quod velis. Fraus fundamen-  
tum solvit, & opus corrui. II. Ut ordinatè exerceatur; nam  
teste S. Augustino, Omnes quidem homines aequè diligendi sunt: sed  
cum omnibus prodesse possis, his potissimum consulendum est, qui pro lo-  
corum & temporum, vel quarumlibet rerum opportunitatibus constrikti sibi  
tibi, quasi quâdam sorte junguntur. Hinc rectè Seneca: Videbo, in-  
quit, quando dem, & cui dem, quemadmodum, quare: nihil enim sine  
ratione faciendum est: non est autem beneficium, nisi quod ratione datur:  
quoniam ratio omnis honesti comes est. III. Ut gratis exerceatur;  
nam id, teste S. Augustino, piè fit & humaniter, quod sine spe reci-  
piendi feceris. IV. Ut hilariter præstetur; nam quod mœsto a-  
nimo defertur, aut necessitate extorquetur, ingratum est, pa-  
rumquè gloriosum, ut S. Gregorius Nazianzenus testatur. V. de pauper.  
Ut citò conferatur; nam omnis benignitas properat, Senecâ teste, Seneca l. 2.  
& proprium est libenter facientis, citò facere. Tardè velle, nolentis est. de benefic. c. 5.  
Imò ut S. Gregorius Nazianzenus ait, congeminaur beneficii gratia  
promptitudine & celeritate. VI. Ut personæ, cui datur, conditio co cit.  
æstimetur; quædam enim, inquit rectè Seneca, minora sunt, quàm  
ut exire à magnis viris debeant, quædam accipiente minora sunt. Et  
S. Ambrosius: Est etiam probanda liberalitas, ut proximos seminis tui  
F f f 3

Biblioth.

Manual. tit.

liberalitas.

S. Ambros. l.

I. de offic. c. 30.

S. August. lib.

I. de doct. Chri-

seneca l. 4.

de bon.

S. August. l.

6. Medit.

S. Greg. Orat.

Seneca l. 2.

de benefic. c. 5.

S. Gregor. lo-

cit.

S. Ambros. l. 1. de

non offic. c. 30.



non despicias, si egere cognoscas: melius enim est, ut ipse subvenias illis, quibus pudor est, sumptus ab aliis deprecere. Consideranda etiam in largiendo ætas atque debilitas: nonnunquam etiam verecundia, quæ ingenuos prodit natales: ut senibus plus largiaris, qui sibi labore non jam queant victum querere. Similiter & debilitas corporis, & hæc iuvanda promptius. Tum si quis ex divite cecidit in egestatem, & maxime si non vitio suo, sed aut latrocinio, aut proscriptione, aut calumniis, quæ habebat, amisit. VII. Ut vel occultè detur, si fieri potest, aut certe oblivione sepeliatur, quod collatum est: nam perfecta liberalitas est, inquit S. Ambrosius, ubi silentio tegit quis opus suum, & de offic. c. 5. necessitatibus singulorum subvenit: quem laudat os pauperis, & non os Seneca lib. 2. suum. Non malè tamen Seneca discrimen facit inter beneficia, de benef. c. 9. dum ait: Præcipiunt authores sapientiæ quædam beneficia palam danda, quædam secreto. Palam quæ consequi gloriosum est, ut militaria dona & honores, & quidquid aliud notitiâ pulchrius est. Rursus quæ non producant, nec honestiorem faciunt, sed occurrunt infirmitati, egestati, ignominie, tacite danda sunt, ut nota sint solis, quibus profunt. Quid enim opus est te loqui? quid alienum occupare officium? est, qui illud facere honestius possit, quo narrante, & hoc laudabitur, quod ipse non narras. Hæc beneficii inter duos lex est, alter statim oblivisci debet danti, alter accepti nunquam.

Idem lib. 2. litas est, inquit S. Ambrosius, ubi silentio tegit quis opus suum, & de offic. c. 5. necessitatibus singulorum subvenit: quem laudat os pauperis, & non os Seneca lib. 2. suum. Non malè tamen Seneca discrimen facit inter beneficia, de benef. c. 9. dum ait: Præcipiunt authores sapientiæ quædam beneficia palam danda, quædam secreto. Palam quæ consequi gloriosum est, ut militaria dona & honores, & quidquid aliud notitiâ pulchrius est. Rursus quæ non producant, nec honestiorem faciunt, sed occurrunt infirmitati, egestati, ignominie, tacite danda sunt, ut nota sint solis, quibus profunt. Quid enim opus est te loqui? quid alienum occupare officium? est, qui illud facere honestius possit, quo narrante, & hoc laudabitur, quod ipse non narras. Hæc beneficii inter duos lex est, alter statim oblivisci debet danti, alter accepti nunquam.

1. 2. tra. 1. c.

1. sect. 4. subf.

2. §. 2:

Vide quoque suprascripta, & hic proportionatè applica.

## SUBSECTIO XXI.

### De Avaritia.

D. Thom. 2. 2.

q. 118. a. 4. 6. 7.

**A**varitiæ vitium ut iustitiæ oppositum, importat indebitam quandam pecuniarum acceptionem & conservationem, inquantum scilicet aliquis acquirit pecuniam ultra debitum, alicui surripiendo, vel retinendo. Quatenus verò Liberalitati adversatur, est immoderatio quædam circa interiores divitiarum affectus: puta, cum quis nimis amat, vel desiderat divitias, aut nimis delectatur in eis, etiamsi nolit rapere aliena.

Ibide

Species Illiberalitatis vel Avaritiæ ex Arist. lib. 4. Eth. c. 1. enumerat D. Thomas, nempe quod potest aliquis illiberalis, vel avarus



avarus esse ex eo, quòd deficit in dando; & siquidem parum dat, vocatur *parcus*: si autem nihil, *tenax*: si autem cum magna difficultate dat, vocatur *chimibilis*, quasi cumini venditor; quia de parvis magnam vim facit. Quandoque autem aliquis dicitur illiberalis, vel avarus, quia *excedit in accipiendo*. Et hoc dupliciter. Uno modo, quia turpiter lucratur, vel vilia & servilia opera exercendo per illiberales operationes; vel quia de aliquibus vitiosis actibus lucratur, sicut de meretricio, vel de aliquo huiusmodi. Vel quia lucratur de eo, quod gratis oportet concedere, sicut Usurarii. Vel quia lucratur parva cum magno labore. Alio modo, quia injustè lucratur, vel vivis vim inferendo, sicut latrones: vel mortuos spoliando: vel ab amicis auferendo, sicut aleatores.))

*Motiva* execrandi Avaritiam. *Imum*. Prov: Qui calumniatur pauperem, ut augeat divitias suas, dabit ipse ditiori & egebit. *Ibidem*: Nè erigas oculos tuos ad opes, quas non potes habere; quia facient tibi pennas quasi aquilæ, & volabunt in cælum. *Ibidem*: Qui odit avaritiam, longi fient dies ejus. *Ibidem*: Qui festinat ditari, non erit innocens. *Ecclesiasticus*: Avarus non implebitur pecuniâ, & qui amat divitias, fructum non capiet ex eis. *Ibidem*: Avaro nihil est scelestius. *Ibidem*: Nihil est iniquius, quàm amare pecuniam. Hic enim & animam suam venalem habet, quoniam in vita sua projecit intimam suam. Qui aurum diligit, non justificabitur. *Abacuc*: Væ ei! qui multiplicat non sua. Usquequò & aggravat contra se densum lutum? (seu compactum lutum, aut terram flavam vel albam, quæ est aurum sive argentum.) *Christus*: Filioli, quàm difficile est, confidentes in pecuniis, in regnum DEI introire! Facilius est camelum per foramen acûs transire, quàm divitem intrare in regnum cælorum. *Apostolus*: Nec enim intulimus in hunc mundum, haud dubium; quia nec auferre quid possumus. Habentes autem alimenta, & quibus tegamur, his contenti simus. Nam qui volunt divites fieri, incidunt in tentationem, & in laqueum diaboli, & desideria multa inutilia & nociva, quæ mergunt homines in interitum & perditionem. Radix enim omnium malorum est cupiditas, quam quidam appetentes, erraverunt

Prov. 22.

Ibidem c. 23.

Ibidem c. 28.

Ibidem.

Ecclesiasticus 5.

Ibidem c. 10.

Ibidem.

Abacuc 2.

Marc. 10.

1. Tim. 6.



Jacob. 2.

runt à fide, & inferuerunt se doloribus multis. Tu autem, homo DEI, hæc fuge. *Jacobus*: Divitiæ putrefactæ sunt, & vestimenta vestra à tineis comesta sunt. Aurum & argentum vestrum æruginavit, & ærugo eorum vobis in testimonium erit, & manducabit carnes vestras sicut ignis. Thesaurizastis vobis iram in novissimis diebus.

*S. August. de  
verbis Domini.*

2dum.

*S. Augustinus*: Quæ est ista aviditas concupiscentiæ, cum ipsæ belluæ habeant modum? Tunc enim rapiunt, quando esuriunt, parcunt verò prædæ, quum senserint satietatem. Insatiabilis est sola avaritia divitum. Semper rapit, & nunquam satiatur, nec DEUM timet, nec hominem reveretur, nec patri parcit, nec matrem agnoscit, nec fratri obtemperat, nec amico fidem servat. Viduam opprimit, pupillum invadit, liberos in servitium revocat, testimonium falsum profert. Res mortui occupantur, quare & qui faciunt non moriuntur? quæ est illa animarum insania? amittere vitam, appetere mortem, acquirere aurum, & perdere cælum? *Idem*: Quum avaritia alicui dominatur, subjectus malis omnibus demonstratur: quia de avaritia omnia mala oriuntur, & peccatorum omnium spinæ producuntur.

*S. Ambros. in  
quodam serm.*

*S. Ambrosius*: Non minoris est criminis habenti tollere, quam cum possis & habes, indigentibus denegare. Esurientium panis est, quem tu detines: nudorum indumentum, quod tu includis: miserorum redemptio & absolutio pecunia, quam tu in terra fodis: tantorum scias te invadere bona, quantis possis præstare, & nolis. Non sunt bona hominis, quæ secum ferre non potest: Sola misericordia comes est defunctorum.

*S. Thom. 2. 2.*

*S. Thomas* inquit: Avaritia est vitium spirituale & capitale, ut iustitiæ adversatur, peccatum mortale est, ut verò liberalitati contrariatur, veniale est. Dicitur: vitium spirituale; quia in spirituali divitiarum perficitur delectatione: Delectatur enim avarus in hoc, quod considerat se possessorem divitiarum. Dicitur: Capitale: quia illud vitium capitale dicitur, ex quo alia vitia oriuntur secundum rationem finis: qui cum sit multum appetibilis propter ejus appetitum, homo procedit ad multa facienda, vel bona vel mala. Finis autem maximè appetibilis est beatitudo vel felicitas, qui est ultimus finis humanæ vitæ.

Et



Et ideo quāto aliquid magis participat conditiones felicitatis, tantō magis est appetibile: est autem una de conditionibus felicitatis, ut sit per se sufficiens, alioquin non quietaret appetitum tanquam ultimus finis. Sed per se sufficientiam maximē promittunt divitiæ, ut Boëtius dicit in 3. de consolatione. Cujus ratio est, quia sicut Philosophus dicit 5. Ethicor. denario utimur quasi fide-jussore ad omnia habenda. Et Eccl. 10. dicitur: quod pecuniæ obediunt omnia. Et ideo avaritia, quæ consistit in appetitu pecuniæ, est vitium capitale. )) Porro quæ filix sunt avaritiæ, seu quæ vitia ex ipsa & quomodo oriuntur, præcipuē secundū appetitum finis, patet juxta D. Thomam: Quia cū avaritia est superfluous amor habendi divitias, in duobus excedit. Primō enim superabundat in retinendo. Et ex hac parte oritur ex avaritia Obduratio contra misericordiam: quia scilicet cor ejus misericordiā non emollitur, ut de divitiis suis superveniat miseris. Secundō ad avaritiam pertinet superabundare in accipiendo. Et secundū hoc avaritia potest considerari dupliciter. Uno modo secundū quod est in affectu, & sic ex avaritia oritur Inquietudo, inquantū ingerit homini sollicitudinem, & curas superfluas. Avarus enim non implebitur pecuniā, uti dicitur Eccl. 5. Alio modo potest considerari in effectu. Et sic in acquirendo aliena utitur quandoque vi, quod pertinet ad Violentias: quandoque autem dolo: Qui quidem si fiat in verbo, erit Fallacia quantum ad simplex verbum: Perjurium autem, si additur confirmatio juramenti. Si autem dolus committatur in opere, sic quantum ad res, erit Fraus: quantum autem ad personas, erit Proditio, ut patet de Juda, qui ex avaritia prodidit Christum. )) Dicitur supra: ut justitiæ adversatur &c. Quia secundū quod opponitur justitiæ, ad avaritiam pertinet, quod aliquis injuste accipiat, vel retineat res alienas; quod pertinet ad Rapinam, vel Furtum, quæ sunt peccata mortalia. Contingit tamen in hoc genere avaritiæ aliquid esse peccatum veniale, propter imperfectionem actūs, sicut supra dictum est, cū de furto ageretur. Alio modo potest accipi avaritia, secundū quod opponitur liberalitati. Et secundū hoc importat Inordinatum

Lib. 3. prosa  
3 circa medi-  
um lib. 5. Ethic.  
c. 5. tom. 5.

D. Thom. 2. 2.  
q. 118. a. 8.

Ibidem a. 4.



amorem divitiarum. Si ergò intantum amor divitiarum cre-  
 scat, quod præferatur charitati, ut scilicet propter amorem di-  
 vitiarum aliquis non vereatur facere contra amorem DEI, &  
 proximi, sic avaritia erit peccatum mortale. Si autem inordi-  
 natio amoris intra hoc sistat, ut scilicet homo, quamvis super-  
 fluè divitias amet, non tamen præfert earum amorem amorì  
 Divino, ut si propter divitias non velit aliquid facere contra  
 DEUM & proximum, sic avaritia est peccatum veniale.)) *Idem*  
*Ibidem* 4.5. S. Doctor ait: Avaritia magnam habet deformitatem. Quia sub-  
 jicit inordinate appetitum bonis infimis, nempe rerum exterio-  
 rum: quæ ultimum inter bona retinent gradum. Tantò au-  
 tem est vitium deformius, quantò bonum minus, cui subdit ap-  
 petitum.

*zium.* Exempla ex Patre Lohner Biblioth. Man. tit. Avari-

*Specul. tia.* Avarus quidam moriturus copiosis lacrymis id unum de-  
*Exempl. dist. 9.* plorabat, quòd divitias suas deferere, aliisque relinquere coge-  
*exe. 8.* retur. *Aliud.* Alius quidam, cum subitâ morte extinctus es-

*S. Prosper l. 1. fer.* ideoquè amici mortis causam indagaturi corpus aperiri jus-  
*de dono timo-* sissent, nullum cor habere deprehensus est; sed illud postea in-  
*vis.* cista pecuniarum inventum est, ubi diabolus specie draconis su-  
 per illud sedebat, & in varias partes discerpebat. *Aliud.* Mu-

*S. Greg. Tu-* lier quædam simulate sanctitatis, cum aurum pauperibus elar-  
*ron. de glor.* giendum iniquè congregasset, illudquè post mortem Episcopus  
*Mart. c. 106.* super corpus examme in sepulchrum conjici jusisset, aurum,  
 quasi in fornace resolutum in os mulieris cum flamma sulphu-  
 rea fluere visum, ipsaquè lamentabili ejulatu se ab auro vehe-  
 mentissimè uri, conqueri audita est.

*Vita l. 1. c. 2.*

*atum.* S. Franciscus Xaverius, licèt plurima, eaque ma-  
 gnifica munera eidem sæpè à Regibus, aliisque opulentis per-  
 sonis offerebantur, magno tamen animo semper repudiabat.  
 In navi, licèt omnia à Prætorè illi abundè fuissent suppeditata;  
 nonnisi mendicato vivebat. Quæ verò eleemosynæ nomine  
 offerebantur, continuò in pauperes & infirmos distribuerebat.

*Enert. l. 6.*

*stum.* Crates Thebanus suas divitias in mare abiecit, di-  
 cens: Abite pessum malæ cupiditates, ego vos mergam, nè ipse

*Solinus c. 30.* mergar à vobis. *Aliud.* Babytaceni repertum aurum defodi-  
 ebant,



ebant, ne ejus usu polluti æquitatem corrumpere. *Alind.*

Princeps quidam tantum malum credebatur avaritiā esse, ut, si *Baltha. Chas.*  
improbis subditis suis longam & magnam creare molestiam, *vasius l. 4. de*  
vellet, divites eos faceret, quippe cum divitiis ingentem cura- *prud. c. 3.*  
rum sarcinam accepturos.

*In Praxi avaritiā profligandi, his mediis ex P. Lohner* *Bibl. Man.*  
*utere.* I. *Ad veras & caelestes divitias animum adjuvare:* ita *S. tit. Avaritia.*  
Bernardus svasit: Fratres, si divites esse cupitis, veras divitias *S. Bern. in*  
amate. Veræ divitiæ sunt non opes, quas mundus offert, sed *serm. Sexag.*  
virtutes, quas animus possidet. Hinc & Christus monet, has *Marc. 6.*  
præ aliis querere, ut quas nec fures effodiunt & furantur, nec  
tinea & ærugo consumit.

II. *Brevitatem vitæ perpendere:* nam ut *S. Gregorius ait:* *S. Greg. hom.*  
Longa nostra desideria increpat vita brevis. Incassum multa *32. in Evang.*  
portantur, cum juxta est quod pergitur. Et *S. Augustinus con-* *S. August. de*  
firmans: Avaritiæ morbus, inquit, nunquam melius compesci- *Conclio.*  
tur, nisi cum dies mortis sine oblivione meditatur.

III. *Regnum DEI, & justitiā ejus ardentem querere:* sic e- *Matth. 6. v. 34.*  
nim avaritiæ causa, scilicet timor inopiæ, & indigentiae tollitur,  
cum vera sit promissio Christi asserentis, talibus omnia neces-  
saria adjectum iri, ut *S. David expertus est, dicens: Dominus* *Psal. 22. v. 1.*  
regit me, & nihil mihi deerit, in loco pascuæ ibi me collocavit.

IV. *DEI amorem augere:* nam teste *S. Augustino, au-* *S. Augustin.*  
gmentum charitatis est imminutio cupiditatis. Si DEUM a- *super Psalm.*  
memus, inquit, nummos omnino non amabimus. Erit tibi  
nummus instrumentum peregrinationis, quo utaris ad neces-  
sitatem, non ad irritamentum cupiditatis, quo fruaris ad delecta-  
tionem.

V. *Pauperibus dare divitias, & sic in Patriam præmittere:* *S. Ambros. c.*  
Quid enim hoc melius bono, inquit *S. Ambrosius, si pauperi-* *7. de Nabob.*  
bus largiaris, in quo tibi DEUM debitorem quādam pietatis  
foederatione constituas? Hinc ipse Christus svasit, facere ami- *Luc. 16. v. 9.*  
cos de mammona iniquitatis.

VI. *Christi inopiam frequenter perpendere:* quid enim in- *Rosign. l. 2.*  
dignius, quàm ut servus abundet divitiis, Domino summam, *de disciplin. c.*  
indigentiam patiente? quid absurdus, quàm ut discipulus ma- *16.*



gnificat opes, quas Magister suus Sapientissimus verbo & opere spernendas esse docuit?

1. 2. tra. 1. c.

2. sect. 4. subf.

1. 6. 2. & 3.

Hort. Pastor.

virg. Aaron. tr.

4. Lect. 10.

Vide etiam suprâspecificata, & hic convenienti methodo adhibe.

### §. Unicus.

**De Avaritia Ecclesiasticorum in Pluralitate Beneficiorum**  
ex Horto Pastor: doctissimi juxta & piissimi R. D. Jacobi Marchantii, Pastoris & Decani Convinientis.

Isa. 5. 8.

**L**ucide deduci potest ex mente SS. Patrum, haud tutum esse beneficia beneficiis, pensiones pensionibus cumulare: nec enim id sine gravi inordinatione ut plurimum fit, & ex radice cupiditatis ortum habet, quantumvis multi prætextus & pallia, (quasi folia & perizomata filiorum Adæ) ad velandam nuditatem, & turpitudinem istam à plerisque afferantur. Inerim ex omnium Theologorum sententia exploratum manet & decusum, peccati mortalis reatum incurri, si dum unum honestæ sustentationi sufficit, alterum nihilominus retineatur. Nam si Propheta minatur hominibus hujus seculi, & dicit: *Væ! qui conjungitis domum ad domum, & agrum agro copulatis: nunquid habitabitis vos soli in medio terræ?* Quamto magis: *væ!* in clamandum est his, qui beneficia beneficiis, præbendas minores majoribus, pensiones pensionibus aggregant, Ecclesiasquæ Ecclesiis? Certè multiplici ratione tales peccare conperiuntur.

S. Bernardus  
Serm. 10. in  
Cant.

Primò quidem in DEUM & Christum, cujus Patrimonium dilacerant, & pravè dividunt: de illo inveniuntur increpatus, impingvatus, dilatus, onus verò & multiplex officium illi adnexum, qualiter peragatur, parùm sunt solliciti. Sic ipsi, ut loquitur S. Bernardus, *Christi opprobria, sputa, flagella, clavos, lanceam, crucem, & mortem, hæc omnia in fornice avaritiæ constant, & profigant in acquisitionem turpis questus, & pretium universitatis suæ in superiis includere festinant.* Nam patrimonium, quod Sponsæ suæ Ecclesiæ Christus reliquit, flagellis, alapis, sanguinis effusione acquisitum, illi vertunt in occasionem avaritiæ & cupiditatis, luxus & carnis.

Secundò peccant plerumque tales in Ecclesiam, quæ fraudatur



datur pluribus ministris, qui Divinum cultum & obsequium personaliter in pluribus beneficiis erant præstituri. Atque cum multi idonei pietate & eruditione reperiantur, quibus hæc plura stipendia unius sufficerent, ad producendum in Ecclesia copiosum fructum, & jam illis quodammodo fit injuria iniqua ista distributione, vel occupatione plurium beneficiorum.

Tertiò peccant in Fundatores, quorum pia intentio & ultima voluntas evertitur. Nec enim mens eorum fuit alia, quam diversis foundationibus diversos Ecclesiæ ministros alere, qui per se officium obirent legationibus piis annexum: ideoque vox eorum & quærela censetur detonare auribus istorum, qui beneficiorum lucra, & commoda solum captantes, parum officii per se præstant, sed onus in alium transferunt, & exsugunt substantiam beneficii per pensionem, vel alia via, quæstuario potius more, quam spiritualis profectus intentione. Ad hos illud Ezechielis dirigitur: *Lac comedebatis, & lanis operiebamini, quod crassum erat occidebatis, gregem autem meum non pasciebatis.* Ezech. 34. l. 38

Quartò peccant & hi in populum, tum fidelem, tum infidelem. Quia fidelis populus scandalum patitur, dum videt in Ecclesia tot beneficiorum nundinationes: infideles autem & hæretici hæc subsannant & rident, traducuntque Ecclesiæ ministros, & exinde occasionem stabiliendi suas hæreses apud imperitam & pusillam multitudinem nanciscuntur, in avaritiam & alia vitia Cleri debachantes.

Quintò denique quodammodo jure naturali adversum videtur, quod unus minister sit in diversis Ecclesiis, sicut quod unum membrum sit in diversis corporibus. Quod unus & idem sit caput vel oculus in uno corpore, sitque manus etiam & pes in altero, inordinatum est. Hoc verò fieri videtur, dum unus idemque existit Pastor unius Ecclesiæ, Canonicus alterius, vel Beneficiarius, maxime quando utrobique functiones obire nequit.

Neque sibi omnes blandiantur de dispensatione, cum & illa impetretur sæpè tali quali narratione, ita ut non reddat possidentem tutum in foro conscientiæ, quamvis liberet eum ab externa desuper molestatione. Unde S. Bernardus ad Eugenium



S. Bern. l. 3. mium Pont. de hac re sic scribit: *Non sum tam rudis, ut ignorem de Consid. c. 4. vos positos dispensatores, sed in adificationem, non destructionem. Ubi necessitas urget, excusabilis est hæc dispensatio: ubi utilitas provocat, dispensatio laudabilis est, utilitas dico communis non propria. Nam cum nihil horum est, non planè fidelis dispensatio, sed crudelis dissipatio est. Quapropter nonnullis posset responderi, quod olim cuidam Colonienſi Canonico è curia regredienti cum dispensatione ad plura beneficia, responſum fuit à viro magni zeli, & scientiæ: Poteras ire in infernum sine licentia, nunc ibis cum dispensatione. Atque illud etiam timendum est, nè qui non unus, sed plures est in beneficiis, non unus, sed plures sit in tormentis.*

Horum plura exempla refert Cantiprato, qui asserit circa annum 1238. fuisse Parisiis solennem Disputationem, ubi omnes Theologi à Gvilielmo Episcopo Parisienſi convocati, uniformiter determinârunt, duo beneficia, dummodo unum valeret quindecim libras Parisienses, retineri non posse cum salute animæ. Duo solùm Theologi huic assertioni tunc sunt refragati, Philippus Cancellarius Parisienſis, & quidam Arnoldus, postea Episcopus Ambianenſis. Sed quid de isto Philippo contigerit, sic enarrat. Agonizantem in morte dictus Gvilielmus Episcopus paternâ sollicitudine visitavit, rogans ut singulari opinionioni cederet de pluralitate beneficiorum, & omnia sua beneficia, excepto uno, in manus Ecclesiæ resignaret, eâ conditione, ut si convalesceret, ei suppleret ipse de proprio. Renuit verò æger, experiri velle se dicens, an sit damnable beneficia plura tenere. Sic ergo mortuus est. Post paucos dies, cum Episcopus finitis matutinis oraret, vidit inter se & lumen quasi umbram hominis tetram. Elevatâ ergo manu consignat se, & si ex parte DEI sit, præcipit ut loquatur. Cui respondit is qui apparebat: *Alienus à DEO sum, sed tamen factura ejus: ego enim sum Cancellarius ille miserrimus. Rurſus Episcopus: Et quomodo tibi est sic dolenti? Damnatuſ, inquit, sum eternâ morte, & tres fuere cause damnationis meæ. Una est, quòd crescentes fructus annuos contra pauperes tumidè reservavi. Secunda est, quòd contra sententiam plurimorum de pluralitate beneficiorum opinionem propriam defensavi, & in hoc me periculo mortalis culpæ commisi. Tertia est, quòd carnis vitio, cum scandalo, multo tempore laboravi.* Hæc ille. Re-



Refert idem, se cuidam alteri magnæ eruditionis viro, extremo morbo conflictanti adfuisse. Reduxique ei, inquit ipse, solennem illam Disputationem, & determinationem de pluralitate beneficiorum, cui ipse interfuerat Doctor magnus; consulens ei cum magna lacrymarum instantia, ut unam præbendarum dimitteret, quia duas contra animam suam tenuerat, quarum una ad omnem vitæ copiam sufficere poterat. Tunc ille facie conversâ dissimulans, hoc tantum respondit: Orate Dominum, ut inspiret. Nec diu postea cum recessissem, & tenuissimo vix hærente spiritu, hoc idem quod consuleram ei quidam contobrinus cum lacrymis inclamaret, cum voce non posset, manu innuens expiravit, post cujus obitum cum quidam ex nostris stupefactus cogitaret, cur tantus homo, si mortale peccatum esset plura beneficia retinere, in tali statu obisset: mox quasi semi vigilanti mortuus apparens dixit: *Hæc sola præbendarum causa est, pro qua infelix ego æternaliter sum damnatus.*

Addit idem & alia exempla his verbis: Ego in quadam civitate Episcopali annis undecim adolevi, ubi sexaginta duo Canonici sub præbendis pingvisimis ducentarum ferè librarum Parisiensium in matrice Ecclesia terviebant, quorum plures erant beneficiorum plurium detentores. Ego qualem vidi vindictam in ipsos, mihi testis & iudex sit S. Trinitas. Paucos enim vidi communi morte defungi, sed omnes subito & reprobè mori: ita ut quidam eorum audito quòd unus sociorum nocte sanus, manè mortuus inventus esset, complois manibus dixerit: Quid vultis? secundum usum & morem Ecclesiæ mortuus est, ut videtis. Vidi ego in ea Ecclesia quatuor Archidiaconos sic defungi. Primus eorum de equo phalerato cecidit, & fractâ cervice expiravit. Secundus manè in cathedra sedens, mortuus est repertus. Tertius in choro stans, cum ad Missam elevatio Corporis Christi fieret, cecidit resupinus, & subtractâ loquelâ cum sensu, quasi brutum animal tertiâ die sinè Sacramentis est defunctus. Quartus confessionem Sacramentaquæ recusans, mortuus est, & extra cœmeterium sepultus. Hæc Thom. 1.1. Apum. c. 19. p. 5. & sequentibus.

Possẽm



Possem & ego nostri temporis exempla plura recensere, quibus ostenderem subitâ & improvisâ, vel dubiâ morte abreptos fuisse, in florida ætate, beneficiorum multorum occupatores; in dispensatione taliter qualiter sinè sufficienti fortè causa impetrata, vel in favorabili aliquorum sed periculosa opinione, nimis confidentes. Verùm quia & in judiciis DEI occultis non debet præceps nostrum esse iudicium, & recens adhuc memoria animos aliquorum illis faventium exasperare posset, lubens prætereo. Hoc solum inculcatum velim his, qui hæc legunt, istam beneficiorum accumulationem, vel bonorum Ecclesiasticorum, non carere gravi periculo. *Hucusque Marchantius.*

## SUBSECTIO XXII.

### De Prodigalitate.

D. Thom. 2.  
2. q. 119.

**P**rodigalitas, est vitium Liberalitati per excessum in dando cui vel cur non debet: Avaritiæ verò tam secundum excessum in dando, quàm secundum defectum in retinendo & acquirendo, oppositum. Dicitur: vitium Liberalitati per excessum: quia cum prodigalitas opponatur avaritiæ, secundum oppositionem superabundantiæ & defectûs: Medium autem virtutis per utrumque horum, corrumpitur: Ex hoc verò est aliquid vitiosum & peccatum, quod corrumpit bonum virtutis: Unde relinquitur, quòd Prodigalitas sit peccatum. Dicitur: cui vel cur non debet: quia sicut illi, qui intentione sequendi Christum, omnia sua dant, & ab animo suo omnem temporalium solitudinem remonent, non sunt prodigi, sed perfectè liberales: ita illi, qui superflue in intemperantias eas, (ad quas frequentius prodigos concupiscentia carnis inclinat, unde 4. Ethic. c. 2. dicitur, quòd multi prodigorum sunt intemperati) vel alios fines vanos & inutiles expendere non verentur: Tum cui non deberent dare, v. g. histrionibus, adulatoribus, &c. quos oportet pauperes esse; non liberales, sed prodigi sunt. Quia non fine bono, nec cui, nec quomodo oportet, tribuunt, quæ omnia ad liberalitatem circumspicere



cumspicere pertinet. Quamquam prodigus subinde ita disponitur, ut non abundet ad intemperantias, sed fiat superfluous ex eo, quia non curat divitias. Dicitur: *Avaritiæ vero &c.* quia in moralibus attenditur oppositio vitiorum ad invicem, & ad virtutem secundum superabundantiam, & defectum. Differunt autem avaritia & prodigalitas secundum superabundantiam & defectum diversimodè. Nam in affectione divitiarum avarus superabundat, plùs debito eas diligens: prodigus autem deficit, minùs debito earum sollicitudinem gerens. Circa exteriora verò ad prodigalitatem pertinet excedere quidem in dando, deficere autem in retinendo & acquirendo. Ad avaritiam autem pertinet è contrario, deficere quidem in dando, superabundare autem in accipiendo & retinendo.

*Motiva cavendæ prodigalitat. Eccl: Fatuo non erit* *Eccl. c. 20.*  
amicus, & non erit gratia bonis illius, (*i. e. non experietur gratitudinem pro donis suis. Ratio est*) qui enim edunt panem illius, falsæ lingvæ sunt, (*i. e. dolosi, adulatores, parasiti, garriones, &c.* In huiusmodi quippe fatuus dissipat bona sua) quoties & quanti irridebunt eum? (*tanquam stultum & inopem rationis: Etiam beneficiarii licet in faciem laudibus in cælum adulantes ipsum tollunt.*) Neque enim quod habendum erat (*nempe benè parta per stabilem possessionem*) directo sensu distribuit, similiter & quod non erat habendum (*nimirum mala parta, quæ absque hoc alio modo dissipantur.*) Evangelicus ille prodigus filius substantiam omnem consumens cum meretricibus, deinde præ inopia egit subulcum, cupiebatquè saturari de filiquis porcorum. *Luc. c. 15.*

## SUBSECTIO XXIII.

### De Epykia, seu Æquitate.

**E**pykia, seu Æquitas est virtus, iustitiæ subjectiva, directiva humanorum actuum præter leges; secundum quod iustitiæ ratio, & communis utilitas poscit. Dicitur: *est virtus; quia cum in quibusdam casibus sit malum sequi legem positam: bonum autem.* *D. Thom. 2. 2. q. 120.*  
H h h rem



tem prætermisſis verbis legis, ſequi id, quod poſcit juſtitia ratio, & communis utilitas: jam verò bonum opus, nonniſi à bono habitu ſeu virtute, quæ facit bonum habentem ſe & opus ejus bonum, procedit; ſequitur Epykiam eſſe virtutem. Dicitur: *juſtitia ſubjectiva*: nempe juſtitia communiter dictæ, velle-gali. Si enim juſtitia legalis dicatur, quæ obtemperat legi, ſive quantum ad verba legis, ſive quantum ad intentionem legiſlatoris, quæ potior eſt: ſic Epykia eſt pars potior legalis juſtitia. Si verò juſtitia legalis dicatur ſolùm, quæ obtemperat legi ſecundùm verba legis, ſic Epykia non eſt pars legalis juſtitia, ſed eſt pars juſtitia communiter dictæ, diviſa contra juſtiti-  
 am legalem, ſicut excedens ipſam. Dicitur: *directiva humanorum actuum præter leges &c.* id eſt, non alligando ſe ad verba legis, dum ea pugnant contra juſtiti-  
 am, & commune bonum, ſed iis prætermisſis dirigit actum humanum ſecundùm dictamen rectæ rationis, proponentis à tali actu in talibus circumſtantiis conſervari rationem juſtitia, & commune bonum; ſicut à contrario actu lædi utrumque. Ratio hujus eſt, quia humani actus, de quibus leges dantur, in ſingularibus contingenti-  
 bus conſiſtunt, quæ infinitis modis variari poſſunt, non fuit poſſibile aliquam regulam legis inſtitui, quæ in nullo caſu de-  
 fieret: Sed legiſlatores attendunt ad id, quod in pluribus ac-  
 cidit, ſecundùm hoc legem ferentes, quam tamen in aliquibus caſibus ſervare eſt contra æqualitatem juſtitia, & contra com-  
 mune bonum, quod lex intendit. Sicut lex inſtituit, quòd de-  
 poſita reddantur, quia hoc, ut in pluribus, juſtum eſt. Con-  
 tingit tamen aliquando eſſe nocivum, puta, ſi furioſus depoſuit  
 gladium, & eum repoſcat, dum eſt in furia. Vel ſi aliquis re-  
 poſcat depoſitum ad Patriæ impugnationem. In his ergo &  
 ſimilibus caſibus ſicut non ſervare verba legis, ſed aliâ dire-  
 ctione uti, valet pro juſtitia & bono publico; ita ſervare pu-  
 gnat contra utrumque.

Jofue c. 2.

*Motiva pro Epykia.* Miſſi exploratores in terram pro-  
 miſſionis luſtrandam jurant Rachab, (à qua præſervati fuerant,  
 nè interirent,) eam non fore cum cæteris Chananaïs perimen-  
 dam: eſſi omnes Chananaeos DEI mandatum interficere præci-  
 peret,



peret, hoc enim per Epykiam intellexerunt, non fuisse illud  
mandatum DEI contra tutricem Israëlitarum, ac benefactricem.  
DEUS in suis legibus & judiciis Epykiam servat. *Baruch: Se-* V. Cornel. &  
cundum omnem bonitatem tuam, græcè est, *ἡμετέραν*, q. d. pu- lap. Comment.  
nivisti nos benignè & remisit. Est enim Epykia quædam ju- in *Baruch. 6. 2.*  
ris remissio, indulgentia, benignitas, hoc est quod ait *Jerem.*  
*Thren. 3. 22.* Misericordiæ Domini, quia non sumus consumpti,

## SUBSECTIO XXIV.

## De Dono Pietatis.

**P**ietas, quatenus donum Spiritûs S. est, secundum quam DEO, ut *D. Thom. 2. 2.*  
Patri, cultum & debitum exhibemus officium, ex Spiritûs S. in- q. 121.  
stinctu. Dicitur: Donum Spiritûs S. &c. Quia dona Spi- *Ibid. 4. 1.*  
ritûs S. sunt habituales quædam animæ dispositiones, quibus est  
promptè mobilis à Spiritu S. Inter cætera autem movet nos  
Spiritus S. ad hoc, quòd affectum quendam filialem habeamus  
ad DEUM, secundum illud *Rom. 8.* Accepistis Spiritum adopti-  
onis filiorum, in quo clamamus Abba Pater. Et quia ad pie-  
tatem propriè pertinet, officium, & cultum patri exhibere, con-  
sequens est, quòd pietas, secundum quam cultum & officium  
exhibeamus DEO, ut Patri, per instinctum Spiritûs Sancti, sit  
Spiritus S. donum. Differt autem pietatis donum à virtute pie-  
tatis, quia hæc exhibet patri carnali officium & cultum, illud  
verò exhibet DEO, ut Patri. Deinde exhibere cultum DEO  
ut Patri, est excellentius, quàm exhibere cultum DEO, ut Cre-  
atori & Domino: unde pietas, quæ donum, potior est religio-  
ne. Dicitur: secundum quam DEO ut Patri &c. Ubi intelligun- *Ibid. 4. 1. ad 3.*  
tur quoque homines, ut pertinent ad DEUM. Quia sicut per  
pietatem, quæ est virtus, exhibet homo officium & cultum,  
non solum patri carnali, sed etiam omnibus sanguine junctis,  
secundum quod pertinent ad patrem: ita etiam pietas, secun-  
dum quod est donum, non solum exhibet cultum & officium  
DEO, sed etiam omnibus hominibus, inquantum pertinent ad



DEUM. Et propter hoc ad ipsam pertinet, honorare Sanctos, non contradicere Scripturæ sive intellectæ, sive non intellectæ,

*S. August. l. 2.* sicut Augustinus dicit in secundo de doctrina Christi: Ipsa  
*c. 7. in princ.* etiam ex consequenti subvenit in miseria constitutis. Et quam-  
*vis iste actus non habeat locum in Patria, præcipue post diem*  
*judicii, habebit tamen locum præcipuus actus ejus, qui est re-*  
*vereri DEUM affectu filiali: quod præcipue tunc erit secun-*  
*dum illud Sap. 5: Ecce quomodo computati sunt inter filios*  
*DEI. Erit etiam mutua honoratio Sanctorum ad invicem.*  
*Nunc autem ante diem judicii misereantur Sancti etiam eorum,*  
*qui in statu hujus miseriæ vivunt.))*

*Illicia pro dono Pietatis. Aliqua ex suprädicis de Vir-*

*S. Bonav. de tute pietatis huc quadrant. S. Bonavent: Pietas est donum Spi-*  
*donis & dono ritus Sancti, quæ, sicut dicit Apostolus, ad omnia utilis est, pro-*  
*Piet. c. 1. missionem habens vitæ, quæ nunc est, & futuræ, ut dicit Glos-*

*1. Tim. 4. sa: Omnis summa disciplinæ & consummatio consistit in pie-*  
*Hugo in lib. tate & misericordia Hugo: Pietas est ex benignæ mentis dul-*  
*de claustr. ani- cedine grata omnibus auxiliatrix, affectio infusa, & Divini cul-*  
*ma. tus devotio religiosa. S. Bonavent: Dicitur in Ecclesiastico: Pie*

*S. Bonav. de agentibus dabit Dominus sapientiam, sapientia autem est lu-*  
*donis Spir. S. men pietatis inextingvibile. Quanto autem pietas magis ope-*  
*don. piet. c. 2. ratur, tantò lumen sapientiæ magis ei datur, quo crescit & pro-*  
*Eccl. 43. ficit usque ad perfectum diem. Sic & operatio impietatis lu-*  
*Sap. 7. men pietatis in mente minuit, & tenebras gignit.*

*1. 2. tra. 1. c. Pro dispositione in Praxi ad donum Pietatis vide suprädicte.*  
*1. sect. 4. subs. 1.*

## CAPUT VII.

### DE VIRTUTE CARDINALI FORTITUDINIS.

A Gemus sequentibus de Fortitudine, eiquè annexis Virtuti-  
bus, tum de earum Oppositis.

SECTIO



## SECTIO I.

## DE FORTITUDINE.

**F**ortitudo, est virtus Cardinalis, suo respectu generalis, & specialis. *D. Thom. 2.*  
*Generalis est virtus, seu potius virtutis cuiuslibet conditio, 2. q. 123.*  
 inquantum importat quandam animi firmitatem: Specialis est virtus, quatenus in gravibus periculis, maxime mortis, animum firmat.  
 Dicitur: Est virtus; quia cum virtutis sit, facere hominem secundum rationem esse; fortitudo autem mentis difficultates tollit, quibus voluntas impeditur ab eo, quod est secundum rationem; sicut & fortitudo corporalis superat ac repellit impedimenta corporalia: Sequitur fortitudinem mentis esse virtutem.  
 Dicitur: Cardinalis; quia virtutes Cardinales seu Principales dicuntur, quæ præcipue sibi vendicant id, quod pertinet communiter ad virtutes. *Ibidem 2. 1.*  
 Inter alias autem communes virtutis condiciones, una ponitur, firmiter operari, ut patet in 2. Ethic: Laudem autem firmitatis potissime sibi vendicat fortitudo. Tanto enim magis laudatur, qui firmiter stat, quanto habet gravius impellens ad cadendum vel ad retrocedendum. *D. Thom. 2. 2.*  
 Impellit autem hominem ad discedendum ab eo, quod est secundum rationem, & bonum delectans, & malum affligens; sed gravius impellit dolor corporis, quam voluptas. *Eth. 2.*  
 Dicit enim Aug. in lib. 83. quæst: Nemo est, qui non magis fugiat dolorem, quam appetat voluptatem, quandoquidem videmus etiam immanissimas bestias à maximis voluptatibus absterreri dolorum metu. *Aug. lib. 83.*  
 Et inter dolores animi, & pericula maxime timentur ea, quæ ducunt ad mortem: contra quæ firmiter stat fortis, unde fortitudo est virtus Cardinalis. *q. 36. ante med. tom. 4.*  
 Dicitur: generalis, & specialis: *D. Thom. 2.*  
 quia nomen fortitudinis dupliciter accipi potest. Uno modo, *2. q. 123. 4. 2.*  
 secundum quod absolute importat quandam animi firmitatem, & secundum hoc est generalis virtus, vel potius conditio cuiuslibet virtutis: quia, sicut Philosophus dicit in 2. Eth. ad virtutem requiritur firmiter & immobiliter operari. *Lib. 2. cap. 4.*  
 Alio modo potest accipi fortitudo, secundum quod importat firmitatem.



tantum in sustinendis & repellendis his, in quibus maxime difficile est firmitatem habere, scilicet in aliquibus periculis gra-

*Lib. 2. de vibis.* Unde Tullius dicit in sua Rhetorica, quod fortitudo *Invent. in fol* est considerata periculorum susceptio, & laborum perpesio, &

*3. ante finem* sic fortitudo ponitur specialis virtus, utpote materiam deter-  
*ibi.* minatam habens. Cæterum etsi fortitudo, ut virtus specialis

*S. Thom. 2.* est, habeat determinatam materiam, coadjuvat tamen ad resi-  
*2. q. 123. a. 2.* standum impugnationibus omnium vitiorum. Qui enim po-  
*ad 2.* test firmiter stare in his, quæ sunt difficillima ad sustinendum,

consequens est, quod sit idoneus ad resistendum aliis, quæ sunt  
*Ibidem a. 4.* minus difficilia. Dicitur: *in gravibus periculis*; quia non ex to-  
*ad 1.* leratione quorumlibet adversorum reputatur homo simpliciter

fortis, sed solum ex hoc, quod bene tolerat etiam maxima ma-  
la. Ex aliis autem dicitur homo fortis secundum quid. Di-

*Ibidem a. 4.* citur: *maxime mortis*; quia cum fortitudinis sit firmare animum  
contra maxima mala, ad rationem enim virtutis pertinet, ut re-  
spiciat ultimum, & qui contra majora fuerit firmus, etiam  
contra minora idem manebit, sed non è converso: inter verò  
maxima mala, omnium terribilium terribilissimum est mors;  
Consequens est fortitudinis virtutem maxime ad pericula mor-  
tis firmare animum. Non verò circa omnia pericula mortis

versatur fortitudo, quæ scilicet imminet, ex hoc quod prose-  
quatur homo aliquod bonum, sed tantum circa ea, quæ con-  
tingunt ob finem alicujus virtutis. Et talia pericula contingunt  
in iusto bello, tum publico, tum particulari, quod nomine cu-  
juscunque impugnationis intelligitur: tum denique pericula

*+ ibid.* cujuscunque mortis, quæ potest homo subire propter virtu-  
tem; puta cum aliquis non refugit amico infirmanti obsequi  
propter timorem pestiferæ infectionis; vel cum non refugit  
itinerari ad aliquod pium negotium prosequendum propter ti-  
morem naufragii vel latronum. Dicitur: *animum firmans.* Fir-

*Ibidem a. 3.* matur autem animus contra imminetia mala. *imò,* cohibendo  
*6. & 13.* timorem eorundem malorum, *adò,* si opus moderatâ audaciâ,  
ac irâ, eadem mala aggrediendi ad eorum propulsionem. Un-  
de fortitudo est cohibitiva timorum, & audaciarum moderati-  
va, utensquæ ad suum actum aggrediendi irâ moderatâ, *3. id.*  
denique



denique firmatur animus sustinendo, id est, in periculis immobiliter sistendo: quia is actus fortitudinis est principalior, quàm aggredi pericula: quia ille qui sustinet, jam sentit pericula imminencia, ille autem qui aggreditur, habet ea ut futura. Difficilius autem est non moveri à praesentibus, quàm à futuris.

### Gradus Fortitudinis.

Fortitudo secundum Macrobiū, prout est virtus politica, est animum supra periculi metum agere, nihilquē nisi turpia timere, tolerare fortiter adversa vel prospera. Fortitudinis purgatoria est, animo non terreri à corpore recedente, nec altitudinem abhorrere. Fortitudinis purgati animi est, passiones ignorare, non metuere, ut nesciat irasci, & nihil cupiat inhonestum. Fortitudinis exemplaris est, esse immutabilem: quia semper idem est, nec aliquando mutatur.

Macrobius, lib.  
I. in som.  
Scipio. c. 8. citatur à D. Bonav. Comp. Theol. verit. l. 5. c. 36.

### Alii Gradus Fortitudinis ex aurea Formula S. Bonaventurae de grad. virr. 10.

Fortitudinis est altus gradus, vincere mundum, & delicias ejus contemnendo, sicut dicit Apostolus: Omnia, inquit, arbitratu sum ut stercora, &c. Altior est, vincere carnem, & concupiscentias ejus restringere, ut Apostolus: Castigo, inquit, corpus meum. Altissimus, vincere seipsum simpliciter, & sponte usque ad mortem obediendo, sicut in omnibus istis fuit Christus.

Graduum vere atque Christianae fortitudinis Ordo.

I.  
1. Cor. 9.

Item altus gradus est, fortiter resistere peccatis corporalibus, ut sunt luxuria, gula, &c. Altior, resistere peccatis spiritualibus, ut sunt placentia propria, displicentia aliena, hypocrisis, personarum acceptio ingratitude. Altissimus est, resistere occasionibus tam corporalium, quàm spiritualium peccatorum, ut munuscula & familiaritates, verba blanda, &c.

II.

Item altus gradus est, non consentire peccatis operationis. Altior, non consentire peccatis locutionis. Altissimus, non consentire peccatis cogitationis. In his omnibus fuit Christus.

III.

Item



## IV.

Item altus gradus est, fortiter laborare in hoc mundo pro sancta vita, quæ consistit in bona conscientia, & in bonis operibus & moribus. Altior, laborare pro societate Angelicâ. Altissimus, laborare pro unione DEI in vita æterna.

*Motiva Fortitudinis sunt.* *Imum.* Psalmista exhortatur: Expecta Dominum, viriliter age, & confortetur cor tuum, & sustine Dominum. *Proverb:* Vir sapiens fortis est, (*id est, forti, virilique animo*) & vir doctus robustus & validus. *Habacuc:* DEUS Dominus fortitudo mea, ponet pedes meos quasi cervorum (*velocissimè currentium*) super excella, (*nempe per ardua & heroica virtutum alacriter currentem, imò*) deducet me victor in psalmis canentem, (*nempe jubilantem, & tripudiantem in visis Domini.*) *Matth:* Regnum calorum vim patitur, & violenti rapiunt illud. *Apostolus:* Tu ergo, fili mi, confortare in gratia, quæ est in CHRISTO JESU. *Et paulò post:* Labora sicut bonus miles CHRISTI JESU. *Et mox:* Qui certat in agone, non coronabitur, nisi qui legitimè certaverit.

*S. Ambrosius.* *2dum.* *S. Ambrosius:* Manet semper inter adversa & delectabilia virtus perfecta, neque adversa de perfectione ejus quidquam minuunt, neque delectabilia adjungunt perfectioni. *Et paulò post:* Perfecti enim viri est, communitatem naturæ sustentare animi virtute, & ad meliora adducere, nec succumbere iis, quæ plerisque terribilia & formidolosa videntur, sed quasi fortem militem gravissimorum casuum sustinere incursum, concursus subire, & quasi providum gubernatorem navem in tempestate regere, atque occurrendo insurgentibus fluctibus, magis vitare naufragium sulcando undas, quàm declinando.

*Hieron. super Esaiam.* *S. Hieronymus:* Fortitudo atque Constantia via regia est, à qua declinat ad dextram, qui temerarius est & pertinax: ad sinistram, qui formidolosus est, & pavidus. *S. Ambrosius:*

*S. Ambrosius.* Non mediocris animi est fortitudo, quæ sola defendit ornamenta virtutum omnium, simulquæ & justitiam custodit, & quæ inexplabili prælio adversus omnia vitia decertat, invicta ad labores, fortis ad pericula, & rigidior adversus voluptates, ut avaritiam effugiat tanquam labem quandam, quæ virtutem effoeminat.



minat. *Idem.* Stultus ut luna mutatur, sapiens enim non me- *Idem in Epi-*  
 tu frangitur, non potestate mutatur, non extollitur prosperis, *stola ad Simpli-*  
 non tritibus mergitur. Ubi enim sapientia, ubi virtus est, ibi *cianum.*  
 constantia, & fortitudo. Sapiens ergo idem est animo, non  
 minuitur, non augetur rerum mutationibus, nec ut parvulus  
 fluctuat, ut circumferatur omni vento doctrinæ, sed manet per-  
 fectus in Christo, fundatus charitate, radicans fide.

*3tium.* *Exempla Christi, DEIpæ, & Sanctorum.* I. Chri-  
 stus Dominus, ô quantâ animi fortitudine beneplacitum sui æ-  
 terni Patris exequatur! nihil veritus adversariorum suorum  
 mille insidias, denique *proposito sibi gaudio sustinuit crucem confusi-*  
 one contemptâ. II. Beatissima Virgo, tum aliâs, tum maximè *Hebr. c. 12.*  
 in Christi passione, columnis Ecclesiæ, nempe Apostolis tituban-  
 tibus, fortis in fide, fortis in dilectione, fortis Maria in susti-  
 nendo mari dolorum, fortis in obijciendo se manibus cruentis  
 hostium Filii sui permansit. III. S. Stephanus plenus gratiâ & *Act. 6.*  
 fortitudine, faciebat prodigia, & signa magna in populo. IV. S. Pau-  
 lus Apostolus de seipso asserens: Bonum certamen certavi, cursum *2. Tim. 4.*  
 consummavi, fidem servavi: in reliquo reposita est mihi corona justi-  
 tiæ, quam reddet mihi Dominus in illa die justus Judex. V. De S. „  
 Ignatio Episcopo & Martyre, hæc scribit S. Hieronymus: Di- „ *Ex lib. S. Hie-*  
 gnus autem videtur, quia tanti viri fecimus mentionem, & „ *ren. de Script,*  
 de Epistola ejus, quam ad Romanos scribit, pauca ponere „ *Eccles.*  
 Nunc incipio, inquit, Christi esse discipulus, nihil de his, quæ „  
 videntur, desiderans, ut JESUM CHRISTUM inveniam. „  
 Ignis, crux, bestia, confractio ossium, membrorum divisio, „  
 & totius corporis contritio, & tota tormenta diaboli in me „  
 veniant: tantum ut Christo fruatur. Cumquæ jam damnatus „  
 esset ad bestias, & ardore patiendi rugientes audiret leones, „  
 ait: Frumentum Christi sum, dentibus bestiarum molar, ut „  
 panis mundus inveniar. Passus est anno undecimo Trajani, „  
 VI. S. Chrysostomus dicebat: Quidquid terroris habet mun-  
 dus, contemno, quidquid delectabile habet, rideo: divitias non  
 cupio, paupertatem non horreo, mortem non timeo. Hinc  
 tanta in eo constantia adversus Eudoxiæ persecutiones. VII.  
 S. Blandina virgo tam debilis erat corpore, ut vix pedibus con-



D. Anton. 1. sistere posset: quoties tamen dicebat: Ego Christiana sum: p. tit. 8. c. 6. adeo confortabatur, ut à manè usque ad vespèram fortiter dimicaret, ipsiquè Tyranni & carnifices, (quorum non pauci se converterebant) victos se fateri cogerentur, dum post tormenta semper robustiorem fieri adverterunt. VIII. S. Ignatio nihil in ore frequentius fuit, quàm hæc duo verba: *Vince teipsum*. Unde profectum suorum spiritualem non ex facilitate naturæ, aut vultu, sed ex contentione, & sui victoriâ metiebatur.

Gellius l. 2. 4<sup>um</sup>. *Exempla profana*. -I. Lucius Sicinius Dentatus, centum & viginti præliis in hostem pugnavit, cicatricem a- veriam nullam, quinque & quadraginta adversas accepit, co- ronis aureis octo, obsidionali unâ, muralibus tribus & octo- ginta, armillis plus centum sexaginta, hastis duo & viginti do- natus est, uti & phaleris vices quinquies, triumphos verò no- vem cum Imperatoribus suis est meritus; hinc ob tot genero- sa facta Achillis Romani encomium accepit. II. Anaxarchus Asp. I. c. 13. Abderites Philosophus, in mortario à Nicrocreonte contundi jussus dixit: Tunde Anaxarchi follem, Anaxarchum non tun- dis. Cumquè Tyrannus etiam lingvæ abscissionem minaretur, nî taceret, ipse sibi eam dentibus abscidit, & in Tyran- num evomuit.

*In Praxi ad Fortitudinem comparandam hæc mediâ ex*  
P. Lobner Bibl. P. Lobner serviunt. I. *Ardens desiderium*. Nam ut benè advertit S. Manual. tit. Laurentius Justinianus, magna vincendi pars est, vincendi de- fortitudo. siderium, hoc namque vires auget, cor attollit, debilitat adver- s. Laurent. sarium, laborem temperat, exhilarat mentem, disponit ad gra- de casto commu. tiam, & DEO amabilem reddit. II. *Fervens oratio*. Nam uti S. c. 3. Prosper rectè dixit: Hæc animi fortitudo ab illo est nobis, cui Lib. 3. de vita cum Propheta cantamus: Fortitudo & laus mea Dominus, & Contempl. c. factus est mihi in salutem. III. *Vita bona*. Nec enim aliter vin- 20. cemus, inquit S. Chrysostomus, quàm si per vitam optimam su- Homil. 6. in pernum nobis auxilium conciliemus. IV. *Grandis æstimatio de Gen. honestate fortitudini propria*, Nam, teste Cicerone, ad ferendum do- Lib. 2. Tuscul. lorem placidè & sedatè, plurimum proficit toto pectore, ut di- 99. citur cogitare, quàm id honestum sit. Sumus enim naturâ stu- diosissimi, appetentissimiquè honestatis: cujus si quasi lumen aliquod



aliquod aspexerimus, nihil est, quod ut eo potiamur, non parati simus, & ferre, & perpeti. V. *Præparatio animi ad quasvis adversitates*: nam ut prævisa tela minùs feriunt, ita prævisa quoque adversitates minùs affligunt; id quod Seneca quoque sapienter docuit his verbis: Fortitudo contemptrix timendorum est. Cogitanda ergo sunt omnia, & animus ad ea, quæ possunt evenire, formandus: exilia, tormenta, morbos, bella, naufragia meditare. VI. *Correctio opinionis*, quæ adversitates ut malæ apprehenduntur; nam ut benè Epictetus advertit, homines non perturbantur rebus, sed iis, quas de rebus habent, opinionibus. VII. *Amor DEI*. Nam fortis est ut mors dilectio, & tam parum superabilis, quàm mors, cui omnes succumbunt: Id quod fusiùs pius Ascerta his verbis confirmat: Magna res est amor, magnum omnino bonum, quod solum leve facit omne onerosum, & fert æqualiter omne inæquale. Nam onus sinè onere portat, & omne amarum dulce ac sapidum facit. Amor JESU nobilis ad magna operanda impellit, & ad desideranda semper perfectiora excitat: amor onus non sentit, labores non reputat, plus affectat, quàm valet: de impossibilitate non causatur, quia cuncta sibi posse & licere arbitratur. Valet igitur ad omnia, & multa implet, & effectui mancipat, ubi non amans deficit & jacer.

Vide quoque supràdicta, & hic proportionatè applica.

### Actus Fortitudinis.

Juxta Jacobum Alvarez. 1. Pericula mortis, & ipsam mortem sustinere; maximè in causa fidei, quo in casu hic actus Martyrium vocatur. 2. Quælibet alia pericula propter defensionem virtutis fortiter tolerare. 3. Mentem in adversis & prosperis ita roborare, ut neque in illis vincatur, neque in his extollatur, & à virtutis semita abducatur. 4. Tentationes dæmonis intrepide sustinere, & fortiter rejicere. 5. Ardua quæquæ cum magna in DEUM fiducia aggredi. 6. Mentis tranquillitatem in adversis casibus retinere. 7. Pericula vires nostras excedentia, sinè anxietate vitare. 8. Seipsum generosè vincere,

Epist. 89.

Enchi. c. 10.

Cant. 8. v. 6.

Lib. 3. c. 3.

1. 2. tra. 1. c. 1.

sect. 4. subf. 2.

§. 2.



## SECTIO II.

## De Oppositis Fortitudinis.

## §. I.

S. Greg. lib.  
7. Moral.

**P**rimò opponitur *Pseudo-fortitudo*. Hanc S. Gregorius describit: Reproborum fortitudo est transitoria, sinè præceptis ejus, sinè cessatione diligere, contra flagella Conditoris insensibiliter perdurare, ab amore rerum temporalium nec adversitate quiescere, ad inanem gloriam etiam cum vitæ detrimento pervenire, malitiæ augmenta exquirere, bonorum vitam non solum verbis ac moribus, sed etiam gladiis repugnare, in semetipsis spem ponere, iniquitatem quotidie sinè ullo desiderio defectu perpetrare. S. Augustinus ait: Fortitudinem gentium mundana cupiditas, Christianorum DEI charitas facit. c. 295. Epist. Quod confirmat exemplo Catilinæ Romani, qui frigus, sitim, famem ferre poterat, eratque patiens inedia, alioris, vigiliæ, supra quam cuiquam credibile est. Et mox: Nec fortitudo illa erat, sed duritia corporis & animi obstinatio, ut stultos falleret, nomen

D. Thom. 2. fortitudinis imponebat. Et Angelicus Doctor ex Aristotele, dum 2. q. 123. a. 1. inquit: Dicendum, quod exteriorem virtutis actum quandoque aliqui efficiunt, non habentes virtutem ex aliqua alia causa, quam ex virtute. Et ideo Philosophus in 3. Ethic. ponit quinque modos eorum qui similitudinariè dicuntur fortes, quasi exercentes actum fortitudinis præter virtutem. Quod quidem contingit tripliciter. Primò quidem, quia feruntur in id, quod est difficile, ac si non esset difficile: quod in tres modos dividitur. Quandoque enim hoc accidit propter ignorantiam: quia scilicet homo non percipit magnitudinem periculi. Quandoque hoc accidit propter hoc, quod homo est bonæ spei ad pericula vincenda: puta cum expertus est, se sæpè pericula evasisse. Quandoque autem hoc accidit propter scientiam & artem quandam: sicut contingit in militibus, qui propter peritiam armorum & exercitium, non reputant gravia pericula belli,



belli, æstimantes se per suam artem posse contra ea defendi: sicut Vegetius dicit in libro de re militari: Nemo facere metuit, quod se benè didicisse confidit. Alio modo agit aliquis actum fortitudinis sine virtute propter impulsu passionis, sive tristitiæ, quam vult repellere, vel etiam iræ. Tertio modo propter electionem, non quidem finis debiti, sed alicujus temporalis commodi acquirendi; puta honoris, voluptatis, vel lucri: vel alicujus incommodi vitandi; puta vituperii, affectionis, vel damni.

## S. II.

## De Timore, seu Timiditate.

SECUNDÒ Fortitudini opponitur *Timor*, qui ut communis omnibus vitis est, adeoque & generali Fortitudini, quæ communis omnibus virtutibus est, per excessum, nempe ipsiusmet timoris oppositus dicitur esse ille, quo aliquis timet, & fugit ea, quæ ratio dicitur esse sustinenda, ac desistit ab iis, quæ sunt prosequenda. Ratio est: quia contra debitum ordinem, quo appetitus subd rationi debet, agere, est inordinate ac malè agere. Nam bonum actus humani in ordine quodam consistit. Timor fortitudini quæ virtuti speciali oppositus, est, quo ob periculum mortis deficit aliquis ab agendo, vel omittendo quidpiam. Hic autem timor est præcipuus, qui est periculorum mortis, contrarius fortitudini, quæ est circa pericula mortis. Et propter hoc antonomastice dicitur timiditas fortitudini opposita. Ejusmodi timorem S. Bonaventura vocat mundanum, quo quis timet nimis de amissione vitæ præsentis, & rerum ad hanc vitam pertinentium. Unde qui nimis diligit mundum, vel res temporales, vel amicos, nimis timet ab eis separari, & hic timor nascitur ex nimio inordinato amore utriusque, & semper est malus, quia ut dicit Joannes: Qui diligit mundum, inimicus DEI constituitur, quia non est charitas Patris in eo. Et ideo hic timor quandoque est peccatum mortale, ut quando quis magis vult amittere vitam æternam, quàm corporalem & temporalem, thesauros cælestes, quàm mundanos: & quandoque est veniale, quando isto timore facit homo, quod non debet, &

D. Thom. 2. 2.

q. 125. 4. 1. &amp;

2.

Ibidem 4. 2.

S. Bonav. de

dono timoris

c. 1.



quando omittit, quod facere debet, ut per hoc effugiat poenam temporalem, sed per hoc non mutat voluntatem in bonum, ut dicit Hieronymus super Matth.

- Job. 6.** *Motiva* contemnendi vitium Timorem. *inim. Job:*  
**Psalm. 14.** Qui timent pruina, irruet super eos nix *Psalm:* Illic tre-  
**Proverb. 29.** pidaverunt timore, ubi non erat timor: & *Proverb:* Qui timet  
**I. Petr. 3.** hominem, cito corruiet. *Apost. Petrus:* Quis est qui vobis doceat,  
 si boni æmulatores fueritis? timorem eorum nē timueritis, &  
**Proverb. 3** non conturbemini. *Proverb:* Nē paveas repentino terrore,  
 & irruentes tibi potentias impiorum: Dominus enim erit in-  
**Esai. c. 43.** latere tuo. *Esai:* Noli timere, quia redemi te, & vocavi te  
 nomine tuo. Cum transferis per aquas, tecum ero: & flumi-  
**Ibidem c. 51.** na non operient te. Cum ambulaveris in igne, non combu-  
 reris, & flamma non ardebit in te. *Ibidem:* Audite me, qui sci-  
 tis justum populus meus, lex mea in cordibus eorum: Nolite  
 timere opprobrium hominum, & blasphemias eorum nē me-  
**Ibidem.** tuatis. Sicut enim vestimentum, sic comedet eos vermis, &  
 sicut lanam devorabit eos tineæ. *Ibidem:* Quis tu ut timeas ab  
 homine mortali & filio hominis, qui quasi fœnum ita arefcet?  
 & oblitus es Domini Factoris tui, qui tetendit cælos, & fun-  
**Jerem. 1.** davit terram. *Jerem:* Nē timeas à facie eorum, quia tecum  
**Rom. 8** ego sum, ut erum te, dicit Dominus. *Apostolus:* Si DEUS  
**Apoc. c. 21.** pro nobis, quis contra nos? *Apocal:* Timidis autem, & incre-  
 dulis &c. pars illorum erit in stagno ardenti igne & sulphure,  
 S. Aug. de quod est mors secunda *2dum.* S. Augustinus: Quid timet ho-  
**verb. Domini.** minem homo in sinu DEI positus? tu de illius sinu noli cade-  
 re: quidquid ibi passus fueris, ad salutem valebit, non ad per-  
 niciem. S. Chrysostomus: Facile deviat à via iustitiæ, qui in-  
**S. Chrysost.** causis non DEUM, sed homines pertimescit. *Lactantius:* Ti-  
**in serm. de fo-** miditas in sapiente esse non debet. *3tium.* Rex David canit:  
**an. Bapt.** Dominus illuminatio mea & salus mea, quem timebo? Domi-  
**Lactant. lib. 2.** nus protector vitæ meæ, à quo trepidabo?  
**Psalm. 26.** Pro Praxi illud S. Augustini accipe: Time DEUM, qui su-  
 per omnes est, & hominem non formidabis. Quare Christus:  
**S. August. su-** Dico autem vobis amicis meis: Nē terreamini ab his, qui oc-  
**per Psalm.** cidunt  
**Luc. c. 12.**



cidunt corpus, & post hoc non habent amplius quid faciant. Ostendam autem vobis, quem timeatis: Timete eum, qui postquam occiderit, habet potestatem mittere in gehennam, ita dico vobis hunc timere.

Contra Opposita Fortitudinis adhibe etiam juxta formam supra datam.

1. 2. tra. 1. c.  
1. sect. 4. subf.  
2. §. 2. & 3.

## §. III.

## De Intimiditate.

**I**ntimiditas, est vitium per defectum timoris fortitudini oppositum, quo aliquis vel ex defectu amoris, vel ex elatione, vel ex stoliditate non timet ea, quae timere debet. Dicitur: vitium per defectum timoris &c. Quia virtutis moralis est, ponere modum rationis in materia, circa quam est, ad fortitudinem autem pertinet moderare timorem secundum rationem, ut scilicet homo timeat quod oportet, & quando oportet. Hic autem modus rationis, sicut corrumpi potest per excessum timoris, timendo quod non debet, vel secundum quod non debet, vel secundum quod non oportet: ita etiam corrumpitur per defectum timoris, non timendo, quod oportet timere. Dicitur: quo aliquis ex defectu amoris &c. id est, non ex totali defectu amoris propriae vitae, & ad eam pertinentium, hic enim amor inest omnibus naturaliter, sed ex illo defectu, quo minus debito aliquis amat, quam ratio præexigit. Dicitur: vel ex elatione, seu superbia animi de se præsumentis, & alios contemnentis, secundum quod dicitur Job 41: Factus est ut nullum timeret. Omne sublime videt. Dicitur: vel ex stoliditate, seu ex defectu rationis, sicut Philosoph. dicit in 3. Eth. c. 7. quod Celtae propter stultitiam nihil timeant.

D. Thom. 2.  
2. q. 126. a. 1.  
& 2.

Motiva vitandi intimidatam coincidunt cum Motivis cavendi vimiam Securitatem, de quibus supra. Et quanquam securitas importat defectum timoris DEI, (ut eam descripsimus) intimiditas verò generalius etiam defectum cujusvis alterius timoris, secundum rationem debiti, tamen omnis timor debet subordinari timori DEI. Adeoque quæ de opposito timoris DEI dicta sunt, servire possunt & opposito cujusvis alterius timoris

1. 2. tra. 2.  
cap. 2.



Eccl. c. 3.

moris ordinati. Vide etiam suprãdicta de Confidentialia sui. Hic verò universaliter contra intimidatam sit illud Ecclesiast: Qui amat periculum, in illo peribit.

## §. IV.

## De Audacia.

D. Thom. 2. 2. q. 127. **A**udacia, est vitium per excessum fortitudini contrarium, quo aliquis non præconsulto, vel contempto rationis iudicio, precipitanter aggreditur periculum. Dicitur: vitium per excessum: quia cum fortitudinis sit secundum rationem moderare timores & audacias, sequitur superabundantem seu excessivam audaciam esse immoderatam, ac moderatam à fortitudine per excessum oppositam.

Eccl. c. 8.

*Frenativa audaciæ sunt.* Eccl: Cum audace nè eas in via, nè fortè gravet mala tua in te. Ipse enim secundum voluntatem suam vadit, & simul cum stulticia illius peries. Idem:

Idem c. 22.

Patrem & Virum confundit audax, ab impiis non minorabitur:

Card. Bona  
in manu duct.  
ad celum 17.

ab utrisque autem inhonorabitur. Cardinalis Bona sic ait: Fuge audaciam, nihilquè temerè ultra vires aggredere: nemo enim celerius opprimitur, quàm qui nimium de se præsumit. Exiguæ sunt vires nostræ sinè DEI præsidio, à quo omnis sufficientia, omne robur emanat. Oritur audacia à propriæ virtutis nimia exultatione, à contemptu adversariorum, à præcipiti ingenio, rebusquè gerendis minis exercitato. Plus metuit, qui prudentior est, nam vires proprias metitur, solerter prospiciens, quid valeant, quid ferre recusent. Audaces cum graviora, quàm ante conceperant, experti pericula fuerint, effuso primo imperu subsident, & torpent serò agnoscetes, quàm sint incertæ hominum providentiæ, quàm vanæ cogitationes. Initium est futuræ calamitatis incauta securitas.

## SECTIO



## SECTIO III.

## De Martyrio.

**M**artyrium, est actus virtutis, isque fortitudinis, quâ aliquis contra persequentium impetus ad amissionem vitæ, firmiter in veritate & iustitia permanet propter DEUM. Dicitur: actus virtutis; quia ad virtutem pertinet, quod aliquis in bono rationis conservetur: bonum autem rationis consistit in veritate & iustitia, in quibus Martyrium firmiter stare facit contra persequentium impetus. Ergo Martyrium est virtus. Dicitur: isque fortitudinis; quia ad fortitudinem pertinet, ut confirmet hominem in bono virtutis, maximè contra pericula, & præcipuè contra pericula mortis, & maximè ejus, quæ est in bello. Hoc autem præstat Martyrium: unde de Martyribus legit Ecclesia: Fortes facti sunt in bello. Et Cyprianus: O beati Martyres! quibus laudibus vos prædicem? ô milites fortissimi! robur corporis vestri quo præconio vocis explicem? Ergo Martyrium est actus fortitudinis, ut habitus elicientis, charitatis verò ut imperantis. Dicitur: quâ aliquis contra persequentium impetus &c. ubi innuitur imò ad perfectam rationem Martyrii requiri amissionem vitæ temporalis; quia Martyr dicitur, quasi Testis fidei Christianæ, per quam nobis visibilia pro invisibilibus contemnenda proponuntur, ut dicitur ad Hebr. 11. Ad Martyrium ergo pertinet, ut homo testificetur fidem, se opere ostendens omnia præsentia contemnere, ut ad futura & invisibilia bona perveniat. Quamdiu autem homini remanet vita corporalis, nondum se opere ostendit, corporalia cuncta despiciere. Consequenter enim homines, & consanguineos, & omnia bona possessa contemnere, & etiam dolores corporis pati, ut vitam conservent. Unde & satan contra Job induxit: Pelle pro pelle, & cuncta, quæ homo habet, dabit pro anima sua: id est, pro vita sua corporali. Et ideo ad perfectam rationem Martyrii requiritur, quod aliquis mortem sustineat propter

D. Thom. 2. 2.

q. 124.

Ibidem a. 1.

Ibidem a. 2.

L. 2. Epist. 6.

Ibidem a. 4.



Christum. Innuitur 2dò, & ex præcedentibus sequitur; non propriè Martyrium dici pro sola tolerantia carceris, vel exilii, vel rapinæ divitiarum, nisi fortè secundùm quod ex his sequitur mors. Similiter alia afflictionum genera, quæ nomine Martyrii intulantur; sicut S. Hieronymus in serm. de Assumptione dicit: Rectè dixerim, quòd DEI Genitrix Virgo & Martyr fuit, quamvis in pace vitam finivit. Et Gregor. homil. 3. in Evangelio dicit: Quamvis occasio persecutionis desit, habet tamen & pax nostra Martyrium suum: quia etsi carnis colla ferro non subicimus, spirituali tamen gladio carnalia desideria in mente trucidamus. Hæ itaque autoritates, & si quæ similes inveniuntur, loquuntur de Martyrio per quandam similitudinem. Cæterùm quòd aliquis quandoque post mortalia

vulnera pro Christo suscepta, vel quascunque alias tribulationes continuatas usque ad mortem, quas à persecutoribus patitur pro fide Christi, diu vivat: in hoc statu actus Martyrii meritorius est, & etiam ipso eodem tempore, quo huiusmodi afflictiones patitur.

Quia meritum Martyrii non est post mortem, sed in ipsa voluntaria sustinentia mortis, prout scilicet aliquis voluntariè patitur inflictionem mortis. Dicitur: *in veritate & iustitia permanet propter DEUM.* Ubi supponitur, causa Martyrii non tantùm esse veritas fidei verbis protestata; sed & iustitia, ut includens omnia virtutum opera relata in DEUM, quæ est veritas fidei factis protestata. Quia quoad primum Martyres dicuntur quasi testes, seu suis passionibus usque ad mortem testimonium perhibentes, non cuicunque veritati, sed illi, quæ secundùm pietatem est, quæ per Christum nobis innotuit; huiusmodi autem est veritas fidei. Quoad verò secundum: quia etiam omnium virtutum opera, ut referuntur in DEUM, sunt quædam protestationes fidei, per quam nobis innotescit, quòd DEUS huiusmodi à nobis opera requirit, & nos pro eis remunerat. Denique juxta D. Augustinum, Martyrem non facit poena, sed causa.

S. Augustin.  
Epist. 61.

Matth. 5.

*Motiva ad Martyrium.* Imum. Christus: Beati qui persecutionem patiuntur propter iustitiam: quoniam ipsorum est regnum cælorum. Beati estis, cum maledixerint vobis, & perse-



persecuti vos fuerint, & dixerint omne malum adversum vos, mentientes propter me: gaudete, & exultate, quoniam merces vestra copiosa est in caelis. *Apocal: Qui vicerit, dabo ei sedere meum in throno meo, sicut & ego vici, & sedi cum Patre meo in throno ejus.*

*Apocal. c. 3.*

*2<sup>da</sup>um.* Quia Martyrium est actus virtutis perfectissimus, Doctore Angelico *D. Thomâ*, qui in hunc modum disserit: Martyrium ex parte habitus elicientis, talis est perfectionis, qualis & habitus ejus, nempe fortitudo, à qua elicitur: ex parte autem finis moventis, nempe charitatis, est actus maximæ perfectionis. Majorem enim charitatem nemo habet, quam ut animam suam ponat quis pro amicis suis. Ratio est *D. Thomæ*: quia tantò magis ostenditur aliquis aliquam rem amare, quanto pro ea rem magis amatam contemnit, & rem magis odiosam eligit pati. Manifestum est autem, quòd inter omnia alia bona præsentis vitæ maximè homo amat ipsam vitam, & è contrario maximè odit ipsam mortem, & præcipuè cum doloribus corporalium tormentorum, quorum metu etiam bruta animalia à maximis voluptatibus abstrahuntur. Quod & de morivis aliarum virtutum dicendum, nempe Martyrium esse actum perfectissimum illius virtutis, ex cujus motivo fit: quia id, quod summum esse potest in illa virtute, Martyrium complectitur: ut v. g. esse obedientem usque ad mortem, prout Christus factus est obediens usque ad mortem. Et *Seraphicus Doctor* ita discurret: Si amor, ut dicit *Dionysius*, est vis unitiva, & si hæc locutio est vera per se, necessariò sequitur, quòd perfectus DEI amor perfectè inclinat amantem, ad omne illud, per quod convenientiùs, intimiùs, & celerius, amato possit uniri: sed nihil est, quod magis disponit, ut celerius & intimiùs spiritus hominis in statu mortalitatis existens, uniat *im-*mortali & impassibili DEO, quàm sustinentia mortis illatæ propter honorem DEI: necesse est igitur, perfectè amantem hoc desiderare, antequam illud obtineat, & cum obtinuerit, perfectè latari. Unde & de Apostolis dicitur, quòd ibant gaudentes à conspectu Concilii, quoniam digni habiti sunt pro nomine JESU contumeliam pati. Ipse enim amor, ut dicit *Hu-*

*V. D. Thom.*

*loco cit. 4. 3.*

*Joann. 15.*

*S. Bonav. in*

*Apolog. pauper.*

*Resp. 2. c. 1.*



go, vis est transformativa. Qui igitur Christum perfecte am-  
 mat, præcipuo mentis affectu eidem configurari peroptat in  
 his potissimum, quæ Divina lex dicitur. Sed Configuratio ad  
 Christum præcipue salvandis conveniens, in statu præsentis mi-  
 serix attenditur, secundum assimilationem in passione & mor-  
 te; Petro attestante, qui ait: Christus pro nobis passus est,  
 vobis relinquens exemplum, ut sequamini vestigia ejus. Hoc  
 igitur est, ad quod inclinatione præcipuâ perfectæ charitatis ar-  
 dor inflammat, juxta illud Canticorum: Fortis est ut mors di-  
 lectio, dura sicut infernus æmulatio, lampades ejus lampades  
 ignis atque flammarum. *S. Cyprianus*: Martyrii inestimabilis  
 gloria, infinita mensura, immaculata victoria, inestimabilis ti-  
 tulus, triumphus immensus. *Idem* sparsim hæc in Epistola pro-  
 fert: Martyr efficitur collega passionis Christi. Martyres præ-  
 stant magisteria morum, Confessores initia virtutum. Marty-  
 res cum Christo futuri Judices. Martyres regnum cælorum  
 sine cunctatione obtinent. Martyres fructum centenarium  
 percipiunt. Martyrum triumphus gloriosus. Martyrum fi-  
 des & fortitudo inexpugnabilis. Martyrum corona eò subli-  
 mior, quò longior. Martyrum oratio meretur à DEO exau-  
 diri. Martyrum triumphis lætatur Ecclesia. Martyrum præ-  
 rogativâ possunt lapsi apud DEUM adjuvari. Martyrum me-  
 moria, passionis, & dies anniversaria sacrificiis in Ecclesia ce-  
 lebrari solita. Martyribus patent cæli tempore persecutionum.  
 Martyrium est in DEI dignatione, non in hominis potestate.  
 Martyrium jam libenter appetunt, qui mortem conternere di-  
 sciunt. Martyrium per baptismum sanguinis omnium excellen-  
 tissimum. Martyrii initium ab Abel. Martyrii subeundi ad-  
 juror, testis, & probator Christus. Martyrio statim patet in-  
 gressus ad regnum cælorum. *B. Thomas Morus, & alii Martyres*  
*Tyrannis* respondebant: Satiùs est momentanea sufferre suppli-  
 cia, quàm æterna subire tormenta. *S. Chrysostomus*: Corpus  
 donec cæditur, sentit anima: cum autem occisum fuerit, nul-  
 lus sensus, aut dolor animæ invenitur in corpore illo, sed ite-  
 rum super animam in tempore opportuno gloriosius illud re-  
 texetur corpus, ut nullum detrimentum videatur anima per-  
 pessa,

*S. Cyprianus*  
*in exhort. ad*  
*Martyr.*  
*Idem in Epist.*  
*ad Martyr.*

*S. Chrysost.*  
*hom. 25 in 10.*  
*Matth.*



peffa, sed augmentum. *Franciscus Arias* ita discurret: Excel- *Fratt. Aris*  
lentissimum, maximiquè valoris, ac meriti opus, quod in Ec- *Theaur. in ex-*  
clesia exerceatur, est Martyrium, in quo servus DE I dat vitam *bauf. t. 3. tit.*  
suam, & tolerat quodvis tormentorum, mortisque genus, pro- *Obedient. c. 10.*  
pter fidem Christi, vel propter quodlibet opus virtutis ad re-  
ligionem Christianam pertinens. Per hunc enim actum & o-  
pus Martyrii homo fidelis, etiam si usque ad illud temporis pun-  
ctum magnus fuisset peccator, in momento fit valdè iustus, val-  
dequè sanctus, integram suorum peccatorum, omniumquè  
propterea debitarum poenarum veniam consequitur, & sta-  
tim ingressum habet in calum. Et hoc solo actu tantopere  
DEO placet, itaque ejus gratiam participat, ut is non solum  
ipsum diligit, suamquè ei gloriam, sicuti cæteris iustis & ami-  
cis, tribuat, sed etiam excellentiore illum modo, & tanquam  
specialem amicum diligit, multoque uberiores in calo glori-  
am ei tribuat. Et est hic Martyrii effectus ac præmium adeo  
certum, ut quo temporis puncto quis fidei ergo martyrizatur,  
& de Martyrii ejus veritate sufficienter constat, Ecclesia ipsum  
statim colat, & ad eum, tanquam ad sanctum, aut beatum,  
preces fundat.

*3um.* Christus, Caput & Dux Martyrum. Hinc *S. Au-*  
*gustinus* inquit: Multi Martyres talia passi sunt, sed nihil sic e- *S. August. in*  
lucet, quomodo caput Martyrum: ibi melius intuemur, quod *Psal. 63.*  
illi experti sunt.)) Quanta verò Christus in omni genere  
malorum, & cum quanta virtutis perfectione passus est, docet  
Evangelium, docent obvi libri spirituales, & aliqua insinuabi-  
mus infra sub patientia & humilitate.

*4um.* Beatissima Virgo MARIA, quàm rectè ex sensu Ec-  
clesiæ Regina Martyrum appelleretur, fusiùs alii probant, ego bre-  
vitatis causâ pauca affero. *S. Anselmus*: Quidquid crudelitatis *S. Anselmus*  
inflictum est corporibus Martyrum, leve fuit, aut potius nihil de *Excell. Virg.*  
comparatione tuæ passionis, quæ nimirum suâ immensitate *c. 5.*  
transfixit cuncta penetralia tua, tuiquè benignissimi cordis in-  
tima. *D. Bernardus*: Tuam animam pertransiit vis doloris, ut *S. Bern. in*  
plus quàm Martyrem non immeritò prædicemus, in qua ni- *serm. sign.*  
mirum corporeæ sensum passionis excefferit compassionis affe- *magn.*



*Laurent. Justin.* *Laurentius Justinianus*: Cor MARIE clarissimum fuit speculum passionis Christi, & perfecta mortis imago. *S. Bern.* *umpbali Christi nardinus*: Tantus fuit dolor Virginis, ut si in omnes creaturas, quæ pati possunt, divideretur, omnes subito interirent. *S. Bo-*

*S. Bernard.* *naventura ait*: O Domina mea ubi stas? nunquid juxta crucem, imò in cruce cum Filio cruciaris, ibi enim crucifixa es *se-* *Miebov.* *in cum.* Hoc solum restat, quod Ipse in corpore, tu verò in *Lytan.* *Lauret.* corde es passa: nec non singula vulnera per corpus ejus disperdiscur. 386. sa, in tuo corde generaliter sunt unita, quia nempe tuam ipsi-

*S. Bonav.* *in* us animam doloris gladius pertransivit. Tu Domina in tuo *stimulo amoris* corde es lanceata, tu spinis coronata, tu illusa, tu exprobrata, tu contumeliis & maledictis affecta, tu etiam felle & aceto porata. *cap. 4.*

*S. Anselmus*: Pia Domina, non crediderim, te potuisse ullo pacto stimulos, quin vitam amitteres, sustinere, nisi ipse Spiritus vitæ, Spiritus consolationis, Spiritus Sanctus dulcissimi Filii tui, pro quo moriente torquebaris, te intus doceret, non esse mortem eum absumentem, sed magis triumphum, omnia ei subicientem, quod in ipso fieri coram moribundo videbas. Ipsa-

*Inrevelat. S.* *DEI Mater ad S. Brigittam* dixit: Propterea cum nasceretur ex me Filius meus, sensi ego, quòd quasi dimidium cor meum nasceretur, & exiret ex me; & cum Ipse pateretur, sensi, quòd quasi cor meum patiebatur: sic ergo cum flagellaretur & puniretur Filius meus, quasi cor meum flagellabatur, & puniebatur. Ego ei fui propinquior in passione, nec separabar ab eo, & stabam vicinior cruci ejus: & sicut gravius pungit, quod vicinius est cordi; sic dolor ejus gravior præ cæteris erat mihi. *Item*: Cum respexisset, inquit, Filius meus ad me de cruce, & ego ad Eum; tunc de oculis meis, quasi de venis, lachrymæ exiebant: & cum Ipse me cerneret dolore confectam, intantum amaricabatur de dolore meo, quòd omnis dolor vulnerum suorum quasi sopitus erat præ dolore meo, quem in me videbat. Propterea audacter dico, quòd dolor Ejus erat dolor meus, quia cor Ejus erat cor meum: ideo filia mea cogita, qualis eram in morte Filii mei, & non erit tibi grave relinquere mundum. *Item*: Filius meus videns me, & amicos suos, oculis in cælum directis clamabat ad Patrem: Pater quare dereliquisti me? quam



quam vocem ego nunquam, donec ad cælum veni, oblivisci potui, quam plus ex compassione mea, quam passione sua per-motus protulit.

Porro tam immensi cruciatus DEIPARÆ mox ab ipso ad-ventu Christi in mundum initium habuere, durantes totā vitā Virginis. Ita *Rupertus*, doctissimus ac piissimus Abbas, inducit Virginem Matrem loquentem: Nolite solam attendere ho-ram, vel diem illam, in qua vidi talem dilectum ab impiis com-prehensum malè tractari, illudi, spinis coronari, flagellari, cru-cifigi, felle & aceto potari, lanceari, mori, & sepeliri: nam, tunc quidem gladius animam meam pertransiit, sed antequam sic pertransiret, longum per me transitum fecit; Prophetissa namque eram, & ex quo Mater ejus facta sum, scivi ista passu-rum. Cum igitur talem Filium in sinu meo foverem, ulnis gestarem, uberibus lactarem, & talem ejus futuram mortem præ oculis habere; qualem, quantam, quamque prolixam me putatis Materni doloris pertulisse passionem? *Ruperti Abbatis* doctrinam confirmat *D. Bernardus* Sermon. 40. in Cant. & *S. Brigitta* in Sermon. Ang. c. 16. & 17. cujus verba ipsissima hic inferere pla-cuit: Melius quam Prophetæ præscivit sui Filii passionem, ideo Eum lactans cogitabat, quod felle & aceto esset potandus in cruce; quando Eum manibus gestabat, videbatur illi, quod crucis brachiis esset confixus; quando dormiebat, cogitabat mortuum ex cruce depositum; quando osculabatur, Judæ oscu-lum cogitabat; quando fasciis involvebat, funes cogitabat, qui-bus ligandus erat ab impiis carnificibus; quando manu duce-bat, ducendum ad tribunalia, ut impiis iudicibus sifteretur. Eadem Beatissima revelavit *S. Brigitta* in hæc verba: Omni tem-pore, quo post ascensionem Filii mei vixi, visitavi loca, in qui-bus Ipse passus est, & mirabilia sua ostendit: sic quoque passio sua in corde meo fixa erat, quod sive comedebam, sive labora-bam, quasi recens erat in memoria mea.

*Sum.* *Exempla Sanctorum Martyrum.* *S. Augustinus* inquit: Gloriosus Martyrum cœtus congregatus est ex omnibus popu-lis, omnibus tribubus, omnibus lingvis, omni sexu, omni æta-te. Senex, qui præ senio jam tremebat, cervicem gladio Tyranni non

*Rupertus lib.*

*1. in Cant.*

*S. Brigittæ rev.*

*lib. 6. c. 65.*

*S. Augustin.*

*Serm. 4. de ti-*

*more DEI &*

*seculi.*

non



non subtraxit. Anus jam ætate consumpta sanguinolentam carnificis manum non declinavit. Juvenes præsentis vitæ amore & voluptate, Martyrii, quo coronandi erant, certamen non formidârunt. Et teneri infantes crudeles mortes sibi à persecutoribus illatas non subterfugerunt. Omnibus dedit cor-

*Minutius in Octav.*

*Eadem Lacta. lib. 5. c. 13.*

nam Martyrii, qui omnes redemit. *Minutius Felix* Gentilibus scribens hæc profert: Ut aurum ignibus, sic nos *Christiani* discriminiibus arguimur. Quàm pulchrum spectaculum DEO, cum Christianus cum dolore concreditur? cum adversum minas, & supplicia, & tormenta componitur? cum scriptum mortis & horrorem carnificis irridens conculcat? cum libertatem suam adversus Reges, & Principes erigit? cum triumphator & victor ipsi, qui adversum se sententiam dixit, insultat? vos ipsi fertis ad cælum Mutium Scævola, qui cum errasset in Regem, periisset in hostibus, nisi dextram perdidisset. Et quot ex nostris non dexteram solum, sed totum corpus uri, cremari, sinè ullis ejulatibus pertulerunt, cum dimitti præsertim in sua haberent potestate? Viros cum Mutio vel Altilio Regulo comparo? Pueri, & mulierculæ nostræ cruces & tormenta, feras, & omnes suppliciorum terriculas, inspiratâ Divinitus patientiâ doloris illudunt. Nec intelligitis, ô miseri! neminem esse, qui aut sinè ratione velit poenam subire, aut sinè

*Sulpitius in hist. l. 2.*

DEO possit sustinere. *Severus Sulpitius* de ultima persecutione Diocletiani, & ejus successorum loquens, ait: Hâc tempestate omnis ferè sacro Martyrum cruore orbis infectus est, quippe certatim gloriosa in certamina ruebatur, multoque avidius tum Martyria gloriosis moribus quærebantur, quàm nunc Episcopatus pravis ambitionibus appetantur. Nullis unquam magis bellis mundus exhaustus est, neque majore unquam triumpho vicimus, quàm cum decem annorum stragibus vinci non potuimus. *Franciscus Arias* enumeratis strictim temporibus, & locis,

*Arias The-saur. inexhaust. t. 1. tit. Dux c. 35.*

quando, & ubi passi sunt SS. Martyres, ita concludit: Ex hoc discursu sequitur, quod moderni quidam authores ajunt: Si Martyres, qui ad hodiernum usque diem in Ecclesia Christi exstiterunt, in singulos anni dies distribuerentur, unicuique diei triginta Martyrum millia obventura, opinionem valdè verisimilem.



milem esse, cum hic numerus undecim circiter millionibus Martyrum compleatur. Ac licet numerus sit immensus, quia tamen in omnibus persecutionibus, omnibusque seculis tot exstiterent Martyres, quot diximus, habet hæc opinio non exiguae veritatis, auctoritatisque fundamenta. Et sic admodum credibile est, Ecclesiam in dies anni singulos habere dicta triginta millia Martyrum, quos honoret, & veneretur, & gloriosissimos sibi apud DEUM Advocatos adoptet. *Hæc ille.* Coronidem imponat *Apostolus* Christi, exhortans ad sequelam Christi & Sanctorum in suis passionibus, dicens: Per fidem (iusti) devicerunt regna, operati sunt iustitiam, adepti sunt repromissiones, obturaverunt ora leonum, extinxerunt impetum ignis, effugaverunt aciem gladii, convaluerunt de infirmitate, fortes facti sunt in bello, caltra verterunt exterorum: acceperunt mulieres de resurrectione mortuos suos: alii autem distenti sunt, non suscipientes redemptionem, ut meliorem invenirent resurrectionem. Alii verò ludibria & verbera experti, insuper & vincula, & carceres, lapidati sunt, secti sunt, tentati sunt, in occisione gladii mortui sunt, circuierunt in melotibus, in pellibus caprinis, egentes, angustii, afflicti, quibus dignus non erat mundus, in solitudinibus errantes, in montibus & speluncis, & in cavernis terræ. Et hi omnes testimonio fidei probati, non acceperunt repromissionem, DEO pro nobis melius aliquid providente, ut non sinè nobis consummarentur. Ideoque & nos tantam habentes impositam nubem testium: deponentes omne pondus, & circumstantes nos peccatum, per patientiam curramus ad propositum nobis certamen, aspicientes in Authorem fidei, & consummatorem JESUM, qui proposito sibi gaudio sustinuit crucem confusionis contemptam, atque in dextera DEI sedet. Recogitate enim eum, qui talem sustinuit à peccatoribus adversum semetipsum contradictionem, ut non fatigemini animis vestris deficientes. Nondum enim usque ad sanguinem restitistis adversum peccatum repugnantes, & oblitistis consolationis, quæ vobis tanquam filiis loquitur, dicens: Fili mi, noli negligere disciplinam Domini, neque tangeris, dum ab eo argueris: Quem enim diligit Dominus castigat, flagellat

Ad Hebr. c.

II. 6. 12.



*S. Aug. serm.* autem omnem filium quem recipit. Addo *S. Augustinum*, qui ait:  
*4. de S. Laur.* Cum omnium virtutum summa, omnisque iustitiæ & sanctita-  
 tis impletio ex amore quo DEUS, & propter DEUM proxi-  
 mus diligitur, nascatur, certè hic in nullis sanctis excellentior,  
 & in quibus magis splenderet, inventus est, quàm in Martyri-  
 bus, qui proinde suo exemplo cunctis hominibus plurimum  
 profuerunt. Siquidem idem DEUS, qui ipsis robur dedit, eo  
 ulus est ad faciendum, nè cui Sanctorum tormentum crucis,  
 neque poena mortis formidabilis esset, sed multis imitabilis  
 fieret.

*In Praxi circa Martyrium*, ut quis tantum bonum ob-  
 tinere possit, *Adverte 1mò.* Cum ex dictis pateat, Martyrium  
 esse actum perfectissimum virtutis, ut hunc gradum altiore  
 ascendas, per inferiores gradus virtutum proficias.

*Adverte 2dò.* Plerumque providentia Divina dona sua ab  
 oratione instantissima dependere voluit. Et si magnis quibus-  
 dam Sanctis Martyrium desiderantissimè à DEO petentibus,  
 fuit tamen denegatum: quantò magis tibi negligenti pro ea-  
 dem gratia orare?

*Adverte 3tò.* Si ferves desiderio Martyrii, & illud obeun-  
 di datur occasio, dum potes, consule super hoc voluntatem  
 DEI apud aliquem virum pium, & discretionem præditum, nè  
 projiciens te in tantum periculum, ab Angelo satanæ transfi-  
 gurato in Angelum lucis sub specie boni capiaris.

*Adverte 4tò.* Addas tibi fortitudinem animi ab exem-  
*S. Cyprianus* plis tot millium Martyrum, juxta illud *S. Cypriani*: Nemo diffi-  
*1. 4. Epist. 6.* cile & arduum putet esse Martyrem fieri, quando videt Mar-  
 tyrum populum non posse numerari.)) Deinde considera, si  
 aliqui Martyria pluribus annis protraherant, sicut *S. Gregorius*  
*Armenia* Episcopus quatuordecim annis, *S. Clemens* Ancyra-  
 nus octo supra viginti annos in Martyrio durarunt. Cur & tu  
 non sustineas saltè minori tempore? Considera, non paucos  
 Martyres sua tormenta non sensisse, aut præ copia gratiæ levi-  
*Daniel. c. 3.* us sensisse, quàm tibi eorum horror apparer. Ita tres pueri  
 in ardentissima Babylonis fornace pro igne quasi ventum roris  
 flantem



stantem experti sunt, referente Franc. Aria ex vitis Sanctorum: Ita *Arias thesaur.*  
 Gregorius Armeniæ Martyr, cum propter Christum inaudita *inexhaust t.1.*  
 tormenta, eaque admodum diuturna pateretur, erat in illis tam *tract. 3. c. 27.*  
 lætus, quam si in magnis esset deliciis; & cum jam in frustra  
 esset disiectus, Tyranno dixit: *Quantum externus noster corrumpi-*  
*tur homo, tantum internum renovari docemur, & credimus.* S. Lau-  
 rentius, cum in craticula torreretur, agebat Decio: *Hæ prunæ sunt*  
*mibi in refrigerio.* Et S. Vincentius ferreis pectinibus carptus,  
 laminisque ardentibus adustus: *Hi fruges cibi sunt,* inquebat,  
*quos desiderabam.* S. item Tiburtius vivis carbonibus inambu-  
 lans, videri se sibi rosas, floresque calcare affirmabat. Et glo-  
 riosa Agatha in gravissimis tormentis dicebat: *Tantum his poenis*  
*lætor, quantum homo avarus inventis magnis thesauris.* *Hæc Arias.*  
 S. Chrysostomus quantum appretiabat victum esse pro Chri-  
 sto, placet stupenda afferre quæ supra illa Apostoli verba: *Ob-*  
*secro vos ego victus in Domino.* Eph. 4. scribit, dicens: Nihil ita *Ex homil.*  
 splendidum, ut victum esse propter Christum, ut catenæ sunt *Alcuni*  
 sanctis illis manibus circumdatæ. Victum esse propter Chri- *Laur. Sarri Do-*  
 stum illustrius est, quam sive Apostolum, sive Doctorem, sive *minicâ 18. post*  
 Evangelistam esse. Si quis Christum diligit, is novit quid di- *Pent.*  
 co. Si quis erga Dominum insanit, ut ita dicam, & ardet, is  
 novit, quæ sit vinculorum virtus. Hic utique prius habebit  
 optione datâ vincula ferre propter Christum, quam calos inha-  
 bitare. Non enim caput ita splendidum reddit imposita coro-  
 na margaritis conspicua, ut catena ferrea, quæ propter Chri-  
 stum fertur. Pudet divitias & auream mundiciem hujusmo-  
 di conferre vinculis. Quod si quis mihi vel universi cæli, vel  
 hujus catenæ copiam & optionem largitus esset, catenam hanc  
 ego planè elegissem. Deinde si aut mihi cum Angelis fuisset  
 standum sursum, aut cum Paulo victo, carcerem utique præ-  
 optassem. Ad hæc, si quis me aut in numerum & ordinem  
 collocasset cælestium potentiarum, earum etiam, qui propè sunt  
 thronum DEI, aut talem ligatum fecisset, talis utique ligatus es-  
 se voluissem. Nihil hæc catenâ beatius. Vellem etiam nunc  
 in eis esse locis, in quibus ista dicuntur esse vincula. Et meri-  
 to: celebrarem viros istos, qui hujus erga Christum desiderii  
 fuerunt.



fuerunt. Cuperem videre catenas illas, quas quidem verentur & horrent dæmones, venerantur verò Angeli. Non ita beatum dico Paulum, quòd in Paradisum raptus, atque in carcerem est conjectus: non ita beatum æstimo, quòd verba audivit ineffabilia, atque quòd vincula sustinuit. Non ob id adeò beatum illum prædico, quòd in tertium cælum raptus est, atque propter vincula. O beata vincula! ô beatas manus! quas catena illa exornavit. Quòd si mihi temporibus illis esse licuisset, tum potissimum illas circumplexus fuisset, inque sinus meos collocassem. Utique non cessassem exosculari illas, quibus pro Domino meo ligari licuit. Quòd si liberum fuisset per curas Ecclesiasticas, & corpus habuissem validum, nihil utique cautatus fuisset, quò minus tantâ susceptâ peregrinatione catenas duntaxat illas, & carcerem, ubi ligatus fuit, vidissem. *Hæc aureum Os* de catena, vinctiōe, carcere Pauli pro Christo, quidni & de aliis instrumentis, passionibusquē SS. Martyrum idem pretium ferendum? quidni & de persecutionibus, & ultra assumptis afflictionibus Confessorum idem assumendum? Ita enim, hi sicut & illi pro DEO, pro virtute decertant, nisi quòd illi atrociori, hi diuturniori Martyrio defudant. Cæterum hinc patet, ubi in mediis angustiis, & cruciatibus amor, ibi nullus pavor, labor, dolor, imò quies, gaudium, dulcor.

*Adverte 5to.* Procedens ad Martyrium ex tua parte coneris esse in statu gratiæ per Sacramentum poenitentiae, vel saltem elicias actum contritionis, & convenias cum tuis inimicis. **I. Cor. 13.** Etenim juxta Apostolum: *Etiamsi tradidero corpus meum, ita ut ardeam, (pro Christo) charitatem (seu gratiam) autem non habuero, nihil mihi prodest.*

*Adverte 6to.* Anteq̃, & in ipso Martyrio pone tibi ob oculos vivâ fide perennes cruciatus inferni, ad quæ nonnulli deficientes in Martyrio, repentinâ morte percussi descenderunt. *Vide In Annalibus Annal. Eccl.* Hinc beatus Morus & alii Martyres Tyrannis respondabant: *Satiùs est momentanea sufferre supplicia, quàm aeterna subire tormenta.* Consideres perpetuas celi delicias, coronas, gloriam, triumphos, quos Victor in Christo paulopost subibis. Consideres felicem in die novissimo resurrectionem corporis tui, in quo

*In Annalibus  
Eccl. apud Ba-  
ronium.*



quo tot relucebunt sidera, quot præcesserunt vulnera: Ita se-  
 ipsam solabatur mater septem Machabæorum, & hunc in mo- 2. Machab. c. 7.  
 dum animabat filios suos ad terribiles cruciatus ferendos.  
 Consideres atrocissimam passionem & mortem Christi, & vix  
 alicujus momenti apparebunt tibi tormenta tua. Consideres  
 tibi semel moriendum in magnis angustiis, exiguo merito,  
 imò magno cum salutis periculo: Cur nunc easdem mortis  
 torturas gloriosè non feras, summa æternaquè cum gloria &  
 spe certissima beatissimæ æternitatis? &c.

Adverte 7mò. Totam fiduciam pone in auxilio DEI, &  
 nihil in viribus tuis, ora DEUM instantèr, neque vim tormen-  
 torum perpendas, quæ forent tibi portabilia vel importabilia.  
 Audi S. Cyprianum: Novi ego, ac fleui quosdam magni animi for- S. Cyprianus,  
 titudine præditos, qui jam coronæ proximi defecerunt, & quem vel quisquis  
 diu professi fuerunt, abnegârunt. Quid fuit in causa? Di- Author est,  
 moverant oculos suos ab eo, qui solus robur dat infirmis: in- Tract. de du-  
 termiserant orationem, ac coeperunt ad humana præsidia re- plici Martyrio.  
 spicere. Contemplabantur suæ naturæ viriculas, considera-  
 bant ungulas, aculeos, candentes laminas, ferrum & ignem, re-  
 liquumquè carnificinæ apparatus, etiam aspectu horrendum,  
 & cruciatuum atrocitatem cum suis viribus conferebant, &  
 ideo victoriam amiserunt è manibus. Ubi quis ita cogitat:  
 Hoc possum, illud perpeti non possum, nunquam feliciter per-  
 aget Martyrium. Sed qui se totum tradit Divinæ voluntati, non  
 aliò spectans, quàm ad illius opem, is demum firmus invictus  
 est. Hoc autem fieri non potest, nisi adsit vera & vivida fides,  
 nihil hæsitans, nihil disquirens, nec cogitans, quanta sit Tyran-  
 ni sævitia, quanta hominis imbecillitas, sed quanta sit Domini  
 virtus, qui certat & vincit in membris suis. Et paulò post: Nec  
 quicquam sibi displiceat, si corpore pariter & animo sentiat gra-  
 vem & diuturnam molestiam, tantum fidat ei cui certat, is qui  
 non patietur quenquam tentari supra id quod potest, sed faciet  
 etiam cum tentatione proventum. Idem: Timendas S. Cyprianus  
 non esse injurias & poenas persecutionum, quia major est Do- lib. 4. Epist. 6.  
 minus ad protegendum, quàm diabolus ad impugnandum. ad Tibari.



Quocirca in persecutionibus nemo cogitet, quod periculum  
diabolus importet, sed consideret, quod auxilium DEUS præstet.

I. 2. tra. 1. c. 1.  
sect. 4. subs. 2. plica.

Accipe quoque suprâspecificata, & hic pro posse convenienter ap-

§. 2.

### §. Unicus.

#### De Martyrii Desiderio.

**D**esiderium Martyrii, est actus ardentissime Charitatis, & Fortitudi-  
nis, quo aliquis ex motivo amoris DEI, intensissime cupit pro veri-  
tate & iustitia pati, & mori, in DEI, suorumque gloriam. Quia effi-  
cax desiderium Martyrii utpote actus heroicus, non nisi ex per-  
fecta charitate & virtute præcellenti oritur. Unde dicitur For-  
tis esse ut mors dilectio. Quia sciens se non posse dilecto & sum-  
mo Bono magis gratificari & placere, quam quod habet caris-  
simum, nempe vitam in signum honoris & dilectionis ad ejus,  
suorumque gloriam profunderet; ad id præstandum flagrantis-  
simo actu desiderio, quarit, & ingerit se in occasiones. Cruz  
cum Andrea; Ignis cum Laurentio; Leones, contractio ossi-  
um, imò omnia tormenta diaboli cum Ignatio, omnia facilia,  
læta, & jucunda tali apparent. Nimirum ubi amor, ibi dul-  
cis dolor.

S. Martinus, S. Dominicus, S. Franciscus ejusmodi flagra-  
nt in vita S. bant Martyrii desiderio: S. Ludgardis tantum effecit apud  
Ludgardis. Christum, quod aspirans ad S. Agnetis Martyrium, illud profu-  
sione sanguinis Divinitus factâ promeruerit.

### SECTIO IV.

#### De Oppositis Martyrii.

**P**rimum est, quod opponitur tanquam imperfectum per-  
fecto. Et ita dum quis commodè potest fugere mor-  
tem pro Christo, est quid imperfectum. Unde S. Bonav.

S. Bonav. Ventura: Mortem pro Christo desiderare, morti se pro Christo  
Apolog. paup. exponere, & in mortis agone gaudere, actus est Charitatis  
Resp. 2. cap. 1. perfectæ.



perfectæ. Porro mortem fugere, acutus est imperfectionis, quantum in se est; potest tamen ad perfectionem reduci per circumstantiam superadditam: utpote cum quis hoc facit, ut se reservet ad gloriosorem triumphum; sicut fugit Apostolus: vel cum id agit ad præbendum infirmis spei solatium, nè dum morte imminente trepidare se sentiunt, in desperationem labantur. Et hæc ratione fugisse credendus est Christus, non ex vehementia timoris, sed ex benigna condescensione perfectissimæ charitatis. Juxta quod dicit Augustinus: Firmissimi sunt Christi ani, si qui sunt, qui nequaquam morte imminente turbantur. Sed nunquid Christo firmiores? quis hoc insanissimus dixerit? quid est ergo, quod ille turbatus est, nisi quia infirmos in suo corpore, id est, in Ecclesia suæ infirmitatis voluntariâ assumptione consolatus est: ut si qui suorum morte imminente turbantur, ipsum in Spiritu intueantur, nè hoc ipso se putantes reprobos pejore desperationis morte absorbeantur. Hæc Augustinus. Quibus luce clariùs ostenditur, quod in passione trepidare, quanquam sit imperfectum, nullam tamen in Christo condescendente imperfectionem ponit, sed in eis solum, quibus ipse condescendit. Hactenus D. Bonaventura.

S. Aug. homil.  
60. in Joann.

2dò opponitur Pseudo-Martyrium, nempe quod perficitur absque charitate. De quo Apostolus: Et si tradidero corpus meum, ita ut ardeam, charitatem autem non habuero, nihil mihi prodest. Unde S. Augustinus: Ecce venit ad passionem, ecce venit & ad sanguinis effusionem, venit ad corporum incensionem, & tamen nihil de verbis Domini prodest, quia charitas deest. Tales sunt etiam Catholici extra statum gratiæ in peccato mortali existentes, nisi illud priùs deleverint poenitentia Sacramentali, aut saltè contritione. Tales sunt, qui non rectâ, sed vanâ intentione patiuntur, sive sint fideles, sive infideles. Hinc S. Augustinus inquit: Romani laudis avidi gloriam ingentem ardentissime dilexerunt, propter hanc vivere voluerunt, pro hac & mori non dubitaverunt. Et: Ceteras cupiditates hujus unius ingenti cupiditate prefferant. Tale quoque Martyrium est infidelium pro sua perfidia morientium. Quare S. Augustinus: Omnes illi Pastores boni, non solum, quia sanguinem fuderunt, sed quia pro ovibus fuderunt. Non enim fuderunt elatione, sed charitate. Nam & apud hæreticos, qui propter ini-

I. Cor. 13.

S. Aug. serm.  
50.

S. Aug. lib. 9.  
de civit. c. 12.

S. Aug. de  
verbis Domini  
serm. 50.

quitates



quitates & errores suos aliquid molestiarum perpessi fuerunt, nomine Martyrii se jactant; ut hoc pallio dealbati facilius furentur, quia lupi sunt.

In Annal.  
Eccles. Bzovii

3<sup>to</sup> opponitur *Inconstantia*, & *Imperseverantia* in Martyrio, ut primis persecutionibus Ecclesiæ de ejusmodi pluribus lapsis legimus, quorum aliqui mox gravissimè à DEO puniti, in gehennam æternum cruciandi detrusi sunt: aliqui in Gentilismum defecerunt, retrogressi à janua cælestis gloriæ è vestigio eis aperienda ad Erebi igneos carceres.

## SECTIO V.

### De Partibus Fortitudinis.

D. Thom. 2. 2.  
q. 128.

**F**iducia, Magnificentia, Patientia, & Perseverantia sunt Fortitudinis, ut virtutis specialis, partes integrales, in quantum versantur circa pericula mortis: & quidem actus Fortitudinis, qui est in aggrediendo, integrant Fiduciam & Magnificentiam; Actum verò Fortitudinis in sustinendo, componunt Patientia & Perseverantia. In quantum autem eadem virtutes habent se circa alia difficilia & ardua, sunt Potentiales Fortitudinis virtutes, eique ut secundariæ principali annectuntur. Cæterum sequentibus, Magnanimitatem cum D. Thoma loco Fiduciam à Tullio hic positam substituemus.

## SUBSECTIO I.

### De Magnanimitate.

D. Thom. 2. 2.  
q. 129.  
Ibidem 4. 1.

**M**agnanimitas, est virtus specialis, quæ aliquis sese ordinatè habet circa magnos honores. Dicitur: virtus specialis: quia Magnanimitas ponit modum rationis circa determinatam materiam, nempe bonum honoris, quod est speciale bonum inter exteriora bona. Dicitur: quæ aliquis sese ordinatè habet, id est, convenienter se gerit ad dictamen rationis circa magnos honores. Ubi nomine honorum imò intelligitur id quod causat honorem, nempe ut magnanimus studeat facere ea, quæ sunt digna honore non qualiacunque sed magna, quales v. g. porislimum sunt heroici actus virtutum. Sicut econtra, si quis hoc



hoc modo contemneret honores, quod non faceret ea, quæ sunt digna honore; non vitaret ea, quæ sunt contraria honori, hoc vituperabile esset. Adò intelligitur ipse honor, consequens aliquam excellentiam, qui pro moderamine rationis est vel amandus, vel contemnendus. Et quidem circa mediocres honores, ut D. Thomas ait, versatur virtus quædam innominata. Nominatur tamen ex suis extremis, quæ sunt Philotimia, id est amor honoris, & Aphilotimia, id est sine amore honoris; Laudatur enim quandoque qui amat honorem, quandoque autem qui non curat de honore, prout scilicet utrumque moderare fieri potest. Circa magnos autem honores est Magnanimitas: quia eos magnanimus intendit. Sicut quibus est dignus, vel etiam sicut minores his, quibus est dignus: quia videlicet virtus non potest sufficienter honorari ab homine, cui debetur honor à DEO. Et ideo non extollitur ex magnis honoribus, quia non reputat eos supra se, sed magis eos contemnit, & multò magis moderatos & parvos. Et similiter etiam Dehonoratibus non frangitur, sed eas contemnit, utpote quas reputat sibi indignè afferri.

Ibidem a. 2.

Ibidem a. 3.

*Fiducia*, est quoddam robur spei, seu spes roborata ex aliqua firma opinione ad aliquod arduum bonum assequendum. Unde *Fiducia* pertinet ad Magnanimitatem, quæ propriè est circa spem alicujus ardui.

Ibidem a. 6.

*Securitas*, est conditio Fortitudinis, & Magnanimitatis; Fortitudinis, quatenus animi quietem à timore importat; Magnanimitatis, quatenus repellit desperationem.

Ibidem a. 7.

*Proprietates*, seu *Conditiones Magnanimitatis* sunt. Ima, intendere solum ad magna, quæ pauca sunt, quæ etiam indigent attentione, & ideo habet motum tardum. Neque intromittere sese, nisi de magnis. Unde in his, qui sunt naturaliter dispositi ad Magnanimitatem, tales conditiones naturaliter inveniuntur. 2da per comparisonem ad humilitatem. Nam in homine invenitur aliquod magnum, quod ex dono DEI possidet: & aliquis defectus, qui competit ei ex infirmitate naturalis. Magnanimitas, ergo facit, quod homo se magnis dignificet secundum considerationem donorum, quæ possidet ex

Ibidem a. 3.

ad 3.

Ibidem a. 3.

ad 4.

M m m

DEO.



DEO. Sicut si habet magnam virtutem animi, magnanimitas facit, quod ad perfecta opera virtutis tendat. Et similiter est dicendum de usu cujuslibet alterius boni, puta scientiæ, vel interioris fortunæ. Humilitas autem facit, quod homo seipsum parvipendat secundum considerationem proprii defectus. Similiter etiam magnanimitas contemnit alios, secundum quod deficiunt à donis DEI. Non enim tantum alios appretiat, quod pro eis aliquid indecens faciat. Sed humilitas alios honorat, & superiores æstimat, in quantum in eis aliquid inspicit de donis DEI. Unde dicitur in Psalm. 14. de viro iusto: Ad nihilum deductus est in conspectu ejus malignus: quod pertinet ad contemptum magnanimi: Timentes autem Dominum glorificat; quod pertinet ad honorationem humilis. Et sic patet, quod magnanimitas & humilitas non sunt contraria, quamvis in contraria tendere videantur: quia procedunt secundum diversas considerationes. ))

*Ibidem. a. 5.*

Porro aliæ proprietates, secundum quod ad magnanimum pertinent, non sunt vituperabiles, sed superexcedenter laudabiles. Quod enim imò dicitur, quod magnanimus non habet in memoria, à quibus beneficia recipit, intelligendum est quantum ad hoc, quod non est sibi delectabile, quod ab aliquibus beneficia recipiat, quin sibi majora recompenser: quod pertinet ad perfectionem gratitudinis, in cujus actu vult superexcellere, sicut & in actibus aliarum virtutum. Similiter etiam 2dò dicitur, quod est otiosus & tardus: non quia deficiat ab operando ea, quæ sibi conveniunt, sed quia non ingerit se quibuscunque operibus, sed solum magnis, qualia decent eum. Dicitur etiam 3tò, quod utitur ironiâ, non secundum quod opponitur veritati, ut scilicet dicat de se aliqua vilia, quæ non sunt: vel neget aliqua magna quæ sunt: sed quia non totam magnitudinem suam monstrat, maxime quantum ad inferiorum multitudinem: quia, sicut etiam Philosophus ibidem dicit, ad magnanimum pertinet, magnum esse ad eos, qui in dignitate, & bonis fortunæ sunt, ad medios autem moderatum. 4tò etiam dicitur, quod ad alios non potest convivere, scilicet familiariter, nisi ad amicos: quia omnino vitat adulationem, & simula-



simulationem, quæ pertinent ad animi parvitatem. Convivunt tamen omnibus, & magnis, & parvis, secundum quod oportet. 5<sup>to</sup> etiam dicitur, quod vult habere magis instructuosa: non quæcunque, sed bona, id est honesta. Nam in omnibus præponit honesta utilibus, tanquam majora. Utilia enim quæruntur ad subveniendum alicui defectui, qui magnanimitati repugnat. ))

Aliæ Proprietates & Conditiones Magnanimitatis ex se-  
quentibus colliguntur. 1<sup>mo</sup>, quod quia magnanimus tendit ad magna, consequens est, quod ad illa præcipue tendat, quæ important aliquam excellentiam: & illa fugiat, quæ pertinent ad defectum. Pertinet autem ad quandam excellentiam, quod aliquis beneficiat, & quod sit communicativus, & plurimum retributivus. Et ideo ad ista promptum se exhibet, inquantum habent rationem cujusdam excellentiæ: non autem secundum eam rationem, quæ sunt actus aliarum virtutum. Ad defectum autem pertinet, quod aliquis intantum magnipendat aliqua exteriora bona vel mala, quod pro eis à justitia vel quacunque virtute recedat, & declinet. Similiter etiam ad defectum pertinet omnis occulatio veritatis: quia videtur ex timore procedere. Quod etiam aliquis sit planctivus, ad defectum pertinet: quia per hoc videtur animus exterioribus malis succumbere. Et ideo hæc & similia vitat magnanimus secundum quandam specialem rationem, scilicet tanquam contraria excellentiæ, vel magnitudini. 2<sup>do</sup>, magnanimus exteriora bona contemnit, inquantum non reputat ea bona magna, pro quibus debeat aliquid indecens facere. Non tamen quantum ad hoc contemnit ea, quin reputat ea utilia ad opus virtutis exequendum. 3<sup>to</sup>, quod quicumque non reputat aliquid magnum, neque etiam multum gaudet, si illud obtineat, neque multum tristatur, si illud amittat. Et ideo quia magnanimus non æstimat exteriora bona, scilicet bona fortunæ, quasi aliqua magna: inde est, quod nec de eis multum extollitur, si adsint, neque in eorum amissione multum deiecitur. 4<sup>to</sup>, magnitudinis animi repugnat, quod aliquis res modicas tantum appetierit, quod de eis glorietur. Unde & in quarto Ethicorum dicitur de magnanimo,

M m m 2

quod Eth. lib. 4. c. 3.

Ibid. a. 4. ad 2.

Ibidem a. 8.

ad 2.

Ibidem a. 8.

ad 3.

D. Thom. 2.

2. q. 132. a. 2.

ad 1. &amp; 3.



Ibidem.

Ibidem.

quod sibi sit honor parvus. Similiter etiam & alia, quæ propter honorem quærentur, puta potentatus, & divitiæ, parva reputantur ab eo. Similiter etiam magnitudini animi repugnat, quod aliquis de his, quæ non sunt, gloriatur. Unde de magnanimo dicitur 4. Ethicorum, quod magis curat veritatem quam opinionem. Similiter etiam magnitudini animi repugnat, quod aliquis gloriatur in testimonio laudis humanæ, quasi hoc magnum aliquid æstimetur. Unde de magnanimo dicitur 4. Ethicorum, quod non est ei cura, ut laudetur. Deinde juxta Philosophum magnanimus non est contentiosus, qui nihil æstimat magnum. Nullus enim contendit nisi pro re, quam æstimat magnam.

*Motiva sectanda Magnanimitatis.* immum. Proverb:

Prov. c. 19.

Gloria ejus (id est viri) iniqua prætergredi, seu magno animo contemnere & pertransire, sive sibi illatas injurias, sive ardua iniquitatum ad virtutum obstacula. Apostolus exhortatur Christianos relinquere minoris momenti certamina, & aciora generoso & magnanimo pectore suscipere, dum ait Ephes: Non.

Ephes. 6.

est nobis colluctatio adversus carnem & sanguinem, sed adversus Principes, & Potestates, adversus mundi Rectores tenebrarum harum, contra spiritualia nequitie in caelestibus, propterea accipite armaturam DEI. Idem non qualemcumque, sed caelestem requirit conversationem, dicens: Nostra conversatio in caelis est.

Philip. 3.

Idem non qualemcumque, sed caelestem requirit conversationem, dicens: Nostra conversatio in caelis est.

S. Chrysost. 2dum.  
hom. in Psalm.  
344.

S. Chrysost: Quoniam magnum habes Dominum, sis quoque tu excelsus, & te explica à rebus, quæ ad hanc vitam pertinent. Sume spiritus, qui superent præsentium rerum humilitatem, non ut sis elato animo, & insolens, sed magno, & excelso animo. Aliud enim arrogantia, aut insolentia, & aliud magnitudo animi. Est enim arrogans, qui propter res parvas se jactat, & gloriatur, ac conservos despicit. Alto verè est animo, qui mente est humilis, & præsentis vitæ umbras nihil esse existimat.

Elas Nazianz.  
interpr. Comm.  
in 2. Orat.

Elas Nazianz. interpret: Magnanimitas est perfecta animi virtus, ac velut ornamentum virtutum: Magnanimi autem viri præter alia proprium hoc est, honorem eum,



eum, qui vulgaribus & abjectis viris, atque ob parvas res exhibetur, aspernari, atque ita contemptum & ignominiam, ac propterea is, à quibus offenditur, ignoscere. *Idem: Magna-Idem in Orat. 3.*  
 nimi viri præter alia, quibus præditus est, & instructus, proprium illud videtur, nihil serviliter, nihil rectè atque occultè dicere aut facere, sed omnia apertè & propalàm, atque odium suum & benevolentiam præ se ferre. *Isidor. Pelusiota: Ego & Isidor. Pelusi. lib. 3. Epist. 381.*  
 modestum, & animi magnitudine præstantem eum voco, qui cum maximis virtutis muneribus fungatur, non tamen ob magnas & præclaras actiones gloriam affectat, sed virtutes suas silentio tegit, nec in proximos insultat. Quatenus enim magna efficit, magnifice sensit: quatenus etiam ea occultavit modestè. *S. Gregorius: Parvus est, qui terrena diligit; magnus, qui æterna concupiscit. Idem: Qui magna agit, quamvis de se humilia sentiat, scit tamen magna esse quæ agit. Nam si magna esse nescit, ea proculdubio minime custodit. Idem: Magna (DEUS) promissit, qui magna præcipiendo docuit: ut magnitudo muneris ad fortitudinem incitaret laboris. Magnum quippe est, soli Domino servire, videlicet instanter bona agere, bonis actibus reproba non miscere: sed ô quàm maximum in hujus vitæ transitu potestatem cruentorum spirituum non incurrere, nullas in via horribilitates cernere, contrarietates objectionum nullas invenire, æternas pœnas evadere, Liberatoris nostri præsidia sentire, momentaneam seculi lucem perdere, sed repentè ineffabilem claritatem æternitatis invenire. & audiant ergo, audiant, qui de manu Philistiim liberari desiderant: Preparare corda vestra Domino, & servite illi soli.*

*3tium. Christus dedit nobis magnanimitatis exemplum, dum oblatos sibi honores Regios contempsit, laudari se prohibuit, injurias minimè curavit, denique omnia, quæ mundus æstimat, & stupet, ut pulverem sub pedes suos jecit: ardua verò quæque, & difficilia, semper usque ad mortem aggressus est, sustinuit, evicit, superavit.*

*4tum. De Beatusfima Virgine hæc Mellissius Doctor assertit: S. Bern. serm. In Matre DEI nec humilitas tanta minuit magnanimitatem, nec magnanimitas tanta humilitatem, sed cum in sua æstimatione para.*



tam humilis esset, & nihilominus in promissionis credulitate, magnanimis; ut quæ nihil aliud, quam exiguam sese reputabat ancillam, ad incomprehensibile se mysterium, & admirabile commercium, ad inscrutabile Sacramentum nullatenus se dubitaret electam, & veram DEI & Hominis Genitricem crederet mox futuram. Agit hoc nimirum in cordibus electorum gratiæ prærogativa Divinæ, ut eos nec humilitas pusillanimitas faciat, nec magnanimitas arrogantes, magis autem coëperentur sibi, ut non solum ulla ex magnanimitate subintret elatio, sed hinc maximè provehatur humilitas, ut inveniantur eò amplius timorati, & Largitori munerum non ingrati: ac vicissim ex occasione humilitatis pusillanimitas nulla subrepat, sed quò minùs de sua quisque vel in minimis præsumere consueverit, eò amplius etiam in magnis quibusquæ de Divina virtute confidat.

3<sup>um</sup>. Paulus Apostolus, quàm magnanimus fuerit. imò.

Rom. II.

in suo Apostolatu, pro Christi gloria exultando, cum ait: *Quamdiu quidem ego sum gentium Apostolus, ministerium meum honorificabo.*

Philip. 3.

2<sup>dò</sup>. Mundum cum sua gloria pedibus suis substernendo, dicens: *Quæ mihi fuerunt lucra, hæc arbitratus sum propter Christum detrimenta.* Veruntamen existimo omnia detrimentum esse propter eminentem scientiam JESU CHRISTI, propter quem omnia detrimentum feci & arbitror ut stercora. 3<sup>idò</sup>. Mala mundi, ut sol tetras nubes infrà suppositas, nihili ducebat. Denique sublimitates cælorum transcendens, solo amore Magni DEI contentabatur.

S. Chrysostomus  
hom. 7. de laud  
S. Pauli.

Pulchrè de hoc S. Chrysostomus, qui ait: Hujus rei studio non tantum urbes, gentes, exercitus, provincias, pecunias, potestates, velut arena vilia reputavit; sed & pro Christi dulcedine, non Angelorum, non Archangelorum admiratus est dignitatem, nec quicquam simile concupivit. Quod enim majus erat omnibus, Christi amore fruebatur: cum hoc beatiorem se cunctis putabat, sinè hoc autem neque Dominationum, neque Principatum socius esse cupiebat: sed cum hac dilectione magis esse extremus optabat, imò etiam ex numero punitorum, quàm sinè hæc inter summos, & honore sublimari. *Causam assignat, ait quæ:* Perfrui enim charitate Christi, hoc illi vita erat, hoc mundus, hoc Angeli, hoc præsentia, hoc futura, hoc regnum,



gnum, hoc promissio, hoc bona videbantur innumera. Præter hæc verò nihil in tristium parte ponebat. Horum enim, quæ hic habentur, nihil asperum, nihil etiam svave reputabat: sic despiciebat universa, quæ cernimus, ut solet herba jam putrefacta contemni. Tyrannos verò ipsos, ac populos spirantes furorem, velut quosdam culices æstimabat: mortem verò, & cruciatus, & mille supplicia quasi ludum puerorum, dummodo propter Christum aliquid sustineret. Tunc enim amplectebatur libenter, & decorabatur, vincitæ catenâ magis, quàm diademate coronatus. Etenim coarctatus carcere habitabat cælum, ac libentiùs verbera excipiebat, & vulnera, quàm alii bravia diripiunt, dolores non minùs quàm præmia diligebat, cum ipsos utique dolores loco duceret præmiorum: propterea enim illos & gratiam nominabat. *Hæc aureum Os.*

*Ad Praxim vide etiam suprænata, & hic convenienter adhibeo.* 1. 2. tra. I. c.

1. sect. 4. subf.

*Actus Magnanimitatis ex Discipl. Claust. P. Joann. à*

2. §. 2.

### JESU MARIA.

Excellentissime DEUS, quem sine cordis erectione non possum attingere, cupio Apostolicas virtutes comparare.

Imprime fortissime DEUS robur magnum cordi meo; desidero enim heroicos virtutum actus producere propter te.

Despicio altissime Domine omnes mundi honores, & fastus calco, ut supra mundum extollar ad te.

Utinam potentissime DEUS universam mundi claritatem, & famam nunc haberem, non ut possiderem, sed ut contemnerem propter te.

Opto, Domine, Job patientiam assequi.

Utinam te amore Pauli diligerem.

Utinam me sicut Magdalenam peccatorum meorum poeniteret.

Certe clementissime DEUS daturus sum operam, ut, Angelico more in terra vivam.

Conabor Domine occasionem pro te Martyrium obeundi perquirere.

Quoties quid arduum in cultu virtutum occurret, ego dulcissime DEUS me offeram pugnaturum pro te.

Absit à me Domine, ut animum despondeam à Christiana perfectione comparanda.

In:



*In mandatis tuis excellenter exercebor, & considerabo vias tuas: in justificationibus tuis intensissimo corde meditabor, non obliviscar sermones tuos.*

*Timoth. 4.*

*Tit. 2.*

Actus exterior Magnanimitatis in superioribus, est tueri suam dignitatem & Jurisdictionem. Unde Paulus monet Timotheum Præsulem Ephesiorum, nè se permittat contemni, dicens: *Nemo adolescentiam tuam contemnat.* Et Titum Episcopum Cretensem: *Nemo te contemnat.* Sic S. Basilius contra Valerium; S. Athanasius contra Constantinum; S. Chrysostomus contra Eudoxiam; S. Ambrosius contra Valentinianum, Imperatores pro Ecclesiastica libertate, & sua Jurisdictione decertabant. S. Carolus Borromæus præ summa humilitate maledicta in suam personam congesta disimulabat, sed tacitam suam dignitatem & Jurisdictionem Ecclesiasticam contra Reges & Principes acriter propugnabat, eosquæ excommunicabat, paratus pro hoc ipsam mortem libenter oppetere.

## SUBSECTIO II.

### De Præsumptione.

*D. Thom. 2.  
2. q. 130.  
Ibidem 4. 1.*

*Ibid. 4. 1. ad 1.*

*Ibid. ad 3.*

**P**ræsumptio, est vitium Magnanimitati per excessum oppositum, quo aliquis supra vires & facultatem propriam, quidpiam attentat. Dicitur; est vitium: Quia id, quod est contra ordinem naturalem, est vitiosum. Ordo autem naturalis requirit, ut actio commensuretur virtuti agentis, quàm commensurationem excedit præsumptuosus, ponens actionem majorem virtute propriâ. Et ita esset vitiosum & præsumptuosum, quod aliquis in statu imperfectæ virtutis existens, attentaret statim assequi ea, quæ sunt perfectæ virtutis. Sed si quis ad hoc tendat, ut proficiat in virtutem perfectam, hoc non est præsumptuosum, nec vitiosum. Et hoc modo Apostolus in anteriora se extendebat, scilicet per continuum profectum. Similiter non est præsumptuosum, cum auxilio Divino cogitare, & facere opus aliquod virtuosum: quia hoc non totaliter excedit facultatem humanam, cum per alios possumus, aliquialiter per nos possumus.



possumus, ut in 3. Ethic. habetur. Esset autem præsumptuosum, si ad hoc aliquis tenderet absque fiducia Divini auxilii. Dicitur: *per Excessum*; Quia sicut magnanimus consistit in medio secundum proportionem ad propriam facultatem; non enim in majora tendit, quam sibi convenient: ita præsumptuosus excedit idem medium secundum proportionem suæ facultatis, dum tendit in majora, quæ sibi non conveniunt.

Ibidem ad 2.

*Motiva cavendi Præsumptionem.* *unum.* In lib. *Judith* dicitur: Domine DEUS ostende, quoniam non derelinquis præsumentes de te: & præsumentes de se, & de sua virtute gloriantes humilias. *Ecdi.* Vidit præsumptionem cordis eorum, quoniam mala est. *2dum.* S. Basilus inducit S. Petrum aliquantum præsumere, & inde prolabi in negationem Christi. *22. de humil.* Etsi oportuerit me mori tecum, non te negabo. Etsi omnes scandalizaverint in te, ego nunquam scandalizabor. Sic & causam lapsus Davidis in homicidium & adulterium fuisse eandem præsumptionem, quod scilicet semel gratiâ singulari visitatus dixerit illud Psalm. 29. v. 7: Ego dixi in abundantia mea, non movebor in æternum. Unde mox pœnam subdit: Averisti faciem tuam à me, & factus sum conturbatus. *Idem.* Psalm. 118. v. 67: Priusquam humiliarer ego deliqui, propterea eloquium tuum custodivi. S. August: Nulla præsumptio perniciosior, quam de propria justitia, aut scientia superbire. Bernardus: Et mira quidem præsumptio dæmonum, sed non minus mira obstinatio est, quod superbia eorum semper ascendit, propterea non est illis commutatio. Quia enim converti noluerunt à via præsumptionis, inciderunt in viam obstinationis. Quam perverso & everso sunt corde filii hominum, quicunque sectantur vestigia dæmonum, ingrediuntur dæmonum vias! Hæc enim tota adversum nos spiritualium colluctatione quitiarum est, ut nos seducant, ut nos inducant in vias suas, ut inducant in eis, perducant ad destinatum finem, qui paratus est eis. Fuge homo præsumptionem, nè gaudeat de te inimicus tuus, nempe in his vitiis maximè gaudet in seipso expertus, quam difficile possis ab hac tanta voragine respirare.

Judith c. 6.

S. Basil. hom.

22. de humil.

S. Petrus &amp; reg. brev.

Respon. 81. de

lapsu Petri.

S. Aug. super

illud Eccl. 7:

Non te justifi-

ces ante DE-

UM &amp;c.

S. Bern. serm.

II super Psalm:

Qui habitat.

Vide

N n a

eundem



eundem eleganter de presumptione infra sub gradibus superbiæ discurrantem.

1. 2. tra. 1. c. 1.  
sect. 4. subf. 2.  
§. 2. & 3.

In Praxi fugiendi Præsumptionem, adhibe proportionatè suprädicta.

### SUBSECTIO III.

#### De Ambitione.

D. Thom. 2. 2.  
q. 131.

Ibidem 4. 1.

Ibidem 4. 2.  
ad 1.

**A**mbitio, est peccatum magnanimitati per excessum adversans, quo aliquis inordinatè Honorem desiderat, vel quem non meretur, vel quem non in DEUM, nec in proximi commodum, sed ad suipsius tantum utilitatem refert. Dicitur: peccatum &c. quia omnis inordinatio est vitium, utpote virtuti in ordine quodam vitæ oppositum: inordinatum autem est, appetere honorem ratione alicujus excellentiæ, quæ non habetur, quod est appetere honorem supra suam proportionem, vel si habetur non referre, in DEUM honorem, cum illud secundum quod homo excellit, non habet homo à seipso, sed est quasi quiddam Divinum in eo: similiter non referre ad proximi utilitatem, cum illud, in quo homo excellit, datur homini à DEO, ut ex eo aliis proffit. Dicitur: per excessum: Quia sicut præsumptio opponitur per excessum magnanimitati, quatenus hæc respicit ad aliquod opus magnum, tanquam ad finem intentum: ita ambitio opponitur magnanimitati per excessum, quatenus hæc respicit ad honorem tanquam materiam, quæ debite utatur. Dicitur: aliquis inordinatè Honorem &c. Ubi honor sumitur, non modò pro ut est in honorante, pro signo contestativo excellentiæ in honorato: verum & pro ipsa excellentia effectiva honorationis, aut alicujus alterius boni utilis & jucundi, quales potissimum sunt dignitates Ecclesiasticæ & Seculares, quæ si appetantur propter honorem eas comitantem, propriè talis appetitus est Ambitio, si propter divitias, est Avaritia, si propter delicias, est aliquod aliud vitium: quia vitia ex fine intento & objecto sumunt propriam speciem.

Eccl. c. 7.

Idem c. 20.

Motiva detestandi Ambitionem. imum. Eccl. Noli quærere ab homine ducatum, neque à Rege cathedram honoris. Idem: Qui potestatem sibi sumit, injustè odietur. Luca: Quod



Quod hominibus altum est, abominatio est apud DEUM. *Luc. 16.*  
*Corinth:* Charitas non est ambitiosa, non quærit quæ sua sunt. *1. Corinth. 13.*  
*Christus minatur:* Væ! vobis Phariseis, qui diligitis primas cathedras in Synagogis, & salutationes in foro. *Luc. 11.*

*2dum. S. Ambrosius:* Hoc ipso perniciosior ambitio, quod *S. Ambrosius*  
 blanda est conciliatricula dignitatum: & sæpè quos vita nulla *super Luc. lib. 3.*  
 delectat, quos nulla potuit movere luxuria, nulla avaritia subruere, facit ambitio criminosos: habet enim forensam gratiam, domesticum periculum, & ut dominetur, aliis prius servit, curvatur obsequio, ut honore donetur, & dum vult esse sublimior, fit demissior. *S. Bernardus:* O perversitas! ô abusus filiorum Adam! quia cum ascendere difficillimum sit, descendere autem facillimum, ipsi & leviter ascendunt, & difficilius descendunt, parati ad honores & celsitudines graduum Ecclesiasticorum, ipsis etiam Angelicis humeris formidandos. Ad sequendum autem te Domine JESU vix inveniuntur, qui vel trahi pariantur, qui velint duci per viam mandatorum tuorum. *S. Bernardus*  
*Idem:* Planè cupiditas radix iniquitatis, ambitio subtile malum, secretum virus, pestis occulta, doli artifex, mater hypocrisis, voris parens, vitiorum origo, criminum fomes, virtutum ærugo, tinea sanctitatis, excoecatrix cordium, ex remediis morbos creans, generans ex medicina langvorem. Contempsit vanam gloriam, ait, quoniam vana est: fortè solidius aliquid affectaret, fortè honores, fortè divitias: quantos, hoc negotium perambulans in tenebris, tradi fecit in tenebras exteriores, veste spolians nuptiali, & virtutum exercitia fructu pietatis evacuans? quantos pestis hæc nequiter supplantatos turpiter dejecit, ut cæteri quique, quos laqueus occultus effossor, subitam expavescerent ad ruinam? Quid verò hunc fovet vermem aliud, quàm mentis alienatio, & oblitio Veritatis? aut quid nisi Veritas hunc prodendum vestigat proditorem, & negotium arguit tenebrarum? nimirum hæc est quæ dicit: Quid prodest homini, si universum mundum lucretur, se autem perdat, & detrimentum sui faciat? Et item: Potentes, ait, potenter tormenta patientur. Hæc est, quæ sedulâ suggestionem reducit inmentem, quàm sit in ambitu frivola consolatio, grave judi-



um, usus brevis, finis ignotus. Tertia tentatio de ambitione fuit, quando omnia regna promisit, si cadens adoraret eum. Videsne, quod ambitionis via adoratio diaboli est, quâ videlicet ad honores, & gloriam mundi perveniendum suis ille ado-

*S. Bernardus* ratoribus pollicetur? *Idem*: Ambitio, mater hypocrisis, latebras amat, & tenebras quærit, lucis impatiens. Ambitio spurcum vitium in imo jacet, videt tamen omne sublime, sed videri ipsa refugit, nec mirum, optato namque necesse est careat,

*Idem in de-* nisi caveat arbitros. *Idem*: Alius undique circuit sedulus explorator, blanditur, obsequitur, simulat, & dissimulat, miseramque sibi suffragia mendicare non erubescit, manibus & pedibus repens, si quo modo tandem se ingerere queat in Patrimonium Crucifixi, & bona Domini, quæ sola ex omnibus inveniuntur exposita. Nimirum peregrè profectus est, & in ple-

*Idem de consi-* nissimo die ut sua districtè repetat redditurus. *Idem*: O Ambitio ambientium crux! quomodo omnes torquens omnibus places? nihil acrius cruciat, nihil molestius inquietat, nil ta-

*Idem in quodam serm.* men apud miseros mortales celebrius negotiis ejus. *Idem*: Potestatis ambitio Angelum felicitate Angelicâ privavit, scientiâ appetitus hominem immortalitatis gloriâ spolavit. Non Evam cibibus deflexerat, non mandatorum destituerat oblivio: sed promissi honoris ambitio illecebrosa decepit. *Idem*: Ambitio fu-

*Idem Epist. 126.* roris causa. *S. Chrysostomus*: Ambitio docet, quod natura non novit; cupit, quod pietas ipsa horrescit; audet perficere, quod

*S. Greg. l. 3. past. c. 5.* DEUS novo supplicio cogitur vindicare. *S. Gregorius*: Prælati si perversa perpetrat, tot mortibus dignus est, quot ad subditos suæ perditionis exempla transmittit.)) Eja lambias nunc

*Cic. l. offic. 3.* Prælaturam. *Tullius*: Miserrima est omnino ambitio, honorumquæ contentio. Et: Complures se scelere contaminârunt imperii cupiditate.

*2. Reg. 15.* *Abisai*. Absalon ambitione regni impulsus, quia contra proprium Patrem exercitum eduxit, crinibus in arbore suspensus, & triplici lancea à Joab transfossus occubuit. Aliud. Accidit Neapoli in Conventu quodam Religiosorum, ut post completorium refectiois locum ingrederetur, cui erat cura illius

*In speculo exemplor.* commissæ, qui mox in ingressu videt illum fratribus circumquaque



quaque refertum, & illi cappas habebant indutas, & tanquam hora foret collationis faciendæ, & illam expectarent, sedebant. Accurrit ille sine mora ulla ad Priorem, & istud illi aperit. Prior fratrem delirum putat, hæc omnia narrantem, attamen dum arguetur, vadit, videt, & credit, & ille quoque turbatur; & rem mox confert cum Monasterii gravioribus Patribus, & prudentioribus, de quorum consilio sacras vestes assumit, & sacrum Christi corpus præferendo, toto Conventu comitante se illuc confert, & ad illum sermone directo, qui honoratiori loco sedebat, eos adjurat, ut aperiat, quidnam sint, & ad quid venerint, & quid velint: & ut ad hæc respondeant, illis præcepit in nomine illius Domini, quem gestabat in manibus. Ut autem Prior coram illis cum Venerabili Sacramento comparuit, omnes assurrexerunt quidem, & capita inclinârunt: capucia taliter tamen dimittentes, ut eum minimè viderent, & hoc facto iterum sederunt. Ita iussu à Priore, ut responderent ad proposita, inclinârunt. Tandem qui inter eos videbatur præcipuus, respondens dixit: Quòd ipsi omnes fuerant ejusdem Ordinis Religiosi, & pro majori parte Magistri, Priores, Supprieores, Baccalaurei, Lectores, & aliis Officiis donati, & quòd omnes damnationis sententiam acceperant, quoniam ambitio multa, superbia, invidia, & alia hujus generis vitia eos fecerant damnatione dignos. Sed quòd Divinâ permittente clementiâ iussu fuerant illuc venire, ut eos & universos Ordinis cultores commonerent, ut suæ vocationi facerent satis; nam illi, qui minimè id præstiterant, omnes damnati erant, & flammis cremantur æternis, in cujus signum cuncti in eos aspicerent. Et hoc dicto omnes illi cappas aperuerunt, & singuli eorum flammis circumcincti, & incensi visi fuere, & tunc idem præcipuus manu in mensa signum dedic, & sic illa visio evanuit, & totus Conventus mansit timore consternatus. Istius rei adhuc perseverat memoria in illo Conventu quasi per traditionem recepta ab antiquis. Nec dubium, quin maximus eo tempore ibi, & alibi fuerit ex visione illa fructus subsecutus, & multa regularis vitæ instauratio. Nec talis visio arbitranda est pro-



pter Conventionem illum tantummodo ibi accidisse, sed propter universi Ordinis alumnos.

Seneca Epist.

872.

Atium. Quid Cneum Pompejum in Africam, quid in Septentrionem, quid Mitridatem & in Armeniam, & omnes Asia angulos traxit? infinita scilicet cupido crescendi, cum sibi uni parum magnus videretur. Quid C. Cæsarem in sua fata pariter ac publica immisit? Gloria & Ambitio, & nullus supra cæteros emineendi modus. Unum ante se ferre non potuit, cum Respub. ante se duos ferret. Sic ille juxta illud Lucani: Non.

Niceph. lib.

B. c. 1.

fert Pompejusvè parem, Cæsarvè Priorem. Aliud. Rufinus cum Arcadio Imperatore regnum administrans, quia ipsam imperialem dignitatem sibi arrogare ausus est, caput amisit; quod publico in loco hastæ infixum est, dextera verò illius abscissa per urbem circa opificum officinas circumlata est, cum hoc elogio: Date stipem inexplabilis ambitionis & avaritiæ viro.

stum. Exemplum Christi, Ambitionem detestantis, de quo

S. Bernardus

Serm. 4. in fest.

Ascens.

S. Bernard: Conetur quis ascendere in montem potestatis: quantos putas contradictores habebit, quantos inveniet repulsores, obstacula quanta, quam difficilem viam, quid si tandem cum adipisci contigerit quod optabat? Potentes, ait scriptura, potenter tormenta patientur; ut præsentis sollicitudines, anxietates, quas potestas ipsa parit, omittam. Quia ergo non erat quod ascenderet, descendit Altissimus, & suo nobis descensu suavem ac salubrem demonstravit ascentum. Descendit de monte potentia, infirmitate carnis circumdatus. Quid enim tenero corpore, & infantilibus membris videtur infirmius? Quid indoctius appareret parvulo, qui sola Matris ubera noverit? quis impotentior eo, cujus omnia membra clavis affixa, cujus omnia dinumerantur ossa? quis insipientior eo, qui tradebat in mortem animam suam, & quæ non rapuit, tunc exsolvebat? vides quam multum descenderit, quantum à potentia sua, quantum à sapientia sua.

Joann. c. 6.

exinaniverit semetipsum.)) Deinde quâdam vice Christus post signum factum in satiandis quinque milibus hominum de quinque panibus, cum cognovisset, quia venturi essent, ut raperent eum, & facerent eum Regem, fugit in montem ipse solus. Et

Hebr. c. 5.

Apostolus ait: Nec quisquam sibi sumit honorem: sed qui vocatur



tur à DEO tanquam Aaron: sic & Christus non semetipsum clarificavit, ut Pontifex fieret, sed qui locutus est ad eum; Filius meus es tu, ego hodie genui te. Quemadmodum & in alio loco dicit: Tu es Sacerdos in æternum secundum Ordinem Melchisedech.

*6tum.* Considera exempla Sanctorum, qui omnes dignitates honoresque respuerunt; non omnia quidem, quia sunt innumera, sed illustriora. *S. Ambrosius*, teste *Paulino*, à populo & Imperatore Episcopus Mediolanensis postulatus, noctu ex urbe aufugit, & cum Ticinum iter intendisset, non sine miraculo manè deprehendit se esse in porra Mediolanensi. *S. Hieronymus* ita refugit omnes honores, ut, licet Sacerdos, tamen ministeria Sacerdotis, in suo monasterio exercere reformidaret. *S. Chrysost.* teste *Metaphraste*, veritus nè ad honores eveheretur, in solitudinem aufugit: sed *Flavianus* Divinitus monitus è spelunca extractum Sacerdotem fecit, vi deinde Antiochià ad Archiepiscopatum Constantinopolitanum pertractus. *S. Martinus*, auctore *Sulpitio*, nè Diaconatum quidem suadente *S. Hilario* suscipere voluit, ad Episcopatum autem coactus est. Cum autem quidam Episcopi vilitate personæ, & habitus deterriti consecrare eum nollent, valde gavisus est, eisdemque majori honore deinceps, quam alios persecutus est. *S. Augustinus*, ut ipse confitetur, cognita morte sui Episcopi fugit ab urbe, sed cum urgente populo invitatus ab Episcopo Hipponensi ad Sacerdotium traheretur, in ordinatione totus perfusus fuit lacrymis. *E. Gregorius* quoque, ut habet *Joannes* Diaconus, electus in Summum Pontificem non modò aufugit, sed etiam literis compellavit *Mauritium* Imperatorem, nè consentiret electioni: Indicio autem cælesti columnæ igneæ proditus, & Pontifex factus, primus se epistolis, *servum servorum* appellavit. *S. Ammonius* Eremita, teste *Palladio*, aurem sibi præcidit, nè fieret Episcopus. *S. Malachias*, ut scribit *S. Bernardus* in ejus vita, non suscepisset Episcopatum, nisi Episcopi congregati illi anathema comminati fuissent. Omnem siquidem locum sublimem & excelsum, velut præcipitium arbitrabatur, ait idem *S. Thomas Aquinas*, *S. Bernardinus*, aliquè complures, non semel Episcopatus delatos repudiârunt. Et noti sunt hoc sæculo, qui

*Joann. Bapt. de Ambit.*

*Paul. in vita.*

*Epiph. Epist. ad Joann.*

*S. Chrysost. Metaph. in vita.*

*Sulp. in vita.*

*Joann. in vita.*

*Pallad. hist.*

*Lausiac c. 12.*

*S. Bern. in vita.*

*S. Malach.*



Vite l. 3.

in Ordinem Patrum purpuratorum non antè referri se passus fuit, quàm in virtute obedientiæ à Summo Pontifice cogerentur. S. Franciscus Borgia ideo etiam societatem abdicato Ducis titulo elegit, quod viam in ea honoribus præclusam cerneret. Generalatùs verò honorem, sicut coactus suscepit, ita non semel abdicare voluit.

S. Chrysost.  
hom. 43.

*In praxi propulsandi Ambitionem*, servit imò advertere, quia delectari honoribus est peccatum, oblati autem non gaudere magnæ est difficultatis, adeoque & virtutis. Hinc S. Chrysostomus ait: Ut sævi quidam venti in tranquillum mare delati totum ab imo subruunt, ut & arena cum undis misceatur: sic Ambitio, & turpis quæstus animam subeuntes, omnia subvertunt. Excoecant mentis intuitum, præsertim gloriæ furor: nam pecunias quidem contemnere volenti satis est facile: honorem autem à multis collatum despiciere, multi laboris indiget, magnæ sapientiæ, Angelicæ cujusdam animæ ipsum cælestis testudinis verticem tangentis. Non est enim, non est, inquam, vitium ita Tyrannicum, & ubique dominans. 2do. Exitum honoris considerare: uti idem Sanctus hortatur, dum ait: Cogita cum gloriâ concupiscis, quod eam sis assecutus, & disce finem, & nihil invenies. Cogita quantam ea res habeat jacturam, quot, & qualibus bonis privet. Labores quidem sustinebit & pericula, fructibus autem privabitur, & certaminum præmiis. 3tio. Severitatem rationis reddendæ frequenter animo volvere: nam omnis adeundi honoris Ecclesiastici abscindetur ambitio, si se judicandos potius, quàm judicatuos hi, qui præesse volunt populis, cogitent. Lege plura de statu Ecclesiasticorum supra. Ad quem rigorem Divini Judicii & periculum maximum æternæ damnationis, illiusque atrocissimæ præparent se & sæculares Dignitarii & Honorati; utpote quibus in dignitate positis aperitur campus ad innumera quæque scelera tum privata tum publica perpetranda. Deinde rectæ administrationis strictissima reddenda DEO ratio, & si non pro suis, saltem pro alienis luendæ erunt poenæ, ut non immetò minetur DEUS per Sapientem;

Sap. 6.

1. 2. tra. 1. 7. Potentes potenter tormenta patientur.

1 sect. 4. subf.

Vide quæq; suprædicta, &amp; hic congruo modo ad profligandam Ambitionem adhibe.

2. S. 2. &amp; 3.

SUR.



## SUBSECTIO IV.

## De inani Gloria.

**I**nanis gloria, est vitium capitale, Magnanimitati oppositum, quo aliquis gloriam querit, vel de eo, quod non est: vel de eo, quod non est gloria dignum, sicut de aliqua re fragili & caduca: vel de eo, quod iudicio hominum tantum laudatur, gloriam expetendo, cum iudicium humanum non sit certum: vel ipsam gloriam ad finem indebitum referendo: puta non ad honorem DEI, vel proximi salutem. Dicitur: vitium, seu peccatum, idque mortale, vel veniale. Mortale est, si charitati perfecte aduersetur. Peccatum autem inanis gloriae secundum se consideratum, non videtur contrariari charitati, quantum ad dilectionem proximi. Quantum autem ad dilectionem DEI, potest contrariari charitati dupliciter. Uno modo ratione materiae, de qua quis gloriatur; puta cum quis gloriatur de aliquo falso, quod contrariatur Divinae reuerentiae: secundum illud Ezech. 28: Elevatum est cor tuum, & dixisti: Deus ego sum. Et 1. ad Corinth. 4: Quid habes, quod non accepisti? si autem accepisti, quid gloriaris, quasi non acceperis? vel etiam cum quis bonum temporale, de quo gloriatur, praefert DEO. Quod prohibetur Hierem. 9: Non gloriatur sapiens in sapientia sua: nec fortis in fortitudine sua: nec dives in divitiis suis. Sed in hoc gloriatur, qui gloriatur, scire & nosse me. Aut etiam cum quis praefert testimonium hominum testimonio DEI. Sicut contra quosdam dicitur Joann. 12: Qui dilexerunt magis gloriam hominum, quam DEI. Alio modo ex parte ipsius gloriantis, qui intentionem suam refert ad gloriam, tanquam ad ultimum finem, ad quem scilicet ordinat etiam virtutis opera: & pro consequendo non praetermittit facere etiam ea, quae sunt contra DEUM. Et sic est peccatum mortale. Unde Augustin. dicit in 5. de civitate DEI: quod hoc vitium, scilicet amor humanae laudis, tam inimicum est pie fidei, si major in corde sit cupiditas gloriae, quam DEI timor vel amor, ut diceret Dominus Joann. 5: Quomodo potestis credere gloriam ab invicem

D. Thom. 2.

2. q. 132.

Ibidem 4. 3.



*Ibidem a. 1.**Ibidem a. 1.  
ad 3.**Ibidem a. 4.*

expectantes, & gloriam, quæ à solo DEO est, non quærentes? Si autem amor humanæ gloriæ, quamvis sit inanis, non tamen repugnet charitati, neque quantum ad id, de quo est gloria, neque quantum ad intentionem gloriam quærentis, non est peccatum mortale, sed veniale. Cæterum quoddam aliquis bonum suum cognoscat, & approbet, non est peccatum. Dicitur enim 1. ad Corinth. 2: Nos autem non spiritum huius mundi accepimus, sed Spiritum, qui ex DEO est: ut sciamus, quæ à DEO donata sunt nobis. Similiter etiam non est peccatum, quoddam aliquis velit bona opera sua ab aliis approbari. Dicitur enim Matth. 5: Luceat lux vestra coram hominibus. Et ideo appetitus gloriæ de se non nominat aliquid vitiosum. Sed appetitus gloriæ inanis, vel vanæ vitium importat. Nam quodlibet vanum appetere vitiosum est, secundum illud Psalm. 4: Ut quid diligitis vanitatem, & quæritis mendacium? Potest autem gloria dici vana tripliciter. Uno modo ex parte rei, de qua quis gloriam quærit, puta, cum quis quærit gloriam de eo, quod non est gloriæ dignum, sicut de aliqua re fragili & caduca. Alio modo ex parte ejus, à quo quis gloriam quærit: puta hominis, cujus iudicium non est certum. Tertio modo ex parte ipsius, qui gloriam appetit, qui videlicet appetitum gloriæ suæ non refert in debitum finem: puta ad honorem DEI, vel proximi salutem. Imò laudabiliter potest homo suam gloriam appetere, secundum illud Matth. 5: Videant opera vestra bona, & glorificent Patrem vestrum, qui in cælis est. Ut scilicet ab hominibus DEUS glorificetur: vel ad hoc, quoddam homines proficiant ex bono, quod in alio cognoscunt: vel ex hoc, quoddam ipse homo ex bonis, quæ in se cognoscit per testimonium laudis alienæ studeat in eis perseverare, & ad meliora proficere. Et secundum hoc laudabile est, quoddam curam habeat aliquis de bono nomine, & quoddam provideat bona coram DEO & hominibus. Non tamen quoddam in hominum laude inaniter delectetur. Dicitur: vitium capitale. Unde qui ponunt superbiam inter vitia capitalia, non ponunt vanam gloriam. Gregorius autem in 31. Moral. c. 31. superbiam ponit omnium Reginam vitiorum: & inanem gloriam, quæ immediatè ab ipsa oritur,



oritur, ponit vitium capitale. Ratio 1<sup>mi</sup> est, quia superbia est appetitus inordinatus excellentiæ. Ex omni autem bono, quod aliquis appetit, quandam perfectionem & excellentiam consequitur. Et ideo fines omnium vitiorum ordinantur in finem superbiæ. Ratio 2<sup>di</sup> est, quia gloriâ vana multum est appetibilis, cum sit manifestativa excellentiæ, quam homines maxime desiderant. Et ideo ex inordinato appetitu gloriæ multa vitia oriuntur, tanquam de se nata ordinari ad inanis gloriæ finem, quæ est manifestatio propriæ excellentiæ. Ad quod potest homo tendere dupliciter. Uno modo directe, sive per verba, & sic est iactantia; sive per facta, & sic, si sint verba habentia aliquam admirationem, est Præsumptio novitatum, quas homines solent magis admirari. Si autem falsa sint, sic est Hypocrisis. Alio autem modo nititur aliquis manifestare suam excellentiam, indirecte ostendendo, se non esse alio minorem. Et hoc quadrupliciter. Primò quidem, quantum ad intellectum: & sic est Pertinacia, per quam homo nimis innititur suæ sententiæ, nolens credere sententiæ meliori. Secundò, quantum ad voluntatem: & sic est Discordia, dum non vult à propria voluntate discedere, ut aliis concordet. Tertiò, quantum ad locutionem: & sic est Contentio, cum aliquis verbis clamosè contra alium litigat. Quartò, quantum ad factum: & sic est Inobedientia, dum scilicet aliquis non vult exequi superioris præceptum. Dicitur: *Magnanimitati oppositum*: Quia sicut Magnanimitas est non tantum circa honorem, sed per consequens est & circa gloriâ, tanquam honoris effectum, moderateque utitur honore & gloriâ; ita inordinate appetere gloriâ, opponitur Magnanimitati. Dicitur; *quo aliquis gloriâ querit* &c. ubi intelligitur non tantum gloria strictè sumpta, per quam habetur apud plures clara cum laude notitia, sed etiam largius accepta pro clara notitia apud pauciores, vel unum, imò apud seipsum solum, dum scilicet aliquis proprium bonum considerat ut dignum laude. Porro Gloria universaliter accepta, est clara cum laude notitia: quæ si interiùs subsistat, Fama vocatur: si verbis proditur, Laus appellatur; si aliis signis exterioribus manifestatur, Honor dicitur,

*Ibidem a. 2.*

P. Lohner Bibl.  
man. vana glor.  
citan. S. Ambr.  
in Epist. Rom.



Iſa. 40.

*Motiva execrandi vanam Gloriam.* *imūm.* Iſa: Omnis caro tænum, & omnis gloria ejus, quaſi flos foeni. *Chriſtus* monet: Attendite, nè juſtitiam veſtram faciatis coram hominibus, ut videamini ab eis: alioquin mercedem non habebitis apud Patrem veſtrum, qui in calis eſt. Et *Apoſtolus*: Non efficiamini inanis gloriae cupidi, invicem provocantes, invicem invidentes.

S. Chryſoſt.

hom. 4.

Caffianus in

Epiſt.

S. Aug. in Pf. 7.

S. Hieron. ad

Nepotia.

S. Greg. lib.

20. Moral.

S. Chryſoſt.

in Joann.

Idem ſuper

Matth.]

S. Baſil. in

Conſt. Monaſt.

c. 11.

S. Bern. ſerm.

in Nativ.

S. Bernardus:

Stultus ut luna mutatur, quia ſplendet luna ſinè fervore,

Joann. Bapt.

modò plena, modò exigua, modò nulla videtur. Mutatum ſiquidem

*2dum.* S. Chryſoſt: Si gloriari cupis, gloriam deſpice, & omnibus eris glorioſior. *Caffianus*: Magna eſt ejus gloria, quæ nullis laudibus creſcit, & nullius vituperatione minuitur. *S. Auguſtinus*: Qui bene didicit vel expertus eſt vitiorum ſeperandum gradus, intelligit vitium inanis gloriae, vel ſolū vel maxime cavendum eſſe perfectis, quo primo enim vitio lapſus eſt anima hoc ultimum vincit. *S. Hieronymus*: Nè nimis religioſus velis videri, nè plus humilis, quàm necesse eſt, gloriam fugiendo non quæras. *S. Gregorius*: Sub hoſte quem proſternit moritur, qui de culpa quam ſuperat, elevatur. *S. Chryſoſtomus*: Qui omnium pecuniarum contemptum habent, & nulli imaginationi totius mundi ſe immiſcuerint, & tyrannicas corporum concupiſcentias ſuſtinuerint: hi multoties capti à vana gloria omnia perdididerunt. *Idem*: Dicebant apud ſe, ſi bene fecerimus cum pauperibus quis nos videt? & ſi viderint, non multi vident, & ſi multi vident, pro tempore vident, tranſit tempus, & cum tempore beneficii memoria. Melius eſt ergò ædificia facere, quæ aſpiciant homines non in hoc tempore ſolū, ſed etiam in poſterum. O inſipiens! quid tibi prodeſt iſta memoria, ſi ubi es torqueris, & ubi non es laudaris? *S. Baſilius*: Vanam gloriam vocat latronem bonorum operum: Fugiamus, inquit, inanem gloriam, dulcem ſpiritualium operum ſpoliatricem, jucundum animarum noſtrarum hoſtem, tineam virtutum, blandiſſimam bonorum noſtrorum deprædatricem, eandemquè mellis illitu fraudis ſui veneni cololatricem, & mortiferum hominum mentibus poculum porrectricem. Quod opinor ea de cauſa facit, ut vitio ſe illi avidius ingurgitent, nec ulla illius expleantur facietate. Dulce quid, humana imperitis eſt gloria. *S. Bernardus* in Nativ. *S. Bernardus*: Stultus ut luna mutatur, quia ſplendet luna ſinè fervore, modò plena, modò exigua, modò nulla videtur. Mutatum ſiquidem



quidem lumen nunquam in eodem statu permanet, sed creſcit & deficit. Extenuatur, annihilatur, & penitus non comparet. Sic, ſic, qui conſcientias ſuas in alienis labiis poſuerunt, modò magni, modò parvi ſunt, modò nulli, ſecundùm quod adulanti-  
um lingvis vel vituperare placuerit, vel laudare. *Idem*: Nox præ- *S. Bern. ſerm.*  
ceſſit, ut filius lucis in die honeſtè ambulans, time ſagittam, le- *6. ſuper Pſalm.*  
niter volat, leviter penetrat; ſed dico tibi, non leve infligit vul- *Qui habitat.*  
nus, citò interficit. Nimirum ſagitta hæc vana gloria: non eſt  
unde hæc impugnet puſillanimes & remiſſos, qui ferventiores  
eſſe videntur, ipſi paveant, ipſi ſibi caveant in hac parte; nihi-  
lominus adhuc ſoliciti non deferere ſcutum inexpugnabile ve-  
ritatis. Quid enim aliud tam contrarium veritati? Nec ſanè huic  
opponenda ſagittæ ſecreta illa, & quodammodo intima veritatis  
exigimus: ſemetipſam noverit anima, de ſe teneat veritatem.  
Difficile pròſus (nò fallor) homo verbis laudantium hominum  
in vita ſua abduci poterit altum ſapere, ſi ſe intus ad lucem veri-  
tatis ſolicità conſideratione diſcutiat. Nonnè enim, ſi propri-  
am cogitat conditionem, diſturus eſt ſibi; quid ſuperbis terra-  
& cinis? Nonnè ſi propriam conſideret corruptionem, fatea-  
tur neceſſe eſt, quoniam non eſt in eo bonum? Sed erſi fortè  
aliquid habere videtur, non inveniet puto quid reſpondeat Apo-  
ſtolo dicenti: Quid habes quod non accepisti? *Et alibi*: Qui  
ſtat, videat nè cadat. Poſtremo ſi fideliter computet facilè illi  
erit advertere, quòd nec cum decem millibus poſſit occurrere  
ei, qui cum viginti millibus venit ad ſe: & omnes juſtitias ſuas  
tanquam pannum menſtruatæ reputari. *Idem*: Fratres ſi hæc  
ſcitis, nemo veſtrùm velit laudari in vita iſta, quia quidquid hic  
favoris captas, quod ad DEUM non reruleris ipſi furaris. Tibi  
enim unde gloria putride pulvis, tibi unde? de vitæ ſanctitate?  
ſed Spiritus eſt qui ſanctificat, Spiritus dico non tuus, ſed DEI:  
& ſi prodigiis aut ſignis effulgeas, in manu tua ſiunt, ſed virtute  
DEI. An blanditur popularis favor, quòd verbum bonum &  
benè fortè depromperis? Sed Chriſtus donavit os & ſapien-  
tiam. Nam lingua tua, quid niſi calamus ſcribæ? & hoc ipſum  
mutuò accepisti. Talentum creditum eſt, repetendum cum  
uſura. Si inventus fueris ad opus impiger, ad fructum referen-  
dum



dum fidelis, pro labore tuo mercedem accipies. Si quo minus, tollitur à te talentum, & nihilominus exigetur lucrum, & vocaberis servus nequam & piger. Omnis igitur de bonis multiformis gratiæ apparentis in vobis referatur ad ipsum laus, laudabilium siquidem universorum Authorem, & Largitorem. Idquæ non fictè, quemadmodum ab hypocritis, nec solâ consuetudine, sicut à secularibus, sed nec quadam necessitate, ut jumenta ferendis oneribus applicantur, sed sicut decet sanctos, sinceritate fidâ, devotione sollicitâ, hilaritate gratâ, sed non dis-

*D. Thom. 2. 2. 1. 132. a. 3. ad 1.* lutâ. *D. Thomas* docet: quod gloria inanis etiam venialis aufert operi meritum. Quia nullus peccando meretur vitam æternam. Unde opus virtuosum amittit vim merendi vitam æternam, si propter inanem gloriam fiat: etiam si illa inanis gloria non sit peccatum mortale. Sed quando aliquis simpliciter amittit æternam mercedem propter inanem gloriam, & non solum quantum ad unum actum: tunc inanis gloria est peccatum mor-

*Idem ibid. ad 3.* tale. *Idem*: Gloria inanis dicitur, esse periculosum peccatum: non tantum propter gravitatem sui, sed etiam propter hoc, quod est dispositio ad gravia peccata, in quantum scilicet per inanem gloriam redditur homo præsumptuosus, & nimis de se ipso confidens. Et sic etiam paulatim disponit ad hoc, quod homo

*S. Bonav. de pugna spirit. 68.* privetur interioribus bonis. *S. Bonaventura*: Si omnia prædicta vitia (capitalia) viceris quod sine maximis laboribus & multis doloribus non fit, si tamen fit, tunc amplius à vana gloria cavere debes. Hæc enim occultè virtutibus se ingerit, ita ut vix à spiritualibus semper valeat comprehendi. Hæc est multiformiter vana, semper & in omnibus vanitatem ingerens, in vestitu, in apparatu, in loquela, in taciturnitate. Si veste pretiosâ indutus fueris, adest: si humilis fueris, amplius gloriatur: si loqueris, gaudet unde dixeris, si taces, laudat te velut humilem. Ipsa semper suggerit, & magnum desiderium ingerit ad illa, in quibus laus, & honor consistit, etiam per magna pericula & labores, & maiorem fortitudinem dat suis amatoribus, quam spes beatitudinis veris præliatoribus. Hæc eadem bestia suggerit gradus Clericatus, Prebyterii, & Diaconatus, si quis tamen eum vellet cogere, nam per se non vult, nè ipse appetere videatur. Vide su-



per hoc, exemplum libro de institutis coenobiorum Cassiani. Non possunt varietates hujus bestiae explicari, sed ubicunque eam projeceris, semper stat aculeo recto sicut tribulus. Ipsa est sicut allium, quoties unum tegmen removeris, aliud adhuc intus habet. Ubi autem ipsa intraverit, matrem dolosam sequuntur filiae perversae, quae sunt, inobedientia, contentio, jactantia, hypocrisis, pertinacia, discordia, novorum praesumptio, seu inventio.

4. Reg. 20.

3<sup>ium</sup>. Ezechias Rex, quia suos thesauros omnes Assyriis ostentavit, graviter à Propheta increpatus, & gravius in filio punitus est, à quo Assyrii omnes illas divitias abstulerunt. B. Clarae de monte Falco propter exiguam tentationem vanae gloriae subtractus fuit à DEO annis quindecim Divinae dulcedinis, & spiritualis illuminationis influxus; nec prius potuit eum recuperare, quamvis multis lachrymis, jeuniis, ciliciis, flagellis, & orationibus pro eo instaret.

S. Bernardus

4<sup>tum</sup> Imitare Christum de quo Doctor mellifluus: Jam verò etiam nocte voluit nasci. Ubi sunt qui tam impudenter ostentare gestiunt semetipsos? Christus elegit quod salubrius iudicaret, vos elegistis, quod reprobatur ille. Quis prudentior è duobus? cuius iudicium iustius? cuius sententia sanior? denique tacet Christus, non se extollit, non magnificat, non praedicat, & ecce annunciat eum Angelus, laudat multitudo caelestis exercitus. Et tu ergò, qui Christum sequeris inventum absconde thesaurum. Ama nesciri, laudet te os alienum. Idem. Et vox Patris audita est: Hic est filius meus dilectus, in quo mihi bene complacui. Verè enim hic est, in quo non est quod Patri displiceat, quod Patris oculos offendat. Unde & Ipse ait: quae placita sunt ei facio semper. Ipsum, inquit, audite. Ecce Domine JESU vel jam nunc loquere. Quousque files? quousque dissimulas? diu tacuisti, & valde diu: sed jam nunc loquendi licentiam habes à Patre, quamdiu virtus & DEI sapientia, quasi infirmus aliquis & insipiens lates in populo? Quamdiu nobilis Rex, & Rex caeli fabri Filium Te pateris appellari, pariter & putari? Etenim Lucas Evangelista testatur: Quoniam adhuc Filius Joseph putabatur. O humilitas virtus Christi, quantum confundis superbiam nostrae vanitatis! parum aliquid scio, vel magis scire mihi videor, & jam silere

serm. 3. de nativ. Domini circumstant.

S. Bern. serm.

in Epiph. Do-

Joann 8.

Luc. 3.

non



non possum, impudenter & imprudentes ingerens & ostentans, promptus ad loquendum, velox ad docendum, tardus ad audiendum. Et Christus cum tanto tempore filebat, cum seipsum abscondebatur, nunquid inanem gloriam metuebat? quid timebat ab inani gloria, qui est vera gloria Patris? Utique timebat, sed non sibi. Nobis timebat ab illa, quibus noverat esse timendum: nobis cavebat, nos instruebat. Tacebat ore, sed instruebat opere: & quod postea verbo docuit, jam clamabat exemplo: *Discite à me, quia mitis sum & humilis corde.* Nam de infantia Domini parum aliquid audio: ex tunc usque jam ad hunc tricesimum annum nihil invenio. Nunc verò latere jam non potest, qui tam manifeste demonstratur à Patre.)) Christus de se ipso dixit: *Ego non quero gloriam meam, sed ejus, qui misit me.* Et aliàs frequenter, cum alios vel à lepra, vel alio morbo curavit. S. Chrysost. iisdem dixit: *Vide, nemini dixeris.* Super quæ verba S. Chrysostomus ait: Ideo nulli dicere jubet, docens non diligere ostentationem & honorem: nam quod alio loco sinatum à se Christus jubet beneficium publicare, non divulgari se ipsum jussit, sed dari gloriam DEO. Narra, inquit, quanta tibi fecit DEUS. Per hunc ergò leprosum instruit nos, non esse vanè gloriosos; per istum autem non esse ingratos sed omnia ad DEI laudem referre.

§ tum. *Exempla Beatissimæ Virginis, & Sanctorum.* Cum DEIPARAM S. Elisabeth laudare & inter mulieres benedictam dicere coepisset, mox ad DEUM refundens eas laudes dixit: *Magnificat anima mea Dominum.* S. Paulus coactus se ipsum commendare propter confundendos Pseudo-Apostolos, ô cum quanta cautela id faciat! quomodo id ipsum etiam suæ insipientiæ deputat! quomodo revelationes suas non nisi in alterius persona patefaciat! quàm denique molestiam laudis propriæ quantocyùs expediens ad suas infirmitates & defectus enunciandos, quasi ad refrigerium properet, ut tandem dicat: *Libenter igitur gloriabor in infirmitatibus meis, ut inhabitet in me virtus Christi.* Denique alio loco dicit: *Mihi autem absit gloriari, nisi in cruce Domini nostri JESU CHRISTI; per quem mihi mundus crucifixus est, & ego mundo.*

Aliud, S. Bernardus cum ob varia plurimaquè miracula multum ab aliis



aliis laudari & æstimari se adverteret, in hæc verba prorupit: Ex scripturis deduci, signa fieri vel per perfectos, vel per fictos. Ego nec perfectionis mihi sum conscius, nec fictionis. Nihil ergo mihi, & signis istis; quandoquidem meæ illæ famæ magis, quàm vitæ noverim exhiberi, nec ad meam fieri commendationem, sed ad commemorationem potius, ad fructum autem aliorum, & ad fovendam de iis bonam opinionem. Sed & aliàs si à vana gloria se tentatum advertebat, dicere solitus est: Propter te non cœpi, propter te non desinam.

*In Praxi.* Contra vanam gloriam præstantissimum remedium est. *1mò.* In veritate cognoscere, & judicare se ipsum, nihil boni à se habere, sed à solo DEO; omnia verò mala à seipso: hinc ad exorientem gloriolam, & complacentiam propriam, mox seipsum interius verbis contemptibilibus increpare, ac demum dicere: *Precor Domine, tibi sit honor & gloria, mihi confusio & ignominia.* *2dò.* Considerare exitum & vanitatem omnium rerum humanarum: Sic *S. Basilii* suavitatis dicens: Attende tibi ipsi. Mortalis enim; quippe terra es, & in terram abibis. Vbi jam dic, qui civitatum amplissimos Magistratus capelebant? Ubi Rhetores invicti? ubi exercituum Duces? ubi Tyranni? Nonnè omnia pulvis? Nonnè sunt in fabulam versa omnia? memoria vitæ eorum, en quàm paucis ossibus retinetur? *3tò.* Considerare vanitatem, falsitatem, & instabilitatem laudis humanæ. Qui enim hodie tecum sunt, eras contrariari possunt, & è converso, sæpe ut aurâ vertuntur, quemadmodum rectè Thomas Kempen dixit: Et præterea ut idem in sequenti quopiam capite dixit: Non es sanctior si laudaris: Nec vilior si vituperaris. Quod es, hoc es: nec major dici vales, quàm DEO teste. *4tò.* Audi *S. Bonaventuræ*: Vanam gloriam si vincere desideras, cave summo studio, nè quicquam intentione gloriæ incipias facere, cogitans illud *Salvatoris*: Receperunt mercedem. Et illud: Quoniam DEus dissipavit ossa eorum, qui hominibus placent, confusi sunt, quoniam DEus sprexit eos: Item illud: Si adhuc hominibus placerem, Christi servus non essem. Secundò deberes niti, illud, quod bonâ intentione incepisti, simili custodiâ ab iniquatione gloriæ custodire. Item quicquid singulare est, & un-

*S. Basilii*  
*hom. 3. in verba*  
*Moys.*

*Plu. lib. 2. c.*  
*1. 9. 3.*

*Matth. 6. 7.*  
*Psal. 65.*  
*Gal. 1.*



de laus & gloria posset conquiri, semper vitandum est bellanti  
contra hanc bestiam. Nam principium privationis vanæ glo-

*Joan. Cli-* rix, secundum Climachum est custodia oris, & amor humilis  
*mach. gradu* societatis victoria consummata coram multitudine miserabili-  
*21 de cenod.* ter adinveniri. *Chrysostomus:* Vnicum vanæ gloriæ remedium  
*prope fin.* orate DEum, ut Ipse te liberet. *Hactenus Doctor Seraphicus.*

1. 2. tra: 1.

Vide quoque supra notata, & hic ad praxim convenienter applica.

5. 1. sec. 4.

Subf. 2. 9. 2. & 3.

## SUBSECTIO V.

### De Pusillanimitate.

D. Tb. 2. 2.

f. 133.

**P**usillanimitas est peccatum magnanimitati oppositum, quo quis  
ea non attentat, quæ sunt naturali virtuti suæ commensurata.  
Dicitur; est peccatum. Quia contrariari naturali inclina-  
tioni, est contrariari Legi naturæ, quod est peccatum: contra-  
riatur autem naturali inclinationi, qui non exequitur actionem  
suæ potentiæ commensuratam. Igitur non exequi actionem  
suæ potentiæ commensuratam, est peccatum. Et inde est quod  
fervus, qui acceptam pecuniam Domini sui fodit in terram,  
nec est operatus ex ea propter quendam pusillanimitatis timo-  
rem, punitur à Domino, ut habetur Matth. 25. & Luc. 19. E-  
jusmodi autem potentia ad bonum intelligitur habilitas ad vir-  
tutem, quæ inest alicui vel ex bona dispositione naturæ, vel  
ex scientia, & ex exteriori fortuna, quibus dum recusat uti ad  
virtutem, pusillanimus redditur. Dicitur; *Magnanimitati oppositum:*  
quia sicut magnanimitas ex animi magnitudine tendit ad magna,  
ita pusillanimus ex animi parvitate se retrahit à magnis. Et hæc de-  
finitio est pusillanimitatis ut naturali virtuti magnanimitatis est op-  
posita prout verò opponitur, ut supernaturali magnanimitati, sic  
pusillanimitas est vitium non attentans ea, quæ sunt supernaturali vir-  
tuti, & gratia DEI proportionata. Vbi præter habitus virtutum  
infusos, quos quisque esse in se saltem per conjecturam gratia  
DEI actualis homini inspirans heroicos actus virtutum, parata  
simul cooperari & consummare, modò homo per abjectionem &  
parvitem animi ex parte sua non desit.

Mi-



*Moriva profliganda Pusillanimitatis.* Inum. Eccl: No- Eccl. 7.  
 li esse Pusillanimis, in animo tuo. Esai: Dicite; Pusilla- Esa. 35.  
 nimes confortamini, & nolite timere. I. Ithess. Conso- 1. Ithess. 2.  
 lamini pusillanimes. Proverb. Spiritus viri sustentat im- Prov. 18.  
 becillitatem suam. Et Spiritum pusillanimum quis poterit su- Num. C. 13.  
 stinere? Num: Pusillanimitas sua occasio Israëlitis fuit, nè in- & 14.  
 grederentur terram promissionis, audientes enim terram qui-  
 dem esse optimam, verum habitatores ejus esse validos, ac ur-  
 bes munitas, consternati animo utpote sub iugo Ægyptiorum  
 mancipialiter educato, coeperunt murmurare contra Dominum:  
 propter quod à terra illa manante lacte & melle extorres, cada-  
 vera eorum ceciderunt in deserto.

S. Chrys. hom.

zdam. S. Chrysostomus: Quemadmodum sana corpora, si mor- 38. in Epist. 1.  
 do pane victitent, pingvia, vegeta tamen sunt; morbida verò ad Cor.

etiam sumptuosâ, variâque mensâ imbecilliora redduntur: sic  
 evenire in animis hominum solet, pusillanimes, nè, si diade-  
 mate quidem, & immensis honoribus potiantur, redire ad se  
 possunt: Philosophi verò etiam in vinculis, in catena, volupta-  
 te merâ fruuntur. S. Petr. Chrys. Remissio quæ os Prælati  
 obstruit, quæ mentem ejus dejicit, quæ adulatorem & vendi-  
 torem olei facit, dum sibi quietem & honorificentiam venatur  
 in favore Principum: hæc miseros præcipitat in foveam scan-  
 dalorum, hæc est remissio, per quam unus ædificat parietem,  
 & alius linit: per quam laudatur peccator in desideriis animæ  
 suæ, & iniquus benedicitur: imò per hanc canes muti non va-  
 lentes latrare per consensûs uniformitatem, faciem & similitu-  
 dinem peccatorum assumunt, sicut scriptum est: Usquequo ju-  
 dicatis iniquitatem, & facies peccatorum sumitis? S. Bernardus. S. Bern. Serm.  
 Eorum verò, qui consideratione propriæ infirmitatis despera- 1. super Psalm.  
 tione dejiciuntur, habitatio est anxia, & eos in tormentis di- Qui habitat.

ximus habitare. Quamdiu enim & poenas sustinent, in qui-  
 bus nocte & die conterantur, & eis quoque, quas nondum sen-  
 tiunt, amplius cruciantur, ut non sufficiat diei malitia sua, sed  
 opprimuntur his quoque, quæ fortasse nunquam experientur.  
 Quæ tormenta, quis infernus intolerabilior potest excogitari?  
 præsertim, quia & tanto labore premuntur, & cælestis panis  
 non sustentantur edulio. Hi sunt, qui in adiutorio Altissimi



non habitant, quia desperant. *Idem:* Ad rugitum Leonis nullo-  
*Idem Serm.* lam bestiam stare posse perhibent, nè eam quidem quæ adver-  
 13. *sup. Psalm.* sus ictum ejus totâ animositate repugnat: & plerumque supe-  
*Qui habitat.* rat ferientem, quæ non sustinet rugientem. Verè bestia, ve-  
 rè rationis expertus, qui tam pusillanimis est, ut soli timori ce-  
 dat, qui solâ futuri exaggeratione laboris victus ante confli-  
 ctum non telo sed rubâ prosternitur. Nondum restitistis us-  
 que ad sanguinem ait strenuus ille Dux, qui Leonis hujus no-  
 verat vanum esse rugitum. Et alius quidam: Resistite, inquit,  
 diabolo, & fugiet à vobis. *Idem:* Quæ pusillanimis est, & modicæ fi-  
 dei mens, rei suæ familiaris tenuitate constringitur, nec valet præ-  
*Idem Serm.* inopia otari ad vacandum Divinis laudibus, seu his quæ laudes  
 10. *in Cant:* pariunt intuendis beneficiis. Et si quando certè conatur assurge-  
 re, confestim domesticarum necessitatum curis urgentibus evo-  
 catur ad sua, & comprimi propriâ egestate compellitur. *Idem:*  
*Idem Epist. 31.* Non immeritò his, quos in anxietate positos videmus, amicis  
 nostris compatimur, quibus utique, dum exitum ignoramus,  
 defectum metuimus. Quoniam quidem sicut sanctis & electis  
 tribulatio operatur patientiam, patientia probationem, proba-  
 tio spem, spes autem non confunditur; Sic damnandis & re-  
 probis tribulatio parit è contrario pusillanimitatem, pusillani-  
 mitas perturbationem, perturbatio desperationem, & illa in-  
 terimit.

*In Praxi* Pusillanimitati, occurre. *Imò.* Humilitate.

Hinc B. Isaac dicit: Una est omnium eorum, quæ ex pusilla-  
*Isaac Presb.* nimitate sequuntur, medicina, per quam quis statim in anima  
 c. 42. invenit consolationes, nempe humilitas cordis &c. Nam, se-  
 cundùm mensuram humilitatis tuæ datur tibi, & patientia in  
 adversitatibus tuis, & secundùm patientiam tuam alleviatur  
 gravitas tribulationis tuæ, & consolationem obtinebis. *2dò.*  
 Elevare spe & firmâ fiduciâ in DEum: Unde DEus per *Psalmistam:*  
*Psalm. 90. 14.* Quoniam in me speravit, liberabo eum, protegam  
 eum, quoniam cognovit nomen meum, cum ipso sum in tri-  
 bulatione: eripiam eum, & glorificabo eum. Et *Apostolus* in-  
*Philip. 4.* quit: Omnia possum in eo, qui me confortat. Lege plura  
 de



de spe, & desperatione ut supra. Actandem per magnanimitatem aggredere, sustine, perfice. Porro pro aliena pusillanimitate erigenda praxim porrigit *S. Gregorius* dicens: Pusillanimes aptius ad iter bene agendi reducimus si quādam bona illorum ex latere requiramus, ut dum in eis alia reprehendendo corripimus, alia amplectendo laudamus, quatenus eorum teneritudinem laus audita nutriat, quam culpa increpata castigat. Plerumque autem utilius apud illos proficimus, si & illorum bene gesta memoramus. Et si qua ab eis inordinatē gesta sunt, non jam tanquam perpetrata corripimus, sed quasi adhuc nē perpetrari debeant prohibemus: ut & illa quæ approbamus, illatus favor augeat, & contra ea, quæ reprehendimus magis apud pusillanimes exhortatio verecunda convalescat. Unde Paulus cū Thessalonicenses in accepta prädicatione perdurantes, quasi de vicino mundi termino quādam cognosceret pusillanimitate turbatos, prius in eis, quæ fortia prospicit, laudat; & cautē monendo postmodū, quæ infirma sunt, roborat. Ait enim: Gratias agere debemus DEO semper pro vobis, fratres; itā ut dignum est, quoniam supercrevit fides vestra, & abundat charitas uniuscujusque vestrū invicem.

*S. Greg. P. 3.  
post. ad mon. 8.*

*1. Thess. 1.*

*3<sup>to</sup> Adhibe hic proportionatē supradata.*

*1. 2. tra. 1. c.  
11. sect. 4. subf.  
2. §. 2. & 3.*

## SUBSECTIO VI

### De Magnificencia.

**M**agnificencia ex suo etymo à magnumfaciendo sumitur, idque dupliciter. imò. Ut est *generalis virtus*, quā aliquis facit magnum, secundū quod facere comuniter sumitur, nempe pro quacunque actione, sive transeat in exteriorē materiam, sive maneat in ipso agente, sicut intelligere & velle. 2<sup>do</sup>. Ut *specialis virtus* est, quā circa externam tantū materiam, aliquid magnum & præclarum efficitur. Dicitur: *specialis virtus* imò respectu amoris pecuniæ, quem moderatur magnificus, nē sum-

*V D. Thom. 2. 2.  
q. 134.*

*Ibidem 6. 1.  
2. 3.*



prus magni impediatur. 2do Respectu artis, quatenus per eam aliquid magnum fit. Nam opus factibile producitur ab arte, in cuius usu potest attendi una specialis ratio bonitatis, quod ipsum opus factum per artem sit magnum, scilicet in quantitate, pretiositate, vel dignitate. 3tio Respectu sumptuum magnorum profundendorum, potissimum ad faciendum magnum opus in cultum DEI. Unde Philos. dicit in 4. Eth. quod honorabiles sumptus sunt maxime, qui pertinent ad divina Sacrificia. Et ideo magnificentia coniungitur Sanctitati, quia precipue ejus effectus ad religionem, sive ad Sanctitatem ordinatur. Deinde magnificus profundit opes ad faciendum aliquid, unde proveniat honor toti civitati, sicut cum facit aliquid, ad quod tota civitas studet. Denique si quid in his, quæ ad propriam personam aliquis facit, quod magnitudinem habeat, hoc etiam magnifice magnificus prosequitur, sicut ea, quæ temel fiunt, ut nuptiæ, vel aliquid aliud hujusmodi, vel etiam ea, quæ permanentia sunt.

Distinguitur autem magnanimitas à magnificentia, quòd illa intendat opus magnum in omni materia, hæc verò in aliquo opere factibili.

*Motiva Magnificentie.* S. Rex David pro construendo Templo Domini præparavit magnificas impensas & sumptus, ut ipsemet profatus est: *Ecce ego in paupertate mea præparavi impensas Domus Domini, auri talenta centum millia & argenti mille millia talentorum: Auri & ferri non est pondus, vincitur enim numerus magnitudine: Ligna & lapides præparavi ad universa impendia.* Porro, Rex Salomon eandem domum Domini feliciter consummavit, de qua dixerat: *Domus, quam edificare cupio, magna est: magnus est enim DEUS noster super omnes DEOS.* Et paulò post: *Domus quam cupio edificare, magna est nimis & incluta.* Quod magnificum opus in cultum DEI, vel ex solorum latomorum, aliorumque ædificantium multitudine conjecturare licet. Etenim Salomon numeravit septuaginta millia virorum portantium humeris, & octoginta millia, qui caderent lapides in montibus, præpositosque eorum tria millia sexcentos. Ædificabat autem templum Domini septem annis. Davidem & Salomonem secuti sunt Constantinus Magnus Imperator, aliquæ pii reges

1. Paral. 22.

2. Paral. 2.

Ibidem.



Reges & Principes, quorum magnifica opera in templis, ædificiis, & structuris pro cultoribus DEI, cum amplissimas fundationes, ex quarum pluribus sigillatim sumptus, centeni, imò & milleni possent commodè sustentari servi DEI, stupet præsens seculum. Quod si illam sanctam antiquitatem præsens seculi perversitas nequeat, vel nolit imitari, conservet adminus facta recta, & non rapiant filii in profanos usus, quod Patres eorum DEO consecrârunt. Unde & sua imperia, DEO juvante, dilatârunt. At nunc, quia adimitur Ecclesiis, minuuntur Regna totis provinciis, iusto Vindice DEO.

*In Praxi comparandi Magnificentiam serviunt proportionatè secundum prædicta hæc applicata.*

1. 2. tra. 1. c. 1.  
sect. 4. subf. 2.  
9. 2. & 3.

## SUBSECTIO VII

### De Parvificentia, & Banausia.

**P**arvificentia vitium est, quo homines ab ea proportionē deficiunt, D. Thom. 2. 2. quæ debet esse secundum rationem inter sumptus & opus. Quia 2. q. 135. a. 1. sicut magnificus principaliter intendit magnitudinem operis; secundario intendit magnitudinem sumptus, quam non vitat, ut faciat magnum opus. Ità Parvificus è converso principaliter quidem intendit parvitatem sumptus, ex consequenti autem intendit parvitatem operis, quam scilicet non recusat, dummodo parvum sumptum faciat: sic ergò Parvificus deficit à proportionē, quæ debet esse secundum rationem inter sumptus & opus. Defectus autem à ratione vitium est.

Ibid. a. 1. ad 3.

*Proprietas Parvificentiæ est.* Quod sicut magnificus cum liberali convenit in hoc, quod promptè & delectabiliter pecunias emittit; ità etiam parvificus convenit cum illiberali, sive avaro in hoc, quod cum tristitia & tarditate expensas facit.

v. Ibidem a. 2.

Vitium, græcè *Banausia* dicitur à forno, in quo ignis omnia consumit. Latine verò *consumptio*, seu nimia profusio, opponitur Parvificentiæ in eo, quod excedit in sumptu operis dignitatem, expendens multa. ubi pauca oporteret expendere. Opponitur autem magnificentia ex parte operis magni: quod præcipuè intendit magnificus: in quantum scilicet ubi oportet multa expendere, nihil aut parum expendit.

SUB-



## SUBSECTIO VIII.

## De Patientia.

## PUNCTUM I.

D. Th. 2. 2. q.  
136.

**P**atientia est virtus, quâ bonum rationis conservatur contra tristitiam, nè ratio ipsa ei succumbat. Quia virtutes morales ordinantur ad bonum, inquantum conservant bonum rationis contra impetus passionum. Inter alias autem passiones, tristitia efficax est, ad impediendum bonum rationis, secundum illud secundæ ad Cor. 7. Seculi tristitia mortem operatur, Et Eccl. 30. Multos occidit tristitia, & non est utilitas in illa.

Unde necesse est habere aliquam virtutem, per quam bonum rationis conservetur contra tristitiam, nè scilicet ratio tristitiæ succumbat. Hoc autem facit Patientia. Unde Augustinus dicit in lib. de patientia: Quod patientia hominis est, qua mala æquo animo toleramus (id est sine perturbatione tristitiæ) nè animo minus bona deferamus, per quæ ad meliора perveniamus. Unde manifestum est, Patientiam esse virtutem. Tullius lib. 2. de invent. definit patientiam dicens: quod patientia est honestatis ac utilitatis causa voluntaria, ac diuturna perpassio rerum arduarum ac difficilium.

Tullius lib. 2.  
de invent.

Quod dicit arduarum, pertinet ad constantiam in bono. Quod dicit difficilium, pertinet ad gravitatem mali, quam propriè respicit patientia. Quod verò addit diuturna, sive diutina, pertinet ad Longanimitatem secundum quod convenit cum patientia,

Tertull. lib. de  
patient. c. 15.

Tertullianus describens patientiæ effigiem in hunc modum disserit; Jam effigiem, habitumquè patientiæ comprehendamus. Vultus illi tranquillus & placidus, frons pura nullâ mororis, aut iræ rugositate contracta: remissa æquè in latum modum supercilia, oculis humilitate, non infelicitate dejectis, os taciturnitatis honore signatum, color qualis securis & innoxius, motus frequens capitis in diabolum & minax risus.

Gradus Patientiæ ex S. Bernardo Serm. 1. in

Festo S. Andreae.

Triplicem hic licet considerare gradum, incipientium, proficentium, perfectorum. Initium sapientiæ timor Domini, medium



medium spes, charitas plenitudo. Denique Apostolum audi, quia plenitudo legis est charitas. Qui initiatur à timore, crucem Christi sustinet patienter: qui proficit in spe, portat libenter: qui verò consummatur in charitate, amplectitur jam ardentius: solus etenim iste est, qui dicere possit, quia amator tuus semper fui & desideravi amplecti te. Longè est vox ista ab eo, qui sustinet quidem, sed optaret omnino si posset, non venisse in hanc horam. Denique (si non videor temerarius) longè est ab ea voce: *Pater si fieri potest, transeat à me calix iste.* Quid enim? *Matth. 26.* Certè super atellum ascenderat, ut nè hic quidem hostibus relinqueretur. Agnosco planè in Duce belli pusillanimatorum, trepidationem, agnosco ægroti vocem in medico, agnosco infirmantem gallinam cum pullis, considero charitatem, stupeo miserationem, expavescio dignationem. Misericors Dominus non beati Andreæ robustum sibi suscepit affectum, quia non est sanis opus medicus, sed malè habentibus. Si quem forè dignatio scandalizat, planè meretur audire: *Nonne oculus tuus nequam est, quia ego bonus?* Huic enim odor vitæ in mortem est. *Et paulò infra.* Denique agnosco & in hoc ipso Paraclytum maximum, agnosco Paraclytum benignissimum, qui propè sit his, qui tribulato sunt corde. Non despero jam Domine, etiamsi molesta mihi videatur tribulatio, quam patior, etiamsi pusillanimis sum, etiamsi desidero, ut transferatur calix à me. Non despero, inquam, dummodo audiam ipse: Veruntamen non sicut ego volo, sed sicut Tu. Ità planè dummodo non murmurem, id enim penitus separaret à te, si non citius respicerem, non renuo, etiamsi opus habeo consolari. Quid enim? agnosco vocem meam in Salvatore, & de salute desperem? Planè in patientia mea possidebo animam meam. Et paulò pòst. *Non sunt condignæ passionibus huius temporis ad futuram gloriam, quæ revelabitur in nobis.* Hoc si jam sentire cœpisti, haud dubium, quin libenter feras crucem Domini & dicas: *Paratus sum, & non sum turbatus, ut custodiam mandata tua.* Attamen si vis perfectus esse, unum adhuc tibi est necessarium. Quid illud inquis? Profectò gaudium in Spiritu Sancto. Siquidem & is qui timore cœrcetur & patiens est, qui ratione spei ducitur, & be-

*Matth. 20.**Rom. 8.**Psalm. 118.*



nevolus est: nisi etiam fuerit fervens Spiritu, facile labi potest. Porro quæ per Spiritum diffunditur Charitas & patiens & benigna est, & quod est amplius nunquam excidit. *Et infra*, Fortis quippe est ut mors, non patientia aut spes, sed dilectio. Non timor aut ratio, sed Spiritus fortitudinis est. Dicit patientia, sic oportet fieri; quia timore urgetur. Dicit voluntas, est bonum sic expedit, & sic agendum est: quia spei attrahitur ratione. Charitas verò quæ inflammatur a Spiritu, neque sic oportet dicit, neque sic expedit: sed sic volo (inquit) sic cupio, sic desidero vehementer. Videris quanta sublimitas, videtis quanta securitas, quantaque suavitas Charitatis? Felix anima quæ ad hunc Charitatis pervenerit statum *Hæc melissus Doctor.*

Hos gradus patientiæ maximè secundum & tertium de *S. Chrysost.* bet sequi in tribulationibus gratiarum actio: de qua *S. Chrysostom. 4. in 1. ad Rom.* ita differit: Nè igitur in tentationibus indignemur, neque angustiemur, neque tumultuemur. *Job* gravius vulnus diabolo intulit, cum spoliatus gratias egit, quam cum pauperibus sua distribuit. Omnibus enim privatum generosè & cum gratiarum actione id ferre multò majus est, quam in divitiis egeno facere Eleemofynam, sicut in hoc contigit iusto. At ignis ingruens sæpius substantiam tuam ablumpsit, & totam domum populatus est? reminiscere eorum quæ *Job* acciderunt, age gratias Domino, qui prohibere potest, & non prohibuit, & tantam recipies mercedem, quantam si omnia illa in pauperum manum reposuisses. *Hoc ipsum iteratò affirmans: Patrem, inquit* habebis mercedem cum eo, qui pecunias suas pauperibus largitus est, si amisisti illis gratias egeris, & cum ad Divinatores ire potueris, sustinueris illas magis non recipere, quam hoc pacto recipere. Sed in pauperie degis, & fame & infinitis periculis? Recordare Lazarum cum inopia, & orbitate, & innumeris aliis pugnantes molestiis, & hæc post virtutem tantam. Recordare Apostolorum, qui & in fame & in siti, & in nuditate degebant; prophetarum, iustorum; & omnes ipsos invenies non de divitiis, non de gaudentiis, sed de egenis, tribulatis, & angustiatis esse. *Hæc apud te ipsum*



ipsum colligens, Domino gratias age, quod te hujus fecit participem, non exorsus, sed & valde diligens: quomodo & illos tot gravia pati non permisisset, nisi vehementer amasset. Nul- lum gratiarum actioni par bonum. Hoc maximum est Sacri- ficium, hæc oblatio perfecta. Ideo Divinus Paulus: In omni- bus, inquit, gratias agite: hæc est enim voluntas DEI.

*Gradus Patientiæ ex aurea Formula S. Bonaventuræ de  
grad. virtut. c. 5.*

Patientiæ altus gradus est, patienter sustinere amisio- *Ordo graduum*  
nem rerum, ut Job. Altior, patienter sufferre amissionem ho- *1. Patientiæ*  
noris, ut David cum impropria Semei sustinuit. Altissimus *Job 1.*  
est, patienter sufferre mutilationem membrorum, vel ablatio- *2. Reg. 16.*  
nem vitæ corporalis. In hoc gradu fuit Christus, cum spon-  
te pro nobis animam suam posuit.

Item altus gradus est patientiæ, tolerare afflictionem, *II.*  
quam homo pro peccatis meruit. Unde Petrus: Si peccantes, *1. Pet. 2.*  
& colaphizati suffertis &c: Altior, patienter sufferre afflictio-  
nem, quam innocenter sustinet pro iustitia. Unde si quid pa-  
timini propter iustitiam, beati. Altissimus est, ferventer appe-  
tere afflictionem. In hoc gradu fuit Christus, cum dicebat: Im- *Matth. 5.*  
properium expectavit &c. *Psal. 68.*

Item altus gradus patientiæ est, non vindicare inju- *III.*  
riam facto, Altior, non vindicare verbo. Altissimus est, non  
habere vindictam in desiderio.

Item altam habet patientiam, qui non indicat impa- *IV.*  
tientiam in verbo. Altior, qui non indicat vultu. Altissimus,  
qui non portat impatientiam in corde suo.

Item altum gradum patientiæ habet, qui non vindicat *V.*  
injuriæ suam, cum vindicare potest, licet non sine damno.  
Altiolem, qui non vindicat, cum vindicare potest sine damno  
Altissimus est, cum gratias agit pro afflictione ut Tobias, cum *Tob. 14*  
dixit: Gratias ago tibi Domine, quia castigasti & sanasti me.

Item altus gradus patientiæ est, cum aliquis patienter *VI.*  
sustinet adversitates, ut à peccatis suis purgetur juxta illud: In *Prov. 27.*  
fornace probatur argentum. Altior, ut in cælo gloriose re-



*Matth. 5.* muneretur juxta illud Matthæi: Beati eritis cum vos oderint homines &c. Altissimus, ut Christo vicem rependat; juxta illud Hieronymi: Felix est anima, quæ pro Christi nomine tanta voluerit sustinere, quanta ille pro nobis passus est.

Item altus gradus patientiæ est, de injuria nunquam querimoniam facere. Altior, nunquam injuriam propriam excusare. Altissimus est, injuriam propriam nunquam alicui vindicandum significare.

## PUNCTUM II.

*Psal. 125.*

*Motiva* ad perpetuum exercitium Patientiæ hæc afferuntur. *Imum, Psalm:* Euntes ibant & flebant, mittentes semina sua (boni operis in patientia) venientes autem venient cum exultatione, portantes manipulos (cælestium præmiorum.) *Prov.*

*Prov. 14.*

*Prov. 16.*

*Eccl. 2.*

*Qui* patiens est, multâ gubernatur sapientiâ. *Ibidem:* Melior est patiens viro forti; & qui dominatur animo suo, expugnatore urbium. *Eccl:* Qui timent Dominum, custodiunt mandata illius, & patientiam habebunt usque ad inspectionem illius.

*Luc. 8.*

*Christus:* Quod autem in bonam terram semen cecidit, hi sunt, qui in corde bono & optimo audientes verbum retinent, & fructum afferunt in patientia. *Idem:* In patientia vestra possidebitis animas vestras. *Act.*

*Luc. 21.*

*Act. 14.*

*Rom. 15.*

*Hebr. 10.*

*Quoniam* per multas tribulationes oportet nos intrare in regnum DEI. *Apostolus:* Quæcunque scripta sunt ad nostram doctrinam, scripta sunt, ut per patientiam, & consolationem scripturarum spem habeamus. *Idem:*

*1. Cor. 11.*

*2. Cor. 6.*

Patientia autem vobis necessaria est, ut voluntatem DEI facientes reportetis promissionem. *Idem:* Dum judicamur, à Domino corripimur, ut non cum hoc mundo damnemur. *Ibidem:* Sed in omnibus exhibeamus nosmetipsos, sicut DEI ministros in multa patientia. *Jacobus:*

*Jacob. 5.*

*Ibidem.*

*Ibidem.*

Patientes igitur estote fratres usque ad adventum Domini. Ecce agricola expectat pretiosum fructum terræ patienter ferens donec accipiat temporaneum & ferotinum. *Ibidem:* Patienter estote & vos, & confirmate corda vestra, quoniam adventus Domini appropinquabit. *Ibid.* Ecce Judex ante januam assistit: Exemplum accipite fratres laboris, & patientiæ,

Pro-



Prophetas, qui locuti sunt in nomine Domini. Ecce beatificamus eos qui sustinuerunt: sufferentiam Job audistis, & finem Domini vidistis: quoniam misericors Dominus & miserator. *Apoc.* Quoniam servasti verbum patientiæ meæ, & ego servabo te ab hora tentationis, quæ ventura est in orbem universum tentare habitantes in terra.

*Apoc. 3.*

*2<sup>da</sup> S. Augustinus:* Nè indignemini fratres, si in mundo mali florent, & vos adversa patimini, quia non est Christianæ religionis in temporalibus exaltari, sed potius deprimi. Mali enim nihil habent in cælo, & vos nihil habere debetis in terra, sed spe illius boni ad quod tenditis, quicquid in via contingit, gaudere debetis. *Idem:* Intelligat homo medicum esse Deum, & tribulationem medicamentum esse ad salutem, non poenam ad damnationem. Sub medicamento positus ure-  
*August. in ser. de patient.*

ris, secaris, clamas, non audit medicus ad voluntatem, sed ad sanitatem. *S. Ambros.* Illud est magnificum, si subjectus contumeliis iudicium DEI laudes: si vexatus ægitudine iudicio DEI de-  
*Idem super Psal. 21.*

putes: si inopia non revocet, quo minus laudes iustitiam DEI. *S. August.* Quæcunque dura & molesta, quæcunque gravia & horribilia, quæ quisque patitur in hac vita, in comparatione æterni ignis non tantum parva, sed nulla sunt. *S. Chrysost.* Pro Christo pati, inquit, munus est majoris admirationis,  
*S. Ambros. super Beati immaculati.*

quàm sit revera mortuos excitare, & signa miranda patrare: nam illic quidem debitor sum, hic verò debitorem habeo Christum. *Idem:* Si corpus, inquit, rectè dicimus beatum, quod potest absque sui offensione ferre frigus & calores, & famem, & inopiam, & viæ difficultates, aliasque ærumnas; quantum magis beatam oportet vocare animam, quæ viriliter & fortiter omnes omnium molestiarum incurfus ferre potest, & cor suum per omnia nulli servituti obnoxium servare? *S. Thomas:* Con-  
*S. August. T. 10. Serm. 190. de tempore.*

fuetum est, ut nomine virtutis etiam virtutum actus significetur. Et ideo patientia quantum ad habitum ponitur virtus, Quantum autem ad delectationem quam habet in actu, ponitur fructus. Et præcipuè quantum ad hoc, quod per patientiam animus præservatur, nè obruatur tristitia. *Idem:* Dicendum quòd patientia dicitur habere opus perfectum in adversis  
*Idem Ep. hom. 4. ad Philip.*



tolerandis, ex quibus primò procedit tristitia, quam moderatur patientia: Secundò ira, quam moderatur mansuetudo: Tertio odium, quod tollit charitas: Quarto injustum nocumentum, quod prohibet justitia. Tollere enim principium uniuscujusque est perfectius. Nec tamen sequitur si in hoc patientia est perfectior, quòd sit perfectior simpliciter. *Idem*: Dicendum, quòd possessio importat quietum dominium. Et ideo per patientiam dicitur homo suam animam possidere, in quantum radicatus evellit passionem adversitatum, quibus anima inquietatur. *Idem*: Dicendum, quòd patientia dicitur esse radix & custos omnium virtutum, non quasi directè eas cau-  
 sando & conservando, sed solum removendo prohibens. *Cassianus*: Quantum quis in lenitate ac patientia cordis, tantum in corporis puritate proficiet. Scriptum est enim: Beati mites, quoniam ipsi possidebunt terram. (huius corporis) non enim æstus corporis declinabit, nisi qui animi motus antè compresserit. *S. Gregorius*: Ego virtutem patientiæ & signis & miraculis majorem credo. *S. Hieronymus*: Lubens nunc tormenta patior, ut tunc futura mihi gloria fervetur. Non enim judicabit Dominus bis in idipsum. *S. Bernardus*: Quem diligit Dominus corripit, flagellat autem omnem filium, quem recipit. Flagellatum video & emendatum, & aliud suspicer, quàm unum esse ex filiis? *Idem*: Quando autem magna bona mortalibus provenerunt, quæ non magna prævenerunt mala? Nam ut cætera taceam, nonnè illud unicum, & singulare beneficium nostræ salutis præcescit mors Salvatoris? *Idem*: Hæc est via vitæ tribulatio præsens, via gloriæ, via civitatis, habitaculi, via regni, secundum quod clamat latro de cruce: Memento mei Domine dum veneris in Regnum tuum. Certè & crux pretiosa est, & crux amari potest, & crux habet exultationem: ita est fratres mei. Si fuerit qui colligat, semper lignum crucis vitam germinat, fructificat jucunditatem, oleum lætitiæ stillat, balsamum sudat spiritualium Charismatum. Non est sylvestris arbor, lignum vitæ est apprehendentibus eam. Arbor fructuosa, arbor salutifera: alioquin quomodo Dominicam occuparet terram? Illam dico pretiosam glebam, cui clavorum infixa

*Ibidem ad 2.*

*Ibid. ad 3.*

*Cassianus Col-  
lat. 12. 6.*

*S. Greg. lib. 1.  
Dial. c. 2.*

*S. Hieron. in  
Epist.*

*S. Bern. Epist.  
23.*

*Idem Epist.  
266.*

*Idem Serm. 1.  
in festo S. An-  
dree.*



infixa est radicibus. Si non esset hæc pretiosior cunctis, fructuosior universis, nunquam illo plantaretur in horto, nec illam permetteretur vineam occupare. *Idem: Plectuntur aliqui pro peccatis suis, & humiliter sustinent: hoc ipsum tamen eis ad patientiam reputatur. Flagellantur alii non tam purgandi, quam probandi coronandique: & major in eis patientia comprobatur & commendatur.* *S. Thomas docet excellentioris fortitudinis esse gravia pati, quam fortia agere, dum inquit: Dicendum, quod sustinere est difficilius, quam aggredi, triplici ratione. Primò quidem, quia sustinere videtur aliquis ab aliquo fortiori invadente, qui autem aggreditur invadit per modum fortioris. Difficilius autem est pugnare cum fortiori, quam cum debiliore. Secundò, quia ille qui sustinet, jam sentit pericula: ille autem qui aggreditur habet ut futura. Difficilius autem est non moveri à præsentibus, quam à futuris. Tertiò, quia sustinere importat diuturnitatem temporis: sed aggredi potest aliquis ex subito motu. Difficilius autem est diu manere immobilem, quam subito motu moveri ad aliquod arduum. Unde Philosophus dicit in 3. Eth: quod quidam sunt prævalentes ante pericula, in ipsis autem discedunt: fortes autem è contrario se habent.* *Thomas Kempensis: Miser es ubicunque fueris, & quocunque te verteris, nisi ad DEum te convertas. Dispone & ordina omnia secundum tuum velle & videre, non invenies nisi semper aliquid pati, aut sponte aut invite. Convertete te supra, convertete te infra, convertete te intra: & in his omnibus invenies crucem: & necesse est te ubique tenere patientiam, si internam vis habere pacem, & perpetuam promereri coronam.*

## PUNCTUM III.

**T**ertium Motivum ab exemplis Patientiæ. I. Patientiæ metaphorica exemplum est, DEUS T. O. M. qui quantas tolerat offensas ab hominibus, quis edisserat? & tamen donis naturalibus & supernaturalibus non cessat cumulare hostes suos. Hinc Psalmista ait: Misericors & misericors Dominus, patiens & multum misericors. Et Apostolus: An divitias bonitatis ejus, & patientiæ, & longanimitatis contemnis?

II. Exem-

*Idem serm: feria 4. hebdomadae. panos.*

*S. Thom. 2. 2. q. 123. 4. 6. ad 1.*

*Th. Kemp. de imit. Chri. lib. 1. c. 22. imit. & lib. 2. c. 12. & num. 3. & 4.*

*Psal. 144. Rom. 2.*



Luc. 24.

1. Petr. 2.

S. Bonav. in  
stim. amor.Th. Kempen  
lib. 2. c. 12.  
In vita B. An-  
gelæ de Fulgi-  
nio.

II. Exemplum veræ patientiæ fuit *Christus*, qui de seipso ait: Nonne hæc oportuit pati Christum, & ita intrare in gloriam suam? Et *Petrus*: Christus passus est, vobis relinquens exemplum, ut sequamini vestigia ejus. *S. Bonaventura*: Quis patiens nisi justissimus, & innocentissimus pro peccatis & injustitiis nostris crucifixus vi amoris & ardore charitatis iniquitates nostras portavit super lignum? Quis verò persecutionem passus est propter justitiam, quam habebat, faciebat, prædicabat, & scriebat, nisi ille, qui est à Judæis crucifixus? Verè hic est verè beatus, cui maledixerunt homines adversus eum mentientes. *Thomas à Kempis*. Tota vita Christi crux fuit & Martyrium, & tu tibi quæris requiem & gaudium? Patientia Christi fuit in multiplici, summo, & continuo dolore. De quo *B. Angela de Fulgino* hæc auro & cedro digna profert dicens: Societas Christi magis experimentalis, & continua fuit summus dolor: à quo statim anima Christi, quando corpori sanctissimo fuit infusa, fuit etiam associata. In illo enim momento, quo fuit anima illa humano corpori, & Divinitati unita, statim fuit repleta summâ sapientiâ: & ideo Christus statim fuit viator, & comprehensor, & statim in utero Virginis Matris suæ incepit sentire summum dolorem, sciendo, videndo, & considerando, & intelligendo universaliter & singulariter omnes pœnas, & quamlibet per se, quas ipsa anima cum sua carne experiri debebat, & pro nobis tolerare. Et sicut propinquus morti factus fuit in agonia, & in tanta tristitia, quod corpus sudorem sanguineum usque ad terram emisit, propter hoc, quod acerbiter mortis prævidebat: ita anima Christi prævidendo ista tormenta sibi affutura, summo dolore dolebat, quamvis corpus non experiretur tantum, sicut quando passioni fuit Christus propinquus.

Anima illa sancta prævidebat cultellos illarum pessimarum lingvarum, & verba aculeata cujuslibet lingvæ singularis: & sciebat & continuo considerabat, à quibus, & quando, & quomodo, & quantum debebat affligi, interfici, deludi, & mactari, & videbat se ad hoc natum, & ad hoc venisse in mundum. Unde non poterat esse, nisi in dolore, quando considerabat qualiter debebat esse venditus, traditus, captus, negatus, derelictus, ligatus;



ligatus, colaphizatus, maledictus, flagellatus, iudicatus, reprobatus, condemnatus, & sicut latro ad crucem ductus, spoliatus, denudatus, crucifixus, mortuus, lanceâ percussus. Et sciebat omnes percussiones martellorum, & omnes ictus flagellorum, & foramina clavorum, & omnes guttas sanguinis & lacrymarum guttas, quas fundere debebat, & omnia suspiria & fletus & lamenta dolorosa sua, & matris suæ; quæ omnia illa sancta anima Christi semper prævidebat, & considerabat, & quando sic se habebat, absque dubitatione non poterat esse sine tristitia, & summo cordis & mentis dolore. Et sic tota vita Christi fuit associata summo dolori, tristitiæ, & afflictioni.

Præter hoc Christus Dominus verus liber vitæ innumerabiles toleravit dolores. Statim enim natus, non in balneo, nec in plumis positus, nec pelibus involutus, sed in fœno, in stabulo, & duro præsepio inter jumenta collocatus est, & sic Infantulus terribissimus statim natus incepit secundum corpus tolerare corporis afflictiones. Consequenter peregrinationes cum Matre sua dulcissima & terrissima Virgine & JOSEPH tene usque in Ægyptum per desertum vastissimum peregit, in cujus transitu filii Israël sine cibo humanitatis præparato quadraginta annis permanferunt. Consequenter peregrinationes ad templum secundum legis statuta faciebat adhuc Puerulus continuè pedibus suis ambulando, cum tamen locus suus Nazareth plùs quàm per duas dietas ab Hierusalem distaret.

Et factus vir statim post baptismum desertum intravit, ibique quadraginta diebus jejunavit & esuriit intantum, quòd diabolus credidit, eum propter famem ad peccatum posse inclinare. Unde & de hoc primò eum tentavit. Ivit pedibus suis per castella, per loca, per civitates, famem, sitim, pluvias, calores, caumata, frigora sustinendo, sudando, se fatigando, multas molestias sustinendo, & tandem mortis supplicia tolerando. Et hos omnes labores sustinuit, ut viam veritatis prædicaret, & falsitates dæmonum, & eorum dominium exterminaret, & ut hominibus poenitentiam utilissimam demonstraret, & ipsos ad eam induceret, & ut ostenderet in dolorum & afflictionum toleratione stare felicitatem, & bonum



hominum, & gloriam, & ut nobis exemplum daret, quod prædicta sunt toleranda.

De doloribus autem quos tempore passionis sustinuit, nulla lingua sufficit dicere; nec cor cogitare. Fuit enim in Christo dolor ineffabilis multiplex: fuit etiam in Christo dolor intensissimus, & acutus, ex compassione quam habuit humano generi, quod diligebat summo amore: & non solum in communi dolebat pro toto humano genere perduto, dejecto, & damnato, sed compatiebatur unicuique personæ humani generis pro peccatis, in eo etiam secundum mensuram quantitatis uniuscuiusque delicti & poenæ, quam eos incurrisse, & in futurum incurere sciebat certissime. Quot igitur fuerunt, vel sunt homines, & quot peccata commisit, vel committere quilibet homo, & quot habet vel habebit peccata, tot Christus habuit dolores ex summa misericordia, & compassione provenientes.

Cum igitur homines & eorum peccata, & poenæ, quas incurrerant & incurere debebant essent infinitæ, manifestum est, summum dolorem & infinitum eum pro nostro amore sustinuisse. Christus enim quemlibet electorum suorum ineffabiliter diligebat, & hoc amore eviscerato in eos secundum mensuram cuiuslibet, sentiendo præsentialiter & continuè eorum offensam commissam, & committendam, & poenam, & poenâs, quas propter tales offensas sustinere debebant: & dolebat, & compatiebatur eisdem, sustinendo eorum poenâs cum summo dolore, tali scilicet & tanto dolore & compassione fuit afflictus propter nos dulcissimus JESUS, ut ipsa compassio summa, quâ nobis condolebat, eum impulerit ad sustinendum tormentum crucis, & mortem horrendam, & dolores infinitos, ut pro nostris offensis satisfaceret, & nos redimeret, & à poenis nos alleviaret.

Fuit etiam in Christo dolor compassionis propriæ, scilicet suimetipsius. Summè enim compatiebatur sibi ipsi de dolorosa poena, & ineffabili, quam super se venire ineffabiliter videbat: Videns enim Christus, & considerans se ad hoc missum à Patre, ut omnium electorum suorum dolores & poenâs  
porta-



portaret in seipso, nec posse falli, quod tam excessivum & ineffabilem non sustineret dolorem, & se ad hoc totaliter esse datum; compatiabatur sibi ipsi summo dolore. Si enim aliquis dolorem maximum & poenam super se certissime & ineffabiliter venire cognosceret, & ipsum dolorem sine intermissione habere, præ oculis, absque dubio sibi ipsi compateretur, & tanto plus, quanto super se venire cognosceret maiorem dolorem: & adhuc quanto plus intelligeret & sentiret qualis & quantus esset talis dolor. Hæc omnia summè fuerunt in Christo, plus quam dicere possum. Sed hoc exemplum dico propter grossitudinem intellectus humani.

Fuit etiam in Christo dolor compassionis sui misericordissimi Patris. Infinitè enim Christus diligit, & dilexit Patrem suum, Dominum misericordiarum & totius pietatis. Vident enim ipsum DEum Patrem, quem infinitum diligebat, tantà affici compassione & misericordiâ super nos, ut suum Filium dilectissimum vellet dare & morti tradere, qui erat sibi in infinitum res charissima, infinito super hoc compatiabatur dolore super tanta compassione DEI Patris: propter quod ut voluntati Patris, quodammodo remedium adhiberet, humiliavit semetipsum sibi factus obediens usque ad mortem crucis, & hunc modum doloris impossibile est explicare.

Dico igitur quod dolor fuit in Christo ineffabiliter: qui quidem dolor ineffabilis fuit concessus & in ipso permissus, & dispensatus ex ineffabili sapientia Divinitatis. Quæ dispensatio Divina ineffabilis & æterna cum Christo ineffabiliter & æternaliter comitata & unita, dolorem pati summè in eo dispensabat: quanto dispensatio Divina est mirabilior, tanto dolor Christi acutior, & intensior ex Divina dispensatione resultans, ita quod nullus intellectus est ita capax, quod illum dolorem unquam potuerit comprehendere. Ista enim Divina dispensatio fuit origo omnium dolorum, & in hac oriuntur & finiuntur. Et sicut est impossibile comprehendere aliquem intellectum, infinitatem Charitatis, quam ostendit in hoc, quod per mortem suam nos redimere vellet, sic est impossibile comprehendere infinitum dolorem in eo dispensatum, quo ipse doliuit. Fuit enim iste dolor resultans ex ineffabili lumine Christo da-



to. Ipsa enim Divinitas lumen ineffabile ineffabiliter Christum illuminans, & cum ista Divina dispensatione in ipsum vivens, & in ipso Divino lumine in dolorem transformans, tantum sibi reddebat dolorem, quod ineffabile est totum. Videbat enim Christus quandam ineffabilem mensuram sibi datam tam excessivi doloris, qui dolor suâ ineffabilitate esset omni creaturæ occultus. Istius enim doloris scilicet Divini luminis sibi dati, Divina dispensatio fuit fons & origo.

Fuit etiam in Christo dolor compassionis suæ dulcissimæ Matris; quia enim Christus suam Matrem plûs quàm etiam aliam aliquam creaturam dilexit, & diligebat, utpote quia ex ipsa sola carnem Virgineam traxit, & quia ipsa suo Filio plûs quàm alia creatura condolebat propter capacitatem nobilissimam & profundissimam, quam habebat excellentiùs, quàm aliqua creatura; ideo Christus ei condolebat & compatiébatur, quia eam corpore, corde, & animo summè dolere & lamentari videbat: dolebat enim ipsa Mater in summo, & ipse Christus illum suum dolorem in seipso portabat, & hujus doloris fundamentum fuit in dispensatione Divina.

Fuit etiam in Christo dolor de offensione Patris, quem summè diligebat: videbat enim qualiter in sua passione, quando homo suum Dominum, suum Factorem crucifigebat, summè offendebatur DEus Pater. Majus enim peccatum quod unquam fuerit, nec futurum sit, fuit interficere & crucifigere Filium DEI. Et consequenter plûs offendebatur DEus, de quo Christus sinè dubio in immensum doluit. Unde & dolore & compassione motus tam ex parte Patris, qui offendebatur, quam ex parte hominum, qui eum offendebant, fuit motus ad dicendum illud verbum: Pater dimitte eis, quia nesciunt quid faciunt. Forsitan enim DEUS Pater iterum totum humanum genus damnâset propter hoc, nisi Christus quasi oblitis omnibus aliis doloribus in morte sua benigna oratione factâ cum lacrymis & clamore DEum Patrem mitigâset.

Fuit etiam in Christo dolor compassionis Apostolorum, & discipulorum ipsius: dolebant enim Apostoli, & discipuli, & mulieres, quæ secutæ eum fuerant, maximo dolore. Cum er-



gò eos Christus summo amore diligeret, dolorem discipulorum dispersonum, & tribulorum, Christus in seipso portavit.

Præter hos dolores Christus multiplicem dolorem sustinuit, quadruplici enim genere gladium & sagittarum fuit vulneratus & crucifixus iste DEUS homo Christus JESUS. Primum fuit obstinatorum cordium perversa crudelitas: erant enim eorum corda continuè contra Christum vehementissimè obstinata, & in continuo studio & diligentia erant cogitantes, & machinantes, quomodo eum vituperabilius, & crudeliùs exterminarent de terra, & nomen ejus, qui eos salvare venerat, & omnem Societatem ejus. Secundum genus fuit malitia & nequitia illarum irarum grandissimarum, & odiorum, quas illi crucifixo contra Ipsum continuè portabant: quot enim contra Ipsum cogitationes & perversæ intentiones, & iniquæ voluntates fuerunt, tot fuerunt cultelli, & sagittæ animam Christi transverberantes. Tertium genus fuit malitia & dolositas lingvarum vociferantium contra Ipsum: quot enim fuerunt accusationes, detractiones, iniqua consilia, sublationes, derisiones, oblocutiones, blasphemix, maledictiones, falsæ sententiæ, falsa testimonia, tot sustinuit dolores animam suam affligentes.

Quartum genus fuit crudelissimum opus passionis, quod in eum durissimè exercuerunt; & hoc patet deducendo per totam passionem: quot enim tractus capillorum, & barbæ, & capitis, quot impulsus, quot ligamina, quot alapæ, quot colaphi, quot exspuitiones, quot verberationes, tot sustinuit & habuit passiones, potissimè ex parte clavorum, quia acceperunt clavos grossissimos, æquales, scabrosos, & quadratos, quibus manus ejus & pedes crudelissimè perforantes, & transfigentes, & totaliter lacerantes, & destruentes, Ipsum crudelissimè affixerunt. Ex tali enim forma clavorum poena supermaxima resultavit. Supposito etiam, quòd ligno manus ejus & pedes non fuissent affixi, adhuc utique passio durissima perstitisset; sed adhuc non contenti, manus & ejus pedes trahentes, & totum corpus, & ossa, & nervos extendentes, & disjungentes, & dinumerantes ligno durissimo affligentes strictissimè compresserunt. Et nec sic contenti crucem in al-



tum elevantes, & nudum frigori, vento, & aeri, & populo exhibentes, ponderositas totius corporis & gravitas in manibus pendeat, & in pedibus sustentabatur, ut duritia clavorum amplius sentiretur, & sanguinem sine intermissione clavis in plagis existentibus emitteret, & sic in tormento maximo moreretur, & sic omnis eorum malitia compleretur.

Et ut Ipse DEus & homo de tam excessivo dolore nobis aliquid manifestaret, & quod non pro se, sed pro nobis illum tolerârit, patefaceret, & ut de ipso dolore nos semper dolere, & eviscerosius compati nos instrueret; istis tribus de causis illud verbum clamavit, cum in isto dolore esset dicens: DEus meus, DEus meus, ut quid dereliquisti me? DEus enim derelinquere eum non poterat, cum Ipse DEus esset. Sed seipsum hominem manifestavit, cum se derelictum in suis doloribus proclamavit: tunc enim clamando manifestavit superacutissimum dolorem & ineffabilem, quem pro nobis tolerabat: DEus enim dolorem Christi bene sentiebat similiter; quia ipsum portabat, ergo solum pro nobis clamavit, ut summum dolorem non pro se sed pro nobis se pati indicaret: & sic ad dolendum & condolendum semper & assidue nos provocaret & moneret. Et nè quis existimet ipsum solum quando in cruce erat doluisse; ex quo formatio corporis & ejus organizatio, & animæ infusio, & Verbi uno simul & semel fuerunt, ex qua supermirabili unione, anima illa repleta fuit summâ sapientiâ, & ineffabili, omnia sibi præsentia & futura repræsentavit: Et ideo superacutissimum dolorem & omnino ineffabilem sibi videbat advenire, statim quando formatus est & conceptus: & ideo de hoc continuè dolens (Divinâ sapientiâ dispensante) istum dolorem toleravit ab animæ infusione, usque ad animæ separationem: & hoc verba sua testantur, cum dicat frequenter se crucem bajulare, & cum dicat discipulis non pro se, sed pro illis, & pro nobis crucem se tolerare, & se esse tristem; & ideo: Tristis est anima mea usque ad mortem. Hoc dictum est, ut nos ad dolorem super suum dolorem efficacius provocaret

Et hic dolor cum omnibus suprâ dictis fuit vehemens & acutus



acutus propter nobilissimam animam, quam habebat: quanto enim illa anima erat sanctior, & mitior, & nobilior, tanto acutiori & intensiori cruciabatur dolore. Anima enim illa summè nobilissima ex omnibus his injuriis & afflictionibus summò cruciabatur dolore: omnes id dolores originem trahentes ex illa summa & ineffabili dispensatione Deitatis, taliter animam Christi cruciaverunt, quòd omnis per se dolor in Christi corpore redundavit, vehementissimè ipsum corporaliter affligens: fuit etiam ille dolor intensior propter nobilitatem & delicationem sui Virginei corporis, quod fuit nobilius omni alio nato de muliere: & ideo magis sensitivum & magis affligebatur ex prædicto dolore. Fuit autem acutissimus dolor in Christo ratione Personæ, quia verus DEUS erat. Unde & omnis afflictio & injuria sibi illata infinitam offensam continebat: nam non solum homini fiebat, imò etiam DEO vero; propter quod rationem dolendi infinitam habebat: & ineffabiliter dolebat de omni contumelia & afflictione sibi illata.

Et in his omnibus Salvator ipse mundi, DEUS homo Christus JESUS, cum pateretur, non comminabatur, nec maledicebat, nec se defendebat, nec se vindicabat, nec cum accusaretur se excusabat: nec cum manus & brachia in cruce extenderentur, non ea retrahebat: nec cum ad mortem quæreretur, se abscondebat: nec cum in facie spueretur, ipse non eam abscondebat, sed totaliter & omnimodè se tradidit voluntati eorum, ut per nequitiam eorum etiam ipsis nolentibus & ingratis opus redemptionis ministraret. Imò (quod est ineffabile cogitare) in ipso opere passionis, quod in eum innocentem exercebant, ipse exemplum patientiæ præbebat, veritatem eos docebat, pro eis cum lacrymis & fletu, & clamore intensissimè Patrem orabat. Et pro ipso peccato eorum grandissimo (pro quo omnis mundus & humana natura perire meritò debebat) tunc ipse majora beneficia præstabat, utpote quia ipsemet dolore & passione (quam ipsi ministrabant) ipse pro omnibus nostris doloribus satisfecit, & tunc nos redemit, & portas paradisi crucifixoribus, & omnibus aliis aperuit, & suo Patri reconciliavit: & gratulos nos effecit in tantum



tantum, quod filii DEI simus, omnino sibi reconciliati in ipso opere, quo damnabilis erat totus mundus, & omnis creatura; pro eo videlicet quod creatura inventa fuerit in suum Creatorem, tantam injuriam intulisse; O pietas! ô immensa misericordia! ô inexcogitabilis benignitas! quod ubi superabundavit infinita iniquitas, ibi superabundaret & gratia, talis ac tanta, quæ vere finem non habet.

Hoc mysterium totum fecit infinita illa benignitas & misericordia, ut nobis esset exemplum patientiæ in omni tribulatione, & adversitate, & non solum inimicis mala non redderemus, imò etiam eis amore Redemptoris bona conferremus. Si enim aliquis Patriarcha aut Sanctus Propheta, aut Angelus, aut alius Sanctus, exemplum tale dedisset, meritò acceptandum fuisset: sed quod Sapientia DEI infinita apparuerit inter nos incarnata, & Veritas infallibilis (quæ nec decipi nec decipere potest) nobis tale exemplum vivendi dederit, cum negligentia nullatenus est transeundum: sed summâ deligentia perfectissimè adimplendum.

*Et Paulò infrà hæc subinfert.* O quot & facta fiunt, & facta sunt, expendantur, & expensa sunt, ut dolores & afflictiones & adversitates, quæ DEUS misericorditer, aut immitit, aut permittit, vitarentur! quæ tamen procul dubio salubria essent, & magis meritoria, si ut quasi spontaneè assumptæ tolerarentur, quàm multæ aliæ afflictiones & poenitentia, quæ pro libito assumuntur. Melius enim novit cælestis Medicus, quæ afflictiones & adversitates ad animam purgandam, erudiendam, & perficiendam requiruntur, quàm ipse infirmus & insipiens homo. Tales enim afflictiones & poenitentia pro libito voluntatis quæsiæ & assumptæ, vanæ gloriæ vacant multum quandoque. Contingentes autem ex dispositione Divina, & cum magna patientia & complacentia acceptatæ, occultantur hominibus, quasi ex necessitate & coactione voluntatis tolerentur. Dico igitur & consulo filiis, ut frigora, rigores, calores, æstus, pulices, sudores, caumata, capitis, stomachi, & alios corporis dolores, salvâ ejus consistentiâ toleremus; nec curiosi simus ad remedia quærenda, nisi in summa necessitate, quæ



quæ omnino bonum animæ impediret. Idem dico, si DEO disponente, aut permittente, paupertates, amicorum mortes, oppresiones, persecutiones, opprobria, verbera, rapinæ veniant & contingant, non doleamus; imò non solum cum patientia toleremus, sed ipsas tanquam à Medico summo, & nostro Salvatore nobis electas & administratas amore ejus & pro nostro summo bono cum magna complacentia acceptemus; tanquam si à nobis ipsis spontaneè & voluntariè essent quasitæ & acceptæ. Et tunc procul dubio tantum, imò magis erunt meritoria, quam si (non alias contingentes) nos ipsi pro libito voluntatis ad peragendum poenitentiam acciperemus. O miserabiles quid amplius dicemus? qui non solum dolores & afflictiones, & adversitates nobis à DEO sapientissimè misericorditer, sicut ipse sustinuit, administratas refugimus, imò ad contrarium nitimur? nam die ac nocte voluptates & dulcedines corporales insequimur, consolationes temporales summo studio ac diligentia quærimus, & vana gaudia jugiter meditamur. Verè non est hæc via DEI hominis JESU Christi omnium Salvatoris. Quomodo enim vadit ad illum, qui est via doloris & exemplum, illa misera anima, quæ in mundo isto semper vult habere consolationem? in veritate anima, quæ sapiens est, & quæ sapienter vult vivere, non debet aliud in mundo isto quærere quam dolorem. Imò si attendat ad dilectum suum JESUM, & haberet scintillam amoris, non deberet quærere aliud lucrum, nec alium statum in isto mundo, nisi illum, quem ipse habuit, scilicet doloris & angustia & afflictionis: & hæc esset tota consolatio ejus.

Et non solum dico in istis terrenis & temporalibus, & corporalibus rebus, imò etiam dico de spiritualibus: non enim in servitio DEI debemus multum curare de consolationibus, quæ ibi inveniuntur. Nunquid enim MARIA Mater JESU dilectissima videns dilectum suum Filium in cruce plangentem, & morientem, petivit tunc ab ipso dulcedinem aut consolationem? certè nequaquam; sed angustiam ab eo accepit, amaritudinem & dolorem. Ità debet esse in anima nostra: signum enim est pauci amoris, imò est magnæ præsumptionis, si anima desiderat à Christo in mundo isto aliud sentire quam



dolorem Plus enim placet DEO servitium pauperis, qui servit sibi fideliter propter amorem sine expensis & beneficio, quam servitium divitis, qui quolibet die facit expensas magnas, & servit sibi sub spe recipiendi spirituale beneficium. Ita anima pingvis & dives magnam dulcedine quam degustat de DEO in servitio suo, si cucurrerit ad eum per amorem & servit sibi, non est tanti meriti, quanti est illa, quae currit ad DEum, & servit sibi similiter, & cum simili amore sine tamen consolatione, sed cum dolore: Igitur ita videtur mihi, quod doceat me lumen Divinum, quod venit de vita Christi, quae est via eundi per dolorem ad DEum & in DEum, quod per viam, per quam ivit caput nostrum, scilicet Christus JESUS per illam viam debeant ire manus, brachium, pes, & cetera membra.

Et sic invenit anima finaliter per paupertatem temporalem divitias aeternales; per despectum & verecundiam, summum honorem, & magnitudinem gloriae; & per modicam poenitentiam perfectam cum poena & dolore, possidebit summum bonum cum summa dulcedine & consolatione: licet anima debeat ipsi DEO servire propter ipsum, quia est dignus in infinitum diligi, & ut sic cum summa reverentia serviat ei, a qualibet creatura propter suam summam & altissimam bonitatem. Cui sit honor & gloria in infinita seculorum secula Amen. *Hactenus B. Angela.*

*S. Bonav. I* Joseph, de quibus haec *S. Bonaventura.* Considera, quomodo *vite Christi* Dominus permittit suos persecutionibus & tribulationibus vexari. Tunc enim magna erat tribulatio Matri & Joseph, cum viderent Puerum ad occisionem quari: quid enim gravius audire poterant, & erat eis in hoc tribulatio magna, quia licet scirent eum Filium DEI esse, tamen poterat sensualitas eorum turbari & dicere: Dominus DEus omnipotens quid opus est, quod iste tuus Filius fugiat? non potes sic eum defendere? & etiam in hoc erat tribulatio, quod in terram longinquam oportebat eos ire, quam ignorabant, & per vias asperas, cum essent inhabiles ad eundum, Domina propter juventutem, Joseph



Joseph verò propter senectutem: Ipse etiam Puer quem portare habebant, vix erat duorum Mensium, & peregrinari habebant in terra aliena, & pauperes quasi nihil habentes, omnia enim ista sunt afflictionis materia. Tu ergò cum tribularis patientiam habe, nec credas tibi ab eo Privilegium dari, quod nec sibi tribuit nec Matri. *Idem: Beatissima Virgo rediens ex Hierusalem in Nazareth, dum non invenirent Puerum JESUM, cum Joseph quærebant eum cum summo dolore. Quid enim erat perdere JESUM? conspice benè ipsam & vehementer compaterè, quia in angustia est anima sua, nunquam ex quo nata fuit, usque tunc fuit in tanta. Non ergò turbemur, quando tribulationes habemus, cum etiam Matri non pepercit Dominus. Ad suos enim eas permittit venire, & signa sunt suæ dilectionis, nobis autem expedit eas habere. Idem: Vide Charissime, quòd Maria mansuetissima fuit per lenitatem, patientissima contra omnem adversitatem. Ipsa enim est Maria quam Simeon sic alloquebatur, sicut in Luca dicitur: Et dixit ad Mariam Matrem ejus: Ecce positus est hic in ruinam & in resurrectionem multorum in Israël, & in signum, cui contradiceretur, & tuam ipsius animam pertransibit gladius. Hic gladius acutissimam Filii sui passionem, sive mortem signat. Gladius corporalis animam, nec occidere potest, nec vulnerare, sic acutissima Christi passio, licet animam Mariæ per compassionem pertransivit, ipsam tamen nec per odium occidit, nec per impatientiam vulneravit. Maria enim interfectores Filii sui nunquam odivit, nunquam contra eos impatiens fuit. Nam si alii Martyres patientissimi fuerunt in Martyrio suo corporali, quanto magis Martyr nostra Maria in Martyrio suo spirituali? De cujus nobili Martyrio Hieronymus ait: Quia spiritualiter & atrocius passa est gladio passionis Christi, plus quam Martyr fuit. O mira Mariæ patientia & mansuetudo! quæ non solum patientissima fuit, dum coram ipsa Filius ejus crucifigeretur, sed etiam dum ante crucifixionem propter ipsam Filius ejus vilipenderetur, sicut in Evangelio Marci dicitur: Nonne hic est fabri Filius & Mariæ? Ubi post pauca sequitur: Et scandalizabantur in eo. Revera faber est Christus,*

*Idem Medit.**vite Christi.**c. 14.**Idem in speculo B. V. lect.*

4.

*Hiero. ad Pau-**& Christi. de**Assumpt. B. M.**Epist. 10.**Marci 6.**Psal. 37.*



sed qui fabricatus est auroram & solem. Heu quàm longè à gratia mitissimæ MARIE sunt, qui tam immites, tam impatientes, tam iracundi sunt, sicut commensales & focii & vicini sæpe sentiunt)) Vide de immenso mari dolorum MARIE, quos patientissime, libentissimè, ardentissimè amore DEI tulit suprà sub Martyrio.

*Job 10. v. 24.*

IV. *Exempla Sanctorum ex Biblioth. Manual. P. Lobner tit. patient.* S. Job petebat à DEO: Quis der ut veniat petitio mea, & quod expecto, tribuat mihi DEUS? & qui cœpit ipse me conerant, solvat manum suam & succidat me. Et hæc mihi sit

*2. Cor. 12.*

consolatio, ut affligens me dolore non parcat. *Aliud.* S. Paulus de se ipso fatetur; Propter quod placeo mihi in infirmitatibus, in contumeliis, in necessitatibus, in persecutionibus, in angustis in Christo. Cùm enim infirmor, tunc potens sum.

*Nadas. in an-  
no crucif. heb.*

35.

Libenter igitur gloriabor in infirmitatibus meis, ut inhabiter in me virtus Christi. *Aliud.* S. Franciscus Xaverius tantum habebat pro Christo patiendi desiderium, ut sicut abundantibus Divinis solatiis, identidem clamabat: *Satis est, satis est:* ita

in adversis non minori contentione: *Amplius, Amplius;* clamaret. Sed & illud frequenter repeteret: *Domine nò auferas à me hanc crucem, nisi des majorem.* Hinc dicere solebat, videri sibi nostros requaquam fideliter militare, si diu nullis tribulationibus

*Vit. lib. 1. c. 4.*

exercerentur. *Aliud.* De S. Gertrudis patientia Christus ipse testimonium tulit, dum Virgini cuidam devotæ dixit. Tanta hujus animæ delectatione afficior, ut sæpe numero, dum ab aliis hominibus offendor, me ipsum in ea quieturus insinuem, atque pressuram cordis, aliamvè molestiam eidem tunc temporis destinem, quàm dum tantâ ut solet gratiarum actione suscipit, tantâ suffert humilitate ac patientiâ, tantâ denique devotione, in unione passionis meæ mihi offert, omnino me reddit placatum, facitquè ut innumeris sæpe hominibus ejus amore

*Vit. lib. 4. c. 17.*

re parcam. *Aliud.* S. Theresiæ quondam Christus apparuit dicens: Ille Patri meo cælesti omnium est gratissimus, qui quàm plurimis, maximisque afflictionibus exercetur. Et vide, filia mea, vide & animum perpende vulnera mea, & fatere, quàm nulli tui dolores cum meis vel conferri possint. A quo tem-

pore



pore tantum illa desiderium patiendi concepit, ut semper dicere soleret: *Aut pati, aut mori*; fatereturque, se afflictiones cum omnibus mundi thesauris non commutaturam. Hinc octodecim sibi spinas eligebat, quibus assiduo amore sponsi vellicaretur; nempe sex exteriores, puta dolores, & fatigationes corporis, famem & sitim, frigus & calorem, paupertatem sive inopiam, injurias & dedecora, persecutiones & minas. Sex interiores scilicet tristitiam, timores, scrupulos, tentationes, passionem vehementes, spiritus blasphemias. Sex Divinas videlicet impetum amoris, deliquium amoris, ignem accendentem cor, horrorem & nauseam rerum creatarum, zelum animarum, atque honoris DEI. Ob quæ omnia post mortem visa est, quasi de sepulchro exire cum cruce pulchra & eleganti arte facta velut symbolo patientiæ. *Aliud. S. Mag-* *In vita ejus*  
*dalena de Paz* amplius & amplius siciens particeps fieri passionem Christi, petiit sæpe ab eodem hanc gratiam sibi concedi, in quo exaudita non tantum facta est particeps Christi dolorum in suo agone, & stigmatum impressione, verum etiam in extasim raptam per viginti sex horas totius passionis Christi, ab eo tempore quo valedixit suæ Virgini Matri usque ad mortem expressit externè in seipsa historiam, ordinem, ita ut simul cum Christo v. g. fuerit in agonia in horto, flagellaretur, crucem bajularet, crucifigeretur, penderet in cruce, agonizaret, per omnia sustinens amaræ passionis acerbiter, dolorumque atrocitatem ad similitudinem Christi patientis: Ejusdem S. Magdalene in atrocissimis tribulationibus, tentationibusque sæpe iterata hæc verba fuere: *Pati, non mori.* *Collector.*

*Exempla profana.* De Socrate sic scribit Seneca: Si exemplum desideratis, accipite Socratem per omnia aspera jactatum, invictum fame & paupertate, quam graviores illi domesticæ onera faciebant, & laboribus, quos militares quoque pertulit, & quibus ille domi exercitus. Sive uxorem ejus spectes, moribus feram, linguâ petulantem, sive liberos indociles, & Matri quam Patri similiores. Sic ferè in bello fuit, aut in tyrannide, aut in libertate bellis & tyrannis faviore. Viginti septem annis pugnatum est: post finita arma triginta Tyrannis

*Epist. 104.*



nis noxæ dedita est civitas, ex quibus plerique inimici erant, post hæc carcer & venenum. Hæc usque eo animum Socratis non moverunt, ut nè vultum quidem moverit. Non hilarem quisquam, non tristiores vidit Socratem, æqualis in *Plutarchus* in tanta inæqualitate fortunæ. Aliud. Pueri apud Lacedæmonios in ara Dianæ, cui ab indejicibili virtute cognomen Orthiæ, flagellis quor annis stato festo ex more totum diem cædebantur, itaque frequenter durabant ad mortem usque hilares ac læti, concertantes inter se de victoria, quis ipsorum, diutissime fortissimequè toleraret verbera. Unde nec gemitum, nec vocem dabant, nec scapulas aut corpus contrahabant, tantum ut victoriæ hujus nomen & decus obtinerent.

## PUNCTUM IV.

*In c. 5. Judith* **P**raxi disponendi se ad exercitium patientiæ in tribulationibus est. Imò. Removere ejus impedimenta, quorum unum est. Opinio falsa de tribulatione, ex qua magis tribulationis metu quàm re cruciamur. Teste enim Didaco de Celdada gravissimum genus tormenti, est metus tormenti: plus aliquando torquet opinione quàm re. Nam res semel toleratur, metus calamitatem amplificat & multiplicat, & ferit anticipato vulnere, toties réperito, quoties subit ejus memoria.

*S. Greg. 31. lib. Moral.*

2dò. Est deponere affectum inordinatum erga res creatas: nam teste S. Gregorio sinè dolore amittitur, quidquid sinè amore possidetur. Quæ verò ardens diligimus habita, graviter suspiramus ablata.

*Ecccl. 2.*

3tò. Considerare, esse hanc viam ordinariam nempe crucis ad Cælum. Unde *Ecccl.* dicit: Fili accedens ad servitutem DEI, sta in justitia & timore, & præpara animam ad tentationem. Et *Christus*: Arcta via est quæ ducit ad vitam.

*Matth. 7.*

4tò. Voluntatem DEI esse quæ immitit tribulationes ob varios fines nobis, proximisque utilisimos, tum gloriæ DEI & Sanctorum servientes. Hinc S. David inquit: obmutui & non aperui os meum, quoniam tu fecisti.

*Psal. 38.*



5to. *Prævidere futuras angustias*: quia teste S. Gregorio: *S. Greg. hom.*  
Minus jacula feriunt, quæ prævidentur; & nos tolerabilius 35. *Evang.*  
mundi mala suscipimus, si contra hæc per præscientiæ cly-  
peum munimur.

6to. *Considerare æterna mala, & perennia bona*: quia illa  
per patientiam evitantur; hæc acquiruntur: proponere sibi  
exemplum Christi, & tot milliones patientium in omni statu,  
sexu, ætate & dicere; Posuerunt hi & hæc, cur & non ego?  
sed amor DEI superat omnia, qui etiam delectabiles facit do-  
lores & tribulationes.

7to. *Confortare se frequentius SSmo. Eucharistiæ Sacra-*  
mento, qui est cibus fortium. Et *Psal.* Parasti in conspectu *Psal. 22.*  
meo mentem adversus eos qui tribulant me.

8to. *Oratione & fiduciâ ad DEI auxilium recurrere*, qui non permittit tentari plus, quàm sustinere potest ho-  
mo, sed cum tentatione facit proventum.

9to. *Scire quarundam quæstionum resolutiones ex P.*  
*Lohner.* *Prima est*, cur DEUS famulos suos, quò fidelius eiser-  
viunt, quoque plura pro ipsius gloria agunt, & patiuntur, *Biblioth.*  
eò pluribus persecutionibus & tribulationibus obnoxios esse si- *Manu. tit. Pa-*  
nat? Sic enim plerumque fieri testatus est, imprimis S. Grego- *tient.*  
rius his verbis: Ego fidenter dico, quia minus piè vivis, si *S. Greg. lib. 6*  
minus persecutiones pateris. Testatus est 2. S. Macarius di- *Epist. 17.*  
cens: Viri Divini præparare se debent ad certamen & prælium. *S. Macar.*  
Ea enim est Christianæ Religionis via, ut ubi est Spiritus S. *hom. 15.*  
ibi statim sequatur conflictus & persecutio. Vides Prophetas,  
quorum pacto cum contribulibus suis persecutionem passi sunt,  
in quibus tamen Spiritus operabatur. Vides, quomodo Do-  
minus non ab alia gente, sed à suis persecutione affectus est,  
nempe à propria tribu Israel, à qua etiam cruci est affixus. Ita-  
dem & Apostoli. Itaque statim à cruce transivit Spiritus Pa-  
raclesus, & migravit ad Christianos. Testatus est S. Ignatius, *Riba: in vita*  
qui Parisiis operam dans, & à quodam quæsitus, cur omnia ei *lib. 2. c. 2.*  
tunc prosperè fluerent? respondit: Me tacente tacent alii:  
Quiescente quiescunt: Ubi me commovero, invida continuo  
tempestas exorietur, ejusque fluctibus exagitor. Testata est  
S. The-



*Mens. 7. c. 4. S.* Theresia dicens: Semper observatum est, eos qui Christo  
*apud Lanc. O-* Domino viciniore & propiores fuere, plus aliis laboribus &  
*puse. 9. c. 1.* adversis lancinatos, & divexatos esse. *Ad hanc ergo questionem*  
*n. 13.* geminas hujus rei esse causas. *Prima est Amor DEI erga hujus-*  
*modi Personas.* Ita testatus est ipse Christus S. Brigittæ di-

*Lib. 3. revel.* cenis: Amici mei tribulantur in hoc mundo, aut ad minus sup-  
*c. 19. in addit.* plicium in futuro, aut ad majorem coronam in celo. Nam  
 Petrus & Paulus pro justitia mortui sunt, sed Petrus  
 amariùs Paulo; quia plus dilexit carnem Paulo; & quia  
 Ecclesiæ meæ accepit primatum, debuit & se mihi majore mor-  
 te confirmare. Paulus verò, quia plus dilexit continentiam,  
 quia plus laboravit, tanquam miles egregius, gladium obtinuit.  
*Lib. 4. Revel.* Sed & alias eidem de quodam Episcopo dixit: Propterea quia  
*c. 92.* amicus meus est, & eum intimè diligo, ideo quasi amico la-  
 boriosius onus impono. Idem testatus est Angelus eidem Bri-

*S. 16. Angelic.* gittæ de B. Virgine dicens: Congruè S. Virgo nuncupari po-  
 test florens rosa, nam sicut rosa crescere solet inter spinas, ita  
 hæc venerabilis Virgo in hoc mundo crevit inter tribulationes,  
 & quemadmodum quantò rosa se in crescendo plus dilatat, tan-  
 tò fortior & acutior spina efficitur, ita & hæc electissima rosa  
 MARIA, quantò plus ætate crescebat tantò fortiorum tribu-  
 lationum spinis pungebatur. Cum autem ad illam ætatem  
 ipsa pervenit; quâ Filius DEI factus est Filius suus, tunc ple-  
 nissima illa rosa in sua pulchritudine magis dilatasi ac crescere  
 videbatur, ac tribulationum spinæ ipsam acriter stimulantem,  
 fortiores & acutiores quotidie efficiebantur. Testata id ipsum

*Vite p. 4. c. 24.* est B. Maria Magdalena de Pazzis, dum Christum allocuta di-  
 xit: Permittis ò Verbum daemones configere cum servis tuis,  
 eos ut facias gloriosiores; & quantò majorem gratiam dare  
 vis, & majus lumen ad te cognoscendum, tantò magis fabri-  
 cas fornaces & ignes, in quibus purgentur corda adinstar au-  
 ri, & appareant illorum virtutes tanquam lapides digni & pre-  
 tiosi. Hinc jam olim Ethnici idem de suis Dijs quoque sen-  
 serunt, ut Seneca his verbis testatur: Hanc rationem Dij se-  
 quuntur in bonis viris, quàm in discipulis suis Præceptores,  
 qui plus laboris exigunt ab his, in quibus certior spes est. Di-  
 cant ergò ipsi; Digni visi sumus DEO, in quibus experiretur, quan-

*Seneca lib. de*  
*Proverb.*



quantum natura humana posset pati: Optimi milites ad durissima mittuntur. *Secunda causa est odium diaboli erga eosdem iustos: Quod tribus ex causis concipit. Quia per illos magis glorificatur DEUS, cuius proinde gloriam in ipsis daemones imminuere cupiunt. Ità S. Laurentius Justinianus indicavit dicens: Præmonebat milites suos Christus ad persecutionum tolerantiam, nè imparati ad certamen accederent; Sciebat quippe semper Iustis bella ab humani generis adversario commoveri, quæ non tantum adversus homines, qui invisibiliter infestantur, verum etiam contra hominum Conditorum concitari noscuntur, non tamen ut invincibilis debelletur, sed ut ipsius gloriæ in hominibus denigretur. Bacchatur itaque adversum iustos, per quos utcumque Divina proficiscitur laus, quatenus ex laudantium perditione magnificentiam diminuat laudati. Quia hos meritis & virtutibus abundare videns invidet, ideoque spoliare conatur. Quam causam S. Chrysostomus indicavit his verbis. In tempore virtutis perfectæ, tunc diabolus spirat vehementius. Et quemadmodum Piratæ, qui mare navigiis infestant, non tunc ubi conspexerint navem, de portu exeuntem invadunt (quid enim hinc fructus caperent, si scapham inanem demergerent) sed ubi redierit onusta, plenaquæ sarcinis, tunc demum omnes experiuntur artes; ità sceleratus ille dæmon simul atque viderit aliquos multa collegisse v. g. Jejunia, preces, eleemosynam, castitatem, reliquasque virtutes omnes, ubi videt navigium plenum esse pretiosis lapidibus, tunc irrumpit undique thesaurum perfodiens, ut in ipsis portibus ostiis scapham demergat, jamquæ nudos ad eum portum ejiciat. Quia per iustos regnum & potestas sathanae maxime imminuitur; nam ut rectè idem S. Chrysostomus ait: Nunquam magis furit & favit scelestus ille dæmon, quam cum ex suis vasibus & instrumentis multa videt diripi. Non est ejus qui parva gesit & mala, malam illam bestiam irritare. Quamobrem quando videris virum iustum magna & præclara gerere, & mala pati innumerabilia nè mireris. Nam contra mirari oportet, si diabolus multas accipiens plagas esset quieturus & vulnera placidè toleraturus. Rectè ergo concludit S. Leo. Intel-*

Fasci amor.

c. XL

S. Chrys. hom.

3 in C. 3. I. 610.

Idem hom. 43.

in I. Cor.

Leo S. I.

Quæd.

Tut

ligamus



ligamus quanto studiosiores pro nostra salute fuerimus, tanto nos vehementius ab adversariis impetendos.

*Altera questio: An perfectionis studium admittat defensionem sui contra calumnias, fallas accusationes & testimonia? contrarium quippe suadere videntur tum Christi & Sanctorum Exempla, nunquam se etiam in periculo gravissimorum malorum incurrendorum, defendentium: tum SS. Patrum passim id dissuadentium consilium. Excitabit, inquit S. Teresa, Divina Majestas aliquem, qui verum Patronum vobis tacentibus aget, sed vos hujus rei recordari nollem, sed gaudere quod culpemini. Quod si vos non defenderit, certum est id minime opus esse. Ad hanc questionem respondeat per duas resolutiones. Prior est, esse omnino licitam, imò & sub præcepto adhibendam defensionem sui, vel informationem, vel excusationem, quando silentium vel in infamiam tertii cederet, vel in scandalum aut ruinam aliorum, aut superior rei veritatem exquireret: nam libertas loquendi, quâ justî viri pro justitia sua usi sunt, teste S. Isidorus lib. 2. Ep. 279. Isidoro Pelusiotâ non à fastu & arrogantia, sed necessitate nata est. Hæc enim nē justè incommodis affici viderentur, hujusmodi voces expresit; ut tamen securius transigatur hæc defensio, & nē amor proprius & cupiditas excellentiæ, quæ ut docent Sancti origine, & peccato prima, in conflictu ultima est, nos decipiat, rectè quis faciet, si se præmissâ precatione in æquilibrio constituat, & tum vel à superiore, vel confessorio, vel alio prudente Viro Consilium petat. Posterior resolutio est, extra dictos casus plerumque esse omittendam sui defensionem, maxime cum, teste Lancizio experientia probet, multis non profuisse excusationes, nec officiorum publice obeundorum cursum, & successum, nec animarum lucra impedivisse.*

*Tertia questio est: An saltem, sine perfectionis præjudicio licitum sit, à DEO defensionem & auxilium petere; uti Ecclesiæ & magnorum virorum exempla suadere videntur? ad quam respondeat cum Lancizio triplicis generis esse tribulationes & cruces. 1. Communes quæ concernunt totam Ecclesiam, vel aliam communitatem. 2. Aliæ privatæ quidem*



quidem veruntamen nisi avertantur in dampnum communitatis cessurae. 3. Privatae & Personales, quae nulli alteri quam ipsi patienti praedictum aut damnum afferunt: & in prioribus quidem duabus tribulationibus recte à DEO auxilium peti, uti allata exempla probant; secus verò posterioribus: in his enim perfectio suadet, non petere à DEO levamentum ut plus patientiae exerceatur; si minus levaminis extrinsecus offeratur. Quam ob causam S. Teresa commendat unam ex Monialibus Lib. fund. c. II. suis Beatricem Dignesium dicere solitam, insignem quandam rusticitatem fore, in doloribus, quos Dominus ei immitteret, alleviamentum quaerere.

Imò. Exercere se in Actibus Patientiae patienter, libenter, ferventer, cum gratiarum actione DEO, juxta supra dicta tum hic, tum alibi. 1. 2. tra. 1. c. 1. sec. 4. subs. 2.

### Actus interni Patientiae

p. 2.

**S**i oportuit te Christe pati, & ita intrare in gloriam tuam: quo pacto ego in illam intrabo, nisi viâ regiae Sanctae crucis?

II. Cognovi Domine quia equitas Judicia tua, & in veritate tua humiliasti me.

III. Opto potius cunctos inferni cruciatus tolerare, quam tuam justitiam violare.

IV. Iram tuam Domine portabo, quoniam peccavi tibi: quod si bona suscepi de manu tua, quare mala non sustinebo?

V. In omni adversitate te bone JESU recogitabo, quia talens pro me sustinuisti adversus te ipsum contradictionem.

VI. Utinam dignus sim gaudenter cum Apostolis tuis contumeliam, pauperiem, & quidquid volueris, pati pro nomine tuo.

VII. Quidquid laboris mihi unquam acciderit id propter Te Domine patienter feram. Si tentationibus exercear: si moeror importunus ingruat, si morbi, si dolores, si quævis tormenta contingant, omnia te juvante fortiter tolerabo.

VIII. Absit à me Domine, ut animum despondeam à Christiana perfectione comparanda: omnes enim difficultates Te Duce saperabo, & in DEO meo transgrediar murum.

IX. Absit à me, ut amore vite, vel timore mortis à virtutis proposito desistam. Et si me oporteret universis mundi miseris, & calamitatibus obrui, nunquam à te recedam.

X. Im-



X. Imprime fortissime DEUS robur magnum cordi meo; cupio enim Te sequi per omnem afflictionem & desolationem internam & externam.

XI. Ut fumentum factus sum apud Te Domine DEUS meus; Tu nôsti onus meum quale sit, da mihi illud patienter ferre, ut per crucces extollar ad Te.

XII. Offero me Tibi Domine, paratum ad omnia mala æquanimiter, hilariter, ac sine ulla prorsus querimonia sustinenda.

XIII. O! si Patientiam S. Job assequi possem, & Constantiam Sanctorum Martyrum.

XIV. Utinam dignus essem Martyrium pro Te subire Domine virtus mea, & firmamentum meum. Utinam pro Te vivus combarer: utinam affari cum Laurentio mererer.

XV. Da mihi Domine disciplinam, ut non auferas misericordiam; cede contumacem, ut reddas mihi promissam hereditatem. Auge tormenta, sed auge patientiam.

#### *Actus externi Patientiæ.*

Ex P. Lobner Biblioth. Manual. tit. Patientia

Lib. 6. revel.  
165.

1. Suis peccatis imputare, quæ quis patitur. Ità Christus S. Brigittam docuit dicens: Si quis vituperatur, non contristetur, sed respondeat sic: Dignum est, quia toties in conspectu Domini peccavi, & non poenitui, majoribus enim afflictionibus digna sum. Ideo rogate pro me ut tolerando opprobria temporalia, fugiam sempiterna. Hinc rectè S. Laurentius Justinianus, Aumilis, ait, semper arbitrat, se deteriora mereri, quàm patiatur; quamobrem patienter aspera sustinet, gratias in tentationibus agit. Nec valet quis humano explicare ingenio, quantæ sit utilitatis, quanti meriti, & quàm sit DEO gratum, non altum sapere, tribulationes irruentes perferre fortiter, illatas contumelias tranquillâ mente pati, & humiliter adversantia quæque propriis peccatis adscribere.

2. Silere cum aliquod vel à DEO, vel proximo malum inferatur. Ità S. David suo exemplo docuit dicens: Obmutui & non aperui os meum, quia tu fecisti. Plena certè teste S. Laurentio Justiniano, victoria est, ad contumeliam acclamanti non respondere

Psal. 38. v. 10.

S. Laur. Just.

o. 4. de patient.



spondere, & tacere eo provocante. Nam sicut nihil est deformius, quàm respondere furiosis: ita nihil utilius, quàm tacere nobis provocatus. Imò ut quidam antiquorum Patrum dixit: *Lanciz. Opusc. 9. n. 165.* Omnis labor quicumque evenerit tibi, taciturnitate superabitur. Christus teste S. Ambrosio calumniis appetitus silentium detulit triumphale. Quare & tu semel pro semper hoc accipe: Pati-endo aliquod malum immissum à DEO vel permissum per quamcunque creaturam, file, nihil conqueraris (ita effugies innumeros defectus, & detrimentum meriti) sed procide ad pedes Crucifixi JESU, ipsi effunde dolorem tuum, fateri te majoribus malis dignum esse, gratias age quod te dignum fecerit similitudinis suæ & coronæ patientiæ, ora pro adversariis, ora pro majori Cruce simul & amorosa patientiâ, offer in unione dolorum Christi tuam Crucem ad DEI & suorum gloriam, tuamque salutem &c. Hæc est summarum in patientia: alioquin nunquam veram pacem & lætitiâ in hac vita habebis.

Collector.

3. *Non se excusare.* Magnum enim ut S. Teresa aiebat *In itinere: per-humilitatis argumentum est, videre immeritò, & innocentes fest. c. 15.* nos damnari, & filere. Quod qui faciat, nã ille Dominum DEum egregiè imitatur. Licet enim id nobis peccatum sit, cujus insimulamur, nunquam ita tamen omnis culpæ expertes sumus, sicut bonus DEus erat.

4. *A lacrymis abstinere.* Ita Christus Susonem docuit, *Vit. c. 47.* dum ipsum propter dicta & irrisiones aliorum flentem corripuit his verbis: Prò pudor! visnè in sceminæ morem lacrymari? certò tibi ipsi apud omnes cæli cives ignominia notam inures. Terge oculos, & hilarem vultum exhibe, ut neque demones, neque homines animadvertant, afflictionis causate plorare.

5. *Non discedere à locis & personis, à quibus quis patitur.* *Lib. 5. Libell. 7. n. 32.* Ità olim antiqui Patres suadebant dicentes: Si tibi contigerit tentatio in loco, in quo habitas, non deferas locum in tempore tentationis, quia si deserueris, quocunque perrexeris ante te invenies, quod fugiebas: sed patiens esto donec tentatio transeat, nè discessio tua aliis scandalum faciat: & nè fortè aliis qui



qui circa ipsum locum habitant, tribulationem ingerat discessio tua. Quam doctrinam studiosè Socii S. Francisci observabant, utpote quos amor Evangelicus adeò patientes fecerat, ut quærerent potius ibi esse, ubi persecutionem paterentur in corpore, quàm ubi cognitâ eorum sanctitate mundano possent gaudere favore.

Lib. 2. Vit. c. 11.

6. Non petere, ut auferatur tribulatio. Sic Sancta Catharina Senensis, cùm esset iniquè accusata & infamata, quasi impura Virginitatis jacturam fecisset, & hanc ipsam suam infamiam Christo offerret, non petiit, ut innocentiam suam declararet, sed tantùm, nè à dæmone superaretur, & à Divino obsequio abstraheretur.

7. Adversarium qui videtur causa mali velut singularem Benefactorem agnoscere; ideoque. 1. Excusare juxta illud S. Bernardi monitum: Excusa intentionem, si opus non potes; puta ignorantiam, puta subreptionem, puta casum. Ità sanè S. Ignatius fecit, qui omnia, quæ fiebant, usque adeò bene interpretabatur, ut natum domi proverbium fuerit: Interpretationes Patris.

S. Bern. Ser. 40.

1. Cor. 4. v. 12.

S. Ambro. lib. 2. Offi. c. 7.

2. Offi. c. 7.

Lib. 4. revel. re: c. 124.

S. Chrysost. 1. de Laud. DEI.

Lib. 4. revel. re: c. 124.

S. Chrysost. 1. de Laud. DEI.

Lib. 4. revel. re: c. 124.

S. Chrysost. 1. de Laud. DEI.

Lib. 4. revel. re: c. 124.

S. Chrysost. 1. de Laud. DEI.

Lib. 4. revel. re: c. 124.

S. Chrysost. 1. de Laud. DEI.

Lib. 4. revel. re: c. 124.

S. Chrysost. 1. de Laud. DEI.

Lib. 4. revel. re: c. 124.

S. Chrysost. 1. de Laud. DEI.

Lib. 4. revel. re: c. 124.

S. Chrysost. 1. de Laud. DEI.

Lib. 4. revel. re: c. 124.

S. Chrysost. 1. de Laud. DEI.

Lib. 4. revel. re: c. 124.

S. Chrysost. 1. de Laud. DEI.

Lib. 4. revel. re: c. 124.

S. Chrysost. 1. de Laud. DEI.

2. Laudare illum. Juxta exemplum SS. Apostolorum: Maledicimur & benedicimus. Item S. Moyses, de quo S. Ambrosius: Quantas, ait? Moyses à populo DEI absorbebat contumelias, & cùm Dominus insolentes vindicare vellet, se tamen pro populo offerebat frequenter, ut indignationi Divinæ plebem subduceret: quàm miti sermone post injurias appellabat populum, solabatur in laboribus, deliniebat oraculis, fovebat operibus. Et quamvis cum DEO constanter loqueretur, homines tamen humiliter & gratâ appellatione affari solebat. Merito æstimatus esse supra homines, ut vultui ejus non possent intendere. 3. Orare. Nihil enim, ut S. Agnes S. Brigittæ olim dixit, est pulchrius aut acceptius DEO, quàm lædentem se diligere, & pro persequentibus orare. Hinc S. Chrysostomus hortatur: Læde te quispiam aut contumeliâ infectatus est, DEUM precare, ut mox illi reconcilietur, & parcat. Frater enim est, tuum membrum est, eodem, quo tu Patre genitus, ad eandem vocatus est mensam; dicet aliquis: at si id egero, majorem mihi in modum insultabit. Ergò & majora te & plurima manebunt præmia.



## §. I.

## De Patientia Injuriarum.

Quoniam injuria includit pleraque mala corporis, & animi, adeoque est quid genericum; tum quia ejus sustinentia humilis, accedit ad actum heroicum; igitur de ea sigillatim necesse fuit aliquid insinuare antecedenter ad sequentes paragraphos.

*Motiva pro Patientia Injuriarum. Apostolus. Jam quidem 1. Cor. 6.*  
omnino delictum est in vobis, quod judicia habetis inter vos.  
Quare non magis injuriam accipitis? Quare non magis fraudem patimini? *S. August. Epist. ad Probam.*  
Item contemptam habere, inclinato capite incedere, velum super capillos dimittere: sed verum humilem patientiam. *S. Greg. lib. ostendit injuriæ. S. Gregorius: Nullus perfectus est, qui inter 20. Moral. summa proximatorum patiens non est. Qui enim æquanimiter per illud Job 30. aliena mala non tolerat, ipse sibi per impatientiam telis est, Frater sui draquia à boni plenitudine longè distat. Abel quippe renuit esse, quem Cain malitia non exercet. Sicut in tritura paleæ grana premuntur, sic flores inter spinas prodeunt, & rola quæ re-*Joan. Chrysost. super Matth.*  
dolet, crescit cum spina quæ pungit. *S. Joannes Chrysost: In pro-*  
priis injuriis patientem esse laudabile est: injurias autem DEI *Idem ibidem.*  
disimulare impium est. *Idem: Si vindicare vis, file, & funestam adversario dedisti plagam. Idem: Nil ita confusionem,*  
facit ingerenti mala, sicut fortis tolerantia patientis, & ne- *Idem super Epist. ad Hebr.*  
que in verbo neque in opere reddere vindictam. *Idem: Magna est virtus, si non lædas à quo læsus es. Magna est fortitudo, si etiam læsus remittas. Magna est gloria, si cui potuisti nocere, parcas.) vide plura supra sub opere misericordia: Remittere offensam.* *Idem soliloq. lib. 2.**

## §. II.

## De actibus Patientiæ in perferendis Corporis malis.

Corporis mala sunt, Paupertas, Fames, Sitis, Æstus, Frigus, Nuditās, Habitatio incommoda, Labor, Morbi, Verbera, Dolores infecti, Mort.

*Motiva*



*Motiva ferendi patienter Paupertatem.*

Psal. 87.

S. Bern. *serm.* laboribus à juventute mea. S. Bernardus: Bonum mihi ait Do-  
 16. in Psal: Qui mine tribulari, dummodo ipse sis mecum, quam regnare sine  
 habitat.

Te, epulari sine Te, sine Te gloriari. Bonum in tribulatione  
 magis amplecti Te, in camino (Paupertatis) habere Te me-  
 cum, quam esse sine Te vel in calo. Quid trepidamus, quid  
 cunctamur, quid refugimus hunc caminum? sævit ignis, sed  
 Domini nobiscum est in tribulatione. Si DEUS nobiscum,  
 quis contra nos? Ut ergo Paupertas nemini noceat, illud ani-  
 mo altissimè imbibendum, omnem inopiam à DEO nobis im-  
 mitti bono nostro, ut excoquatur ad purum scoria nostra. S.  
 Job ex opulentissimo in extremam paupertatem unâ vice reda-  
 ctus, corruens in terram adoravit & dixit: Nudus egressus sum  
 de utero Matris meæ, & nudus revertar illuc. Dominus dedit,  
 Dominus abstulit, sicut Domino placuit ita factum est. Sit no-  
 men Domini benedictum.

*Motiva tolerandi Patienter Morbos.*

S. Bern. Epist.

321.

2. Cor. 12.

Ibid.

S. Bernardus. Credo autem quòd & ego Spiritum DEI  
 habeam, & consilium DEI, in hoc scio equidem, quòd in re-  
 gione habitatis infirma, & multi aliqui ex vobis laborant infir-  
 mitatibus, sed mementore quis dixerit: Libenter gloriabor in in-  
 firmitatibus meis, ut inhabitet in me virtus Christi. Et: cum infirmor  
 inquit tunc fortior sum. Compatior utique, & multum ego  
 compatior infirmitati corporum, sed timenda multò magis am-  
 pliusquè cavenda animarum infirmitas. Propterea minimè  
 competit religioni vestræ medicinas quærere corporales, sed  
 nec saluti expedit. Nam de vilibus quidem herbis, & quæ  
 pauperes deceant, interdum aliquid sumere, tolerabile est, &  
 hoc aliquando fieri solet. At verò species emere, quærere  
 medicos, accipere potiones religioni indecens est, & contra-  
 rium puritati: maximequè Ordinis nostri, nec honestati con-  
 gruit, nec puritati. Hæc enim omnia gentes inquirunt. Sci-  
 mus autem, quia qui in carne vivunt, DEO placere non pos-  
 sunt. Spiritualia proinde spiritualibus procuranda, & quaren-  
 da potio humilitatis, & clamandum in toto corde: Sana ani-  
 mam



nam meam Domine, quia peccavi tibi. Huic sanitati Fratres dilectissimi operam date: hanc sectamini, hanc servate, quia vana salus hominis. *S. Augustinus*: Quis non ægrotat in hac vita, quis non longum langvorem trahit? Nasci hic in corpore mortali, incipere ægrotare est. *S. Ambrosius*: Infirmitas corporis, sobrietas mentis est, infirmitas virtutum officina est. *S. Gregorius*: Divinâ dispensatione agitur, ut prolixiora vitia, ægritudo prolixior exurat. Christum aspice crucifixum, virum dolorum & scientem infirmitatem: Verè enim langvores nostros ipse tulit, & dolores nostros ipse portavit. Apostolus de seipso ait: Cùm infirmor, tunc potens sum. *Idem*: Virtus in infirmitate perficitur. *S. Augustinus*: Tus si laboras, pulmone deficis, cibum stomachus respuit, phthisi decoqueris, vinum fastidis, dissenteria lauciaris, multimodo morborum genere afficeris: sed & hæc, si oculum habes, si cordatus es, DEI tora sunt; disciplinam Patris nè abjicias fili &c.

§. III.

De Actibus Patientiæ in perferendis animalis.

**H**ujusmodi mala sunt: *Solicitude & cura, timor, moeror, tentationum impetus, anxietas scrupulorum, morsus conscientiae, ariditas & desolatio mentis, contemptus, contumeliae, irrisiones, detractio- nes.*

*Pro Patientia in malis verborum.*

*S. Gregorius*: Qualis quisque apud se latet, contumelia illata probet. *Idem*: Tunc illata convitia bene toleramus, cum in secreto mentis ad mala perpetrata recurrimus. *Le. Dial. c. 5.*  
ve quippe videbitur, quod alienâ injuriâ percutimur, dum in actione nostra conspiciamus, quia pejus est supplicium, quod meremur. *Idem*: Lingvas detrahentium sicut nostro studio non debemus excitare, ne ipsi pereant: ita per suam malitiam excitatas debemus æquanimiter tolerare, ut nobis meritum crescat. *Idem Lib. 30. c. 9.*  
*S. Bernardus*. Desinite ergo Fratres, desinite tam indebitis innoxios laceffere injuriis, & casis scriptitationibus inquietare, quia nec cumulatis etiam contumeliis provocari poterimus, ut  
vobis,



Matth. 5.

2. Reg. 6. 14.

S. Bern. serm.

34. in Cant.

S. Bonav. Med.

vita Chri.

c. 14.

Institu. Myst.

Lib. 2. Tract. 3.

c. 3.

vobis, nisi quod reverentiæ est, respondeamus. *Christus*: Beati estis, cum maledixerint vobis & persecuti vos fuerint, & dixerint omne malum adversum vos mentientes propter me: Gaudete & exultate, quoniam merces vestra copiosa est in cælis. 2. Reg. Sicut Angelus DEI, sic est Dominus meus Rex, ut ne benedictione vel maledictione contemptus moveatur.)) DEUS patienter fert innumeras blasphemias sui. Similiter. *Christus* æquanimiter audiebat de se dici, quod sit homo devorator, Amicus peccatorum, bibens vinum, in Belzebub Principe dæmoniorum ejiciens dæmonia, blasphemus, seductor ille S. Bernardus de David ait: vetuit prohibere maledicum convitiantem (nempe Semei) quæstum æstimans maledicta.

*Patientia in Desolatione animi, & Scrupulis.*

Quid sint scrupuli, & quomodo eis obviandum alibi visum est. Hic autem de illis agitur quatenus pertinent ad desolationem animi. Quæ quid sit, quod duplex, unde proveniat, motiva patienter tolerandi eam, quid in ea practicè agendum habes infra ex Cardinali Bona sub Discretionem Spirituum. Hic autem breviter aliqua adjicio quæ animent ad patientiam desolationis, & quæ spectant ad praxim in ea se gerendi ut decet. S. Bonaven: Qui spiritualiter vivit, non moveatur, si aliquando mente arida videtur sibi esse derelictus à DEO, cum etiam Matri DEI hoc contigerit. Non ergo mente tabescat sed diligenter eum quærat, in sacris meditationibus & operibus persistendo, & re inveniet eum. *Christus* Dominus in atrocissimo crucis supplicio constitutus privatus erat omni refrigerio & solatio in parte animæ sensibili: unde & clamabat: DEUS meus DEUS meus ut quid dereliquisti me?

R. P. *Augustinus* à S. Michaelis Carmelita hæc præclarè circa desolationem animi affert dicens: I. Quamvis anima devota sese senariat irā floccidam in devotione, irā aridam in DEI amore, vix ubum affectum experiatur ad aliquid spirituale, sed potius nauseam & aversionem, irā ut non videatur etiam se posse in aliquo humiliare, aut cor suum compungere & convertere ad ea, quæ sunt Spiritus DEI; attamen non debet hoc sibi attrahere,



trahere, sed constanti animo se resolvere ad serviendum Regi  
seculorum immortalis propriis expensis. Dum illi incidit esse  
impossibile sic perseverare in vita Spirituali, atque propterea  
ipsi ad visum repræsentantur difficultates, quæ capiti ejus im-  
minere videntur tempore diuturnæ vitæ fortè futuræ; tunc co-  
gitet jam se forsitan agere ultimum diem, imò horam vitæ suæ,  
ut aliquid boni faciat, vel amore DEI patriatur: & revera nil  
certius morte, nihil autem incertius horâ mortis: quare sibi à  
sapiente dictum putet: *quodcumque facere potest manus tua, instan-*  
*ter operare, & meritò; nam ut monet Salvator: venit nox quan-*  
*do nemo potest operari, utiliter ad salutem.* Deinde cogitet so-  
lùm de præsentis, quod tantummodo est instans temporis, &  
consequenter momentaneum & leve tribulationis præsentis:  
futura autem, utpote incerta, reputet sit non futura, & in DEO  
inadvertenter prætereat: Scriptum est enim: *sufficit diei malitia*  
*sua, absque eo, quòd molestia crastina cum intempestiva an-*  
*xietate præveniat.* Denique si nimium ad pusillanimitatem  
teneatur, concipiat animos, & dicat cum Apostolo: *omnia pos-*  
*sum in eo, qui me confortat, nihil mihi nimis arduum, nihil nimis*  
*difficile, omnia possum, non ego, sed gratia DEI mecum.*

Eccl. 9.

Joan. 9.

Matth. 6.

Philip. 4.

II. Et verò hoc potest docere experientia, nempe quòd  
anima, alioqui secundum apparentiam & sensum planè dere-  
lictâ, obtenebratâ, desolata, sicut depascere debeat collem.  
Myrrhæ in summa amaritudine animi constituta, subinde ta-  
men, & si solummodo ad momentum temporis aliquod suble-  
vamen sentiat illucescente in se per modum fulguris corruscantis,  
aliquo radio Divinæ illustrationis, ac DEO instillante unam gut-  
tulam consolationis: sicque anima à Dilecto planè subitò, &  
transeunter visitatur; non sinè desiderabili successu; hæc e-  
nim quantumvis subitanea visitatio custodit & roborat spiritum  
ejus; nè sit pusillanimis, ut recorderetur se à Dilecto non dese-  
ri, sed probari; inde etiam fit, quòd anima talem induat for-  
titudinem, ut planè sit resignata, & parata, in omnimoda de-  
relictione ac desolatione consumere omnes dies vitæ suæ, imò  
advertens DEum sibi in hoc complacere, nec non reflectens  
sele sic optimè posse exercere & ostendere suam erga DEum.

Institu: My-  
sic. Lib. 1.  
tract. 4. c. 29.



fidelitatem, incipit anhelare ad sic manendum, vel alia pro amore Dilecti usque ad extremum vitæ halitum toleranda. Tali resignatione confortata Seraphica Mater Theresia, sæpius clamabat; *Aut pati, aut mori*; sed & S. Magdalena de Pazzi in hoc spiritu fortitudinis, in hoc pro DEO patiendi desiderio plus ultra progressa dicebat: *Non mori, sed pati*, quasi voluisset diutius vivere, & æternæ beatitudinis fruitionem differre, ut amplius pati posset, quasi noluisset mori & ire ad cælum; quia ibi non datur occasio aliquid pro amore DEI patiendi.

*Institut. Myst.*

*Lib. 4. tract. 2.*

*Cap. 26.*

III. Quando DEus animam relinquit in ariditate: ita ut nec spiritum in sublimitate ponere, nec introvertere, nec aliter per fidem juvare possit, ut aliquam subtilitatem inveniat in bonis cogitationibus, vel DEum in mente habeat; tum non est consultum multum urgere spiritum, vel violentiam inferre; sed consultius omnia modestè dimittere & oculos aperire ad quævis sibi proxima & obvia, vel ad aliquam piam imaginem, vel quidpiam aliud, ut illa in DEO & DEum in illis simplici fidei oculo, aspiciat & obvium habeat, non se intrâ vel extrâ, vel suprà vertendo, sed ad id, quod est primò obvium, vel ad quævis occurrentia.

*Institut. Myst.*

*lib. 4.*

*tract. 4. c. 8.*

IV. Quando anima in oratione non specialiter agitur vel trahitur, sed potius advertit se premi multiplicitate phantasmatum vel afflictionum, vel tentationum absque eo, quòd possit subterfugere; tunc debet se accommodare, & omnia ista tranquillè tolerare, sese librando in providentia DEI, vel etiam se gerendo, quasi imbre pertusa, tempestate obruta, urenti boreâ concussa, vel tumultu populari foret inquietata, nec sciret remedium contra omnia ista, ac proinde imprudenter faceret, si in istis se turbaret vel irasceretur, eò quòd in his omnibus non possit esse sinè auditu, sinè sensu, sinè perceptione.

Quocirca omnino præstat in tali constitutione habere patientiam, & servare tranquillitatem mentis, omnia modestè sufferendo, quàm diu DEO visum fuerit; conando tamen interea servare advertentiam, undè veniat ventus, & oculum aper-



apertum ad orientem, dico ad Deum habere ut de manu ejus omnia suscipiat, & in ipsum omnia demergat animo constanti, tranquillo, quieto, imò lætabundo; atque hoc modo in oratione neque est anxietas, nec difficultas, nec violentia, uti nec in aliis exercitiis, utpote cùm ad omnia magis se habeat passivè, vel permissivè: quæ permissio nihil aliud est, quàm tranquillæ tolerantia cum intuitu reverentiali ad DEum; quasi sic deberet esse, nec ipse aliter posset se habere.

Ut anima in his cum majori tranquillitate possit manere, & consequenter in oratione, etiam longo tempore sinè tædio perseverare, sinè læsione cerebri vel dolore capitis, plurimùm juvat cor humile: dum scilicet anima per continuam sui annihilationem, seu exinanitionem eò devenit, ut nè quidem semel cogitet de re aliqua prætendenda extra DEum essentialiter, nec aliud desideret præter Essentiam DEI; quin potius ei adhuc nimium videatur minimum, quod DEI Bonitas ei dignatur impendere; imò per essentialem, seu in gradu perfectò requisitam humilitatem, non ampliùs reflectit, an sic vel aliter tecum agatur, sed sese totaliter committit Divinæ clementiæ; sicut aliquis pauperulus in palatio toleratus facile contentatur iis, quæ ei dantur; cùm ei adhuc videatur nimis favor, quòd ibi sinè ullo suo merito toleretur ex mera gratia.

V. Sponsus cælestis gaudet videre, quòd anima devota sit timida, verecunda, & sibi ipsi inter homines non multùm fidat, nec internis suis illustrationibus nimium innitatur &c: ità ut non nisi invita & necessitate compulsa sese ad creaturas extravertat; nec eis cum aliquo affectu adhæsivo utatur. Si dilectus tempore internæ caliginis, eam accedat, & illa timens decipi, eum audire renuat, ejusquè alloquium, & blanda verba primâ fronte suspecta habeat: id ipse non malè capit, sed lætatur in dilecta sua tantam reperire circumspeditionem: sic jucundabatur Christus Salvator noster, dum frequenter apparere solitus Sanctæ Theresiæ ab eadem repellebatur aliquando & conspuebatur, de mandato Confessarii ipsius, qui apparitiones istas suspectas habebat; siquidem Christus eam laudabat; eò quòd tutius & securiùs æstimeret Confessarii obedientiam



dientiam in hoc sequi, quàm manere sine timore deceptionis in his Divinis visitationibus & visionibus; simili modo nostra Magdalena Pazziana sæpe metuebat, decipi in plurimis, iisque singularibus, quibus à DEO præveniebatur prærogativis gratiarum, raptibus, extasibus &c: ideoque non semper sequebatur internum tractum, neque etiam expressiora quædam sibi à Christo facta mandata, quando obedientia superiorum vel in minimo erat contraria; nam sæpe erat in caligine mentis, & ariditate spiritus à DEO relicta; atque ideo opus habebat adminiculo seu baculo obedientiæ, nè celsitaret, vel erraret in aperiendo cordis sui ostio tempore inopportuno, alteri quàm Dilecto, ideo dicere solebat, *se plus æstimare guttulam obedientiæ, quàm integrum mare contemplationum sine securitate obedientiæ.*

*Institu. Myst.*

*Lib. I. tract. 4.*

*c. 27.*

*Cant. 3.*

VI. Anima desolata magis confidens, quòd per adjutorium superiorum & Patrum spiritualium facilius Dilectum inveniet, ad eos pergit; unde subdit: *invenerunt me vigiles, qui custodiunt civitatem, & dixi illis, num quem diligit anima mea, vidistis?* hi possent illi respondere, an nescis, quia fides docet, quòd Dilectus tuus sit ubique locorum? nescis quòd sit in corde tuo? illa replicaret, quin imò Patres mei id novi, sed fides in me adeò est obscurata, ut in mentem incidere videatur, quasi procul abesset à me; quid ita? *quia quæsi illum & non inveni*, per aliquod perceptibile vel sensibile signum; *vocaui & non respondit mihi*, per suavem aliquam inspirationem, prout solebat; videtur procul aufugisse.

*Cant. 5.*

*Cant. 3.*

*Joan. 8.*

Hic advertere licet, quanto desiderio sponta anhelet ad Sponsum; atque hoc est signum tenerrimi ad illum amoris: illum autem subinde invenit, sequendo directionem Patrum spiritualium; unde ait: *Paululum cum pertransissem eos (puta vigiles) inveni quem diligit anima mea*; unde quæso contigit, ut tam citò inveniret? Vigiles id est superiores, quorum est custodire civitatem, seu communitatem sibi commissam, monstraverant ei viam compendiosam ad eum inveniendum, ut clarè innotescat, nihil esse, quod rectius, securius & compendiosius ad DEUM deducat, quàm directio & obedientia Superiorum; quippe qui hos sequitur, nè vel passum ponit in vanum, utpote cum per eos audiat DEUM



DEum loquentem, quem qui sequitur non ambulat in tenebris, sed habet lumen vite, ac deducetur per vias rectas: nam justum deduxit Dominus per vias rectas, & ostendit illi regnum DEI. Hæc citatus Author.

Sap. 10.

*Patientia in Tentationibus.*

Pro qua Imò. Angelus ad Tobiam: Quia acceptus eras DEO, necesse fuit ut tentatio probaret te. *Jacobus*: Omne gaudium existimate fratres mei, si in tentationes varias inciditis. *Ecclesiasticus*: Qui non est tentatus, quid scit? 2dò. Thomas à Kempis: Multi quærunt tentationes fugere, & gravius incidunt. Per solam fugam non possumus vincere, sed per patientiam & veram humilitatem omnibus hostibus efficimur fortiores. *S. Augustinus*: Profectus noster per tentationem fit, nec quisquam sibi innotescit nisi tentatus. *B. Henricus Suso*: Plerumque quando sacratiora sunt tempora & ipsi se libentius ad DEum converterent, tantò magis ipsorum afflictio augetur, ità ut nec unam quidem Orationem Dominicam, vel Angelicam salutationem absque diabolicis susurriis explere liberè possint. Unde & ipsi in quandam velut desperationem labentes, orationem à se abjiciunt, & hoc pacto sibi ipsis loquuntur. Quid putas tibi ista oratio prodest tot sordibus conspurcata? sed in hoc nimium errant & suo adversario penitus obsequuntur, cujus hoc præcipuum studium est, ut eos ab exercitiis spiritualibus repellat. Nesciunt certè quòd oratio ipsorum cum omnibus immisionibus illis, de quibus dolent optimè sapit, & verè accepta est ante conspectum Divinæ majestatis. Sæpe namquè (ut D. Gregorius ait) Mens humana adeò perturbatur, ut se ipsam eruere nesciat, in præsentì dolore & angustia constituta: sed ipsa pro eadem ante DEI oculos adversitas devotissima interpellat: ipsaquè passionis amaritudo in oculis illius resplendens, citius eum ipsi quàm alia exercitia inclinat, & velocius adesse compellit. Unde nec ullum omnino bonum opus negligendum est, nec orationes, & templi frequentatio (quæ maligno spiritui singulariter adversatur, & molesta est non minimum) unquam intermittenda. Quod enim homini de orationis puritate minuitur, hoc ei ex afflictionis molestia accedit, & satis grata est hujusmodi oratio in oculis

Tob. c. 12

Jacob. c. 1.

Ecclesiasticus. c. 34.

Thom. Kemp.

Lib. 1. de imit.

Cbri. c. 13.

S. Aug. in

Psal. 60.

V. apud Lud.

Blossum in

Consol. passill.



lis DEI. *Idem:* Considerare libet quàm suaviter & amorosè æterna Sapientia cuncta disponat; dum quod plurimum sibi nocere pleriquè angustis, tentationibusquè gravissimis pressi arbitrantur, ipsa ad summam eorum utilitatem inflectit. Magnam siquidem Purgatorii partem illa afflictio tollit, & eam patientibus impendio prodest, atquè ingens præmium adducit. Quamvis enim ipsi multorum se criminum reos arbitrentur, sed coram DEO veri, magniquè Martyres sunt, cum nulli dubium sit, longè acerbiores, huiusmodi perpetuam afflictionem, dolorem infligere, quàm uniùs carnificis ictus collo exceptus. Deniquè passionem hanc magnæ esse dilectionis indicium, prælagiumquè, tam scripturarum testimoniis, quam ipsâ veritate probatur; quippe quàm & copiosa gratia & multorum secretorum revelatio subsequuntur. Debent igitur præfati homines eam non solum patienter, sed & libenter sustinere; certi quòd brevis hæc amaritudo, & momentaneum tribulationis huius, supra modum in sublimitate æternum gloriæ pondus operetur in eis.

Matth. 4. v. 3.

3<sup>ti</sup>o. Exempla Patientiæ in tentationibus ex Bibl.

*Man. Lobner, tit. Tentat.* I. JESUS ductus est in desertum à Spiritu ut tentaretur à diabolo, & cum jejunasset quadraginta diebus, & quadraginta noctibus, postea

*Spectu. Exemp.*

esuriit. Et accedens tentator dixit ei: Si Filius DEI es, dic ut lapides isti panes fiant. II. Anachoreta quidam ab Angelo circumductus, cum supra Monasterium innumera diabolorum agmina, super portâ Civitatis verò unicum dæmonem otiosum vidisset, quærens ex Angelo causam visionis, intellexit, ideo unum totî Civitati sufficere, quòd pleriquè jam alioqui ipsi devoti & obedientes essent; Religiosos autem, cum jurati dæmonum hostes sint, integris agminibus expugnari debere, &

*Marchant.*

tamen vinci vix posse. III. Canon Alexandrinus castimonie amantissimus Sacerdos, licet de cælo animatus vocem audisset dicentem: *Tolera & persevera:* adeò tamen à tentationibus carnis imperebatur, ut locum mutandum decerneret, fecisset què nisi S. Joannes Baptista Tutelaris ejus Divus se cum his vocibus objecisset: Si aversaris pugnam, perdidisti coronam. Resumpsit ergò animos, & fortius pugnavit, feliciusquè vicit.

IV. S.



IV. S. Ephrēm in summa animi malacia ac tranquillitate DEO supplicavit, ut sibi pugnās tentationum pridem pugnatas instauraret, neque materiam meriti, ac triumphī denegaret. *S. Climac. c. 29.*

*In Praxi* ferendi patienter tentationes, easquē vincendi potissimum serviunt. I. *Principiis obstare.* Unde S. Chrysostomus: Sicut, cū primum initium duxerit, non cohibeatur ignis arida ligna corripuens, sic in immensam assurgit altitudinem. Imō ut scintilla, si fortē immensam materiam corripuerit, non antē subsistit, quā totam depascatur; Sic & peccati natura, ubi animi cogitationem aliquam adorta est, nec quisquam est qui malum restringat, procedens ulterius magis indomita efficitur. Quā utiquē ratione complures videas in omne genus peccatorum imprudentes prolapsos, quōd flammam initio exorientem non extinxerint. II. *Oratio.* Sic Christus ipse monuit dicens *Vigilate & Orate, ut non intretis in tentationem.* *Matth. 26. v. 15.* Hinc Joannes Avila dicere solebat: Tentatio ad te, tu verō ad DEū. Quemadmodum pueruli perterrefacti, statim confugiunt ad sinum Matris; sic nos, cū aliquā tentatione pulsamur, per preces confugiamus ad DEū. B. Virgo dedit S. Brigittæ tria remedia contra tentationes. Cū tentatione sordidā tentaris, dicito: JESU Fili DEI, omnium conditor adjuva me, ut in tentationibus variis non delecter. Cū verō delectat te loqui, dicito: JESU Fili DEI, qui coram Judice tacuisti, tene linguam meam, donec cogitem, quid & qualiter loquar. Cū verō delectat operari vel quiescere dicito: JESU Fili DEI, qui ligatus fuisti, rege manus & omnia membra mea, ut opēra mea tendant ad bonum finem. *Et addidit:* Quacunque tentatione tentaris in oratione, nihilominus ora, & conare ad orandum, quia desiderium & conatus bonus reputabitur pro effectu orationis. Et si sordida advenientia menti tuæ ejicere non poteris, tunc ille conatus reputabitur pro corona, modō non consentias, & sint contra voluntatem tuam. III. *Humilitas.* Sic enim S. Antonio, dum mundum torum laqueis circumdatum videns quæsiuit, quis evasurus sit? Humilis; responsum est. IV. *Virtutis contrariæ exercitium:* ita S. Ignatius suis suavit dum dixit: Antevertere oportet tentationes. *In Vitis Patrum. S. Ignatius p. 5. Constitutio. c. 2. §. 13.*



nes adhibitis earum contrariis, ut cum quis ad superbiam animadvertitur esse propensus, exerceri is debet in rebus abjectionibus, quæ ad humiliandum ipsum utiles futuræ videantur, & sic de aliis pravis animæ propensionibus.

## §. IV.

## De Actibus patientiæ in variis generibus malorum exercendis.

S. Aug. in Joan.  
hom. 158.

**S.** Augustinus: Tu bonus tolera malum: nam & Christus Judam, cum sciret furem esse, toleravit, & ad prædicandum misit, eique cum aliis Eucharistiam dedit, **S. Ambrosius:** Voluit Christus deferri, voluit prodire, voluit ab Apostolo sua tradi ut cum sis desertus à socio, proditus ab ipso, moderatè feras

**S. Greg. in** tuum errare iudicium, periisse beneficium. **S. Gregorius:** Non est perfectè bonus, nisi, qui fuerit & cum malis bonus. Bonus enim non fuit, qui malos tolerare recusavit. **Idem.** Patientia vera est, quæ & ipsum amat, quem portat. Nam tolerans

**Idem super** Ezech. hom. 7. se & odisse non est virtus mansuetudinis, sed velamentum furoris. **Idem.** Nulla sunt bona quæ agimus, si non æquanimiter proximorum mala toleramus.)) Christus Dominus secedens in desertum ad quadragesimale jejunium juxta Marcum,

**Idem super** erat ibi cum bestiis, ad quod **S. Bonavent:** inquit: In eo videtur quòd conversatur cum bestis discere humiliter conversari, etiam æquanimiter tolerare eos, qui tibi videntur aliquando

**Idem.** irrationabiliter se habere.

**Pro Patientia in subiectione & obedientia.** Psalm: Probasti nos DEUS: igne nos examinasti, sicut examinatur argentum. Induxisti nos in laqueum posuisti tribulationes in dorso nostro: imposuisti homines super capita nostra. Transivimus per ignem & aquam: & eduxisti nos in refrigerium

Psalm. 65.

Eph. c. 5.

**Pro Patientia in malis cujuscunque statûs Ecclesiastici, Religiosi, Matrimonialis &c:** Apostolus: Obsecro itaque vos ego vinctus in Domino, ut dignè ambuletis vocatione, quâ vocati estis cum omni humilitate, & mansuetudine cum patientia. **Idem:** Unusquisque, in qua vocatione vocatus est, in ea permaneat.

Reliqua



Reliqua de Patientia in quibusvis particularibus, fusius sup-  
plentur ex suprâ dictis de Patientia in generali.

## SUBSECTIO IX.

## De Oppositis Patientiæ.

**I**mò. Opponitur Pseudo-Patientia. S. Bernardus: Non bona. S. Bern. ad Patientia est, cum possis esse liber, servum (curarum in- Eugen. de Con-  
nium) te permittere fieri. Vera patientia est pati vel age-  
re, contra quod libeat, sed non præter quod liceat. S. Aug. S. Aug. lib. de  
stinus: Inde est patientia justorum vera, unde est in eis Cha- Patient. c. 17.  
ritas DEI vera, & inde est patientia iniquorum falsa, unde est  
in eis cupiditas mundi perversa.

*Philosophorum antiquorum falsa Patientia.*

Unde S. Cyprianus: Tam in illis falsa erat patientia, S. Cyprianus  
quàm & falsa sapientia. Unde enim vel sapiens esse vel pa- Sermon. de pa-  
tiens possit, qui nec sapientiam, nec patientiam DEI novit? tient.  
*Ibidem*: Si patiens ille est, qui humilis & mitis est: Philoso-  
phos autem nec humiles videmus esse, nec mites, sed sibi mul-  
tùm placentes, apparet non illic esse veram patientiam, ubi  
fit insolens affectata libertatis audacia, & exerti ac seminudi  
pectoris inverecunda jactantia.

*Falsa & illorum Patientia* de quibus S. Augustinus: In illis S. Aug. lib.  
autem qui mala sustinent, ut mala faciant, nec miranda nec laudan- de Patient. c.  
da patientia, quia nulla est sed miranda duritia. *Ibidem*: Cum ergò s. c. 6.  
videris quenquam patienter aliquid pati, noli continuò lauda-  
re patientiam, quam non ostendit, nisi causa patiendi. Quan-  
do illa bona est, tunc illa vera est,

2<sup>da</sup>. Opponitur Impatientia. Proverb: Impatiens opera- Prov. 14.  
bitur stultitiam. *Ibidem*: Qui impatiens est, exultat stultitiam Ibid. c. 19.  
suam. *Ibidem*: Qui impatiens est, sustinebat damnum, & cum  
rapuerit aliud apponet. Eccl: Væ his qui perdiderunt susti- Eccl. 2.  
nenciam. S. Gregorius: Tribus modis virtus patientiæ exer-

Xxx 2

ceri  
S. Greg. in  
hom. 35. super  
Evang.



ceri solet: alia namque sunt, quæ à DEO, alia quæ ab antiquo adversario, alia quæ à proximo sustinemus: A proximo namque persecutiones, damna, & contumelias sustinemus; ab antiquo autem adversario tentamenta, à DEO flagella toleramus. Sed in his omnibus modis vigilantì oculo semetipsum debet mens circumspicere, nè contra mala proximi protrahatur ad retributionem mali: nè contra tentamenta adversarii seducatur ad delectationem, vel consensum delicti: nè contra flagella opificis proruat ad excessum murmurationis.

*S. Isid. lib. 4. de summo bono* *S. Isidorus:* Discat non murmurare, qui mala patitur, & si ignorat, cur mala patitur, per hoc se iuste pati arbitretur, quia ab illo iudicatur, cuius nunquam

*S. Bern. Serm. 1. de fallacia & brevitatē vite presentis* *S. Bernardus:* Momentaneum, inquit, hoc & leve tribulationis nostræ supra modum in sublimitate æterni gloriæ pondus operatur in nobis. Perge ergo murmurare & dicere: longum est, grave est, non possum tam immania, & tam diuturna portare; Apostolus momentaneum & leve perhibet esse quod tolerat; & certè necdum à Judæis quinquies quadragenas, unâ minus accepisti, necdum nocte ac die in profundo maris fuisti, necdum plus omnibus laborasti, postremo necdum usquē ad sanguinem restitisti. Vide ergo quàm non sunt condignæ ad gloriā passiones. Quod tribulationis est, momentaneum est & leve! quod gloriæ æternum est, & pondus etiam supra modum in sublimitate. Quid incertum tibi dies & annos numeras? transit hora, transit & poena, & accedunt sibi, sed cedunt potius & succedunt. Non sic gloria, non sic remuneratio, non sic merces ipsa laboris: nescit vicissitudinem, nescit finem, manet tota simul, & manet in-

*Idem Serm. 3. in festo SS. Petri & Pauli.* æternum. *Idem:* Væ tibi! qui post lapsum fortiozem te nobis exhibes. Ut quid tam rigidus es in tuam perniciem? inclinare potius, ut melius erigaris, & nè prohibeas frangi quod distortum est, ut possit melius solidari. Quid indignaris increpanti gallo? tibi potius indignare. Pluviam voluntariam (ait Psalmista) segregabis DEus hereditati tuæ, & infirmata est. Bona infirmitas, quæ segregatur hereditati, quæ medicum non repellit, induratos enim tanquam vas figuli in virga ferrea



ferrea conteret : & hereditas infirmata est, ait, tu verò perfectisti eam. Impatiens in adversis duplicat sibi eadem, gratiam, & consolationem Divinam perdit, offensam DEI incurrit, ejus iram ad ampliores poenas provocat, novos conscientiae cruciatus sibi comparat, nullum cæli habet sperare proemium, sibi gravis, aliis intolerabilis, Martyr diaboli in hoc, & in futuro seculo.

In Praxi cavendi impatientiam, & alia Opposita Patientiae, assume proportionatè suprà dicta.

1. 2. tra. 1. c. 1.  
sec. 4. subf. 2.  
§. 2. & 3.

### §. Unicus.

### De Impatentia Injuriarum.

**P**rov. Nè dicas reddam malum pro malo. Expecta Dominum & liberabit te. *Ibidem.* Nè dicas, quomodo fecit mihi, sic faciam ei. *Ecc.* Qui vindicari vult, à Domino inveniet vindictam.

Prov. 20.  
Prov. 74.  
Ecc. 28.

*S. Ambros.* Non mediocre est mitigare iracundiam, non inferius, quàm animo non commoveri. Hoc nostrum est, naturæ illud. *S. Chrysostomus.* Illa fulgentissima victoria est, quæ inferentem injurias patièdo superat. *S. Ambrosius.* Qui citò movetur injuriâ, facit se dignum videri contumeliâ, dum vult indignus videri.

*S. Ambro.*  
*Off. 1.*  
*S. Chrys. hom.*  
*45. in Matth.*  
*S. Ambros. de*  
*Offic. c. 6.*

## SUBSECTIO X.

### De Perseverantia.

**P**erseverantia, est specialis virtus, quâ homo in honestis operibus persistit, quantum necesse est. Dicitur; specialis virtus: quia juxta Philosoph. 2. Eth. c. 3. Virtus est circa difficile, & bonum: Et ideo ubi occurrit specialis ratio difficultatis v. g. boni, ibi est specialis virtus. Opus autem virtutis potest habere bonitatem & difficultatem ex duobus. Uno quidem modo ex ipsa specie actûs, quæ accipitur secundum rationem pro-

*D. Th. 2. 2. q.*  
*137. 4. 1.*



prii objecti. Alio modo ex ipsa diuturnitate temporis. Nam hoc ipsum, quod est diu insistere alicui difficili, specialem difficultatem habet. Et ideo diu persistere in aliquo bono, usque ad consummationem, pertinet ad specialem virtutem. Dicitur: *persistit quantum necesse est*; ubi intelligitur finis bonorum operum, ad quem perseverantia in iisdem persistere facit. Est autem duplex finis. Unus quidem qui est finis operis; alius autem qui est finis humanæ vitæ. Per se autem ad perseverantiam pertinet, ut aliquis perseveret usque ad terminum virtuosi operis, sicut quod miles perseverat usque ad finem certaminis, & magnificus usque ad consummationem operis. Sunt autem quædam virtutes, quarum actus per totam vitam debent durare, sicut fidei, spei, & charitatis, quia respiciunt ultimum finem totius vitæ, humanæ. Et ideo respectu harum virtutum, quæ sunt principales, consummatur actus perseverantiæ usque ad finem vitæ. Et secundum hoc August. accipit perseverantiam pro

*Idem 4. l. ad 2.*

*De lib. arbit. l. 4. to. 5.*

*D. Th. cit. 4. 4.*

*Idem 1. 2. q. 109. a. 10.*

actu perseverantiæ consummato. Cæterum, ut homo perseveret in bono usque ad finem vitæ indiget non modò habitualis gratiæ dono, sed etiam DEI auxilio conservantis hominem in bono usque ad finem vitæ. Quia cum liberum arbitrium de se sit vertibile, & hoc ei non tollatur per habitualement gratiam præsentis vitæ, non subest potestati liberi arbitrii etiam per gratiam reparati, ut se immobiliter in bono statuatur, licet sit in potestate ejus, quod hoc eligat. Plerumquè enim cadit in nostra potestate executio, sed non electio. Et alibi idem Angelicus Doctor inquit: Quod perseverantia tripliciter dicitur. Quandoque enim significat habitum mentis, per quem homo firmiter stat, nè removeatur ab eo, quod est secundum virtutem per tristitias irruentes, & sic se habeat perseverantia ad tristitias, sicut continentia ad concupiscentias, & delectationes ut Philos. dicit in 7. Ethic: Alio modo potest dici perseverantia habitus quidam, secundum quem homo habet propositum perseverandi in bono usque in finem. Et utraque istorum modorum perseverantia simul cum gratia infunditur, sicut & continentia & cæteræ virtutes. Alio modo dicitur perseverantia, conti-

nuario



nuatio quædam boni usque ad finem vitæ. Et ad talem perseverantiam habendam, homo in gratia constitutus, non quidem indiget aliâ aliquâ habituali gratiâ, sed Divino auxilio ipsum dirigente, & protegente contra tentationum impulsus. Et ideo postquam aliquis est justificatus per gratiam, necesse habet à DEO petere prædictum perseverantiæ donum, ut scilicet custodiatur à malo, usque ad finem vitæ: multis enim datur gratia, quibus non datur perseverare in gratia.

Porro quod hæc finalis perseverantia, sicut & prima, gratia sunt merè gratuita, pulcherrimè differit. *S. Bernardus di S. Bern. Ser. 4. cens: In quorum numero indignos nos servos nominis sui, supra Esaiam.* ipsa de qua locuti sumus constituere dignetur misericordia, quæ ab æterno est, & usque in æternum super electos, in medio quidem aliquatenus ostendens liberum arbitrium meriti, gratia principium, & finem omnino soli vendicans sibi, ut sit nobis Alpha & Omega Dominus DEus noster, & pro utroque jure clamemus: Non nobis Domine non nobis, sed nomini tuo da gloriam. *S. Thomas; ait: Constantia ad perseverantiam spectat, ita tamen quod in aliquo inter se conveniunt, & in aliquo, differunt. Et quidem conveniunt in fine: quia ad utrumque pertinet firmiter persistere in aliquo bono: Differunt autem secundum ea, quæ difficultatem afferunt ad persistendum in bono. Nam virtus perseverantiæ propriè facit firmiter persistere hominem in bono ex ipsa diuturnitate actûs: constantia autem facit firmiter persistere in bono contra difficultatem, quæ provenit ex quibuscunque aliis exterioribus impedimentis. Et ideo principalior pars fortitudinis est perseverantia, quam constantia, quia difficultas, quæ est ex diuturnitate actûs, est essentialior actui virtutis, quam illa, quæ est ex exterioribus impedimentis.*

*S. Th. 22, q.*

*37. a. 3.*

#### Gradus Constantiæ ex S. Bonaventura

*in Form. aurea de grad. virtut.*

I. Constantiæ altus gradus est, cum homo tantum unetur DEO, quod non potest induci ad aliquod malum, quod DEO displicet, nec abduci ab aliquo bono, quod DEO placet.

*Ordo graduum Constantiæ.*



cet per amissionem rerum temporalium, sicut Tobias & Mathathias. Altior, cum homo non potest cogi per mutationem membrorum, sicut illi septem, de quibus legitur in libro Machabæorum. Altissimus, cum non potest cogi per ablationem vitæ temporalis, sicut Paulus cum dicit: Non solum alligari, sed etiam mori paratus sum propter nomen Domini JESU Christi.

II. Item in altum constantiæ gradum ascendit, qui non recedit à DEO in prosperitate, sicut David. In altiore ascendit, qui non recedit à DEO in adversitate illata ab inimicis, ut Stephanus. In altissimum, qui non recedit à DEO in adversitate illata ab amicis, ut Job: qui dixit amicis: Justificationem, quam tenere cœpi, non deferam.

III. Item in alto gradu constantiæ est, qui non consentit tentationibus peccatorum carnalium, sed tamen suffert. In altiori est, qui non consentit tentationibus peccatorum spiritualium, sed tamen suffert. Unde Jacobus ait: Beatus vir qui suffert tentationem &c. In altissimo est, qui extirpat à se etiam occasiones tentationum carnalium & spiritualium peccatorum. In isto gradu fuit Christus.

IV. Item in altum gradum ascendit, qui non movetur à Sancta conversatione, vel à bono opere, vel proposito bono, irrisione, vel vituperatione ut David, cui Michol irrisit & contempsit, & improperavit, quod saltasset scurra nudus coram ancillis. In altiore, qui non movetur adulatione, vel laude histrionum, & malorum hominum. In altissimum ascendit, qui non movetur adulatione vel laude bonorum hominum.

Matth. 10.

1. Corinth.

c. 15.

1. Thess. 5.

Philip. 1.

Stimuli ad Perseverantiam in bono, sunt. *Imus.* Christus ait: Qui perseveraverit usque in finem, hic salvus erit. *Apost.* Itaque fratres mei dilecti, stabiles estote & immobiles & abundantes in omni opere Domini, semper scientes, quod labor vester non est inanis in Domino. *Idem.* Ipse autem DEUS sanctificet vos per omnia, & integer spiritus vester & anima & corpus sine querela in adventu Domini nostri JESU Christi fervetur. Fidelis est qui vocavit vos, qui etiam faciet. *Idem.* Confidens in hoc ipsum, quia qui cœpit in vobis opus bonum, perficiet usque



usque in diem JESU Christi. *Idem*: Christus verò tanquam Filius administravit domum ipsius, cujus domus nos sumus, si fiduciam & gloriam spei usque ad finem firmam retineamus. *Ibidem*: Participes enim Christi effecti sumus, si tamen initium substantiæ ejus usque ad finem firmum retinemus. *Ibidem*: In disciplina perseverare. *Apocalip*: Esto fidelis usque ad mortem, & dabo tibi coronam vitæ. *2dus*. *S. Gregorius*: Incassum quippe bonum agitur, si ante vitæ terminum deseratur; quia & frustra velociter currit, qui priusquam ad metas venerit, deficit. *S. Bernardus*: Absque perseverantia nec qui pugnat victoriam, nec palmam victor consequitur. Nutrix est ad meritum, mediatrice in præmium, soror patientiæ, constantiæ filia, amica pacis, amicitiarum nodus, unanimiæ vinculum, sanctitatis propugnaculum. Tolle perseverantiam, nec obsequium mercedem habet, nec beneficium gratiam, nec laudem gratitudo. Sola est cui æternitas redditur, vel potius quæ æternitati hominem reddit; dicente Domino: Qui perseveraverit usque in finem salvus erit. *S. Hieronymus*: Non quæruntur in Christianis initia, sed finis & perseverantia. Paulus malè cœpit, sed benè finivit; Judæ laudantur exordia, sed finis proditiōe damnatur. *3tius ab Exemplis*. *S. Bernardus* inquit: Magis DEO propinqua similitudo est, in qua animus virtutis magnitudine, summi Boni quasi gestat magnitudinem, & perseverantiæ in bona constantia, æternitatis ejus incommutabilitatem. Et hæc est similitudo intantum propria, ut non jam similitudo, sed unitas spiritus nominetur, cum sit homo unus cum DEO spiritus, non tantum virtute volendi idem, sed expressione quâdam, & unitate virtutis aliud velle non valendi. *Sequentia exempla ex Bibl. Man*: *Lobner tit. de Perseverantia*: Christus Dominus de se ipso dixit: Opus consummavi quod dedisti mihi ut faciam. Et in cruce dixit: Consummatum est. Sed & *S. Bernardus* de eo sic discurret: Descendat de cruce si Rex Israël est; imò verò quia Rex Israël est, titulum regni non deserat; cum enim salvus esse non possit, nisi qui perseveraverit usque in finem, quantum minus poterit esse Salvator? *S. Thomas*: Si de cruce descenderet, virtutem nobis

Hebr. 3.

Ibid. 3.

Ibid. 12.

Apocal. 2.

S. Gregor: in

Mor. &amp; est de

S. Bern. in

Can. in cass.

S. Bern. in

Epist. 129.

S. Hiero: lib.

1. cont. Iovin.

S. Bern. de vit.

solit.

Joan. 17. v. 4.

Joan. 19. v. 38.

S. Bern. in die

Pasch. Serm. 1.

S. Th. in Matth.

c. 27.



*S. Ambros. exhort. ad Virg.* patientiæ usque in finem non demonstrasset. Aliud: Quis fortior Paulo? quis beator? ille tamen vas electionis Dominicæ,

*Ribad. lib. 5.*

*vit. r. 9.*

non antè sibi coronam vindicavit, quàm certamen omne consummaretur, ideoquè ait: Certamen bonum certavi, cursum consummavi, fidem servavi. Aliud: S. Ignatius in rebus arduis urgendis constantissimus erat. Causæ hujus constantiæ erant, quòd antequam quidquam aggrediretur omnia circumspiciebat, & examinabat. Deinde quia multum orabat, lacrymis gratiam à DEO petens, unde sæpe voluntatem Divinam Divinitus intelligebat, non sinens se ab ea avelli. Denique quia viros peritissimos, quorum curæ res commissæ erant, consulebat. Idem, si quæ negotia in certum diem destinasset, nullâ tempestate, nullâ difficultate ab eorum expeditione ad constitutum tempus impediri se permittebat. In adeundis viris Principibus cunctas molestias alacritate mirabili devorabat: semel aditu exclusus, commodam admissionem horas ipsas quatuordecim jejunos expectabat. Si quid semel re bene perspectâ, consiliariisque adhibitis decrevisset, non facile cedebat. Hinc Julius III. festivè Principes monebat, nè cum Ignatio contenderent, nè victi vellent discedere, videlicet ob ejus in rebus agendis constantiam & fortitudinem. Aliud: Socrates morri adjudicatus pro-

*Jos. Lang. ex Polianth. fol. 246.* pter sinceram Philosophiæ professionem, ad judices conversus dixit: Equidem vos omnes singulari benevolentia complector, parendum tamen, & potius dico DEO immortalì, quàm vobis: Itaque quamdiu spirabo, & potero nunquam Philosophiæ curam abjiciam, nec vestri admonendi, more què meo adhortandi ad virtutem, quemcunque ex vobis nactus fuero.

*S. Bern. in Can. Ser. 54.* Quoad Praxim comparandi Constantiam, seu Perseverantiam in bono, facit. Imò. Humilitas & Timor DEI. Unde S. Bernardus: In veritate didici, nihil æquè efficax esse ad gratiam promerendam, retinendam, recuperandam, quàm si omni tempore coram DEO inveniaris non altum sapere, sed timere. 2dò. Consideratio Brevitatis vite, & eternitatis, tum gloriæ celestis, tum poenarum inferni. Hinc Beda inquit: DEI ineffabilis & immensa bonitas etiam hoc providit, ut laborum quidem tempus & ago-



& agonis non extenderet, nec longum faceret, aut æternum, sed breve, & ut ita dicam, momentaneum, ut in hac brevi, & exigua vita agones essent & labores, in illa verò, quæ æterna est, coronæ & proemia meritorum, ut labores quidem citò finirentur, meritorum verò proemia sinè fine durarent. SS. Theodorus & Lucius per inconstantiam tentati, semper modicum tempus prætendebant, quo adhuc tenerent perseverantiam in proposito, quousque omnino tentatio illa abscescit. 3<sup>to</sup>. Denique pro finali perseverantia obtinenda, exequere signa prædestinationis suprâ allata. Nam esse prædestinatum & mori hominem in gratia DEI, seu in illa finaliter perseverare sunt eadem in re ex parte nominis. Cæterum ex mente Angelici Doctoris, & communi sensu Theologorum, sciendum est, gratiam finalis perseverantiæ non posse mereri, posse tamen oratione impetrari, vel sibi vel aliis. Rationem alibi dat, quia ad meritum maximè de condigno gratiam & donum gratiæ aliquod concedere, est quædam obligatio iustitialis, quæ non sequitur ad orationem positam; sed quod ex motivo illius DEus tribuit, misericorditer tribuit, quale est donum finalis perseverantiæ merè gratuitum, & solius misericordiæ DEI. Quare ô homo sit tibi perpetua memoria, ut æternitatis, ita & felicitis transitus ad eam, pro quo die noctuquè misericordiam DEI, tum patrocinium DEI paræ, ac SS. Patronorum tuorum implorare non cesses. Inter alias intentiones, intentionem quoque adipiscendæ finalis perseverantiæ, seu felicitis mortis, in omnibus operibus tuis habeas, sive illa opera ex voluntate tua habeant vim impetrandi, sive ex natura sua saltè de congruo possint obtinere donum finalis perseverantiæ. Suarez Suar: de grat. docet (ut juxta promissum Christi.) Petite & dabitur vobis, & merit: lib. infallibiliter finalis perseverantia obtineatur, debere esse pro illa acquirenda perseverantem quoque orationem, non ita quasi per unum actum vel per plures in certo tempore, vel usque ad certum instans vitæ factos, impetrando perseverantiam & quasi confirmationem in gratia pro reliquo tempore vitæ, verum successive per totum vitæ tempus, quasi per partes perseverantiam impetrando. v. g. Nunc impetrando auxilium efficax ad non cadendum in presenti occasione, &

1. 2. tra. 1. c. 2.

sub spe.

U. D. Th. 1. 2.

q. 17. a. 9. &amp;

Suar: de gratia

&amp; merit. lib.

1. 2. c. 26.

Suarez Suar: de grat.

&amp; merit: lib.

1. 2. c. 38. n. 14.

Matth. 7.



post illam iterum orando & impetrando aliud auxilium ad servandum præceptum iterum recurrens, & sic consequenter semper orando, & nunquam desinendo. Et infra n. 16. Igitur perseverantia orationis in tali materia requisita est, ut non semel tantum, aut iterum fiat, sed ut toto tempore vitæ duret, & præsertim ut in occurrentibus occasionibus servandi mandata, aut vincendi tentationes, cum debita fiducia repetatur: sic enim fiet, ut procedendo ab uno actu ad alium bene operando, & convenienter orando, infallibiliter perseverantiam consequatur: Et n. 17. Ut fructus meriti de congruo certior sit (nempe ad acquirendam perseverantiam) adjungenda est semper petitio perseverantia. Et eadem ratione non solum orandum est, ut non peccemus, sed ut in oratione perseveremus: quia neque oratio, neque perseverantia in illa potest sine gratia DEI fieri, neque sine congrua vocatione sist.

Ex his collige ad donum finalis perseverantiæ infallibiliter obtinendum præter assiduam orationem, opus quoque recedere à malo & facere bonum. Quia quantum ad primum, quod juxta Cornelium à Lap: Aliqui piè viventes in morte defecerint, ideo illà tentatione victi: v. g. superbiæ, propriæ complacentiæ, odii &c: perierunt, quia ei in vita aliquando non restiterunt, ut expediebat. Deinde secundum Lessium quibusdam in poenam præteritorum peccatorum subtrahit DEUS speciales gratias, permittitque graviores tentationes, quæ multis sunt occasio ad æternam damnationem. Quoad secundum: Nam ut B. Angelæ morienti Divinitus dictum est. Necessè est hominem in morte illorum recordari, quorum in vita memor fuit. Hinc si in contritione mori desideras, debes ejus exercitium dum vivis non raro præmittere, & sic de aliis virtutibus.

Corn. à Lap.  
in quod: Com-  
ment.

Less. de perf.  
Divin. & fu-  
stia DEI c. 15.

In vita B. An-  
gela.

1. 2. tra. 1. c. 1.  
sec. 4. subf. 2.  
§. 2. & 3.  
P. Joan. à  
F. M. discip.  
Claus.

4to. Vide supradicta & hic proportionatè applica.

Interni Actus Perseverantiæ.

Clementis sine DEUS! firmis sine statuo, hinc usque ad mortem Tibi famulaturum.

Fidelis sine Domine! si per annos mille in hac vita molestissima laborandum esset, à proposito Tibi vacandi non desisterem.

Misericordis sine DEUS! absit à me, ut ob ullam adversitatem consilium mutem.

Potius



Potius amantissime Domine urime finem, quam instituto desistam.

Etsi oporteret benignissime DEUS universis mundi miseriis obrui, nunquam de alio statu cogitarem.

Utinam desideratissime Domine moriar, antequam à te recedam.

Mibi certe adhaerere tibi Domine bonum est, propterea pereun-  
ter adhaerebo.

Donec superest halitus in me, à Te non divellar.

### Actus Externi Perseverantiae.

Pericula cadendi, & in virtute perseverantiae deficiendi, sagaciter indagare, & salubribus contra illa mediis se prae-  
nire.

P. Lobner Bibl.  
Manuel. tit.  
Perseve:

Seipsum variis motivis ad perseverandum exstimulare; maximè efficaci illo, & à S. Bernardo aliisque frequenter usitato stimulo: Ad quid venisti? Item illo à S. August. usurpato: Potuerunt isti & istæ, & tu non poteris?

A lapsu, si forè per fragilitatem is contingat, citò resurgere; hoc enim, ut rectè advertunt Theologi & Ascetæ, est unum ex mediis, quibus DEUS ad prædestinationem hominis executioni mandandam utitur.

Amorem vitæ, timorem mortis, minasquæ ac promissâ generosè contemnere; ob hæc enim plerumquæ à perseverantia desleant homines.

## SUBSECTIO XI.

### De Pertinacia.

**P**ertinacia, est vitium per excessum perseverantiae adversum, quo aliquis in propria sententia perseverat plus quàm oportet: Sicut mollis minus quàm oportet; perseverans autem id quod oportet. VD. Th. 2. 2. 7.  
138. a. 2.

S. Isidorus inquit: Pertinax dicitur aliquis, qui est impudenter tenens, quasi ad omnia tenax. S. Isidor. lib.  
10. c. 15.

### Motiva cavendi Pertinaciam.

Imùm. Jacob Patriarcha moribundus filiis suis Simeon & Levi



Proverb. 3.

Isa: 21.

Cassian. col-  
lat. 16.

Idem collat. 2.  
c. 2.

S. Bern. Ser. 3.  
temp. Pasch.

Levi ob eadem in Sichem patratam ita imprecatur: Maledictus furor eorum, quia pertinax, & indignatio eorum quia dura. & dividam eos in Jacob, & dispergam in Israël. Proverb: Nè in-  
pitaris prudentiæ tuæ. Isa: Væ! qui sapientes estis in oculis  
vestris. 2dum. Cassianus. Impossibile est quenquam qui pro-  
prio fudit iudicio, diaboli illusionibus non decipi. Idem refere  
quendam Benjamin monachum pervicaciorem in servanda ra-  
tione abstinentiæ contra placita seniorum, deinde relicta eremo  
ad vomitum seculi rediisse, ruinâ suâ cunctos docens, nemi-  
nem suis definitionibus vel proprio iudicio confidentem per-  
fectionis culmen aliquando posse ascendere. S. Bernardus: Le-  
pra verò proprii consilii eo perniciosior est, quò magis occul-  
ta: & quanto plùs abundat, tantò sibi quisque sanior esse vi-  
detur. Hæc illorum est, qui zelum DEI habent, sed non  
secundùm scientiam, sequentes errorem suum, & obstinati in  
eo, ita ut nullis velint consiliis acquiescere. Hi sunt vanita-  
tis defensores, inimici pacis, charitatis expertes, vanitate tu-  
mentes, placentes sibi, & magni in oculis suis, ignorantes DEI  
iustitiam, & suam volentes constituere. Et quæ major super-  
bia, quàm ut unus homo toti Congregationi iudicium suum  
præferat, tanquam ipse solus habeat Spiritum DEI? Idolola-  
triæ scelus est non acquiescere, & quasi peccatum ariolandi re-  
pugnare. Eant nunc qui se faciunt aliis religiosiores, qui non  
sunt sicut cæteri hominum; Ecce arioli & idololatræ facti sunt;  
si tamen & ei qui dixit hoc plusquàm sibi iudicant esse creden-  
dum. Neque huic discrepat veritatis sermo quem dixit: Si Ec-  
clesiam non audierit, sit tibi sicut Ethnicus & Publicanus. Sed  
ubi poterit hæc lepra mundari nisi in Jordane? ibi mergere  
quicumque huiusmodi es, & attende quid fecerit magni Con-  
silio Angelus, quomodo Consilium postposuerit Consilio, vel  
magis voluntati mulieris unius (beatae Virginem loquor) &  
fabri pauperis, ipse est Joseph. Inventus enim in medio Do-  
ctorum audiens eos, & interrogans, quonam modo interroga-  
tus est: Fili quid fecisti nobis sic? at ille: Quid erat, inquit,  
quòd me quærebatis, nesciebatis, quia in his quæ Patris mei  
sunt, oportet me esse? At illi non intellexerunt verbum. Et  
quid



quid fecit, Verbum non capiebatur in se, descendit ita, ut esset etiam subditus illis. Quis jam non erubescat obstinatus esse in Consilio suo, quando suum Sapientia ipsa deseruit? sic mutavit Consilium suum, ut quod jam coeperat ex tunc usque ad trigessimum ætatis suæ annum prorsus non dimiserit. Nil enim ab hoc duodecimo anno de ejus doctrina vel operibus invenis usque ad annos triginta.

In Praxi facile erit pertinaciam deponere, si ejus radix evellatur, nempe vana gloria. Etenim Doctore S. Thoma: *S. Th. 4. 138.* Ideo aliquis inanis persistit in propria sententia, quia per hoc vult suam *2. ad 1.* excellentiam manifestare. Et ideo oritur ex inani gloria sicut ex causa.

Denique adhibe hęc convenienter suprà specificata.

*1. 2. tra: 1. c. 1.  
sec 4. subf. 2.  
§. 2. & 3.*

## SUBSECTIO XII

### De Mollitie.

**M**ollities, est vitium perseverantiae oppositum, quo aliquis de facili recedit à bono propter aliqua difficilia, quæ sustinere non potest. Dicitur: quo aliquis de facili &c. Molle enim dicitur, quod facile cedit tangenti. Non autem judicatur aliquid molle ex hoc, quod cedit fortiter impellenti, nam & parietes cedunt machinæ percutienti. Et ideo non reputatur aliquis mollis, si cedat aliquibus valde graviter impellentibus delectationibus, vel tristitiis. Gravius autem impellit metus periculorum, quam cupiditas delectationum.

Contra Mollitiem. *1mum.* Prov: Qui mollis & dissolutus est in opere, frater est sua opera dissipantis. *Christus.* Nemo mittens manum suam ad aratrum (*servitij DEI in ejus excolendo agro spirituali animæ*) & respiciens retro (*ad mundi supervacuas curas*) aptus est regno DEI. *Apostolus:* Vide ergo bonitatem, & veritatem DEI. In eos quidem qui ceciderunt, in te autem bonitatem DEI, si permaneris in bonitate: alioquin & tu excideris. *2dum.* *S. Basilus:* Vermes in lignis mollioribus enascuntur: ita animi impietates in mollioribus hominum mentibus

*Prov: 18.*

*Luc. 6. 9.*

*Rom. 11.*

*S. Basil. boni  
de grat. agen.*

bus



S. Amb. lib. 1.  
Offic. c. 36.

bus oriuntur. S. Ambrosius: Revera jure ea fortitudo vocatur, quando unusquisque se ipsum vincit, nullis illecebris emollitur atque inflectitur, non adversis perturbatur, non extollitur secundis, non variarum rerum mutatione quasi vento quodam circumfertur. Quid autem excelsius & magnificentius, quam exercere mentem, afficere carnem, & in servitutem redigere, ut obediat imperio, consiliis obtemperet, ut in adeundis laboribus impigrè exequatur propositum animi ac voluntatem?

1. 2. tra: 1. c. 1.  
sec. 4. subf. 2.  
§. 2. & 3.

In Praxi cavendi Mollitiem, adhibe congruo modo supradicta.

## SUBSECTIO XII.

### De Dono Fortitudinis.

V. B. Thom. 2. 2.  
q. 139. A. 1.

**F**ortitudo ut donum Spiritus S. est, quâ supra rationem virtutis fortitudinis (quâ homo non deficit à bono) ulterius ad ejusdem cujuscunque boni inchoati finem perveniat, evadendo pericula imminencia, & concipiendo fiduciam vitæ æternæ, qui est finis omnium bonorum operum, & evasio omnium periculorum.

1. 2. tra: 1. c. 1.  
sec. 4. subf. 2.  
§. 2. & 3.

Motiva & alia dicta sub virtute fortitudinis hic proportionatè servire possunt. De dispositione ad idem Donum vide supra sub dispositione ad dona Spiritus S. & hic applica.

## CAPUT VIII. DE CARDINALI VIRTUTE TEMPERANTIÆ.

§. Imus.

V. D. Thom. 2.  
2. q. 141.

**T**emperantia, est virtus specialis, una de Cardinalibus, moderativa ad rationem, appetitus sensiti vi, quâ concupiscibilis, versantio cir-



ea delectationes bonorum sensibilium, & tristitias de eorum absentia. Dicitur: est virtus; quia de ratione virtutis est inclinare ad bonum, quod est 2dum rationem esse. Hoc autem præstat temperantia, vel ex ipso nomine insinuans quandam temperiem seu moderationem, quam ratio facit. Adeoque temperantia est virtus. Dicitur: specialis; quia etsi temperantia vi nominis sui, quandoque accipitur pro aliis virtutibus moralibus, sitis in quadam temperie seu moderatione animi, adeoque sic accepta sit communis virtus, tamen temperantia sub nomine temperantiæ, antonomastice spectata, quatenus refrænativa appetitus ab his, quæ maximè alliciunt, est specialis virtus, utpote habens specialem materiam. Dicitur: una de cardinalibus; Quia virtus principalis seu cardinalis dicitur, quæ principalius laudatur ex aliquo eorum, quæ communiter requiruntur ad rationem virtutis: moderatio autem, quæ in omni virtute requiritur præcipuè laudabilis est in delectationibus tactus, circa quæ est temperantia: tum quia tales delectationes sunt magis nobis naturales, & ideo difficilius est ab eis abstinere, & concupiscentias earum refrænare: tum etiam quia earum objecta magis sunt necessaria præsentī vitæ. Et ideo temperantia ponitur virtus principalis seu cardinalis. Dicitur: moderativa 2dum rationem &c. id est, ad dictamen rationis proponentis aliquam regulam, ostensivam medii, quod attingere debeat temperantia. Hæc autem regula est vitæ præsentis necessitas. Quia bonum virtutis moralis præcipuè consistit in ordine rationis. Nam bonum hominis est 2dum rationem esse, ut Dionys. dicit 4. cap. de di: no: Præcipuus autem ordo rationis consistit in hoc, quod aliqua in finem ordinat, & in hoc ordine consistit bonum rationis. Nam bonum habet rationem finis, & ipse finis est regula eorum, quæ sunt ad finem. Omnia autem delectabilia quæ in usum hominis veniunt, ordinantur ad aliquam hujus vitæ necessitatem, sicut ad finem. Et ideo temperantia accipit necessitatem hujus vitæ, sicut regulam delectabilium, quibus utitur, ut scilicet tantum eis utatur, quantum necessitas hujus vitæ requirit.

Cum verò temperantia respicit necessitatem quantum



ad convenientiam vitæ, quæ quidem attenditur, non solum ad convenientiam corporis, sed etiam secundum convenientiam exterarum rerum, puta divitiarum, & officiorum, & multo magis ad convenientiam honestatis: Et ideo Philosophus ibidem subdit quod delectabilia, quibus temperatus utitur, non solum considerat, ut non sint impeditiva sanitatis, & bonæ habitudinis corporalis, sed etiam ut non sint præter bonum, id est contra honestatem, & quod non sint supra substantiam, id est supra facultatem divitiarum. Et August. dicit in lib. de moribus Ecclesiæ, quod temperans respicit non solum necessitatem hujus vitæ sed etiam officiorum.

Dicitur: *appetitus sensitivi &c.* quia ad virtutem moralem pertinet conservare bonum rationis contra passiones, rationi repugnantes. Motus autem passionum est duplex, unus partis concupiscibilis, persecutivus bona sensibilia, alter partis irascibilis recessivus à malis sensibilibus. Unde sicut fortitudo conservat bonum rationis moderando motus passionum partis irascibilis, nempe timores & audacias; ira temperantia pro bono rationis detinendo moderatur motus concupiscibilis, scilicet concupiscentias maximarum delectationum: ut fortitudo moderativa est irascibilis circa maxima pericula.

Tanto verò delectationes sunt vehementiores; quanto consequuntur operationes magis naturales. Maxime autem naturales animalibus sunt operationes, quibus conservatur natura individui per cibum & potum, & natura speciei per conjunctionem maris & feminae. Igitur circa delectationes ciborum & potuum, & circa delectationes venereorum, seu circa moderationem gustus & tactus propriè & principaliter est temperantia, secundariò autem circa moderationem aliorum sensuum. Quia sensibilia gustus & tactus sunt necessaria conservativa individui, vel speciei animalis, eorumque usus annexam habet essentialem delectationem. Inquantum verò sensibilia ad alios sensus pertinentia conferunt ad delectabilem usum necessariorum, qui pertinet ad gustum & tactum v. g. sapor & odor facit delectabiliorem cibum, intantum secundariò eisdem sensus moderatur temperantia.



## Gradus Temperantia.

Temperantia 2dum Macrobius prout est virtus politica, est nihil appetere poenitendum, in nullo legem moderationis excedere, sub iugo rationis cupiditatem domare. Temperantia prout est virtus purgatoria, est omnia relinquere in quantum natura patitur, quæ corporis usus requirit. Temperantia verò prout est virtus purgati animi, est terrenas cupiditates non solum reprimere, sed penitus oblivisci. Temperantia prout est virtus exemplaris, est quædam in se perpetua intentione conversatio.

Macrobius lib. 1.  
in Somn. Scip.  
Cap. 8.

*Gradus Temperantiæ ex Seraphico Doctore in Formula aurea  
de gradibus virtutum. c. 12.*

Temperantiæ altus gradus est, moderare se in omnibus exterioribus, scilicet in victu, habitu, somno, in incessu, verbis, factis, & moribus, ut omnia ordinatè & modestè fiant 2dum DEUM. Altior est, temperare se in motibus & affectionibus interioribus, nè nimis circa transitoria occupentur. Altissimus, temperare cogitationes, nè nimis extra DEUM evagentur.

Ordo graduum  
temperantiæ.

I.

Item altus gradus est, restringere se ab illicitis interioribus & exterioribus. Altior, refranare se à licitis exterioribus & interioribus ad tempus. Altissimus est, abstrahere se à licitis exterioribus & interioribus usque ad mortem, juxta illud. Virtus est, licitis abstinuisse bonis. Ille enim solus ad illicita non cadit, qui se cautè restringit à licitis, dicit Glossa super Job: Qui enim non vult detrahare, & mentiri, & similia, restringat se à licitis verbis, quia auctore Salomone. In multiloquio peccatum non deerit.

Glossa in 3. c.  
Job: ex Greg.  
lib. 5. morali.  
c. 8.

Proverb. 10.

Item aliqualis altus gradus est, moderatè loqui de defectibus hominum in præsentia eorum. Altior, temperatè loqui de defectibus vivorum & mortuorum in absentia illorum, sed tanquam præsentibus essent. Altissimus, excessus tam vivorum & mortuorum absentium excusare fideliter, quia locum excusationis non habent.

III.

Item Chrysostomus ponit gradus de temperantia cibi & potus

IV.



potus dicens: Nihil sic ægritudinem fugat sicut moderata re-  
fectio, ecce altus gradus. Nihil sic sanitatem servat, ecce al-  
tior. Nihil sic acumen sensuum operatur, ecce altissimus.

Sap. cap. 8.

S. Prosp. de vi-  
ta contempl.  
c. 19.

S. Thomas. 2. 2.  
q. 141. A. 2.  
ad 3.

c. 4 p. l. circa  
med.

l. 10. ad cuius  
initium est:  
Humilis in  
princ. illius.

*Motiva Temperantiæ.* Sap. Sobrietatem (seu Temperan-  
tiam) & prudentiam docet (nempe Sapientia) & iustitiam & Vir-  
tutem, quibus utilius nihil est in vita hominibus. S. Prosper: Tem-  
perantia inquit libidines frænât, affectus temperat, ignem libi-  
dinosæ voluptatis extingvit, ad honestum modum redigit in  
cibo & potu, interit & multiplicat cogitationes, ac desideria  
sancta, & mentem placidam tranquillitate componit S. Tho-  
mas dicit, quòd quamvis pulchritudo conveniat cuilibet virtu-  
ti, excellenter tamen attribuitur temperantiæ duplici ratione.  
Primò quidem secundùm communem rationem temperantiæ,  
ad quam pertinet quædam moderata & conveniens proportio,  
in qua consistit ratio pulchritudinis, ut patet per Diony. 4. cap.  
de Divia. Alio modo, quia ea, à quibus refrænât tempe-  
rantia, sunt infima in homine, convenientia sibi secundùm na-  
turam bestialem, etiam ex eis maximè natus est homo detur-  
pari. Et per consequens pulchritudo maximè attribuitur tem-  
perantiæ, quæ præcipuè turpitudinem hominis tollit. Et ex  
eadem etiam ratione honestum maximè attribuitur temperan-  
tiæ. Dicit enim: Isido: in lib. Etym. Honestus dicitur qui  
nihil habet turpitudinis. Nam honestas dicitur quasi honoris  
status, qui maximè consideratur in temperantia, quæ repellit  
vitia maximè opprobriosa.

In Praxi comparandi Temperantiam servit illam exercere  
in suis actibus sequentibus infra.

§. 2dus.

## DE INSENSIBILITATE.

D. Tb. 2. 2. q.  
148. A. 2.

**I**nsensibilitas, est vitium Temperantiæ excessivè oppositum, quo quis  
adeò delectationem refugit, ut illius fugiendæ causâ prætermittat id,  
quod ad naturæ conservationem est necessarium. Quia omne illud  
quod contrariatur ordini naturali est vitiosum. Natura autem dele-



delectationem apposuit operationibus necessariis ad vitam hominis, & ideo naturalis ordo requirit, ut homo intantum huiusmodi delectationibus utatur, quantum necessarium est salutis humanæ, vel quantum ad conservationem individui, vel quantum ad conservationem speciei. Si quis ergo intantum delectationem refugeret, quod prætermitteret ea, quæ sunt necessaria ad conservationem naturæ, peccaret quasi ordini naturali repugnans. Et hoc pertinet ad vitium insensibilitatis. Sciendum tamen, quod ab huiusmodi delectationibus consequentibus huiusmodi operationes quandoque laudabile, vel etiam necessarium est abstinere propter aliquem finem: sicut propter sanitatem corporalem, aliqui abstinere à quibusdam delectationibus ciborum, potuum, & venereorum: & etiam propter aliquis officii executionem; sicut athletas & milites necesse est à multis delectationibus abstinere, ut officium proprium exequantur. Et similiter poenitentes ad recuperandam animæ sanitatem, abstinentiā delectabilium quasi quādam diētā utuntur. Et homines volentes contemplationi, & rebus divinis vacare, oportet, quod se magis à carnalibus desideriis abstrahant. Nec aliquid prædictorum ad insensibilitatis vitium pertinet, quia sunt secundum rationem rectam.

§. 3<sup>us</sup>.

## DE INTEMPERANTIA.

**I**ntemperantia vocatur puerile peccatum propter similitudinem conditionum convenientium pueris. Peccatum enim intemperantiæ, est peccatum superflue concupiscentiæ, quæ assimilatur puero quoad tria. Primo quidem quantum ad id quod uterque appetit, sicut enim puer, ita & concupiscentia appetit aliquid turpe. Cujus ratio est, quia pulchrum in rebus humanis attenditur, prout aliquid est ordinatum secundum rationem. Unde Tullius dicit, in 1. de Offic. quod pulchrum, quod consentaneum est hominis excellentiæ in eo, in quo natura ejus à reliquis animantibus differt. Puer autem non attendit ad or-



dinem rationis. Et similiter concupiscentia non audit rationem, ut dicitur in 7mo Ethico. Secundum conveniunt quantum ad eventum. Puer enim si suæ voluntati dimittatur, crescit in propria voluntate. Unde Eccl. 20. dicitur. Equus indomitus evadit durus, & filius remissus evadit præceps. Ita etiam & concupiscentia si ei satis fiat, majus robur accipit. Unde August. dicit in 7mo Confes. Dum servitur libidini, facta est consuetudo: Et dum consuetudini non resistitur, facta est necessitas. Tertiò. quantum ad remedium, quod utrique præbetur. Puer enim emendatur per hoc quod coercetur. Unde dicitur proverb. 23. Noli subtrahere à puero disciplinam. Tu virga percuties eum, & animam ejus de inferno liberabis. Et similiter dum concupiscentiæ resistitur, reducit ad debitum honestatis modum. Et hoc est quod August. dicit in 6. Musica quod mente in spiritualia suspensâ, atque ibi fixâ & manente, consuetudinis, scilicet carnalis concupiscentiæ impetus frangitur; & paulatim repressus extinguitur. Major enim erat cum sequeremur, non tamen omnino nullus, sed certe minor cum refrænamus. Et ideo Philo. dicit in 3. Ethic. quod quemadmodum puerum oportet secundum præceptum pædagogi vivere, sic & concupiscibile consonare rationi.

Eccl. cap. 1.

S. Gregor: lib.

33. Moral.

cap. II.

D. Tho. 2. 2. q.

142. A. 4. ad I.

S. Thom. 2. 2. q.

142. A. 4.

Contra Intemperantiam. Eccl: Vigilia, cholera, & tortura infrunito. S. Gregorius dicit Vicia carnalia, quæ sub intemperantia continentur, & si sint minoris culpæ, sunt tamen majoris infamiæ. Nam magnitudo culpæ respicit deordinationem à fine; infamia autem respicit turpitudinem, quæ maximè consideratur secundum indecentiam peccantis. S. Thomas: Inter omnia vitia humana vitium intemperantiæ maximè exprobrabile est. Quia exprobratio opponi videtur honori & gloriæ; honor autem excellentiæ debetur. Gloria autem claritatem importat. Est ergo intemperantia maximè exprobrabilis propter duo. Primò quidem quia maximè repugnat excellentiæ hominis. Est enim circa delectationes communes nobis & brutis. Unde in Psal. 48. dicit. Homo cum in honore esset non intellexit, comparatus est jumentis insipientibus, & similis factus est illis. Secundò quia maximè repugnat ejus claritati, & pulchritudini,



rudini, inquantum scilicet in delectationibus, circa quas est intemperantia, minus apparet de lumine rationis, ex qua est tota claritas & pulchritudo virtutis. Unde & hujusmodi delectationes dicuntur maximè serviles.

Pro Praxi juxta D. Thomam ad vitandum intemperantiam, maximum remedium est, ut non immoretur homo circa singularium considerationem. Nam homo allicitur à singularibus delectabilibus, quæ intemperatum faciunt hominem.

Ibid. A. 3.

## SECTIO I.

### DE PARTIBUS TEMPERANTIÆ INTEGRALIBUS.

**D**icuntur partes integrales alicujus virtutis conditiones, quas necesse est concurrere ad virtutem. Et secundum hoc *D. Tho. 2.2. q. 143. A. 1.* sunt duæ partes integrales temperantiæ, scilicet verecundia, per quam aliquis refugit turpitudinem temperantiæ contrariam, & Honestas, per quam scilicet aliquis amat pulchritudinem temperantiæ. Nam præcipuè temperantia in virtutes vendicat sibi quendam decorem, & vicia intemperantiæ maximè turpitudinem habent.

## SUBSECTIO I.

### De Verecundia.

**V**erecundia, non est virtus, sed laudabilis quædam passio, nempe timor alicujus turpis. Dicitur: Non est virtus &c. Quia virtus dupliciter accipitur, propriè scilicet, & communiter. Propriè quidem virtus perfectio quædam est, ut dicitur 7. Phyls. Et ideo omne illud quod repugnat perfectioni, etiam si sit bonum, deficit à ratione virtutis. Verecundia autem repugnat perfectioni. Est enim timor alicujus turpis, quod scilicet est exprobrabile. Unde Damasc. dicit: quod verecundia

V. D. Tho. 2.2.

q. 143. A. 1.

Ibid. A. 1.

lib. 7. tex. 17.

&amp; 18. tom. 2.

lib. 2. cap. 15.

recundia



1. 2. q. 40. A.  
1. q. 42. A.  
3. q. 41. A. 2.

recundia est timor de turpi actu. Sicut autem spes est de bono possibili & arduo, ita etiam timor est de malo possibili, & arduo, ut habitum est, cum de passionibus ageretur. Ille autem qui est perfectus secundum habitum virtutis, non apprehendit aliquid exprobrabile & turpe ad faciendum, ut possibile & arduum, id est, difficile ad vitandum; neque etiam actu facit aliquid turpe, unde opprobrium timeat. Unde verecundia proprie loquendo non est virtus, deficit enim à perfectione virtutis. Communiter autem virtus dicitur esse omne quod est bonum, & laudabile in humanis actibus, vel passionibus. Et secundum hoc quandoque verecundia dicitur virtus, cum sit quædam laudabilis passio.

Porro verecundia sicut potest esse laudabilis in iis, qui mediocriter se habent secundum quod est in eis aliquid de amore boni, & tunc non sunt totaliter immunes à malo; ita deficit in optimis viris laudabiliter, in pessimis autem viris non laudabiliter. Quia sicut dictum est, verecundia est timor alicujus turpitudinis. Quod autem aliquod malum non timeatur, potest propter duplicem rationem contingere. Uno modo quia non aestimatur ut malum. Alio modo, quia non aestimatur ut possibile sibi, vel ut difficile vitari. Et secundum hoc verecundia deficit in aliquo dupliciter. Uno modo, quia ea, quæ sunt erubescibilia, non apprehenduntur ut turpia. Et hoc modo carent verecundiâ homines in peccatis profundati, quibus sua peccata non displicent, sed magis de eis gloriantur. Alio modo quia non apprehendunt turpitudinem ut possibilem sibi, vel quasi non facile vitabilem. Et hoc modo senes & virtuosus verecundiâ carent. Sunt tamen sic dispositi, ut si in eis esset aliquid turpe de hoc verecundarentur. Unde Philosophus dicit in 4. Ethic: quod verecundia est ex suppositione studiosi.

D. Tho: 2. 2. q. 143. Art. 2. ad 1. Cæterum opprobria quæ inferuntur alicui propter virtutem, virtuosus quidem contemnit, quia indignè sibi irrogantur: si Lib. 4. cap. 3. aut de magnanimis Philosophus dicit in 4. Ethic. Et de Apostolis dicitur actuum quinto; quod ibant Apostoli gaudentes à conspectu concilii, quoniam digni habiti sunt pro nomine JESU contumeliam pati. Ex imperfectione autem virtutis contingit quod



quòd aliquis verecundetur de opprobriis, quæ sibi inferuntur propter virtutem: quia quanto est aliquis, magis virtuosus, tanto magis contemnit exteriora bona vel mala. Unde dicitur Isa. 51. Noli timere opprobrium hominum. Contingit tamen per accidens, quòd aliquis de his verecundatur, vel in quantum habentur ut vitiosa ædum hominum opinionem, vel in quantum homo refugit in operibus virtutis notam de præsumptione, aut etiam de simulatione. Deinde sicut honor quamvis non debeatur verè, nisi soli virtuti, respicit tamen quandam excellentiam: ita etiam vituperium, quamvis debeatur propriè soli culpæ, respicit tamen ad minus ædum opinionem hominum, quemcunque defectum. Et ideo de paupertate, & ignobilitate, & servitute, & aliis huiusmodi, aliquis verecundatur. Dicitur in propositione: *timor alicujus turpis*. Hoc turpe intelligitur vituperium & vitiosa turpitudine; quod illud primum primò & principaliter verecundia respicit, hoc ædum secundariò. Quia sicut honor habet rationem boni ardui, ita vituperium habet rationem mali ardui, virtus autem & passio timoris versatur propriè circa audaciam; & sicut honor debetur virtuti, ita vituperium vitio, & ideo verecundia ex consequenti respicit vitiosam turpitudinem, quæ consistens in deformitate actus voluntatis, non importat rationem mali ardui, cum aliquid situm in sola voluntate videtur non esse arduum & elevatum supra potestatem hominis. Cæterum verecundia respicit culpam, qualiter uno modo ut aliquis desinat vitiosa agere propter timorem vituperii. Alio modo, ut homo in turpibus, quæ agit vitet conspectus publicos propter timorem vituperii: quorum Imum ædum Gregorium Nyssenum lib. 4. de Creat. hominis cap. 14. pertinet ad erubescenciam, ædum ad verecundiam.

*Incentiva Verecundia.* S. Ambrosius: Pulchra virtus est verecundia & svaavis gratia, quæ non solum in factis, sed etiam in ipsis spectatur sermonibus, nè modum prætergrediatis loquendi, nè quid indecorum sermo resonet tuus. Idem: Est enim verecundia pudicitia comites, cujus societate castitas ipsa tutior est. Nonne hæc prætulit Publicanum? & commendavit eum,

D. Tho. 2. 2. q.

143. a. 2. ad 2.

Ibid. ad 2.

V. Ibid. a. 2.

S. Ambr. de of-  
fic. lib. 1. cap. 19.

Ibidem.



*Ibidem.*

qui nec oculos suos audebat ad cælum levare? Paulus orationem deferri præcepit cum verecundia, & sobrietate. *Idem:* Verecundia cum sit omnibus ætatibus, personis, temporibus, & locis apta, tamen adolescentes juvenilesquæ annos maximè decet: ut artifex in materia commodiore meliùs operari solet; sic verecundia in ipso quoque corporis decore plus eminet. Ita tamen ut ipse etiam non sit affectatus decor corporis,

*S. Hieron. ad  
Pammach.*

sed naturalis, simplex, neglectus magis, quàm expeditus. *S. Hieronymus:* Ingenia liberaliter educata faciliùs verecundia, quàm metus superat, & quos tormenta non vincunt, interdum vincit pudor. *S. Bernardus:* Quid amabilius verecundo adolescente?

*S. Bernardus  
sup. cant.  
serm. 6.*

quàm pulchra & quàm splendida gemma morum est verecundia, in vita & vultu adolescentis? quàm vera & minimè dubia bonæ spei nuntia, bonæ indolis index. Virga disciplinæ, expurgatrix malorum, propugnatrix puritatis innatæ, specialis gloria conscientie, famæ custos, vitæ decus, virtutis sedes, virtutum primitiæ, naturæ laus, & insigne totius honesti. *Idem:* Verecundia est soror continentie: nullum æquè manifestum indicium columbinæ simplicitatis, & ideo etiam testis est innocentie, lampas pudicitie mentis jugiter lucens: ut nil in ea turpe vel indecorum residere attentet, quod non illa illico perdat.

*Ibidem.*

*D. 2. tra. 1. c. 1.*

*Praxis acquirendi verecundiam habenda proportionatè juxta methodum supra datam.*

*§. 2. c. 3.*

## SUBJECTIO II.

### De Honestate.

*V. D. Tho. 2. 2.  
q. 145. art. 4.*

**H**onestas, est quedam spiritualis pulchritudo. Pulchritudo autem opponitur turpi. Opposita autem maximè se invicem manifestant. Et ideo ad temperantiam specialiter honestas pertinere videtur, quæ id quod est homini turpissimum & indecentissimum repellit, scilicet brutales voluptates. Unde & in ipso nomine temperantiæ maximè intelligitur bonum



num rationis, cuius est moderari & temperare concupiscentias pravas. *Idem*: Honestum est idem realiter quod virtus, sicut *ibidem*. 4. 1. etenim Isidorus dicit: honestas dicitur quasi honoris status. Unde ex hoc videtur aliquid dici honestum, quod est honore dignum. Honor autem excellentiæ debetur. Excellentia autem hominis maximè consideratur 2dum virtutem, quæ est dispositio perfecti ad optimum, ut dicitur in 7. Phyl. Et ideo honestum propriè loquendo, in idem refertur cum virtute. *ibidem*. 4. 2.

*Idem*: Inter honestum & spirituale decorum nullum est discrimen; quia sicut accipi potest ex verbis Dionys. 4. cap. de divi. nomi. ad rationem pulchri, sive decori concurrit & claritas & debita proportio. Dicit enim: quòd DEUS dicitur pulcher, sicut universorum consonantiæ & claritatis causa. Unde pulchritudo corporis in hoc consistit, quòd homo habeat membra corporis benè proportionata cum quadam debiti coloris claritate. Et similiter pulchritudo spiritualis in hoc consistit, quòd conversatio hominis, sive actio ejus sit benè proportionata 2dum spirituales rationis claritatem. Hoc autem pertinet ad rationem honesti, quod diximus idem esse virtuti, quæ 2dum rationem moderatur omnes res humanas. Et ideo honestum est idem spirituali decori. Unde August. dicit in lib. 83. q. 3. Honestatem voco intelligibilem pulchritudinem, quam spiritalem nos propriè dicimus. Et postea subdit: quòd multa sunt pulchra visibilia, quæ minùs propriè honesta appellantur.

*Motiva Honestatis.* *Apostolus*: Providentes bona (honestam) non tantum coram DEO, sed etiam coram omnibus hominibus. *S. Augustinus*: Tanta est probitatis vis & honestatis, ut omnis vel penè omnis ejus laude moveatur humana natura nec usque adeò sit turpitudine vitiosa, totum ut ejus amittat sensum. *S. Ambrosius*: Tantus splendor honestatis est, ut vitam beatam efficiat tranquillitas conscientiae, & securitas innocentiae. *S. Bernardus*: Honestum, in quo animæ decorem locandum censuimus, diffinitur: mentis ingenuitas sollicita servare cum conscientia bona famæ integritatem, vel juxta Apostolum providere bona non tantum coram DEO, sed etiam coram hominibus. *S. Thomas*: Honestum est homini naturaliter de-

Rom. 12.

S. August. lib. de civit. Dei.

S. Ambr. 2. de Offic.

S. Bernard. Cent. serm. 85.

D. Tho. 2. 2.

lectabile. q. 146. 4. 3.



lectabile. Quia unumquodque naturaliter delectatur in suo convenienti. Hoc autem quod est adum rationem ordinatum, est naturaliter conveniens homini.

## SECTIO II.

### De Partibus Temperantiae subjectivis.

V. D. Tho: 2. 2.  
q. 143. a. 1.

**P**artes subjectivae alicujus virtutis dicuntur species ejus. Oportet autem diversificare species virtutum secundum diversitatem materiae vel objecti. Est autem temperantia circa delectationes tactus, quae dividuntur in duo genera. Nam quaedam ordinantur ad nutrimentum: & in his quantum ad cibum est abstinencia, quantum autem ad potum proprie sobrietas. Quaedam vero ordinantur ad vim generativam: & in his quantum ad delectationem principalem ipsius coitus, est castitas, quantum autem ad delectationes circumstantes, puta quae sunt in oculis, tactibus, & amplexibus, attenditur pudicitia.

## SUBSECTIO I.

### De Abstinencia.

D. Tho: 2. 2. q.  
45. a. 2.

**A**bstinencia, est virtus specialis, qua moderamur ciborum delectationes. Dicitur; virtus: dum scilicet abstinencia regulatur adum rationem, unde dicitur 2. Petri c. 1. Ministrare in fide vestra virtutem, in virtute autem scientiam, in scientia autem abstinenciam: ut nimirum homo a cibis abstinere, prout oportet pro congruentia hominum, cum quibus vivit, & personae suae, & pro valetudinis suae necessitate. Dicitur; virtus specialis: Quia virtus moralis conservat bonum rationis contra impetus passionum: & ideo ubi invenitur specialis ratio, qua passio abstrahitur a bono rationis, ibi necesse est esse specialem virtutem. Delectationes autem ciborum natae sunt abstrahere hominem a bono rationis, tum propter earum magni-

D. Tho: 2. 2. q.  
146. a. 2.



magnitudinem, tum etiam propter necessitatem ciborum, quibus homo indiget ad vitæ conservationem, quam maximè homo desiderat. Et ideo abstinencia est specialis virtus.

*Gradus Abstinencie ex Formula aurea D. Bonaventuræ cap. 15.*

Abstinencie altus gradus est, vitare superflua oblectamenta corporis in victu, & in vestitu, & in aliis commoditatibus. Altior, vitare oblectamenta spiritûs, quæ subito veniunt, & subito terminantur, ut contingit in luxuria, in choreis, & cum aliquis delectabiliter audit, & loquitur mendacia, vel distractiones, & similia. Altissimus, vitare delectabilia spiritûs, quæ sæpe veniunt & diu permanent, sicut est in ornatu superfluo, & auicidia carnali & in gaudio temporali.

*Ordo graduum Abstinencie.*

I.

Item altus gradus est, libenter vitare illicita oblectamenta, quæ homo non potest, vel difficulter habere potest. Altior est, sponte vitare illicita delectabilia, quæ habet, vel quæ habere potest. Altissimus, qui potest vitare licita delectabilia, quæ habet, & quæ habere potest, & quibus meritorie uti potest, unde illud. *Virtus est licitis abstinuisse bonis.*

II.

Item Altus gradus est, sponte vitare delectabilia in vitiis & nocivis. Altior, vitare delectabilia in raris & caris ad tempus, & quæ fiunt cum multa diligentia, & magnis sumptibus comparantur. Altissimus, vitare delectabilia in raris & caris omni tempore.

III.

Item Altus gradus est, consolationem transitoriam non admittere in omnibus visibilibus propter DEUM. Altior est, fugere consolationem transitoriam in Angelis & invisibilibus propter DEUM: sicut Maria Magdalena dixit. Non quaero Angelos, sed eum qui fecit me & Angelos &c. Altissimus, vitare ad tempus consolationem, quæ potest haberi in ipso Creatore propter salutem proximorum, sicut dixit Apostolus. Oprobrium anathema esse pro fratribus. Et: Cupio dissolvi &c. Rom. 7. & Phil: 1. cap.

IV.

*Illicita Abstinencia.* Imum. Ecclesiast: Beata terra cuius principes vescuntur in tempore suo, ad reficiendum, & non

Eccles. 10.



*Eccles. 29.* ad luxuriam. *Eccles.* Initium vitæ hominis aqua & panis.  
*Ibid. 31.* Idem: Utere quasi homo frugi his, quæ tibi apponuntur. *Pro-*  
*verb. 27.* verb: Anima saturata calcit favum, anima eluriens amarum pro  
*Eccles. 37.* dulci sumit. *Eccles.* Qui abstinens est, adjiciet sibi vitam. *Ezech:*  
*Ezech. 4.* Cibus tuus quo velceris erit in pondere. *Rom:* Is qui mandu-  
*Rom. 14.* cat, non manducantem non spernat. Et qui non manducat,  
 manducantem non judicet. Et qui non manducat, Domino  
 non manducat, & gratias agit DEO.

*S. August. lib.* 2 *dum. S. Augustinus:* Hoc me docuisti Domine, ut quem-  
 10. cap. 1. ante admodum medicamenta, sic alimenta sumpturus accedam; sed  
 med. tom. Imo. dum ad quietem satietatis, ex indigentia molestia transeo, in  
 ipso transitu insidiatur mihi laqueus concupiscentia. *Divus*  
*D. Hieron.* *Hieronymus:* Nonnulli pudicam vitam appetentes in medio iti-  
 Epist. I. ad nere corruunt, dum solam abstinentioniam carniū sufficere pu-  
 Tur. tant, & leguminibus onerant stomachum. Parcus cibus, &  
 venter semper eluriens, triduanis jejuniis præfertur, & multo  
 melius est, quotidie parum, quam raro satis sumere. Pluvia  
 enim illa optima est quæ sensim descendit in terram, subitus  
 S. August. de autem & nimius imber in præceptis arva subvertit. *S. Augusti-*  
 Christ. doctri- nus: Fieri enim potest, ut sine aliquo vitio cupidinis, vel vo-  
 nus. racitatis, preciosissimo cibo sapiens utatur, insipiens autem fœ-  
 dissimâ gulæ flammâ in vilissimum olus exardescat, & sanus  
 quisque maluerit more Domini pisce vesci, quam lenticula mo-  
 re Esau nepotis Abraham, aut hordeo, more jumentorum. Non  
 enim propterea continentiores nobis sunt pleræque bestia,  
 quia vilioribus aluntur escis. Nam in omnibus hujusmodi re-  
 bus non ex earum rerum natura quibus utimur, sed ex cau-  
 sa utendi, & modo appetendi, vel probandum, vel impro-  
 bandum est, quod facimus. *S. Hieronymus:* Mater sanitatis  
 Epist. est abstinentionia, mater ægritudinis est voluptas, sine carne enim  
 S. Greg. lib. 20. & vino citò friget Venus, & à patre Libero ad inconcessam.  
 mora. Venerem gradus est proximus intemperantia. *S. Gregorius:* Per  
 abstinentioniam non caro sed carnis vitia extinguenda sunt. Sic  
 necesse est ut arcem continentia quisque teneat, quatenus non  
 carnem, sed vitia occidat. Sæpè enim dum in illa hostem in-  
 sequimur, etiam civem quem diligimus trucidamus: & sæpè  
 dum



dum quasi concivi parcimus, ad prælium hostem nutrimus.

*Idem:* In abstinentia discretio servanda est. *Idem:* Quia à pa- *Ibidem.*  
radisi gaudiis per cibum cecidimus; ad hæc, in quantum pos- *Ibid. in homil.*  
sumus, per abstinentiam resurgamus. *S. Bernardus:* Abstine- *S. Bernardus*  
bo à vino, quia in vino luxuria est, aut si infirmus sum, mo- *ser. 66. in Cant.*  
dico utar juxta consilium Apostoli: Abstinebo & à carnibus,  
nè dum mihi nimis carnem nutriunt, simulquè & carnis nutri-  
ant vitia: panem etiam ipsum cum mensura studebo sumere,  
nè onerato ventre stare ad orandum tædeat. *Idem:* Panis fur- *S. Bernard. Epif.*  
fureus, & simplex aqua, olera vel legumina simplicia, nequa- *ad Frat. de*  
quam res delectabiles sunt. sed in amore Christi, & internæ *mon. DEI. de*  
delectationis desiderio, ventri benè morigerato grater ex his *vi. solit.*  
satisfacere posse, valde delectabile est. Quot millia pauperum

ex his, vel ex aliquo horum delectabiliter satisfaciunt naturæ?  
Facillimum quippe & delectabile esset, adjuncto DEI amoris  
condimento, 2dum naturam vivere, si insania nostra nos vive-  
re permetteret, quâ sanatâ, statim arridet naturalibus natura.  
*3tium.* Christus Dominus à quo tempore natus, usque  
dum se in Israel trigésimo ætatis anno manifestavit, hanc vir- *Arias Thesaur.*  
tutem, uti omnes reliquas, summa cum perfectione exercuit. *in exbau de*  
Sed voluit omnia hæc exempla latere, ut nobis eo silentio, & *Temperantia*  
occulta illa tringinta annorum vita persvaderet pulcherrimam, *c. 7.*  
ac secretissimam virtutem humilitatis, quæ tam necessaria, tan-  
tiquè momenti est, ut benè factum censuerit, quod exempla,  
quæ nobis toto hoc tempore dedit, laterent, ut doceret, sva-  
deretquè nobis hanc virtutem humilitatis, cujus est officium  
celare (quoad charitas finit) virtutes, quæ in homine sunt, &  
excellencia, quæ is facit, opera. Et cum certum sit, abstin-  
entiam, quo perfectior est, hoc magis (quantum ex ipsius parte) *Idem Ibidem.*  
omne voluptatis deliciarumquè genus in cibis fugere, eoquè  
quod vitæ servandæ sufficit contentum esse, manifestè sequitur  
toto hoc tempore benedictum Dominum nunquam cibos de-  
licatos, nec svaes potiones sumpsisse, sed cibos vulgares vilis-  
què pretii, modicos, & in exigua admodum quantitate, eli-  
gendo semper id quod æterno Patri erat gratius, & in quo ma-  
gis exercebat, declarabatquè desiderium, quod habebat patien-  
di



di pro homine, faciendiquè ut redemptio ad quam operandam venerat, cupiosior esset. Postquam autem cum hominibus conversari cœpit, adeò temperantem se in victu gerebat, ut hoc remedium adhiberet ad peccatorum correctionem. S.

V. Ariam Tract.  
de Temperantia  
cap. 1.

Chrysostomus ait: Christus quodlibet genus remedii exhibebat, & non solum disputando, sed etiam comedendo corripbat, inde nos instruens, quod quodlibet potest animæ utilitatem adferre.

D Bonaventura  
tom. 1. spec.

B. M. V. lect. 4.

Luce 1.

Atum. Beatissima Virgo MARIA, quam Seraphicus Doctor in exemplum parsimonie statuit dicens: MARIA fuit temperatissima per sobrietatem. Ipsa enim est MARIA cui dicitur. Nè timeas MARIA, invenisti gratiam. Nota quod dicitur. Invenisti gratiam. Nunquam MARIA tantam gratiam invenisset, nisi gratia MARIAM in cibo & potu temperatissimam invenisset. Non enim se compatiuntur gratia & gula: quia impossibile est, quod homo simul per gratiam DEO gratus, per gulam ingratus. Bonum est ergo quære-  
re gratiam, & fugere gulam. Dicit Paulus. Optimum est gratiâ stabilire cor, non escis, quæ non profuerunt ambulanti-  
bus in eis. Nota etiam quod dicitur: Ecce concipies in utero. Nunquam Maria DEUM in utero concepisset, si idem uterus contra DEUM crapulosus fuisset, & si uterus ille mero astuâset, cum venter mero astuans &c. despumat in libidinem. Uterus ergo ille, qui DEO incarnato gravidatus est, nunquam in cibo aut potu intemperato gravatus est. Unde Chrysostomus ait: Comestrix aut vinolenta Maria nunquam fuit. Heu! quam longè à gratia Mariæ, qui in cibo & potu toties excedunt.

S. Chrysost.  
ho. 1. in Mat.  
opere imperfe-  
to. 1.

Leonardus in  
ejus vita.

Metaphr. in  
ejus vita.

Justinian in  
ejus vita.

stum. Exempla Sanctorum ex Franc. Aria. Thesaur. in exb. Tem-  
peran. c. 6. S. Nicolaus ab incunabulis abstinere jejuna-  
reque cœpit. Nam 4. & 6. feria lac nutricis semel duntaxat, idquè  
vesperi fugebat, cum reliquis diebus sæpius fugeret; & quam-  
vis varia adhiberent media, ut hanc abstinentiam amitteret,  
frustra tamen fuere. S. Joannes. Chalybita, etiam dum pue-  
rulus, maximam abstinentiam exercuit per dies aliquot planè  
jejunus. S. Vincentius Ferrerius infans jejuna-  
re cœpit, etiam aliquot



aliquot dies in pane & aqua. S. Edmundus: qui postea Can-  
 tuariensis Episcopus fuit, cum adhuc adolescentulus esset, poe-  
 nitentias instar adulti faciebat, diebus Veneris solo pane con-  
 tentus. B. Prater Joannes de firmo Ordinis S. Francisci etiam  
 num lactens, sicut S. Nicolaus, & posteaquam rationis usum  
 habere coepit, sæpè jejunabat, præter pauxillum panis in die  
 nihil comedens. S. Pachomius ita ad DEUM: Tu nôsti Do-  
 mine, quia ex quo suscepi habitum Monachi, nimis humiliatus  
 sum in conspectu tuo: nunquam satiatus sum pane & aquâ,  
 vel quâlibet creaturâ aliâ, quam fecisti.

Sur. in Novem.

In hist. Min.

p. 2. l. 8.

In vitis Pa-

trum lit. I.

Autor, D. Hie-

ronymo.

In Praxi pro comparanda Abstinencia hæc ex P. Lobner, P. Lobner Bi-  
 excerpta observa. 1. Christi, & Sanctorum exempla frequenter obli: Manual.  
 oculos ponere, dicerequæ cum S. August. sibi ipsi: Potuerunt isti tit. Abstinen-  
 & istæ, & tu non poteris? 2. Spiritualibus rebus magna cum di-  
 ligentia vacare: gustato enim Spiritu desipit omnis caro, &  
 quidquid ullo modo ad carnales voluptates conducit: ut sunt  
 cibus & potus. 3. Sæpè considera quàm vilis, brevis, noxia  
 sit voluptas, quæ ex cibo & potu hauritur. 4. Quotidie sibi  
 parum de cibo & potu detrahare, donec ad certam corporiquæ  
 convenientem mensuram perveniatur. 5. Exercitatio corporis &  
 animi assidua: ut S. Bernardus svasit dicens. Surge, præcin-  
 gere, tolle otium, exere vires, move brachia, complas ex-  
 plica manus, exercitare in aliquo, & statim senties sola te ap-  
 petere, quæ famem tollant, non fauces demulceant. Reddit  
 enim saporibus cibus exercitium, quos tulit inertia. Multa quæ  
 respicis otiosus, post laborem sumes vel desidiosus. 6. Pari  
 modo sibi persvadeat, non esse adeò facile ad perfectionem  
 hujus virtutis pervenire, sicut primo aspectu apparet. Nam  
 ut benè S. Gregorius notat. Sic plerumq; voluptas sub necessitate S. Greg. lib. 30.  
 se palliat, ut vix eam perfectus quisque discernat. Nam dum solvi de-  
 bitum necessitas petit, voluptas expleri desiderium suggerit, & tanto  
 gula securius in præceptis ruit, quanto sibi sub honesto nomine necessita-  
 tis explende se contegit. Quod S. August. confessus est dicens: Et S. August. in  
 quis est Domine, qui non rapiatur aliquantum extra metas necessitatis? confess.  
 quisquis ille est, magnus profectò est, magnificet nomen tuum, ego au-  
 tem non sum, quia homo peccator sum. 7. Non tantum efficax,



fed etiam necessarium pro hac virtute obtinenda medium cre-  
*S. Bern. ser. 30.* dat, orationem esse, nam teste S. Bernardo: Oratio virtutem  
 impetrat jejunandi, & jejunium meretur gratiam orandi, jeju-  
 nium orationem roborat, oratio sanctificat jejunium. Hinc S.  
*S. August. in* Augustinus iterum de se facetur. *confess.* *His tentationibus quotidie conor*  
*resistere, & invoco dexteram tuam ad salutem meam, & ad te refero*  
*actus meos, quia consilium mihi de hac re nondum stat: nemo enim po-*  
*test esse continens, nisi tu des.* 8. Quia verò DEUS etiam coo-  
 perationem nostram requirit, ideo magnificat & speciali cu-  
*S. Ignat. in lib.* ra observet Asceta regulas pro temperando victu à S. Ignatio  
*Exerc.* Lojola traditas, quæ ferè in sequentibus consistunt. 1<sup>mo</sup>. Quòd  
 à pane minus sit abstinendum, quàm à reliquis alimentis, eo  
 quòd is nec gulam adeò irriter, nec tentationi adeò obno-  
 xium hominem reddat. 2<sup>do</sup>. Quòd circa potum magis sit ab-  
 stinentia servanda, quàm cibum, eo quòd gravior excessus in  
 illo, quàm in hoc committi possit. 3<sup>io</sup>. Quòd circa edulia &  
 pulmenta potissimùm abstinencia servari debeat, utpote per  
 quæ & appetitui ad peccandum, & diabolo ad tentandum ma-  
 jor occasio subministratur; unde gemina industria adhiben-  
 da, ut scilicet & grossioribus cibis quis vescatur, vel parcè de-  
 licatis utatur. 4<sup>to</sup>. Quòd ad mensuram justam cibi aut potus  
 inveniendam, paulatim sibi aliquid detrahare debeat, quous-  
 que deprehendat, quantum sufficit, ut functiones suas ordi-  
 narias commodè obire possit. 5<sup>to</sup>. Quòd inter comestionem  
 expediat vel Christum cum discipulis comedentem imaginari,  
 vel aliis piis cogitationibus animum, suaviter tamen & absque  
 violentia occupare, ut hac ratione occupatus abstrahatur à su-  
 avitate ciborum percipienda, minusquè super illos affectus ef-  
 fundatur. 6<sup>to</sup>. Quòd ad intemperantiam cavendam non pa-  
 rum conducatur, si ante, quàm cibus sumatur, ac nulla esuries  
 sentitur, determinetur quantum quis sumere velit, & ab hac  
 mensura, nec à propria aviditate, nec ab instigatione inimici  
 abduci se permittat. 7<sup>mo</sup>. Quòd præcipuè cavendum sit, nè  
 super sumendos cibos animus quasi totus effundatur, aut cum  
 nimia aviditate & festinatione comedatur.

*I. 2. tract. 1. c. 11.  
 sec. 4. subs. 2.  
 §. 2.*

*Vide etiam suprà dicta & hæc congruo modo adhibe.*

*Actus*



*Actus Interni Abſtinentiæ.*

Ex diſcipl. Clauſtr. Joannis à I. M.

Temperantiſſime JESU Chriſte decerno eſcã & potu eò tantum  
 uti, ut natura ad tibi ſerviendum conſiſtat. 1o 2. tra. l. c. 1o  
 ſec. 4. ſubſ. 2o

Nolo mitiſſime Domine ullam in menſa voluptatem percipere. Ab-  
 ſit à me Domine ut lauta, vel ullo modo palato ſua via quaeram.

Vellem dulciſſime DEUS, ut omnia, quæ ſumpturus ſum abyſſum  
 ſaperent propter te.

Propono amantiſſime Domine cor à menſa ſubtrahere, ac leſſioni  
 ſacræ admo vere.

Propono Domine corpus fame ac ſiti vexare propter te.

Utinam clementiſſime DEUS quoties accumbo menſæ, portio de-  
 terrima mihi contingat.

Utinam benigniſſime JESU Chriſte, felle quod guſtaſti, omnia  
 mea prandia condiantur.

*Actus Externi Abſtinentiæ.*

Ex Bibl. Manual. P. Lobner Titu. Abſtinentia.

1<sup>us</sup>. Cibos ab Eccleſia vetitos, pro tempore, quo pro-  
 hibentur, non ſumere. 2<sup>us</sup>. Jejunia Eccleſiaſtica exactè ſer-  
 vare, nec non ex propria regula aut inſtituto ordinata custo-  
 dire, & ex conſilio aliquo non præcepta ſuſcipere. 3<sup>ius</sup>. Ho-  
 ra conſerta ſecundum morem Religionis, aut congregationis,  
 in qua vivimus, non citiùs manducare. 4<sup>us</sup>. Cibos lautiores  
 ac pretioſiores, ſi neceſſitas, aut charitas non exigit, fugere &  
 averſari. 5<sup>us</sup>. Communes cibos non exquisitè præparatos, ſed  
 quomodocunque oblatos libenter comedere. 6<sup>us</sup>. Quantita-  
 tem ciborum ſaluti corporis neceſſariam, & ſaluti animæ non  
 officientem duntaxat accipere. 7<sup>mus</sup>. Ante comeſtionem co-  
 gitationes de cibis penitus abſcindere, & in ipſa comeſtione  
 aſtum, & nimiam aviditatem cohibere. 8<sup>us</sup>. Ex quantitate,  
 & qualitate, & numero eſculentorum, ea omnia ſubtrahere,  
 quæ ſaluti corporis non nocent, & puritati mentis deſerviunt.



## SUBSECTIO II.

### De Jejunio.

**I**ejunium, est actus virtutis Abſtinentiæ, quo maceratur caro per ſubtractionem ciborum, ob aliquem honeſtum finem. Dicitur: Actus virtutis: Quia etſi Jejunium non videatur attingere medium 2dum quantitatem, ſecundum quam etiam medium virtutis non accipitur, attingit tamen medium 2dum rationem rectam, 2dum

*D. Tho: 147. a. 1. ad 2.* quam medium virtutis accipitur. Ratio autem iudicat, quod propter aliquam ſpecialem cauſam aliquis homo minus ſumat de cibo quam ſibi competeret ſecundum ſtatum communem, ſicut propter infirmitatem vitandam, aut ad aliqua corporalia opera expeditius agenda. Et multo magis ratio recta hæc ordinat ad ſpiritualia mala vitanda, & bona proſequenda. Non tamen ratio recta tantum de cibo ſubtrahit ut natura conſer-

*Refertur de vari non poſſit, quia Hieron: dicit. Non differt utrum magno, conſe. d. 5. c. vel parvo tempore te interimas; quia de rapina holocauſtum non medigri-* offert, qui vel ciborum nimia egeſtate, vel manducandi, vel ſomni penuriâ, immoderate corpus affligit. Similiter etiam

*Refertur loco ratio recta non tantum de cibo ſubtrahit, ut homo reddatur nunc dicto.* impotens ad debita opera peragenda. Unde dicit Hier: quod rationabilis homo dignitatem amittit, qui jejunium charitati,

*D. Tho: 2. 2. q. 147. a. 2.* vel vigilias ſenſus integritati præfert. Dicitur: Actus virtutis Abſtinentiæ. Quia omnis actus virtuoſus, qui eſt circa aliquam materiam, ad illam virtutem pertinet, quæ medium in illa materia conſtituit. Jejunium autem attenditur in cibis, in quibus medium adinvenit abſtinentia. Unde manifeſtum, quod jejunium eſt abſtinentiæ actus.

*Ibidem a. 1.* Dicitur: Ob aliquem finem honeſtum: qui triplex potiffimum ſpectatur à jejunio. Nam jejunium aſſumitur. Primò ad concupiſcentias carnis reprimendas. Unde Apoſtolus dicit 2. Cor. 6. In jejniis, in caſtitate: quia per jejunia caſtitas conſervatur. Ut enim Hieron: dicit: Sine Cerere & Baccho friger Venus, id eſt per abſtinentiam cibi & potûs tepſcit luxuria. 2dò aſſumitur ad hoc quod mens liberius elevetur ad ſublimia contemplanda. Unde dicitur



dicitur Daniel. 10. quod post Jejunium trium hebdomadarum revelationem accepit à DEO. Tertio ad satisfaciendum pro peccatis. Unde dicitur Joël. 2. Convertimini ad me in toto corde vestro, in jejuniis, & fletu & planctu: & hoc est quod Aug. In serm. 230. d. temp. cir. prine. tom. 10. dicit in quodam sermone de oratione & jejuniis. Jejunium purgat animam, mentem sublevar, propriam carnem spiritui subicit, cor facit contritum, & humiliatum, concupiscentiæ nebulas dispergit, libidinum ardores extingvit, castitatis verum lumen accendit. Unde patet, quod jejunium est actus virtutis.

Jejunium quadruplex numeratur. *Imum Naturale*, quo aliquis indigentiam cibi famelicus non refert ad aliquod bonum honestum, estque actus indifferens: quale jejunium requiritur ante sumptionem Eucharistiæ, quod etiam modico cibo vel potu frangitur. *2dum Morale*, de quo nunc egimus. *3tium Legale* quatenus lege naturali tum divinâ præcipitur ut medium utile ad deletionem & cohibitionem culpæ, & ad elevationem mentis ad Spiritualia. Lege autem Ecclesiasticâ, quatenus modus & tempus determinatur talis jejunii: de quo plura Morales Theologi. Nunc breviter aliud, est jejunium Ecclesiasticum quod vocatur *Quadragesimale*, de quo S. Ambrosius ait. Bonum est quidem cunctis temporibus jejunare, sed melius Quadragesimam jejunare cum Christo, hanc enim Quadragesimam nobis Dominus suo jejuniis consecravit. *Aliud Jejunium Quatuor Temporum*, de quo S. Isidorus Hispalensis locutus est dicens. Triduanis autem diebus jejunare de exemplo sumptum est Ninivitarum, qui damnatis pristinis vitiis, totos se tribus diebus jejuniis ac poenitentiae contulerunt, & operi saccis DEUM ad misericordiam provocârunt. *Aliud jejunium Vigiliarum*, de quo S. Bernardus sic locutus est: Sanctorum festa præcipua Patrum sanxit auctoritas, votivis præveniendi jejuniis, utiliter planè & non ad insipientiam nobis, si adfuerit, qui advertat. Multa siquidem quotidie peccata contrahimus, & in multis offendimus omnes: nec tutum est omnino, celebrandas suscipere festivitates sacras, maximeque eas, quæ maximæ sunt, nisi prius abstinentiæ purificatione præmissâ, quo digniores inveniamur, & capaciores spiritualium gaudiorum. Et paulo post.

V. P. Lobner  
f. l. c. x.

S. Isidor. serm.  
4. de offic.  
Eccles.

S. Bernardus in  
Vigilia S. An-  
dreæ.



Non modo tamen preparatio est ad proximam celebritatem, observatio præmissa jejunii, est & admonitio quædam eruditioque non parva. Discimus ex hoc ipso, quænam sit vera via festivitatis æternæ. Quid enim est, quod jejuniis solemnia præveniamus, nisi quod per multas tribulationes oportet nos introire in Regnum DEI? Indignus quippe est solemnium lætitiâ, qui statutam vigiliæ abstinentioniam non observat. Planè inquam si renuis affligere animam tuam in vigilia, indignus jure censis requie, & exultatione festivâ. Est autem universum præsentis vitæ tempus vigilia quædam solemnitaris, magni & æterni Sabbathi, quod præstolamur: nec causaberis longiores vigiliæ, si æternitatis festivitatem attendas *quædam Metaphoricum*, quo præter gulæ moderationem abstinetur ab aliis vitiis.

Col. 2.

Job: 12.

Luc: 6.

Matth: 6.

2. Cor: 6.

*Motiva Jejunii.* *Imam. Job.* Bona est oratio cum jejuniis, & eleemosyna, magis quàm thesauros auris recondere. *Christus:* Beati qui nunc esuritis, quia saturati eritis. *Idem:* Tu autem cum jejunas unge caput tuum, & faciem tuam lava; nè videaris hominibus jejunans, sed Patri tuo, qui est in abscondito, & Pater tuus, qui videt in abscondito, reddet tibi. *Apostolus:* In omnibus exhibeamus nosmetipsos sicut ministros DEI in vigiliis, & jejuniis.

S. Aug sup.

*2dum. S. Augustinus:* Jejunium magnum & generale est, Joan. hæc in abstinere ab iniquitatibus, & ab illicitis voluptatibus seculi, discre: de Conf. *Idem:* Jejunium verborum non amat, divitias superfluitatem judicat, superbiam spernit, humilitatem commendat, præstat homini seipsum intelligere, quod est infirmum & fragile.

Idem serm. de S. Hieronymus:

Jeju.

S. Hieron. hæc.

in discre: de Greg:

Conf. dist. 5.

Non dico.

S. Greg: in bo-

mil,

S. Ambr: de

Abst. &amp; Jejun.

Greg: in Pastor.

hit,

hit,

hit,

hit,

hit,

hit,

hit,



hit, non inopibus tribuit, sed ventri postmodum offerenda custodit. *S. Bernardus*: Quid vero est condonari commissâ, nisi *S. Bern. Serm.*  
 jejuniu brevi, jejunia redimi sempiterna? Gehennam enim *4. in Quadr.*  
 meruimus, ubi nullus unquam cibus est, consolatio nulla, terminus nullus, ubi guttam aquæ dives postulat, & accipere non meretur. Bonum ergo & salutare jejunium, quo redimuntur aterna supplicia, dum remittuntur hoc modo peccata. Non solum aboliio est peccatorum, sed extirpatio vitiorum, non solum obtinet veniam, sed promeretur gratiam, non solum delet peccata præterita, quæ commisitimus, sed & repellit futura, quæ committere potueramus. *S. Athanasius*  
*in lib. ad Virg.* Videnè quid faciat jejunium? Morbos sanat, distillationes corporis exsiccat, dæmones fugat, pravas cogitationes expellit, mentem clariorem reddit, cor mundum efficit, corpus sanctificat, denique ad thronum DEI sistit. Et nè putes hæc temerè dici habes hujus rei testimonium in Evangeliiis prolatum à Salvatore. Cum enim quævisissent discipuli quonam modo immundi spiritus ejicerentur, respondit Dominus. Hoc genus non ejicitur, nisi in oratione, & jejunio. Valde enim dæmones oblectantur crapulâ & ebrietate, & corporis commodis. Magna vis in jejunio, & magna ac præclara sunt per illud. Alioquin unde homines, tam mirifica præstarent, & signa per eos fierent, & sanitatem infirmis per ipsos largiretur DEUS, nisi planè ob exercitationes Spirituales, & humilitatem animi, & conversationem bonam? Jejunium enim Angelorum cibus est: & qui eo utitur, ordinis angelici censendus est.) *Ecclesia*  
*In Præfat.* hæc de Jejunio ad DEUM canit. Qui corporali jejunio vitia *Misse Quadrages.*  
 comprimis, mentem elevas, virtutem largiris, & præmia. *D. Ambr.*  
*3tiū. Exemplum Christi*, qui frequenter famescens, & *Serm. 37.*  
 sitiens, solenne ad initium prædicationis quadraginta dierum, fecit jejunium. Unde *S. Ambrosius*. Christus jejunavit causâ salutis nostræ, ut rem utilem non solum nos doceret verbis, sed *1. 2. tra: 1. c. 1.*  
 etiam exemplis instrueret. Bonus medicus, qui poculum quod *sec: 3. sub exem-*  
 ægro daturus est, prior gustat, ut experimentum ager accipiens, securus sit de poculo, securior de salute. *De B. V. M. S. Ambr. in lib.*  
 habes supra descriptum exemplum ejus jejuniū. *Exempla San- de Elia & je-*  
 ctorum. *Elias* jejunio celum clausit sacrilego populo Judæorum: *junio.*  
 Jejuniiis



Jejunii filium viduæ ab inferis resuscitavit: Jejunus pluvias & ignes de calo excivit: jejunus curru ad cælum raptus est, & quadraginta dierum jejunio acquisivit Divinam præsentiam. Tunc denique plus meruit, quando plus jejunavit. *Esther & Judith*, Jejunio indicto effecerunt, ut propositum suum feliciter perficientes, populum suum ab interitu liberârent. Aliorum Sanctorum jejunia quis edisserat? Fuerunt qui non modò carnibus, piscibus, ovis, lacticiniis, vino, oleo, perpetuò abstinerunt, & panem & aquam sibi interdixerunt, verumetiam radicibus, herbulis rore conspersis, summatibus arborum in exigua quantitate victitârunt, & severissimum & perpetuum jejunium traxerunt; Fuerunt qui ad occasum solis, ad biduum, & triduum, imò totâ hebdomadâ prolongabant jejunia. Fuerunt qui quadraginta diebus in jejunio absque ullo cibo perdurârunt. Fuerunt qui annis aliquot solo Sanctissimæ Eucharistiæ usu, & nullo alio edulio se confortârunt. Legantur vitæ Patrum & aliorum Sanctorum, magis mirabilia reperies. Nec ullus pene fuerit excellenti opinione Sanctitatis in Ecclesia DEI, qui non excelluerit in jejunio. Aliquorum quidem abstinentia est magis admiranda, quàm imitanda. Veruntamen non est abbreviata manus Domini, quin & tibi quoque discretè in exercitio jejunii conanti proficere, succurrat. Potens est DEUS stupenda efficere suâ gratiâ supernaturali, quæ naturam suâ impossibilitate excedunt. Sed illa quæ sunt ordinaria jejuniorum exercitia quòd negligas, profectò tibi rubor confusionis est. Erubescas te superari à delicatis juvenculis, & virgunculis in affluentia deliciarum manentibus. Timeas nè Ethnicorum quoque dura abstinentia, durum tibi comparet judicium & supplicium vindicis justitiæ DEI.

*De Praxi supra vide sub Abstinentia.*

### SUBSECTIO III.

#### De Oppositis Abstinentiæ.

*S. Hieron. in Epist. ad Eustachium.* **I**mò. Opponitur imperfecta Abstinentia. Contra quam *S. Hieronymus*. Nonnulli vitam pudicam appetentes in medio itinere corruunt,



corruunt, dum solam abſtinentiam carniū putant, & legumini-  
 bus onerant ſtomachum, quæ moderatè, parcequè ſumpta  
 innoxia ſunt; Et ut quod ſentio loquar, nil ſic inflammāt corpora,  
 & titillat membra genitalia, ſicut indigeſtus cibus, victusquè  
 convullus. *S. Gregorius*: Non cibus, ſed appetitus in vitio eſt. *S. Gregor. lib.*  
 Unde & lautiores cibos plerumque ſinè culpa ſumimus, & ab- 30. *Moral.*  
 jeſtiores non ſine reatu conſcientiæ deguſtamus. 2dò. Oppo-  
 ponitur Abſtinentia ſeu Jejunium *per exceſſum*. *S. Hieronymus*. An- *S. Hieron. ad*  
 te annos robuſtæ ætatis periculofa eſt teneris abſtinentia. *S. Latam.*  
*Gregorius*: Abſtinentiæ virtus nulla eſt, ſi tantum quiſque cor- *S. Greg. lib. 20.*  
 pus non edomat, quantum valet: aut valde inordinata eſt, ſi *Moral.*  
 atterit, plus quàm valet. 3tò. *Per defectum* opponitur nempe *D. Tho. 2. 2.*  
*Gula, capitale vitium, quod eſt inordinatus comedendi & bibendi appeti-*  
*tus*. Dicitur: *vitium capitale*. Quia ex eo multa alia vitia ori- *q. 148.*  
 untur, tum propter rationem ejus delectationis, quæ eſt una *V. Ibidem. a. 5.*  
 de conditionibus felicitatis, quam naturaliter appetimus; tum  
 propter conſervationem vitæ, quæ ſimiliter naturaliter eſt appe-  
 titibilis, adeoque & ipſe cibus eſt maximè appetibilis, ſinè quo vita  
 haud conſervatur: unde ad hoc ferè totus labor humanæ vitæ  
 ordinatur; ſecundùm illud *Eccleſ. 6.* Omnis labor hominis in  
 ore ejus. Dicitur: *inordinatus* &c. nempe ex eo quòd recedit ab *V. Ibidem. a. 16.*  
 ordine rationis, in quo bonum virtutis moralis conſiſtit.)) Huc  
 pertinet dictum *S. Gregorii*. Sic voluptas plerumque ſub ne- *S. Greg. lib. 30.*  
 ceſſitate ſe palliat, ut vix eam perfectus quiſque diſcernat, nam *Moral.*  
 dum ſolvi debitum neceſſitas petit, voluptas explere deſide-  
 rium ſuppetit, & tantò gula ſecuriùs in præceps ruit, quantò  
 ſub honeſto nomine neceſſitatis explendæ ſe contegit.

*Gula ſpecies ſunt. Præpropere, Lautè, Nimis, Ardenter, Stu-* *D. Tho. q. 148.*  
*dioſè*. Quia gula importat inordinatam concupiſcentiam eden- *a. 4.*  
 di. In eſu autem duo conſiderantur, ſcilicet ipſe cibus, qui  
 comeditur, & ejus comestio. Poſſeſt ergo inordinatio concu-  
 piſcentiæ attendi dupliciter. Uno quidem modo quantum ad  
 ipſum cibum, qui ſumitur: Et ſic quantum ad ſubſtantiam vel  
 ſpeciem cibi, quærit aliquis cibos lautos, id eſt pretioſos: Quan-  
 tum ad qualitatem, quærit cibos nimis accuratè præparatos,  
 id eſt ſtudioſè. Quantum autem ad quantitatem, excedit ni-



mis in edendo. Alio verò modo attenditur inordinatio concupiscentiæ, quantum ad ipsam sumptionem cibi, vel quia prævenit debitum tempus comedendi, quod est *Træpropere*; vel quia non servat modum debitum in edendo, quod est *Arden-ter*. Isidor. verò comprehendit imum & 2dum sub uno dicens: quòd gulosus excedit in cibo secundum quid, quantum, quomodo, & quando.

E  
alicitur ex lib.  
de summo  
ono c. 22. non  
procul à fine  
cap. 42.  
Eccl: 31.

Eccl: 37.  
Prov: 21.

Luc. 6.  
Idem. 21.  
Rom. 13.

Philip. 13.

Ingl. su. Rom.  
14.

Alien. in epist.  
ad Paulin.

Idem in epist.

*Motiva fugiendi Gulam.* Imum. Eccl: Somno salubri fruuntur viscera temperantis, manè surgit idem & compos est animi, labor autem vigilia & cholera, torsionesque exercent hominem insatiabilem. Eccl: Propter crapulam multi obierunt, qui autem abstinens est, adjiciet vitam. Prov: Qui diligit epulas, in egestate erit: qui amat vinum & pingvia, non dirabitur. Christus: Væ vobis! qui saturati estis, quia esurietis. Idem: Attendite vobis, nè forte graventur corda vestra in crapula, & ebriate, & curis hujus vitæ. Rom: Sicut in die honestè ambulemus, & non in comestationibus, & ebrietatibus, non in cubilibus, & impudiciis, non in contentionibus, & amulatione: sed induimini Domini JESUM Christum: & carnis curam, nè feceritis in desideriis. Philip: Quorum DEus venier est, & gloria in confusione ipsorum, qui terrena sapiunt.

2dum Motivum. Non propter porcum, sed propter pomum mortem primus homo invenit. Et Esau primatum suum non propter gallinam, sed propter lenticulam perdidit. Scio enim Noè omne genus carnis, quod cibo esset usui, manducare concessum. Eliam cibo carnis refectum; Joannem mirabili abstinentiâ præditum, animalibus, id est, locustis in escam cedentibus, non fuisse pollutum. Et scio Esau lenticulæ concupiscentiæ deceptum. Et David propter aquæ desiderium à se ipso reprehensum, & Regem nostrum non de carne, sed de pane tentatum. S. Hieronymus: Sit vilis & vespertinus cibus olera & legumina, interdumque pisciculos pro summis ducas deliciis. Qui Christum desiderat, & illo pane vescitur, non querit magnopere quàm de pretiosis cibus stercus conficiat. Idem: Galenus vel doctissimus Galeni interpres, Adeps, quorum



rum vita & ars sagina est (dicit in exhortatione medicina) nec vivere posse diu, nec sanos esse, animasque ita nimio sanguine & adipibus quasi luto involutas, nihil terrene, nihil caeleste, sed semper de carnalibus eructare, & ventris ingluviem cogitare. *S. Gregorius: S. Greg. lib. 30.* Dominante gulæ vitio, omne quod homines fortiter egerunt, *Moral.* perdunt: & dum venter non restringitur, simul omnes virtutes animæ luxuriâ destruuntur. *Idem: Non ad conflictum spiri-* *idem lib. 12.* *Moral.* tualis agonis assurgitur, si non prius intra nosmetipsos hostis positus, gula videlicet appetitus edomatur, quia si non ea, quæ nobis sunt vicina, prosternimus, inaniter ad ea, quæ longius sunt, impugnanda transimus. Incassum namque contra exteriores inimicos in campo bellum geritur: si intra urbis moenia civis insidians habetur. *S. Isidorus: Gulæ saturitas nimia aciem mentis obtundit, ingeniumque evertere facit. Idem: Quibuslibet escis refectus venter seminaria luxuriæ parit, nec prævalet mens discretionum gubernacula moderari, ciborum præfocata pondere. Non enim sola crapula vini mentem inebriare consuevit, verum etiam cunctarum escarum nimietas vacillantem eam ac nutabundam reddit, omnique integritatis ac puritatis contemplatione despoliat. Innocentius: Impossibile est saturum ventrem pugnas interioris hominis experiri, nec bellis robustioribus attentari dignum esse eum, qui potest de- jici leviori conflictu. Secundum D. Thomam & alios: Gulæ filix quinque numerantur, scilicet inepta lætitia, scurrilitas, immunditia, multiloquium, & hebetudo mentis circa intelligentiam, quia gula propriè consistit circa immoderatam delectationem, quæ est in cibis & potibus. Et ideo illa vitia inter filias gulæ computantur, quæ ex immoderata delectatione cibi & potus consequuntur. Quæ quidem possunt accipi vel ex parte animæ, vel ex parte corporis. Ex parte autem animæ quadrupliciter. Primò quidem quantum ad rationem, cujus acies hebetatur ex immoderatione cibi & potus. Et quantum ad hoc ponitur filia gulæ hebetudo sensus circa intelligentiam, propter fumositate ciborum, perturbantes caput, sicut è contrario abstinentia confert ad sapientiæ perceptionem: 2dum illud Eccl. 2. Cogitavi in corde meo abstrahere à vino carnem meam, ut ani-*



num meum transferrem ad sapientiam. Secundò quantum ad appetitum, qui multipliciter deordinatur, per immoderantiam cibi & potus, quasi sopito gubernaculo rationis. Et quantum ad hoc ponitur inepta lætitia: quia omnes aliæ inordinatæ passionibus ad lætitiā & tristitiā ordinantur ut dicitur in 2do

Lib. 2. c. 5.  
com. 5.

Par. 3. c. 2.  
in princ.

Gl. interlin:  
ibid.

S. Hier. epist. 2.  
ad Nepot.

S. Basil. in  
Const. Mon.

c. 5.  
S. Climac. de  
difer.

S. Isid. lib. 1.  
c. 42.

Gen. 3.

Ethic. Et hoc est quod dicitur. 3. Esdræ 3. Quod vinum omnem mentem convertit in securitatem & Jucunditatem. Tertiò quantum ad inordinatum verbum. Et sic ponitur multiloquium: quia ut Gregorius dicit in Pastoral. Nisi gulæ deditos immoderata loquacitas raperet, dives ille, qui epulatus quotidie splendide dicitur, in lingua gravius non arderet. Quarto quantum ad inordinatum actum. Et sic ponitur scurrilitas, id est, jocularitas quædam, proveniens ex defectu rationis, quæ sicut non potest cohibere verba, ita non potest cohibere exteriores gestus. Unde ad Ephes. 5. super illud: Aut stultiloquium, aut scurrilitas, dicit glossa. Quod à stultis curialitas dicitur, id est, jocularitas, quæ risum movere solet. Quamvis posset utrumque horum referri ad verba, in quibus contingit peccare, vel ratione superfluitatis, quod pertinet ad multiloquium: vel ratione inhonestatis, quod pertinet ad scurrilitatem. Ex parte autem corporis ponitur immunditia: quæ potest attendi sive secundum inordinatam emissionem quarumcunque superfluitatum, vel specialiter quantum ad emissionem feminis. Unde super illud ad Ephes. 5. Fornicatio autem & omnis immunditia &c: dicit glossa. id est incontinentia pertinet ad libidinem quocunque modo. S. Hieronymus: Pingvis venter non gignit mentem tenuem, S. Basilus: Ventris moderatio animi perturbationum compressio est, perturbationum autem compressio, animi pax est atque tranquillitas: animi autem tranquillitas nihil aliud, quam fecundissimus virtutum fons est. S. Climacus: Sicut stercoris copia multitudinem gignit vermium: ita multitudo ciborum, lapsuum & malarum cogitationum, atque somniorum operatur multitudinem. S. Isidorus: Nemo potest virtutum perfectionem attingere, nisi prius ventris edomuerit ingluviem.

2tim. Ex Biblioth. Man. P. Lohner tit. Cula. I. Vidit

Eva



Eva quoddam lignum esset bonum ad vescendum, & tulit de fructu ejus, deditque viro suo, & comedentes ambo, totum humanum genus secum in perniciem traxerunt. II. Serapion cum diu à gula superatus, & quæ occultè comederet furatus; tandem tentationem & fragilitatem suam seniori detexisset, panemque furto sublatum de sinu extraxisset, flamma sulphurea gravissimè fœtens de eodem sinu exivit, ut intelligeret, tunc tandem tentationem illam penitus fuisse expugnatam. III. Alius quidam frater, cum in patriam domum veniens, piscibus oblatis non contentus, sed gallinam occidens, & assari jubens, ubi primum bolum accepit, ab eo suffocatus est. IV. Quidam miles post mortem puero suo apparens, cum hic præ timore aperire ei januam nolleret, bufones ac serpentes januæ appendit, Filioque suo nuntiari iussit, hunc esse suum & otiosorum in inferno cibum, & delicias.

Cassian. in  
Col. c. II.

Spec. Exemp.  
Gulæ Exemp.

Ibidem ex. 16.

4<sup>ta</sup>um. Beata Maria Magdalena de Pazis etiam in pueritia non sumebat jentaculum, & in summo æstu nullo refrigerio utebatur, quod adeo DEO placuit, ut post viginti quatuor annos ei revelaverit, propter hanc mortificationem gulæ ei præparatam esse in cælis mensam plenam pretiosissimis cibis. Aliud: B. Jacoponus ut gulam domaret, absynthio quasi sale utebatur. Quondam ab appetitu bubulæ carnis vexatus, eam quidem emit, sed tamdiu in cubiculo servavit, donec computresceret, & tum demum pessimè olentem naso applicabat.

Vita. cap. 5.

Corn. à Lap. in  
C. III. Num.

In Praxi pro vincenda Gula hæc adhibe quædam media ex P. Lohner, quorum est I. Oratio, uti S. Augustinus suo exemplo P. Lohner rit. docuit, dum dixit: His tentationibus (gulæ) quotidie conor resistere, & invoco dexteram tuam ad salutem meam, & ad te refero æstus meos, quia consilium mihi de hac re nondum stat. S. August. lib. Multa nobis orantibus tribuis. Audiivi rogantem ut accipiat. 10. confess. c. 31. Aufer à me, inquit, concupiscentias ventris. Unde apparet S. DEUS meus, te dare, cum sit quod imperas fieri. Hinc Hesiodi monitum est. Nè comede ex illa, quæ non benedicta patella est.

Biblioth. Man.  
Abstinentia &

Gula.

S. August. lib.

10. confess. c. 31.

Macrobi. lib. 3.

c. II.

S. Greg.

II. Spiritualium rerum studium: nam gustato spiritu, desipit omnis caro. Hinc S. Gregorius ait. Gula per abstinentiam frangitur, sed abstinentiam ciborum corporalium habere non potest,



qui mentem spiritualibus cibis non replet: potenter enim corpus extenuat, qui amore cælestium cor inflammat, quia dum spiritualia diligit, desideria carnis valenter premit.

*Petrarcha Dia-  
lo. c. 8.*

III. Sæpe perpendere, quàm bestialis, vana, brevis, noxia corpori & animæ, atque adeo etiam indigna homine sit voluptas immoderata, quæ ex gustu percipitur, ac proinde dicere cum Seneca. Ad majora sum genitus, quàm ut mancipium sim mei corporis. Certè Petrarcha iudicavit hoc vitium nullo melius modo, quàm generosâ quâdam indignatione, & rei ipsius exultatione confundi, vel sensim ut Cicero: placuit, vel repente ut Aristoteli visum est. Multum confert cogitatio exitus, quod cum omnibus vitiis sit commune, tamen huic proprium & luxuriæ.

*S. Ignatius in Reg.  
de vict. tem.*

*Climacus  
grad. 7.*

IV. Ante mensam definire, quid & quantum sumendum sit, & hunc terminum nulla aviditate & instigatione inimici excedere:

V. Infernalis cibi meminisse. Ita Climacus svasit dicens. Mensæ delibatio lamentandæ sortis vermium illorum te admoneat, minusquè delicias requires. Sed & in ipso aquæ potu flammæ illius sitim nè obliviscaris, atque ita vim omnino naturæ facies.

*Vita p. 2. pa-  
rag. 73.*

VI. Joannes Berchmannus nihil unquam peculiare in cibo admisit, dicens, sperare se DEO cordi fore, ut communia non nocerent, quando iis uteretur, nè discederet à communi usu. Affirmabat usu temporis temperantiam paulatim acquiri posse se verò nè jentandi assuetudine obstringeretur, cœpisse ab initio suscepti Tyrocinii detrahare quotidie aliquid de cibo consueti, atque

*S. Dorotheus  
f. g.*

hac viâ didicisse abstinere. Unde S. Dorotheus svadet ut quisque experientiâ magistrâ discat & observet, quanta cibi copiâ soleat stomachum gravare, ac deinde paulatim de copia illa detrahat, donec nullam ampliùs in digestionem difficultatem sentiat. Contra notet quoque quanta cibi tenuitas & parsimonia imbecillior rem reddat, ut officio, quod sustinet, ægrè satisfacere possit, quo animadverso paulatim eò usque comæatum augeat, donec integras vires sentiat ad munus suum commodè obeundum. Pater

*Opiscul. 2.  
n. 60.*

Nicolaus Lancitius scribit à suo Magistro Novitiorum hanc regulam temperantiæ & sobrietatis præscriptam fuisse, ut tantum quis comedat, vel bibat, ut absoluto prandio vel carnâ ad orationem se dispositum sentiat.

*Tertul. in  
Apol. c. 39.*

Hinc & Tertullianus de moribus veterum



veterum Christianorum scribens, ait: bibitur quantum pudicis est utile, ita saturantur, ut qui meminerint etiam per noctem sibi adorandum esse DEUM. Et hoc est quod etiam Angelus Sancto Pachomio in dictatis regulis præcepit, concede unicuique ut comedat, & bibat pro viribus, neque jejulare prohibe, neque comedere. Et merito, nam teste Clemente Alexandrino, pericula sunt extrema, media autem bona sunt, medium autem est, quidquid non eger necessariis rebus.

*Pallad. in Lau-  
fia Hist. c. 38.*

*Apud Lancit.  
lib. 7. n. 30.*

VII. Denique præstantissimum remedium ex sensu SS. Patrum est, sicut alia vitia resistendo, ita gulam & luxuriam fugiendo vincere. Ignoti enim nulla est cupido, quanquam perfectiores etiam in mediis illecebris gulæ triumphant. Ita Fr. Bernardus de Quintravalle, socius Sancti Francisci, dicere solebat, gulæ vim multo magis in gustu, quam copia ciborum reperiri, ideo ipse libenter publica convivia accedebat, eò quod ibi insignem haberet occasionem se mortificandi, aliosque ædificandi.

*Petry de regno  
Dei. c. 2.  
f. 481.*

Verum rarius hujusmodi maximè imperfectis sectanda exempla, cum etiam S. Ambrosius & S. Augustinus Conviviis, invitati, nolebant adesse, nè excederent metas temperantiæ. Refert S. Gregorius Turon. dicens: Vennocus Britto Presbyter in summa vivebat abstinencia. Vestes erant vilissimæ pelles, cibus agrestes & incoctæ herbæ, potus aqua. Ad comprimendam gulam, vini vascula ori solummodo admovebat, nihil ex iis hauriens. At dum hoc ipsum crebrius facit, tandem dulci odore vini illectus, & gustare nonnihil, inde & bibere, denique etiam cœpit inebriari adeo, ut homo miserabilis ex continua ebrietate tandem ad insaniam redactus, catenis confringi debuerit.

*Collector.*

*Greg. Turon.  
lib. 8. Franc.  
c. 44.*

*Vide quoque supra specificata, & hic proportionata Metodo applica  
I. 2. tra: 1. c. 1.  
sect. 4. subs. 2.  
§. 2. & 3.*

## SUBSECTIO IV.

### De Sobrietate.

**S**obrietas, est specialis virtus, quæ removetur speciale rationis impedimentum ex potu inebriante proveniens. Dicitur: specialis virtus: Quia ad virtutem moralem pertinet conservare bonum rationis

*D. Tho: 2. 2.  
q. 149.*



V. *ibidem* 4. 2.  
ad 1.

V. *ibid.* 4. 4.

Lib. 2. c. 1. ti-  
tulo de usu vi-  
ni mulierib.  
interdicto.

Ita D. Tho: 4. 1.

rationis contra ea, quibus potest impediri. Et ideo ubi inveni-  
tur speciale impedimentum rationis, ibi necesse est esse specialem  
virtutem ad illud removendum. Potus autem inebrians habet  
specialem rationem impediendi usum rationis, inquantum scilicet  
perturbat cerebrum suâ fumositatē. Et ideo ad removen-  
dum hoc impedimentum rationis, requiritur specialis virtus, quæ  
est sobrietas. Differt autem abstinencia circa cibum & potum à  
sobrietate per hoc, quod abstinencia faciat, nè ratio impediatur  
per ejus absorptionem ab immoderantia delectationis circa ci-  
bum. Sobrietas autem nè bonum rationis perturbetur à fumo-  
sitatibus potus inebrians. Dicitur: *quæ removemus*. Ubi inter  
alias personas maximè remove debent hoc impedimentum ra-  
tionis, seu sobrietati studere, nempe mulieres, & juvenes, tum  
senes, & honoratæ personæ. Ratio est, quia virtus habet habi-  
tudinem ad duo. Uno quidem modo ad contraria vitia, quæ ex-  
cludit, & concupiscentias, quas refrænât. Alio modo ad finem in  
quem perducit. Sic ergo aliqua virtus magis requiritur in ali-  
quibus duplici ratione. Uno modo, quia in eis est major proni-  
tas ad concupiscentias, quas oportet per virtutem refrænari, &  
ad vitia quæ per virtutem tolluntur. Et secundum hoc sobrie-  
tas maximè requiritur in juvenibus, & mulieribus, quia in juve-  
nibus viget concupiscentia delectabilis propter fervorem ætatis.  
In mulieribus autem non est sufficiens robur mentis ad hoc, quod  
concupiscentiis resistent. Unde zdum Valerium Maximum.  
Mulieres apud Romanos antiquitus non bibebant vinum. Alio  
vero modo sobrietas magis requiritur in aliquibus,  
utpote magis necessaria ad propriam operationem  
ipsorum. Vinum autem immoderatè sumptum, præ-  
cipuè impedit usum rationis. Et ideo senibus, in quibus ratio  
debet vigere ad aliorum eruditionem, & Episcopis, seu quibus-  
libet Ecclesiæ ministris, qui mente devotâ debent Spiritualibus  
insistere, & Regibus, qui per sapientiam debent populum sub-  
ditum gubernare, specialiter sobrietas indicitur. Dicitur: *ex  
potu inebriante*; quia specialiter sobrietas attenditur circa potum,  
non quencunque sed eum, qui suâ fumositatē natus est caput  
conturbare.

Motiva

E



*Motiva Sobrietatis.* *Eccl:* Quam sufficiens est homini erudito vinum exiguum, & in dormiendo non laborabis ab illo, & non senties dolorem. *Eccl:* Vinum in iucunditatem creatum est, & non ad ebrietatem ab initio. Exultatio animæ & cordis vinum moderatè potatum. Sanitas est animæ & corpori sobrius potus. *Apostolus:* Omnes vos filii lucis estis, & filii diei, non sumus mortis neque tenebrarum. Igitur non dormiamus sicut & cæteri, sed vigilemus. Qui enim dormiunt, nocte dormiunt, & qui ebrii sunt, nocte ebrii sunt. Nos autem qui diei sumus; sobrii sumus. *Origeni* sobrietas omnium virtutum mater est: sic è contrario ebrietas omnium vitiorum origo. *S. Augustinus:* Sobrietas est mentis & sensus membrorum omnium, corporisque tutela, castitatis pudicitia: què munimentum, pudori proxima, amicitia pacisque ferva, honestatiquè semper conjuncta, criminumquè & vitiorum omnium profuga. *Beda:* Sobrietas servat memoriam, acuit sensum, dirigit vultum, integrat pudorem, mitigat vitia, figurat aciem, elinit aures, exonerat cerebrum, exprimit linguam, explicat sermonem, nutrit medullam, confirmat sanguinem, procurat venas, constringit nervos, contemnit libidinem, recreat somnum, propagat senectutem, prohibet mysterium, & hominem constabilit. *S. Thomas:* Sicut potus inebriare valentis usus mensuratus multum confert, ita modicus excessus multum lædit: quia impedit usum rationis, magis etiam quàm excessus cibi. Unde dicitur: *Eccl. 31.* Sanitas est animæ & corpori sobrius potus. Vinum multum potatum irritationem, & iram, & ruinas multas facit.

*Ad Praxim Sobrietatis vide dicta de Praxi Abstinentie.*

## SUBSECTIO V.

### De Ebrietate.

**E** Brietas, species gula, est inordinatus appetitus vel usus potus, *D. Tho: 2.*  
*cum privatione rationis.* Triplex autem potest contingere q. 150.  
 Ebrietas. Uno modo sic, quòd nesciat potum esse immo- *V. ibid. 2. a.*  
 deratum,



deratum, & inebriare potentem. Et sic ebrietas potest esse finè peccato. *Alio modo* sic, quòd aliquis percipiat potum esse immoderatum, non tamen æstimet, potum esse inebriare potentem. Et sic ebrietas potest esse cum peccato veniali. *Tertio modo*, potest contingere: quòd aliquis benè advertat potum esse immoderatum & inebriantem, & tamen magis vult ebrietatem incurrere, quàm à potu abstinere. Et talis propriè dicitur ebrius: quia moralia recipiunt speciem non ab eis, quæ per accidens eveniunt præter intentionem, sed ab eo quod est per se intentum. Et sic ebrietas est peccatum mortale. Quia secundùm hoc, homo volens & sciens privat se usu rationis, quo secundùm virtutem operatur, & peccata non declinat. Et sic peccat mortaliter periculo peccandi se committens. Dicit enim Amb. in lib. de Patriarchis. Vitandam dicimus ebrietatem, per quam crimina cavere non possumus; Nam quæ sobrii cavemus, per ebrietatem ignorantes committimus. Unde ebrietas per se loquendo est peccatum mortale.

Prov: 23.

*Frenativa Ebrietatis.*

*Imum.* Prov: Nè intueris vinum quando flavescit, cum splenduerit in vitro color ejus, ingreditur blande, & in novissimo mordebit ut coluber, & sicut regulus venena diffundet. Oculi tui videbunt extranea, & cor tuum loquetur perversa, & eris sicut dormiens in medio mari, & quasi sopitus gubernator amisso clavo, & dices. Verberaverunt me, sed non dolui: traxerunt me, & ego non sensi.

Prov: 25.

Quando evigilabo & rursus vina repetam? *Prov:* Noli esse in conviviis potatorum, nec in commensationibus eorum qui carnes ad vescendum conferunt, quia vacantes potibus, & dantes

Prov: 20.

Prov: 23.

Symbola consumenatur. *Prov:* Tumultuosa ebrietas. *Prov:* Cui vax? cuius patri vax? cui rixæ? cui foveæ? cui sine causa vulnera? cui suffusio oculorum? Nonnè his qui commorantur in vino, & student calicibus epotandis?

Eccles: 19.

Esai: 5.

*Eccles:* Vinum & mulieres apostatate faciunt sapientes. *Esai:* Vax! qui confurgitis manè ad ebrietatem sectandam, & potandum usque ad vespertam, ut vino æstuetis. Cithara & lyra, & tympanum, & tibia, & vinum in conviviis vestris: & opus Domini non respiciitis, nec opera manuum ejus consideratis. *Idem.* Vax! qui potentes estis

Idem

ad



ad bibendum vinum, & viri fortes ad miscendam ebrietatem.

*Joel*: Expergiscimini ebrii & flete: & ullulate omnes, qui bibitis vinum in dulcedine, quoniam perit ab ore vestro. *Apo-* *Joel I.*  
*I. Cor. 6.*

*Isolus*: Neque ebriosi regnum DEI possidebunt.

*2dum Frænum. S. Chrysostomus*: Ebrius, dæmon est volun- *Chrysost. hom. I.*  
tarius, mortuus animatus, morbus veniam non habens, ruina  
exultatione carens, commune nostri generis opprobrium. Non  
enim in conventibus tantum inutilis ebrius, aut in privatis &  
publicis negotiis, sed & solo aspectu est omnium gravissimus, fœ-  
tores exhalans teterrimos, eructationes & oscitationes. *Idem: Idem in Matth.*

Quanto melior asinus ebrioso? - quanto canis præstantior? *homil. 58.*

omnes certè bestię, cum bibunt aut comedunt, ultra quam sa-  
tis est non sumunt, etiam si mille homines cogerent. *S. Ba- S. Bas. Mag.*

*filius*: Lymphatus & cacodæmone captus, misericordiā quidem *serm. de ebriet.*

dignus est: ebrius verò eadem ferè & ipse patiens minimè mi-  
sericordiā dignus, qui spontaneus servit Dæmoni. *S. Augustinus: S. August. ad*

Ebrietas est flagitiorum omnium mater, culparumquē mate- *sacras Virg.*

ria, radix criminum, origo vitiatorum, turbatio capitis, subver-  
sio sensus, tempestas lingvæ, procella corporis, naufragium  
castitatis, amissio temporis, insania voluntaria, ignominiosus  
langvor, turpitudine morum, dedecus vitæ, honestatis infamia,  
animæ corruptela. *Idem: Vinum potatum moderatè est me-*

*Ibidem.*

dicamentum: plus iusto sumptum venenum esse cognoscitur.

*Ibidem.*

Jucunditati non ebrietati creata est vini materia. *Idem: Per*

vinolentiam plurimi, plurimæquē à sancto pioquē proposito

excidère, & sui obliti, amissis honoribus, ignobiles remanse-

runt, & sedibus paternis profugi vitam, ut sumserunt, finie-

runt. *Idem: Ebrietas est blandus dæmon, dulce venenum,*

*R. August. in*

svave peccatum; quam qui habet, se ipsum non habet, quam

*quodam serm.*

qui facit, peccatum non facit, sed totus est peccatum. *Idem: Idem de poenit.*

Ebriosus confundit naturam, amittit gratiam, perdit gloriam,

incurrit damnationem æternam. *Petr. Rav. Ebrietas in Laico*

*Petr. Rav. in*

crimen est, in Sacerdote sacrilegium: quia alter animam suam

*quod. serm.*

necat vino, alter Spiritum Sanctum extingvit.

*Jacob Mar-*

*3tium. In vitis Patrum legitur. Quidam ex illis gravis-*

*ebant Hort.*

simè continuis tentationibus devexatus mœrebat, & inconsola-

*past. Tubæ Sa-*

D d d d 2

*biliter cerdot. tr. 4.*

*lect. 5.*



biliter suam plangebat sortem. Tandem dixit ei dæmon, se liberum eum dimissurum, & ab omni posthac tentatione futurum immunem, si unum ex tribus peccatis, ebrietate, homicidio, adulterio patrare decerneret. Ille seductus fallaci hac promissione, elegit ebrietatem tanquam minus inter cætera malum. Verum quid contigit? Cum temulentus foret, cum quadam muliere in adulterium lapsus est: nec ibi flagitii terminus. Viro enim superveniente, & facinus subodorante, nè fortè illud ipse vindicaret, etiam & virum aggressus, trucidavit. Ira quod simplex & minus cæteris peccatum sibi eligere visus fuerat, triplici se scelere abominabili contaminatum agnovit. Sic nimirum profundum meritò dicimus & detestabile (gulæ) vitium, quod ad tantam malorum abyssum mox hominem perducit.

*Eccles. 2. v. 2.*

*S. August. ser.*

33.

*Lu. 1. v. 5.*

*Engelgr. in  
Cont. Dom. 2.  
post Epiph.*

*Drex. in Jo-  
seph c. 14. pa-  
ragr. 3.  
Alex. ab Alex.  
lib. 3. E.E. in  
Erem.*

*4tum. Ex P. Lobner Biblioth. Man. tit. Ebrietas. I. Salomon de se ipso confessus est: Cogitavi in corde meo abstrahere à vino carnem meam, ut animum transferrem ad sapientiam, devitaremquè stultitiam. II. S. Augustinus pro concione dixit: Ecce præclarissimus civis noster, & ferè ab omnibus dilectus Cyrillus Filium habebat, ut scitis, quem corrigere volebat, & luxuriosè vivendo insumpsit partem bonorum suorum. Sed ecce hodie ebrietatem perpeßus, matrem prægnantem nequiter oppressit, sororem violare voluit, Patrem occidit, & duas sorores ad mortem vulneravit. III. Christus Dominus gustavit vinum myrrharum cum felle mistum in exemplum mortificandi gulam nostram. IV. S. Gabriel Archangelus inter majora admirandæ sanctitatis S. Joannis Baptistæ indicia ponit, quòd vinum siceramquè non sit bibiturus. V. Alius quidam cum ingens poculum in sanitatem alterius evacuandum, offerretur, ingens frustum panis secalicei panis ei obtulit dicens: Ede tu istud in meam sanitatem, & ego tunc poculum hoc in tuam sanitatem ebibam.*

*5tum. Alphonfus Rex Aragonum, ebrietatem & ebrios, cane pejus & angve oderat: rogatus verò tanti odii causam, quia scio inquit furorem & modum ebrietatis esse sorores. Aliud. Romani eos qui se vino ingurgitabant adeò exosos habuerunt,*



buerunt, ut à senatu & publicis muniis, velut indignos, removerent. Hinc usque ad annum trigessimum, maculis vini usus non concedebatur. Foeminis verò omninò ignotus erat. *Aliud.* Timpius in specul. Princip. Hispani nè in testem quidem amplius admittunt illum qui semel ebrius extiterit. *Aliud.* Græci sanxerunt, ut qui potationibus patrimonium dilapidasset, nè sepeliretur in majorum suorum monumentis, sed inglorius in quisquilias abiceretur. *fig. 45. Alex. ab Alex l. 6. gen. dier.*

*In Praxi cavendi Ebrietatem* utere mediis à P. Lohner loco cit. propositis, illorum est. 1. *Abstinerè à convivio.* Ita Salomon monuit dicens: Noli esse in convivio poratorum, nec in comestationibus eorum. Hinc S. Ambrosius & Augustinus, neque in Patria petiti ibant ad convivium, nè temperantiæ amitteretur modus. *ca. 14. Prov. 3. v. 20.*

2. *Respectum humanum deponere.* Solent enim teste Augustino, Ebriosi ita se excusare, ut dicant: Persona potens me coëgit, ut amplius bibam, & in convivio Regis non potui aliter facere. Ad excusandas excusationes in peccatis ista prætendimus, & quod implere nolumus, non potuisse nos dicamus. Et si ad hoc veniretur ut diceretur tibi, aut bibas aut morieris, melius erat, ut caro tua sobria occideretur, quam per ebrietatem anima tua moreretur. Sed excusatio ista falsa objicitur, ipsi enim Reges, & quicumque alii potentes, si te viderent desinisse ut eis non acquiescas, pro timore DEI inebriari, si tibi sub horam videantur irasci, postea verò te in grandi admiratione suspiciunt dicentes: Quantis cum minis & terroribus fatigavimus, tamen nunquam eum à sobrietate separare potuimus? *Addit verò postea.* Ille qui ebrietati resistit, si cum DEI adjutorio perseveraverit, & pro ipsa aliquas ipse pertrulerit tribulationes, omnia ei DEUS ad Martyrii gloriam reputabit. *S. August. f. 232. de Ebriosis.*

3. *Per orationem frequenter gratiam obtinendi à DEO petere.* Ita iterum S. Augustinus sic consuluit dicens. Qui sunt ebriosi, si, cum adjutorio DEI de luto foecis se excutiant, vel de cloaca ebrietatis, dum adhuc tempus est poenitendi, festinent, quantâ possunt celeritate à DEO auxiliante consurgere, & totis animæ viribus cum Propheta supplicantes Domino dicant; Eripe me de luto, ut non inhæream. *Idem. c. 232.*



Ibidem.

4. *Paulatim sibi aliquid de potu subtrahere.* Unde idem Sanctus Ivasit dicens: Sed hic ante omnia scire debemus, quia non uno die homines efficiuntur ebriosi, sed cum paulatim per singulos dies, singulos sibi aut binos calices ad potum convetudinarium addunt: sic qui se de hoc malo desiderat liberare, paulatim subtrahendo ad sobrietatis lucem redeat. Qui enim per partes aliquid subducere voluerit, & de ebrietate liberabitur, & intolerabilem inferni poenam non patietur.

S. Climac.  
grad 14.

5. *Fellis Christo in cruce oblato meminisse:* Ita S. Climacus Ivasit dicens: ubi poculum bibiturus sumperis, aceti & fellis Domini DEI tui ne obliviscaris, & omnino vel moderatè bibes, vel ingemiscas, vel certè humilior inde, & modestior evades.

Phytagoras  
apud Stobæum  
f. 18.

6. *Ebriorum mores & facta inspicere.* Ita Phytagoras consultus à quodam ebrioso qua ratione ebrietatem vitare posset? Respondit. Si quæ per ebrietatem facis, animo volvas. Hinc & Lacædemonii ut filiis suis ebrietatem interdicerent, aliud non faciebant, quàm ut servos inebriarent.

1. 2. tract. 1. c. 1.  
sec. 4. subf. 2.  
§. 2. & 3.

Vide etiam suprâ dicta, & hic modo convenienti adhibe.

## SUBSECTIO VI.

### De Castitate.

V. D. Tho: in  
q. 151.

**C**astitas, est virtus specialis, quæ delectationes venereorum ad rationem moderatur.

Ita Ibid. 4. 1.  
ad 4.

Castitas inquantum est secundum rationem operans, habet rationem virtutis, inquantum autem habet delectationem in suo actu, connumeratur inter Fructus (Spiritus.)

#### Gradus Castitatis.

Graduum castitatis ordo.

Ex Formula aurea D. Bonaventuræ de gradibus virt. Castitatis altus gradus est, castitas conjugalis. Altior, vidualis. Altissimus, virginalis. Hoc patet per fructus, qui eis debentur, scilicet tricesimus, sexagesimus, centesimus. In hoc ultimo gradu fuit Christus, & Beata Virgo Mater ejus. Damascenus



scenus etiam dicit. A nuptiis abstinencia, est Angelorum imitatio.

Item altus gradus est, detestari gestus & tactus impudicos. Altior, detestari verba impudica. Adhuc altior, detestari voluntatem vel concupiscentiam impudicam, sicut Sara dixit. Nunquam concupivi virum, &c. Altissimus, Detestari cogitationem impudicam, sicut Job dixit: Pepigi foedus cum oculis &c. Item multum quandoque periclitatur castitas ex auditu impudico. Magis quandoque ex visu, ut in David & Senibus in Daniele. Sed maxime quandoque ex tactu impudico. Item maxime adjuvatur castitas, si homo vitat locum suspectum. Magis si vitat homines suspectos. Multo amplius, si vitat familiaritates suspectas, & ea quae provocant familiaritates suspectas, ut sunt dulces litterae, dulces salutationes, dulces respectus, dulcia verba, & blanda, & crebra munuscula, de quibus Hieronymus dicit: Crebra munuscula, & dulces litteras, & sudariola, & cibos prae gustatos, sanctus amor non habet.

Item altus gradus castitatis est, esse castum per munditiam carnis. Altior, per munditiam mentis, quia per impudicitiam maculatur corpus & anima, ut dicit Apostolus. Quodcunque peccatum fecerit homo &c. Altissimus, per imitationem exempli castitatis Christi.

*Incentiva amanda Castitatis.* immo. Sapientis: O quam pulchra est casta generatio cum claritate, immortalis est enim memoria illius: quoniam & apud DEum nota est, & apud homines. Cum praesens est, imitantur illam: & desiderant eam, cum se eduxerit, & in perpetuum coronata triumphat incoinquinatorum certaminum praemium vincens. Apostolus: Te ipsum castum custodi. Idem: Mulieres aetatis provectae sint prudentes, castae &c. Idem: Jis, qui secundum patientiam boni operis gloriam & honorem & incorruptionem quarunt, vitam aeternam. Idem: Volo autem vos sine sollicitudine esse. Qui sine uxore est, sollicitus est quae Domini sunt, quomodo placeat DEO. Qui autem cum uxore est, sollicitus est quae sunt mundi, quomodo placeat uxori, & divisus est. Et mulier innupta, & virgo, cogitat quae Domini sunt: ut sit sancta & corpore & spiritu. Quae autem nupta est, cogitat quae sunt mundi, quomodo placeat viro. Porro hoc ad utilitatem

## II.

Tob. 3. c.  
Job. 31. a.

1. Reg. II. 4.  
D. 13. a.

Hier. Epist. 2.  
ad Nepotianum.

## III.

1. Cor. 6.

Sap. 4. v. 1.

1. Tim. 5. 22.

Tit. cap. 2. v. 5.

Rom. 2.

Cor. 6. 7.



tem vestram dico: non ut laqueum vobis injiciam, sed ad id, quod honestum est, & quod facultatem præbeat sinè impedimento Dominum obsecrandi. *Idem*: Hæc est enim voluntas DEI sanctificatio vestra: ut abstineatis vos à fornicatione, ut sciat unusquisque vestrum vas suum possidere in sanctificatione & honore: non in passione desiderii, sicut & gentes quæ ignorant DEUM.

*S. August. de bono conjugali.*

*2dum S. Augustinus*: Sicut bonum erat quod Martha faciebat, occupata circa ministerium sanctorum, sed melius quo Maria audiens verba DEI: etiam bonum Susannæ in castitate conjugali laudamus; sed bonum viduæ Annæ, & magis MARIE Virginis anteponimus. *Idem*. Inter omnia certamina Christianorum duriora sunt prælia castitatis, nam ibi continua pugna, & rarior victoria. Rara enim concordia formæ arque pudicitia. Rara avis in terris, nigroquæ similima cygno. *S. Isidorus.* Nequaquam in senectute continentes vocandi sunt, qui in juventute luxuriosè vixerunt, tales non habent præmium, quia laboris certamen non habuerunt. Eos enim expectat gloria, in quibus fuerunt gloriosa certamina.

*S. Isidor. l. 2. de sum. bono. c. 31.*

*Beda in col- lationibus Patr.*

*S. Bern. serm. 57. de verbis Psal. Hæc est generatio,*

*S. Bern. epist. 42. ad Hen. non Archiep.*

*Beda*: Major est virtus ac sublimior gratia internam libidinem carnis extingvere, quàm nequitias demonum extrinsecus irruentes jugo Domini ac virtutis altissimæ potentia subjugare. *S. Bernardus*: Quis enim cælibem vitam, vitam cælestem & angelicam dicere vereatur? aut quod in resurrectione futuri sunt omnes electi: Quomodo non jam nunc estis, sicut Angeli DEI, in cælo, à nuptiis penitus abstinentes? Amplectimini Fratres pretiosissimam margaritam, amplectimini sanctimoniam vitæ, quæ vos efficit sanctorum similes, & domesticos DEI: dicente scripturâ. Incorruptio proximum facit DEO. Ita ergo non vestro quidem merito, sed gratia DEI estis, quod estis: quod ad sanctitatem & sanctimoniam spectat, Angeli quidem terreni, aut potius cæli cives, sed interim in terra peregrini. *Idem*: Quid castitati magis decorum, quæ mundum de immundo magis conceptum semine, de hoste domesticum, Angelum denique de homine facit? Differunt quidem inter se homo pudicus, & Angelus sed felicitate, non virtute: sed et si illius castitas felici-  
cior,



licior, hujus tamen fortior esse cognoscitur. Sola est castitas quæ in hoc mortalitatis & loco & tempore, statum quendam immortalis gloriæ repræsentat. Sola inter nuptiarum solemnina, morem beatæ illius vendicat regionis, in qua neque nubunt, neque nubentur, præbens quodammodo terris cælestis jam illius conversationis experientiam.

3<sup>ium</sup> ab Exemplis. S. Benedictus per speciem mulieris aliquando à se visæ graviter tentatus in spinas se abjecit, sicquæ prurientem libidinem extinxit. Aliud. S. Bernardo adhuc in seculo existenti contigit ut cum sociis aliquantis apud matronam aliquam Bernardus hospitaretur. Considerans autem mulier adolescentem decorum aspectu, capta laqueo oculorum suorum, in concupiscentiam ejus exarsit. Cumquæ tanquam honoratori omniū, seorsum ei fecisset lectulum præpari, surgens ipsa de nocte impudenter, accessit ad eum. Quam Bernardus sentiens, nec consilii inops clamare coepit *Latrones, latrones*; Ad quam vocem fugit mulier, familia omnis exurgit, lucerna accenditur, latro quæritur, sed minimè invenitur. Ad lectulos singuli redeunt, fit silentium, fiunt tenebræ sicut prius, pausant ceteri, sed non illa misera requiescit. Exurgit denuò & Bernardi lectulum petit, sed denuò ille proclamat: *Latrones, latrones*; Quæritur iterum latro, latet iterum, nec ab eo qui solus noverat, publicatur. Usque tertio improba mulier sic repulsa, vix tandem seu metu, seu desperatione victa cessavit. Cum autem die sequenti iter agerent, arguentes Bernardum socii, quosnam toties eâ nocte latrones somniaverit, perquirebant; Quibus ille veraciter, inquit, aderat latro, & quod mihi pretiosius est in hac vita, castitatem videlicet, hospita nitebatur auferre incomparabilem thesaurum. Aliud. S. Dominicus meretricem conscio Rege Castellæ ad tentandam ejus castitatem immisissam, in lectum prunis ardentibus plenum, in quo ipse sine vestium aut corporis ambulatione jacebat, invitans, egregium suæ castimonie testimonium reliquit. Aliud. S. Franciscus Seraphicus ab impudica femina noctu ad scelus invitatus, pavementum prunis ardentibus ex proximo igne constravit, in eoquæ decumbens mulierculam

Savins 21.

Mart.

In vita S. Bernardi

Thom. Cant:

l. 2. apum, c. 30. n. 45.

Chronica Min.

l. 1. c. 64. c.

l. 2. c. 457.

Eeee

invi-



invitavit, quo facto procacem mulierem ad poenitentiam reduxit. Id ipsum in Ægypto fecisse dicitur, dum à Saracena meretrice ad impudicitiam provocatus, in ignem proximè ardentem se conjecit, eamquè ad stratum illud evocavit, quæ tanto viso miraculo fidem suscepit. Aliàs à dæmone per impuras suggestiones aggravatus, nudum corpus in nivem projecit, & ex nive septem statuas acsi uxores & filii forent, formavit, & nudus amplexus est.

*Maffius lib. 3.  
vite cap. 8.*

*Vita,*

*3. Hier. in vita  
Pauli erem.*

*Aliud. S. Ignatius*, ex quo die in B. Virginis patrocinium se dedit, tantam consecutus est castitatem, ut nullam deinceps carnis tyrannidem, quamvis perfervidus naturâ, senserit. *Aliud. S. Franciscus Xaverius* adeò castitatis erat amans, & studiosus, ut contra impudicam cogitationem in somno venientem, ad sanguinem usque certaverit. *Aliud. Decius Juvenem* quendam juvenili ætate florentem in amoenissimos hortulos adduci præcepit, ibiquè inter candentia lilia, & rubentes rosas, cum leni juxta murmure serperet rivus, & molli sibilo arborum folia ventus stringeret, super stratum plumis lectulum supinari, & nè inde se excutere posset, blandis satorum nexibus irretitum relinqui. Quò cum recedentibus cunctis meretrix speciosa venisset, coepit delicatis stringere colla complexibus, & (quod dictu nefas est) manibus atrectare virilia. Quid ageret miles Christi, quò se converteret, nesciebat. Et quem tormenta non vicerant, superaret voluptas? Tandem cælitus inspiratus, præcisam mordicus lingvam, in osculantis se faciem expuit, sic libidinis sensum succedens doloris magnitudo superavit.

*In Praxi* pro tuenda Castitate hæc ex P. Lohner ob-

*Elst. Soc. p. 1.* servanda sunt. Biblioth. man. tit. castitas 1. *Timor DEI*, Hæc enim est herba, quâ Arnozius etiam in mediis aulae periculis castitatem illibatam servavit.

*Stim. Virt. lib.*

*2. C. 23. & 24.*

2. *Amor & cultus B. Virginis*. Si enim ut D. Bonaventura apud Canisium testatur, ex venerando vultu, & corpore prodibat divinum aliquid, & Virgineus, frigidusquè ros, qui ad impuritatem omnem spectantium arcendam & extinguendam mirificè conferebat, & quasi virgines germinabat, aut ad majorem vitæ honestatem provocabat, quanto magis ab ea nunc glo-



gloriosa simile auxilium expectari poterit? ita sanè expertus est S. Ignatius, & P. Ledes.

3. *Oratio.* Hinc S. Paulus ter Dominum rogavit, ut discederet stimulus carnis ab eo, sciens nimirum cum Sapiente, quoniam non posset esse continens, nisi DEUS daret.

*Ibidem.*

4. *Humilitas.* Hinc apud priscos Patres Maximæ instar erat, non posse ad purum quempiam carnalibus vitiis emundari, nisi universum laborem suum atque conatum ad tantæ perfectionis finem intellexerit non posse sufficere, nec eam nisi miseratione DEI, & adjutorio comprehendi contingat. Et Climacus in scala paradisi ait: Eum qui in sudoribus & laboribus suis adversus hujusmodi adversarium pugnat, similem esse ei, qui inimicum suum papyro ligavit; qui verò continentia ac vigiliis oppugnat, esse similem ei, qui catenis, torquibusque hostem devincit; qui denique altissimâ humilitate & vacuitate iracundiæ depugnat, ei comparari, qui occidit inimicum, & in arena occultavit.

*Grad. 15.*

5. *Fuga occasionum.* Ita Josephus Patriarcha exemplo suo docuit, relinquens pallium in manibus uxoris Putipharis: contagium quippe judicavit, ut S. Ambrosius ait: si diutius moreretur, nè per manus adulteræ libidinis incentiva transirent: Nam ut bene Tertulli. Facile est non appetere quod nescias, at averfari, quod desideraveras, nunquam. Accedit consilium sapientis: quasi à facie colubri fuge peccata. Nam ut Baldefanus I. c. ait, ideo fit ut habitent, & depascantur hominum flagitiosorum cadavera serpentes, quòd in viventium animis suis olim strinxerint habitationem. Rectè ergo sponsa cantico ul- ti: Fuge dilecte mi, assimulare capreæ &c. Hinc Daphnis ob fugam libidinis in laurum conversa dicitur, ut significarent hoc figmento Poëtæ victoriam de carne non facilius, quàm per fugam obtineri posse.

*Stimuli virtus. lib. 1. c. 7. & sequent. lib. 1. de Joseph. cap. 5. lib. ad Uxor.*

*Ecclesi. 22.*

6. *Labor & occupatio honesta.* S. Hiero: ad edomandam carnem Hebræam linguam addidit, & postea dixit: Ama scientiam scripturarum, & carnis vitia non amabis. Ob eandem causam Pater quidam Monasterii adolescentem quendam

*stim. virtut. lib. 1. c. 22. & 23.*

Eccc 2

luxuriâ



luxuriâ graviter tentatum jurgiis & disteriis onerari præcepit ut sic ei ad intendendum cogitationibus non vacaret.

Stim. virtu.

l. 2. c. 28.

In Stim. p. 1.

C. 1.

7. *Frequens usus Sacramentorum*, præcipuè Sacrae communionis. De hoc enim dicit S. David Psal. 22. Parâsti mensam adversus eos, qui tribulant me. Hinc pulchrè S. Bonaven: Si ergo ò anima carnem diligis, nullam carnem, nisi Christi carnem ames.

Ludov. de Pont.

tom. 3. tra: 2.

c. 10. parag. 1.

8. *Præsentia trium Sociorum*, DEI, B. Virginis, & S. Angeli Custodis: Nam si Senecâ teste, magna pars peccatorum tollitur, si peccatis testis assistat: Quanto magis si tres isti cogitantur præsentēs? Ita sanè expertus S. Ephrem mulierem ad scelus provocantem ad publicum forum invitans.

Stim. virtu.

l. 1. c. 11.

9. *Accurata sensuum, præcipuè oculorum custodia*. Quia ut sapienter S. Basilus advertit, sensualis voluptas est instar alicujus fontis habentis plura epistomia, qui aquam fundit per sensas, & potências carnis: & instar serpentis multorum capitum, per quæ omnia inficit veneno. Hinc sponsa: Hortus conclusus, fons signatus appellatur.

Cant. 4.

10. *Votum saltem ad tempus editum*. Per hoc enim provocatur partim liberalitas DEI ad gratiam offerendam, partim firmatur voluntas in proposito castitatis servando: si enim ingens est incivilitas non stare verbis aut promissis, quæ Regibus & Principibus hujus mundi sunt facta, quanto major erit inurbanitas atque irreverentia, si promissio DEO facta non impleatur? Quid verò amplius boni castitas sub votum cadens operetur; vide suprà, ubi de votis actum.

Cap. 6.

Ludov. de Pont.

te tom. 3. tr. 2.

S. L.

Qualis autem ulterius esse debet humilitas castorum, describit P. Lohner loco citato dicens. Porro consistit hæc humilitas in tribus potissimum capitibus. 1<sup>mo</sup>. Ut summo secreto quis sibi soli ita fervet castitatem, ut nullo verbo, quod vanitatem aliquam, aut jactantiam sapiat, aut inane desiderium ostendat, quod propterea in honore esse velit, illam prodât. 2<sup>do</sup>. Nè quis inaniter gloriatur de excellentia, & perfectione sui statûs, aliosquæ, qui minus perfectum habent statum, contemnat. 3<sup>io</sup>. Ut semper vivat in timore, suæ infirmitatis me-

1. 2. tra: 1. c. 1. mor, quod Eva, cum esset virgo, fuerit decepta à serpente. sect. 4. subf. 2. Vide insuper suprà specificata & hic proportionatè adhibe.

S. 2.

Actus



*Actus Castitatis Interni.*

Ex Discipl. Claust. P. Joannis. à I. M.

*Purissime ac amore toto dignissime DEUS! constituo ab omni  
oblectatione abstinere propter Te.*

I.

*Castissime Fili Virginis! etsi absque culpa omnibus carnis volu-  
ptatibus, quas homines affectant, frui possem, me ab eis vigilantissime  
continerem.*

II.

*Candidissime DEUS cordis mei! non modò carnis delectationes re-  
spo, sed imagines quoque formosorum corporum concipere nollem,*

III.

*Amabilissime JESU Christe! pango foedus cum oculis meis, me  
rerum corporearum elegantiam non intuiturum. Svarissime decor ani-  
me meae! certe scias me à rebus corporeis, nec tactu, nec auditu, nec  
respectu, nec ullo modo (quoad mea fragilitas feret) ullam oblectationem  
percepturum.*

IV.

*Dulcissime Domine! non tantùm oblectamenta carnis non reci-  
piam, sed quod ad me attinet, neque spiritus delectationes requiram.*

V.

*Actus & Gradus Castitatis.*

Ex P. Lobner Biblioth. Manual. tit. Castit.

*Imus.* Omnem illicitum carnis congressum fugere, lici-  
tum admittere.

*2dus.* Ab omni opere carnis etiam licito abstinere.

*3tius.* Desideria carnis insurgentia elidere, minimequè  
in ea consentire.

*4tus.* In cogitationibus carnis non immorari, sed eas sta-  
tim deprimere.

*5tus.* Turpes motus carnis valde deprimere, & ad aspe-  
ctum & tactum eorum, quæ nos possunt ad opus nefarium  
provocare, fortiter cohibere.

*6tus.* Non moveri etiam subtilissimo voluptatis deside-  
rio, si memoria harum rerum, vel tractatus ratio, vel necessitas  
lectionis ingesserit, sed velut opus quoddam simplex, ac mini-  
sterium humano generi necessarium contributum, tranquillo  
ac puro cordis intuitu contemplari, nihilquè ampliùs de ejus  
recordatione concipere, quàm si operationem laterum, ac cu-  
juslibet alterius officinae mente pertraher.

Eeee3

77us. Ne



7<sup>mus</sup>. Nè in somno quidem illecebrofis phantasmatibus illudi.

8<sup>vus</sup>. Ab illis etiam motibus, qui causas cæteroquin naturales habent, tam in somno, quàm in vigilia liberum esse, quem gradum à paucissimis obtineri ait Cassianus lib. c.

## SUBSECTIO VII.

### De Pudicitia.

V. D. Tho: 2.  
2. q. 14. l. 4. 4.  
V. ibid. D. Tho.

**P**udicitia, est, quâ homo verecundatur de commissione venerea, sed præcipuè de quibuscunque signis ejus, ut sunt aspectus impudici, oscula, &c. Quia nomen pudicitiae à pudore sumitur, in quo verecundia significatur. Et ideo oportet quòd pudicitia propriè sit circa illa, de quibus homines magis verecundantur. Maximè autem verecundantur homines de actibus venereis. (ut Aug. dicit in 14. de Civit. DEI) intantum quòd etiam concubitus conjugalis, qui honestate nuptiarum decoratur, verecundiâ non careat. Et hoc ideo, quia motus genitalium membrorum non subjicitur imperio rationis, sicut motus aliorum exteriorum membrorum. Verecundatur autem homo non solum de commissione venerea, sed etiam de quibuscunque signis ejus: Ut Philosophus dicit in 2. lib. Rhet. & ideo pudicitia attenditur propriè circa venerea, & præcipuè circa signa venereorum: sicut sunt aspectus impudici, oscula, & tactus; Et quia hæc magis solent deprehendi, ideo pudicitia magis respicit hujusmodi exteriora signa: Castitas autem magis ipsam veneream commissionem. Et ideo pudicitia ad castitatem ordinatur, non quasi virtus ab ipsa distincta, sed sicut exprimens castitatis circumstantiam quandam. Interdum tamen unum pro alio ponitur.

*Incentiva ruboris, seu pudoris, sive pudicitiae, Imâm.*

*Ecl. 26. Ecl. Fornicatio mulieris in extollentia oculorum, & in palbris ejus agnoscetur. Et max: Ab omni irreverentia oculis ca-*  
*Philip. 4. vc. Et paulò post: Gratia super gratiam, mulier sancta & pu-*  
*dorata.*



dorata. *Apostolus*: De cætero fratres quæcunque sunt vera, quæcunque pudica, quæcunque iusta &c. hæc agite, & DEUS pacis erit vobiscum. *Idem*: Mulieres sint in amictu modesto cum verecundia & castitate. 1. Tim. 2.

2dum. S. Cyprianus: Pudicitia, inquit, est honor corporum, ornamentum morum, sanctitas sexuum, vinculum pudoris, fons castitatis, pax domus, concordia caput; Pudicitia sollicita non est cui placeat, nisi sibi. Pudicitia nisi ornatur solo pudore, benè sibi tunc conscia de pulchritudine, si displicet improbis. Pudicitia nihil ornamentorum quærit, decus suum ipsa est. Hæc nos commendat Domino, connectit Christo, beata ipsa, & beatos efficiens, apud quoscunque habitare dignatur, quam nunquam accusare possunt, nec qui eam non habent: venerabilis etiam hostibus suis, dum illam multò magis mirantur, qui eam expugnare non possunt. *Idem*: Pudicitia nobilium ornamentum est, exaltatio humilium, nobilitas ignobilium, pulchritudo debilium, prosperitas laborantium, solamen mæstorum, augmentum omnis pulchritudinis, decus religionis, deterfio criminum, multiplicatio meritorum, Dei Creatoris omnium amica. *Idem de 12. Abussonibus.*

3tium Ab exemplis 1. Matris Virginis. S. Ambrosius, inquit: Bonus regendæ castitatis pudor comes est, qui, si se prætendat ad ea, quæ prima pericula sunt, pudicitiam temerari non finit. Hic primus in ipso cognitionis ingressu Domini Matrem commendat legentibus, & tanquam testis locuples dignam, quæ ad tale munus eligeretur, astruit, quòd in cubiculo, quòd sola, quòd salutata ab Angelo tacet, & mota est in introitu ejus, quòd ad virilis sexus speciem peregrinam turbatur aspectus virginis. Itaque quamvis esset humilis, præ verecundia tamen non resalutavit.

Exempla ex Bibl. manual. P. Lohner. tit. Castitas.

4tum. S. Ludovicus Catalaunensium Episcopus corpore venustus & pudicus à quadam Gallia Regina ad scelus invitatus, tipra. l. 2. eam torvo oculo aspiciens rejecit, unde oculus ille post 400. annos incorruptus mansit, & quasi crystallus lucidissimè luxit. *Apum c. 30. pa. 33.*

5tum. Cùm Godefredus Bullionius in recuperanda Palatina



stina tanto robore depugnaret, ut equites cathaphractus uno ictu medios fecaret, interrogatus, unde illi tantæ vires essent? respondit, nunquam hæc dextera molliori aliquo aut turpiori tactu effoeminata est.

IV. Beatus Aloysius tantâ à DEO castitate præditus erat, ut nullam obscenam cogitationem vel motum, neque noctu neque interdiu unquam experiretur: adeo verò mulieres fugiebat, ut ei nativam cum his discordiam intercedere diceret, nullam certè etiam consanguinitate conjunctam aspicere sustinebat.

*An. Phon. Col.  
72. pag. 83.*

V. P. Matthæus Boys S. I. cum adhuc Novitius esset, & mendicatum de more missus, mentæque adhibitus verba aliqua impudica audivisset, tanto mox dolore & iracundiâ exarsit, ut ex oculis lachrymæ, è naribus sanguis copiosè proflueret. Causam rogatus: egonè, ait, dolore non afficiar, cum videam supremum Numen, ita hac lingvæ improbitate violari?

*P. 2. vit.  
pag. 72.*

*pag. 83.*

*pag. 87.*

*pag. 89.*

*Prov. Ven.*

*Coli. Brix. I 5.*

*98.*

*In vita ejus*

*lib. I. c. 10.*

VI. Joannes Berckmanus dicebat, eum, qui sit impurus, nequiores fieri omnibus diabolis. Falsus est, se nunquam ullâ impurâ cogitatione & tentatione oppugnatum. Hinc non potuit etiam ob horrorem erga luxuriam confessiones S. Augustini legere. Qui eum intuebantur, licet aliorum vultus ob periculum intueri non auderent, ipsius tamen aspectu ad castitatis amorem incitabantur. Post mortem etiam multis castitatis donum impetravit. Bartholomæus Mariana tantus castitatis amator erat, ut oppositum vitium nunquam suo nomine, sed circuitione verborum, appellaret, nè vel solo nomine labia contaminaret. *Hætenus P. Lobner.*

S. Gertrudi si quando in sacra scriptura legenti occurreret quidpiam minus pudicum, aut unde postea obsceni alicujus imago, memoriavè illi potuisset occurrere, si sola erat, aut ubicunque poterat etiam alibi, clam illud non lectum pro verecundia virginea transliebat. Si verò haud poterat non lectum præterire, celerrimè illud legebat, ac perinde, ac si non intelligeret, simulabat: nisi quod ruborem virgineum pudicissimæ suæ verecundiæ, quæ tunc ejus perfundeat genas, colare nequiebat. Si præterea ut interdum contigit ab aliquibus



bus minus intelligentibus de rebus hujusmodi, quæ etiam innocentius in carne sunt, consulta, interrogatavè fuisset, quàm potuit maxima tunc verecundia, quidquid non pudicè satis posset audiri, sub velamine abscondens respondit, animumquè interea suum adedò avertit, ut videretur tolerabilius sibi acuto interim ferro vulnerari, quàm hujusmodi audire sermones: Cæterùm ubi propter animarum salutem de hujusmodi necessario erat loquendum, ac si omnino inde non torqueretur ejus verecundia (modo operæ pretium videretur illud sic explicare) liberius eloquebatur.

*Pro Praxi reliqua supple proportionatè ex dictis de Castitate.*

## SUBSECTIO VIII.

### De Castitate Conjugali.

**P**ro Castitate conjugali est Imò. Ex occasione occisionis 7. maritorum Saræ à dæmone Asmodæo noluit Tobias junior eam ducere uxorem. Cui Angelus Raphaël dixit: Audi me & ostendam tibi qui sunt, quibus prævalere potest dæmonium. Hi namque qui conjugium ita suscipiunt, ut DEUM à se & à sua mente excludant, & suæ libidini ita vacent, sicut equus & mulus, quibus non est intellectus: habet potestatem dæmonium super eos. Tu autem cum acceperis eam, ingressus cubiculum, per tres dies continens esto ab ea, & nihil aliud nisi orationibus vacabis cum ea. Ipsâ autem nocte incenso jecore piscis, fugabitur dæmonium. Secundâ verò nocte in copulatione Sanctorum Patriarcharum admitteris. Tertiâ autem nocte benedictionem consequeris, ut Filii ex vobis procreentur incolumes. Transactâ autem tertiâ nocte, accipies Virginem cum timore Domini, amore filiorum magis quàm libidine ductus, ut in semine Abraham benedictionem in Filis consequaris. *Apostolus*: Bonum est homini mulierem non tangere. *I. Cor. c. 7.* Propter fornicationem autem unusquisque suam uxorem habeat, & unaquæque suum virum habeat. Uxori vir debitum reddat;

FFFF



reddat, similiter autem & uxor viro. Mulier sui corporis potestatem non habet, sed vir. Similiter autem & vir sui corporis potestatem non habet, sed mulier. Nolite fraudare invicem, nisi fortè ex consensu ad tempus, ut vacetis orationi, & iterum revertimini in idipsum, nè tentet vos satanas propter incontinentiam vestram. Hoc autem dico 2dum indulgentiam, non secundum imperium. Et: Fratres tempus breve est: reliquum est, ut & qui habent uxores tanquam non habentes

*Ibidem.*

*Tit. cap. 8.*

*1. Timoth. 2*

*Hebr. 13.*

*S. Aug. de fide ad Petrum.*

*S. Hier. ad Damasum.*

*Idem Contra Jovin. lib. 1. & hab. 32. q. 4.*

*Idem:* Mulieres provectæ ætatis sint prudentes, castæ &c. *Idem:* Mulier salvabitur per filiorum generationem, si permanserit in fide, dilectione, & sanctificatione cum castitate. *Idem:* Honorabile connubium in omnibus, & thorus immaculatus. Fornicatores enim & adulteros judicabit DEUS.

*2d. S. Augustinus.* Quia aegritudini semper consulendum est, propterea si contigerit, primo privari conjugio, si voluerit secundas & tertias inire nuptias, nullum de illis peccatum habebit, si eas castè servavit: & si fuerit aliquis conjugalitatis excessus, qui tamen legitimum non violat thorum, habet nonnullum, sed veniale peccatum. *S. Hieronymus:* Juvenes verò hoc sunt admonendi modo: ut si uxores habeant, doceantur castè vivendum cum uxoribus suis: alienam sciant esse scelerrimum contingere. *Idem:* Origo quidem amoris honesta erat: sed magnitudo deformis. Nihil autem interest, ex qua honesta causa quis insaniat. Unde Xistus Pythagoricus ait in sententiis: Adulter est, inquit, in suam uxorem ardentior amator. In aliena quippe uxore omnis amor turpis, in sua nimius. Sapiens Judicio debet amare conjugem, non affectu. Non regnat in eo voluptatis impetus, nec præceptum feratur ad coitum. Nihil enim est foedius, quam uxorem amare quasi adulteram. Certè qui dicunt, se causâ reipublicæ & generis humani uxoribus conjungi, & filios procreare, imitentur saltèm pecudes, & postquam venter uxoris intumuerit, non perdant filios, nec

*S. August. de* amatores se uxoribus præbeant, sed maritos. *S. Augustinus:* *Bono vid. ait* In conjugali vinculo si pudicitia conservatur, damnatio non timetur. *Idem:* Nihil est quod virilem animum ita ab arce virtutis deiciat, atque complexus ille, sinè quo uxor haberi non potest. *3id.*



3<sup>ti</sup>o. *Exempla Christiana.* Tobias junior inito cum Sara Tob. c. 8. v. 2.  
matrimonio dixit ad DEUM; Domine tu scis, quia non lu-  
xuriæ causâ accipio Sororem meam conjugem, sed solâ poste-  
ritatis dilectione, in qua benedicatur nomen tuum in secula  
seculorum: *Aliud.* Sara Tobiae uxor quoque ad DEUM dixit: *Ibid. c. 3. v. 16.*  
Tu scis Domine quia nunquam concupivi virum, & mundam  
fervavi animam meam ab omni concupiscentia. Nunquam  
cum ludentibus miscui me, neque cum his, qui in levitate am-  
bulant, participem me præbui. Virum autem cum timore tuo,  
non cum libidine mea consensi suscipere. *Aliud.* S. Elisabeth *Breviar. Rom.*  
Filia Petri Regis Aragoniæ, cum Dionysio Rege Portugalie lu-  
xuriæ deditissimo, tanta cum prudentia & sanctitate conver-  
sata est, ut omnes in admirationem raperet, qui maritum no-  
verant, hoc solum ipsam angebat, quod DEUS toties offende-  
retur. Unde continuis precibus rogabat DEUM, ut lucem  
ei infunderet, quâ è profunda & cæca abyssu tandem emerge-  
ret. Uterius præcipiebat, ut omnes ejus illegitimi Filii sibi  
adducerentur, quos nutricibus tradēbat, & commendabat, de  
omnibus providebat, nutricesquē muneribus donabat. Hac  
tantâ charitate, patientiâ, prudentiâ, sic mariti animum evicit,  
ut fidem conjugalem postea servârit.

4<sup>to</sup>. *Exempla profana.* Novi conjuges in Regno Mogor *Hier. Xaver.*  
instante nuptiarum die prius sepulchra obeunt, & reserata te-  
dulò contemplantur, quo nimirum vitæ suæ finem expendant, *in lite. ann.*  
antequam liberis creandis initium dent. *Aliud.* Apud Roma-  
nos sponsæ ignis & aqua præferebatur, ut meminisset, se ad-  
hærere marito debere, etsi solum igne & aquâ frui liceret. *1598.*  
*Plutar. Rom.*

*Ad Praxim servandæ Castitatis Conjugalis vide suprâdicta de  
Castitate in generali.*

#### *Actus Continentiæ Conjugalis.*

I. Exemplo S. Hedvigis nullum jejuniū aut diem fe-  
stum judicare, quem castitatis merito non condiat. *P. Lobner*  
*Bibl. man.*

II. Dum expetitur copula, semper & præcipuâ intentio-  
ne procreandi liberos ad cultum DEI, & solatium Patriæ expe-  
tere.

III. Nihil præter morem, aut contra ordinem naturæ in  
actu copulæ admittere.

Ffff 2

IV. Ad



IV. Ad Prænantem, & menstruatam, vel alias infirmam uxorem non accedere.

V. Si cognoscatur esse sterilis, vel impotens ad generandum vir, sive mulier, exemplo SS. Joachim & Annæ conjugio abstinere, & continentia studere.

Contra vitium Castitati conjugali, actum in modò dictis. Porro vitium eidem Castitati *per excessum* adversans, continetur sub ratione insensibilitatis, quâ videlicet aliquis in tantum detestatur usum mulierum, quod etiam uxori debitum non reddat.

*S. August. lib. de Adult. conjugii.* *S. Augustinus:* Si tu abstines sine uxoris voluntate, tribuis ei fornicandi licentiam, & peccatum illius tuæ imputabitur abstinentiæ.

De vitio autem Castitati conjugali *per defectum* opposito agitur infra hic inter vitia contra naturam.

## SUBSECTIO IX.

### De Castitate Viduali.

*1. Cor. 7.* **P**ro Castitate viduali servanda, est *1mò. Apostolus.* Dico autem non nuptis & viduis, bonum est illis si sic permaneant, sicut & ego. Quod si se non continent, nubant.

*S. Ambrosius lib. 1. de viduis:* Melius est enim nubere quàm uri. *2dò. S. Ambrosius:* Sed nec vidua præceptum accipit, sed consilium. Consilium autem non semel datum, sed sæpè repetitum. Et primò dicit: Bonum est enim mulierem non tangere. Et iterum: Volo sic omnes homines esse, sicut & me ipsum. Et tertio: Bonum est illis si sic maneant sicut & ego. Et quarto: Bonum est propter instantem necessitatem: & hoc placere Domino, & hoc honestum esse. Postremò beatiorum esse in viduitate perseverantem, non tantum suo consilio, sed etiam DE Spiritu definit. Quænam igitur talis consilii benignitatem recuset, qui & voluntati habenas indulgeat, & id svadeat aliis quod in se expertus utile judicavit, non facile comprehendendi, nec fastidiosæ

æqua-



æquari? Quæ igitur refugiat sancta fieri corpore & spiritu, cum supra laborem sit præmium, supra usum gratia, supra opus merces? *Idem.* Propemodum non inferioris virtutis est eo abstinere conjugio, quod aliquando delectaverit, quam conjugii delectamenta nescire. *3<sup>id</sup> Ab exemplis.* Judith viduam post devictum ab ea Holophernein, benedixerunt eam omnes una voce dicentes. Tu gloria Jerusalem, tu lætitia Israël, tu honorificentia populi nostri, quia fecisti viriliter, & confortatum est cor tuum, eo quod castitatem amaveris, & post virum tuum, alterum nescieris: ideo & manus Domini confortavit te, & ideo eris benedicta in æternum. *S. Ambrosius. Do-* *S. Ambr. in*  
cuius igitur scriptura quanta collatio gratiæ, quantum etiam sit *milleloq. f.*  
munus divinæ benedictionis in viduis, quibus quoniam hono- *2327. c. 1. lib. D.*  
rificentia à DEO tanta confertur, facile est advertere qualis vita debeat competere. Docet enim Anna, quales deceat esse viduas, quæ immaturo mariti obitu destituta, maturæ tamen à DEO remunerationem laudis invenit. Non minus religionis officio quam studio castitatis imenta, vidua inquit octuaginta & quatuor annorum, vidua quæ non discedebat de templo, vidua quæ jejuniis & obsecrationibus, die ac nocte ferviret.)) Cætera supple proportionatè ex suprà dictis de Castitate.

## SUBSECTIO X.

## De Virginitate.

**V**irginitas, est quedam specialis virtus, quæ aliquis se immunem ab experimento venereæ voluptatis conservat, & se perpetuò conservare proponit. Dicitur: Virginitas, quod nomen virginitatis à virore sumptum videtur. Et sicut illud dicitur virginitas, & in suo virore persistere, quod non est ex superabundantia caloris adustionem expertum; ita etiam virginitas hoc importat, quod persona cui inest, immunis sit à concupiscentiæ adustione: quæ esse videtur in consummatione maximæ

ffffz

delecta



delectationis corporalis, qualis est venereorum delectatio: Unde *S. Ambrosius* dicit in libro de virginitate: quod castitas virginalis est expers contagionis integritas. Dicitur: *virtus specialis*, quia in virginitate est sicut formale, & completivum, propositum perpetuo abstinendi à delectatione venerea. Quod quidem propositum laudabile redditur ex fine in quantum scilicet hoc fit ad vacandum rebus divinis. Materiale autem in virginitate est integritas carnis absque omni experimento venereæ delectationis; Manifestum autem est, quod ubi est specialis materia boni habens specialem excellentiam, ibi invenitur specialis ratio virtutis: sicut patet in magnificentia, quæ est circa magnos sumptus. Et ex hoc est specialis virtus à liberalitate distincta, quæ communiter se habet circa omnem pecuniarum usum; Hoc autem quod conservare se immunem ab experimento venereæ voluptatis, habet quandam excellentiam laudis, supra hoc quod est conservare se immunem ab inordinatione venereæ voluptatis. Et ideo virginitas est quædam specialis virtus, habens se ad castitatem sicut magnificentia ad liberalitatem. Unde juxta eundem Angelicum Doctorem tria importat virginitas. Imò. Integritatem corporalis membri, sed id per accidens, in quantum scilicet per hoc, quod ex proposito voluntatis abstinet quis à delectatione venerea, remanet integritas in membro corporeo. Unde si contingat per alium modum quod aliquo casu membri integritas corrumpatur, non magis præjudicat virginitati, quam si corrumpatur manus aut pes. 2do. Immunitatem ab experimento venereæ voluptatis, quæ provenit ex seminis resolutione, quod dupliciter potest contingere. Uno modo ut procedat ex mentis proposito, & sic tollit virginitatem sive fiat per concubitus, sive absque concubitu. Facit autem mentionem Augustinus de concubitu, quia hujusmodi resolutio communiter & naturaliter ex concubitu causatur. Alio modo potest provenire præter propositum mentis, vel in dormiendo, vel per violentiam illatam, cui mens non consentit; quamvis caro delectationem experiat; vel etiam ex infirmitate naturæ, ut patet in his, qui fluxum seminis patiuntur. Et sic non perditur virginitas; quia talis pollutio

Lib. de Virg. in  
2. 5. ad prim. l.  
to. 1.

D. Thom. ibid.  
4. 3.

D. Tho: 2. 2. q.  
152. a. 1. ad 3.

Ibid. a. 1. ad 4.

pollu  
dit.  
posi  
enim  
regre  
cratur  
nunqu

incoin  
ctum  
prio  
ego lig  
custod  
nuerin  
meis l  
pitere  
chi q  
rum  
non  
mod  
bene  
tabane  
& Sen  
quadra  
qui cu  
sunt.  
ex hom  
est in  
num

quaru  
est ille  
spiritua  
que in  
Domini  
toror A



pollutio non accidit per impudicitiam, quàm virginitas excludit. *3<sup>id.</sup>* Virginitas secundùm quod est virtus importat propositum voto firmatum integritatis perpetuæ servandæ. Dicit enim Augustinus lib. de virginitate, quod per virginitatem integritas carnis ipsi Creatori animæ & carnis vowedetur, consecratur, servatur. Unde virginitas secundùm quod est virtus, nunquam amittitur nisi per peccatum.

*Illicia Virginitatis.* *Imum.* Sapiens: Foelix est sterilis & incoinquinata, quæ nescivit thorum in delicto, habebit fructum in respectu animarum sanctarum. *Ibidem.* Incorruptio facit proximum DEO. *Isaias.* Nè dicat Eunuchus: ecce ego lignum aridum: quia hæc dicit Dominus Eunuchis. Qui custodierint Sabbatha mea, & elegerint, quæ ego volui, & tenuerint foedus meum: Dabo eis in domo mea, & in muris meis locum, & nomen melius à filiis & filiabus: nomen sempiternum dabo eis, quod non peribit. *Christus:* Sunt Eunuchi qui seipso castraverunt (*moraliter*) propter regnum cælorum: Qui potest capere, capiat. *Apostolus:* Si nupserit virgo non peccavit. Tribulationem tamen carnis habebunt huiusmodi. *Et infra.* Igitur qui matrimonio jungit virginem suam benè facit: & qui non jungit, melius facit. *Apocal.* Et cantabant quasi canticum novum ante sedem & quatuor animalia & Seniores, & nemo poterat dicere canticum, nisi illa centum quadraginta quatuor millia, qui empti sunt de terra. Hi sunt qui cum mulieribus non sunt coinquinati. Virgines enim sunt. Hi sequuntur Agnum quocunque ierit. Hi empti sunt ex hominibus primitiæ DEO & Agno, & in ore eorum non est inventum mendacium. Sinè macula enim sunt ante thronum DEI.

*2<sup>dum.</sup>* *S. Cyprianus:* Nunc nobis ad Virgines sermo est, quarum quo sublimior est gloria, major est cura. Flos enim est ille Ecclesiastici germinis, decus, atquè ornamentum gratiæ spiritualis, læta indoles, laudis & honoris opus integrum atque incorruptum, DEI imago respondens ad sanctimoniam Domini, illustrior portio gregis Christi. *Idem.* Virginitas est soror Angelorum, victoria libidinum, regina virtutum, postlesio

Ibid. 4. 3. ad 4.

C. 8. in fi. to. 6.

Sap. c. 3.

Sap. 6.

Isai. c. 56. v. 4.

Matth. 19. 12.

Cor. c. 7.

Apocal. c. 14.

v. 3.

S. Cypria: de

discipl. &amp; ha-

bitu Virginitatis

c. 2.

Idem I. de Vir-

gin.

lesio



*S. Aug. de bono* sessio omnium bonorum. *S. Augustinus*: Gaudia virginum non virginali supra lunt eadem cum non virginibus, quamvis Christi: nam sunt illud Virg. enim aliis alia, sed nullis talia. *S. Ambrosius*: Supergreditur virgines sunt & se- nitas conditionem naturæ humanæ, per quam homines Angelorum; Angeli enim sine carne vivunt, virgines verò in carne triumphant. *S. Gregorius Nazianz.*

*S. Ambr. de*  
*viduit.*

*Virginitas res est omni mirabilis ævo;*  
*Virginitatis amor mentes ad sidera tollit.*

*S. Greg. Naz. S. Cyrillus*: Ut rosa igitur fragrans, & lilium rutilans est sancti-  
*zanz in car.* Et Virginitas, flos & fructus. Et paulo post. O virtus magnæ-  
*de Virg. hæc ei* tica virginitatis ad se trahens naturam! O saphyrus mirabilis  
*dat elegia.* castitatis omnem fugans & destruens famam venenosam! O

*S. Cyrill lib. 4.* smaragdus rutilans perpetuæ viriditatis, puritas inviolatæ in-  
*Apol. Moral.* tegræ amatrix! foetidam veneris nullatenus patiens corrup-  
*Cap. 3.* ptelam. *Angelicus Doctor* Virginitatem præfert conjugali  
*V.D. Thom 2.2.* continentia. Quia id probatur & exemplo Christi, qui  
*q. 152. 4. 4.* & Matrem Virginem elegit, & ipse virginitatem servavit: &  
ex doctrina Apostoli qui. ad Corinth. 7. Virginitatem consu-

luit tanquam melius bonum. Et etiam ratione: tum quia bo-  
num animæ præfertur bono corporis: tum etiam quia bonum  
contemplativæ vitæ præfertur bono activæ. Virginitas autem  
ordinatur ad bonum animæ secundum vitam contemplativam,  
quod est cogitare ea, quæ sunt DEI: Conjugium autem or-  
dinatur ad bonum corporis (quod est corporalis multiplicatio  
generis humani & pertinet ad vitam activam, quia vir & mu-  
lier in matrimonio viventes necesse habent cogitare, quæ sunt  
mundi, ut patet per Apostolum I. ad Corinth. 7. Unde indu-  
bitanter virginitas præferenda est continentia conjugali. *Idem*:

*Idem Ibidem*  
*4. 4. ad 2.*

Porro licet virginitas sit melior, quam continentia conjugalis,  
potest tamen conjugatus melior esse quam Virgo, duplici ra-  
tione. Primum quidem, ex parte ipsius castitatis, si scilicet ille  
qui est conjugatus, habeat animum magis paratum ad virgi-  
nitatem servandam, si oporteret; quam ille, qui est actu vir-  
go. Unde August. instruit virginem in lib. de bono conjuga-  
li, ut dicat: Ego non sum melior, quam Abraham: sed me-  
lior



lior est castitas calibum, quam castitas nuptarum. Et rationem postea subdit, dicens: Quod enim nunc ago, melius ille egisset, si tunc agendum esset. Quod autem illi egerunt, sic ego non jagerem, etiamsi nunc agendum esset. Secundò: quia fortè ille qui non est virgo habet aliquam excellentiorem virtutem. Unde August. dicit in lib. de Virginitate: Unde scit Virgo, quamvis sollicita, quæ sunt Domini, nè fortè propter aliquam sibi incognitam mentis infirmitatem nondum sit matura martyrio? illa verò mulier, cui se præferre gestiebat, jam possit bibere calicem dominicæ passionis. *Idem: Virginitas est excellentissima in genere castitatis. Transcendit enim & castitatem vidualem, & conjugalem. Et quia castitati antonomastice attribuitur decor, ideo virginitati per consequens attribuitur excellentissima pulchritudo. Unde & Ambr. dicit in lib. de Virginitate: Pulchritudinem quis potest majorem æstimare decore virginis, quæ amatur à rege, probatur à judice, dedicatur Domino, consecratur DEO? Alio modo potest dici aliquid excellentissimum simpliciter. Et sic virginitas non est excellentissima virtutum. Semper enim finis excellit id, quod est ad finem: & quantò aliquid efficius ordinatur ad finem, tantò melius est. Finis autem ex quo virginitas laudabilis redditur, est vacare rebus divinis. Unde ipsæ virtutes Theologicæ, & etiam virtus Religionis, quarum actus est ipsa occupatio circa res divinas præferuntur virginitati. Similiter etiam vehementius operantur ad hoc, quòd inhæreant DEO martyres, qui ad hoc postponunt propriam vitam: & viventes in monasteriis, qui ad hoc postponunt propriam voluntatem, & omnia quæ possunt habere, quam virgines, quæ ad hoc postponunt veneream voluptatem. Et ideo virginitas non simpliciter est maxima virtutum. *Idem: Idem Ibidem. Virgines sequuntur Agnum quocunque ierit: quia imitantur Christum non solum in integritate mentis, sed etiam in integritate carnis: ut Augusti: dicit in lib. de Virginitate. Et ideo in pluribus sequuntur Agnum: non tamen oportet quòd magis de propinquo: quia aliæ virtutes faciunt propinquius inhærere DEO per imitationem mentis.**

Ibidem.

C. 44. in fine  
to. 6.S. Thomas cit.  
a. 5.Ambr. lib. I.  
de virg. pa. 3.  
post me. l. to. I.Idem: Idem Ibidem  
a. 5. ad 3.C. 27. à med.  
to. 6.



tis: Canticum autem novum, quod solæ virgines cantant, est gaudium quod habent de integritate carnis servata.

*Nazian. in Carm. de virg.*

3<sup>ium</sup>. *Exempla Virginitatis. Inimicum est DEVS. Unde S. Nazianzenus canit. Prima TRIAS Virgo est. 2<sup>dum</sup> Christus Dominus ex Virgine nasci voluit, subditi Nutricio Virgini, virgo manens docuit virginitatem; S. Joannem Evangelistam ob virginitatem præ ceteris dilexit Apostolis; denique in cruce moriens, Virgo Virginem Matrem Virgini commendavit. 3<sup>ium</sup>.*

*S. August. lib. de Virgin. c. 4.*

*S. August. lib. de Virgin. c. 4.* Virgo & Mater MARIA; de qua *S. August.* ait: Annuncianti Angelo Maria respondit. Quomodo fiet istud quoniam virum non cognosco? quod profectò non diceret, nisi prius se DEO virginem vovisset. Et *S. Bonaventura*: Maria castissima fuit per virginitatem; ipsa est MARIA de qua dicitur. Nomen Virginis Maria. Eximie castitatis Mariæ testem Evangelistam, testem ipsam Mariam, testem habemus Angelicam personam. Casta enim fuit Virginea carne, sicut Evangelium testatur dicens. Nomen Virginis MARIA. Castior fuit MARIA virginea mente, sicut ipsamet testatur, ipsa enim est, de qua dicitur: Dixit autem MARIA ad Angelum. Quomodo fiet istud quoniam virum non cognosco? id est non cognoscere propono. Castitissima verò fuit MARIA in virginea prole, sicut Angelus testatur, qui de illa MARIA dixit in Matthæo, JOSEPH Fili David Noli timere. Ex quo MARIA Virgo de Spiritu Sancto divina prole est fecundata, nequaquam virginitas ejus tali est prole vitata, sed mirabiliter est in tali prole glorificata. Nam in prole approbata, in prole conservata, in prole nobilitata, in prole ditata & dotata, consignata & confirmata est tua virginitas O MARIA. Propter quod benè ait Augustinus: MARIAM Virginem veraciter prædicamus, & matrem: cujus virginitatem glorificavit vera fecunditas, & cujus veram fecunditatem glorificavit in-

*S. Bonavent. specul. B.V.M. Virginis lect. 4.*

*Luc. 1.*

*Matth. 1.*

*S. Bern. Ser. de Mar. Vir. ex ver. Apoc. 12. B.M. in fine.*

temerata virginitas. Beatus quoque Bernardus ait. Longè gloriosior fuit Virginitas ex fecunditate, & fecunditas ex virginitate. Heu! quam longè à gratia MARIÆ sunt, quicunque continentis non sunt, qui castitatis inimici sunt.

4<sup>um</sup>. *Exempla Sanctorum. I. S. JOSEPH sponsus Bea-*

*ta*



tæ Virginis Mariæ, de quo Stengelius in suo Josepho ita ait. Sed  
 & his insuper tam piè, quàm sapienter superaddunt D. Augu- *D. August. ut*  
 stinus, Angelicus Doctor, & Cancellarius Parisiensis. JO- *habetur 27.*  
 SEPHUM non solùm perpetuam virginitatem coluisse, sed *q. 2. tit. 15.*  
 & eandem nuncupato voto in consortio Virginis consecrâsse, *c. 23.*  
 quod & docuit Abdias Babylonius, qui tempore Apostolo- *D. Tho. 3. p.*  
 rum vixit, in vita SS. Simonis & Judæ. II. S. Casimirus Re- *q. 48. art. 4.*  
 gis Casimiri Filius ad mortem infirmatus, medicis connubium *Cronerus de*  
 pro sanitate recuperanda sudentibus, mori maluit, quàm Vir- *gestis Polon.*  
 ginitatis jacturam facere. III. S. Elzeario, cùm Ordinem in- *lib. 29.*  
 trare vellet, Christus ipse præcepit, ut Dalphinam uxorem ac- *Surius 10. §.*  
 ciperet; cum qua tam virginèè vixit, ut Christus ipse visus sit  
 ad caput lectuli stare, & manus super utrumque extendere:  
 Ipse verò Elzearius fateretur, suam castitatem nullibi securio-  
 rem fuisse quàm cùm eodem lecto cum Dalphina dormiret.  
 Hinc Soror hujus Dalphinæ, gravi tentatione luxuriæ pulsa-  
 ta, flexis genibus circa lectum ipsius cùm reptâset, mox libe-  
 rata est. IV. Constantinus Magnus summo in pretio habebat *S. Athan. in*  
 Virgines, eò quòd earum mentibus DEUM inhabitare crede- *Apol. ad filiam*  
 ret, unde eas etiam ex publico ali jussit, tantùm non adora- *ejus.*  
 vit. V. Cùm S. Victoria multis verbis S. Anatoliæ virgini na- *Petrus Lanchet*  
 ptias persuadere niteretur, ipsa potiùs ab ea persuasa virgini- *p. §. c. 8.*  
 tatem vovit, quo facto mox illis Angelus apparuit, dixitquè:  
 Virginitas est aurum, viduarum status argentum, & conjuga-  
 lis castitas cuprum. VI. S. Julianus coactus ducere uxorem *Simon Meta*  
 nomine Basilissam nobilitate, divitiis, decore, præstantissimam, *phrastes apud*  
 dum celebrata solemnitare nuptiarum ingreditur juvenis cum *Lipomanum*  
 virgine cubiculum, facta ab eo oratione, tali odore cella reple- *tom. 7.*  
 ta est, ut videretur sibi virgo, in tali loco constituta esse, ubi  
 vernant lilia & rosæ, & ait ad juvenem. Miram rem sentio,  
 cùm enim hyemis tempus sit, ita mihi omnium rosarum & li-  
 liorum odor famulator, ut his satiata jam horream thori con-  
 junctionem. Cui Julianus. Odor, qui tibi apparet, Dominus  
 est amator castitatis; qui integritatem corporis servantibus vi-  
 tam repromisit æternam. Ait igitur illa Quæ melior salus  
 est, quàm integritatem custodiendo, vitam æternam acquire-



re? Opto igitur, ut pariter in eo virginitatis proposito per-  
 severemus. Tunc procidens Julianus ait: Confirma hoc  
 DEUS quod operatus es in nobis. Quod & illa similiter fe-  
 cit, & subito fundamenta cubiculi commota sunt, & lux im-  
 mensa emicuit, fitque ibi spectaculum magnum. Nam ex una  
 parte sedebat Rex aeternus cum multitudine candidatorum, &  
 ex altera parte multitudo virginum, quarum gloriosa Virgo  
 tenebat principatum. A parte Regis clamabatur: *Vicisti Juliane,*  
*vicisti.* Ex parte virginum clamabatur: Beata es Basilissa, quæ  
 salutaribus monitis consensisti. Et ostensus est Juliano liber  
 aureis literis scriptus, ut legeret, & legit sic. Julianus qui pro  
 amore meo mundum contempsit, deputeretur in eodem nume-  
 ro, qui cum mulieribus non sunt coinquinati. Basilissa verò,  
 quæ ei integro corde sociata est, deputeretur in numero virgi-  
 num, quarum Virgo MARIA tenet principatum. Et dice-  
 bant omnes: Amen. Reliquum ergo noctis in laude transigen-  
 tes coeperunt spiritu non carne fructificare. VII. Tres erant  
 Moniales in uno clauetro sociæ speciales, & ex illis erant duæ  
 virgines. Hæ autem singulæ studebant se devotas beatæ Vir-  
 gini exhibere. Mortuâ verò unâ virgine, & jam viduâ in  
 extremis agente, tertia soror superstes rogabat viduam, ut  
 post mortem rediret, & de præmio sociæ certificaret eandem.  
 Quod promittens (si tamen foret de beneplacito DEI) expi-  
 ravit. Die autem tricesimâ, istâ ante altare in orationibus pro-  
 cumbente, apparuit socia vidua inæstimabili splendore fulgens  
 nimis & dicens. Veni quia ad reditum obligasti me; Ecce  
 modicam partem præmii mei! sed benedicta dies, in qua na-  
 ta sum. Illa, verò confortata & resumpto spiritu quævivit  
 de statu prioris defunctæ. Cui illa dixit: Si totus mundus es-  
 set pergamenum, & mare incaustum, & omnia folia & gra-  
 mina scriptores cum omnibus hominibus, qui fuerunt, & sunt,  
 & erunt futuri, primo omnes deficerent, quàm immensitatem  
 præmii celestis exprimerent. Sed parumper (ait) ad præsens di-  
 cam tibi: soror nostra in infinitis claritatibus me præcellit, &  
 meritò, quia ipsa heri choream cum Agno duxit candidam,  
 cum multitudine candidarum puellarum, cantans canticum sin-  
 gulare

*Collect. Specu-  
 li. ex. emp. V. P.  
 Joannem Ma-  
 jorem in suo  
 Spec. lit. Virgo.*



gulare solis virginibus appropriatum, & gerens sertum de divinis floribus confectum. Rogavi autem eam, ut saltē ad unam horam mihi sertum concederet, quæ ait: non expedit tibi. Tamen de ipsis floribus dedit mihi, quos attuli tibi forciæ meæ charissimæ, ut aliquam virtutem eorum, quantum sensus capere poterit humanus, perpendas. Facto ergo ab ea circulari tractu in pavimento cum floribus, tam miri odoris processit fragrantia, quod illa soror præ suavitate rapta fuit in extasim. Et sic vidua expleto promisso ad cælum rediit. Omnes verò qui monasterium intraverunt, per multum tempus senserunt cælestem odorem. VIII. S. Magdalena de Paz ait: Sicut in cælo omnes includuntur gratiæ, perfectiones, & virtutes: ita in statu virginali consistit omnis perfectio virtutis, quæ tantum potest haberi in terra. Non propterea quasi virginitas debeatur esse perfectio omnium virtutum, sed quod illa sit magis aptius instrumentum ad illarum citam acquisitionem. Corpus ejusdem Sanctæ & omnia membra adhuc viventis quandam gratum & insolitum spirabant odorem, quem quidem sentiebant moniales, verum cui illum deberent assimilare nesciebant; quo se delectando, nunquam eo satiari propter suavitatem poterant, quoniam excedebat gratissimum odorem omnium præstantissimorum florum. Imò quoties illum senserunt, toties agnoscebant in corde suo incitamentum ad desiderium immaculatæ castitatis, & ad amorem DEI; Igitur odor ille suavior, fragrantior, purior super omnia naturalia, artificialiaquæ odora propria non habens nomen, vocabatur communi ab omnibus sororibus nomine *Odor puritatis*. Unde & cella, & vestimenta ejus eundem suavem gratumquæ spirabant odorem. Ex amore Virginitatis in magno pretio & veneratione habebat omnes virgines. Unde quantum gustus sensit in communitate cum castis, tantum disgustus demonstrabat, dum occuparetur cum talibus, qui etiam occultissima immunditiei fœtebant infectione.

*In vita ejus.*

*scilicet. Exempla profana.* Virgines vestales Romæ tanto in *Platus lib. 2.* honore habebantur; ut nec attingi quidem possent, & duobus *c. ult.* lictoribus uterentur, ut si casu in aliquem incidissent, qui

Gggg3

ad



ad supplicium duceretur, is statim liberaretur. Aliud Egyptii ornabant filias suas etiam pauperes torquibus, & ab aliis pro torquibus filiarum stipem petebant. In his torquibus figuræ erant sex. Prima Turtur cum lemmate: Sic sola. 2da. Columba cum lemmate: Sic casta. 3tia. Aquila cum lemmate: Sic prompta. Quarta Ciconia cum lemmate: Sic pia. Quinta Noctua cum lemmate: Sic vigil. sexta Alauda cum lemmate: Sic sancta aut devota.

In Praxi colende Virginitatis vide supra dicta sub praxi Castitatis in universali, & hic applica.

## SUBSECTIO XI.

### De Luxuria.

V. D. Tho. 2. 2.

q. 153.

Ibid. 4. 4.

**L**uxuria, est vitium capitale, quo modum rationis & ordinem aliquis circa venerea excedit. Dicitur: vitium capitale; quia multa peccata perpetrantur tum propter luxuriæ finem, qui est delectatio maximè appetibilis ob suam vehementiam, tum propter connaturalitatem huiusmodi concupiscentiæ. Species luxuriæ sunt sex: Fornicatio simplex, adulterium, incestus, stuprum, raptus, vitium contra naturam.

D. Tho. 2. 2.

q. 144. 4. 1.

S. August. super

per Exod. q. 71.

Eccles. cap. 23.

v. 25.

*Motiva detestandi Luxuriam.* Imum. DEUS gravissimè prohibet. Non moebebaturis. Quo præcepto adum D. Augustinum prohibetur omnis illicitus usus membrorum generationis, qui fit ad procurationem libidinis, & impugnationem castitatis. Eccles. Omnis homo, qui transgreditur lectum suum, contemnens in animam suam, & dicens: Quis me videt? tenebræ circumdant me, quem vereor? delictorum meorum non memorabitur Altissimus. Et non intelligit, quoniam omnia videt oculus illius, quoniam expellit à se timorem DEI huiusmodi hominis timor, & oculi hominum timentes illum: & non cognovit quoniam oculi Domini multò plus lucidiores sunt super solem, circumspicientes omnes vias hominum, & profundum abyssi & hominum corda intuentes in absconditas partes. Petrus Apostolus: Novit Dominus pios de tentatione eripere, iniquos verò in diem iudicii reservare cruciandos.

2. S. Petrus 2.

Magis



Magis autem eos qui post carnem in concupiscentia immunditiae ambulant. *Et paulo post*: Hi velut irrationabilia pecora, naturaliter in captionem & in perniciem in his quæ ignorant blasphemantes, in corruptione sua peribunt, percipientes mercedem iniustitiæ, voluptatem existimantes dei delicias conquinatæ & maculæ, deliciis affluentes, in conviviis suis luxuriantes vobiscum, oculos habentes plenos adulterii & incescibilis delicti. *Apostolus*: Si quis violaverit templum Domini, disperdet illum DEUS: templum enim DEI sanctum est, quod estis vos. *Idem*. Manifesta sunt opera carnis, quæ sunt fornicatio, immunditia, impudicitia, luxuria, &c: quæ prædico vobis, sicut prædixi, quoniam qui talia agunt regnum DEI non consequentur. *Idem*. Hæc est enim voluntas DEI, sanctificatio vestra: ut abstineatis vos à fornicatione, ut sciat unusquisque vestrum vas suum possidere in sanctificatione & honore: non in passione desiderii, sicut & gentes quæ ignorant DEUM, & nè quis supergrediatur, nequè circumveniat in negotio fratrem suum: quoniam vindex est Dominus de his omnibus, sicut prædiximus vobis & testificati sumus. Non enim vocavit nos DEUS in immunditiam: sed in sanctificationem. Itaque qui hæc spernit, non hominem spernit sed DEUM. *Jacobus Apostolus*. Epulati estis super terram, & in luxuriis enutristis corda vestra in die occisionis.

*2dum. S. Remigius Rhem. Epif.* Demptis parvulis inquit ex adultis propter carnis vitium pauci salvantur; perinde ac ejus causâ totus mundus perit diluvio; quia omnis caro corrumpat viam suam. *S. Gregorius*: Jumenta in stercore suo computrescere est, carnales homines in foetore luxuriæ vitam finire. *S. Augustinus*: Sunt enim in fornicatione gradus, ut sicut gravius peccat adulter quàm fornicator, sic gravius delinquit, qui nec sua dimissa aliam ducit, eò quòd suam uxorem habens ad conjugem proximi sui accedit, quàm qui non habens uxorem, thorum alterius viduat, vel uxoratus ad solutam accedens: sed hos omnes incestuosi transcendent: quos vincunt contra naturam delinquentes. *Idem*. Luxuria est inimica DEO. inimica virtutibus, perdit omnem substantiam & ad præfens voluptatem

*Idem Ibidem.**1. Cor. 3.**Galat. 5.**Thes. 4. v. 3.**Jacob 5.**S. Greg. 24.**Moral.**S. Aug. lib. de**adulterio; con-**jugiis & habet-**tur 32. 7. 7.**adulterii.**Idem de Doct.**Christian.*



ptatem delinens, futuram non finit cogitare paupertatem.

*S. Aug. lib. Confession.* Idem. Ex voluntate perversa facta est libido: & dum servitur libidini, facta est consuetudo: & dum consuetudini non resistitur, facta est necessitas. *S. Hieronymus:* O quam acerbus fructus luxuriæ! amarior felle, crudelior gladio. Idem. Libido transacta semper sui relinquit poenitudinem, & nunquam satiatur, & extincta reaccenditur, usu crescit, & deficit, nec rationi parer, quæ impetu ducitur. Idem. O ignis infernalis luxuriæ! cujus materia gula, cujus flammia superbia, cujus scintillæ prava colloquia, cujus fumus infamia, cujus cinis immunditia, cujus finis gehenna. *S. Gregorius.* Ex quo luxuria semel mentem alicujus occupaverit, vix eum bona cogitare permittit. Sunt enim desideria viscosa, quia ex suggestionem oritur cogitatio, ex cogitatione affectio, ex affectione delectatio, ex delectatione consensus, ex consensu operatio, ex operatione consuetudo, ex consuetudine desperatio, ex desperatione peccati defensio, ex defensione gloriatio, ex gloriatione damnatio. *Beda.* O extrema libidinis turpitudin! quæ non solum mentem effoeminat, sed corpus enervat, non solum maculat animam, sed foedit personam. Omne namque peccatum quodcumque fecerit homo, extra corpus suum est, qui autem fornicatur, in corpus suum peccat. Semper illam præcedunt ardor & petulantia, semper comitatur foetor & immundities, semper sequitur dolor & poenitentia. *S. Gregorius* super illa verba Job; aspergatur in tabernaculis ejus sulphur; inquit. Quid itaque in sulphure, nisi peccatum carnis accipimus? quod dum perversis cogitationibus, quasi quibusdam foetoribus mentem replet, æterna incendia præparat: & dum foetoris sui nebulam in mente dilatat, contra eam flammis subsequenter, quasi nutrimenta subministrat. Ideo in tabernaculo impii sulphur aspergitur, quoties perversa carnis delectatio in mente ejus dominatur. *Beda.* Quis ejus multiplices species enumerare valeat? hæc enim Pentapolim cum adjacente regione subvertit: Sichem cum populo interemit: hæc filios Judææ percussit: Judæam & Madianitidem transfodit: tribum Benjamin pro uxore Levitæ delevit; filios Heli Sacerdotis in bello



bello prostravit: hæc Unam occidit: Ammon interfecit: pluri-  
 mos lapidavit: hæc Ruben maledixit: Samsonem seduxit: Salo-  
 monem pervertit. Verum est ergo, quod legitur, propter spe-  
 ciem mulieris multi perierunt. *D. Thomas.* Filia luxuriæ sunt  
 cæcitas mentis, inconsideratio, præcipitatio, inconstantia, amor  
 sui, odium DEI, affectus præsentis seculi, & horror futuri. Ra-  
 tio est, quia quando inferiores potentia vehementer afficiuntur  
 ad sua objecta, consequens est, quod superiores vires impedian-  
 tur & deordinentur in suis actibus. Per vitium autem luxuriæ  
 maximè appetitus interior, scilicet concupiscibilis vehementer  
 intendit suo objecto, scilicet delectabili, propter vehementiam  
 passionis & delectationis. Et ideo consequens est, quod per lu-  
 xuriam maximè superiores vires deordinentur, scilicet ratio &  
 voluntas. Sunt autem rationis quatuor actus in agendis. *Primus*  
*quidem,* simplex intelligentia, quæ apprehendit aliquem finem,  
 ut bonum. Et hic actus impeditur per luxuriam secundum illud  
 Danie: 13. Species decepit te, & concupiscentia subvertit cor tu-  
 um. Et quantum ad hoc ponitur cæcitas mentis. *Secundus* actus  
 est, consilium de his quæ sunt agenda propter finem. Et hic eti-  
 am impeditur per concupiscentiam luxuriæ. Unde Terent. dicit  
 in Eunucho loquens de amore libidinoso: Quæ res in se neque  
 consilium, neque modum habet ullum, eam consilio regere non  
 potes. Et quantum ad hoc ponitur præcipitatio, quæ importat  
 subtractionem consilii. *Tertius* actus, iudicium est de agendis.  
 Et hic etiam impeditur per luxuriam. Dicitur enim Daniel. 13.  
 de senibus luxuriosis: Averterunt sensum suum ut non recorda-  
 rentur iudiciorum iustorum. Et quantum ad hoc ponitur in-  
 consideratio. *Quartus* autem actus est, præceptum rationis de  
 agendo, qui etiam impeditur per luxuriam, in quantum scilicet  
 homo impeditur ex impetu concupiscentiæ, nè exequatur id  
 quod decrevit esse faciendum. Unde Terent. dicit in Eunucho,  
 de quodam, qui dicebat se recessurum ab amica: Hæc verba, una  
 falsa lachrymula restingver. Ex parte autem voluntatis conse-  
 quitur duplex actus inordinatus, quorum unus est appetitus finis.  
 Et quantum ad hoc ponitur amor sui, quantum scilicet ad dele-  
 ctationem, quam inordinatè appetit. Et per oppositum ponitur  
 odio

V D Tho. 2. 2.

q 153.

Ibid. D. Tho.

a. 5o

Scena 1. actus

imo parum a

princip.

Scena una act.

1. incipit Quid

igitur faciam,

a med. illius.



odium DEI, inquantum scilicet prohibet delectationem concupitam. Alius autem est appetitus eorum, quæ sunt ad finem. Et quantum ad hoc ponitur affectus præsentis seculi, in quo scilicet aliquis vult frui voluptate. Et per oppositum ponitur desperatio futuri seculi, quia dum nimis detinetur carnalibus delectationibus

*S. Chrysost.* bus non curat pervenire ad spirituales, sed fastidit eas. *S. Chrysostom.* 23. ad pop. *S. Chrysostomus* non horruit dicere: Tam difficile esse luxuriosum castitati, quam mortuum vitæ restituere. Cujus rationem reddit

*S. Hieron. in S. Hieronymus:* Quia avaritia cum marsupio, superbia cum vestibus deponitur, at libido carni insita est; carnem verò quis deponet? Hinc sicut cum sylvam ignis corripit, non opus est pabulum apponere; ita nec libidini necesse est nutrimentum, illud sufficere, cum carnem ad manum habeat. Quam ob causam

*Osee 5. v. 4.* *Oseas* dixit: Non dabunt cogitationes suas ut revertantur ad DEUM, quia spiritus fornicationis in medio eorum est, &

*Tertul. lib. de DEUM* non cognoverunt. Et *Tertullianus* luxuriam inenatabile excusis profundum, inextricabile impactis naufragium, & irreparabile devoratis Hypobrychium vocat. *Avicenna teste*, plus uno actu venereo debilitatur corpus, quam si quadragesies tantum emitteret sanguinis; hinc ut *S. Chrysostomus* ait; luxuriosi re-

*S. Chrysost. in soluta circumferunt corpora*, atque agmine quodam infirmitatum *hom. nemo le-* repleta, unde semper est eis vita cum medicis & medicamentis, *ditur.* sensus autem ipsis tardi, graves, obtusi, & quodammodo sepulti, (est enim ignis usque ad perditionem devorans, & omnia era-

*Job. 31. v. 12.* dicans genimina) Etiam ipsis diabolis exosa luxuria. *S. Thomas*

*S. Thom. l. 5.* alicubi ait: Dicunt Magistri, aliquos esse dæmones, qui memoriam suæ antiquæ nobilitatis, non dignantur homines peccato luxuriæ tentare. Signum hujus est, quod Lucifer tentans Domi-

*c. 51.* num in deserto, non tentavit eum de hoc peccato.

*Martinus Del-* *zium. Exempla. 1.* Refert Pr. Delrio dicens: Tres erant *rio in disquisit* lurcones perditissimi in quodam Flandriæ oppido, jam in *magicis lib. 3.* diam noctem, cum totidem scortis erant comessati; cum illorum *p. l. 9. 7.* unus: Heus inquit, epulatum satis, tempus monet, ut DEO gratia agantur. Cui alter, Ego dæmoni gratias habeo; illi enim nunc servio, & operor. Vox cum risu & cachinno excepta. Paulò post à mensa ad lectos cum scortis conceditur. Nondum

somnus



somnus obreperat; & ecce cubiculi fores magno strepitu aper-  
 riuntur; ingreditur vir procerus, venatorio habitu, & aspectu  
 terribilis, facie atrâ, oculis scintillantibus, quem ponè duo mino-  
 res cum culinæ instrumento sequebantur. Is ergo postquàm ter  
 aut quater cubiculum obambulâsser, ad sacrilegorum lectos  
 conversus, *Ubi est, inquit, ille qui paulò antè mihi gratias egit? ipsi &*  
*ego gratiam repositum venio.* Nemine ex illis respondente, rectâ  
 ad blasphemum illius, jam semimortui, lectum accedit, & è strato  
 à latere meretricis abstractum, jubet veru configi, atque assari.  
 Nec mora, parent coculi avernales; excitatur ingens ignis; cor-  
 ripitur medius ganeo blasphemus, veru infigitur & assatur. Hinc  
 acheronticus venator ad reliquos, metu prope exanimes, con-  
 versus; Et vos, ait, idem merebamini, sed exequendi supplicii  
 potestas non est à DEO concessa mihi, nisi in istum, quem ex  
 hoc foco ad inferorum rogos transmisi. Vos alieno periculo  
 sapite, & vitam flagitiosam corrigite: secus redibo brevi, & pa-  
 res de vobis poenas sumam. Hoc dicto disparuit spectrum. Illi  
 timore & horrore oppressi, tristi diem operiuntur desiderio;  
 videntquè orto sole, sodalem suum assatum, & magna parte  
 concrematum. 2. *S. Catharina Senensis* si aliqua à perlona, luxu- *Raymundus in*  
 riâ dedita salutabatur, nihil respondit, sed tergum obvertit, di- *vita.*  
 xitquè, se ex anima illorum tantum foetorem afflantem sensisse,  
 ut ad vomitum provocaretur. 3. *S. Pachomius* optabat fe- *Pallad. c. 26.*  
 rarum dentibus laniari, eo quòd quadraginta annorum solitu-  
 dine, jejuniorum, aliarumquè rerum asperitate hunc hostem  
 expugnare non potuerit, licèt nunquam penitus ei succubuerit.  
 4. Luxuriâ tentatus quidam Frater, cùm audisset, mulierem illam, *Spec. ex dist.*  
 cujus pulchritudine tentabatur, mortuam esse, accessit ad sepul- *2. ex 23.*  
 chrum, & pallio suo foetentem carnem mulieris extergens nari-  
 bus suis applicabat dicens: Ecce habes desiderium, quod requi-  
 rebas, satia te ex eo. Et sic tentationem vicit. 5. *S. Thomas Aquinas* *Surius in vi-*  
 cùm procax scortum in ejus cubiculum immissum fuisset, impri- *ta 7. Martii.*  
 mis ad orationem confugiens dixit: Nè finas, quæso, Domine,  
 JESU, & tu Sanctissima Virgo & Mater; ut tam immani scelere  
 me obstringam: postea accepto titione fugavit illud, & ostio clau-  
 so, ab Angelo cingulo circa lumbos constringi in signum conti-  
 nentia



Plutarchus in nentia promeruit. 5. Democles Adolefcens formofus, cum lavita Demetr. vaturus advertiffet Regem Demetrium fuâ formâ captum, detra-  
Drex, in V. Sto vicini aheni operculo in ferventem aquam infulit. 6. Spu-  
Jofeph cap. 4. rina advertens fuam formam ad inhonesta illicitum effe, oris de-  
corem vulneribus confedit, maluitquæ tantam elegantia, quàm  
minimam verecundia jacturam facere.

*In Praxi* ad subigendam naturæ lascivientis rabiem, hæc  
à P. Lohner (ex Biblioth. Man. tit. Luxuria) afferuntur media. I.  
Sap. f. v. 21. *Oratio.* Hoc enim genus dæmoniorum non ejicitur, nifi per ora-  
tionem & jejunium. Hinc Salomon dixit: Scivi quia aliter non  
possem effe continens, nifi DEUS det. Et merito: ficut enim  
militia dux, cui castrum aliquod commiffum effe, videns illud ab  
hoftibus, quibus imparem fe credit, obfidiione cingendum,  
mox ad caſtri Dominum literas mittit, auxiliumquæ petit: ita  
S. Aug. l. 10. idem in fimili hoc caſu agendum, dicendumquæ cum S. Au-  
Confefſ. c. 29. gullino: O Amor! qui femp̄ ardes, & nunquam exungveris.  
Charitas DEUS meus, accende me. Continentiam jubes, ca-  
quod jubes; & jube quod vis.

*Caff. lib. 6.* I I. *Perfecta humilitas & ſubjectio erga DEUM:* utpote fine  
inſt. c. 1. qua, teſte Caſſiano, nullius penitus vitii poterit triumphus acqui-  
S. Greg. l. 5. ri; nam ut S. Gregorius ait: timens DEO ſubdi humiliter deſpi-  
in 1. Reg. c. 14. cit, carnis ſuæ deſideria dominando ac præeminendo non pre-  
mit.

*Gen. 39. v. 12.* I I I. *Fuge occaſionum & ipſarum tentationum.* Sic Joſeph  
Ægypti Prorex, ut impudicam Dominam evadere poſſet, pallium,  
quo apprehenſus fuerat, reliquit & fugit. Ergo contra libidinis  
S. Aug. in ſer. impetum apprehende fugam, (inſert S. Auguſtinus) ſi vis obri-  
25. Dom. poſt. nere victoriam. Nec tibi verecundum ſit fugere, ſi caſtitaſ  
Trinit. palmam deſideras obtinere. Nam ut recte Origenes dixit: iſta  
Orig. hom. 8. fuga eſt, quæ habet ſalutem; iſta fuga virtutis eſt, iſta fuga beati-  
tudinem confert. Hinc & aliqui finxerunt, Daphnidem Vir-  
ginem, dum impudicum Lenonem fugit, in laurum converſam.

I V. *Senſuum accurata cuſtodia.* Ut rectè diſcurrit S. Gre-  
S. Greg. l. 21. gorius: Cum ſit inviſibilis anima, nequaquam corporearum re-  
mor. c. 2. rum delectatione tangitur; ſed per quinque corporis ſenſus quaſi  
per feneftras exteriora reſpiciens concupiſcit. Hinc etenim

Jeremias



Jeremias ait: Mors ascendit per fenestras, ingressa est domus nostras. Mors quippè per fenestras ascendit, & domum ingreditur, cum per sensus corporis concupiscentia veniens habitaculum intrat mentis. Nè ergo quadam lubrica in cogitatione, versemus, providendum nobis est; quia intueri non decet, quod non licet concupiscere. Nam ut idem postea ait: Præceptum anima, dum antè non providet, nè incautè videat, quod concupiscat, cæca post incipit desiderare, quod vidit.

Jer. 9. v. 21.

V. Otii detestatio. Nam ut benè advertit S. Gregorius: *S. Greg. lib. 6. c. 1. in lib. 1. Reg.* cum duas simul res cogitare non possumus, fit, ut aliquid aliud cogitemus immunda. Hinc pergit adhortari: Inter opera & labores Spirituales contra stimulos carnis fortes sumus: sed si quasi fessi à solitæ conversationis rigore torpescimus, vel remittimus, dum paulatim negligimus, aculei carnis resurgunt, qui quasi depositis Moysis manibus Israëllem vincunt. Id quod a- *Faber. 1. con. 8. in dom. 13. post Pent.* prâ similitudine non nemo confirmat, dicens: Ut avis quæ otiosa in ramo sedet, facillè jaculo configitur, secus quando volat, & hinc inde saltat; ita idem de homine otioso sentiendum. Hinc S. Hieronymus monet: Aliquid boni operis semper facito, ut te diabolus inveniat occupatum. *S. Hier. in epis ad Ruff.*

VI. Corporis castigatio. Nam teste S. Ambrosio, libido gravis ignis est, & ideo non demus illi alimenta luxuriæ. Pascitur libido conviviis, nutritur deliciis, vino accenditur, ebrietate inflammatur. E contrario verò, abstinentia ciborum contra vitium hoc fortissima est, teste S. Gregorio; sicut enim Castellanus *S. Greg. l. 5. c. 14. in 1. Reg.* fame subactus, castrum tradit ad libitum impugnantis: ita luxuria per famem domita corpus ad libitum hominis & rationis tradit; quemadmodum rectè dixit S. Albertus Magnus. *S. Albert. serm.*

VII. Mortis, aliorumq; extremorum recordatio. Nam, S. Gregorio teste, nihil sic ad edomandum desiderium appetituum carnalium valet, quàm ut unusquisque hoc, quod vivum diligit, quale mortuum sit, penset. Sed & S. Isidorus calculo suo probans ait: quando impulsu dæmonum mens ad delectationem fornicationis impellitur divini iudicii metus & æterna tormenta incendii ante oculos proponantur, quia, nimirum omnis poena gravioris supplicii formidine superatur. Sicut enim clavum clavus pellit ita

Hhhh;

pellit ita



lit, ita sæpe recordatio ardoris gehennalis ardorem excludit luxuriæ.

S. Ambr. in c.  
IO. Mat.

VIII. *Præsentia DEI menti firmiter impressa*: cuius efficaciam sic ostendit S. Ambrosius. Detur mihi captus adulterinæ cupiditatis intemperatissimo æstu, qui nolit repugnare carnis suæ appetitui, incuriosu iustitiæ, tamen sollicitus famæ, erubescens testimonium erroris, qui ipsum non erubescit errorem. Si quem fortè spectatorem noverit facinoris sui, verecundiâ sequestrat intemperantiam, & pudore inceprum scelus deferit. Quanto magis si DEUM inspectorem cogitaret, abstinebit? Certè S. Basilius de pugnis adversus hoc vitium luxuriæ discurrens, hæc omnia, inquit, ei facilia sunt, qui DEUM semper præsentem aspicit.

S. Basil. in qq.  
fufe expl. 20.

Cass. Coll. 2.  
c. 10.

IX. *Manifestatio tentationis*. Quia ut Cassianus ait: non valebit ignorationi ejus callidus hostis illudere; qui universas cogitationes in corde nascentes, perniciosâ verecundiâ nescit obtegere, sed eas maturo examine seniorum vel reprobatur, vel admittit. Illico namque ut patefacta fuerit cogitatio maligna, marcescit, & antequam discretionis iudicium proferatur, serpens deterrimus velut è tenebroso ac subterraneo specu virtute confessionis pertractus ad lucem, & traductus quodammodo ac de honestatus discedit. Tamdiu enim suggestiones ejus noxiæ dominantur, quamdiu à nobis in corde celantur.

X. *Matura resistentia*. Nam quemadmodum miles domum ingressus facilè totam domum occupat; ita carnis tentatio haud difficulter mentem subjugat, si semel eam occupare sinatur.

Hinc S. Hieronymus monet: Nolo, sinas cogitationes libidinis creascere; nihil in te Babylonium, nihil confusionis adolescat. Dum parvus est hostis, interfice: Nequitia, nè Zizania crescat, in semine elidatur. Audi Psalmistam dicentem: Beatus, qui tenebit & allidet parvulos tuos ad Petram. Quia impossibile est, in sensum hominis non irruere innatum medullarum calorem. Ille laudatur, ille prædicatur beatus, qui, ut coeperit cogitare sordida, statim interficit cogitatus, & allidit ad Petram, Petra autem est Christus.

Vide etiam dicta suprà tum de Castitate in generali, tum alia scilicet 1. 2. tra. 1. c. 1. sec. 4. subf. 2. § 2. & 3. & hic convenienter applica.

SUB.



## SUBSECTIO XII.

## De Fornicatione

**F**ornicatio, est crimen lethale, quo solutus cum soluta corrupta peccat. Dicitur; *crimen lethale*: quia est contraria dilectioni D. Tho. 2. 2. q. 1. proximi, nempe prolis nascituræ, dum bono eius adver- 144, a. 2. q. 4. satur, quòd nimirum proles careat curâ patris, qui eam educaret, 6, ad 2. instrueret, defenderet, & in bonis tam exterioribus, quàm interioribus promoveret. Nec obstat, si aliquis fornicando aliquam cognoscens, sufficienter provideat proli de educatione; quia id quod cadit sub legis determinatione (bona enim communia, quale est generatio prolis, quæ ordinatur ad bonum totius generis humani, cadunt sub determinatione legis) iudicatur 2dum id, quod communiter accidit; & non 2dum id, quod in aliquo casu potest accidere. Dicitur; *solutus cum soluta corrupta*: id est libera à vinculo matrimonii, vel voti, vel curæ parentum: Corrupta autem intelligitur quoad signaculum virginale. Et licet Fornicantes subinde curent, nè proles nascatur, hæc tamen est grandis injuria generis humani: hoc enim ipso paulò post destitueretur mundus hominibus, ob nimiam propensionem in ejusmodi corruptionem.

*Motiva execrandi Fornicationem.* Prov: Fovea profunda os alienæ, cui iratus est Dominus, incidet in eam. Viæ inferi domus eius, penetrantes interiora mortis. *Ibidem*: Inclinata est ad morrem domus eius, & ad inferos semitæ eius: omnes qui ingrediuntur ad eam, non revertentur, nec apprehendent semitas vitæ. *Eccles.* Qui se jungit fornicariis, erit nequam, putredo & vermes hereditabunt illum, & extolletur in exemplum majus, & tolletur de numero anima eius. *Eccles.* Non des fornicariis animam tuam in ullo, nè perdas te, & hereditatem tuam. *Eccles.* Omnis mulier quæ est fornicaria, quasi stercus in via ab omnibus praterentibus conculcabitur. *Apostolus*: Fornicarii regnum DEI non possidebunt. *Idem*: Fornicatores, & adulteros judicabit DEUS. Nescitis, quoniam corpora vestra membra sunt Christi? Tollens ergo membra Christi, faciam membra meretricis? absit. An nescitis, quoniam qui adhæret meretrici, unum corpus efficitur? Erunt enim (inquit) duo in carne una. Et paulò infra. Fugite fornicationem:

Prov. c. 7.

Prov. 2.

Eccles. 19.

Eccles. 9.

Eccles. 9.

I. Cor. 6.

Heb. 13.

I. Cor. 6.



nem: omne enim peccatum, quodcunque fecerit homo extra corpus suum est, qui autem fornicatur, in corpus suum peccat. An nescitis, quoniam membra vestra templum sunt Spiritus Sancti, qui in vobis est, quem habetis à DEO & non estis vestri? *Apocal.* Fornicatoribus, & veneficis &c. pars illorum in.

*Apoc. 21.*

*S. Chrys. hom.*

*29. ad pop.*

stagnatio ardenti igne & sulphure *S. Chrysost.* Fornicator, ait, nunquam est in se ipso, sed in sepulchris versatur: sepulchra sunt meretricum divertoria cum multo foetore, multa putredine sunt repleta.

*In Praxi detestandi ac fugiendi Fornicationem vide supradicta de Luxur.*

## SUBSECTIO XIII.

### De Adulterio.

*V. D. Thom. 2.*

*2. q. 168. a. 8.*

*V. Ibid. a. 8.*

*ad 1.*

**A**dulterium est, quo vir ad alterius uxorem, vel mulier ad virum alterius accedit. Ille qui habet uxorem, si ad aliam accedat, peccatum eius potest denominari, vel ex parte sua, & sic semper est adulterium, quia contra fidem matrimonii agit: vel ex parte mulieris ad quam accedit, & sic quandoque, est adulterium, puta cum conjugatus accedat ad uxorem alterius. Quandoque autem habet rationem stupri, vel alicuius alterius, secundum diversas condiciones mulierum ad quas accedit. Dicitur autem, quod species luxuriæ accipiuntur secundum diversas condiciones mulierum.

*A. 1. lui. 7.*

*Busenbaum*

*Medul. Theol.*

*l. 1. tom. 2. c. 3.*

*d. 6.*

Adulterium supra malitiam luxuriæ addit aliam malitiam iniustitiæ. Hinc Busenbaum ait: Si ligatus cum ligata adulteretur, duplex peccatum iniustitiæ committitur, unum contra propriam uxorem, alterum contra maritum adulteræ. Uti etiam si quis uno actu occidat plures, sunt plura homicidia: quia in istis materia est numero diversa li. 1. t. 2. c. 10. n. 3. Sanch. Card. Lugo.

*Num. 5. 21. 22.*

*Pro detestatione adulterii. unum Num.* Si concubuiſti in adulterio, his maledictionibus subiacebis. Det te Dominus in maledictionem; exemplumque cunctorum in populo suo; putre-

*scere*



fcere faciat femur tuum & tumens uterus tuus dirumpatur. *Deut. 22. 24.*  
 Si dormierit vir cum uxore alterius, uterque morietur adulter &  
 adultera, & auferes malum de terra. *Proverb. 6. 32.* Qui adulter est,  
 propter cordis inopiam perdet animam suam: turpitudinem &  
 ignominiam congregat sibi, & opprobrium illius non delebitur.  
*Proverb. 18.* Qui tener adulteram, stultus & insipiens est. *Sap. 22.* Filii  
 adulterorum in consummatione erunt, & ab iniquo thoro semen  
 exterminabitur. Et si quidem longæ vitæ erunt, in nihilum com-  
 putabuntur, & sine honore erit novissima senectus illorum. Et si  
 celeritus defuncti fuerint, non habebunt spem, nec in die agnitio-  
 nis allocutionem. Nationes enim iniquæ diræ sunt consummatio-  
 nis. *Jerem. 5. 7.* Saturavi eos, & mœchati sunt; & in domo meretri-  
 cis luxuriabantur. Equi amatores in foeminas & emissarii facti  
 sunt, unusquisque ad uxorem proximi sui hinniebat. Nunquid  
 super his non visitabo dicit Dominus, & in gente tali non ulci-  
 scetur anima mea? *Ose. 7. 4.* Omnes adulterantes quasi clibanus  
 succensus à coquente. *Apostolus: 1. Cor. 6. 9. 10.* Nolite errare: neque sacrilegi,  
 neque idolis servientes, neque adulteri regnum DEI posside-  
 bunt. *Job. 31. 9.* Si deceptum est cor meum super muliere, & si ad o-  
 stium amici mei insidiatus sum, scortum alterius sit uxor mea,  
 & super illam incurventur alii. Hoc enim nefas est & iniquitas  
 maxima. Ignis est usque ad perditionem devorans, & eradicans  
 omnia genimina.

*2dum. S. Chrysostomus:* Adulter vel ante gehennam est omni-  
 um miserrimus, omnia suspicans, vel ad umbram contremiscens,  
 ad nullum liberis respiciens oculis, sed omnes pertimescens, &  
 qui sciunt & nesciunt, acutos videns gladios, imponentes lieto-  
 res, Judicia. In dolore semper est adulter etiam in tenebris. *Idem: psal. 7.*  
 Quemadmodum gubernator in portu naufragium faciens, haud-  
 quaquam ullam impetraret veniam: sic nec is, cui quum per  
 conjugium concessum sit, quo lapsum effugiat, tamen aliena  
 scrutatur matrimonia; aut qui quancunque foeminam curiosis  
 aspicit oculis, habere quidquam potest, quo se excuset, nec apud  
 homines, nec apud DEUM; etiam si decies milies alligârit natu-  
 ralem voluptatem. Imò quæ possit illic esse voluptas, ubi me-  
 tus, ubi discrimen, ubi periculum, ubi tantorum malorum expe-



Statio, ubi tribunalia, ubi accusationes, ubi Judicis ira? Omnia pavet metuitquæ umbras, parietes, lapides, famulos, vicinos, hostes, amicos, &c. Sed ponamus nulli notum esse flagitium, præterquam ipsi uni & mulieri, quam adulteravit, quomodo ferret conscientiam redarguentem, acerbam, amarulentam, accusatricem ubique secum ferens? Quemadmodum enim se ipsum nemo potest effugere: ita nec illam ejus curiæ sententiam. Hoc enim tribunal non pecuniâ corrumpitur, non adulationibus acquiescit, eò quòd divinum est, & à DEO nostris mentibus impositum. Certè aduter per inopiam sensûs exilium suæ ipsius

*S. Aug. de bo-* animæ conciliat. *S. Augustinus.* Interveniente divortio, non  
*no Conjug. &* aboletur confœderatio nuptialis, ita ut sibi conjuges sint etiam  
*bab. 32. q. 7.* separati. Cum illis autem committitur adulterium, quibus etiam  
*Interveniente.* fuerint post suum repudium copulati.

*In lib. 7. donis* *3tium.* Quidam vidit adulterum cum adultera in farragine  
*& in spec. Ex-* ignea à dæmonibus comburi sine intervallo in bullienti metallo.  
*empl. P. Majo-* *atum ex Bibli. Man. Lohner.* Joseph Castissimus sollicitatus  
*ris tit. adulte-* ab uxore Putipharis ad adulterium, fugit, pallio in manibus ejus  
*rium.* relicto. *Aliud.* Susanna maluit cum summa ignominia mortem

*Gen. c. 9.* appetere absque peccato, quàm adulterii crimen comittendo  
*Dan. 13.* cum senibus, nullius apud homines peccati insimulari. *Aliud.*

*Bejer. v. adult.* Baldvinus Flandriæ comes, qui & Imperator Bizantinus postea  
*f. 124.* fuit, tantopere ab hoc crimine abhorruit, ut quotidie per præconem edici jufferit: nemo in palatio meo pernoctato, qui alienam conjugem tetigerit.

*Plutarch. in* *stum. Profana Exemplu.* Lycurgi temporibus tanta erat a-  
*Lagon.* pud omnes uxores pudicitia, ut cum Geradas nobilis Spartanus rogaretur ab hospite, quas pœnas apud eos aduter daret? responderit: nullas pro hoc leges à Lycurgo præscriptas esse, quia nullus apud eos aduter daretur. Cumque hospes ulterius instaret: quid si autem existat? Subjecit iterum Geradas: Bovem tantum dabit, ut porrecto ultrâ Taygetum collo ex Eurota bibat. Dicente autem hospite, id fieri non posse. Geradas quoque, quo pacto agebat, apud Spartanos adulteri esse possunt. ubi divitiæ, deliciæ, & corporis adscititius cultus probro habetur? Contrà verecundia, modestia, ac obedientiæ Magistratibus, de-  
bitæ



bitæ observatio, decori, laudique dantur? Aliud. In Insula Pabu-Beierl. in thea-  
næ Indiæ orientalis tam sanctè servant conjugium, ut si quis adulterium commississe deprehendatur, ad parentes per virum  
primarium deductus juguletur ab illis, consors verò similiter ab  
iisdem pugione confodiatur.

Ad Præxim abominandi & cavendi Adulterium vide supradicta  
de Luxuria.

## SUBSECTIO XIV.

## De Incestu.

**I**ncestus, est peccatum luxuriæ inter personas consanguineas, vel affines.  
Quod peccatum prohibetur. Primò. Quia naturaliter homo V. D. The. 2. 2.  
debet quandam honorificentiam parentibus & cognatis, in q. 154. a. 9.  
tantum quod apud antiquos, ut Valerius Maximus refert, non  
erat fas filium cum parente balneari, nec se invicem nudos con-  
spicere. 2dò. Quia personas sanguine conjunctas necesse ad in-  
vicem simul conversari, sicquè continuo haberent occasionem  
luxuriæ, nimisque emollescerent. 3tò. Quia per hoc impedire-  
tur multiplicatio amicorum, ut docet S. August. lib. 15. de Civitate  
cap. 16. Addit. 4tum. Aristoteles in 2. Politicor. quia cum naturali-  
ter homo consanguineam diligit, si adderetur amor, qui est ex  
commistione venerea, fieret nimius ardor amoris, & maximum  
libidinis incentivum, quod castitati repugnat.

Contra Incestum Levitici: Omnis homo ad proximam san-  
guinis sui non accedet, ut revelet turpitudinem ejus. Ego Do- Levit. 18.  
minus. Ubi post varios incestus consanguinitatis & affinitatis enume-  
ratos, tum alia decreta, hæc addit. Nec polluamini in omnibus his,  
quibus contaminatæ sunt universæ gentes, quas ego ejiciam ante  
conspicuum vestrum, & quibus polluta est terra: cujus ego scelera  
visitabo, ut evomat habitatores suos. Et paulò post. Omnis anima  
quæ fecerit de abominationibus his quippiam, peribit de medio  
populi sui. Qui supra uxorem filiam, duxerit matrem ejus,  
scelus operatus est, vivus ardebit cum eis, nec permanebit tan-  
tum nefas in medio vestri. Apostolus: Omnino auditur inter vos 1. Cor. 5.  
fornicatio, & talis fornicatio qualis nec inter gentes, ita ut uxo-  
rem



rem patris aliquis habeat. Et vos inflati estis: Et non magis luctum habuistis, ut tollatur de medio vestrum, qui hoc opus fecit: ego quidem absens corpore, præsens autem spiritu, jam iudicavi ut præsens eum qui sic operatus est, in nomine Domini nostri JESU Christi, congregatis vobis & meo spiritu, cum virtute Domini nostri JESU, tradere huiusmodi satanæ in interitum carnis, ut spiritus salvus sit in die Domini nostri JESU Christi.) Ruben propter incestum suum privatus benedictione Patris pro Regno & Sacerdotio. Ammon propter incestum morte punitur. Incestuosi Herodes cum Herodiade arguentem se S. Joannem Baptistam vitam privarunt. S. Augustinus: Commistio fororum & fratrum quanto fuit antiquior compellente necessitate, tanto postea facta est damnabilior religione prohibente.

S. Aug. l. 15. de  
Civitate Dei.

Vide plura suprascripta de Luxuria.

## SUBSECTIO XV.

### De Stupro.

D. Tho. 2. 2.  
q. 154. c. 6.

Idem ibidem.

Eccles. 42.

Gen. 34.

**S**uprum, est illicita Virginum sub cura parentum existentium violentio. Cujus specialis deformitas peccati patet, tum ex parte puellæ, quæ ex hoc quod violatur, nullâ pactione conjugali præcedente, impeditur a legitimo matrimonio consequendo, & ponitur in via meretricandi, à qua retrahebatur, nè signaculum Virginitatis amitteret: tum etiam ex parte patris, qui ejus custodiam gerit, secundum illud Eccles. 42. Super Filiam luxuriosam confirma custodiam, nè quando faciat te in opprobrium venire inimicis.

Contra Stuprum, Genes. Filii Jacob, Simon & Levi ob Dinam rapram & stupratam sororem suam, Hemor & Sichem stupratorem necaverunt, & depopulati sunt urbem interfectis omnibus masculis.

SUB-



## SUBSECTIO XVI.

## De Raptu.

**R**aptus, est violentia illata foeminae, vel parentibus ejus, ad ipsam corrumpendam. Quia qualitercunque violentia adsit, sal-  
vatur ratio raptus. D. Tho. 2. 2. q. 154. 4. 7.

## SUBSECTIO XVII.

## De Vitio contra naturam.

**V**itium contra naturam, est determinata luxuriae species, quod  
multiplici modo committi potest. Ratio est: quia ibi est de-  
terminata luxuriae species, ubi specialis ratio deformita-  
tis occurrit, quae facit indecentem actum venereum. Quod  
quidem potest esse dupliciter. Vno quidem modo, quia repu-  
gnat rationi rectae, quod est commune in omni vitio luxuriae.  
Alio modo, quia etiam super hoc repugnat ipsi ordini naturali  
venerei actus, qui convenit humanae speciei, quod dicitur viti-  
um contra naturam. Quod quidem potest pluribus modis con-  
tingere. Uno quidem modo, si absque omni concubitu *cau- C. ut clerico-*  
sa delectationis venereae Pollutio procuretur, quod pertinet ad rum de vita &  
peccatum Immunditiae, quam quidam Mollitiem vocant. Alio *honest. cle. &*  
modo, si fiat per concubitus ad rem non ejusdem speciei, quod de *excessibus*  
vocatur Bestialitas. Tertio, si fiat per concubitus ad non de- *prael.*  
bitum sexum, puta masculi ad masculum, vel foeminae ad foemi-  
nam ut Apostolus dicit ad Rom. 1. Quod dicitur Sodomiticum  
peccatum. Quarto, si non fervetur naturalis modus concum-  
bendi, aut quantum ad instrumentum, aut quantum ad alios  
monstruosos & bestiales concumbendi modos.

*S. Thomas Angelicus:* Vitium contra naturam gravissimum *Idem Ibid. 4. 12.*  
& turpissimum est inter luxuriae species. Siquidem per illud  
homo ipsius naturae legem circa rei venereae usum constitutam  
transgreditur. *S. Augustinus:* Flagitia quae sunt contra natu- *S. Aug. confess.*  
ram, ubique & semper repudianda atque punienda sunt, qualia *c. 3. a. & hab.*  
*sodo- Ibid. can. flagi-*  
*tia.*



Sodomitarum fuerunt: quæ si omnes gentes facerent, eodem criminis reatu divinâ lege tenerentur: quæ non sic fecit homines, ut se illo uterentur modo. Violatur quippe ipsa societas, quæ cum DEO nobis esse debet, cum eadem natura, cuius ipse author est, libidinis perversitate polluitur.

§. Imus.

### De Mollicie, seu Pollutione.

*S. Bonav. in specul. animæ 6. 2.* **S.** Bonaventura, describit pollutionem. Cum tactu ponitur corruptio carnis, quæ pollutio dicitur, quæ duobus modis contingit, aut per actum tactûs, seu imaginationem delectationis morosæ, aut per actum carnalem. Si primo modo per tactum vel imaginationem, hoc contingere potest dupliciter. Aut dormiendo, aut vigilando. Circa pollutionem in somno hoc breviter est norandum, quod talis pollutio secundum se non habet rationem peccati, eo quod tunc liberum arbitrium vinctum sit scilicet ad comparationem. Potest autem contingere ex superfluitate cibi, vel potûs, vel ex turpi imaginatione in vigilia præcedente. Quod si causa mortalis fuit, puta quod vigilando consensit, vel actum gulæ mortalem exercuit, secundum hoc pollutio est signum gravioris, & tunc dictæ circumstantiæ sunt in confessione norandæ vel dicendæ. Cum autem talis pollutio illusionem diaboli, vel debilitate retentivæ, vel virtute exclusivæ contingit, nec adest complacentia, non habet rationem peccati. De pollutione autem vigilando sic distinguitur, quod si est procurata per tactum, vel imaginationem voluntariam quoquo modo, ut per auditum, visum, vel motum, omnis enim talis resolutio si sit procurata, vel si consensus interveniat est mortalis quocunque modo. Et si semen extra vas naturale voluntariè emittatur, habet rationem mortalis peccati, quod etiam contra naturam est. Si autem in tactu sit sexûs mutatio, etiam gravissimum est peccatum, & talia peccata non nominari debent, & ignominiosa dicuntur. Potest etiam huiusmodi pollutio contingere per actum carnalem, & hoc dupliciter, vel per actum Matrimoniale, vel per actum incochicæ. In actu autem Matrimoniali potest contingere deordinatio, in.



in modo, in tempore, & in causa: in modo quidem peccatum est, cum modus, qui naturæ non congruit, invenitur. In tempore autem, cum tempore menstruorum debitum exigitur, quod est contra legem, si scienter fiat, est peccatum mortale. Item, cum tempora orationi, honestati, & festivitibus Sanctorum deputata, non observantur, quod tamen mortale non dico. Item in causa, cum in actu hujusmodi non prolis sed carnis delectatio quæritur, quod licet excusetur per matrimonium, tamen posset habere rationem mortalis, si usque ad hoc inordinatio extendatur, quod imaginando alienam mulierem cognoscat propriam, vel si eo affectu cognoscatur, quod etiam si uxor propria non esset, vellet nihilominus delectationem implere. *Hæc Seraphicus Doctor.*

*Contra Immunditiam, seu Pollutionem, vel Mollitiam,* placet afferre congeſta ex Marchantio qui ait: Unum ex his peccatis (Luxuriæ) vocatur peccatum Mollitiei sive pollutionis voluntariæ, de quo dicit Apostolus. *Nolite errare, neque fornicatores, neque molles Regnum DEI possidebunt.* Propter hoc peccatum Her & Onan percussi sunt à Domino, quia semen fundebant in terram; quod quidem gravius erat, quia actu conjugii utentes, hanc rem detestabilem faciebant, nè nascerentur filii. Quapropter hæc est notabilis vindicta; insinuanda conjugibus, qui simili abusu circa conjugium peccant, nè forte prolibus onerentur, vel aliam ob causam in actu conjugii sese retrahentes. Monenda quoque & graviter reprehendenda juvenus, quæ huic vitio propriæ corruptionis mirè est addicta. De qua re lamentabatur S. Christina, & incredibili ejulatu frequenter deplorabat mundum hoc peccato corruptionis plenum & obrutum, eaque de causa iram DEI ac plagas universo prope orbi Christiano imminere, quas ut averteret, ipsa miris & horrendis poenis se affligebat. V. Surium to. 3. Nec mirum, DEUM ob illud peccatum poenas infligere hoc Christiano seculo, ubi lux Evangelii & gratiæ affulget ad cognoscenda & eliminanda hæc peccata, quandoquidem antiquo tempore legis seculo adhuc rudi & inculto, similia peccata puniverit, tum in Sodomitis, tum in Her & Onan ut dixi. Imò & ab ipsis Hebræis hoc peccatum adeò grave reputa-

*March Horti.  
pastorum. t. 4.  
lect. 9.*

*1. Cor. 9.  
Gen. 38. 10.*

*Gen. 19. de Sodomitis.*



S. August. serm.  
47.

puratum fuit, ut illum qui genituram effundit, homicidæ comparent, aut illi qui filios suos jugulat. Vocant enim mollem & se polluentem effusorem sanguinum. Et certe possumus dicere tales semen suum idolo Moloch immolare, ut loquitur scriptura, id est, dæmoni luxuriæ & immunditiæ. Nam antiqui existimant, quod dæmon multas nequitias perpetret ex hoc semine effuso, & quod à dæmone hæc nequitias edocti fuerint infames illi hoc in genere hæretici, vocati Gnostici, Basilidiani, Nicolaitæ, Borboriani, qui in his corruptionibus mirè exundârunt, ut pudeat recitare. Licet verò cautè & parcè hac de re sit agendum, neque tamen omnino tacendum est, cum illa frequenter inter corruptos juvenes vigeant nec æstimentur, cum tamen fœtorem in cælum usque exhalent. Unde S. August. (vel quisquis est author) rectè dicit de his peccatis contra naturam. Confundor ego Episcopus talia loqui & enarrare, sed si tacero mors mihi est, si prædicavero non effugiam lingvas vestras, audacter igitur damnabo & prædicabo, quia vos ea operari non erubescitis. Emendate vitam, & ego emendabo verba, quiescite agere perverse, & quiescam mala vestra mollietiei & sodomix (quibus prò dolor! repletur mundus) impropere. Idem August. eodem loco exclamat conquerendo. O quam abominabilia vitia! O quam detestabilia crimina! O quam mortifera damna! Has pollutiones DEUS summo odio habet, has detestantur Sancti, odiant beati, fugiunt illi qui regnum consequuntur æternum, has diligunt illi, qui cruciandi & maledicendi sunt cum diabolo. O pessimi peccatores coram Domino! rationis dictamen considerate, divinæ lucis claritatem honorate, DEUM timeate. Quid obsecro ô miseri peccatores! quid consolationis in cordis penetrabilibus affecuti estis, non dico consolationis, sed remordentem animum, sed confusionem coram DEO & Angelis ejus? Redite ergo ad cor, respiscite à diaboli laqueis, nè clamor Sodomorum & Gomorrhæorum ascendat iterum ad cælum. Clamare namque dicuntur hæc peccata, quando non solum cogitantur, sed quando ad actum sine ullo timore perducuntur, & consuetudine intolerabili multiplicantur. Hæc August. vel quisquis sermonum istorum est author. Hæc corruptio est immunditia inveterata, est



est unum ex signis reprobationis æternæ; nam de aliquibus repro-  
 probis Judas loquens dicit. *Et hi quidem carnem maculant: hoc*  
*est se corrumpunt & commaculant. Hucusque Marchantius.* Pe-  
 trus Damianus narrat, quòd erant duo in deserto, qui asperri- *In ser. de los*  
 mam faciebant pœnitentiam, & unus fuit idiota, & suis peccatis *præcepit sect. 6.*  
 exigentibus illus est à diabolo, qui dixit, quòd peccatum pol-  
 lutionis contra naturam non maius esset peccatum, quàm si ho-  
 mo mucilagines projiceret à naso suo: tunc ille pestifer exercuit  
 se ad illam impudicitiam. In nocte autem portavit animam su-  
 am diabolus: miratus est alius, quòd ille, qui fuit tantarum vigi-  
 liarum & laborum, sit perditus; & adstetit Angelus Domini qui  
 dixit, quòd totum se foedaverat per illud peccatum.

Pollutio quantum sit nefas vel ipse agnovit Paganus  
 Martialis in Ponticum se foedantem hæc scribens.

*Hoc nihil esse putas? scelus est mihi crede, sed ingens,*

*Quantum vix animo concipis esse tuo.*

*Ipsam crede tibi Naturam dicere rerum;*

*Istud quòd digitis Pontice perdis, homo est.*

*Vide quoque suprâdicta de Luxuria.*

### § 2dus.

#### De Sodomia.

**S**odomia quid sit, suprâ sub Vitio contra Naturam describitur.

*Contra Sodomiam. immum.* Sodomia est peccatum clamans  
 in celum, nempe vindictam gravissimam inclamans. Unde  
 DEUS ad Abraham: *Clamor Sodomorum & Gomorrhæorum multipli-*  
*catus est, & peccatum eorum aggravatum est nimis. Poena verò eo-*  
*rum describitur. Igitur Dominus pluit super Sodomam & Gomorrhæam*  
*sulphur & ignem de celo, & subvertit civitates has, & omnem circa re-*  
*gionem, universos habitatores urbium, & cuncta videntia terræ. Judas*  
*Apostolus: Sicut Sodoma & Gomorrhæa, & finitimæ civitates simi-*  
*li modo exornificatæ, & abeuntes post carnem alteram, factæ*  
*sunt exemplum, ignis æterni pœnam sustinentes.))* In loco sub-  
 versionis Sodomæ & Gomorrhæ extat nunc juxta Josephum,  
 Burchardum & alios, Mare mortuum semper fumans & te-

*Subs. 17.*

*Gen. 18.*

*Gen. 19.*

*S. Judas in*  
*epist.*

*Marchane. in*  
*borto pastor.*

Kkkk

nebro-



nebrosum, sicut oculis meis vidi, ita ut videatur esse os inferni: adeò tetrum vaporem fumat, ut vicina ad mediam diem, ad quinque vel sex leucas, sterilia reddat, ut nè germen quidem producant.

S. Greg. 14.  
Moral 10.

2dum. S. Gregorius agens de Sodomia. In ipsa, ait, qualitate ultionis notavit maculam criminis: Sulphur quippe foetorem habet, ignis ardorem, qui itaque ad perversa desideria ex carnis foetore arserant, dignum fuit, ut simul igne ac sulphure perirent.

S. Aug. lib. 1. S. Augustinus: Usus naturalis & licitus est sicut in conjugio: contra fornicationem & illicitus sicut in adulterio: contra naturam verò super illicitus, & hab. can. & procul dubio flagitiosior, atque turpior. Quem S. nusus. Apostolus, & in masculis, & in foeminis arguebat, damnabiliores volens intelligi, quam si in usu naturali vel adulterando, vel for-

Lact. Firm.  
lib. 6. c. 13. de  
vero cult.

nicando peccarent. Lactantius: Quid potest sanctum esse iis, qui ætatem imbecillam, & præsidio indigentem, libidini suæ depopulandam, foedandamque substraverint? Non potest hæc res præ magnitudine sceleris enarrari. Nihil amplius istos appellare possum, quam impios & patricidas, quibus non sufficiat sexus à DEO datus, nisi & suum profanè ac petulanter illudant. Hæc tamen inter illos levia & quasi honesta sunt. Quid dicam de iis, qui abominandam non libidinem sed insaniam potius exercent? Piget dicere. Sed quid si his fortè credamus, quos non piget facere? & tamen dicendum est quia fit. De istis loquor, quorum deterrima libido, & execrabilis furor nè capiti quidem parcat. Quibus hoc verbis aut quâ indignatione tantum nefas persequar? Vincit officium lingvæ, sceleris magnitudo. Quum igitur libido hæc edat opera, & hæc facinora designer: armandi adversus eam virtute maximâ sumus. Quisquis affectus frangere illos non potest, cohibeat eos intra præscriptum legitimi thori, &

Marchant. in  
horto pastor. T.  
4. lect. 11.

illud, quod avide expetit, assequatur, & tamen in peccatum non incidat. Marchantius ex D. Hieronymo refert: Nocte Nativitatis Domini omnes Sodomitas igne aut fulmine fuisse percussos, ad designandum amplius in humana natura non debere istud peccatum inveniri, quam Filius DEI dignabatur sibi unire. Et aliqui scriptores dicunt, unam ex causis, cur tam diu distulerit incarnari Filius DEI, fuisse hanc contaminationem. Hoc quoque notant Doctores ex Apostolo: Illud peccatum vix permitti à

DEO,



DEO, nisi in poenam præcedentium peccatorum, cum jam homo excæcatur, DEUM deferens & lumen naturæ, ita ut quædam infidelitatis species videatur hoc abominabile peccatum in corde hominis præcedere, cujus ipsum sit poena.

*Media cavendi horrendum nefas Sodomie, sumi possunt ex prædictis de Praxi evadendi scelus Luxurie.*

## § 3tius.

## De Bestialitate.

DE Bestialitate aliisque horroribus criminum luxuriæ contra naturam, quis plura dicere poterit, cum ipsa rei execranda foeditas vel modicè cogitata, nimiam sui abominationem mereatur? & hoc apud honestos & ingenuos, quanto magis apud DEUM infinitam illam Puritatem. O! quam longè ab illa, ejusmodi computrefactæ in stercoribus suis bestię in ima stagni illius ardentis igne & sulphure foetido detrudentur!

## § 4tus.

INTER vitia contra naturam in materia castitatis supra enumerata est quoque, dum non servatur modus naturalis concumbendi, sed aliquis bestialis, aut monstrosus præter exigentiam & ordinem naturæ humanæ. Et hoc vitium quidem in quacunque specie fornicationis, adulterii &c. si committatur, addere novam speciem malitiæ manifestum est, ut v.g. illicitus actus talis cum aliena conjugata, non modò sit adulterium, verum etiam vitium contra naturam: & sic de aliis. Contingere quoque idem vitium non rarò in conjugio licito indubium est. Hinc S. Augustinus ait: *Multi facilius se abstinere ut non utantur nuptiis, quàm temperanter & bene utantur.* Aliqui enim conjuges quomodocunque se abutantur, putant sibi licere omnia. Verum hæc opinio ut ipsorum conjugum corporibus & animabus est exitiosa, ita generi humano est damnosa. Contra quod vitium uti & alia illicita, quæ accidere possunt in abusu matrimonii præter de castitate conjugali supra dicta, hæc accipe. S. Chrysostomus: *S. Chrysost.*  
Præterea permissum fuit matrimonium, nè ultra proprios terminos  
in psal. 43.



minos progredieris. Vide enim quanto dignus eris supplicio: nam DEUS tuæ quieti & honori prospexit, ut & naturæ rabiem per uxorem compesceres, & hoc absque periculo faceres, & ab omni turpitudine & dedecore liberareris. Tu autem eum, qui tantam tui curam gerit, ex redundant quidam & exuberanti co-

*S. Aug. lib. de pia, injuriâ afficis? S. Augustinus: Habent conjugia bonum suum, non quia filios procreant, sed quia honestè, quia benè, quia pudicè, quia socialiter procreant, & procreatos pariter, salubriter, & instantèr educant, quia thori fidem invicem servant, quia sacramentum connubii non violant. S. Fulgentius: de concup. de-* Justitia utendi conjugii est hæc, ut non explendæ libidinis, sed substitutuendæ prolis affectu conjuges sibi misceantur congruo tempore.

*Vide plura subràdicta de Luxuria.*

## SUBSECTIO XVIII.

### De Sacrilegio.

*V. D. Tho. 2. 2.  
q. 154. a. 10.*

**S**acrilegium, est quo Divino cultui consecrata persona violatur. Determinata luxuriæ species est ab aliis diversa. Rat. est: quia vitium unum ad alterius vitii finem ordinatum, illius vitii speciem assumit: & ita furtum quod propter adulterium committitur, transit in adulterii speciem. Adeoque & luxuria, 2dum quod violat aliquod ad divinum culum pertinens, pertinet ad speciem sacrilegii. Dicitur esse determinata luxuriæ species: quia etsi sacrilegium in Decret. 36. can. quæst. 1. non ponatur inter alia, quæ ponuntur species luxuriæ, ob hoc non ponitur; quia ibi enumerantur illa quæ sunt species luxuriæ 2dum seipsam; Sacrilegium autem est species luxuriæ, 2dum quod ordinatur ad alterius vitii finem, & potest concurrere cum diversis luxuriæ speciebus: si enim aliquis abutatur personâ sibi secundum spiritualem cognationem, committit sacrilegium ad modum incestus; si autem abutatur virgine DEO sacratâ, inquantum est sponsa Christi, est sacrilegium per modum adulterii. Inquantum verò est sub spiritualis partis cura constituta, erit quoddam spirituale stuprum,

*V. ibidem a.  
10. ad 2.*



prum. Et si violentia inferatur, erit spiritualis raptus, qui etiam secundum leges civiles, gravius punitur quam alius raptus. Unde Justinianus Imperator dicit: si quis non dicam rapere, sed attentare tantummodo matrimonii conjungendi causâ, sanctissimas Virgines ausus fuerit, capitali poenâ feriatur. *In cod. li. 9. tit. 43.*

*Contra Sacrilegium ex Marchantio.* Divus Ambrosius Marchant: ad Virginem lapsum ait: Unde incipiam? Bona commemorem quæ perdidisti, an mala desceam, quæ invenisti? Eras Virgo in paradiso DEI, utique inter flores Ecclesiæ. Eras sponsa Christi, eras templum DEI, eras habitaculum Spiritus Sancti. Et cum dico toties eras, necesse est ut toties ingemiscas, quia non es, quod fuisti. Incedebas in Ecclesia tanquam columba illa, de qua scriptum est: Pennæ columbæ deargentatæ. Splendebas ut aurum, quando cum sincera perscientia procedebas. Eras tanquam stella in manu Domini, nullum ventum, nullas belli nebulas timebas. Quæ est ista subita perversio, de DEI virgine facta es corruptio latanæ, de habitaculo Spiritus S. tugurium diaboli? Quæ incedebas ut columba, nunc lates in tenebris ut stellio. Quæ nunc vilior facta es luto platearum, ut etiam hominum pedibus conculceris. Quæ fueras ut stella radians, de manu Domini, veluti de alto ruens cælo, lumen tuum extinctum est, & conversa es in carbonem. *Hec Ambros.* Videri etiam potest Chrysostomus epist. 5. ad Theodorum lapsum. Neque mirum si apud Christianos Virginum DEO consecrarum lapsus tantæ enormitatis asseratur, cum etiam apud Romanos Virgines vestales, si castitatem violassent, gravissimis poenis plecterentur. Talis enim Virgo primò verberibus à Pontifice Maximo cedebatur, & simul ac cæsa fuisset, ad portam Collinam efferebatur tanquam mortua, cum luctu propinquerum, Pontificibus aliisque Sacerdotibus, moesto silentio sequentibus: juxta quam locus erat subterraneus, ad quem scalis descendebatur, in eum virgo vestalis sola demittebatur, ac ablatis scalis locus undique occludebatur, & nè fame videretur enecta, panis, lactis, & olei aliquantum, incensaque lucernâ derelictam refovebant, atque eo die tristitia erat Romæ, & moeror non exiguus, præsertim quòd magnum aliquod malum, supplicium vestalis virginis, civitati & imperio portendere existimarent. *Hec Marchantius.* Vide

Marchant:

Horr. past.

S. Ambr. ad

Virginem laps.

c. 8.

Ex Dionys. ba-

li. & Plutarch.



Vide plura de Castitate supradicta, tum de votis Religiosis sub  
virtute Justitiæ. cap. 6.

## SUBSECTIO XIX.

## De Impudicitia.

V. D. Thom. 2.  
2. q. 154. a. 1.  
ad 5. Idem. a. 5.

**I**mpudicitia consistit in actibus circumstantibus actum venereum, sicut  
sunt oscula, tactus, & alia hujusmodi. Quæ etsi 2. dum se non  
sunt peccata mortalia: possunt enim hæc absque libidine fi-  
eri, vel propter consuetudinem patriæ, vel propter aliquam ne-  
cessitatem, aut rationabilem causam: sunt tamen peccata mortalia  
per intentionem corruptam, dum scilicet aguntur ex libidine,  
propter delectationem veneream, consentiendo in eam.

Rom. 13.

Apoc. 22.

Contra Impudicitiam. Apostolus: Sicut in die honestè ambu-  
lemus, non in comestationibus, & ebrietatibus, non in cubili-  
bus, & impudiciis. Apocal: Non admittentur ad regna: siderea  
impudici, unde dicitur: Foris canes, & venefici, & impudici.

## §. Imus.

Eccl. 9.

Thren. 3.

Judic. 14.

2. Reg. 11.

Dan. 13.

Contra incautum & impudicum Aspectum. imò. Eccl:  
Virginem nè conspicias, nè fortè scandalizeris in decore illius.  
Nè des fornicariis animam tuam in ullo, nè perdas te, & heredi-  
tatem tuam. Noli circumspicere in vicis civitatis, nec ober-  
raveris in plateis illius. Averte faciem tuam à muliere compta,  
& nè circumspicias speciem alienam. Propter speciem mulie-  
ris multi perierunt, & ex hoc concupiscentia quasi ignis exar-  
descit. Thren. Oculus meus deprædatus est animam meam, in  
cunctis filiabus urbis meæ. Judic. Descendit Samson in Thammata,  
vidensquæ de filiabus Philistym mulierem, ejus amore captus est, à  
qua tandem proditus, interiit. Reg: David Bersabee videns la-  
vantem se, adamavit eam, prolapsus in adulterium, & homicidi-  
um. Dan. Senes Susannam viderunt & exarserunt in concupiscentiam  
ejus, & everterunt sensum suum, & declinaverunt oculos suos ut non viderent  
cælum atq; recordarentur judiciorum justorum, qui violentiæ in castis  
simam



simam Susannam deprehensi, interfecti sunt. *Genes. Uxor Puthipharis decore Iosephi decepta, sed eo fugâ è manibus ejus elapso, amatrix nequam in crudelem innocentis persecutionem conversa est. Christus: Ego autem dico vobis, quia omnis qui viderit mulierem ad concupiscendum eam jam moechatus est 28. eam in corde suo.* *Genes. 39. Matth. c. 5. v.*

2dò *S. Augustinus.* Oculi, inquit, vestri, & si jaccantur in aliquam foeminarum, defigantur in nulla. *Et paulò post. c. 21.* Quia sicut scriptum est, Abominatio est Domino defigens oculum. *Idem* Nè dicatis vos habere animos pudicos, si habeatis oculos impudicos; quia impudicus oculus, impudici cordis est nuncius. *S. Gregorius.* Oculi nostri etsi iactantur in aliquam foeminam in nullam figantur. Nec enim quando proceditis, foeminas videre prohibemini, sed appetere, & ab ipsis appeti velle, criminofum est. *Idem.* Intueri non licet, quod non licet concupiscere. *S. Bernardus.* Quod non videt oculus, cor non doler. *S. Aug. in l. 1. ad ser. DEL. S. Gregor. in Regest. Idem 21. Mo-*

3tò *Exempla.* *S. Iob.* Pepigi ait foedus cum oculis meis ut nè cogitarem quidem de Virgine. Cujus *Rabanus* rationem reddit: Ne prius inquit incautè aspiceret, quod postmodum invitus amaret. Nam semel species formæ cordi per oculos alligata, vix magni luctaminis manu solvitur. Intueri non debet quod non debet concupisci. Ut munda mens in cogitatione servetur, depressendi sunt oculi, quasi quidam raptores ad culpam. *S. Chrysostomus* hanc Jobi cautionem admiratus inquit. Job abolum quidem videns accedentem non fugit, mansit sicut leo viribus fidens, virgine autem visâ non stetit, neque moratus est in contuenda pulchritudine, sed statim secessit. *4to Exempla* *Democritus* oculos licentiores evagari, nec redire si foedis cogitationibus deprehendens, se ipsum utroque lumine privavit, malens cæcus, quàm impudicus esse. *Aliud.* *P. Scipio Africanus* captivam virginem & formâ excellentem, avi sui miraculum, nè quidem videre voluit, nè à libidine vinceretur, qui tot civitates expugnasset. *Aliud.* *Baldvinus* orientis Imperator, absente conjuge, nec aspexit quidem ullam foeminam. Bis quavis hebdomadâ promulgari iussit, nè quis in Palatina domo domiret qui alienam foeminam attigisset. *In Praxi.* *S. Bern. in Festo omni. Sanct. Job. c. 31. 1o. S. Chrysest. ser. de Joseph. par. 1. So. I. Drexel. in v. Joseph. c. 4. Gellius. not. attic. c. 8. Drex. locos. cita:*



*In Praxi contra incautum aspectum* remedium est optimum pro utroque sexu: ut mulieres velamine obnubant facies suas, quatenus neque curiosè aspicere queant viros, nec ab ipsis aspici: cuius rei gratiæ Abimelech Saræ mille argenteos dedit: *Hoc erit inquit tibi in velamen oculorum ad omnes qui tecum sunt.* Et Apostolus: *Mulier in Ecclesia habeat velamen super caput suum propter Angelos: nempe propter sacerdotes, (qui in scriptura Angeli vocantur) nè ex facie mulierum conspecta, detur occasio concupiscentiæ.* Denique ora DEUM cum Sancto David: *Averte oculos meos nè videant vanitatem.*

## § 2dus.

*Contra Turpiloquium, & Cantum amatorium.* Eccl. Cum saltatrice nè assiduus sis, nec audias illam, nè fortè pereas in efficitia illius. Eccl. Speciem mulieris alienæ multi admirati, reprobi facti sunt: colloquium enim illius quasi ignis exardescit. Cum aliena muliere nè sedeas omnino, nec accumbas cum ea super cubitum, & altereëris cum illa in vino, nè fortè declinet cor tuum in illam, & sanguine tuo labaris in perditionem. Apostolus: Deponite & vos blasphemiam, & turpem sermonem de ore vestro. S. Cyprianus: Mulier nunc in ritum dissolvitur, nunc blanditias exhibet, & quod venenosius est super cuncta psallere delectatur, cuius cantu tolerabilis est audire Basiliscum sibilantes fugiat. S. Hieron. ad tem. S. Hieronymus: Vocis dulcedines per aures animam vulnerantes fugiat.

## § 3tius.

*Contra Choreas.* Imo. Chorea etsi actus sit ex se indifferens, quia tamen frequens & proximum in ea datur periculum. Iacturæ Castitatis, aliquè contingunt abusus, ideoque passim malè audit in sacris scripturis. Job. Ducunt in bonis dies suos, tenent tympanum & citharam, & in puncto ad inferna descendunt. Psal. In circuitu impii ambulant. Proverb. Pedes eius descendunt in mortem, & ad inferos gressus illius penetrant: per semitam vitæ non ambulant, vagi sunt gressus illius, & investi-



investigabiles. *Rex Solomon ait.* Feci mihi cantores & cantatrices, & delicias filiorum hominum, & vidi in omnibus vanitatem. *Ecccl.* Cum saltatrice nè asiduus sis, nec audias illam, nè fortè pereas in efficacia illius. *Esaïas.* pro eo quòd elevatae sunt filiae Sion, & ambulaverunt collo extento. & nutibus oculorum ibant & plaudebant, & pedibus suis composito gradu incedebant, decalvabit Dominus verticem Filiarum Sion, & Dominus crinem earum nudabit. *Ezech.* Pro eo quòd plausisti manu, & percussisti pede, & gavisus es ex toto affectu, idcirco extendam manum meam super te, & interficiam te. *Matth. Sal. V, Matth. 14.* tatricis præmium fuit mors S. Joannis Baptistæ.

*Ecccl. 2.**Ecccl. 9.**Esaï. 3.**Ezech. 25.*

2do S. Ephrem dicit: Unde suas didicere choreas, ecquis talia Christianos edocuit? Non Petrus, non Joannes, non alius Divino Numine afflatus, verum ille draco antiquus suis voluminibus docuit. *S. Basilius:* Ex talibus itaque malis viri & foeminae communes constituentes choros, maloquè dæmoni miseras tradentes animas, sese invicem libidinum telis confodiunt atque lacerant. Risus inter se histrionicos, cantus probrotos, meretricios gestus ad libidinem invitantes exercent. Rides, dic mihi & gaudes inepta, stolidaque lætitia, quum lachrymas fundere ac dolere ob ea quæ admisisisti fas erat? cantus profanos exerces, oblitus psalmorum & hymnorum quos didicisti. Moves pedes & insanus saltas, choreas ducis imprudens, cum genua ad DEI & Domini nostri JESU Christi cultum flectere oporteat. Quas ego fleam, puellasne conjugii expertes, an viris conjunctas? Hæ quidem amissa virginitate reversæ sunt, illæ verò pudicitiam viris minimè servaverunt. Nam si quæ forsan peccatum corpore vitavere, tamè admisere: quæ quidem & viris, mihi simul animo dicta, monitaquè sint. Vidit ille malè, visa est illa malè. Qui mulierem ad concupiscendum viderit, jam mœchatus est in corde suo. Si fortuiti occursum iis, qui obiter mulierculam inspexerunt, tantum pariunt periculi, quanto magis fuerit, cum de industria congregiuntur, quum dedita opera mulieres in ebrietate & convivio, omni lascivo gestu, saltatione, cantu impudico ad libidinem effrenes juvenes invitantes spectantur? Quid dicunt aut quid causantur ex his spectaculis, ubi tot mala congregantur?

*S. Basilius 14. hom. de ebrietate & luxuria.*



Nonne ob voluptatem se ac ad excitandam concupiscentiam spectare? Itaque inexcusabilis lasciviæ poenas apud justum DEI iudicium quandoque dabunt.

Nicolaus Dun-  
clespule. P. Ma-  
jor spec. Exem.

3<sup>io</sup> Legitur in libro de septem donis. Juvenis quidam nobilis DEO dicatus in religione multum proficiens; Hic dum frequentibus orationibus incumberet, quadam vice ante crucem orans, venit in mentem, quid esset, quod magis ad peccatum alliceret, & honori divino ampliùs derogaret? prostratus itaque ante crucem hoc sibi cum revelari deprecaretur, juvenem quendam specie intrare vidit in Ecclesiam, & cum eo chorizantium multitudinem copiosam. Circumeuntes ergo, cum in primo circuitu juvenis ille venisset ad crucem, ictum magnum dedit super clavos crucifixi. In secundo circuitu percutiebant vulnera manuum crucifixi. In tertio arreptam crucifixi coronam pedibus conculcabant. In quarto planctum ejus deridebant. In quinto faciem conspuebant. In sexto latus ejus perforabant. In septimo ipsum blasphemabant. Cumquè juvenis in oratione constitutus, & ista considerans surgeret, ut tot Christi vituperia vindicaret, ille, qui ducebat choream apprehendit eum, dicens. Tu rogasti DEUM ut ostenderet tibi, quid plus juventutem ad peccatum alliceret, & ipsum Dominum vituperaret, & exaudivit te DEUS, idcirco ergo ego princeps tenebrarum choreas procurans huc veni, ut omnia mala chorizationis tibi exponerem. Nam in chorea primò est motus pedum, & extensio calceamentorum, & hoc fit in vituperium clavationis pedum Christi. Secundò est extensio brachiorum, & conjunctio digitorum, & hoc fit in vituperium brachiorum Christi. Tertio in modum coronæ circumeunt, vel coronam florum vel herbarum portant in capite, & tunc calcatur corona Christi. Quarto sunt ibi cantus in vituperium planctus Christi. Quintò est ibi ornatu, & isti spuunt in Christum. Sextò est ibi lætitia vana in corde eorum, & isti aperiunt latus Christo. Septimò est ibi tactus impudicus & oscula, & hi blasphemant Christum. Propter hoc itaque DEUS summè in chorea vituperatur & contemnitur. Ego autem in ea utor omnibus armis meis, scilicet visu, tactu, locutione, cogitatione. Et per has vias homines in universa mala corrui facio.

4<sup>to</sup>, Vir-



4<sup>to</sup>. Virgo quædam in honorem Christi & Beatissimæ P. Major in Virginis MARIE ad promissam in cælo choream, tribus annis *specu* Exemplo: choreâ abstinens, postea læta moritur, & sine purgatorio evolat *ex Joan. Ju-* in cælum. *nior:*

## § 4tus.

*Contra Oscula, & Contactus.* imo. Prov. Sapiens Consi- Prov. 7. v. 7.  
dero, inquit, vecordem juvenem, qui transit per plateam juxta  
angulum, & prope viam domus illius graditur in obscuro, ad-  
vesperascente die, in noctis tenebris & caligine: Et ecce occur-  
rit illi mulier ornatu meretricio, præparata ad capiendas animas,  
garrula, & vaga, quietis impatiens, nec valens in domo consiste-  
re pedibus suis, nunc foris, nunc in plateis, nunc juxta angulos  
insidians, apprehensumquæ deosculatur juvenem, & procaci  
vultu blanditur dicens: Victimam pro salute vovi, hodie reddidi *Ibidem v. 21.*  
vota mea, idcirco egressa sum in occursum tuum, desiderans te  
videre, & reperi. Irrexit eum multis sermonibus, & blanditiis  
laborum protraxit illum: Statim eam sequitur quasi bos ductus  
ad victimam, & quasi agnus lasciviens, & ignorans quod ad vin-  
cula stultus trahatur, donec sagitta transfigat jecur ejus: velut si  
avis festinet ad laqueum, & nescit quod de periculo animæ illius  
agitur.)) Providens autem ejusmodi insipientibus de reme-  
dio Sapiens ait: Nunc ergo fili mi, audi me, & attende verbis *Ibid v. 24.*  
oris mei. Nè abstrahatur in vitiis illius mens tua, neque decipi-  
aris semitis ejus. Multos enim vulneratos dejecit, & fortissimi  
quique interfecti sunt ab ea. Proverb. Favus distillans labia. *Prov. c. 5.*  
meretricis, novissima autem ejus amara quasi absinthium. Eccl. *Eccl. c. 7.*  
Inveni amariorē morte mulierem, quæ laqueus venatorum  
est, & sagena cor ejus, vincula sunt manus illius, qui placet DEO  
effugiet illam, qui autem peccator est, capietur ab illa. Proverb. *Prov. c. 6.*  
Ut custodiant te à muliere mala, & à blanda lingua extraneæ. *v. 24.*  
Non concupiscat pulchritudinem ejus cor tuum, nè capiaris nu-  
tibus illius, pretium enim scortivix est unius panis; mulier au-  
tem viri pretiosam animam capit. Nunquid potest homo ab-  
scondere ignem in sinu suo, ut vestimenta illius non ardeant?



aut ambulare super prunas, ut non comburantur plantæ ejus?  
Sic qui ingreditur ad mulierem proximi sui, non erit mundus,  
cùm tetigerit eam.

*S. Basilus de Virg.* 2do *S. Basilus* : Formosorum oscula cavere oportet, non  
secus ac venenatorum animalium morsus : diffunditur enim vi-

*Beda apud March. Hort.* retricis amplectitur, quasi januam jam gehennalis abyssi pulsar:  
*past. Tuba Sa-* ciroquē mergitur, si pedem cautus non retrahit, si non membra  
*cerdota. 3. Lect.* reliqua à vicinia cohibet foveæ pœnalis, in quam nullus omnino  
7. nili huius irælabitur. *S. Hieronymus* Non dicit Apostolus bonum est

*S. Hier. lib. 1.* uxorem non habere, sed bonum est mulierem non tangere quasi  
*contra fornicia* & in tactu periculum, quod qui illam tetigerit non evadat; nempe  
quæ virorum pretiosas animas rapit, & facit evolare adolescentium  
corda. Alligabit quis in sinu suo ignem & non comburetur? quo-  
modo igitur qui ignem tetigerit, statim adurit, ita viri tactus &  
fœminæ sentit naturam suam, & diversitatem sensus intelligit.

*S. Bonaventura.* Circa tactum advertendum hoc videtur, quod in  
tactibus multiplex peccatum invenitur, 1dum quod loca, circa  
*S. Bonaventura in speculo* quæ tactus contingit, habent majorem inhonestatem, & magis  
*Cap. 3.* possunt ad luxuriam provocare. Unde hoc circa istam materi-

am est tenendum, quod libidinosi tactus, & oscula, absque eti-  
am consensu in omne opus carnale, habent rationem peccati. ))  
Idquē mortalis, ut *Marchantius* dicit, oscula & amplexus, mulie-  
*Marchantius* risquē attractus. Unde & hæc à plerisque Theologis censentur  
*Hort. Past. Tub.* peccata mortalia, si libidinosè fiant, hoc est intentione libidinis  
*Sacer. Tr. 3.* & voluptatis, etiam illius solùm quæ ex attractu, aut osculo, aut  
*Sect. 7.* amplexu oritur, non intendendo ulterioris actus consummatio-  
nem. Nempe, quia cùm naturâ suâ ad consummatum actum  
ordinentur, & disponant satis propinquè, periculum non exi-  
guum censentur involvere, & ideo ab his deterret scriptura &  
SS. Patres. Ita *Marchantius*.

*In Praxi, contra Impudicitiam observentur supradicta de Pudici-  
tia, Castitate, Virginitate, Luxuria.*



## SECTIO III.

## De partibus potentialibus Temperantiae.

**P**Artes potentiales alicuius virtutis cardinalis triplices esse, *D. Tho 2. 2.* possunt, scilicet integrales, subiectivæ, & potentiales. Et *q. 143. a. 1.* dicuntur partes integrales, alicuius virtutis, conditiones, quas necesse est concurrere ad virtutem. Et 2<sup>o</sup> dum hoc sunt duæ partes integrales temperantiæ scilicet verecundia, per quam aliquis refugit turpitudinem temperantiæ contrariam, & honestas, per quam scilicet aliquis amat pulchritudinem temperantiæ. Nam sicut ex dictis patet, præcipuè temperantia inter virtutes vendicat sibi quendam decorem, & vitia in temperantiæ maximè turpitudinem habent. Partes autem subiectivæ alicuius virtutis dicuntur species eius. Oportet autem diversificare species virtutum secundum diversitatem materiæ vel obiecti. Est autem temperantia circa delectationes tactûs quæ dividuntur in duo genera. Nam quædam ordinantur ad nutrimentum. Et in his quantum ad cibum, est abstinentia, quantum autem ad potum est sobrietas. Quædam verò ordinantur ad vim generativam. Et in his quantum ad delectationem principalem ipsius coitus, est castitas: quantum autem ad delectationes circumstantes, puta quæ sunt in osculis, tactibus, & amplexibus, attenditur pudicitia. Partes autem potentiales alicuius virtutis principalis dicuntur virtutes secundariæ, quæ modum, quem principalis virtus observat circa aliquam principalem materiam, eundem observant in quibusdam aliis materiis, in quibus non est ita difficile. Pertinet autem ad temperantiam moderari delectationes tactûs, quas difficillimum est moderari. Unde quæcunque virtus moderationem quandam operatur in aliqua materia, & refrenationem appetitus in aliquid tendentis, poni potest pars temperantiæ, sicut virtus ei adjuncta. Quod quidem contingit tripliciter. Uno modo in interioribus motibus animi, Alio modo in exterioribus motibus & actibus corporis. Tercio modo in exterioribus rebus. Præter morum autem concupiscentiæ, quem moderatur & refrenat temperantia, tres motus inveniuntur in anima in aliquid tenden-



tes. Primus quidem est motus voluntatis commotæ ex impetu passionis. Et hunc motum refrænât continentia, ex qua fit, ut licet homo immoderatas concupiscentias patiatur, voluntas tamen non vincitur. Alius autem motus interior in aliquid tendens, est motus spei & audaciæ, quæ ipsam consequitur. Et hunc motum moderatur sive refrænât humilitas. Tertius autem motus est iræ tendens in vindictam, quem refrænât mansuetudo sive clementia. Circa motus autem & actus corporales moderationem & refrænationem facit modestia, quam Andronicus in tria dividit. Ad quorum primum pertinet discernere, quid sit faciendum, & quid dimittendum, & quid quo ordine agendum sit, & in hoc firmum persistere. Et quantum ad hoc, ponit bonam ordinationem. Aliud autem est, quod homo in eo quod agit decentiam observet. Et quantum ad hoc ponit ornatum. Tertium autem est in colloquiis amicorum, vel quibuscunque aliis. Et quantum ad hoc ponitur austeritas. Circa exteriora verò dupliciter est moderatio adhibenda. Primò quidem ut superflua non requirantur. Et quantum ad hoc ponitur à Macrobio parcitas: & ab Andronico per se sufficientia: Secundò verò, ut homo non nimis exquisita requirar. Et quantum ad hoc ponit Macrobius moderationem; Andronicus verò simplicitatem.)

## SUBSECTIO I.

### De Continentia.

V. D. Tho. 2.2.

q. 155. a. 1.

V. D. Thom

Ibid.

**C**ontinentia, est quedam voluntatis virtus, quæ ratio firmatur contra passiones, nè ab eis abducatur. Dicitur esse quedam virtus; non tamen perfecta, quia etsi habet aliquid de ratione virtutis, inquantum scilicet ratio firmata est contra passiones nè ab eis seducatur: non tamen attingit ad perfectam rationem virtutis moralis, zdum quam etiam appetitus sensitivus subditur rationi sic, ut in eo non insurgant vehementes passiones rationi contrariæ. Et ideo Philosophus dicit in 4. Ethic. quod continentia non est virtus, sed quedam mista, inquantum scilicet ha-

L. 4. c. ult.  
to. 5.



et habet aliquid de virtute, & in aliquo deficit à virtute. *Di- V. Ibid. D. Tho.*  
 ffert autem continentia à temperantia per hoc, quòd continentia 4. 4.  
 solùm detinet voluntatem, nè cedat vehementibus concupiscen-  
 tiis, sed resistat eis: Temperantia autem edomat & moderatur  
 concupiscentias, subiicitquè rationi. *Laudabilior tamen est V. Ibid. D.*  
 temperantia quàm continentia; quia plus bonum rationis in eo, *Thom.*  
 qui est temperatus, in quo etiam ipse appetitus sensitivus est sub-  
 iectus rationi, & quasi à ratione edomitus: quàm in eo qui est  
 continens, in quo appetitus sensitivus vehementer resistit ratio-  
 ni per concupiscentias pravas. Unde continentia comparatur ad  
 temperantiam, sicut imperfectum ad perfectum. *Dicitur; Idem, Ibid. a. 2.*  
*voluntatis virtus:* quia continens quamvis patiatur vehementes  
 concupiscentias, tamen non eligit sequi eas propter rationem:  
 sicut incontinens eligit sequi eas non obstante contradictione  
 rationis. Et ideo oportet ut continentia sit sicut in subiecto in illa  
 vi animæ cuius actus est electio. *Dicitur; contra passiones:* Nem- *Idem a. 2.*  
 pe concupiscentiarum & delectationum tactus, seu cibi, & ve-  
 nereorum: quia sicut temperantia propriè accipitur in eo, in quo  
 optimum est refrænari: ita & continentia accipitur in eo, in  
 quo est optimum & difficillimum contineri. Circa autem pas-  
 siones iræ, vel cupiditatis honoris, divitiarum, Continentia di-  
 citur 2dum quid, nempe cum addito, uti continens iræ, conti-  
 nens honoris &c.

## SUBSECTIO II.

## De Incontinentia.

**I**ncontinentia est vitium, causativè ex anima, occasionaliter ex cor- *V. D. Tho. 2. 2a*  
 pore ortum, quo aliquis recedens ab eo, quod est secundum rationem, *q. 156.*  
 tradit se turpibus delectationibus tactus. *Dicitur; causativè ex ani-*  
*ma, occasionaliter &c.* Quia homo differt à bestiis principaliter  
 secundum animam: differt autem 2dum rationem continentia  
 & incontinentia. Bestiæ dicuntur neque continentes ne-  
 que incontinentes, ut patet per Philo. Ethic. 7. Ergo inconti-  
 nentia est maximè ex parte animæ. Caterùm incontinentia  
 occasi-



occasionativè est ex parte corporis, quatenus ex eius indispositione insurgunt passionès vehemèntes in appetitu sensitivo. Et quidem impetus passionis provenire solet vel ex velocitate sicut in cholericis, vel ex vehemèntia sicut in melancholicis, quòd propter terrestrem complexionem vehemèntissimè inflammantur. E contrario Phlegmatici propter molliorem complexionis debilitèr inhaerent & resistunt impetui passionum. Sicut & mulieres quæ partim propter debilitatem complexionis, partim propter carentiam Judicii rationis firmi, ut plurimum debilitèr inhaerent quibuscunque inhaerent. Unde dicit Philosophus lib. 7. c. 5. quòd mulieres non dicuntur continentes neque incontinentes: quia non ducuntur quasi habentes solidam rationem, sed ducuntur quasi de  
 V. *Ibid.* a. 2. facili sequentes passionès. Dicitur. *Tradit se turpibus delectationibus tactus*: seu cibi, & venereorum, circa quæ propriè versatur incontinentia. Circa autem concupiscentias honoris, divitiarum, & aliorum similium habet se incontinentia 2dum quid, quatenus homo recedit ab eo, quod est 2dum rationem, & non servat debitum modum rationis etiam in concupiscentia rerum per se appetendarum.

### SUBSECTIO III.

#### De Mansuetudine.

B. Tho. 2. 2. q. 157.

**M**ansuetudo, seu Mititas, est virtus, 2dum rationem rectam moderativam affectus iræ, seu appetitus vindictæ.

#### Gradus Mansuetudinis.

S. Climacus c. 8. *de mansuetu.* **S**anctus Climacus ait: Initium beatæ tolerantia (ac mansuetudinis) est in amaritudine & dolore animæ ignominias suscipere: medium verò eas sine mœrore tolerare; finis autem & consummatio summam illis laudem tribuere: Vidi ego, inquit ulterius idem Author, tres viros Religiosos, ex quibus unus mordebatur, & quibusdam injuriis perturbabatur: sed tamen in silentio premebat iracundiam. Alius verò gaudebat ex luctu suo, sed ejus, qui se maledictis infectatus fuerat, peccato agebatur.

Tertius



Tertius verò proximi tantum damna secum volvens, vim ardentium lachrymarum profundebar. Eratque suave spectaculum timoris, & mercedis, & charitatis operarios alpicere.

*Motiva Mansuetudinis.* *Imum.* *Psal.* Exaltavit mansuetos in salutem. *Idem*: Mansueti autem hereditabunt terram, & delectabuntur in multitudine pacis. — *Prov.* Mansuetis DEUS dabit gratiam. *Prov.*: Melius est humiliari cum mitibus, quam dividere spolia cum superbis. *Ecccl.* Fili mi per mansuetudinem gloriam animæ tuæ concilia, & eam honore, quem meretur, affice. *Ecccl.* Fili in mansuetudine opera tua perfice, & super hominum gloriam diligeris. *Idem*: Sedes ducum superborum, destruxit DEUS, & sedere fecit mites pro eis. *Christus*: Beati mites, quoniam ipsi possidebunt terram. *Apostolus*: Corripite inquietos, consolamini pusillanimes, suscipite infirmos, patientes estote ad omnes. *Idem*: Omnem ostendentes mansuetudinem ad omnes homines.

*Psal.* 149.

*Psal.* 37.

*Prov.* 3.

*Prov.* 18.

*Ecccl.* 10.

*Ecccl.* 31.

*Idem.* 10.

*Matt h.* 5.

*2. Thess.* 5.

*Tit.* 3.

*2dum.* *S. Ambrosius*: Quid mihi prodest carere sceleribus, *S. Ambr. ad ve-* nisi fuero mitis atque mansuetus? *S. Basilus*: Beati mites quoniam ipsi possidebunt terram. *Cælestis Hierusalem* non est bellatorum spoliū, sed mansuetudine prædorum hominum, *S. Basil. in* sperata hereditas. *Isidorus*: Magna est virtus, si non lædas, a quo læsus es. Magna est fortitudo: si etiam læsus remittas. *Isid. in solil.* 2. Magna est gloria, si cui potuisti nocere, parcas. *Climacus*: Mansuetudo est adiutrix obedientiæ, irascentium expultrix, magistra gaudii, imitatrix Christi, Cælitum proprietas, vinculum & nodus dæmonum, scutum adversus amaritudinem, seu animi acerbitatem. In cordibus mansuetorum requiescet Dominus: Anima autem turbulenta nidus est diaboli. Mites hereditabunt terram, vel potius dominabuntur terris; furiosi autem exterminabuntur a terris suis. *S. Leo.* Terra promissa mitibus, & in possessionem danda mansuetis, caro Sanctorum est; quæ ob humilitatis meritum felici resurrectione mutabitur, & immortalitatis gloriâ vestietur, in nullo jam spiritui futura contraria, & cum voluntate animi perfectæ unitatis habitura consensum. *Et post nonnulla*: Possidebunt enim illam mites pace perpetuâ, & nihil unquam de eorum jure minuetur, cum corruptibile hoc induerit incorruptionem,

*S. Leo. serm.*

*in Festo Omni.*

*Sancto.*

M m m m

ptionem,



tionem, & mortale hoc induerit immortalitatem, ut periculum vertatur in præmium, & quod fuit oneri sit honori.

*Psal. 85.*

*3tium. Exempla mansuetudinis. I. DEUS; de quo Psalmista:*

Tu Domine suavis & mitis, & multæ misericordiæ omnibus

*Barrus in so-* invocantibus te. *Alia exempla ex P. Lobner Bibl. Man. tit. Mansuet.*

*lit. Hag. fol.* II. Christus qui adhuc puerulus ad eum mitis erat & suavis, ut à

306. Judæis suavis appellaretur, & ideo illi murum ad se dicerent: ea-

*1. Pet. 2. v. 23.* mus ad suavitatem, ut hilares fiamus. Postea grandior factus,

cum malediceretur, non maledicebat, cum pateretur non com-

*Is. 53. v. 2.*

minabatur, tradebat autem se judicanti injuste. Et tanquam

Agnus coram tondente se obmutuit, & non aperuit os suum.

Hinc merito se in exemplum hujus virtutis proposuit dicens:

Discite à me quia mitis sum & humilis corde. Et *S. Bernardus*

*de eo dixit.* Dulcis est JESUS in voce, dulcis in facie, dulcis no-

*In specul. c. 8.* mine, dulcis in opere. III. De Beatissima V. MARIA *S. Bona*

*ventura* inquit: MARIA mansuetissima fuit per patientissimam

lenitatem; gladius quidem cor ejus pertransiit, sed per odium

*Ser. 4. Super* non occidit, nec per impatientiam vulneravit. Hinc *S. Bernardus*

*Miss.* revolve, inquit, scripturæ seriem, & si quid in MARIA asperum

*L. 1. rev. c. 51.* reperies, de cætero eam suspectam habeas. Et Ecclesia canit:

Virgo singularis inter omnes mitis. Imò Christus ipse *B. Brigi-*

*ta* revelavit inter causas, ob quas Mater sua super omnes An-

*Num. 12. v. 3.* gelorum choros exaltata est, fuisse ejus mititatem. IV. De Moy-

se testatur ipse DEUS in Sacra Scriptura, quod fuerit mitissimus

super omnes homines, qui morabantur in terra. Hinc eundem

propter hanc virtutem DEI apparitione & alloquio dignum effe-

*Psal. 131. v. 1.* ctum *S. Dionysius Areopagita* testatur. V. *David* adeo man-

suetus erat, ut hanc potissimum pro motivo ad exaudiendas preces

*Sulpitius in* allegaret. Memento Domine David, & omnis mansuetudi-

*Vita.* nis ejus. VI. *S. Martinum* nemo unquam iratum, nemo moe-

rentem vidit, sed unus idemque semper calestem quodammo-

*Vita lib. 5. c. 1* do lætitiæ præferens vultu, extra naturam hominis videbatur.

VII. *S. Ignatius* inter præcipuas laudes habebat mansuetudinem,

quâ, licet perfervidi esset ingenii, usque adeo seipsum subegit,

*Vita lib. 4. c. 7.* ut domestici & medici eum phlegmaticæ potius quam cholicæ

naturæ esse crederent. VIII. *S. Franciscus Borgias* in se semper

rigi-



rigidus & severus, in alios blandus & facilis erat, nihil ut sibi ignosceret, aliis omnia, nihil asperè imperabat, sed blanditiis delinitos sic appellabat. Fac quæso, illud DEI causâ, & amore adductus Auderesne illò valetudine salvâ proficisci? Valesne ut in missionem evangelicam pergere queas? commodumne erit tibi titulum Doctoris tueri, hujus vel illius artis? in mentem mihi venit hoc tibi munus imponere, sed animi tui sententiam, explorare prius libuit. Si quis humanitus lapsus impegisset in re levi, nihil acerbius eloqui solitus, tantum hoc dicebat: Ignoscat tibi DEUS, sic te sanctum videam frater, quomodo dictum factumve illud abs te? sin gravius deliquisset, ad se accersitum blandè compellare, nihil tamen impunitum relinquere solebat, parentis optimi, simul & medici functus officio: itaque crimen referre, & petere, ut poenitentia ductus resipiscat. Paratum se in poenæ partem licet culpæ affinis non esset, venire. Sed & illud identidem usurpabat, facilitate nihil esse homini melius, arque clementia. Et omnia prius consilio experiri, quam armis, sapientem oportere. Postea verò si mores ingeniumque mutasset in melius, qui deliquerat, summa præteritorum errorum oblivio erat. IX. *Alphonse* Aragonum Regis celeberrimum erat effatum: *Beirl. in festo* Malo multos mansuetudine vincere, quàm paucos severitate per- *Omn. SS. them.* dere. Id quod in obsidione Cajetæ urbis ostendit: cum enim 4. obsessi ob com meatûs inopiam imbellem turbam emisissent ex urbe, certaquæ spes potiundæ urbis affulgeret, si illam turbam repelleret in civitatem, maluit tamen obsidionem solvere, quàm consilium hoc arripere dicens: Pluris mihi est hominum incolumitas, quàm centum Cajetæ. Unde cives tantâ mansuetudine commoti, ultro urbem dederunt.

*In Praxi* pro adipiscenda Mansuetudine hæc media ex *Bibl. Man. Lobner tit.* Mansuetudo, accipe: *imū. Exemplum Christi* assiduò ob oculos habere. Quid enim est, inquit S. Gregorius, Do- *S. Greg. l. 20.* minum mire me in magisterio atque humilem dicere, nisi reli- *mor. in c. 20.* cis exercendæ elationis difficultatibus, plana quædam benè vi- *Job.* vendi itinera demonstrare? Idem medium suasit S. Basilus, dum *S. Basil. hom.* dixit. Si stultus & indoctus appellaberis, reminiscere eorum, *de ira.* quæ à Judæis in veram Sapientiam jactata sunt. Nondum con-



demnatus es, nondum cruci affixus. Multa tibi toleranda, ut ad ejus imaginationem pervenias. Talia & horum similia succurrant, mentisque tuæ impetum & iram compeſcant. Similes namque præparationes, & animi dispositiones motus cordis & impulsus faciliè delebunt, & animi cogitationes in tranquillum statum deducunt. **II. Exempla aliorum sanctorum animo objice:**

**S. Chrysost.** Nam ut hi (inquit Chrysostomus) qui laborant oculis, colorem aliquem suavem frequenter intuendo, nonnullum morbi capiunt levamen: sic is, qui hominum mansuetorum imaginem præ oculis habet, si in ea assidudè defigat oculos, etiam si millies obtundat iræ mentis oculum perturbans, perfectam sanitatem, puramque philosophiam, ac tranquillitatem animi assequetur.

**S. Greg. l. 5. mor. c. 31.** **III. Propriorum vitiorum & defectuum copiam considera.** Nam considerata infirmitas propria, mala nobis excusat aliena, teste Gregorio. Sed & s. Bernardus confirmat dicens: Ex consideratione iniquitatis propriæ, & ex dolore, qui ob culpam in DEUM commissam concipitur, oritur non solum mansuetudo, cui draconis flatus, non noceat, sed etiam magnanimitas, quam rugitus leonis non terreat.

**S. Greg. lib. mor. c. 31.** **IV. Præcogitatione injuriarum mentem tuam munire.** Qui enim improvidus ab adversitate deprehenditur, quasi ab hoste dormiens invenitur, eumque citius inimicus necat, quia non repugnantem perforat, qui verò mala imminetia per sollicitudinem prænotat, hostilis incurſus, quasi in insidiis vigilans expectat, & inde ad victoriam valenter accingitur unde nesciens deprehendi putabatur. Solerter animus ante actionis primordia, cuncta habet adversa meditari, ut semper hæc cogitans, semper contra hæc thorace patientiæ munitus, & quidquid acciderit, providus superet, & quidquid non accesserit, lucrum putet.

**Chromantius S. de cito tract.** **V. Causam iræ & impatientiæ tollere.** Nam sicut ignis non extinguitur, quamdiu materia incendii non tollitur: ita nec animus erit mitis & quietus, quamdiu causa iracundiæ in mente perſisterit.

**Drex. in vof. p. l. b. 2. parag. 4.** **VI. Injuriam, facto, joco, eludere.** Ita enim iam olim maiores nostri svaſerunt, dicentes: Cum ireris, aut tace, aut jocare. Idem Seneca svaſit dicens. Alia differenda sunt, alia deridenda, alia



da, alia donanda. Circumscribenda multis modis ira est. Ple-  
raque in lufum jocumquè vertenda sunt.

Vide quoque supràdicta & hic convenienter adhibe.

I. 2. tra. I. c. 1.

sec. 4. subs. 2.

§ 2.

### Actus Mansuetudinis.

Ex Discipl. Claust. Joan. à J. M.

**M**ansuetissime IESU Christe, certissime statuo, quoties laesus fuero,  
me quasi agnum coram tondente futurum.

Dulcissime Domine si pungar, & importunè tenter, dono tuo  
lesoribus arridebo.

Suavissime DEUS, etiamsi exspolier, & cædar ab inferiore quo-  
vis, amoris signa exhibebo.

Clementissime Domine, absit à me, ut ob ullum damnum contra  
amabilissimos proximos meos excandescam.

Milissime Fili DEI, si quis me turbaverit, lator super illa ex-  
ercitia; sicut qui invenit spolia multa.

Benignissime Domine, si quando vexatus à proximo fuero, obli-  
viscar mei, & compatiar illi propter te.

## SUBSECTIO IV.

### De Clementia.

**C**lementia, est virtus juxta rationem moderativa, seu remissiva V. D. Thom. 2.  
vel mitigativa poenarum, ex lenitate quadam & dulcedine pro- 2. q. 157.  
prii affectus. Dicitur: moderativa, 2dùm rationem, poenarum; Idem Ibid. a: 2.  
non quidem in respectu ad id, quod est 2dùm rectam ratio- ad 2.  
nem, sed in respectu ad id, quod est 2dùm legem communem,  
quam respicit justitia legalis. Sed propter aliqua particularia  
considerata, clementia diminuit poenas, quasi discernens homi-  
nem non esse magis puniendum. Vel est moderativa poenarum,  
quatenus scilicet per epykiam, non 2dùm verba legis infligit  
poenas, sed juxta intentionem legislatoris easdem condonat, vel  
diminuit.

Motiva Clementiæ. Primum. Prov. Clementia præpa-

M m m m 3

rat vi-

Prov. II.



Prov. 16. rat vitam. Prov. In hilaritate vultus Regis vita, & clementia  
 Prov. 20. eius quasi imber serotinus. Prov. Misericordia, & veritas custodit Regem, & roboratur clementia thronus eius.

Epist. 53. ad 2dum. S. Augustinus: Malis parce vir mitis & bone, & quanto  
 Mace. 10. 2. melior es, tanto mitior esto, ut quanto es celsior potestate, tanto

Beda glossa humilior fias pietate. Beda: Non semper in eos qui peccant est  
 Luc. 9. vindicandum: quia interdum amplius prodest clementia, tibi ad  
 Cardinal. Bona patientiam lapso ad correctionem. Cardinalis Bona: Ut mansue-  
 in Manuduct. tudo iram, sic clementia punitionem moderatur. Illa ad omnes,  
 ad Calum c. 32. hac ad Principes & Superiores pertinet. Eius enim munus est,

mitiorem poenam, quam iura exigant, irrogare, non ex timore, lucro, amicitia, aliove motivo: sed ex animi lenitate. Non opus est, latera montium abscindere, & in arduo collis vertice arces constituere; Saluum Principem in aperto clementia præstabit. Hæc est munimentum inexpugnabile, quæ tutum reddit imperium. Malus Princeps invisus est: quia timetur: & timeri vult; quia invisus est. Quem verò metuunt subditi; oderunt; & quem quisque odit, perire cupit. Vitæ Regum Dominus est, quisquis suam contempsit. Frustra se potentia munit, qui septus suorum benevolentia non est. Turpia sunt Principi supplicia multa: sicut medico multa funera. Si Rex continet vim suam, si omnes injurias & offensiones supernæ despicit, si quosdam alienæ iræ neminem impendit suæ, tunc verè se Regem ostendit. Magni animi est, placidum esse atque tranquillum.

3tium motivum Exempla. DEUS qui ex Theologorum sensu præmiat supra condignum, punit infra condignum. Christus qui pro illatis sibi maximis injuriis minimè adversarios suos punivit, cum id ex potentia divinæ Majestatis suæ iustissimè potuisset. Hinc Apostolis contra quandam civitatem Samaritanorum Christum non recipientem instigantibus: Domine, vis dicamus ut ignis descendat de Cælo & consumat istos? Conversus increpavit illos dicens: Nescitis cuius spiritus estis. Filius hominis non venit animas perdere, sed salvare. Et mulieri in adulterio deprehensæ dixit: Nemo te condemnavit? Quæ dixit: Nemo Domine. Dixit autem JESUS: nec ego te condemnabo. Vade & iam amplius noli peccare. d) Deipara: Cui

Luc. 9:

Joan. 8.



Cui canit Ecclesia : O clemens ! O pia ! O dulcis Virgo M A-  
 R I A : Et *S. Bernardus*. Quemadmodum sol oritur super bonos *S. Bernard. in*  
 & malos indifferenter. Sic M A R I A præterita non discutit *ser. super fig.*  
 merita, sed omnibus sese exorabilem, omnibus clementissi- *Magn.*  
 mam præbet, omnium denique necessitatibus amplissimo mi-  
 feretur affectu)) Denique illa est, quæ poenas tum mundo toti, tum  
 eius aliquibus partibus v. g. Provinciis, Civitatibus &c. tum in  
 particulari innumeris hominibus pro suis peccatis à Divina iustitia  
 intentatas aut averit, aut mitigat, ut ex variis patet hi-  
 storiis. S. Rex David quàm clemens fuerit in Semei, reum, *2. Reg. 16.*  
 horrendi criminis in Majestatem suam, quem & maledictis &  
 lapidibus impetebat: pepercit tamen, & pro se zelantes coar-  
 guit.

*Vide supradicta, & hic quoque proportionatè applica.*

## SUBSECTIO V.

### De Oppositis Mansuetudinis, ubi de Ira, seu Iracundia,

*1. 2. tra 1. c. 1.  
 sec. 4. subs. 2.  
 § 2.*

**I** Mò Opponitur *Falsa mansuetudo*, de qua *S. Chrysostomus*: Ne-  
 que enim ferire absolutè atrocitatis est, nec parcere, man- *S. Chrysosto-*  
 suetudinis: sed mitis ille est, qui ferre potest, quæ in se ipsum *mus in psal. 131.*  
 peccata sunt: qui aliis factam injuriam propulsat. Qui autem  
 id non facit, est deses, & somnolentus, & nihilo melius mortuo  
 affectus, non autem mansuetus. Et *S. Bernardus*: Sunt quidam *S. Bern. super*  
 mites, sed quamdiu nihil dicitur vel agitur, nisi pro eorum ar- *cant.*  
 birio; patebit autem quàm longè sint à vera mansuetudine si  
 levis oriatur occasio.

*2dò.* Opponitur *Mansuetudo per Excessum*, qui est iræ de-  
 fectus. *S. Thomas* ait: Dicendum, quòd ira dupliciter potest in- *V. D. Tho. 2. 2.*  
 telligi. Uno modo, simplex morus voluntatis, quo aliquis non *q. 158. 4. 8.*  
 ex passione, sed ex iudicio rationis poenam infligit. Et sic de-  
 fectus iræ sine dubio est peccatum. Et hoc modo ira accipi-  
 tur in verbis Chrysostomi, qui dicit. Iracundia, quæ  
 cum



cum causa est, non iracundia est, sed iudicium. Iracundia enim propriè intelligitur commotio passionis. Qui autem cum causa irascitur, ira illius iam non est ex passione: idè iudicare dicitur, non irasci. Alio modo accipitur ira pro motu appetitus sensitivi, qui est cum passione & transmutatione corporali. Et hic quidem motus ex necessitate consequitur in homine ad simplicem motum voluntatis: quia naturaliter appetitus inferior sequitur motum appetitus superioris, nisi aliquid repugnet. Et ideo non potest totaliter deficere motus iræ in appetitu sensitivo, nisi per subtractionem vel debilitatem voluntarii motus. Et ideo ex consequenti etiam defectus passionis iræ vitiosus est, sicut & defectus voluntarii motus ad puniendum 2 dùm iudicium rationis.

3tio. Opponitur Mansuetudini per Defectum: nempe Ira seu Iracundia: quæ est vitium capitale, quo iniusta appetitur vindicta. V. D. Thom. 2. 2. q. 258. Dicitur: est vitium: Quia ira propriè nominat quandam passionem. Passio autem appetitus sensitivi in tantum est bona, in quantum ratione regulatur. Si autem ordinem rationis excludat, est mala. Ordo autem rationis in ira potest attendi, quantum ad duo. Primo quidem, quantum ad appetibile in quod tendit, quod est vindicta. Unde si aliquis appetat, quod secundum ordinem rationis fiat vindicta, est laudabilis iræ appetitus, & vocatur ira per secundum. Si autem aliquis appetat, quod fiat vindicta qualitercunque contra ordinem rationis; puta, si appetat puniri eum, qui non meruit, vel ultra quam meruit, vel etiam non 2 dùm legitimum ordinem, vel non propter debitum finem, qui non est conservatio iustitiæ, & correctio culpæ, erit appetitus iræ vitiosus, & nominatur ira per vitium. Alio modo attenditur ordo rationis circa iram, quantum ad modum irascendi, ut scilicet motus iræ non immoderate ferveat, nec interius nec exterius. Quod quidem si prætermittatur non erit ira absque peccato, etiam si aliquis appetat iustam vindictam. Dicitur; capitale: Quia ex ira multa & varia vitia oriuntur. Tum ratione sui objecti, nempe vindictæ sumendæ, quæ appetitur, quasi aliquid iustum & honestum, quod suâ dignitate allicit. Tum ratione impetus quo mens præcipitur ad inordinata quæcunque agenda. Eritque peccatum mortale ira, si sit appetitus iniustus vindictæ.

V. Ibid. 4. 5.



vindictæ: quia id contrariatur iustitiæ, & charitati. Sin verò ira præveniat iudicium rationis, & vel in aliquo modico se vindicare appetit, vel si nimis ardentem irascatur interius, aut si nimis eatenus manifestet signa iræ ( nisi fortè aliquis ex vehementia iræ excidat à dilectione DEI, & proximi, ) erunt venialia iræ peccata. Caterum irasci 2dum rationem rectam, v. g. appetendo vindictam, non propter malum eius qui puniendus est; hoc enim est illicitum: Sed appetendo vindictam propter vitiorum correptionem, & propter bonum iustitiæ conservandum, laudabile est.

Ibid. 4. 11

Species irascibilitatis sunt tres. 1mò, Ira fellea; quæ attribuitur iracundis acutis, qui nimis citò irascuntur, & ex qualibet levi causa. 2dò, Mania; quæ & insania, convenitquè iracundis amaris, quorum nimis durat ex eo, quòd injuria illata nimis manet in eorum memoria. Unde ex hoc diutinam tristitiam concipiunt, & ideo sunt sibi ipsis graves & amari. 3tò, Furor: qui attribuitur iracundis vocatis difficilibus seu gravibus, qui non dimittunt iram quousque puniant.

V. Ibid. 4. 5.

Frena iræ. 1mum. Job: Virum stultum interficit iracundia. Eccles. Ira & furor utraque execrabilia sunt, & vir peccator continens erit illorum. Idem. Zelus & iracundia minuent dies, & ante tempus senectam adducet cogitatus. Prov. Vir iracundus provocat rixas, & qui ad indignationem facilis est, erit ad peccatum proclivior. Eccles. Nè sis velox ad irascendum, quia ira in sinu stulti requiescit. Idem: Aufer iram à corde tuo, & amove malitiam à carne tua. Idem: Quàm bonum est arguere, quàm irasci. Christus: Ego autem dico vobis, quia omnis qui irascitur fratri suo reus erit iudicio. Apostolus: Non vosmetipsos defendentes charissimi, sed date locum iræ. Idem. Omnis amaritudo, & ira, & indignatio, & clamor, & blasphemia, tollatur è vobis cum omni malitia. Idem. Sol non occidat super iracundiam vestram: nolite locum dare diabolo.

Job. 5.

Eccles. 27.

Idem 30.

Prov. 15. 29.

Eccles. 7.

Idem 1.

Idem 20.

Matth. 5.

Rom. 12.

Ephes. 4.

Ibidem.

2dum. S. Ambrosius: Præclarum est, motum temperare consilio: nec minoris virtutis dicitur cohibere iracundiam, indignationemquè compescere, quàm omnino non irasci: cum plerumquè illud levius, istud fortius æstimeretur. Idem: Qui irascitur fratri

S. Ambr. super  
Luc. lib. 5.

Idem lib. 21.

Nnnn



fratri suo, reus erit iudicio &c. Racha in Hebræo vox est indignantis, quæ animum irascentis ostendit, nec tamen plenum verbum iracundiæ exprimit. Prius ergo ira reprehenditur sine voce; postea verò ira cum voce, sed necdum pleno verbo formato: ad extremum ira cum verbo. Et notandum, quòd in ira perhibet reum esse iudicio, in voce iræ, quæ Racha reum consilio, in verbo vocis reum gehennæ. Per gradus enim culpæ crescit ordo sententiæ, quia in iudicio adhuc causa discutitur, in consilio autem sententia diffinitur, in gehenna verò ea, quæ de consilio egreditur sententia, explicatur. *Idem*: Per iram iustitia relinquitur; quia dum perturbata mens iudicium sine ratione exasperat, omne quod furor suggerit rectum putat. Per iram gratia vitæ socialis amittitur, quia qui se ex humana ratione non temperat, necesse est ut bestialiter solus vivat. Per iram concordia rumpitur, Per iram lux veritatis amittitur, quia cum menti iracundia confusionis tenebras incutit, huic DEUS radium suæ cognitionis abscondit. Per iram Spiritus Sancti splendor excutitur, qui super humilem & quietum requiescere dicitur; quia cum ira subtrahit quietem mentis, suam Spiritui Sancto habitationem claudit, cujus recessione animus vacuus ad apertam mox insaniam ducitur, & usque ad superficiem ab intimo cogitationum fundamento dissipatur. Nam iræ suæ stimulis accensum cor palpitatur, corpus tremit, lingua se præpedit, facies ignescit, exasperantur oculi, & nequaquam recognoscuntur noti. Ore quidem clamorem format, sed intus quid loquatur, ignorat. In quo itaque iste ab abreptiis longè est, qui actionis suæ conscius non est? Unde fit plerumque, ut usque ad manus ira profiliat, & quo ratio longius recedit, audacior exurgat, sequè ipsum animus retinere non valet, quia factus est potestatis alienæ, & eo furor membra foris in ictibus exercet, quo intus ipsam membrorum Dominam mentem captivam tenet. *S. Bernardus*: Vae vobis à dracone: immanis est bestia, flatu ignea; quidquid attigerit, necat, non modò bestias terræ, sed & volucres cæli. Aut alium ego draconem hunc, quàm spiritum iracundiæ reor? Quantos enim sublimes, ut videbatur, flatu huius draconis miserè satis adustos, turpiter in huius os ingeminus cecidisse? Quàm melius sibi ipsi irasci potuerant, nè peccarent? Nimirum affectio

natur a-

*Idem l. 5. Moral.*

*S. Bern. ser. 3.  
Psal. Qui habi-  
tat.*



naturalis ira hominum est, sed abutentibus bono naturæ, gravis perditio est, & miseranda perniciēs. *Angelicus Doctor sex filias* 158. a. 7. iræ enumerat, quæ sunt, nempe rixa, tumor mentis, contumelia, V. D. *Tho.* 2. 2. clamor, iudgnatio, blasphemia. Etenim ira potest tripliciter 9. 158. a. 7. considerari. Uno modo zdum quid est in corde: & sic ex ira nascuntur duo vitia. Unum quidem ex parte ejus, contra quem homo irascitur, quem reputat indignum, ut sibi tale quid fecerit. Et sic ponitur indignatio. Aliud autem vitium est ex parte sui ipsius, inquantum scilicet excogitat diversas vias vindictæ, & talibus cogitationibus animum suum replet. zdum illud *Job.* 15. Nunquid sapiens replebit ardore stomachum suum? Et sic ponitur tumor mentis. Alio modo consideratur ira secundum quod est in ore. Et sic ex ira duplex inordinatio procedit. Una quidem secundum hoc, quod homo in modo loquendi iram suam demonstrat. Et sic ponitur clamor, per quem intelligitur inordinata & confusa locutio. Alia etiam est inordinatio zdum quod aliquis prorumpit in verba injuriosa, quæ quidem si sint contra DEUM, erit blasphemia: si autem contra proximum, contumelia. Tertio modo consideratur ira secundum quod procedit usque ad factum. Et sic ex ira oriuntur rixæ, per quas intelliguntur omnia ne cumenta, quæ facto proximis inferuntur ex ira.

3<sup>ti</sup>um *Exempla ex Bibliot. Man. Lobner tit. Iracundia.* Cum S. Bernardinus S. Franciscus in loco Portiunculæ quadam vice orationi vacaret, vidit totum Monasterium à copioso dæmonum exercitu circumdatum, nec tamen ullum eorum intrare potuisse ob sanctitatem fratrum, donec tandem à fratre quopiam, qui vindictam aut odium adversus alterum conceperat, ostium uni diabolorum apertum est, qui tamen frater ubi ad S. Franciscum vocatus, culpam quæ fassus & deprecatus est, mox iterum aufugere debuit. Aliud: S. Bern. f. 15. In monte Calvariæ cum Anno 1419. mulier quæpiam ab adolescente quopiam per nimiam multitudinem trusa levi impulsu ad terram prostrata fuisset, & illo veniam flexo poplite & junctis manibus petente pertinaciter negasset, toto populo inspectante à dæmone abrepta & in puteum dejecta est.

4<sup>tu</sup>m. Abbas Agathon dicere de se solebat: nunquam li-  
tem habens cum aliquo dormivi, sed nec permisi aliquem me-

N n n 2 cum



*Surius in vita*  
*II. Noy.*

*Ribad. lib. vi*  
*ta c. 5.*

*Hist. Socie p. 3.*  
*lib. 6. n. 95.*

cum litem habentem dormire, quantum ad virtutem meam per-  
tinuit, nisi prius cum illo in pacem redirem. *Aliud.* De S. Mar-  
tino scribit Severus Sulpitius: nemo unquam vidit Martinum  
iratum, nemo moerentem, nemo ridentem. Unus idemque  
semper, cælestem lætitiā vultu præferens. *Aliud.* S. Ignatius  
intantum iram suam perdomuerat, ut cum calidus naturā, & con-  
stitutione biliosus esset; propter summam tamen lenitatem,  
quam in omni sermone, vitæque consuetudine adhibebat, fri-  
gidus ipsis medicis lentusque potius videretur. *Aliud.* Pater  
Pachalius Broet. cum socio Lutetiæ prope messores transiens,  
cū ab eis convitiis appeteretur, baculo suo tam diu innixus per-  
stitit, donec illi pudore & satietate abstracti, convitari desine-  
rent, rum enim se erigens, suavisissimeque illos intuens. DEUS  
benignè vobis faciat filii, ac benedicat, simulque crucis signo  
facto eisdem benedixit.

*Senec. 3. de ira*  
*c. 12.*

*stum. Exemplum profan.* Architas Terentius Philosophus  
ad villicum suum, qui indignationis occasionem præbuerat, di-  
xit. O te felicem! quoniam egregiè te punirem, nisi iratus essem.  
Qua ratione Ausonius Poëta iram suppresserit, ipse sequenti di-  
stico confessus est.

*Irasci promptus properavi condere motum.*

*Atque mihi poenas pro lenitate dedi.*

*Senec. de tran-*  
*quil.*

*In Praxi* Iracundiam comprimendi hæc remedia propo-  
nit P. Lobner citatus, quorum unum est. *Præmeditatio adversorum.*  
Certè inexpectata, teste Senecā, plus aggravant, novitas addit  
calamitatibus pondus, ideo nihil inprovium esse debet: in  
omnia præmittendus animus: cogitandumque non quid soleat,  
sed quid possit accidere.

*Grego. I. c.*

*II. Dilatio iræ.* Ita iterum S. Gregorius suasit his verbis.  
Quoties ira animum invadit, mentem edoma, vince te ipsum,  
differ tempus furoris. Cū tranquilla mens fuerit, fac quod  
placet. Quod confirmans S. Ambrosius: resiste iræ, inquit, si po-  
tes, cede si non potes, quia scriptum est. Date locum iræ. Er-  
go si prævenit mentem tuam iracundia, nè relinquant locum  
tuum. Locus tuus sapientia est, locus tuus ratio est, locus tuus  
sedatio indignationis est.

*S. Ambr. I. 80.*  
*afflic. c. 21.*



**III. Silentii usus.** Ut S. Isidorus monuit dicens. Si non S. Isido. lib. 1.  
potes iram vitare, tempera: si non potes furorem cavere, co- solil.  
hibe, tene silentium patientiae, tacendo citius vinctes. Scri-  
ptum quippe est: In silentio & spe erit fortitudo vestra. Suasit Isaja,  
S. Basilius his verbis: si aliquid animo pateris, saltem  
in te conde tristitiam. In me turbatum est cor meum, inquit  
Propheta: hoc est, non extra turbationem ostendi, sed veluti  
quandam intralitus abruptum undam retinui. Turbatus sum,  
& non sum locutus.

**IV. Matura Suppressio.** Iuxta Apostoli monitum. Sol Eph. 4. v. 16.  
non occidat supra iracundiam vestram. Nolite locum dare,  
diabolo. Nam ut S. Ambrosius ait: Ira inveterascens fit odi- S. Ambros. E-  
um, dum quasi iusti doloris admixta dulcedo, diutius eam in- pist. 100.  
vase detinet, donec totum acefcat vasque corrumpat. Qua-  
propter multò melius, cum nec iustè cuiquam irascimur, quàm ve-  
lut iustè irascendo in alicuius odium iræ occultâ facilitate dilabi-  
mur. In recipiendis enim hospitibus ignotis ista solemus di-  
cere; multò melius esse, malum hominem perpeti, quàm for-  
san per ignorantiam excludi bonum, dum cavemus nè recipia-  
tur malus. Sed in his affectibus animi contra est, nam incom-  
parabiliter salubrius est, etiam iræ iustè pulsanti non aperire pene-  
trale cordis, quàm admittere non facile recessuram & perventu-  
ram de festuca ad trabem. Audet enim impudenter crescere  
citius, quàm putatur, non erubescit enim in tenebris, cum su-  
per eam sol occiderit.

**V. Proprie infirmitatis consideratio.** Considerata quippe S. Greg. 1. 5.  
infirmitas propria, teste S. Gregorio, mala excusat aliena; patien- Moral.  
ter namque injuriam illatam tolerat, qui piè meminit, quid for-  
tasse adhuc habeat, in quo debeat ipse tolerari. Et quasi aquâ  
ignis extinguitur, cum, surgente furore animi, sua cuique ad  
mentem culpa revocatur, quia erubescit sibi peccator parcere,  
qui vel DEO, vel proximo saepe se recolit non parcendo peccasse.

**VI. Meditatio foeditatis.** Ita Seneca consuluit dicens. Seneca li. 2. de  
Quibusdam ut ait Sextius iratis profuit, aspexisse speculum; ira cap. 6.  
perturbavit illos tanta mutatio sui. Sic enim ut S. Gregorius Grego. orat. 4.  
Nazianzenus narrat: Dea illa cantu fistulae delectari solita,  
Nann 3 ejusdam



eiusdem usum derelicta est, dum deformitatem inflatione resultantem in fonte fortè conspexit, quidni idem ab iracundo sperandum sit, si turpitudinem vitii sui consideret?

V I I. Mansuetudo Christi, aliorumque Sanctorum considerata.

*S. Chrysos. hom.* Nam ut sapienter S. Chrysostomus advertit: quemadmodum  
*3. de David. &* qui laborat oculis, si spongas, ac vestium cyaneo colore pannos  
*Saul.* tenentes, frequenter in ea intueantur, ex eo colore nonnullum

capiunt morbi levamen; similiter & si tu Davidis (multò magis Christi) imaginem præ oculis habeas, & in hanc assidue defigas oculos, etiam si millies obtundat ira mentis oculos perturbans,

ad hoc virtutis exemplar respiciens, perfectam consequeris san-  
*S. Basil. bo. 20.* nitatem, puramque animi Philosophiam ac tranquillitatem.

Hoc enim est, quod David ait (teste S. Basilio) Paratus sum  
 & non sum turbatus. Oportet itaque motus animi insanos  
 ac præcipientes exemplo Sanctorum, ac beatorum præceptorum.

*Hebr. 12. v. 3.* memoria cohibere. Recogitate eum, qui talem sustinuit adversus  
 peccatores in semetipsum contradictionem, ut non fatigemini  
 animis vestris deficientes.

*Ludo: Blo. c.* Christus aliquando S. Brigittam propter iræ motum  
*4. monil. spi.* leniter reprehendens eidem dixit. Ego Creator & Spon-  
 sus propter te sustinui verbera, tu verò impatiens adeò fu-  
 isti, ut verba portare non potueris. Ego stans ante ju-  
 dicem tacui, & non aperui os meum, sed tu acerbius respon-  
 dendo & exprobrando, vocem tuam nimis exaltasti. Tu debu-  
 eras omnia patienter tolerare propter me, qui clavis affixus fui  
 pro te, debueras per patientiam eum, qui erravit, ad meliora  
 provocare. Sis ergo posthæc cautior, & ubi ab aliquo ad iram  
 provocata fueris, non facile loquaris, donec ira ab animo tuo  
 recedat. Transactâ autem animi commotione, & causâ ipsius  
 commotionis diligenter pensatâ, poteris loqui cum magnitu-  
 dine. Quod si loquendo nihil profeceris, & tacendo non pec-  
 cares, melius faceres, & maius meritum acquireris, si sileres.

*1. 2. tra. 1. c. 1.*

*sec. 4. subf. 2.*

*§ 2. & 3.*

Vide etiam supradicta, & hic convenienter accommoda.

SUB-



## SUBSECTIO VI.

## De Oppositis Clementiæ.

**I**mm Oppositum Clementiæ est *Pseudo clementia*: contra quam hæc serviunt. *Reg. Ad Benadad regem Syriæ, ab Achab rege Israël victum, sui dixere servi: Ecce audivimus quòd Reges domûs Israël clementes sint &c. Unde obtentâ veniâ ab Achab, dimissus est Benadad. Quam ob rem Propheta ad Achab: Hæc dicit Dominus. Quia dimisisti virum morte dignum de manu tua, erit anima tua pro anima eius, & populus tuus pro populo eius. S. Augustinus: Molestus est, & crudelis videtur medicus furienti phrenetico, & Pater indisciplinato filio: ille ligando, iste cædendo, sed ambo diligendo. Si autem illos negligent, & perire permittant, ista potius falsa mansuetudo vera crudelitas est. S. Gregorius: Plerumque dissoluta remissio, quasi mansuetudo & pietas reputatur, & dum plus quàm decet, delinquentibus temporaliter parcitur, ad æterna supplicia crudeliter reservantur. S. Bernardus: Considero labores vestros, Fratres, non sine magno miserationis affectu. Quaro consolationem quam exhibere possim: & corporalis occurrat: Sed ea non prodest quidquam, magis & obesse plurimum potest: Siquidem modica sementis detractio, non modicum messis est detrimentum: & si pœnitentia vestra minuatur miseratione crudeli, paulatim gemmis corona vestra privatur.*

*2dum Oppositum clementiæ per Excessum est Impunitas, de qua alibi.*

3. Reg. 20.

S. Aug. Epist. 50. ad Bonif.

S. Greg. regi. lib. 12. ind. 4.

S. Bern. in Prolog. super Psal.

Qui habitat.

sec. 15. §. 3. &amp; c. 6. sec. 5. subs.

V. D. Thom. 2. q. 159.

V. Ibid. 4. 1.

*3tium Oppositum clementiæ per Defectum est Crudelitatis vitium, quo aliquis excedit modum in poenis infligendis. Dicitur; crudelitas: 13. à cruditate, sicut enim ea quæ sunt cocta & digesta, solent habere suavem & dulcem saporem; ita illa, quæ sunt cruda, habent 2. q. 159. horribilem & asperum saporem. Dictum est autem supra, quòd clementia importat quandam animi lenitatem sive dulcedinem, per quam aliquis est diminutivus poenarum. Unde directe crudelitas clementiæ opponitur. Dicitur; quo aliquis excedit modum &c: per quod crudelitas differt à savitia seu feritate: quia crude-*

ful-  
ran-  
vati  
m-  
nos  
lum  
agis  
ngas  
pans,  
sa-  
m-  
sum  
nos  
m-  
erlus  
miniptum  
pon-  
fu-  
ju-  
pon-  
lebu-  
s fui  
pra-  
iram  
o tuo  
plius  
nitur  
pec-  
eres.

LIB-



crudelitas attendit ad culpam, in cuius poena modum adum rationem non servat. Sævitia verò nullā habita ratione culpæ, solis poenis delectatur, vel ex mala consuetudine, vel ex rationis corruptione, more bestiarum quæ nocentes hominibus, illorum corporibus pascuntur. Opponitur sævitia dono pietatis, quia opponitur non directè clementiæ, sed superexcellentiore virtuti quam Philosoph. vocat heroicam vel divinam, quæ 2 dūm nos videtur pertinere ad dona Spiritus Sancti.

Lib. 7. Ethic.

Prov. 11.

Prov. 12.

Zach. c. 1.

Esther. c. 3.

Cassiod. in Psal.

IO.

S. Cyprianus

S. Greg. lib. 12.

regist. ind. 7.

1. 2. tra. 1. c. 1.

sec. 4. subf. 2.

§. 2. & 3.

natè supradata.

Ad Praxim detestande ac cavende Crudelitatis applica proportio.

natè supradata.

§. 2. & 3.

natè supradata.

§. 2. & 3.

natè supradata.

§. 2. & 3.

natè supradata.

§. 2. & 3.

natè supradata.

§. 2. & 3.

natè supradata.

§. 2. & 3.

natè supradata.

§. 2. & 3.

natè supradata.

## SUBSECTIO VII.

### De Modestia.

V. D. Tho. 2. 2. **M**odestia, est virtus moderativa passionum, in superando faciliorum. Ratio est: quia temperantia moderationem adhibet circa ea, in quibus difficillimum est moderari, scilicet, con-

q 160. a. 1.

Ibid. a. 1.

Ibid. a. 1.

Ibid. a. 1.

Ibid. a. 1.

Ibid. a. 1.

Ibid. a. 1.

Ibid. a. 1.

Ibid. a. 1.

Ibid. a. 1.

Ibid. a. 1.

Ibid. a. 1.



cet, contra concupiscentias delectationum tactus. Ubiq; autem est aliqua virtus specialiter circa aliquod maximum, oportet esse aliam virtutem circa ea, circa quæ mediocriter se habeat: eò quòd oportet, quantum ad omnia, vitam hominis zdum virtutes esse regulatam: sicut suprà dictum est, quòd magnificentia est circa magnos sumptus pecuniarum, præter quam est necessaria liberalitas, quæ sit circa mediocres sumptus. Unde necessarium est, quòd sit quædam virtus moderativa in aliis mediocribus, in quibus non est ita difficilè moderari. Et hæc virtus vocatur modestia, & adjungitur temperantiæ tanquam principali. Species modestiæ sunt: Humilitas, studiositas, modestia in verbis, vel in factis, modestia circa exteriorem cultum.

Ibidem a. 2.

Prov. 22.

Galat. 5.

Philip. 4.

*Incitamenta Modestiæ.* Prov. Finis modestiæ timor Domini, divitiæ, & gloria, & vita. Ab Apostolo Modestia inter fructus Spiritus Sancti numeratur. Idem: Gaudete in Domino semper, iterum dico gaudete: modestia vestra nota sit omnibus hominibus: Dominus propè est. S. Ambrosius. Magna virtus Modestia, quæ cum sit etiam sui Juris remissior, nihil sibi vendicans, & quòd modo intra suas vires contractior, dives est apud DEUM. Idem. In modestia maximè tranquillitas animi, studium mansuetudinis, moderationis gratia, honestatis cura, decoris consideratio spectatur & quæritur. Idem. Teneamus verecundiam, & eam quæ totius vitæ ornatum attollit modestiam.

S. Ambrosius de offic. lib. 1. 18.

Tom. 4.

Ibidem c. 43.

S. Ambr. c. 45.

Tom. 1.

*Praxis Modestiæ perficitur exercitio sequentium virtutum.*

## SUBSECTIO VIII.

## De Humilitate.

**H**umilitas, est virtus directiva & moderativa appetitus, ne inordinatè animus extollatur. Dicitur humilitas seu humilis, juxta Isido. lib. 1. quasi humi acclivis id est imis inhærens, pura cum aliquis considerans suum defectum tenet se in infimis zdum suum modum, sicut Abraham dixit ad Dominum Gen. 18. Loquar ad Dominum meum, cum sim pulvis & cinis. Dicitur; virtus: quia circa appetitum boni ardui necessaria est duplex vir-

V. D. Thom. 2.

2. q. 161.

Ibid. a. 1.

Oooo

tus; una



tus; una quæ temperet, & refrænēt motum spei, seu animum tendentem in rationem boni ardui, nè immoderatè tendat in excelsa, & hoc pertinet ad virtutem Humilitatis. Alia verò, quæ firmet animum contra motum desperationis, ob difficultatem consequendi boni ardui, impellatquē ad prosecutionem magnorum, zdum rationem rectam: & hæc est Magnanimitas. Differt autem magnanimitas ab humilitate, quod humilitas reprimat appetitum, nè tendat in magna præter rationem rectam: Magnanimitas autem ad magna impellit zdum rationem rectam. Dicitur; *directiva & moderatiua* &c. Quia ad humilitatem propriè pertinet ut aliquis reprimat seipsum, nè feratur in ea, quæ sunt supra se. Ad hoc autem necessarium est, ut aliquis cognoscat id, in quo deficit à proportionē ejus, quod suam virtutem excedit. Et ideo cognitio proprii defectus pertinet ad humilitatem, sicut regula quædam directiua appetitus: sed in ipso appetitu consistit humilitas essentialiter. Et ideo dicendum est, quod humilitas propriè est directiua & moderatiua motus appetitus.)) Dicitur; *nè inordinatè animus extollatur*. Extollitur autem animus contra DEUM, vel contra proximum. Contra DEUM zdum quod v. g. homo tendit in aliqua majora ex propriarum virium confidentia, sine confidentia divini auxilii. Et prout August. dicit: lib. 1. de poenit. tom. 1. Aliud est se levare ad DEUM, & aliud elevare se contra DEUM. Qui ante illum se projicit, ab illo erigitur: qui se adversus eum erigit, ab illo projicitur.)) Unde extollentia hæc ut caveatur, cognoscenda est infinita excellentia DEI, tum infinita vilitas hominis, quatenus ex hoc duplici motivo humiliet sese homo abyssaliter sub potenti manu DEI. Contra proximum verò nè quis extollatur, considerata sunt duo in homine, scilicet id quod est DEI, & quod est hominis. Hominis autem est, quidquid pertinet ad defectum. Sed DEI est, quidquid pertinet ad salutem & perfectionem: secundum illud Osee. 13. Perditio tua Israel ex te est, ex me tantum auxilium tuum. Humilitas autem propriè respicit reverentiam, quā homo DEO subicitur: & ideo quilibet homo zdum id quod suum est, debet se cuilibet proximè subicere, quantum ad id quod est DEI in ipso. Unde debemus non solum revereri DEUM in seipso,

Ibid. a. 3.

Ibidem a. 2.

D. Th. 2. 2. 9.

351. a. 3.

Ibid. a. 3. ad. 1.

seipl  
Non  
ideo  
prop  
hum  
deben  
proxim  
melior  
S. Aug  
riores  
terior  
Apost  
rò jude  
dicas al  
officio  
debet  
conten  
invicē  
extoll  
id mod  
tūm deb  
sita nob  
um extoll  
aliorum b  
sunt in no  
conferam  
facere po  
pestimon  
physicē  
Antichr  
quo mor  
7. de cogn  
Humil  
quod



seipso, sed etiam id quod est ejus, debemus revereri in quolibet. Non tamen eo modo reverentiæ, quo reveremur DEUM. Et ideo per humilitatem debemus nos subicere omnibus proximis propter DEUM 2dum illud I. Petr. 2. Subjecti estote omni humanæ creaturæ propter DEUM: Latrariam tamen soli DEO debemus exhibere. Neque hæc reverentia & subjectio erga proximum procedit ex aliqua falsitate, quâ opinamur alios nobis meliores, quibus 2dum defectus nostros sumus viliores. Unde S. August. in lib. de Virgin. Existimate aliquos in occulto superiores, quibus estis in manifesto meliores.)) Ratio autem ulterior hujus est: quia homo debet esse judex sui ipsius (juxta Apostol. Si nosmetipsos judicavimus, non utique judicavimus) non vero judex alterius: ut idem Apostolus insinuat, Tu quis es qui judicas alienum servum? Domino suo stat, aut cadit. (nisi id alicui ex officio suo incumbat) Porro effectus horum Judiciorum ille esse debet, quem præfatus Doctor gentium assignat dicens. Nihil per contentionem, neque per inanem gloriam, sed in humilitate superiores sibi invicem arbitramini. Appositè S. Anselmus: Quia nonnunquam ideo extollimur quia nos aliis non rectè comparamus, videndum est nobis, quo de id modo, facere debeamus. Si enim nos aliis volumus comparare, ea tantum debemus considerare, quæ à nobis sunt in nobis, non à DEO, quasi præstita nobis. Sic namque agit, qui de bonis à DEO sibi præstitis, super aliorum bonis comparare debemus, sed mala tantum nostra, quæ à nobis sunt in nobis: quod si fecerimus, mala videlicet nostra bonis aliorum ut conferamus, inferiores esse cæteris omnibus nobis ipsis videbimur. Idem facere possumus non modò respectu omnium hominum etiam pessimorum, verum & respectu aliarum quarumvis creaturarum physicè vel moraliter defectuosarum, etiam ipsius Luciferi & Antichristi, ut ipsis se quis viliorum & pejorem existimet: de quo mox infra, suprà quoque dictum I. 2. tra. 1. cap. 1. sec. 4. subs. 1. §. 7. de cognitione sui.

### Gradus Humilitatis.

**H**umilitas inquantum dicit respectum ad aliquid aliud, per quod humilitas major vel minor manifestatur, ejus duplex genus



*V. in simili D. genus graduum potissimum enumeratur. imè generis sunt illi duo-*  
*Thom. 2. 2. q. decim gradus, quos S. Benedictus ascendendos proponit: Nimi-*  
*161. a. 6.* rum unus humilitatis gradus est, Timor DEI, & memoria man-

*Regul. c. 7.* datorum ipsius. Nam timor Domini, memoriaquè mandato-  
 rum ejus, est principium humilitatis, aliarumquè virtutum, uti  
*Eccl. c. 1.* dicitur: Initium sapientiæ timor Domini. Siquidem timor DEI,

ac ejus mandatorum memoria præsupponunt cognitionem  
 summæ excellentiæ & dominii DEI, & cognitionem humanæ  
 defectibilitatis, ob quam etiam à DEO dependet: quam cogni-  
 tionem sequitur timor DEI, timorem verò reverentia erga Deum  
 subjectio hominis ad ipsum, quæ sunt principia humilitatis.

*2dus* Humilitatis gradus est: Nè quis inordinate propria-  
 am excellentiam quærat per sequelam voluntatis propriæ.

*3tus.* Ut eandem voluntatem subjiciat, reguletquè per  
 obedientiam ad arbitrium Superioris.

*4tus.* Ut non recedat ab eadem obedientia etiam in duris  
 & asperis.

*5tus.* Ut suos defectus coram suo superiore minimè  
 celet.

*6tus.* Ut omni vilitate & extremitate sit contentus, & se  
 esse malum operarium & indignum ad omnia judicet.

*7mus.* Ut se omnibus inferiorem & viliorē non solum  
 suâ lingvâ pronunciet, sed & intimo cordis credat affectu.

*8vus.* Ut caveat singularitates, & communem honestæ  
 vitæ sequatur modum.

*9nus.* Ut non loquatur usque ad interrogationem.

*10mus.* Ut non sit facilis & promptus in risu.

*11mus.* Ut loquatur leniter & sine risu, humiliter, cum  
 gravitate, pauca verba & rationabilia.

*12mus.* Ut in omni loco, ubi ubi, inclinato sit semper capite,  
 defixis in terram aspectibus, reum se omni horâ de peccatis suis  
 existimans, jam se tremendo judicio DEI præsentari æstimet: di-  
 cens cum illo Evangelico Publicano. Domine, non sum dignus  
 ego peccator levare oculos meos ad cælum.

*Luc. 18.*

In his itaque gradibus videre est, quomodo ipsa interior  
 humilitas dicat respectum ad aliquid aliud sui manifestativum,  
 uti in



uti in primo gradu ad Timorem DEI tanquam sui originem: in 2do, 3to, & 4to, ad Obedientiam tanquam humilitatis individuam comitem: in 5to, 6to, 7mo, 8mo, 9mo, 10mo, 11mo, ad Verba internæ humilitatis insinuativa: in 6to, & 8vo, ad Facta ejusdem humilitatis manifestativa, in 12mo, ad Gestus humilitatem prætendentes.

Deinde majoritas & minoritas horum graduum sumi videtur ex conditionibus virtutis, quæ eò excellentior patet, quò circa difficiliora versatur, vel in remotiora agit. Et ita virtutem exercere gestu quodam continuo, uti est ex humilitate semper esse inclinato capite, est difficilius, quàm subinde factis eandem virtutem formare, factis deinde difficilius quàm verbis circa eandem virtutem agere: similiter virtus remotius agit in gestus, quàm in facta, & in facta quàm in verba. Quod autem in iisdem gradibus transponuntur modò verba factis, modò facta verbis: hoc videtur evenire ex difficultate exercitii eorundem. Nam v. g. esse in gradu 9. 10. 11. est multò majoris difficultatis, quàm in 8vo. Cum 8vum etiam imperfectiores observare queant, jam vero, 9. 10. 11. est materia perfectorum virorum. *Qui enim in verbo non offendit, hic perfectus est vir.*) Pro aliis similiter gradibus partim hæ, partim aliæ rationes serviunt, quas ut minus necessarias omittimus.

Ad hoc genus graduum humilitatis pertinent illi quos statuit S. Anselmus dicens: *Primus humilitatis gradus est: Cognoscere contemptibilem se esse. Et quia sunt quidam, qui contemptibiles se esse agnoscunt, sed inde non dolent: 2dus est: Dolere contemptibilem se esse. Quia verò sunt alii, qui se contemptibiles dolent, sed confiteri nolunt: 3tius est: Confiteri se contemptibilem esse. At verò quia rursus sunt alii qui se contemptibiles confitentur, sed nolunt, ut ita credatur: 4tus est: Persuadere contemptibilem se esse. Sed quia quidam contemptibiles volunt credi sed hoc nolunt dici: 5tus est: Patienter pati, ut contemptibilis dicatur. Sed quia quidam patiuntur, ut contemptibiles dicantur, sed tamen pati nolunt, ut contemptibiliter tractentur: 6tus est: Pati ut contemptibiliter tractetur. Sed quoniam & hoc quidam, sed inviti patiuntur 7mus est: Amare, ut contemptibiliter tractetur. Ubi postquam quis ascenderit, clara est in luce: id est, in perfecta sui cognitione.*

Jac. 3.

S. Anselm. de  
simil. c. 10.  
& seq.



V. D. Tho. 2. 2.

q. 161. a. 6.

objectione 4.

2di Generis Gradus humilitatis enumerantur per comparationem ad gradus hominum, qui sunt vel majores, vel minores, vel æquales: Ejusmodi gradus insinuantur à Glossa super Matth. 3. Perfecta humilitas tres habet gradus. 1mus est: subdere se majori, & se non præferre equali, qui est sufficiens. 2dus est: Subdere se equali, nec præferre se minori, & hic dicitur abundans. 3tius gradus est: subesse minori, in quo est omnis justitia.

### Gradus Humilitatis ex aurea Formula Seraphici

Doctoris de grad. virtut. c. 3.

Graduū humi-  
litis ordo.

I.

Matth. 2. d.

**H**umilitatis altus gradus est, cum aliquis sponte subiicit se majori, hæc est debita. Altior, cum subiicit se pari; hæc abundans est. Altissimus, cum subiicit se minori, hæc superabundans est. In hoc ultimo gradu, fuit Christus, cum veniens ad Iordanem subiicit se Ioanni, dicens: Sine modò, sic enim decet nos adimplere omnem justitiam, id est, humilitatem superabundantem, ut dicit Glossa.

II.

Matth. II. d.

Psal. 21. b.

Joann. 7. d.

Idem 14. b.

Item altus gradus est, cum aliquis habet humilitatem in verbis. Altior cum in factis. Altissimus, cum habet humilitatem in corde. Ibi enim est virtus, sed non in verbis vel factis. Quandoquidem enim est, qui se nequiter humiliat, verbis, vel factis, vel gestibus, vel vestitu, vel incessu. Christus verò fuit humilis in corde, cum diceret: Discite à me &c: Humilis in verbis, cum diceret: Ego sum vermis, & non homo. Et mea doctrina, non est mea &c. Et verba quæ ego loquor, à me ipso non loquor. Humilis in factis, cum se inclinavit ad pedes Apostolorum in lotura.

Item altus gradus humilitatis est, humiliare se propter magnitudinem & multitudinem defectuum, juxta illud Prophetæ: Humiliatio tua in medio tui: id est materia humiliationis sit in corde tuo, scilicet defectus tui. Altior est, humiliare se propter abundantiam virtutum, & donorum Spiritualium: Sicut arbor nobilis inclinatur ex abundantia fructuum. Unde dicitur. Quanto major es, humilia te in omnibus. Altissimus, propter imitationem exempli humilitatis Christi.

Item



Item altus gradus est, humiliare se de omnibus malis commissis. Altior, de omnibus bonis omissis. Adhuc altior, de omnibus deturpatis. Altissimus, de omnibus bonis in vacuum perceptis. Iste ordo sumitur ex raritate. Quanto enim gradus est rarior, tanto videtur altior. In nullo istorum fuit Christus, quia nihil mali commisit, & nihil boni omisit, & nihil boni deturpavit, nihil in vacuum recepit.

Item altus gradus est, tam vilem se reputare, sicut verè est in oculis DEI. Altior, sicut vilis esse potuit coram DEO, si Dominus non cavisset. Alissimus, sicut vilis adhuc fieri posset, si Dominus à tentationibus non custodierit.

*Motiva Humilitatis.* *Num.* *Psal.* Respexit in orationem humilium, & non sprexit preces eorum. *Idem.* Quis sicut Dominus Deus noster, qui in altis habitat, & humilia respicit in caelo & in terra? *Idem.* Suscitans de terra inopem, & de stercore erigens pauperem: ut collocet eum cum Principibus. *Idem.* Custodiens parvulos Dominus: humiliatus sum & liberavit me. *Prov.* superbum sequitur humilitas, & humilem spiritu suscipiet gloria. *Ibidem.* Antequam conteratur, exaltatur cor hominis: & antequam glorificetur, humiliatur. *Ibidem.* Humilem spiritu suscipiet gloria. *Eccl.* Humilia valde spiritum tuum, quoniam vindicta carnis impii, ignis & vermis. *Eccl.* Quanto magnus es, humilia te in omnibus, & coram DEO invenies gratiam, quoniam magna potentia DEI solius, & ab humilibus honoratur. *Eccl.* Oratio humiliantis se nubes penetrabit, & donec propinquet non consolabitur, & non discedet donec Altissimus aspiciat. *Esa.* Ad quem respiciam, nisi ad pauperculum, & contritum spiritu, & tremementem sermones meos? *Christus:* Qui se humiliaverit, exaltabitur. *Idem:* Sinite parvulos venire ad me, & nolite eos prohibere, talium enim est regnum caelorum. *Quicumque* ergo humiliaverit se sicut parvulus iste, hic major vocabitur in regno caelorum. *Apostolus:* Nihil per contentionem, neque per inanem gloriam, sed per humilitatem superiores sibi invicem arbitantes. *Petrus Apostolus:* Humiliamini sub potenti manu DEI, ut vos exaltet in tempore visitationis.

*2dum.* Excelsa est Patria, humilis est via. Ergo qui quærit pa-

IV.

V.

*Psal.* 101.*Idem* 112.*Idem* 116.*Prov.* 29.*Ibidem* 15.*Ibidem* 29.*Eccl.* 7.*Idem* 3.*Idem* 35.*Esa.* 66.*Matth.* 23.*Idem.* 18. & 19.*Philipp.* 2.*1. Petr.* 5.*S. August.* ad*Dioscorum.*



Idem super rit patriam, quid recusat viam? Idem: Humilis si eris, tutior  
 Matth. ser. 59. ambulabis, non præcipitaberis, non laberis. S. Joannes Chryso-  
 Joan. Chrysost. stomus: Velle esse super omnes, vituperabile est, sustinere autem  
 super Matth. alterum super te nimis gloriosum. S. August. In summo ho-  
 bomil. 3. nore summa tibi sit humilitas. Honoris laus est humilitatis vir-  
 S. Aug. to. 10. tus. S. Basilius: Humilitas est totissimus virtutum omnium the-  
 ser. 12. ad frat. saurus. S. Bernardus: Est custos pudicitiae, & mater patientiae.  
 in Erem. Cassianus: Est totius spiritualis structuræ solidissimum fundamen-  
 S. Basil. const. tum. S. Leo: Est tota christianæ sapientiæ disciplina. S. Gregorius:  
 Mon. c. 17. Qui sine humilitate virtutes congregat, in vento pulverem por-  
 S. Bern. tra. de tat, & unde aliquid ferre cernitur, inde deterius cæcatur. Idem:  
 ord. vitæ. Mens quæ divino Spiritu impletur, habet evidentissimè signa-  
 Cass. Coll. 19 sua: virtutes scilicet & humilitatem; quæ si utraque in una-  
 c. 12. mente perfectè conveniunt, liquet, quod de præsentia S. Spiri-  
 S. Leo ser. 7. tus testimonium ferunt. S. Bernardus: Humilitas meretur, ut  
 Epiph. homo virtutes occupet, quia humilibus DEUS dat gratiam. Ser-  
 S. Greg. in var accepta, quia non requiescit Spiritus Sanctus, nisi super qui-  
 Evang. homil. etum & humilem. Servata conservat: nam virtus in humilita-  
 7. te & infirmitate perficitur. Inimicum omnis gratiæ, omnisquæ  
 Idem lib. 1. di peccati initium superbiam debellat. Idem: Recta facere, & inu-  
 al cap. 1. tilem se reputare, apud paucos invenitur. Idem: Virtutum sta-  
 S. Bernard. in bile fundamentum est humilitas, quæ si omittitur, virtutum  
 Epist. congregatio non nisi ruina est. Idem. Valles abundabunt fru-  
 Idem in Epist. mento. Audis quia ubique vallis laudatur, ubique humilitas præ-  
 ad Eugenum. dicatur. Ibi plantate ubi decursus aquarum, quia ibi copia gra-  
 Idem de consid. tiæ spiritualis: & aquæ quæ super cælos sunt, laudant nomen  
 lib. 5. Domini, id est cælestes benedictiones faciunt ut laudetur. Ste-  
 Idem ser. de mus in hac charissimi; & plantati stemus, ut non arescamus, non  
 S. Benedicto moveamur quocunque flatu, sicut scriptum est: Si spiritus po-  
 Abbate. testatem habentis super te irruerit, locum tuum nè deseras.  
 Nulla enim tentatio in vobis prævalebit, si non in magnis & in-  
 mirabilibus super vos ambuletis, sed permaneat radicibus fir-  
 mis in humilitate radicari atque fundati. Sic fuit plantatus fecus  
 decursus aquarum sanctus iste Confessor Domini (S. Benedi-  
 Idem serm 13. ctus) quoniam fructum suum dedit in tempore suo. Idem: Ma-  
 de gloria & gna & rara virtus est, ut magna licet operantem, magnum te  
 laude. nescias



nescias, & manifestam omnibus, tuam te solum latere sanctitatem: Mirabilem te apparere, & contemptibilem reputare, hoc ego ipsis virtutibus, mirabilius judico. Fidelis revera famulus es, si de multa gloria Domini tui, etsi non exeunte ex te, tamen transeunte per te, nihil tuis manibus adhærere contingat. Tunc juxta Prophetam: Projicis avaritiam ex calumnia, excutis manum tuam ab omni munere. Tunc juxta mandatum Domini: Lux tua lucet coram hominibus, ad glorificandum non te, sed Patrem qui in cælis est. Sed & Imitator Pauli fideliumquæ Prædicatorum non prædicantium semetipsos, æquæ nec tu quæ tua sunt quæris, sed quæ JESU Christi. Quamobrem audies & tu: Euge serve bone & fidelis, quia super pauca fuisti fidelis, supra multa te constituam. Idem: Humilitas in honore, honor est ipsius honoris, & dignitas dignitatis: omnis dignitas ipso dignitatis nomine indigna est, si humilia dedignatur. Si egregius es, esto tamē de grege: si omnibus præes, non dedigneris subesse. D. Thomas: Humilitas post Theologicas, & intellectuales, ac justitiam, aliis virtutibus potior est: quia bonum humanæ virtutis in ordine rationis consistit: qui quidem principaliter attenditur respectu finis. Unde virtutes Theologicæ quæ habent ultimum Finem pro objecto, sunt potissimæ: secundario autem attendit, prout secundum rationem finis ordinantur ea, quæ sunt ad finem. Et hæc quidem ordinatio essentialiter consistit in ipsa ratione ordinante: participativè autem in ipso appetitu per rationem ordinato. Quam quidem ordinationem universaliter facit justitia præsertim legalis. Ordinationi autem facit hominem benè subiectum, humilitas in universali, quantum ad omnia: qualibet autem alia virtus quantum ad aliquam materiā specialem: Et ideo post virtutes Theologicas & virtutes intellectuales: quæ respiciunt ipsam rationem: & post justitiam, præsertim legalem, potior cæteris est humilitas. S. Augustinus: Cogitas magnam fabricam construere celsitudinis? de fundamento prius cogita humilitatis. Ratio est ex D. Thomas: Quia sicut ordinata virtutum congregatio per quandam similitudinem ædificio comparatur; ita etiam illud quod est primum in acquisitione virtutum, fundamento comparatur. quod primum in ædificio jacitur. Virtutes autem veræ infunduntur

Idem ser. 34.  
in Cant.

V. D. Tho. 2. 2.

q. 161. a. 5.

S. Aug. de verbis Domini.

V. D. Tho. 2. 2.

q. 161. a. 5. ad 2.



duntur à DEO. Unde primum in acquisitione virtutum potest accipi dupliciter. Uno modo, per modum remouentis prohibens. Et sic humilitas primum locum tenet, in quantum scilicet expellit superbiam, cui DEUS resistit, & præbet hominum subditum & patulum ad suscipiendum influxum divinæ gratiæ, in quantum evacuat inflationem superbiæ: unde dicitur Jacobi

*V. Ibidem D. tiam.* Et secundum hoc humilitas dicitur spiritualis ædificii fundamentum. *Idem:* Contemnentibus terrena, promittuntur celestia, sicut contemnentibus divitias terrenas, promittuntur celestes thesauri: 2dum illud Matth. 6. Nolite thesaurizare vobis thesauros in terra, sed thesaurizate vobis thesauros in celo. Et similiter contemnentibus mundi gaudia, promittuntur consolationes celestes. 2dum illud Matth. 5. Beati qui lugent: quoniam ipsi consolabuntur. Et eodem modo humilitati promittitur spiritualis exaltatio: Pater id ex suprâ citatis locis

*1. Aug. in lib. script. &c.* non quia sola ipsam mereatur, sed quia ejus est proprium contemnere sublimitatem terrenam. Unde Aug. dicit in medio c. 1. post lib. de Poenitentia. Nè putes eum, qui se humiliat semper jacere, cum dictum sit, exaltabitur: & nè opineris ejus exaltationem

*Vita c. 19.* in oculis hominum per sublimitates fieri corporales. *S. Climacus:* Quoties aliquem vel videris, vel audieris intra paucos annos altissimam tranquillitatem (quâ obtentâ perfectio obtinetur) acquisivisse, noli tunc existimare aliam, quam hanc beatam celeremque viam humilitatis pedibus ambulasse. Humilitas sanè est tanquam terra. *Beata Angela de Fulgino* dixit. Quanto anima magis afflicta, & depauperata, & humiliata est interius tantò magis aptatur & purificatur, ut allevetur magis: quia nulla anima potest aliter ac plus elevari, nisi quantum humiliatur & profundius in humilitate complanatur & radicitur. *Ibidem:* Quædam merita non sunt ex hoc æstimanda, si quis plures visiones aut revelationes habeat, vel peritus sit in scripturis, aut in altiori ponatur gradu, sed si verâ fuerit humilitate ac charitate repletus: si DEI honorem purè, & integrè semper quærat, si

*S. Basil. in ascet. de abdic. re-* seipsum nihil reputet vel in veritate despiciat, & ab aliis etiam despici & humiliari magis gaudeat, quam honestari. *S. Basil. in:*

Anima



Animi in virtute progressus, in humilitate progressus est. Hinc V. Dobrosiel. recte quidam: Vis esse sanctus? sis humilis: vis esse sanctior? comp. Theol. sis humilior: vis esse sanctissimus? sis humillimus. S. Laur: S. Laur. Just. Cum humilitatis virtus animam repleverit, dejecerit, liquefecerit, tunc incipit dilatari dilectione, irradiari veritate, repleti lumine, elevari spiritu. S. Leo: Tota victoria Salvatoris, quæ & diabolum superavit & mundum, humilitate est concepta, humilitate est confecta. S. Bernardus: Humilitas magna virtus, quæ meretur, quod non docetur. S. Isidorus: Esto parvus in oculis tuis, ut sis magnus in oculis DEI. Tanto enim eris apud DEUM pretiosior, quanto fueris in oculis tuis despectior. S. August: Humilitas claritatis est meritum, claritas humilitatis est præmium. S. Abbas Antonius. S. August. 104. videns omnes laqueos inimici super universam terram explicatos: cum suspirans, dixisset: Quis posset hos evadere? Vocem ad se dicentem audivit: Humilitas sola pertransit, Antoni, quam nullo modo valent contingere. Patr. § 121.

3<sup>ium</sup>. DEUS Homo Idea & Magister humilitatis dicit: En discite à me, quia mitis sum & humilis corde. Item: Quicunque voluerit inter vos major fieri, sit vester minister: & qui voluerit inter vos primus esse, sit vester servus. Sic Filius hominis non venit ministrari, sed ministrare: & dare animam suam in redemptionem pro multis. Item: Vos vocatis me Magister & Domine, & benè dicitis: sum etenim. Si ergo lavi pedes vestros Dominus & Magister: & vos debetis alter alterius lavare pedes. Exemplum enim dedi vobis, ut quemadmodum ego feci vobis, ita & vos faciatis. Apostolus: Hoc enim sentite in vobis, quod & in Christo JESU: qui cum in forma DEI esset, non rapinam arbitratus est, esse se æqualem DEO, sed semetipsum exinavit formam servi accipiens, in similitudinem hominum factus, & habitu inventus ut homo: humiliavit semetipsum, factus obediens usque ad mortem, mortem autem crucis. Propter quod & DEUS exaltavit illum, & dedit illi nomen, quod est super omne nomen: ut in nomine JESU omne genu flectatur cælestium terrestrium, & infernorum, & omnis lingua confiteatur, quia Dominus JESUS Christus in gloria est DEI Patris. S. Augustinus infert Christum dicentem: Discite à me, non.

Matth. 11.

Idem 20.

Joan. 13.

Philip. 2.

S. August. de mun-verb. Domini.



mundum fabricare, non cuncta visibilia & invisibilia creare, non in ipso mundo miracula facere, & mortuos suscitare: sed quoniam mitis sum & humilis corde. Cogitas magnam construere fabricam celsitudinis, de fundamento prius cogita humilitatis.

*S. Bern. serm. 2. de Ascensione.* *S. Bernardus* : Dilectissimi perseverate in disciplina quam susce-  
pistis, ut per humilitatem ad sublimitatem ascendaris, quia hæc est via, & non est alia præter ipsam. Qui aliter vadit, cadit potius quam ascendit, quia sola est humilitas quæ exaltat, sola quæ ducit ad vitam. Christus enim cum per naturam Divinitatis non haberet quo cresceret vel ascenderet, quia nihil ultra DEUM est: per descensum quomodo cresceret invenit, veniens incarnari, pati, mori, ne moreremur in æternum, propter quod DEUS exaltavit illum, quia resurrexit, ascendit, sedet ad dexteram. DEI. Unde & tu fac similiter. Neque enim ascendere potes, nisi descenderis, quia ut æternâ lege fixum est: Omnis qui se

*S. Bonavent. med. vite Christi.* exaltat, humiliabitur: & qui se humiliat, exaltabitur. *S. Bonavent. med. vite Christi.* Sed nunquid circa humilitatem aliquid attendisti? si bene advertitur etiam humilitatis cernitur profunditas. Sunt enim qui se viles & abjectos reputant in animo suo, & in oculis suis non extolluntur, sed non sic volunt esse in oculis aliorum, nec patiuntur ab aliis vilipendi vel derideri, & suam vilitatem vel defectus nolunt aliis innotescere ne vilipendantur. Non sic fecit Puer JESUS omnium Dominus, qui & aliis & suis sua vilia patere voluit, & non plus parvis & paucis, sed magnis & multis, scilicet regibus & fociis eorum quam pluribus, & in tali casu vel tempore, in quo multum erat timendum. Nam cum illi (scilicet tres Reges) adorare Christum in Bethlehem venirent, ut invenirent Regem Judæorum, quem etiam DEUM esse putabant, ne talibus de ipso visis, reputantes se fatuos & illutos, recederent sine fide & devotione, sed non dimisit humilitatis amator dans nobis exemplum, ne sub specie alicujus apparentis boni recedamus ab humilitate: & quod discamus etiam in aliorum oculis viles & abjecti velle apparere. *Idem* : Conspice eum sedentem inter *S. Bonav. med. vite Christi.* Doctores vultu placido, sapienti & reverenti, & audiebat & interrogabat eos, quasi ignorans, quod ex humilitate faciebat, & etiam ne illi verecundarentur super mirabilibus responsis ejus.

*Ibidem.*



*Ibidem*: Magister ergo summus, aliquando docturus virtutes & *S. Bon. med. vi-*  
 viam vitæ, cepit à iuventute sua opera facere virtuosa, sed mo- *ta Christ. c. 15.*  
 do mirabili & incognito, & retroactis temporibus inaudito, se  
 videlicet reddendo in conspectu hominum inutilem & abje-  
 ctum, & insipientem, ut devotè sine omni temeraria assertione  
 cogitari potest. *Ibidem*: Mirabantur cuncti cernentes juvenem  
 tam speciosum, nil facere, quod apparebat laude dignum. Ex-  
 pectabant enim quòd magnifica faceret, & opera probi viri,  
 cum enim puer erat, proficiebat ætate & sapientiâ coram DEO  
 & hominibus. Sed & crescens & perveniens à duodecimo anno  
 ad trigèsimum & ultra, nulla opera faciebat prætendentia speciem  
 aliquam probitatis & virilitatis: stupebant vehementer & irride-  
 bant eum dicentes. Iste est quidam inutilis, ipse est idiota, & ho-  
 mo de nihilo, & stultus, est insipiens, nec etiam literas discit, &  
 inter gentes in proverbium venit; quòd erat grandis & captivus.  
 Et hunc vivendi morem sic tenaciter tenebat & continuabat,  
 quòd apud omnes communiter erat vilis, & abjectus reputaba-  
 tur. Quod benè ante per Prophetam dictum fuit in persona  
 ejus: Ego sum vermis, & non homo. Vides ergo quid facie-  
 bat, nil faciendo reddebat se vilem, ut dixi, omnibus. Sed an-  
 hoc tibi parum videtur? ipse quidem non indigebat, sed ego.  
 Certè in operibus majus nullum reputo, nec difficilius cognosco.  
 Ad Altissimum gradum mihi pervenisse videtur qui ad hoc perve-  
 nit, ut ex corde & animo vero non ficto ita se vincit ac dominatur  
 animo suo, superbo supercilio carnis suæ, quòd nolit aliquid repu-  
 tari, sed sperni, ut abjectus & vilis. Majus hoc est quàm vincere ur-  
 bes; iuxta sententiam Salomonis dicentis: Melior est patiens viro  
 forti: & qui dominatur animo suo, expugnatore urbium. Usque  
 ergo quòd pervenias ad hunc gradum, nihil tibi videaris fecisse;  
 nam cum in veritate omnes sumus inutiles, etiam cum omnia  
 benefecerimus juxta verbum Domini: Quousque in hoc ab-  
 jectionis gradu non sumus, adhuc in veritate non sumus, sed in  
 vanitate consistimus & ambulamus. Quod etiam Apostolus  
 manifestè ostendit dicens: Qui existimat se aliquid esse, cum  
 nihil sit, ipse se seducit. Si ergo quæras quare Dominus JESUS  
 hoc fecit? respondeo tibi: non quia indigeret, sed ut nos instru-  
 eret.

*Idem ibid.**Psal. 21.*



eret. Unde si non discimus, inexcusabiles sumus. Abominabile prorsus est si se erigit vermiculus, & vermium esca futurus, ubi sic se humilians, abiecit Dominus Majestatis

B. Angela de  
Fulginio vita.  
c. 17.

B. Angela de Fulginio supra illa verba Christi: Discite à me quia mitis sum & humilis corde ait. O Filii mei attendite & videte, & altā & sapidā consideratione inspicite profunditatem, & utilitatem istius doctrinæ, sublimitatem & valorem istius instructionis, ubi radicata sit, ubi fundata sit: Discite, inquit, à me, non ab Angelis, non ab Apostolis, sic à me, inquit, cuius humilitas tantò major, quantò majestas mea sublimior. Discite, inquit, à me, non jejunare, quamvis ipse ad exemplum nostrum quadraginta diebus & noctibus ieiunaverit, nec dixit: Discite mundum spernere, nec, in paupertate vivere, quamvis ipse in maxima paupertate vixerit, & in ea vivere suos discipulos mandaverit: nec dixit: Discite à me, quomodo cælum feci: nec dixit: Discite à me miracula facere, quamvis ipse ex propria potentia miracula faceret, & suos Discipulos in nomine suo miracula facere voluisset: nec alia huiusmodi, sed solùm hoc. Quia mitis sum & humilis corde: quasi dicat si non factò & opere vobis humilitatis exemplum monstraverim, nolite credere mihi. Et infra: O Filioli mei, in quo requiem sive pacem creatura aliqua poterit invenire, nisi in eo, in quo est summa requies, summa pax, summa pacificatio, summa tranquillitas animorum? Ad quam nulla anima pervenire poterit, nisi fundata fuerit in ista humilitate, sine qua omnes virtutes, quibus ad DEUM curritur, sunt verè nihil. Ista enim humilitas cordis quam suos habere & discere voluit DEUS Homo, est lumen quoddam mirificum atque clarum, quo intellectus animæ aperitur ad cognoscendum suam vilitatem, & nihilitatem, & divinæ bonitatis immensitatem. Cuius magnitudinem bonitatis quantò magis cognoverit, tantò magis proficiet in cognitione sui ipsius. Videndo autem & cognoscendo se nihil, & omnibus ex se bonis inopem, tunc magis assurgit ad laudandam & deprædicandam divinæ bonitatis ineffabilitatem, quam per istam humilitatem videt, & intelligit, & inde incipiunt gratiæ ad eam DEI defluere, & oriri virtutes.

Ibidem

Et infra: Complete Filii mei desiderium Regis æterni Domini nostri



nostri IESU Christi, qui vos ita obnixè rogavit, ut hanc virtutem ab eo addisceretis. In hoc fundamento stetis, & in hac profunditate cognitionis vestræ vilitatis & nihilitatis profundemini. Complete desiderium æternæ Veritatis & Sapientiæ, quæ valorem humilitatis abscondit à seculi sapientibus, & non revelavit, jam verò prædicavit, & exemplo ostendit parvulis. Hoc est desiderium meum quo vehementer sinito & famelico, ut in profunditate vestræ nihilitatis, & immensitate divinæ bonitatis abysssemini.

Eadem B. Angela altissimis revelationibus & illustrationibus divinis clarissima, docet, quomodo Christus Dominus vivens in terris tres, potissimum Societates sibi adjunctas habuerit, nempe voluntariam Paupertatem, Contemptum, & Dolorem. De Contemptu igitur hæc cedro & auro digna profert, dicens. Secunda societas à qua continuè IESUS DEI Filius, quàm diu vixit, associatus fuit, fuit voluntarius & perfectus contemptus, dejectio & ignominia, & verecundia, quæ voluit in hoc mundo continuè tolerare. Vixit enim sicut servus dejectus & venditus & non redemptus, & non tantum sicut servus, sed sicut servus qui malus reputatur & iniquus. Fuit enim exulatus & opprobriatus, derisus, ligatus, verberatus, fustigatus, flagellatus, & tandem sine ratione, sine defensore, sicut vilis & miserabilis cum iniquis & latronibus deputatus, & cum eis condemnatus, & mortuus morte turpissimâ & dejectâ. Et dum viveret, si quando aliquis voluisset sibi inferre honorem temporalem, semper contradixit aut verbis, aut factis, & honorem mundi semper fugit, & verecundias semper toleravit, & libenti animo acceptavit, non dando ex parte sua occasionem nec causam. Ipsum enim Dominatorem mundi sine ratione, sine causa, sine offensa, sine injuria omnes quasi persecuti sunt, & deriserunt, & subsannaverunt. Protinus enim à fasciis & à cunabulis ipsum persecuti sunt, & in terram barbarorum projecerunt. Qui cum adultus esset, quidam eum Samaritanum, & idololatram vocabant, quidam verò dæmoniacum, & gulosum, & seductorem, & pseudoprophetam. Dicebant enim: Ecce vorator & potator vini, quoniam non est Propheta, nec iustus, nec miracula in virtute DEI facit, sed in principe dæmoniorum eicit dæmo-

B. Angela de  
Fulg. vit. c. 15



damones. Quidam ipsum ducebant ad montes, & præcipitia, ut ipsum præcipitarent: quidam lapides tollebant, ut ipsum lapidarent: Inter hæc erant diversi contra eum clamores; diversæ irrisiones, & subannationes, detractiones, & iniqua consilia dicentes: Quoniam blasphematur; multas illusiones, & deceptiones in verbis & factis sibi præparantes; ipsum à locis suis repellentes, nec ipsum recipere volentes, & tandem ipsum viliter ceperunt, diversis iudiciis, & iudiciis, & consiliis, ipsum ligatū exponentes, & quidam in faciem eius expuebant, alii alapas dabant, alii eum chlamyde circumdederunt, alii coronaverunt eum spinis, & procidebant, & genua flectebant illudentes ei, caput ejus virgâ percutientes, & faciem eius velantes, omnem speciem irrisionis superinducebant, alii ipsum flagellis verberabant, alii in eum, sicut canes sanguinis voratores dentibus frendebant, ipsum condemnantes, reprobantes tanquam malefactorem. Et tandem ad passionem ducebatur nudus, & omnes discipuli eum reliquerunt. Et unus quidem negavit eum, alius verò tradidit, reliqui verò aufugerunt, & solus nudus stabat in medio illarum turbarum: erat enim dies festus qui tunc omnes congregabat. Et sicut malignus in medio malignorum denudatum in altum elevantes, suspenderunt, & viliter interfecerunt. Alius eum morientem, fientem & orantem subannabat, & irridebat dicens: Vah qui destruis &c: Alius eum contemnebat dicens: Multos alios salvos fecit, seipsum non potest &c. Alius vestem suam ludebat. Alius eum aceto & felle potabat, & offerebat morienti aquam ad bibendum humiliter postulanti. Et alius ipso mortuo latus lanceâ transfigebat, & quando de cruce depositus, nudus in terra iacebat & absque sepulchro, donec quidam quæsit ut tolleret, & sepeliret.

Alii querelam adversus eum divulgaverunt dicentes: Recordari sumus, quoniam seductor ille dixit. Alii resurrectionem occultaverunt, alii negaverunt. Et sic in vita, & in morte, & post mortem non fuit, nisi in continuo despectu, ignominia & vilitate: & hæc quæsit & toleravit; ut sic ad gloriam resurrectionis in quantum homo perveniret, & nos ad summam gloriam exaltaret.

Igitur



Igitur factus est nobis forma & exemplum, & doctor & magister, gloriolus DEI Filius, ut gloriam temporalem contemneremus, & non solum modò ipsam non quæreremus, sed etiam præsentatam & exhibitam refutaremus. Ipse enim nunquam gloriam propriam quæsiuit, sed gloriam sui Patris, imò potiùs repulit & contempsit, & humiliavit se de cælo usque ad pedes discipulorum, & exinanivit se, formã servi accipiens, & factus obediens usque ad mortem, mortem autem non qualemcunque sed turpissimam, & despectissimam, & acerbissimã scilicet crucis. Sed heu! prò dolor! quæ persona invenitur hodie, quæ diligit talem societatem, ut scilicet fugiat honorem, & diligit verecundiam, quæ habetur propter paupertatem, humilem statum, humile officium, & cætera humilia, & quæ velit esse annihilata, dejecta, & cõtempta, quin de bono quod habet, vel agit & facit, & loquitur, vel æstimat se habere, velit commendari & laudari, quin sequatur & applaudit adulatoribus! Veraciter unusquisque in viam suam declinavit, nec est usque ad unum, qui faciat bonum istud, & verè si quis est talis, hoc esse non potest, nisi sit conjunctus cum capite Christo per amorem verum, ut vivum membrum eius. Videndo enim quod Christus Rex suus & Magister & caput diligit, & vult talem societatem, & ipse vult similiter. *Hactenus*  
B. Angela.

4<sup>ta</sup> m. DE Ip̃sa, Forma Humilitatis: de qua S. Bonaventura ita differit: MARIA profundissima apud se fuit per humilitatem. Ipsa enim est MARIA, de qua dicitur in Luca: Dixit autem MARIA: Ecce Ancilla Domini. O mira & profunda humilitas MARIE! Ecce MARIAM Archangelus alloquitur, MARIA gratiã plena dicitur, superventio Spiritus sancti præmittitur, MARIA in Matrem Domini assumitur, MARIA iam omnibus creaturis anteponitur, MARIA iam Domina celi & terræ efficitur, & pro his omnibus non extollitur, sed in his omnibus mirã humilitate deprimitur dicens: Ecce Ancilla Domini. Propter hoc benè ait Beda sic. MARIA nequaquam se de donis cælestibus quasi à se hæc essent, extulit, sed ut magis magisque donis apta esset Divinis, in custodia humilitatis gressum mentis fixit, Angelo respondens: Ecce Ancilla Domini *lisabeth.*

D. Bonavent.

specul. c. 4.

Luc. l. d.

Beda Hom. in

off. de SS. de so-

la Deipa. qu. n-

do visita vit E-



Domini. Hoc est contra multos, qui in prosperis & honoribus, qui in gratiis & virtutibus non humiliantur cum MARIA & cum Christo, sed intumescunt cum Eva & Lucifero. Sed certè MARIA & humilitas, non solum in verbo, sed etiam in facto declaratur: non solum in verbo regalis responsionis, sed etiam in facto legalis purgationis: non solum in verbo, quo se humiliavit tanquam ancillam servitricem, sed etiam in facto, quo se humiliavit, tanquam ream & peccatricem: Ipsa enim est MARIA: de qua dicitur in Luca: Postquam impleri sunt dies &c. O dura & infelix superbia! ô superba & infelix duritia peccatoris! Ecce MARIA absque omni peccato legem subiit purgationis, & tu miser plenus peccatis non vis legem subire satisfactionis? Beatisima Virgo à S. Elisabeth ut Mater DEI agnita & salutata, totum DEO tribuit. Unde quoque dixit. Magnificat anima mea Dominum &c. Quia fecit mihi magna qui potens est, & sanctum Nomen ejus. Sibi verò suam abjectionem adscripsit dicens: *Quia respexit humilitatem.* (ex græco alii transferunt) *humilitatem ancillæ suæ.* Equidem Beatissimæ Virginis Humilitas eò post Christum profundior, quò ipsa post Christum super omnes creaturas dignior. Magis quippe idem actus humilitatis v. g. lotio pedum pauperum in Rege & Regina pretiosior & nobilior apparet, quàm in servo vel ancilla. Unde ob summam dignitatem Christi & Maternitatis Deiparæ, illorum quoque humilitas fuit summæ perfectionis præ humilitate omnium aliarum creaturarum. Nec ulla creatura vel per imaginationem ita se humiliare & vilificare &c. poterit, quantum Christus sive MARIA actualiter se humiliarunt & dejecerunt. S. Bernardus: MARIA quantò major erat humiliavit se, non modò de omnibus, sed & præ omnibus. Meritò facta est novissima prima, quæ cum prima esset, omnium novissimam se faciebat: B. V. *revel. c. 25.* ad S. Brigittam ait: Eadem humilitas est nunc in Filio meo, in potentia Deitatis suæ, sicut tunc fuit, quando reclinabatur in præsepio, jacens inter duo animalia &c. Sic etiam nunc sedens ad dexteram Patris audit omnes loquentes ad se cum charitate, & respondet per infusiones S. Spiritus &c. Similiter ego quæ sum mater ejus, ipsa humilis sum nunc in corpore meo, quod est super omnia, quæ

creata

Luc. 2. c.

S. Bern. in serm.

S. Brigitta lib.

revel. c. 25.



creata sunt exaltatum, sicut tunc fui, quando Iosepho desponsata eram. Et infra ad calcem capituli. Sicut ergo humilis, fui cognita soli DEO & Ioseph, sic etiam nunc sum humilis, sedens in sublimissimo throno parata præsentare DEO omnium orationes.

*Item Exempla Sanctorum.* S. Bernardus de S. Iosepho Sponso Beatissimæ Virginis vidente eam gravidam antequam convenirent, & voluit dimittere eam, ita discurret: Quare voluit dimittere eam? Accipe & in hoc non meam, sed Patrum sententiam. Propter hoc voluit Ioseph dimittere eam, propter quod & Petrus Dominum repellebat dicens: Exi à me Domine, quia homo peccator sum: propter quod & centurio à domo sua illum prohibebat cum diceret. Domine non sum dignus, ut intres sub tectum meum. Ita ergo & Ioseph indignum & peccatorem se reputans, dicebat intra se: A tali & à tanta non debere sibi ultra familiare præberi contubernium, cuius supra se mirabilem expavescebat dignitatem: videbat & horrebat Divinæ præsentia certissimum gestantem insigne, & quia mysterium penetrare non poterat, volebat dimittere eam. Expavit Petrus potentia magnitudinem: expavit centurio præsentia Majestatem, exhortuit nimirum & JOSEPH, sicut homo hujus tanti miraculi novitatem, mysterii profunditatem, & ideo occultè volebat dimittere eam. Miraris quòd Ioseph prægnantis se consortio Virginis judicabat indignum, dum audias, & Sanctam Elisabeth, ejus non posse ferre præsentiam, nisi cum tremore quodam & reverentiâ? ait namque: Unde hoc mihi, ut veniat Mater Domini mei ad me? ideo itaque voluit dimittere eam. Sed quare occultè, & non palàm? nè forte divortii causa inquireretur, exigere-tur ratio. Quid enim vir justus responderet populo duræ cervicis, populo non credenti & contradicenti? Si diceret, quòd sentiebat, quòd de illius puritate comprobaverat, nonne mox increduli & crudeles Judæi subsannarent illum, lapidarent illam? Quando namque veritati crederent tacenti in utero, quam postea contempserunt clamantem in templo? quid facerent, necdum apparenti, cui postmodum impias manus injecerunt etiam miraculis coruscanti? merito ergo vir justus, nè aut mentiri, aut diffamare cogeretur innoxiam, voluit occultè dimittere eam.

S. Bern. in

serm. super

Missus est.

Matth. 2.

Luc. 5.

Matth. 2.



Plura exempla humilitatis Sanctorum mox infra reperies.

*Praxis comparandi altissimam virtutem profundissimæ Humilitatis est.*

*Tract. de homil.* **P**rimò. Verissima suæ nihilitatis, indignitatis, ac vilitatis cognitio: quæ adeo est necessaria ad humilitatem, ut eandem S. Bernardus per cognitionem sui describeret dicens: Humilitas est virtus, quâ homo verissimâ sui cognitione sibi ipsi vilescit. Hanc tamen cognitionem sui Angelicus Doctor supra in explicatione definitionis dixit esse quoddam necessarium requisitum, sicut Regulam quandam directivam appetitus, in quo appetitui essentia-vitæ Patrum, liter humilitas consistit. Porro in vitis Patrum rogatus senex  
*l. 3. n. 121.* de medio humilitatis, respondit: si sua tantummodo & non alterius  
*l. 2. tra. 1. c. 1.* mala consideret. Praxis autem faciendæ & acquirendæ hujusmodi  
*sec. 4. subf. 1.* Cognitionis propriæ supra fusè est descripta.

*§ 7.* 2dò. Est cognitio infinitæ DEI excellentiæ, & bonitatis in hominem  
*Joan. Bolland.* profusæ (de qua fusè traditur in tertia parte hujus Theologiæ) Hinc  
*IV. Januar.* in B. Angela de Fulgino ait: Si in immensitate Divinæ bonitatis, & reverentia B. Angela, stræ cognitionis vos affirmetis, tunc necessarium est, quod pro fundamento  
*Psal. 41.* solam Humilitatem habeatis. Hinc juxta Psal. Abyssus humanæ indignitatis & miseriæ, abyssum invocat Divinæ dignitatis, immensæ bonitatis & misericordiæ, in voce cataractarum tuarum, id est in affluentia gratiarum cælestium mentem excitantium & implentium ad instar aquarum multarum ex magna abyssu Oceani impetu apertis cataractis in abyssum subterraneam ruentium, eamquæ adimplentium. Quod verò concernit Bonitatem DEI in hominem profundissimam, ut quidquid est homo boni, id totum  
*In tr. p. 3. c. 5.* sit DEI, ita S. Franciscus Salesius dixit: Nulla res potest tantum humiliare ante misericordiam DEI, quantum multitudo beneficiorum ejus. Quid si accedat propriæ ingratitudinis æstimatio, in quantam conjiciet abyssum humilitatis?

3tio. Consideratio solum bonorum, & nullorum malorum seu defectuum, in omnibus creaturis. Ita enim fiet, ut duplici motivo sequiturque humiliet infra omnes creaturas 1. propter defectus quos in se homo cognoscit, & propter carentiam defectuum quos in alia creatura considerare non debet. 2. propter



pter carentiam bonorum, quæ in se homo tanquam sua non considerat, sed tanquam aliena nempe DEI, & propter bona quæ in aliis creaturis videt & veneratur. Cujus ratio suprà data est ad initium sublektionis hujus.

Quod si ex officio vel charitate incumbit tibi aliena peccata & defectus inspicere: interius apud te quantum potes excusa ratione ignorantie, fragilitatis &c. Simul condole & desole alienam miseriam, quæ tibi potest esse communis, dicens: *Hodie illi, cras mihi.* Considera si fuisses in simili occasione, vel ita tentatus, aut non probè instructus, gravius multò ipse corruisses. Cogita te esse & isto & aliis omnibus pejorem peccatorem &c. Exterius tamen fac ea quæ à Sanctis & probis solent ordinariè adhiberi ad correctionem aliorum. Audi *S. Gregorium*: Solerter *S. Greg. in Past.* intuendum est, nè dum immoderatus custoditur virtus humilitatis, solvantur jura regiminis. Et dum Prælati quisque plus se, quam decet, dejicit, subditorum vitam sub disciplinæ restringere vinculo non possit. Teneant ergo Rectores exterius, quòd pro aliorum utilitate suscipiunt, servant interius, quòd de sua æstimatione pertimescunt. Sed tamen quibusdam signis decenter erumpentibus, eos apud se esse humiles, etiam subiecti deprehendant, quatenus in autoritate eorum, & quòd formidant, videant, & de humilitate, quòd imitentur, agnoscant.

4to. *Instantissima Oratio ad DEUM pro Humilitate.* Etenim ut *S. Theresia* inquit. Quando est Spiritus DEI, opus non est, ut quis investiget res ad inveniendam humilitatem & confusionem sui ipsius: siquidem Dominus diverso modo dat eam ab illo quo nos eam possumus acquirere consideratiunculis nostris, quæ nihil sunt, si conferantur cum humilitate & luce, quam docet Dominus, quæ generat confusionem quandam, à qua animus quodammodo deficit & annihilatur. *S. Laurentius Justinianus* dixit, neminem scire benè, quid sit humilitas, nisi qui à DEO accepit, ut sit humilis. In nullo enim tam falli homines, quam in vera humilitate cognoscenda.

5to. *Humiliatio, seu Exercitium internorum externorumque Actuum humilitatis.* De ejusmodi humilicatione præclare *S. Bernardus*: Hu-



humiliatio est via ad humilitatem, sicut patientia ad pacem, sicut lectio ad scientiam. Si virtutem appetis humilitatis, viam non refugas humiliationis, nam si non poteris humiliari, non poteris ad humilitatem provehi. Hujus autem efficaciam tres afferuntur causæ ab Ascetis.

S. August. tr.  
58. in Jo.

1. Quia ut S. Augustinus rectè advertit; cum ad Fratris pedes inclinatur corpus, etiam in corde ipso vel excitatur, vel si jam inerat, confirmatur ipsius humilitatis affectus.

Rodri. p. 2. tr.

2. Quia cum objectum præsens magis moveat sensum, actus quoque exterior magis movet voluntatem, quam sola virtutis

3. c. 23.

P. 3. constit. c.

1. Paragr. 13.

animo concepta desideria. 3. Quia accedente actu exteriori etiam actus interior fit intensior fortiorque. Hinc S. Ignatius magis obire, inquit, confert devotè quoad fieri poterit, ea munera obire, in quibus magis exercetur humilitas & charitas.

1. 2. tra. l. c. l.

sec. 4. subf. 2.

§ 2.

Vide quoque suprãdicta, & hic proportionatè applica.

### Actus Interni Humilitatis.

Ex via compendii Card. Bona c. 14.

1. **G**emma pretiosissima humilitas, quando te possidebo? quando tranquillitatem animorum Tibi obsequentium habebō? quando tuo splendore & pulchritudine ornatus ero?

2. No verim Te, no verim me, DEUS meus: quoniam in Te sunt omnia bona mea, & ex me nihil sum.

3. Hoc ex corde desidero bone JESU, hoc eligo, abjectus esse, & pusillus in domo tua, magis quam habitare in tabernaculis peccatorum.

4. Nolo Domine ut me homines laudent & honorent, quia omni laude & honore indignissimus sum; volo autem ad gloriam tuam despici, conculcari, & tanquam canis mortuus vilissimus reputari.

5. Latrones ipsi & sacrilegi, ô misericordissime Domine, perfectius tibi famularentur, si tot beneficiis ac donis eos cumulasses, quibus me benignissime affecisti.

6. Peccavi Domine, & non sum dignus aspicere altitudinem cæli præ multitudinem iniquitatum mearum.

7. Omnia animalia pro captu suo Tibi Domine appropinquant, sedulus ego infinita vitæ meæ turpitudine à Te recedo.

8. Unde mihi hæc insania DEUS meus, ut audeam gloriari tot pecca-



peccatorum reus, ob quæ potes hoc momento mittere me in gehennam?

9. Abjicio me Domine propter Te infra homines universos, quia vilior & contemptibilior omnibus sum, & pro tali haberi & tractari desidero.

10. Nihil aliud volo, nihil opto, altissime DEUS, nisi pati, & contemni pro Te, da mihi claram & veram mei notitiam.

11. Indignus sum Domine omnibus donis tuis ob vilitatem & ingrati- tudinem meam, indignus consortio hominum, propter sordes culparum mearum quasi pessimâ labe aërem ipsum inficio.

12. Utinam universi homines, æquissime DEUS, miserationem meam agnoscerent, & despicerent me, ac meam mihi indignitatem exprobrarent, ut spernerer propter Te.

13. Domine non sum dignus calcare hoc pavementum, per quod transeunt tot servi tui, quibus comparatus vermis sum, & non homo, opprobrium hominum & abjectio plebis.

14. Absit à me Domine ut exelimum ambulare in magnis, & in mirabilibus super me, Magna enim est abyssus fragilitatis, & nihili mei; nihil sum, nihil possum sine Te.

15. Fac me DEUS, tanquam pavementum mundi, ut ab omnibus conculcer, & indignissime traher, quia sic exigunt peccata mea.

Vide quoque Actus humilitatis suprâ sub praxi meditationis, tum post Cognitionem sui ipsius ex Nierenbergio. I. 2. tra. I. c. 1. sec. 4. subs. 1.

§. 3.

### Actus Interni & Externi Humilitatis.

Actus humilitatis suprâ in gradibus humilitatis enumeratos aliquos in sequentibus fusius illustramus, aliquos eisdem ad- jicimus, ut adinvicem possint referri.

### Prima Classis Actuum internorum, & externorum.

#### Humilitatis.

Cognoscere & judicare se ex sua parte esse Nihilum boni Metaphysicè, & Moraliter: Et omne quod fuit, est, & erit, & potest esse boni, à DEO habere. Utque talis esse ab aliis credatur, & ut decet nihilum boni ab iis tractetur, (sicut & seipsum tractet) ex intimo cordis cu- pè, verbo factoque, vel quovis alio modo procurare; DEUM, Beatissimam

Virginem



Virginem, Calites pro hoc orare, nec non adepto hoc desiderio & sine gaudere. gratias agere DEO, hominibus aliisque creatis.

S. August. super Psal. 84.

S. Augustinus inquit. Felix est cui ostendit DEUS misericordiam suam. Ostendendo enim misericordiam suam, persuadet illi, quia quidquid boni ille homo habet, non habet nisi ab illo: quia omne bonum nostrum ipse est. Et cum hoc viderit homo, videt quia totum, quod in se laudatur, de misericordia DEI est, non de meritis suis. Videndo ista, non superbit; non superbiendo, non extollitur: non se extollendo, non cadit: non cadendo, stat: stando inhæret: inhærendo manet: manendo, perfruitur & letatur in Domino DEO suo.

*Secunda Classis Actuum Humilitatis internorum,  
& externorum est.*

**C**ognoscere & estimare se infra omnes peccatores, infra ipsum quoque Luciferum & Antichristum pejorem peccatorem esse, sequi ut pessimum peccatorem tractare, atque, ut talis ab aliis credatur & tractetur intimo cordis affectu desiderare, verbis, & quomodo aliter potest ab extra procurare: DEUM, & B. V. Calites pro hoc implorare: Atque ex obtento desiderio exultare, DEO gratias agere, hominibus, creaturis.

S. Greg. lib. 12.

Regest. respon.

&c.

Doct. 2.

In Psal. 3. poe-

nit.

lib. 22. moral.

c. 14.

In Reg.

Lanciz. opus.

8. c. 7.

Lib. 2. rcvel.

c. 33.

S. Gregorius inquit: Bonarum mentium est etiam ibi aliquo modo culpas suas agnoscere ubi, culpa non est.

S. Dorotheus ait. Humilitatis filia est sui ipsius accusatio. Et juxta S. Gregorium. Hæc sunt veræ humilitatis testimonia, iniquitatem suam agnoscere, & cognitam voce confessionis aperire, & enuntiata poenitentia satisfactione delere. Hinc alibi ait: Summopere curandum esse, ut mala quæ fecimus & sponte fateamur, & hæc aliis arguentibus non negemus. Ipse certe de se dixit: Ab omnibus corrigi, ab omnibus emendari paratus sum, & solum mihi amicum assumo, per cuius linguam ante districti Judicis apparitionem meæ maculas mentis tergo. sed & latro quidam cum gravissima vitæ suæ peccata Abbati in confessione explicasset, iussus ea coram 230. Monachis repetere, promptissime id fecit. B. Virgo ad S. Brigittam dicebat: Filia fuge ad mantellum humilitatis meæ, & cogita te peccatricem super alios: quia etsi videris aliquos malos, nescis quid eis cras futurum est.

Nescis



Nescis etiam quâ intentione & quâ scientiâ hoc faciunt, utrum infirmitate an industriâ. Ideo nullis te præferas, nulloque in corde tuo debes judicare. Quid dolorosius apud mundiales, quàm injuriam suam dissimulare, & omnibus se credere & tenere indigniorem? Talis erat ô Filia humilitas mea. *Massæus S. Chron. p. 3. lib. 1. c. 3.* Francisci locius, cum Fratres coram eo collationem de humilitatis virtute instituissent, dixissentque extitisse quendam D E I amicum omnibus virtutibus abundantem, & tamen peccatorum se maximum æstimantem; & crevisse hac ratione in supernaturalibus donis, adeò captus est amore hujus virtutis, ut se voto obstrinxerit, quòd nunquam velit quiescere, donec illam humilitatem in animo suo sentiret adesse. Hinc perpetuò in cella manebat, gemens & inferno se dignum existimans, ut tantam acquireret humilitatem. Dum ergo per dies multos sic mansisset fame & siti se enecans, accidit eum sylvam ingredi, & post multos clamores hæc suspiria edere: *Domine, Domine, veram humilitatem impertire.* Tum Dominus cælitus eum sic compellavit. Frater Massæe, Frater Massæe, ille respondit: Domine mi: Et Dominus ad eum: Quid vis dare ad hanc gratiam possidendam? Et Frater Massæus respondit: Oculos capitis mei. Et Dominus ad eum: At ego volo, ut oculos & gratiam habeas: quo audito Massæus tantâ se humilitate & jubilo perfusum sensit. ut præ cunctis hominibus se minimum reputaret. *S. Franciscus S. Bonav. in vita c. 6.* se peccatorem maximum dixit: ob quam causam frater quidam vidit, eidem coronam in cælis maximam præparatam. *S. Clara Vita p. 2. c. 7.* sæpè suis monialibus dicebat: O Sorores! si me cognosceretis, potius me abominarentur, non enim sum talis ut puratis, sed Fœmina cōfusione plena, & omnium pessima. Et Confessariis suis suadebat, ut eam haberent pro vilissima totius mundi creatura; quod cum non posset illis persuadere, sed ab iis pro sancta prædicaretur, adeò hac re affligebatur, ut sæpius Confessarios eam ob causam mutaverit, optando invenire aliquem, à quo pro fœce terræ haberetur. *S. Philippus Neri* magno affectu se maximum totius mundi peccatorem dicebat, ideoque coram DEO protestabatur: Domine, cave à me hodie, nam Te prodam, & omnia scelera patrabo, nî me custodias. Aliàs dicebat: Vulnus lateris Christi est magnum, sed nisi me D E U S teneret majus infligerem.



*Tercia Classis Actuum Humilitatis internorum, &  
externorum, est.*

**C**ognoscere & sentire in veritate se esse omnibus creaturis minimum, inferrimum, vilissimum, sequè, ut talis à cæteris credatur, desiderio, dictis, factis, gestis ostendere.

*Thomas Kempensis ait.* Non reputes te aliquid profecisse  
*Lib. 2. c. 2.* (in humilitate) nisi omnibus inferiorem te esse sentias. Hoc  
ipsum suavitè servator illis verbis: Cum vocatus fueris ad nuptias, recumbe in novissimo loco: ut quemadmodum S. Bernardus  
discurrit, solus omnium novissimus sed eas, tequè nemini non  
dico præponas, sed nec comparare præsumas. Quia non est pe-  
riculum, quantumcunque te humiles, quantumcunque mino-  
rem reputes, quàm sis: est autem grande malum, horrendum  
que periculum, si vel uni in tua te cogitatione præferas.

*Quarta Classis Actuum Humilitatis internorum, &  
externorum, est.*

**C**ognoscere & judicare in veritate se esse infra omnes indignissimum  
omni bono naturali & supernaturali, idque ipsum ab aliis de se credi  
desiderare, & verbis, factis, gestis persuadere. Atque ipso facto bonis ex-  
ternis sive temporalibus quantum licet, & est possibile, priveris, tanquam  
eorum indignus, exoptare & procurare apud DEUM & homines: atque  
ex assecutione intentionis hujus gaudere.

*S. Gregorius ait:* Cum Divinis muneribus actus proprios  
meditare: nec dignum te judicabis eo, quo frueris, si intelliges  
*Idem lib. mor- quod mereris. Et iterum: Sancti viri quò altius apud DEUM in*  
*tal.* virtutum dignitate proficiunt, eò subtilius indignos se esse de-  
prehendunt: quia dum proximi luci fiunt, quidquid eos in se-  
*In Epist.* ipsis latebat, inveniunt. S. Ignatius Martyr ad Romanos scripsit. Me-  
pudet de illorum numero dici; non enim dignus sum, cum no-  
*Tympius. in visissimus eorum sim, & abortivum quodpiam. Et ad Ephesos: Ro-*  
*spec. signo. 107.* mam victus abducor novissimus fidelium eorum, qui ibi sunt,  
*n. 3.* qui ad honorem DEI has gestare catenas dignus habitus sim.  
S. Ephrem Syrus Basilium invisens, ab eoque Divina revelatione  
cogni



cognitus, & sacerdos ordinatus nunquam adduci potuit ut sacrificaret. *Celestinus V. Pontifex* post ordinem à se institutum tam sanctè vixerat, ut post totius biennii dissensionem, in illum unum & absentem Cardinalium vota conspirarent, cujus etiam consecratio plurimum quàm 200000. hominum concursu celebrata dicitur. Ipse tamen vix mense quinto exacto, nequicquam Carolo Rege, & populo Neapolitano deprecantibus eo honore se iterum abdicavit, pristinaquè quieti se dedit. *S. Petrus Damiani* diu Cardinalis & Episcopi Hostiensis munere functus, ad pristina se Monachorum studia recepit, & scripto egregio facti sui rationem reddidit. *S. Bernardus* à tribus opulentis civitatibus in Archiepiscopum electus nunquam adduci potuit, ut eam dignitatem admitteret. *S. Dominicus* quatuor Episcopatibus recusat mori se malle ajebat, quàm ejusmodi onere gravari. *Alexander Philosophus* ut honores fugeret, carbonarium tam diu egit, donec Divino instinctu Comanæ civitatis Episcopus electus est. *S. Gregorius Magnus* in Pontificem electus, nec precibus nec incrementis omnium ordinum consensu moveri potuit, ad acceptandam dignitatem, cumquè exitum omnem obseptum videret, in dolio exportari se fecit in vicinum montem, & in antro latuit, sed columnæ igneæ proditus indicio, & in latebra deprehensus, dignitatem acceptare coactus est. *S. Augustinus* de se ipso scripsit: Usque adeò timebam Episcopatum, & quoniam coeperat alicujus momenti esse fama mea, in quo loco non esse Episcopum sciebam, nè illò accederem, caverem. Et hoc agebam quantum poteram, ut in loco humili salvarer, nè in alto periclitarer. Hæc sunt Exempla Sanctorum, qui honores & bona hujus mundi tum ex aliis motiis, tum maximè ex humili de se ipsis sensu fugiebant, indignos se eis aestimantes. *S. Magdalenz de Paz* Inter omnes peccatores censebat se esse pessimam dicens: Si me DEUS suâ gratiâ non sustentâssent, gravissima scelera totius mundi ego fecissem. Deinde minimum defectum, pro maxima arbitrabatur ingratitude contra DEUM addens: quia si aliqua alia accepisset à DEO tam multa beneficia sicut illa incomparabiliter gravior esset pro illis. Insuper aestimabat se esse causam omnium defectuum qui in Claustro accidebant: imò dicebat se esse fontem omnium mundi peccatorum.

*Ibidem n. 4.**Ibidem n. 5.**Sur in vit. 20.**Aug.**Tympius li. c.**Ale Digni. III. 2.**S. Gre. Nyss. in**rebus gestis.**S. Greg. Thau.**Tymp. l. c. n.**23.**De Div. serm.**s. t. 9.**In vita ejus.*



Igitur in quadam extasi dum deflisset malitiam peccatorum, dicebat contra se. Ego sum totius mali causa, ideo veniat super me iustitia, & super illos misericordia. Deinde, cum vidisset in revelatione animas in poenis purgatorii, dicebat ex humilitate. O me beatam! si non profundius infra abyssum purgatorii mansero demerita! Propter eandem humilitatem fiebat, ut dum in præsentia superiorum consistere deberet, tunc omnibus membris tremebat, interrogataque quidnam adeo metueret, respondit: Quod metueret tanquam indigna stare in loco tam sancto, & ne ejiceretur ex illo, putando libi ad aurem semper hæc dici: Recede procul, abi ex loco tam sancto, recede ex casta societate ipsorum JESU; quoniam illa es indigna. Prout etiam ita sentiebat se esse indignam communitate aliarum, ut in quolibet loco, in quo congregabantur sorores, cum tali humilitate staret, ut oculos in alias levare noluerit ex timore. Cum verò à Matre superiore vocaretur, statim tanquam rea procidebat ad pedes ejus, expectans cum magna humilitate admonitionem & poenitentiam pro culpa. Videns verò se non alienatam à communitate Monialium, pro magno id habebat beneficio à DEO. Igitur semel chorum cum illis ingrediens, ita ad quandam dixit Novitam: O soror! & quid boni aliquando fecimus, vos & ego DEO pro tali ejus servitio, quod tactæ simus dignæ suscipi in societatem talium Matrum & sororum, ad laudandum eum? & pro tam magno beneficio quid ipsi retribuemus?

*Quinta Classis Actuum Humilitatis interiorum,*

*& exteriorum est.*

**C**ognoscere & credere in veritate se esse dignissimum omni vilitate, malo, poenâ, odio, contemptu; & hoc ipsum ut ceteri quoque de te sentiant, desiderare, ac dictis, factis, gestis, ostendere: Necnon quantum fas est, omni genere malorum, odii & contemptuum se se persequi; & ipso facto ut summè affligaris & deprimaris ab aliis cupidissimè exoptare, & procurare

*Lanciz. opusc.*

*3. c. 1.*

apud DEUM & homines: & dum sit hoc, de ipso latari.  
S. Magdalena de Pazis iudicio, humilitas nihil aliud est, quam continua cognitio sui non esse, & continuum gaudium in omnibus

bus



bus illis rebus, quæ possunt inducere ad sui contemptum. *S. S. Bernard. serm. Bernardus ait; Considera in his verbis (Discite à me quia mitis sum & humilis corde) quoniam humilitas duplex est, altera cognitionis, altera affectionis, quæ hic dicitur cordis. Priore cognoscimus, quod nihil sumus, & hanc discimus à nobis ipsis, & ab infirmitate propria; posteriore calcamus gloriam mundi; & hanc ab illo discimus, qui exinanivit semetipsum, formam servi accipiens: qui etiam quæsitus in regnum, fugit; quæsitus ad tanta probra, & ignominiosum crucis supplicium, sponte obrulit semetipsum. Idem inquit: Humilis, vilis vult reputari, non humilis prædicari: gaudet contemptu sui, hoc solo superbus, quod laudes contemnat. S. Ignatius Loyola: Quemadmodum enim, inquit, mundani homines, qui ea quæ mundi sunt sequuntur, diligunt, & quærunt magna cum diligentia honorem, famam, magni hominis æstimationem in terra, sicut mundus eos edocet: sic qui procedunt in spiritu, & serio Christum Dominum nostrum sequuntur, amant & ardentem exoptant ea, quæ iis omnino contraria sunt, indui omnino eadem veste ac insignibus Domini sui pro ipsius amore ac reverentia aded, ut, si sine offensione ulla Divinæ Majestatis, & absque proximi peccato foret, vellent contumelias, falsa testimonia & injurias pati, ac stulti haberi, & æstimari (nullâ tamen ad id per eos datâ occasione) eod quod exoptent assimilari & imitari aliquo modo Dominum nostrum JESUM Christum, ejusque vestibus & insignibus indui. Quanti autem faciendus sit hic gradus, indicavit *Leu-ventius Justinianus* dicens: Non est tantæ virtutis honores contemnere, quam contemptum apperere. Plus enim est, ut malè affici negligas, quam ut benè affici non cupias. Cæterum, illud summæ perfectionis est, ut malè affici desideres.*

Quoad vilitatem rerum, & officiorum, ut ea apperet humilis, audi *S. Dorotheum*. Etenim ut ait ille: Anima disponitur ab his quæ parantur in corpore, sequiturque habitum corporis. Aliter enim v. g. disponitur anima insidentis in asino, aliter sedentis in throno, aliter optimis vestimentis induti, aliter pannosi. Verbo, humiliato corpore, humiliatur & anima. Ut autem ejusmodi officia plus æstimentur, & alacrius assumantur, intelligendum est

R rrr 3

inquit

*S. S. Bernard. serm. 4. de Adventu**Idem serm. 16 in Cant.**C. 4. Exer. pagr. 44.**In vita S. Leu-vent. Just.**Serm. 74*



*Constit. monast. c. 4.* inquit S. *Basilius* debere pietatis cultorem viliora etiam officia, magno cum studio, magnaquæ cum alacritate suscipere, scientem nihil minutum esse, quod DEI causâ fiat, sed grande & spirituale, & ejusmodi, quod cælum nobis & præmia cælestia conciliet.

*Psal. 21.*

*Isai. c. 53.*

*Exempla Amatorum sui contemptus.* Christus: in cuius persona *Propheta* ait: Ego autem sum vermis & non homo, opprobrium hominum & abjectio plebis. Et *Isaias*: Non est species ei neque decor; & vidimus eum, & non erat aspectus, & desideravimus eum. Despectum & novissimum virorum, virum dolorum & scientem infirmitatem, & quasi absconditus vultus ejus & despectus: unde nec reputavimus eum. Verè languores nostros ipse tulit, & dolores nostros ipse portavit: & nos

*Act. 5. v. 41.* putavimus eum quasi leprosum, & percussum à DEO, & humiliatum. *Act.* ibant Apostoli gaudentes à conspectu concilii, quo-

*1. Cor. 4. v. 10.* niam digni habiti sunt pro nomine JESU contumeliam pati. Et *Paulus Apostolus* ait: Nos stulti propter Christum, vos autem prudentes in Christo, nos infirmi, vos autem fortes, vos nobiles nos autem ignobiles, usque in hanc horam elurimus & sitimus, & nudi sumus, & colaphis cædimur. & instabiles sumus &c. tan-

*Vit. p. 2. c. 23.* quam purgamenta hujus mundi facti sumus, omnium peripsēma usque adhuc. S. *Clara* si audiebat, à multis se infamari, læto vultu gratias agens DEO dicebat: Laudetur DEUS, verè confiteor, malè meritò de me loqui eos: cum non reperitur persona supra quam possint cadere omnia vituperia mundi, quàm supra me. *Aliud.* B. *Joannes Crucius* primus Carmelitarum exalceatorum parens, dum multis exhaustis laboribus & ærumnis, Segobia cum DEO familiariter loqueretur, sequè ab eo interrogari perferensceret quod præmium pro his laboribus peteret? respondit: Domine, pati, & contemni pro Te.

### *Sexta Classis Actuum Humilitatis internorum, & ex-*

*ternorum, in diversa materia.*

1. **E**X cognitione infinitæ indignitatis & vilitatis suæ infra omnem creaturam, DEO se & hominibus propter DEUM subicere. Hinc D.

Tho.



Thomas ait: Humilitas dupliciter spectatur. Imo ut virtus quædam generalis, quatenus facit hominem verè subjectum ordinationi iustitiæ præsertim legalis in universali quoad omnia: Quilibet autem alia virtus quantum ad aliquam materiam specialem. 2do Ut virtus specialis, quatenus præcipuè respicit subjectionem hominis ad DEUM, propter quem etiam alii humiliando se subicit. Petrus Apostolus monet: Humiliamini ergo sub potenti manu DEI. 2. Pet. 15. v. 6. Et hic ferè primarius est humilitatis actus teste S. Ambrosio, dum ait: In eo proprietatem ipsius definimus, quod per omnia DEO subditur. Idem Apostolus: Subjecti estote omni humanæ creaturæ propter DEUM. Neque enim ut benè advertit S. Ambrosius, est humilitas, quod facere debes necessitate; verum autem est quando cedimus iis qui nobis videntur esse minores, & eos veneramur, qui nobis magis videntur indigni, quàm nos.

Porrò hæc subiectio vel maximè fit per simplicem & cæcam Obedientiam; cuius exemplar è pluribus nobilissimum legitur fuisse Beatus Paulus, dictus Simplex, discipulus S. Antonii. Hic ergo Paulus omne dictum S. Antonii tanquam præceptum Domini servare instituens, cuncta punctualiter exequabatur. Iussus enim persistere in oratione, indefinenter orabat & nusquam penitus movebatur, sed stabat in æstu diei & rore noctis, ut nè parvo quidem loco moveretur. Iussus silere, silebat nec omnino aliquid loquebatur. Deinde probando ejus obedientiam S. Antonius multa ei præcipere solebat, quæ ratio, & causa non poicebat: Haurire namquæ aquam aliquando eum jus sit ex puteo, & in terram totâ die effundere; & contextas sportellas resolvere, ac denuo texere, & vestimentum suere, atquæ iterum rursus resolvere: & in pluribus hujusmodi exercitiis ab eo memoratis imbutus est, ut in nullo prorsus etiam eorum, quæ contra rationem imperari videbantur, disceret contradicere. Ita per hæc omnia informatus, brevi ad Perfectionem venit. Ex cuius exemplo docebat B. Antonius, quod si quis velit velociter ad perfectionem venire, non sibi ipsi fieret magister, nec propriis voluntatibus obediret, etiam si rectum videatur esse, quod velit: sed secundum mandatum Salvatoris observandum esse, ut ante omnia unusquisque abneget seipsum sibi, & renuntiet propriis

V. D. Tho. 2. 2.

q. 161. a. 1. ad

5. &amp; a. 5.

2. Pet. 15. v. 6.

Lib. 10. Epist.

84.

Epist. 84. l.

2. 10.

Ex vitis Pa-

trum in vita

Pauli simpli-

cis.



*Ibidem.*

priis voluntatibus.)) Denique idem B. Paulus Obedientiæ & simplicitatis merito ad tantum spiritualium gratiarum culmen ascendit, ut multò plura & potentiora per ipsum Dominus, quàm per S. Antonium faceret. Hinc si quos S. Antonius curare non posset, hos ad Paulum tanquam ad prolixiorum sanitatum gratiam habentem mittebat, & ab illo curabantur.

*Rodrig. p. 2.  
tr. 3.*

II. Beata Virgo cuidam Monacho apparens, præcepit, ut si dæmonem vincere vellet, uteretur humilitate in victu, cibos vilissimos eligendo: in vestitu, vestes quærendo obsolescissimas: in muneribus ambiendo infimas; felicem se judicando si quid ei obtingeret, à quo cæteri abhorrerent.

*Vita p. 4. c. 33.*

III. B. Maria Magdalena de Pazis etsi nunquam peccatum mortale commiserit, nec alia gravia venialia, tamen communicatura timebat, nè eam terra absorberet. Existimabat enim se dæmonibus similem, indignam Virginitatis aureolâ, & quæ DEO purè serviret, indignam omni gratiâ & dono cælesti. Omnes sorores putabat perfectas, se solam imperfectam, omnes laudabat, terramquæ quam calcabant, osculabatur. Novitias etiam sibi subditas venearbatur ut obstupescerent, ita se honorari à Magistra sua. Minimum defectum tanquam ingratitudinem maximam detestabatur. Judicabat se causam esse omnium defectuum, qui in monasterio committebantur, & omnium totius mundi peccatorum, ideoquæ DEVM rogabat ut illis parcendo, contra se poenas justitiæ suæ exerceret, mirabaturquæ quòd eam DEUS Angeli & sancti tolerarent, quòd terra non dehisceret, & vivam absorberet: timebat, nè Monasterio tanquam indigna ejiceretur, ideoque vix oculos elevare audebat, quando cum aliis loquebatur. Ad chorum si eundum fuerat, cum tremore ibat metuens nè ejus peccata aliorum preces DEO minus acceptas redderent, & pro magno miraculo habebat, quòd à DEO admitteretur ad laudes ei persolvendas. Morti autem proxima dicebat, se tolli à DEO, nè ejus causâ si viveret, gravi aliquo supplicio mundum, ut ipsa merebatur, afficeret. *S. Thomas Cantuariensis Episcopus* quotidie tredecim pauperes convocabat, eisquæ genuflectens pedes lavabat, discumbentibus ministrabat, abeuntes cum donis dimittebat. *Aliud Gallicanus Constantini*

Augu-



Augusti gener, prius Romani Dux exercitus, omnibus amoris Christi contemptis, in Monasterio servi officio functus est, pauperum pedes lavabat, pavimenta verrebat.

IV. S. Hieronymus non modo puerulos grammaticam docuit, sed etiam jam senex ad Latam scripsit: Ipse si Paulam miseris, Magistrum me, & Nutricium spondeo, gestabo humeris, balbutientia senex verba formabo, multo gloriosior mundi Philosopho, qui non Regem Macedonum Babylonio periturum, veneno, sed Ancillam & sponsam Christi erudiam, regnis caelestibus inferendam. Joannes Gerson Monachus Ordinis Caestianorum, & postea magnus Parisiensis Academiae Cancellarius, non dubitavit se ad puerilem Cathecheseos institutionem demittere, omnibusque eam ob singularem utilitatem commendare. *In Epist. ad Laetam.*

V. Otto Bambergensis Episcopus, cum apud suos in magna estimatione se esse, & a toto Clero ac populo cum hymnis & canticis solemniter in urbem receptum esse videret, desertam Diocesim suam in Pomeraniam ad annunciandum illi genti Evangelium fugit, ubi licet deterrimè habebatur, & luto sordidabatur, tamen a praedicatione non cessavit, sed humilitatis & patientiae exemplo praedura pectora tandem emolliens ad fidem traduxit. *Tymp. fig. 107. n. 12.*  
*Aliud.* S. Dominicus cum Tolosae multum acceptus esset ob conciones, Carcassonam ubi potius eum irridebant & persequabantur Auditores, se contulit, rogatusque cur id faceret? respondit: Quia Tolosae multi me honorant, Carcassonae verò multi contradicunt. *Aliud.* S. Hilarion magis expavescebat fluctus humanarum laudum, quam ingruentes gurgites vastissimi pelagi exundantis. *Tymp. in spec. mag. fig. 107. n. 1.*  
*Ibidem n. 3.*  
*S. Hieron. in vita.*

VI. Benedictus XI. infimo genere natus, cum Proceres Matrem pretiosis vestibus ornatam ad ipsum duxissent, noluit eam agnoscere & recipere, donec viles vestes indueret. *Tymp. in spec. magno fig. 104.*  
*Aliud. n. 1.*  
 Sixtus V. obscuris natalibus ortus, per jocum dicebat se ex illusterrima domo originem ducere: eam enim in qua ipse natus sit, per mille rimas & scissuras, solis lumine admissa totam uno momento illustrari. *Ibidem n. 3.*  
*Aliud.* Willicundus Archiepiscopus Mogunri-  
 nus, quamvis esset primus Elector, tamen quia fuit Plaustrarii Filius ob summan Principis dignitatem minimè elatus, plaustra-



riam rotam in omnibus conclavibus & mensis pingi fecit, addito symbolo: *Cogita Willuande, quisnam fueris, & quis modo sis.* Quæ causa fuit, ut postea Henricus Claudus, Imperator permitteret, hanc rotam insignibus Archiepiscopalibus interî.

Vita lib. 6. c. 8.

VII. S. Franciscus Xaverius se nequissimum omnium mortalium judicabat. Proficiscens in Europam, sociorum e-

Lib. 1. Epist. 1.

quos curabat, Coæ Episcopi genibus adolvebatur ipse Legatus Apostolicus. Sui Contemptor unicus, non minus laudem & honorem, quam alii vituperationem & dedecus horrebat. A Sociis

Epist. 5.

Vita lib. 7. c. 7.

petiit ut ipsum docerent modum Ethnicos convertendi. Ibident se vocat pulverem, cinerem, omnium perditissimum: ait etiam sibi revelatum à DEO, sociorum precibus & meritis permotum, dare ei tantam gratiam. Nè ob miracula patrata magnifieret, partim ex iis locis profugit, partim rogavit, ut miraculum tacerent, partim ipsorum agrorum, puerorumque, quos mittebat,

Vita lib. 6. c. 8.

fidei ea adscribebat. Negabat quemquam germanum Societatis alumnum esse, ac DEO fideliter operam navare, nisi contemptorem sui, & de ipso suisque rebus abjectè demisseque sentientem. Ad Goanos scribens agebat: Oro vos atque etiam obtestor, ut in objectis atque humilibus officiis dæmonem egregiè superare nitamini. Et iterum: Diligenter colite humilitatem, atque in omnibus rebus, à quibus natura abhorret, vos ipsi vincite.

Lib. 3. Epist. 5.

VIII. Franciscus Suarez cum ad summum literarum famæque fastigium pervenisset, candidè fatebatur, nullâ animi elatione se moveri: quod sciret, plurimos esse rusticos, qui doctiores evasissent, si iisdem à DEO auxiliis fuissent adjuvi. Indignum se agebat, qui infimi coqui munus obiret. Magister & oraculum cum esset, sæpè tamen suos Discipulos consulebat, suos libros eis censendos offerebat, & si quid in illis censurâ dignum judicarent, pari facilitate mutabat. Gravisimas persecutiones, quibus apud Pontificem, ut novitatis amans, & temerarius accusabatur, tam patienter ferebat, ut nunquam vel unicum amarulentum verbum, aut vindictam redolens reponeret.

Cornel. in E-

pist. ad Cor. fol.

22.

IX. Jacoponus vir nobilis & literatus rogatus à Christo sibi apparente, cur stulticiam sic amaret? piâ simplicitate respondit; Quia tu stultior me fuisti Domine.

X. Hu-



X. Humilis frater à deceptione diaboli, in specie Gabrie- *Spec. exemo.*  
lis apparentis liberatur, quia dixit: Vide ne ad alium missus sis. 70.

De Manasse sic loquitur S. Climacus: Invenio Manassem illum *Grad. 25. 12.*  
inter homines ceteros amplius & perniciosius peccasse, tem-  
plumquè DEI ac Religionem omnem profano cultu idolorum  
coinquinasse: pro quo si mundus totus jejurasset, nullam scele-  
ribus ejus poenitentiam dignam inferre potuisset, valuit tamen  
humilitas insanabilia ejus vulnera curare.

XI. Virgo quædam stultitiam simulans, cum diu dome- *Vita PP. l. 5.*  
sticis in Monasterio ludibrio fuisset, tandem per Episcopum ma- *15. n. 19.*  
nifestata, & aliis in virtutum Exemplar proposita est. S. Magda- *Lanciz opus.*  
lena de Paz vidit quondam B. Virginem tenentem vas pretiosum, *8. c. 2. n. 5.*  
liquore caelestium donorum plenum, & dicentem: Iste liquor  
purus, attractivus, dulcis & delicatus datur illis, qui relinquunt  
sapientiam & prudentiam humanam: illum attrahunt illi, qui  
magno zelo appetunt justitiam & puritatem cordis, & illi, qui  
facti sunt stulti propter Christum.

### *Actus Humilitatis.*

*Selecti à Libello aureo Punctorum Humilitatis piissimi viri Adami  
Trebnic Abbatis Olivensis S. O. Cisterciensis.*

I. **C**harissime, qui ardes desiderio adipiscendæ pretiosæ &  
inestimabilis gemmæ humilitatis, quæ veræ Sanctitatis  
certissimum est pignus: Primum, Silentii quàm altissimi &  
prorsus Anachoretici debes esse observantissimus; ut vix præ-  
sumas medium os aperire ad exponendum res necessarias.

2. Humili & leni voce, quasi timidè loquaris: credendo  
te indignum esse, qui debeas loqui: vel talem, qui nescias quid-  
quam ad rem proferre.

3. Cave tanquàm pestem animæ tuæ, loqui audacter, &  
presumptuosè, vel quod præferat aliquam elegantiam: loqui  
etiam graviter & imperiosè, vel quod auctoritatem redolet:  
loqui exquisitè, & altâ voce: loqui hilariter & jocosè: loqui ta-  
lia, e quibus videaris pius, Sanctus, doctus, aulicus, vel magnæ  
familiæ, nobilis originis, vel honoratus in seculo aliquando; vel



habuisse negotia magni momenti; vel fuisse familiarem magnis viris; vel fuisse amatum à probis, aut alià quâvis prærogativâ eximium.

4. Vide, ut diligentissimè exhibeas omnem honorem & reverentiam, quocunquè modo vel signo potes, non tantùm superioribus tuis, sed etiam coequalibus, imò & inferioribus, semper magis quam teneris, te inclinando. Et in præsentia superioris tui nunquam sedere præsumas. Eligas temper inter alios omnium infimum & ultimum locum; & semper deteriorem partem omnium rerum, & commoditatum capias.

5. Nè cesses unquam accusare, & acerbè reprehendere reipsum, animadvertendo & observando semper omnes actiones tuas etiam meliores quasque, quàm multis nimirum imperfectionibus sunt permixtæ, & multis malis. Quare indefinenter asperrimè te increpa, cum quadam ira implacabili. Hæc sui ipsius continua accusatio, est vera origo humilitatis, & totius perfectionis spiritualis.

6. Diligenter tibi caveas, non secus quàm à maximo peccato, nè alios iudices ullo modo: sed quidquid illi fecerint, aut dixerint, in meliorem partem interpreteris, sollicitè apud temetipsum inquirendo rationem & inveniendò, quo eos excuses, non aliter, quàm si esses ipsorum Advocatus. Quod si id præstare nèqueas, ob rem prorsus evidentè malam, nihilominus tamen apud temetipsum eosdem excuses, quantum potes; conjiciendo vel in deceptionem animæ ipsorum, vel in vehementiam tentationis, vel in malitiam diaboli, vel quid simile. Deniquè averte mentem tuam ab istorum cogitatione. Hoc præceptum est alter fons, quo abundè scaturit vera humilitas. Quàm diligenter illud observa.

7. Non contradicas aliis, nec in disputationem aut controversiam cum ullo unquam descendas: sed cum tua opinio non probatur, cedas modestè, silentium tibi imponendo.

8. Si à quopiam injuriam qualemcunquè accepisti, non expectes ut ille agnoscat culpam suam, & à te condonationem postulet aut deprecetur: Sed potiùs ac si tu illi intuleris injuriam, prævenias eum, tequè coram ipso humilies, & ab eo condonati-

onem



onem petas, eò quòd occasionem ipsi fortassis dederis commotionis & iracundiæ, omnem causam in te conjiciendo, & illum excusando.

9. Si aliquis est qui præ reliquis omnibus tibi affectus non sit, teq; variis injuriis divexet, detractionibus aut calumniis oneret quocunque tandem modo: eum tu habe tanquam Angelum DEI, per quem misericordiam suam tibi DEUS largitur ad curandam animam tuam à vulneribus superbiæ. Ergo ipsum veneraberis tanquam singularem tuum benefactorem.

10. Sufferas benignissimè omnes infirmitates, & defectus aliorum: è contra nullo modo desideres, ut tuæ infirmitates à quoquam supportentur.

11. Cum contingeret vel existimabis te benè fecisse alicui, non expectes ut par tibi referatur: sed persuasum habe, te ad id præstandum obligatum fuisse ex officio: ille verò tibi simile quid referre, nullo modo obligatus est, propter maximam tuam indigentiam.

12. Nè os quidem aperias, quo conqueraris de homine: quopiam in mundo, quidquid ille tandem tibi molestiæ intulerit: considerando, mala omnia & adversa, quæcunque adversum te fieri possunt, nihil esse respectu demeritorum tuorum.

13. Certò credas, quòd propter turpitudinem & foeditatem peccatorum tuorum es sordidissima quædam & abominabilis congeries & acervus plenus vermium, qui horrorem pariat transeuntibus; qui, nè oculis eorum incurras, aut foetore offendas, avertunt à te faciem, & obturant nares suas. Propria tua anima assiduè sentiat hunc foetorem suum, propter quem est abominabilis & horrenda, non tantum coram DEO & Angelis, verum etiam coram omnibus viventibus, qui illam nè sufferre quidem possunt. Admirare illorum patientiam, quòd te non exterminent de communi sua societate, nec à se segregent tanquam furem. Quod si iustitia de te fieri deberet, sine ullo dubio tibi oculi evellerentur, manus & pedes ac alia corporis membra truncarentur, eò quòd ipsis offendere ausus es Dominum Creatorem tuum.

14. Gestias semper & petas difficiliora & asperiora quæ-



quæ offi-ia tibi imponi, etsi videantur vilia & abiecta; cogitando te esse omnium vilissimum, & tanquam asinum communitatis. Quodsi tibi demandata fuerint, amplectaris ea ardentissime.

15. Quantum in te est, vide nē manifestes coram aliis ad-  
versitates quas sustines. velut famem, sitim, æstum, frigus, vi-  
gilias, lassitudinem, vel dolorem aliquem, modò valetudo cor-  
poris non lædatur; aliàs nē remedia quidem quæras.

16. Nē abhorreas cibum, quantum sit vilis, simplex, in  
paupertate, negligenter & parum mundè apparatus. Fac adin-  
star mendicantium, qui quidquid illis datur comedunt. Imò sentias  
te felicem, si tibi aliquid residui ex iusculo recalesfacto apponi-  
tur, quod fortè remanet ex comestione subcoquorum & familiæ  
domesticæ. Dum verò offertur tibi communis cum aliis refectio,  
in cibo, potu, vel alia commoditate, æstimes te illis esse indignis-  
simum.

17. Quoties reprehensus fueris de re aliqua etiam injustis-  
simè, adijunge te semper parti reprehendenti, contra te ipsum,  
illam adjuvando, & perivadendo cordi tuo, quantum potes i-  
psam reprehensionem veram esse; imò coneris eam exaggerare  
& amplificare, absquē ulla tui excusatione; nisi vitandum esset  
manifestum scandalum, & notabile proximi damnum: excusatio  
enim sui, & accusatio alterius, est proprius nidus omnis iniqui-  
tatis & superbiæ. Itaque tibi perivadeas, delictum tuum esse  
longè gravius, quàm illud reprehendens expresserit: quodquē  
ille condescendens infirmitati tuæ, nec nimium te contristare vo-  
lens, tui criminis prout perspectum illud habuit, nē medietatem  
quidem explicaverit.

18. Magnum secretum est in via spirituali, ad acquiren-  
dam S. humilitatis virtutem: non curare, nec studere, ut nos a-  
ment homines. Cum enim animæ cujusvis naturæ ea sit, ut non  
amet rem ullam, nisi secundum mensuram bonitatis illius rei, seu  
quatenus eam æstimat bonam, manifestum est ista conjuncta es-  
se, & inseparabilia; Amare rem aliquam, & æstimare illam bo-  
nam. Tui itaque si serius es humilitatis studiosus & amator, nec  
velis æstimari bonus, sapiens, prudens, vel aliquā aliā dote præditus.  
Cavere omnino debes, nē amicitiam alicujus quæras aut affectes.

Nec



Nec quidquam pertimescas, ut propterea in te refrigescat charitas erga proximum: quin potius perfectiori amore & puriori affectu erga ipsum accenderis: nam ad ejus amorem, non te ducet aliquid, quod ex tui ipsius amore proficiscatur, sed solus purus respectus honoris DEI, & amoris eius sancti.

19. Quantum per obedientiam tibi licebit, cave nè unquam desis alicui communi exercitio Communicatis, sive corporali sive Spirituali; & fugias tanquam pestem occupationes particulares, & à communibus separatas.

20. Distinctissime observa nè quidquam pro tuo iudicio proprio aliquando facias, sive in temporalibus sive in spiritualibus. Sed semper sequaris iudicium alterius etiam si minus quam tuum salubre esset, modò non sit cum peccato. Hinc enim adipisceris magnum thesaurum humilitatis, & pacis interioris, cujus meritum defectui iudicii alieni (si forte non ita bonum fuit ac tuum) multò prævaleret, & largissime eum compensaret.

21. Ad obediendum debes esse dispositus & armatus invincibili quadam patientiâ, ut superiori tuo, quodcumque illi placuerit, sive ex rei proposito id accidit, sive non, sine ulla solitudine quærendæ opportune occasionis, semper valeat, nec quidquam dubitet reprehendere te & acerbè excipere, contra te liberè dicendo quidquid in mente de te habeat: imò multò plura, quæ nec haberet, ut tantò magis te mortificet. Et cum tibi dixerit: Frater N. tu nihil vales, plenus es malitiâ, es una bestia, & asperrimas ac maximè penetrantes quasquè injurias in te conferre visus fuerit: Tum si talibus naturæ tuæ infirmitatem commoveri animadvertes, vide ut velociter hosce motus in te reprimas, & nè minimam concipias contra superiorem indignationem, sed potius majorem ipsius amorem.

22. Inviolabiliter observa erga superiores tuos, eam, quam habere debes puram & candidam affectionem in reverendo illos quodam devotionis oculo, non secus ac si sacrum Altare respiceres. Habe perfectissimam ad ipsos confidentiam, & serva eam cordis sinceritatem erga illos, quam servare solet Rex terrenus in custodienda sua Corona. Et in veritate ita est: Corona & gloria Religiosi est, dependere à superiore tanquam à DEO:

Cave



Cave ergo nè unquam sinistrè de illis iudices. Certissimum enim est, Religiosum, qui præsūmit malè iudicare de suo superiore, similem esse mulieri viro suo perfidæ. Hæc e pluribus citatus Author.

1. parte cap. I.

sec. 2. subf. 6. præ datas.

Vide quoque præclaras industrias & praxes Actuum Humilitatis su-

## SUBSECTIO IX.

### De Oppositis Humilitatis, & de Superbia.

**I**Mò Opponitur *Pseudo-humilitas*. Hæc illorum est, qui acedia & tepore depressi, ad magnitudinem heroicarum virtutum non assurgunt, suam socordiam velantes falsâ specie humilitatis, quasi indigni forent & impotentes ad merita & præmia magna consequenda. Unde *Sapiens*: Noli esse humilis in sapientia tua (quæ est scientia practica æternæ salutis) nè humiliatus in stultitiam seducaris. Item. Pseudohumilitas est de

*Eccl. 13.*

*Eccl. 19.*

*S. Hier. Epif.*

27.

*S. Bernard.*

*serm. 16. in*

*sanctica.*

qua *Eccl.* dicit. Est qui nequiter humiliat se, & interiora eius plena sunt dolo: & est qui te nimium submittit à multa humilitate: & est qui inclinat faciem suam, & fingit se non videre, quod ignoratum est: etsi ab imbecillitate virium vetetur peccare, si invenerit tempus malefaciendi, malefaciet. Item. Falsa humilitas, de qua *Hieronymus*: Multi humilitatis umbram, veritatem pauci sectantur. Idem; Auferantur omnia figmenta verborum, cessent simulati gestus, virum humilem patientia ostendit. Item. Fucata Humilitas de qua *S. Bernardus*: Appetere de humilitate laudem, humilitatis non est virtus, sed subversio: quid enim perversius, quid indignius, ut inde videri velis melior, unde videris deterior?

**2dò** Opponitur Humilitas per Excessum. Hæc cavenda

*S. Greg. in à Superioribus.* *S. Gregorius*: Sic servanda est virtus humilitatis, ut non solvantur iura regiminis: Nè dum prælatus plus se quam deus, deicit, subditorum vitam restringere sub disciplinæ vinculo non possit. Et sic servanda est disciplinæ severitas: nè dum plus quam necesse est, zelus accenditur, mansuetudo funditus amittatur.

Item



Item cavenda in subjectis. Unde S. Gregorius: Admonendi sunt subditi, ne plus quam expedit sint subjecti; ne cum tur 2. q. 7. ad plus student, quam necesse est hominibus subjici, compellantur monendi. vitia eorum venerari.

3tio. Opponitur humilitas per Defectum, quæ est Superbia: D. Tho. 2. 2. q. definitur autem esse peccatum, quo homo contra rationem rectam cupit 162. a. 1. supergredi modulum suæ conditionis. Dicitur peccatum: Quia 2dum Dionys. de Divi. Nomin. c. 4. Malum animæ est præter rationem esse: jam verò superbus vult supergredi id, quod est hoc autem adversatur rationi rectæ, quæ voluntas uniuscujusque fertur in id, quod est proportionatum sibi. Unde superbia est malum ani- V. Ibid. a. 2. mæ, seu peccatum. Porro superbia quatenus est inordinatus appetitus propriæ excellentiæ est peccatum spirituale; quia habet objectum speciale, nempe suam excellentiam; quatenus verò superbia potest ordinare alia peccata ad suum finem, nempe propriam excellentiam, atque removet prohibens peccati, scilicet legem per ejus contemptum sive explicitum, sive implicitum, sic superbia est generale peccatum.

Estque superbia peccatum mortale ex suo genere: quia V. Ibid. a. 5. refugit subici DEO, 2dum scilicet quod aliquis se extollit supra id, quod est sibi præfixum, 2dum Divinam Regulam vel mensuram; jam verò non subici DEO est averti a DEO, quod ex se est lethale, nisi adsit imperfectio actûs. Est autem superbia vi- V. Ibid. a. 1. tium humilitati oppositum, 2dum quod superbia subiectionem, ad 3. aspernatur, & importat quandam superioritatem.

Superbiæ species sunt quatuor; nempe 1ma. Estimare bonum à se ipso habere. 2da. Desuper sibi datum bonum pro suis suscepisse meritis credere. 3tia. Gloriarì se habere, quod non habet. 4ta. Et cæteris despectis appetere videri singulariter habere, quod habetur. Ratio horum est: quia superbia importat immoderatum excellentiæ appetitum: qui scilicet non est 2dum rationem rectam. Est autem considerandum, quòd quælibet excellentia consequitur aliquod bonum habitum. Quod quidem potest tripliciter considerari. Uno modo 2dum se. Manifestum est enim quòd quanto magis est bonum, quod quis habet, tantò per hoc excellentiam majorem consequitur; Et ideo cum aliquis attribuit sibi



maius bonum quam habeat, consequens est, quod eius appetitus tendit in excellentiam propriam ultra modum sibi convenientem. Et sic est tertia species superbiae, cum scilicet aliquis iactat se habere, quod non habet. Alio modo ex parte causae, prout scilicet excellentius est, quod aliquod bonum insit alicui à seipso, quam quod insit ei ab alio. Et ideo cum aliquis aestimat bonum quod habet ab alio ac si haberet à seipso, fertur per consequens appetitus eius in propriam excellentiam supra suum modum. Est autem dupliciter aliquis causa sui boni. Uno modo efficienter. Alio modo meritorie. Et 2dum hoc sumuntur duae primae superbiae species, scilicet cum quis à semetipso aestimat, quod à DEO habet, vel cum propriis meritis sibi datum desuper credit. Tertio modo, ex parte modi habendi, prout excellentior aliquis redditur ex hoc, quod bonum aliquod excellentius ceteris possidet. Unde ex hoc etiam fertur inordinatus appetitus in propriam excellentiam. Et 2dum hoc quarta superbiae species, quae est, cum aliquis ceteris singulariter vult videri.

Adverte hic tertiam speciem superbiae esse Arrogantiam. Porro *Elatio mentis*, & *Tumor*, sunt proprietates superbiae, qui se magnum esse aliquid & altitudine ferè nubes tangere, & amplitudine inflatà penè orbem implere existimat.

*Gradus Superbiae 12. ex S. Bernardo vide infra ad calcem huius Operis.*

*Psal. 30.* Motiva detestandi & fugiendi Superbiam. *Psal.* Dominus retribue abundanter facientibus superbiam. *Prov. 11.* Ubi fuerit superbia, ibi erit & contumelia. *Ibidem:* Arrogantiam, & superbiam, & viam pravam, & os bilingve detestor. *Ibidem:* Abominatio Domini est omnis arrogans. *Ibidem:* Contritionem praecedat superbia: & ante ruinam exaltatur spiritus. *Ecclesi.* Initium omnis peccati est superbia, qui tenuerit illam, adimplebitur maledictis, & subvertet eum in finem. *Item:* Sedes ducum superborum destruxit DEUS, & sedere fecit mites pro eis. Radices gentium superbarum arefecit DEUS, & plantavit humiles ex ipsis gentibus. *Item:* Memoriam superborum perdidit DEUS, & reliquit memoriam humilium.



miliū sensu. *Luc.* B. V. MARIA ait: Dispersit superbos mente cordis sui. Deposuit poterites de sede, & exaltavit humiles. *Jacobus Apostolus*: DEUS superbis resistit, humilibus autem dat gratiam. *Luc c. I.* *Jacob. 4.*

*2dum. S. Augustinus.* Audeo dicere: superbis utile esse cadere in aliquod apertum & manifestum peccatum, unde sibi displiceant, qui iam sibi placendo ceciderant. Salubrius enim Petrus sibi displicuit quando flevit, quam sibi placuit, quando præsumpsit. Hoc dicit lacer Psalmista: Imple facies eorum ignominia. *Idem*: Si vix toleratur dives superbus, pauperem superbū quis ferat? *Idem*: Humilitas homines sanctis Angelis similes facit, & superbia ex Angelis dæmones facit: & ut evidenter ostendam, ipsa est omnium peccatorum initium, & finis, & causa, quia non solum peccatum est ipsa superbia, sed etiam nullum peccatum potuit, aut potest, aut poterit esse sine superbia. *S. Hieronymus*: Multo illa deformior est superbia, quæ sub quibusdam humilitatis signis latet. Nescio enim quomodo turpia sunt, cum virtutum specie celantur. *Gregorius*: Plerumque latet superbia, & castitas innotescit, atque ideo tentata diu castitas, circa finem vite perditur: quia cooperta superbia usque ad finem incorrecta retinetur)) Quare juxta Ecclesiasticum: Odibilis coram DEO est & hominibus superbia. Colligitur ex D. Gregorio qui ait: Cumctis namque superbā apud se cogitatione tumentibus inest clamor in locutione, amaritudo in silentio, dissolutio in hilaritate, furor in tristitia, inhonestas in actione, honestas in imagine, erectio in incessu, rancor in responsione. Horum mens semper est ad irrogandas contumelias valida, ad tolerandas infirma, ad obediendum pigra, ad laceffendos verò alios importuna; ad ea quæ facere & debet & prævalet, ignava: ad ea autem quæ facere nec debet nec prævalet, parata. *S. Bernardus*: Quid tui gignit superbis terra & cinis? Si superbientibus Angelis DEUS non pepercit, quanto magis tibi putredo & vermis? nihil ille fecit, nihil operatus est, tantum cogitavit superbiam, & in momento, in ictu oculi irreparabiliter præcipitatus est: quia juxta Psalmistam in veritate non stetit. Fugite superbiam Fratres mei (quæso) multum fugite. Initium omnis peccati superbia, quæ

*S. Aug. de civit. DEI lib. 14.*

*S. Aug. serm. 19.*

*Idem Epist.*

*S. Hier. in Mar. enm.*

*S. Greg. in mor.*

*Eccl 10.*

*Idem 34. mor. c. 18.*

*S. Bern. serm. 1 in advent.*

*Joan. 8.*



S. Bernard.  
serm. 1. de  
Nat. Domini.

Idem supra  
Isai. vidi Do-  
minum ser. 2.  
Isai. 6.

quæ tam velociter ipsum quoque syderibus cunctis clariùs mi-  
cantem æternâ caliginè obtenebravit Luciferum: quæ non  
modo Angelum, sed Angelorum primum in diabolum commu-  
tavit. S. Bern. Quid enim magis indignum, quid detestan-  
dum amplius, quid gravius puniendum, quàm ut videns DE-  
UM cæli parvulum factum, ultra apponat homo magnificare  
se super terram? intolerabilis impudentiæ est, ut ubi se exina-  
nivit Majestas, vermiculus infletur & intumescat. Idem super Isai. Et ea  
Isai. vidi Do- inquit, quæ sub ipso erant, replebant templum. Propterea sanè dixit:  
minum ser. 2. humiliare sub potenti manu DEI, ut exaltet te in tempore visi-  
Isai. 6. rationis. Vide ut sub ipso inveniaris, alioquin non esse poteris  
cum ipso. Quid enim putas, indifferenter admittet homines in  
illud tantæ beatitudinis templum, qui nè ipsos quidem Angelos in-  
differenter reliquit in eo: aut non discernet inter glebas qui discre-  
vit inter stellas? Examinabit certè argentum, qui ipsum quoque  
aurum probavit & reprobavit. Qualem ergo putas necesse est  
hominem inveniri, qui repudiati locum Angeli sortiatur? Planè  
immunem ab omni iniquitate, sed ab ea maximè quæ in ipso quo-  
que Angelo, non ad levem offensam, non ad momentaneam  
iram inventa est, sed ad odium sempiternum. Semel turbavit su-  
perbia regnum illud, concussit muros, etiam prostravit ex parte  
& parte non modica. Quid ergo facile nè deinceps admitten-  
da videtur? Nunquid non odit civitas illa, & vehementer ejus-  
modi pestem abominatur? Certi estote Fratres, cum qui su-  
perbis non pepercit Angelis, nec hominibus parciturum. Non  
est contrarius sibi ipsi, non est personarum acceptor, similia  
sunt judicia eius. Sola ei placet humilitas sive in Angelo, sive  
in homine: & qui seder in throno solos eligit subditos, è qui-  
bus repleat templum. Scriptum quippe est. Quis sicut Do-  
minus DEUS noster qui in altis habitat, & humilia respicit in  
cælo & in terra? Et Paulò infra: Eant superbi, insolescant ma-  
gis, extollantur, insentur, appetant semper in cumulo apparere,  
ut cum venerit æquitatis linea, à plenitudine ejiciantur. Tu  
verò non sic, sed DEO subiecta esto anima mea, subiecta sanè  
ex animo, subiecta cum fervore devotionis, quia Seraphini sta-  
bunt super illud. Idem: Superbo certè diabolo horrenda &

S. Bern. serm.  
54. in Cant.

formi-



formidulosa maledictio intorquetur. *Et infra:* Si sic est actum cum eo, quid de me fiet terra & cinere? Ille in caelo tumuit, ego in sterquilinio? quis non tolerabiliorem in divite superbiam, quam in paupere dicat? Vae mihi si tam durè in potente illo animadversum est! quid de me fiet exiguo & misero & superbo? *Idem:* Videas plerosque in Ecclesia de ignobilibus nobiles, de pauperibus divites factos subito intumescere, priusquam oblivisci abjectionis, genus quoque suum erubescere, & est. *Idem hom. 4. super missus*

infimos dedignari parentes. Videas & homines perniciosos ad honores quoque Ecclesiasticos pervolare, & mox sibi applaudere sanctitatem vestium mutatione, non mentium: & dignos se aestimare dignitate, ad quam ambiendo pervenerunt, quodque (non audeo dicere) adepti sunt nummis, attribuere meritis. *Idem:* Sed video (quod magis doleo) post spretam seculi pompam, nonnullos in schola humilitatis superbiam magis addiscere, ac sub alis mitis humilisque Magistri gravius intolescere, & impatientes amplius fieri in Claustro, quam fuissent in seculo. Quodque magis perversum est, plerique in domo DEI non patiuntur haberi contemptui, qui in sua non nisi contemptibiles esse potuerunt, ut quia videlicet, ubi à pluribus honores appetuntur, ipsi locum habere non meruerunt, saltè ibi honorabiles videantur, ubi ab omnibus honores continentur. *Idem;* Vae semel! & vae iterum! pauperibus superbis. Vae inquam semel! & vae iterum! Sc. portantibus crucem Christi & non sequentibus Christum: qui nimirum cuius passionibus participant, humilitatem sectari negligunt. Duplici quippe contritione coneruntur, qui huiusmodi sunt, quando & hic pro temporali gloria temporaliter se affigunt, & in futuro pro interna superbia, ad aeterna supplicia pertrahuntur. Laborant cum Christo, sed cum Christo non regnant. Sequuntur Christum in paupertate, sed in gloria non sequuntur. De torrente in via bibunt, sed non exaltabunt caput in Patria. Lugent nunc, sed tunc non contolabuntur. Et meritò: Quid enim facit superbia sub pennis humilitatis JESU? nunquid non habet quo se palliet humana malitia, nisi unde involuta est infantia Salvatoris? Et quomodo intra praesepium Domini

*Ibidem.*



simulatrix arrogantia se coarctat, ac pro vagitibus innocentia,  
*S. Thom. 2. 2.* malum inibi detractionis immurmurat? *S. Thomas:* Superbia  
*q. 162. a. 3.* est impeditiva cognitionis, veritatis, & sapientia: Quia cogni-  
*ad 1.* tio veritatis est duplex, una purè speculativa; & hanc super-  
 bia indirectè impedit, subtrahendo causam: Superbus enim  
 neque DEO intellectum suum subiicit, ut ab eo veritatis co-  
 gnitionem percipiat 2dum illud *Math. 11.* Abscondisti hæc à  
 sapientibus & prudentibus, (id est, à superbis, qui sibi sapien-  
 tes & prudentes videntur,) & revelasti ea parvulis, id est, hu-  
 milibus: Neque etiam ab hominibus addiscere dignatur, cum  
 tamen dicatur *Eccles 6.* Si inclinaveris aurem tuam, scilicet  
 humiliter audiendo, excipies doctrinam. Alia autem est co-  
 gnitio veritatis, scilicet affectiva. Et talem cognitionem veri-  
 tatis, directè impedit superbia: quia superbi dum delectantur  
 in propria excellentia, excellentiam veritatis fastidiunt: ut *Grego.*  
*23 Moral.* quòd superbi etsi secreta quædam intelligendo per-  
 ciunt, eorum dulcedinem experiri non possunt: & si nove-  
 runt quomodo sunt, ignorant quomodo sapiunt. Unde &  
*Ibidem. 2. 2.* *Proverb. 11.* dicitur: ubi humilitas ibi sapientia. *Idem:* *Aposto-*  
*q. 162. art. 6.* lus ad *Rom. 1.* dicit quòd Philosophi per elationem cordis tra-  
*ad 3.* dicti sunt in reprobum sensum, ut faciant quæ non conveniunt.  
 Quia sicut in Syllogismis ducentibus ad impossibile, quando-  
 que aliquis vincitur, per hoc quod ducitur ad inconve-  
 niens magis manifestum: ita etiam ad convincendum super-  
 biam hominum, DEUS aliquos punit, permittens eos ruere  
 in peccata carnalia: quæ etsi sint minora, tamen manifestio-  
 rem turpitudinem continent. Unde & *Isidor.* dicit in lib. de  
 summo bono. Omni vitio deteriore esse superbiam, seu  
 propter hoc quòd à summis personis, & primis assumitur; seu  
 quòd de opere justitiæ, & virtutis exoritur, minusquè culpa  
 ejus sentitur. Luxuria verò carnis ideo notabilis omnibus est,  
 quoniam statim per se turpis est; & tamen dispensante DEO  
 superbi minor est. Sed qui detinetur superbiâ, & non sen-  
 tit, labitur in carnis luxuriam: ut per hanc humiliatus à con-  
 fusione exurgat. Ex quo etiam patet gravitas ipsius superbiæ.  
 Sicut enim medicus sapiens in remedium majoris morbi pati-

tur



tur infirmum etiam in leviores morbum incidere, ita etiam peccatum superbiæ gravius esse ostenditur ex hoc ipso, quod pro ejus remedio DEUS permittit homines ruere in alia peccata.

*Idem*: Superbia est primum & principium omnium peccatorum. Quia illud quod est per se, est primum in quolibet genere. Aversio autem à DEO quæ formaliter complet rationem peccati, pertinet ad superbiam per se, ad alia autem peccata ex consequenti, Et inde est, quod superbia habet rationem primi peccati, & est etiam principium omnium peccatorum, ut dictum est, cum de causis peccati ageretur ex parte aversionis, quæ principalior est in peccato. *Idem*: Superbia uno modo est vitium capitale, & alio modo Regina & mater omnium vitiorum. Quia superbia dupliciter considerari potest. Uno modo secundum se, prout scilicet est quoddam speciale peccatum. Alio modo secundum quod habet quandam universalem influentiam in omnia peccata. Capitalia autem vitia ponuntur esse quædam specialia peccata, ex quibus multa genera peccatorum oriuntur. Et ideo quidam considerantes superbiam secundum quod est quoddam speciale peccatum, connumeraverunt eam aliis vitiis capitalibus. Gregorius vero considerans universalem ejus influentiam, quam habet in omnia vitia, ut dictum est, non connumeravit eam aliis capitalibus vitiis, sed posuit eam Reginam omnium vitiorum & matrem. Unde Gregorius dicit in 31. Moral. Ipsa vitiorum Regina superbia, cum devictum plenè cor coeperit, mox illud septem principalibus vitiis quasi quibusdam suis ducibus devastandum tradit, ex quibus vitiorum multitudines oriuntur.

*31um*. David quia ex superbia quadam populum numerari jussit, gravissimâ pestilentia regnum suum devastantis poenâ puniuit. *Aliud*: Nabuchodonosor propter superbiam suam de regno depositus, & bestiis assimilatus est. *Aliud*: Antiochus quia præ superbia existimabat se terram ad navigandum, pelagus ad iter agendum deducturum, à vermibus consumptus interiit. *Aliud*: Blasphemus Clericus sententiam illam: Spec. exemp. Omnis qui se exaltat humiliabitur: falsam dicens, fulmineo d. l. ex. 91. ense in acie transfigitur. *Aliud*: Refert doctor Jacobus de Pa-  
radiso cul. Jacob. de  
Paradi.

*Ibid. a. 7.*

*Ibid. art. 8.*

*2. Reg. 24.*

*Dan. 6.*

*2. Mach. 9.*



radiso Carthusiensis: quod quædam virgo devota ita vitam suam duxit jejunando, vigilando, orando, castigando se, quod ab omnibus sancta reputabatur. Contigit autem eam infirmari usque ad mortem, ejus confessionem quidam devotus Sacerdos audivit, qui suam spirituales superbiam ignoravit. Cui post obitum, ipsa apparuit nigra, & valde horribilis: Sacerdos autem expavescens, quæsiuit quis esset? & ferebatur se esse illam virginem, quæ quali sancta reputabatur, & subjunctum dicens: ego infelix tradita sum infernalibus incendiis cum inferioribus dæmonibus, & cum infimis damnatis æternaliter crucianda, propter meam propriam complacentiam, & spirituales superbiam quam habui, quod nullam æqualem mihi reputavi, sed super omnes me extuli, & alios homines judicavi & sprevi, propterea ad profundum inferni descendi, de quo nunquam liberabor.

S. Hier. in Epist.

4<sup>um</sup>. S. Hieronymus de seipso fassus est: Nihil ita à pietate vitare conatus sum, sicut tumentem animum & erectam cervicem Dei contra se odia provocantem. Novi enim Magistrum & Dominum meum in carnis humilitate dixisse: Dicite à me, quia mitis sum & humilis corde. Aliud: S. Ignatius adeo de se omnem exultationem depoluerat, ut fateretur, nihil minus se, quam superbiam timere, addideritque, se intra viginti annos ne minimam quidem hac in materia tentationem passum fuisse.

Biblioth. man.  
nihil vit. superbia.

In Praxi ad deprimendam superbiam, hæc ex P. Lomulorum auferret aurea veste superbus incedere, si Regem & Dominum suum vili lacernâ indutum cerneret? Quomodo ergo servus Christi non erubescet, se super alios efferre, si Dominum suum & tantum, tantoperè humiliatum, & infra omnes homines depressum videt?

II. Considerare Beatissimæ V. M. humilitatem. Ut enim qui Pharmacopolium ingreditur, in vestibus etiam odorem secum auferret, sic quis prædictam humilitatem considerat, non poterit non ad eandem sectandam excitari.

III. Huc etiam conducunt non modicè noti versus.

Unde



Unde superbit homo, cujus conceptio culpa;

Nasci pena, labor vita, necesse mori?

Post hominem vermis, post vermem foetor & horror!

Sic in non hominem, vertitur omnis homo.

Vide fufius fupra de Cognitione fui ipsius.

IV. Considerare vanitatem rerum, de quibus oritur superbia: uti S. Chrysostomus fvasit dicens: Fortites, & altum sapientis, nonne propterea magis humiliari debes? Quare sapientum in re vilissima? nam & Leo te est audacior, & aperforrior. At pulcher es & speciosus? Cornicum ostentatio; non est pavone pulchrior, neque propter florem neque propter alas.

S. Chrysost. hom. 59.

V. Cognoscere adum S. Gregorium quod difficile in se quisque inveteratam superbiam deprehendit; quia nimirum hoc vitium, quanto magis patimur, tanto minus videmus.

S. Greg. in moral. lib. 24. c. 28.

VI. Cognoscere hoc vitium ab omnibus quidem, sed specialiter ab Asceta vitandum esse; quia teste S. Chrysostomo nihil longius ab amore DEI abducit, nihil tam facile in gehennam intrudit, quam superbiae insania: & quia juxta Cassianum morbus superbiae, licet ultimus sit in conflictu vitiorum; origine tamen & tempore primus est. Saevissima & superioribus cunctis immanior bestia, perfectos maxime tentans.

VII. Agnoscere studeat radicem hujus vitii, quo facilius & efficacius illud sanare possit: Sic enim S. Gregorius monuit dicens: Vitium superbiae ab ipsa radice secandum est, ut cum latenter oritur, tunc vigilanter abscindatur, ne profectu vigeat, nec usu roboretur. Porro radix hujus vitii potissima est, quod bona, ob quae quis effertur, ut propria aspiciat, & plus aequo aestimet: unde duo potissimum media ad hanc radicem extirpandam adhibenda erunt: Primum est, ut certo sibi quisque persvadeat, omnia bona, quae habemus, DEI dona esse, ac proinde non modo ob ea extolli non debere, sed graviter potius timere, ne quo plura sunt collata, eo gravior severiorque a nobis ratio exigatur. Alterum est, ut pariter sibi bene persvadeat, alia esse DEI quam hominum judicia, ut merito S. Augustinus & Gregorius dixerint: Vae laudabili vitae hominum! si remora pietate judicetur, quia unde ante oculos judicis se placere suspicatur, obruitur. Hucusque Lohner.

Uuuu

VIII. Imi-



In vita S. Ma-  
gdalena de  
Paz Collector.

VIII. Imitare S. Magdalenam de Pazzis quam versutus  
serpens antiquus ut adduceret ad elationem aut ad propriam sui  
ipsius complacentiam, & superbum sentire de seipsa, utebatur  
ad hoc pro medio singularibus donis & gratis Magdalenæ à  
DEO concessis. Verum & hic victus profundâ Magdalenæ  
humilitate. Imò hæ suggestiones superbiæ erant ei major oc-  
casio ad se humiliandum, quò se censebat magis magisque nul-  
lius esse frugi, cognoscendo clarius suam miseriam & debilita-  
tem, dum sentiret frequentiores ad elationem motus. Et ad  
fundamentaliorem superbiæ confusionem, ac elatæ de se opi-  
nionis, instantè petiit à superiore sua, ut illam frequenter hu-  
miliaret, & semper juxta suum mortificaret placitum. Quare  
superior sua, aliquando mandavit ipsi à sorore ad sororem tran-  
sire, & cum humilitate remissionem mendicare, aliquando ad  
omnes in communi. Interdum verò talem ei assignabat pœ-  
nitentiam, ut funem imponens collo, & retro manus colliga-  
tas habens, omnium sororum oscularetur pedes, flectendo ad  
quamlibet sub mensa. Aliquando etiam protractam ei man-  
dabat facere disciplinam suis aut alterius sororis manibus. Ali-  
quando jubebat eam exire à mensa, & sedentes circumire,  
mendicando propter DEI amorem frustulum panis, quod po-  
stea cum lactitia posita, in medio Refectorii flectendo mandu-  
cabat in terra. Cognoscens autem Mater superior, quòd ejusmodi  
mortificationes summopere fuerint cum fructu & ope spirituali,  
tam in particulari quàm in communi exhortabatur illam verbis ad  
ejus humiliationem servituri. Insuper commiserat etiam nonnullis  
Monialibus, ut prætergrediendo Magdalenam in clauistro ubi-  
cunque pro ejus majori mortificatione verba arguentia & pu-  
dorem inferentia dicerent: quod dum facerent ex obedientia,  
humilis subsistebat Magdalena magno cum silentio illas audien-  
do, & ad pedes procidendo, culpabilem se esse agnoscebat:  
ac veniam petebat, mirabilique spiritûs humilitate pro hoc gra-  
tias agendo dicebat: Connumeret id vobis DEUS in merita.  
Et quanquam prudens Mater superior agnosceret, quòd nimia  
tentationum assiduorum violentia efficeret nonnunquam in in-  
nocenti Magdalena aliquas exterius imperfectiones contra ejus

volun-



voluntatem, attamen & pro his minutissimis in praesentia sororum omnium, severè illam increpabat, & publicam illi imponebat poenitentiam. Propter eam saepe illi assignabat, ut in limine vel ad Ecclesiam vel etiam ad Refectorium in terram sese per modum crucis projiceret, ut ita à sororibus exeuntibus simul cum terra conculcassetur. Aliis verò temporibus mandabat ipsi retro ligare manus, & in tali alligare loco, quem obambulantes moniales juxta praeceptum superioris Matris molesta verba illi dicerent.

S. Magdalena de Pazzis ut è suarum discipularum cordibus eradicaret omnem superbiam, & plantaret humilitatem, miris id modis efficiebat: Igitur quando reperiebat inter illas aliquam specialioribus à DEO & natura donatam talentis, id est, quòd essent acrioris judicii, majoris scientiae, & excellentioris sapientiae, vel quòd essent generosiores in aliis virtutibus super ceteras; tum sancta non multum illis ad negotia utebatur: hoc insinuando quòd illas modicum aestimaret super ceteras, humiliando ipsas semper in operibus earum. Et hoc praecipue libenter faciebat cum illis, quas cognoscebat gloriari in actionibus suis. Porro Magdalena ejusmodi suis discipulis mille retegebat imperfectiones ad oculum, ut illae quae sapiebant vanam gloriam aut complacentiam in suo opere, post moram puderet eas, quòd cum tali imperfectione illud absolvisent. Dum verò aliquà opus haberet ad aliquid exequendum, in quo ejus excellentia vel virtus manifestaretur, id ejusmodi commendabat verbis, ut omnem de corde ejus pelleret tumorem. Deinde talentas scientiam super alias, exercebat in actionibus contemptibilibus. v. g. in refectorio jusit clarè legere alphabetum, vel Ave MARIA; alias verò ut publice aliqua ex Matribus Claustrum argueret, persuadebat, ut scirent se modicum aestimari pro sapientibus. Dum verò aliquam advertit videri sibi quasi bonam & utilem Ordini, vocabat eam in medium aliarum dicebatque: Ecce haec filia aestimat, quòd nobis acciderit magna quaedam fortuna, dum illam tenemus in Monasterio nostro: Verum dico vobis, quòd ipsa habuerit specialem fortunam cum Religiosae consenserint, ut illam huc suscipiant.

*In vita ejus.*



sciperent. Aliquibus etiam temporibus illas virgines, quæ veniebant ad Monasterium antequam Religiosum habitum suscepissent, adducebat, ut in suis pretiosis vestibis oscularentur pedes Monialium, & ut mentes humiliter inservirent. Cui-dam verò dum videretur, quòd multum argueretur, & in omnibus suis culpis & defectibus introspeceretur, ut illam sancta Mater magis humiliaret, omnibus præcepit Novitiis, ut illam eò diligentius in omnibus suis culpis & defectibus adverterent, omniaquæ sibi insinuarent, illa verò publicè hanc sororem de illis arguendo, in humilitate & perfectione corripiebat. Quædam sub tempus magisterii Novitiatus ejusdem Sanctæ, nobilis virgo venit ad Monasterium feruens spiritu: tandem dixit se non posse in illo monasterio manere, in quo non daretur occasio asperius vivendi pro amore DEI. Deinde in sua susceptione habitûs nolebat videre illas (quamvis sanctas) Cere-monias. De hoc secundo arguebat illam S. Mater, ut propter suam duritiem sæpius ei dixerit: Tales sermones sunt illorum hominum, quos mundus opinatur habere magnum lumen & altum spiritum: Quibus compuncta verbis corripuit se. Quoad verò primum dictum, ita processit cum illa, ut pro minima culpa illam acriter argueret: quandoque insperatè assignabat varias ei poenitentias. Jusfit quoque aliis Novitiis illâ junioribus, ut de qualibet imperfectione illam arguerent, nihil dicendo quòd id ipsis à Matre Magistra præceptum fuisset. Et hoc factum est aliquot mensibus. Videns verò afflictam illam sororem dixit ei sancta. Recordamini soror cum quanta pertinacia elegeratis hoc Monasterium, censendo quòd in illo non faciunt magnas poenitentias? Et sic mansit verè humiliata. Cæterum intra illud spatium aliquot mensium dum irà humiliaretur ac affligeretur illa soror, sæpius illam confortabat ac consolabatur dicens: Soror necesse est ei, qui vult se in DEO instaurare, debet primum se destruere: Deniquè his concludebat verbis: quòd in hoc fuisset voluntas Divina, ut talem in morem cum ipsa procederet propter ejus animæ excellentius bonum.

1. 2. tra: 1. c. 1.

Vide quoque supradicta, &amp; hic proportionatè applica ad eradican-

sec. 4. subf. 2. dum pestilens superbie germen.

SUB-

9. 2. &amp; 3.

S  
Metap  
modi  
rendo  
in me  
osita  
& pro  
propri  
ctione  
debet  
statu  
hum  
nis;  
vitæ  
alia se  
gimen  
maximè  
di alios  
Rex, p  
multitu  
Oecon  
que pro  
que an  
artis vel  
vel exer  
mana, b  
A  
scripura  
pura, qui



## SUBSECTIO X.

## De Studioſitate.

**S**tudioſitas eſt virtus, quæ moderatur appetitum, ut is ſecundum ratio- Di. Thom. 22.  
nem rectam applicet vim cognoscitivam huius, vel illius ad cognitionem b. 166. A. I.  
ſic vel aliter. Dicitur: Virtus: quia cùm 2 dñm Philoſophum in c. 2.  
Metaph. 3. tom. omnes homines naturaliter ſcire deſiderant, eius-  
modi deſiderium nè vel excedat vel deficiat ob laborem in quæ-  
rendo ſcientiam: ideo ad hoc neceſſaria eſt aliqua virtus, quæ ſita  
in medio: utrumque caveat extremum; & hæc eſt virtus Studi-  
oſitatis. Dicitur: ad cognitionem &c. quia ſtudioſitas primariò,  
& propriè circa cognitionem verſatur, etſi ſecundariò & minus  
propriè circa ea occupetur, ad quæ operanda cognitionis dire-  
ctione indigemus.

Materia circa quam verſatur ſtudioſitas, ſeu quæ homo  
debet ſcire ſunt ea, quæ quiſque tenetur ſcire, ad rectè in ſuo  
ſtatu vivendum, & officium obeundum juxta leges Divinas &  
humanas, communemquè morem & prudens dictamen ratio-  
nis; Et ita homo quæ Chriſtianus, obligatur ſcire principia  
vitæ Chriſtianæ; quæ ſuperior & curator animarum, tenetur  
alia ſcire, alia quantocius addiſcere, quæ pertinent ad exactum re-  
gimen animarum, v. g. ſcire ante ſuſceptum munus Theologiam,  
maximè moralem & ſpiritualem, Rhetoricam cæleſtem exhortan-  
di alios, &c. Addiſcere modum ſalubriter gubernandi alios.  
Rex, princeps addiſcere debet quæ ſpectant ad prudentiam  
multitudinis regitivam. Dux quæ ad prudentiam militarem:  
Oeconomus, quæ ad prudentiam gubernandi domum. Deni-  
que proſitens aliquam artem vel ſcientiam, ea jam ſcire adeo-  
que ante debet addiſcere, quæ pertinent ad perfectionem illius  
artis vel ſcientiæ: Ex quo enim aliquis eſt in tali ſtatu, officio  
vel exercitio debet eius munia callere, ut conſervetur ſocietas hu-  
mana, bonum commune, juſtitia &c. ad Gloriam DEI.

Motiva ſtudioſitatis &c. maximè ad ſtudium ſacrarum  
ſcripturarum. Imum. Monitum Chriſti dicentis: Scrutamini ſcri- Joan. 5.  
pturas, quia voſ putatis in iſtis vitam æternam habere, & illæ ſunt quæ teſti-



- Rom. 1. monium perhibent de me. Et Apostolus: Quæcunque scripta sunt, ad nostram doctrinam scripta sunt: ut per patientiam & consolationem scripturarum spem habeamus. Idem: Omnis scriptura divinitus inspirata, utilis est ad docendum, ad arguendum, ad corrigendum, ad erudiendum in iustitia, ut perfectus sit homo DEI ad omne bonum instructus.
2. Tim. 3. Idem: S. Ambrosius. Legimus aliqua, nè negligentur: legimus nè ignoremus, legimus, non ut teneamus, sed ut repudiemus: Hugo. Noli contemnere minima, quia paulatim defluit, qui minima contemnit. Si primò alphabetum discere contempsisses, nunc inter Grammaticos tantum nomen non haberes. Scio quosdam esse qui statim philosophari volunt: quorum scientia formæ asini similis est, noli huiusmodi imitari. Parvis imbutus, tentabis grandia tutus. Idem. Prudens lector vel auditor omnes libenter audit, omnia legit, non scripturam, non personam, non doctrinam spernit, ab omnibus indifferenter, quod sibi deesse videt, quærit non quantum sciatur, sed quantum ignoret considerat. Quod concernit studium sacrarum scripturarum audi S. Augustinum. Tanta est Christianarum profunditas literarum, ut in eis quotidie proficerem, si eas solas ab in eunte puerita usque ad decrepitam senectutem maximo otio, summo studio, meliore ingenio conarer addiscere: in quibus latet altitudo sapientiæ, ut avidissimis, acutissimis, flagrantissimisquæ cupiditate discendi hoc contingat, quod eadem scriptura quodam loco habet: quum consummaverit homo, tunc incipit. Idem: Hic Philosophia: quoniam omnes omnium naturarum causæ in DEO creatore sunt. Hic Ethica: quoniam bona vita & honesta non aliunde formatur, quàm quum ea, quæ diligenda sunt, & quemadmodum diligenda sunt, diliguntur, hoc est DEUS, & proximus. Hic Logica: quoniam veritas lumenquæ animæ rationalis nonnisi DEUS est. Hic etiam laudabilior reipublica salus: neque enim optimè custoditur civitas, nisi fundamento & vinculo fidei, firmæquæ concordix, quum bonum commune diligitur, summum atque verissimum DEUS est; Idem: Scriptura & creatura ad hoc sunt, ut ipse quæretur, ipse diligatur, qui illam inspiravit.
- S. Ambr. supra  
Luca lib. 1.  
Hugo lib. 6.
- Ibidem.
- S. August. 2.  
Epist. ad Volu-  
tan.
- Ibidem.
- Idem lib. 2. de  
Trinit.

Idem;



*Idem:* Ad dignitatem scripturæ pertinet, ut sub una litera multos sensus contineat, ut sic diversis intellectibus hominum conveniens, unusquisque miretur, se in scriptura divina posse invenire veritatem, quam mente conceperit, ac per hoc facilius contra infideles defenditur, dum si aliquid, quod quisque ex sacra scriptura velit intelligere, falsum apparuerit, ad alium sensum recursum possit habere. *Idem:* Quilibet lector qui expositurus sacram scripturam aggreditur, quum in sacrarum voluminibus literarum aliqua velut diversum sonante sententia sollicitatur, certâ, inconcussâ fide tenere debet, nusquam deesse veritatem, etsi non facili propter magnitudinem rei intellectus quærentibus occurrit. *S. Hieronymus:* De scripturis disputantem non decet Aristotelis argumenta conquirere: nec ex flumine Tullianæ eloquentiæ ducendus est rivulus: nec aures Quintiliani flosculis & scholari declamatione mulcendæ: sed pedestris, & quotidianæ similitudinis, & nullâ lucubratione redolens oratio necessaria est, quæ rem explicet, sensum ediferat, obscura manifestet. *Idem:* Ille plus didicit, qui plus facit. Cæterum, si quod tu ediscis, ego facio, magis mea opera scripturas tenent, quàm tuus sermo, qui vanè resonat. *S. Basilii:* Quidquid vel dicimus, vel facimus, id testimonio divinarum literarum confirmari debet. *S. Gregorius:* Scriptura mo reg. 26. sacra mentis oculis quasi speculum quoddam opponitur, ut ibi interna facies nostra videatur: ibi enim foeda, ibi pulchra nostra conspiciamus, ibi sentimus, quantum proficimus, quantumve à profectu longè distamus. *Idem:* Tanta ac talis est divinarum scripturæ sublimitas, ut non solum verba, quæ à sanctis, vel ab ipso Domino dicta referuntur, sed etiam circumstantiæ rerum, quæ simpliciter positi videntur, spiritualibus sint plenæ mysteriis. *Isidorus:* Quid prodest in mundanis proficere doctrinis, & marcescere in divinis? caduca sequi figmenta, & caelestia fastidire mysteria? Cavendi igitur sunt tales libri, & propter amorem sanctarum scripturarum vitandi, qui exterius eloquentiâ verborum nitent, & interius vacui virtutis sapientiâ manent. Eloquentia autem sacra exterius incorrupta verbis apparet, intrinsecus autem mysteriorum sapientia fulget.

*Idem de vera Relig.*

*Idem de prædestinatione gratia in princ.*

*D. Hieron. ad Demetr.*

*Idem in psal. 23.*

*S. Basil. in mo reg. 26.*

*S. Gregor. in prolog. mor.*

*Idem in hom.*

*Isidorus de libris gentil.*

*Augu.*



Hug. de lib.  
anim.

Ibidem lib. 3.

Hugo lib. 3.

S. August.  
Epist. 56.  
Diosc.

S. Bern. serm.  
37. in Cant.

Nihil in hac vita dulcius sentitur, nihil avidius sumitur, nihil ita mentem ab amore mundi separat, nihil sic animum contra tentationes roborat, nihil ita hominem excitat & adjuvat ad omne opus, & ad omnem laborem, ac studium sacrae scripturae. Idem: In Refectorio sacrae scripturae tres mensae, id est, tres intellectus Divinae scripturae ponuntur, videlicet historialis, mysticus, & moralis. Prima mensa simplicibus, 2da Doctoribus, 3tia communis est utrique. In prima cibus est grossior, in 2da subtilior, in 3tia dulcior. Prima continet saporem exemplorum, secunda vim mysteriorum, tertia dulcedinem morum. Prima pascit miraculis, 2da figuris, tertia verbis.

In Praxi ad Profectum in studio honesto haec observa. I. Hugo ait: Tria sunt studentibus necessaria: Natura, Exercitium, Disciplina. In natura consideratur, ut facile audita percipiat, & percepta retineat. In exercitio, ut labore & sedulitate naturalem sensum excolat. In disciplina, ut laudabiliter vivens, mores cum scientia componat. Idem: Tria sunt quae praecipue studiis legentium obesse solent: Negligentia, Imprudentia, Fortuna. Negligentia est, quando ea quae discenda sunt, vel prorsus praetermittimus, vel minus studiosè discimus. Imprudentia est, quando congruum ordinem in his, quae discimus non servamus. Fortuna est in eventu casuum, sive naturaliter contingente, quando vel paupertate, vel infirmitate, vel naturali tarditate, sive etiam Doctorum raritate, à proposito nostro retrahimur. In his autem tribus de primo, id est negligentia Lector admonendus est, de secundo verò, id est prudentia instruendus, de tertio, id est fortuna adjuvandus.

II. S. Augustinus: Non aliam ait ad capeffendam & obtinendam veritatem & sacram sapientiam viam munias, quam quae munita est ab eo, qui gressuum nostrorum, tanquam DEUS videt infirmitatem. Ea est autem prima humilitas, secunda humilitas, tertia humilitas: Et quoties interrogares, hoc idem dicerem. Itaque sicut Demosthenes in eloquentia pronunciationis primas, secundas, tertias, dabo humilitati, quam Dominus noster ut doceret, humiliatus est nascens, vivens, & moriens. Quare pulchrè S. Bernardus inquit: Necessè est



est, inquit, ut cognitio & sui ipsius, præeat scientiam nostram: seminare vobis ad iustitiam, & merite spem vitæ: & tum demum illuminabit vos lumen scientiæ. Ad hoc ergo non rectè proditur, nisi iustitiæ gerimen, præcedat ad animam, ex qua formetur granum vitæ, non palea gloriæ. Et *S. Gregorius* dicit: Divinus sermo sacre scripturæ est fluvius planus, & altus, in quo & agnus ambulat, & elephas natat. *S. Gregor. lib. moral. c. 4.*

III. *Hugo*: Ad sacre scripturæ cognitionem opus est intimâ compunctione, potius quàm profundâ investigatione, suspiriis, quàm argumentis, crebris gemitibus, quàm copiosis argumentationibus, lachrymis quàm sententiis, oratione quàm lectione, gratiâ lachrymarum, quàm scientiâ literarum, cælestium potius contemplatione, quàm terrestrium occupatione *Hugo lib. de anim.*

IV. Studium quod non ordinatur ad solam DEI gloriam breve est ad inferos iter, non præcisè propter Studium, sed propter superbiam, quem parit, statum. *Theorem. V. Fr. Joan. à S. Samsone de Stud. scient. Idem ibidem.*

V. Satis mirari non possum quosdam Sacerdotes tam regulares quàm seculares, qui sibi studium omne licitum putant, quantumcunque leve, & profanum; dicentes debere se omnia videre & scire, ut secularium difficultates super horum malitia aut rectitudine dissolvant. Iste sensus valdè rudis est & inconditus, & pura naturæ quæsitio, quæ spiritualem olfactum corruptiori exponit cælo, quòd possit dici: Dejicere est statum suum in corruptione, & non ut par est, supra Angelos extollere; Iusti & Sancti cognoscere nolunt, nisi ut ament.

VI. Qui vult sanctam studiis operam dare, nunquam debet ullo in casu, appetitus sui & propensionis in DEUM sensum amittere; non quòd semper oporteat hoc sensu affici, sed identidem hanc attentionem ad DEUM revocare, & non ex omni appetitu affectuque naturali in studiis effundi. *Idem ibidem.*

VII. Modum explicandi sacram scripturam in sensu literalis, morali, allegorico, anagogico, vide in 3. p. Theol. Spirit. in 1. Hierarchiæ 2. gradu contemplantium DEUM in S. Scriptura.



## SUBSECTIO XI.

## De Curiositate.

**C**uriositas, est inordinatus sciendi appetitus, & studium. Dicitur; inordinatus: Quæ inordinatio tam circa ipsam scientiam seu cognitionem, quam ipsum circa sciendi appetitum contingit diversimodè. Quia juxta D. Thomam, Studiositas non est directè circa ipsam cognitionem, sed circa appetitum & studium cognitionis acquirendæ. Aliter autem est judicandum de ipsa cognitione veritatis, & aliter de appetitu & studio veritatis cognoscendæ. Ipsa enim veritatis cognitio, per se loquendo, bona est: potest autem per accidens esse mala, ratione scilicet alicujus consequentis, vel in quantum scilicet aliquis de cognitione veritatis superbit (adùm illud primæ ad Corinth. 8. Scientia inflat) vel in quantum homo utitur cognitione veritatis ad peccandum. Sed ipse appetitus vel studium cognoscendæ veritatis potest habere rectitudinem, vel perversitatem. Uno quidem modo, prout aliquis tendit suo studio in cognitionem veritatis, prout per accidens conjungitur ei malum, sicut illi qui student ad scientiam veritatis, ut exinde superbiant. Unde Augustinus dicit in lib. de moribus Ecclesiæ. Sunt qui desertis virtutibus, & nescientes quid sit DEUS, & quanta Majestas, semper eodem modo manentis naturæ, magnum aliquid se agere putant, si universam corporis molem, quam mundum nuncupamus, curiosissimè inensissimèquè perquirant. Unde tanta etiam superbia gignitur, ut in ipso cælo, de quo sæpè disputant, sibi met habitare videantur. Similiter etiam illi, qui student addiscere aliquid ad peccandum, vitiosum studium habent, adùm illud Hier. 9. Docuerunt linguam suam loqui mendacium, ut iniquè agerent laboraverunt. Alio autem modo potest esse vitium ex ipsa inordinatione appetitus, & studii ad discendam veritatem. Et hoc quadrupliciter. Uno modo, in quantum per studium minus utile retrahuntur à studio, quod eis ex necessitate incumbit. Unde Hieronymus dicit: Sacerdotes dimissi,



missis Evangelis & Prophetis, videmus comœdias legere; & amatoria Bucolicorum versuum verba cantare. Alio modo, in quantum studet aliquis addiscere ab eo à quo non licet, sicut patet de his qui aliqua futura à dæmonibus perquirunt, quæ est superstitiosa curiositas. Unde August. dicit in lib. de vera religione: Nescio an Philosophi impedirentur à fide vitio curiositatis in percunctandis dæmonibus. Tertio quando homo appetit cognoscere veritatem circa creaturas, non referendo ad debitum finem, scilicet ad cognitionem DEI. Unde August. dicit in lib. de vera religione: Quodd in consideratione creaturarum non est vana & peritura curiositas exercenda, sed gradus ad immortalia & semper permanentia faciendus. Quarto modo, in quantum aliquis studet ad cognoscendam veritatem supra proprii ingenii facultatem, quia per hoc homines de facili in errores labuntur. Unde dicitur Eccli. 3. Altiora te nè quæstieris, & fortiora te nè scrutatus fueris, & in pluribus operibus ejus nè fueris curiosus. Et postea sequitur. Multos enim supplantavit suspicio eorum, & in vanitate detinuit sensus eorum. Dicitur; *sciendi seu cognoscendi* &c. Ubi cognitio supponitur non tantum intellectiva, sed etiam sensitiva, quæ scilicet per sensus habetur, in qua curiositas dupliciter versari potest, dum scilicet vel ad inanem vel ad malum finem talis cognitio ordinatur. Quia 2dum D. Thomam: Cognitio sensitiva ordinatur ad duo. *Ibidem. c. 2.* Uno enim modo tam in hominibus quam in aliis animalibus ordinatur ad corporis sustentationem, quia per hujusmodi cognitionem homines & alia animalia vitant nociva, & conquirunt ea quæ sunt necessaria ad corporis sustentationem. Alio modo, specialiter in homine ordinatur ad cognitionem intellectivam, vel speculativam, vel practicam. Apponere ergo studium circa sensibilia cognoscenda, dupliciter potest esse vitiosum. Uno modo, in quantum cognitio sensitiva non ordinatur in aliquid utile, sed potius avertit hominem ab aliqua utili consideratione. Unde August. dicit in 10. Confess. Canem post leporem currentem jam non spectro, cum in circo sit. At verò in agro si calu transeam, avertit me fortassis ab aliqua magna cogitatione, atque à se convertit illa venatio. Et nisi



jam mihi demonstratâ infirmitate meâ, citò admoneas, vanus hebesco. Alio modo, inquantum cognitio sensitiva ordinatur ad aliquod noxium, sicut inspectio mulieris ordinatur ad concupiscendum, & diligens inquisitio eorum, quæ ab aliis fiunt, ordinatur ad detrahendum. Si quis autem cognitioni sensibilem intendit ordinatè propter necessitatem sustentandæ naturæ, vel propter studium intelligendæ veritatis, est virtuosa studiositas circa sensibilem cognitionem.

Prov. 25. 27.

*Contra Curiositatem.* Prov. Sicut qui mel multum comedit, non est ei bonum: sic qui scrutator est Majestatis, opprimetur à gloria. Eccle: In supervacuis rebus noli scrutari sensum tuum multipliciter: non est tibi necessarium ea quæ sunt abscondita videre oculis his, de ea re quæ te non molestat, nè certaveris, & in pluribus operibus ejus non eris curiosus. Christus: Dixit autem eis (discipulis) Non est vestrum nòsse tempora, vel momenta, quæ Pater posuit in sua potestate )) Deinde legitur in Actis Apostolorum; quòd multi credentium veniebant confitentes, & annunciantes actus suos. Multi autem ex eis qui fuerant curiosa sectati, contulerunt libros, & combusserunt coram omnibus, & computatis pretiis illorum, invenerunt pecuniam denariorum quinquaginta mil-

Eccle. 3.

Act. 1.

Act. 19.

Rom. 12. 3.

1. Cor. 2. 2.

2. Thess. 3. 11.

1. Tim. 1. 4.

1. Tim. 5. 13.

Aug. Epist. ad

Dioscorum.

lium. Apostolus: Dico enim per gratiam, quæ data est mihi, omnibus, qui sunt inter vos, non plus sapere, quàm oportet sapere, sed sapere ad sobrietatem: & sicut DEUS divisit unicuique mensuram fidei, Idem: Non judicavi me scire aliquid inter vos, nisi JESUM CHRISTUM, & hunc crucifixum. Idem: Audivimus inter vos quosdam ambulare inquietè, nihil operantes, sed curiosè agentes. Idem: Neque intenderent fabulis, & genealogiis interminatis, quæ quæstiones præstant magis, quàm ædificationem DEI, quæ est in fide. Idem: Simul autem & otiosæ (viduæ) discunt circuire domos, non solum otiosæ, sed & verbosæ & curiosæ, loquentes quæ non oportet. Idem. S. Augustinus: Humilitati saluberrimæ, quâ Dominus noster JESUS CHRISTUS, ut docet, humiliatus est, maximè adversatur quædam, ut ita dicam, imperitissima scientia, dum nos scire gaudemus quid Anaximenes, quid Anaxagoras,



goras, quid Pythagoras, quid Democritus senserint, & cæteri hujusmodi, ut docti eruditique videamur: cum à doctrina & vera eruditione id longè ablit. *Idem*: Compescat se humana temeritas, & id quod non est, non quærat: nè illud quod est, non inveniatur. *S. Augustinus*: Pulchras formas & varias, nitidos & amœnos colores amant oculi; Non teneant hæc animam meam, teneat eam DEUS, qui fecit hæc bona valdè, sed ipse est bonum meum, non hæc. *Idem*: In consideratione creaturarum non est vana & perita curiositas exercenda, sed gradus ad immortalia & semper manentia faciendus. *S. Hieronymus*: S. Hieron. in Dæmonum cibus est, carmina Poëtarum, secularis scientia, Rhetoricorum pompa verborum. Nulla ibi saturitas veritatis, nulla justitiæ refectio reperitur, studiosi earum in fame ver-  
 ri, & in virtutum penuria perseverant. *S. Gregorius*: Grave curiositas est vitium, quæ dum cujuslibet mentem ad investigandam vitam proximi exterius ducit, semper ei intima sua abscondit, ut aliena sciens se nesciens sit, & curiosus animus quantò peritus fuerit alieni meriti: tantò fiat ignarus sui. *S. Gregorius*: Dum incongrua dicentes audire non renuis, non solum opinionem tuam, sed gravas & animam. *Idem*: Fit re-  
 cto retributionis examine, ut qui exteriori oculo negligenter utitur, interiori cordis oculo non injustè cœcetur. *S. Bernardus*: Curiosus foras egreditur, & exterius omnia considerat, qui sic interna despicit, præterita non respicit, præsentia non inspicit, futura non prospicit. *Idem*: Pius pulsator plerumquè invenit, quod temerarius scrutator invenire non potest. *Idem*: Parit autem curiositas experientiam mali, ut facile, qui per multa vagatur offendat, facile cadat in laqueum, facile inveniat quod perniciosè delectet. *Idem*: O Dina! quid necesse est ut videas mulieres alienigenas? quâ necessitate? quâ utilitate? an solâ curiositate? & si otiosè vides, non tamen otiosè videris. *Idem*: Serva commissum, cave prohibitum, nè perdas concessum. Quid mulierem tuam, mortem tuam, intentè intueris? quid illuc tam crebrò vagantia lumina jadis? *Idem*: Nisi mens minus se curiosè servaret, tua curiositas tempus vacuum non haberet. Si culpa non est, culpæ tamen occasio est, & indi-



Isidorus Pelu-  
sota Epist.  
273.

tium commissæ, & causa comittendæ. *Isidorus*: Quod multa nobis obscura sint, atque humano ingenio vix pervestigari queant, perspicuum est. Quod autem demum, & quidem utiliter captum nostrum effugiant, quæ nobis ad salutem haudquaquam conducunt, id quoque liquet. Consideremus itaque quid nobis ad beatitudinem adjumento sit, quid secus: atque ita, quæ dicuntur exploremus: Cælum aut sphaeræ, aut dimidiæ sphaeræ speciem imitari affirmare, atque item celerrimum solis cursum, ac lunæ incrementa & decrements, syderumque situm curiosè indagare, ac præterea de terra quærere, cylindri an coni speciem teneat, mundique centrum sit: ac denique & solis & lunæ intervalla cognita & explorata habere, quid ad benè beateque vivendum utilitatis afferat, equidem non vides. Quod si quis id dicere possit, licet quidem fortasse: verum minimè persuadebit. At verò justitiam, & fortitudinem, ac prudentiam, & temperantiam, & si quid his, affine est, scire atque exequi, hoc verò eos, qui id callent, ad beatitudinis arcem evehit. Quocirca faciendum est, ut ab his ex quibus nihil commodi nobis oritur, abstineamus, ea autem ex quibus

*Prosp. de vo-  
catione gent.*

*Ibidem.*

emolumentum percipitur, amplectamur. *Prosper*: Quæ DEUS occulta esse voluit, non sunt scrutanda: quæ autem manifesta fecit, non sunt negligenda, nè & in illis illicitè curiosi, in his damnabiliter inveniamur ingrati. *Idem*: De altitudine discretionis DEI non turbabitur cor humilitatis nostræ: Si firmâ & stabili fide omne judicium DEI justum esse sciamus: & ubi investigari non potest, quare ita judicet, sufficiat scire, quis

*Richard de S.  
Vick. in quodam  
serm.*

judicet. *Richardus*: O! Quanti veritatem quærunt, non in veritate, sed in vanitate, quæsitam inveniunt, non ad veritatem sed ad vanitatem: & quod miserrimum est, in verbis

*Petr. Rayen.  
in serm.*

vitæ lucra mortis negotiantur. *Petrus Rayen*: Odibilis nihil est subtilitate, ubi est sola subtilitas. Quid enim prodest in illis expendere dies, quæ nec domi, nec militiæ, nec in foro, nec in clauetro, nec in curia, nec in ecclesia, nec alicubi prosunt, nisi duntaxat in scholis? Scribens Seneca ad Lucilium: Quid est, inquit, acutius aristâ, & in quo est utilis? tale est, inquit, ingenium, quod solâ subtilitate lascivens, nullâ in se residet gravitate.

M  
mini  
exte  
impe  
manit  
tus m  
ditur  
men  
terio  
in t  
veni  
ad p  
gesti  
modu  
droni  
sona, u  
bitudin  
ad diver  
est expo  
tiur  
cellus  
fractur  
neque  
ejus for  
In  
sunt ind  
tis & vi  
occurfu



In Praxi curiositatem fugiendi applica convenienter hic supradata. 1. 2. tra: 1. c. 1. sec. 4. subf. 2. §. 2. & 3.

## SUBSECTIO XII.

## De Modestia in externis corporis motibus.

**M**odestia hæc est virtus, quæ 2dum rationem exteriores corporis actiones, motus, & gestus, ordinantur. Dicitur; Virtus: Quia virtus moralis consistit in hoc, quod ea quæ sunt hominis per rationem ordinantur. Manifestum est autem, quod exteriores motus hominis sunt per rationem ordinabiles. Ad imperium enim rationis exteriora membra moventur: Unde manifestum est, quod circa horum motuum ordinationem virtus moralis consistit. Ordinatio autem horum motuum attenditur quantum ad duo. Uno quidem modo, 2dum convenientiam personæ: alio modo, 2dum convenientiam ad exteriores personas, negotia, seu loca. Unde dicit S. Ambrosius in 1. de officiis: Hoc est pulchritudinem vivendi tenere, convenientia cuique sexui, & personæ, reddere. Et hoc pertinet ad primum. Quantum autem ad 2dum subditur: Hic ordo gestorum optimus, hic ornatus ad omnem actionem accommodus. Et ideo circa huiusmodi exteriores motus ponit Andronicus duo, scilicet ornatum, qui respicit convenientiam personæ, unde dicit: quod est scientia circa decens in motu, & habitudine; & bonam ordinationem, quæ respicit convenientiam ad diversa negotia, & ea, quæ circumstant. Unde dicit quod est experientia separationis, id est distinctionis actionum. Dicitur; Actiones, motus, & gestus, v. gr. Sonus vocis, risus, incessus &c. Unde S. Ambrosius dicit. Sicut molliculum & infractionem aut vocis sonum, aut gestum corporis non probo, ita neque agrestem aut rusticum. Naturam imitemur, effigies ejus formula disciplinæ, forma honestatis est.

*Illicia Modestiae.* Imum. Externa modestia vel immodestia sunt indices interioris compositionis vel dissolutionis, seu virtutis & vitii: ita Ecclesiasticus: Ex visu cognoscitur vir, & ab occurru faciei cognoscitur sensatus. Amictus corporis, & risus

D. Tho. 2. 2. q. 168. 4. 1. corp.

Ecc. c. 19.



- Eccles. c. 21.** sus dentium, & ingressus hominis enunciant de illo. *Idem*: Fatuus in risu exultat vocem suam: vir autem sapiens vix tacite ridebit. *Apostolus*: Gaudete in Domino semper, iterum dico gaudete. Modestia vestra nota sit omnibus hominibus. *Idem*: Induite vos sicut Electi DEI, sancti, & dilecti, viscera misericordiæ, benignitatem, humilitatem, modestiam, patientiam.
- Philip. 4.**
- Coloss. 3.**
- S. Ambr. lib. 1.** 2dum. *S. Ambrosius*: Est, ait, in ipso motu, gestu incessu, tenenda verecundia. Hinc homo nostri cordis absconditus aut levior, ac jactantior, aut turbidior, aut contra gravior, & constantior, & purior, & maturior æstimatur. Itaque vox quædam est animi, corporis motus. *Et inferius*: Est etiam probabilis, in quo etiam sit species autoritatis, gravitatisque pondus, tranquillitatis vestigium; ita tamen, si studium desit atque oblectatio, sed, motus, sit purus ac simplex: nil enim fucatum placet, motum natura informet. Si quid sanè in natura vitii est, industria emendet, & si ars desit, non denatur.
- S. Aug. Reg. 3. c. 20.** sit correctio. *S. Augustinus*: In incessu, statu, habitu, & in omnibus motibus vestris, nil fiat, quod cujusquam offendant aspectum, sed quod vestram deceat sanctitatem. *S. Gregorius Nazian*: Ubi Christus est, modestia quoque est. *S. Isidorus in syno rurs*: Sit in ingressu tuo simplicitas, in motu puritas, in gestu gravitas, in incessu honestas. )) Modestia summè alios edificat.
- S. Hieron. in Reg. c. 22.** Unde *S. Hieronymus* de ejusmodi modestis dicit: Quòd loquacibus compunctionem ingerant, & intrandi ad societatem vestram sancta desideria incitent, & affectus ad cælestia moveantur. *S. Bernardus*: Oculi defixi in solum juvant, ut cor semper levetur in cælum. *Idem*: Singulare ornamentum totius corporis, est facies hominis; Delectatur hoc ornamento DEI oculus, quia quidquid habet bonitatis, & virtutis homo, totum ex facie prodit. Ideò præcepit Christus fidelibus suis ut facies suas lavent, id est nè aliquod offendiculum præbeant intuenti: in facie enim faciliter apparet, quidquid rectum vel devium, quidquid solidum, vel leve, quidquid bonum, vel malum continet interior domus. Hinc est, quòd illi qui cor habent compunctum, & DEO conjunctum, nunquam exhibent faciem pronam ad risum: reflexi enim super miseras sta-



tus præsentis, & imminetia vitæ æternæ pericula, nequaquam moveri possunt ad levitatem & risum. Illi ridere & cachinnos facere consueverunt, qui æternitatem rarò meditantur, nec de suis peccatis poenitent, quæ deberent in amaritudine animæ incessanter deplorare. Ad quorum numerum nè videaris pertinere, detestare omnem risum & cachinnos, præcipuè immoderatos, indue verò faciem tuam sanctâ & comprâ modestiâ, benignitate, & gravitate. Esto in vultu serenus, sed non dissolutus, multò minus turbulentus. Incessus quoquè tuus sit maturus, ita: ut in eundo nulla appareat levitas. Non geras erectum caput, sed depressum mediocriter habeas. Non sis vagus oculis, nec brachia ventiles, nec in composito gressu incedas sed plano & humillimo, quasi à devota oratione regresseris. Sedens autem non pigre in latus reclines te, nec crura longè extendas, nequè pedes componas, maximè præsertibus aliis. Exterior enim in compositio corporis, signum est indisciplinae, dissolutæ, & indevotæ mentis. *Cornelius à Lapide ait: Modestia componit mores ubiquè, puta in cubiculo, in oratorio, in schola, in templo, in mensa. Seculares maximè notant Sacerdotes & Religiosos in mensa; quia facile in ea exceditur cibo, potu, garrulitate. Caveant ergo sibi Religiosi ac modestiam servant, præsertim quando in secularium mensis versantur, si suum decus, nomen, & famam tueri volunt. Quocirca si sapias, sic oculos, vultum, vocem, habitum, gressum motusquè omnes compone ut deceant DEUM, ut te ornent, ut proximum ædificent: alioquin enim dedecus latens in animo, patet in voce, vultu, habitu: sciat Religiosus, atquè Sacerdos se sui Gradus Ordinis & Monasterii decus, & dignitatem suo habitu circumferre. Sæculares enim ex uno æstimant, judicantquè cæteros, ac dicunt. Vidi unum Religiosum talis Ordinis, vel unum Sacerdotem talis Ecclesiæ, tam modestum, pium, devotum; vel tam immodestum, dissolutum, irreligiosum: ergo cæteri sunt tales. Utinam hoc singuli cogitarent, eoquè quasi fræno se cohiberent, sanè magnam de se suoquè cœtu opinionem concitarent.*

*Cornel. à Lap.  
in Epist. S. Petri.*

*3tiū. Exempla, ex Biblioth. P. Lohner tit. modestia. I. Christus*

Yyyy

stus



*S. Hieron. in* itus quantoperè modestiam amavit & exercuit, testatur *S. Hieronimus* his verbis. Nulli dubium est, veritatem, & modestiam, & iustitiam Christum appellari, qui dicit: Ego sum via, veritas, & vita. Et: Discite à me, quia mitis sum & humilis corde. Et; Quia factus est nobis à DEO iustitia, & redemptio, & sanctitas. Hoc idem etiam ipsemet *S. Brigittæ* revelavit dicens. Ego positus in humanitate, sic temperavi orationes, labores, & jejunia mea, ut nec scandalizarentur intuentes, nec absentes offenderentur, sed omnes qui voluissent, possent imitari verba mea, & opera, & exempla. Hinc *S. Paulus*, Corinthios obtestatur. Ipse autem ego *Paulus* obsecro vos per mansuetudinem, & modestiam Christi. *B. Virgo* quam modesta fuerit, testatur *Nicephorus* his verbis: Erat MARIA in omnibus honesta & gravis, pauca admodum eaque necessaria loquens, ad audiendum facilis & perquam affabilis, honorem suum omnibus exhibens sine risu, sine perturbatione, & sine iracundia maximè. Erat denique fastus omnis expers, simplex, minimequè vultum fingens, nihil mollietis secum trahens, sed humilitatem præcellentem colens: & ut paucis dicam, in rebus ejus omnibus multa inerat gratia. Idem confirmans *S. Ambrosius*: Nihil, inquit, torvum in oculis, nihil in verbis prociac, nihil in verecundum, non gestus fractior, non vox perulantiore, ut ipsa corporis species, Simulachrum fuerit mentis, figura probitatis. sed & *S. Damascenus* addit: Honestus vestitus molliem omnem, ac luxum fugiens, gressusquè sedatus, atquè ab omni levitate remotus, mores severi hilaritate temperati, & quod maximè mirandum, senilis in corpore juvenili prudentia. Hinc cum Musæ Virgunculæ olim cum magno Virginum choro apparuisset, & ipsa associari illis appetisset, respondit, eam nequaquam adhuc eâ gratiâ dignam esse, eò quod levicula nonnihil & immodesta adhuc foret, redituram tamen post viginti dies secumquè abducturam, si mores emendasset. Quod & factum est. Aliud; *S. Franciscus* tantæ erat modestiæ, ut plus solo suâ aspectu moverit hominum corda, quam Concionatores sua eloquentiâ. Hinc aliquando dicens socio, se ad concionandum iturum, unâ alteravè vice, modeste urbem obam-



obambulavit, quærenti verò socio, cur concionatus non esset, id se jam fecisse, dum urbem solitâ modestiâ obambulâset, hinc suos in regulis his verbis hortatus est: Consulo, moneo, & hortor Fratres meos in Christo JESU nostro Domino, ut quando vadunt per mundum, non litigent, nequè contendant verbis, aut alios judicent, sed sint mites, pacifici, & modesti, & mansueti, & humiles. *Aliud. S. Bernardus* cum suis Monachis *Vit. l. 2. c. I.* Innocentio III. Pontifici, & Cardinalibus, Monasterium Claræ vallis visitantibus tanta modestiâ obviavit, ut Pontifex & Cardinales à lachrymis præ gaudio sibi temperare non possent. De ipso autem *S. Bernardo* canitur: Prima virtus Viri sancti habitus corporis sui, quod ita compositè, & uno semper modo agebat, ut nil appareret in eo, quod posset offendere intuentes. Totum in eo disciplinatum, totum in signe virtutis, perfectionis forma. *S. Bernardinus* Senensis tantâ erat modestiâ præditus, ut ad ipsius præsentiam æquales, suæ immodestiæ puderet, & vel hac sola voce: *Bernardinus* adest: ad gravitatem se componerent. *Lucianus M.* solâ oris modestiâ etiam ferocientes homines ad cultum Religionis adducebat. Quod cum intellexisset *Maximianus*, qui eum martyrio affici jusserat, non est ausus ad se vocatum aspicere, nè ejus modestiâ caperetur & Christianus fieret, sed velo interposito eum est allocutus. De *S. Ephrem* testatur *S. Gregorius Nyssenus*, quòd vultus ejus angelicus idoneus erat, ut solus sine ulla oratione ad commiserationem intuentes commoveret. Tanta in eo tum simplicitas, tum mansuetudo, tum probitas cernebatur. Nullus erat tam impudens, qui non intuens eum pudore suffundebatur, sequè ipso melior & modestior fiebat. *S. Romanus* multos aspectu suo fecit rerum divinarum amatores, & quotquot ad eum ventitabant eos & aspectu, & sermone toto vitæ suæ tempore replevit utilitate. *S. Ignatius* adeò modestiæ curam habebat, ut nec manum, nec oculum, membrumvè ullum sine causa & ratione moveret: Hinc non paucos insignes viros ad in eundam secum unitatem incitârat.

*4tüm. Exempla profana.* Romæ olim Censores constituebantur, quorum primarium erat officium ad morum emendationem attendere, erantquè inter alios Magistratus maximæ

Yyyy 2

reve-

*Surius in Vit.  
Collector.  
Breviar. Cisterciæ.*

*Apud Lancizæ  
Opusc. 3. c. 1.  
n. 322.*

*Ibidem.*

*Ibidem.*

*Hist. soc. p. 1  
l. 16. n. 107.*

*Cic. de leg.*



reverentiæ & potestatis, cumquæ illorum munus uno duntaxat anno duraverit, hoc per quinquennium durabat.

Drex. p. 2.  
ros. c. 12. pa-  
ragr. 3.  
Ibidem §. 5.

Lycurgus Spartanorum legislator modestiam commendaturus imperavit, ut adolescentes maximè manus in via intra palium continerent, silentio incederent, nusquam circumspicerent, oculos humi defixos gererent. Aliud: Priscorum metro dicebatur: Corona virtutum omnium Modestia.

*In Praxi* componendi se ad omnem Modestiam. Observe breviter ex Cornel. à Lapide sequentia media.

Comment. in  
Epist. §. Petri  
c. 3. fol. 268.

I. Cogitare se versari in præsentia DEI, Angelorum, & hominum, ab eisquæ ubique videri, audiri, notari. Spectaculum enim facti sumus DEO, Angelis, & hominibus.

II. Modestia interna & pax animæ; ex ea enim naturaliter sequitur modestia externa, sicut ex cithara per chordas ritè in se composita sequitur sonus harmoniacus.

III. Habere monitores, qui mores nostros notent, nosquæ sicubi minus compositi sint, moneant. Ita S. Carolus Borromeus duos Sacerdotes ad hoc alebat, ut in actiones suas omnes invigilarent, sequè si quid indecore faceret, liberè monerent. Hinc tota ejus vita adeo fuit composita, concinna, & sancta.

3. Ambr. lib. 1.  
Offic. c. 21.

IV. Reflecteres crebro in actiones suas, an quid immodestè & indecenter faciamus in Missa, mensa, incessu, colloquio &c. idquæ corrigere, ac constanter & fortiter correctioni incumbere per assiduam reflexionem, præmeditationem, orationem, donec illud planè emendaverimus, ut assequamur illud S. Ambr. lib. 1. Off. c. 22. Disceptatio sine ira, suavitas sine amaritudine sit, monitio sine asperitate, hortatio sine offensione. Et mox: Oratio sit pura, simplex, dilucida, atquæ manifesta, plena gravitatis & ponderis, non affectatâ elegantia, sed non intermissâ gratia.

1. 2. tra: c. 1.  
sec. 4. subf. 2.  
6. 2.

V. Versari cum modestis. Versari cum Catonibus & Scipionibus ait Seneca. Modestus enim facit alios modestos, sicut DEUS tranquillus tranquillat omnia: sic qui aspicit quietum & modestum, se componit ad quietem & modestiam.

Vide etiam supradicta, & hic convenienter accommoda.

Actus



## Actus Interni Modestia.

Ex Discipl. Claustr. P. Joan. a. J. M.

1. Modestissime JESU Christe, firmissime decerno me oculos à rebus minime necessariis auersurum, propter Te.
2. Nolo mitissime Domine aliquid in hac mortalitate pulchrum intueri.
3. Profecto amantissime DEUS, quamvis ex aspectu corporum immensam voluptatem percepturus essem, illa non aspicerem propter Te.
4. Absit à me Domine, ut aliquid curiose intuear.
5. Quin etiam optatissime DEUS, quæ videre licet, intueri nolo, ut Te tandem videre queam.
6. Ex animo delibero Dulcissime Domine me nunquam (quod ego animadvertam) rem aliquam, quæ à Te animum diuertat, intuiturum.
7. Mælo Domine ut mihi oculi eruantur, quam vel semel iis abuti.
8. Averte desideratissime DEUS oculos meos, nè videant vanitatem.

## SUBSECTIO XIII.

## De Oppositis Modestiae in exterioribus corporis moribus.

**I**mò. Modestia per Excessum. Talem cavebat S. Bernardus, qui etiam si totus erat intentus contemplationi, & vix sensibus nisi ad officia pietatis uteretur: in his tamen prudentiæ laude excellebat.

2dò. Per defectum, seu Immodestia. Contra quam Proverb. 6. dicitur: Homo apostatata, vir inutilis, graditur ore perverso, 12. annuit oculis, terit pede, digito loquitur, pravo corde machinatur malum, & omni tempore jurgia seminat. huic exemplo veniet perditio sua, & subito conteretur, nec habebit ultra medicinam. Isaias: Pro eo quod elevatae sint Filiae Sion, & ambulaverunt extento collo, & nutibus oculorum ibant, & plaudebant, ambulabant, & pedibus suis composito gradu incedebant, decalvabit Dominus verticem Filiarum Sion: S. Basil. regi.

Yyyy 3

In sus. inter. 17.



In immanes cachinnos prorumpere, & corpore contra animi voluntatem subsultare, nequaquam est ejus, qui animo composito sit, aut planè probò, & compote sui ipsius. *S. Ambr. lib. Offic. c. 23.* *brofius*: Nam de voce quid loquar, quàm simplicem, & puram esse satis arbitror? canoram autem esse naturæ est, non industriæ. Sit sanè distincta pronounciationis modo, & plena succi virilis, ut agrestem, & subrusticum fugiat sonum, non ut richmum affectet scenicum, sed mysticum seruet. *S. Hiero. Epist. ad Fur. vid.* *nymus*: Speculum mentis est facies & raciti oculi, tam modesti, quàm vagabundi, mentis farentur arcana. *S. Dorotheus: ser. 21.* Assuesce oculos non circumferre ad alienas & vanas res, hoc enim labores omnes monasticos deperire facit. *S. Gregorius Nazianz.* Ex immodestia Juliani apostatæ conjiciebat nequitiam ipsius, quàm imperio potius exercebat, ait itaque: A me autem longè ante perspecta quodammodo fuerunt, ex quo Athenis cum eo congressus sum. Nequè mihi boni quidquam significare videbantur, cervix minimè firma, humeri quos subinde agitabat, & attollebat, oculus vagus & oberrans, ac furiosum quiddam inuens, pedes instabiles & titutantes, natus contumeliam spirans, vultus lineamenta ridicula idem significantia, risus protervi & exastuantes, nutus & renutus omni ratione carentes, sermo hærens, spirituquè intercisus, interrogationes præcipites, & imperitæ, responsiones his nihilo meliores. Quid singula describere necesse est? Talem ante opera conspicatus sum, qualem in operibus postea cognovi, quo si qui, ex iis, qui tum simul erant, atquè audiebant, nunc mihi præsto essent, haud ægrè testarentur: Ad quos, ut hæc conspexi, statim his verbis usus sum; quale Romana Respubl. malum & pestem alit; præfatus licet, ac mihi ut falsus vates essem, imprecatus. Præstabilius enim id fuerat, quàm tantis malis orbem terrarum impleri, talequè monstrum existere, quale nullis ante seculis visum fuit.

*Actus externos Immodestia cavendos vide infra positos Subf. 22.*

SUB.



## SUBSECTIO XIV.

## De Modestia in ludis, &amp; jocis, seu de Eutrapelia.

**H**æc Modestia, seu Eutrapelia est virtus, quâ animus fatigatus, moderatis ludis & jocis recreatur. D. Thomas. ait: Sicut D. Thomas q. 168. Art. 2. Enim homo indiget corporali quiete ad corporis refo-  
 cillationem, quia non potest continuè laborare, propter hoc Corp. quod habet finitam virtutem, quæ determinatis laboribus proportionatur: ita etiam est ex parte animæ, cujus etiam est virtus finita ad determinatas operationes proportionata. Et ideo quando ultra modum suum in aliquas operationes se extendit, laborat, & ex hoc fatigatur, præsertim, quia in operationibus animæ simul etiam laborat corpus, inquantum scilicet anima intellectiva utitur viribus per organa corporea operantibus. Sunt autem bona sensibilia connaturalia homini. Et ideo quando anima supra sensibilia elevatur operibus rationis intenta, nascitur exinde quedam fatigatio animalis, sive homo intendat operibus rationis practicæ, sive speculativæ. Magis tamen si operibus contemplationis intendat, quia per hoc magis à sensibilibus elevatur, quamvis fortè in aliquibus operibus exterioribus rationis practicæ major labor corporis consistat. In utrisquè tamen tantò aliquis magis altero fatigatur, quantò vehementius operibus rationis intendit. Sicut autem fatigatio corporalis solvitur per corporis quietem, ita etiam oportet quòd fatigatio animalis solvatur per animæ quietem. Quies autem animæ est delectatio. Et ideo oportet remedium contra fatigationem animalem adhibere per aliquam delectationem, intermissâ intentione ad insistendum studio rationis. Sicut in collationibus Patrum legitur, quòd B. Joannes Evangelista, cum quidam scandalizarentur, quòd eum cum discipulis suis ludentem invenirent, dicitur mandasse uni eorum qui arcum gerebat, ut sagittam traheret; quòd cum pluries fecisset, quæsit, utrùm hoc continuè facere posset; qui respondit, quòd arcus frangeretur. Unde B. Joannes subintulit, quòd similiter animus hominis frangeretur,



geretur, si nunquam à sua intensiōe relaxaretur. Hujusmodi autem dicta, vel facta, in quibus non queritur nisi delectatio animalis, vocantur ludicra vel jocosa. Et ideo necesse est, interdum talibus uti, quasi ad quandam animæ quietem. Et

*Lib. 4. C. 8.* hoc est quod Philosophus dicit in 4. Ethic. quod in hujus vitæ conversatione quædam requies cum ludo habetur. Et ideo oportet interdum aliquibus talibus uti. Circa quæ tamen videntur tria esse præcipuè cavenda, quorum primum & principale est, quod prædicta delectatio non queratur in aliquibus

*Lib. 1. in C. de operationibus,* vel verbis turpibus, vel nocivis. Unde Tullius dicit in 1. de officio: quod unum genus jocandi est illibefacilia in pri-  
*mo.* rale, petulans, flagitiosum, obscenum. Aliud autem attendendum est, nè totaliter gravitas animi resolvatur. Unde

*Lib. 1. C. 20.* Ambrosius dicit in primo de offic. Caveamus, nè dum animum relaxare volumus, solvamus omnem harmoniam, quasi concentum quandam bonorum operum. Et Tullius in 1. de offic.

*Lib. 1. immedatè ante Cap. de scurrilitate.* dicit: Quod sicut pueris non omnem ludendi licentiam daturus, sed eam quæ ab honestis actionibus non sit aliena, sic in ipso joco aliquod probi ingenii lumen eluceat. Tertio

autem attendendum est, sicut & in omnibus aliis humanis actionibus, ut congruat personæ, & tempori, & loco, & zdum alias circumstantias debite ordinetur, ut scilicet sit & tempore & homine dignus. Unde Tullius dicit ibidem. Hujusmodi ergo secundum regulam rationis ordinantur. Habitus autem

*Lib. 4. Ethic. c. 8. to. 5.* secundum rationem operans, est virtus moralis. Et ideo circa ludos potest esse aliqua virtus, quam Philosophus Eutrapeliam nominat. Et dicitur aliquis Eutrapelus à bona conversione, quia scilicet bene convertit aliqua dicta, vel facta, in solatium. Et in quantum per hanc virtutem homo refrænatur ab immoderantia ludorum, sub modestia continetur.

*Marc. 6.* Pro Modestia in ludis, & jocis. imm. Christus Dominus

ad Discipulos ait. Venite seorsum in desertum locum, & quiescite pusillum. Unde Victor Antiochenus ait: Docet (nempe Christus) per eadem hæc etiam in verbi ministerio desudantes nonnunquam respirare, & interquiescere, seseque & corpus suum suo tempore curare & reficere debere, maxime verò post ministr-



ministerium abolutum. 2dum. Beata Virgo MARIA ad S. Idem 685. C. 2.  
 Brigittam: Amici Dei quandoquē possunt consolari consolati-  
 one temporali, sicut de verbis ædicatoriis, de ludo honesto,  
 seu de aliis operibus, in quibus nihil detractorium sit, aut in-  
 honestum, sicut per exemplum intelligere poteris. Si enim  
 pugnus semper tenetur clausus, aut contraherentur nervi, aut  
 manus debilitaretur, sic est etiam in spiritualibus. 3tium. Cas- Idem 681. C. 2.  
 sianus: Sæpè accidit, non dicam novitiis & infirmis, sed etiam  
 experientissimis atquē perfectis, ut nisi mentis eorum directio  
 atque censura quibusdam mollita fuerit vicissitudinum laxamen-  
 tis, aut in teporem spiritus, aut certè in perniciosam corporis  
 valetudinem collabatur. S. Bonaventura necessariam esse pro Idem 681. C. 1.  
 Religiosis æris recreationem ex his rationibus affert. Ut in-  
 firmi refocillentur, & sani conserventur, & lapsi in spirituali-  
 bus studiis recreentur. Deinde conferens Religiosos cū se-  
 cularibus scripsit, in hunc modum: Seculares enim,  
 qui frequenter vagantur, domi non indigent recreatione æris:  
 Religiosi verò, qui in cellarum reclusi sunt, nisi ali-  
 quam interiūs habeant æris recreationem, citò languescentes  
 tabescunt, & ad studia spiritualia inhabiles efficiuntur: ita  
 quod nec sibi, nec aliis proficiunt in devotionis internæ pro-  
 fectu, in sapientiæ intellectu, in virtutum exemplis, & in  
 doctrina salutis. Et alio in loco non minus clarè docet idem:  
 Assiduum lucrum in studio sacræ scripturæ, in devotionis de-  
 siderio, intimationis certamine, in internæ sollicitudinis vigo-  
 re, ita consumit & desiccatur vires corporis, ut nisi exterius  
 quandoquē aliquatenus refocillentur, non valeant diu subsi-  
 stere.

In Praxi circa Eutrapeliam hæc servanda. Quoniam  
 materia circa quam Eutrapelia versatur potissimum sunt hone-  
 sta colloquia, & ludi: Igitur quantum ad colloquia hæc debent  
 esse vel necessaria, vel spiritualia: Ita B. Laurentius Justinianus: B. Laur. Just.  
 Studeant aut ergo Christi servi, cū in unum congregantur, c. 15. de per-  
 & invicem reperiuntur, semper de rebus necessariis, vel de fest. mo. con-  
 animæ profectibus habere sermonem. Ibidem: Maximam nam- vers.  
 quē & indeficientem loquendi materiam invenient, de mise-  
 Zzzz  
 ria



Idem Ibidem.

S. Basil. Confi-  
mon. c. 13.S. Greg. lib. 11.  
moral. c. 4.

ria præsentis vitæ, de periculis hujus peregrinationis, de variis  
tentationum generibus, de diaboli fraudibus, de vitiorum de-  
formitate, de virtutum ornamentis & meritis, de mortis inevi-  
tabili necessitate, de pœnis inferni, de regno, & præmio pa-  
radisi. *Ibidem*: Frequentius verò de DEI ineffabili charitate  
humano generi per Christum, & in Christo exhibita. De hu-  
jusmodi autem, tam pro DEI amore & delectatione, quàm  
pro audientium ædificatione, & suimet profectu, DEI servi  
tractare non desinant, spiritualibus spiritualia propinantes.  
*Idem*: Sunt multa verba, quæ in se ridiculosa & vana esse vi-  
dentur, quæ interdum prudenter & opportuno dicuntur tem-  
pore, vel pro propria sublevanda fragilitate, vel proximorum  
amovenda tristitia.)) Hæc nempe talia ab infirmis mentibus ne-  
quaquam redarguenda sunt, quia otiosa non sunt. Plerumquæ  
hujusmodi magis fructificant, quàm spiritualia & Divina; Non  
autem in consuetudinem deducenda sunt sub intentione se-  
ductoria, sed rarò suo loco, ac tempore pronuncianda. Por-  
rò finis ejusmodi colloquiorum est, nempe exhilaratio animi,  
eruditio, & ædificatio. Unde *S. Basilus*: Si usus etiam incide-  
rit aliquando, ut remittendæ aliquantulum tristitiæ causâ, ser-  
mone ad hilaritatem excitemur, enim verò danda omnino ope-  
ra est, ut spirituali lepore referta sit oratio nostra, & Evange-  
lico sale condita, ut rectè quæ interiùs sit, sapientiæ gratum  
foras odorem aspiret, dupliciterquæ auditorem, & animi re-  
laxatione, & intelligentiæ festivitate delectet.)) Ad quem finem  
obtinendum non modicâ prudentiâ opus: tum sequentes ser-  
vandæ conditiones. *Ima*: Gustus & sapor rerum spiritualium  
quibus ille inest à natura, isquæ à DEO oratione acquirendus,  
cùm ipse sit proprius electorum: sicut carentia ejusmodi gu-  
stus Divinorum, signum reproborum. Hinc *S. Gregorius*: Ver-  
ba sapientiæ, inquit, quæ reprobi audiunt, electi non solum  
audiunt, sed etiam gustant; ut eis in corde sapiat, quod re-  
proborum non mentibus, sed solummodo auribus sonat. Aliud  
namquæ est nominatim cibum audire solummodo; aliud verò  
etiam gustare. Electi itaquæ cibum sapientiæ sic audiunt, ut  
degustent: quia hoc quod audiunt, eis per amorem medulli-  
tus



tus sapit. Reproborum verò scientiæ usquè ad cogitationem sonitus tenditur; ut quidem virtutes audiant, sed tamen corde frigido, qualiter sapiant, ignorent.) Quid si verbum DEI fastidias, multò magis te esse unum de reprobis probas? Quare Christus ad Judæos: *Qui ex DEO est, verba DEI audit, propterea vos non auditis, quia ex DEO non estis.* 2da. Varietatem facere tum in discursu de varia materia, prudenter tamen & spectatâ aliquâ connexionē: tum varietatem personarum modò cum isto colloquendo, si ita fert rationabilis occasio: tum varietas loquentium modo cum illo spectanda, nè unus solus loquatur, permittantur & alii. Ex his enim consequetur illud vulgare: varietas delectat. 3ta. Teneantur interrogandi respondendiquè vices: quod etiam ipsa increata incarnataquè Sapientia fecit in medio Doctorum duodennis: mirumquè in modum promovet hilaritatem ejusmodi colloquium. Verùm nè interrogatus de minimè scitis vel oblitis, loco recreationis confundatur ob propalatum suam ignorantiam, proportionata quibusquè ab ipsis requirenda. Et ita v. g. juxta Hugonem: Senes loquantur de discretionē consulendi; juvenes de instantia operandi; Sapientes de mysterio scripturarum; simplices de exemplis bonorum operum. Qui exteriora tractant, de solitudine vitæ activæ; qui quietam vitam ducunt, de dulcedine vitæ contemplativæ. Prælati de dispensatione temporalium: subditi de obedientia præceptorum: 4ta. Subinde præsertim in solennioribus recreationibus Musicus concentus vocum in pia materia maxima est exhilarationis occasio. Hinc Ecclesiasticus: *Vinum & musica lætificant cor.* Et Apostolus monet Christianos: Loquentes vobismetipsis in psalmis, in hymnis, & canticis spiritualibus, cantantes & psallentes in cordibus vestris Domino, gratias agentes DEO semper pro omnibus. Quod ipsum etiam secuti primi Christiani facere post mensam consueverunt, ut colligitur ex Patribus & Tertulliano. Tullius: Non ita generati à natura sumus, ut ad ludum & jocum facti esse videamur, sed ad severitatem potius & ad quædam studia graviora & majora. Et ad præsens observatur in quibusdam sanctis Religionibus: ita tamen ut textus spiritualis minimè applicetur tono continenti

Zzzz 2

Joan. 8.

Hugo Instit.  
Novit. c. 13.Eccli. 40.  
Eph. 5.Tertul. Apol.  
39.  
Tullius de  
Offic.

pro-



profanas cantiones, nè refricetur memoria obliatarum, & seculares concentum audientes absque textu, scandalizentur. Cæterum musica instrumenta à recreationibus Religiosarum personarum tanquam res profanæ communiter ablegantur.

Quod attinet ludum convenientem religioſæ recreationi: primo alex, chartifolia, Schacchi, & similia tanquam scandalosa & Ecclesiasticis viris prohibita excluduntur. 2do. Pila ventosa, & pila minor ob plures inconvenientias similiter rejiciuntur. Trochorum ludus, vel similis decet Religiosam gravitatem, & obtinet finem exhilarationis.

*Actus Modestiae in Eutrapelia vide quoq; infra Subs. 22.*

## SUBSECTIO XV.

### De Oppositis Eutrapelia.

**I**Mo. Opponitur Excessus per Ineptam letitiam, & Parrhesiam in verbis, voce clamorosa, risu, ludis. Dicitur: per ineptam letitiam: Etenim Eutrapelia moderatam non immoderatam requirit letitiam. Contra quam pugnat, quod ipsa sit radix omnium delictorum, abusuum, & ex illis sequentium malorum. Quia 2dum Aristotelem omnes aliae inordinate passionibus ad letitiam, & tristitiam, ordinantur. Adeoque ex inepta letitia sequitur Parrhesia seu dissolutio quædam animi, & indisciplinata compositio, quæ Parrhesia definitur esse Licentiosa Libertas loquendi, & agendi præter decorum. Fusiùs hanc Parrhesiam describit B. Dorotheus dicens: Est parrhesia multiplex, & pluribus modis fit. Etenim licentiosè se quisquam gerit, verbo, tactu, & visu. Delabitur quis Parrhesiâ in otiosam & vanam locutionem, in verba secularia, in actus ridiculos. Rissus enim mover hæc parrhesia, parum modestos. Est autem parrhesia, cum quis præter necessitatem alium atrectat, manusque suas jocandi ridendique studio in socium injectat, cum impellit alium, ac protrudit, cui violenter quidquam, aut fur-

tim

2. Ethic. c. 5.

S. Dorotheus

ser. 4.

tim.  
ste a  
dem  
vel g  
& p  
ma.  
nicie  
conce  
simia  
mum  
joca  
Contr  
aut av  
turpitu  
pertine  
numen  
s. Basi  
modo  
Opor  
dem  
re, n  
scurri  
cio di  
oratio o  
bratur,  
Joannes  
scurrita  
Parrhesi  
D. Bened  
probrun  
morque  
ductio,  
contorsio  
fractione  
amentia?  
luctus oc



tim ab alio rapit; cum impudentibus oculis, & parum modestè aliquid spectat. *Contra quam* Abbas Agathon apud eundem Dorotheum ita protulit: Nihil esse hoc morbo molestius, vel gravius; quandoquidem omnium vitiorum est seminarium, & passionum progenitrix: quippe timorem DEI fugat ab anima. Dorotheus verò ex suo sensu ait: In hoc extrema perniciēs est, & interitus absolutus.)) Itaque primò in verbis contentio, pertinacia, punctorii joci, loquacitas seu garrulitas nimia, dissertationes de rebus difficillimis caveantur. Potissimum scurrilitas (quæ secundum Smaragdum dicuntur esse *Smar. in Cæ. 6 Reg.* joca turpia, vel improba, vel irrisionibus digna) propulsetur. *Contra quam Apostolus:* Fornicatio autem, & omnis immunditia, aut avaritia, nec nominetur in vobis, sicut decet Sanctos: aut *S. Bened. Eph. 1.* turpitudine, aut stultiloquium, aut scurrilitas, quæ ad rem non pertinent. En cum gravissimis sceleribus scurrilitatem connumerat, quam nè quidem nominari cupiat inter Christianos. *S. Basilius:* Oportere Christianum non ridere, neque aliquo *S. Basl. Ep. ad modo ridiculorum sectatoribus operam dare. Clemens Alex. Canon.* Oportet risum quoque doceri & castigari: Et si de rebus quidem turpibus fuerit, erubescere potius videri, quàm subridere. *Clemens Alex. 1. 2. pæda. C. 5.* re, nè videamur per consensum collatari. *B. Laurentius de S. Laurent. lib. de discipli. c. c. 22.* scurrilibus agens inquit: Per quæ mens distrahitur, compunctio dissolvitur, gratia subtrahitur, proximus malè ædificatur, oratio confunditur, confidentia amittitur, conscientia obtenebratur, atque pretiosissimum tempus inutiliter consumitur. *Joannes Carpath.:* Nihil æquè virtutem profligare solet, ut *Joan. Carpath. scurrilitas, & ludicra atque vitiosa verba. Ineptam lætitiā, Cent. 1. n. 19.* Parrhesiam, & scurrilitatem comitari solet *Cachinnus, qui ædum D. Benedictum dicitur esse risus excussus, cujus descriptionem & S. Bene. Reg. C. 4.* probrum accipe à *S. Gregorio Nisse:* Oris indecora dilatio, tremorquæ spiritus & totius corporis concussio, & genarum ductio, dentiumquæ & lingvæ, & palati apertio, colliquæ *S. Greg. Niss hom. 2. in Eccl. contorsio, vocisquæ præter rationem fractio, quæ simul cum fractione spiritus interfecatur, quid hoc aliud fuerit, quàm Proverb. 14. amentia? Proverb. Risus dolore miscebitur & extrema gaudii Gloss. interl. luctus occupat. Dicit glossa. Luctus perpetuus. Et Ecclesiastes ibidem. Eccl. c. 2.*



Idem. C. 7.

Olymp. in C. 7.

Ecc.

Luc. 6.

Ephrem c. 1. de  
non rid.

Beda in scintil.

c. 54.

Eccles. 3.

S. Basilius c. 17.

Reg.

D. Thom. 1.  
168. 4. 2.Lib. 1. de Offic.  
de scurrilitate  
& facetia.

contra risum & ineptam lætitiā ait: Risum reputavi erro-  
rem, & gaudio dixi: Quid frustra deciperis? Idem: Cor stul-  
torum ubi lætitiā. Et mox. Quia sicut tonitus spinarum ar-  
dentium sub olla: Sic risus stulti, sed & hoc vanitas. Supra  
quod Olympiodorus: Ebuliens, inquit, risus & cachinnatio spinis  
videtur esse persimilis, quæ sub ollæ fundo strepitantes conflagrant. Primò quidem, quia sicut ille fragor ardentium spinarum planè percipitur auditu, quanquam oculis non cernatur: ita & immodestus cachinni sonus stultos facillè prodit. Tum verò inde à spinarum globo fumus attollitur; hic quoquē caligo quædam mentis ex huiusmodi risu cognoscitur. Ibi ollæ spinæ succendunt: hic animum stulti risus peccati forde non carens, igni parat æterno. Christus ait: Væ vobis! qui ridetis nunc; quia lugebitis & flebitis. S. Ephrem: Risus Spiritum sanctum contristat, animæ obest, & corpus corrumpit. Beda: Nullum habebit accessum cordis compunctio, ubi fuerit immoderatus risus & jocus.)) Permittitur tamen Christiano subinde temperatus risus juxta illud Eccles. Tempus flendi, & tempus ridendi. Et S. Basilius: Verùm enim modicè rictum deducere, eoquē modo animi sui diffusionem leniter significare, non est contra decorum: quatenus illud tantum indicetur, quod scriptum est: Cor gaudens, exultat faciem.)) Quod concernit excessum in ludis, de his & aliis audi Doctorem Angelicum qui ait: Peccatum Eutrapeliæ oppositum per excessum quandoquē mortale, quandoquē veniale est. Quia in omni eo quod est dirigibile ad rationem, superfluum dicitur quod regulam rationis excedit. Diminutum autem dicitur aliquid, ad quod deficit à regula rationis. Dictum est autem, quod ludicra sive jocosa verba vel facta, sunt dirigibilia secundum rationem. Et ideo superfluum in ludo accipitur, quod excedit regulam rationis. Quod quidem potest esse dupliciter. Uno modo ex ipsa specie actionum, quæ assumuntur in ludum, quod quidem jocandi genus ad quod Tullium dicitur esse illiberale, petulans, flagitiosum, obscenum, quando scilicet utitur aliquis causâ ludi turpibus verbis, vel factis, vel etiam his, quæ vergunt in proximi nocumentum, quæ de se sunt peccata mortalia. Et sic patet quod excessus in ludo, est pecca-



peccatum mortale. Alio autem modo potest esse excessus in ludo secundum defectum debitarum circumstantiarum, puta cum aliqui utuntur ludo vel temporibus, vel locis indebitis, aut etiam præter convenientiam negotii, seu personæ. Et hoc quidem quandoque potest esse peccatum mortale propter vehementiam affectûs ad ludum, cujus delectationem præponit aliquis dilectioni DEI, ita quod contra præceptum DEI vel Ecclesiæ, talibus ludis uti non refugiat. Quandoque autem est peccatum veniale: puta si aliquis non tantum afficitur ad ludum, quod propter hoc velit aliquid contra DEUM committere.

*Contra Excessum in ludis.* S. Cyrillus scribens ad S. August. ait: Nepos quidam meus Rufus nomine, utroque pri-  
vatus parente, anniculus ad meas devenit manus. Quem tan-  
tâ diligentia, suo infortunio enutrivî, ut plures eum à me ge-  
nitum credidissent. Crescens itaque puer ætate non sapien-  
tiâ, ingenti pulchritudine corporis, sed non animæ, probis  
moribus, elegantia multæ sapientiæ decoratus, à cunctis ama-  
batur. Is igitur decimo octavo ætatis suæ anno mortuus est,  
descentibus eum cunctis. At ego nimis eum diligens, rogavi  
gloriosum Hieronymum, ut quid sibi contigerit, mihi revela-  
ret. Oranti itaque mihi die quadam, horâ nonâ tantus foetor  
adfuit, ut omnino tolerare non possem. Cogitans unde tan-  
tus hic foetor, conspicio supremè infelicem meum nepotem  
quasi catenis igneis religatum, fornacis instar flammæ foedis-  
simas emittentem. Cum itaque tremebundus interrogare sæpè  
disponerem, nec possem, resumpto tandem spiritu inquisivi  
tremens, si ipse meus nepos esset. Heu! inquit ille, utinam  
nunquam fuisset, nè tam diris poenis affligerer, nam æternis  
scias me poenis deputatum. Post longam igitur collationem,  
inquisivi, quæ causa suæ damnationis esset, cum tamen in mun-  
do tot virtutibus sic polleret. Pro nulla alia (inquit) causa,  
nisi quia ludis delectabar. Quia in morte acceptâ poenitentia,  
quasi ex stulta ignorantia (ut debebam) nolui confiteri, Divinam  
non merui veniam adipisci. Et hoc dicens disparuit. Post  
quem talis foetor remansit, quod nullus locum illum audebat  
introidre.



2dò. *Eutrapeliæ* opponitur per Defectum, *Rusticitas*, quæ  
*Gerson. T. 4.* juxta *Gerlonem* est vitium oppositum in minus, quo quis sper-  
*L. de ser. Term.* nit ludere, quando, & ubi, & qualiter oportet. De hoc de-  
*C. de temp.* fectu ita *S. Thomas* differit dicens: Peccatum *Eutrapeliæ* per de-  
*V. D. Thom. 2.* defectum oppositum est, quo aliquis nihil delectabile profert, &  
*2. q. 168. a. 4.* delectabilia ab aliis moderatè prolata rejiciens, eis molestus est.  
*Ratio est.* Quia omne quod est contra rationem in rebus hu-  
 manis, vitiosum est. Est autem contra rationem ut aliquis  
 aliis onerosum se exhibeat, puta dum nihil delectabile exhibet,  
 & etiam delectationes aliorum impedit. Unde *Seneca* dicit:  
 Sic te geras sapienter, ut nullus te habeat tanquam asperum,  
 nec contemnat quasi vilem. Illi autem qui in ludo deficiunt,  
 nec ipsi dicunt aliquod ridiculum, & dicentibus molesti sunt,  
 quia scilicet moderatos aliorum ludos non recipiunt. Et ideo  
*Lib. 4. C. 8.* tales vitiosi sunt, & dicuntur duri, & agrestes, ut *Philosophus*  
 dicit in 4to. *Ethicorum*. Sed quia ludus est utilis propter quie-  
 tem & delectationem. Delectatio autem & quies, non pro-  
*Lib. 10. C. 6.* pter se quaruntur in humana vita, sed propter operationem,  
*2o. §.* ut dicitur in 10. *Ethicorum*: Ideo defectus ludi minus est vi-  
 tiosus quàm superexcessus. Unde *Philosophus* dicit in 9. *Ethi-*  
*corum*: quòd pauci amici propter delectationem sunt habendi,  
 quia parum de delectatione sufficit ad vitam quasi pro condi-  
 mento, sicut parum de sale sufficit in cibo.  
*1. 2. tra. 1. c. 1.* In *Praxi* contra ineptam letitiam, & Excessum in ludis, applica-  
*sec. 4. subf. 2.* convenienter supradicta.  
*§. 2. & 3.*

## SUBSECTIO XVI.

## De Modestia in verbis, &amp; de Silentio.

**M**odestia in verbis, est virtus ad dictamen rationis directi va lo-  
 cutionis, vel silentii, in conversatione humana. Dicitur: est  
 virtus tum generalis, tum specialis. Generalis est, qua-  
 tenus per verba exercetur actus alicujus virtutis circa ejus pro-  
 priam materiam, vel etiam filetur: ut v. g. In materia castita-  
 tis dicere: Malo mori, quàm foedari: est actus castitatis verbis  
 exer-



exercitus: Similiter filere à turpiloquio, est actus silentii ad virtutem castitatis spectans. Actus enim fugæ & persecutio- nis circa aliquam materiam ab eodem habitu oriuntur. Qua- re huic Modestiae in verbis, opponitur Maliloquium. Por- rò dicta Modestia virtus specialis est, quatenus versatur circa specialem materiam, nempe rationabilem, seu necessariam, & utilem locutionem, eamquæ moderatam, sicquæ fileat à Vani- loquio & Multiloquio. Tum quia hæc materia est multum difficilis ad executionem. Unde *Jacobus*: Linguam nullus ho- minum domare potest.)) Ergo singularem requirit virtutem, Virtus quippe à specialitate materiæ, & difficultate, & exinde resurgente honestate, in suo Esse proprio specificatur.

Jac. C. 3.

Adverte etiam ad silentium huc revocari *Conservationem secreti*, quæ maximè necessaria est in conversatione & societate humana stabilienda.

Est autem silentium aliud *orû*, aliud *operis*: per prius, à verbis propriè dictis, per posterius ab æquivalentibus verbis.

*Illicia Modestiae in locutione, & Silentio.* *Imùm.* Prov. 15. Latatur homo in sententia oris sui, & sermo opportunus est optimus. *Item*: Qui moderatur sermones suos, doctus & prudens est. *Item*: Mala aurea in lectis argenteis, qui loqui- tur verbum in tempore suo. *Ecclesiastes*. Verba oris sapientis gra- tia: & labia insipientis præcipitabunt eum. In medio insen- fatorum serva verbum tempori. *Idem*: Adolescens loquere in tua causa vix. Si bis interrogatus fueris, habeat caput respon- sum tuum. In multis esto quasi inscius, & audi tacens simul & quærens. In medio magnatorum non præsumas: & ubi sunt senes, non multum loquaris. *Apostolus*: Sit autem omnis homo velox ad audiendum: tardus autem ad loquendum. *Apostolus*: Sermo vester semper in gratia sale sit conditus, ut sciatis quomodo oporteat vos unicuiquæ respondere. *De Ec- clesiaste dicitur*: Quæsiit verba utilia, & conscripsit sermo- nes rectissimos.

Prov. 15.

Prov. 17.

Prov. 25.

Ecclesiastes. 10. v. 12.

Ecclesiastes. 27. v. 13.

Ibid. 32. v. 10.

v. 11.

v. 12.

v. 13.

Jacob. 1.

Coloss. C. 4.

Ecclesiastes. C. 12.

*2dum.* S. Gregorius: Tempus tacendi, & tempus loquen- di, discretâ vicissitudine pensanda sunt tempora, nè aut quum restringi lingua debet, per verba se inutiliter solvat: aut cum lo- qui

Aaaaa

qui



*Idem in Prov.* qui utiliter potest, semetipsum pigre restringat. *Idem:* Sapiens non solum quod loquitur, sed etiam opportunitatem loci, &

**15.**

*S. Hieron. in S. Hieronymus:* Diu considera quid loquendum sit, & adhuc taceas, provide, ne quid dixisse poeniteat. Sapiens ut loquatur,

*quodam serm.* multa prius considerat: quid, aut cui, quo loco, aut tempore dicat. *Valer:* Et loqui, & tacere perfectio est, est autem utrius-

que partis causa, verborum tenuisse mensuram. Aliquoties nimia taciturnitas stultitiae adscribitur, sicut verborum nimietas ad furorem refertur, secundum illud Sapientis: Est tacens, & non habens sensum loquelæ; & est tacens sciens tempus apti temporis: de qua re si nostri sententiam requiras arbitrii, jam malo aliquis in tacendo stultus, quam nimium loquendo insanus judicetur.

*Prov. 17.*

*Sap. 9.*

*Tob. 12.*

*Isai. 39.*

*Idem 32.*

*Thren. C. 3.*

*S. Chrysost. in*

*Matth. c. 21.*

*S. Hieron. in*

*Reg. Monach.*

*C. 22.*

*S. Diad. in*

*Bibli. Patr. de*

*perfect. spir.*

*C. 20.*

*S. Amb. lib. 1.*

*de Officiis.*

*S. Grego. in*

*moral.*

*Idem in qua-*

*dam homil.*

*Ser. I. de*

*Epiph.*

*Pro Silentio. Imum, Prov.* Stultus quoque si tacuerit,

sapiens reputabitur: & si compresserit labia sua intelligens.

*Sap.* Gloria DEI est celare verbum. *Raphael Archangelus:* Sa-

cramentum Regis abscondere bonum est. *Isai:* In silentio &

in spe erit fortitudo vestra. *Idem:* Culcus iustitiae silentium.

*Thre.* Bonum est praetolari cum silentio salutare DEI.

*S. Chrysostomus:* Malum hominem tacendo melius,

quam respondendo vincere potes. *D. Hieronymus:* Ex hoc

enim in eremo SS. Patres edocti summa cum diligentia obser-

vant sancta silentia, tanquam sanctae contemplationis causam.

*S. Diadochus:* Praeclara ergo res est silentium, nihilque aliud

quam mater sapientissimorum cogitatum. *S. Ambrosius:* Si-

lendi patientia, opportunitas loquendi, & contemptus divitiarum,

sunt maxima fundamenta virtutum. *S. Gregorius:* Ille scit re-

cte dicere, qui & ordinatè novit tacere. *Idem:* Sancti viri

cum prodesse audientibus, nequeunt, etiam despici tacentes

volunt.

*Exempla ex Bibli. Man. P. Lobner tit Taciturnitas.*

**I.** De Christi silentio testatur. *S. Bernardus:* dum tractans illa

verba: *Ipsam audite;* sic loquitur. Ecce Domine JE SU vel jam

nunc loquere. Quousque siles? quousque dissimulas? diu

tacuisti, & valde diu, vel jam nunc habes loquendi licentiam

à Pa-



à Patre. Et *Isaias de Christo*: Non aperuit os suum, sicut ovis ad occisionem ducetur, & quasi agnus coram tondente se obmutescet, & non aperiet os suum.)) Nimirum in passione sua, in qua tota altissimum tenuit silentium, vix necessaria loquens. 2. B. Virgo teste S. Bernardo in omni textu Evangeliorum non nisi quater loquens auditur. Imo quidem ad Angelum, sed cum jam semel atque iterum allocutus fuisset, *Secundò* ad Elisabeth, quando vox salutationis ejus Joannem exultare fecit in utero, & eâ magnificante MARIAM, ipsa magis Dominum magnificare curavit. *Tertiò* ad Filium, cum jam esset annorum duodecim, quod ipsa & Pater ejus dolentes quasiuissent. *Quartò* in nuptiis ad Filium & ministros! Sed & *Nicephorus*. Erat, inquit, MARIA in rebus omnibus honesta & gravis, pauca admodum, eaque necessaria loquens: ad audiendum facilis, & perquam affabilis, honorem & venerationem omnibus exhibens. S. Bernardinus quoque idem confirmans. Sapientissima virgo ait ornata erat discretissimâ taciturnitate; nil enim locuta, quod non præmeditata. Nunquam tamen silentii amorem magis declaravit, quam cum S. Josepho dimittere eam volente, tacuit, suamque causam & defensionem DEO commisit. 3. S. Hieronymus testatur se invenisse aliquot eremi Patres tam observantes silentii, ut iusto septennio nec unicum quidem verbum sibi passi sint excidere. 4. S. Gertrudis de seipsa testata est, nunquam sibi vel ad ictum oculi subtractam per novem annos Christi præsentiam, nisi per undecim dies, ob mundialem quandam, ut ipsa loquitur, fermocinationem. 5. S. Arsenio querenti, quâ ratione proficeret ad salutem, vox cælo delapsa dixit: *Fuge, tace, quiesce, hæc sunt principia salutis*. 6. Cum B. MARIA Oegnaciensis aliquando à festo S. Crucis usque ad Pascha Domini nè unum quidem verbum locuta esset, tam gratum DEO id fuit, ut ex Spiritûs sancti revelatione didicerit, eo vel maxime se impetrâsse, ut sine poena purgatorii migraret ad cælum. 7. De Monasterio Claravallensi sub S. Bernardo, scribit vitæ hujus S. Author, quod mediâ die mediæ noctis silentium à supervenientibus inveniebatur præter laborum sonitus, & si fratres in laudibus DEI occuparentur. Por-

S. Bern. serm.

in signum magnum.

Lib. 2. Hist.

c. 23.

In Reg. Monachi. I.

Lib. 2. infu.

c. 54.

S. Epbr. to. 12.

in apophtegma.

Sur. 23.

Vit. l. I c. 7.



In. C. 30.

rò ipsius silentii ordo & fama tantam apud seculares super-  
nientes sui faciebat reverentiam, ut & ipsi non dicam prava  
vel otiosa, sed aliquid etiam, quod ad rem non attineret, ibi  
loqui vererentur. 8. Ignatius teste Cornelio à Lapide tria da-  
bat signa, ex quibus quis perspiceret, an in Monasterio aliquo  
vel Collegio bona esset disciplina claustralis; scilicet si benè ser-  
varetur clausura: si omnia loca essent nitida & composita: si  
benè servaretur silentium, non essent fabulæ, strepitus, clamo-  
res. Hinc si strepitum aut sermonem tempore silentii ipse  
audiret, mox delinquentem ad se vocabat & monebat.

S. Bern. l. de  
ord vitæ,In Panegyri  
Trajani.

4tū. *Exempla profana.* Pythagoras legem dedit suis Di-  
scipulis, ut per quinque annos tacerent, sicquē loqui addisce-  
rent; & tu inquit S. Bernardus non vis tacere, cui virtus silen-  
tii propria est? Aliud. Plinius de Palatio Trajani Imperatoris  
loquens sic ait: Magna ante te, magna post te, juxta ramen  
te maxima quies. Tantum ubique silentium, tam altus pudor,  
ut ad parvos Penates & larem angustum ex domo principis,  
modestiae & tranquillitatis exempla referantur.

Exodi 4. v. 10.

In ligno vitæ  
tr. de Orat. c. 5.Rodrig. p. 1.  
tr. 7. c. 7.Rodrig. p. 2.  
tr. 2. c. 12.

Grad. 11.

In *Praxi* ad Comparandum silentium hæc media ex P.  
Lohner accipe loco citato. I. *Orationis studium.* Nam ut be-  
nè advertit Rodriquez: sicut silentium & causa sanctæ con-  
templationis, ita & hæc vicissim est causa silentii, quemadmo-  
dum Moyses suo exemplo testatus est, dum dixit: Ex quo lo-  
cutus es ad servum tuum, impeditioris & tardioris lingvæ sum.

Nec enim ut S. Laurentius Justinianus ait, potest panem secu-  
li cupere, qui suavi gustu reficitur Salvatoris.

II. *Examen particulare accuratum.* Sic Frater Juniperus in-  
tegrum sex mensium silentium à se impetravit, dum primo die  
proposuit non loqui ad honorem æterni Patris, & sic reliquis  
diebus ad honorem aliarum Personarum, & Sanctorum.

III. *Considerare, quod os sit consecratum DEO ad laudes Ei*  
*dicendas:* Quod remedium suggessit S. Bernardus dicens: In-  
ter seculares, nugæ, nugæ sunt: in ore Sacerdotis blasphemiae. Con-  
secrasti os tuum Evangelio, talibus jam aperire, illicitum;  
asuefacere sacrilegium est.

IV. *Ponderare frequenter commoda silentii.* Nam studiosus silen-



silentii appropriat DEO, ipsique jugiter in abdito cordis as-  
sistens, illustratur ab eo, ut S. Climacus loquitur. Et ut Joan-  
nes de Indagene pronunciabat: per silentium prohibetur ani-  
mus exire foras, & intus ire compellitur seipsum bene in-  
tueri, considerare, & spiritualibus exercitiis perficere.

V. *Curiositatem audiendi tollere.* Sic Joannes Abbas ex  
Cytico docuit dicens: Qui continere vult linguam, obstruat  
aures, nè multa audiat.

VI. *Radicem garrulitatis evellere.* Quam rectè indicavit  
Thomas à Kempis, dum ait: Idcirco tam libenter loquimur,  
quia permultas locutiones ab invicem consolari quærimus, & cor  
diversis cogitationibus fatigatum optamus relevare. Et mul-  
tum libenter de his, quæ multum diligimus vel cupimus, vel  
quæ nobis contraria sentimus, libet loqui & cogitare.

Vide quoque supradicta & hic proportionatè adhibe.

*Actus interni silentii ex Discipl. Claust. P.*

*Joannis à J. M.*

Lib. 1. c. 10.  
I. 2. tra: 1. c. 1.  
sec. 4. subf. 2.  
§. 2.

1. Modestissime JESU Christe pone custodiam ori meo, & ostium  
circumstantiæ labiis meis.

2. Statuo mitissime Domine ab omni verbo, quod necessitas vel  
utilitas non exigit, abstinere.

3. Si oportuerit memori propter silentii cultum à congregatione  
prescriptum, non te negabo.

4. Si exploratum mihi fuerit verbum aliquod otiosum esse, etiamsi  
occidar, filebo.

5. Absit à me clementissime Domine, ut conscientia renitente  
loquar.

6. Si ad loquendum invitatus fuero, ubi rationes humane ob  
personæ gravitatem, vel causas alias verba suggererint, rationi divi-  
næ silentii obtemperabo.

7. Utinam benignissime DEUS! potius obmute scam, quam vel  
uno verbo tibi non grata abutar.



## SUBSECTIO XVII.

## De Oppositis Modestiae in verbis, &amp; Silentii.

**I** Mo. Opponitur per Excessum nempe Multiloquium etiam in utilibus, cum paucioribus verbis idem possit perfici. *Contra quod Prov:* In multiloquio non deerit peccatum. Qui autem moderatur labia sua, prudentissimus est. *Prov:* In omni opere bono erit abundantia: ubi autem verba sunt plurima, ibi frequenter egestas. *Prov:* Vidisti hominem velocem ad loquendum, stultitia magis speranda est, quam ipsius correctio. *Ecclesi.* Stultus verba multiplicat. *Ecclesi.* Noli verbosus esse in multitudine Presbyterorum, & non iteres verbum in oratione tua. *Ibidem:* Qui multis utitur verbis, laedet animam suam.

Opponitur quoque per Excessum silentium ab utilibus & necessariis. *Contra quod Isaïas de se:* Vae mihi! quia tacui. *S. Gregorius in pastor.* Sicut incauta locutio in errorem protrahit, ita indiscretum silentium eos, qui erudiri poterant, in errore relinquit, 2do. Opponitur per Defectum; id est Maliloquium, & Vaniloquium. *Contra maliloquium Apostolus:* Omnis sermo malus ex ore vestro non procedat. *Petrus:* Qui vult vitam diligere, & dies videre bonos, coërceat linguam suam à malo, & labia ejus ne loquantur dolum. *S. Jacobus Apostolus:* Lingva modicum quidem membrum est, & magna exaltat. Ecce quantus ignis, quam magnam sylvam incendit. Et lingua ignis est, universitas iniquitatis. Lingva constituitur in membris nostris, quæ maculat totum corpus, & inflamat rotam nativitatis nostræ inflammata à gehenna. Omnis natura bestiarum, & volucrum, & serpentium, & cæterorum domatur, & domita sunt à natura humana: Linguam autem nullus hominum domare potest. Inquietum malum, plena veneno mortifero. In ipsa benedicimus DEUM & Patrem: & in ipsa maledicimus homines, qui ad similitudinem DEI facti sunt. Ex ipso ore procedit benedictio, & maledictio. Non oportet fratres mei hæc ita fieri.



fieri. Numquid fons de eodem foramine emanat dulcem & amarā aquam? Numquid potest fratres mei, ficus uvas facere, aut vitis ficus? sic nequē falsa dulcem potest facere aquam. *S. Ambrosius*: Quāmplures vidi loquendo in peccatum incidisse; vix quēpiam tacendo: ideoquē tacere posse quā loqui, difficilius est. *Idem*: Periculum est dicere non solum falsa, sed etiam vera: si is ea non quibus oportet innuet, quod vitium quadripartitum est; Vel adulationis, vel avaritiæ, vel iactantiæ, vel loquacitatis incautiæ. *Idem*: Ingreditur mors per ostium tuum, si falsum loquaris, si turpiter, si procaciter: postremò, si ubi non oportet loquaris. *S. Hieronymus*: Verba volvere, & apud imperitum vulgus admirationem sui facere, indoctorum hominum est. Nihil tam facile quā vilem plebem & indoctam volubilitate lingvæ decipere, quā quidquid non intelligit, plus miratur.

*S. Ambr. 5. de**Offic.**Idem in Psal.**118.**Idem lib. 1. de**Virginitate.**S. Hier. ad**Nepotian.*

*Contra Vaniloquium.* *Christus*: Dicō autem vobis, quoniam omne verbum otiosum quod locuti fuerint homines, reddent rationem de eo in die iudicii: Ex verbis enim tuis iustificaberis, & ex verbis tuis condemnaberis. *S. Gregorius*: Quod supervacuis verbis mens à silentii sui censura dissipatur, quasi tot ruinas extra se ducitur, unde redire inferius ad sui cognitionem non sufficit, quia per multiloquium exterius sparsa, vim intimæ considerationis amittit. *S. Isidorus*: Vanus sermo citò polluit mentem, & facile agitur, quod libenter auditur. *S. Ambrosius*: Scio loqui plerosquē, cū tacere nesciant. Rarum est tacere quenquam, cū sibi loqui nihil profit: Sapiens est ergo, qui novit tacere.

*Matth. C. 12.**S. Greg. lib. 5.**Moral.**S. Isid. in lib.**soliloq.**S. Amb. lib. 1.**de Offic.*

*3tio.* Inter species Maliloquii quæ sunt varia peccata lingvæ, unū detractionis, maledictionis, blasphemix, &c. est quod quē *Murmur*, quod definitur esse *quædam querela cum impatientia*, in his, quæ homo deberet patienter ferre. *Murmur* aliud est contra DEUM, aliud contra homines, maxime Superiores.

*Joseph. Lang.**Poliant. Tit.**Murmur.*

*Contra Murmur est.* *1. Sap.* Quoniam auris acris & indigna lunda zeli audit omnia: & tumultus murmurationum non abscondetur. *Idem*: Custodite vos à murmuratione, quæ

*Sap. 1.**Ibidem.**nihil*



- Joan. 6. 43.* nihil prodest. *Christus* monet: Nolite murmurare ad invicem.  
*1. Cor. 10.* *Apostolus*: Nequē murmuraveritis, sicut quidam eorum murmuraverunt, & perierunt ab exterminatore. *Idem*: Omnia facite sinē murmurationibus, & hæsitationibus, ut sitis sinē querela, & simplices Filii DEI. *S. Augustinus*: De nulla re magis DEUM offendisse ille populus Judaicus dicitur, quā contra DEUM murmurando. *S. Gregorius*: Qui contra suprà positam sibi potestatem murmurat, liquet, quod illum redarguit, qui eandem homini potestatem dedit. *S. Bernardus*: Si is qui murmurat, secundū animam mortuus est, qui instigat, quomodo vivit? Pœnæ murmurantium ex *P. Busæi Arca Medic. tit. Murmur.* Moysis sororem Mariam ob murmur leprâ audi percussam. Dathan & Abiron vivos terræ hiātu absorptos. Chore igni consumptum. Ignitos serpentes in populum immisos; extremam castrorum partem ab igne devorata: ac deniquē majorem filiorum Israel partem ingressu terræ promissionis exclusam in deserto periisse. *Apostolus* quorū Judas hæreticos, de quibus futuris vaticinatur, appellat murmuratores, querulosos, secundū desideria sua ambulantes: eorumquē pœnam præmittit dicens: quibus procella tenebrarum servata est in æternum.
- 1. 2. tract. 1. c. 1.* In Praxi ad evellendum vitia opposita Modestiae in loquendo, &  
*sec. 4. subf. 2.* silentio, aptificari possunt supradicta.  
*6. 2. & 3.*

## SUBSECTIO XVIII.

## De Solitudine.

**S**olitudo, est actus modestiæ, quo adū rectam rationem separat se homo à societate & conversatione humana. Dicitur; Actus Modestiæ: quia ejus officium est ponere modum in passionibus superandis circa aliqua faciliora; faciliora inquam per respectum ad alia multo difficiliora: siquidem & Modestia secundū se spectatam materiam habet non modicè difficilem: ubi & hæc modestia in abstrahendo se à societate humana, contra naturam pugnat, cum ex natura homo sit animal sociale.

Soli-



Solitudo alia est externa, dum quis corporaliter sejungit se ab aliis, sibi unus relictus. Alia interna, quæ etiam in mediis turbis populorum servari potest, fitquæ non attendendo ad dicta & facta aliorum, vel res transitorias; verum per eas, vel alio modo totus est DEO aut divinis homo intentus.

*Allectiva Solitudinis.* Imùm. Thren: Sedebit solitarius & Thren. C. 3.  
 rabeat: quia levavit se super se: ponet in pulvere os suum, si  
 fortè sit spes. Osee: Ecce ego lactabo eam, & ducam eam Osee. C. 2.  
 in solitudinem, & loquar ad cor ejus.

2dum. S. Hieronymus: Sapiens nunquam solus esse potest, S. Hier. contra  
 habet enim secum omnes, qui sunt, & qui fuerunt boni, & Jo vinian.  
 animum liberum quocunque vult, profert & transfert, &  
 quod corpore non potest, cogitatione complectitur: & si ho-  
 minum inopia fuerit, loquitur cum DEO, nunquam bonus  
 solus erit. Idem: Infinita eremi vastitas te terret, sed tu para- Idem in Epist.  
 disum mente deambula, quotiescunque cogitatione ac mente ad Heliodor.  
 illuc conscenderis, toties in eremo non eris. S. Gregorius: Qui S. Gregor. lib.  
 corpore remotus vivit, sed tumultibus conversationis humanæ 30. Moral.  
 terrenorum desideriorum cogitatione se infert, non est in so-  
 litudine: si verò prematur aliquis corporaliter popularibus tur-  
 bis, & tamen nullos secularium curarum tumultus in corde pa-  
 tiatur, non est in orbe. Joan. Cassiod: Solitudo sicut novit Joan. Cassiod.  
 emendatis moribus contemplationem purissimam referare, & de Institut Mo-  
 intuitu sincerissimo spiritualium Sacramentorum scientiam re- nach. lib. 8.  
 velare: ita eorum qui minus emendati sunt, vitia non solum  
 servare, sed etiam exaggerare consuevit. Tamdiu patiens sibi  
 quisque videtur & humilis, donec nulli hominum commisce-  
 tur consortio: ad naturam pristinam reversurus, quum inter-  
 pellaverit cujuslibet occasionis commotio. S. Joan. Chrysost: Si- Joan. Chrysost.  
 cut difficile est arborem juxta viam positam fructus usque ad supra Matth.  
 maturitatem servare: sic difficile est virum juxta hunc mun-  
 dum viventem, id est, in actibus mundi, justitiam immacu-  
 latam usque ad finem tenere. Recede ergo de via, & planta  
 te in loco secreto, ut nec mundus tecum habeat aliquid com-  
 mune, nec tu cum mundo. Thomas Kempensis: Maximi Sancto- Thomas Kem-  
 rum humana consortia ubi poterant vitabant, & DEO in se- pen. de imitati.  
 creto Christi, c. 20.



*Hebr. 11.* creto vivere eligebant. Dixit quidam: Quoties inter homi-  
*Senec. 7. ep.* nes fui, minor homo redii: Hoc sæpè experimur, quando diu  
 confabulamur. Facilius est omnino tacere, quàm verbo non  
 excedere. Facilius est domi latere, quàm foris posse se suffi-  
*Matth. 4.* cienter custodire. Qui igitur intendit ad interiora & spiri-  
*Tho. Kemp.* tualia, oportet eum cum JESU à turba declinare. Nemo dignus  
 est cælesti consolatione, nisi diligenter se exercuerit in sancta  
 compunctione. Si vis corderenus compungi intra cubile tuum,  
 & exclude tumultus mundi, sicut scriptum est: In cubilibus  
 vestris compungimini. In cella invenies, quod deforis sapiùs  
*Psal. 4.* amittes. Cella continuata dulcescit, & malè custodita tædium  
 generat. Si in principio conversionis tuæ benè eam incolue-  
 ris & custodieris, erit tibi postea dilecta amica, & gratissimum  
 solatium. In silentio & quiete proficit anima devota, & di-  
*Psal. 6.* scit abscondita scripturarum. Ibi invenit fluente lachrymarum,  
 quibus singulis noctibus se lavet & mundet: ut Conditori suo  
 tantò familiarior fiat, quantò longius ab omni seculari tumultu  
 degit. Qui ergo se abstrahit à notis & amicis, appropinqua-  
 bit illi DEUS cum Angelis sanctis. Melius est latere & sui  
 curam agere, quàm se neglecto, signa facere. Laudabile est  
 homini religioso, rarò foras ire, fugere videri, nolle etiam  
 homines videre.

*Matth. 4.* 3<sup>ti</sup>am. Exempla. I. Christus in deserto loco manens so-  
 litarius jejunavit quadraginta noctibus. Idem juxta Evangeli-  
*Luc. 6.* stam in monte solus orabat. Idem ad Discipulos suos ait: Ve-  
*Marci. 6.* nite seorsum in desertum locum, & requiescite pusillum: quo  
 loco *Euthymius* sic habet: Docemur hinc, oportere Ecclesiæ  
 magistros non semper exponere se ipsos multitudini, sed cum  
 datur opportunitas, retrahi, ac solitarios esse, mentemquè ab  
*Luc. 1.* exteriori distractione revocare. II. Beatissima Virgo MARIA.  
*S. Amb. lib. 2.* De qua *S. Ambrosius* super illud: Et ingressus Angelus ad eam, in-  
*in Lucan.* quit: Sola in penetralibus, quam nemo virorum viderit, solus  
*Eccl. 24.* Angelus repererit: Sola sinè comite, sola sinè teste, nè quo  
 degenerare depravaretur affatu, ab Angelo salutatur. III. Egres-  
 sus est Isaac ad meditandum in agro. In quem locum *Diony-*  
*sus Cartusianus* inquit: Egessus est ad meditandum intentè de

DEO



DEO, & pertinentibus ad salutem, abstrahendo se ab aliorum praesentia, strepitu ac tumultu, ut solus tantò devotius & liberius insisteret meditationibus sanctis.)) S. Rex David de se ipso ait: Ecce elongavi fugiens, & mansi in solitudine. *Apostolus de Sanctis antiqui testamenti*: Circuierunt, inquit, in melotis, in pelibus caprinis, egentes, angustiiati, afflicti, quibus dignus non erat mundus: in solitudinibus errantes, in montibus & speluncis, & in cavernis terræ. IV. Exempla Solitariorum sub novo testamento tot habes, quot Sanctos & Beatos numerat Ecclesia DEI. Non enim tales evasisent, nisi ad minus internam solitudinem arctissimè coluissent: & quandoquē ad externam quoquē se recepissent illi, qui vitam in mediis turbis populorum agebant. Ita S. Martinus, S. Augustinus, S. Fulgentius, &c. post curas pastorales ad monasteria sua pro spiritali refo-cillatione animi se conferebant. S. Dominicus. Primicerius

Psal 54.

Hebr. xi.

Theod. l. 4. c. 2

Verum propius ad eos, qui solitariam vitam professi ac-cedamus, horum sunt alii Coenobitæ alii Eremitæ, illi in Com-munitate viventes; rariùs tamen secum, rarissimè cum exter-nis converlantes: hi non morali tantum, verum & reali soli-tudine præcellentes: utriusquē generis solitariorum,

Rebus procul mortalibus

Mens a volabat fervida,

Divinque juncta coetui,

Hærebat inter sidera.

Breviar.

Cisterc.

Nebrius Canonici Regulæ S. Augustini scribens ait: Nullus me totius coenobii locus amplius delectat, quàm quod in hor-to habemus Eremitorium. Etiam in gelidissima hyeme me calefacit & inflammat, dum ante ipsum consistens contemplor angelicam antiquorum Anachoretarum conversationem ac stu-dium. Mareotis Nitria, Scithi, Marmorica, Oasis, desertum Chalcidis, & si quid simile mundo horret, cælo floret, mihi omni melle dulcius est. Unde non semel cum S. Augustino ex-clamo. Quis dabit mihi pennas, & volabo & requiescam? Et

Nebri. Antiqua

Monast. Epist.

132.

S. Aug. in psal.

54.

Bbbbb 2

cum



*S. Hier. Epist. ad Heliod.* cum *S. Hieronymo*: O desertum Christi floribus vernans! O solitudo in qua illi nascuntur lapides, de quibus in Apocalypsi civitas magni Regis extruitur! O eremus familiaris DEO gaudens! Præ te mihi oppidum carcer, & solitudo paradus est.)) *V. S. Gregorius* de *S. Benedicto* ait: Tunc ad locum dilectæ solitudinis rediit, & solus in superni Spectatoris oculis habitavit secum. &c. quia in sua semper custodia circumspēctus, ante oculos Conditoris se semper aspiciens, se semper examinans, extra se mentis suæ oculum non divulgavit. VI. *S. Bernardus* adhuc puer, erat simplicissimus in secularibus, amans habitare secum, publicum fugitans, mirè cogitativus, parentibus, obediens, & subditus omnibus, benignus, & gratus, domi simplex & quietus, foris rarus, & ultra quàm credi posset verecundus, nusquam multum loqui amans, DEO devotus, ut puram sibi pueritiam suam conservaret, literarum etiam studio deditus, per quas in scripturis DEUM disceret & cognosceret.

*In Praxi* comparandi Amorem solitudinis aliqua sunt necessaria. *Imum*. Morificatio evagationum mentis. *2dum*. Occupatio mentis circa spiritualia, cælestia, divina.

*S. Ambr. l. 3. Offic. c. 1.* *S. Ambrosius*: Verus solitarius nec in extrema eremo solus est: nam quando iustus solus est, qui cum DEO semper est? quando solitarius est, qui nunquam separatus à Christo? Neque enim primus Scipio scivit solus non esse cum solus esset: nec minùs

*S. Juo Epist. 192. Nebrid.* *Secreta sylvarum & cacumina montium beatum non facere hominem, si Antiquar. Mo-* secum non habeat solitudinem mentis, Sabbatum animæ, tranquillitatem *nast. Epist. 133.* cordis, ascensiones in corde. Sinè quibus omnem solitudinem commitantur mentis acedia, curiositas, vana gloria, periculosa tentationum procellæ. Sed O Sabbatum! O tranquillitas!

*Theorem. de solitudine.* O mentis solitudo quàm paucorum es! *3tium V. Joannes à S. Simone* ait: Manualis exercitatio in aliquo bono opere, & scriptio rerum sanctarum solitudini religiosæ non adversantur, modò non noceant internæ cum DEO occupationi, *4tum*. Priùs discere virtutem in solitudine, quàm doceas in publico. Unde citatus Author inquit: Nullus est homo, qualiscunquè sit, qui

non



non sibi, suoquè bono magis debeat, quàm mundo universo:  
& non video vocari quenkumque ad salvandum universum mun-  
dum cum præjudicio suæ perfectionis propriæ.

Vide quoquè dicta suprà, & hic proportionatè accommoda.

I. 2. tr. 4. l. c. l.  
sec. 4. subs. 2.  
§. 2.

## SUBSECTIO XIX.

### De Oppositis Solitudinis.

**I**Mò. Opponitur *Excessus*, quo aliquis adeò amaret solitariam  
& contemplativam vitam, ut charitate, justitiâ, vel obe-  
dientiâ exigente negligeret opera vitæ activæ, & conversa-  
tionem cum hominibus.

2dò. Opponitur *Defectus* solitudinis, seu nimia cum ho-  
minibus societas, familiaritas, conversatio, & cura transitorio-  
rum. Sed contra hæc jam sub aliis vitiis implicite & sufficien-  
ter actum. Nunc breviter quæpiam accipe. V. Joannes. à S. *Theorem. spi-*  
*rit. tit. solitudo.*  
*Samson* ait: Solitudo infernus est iis, qui naturâ sunt turbulen-  
ti, amari, morosi, inconstantes, leves, inquieti, & subtilio-  
ris acriorisque ingenii, sed præcipuè summè melancholicis.  
Hæc ille. Verùm gratia DEI implorata tollit hæc vitia natu-  
ræ, vel acquisita, quæ sunt impedimenta solitudinis adeò ne-  
cessariæ, sinè qua frequentata nec initium fieri potest salutis,  
nec profectus, nec perfectio.

Contra *Defectum internæ solitudinis* Idem inquit: Esse solita-  
rium corpore duntaxat, est esse tanquam animal inclusum.  
Idem: Inutiliter media ad vitam spiritûs usurpantur, nisi corpo-  
ris & animi solitudo, quantum convenit observetur.

*Ibidem.*

*Ibidem.*

## SUBSECTIO XX.

### De Modestia in exteriori apparatu.

**H**æc Modestia, est virtus, quæ moderatur appetitum, ut is se  
rectè habeat circa exteriorem apparatum. Dicitur est virtus: D. Tho: 2. 2. q.  
& quidem pertinet ad veritatem, quatenus exterior *169. a. I. ad 2.*  
cultus & 3.

Bbbbb 3



cultus indicium quoddam est conditionis humanæ, vel alicujus alterius; uti in dignitatibus constituti, vel ministri altaris pretiosioribus vestibus utuntur ad significandam excellentiam sui ministerii, vel cultus divini; poenitentes vilibus & squalidis vestimentis horrescunt ad indicandum interiorem luctum, sordes suorum peccatorum diluentem; tum prædicatores poenitentia abjectis utuntur indumentis, ut ita verbo & exemplo ad poenitentiam permoveant alios, sicut fecerunt Prophetæ, de quibus Apostolus ad Hebr. 11. loquitur: Circueierunt in meloris & pellibus caprinis. Et Glor. ordin. super Matth. 3. inquit: Qui poenitentiam prædicat, habitum poenitentia præterdit. Et ideo excessus, & defectus, & medium in exteriori apparatu reduci possunt ad virtutem Veritatis; quàm Philof. 4. Ethic. c. 7. ponit circa facta, & dicta, quibus aliquid de statu hominis significatur. Quatenus autem Modestia est moderativa appetitus circa exteriorem cultum, moti vel ex superbia, vel ex delectatione aliqua vitiosa, ita est virtus pertinenens ad Temperantiam, quæ est refrænativa ejusmodi vitiorum. Et ita Andronicus ponit tres virtutes circa exteriorem cultum, scilicet Humilitatem, quæ excludit intentionem gloriæ. Unde dicit: quod humilitas est habitus non superabundans in sumptibus & præparationibus. Et per se Sufficienciam, quæ excludit intentionem deliciarum. Unde dicit quod per se sufficiencia est, habitus contentus quibus oportet, & determinativa eorum, quæ ad vivere conveniunt secundum illud Apostoli 1. ad Timot. ult. Habentes alimenta, & quibus regamur, his contenti simus. Et simplicitatem, quæ excludit superfluam sollicitudinem talium. Unde dicit: quod simplicitas est habitus contentus his, quæ contingunt.

Porro nomine *Apparatus* hic intelligimus non modò vestitum, verum etiam quidquid exteriorum rerum proximè pertinentium ad conservationem hominis, vel ejus dignitatis pertinet, ut sunt suppellex varia domestica, domus, famuli, &c. In his enim quoquè ut in aliis rebus & actibus opus est moderatione. *Apostolus*: Mulieres in habitu ornato: cum verecundia & sobrietate ornantes se, non in tortis crinibus aut au-

1. Tim. C. 2.



ro, aut margaritis, vel veste pretiosa: sed quod decet mulieres promittentes pietatem per opera bona.

*Motiva.* Petrus Apostolus: Quarum (id est mulierum) non sit extrinsecus capillatura, aut circumdatio auri, aut indumenti vestimentorum cultus: sed qui absconditus est cordis homo, in incorruptibilitate quieti & modesti spiritus, qui est in conspectu DEI locuples. Sic enim aliquando & sanctæ mulieres sperantes in DEO, ornabant se, subjectæ propriis viris. *S. S. Hier. Epist. Hieronymus:* Vestes pullas æquè devita, ut candidas: ornatus ut ad Nepot. sordes pari modo fugiendi sunt, quia alterum deliciis, alterum gloriâ redolet. *Idem:* Vilis tunica contemptum seculi probat; *Idem Epist. ad ita duntaxat, ut animus non tumeat, nequè habitus sermoquè Rusti. dissentiatur. S. Chrysostomus:* Vis ornare faciem? orna non margaritis, sed modestiâ & honestate: Sicquè vir gratiorem cer- *S. Chrysost. bom. 21. ad* net aspectum. Ille nempe ornatus & zelotypiæ suspicionem *popul.* injicere sæpè solet, & inimicitias, & contentiones, & pugnas &c. Modestiæ autem ornatus omnem quidem improbam suspicionem expellit: omni autem vinculo firmiter conjugium conciliat. Non enim tam decorum facit formæ natura aspectum, quàm eam spectantis affectus. Affectum verò nihil sic ut modestia & honestas inducere solet &c. Circa Margaritarum cultum, insania est, pompa satanica; Aurum enim accepisti, non ut corpus vincias, sed ut pauperes salves & enutrias. *Tertullianus:* Pudicitia atquè honestati Christianæ satis non est esse, verum & videri: tanta enim debet esse plenitudo *Tertul. lib. de habitu foeminarum.* ejus, ut emanet in habitum ab animo, & eructet à conscientia in superficiem, ut foris inspiciat quasi suppellectilem suam. *Subjungit deinde:* Proдите vos jam ornamentis instructæ Apostolorum, sumentes de simplicitate candorem, de pudicitia ruborem, depictæ oculos verecundiâ, & os taciturnitate, inferentes in aures sermones DEI, annectentes cervicibus jugum Christi, caput maritis subjicite, & satis ornata eritis. Manus lanis occupate, pedes domi figite, & plusquam in auro placebunt, vestite vos serico pubertatis, byssino sanctitatis, purpurâ pudicitia: taliter pigmentatæ DEUM habebitis amatorem. *Tridentinum Concil.* Oportet Clericos vestes, proprio congruentes *Trident. Sess. 24.*



gruentes Ordini semper deferre, & per decentiam habitûs extrinseci, morum honestatem intrinsecam ostendant. Item Syn-

Syn. 7.  
S. Bonav. in  
specul. discip.  
p. 1. C. 25.

I. Pet. 3.  
Matth. 11.

nodus. 7. Omnis jactantia & ornatura corporalis à sacrato ordine aliena est. S. Bonaventura: Circa pannum (id est vestimenti) ut non sit pretiositate, mollitie, & subtilitate notabilis. Vestis etiam pretiositatem mulieribus Apostolus interdixit. Porro qui mollibus vestiuntur, in domibus Regum sunt. Inter divites Palatii & pauperes claustrum, debet esse differentia. Molli vestimenta animi molliem indicant. Molles (ait quidam) mollia quærunt. Subtilitas & nitor, reprehenditur in bysso divitis epulantis. Nimia panni subtilitas, & si non pretiosa, nihilominus tamen in proposito poenitentiae vitiosa. Sit curæ, pannorum pretiositatem, subtilitatem, & incongruam religioni molliem non curare. Vereantur & renitentur ut possunt, mutari ipsorum sanctorum de vestium vilitate censuram, & vitiosam consuetudinem induci.

S. Bern. ser.  
4. de Nat. Do-  
mini.

S. Bern. ser. 3.  
tempore pas-  
chali.

S. Bonaven.  
medit. vitæ  
Christi Cap. 8.

2dum, Christus de quo S. Bernardus: In signum sunt panni tui Domine JESU, sed in signum cui à multis, usque hodie contradicitur. Idem: Porro in lepra vestis, omnem seculi hujus pomposam intellige vanitatem. Nam ab illa nihilominus in Jordanis mersione mundaberis, inveniens Christum Dominum vilibus pannis involutum, factum opprobrium hominum & abjectionem plebis. Et S. Bonaventura: Audistis in Nativitate quantam afflictionem habuit & penuriam, & inter alia hoc etiam fuit, quod quando Mater posuit eum in præsepio, ad caput ejus posuit quendam lapidem interposito forte fœno, ut habui à Fratre nostro, qui vidit, & adhuc lapis ille apparet ad memoriam ibidem muratus. Credo quod libentius posuisset pulvinar, si habuisset, sed cum aliud non haberet quod poneret, cum cordis amaritudine posuit illum lapidem.)) Christus in stabulo natus, cum locum non habuerit in diversorio. Deinde de se ipso Dominus dixit: Vulpes foveas habent, & volucres celi nidos: Filius autem hominis non habet, ubi caput reclinet. Denique Asino vestibus discipulorum strato, usque pauperibus comitantibus triumphalem fecit ingressum Jerosolimam. Ecce Christi domus, ecce suppellex, famu-

Matth. 8.  
Luc. 9.

fami  
Jero  
para  
cum  
para  
teis,  
posi  
gion  
per  
quic  
fuit  
non  
nus,

appli

E  
tium,  
uritur  
Uno  
minu  
3. C  
mori  
aut g  
pereg  
unive  
tia in  
quand



famulitium, equitatura. Unde S. Bernardus loquens de Christi Ierosolymitica processione ait: In processione autem quid parabant autem sese populi ut exirent obviam ei, nec latebat eum qui noverat, quid esset in homine. Propter quod & ipse paratus est, non in curribus, & in equis, nec in frans argenteis, aut sellis auro tectis, sed humilis aselli tergo sedens, suppositis Apostolorum vestibibus, quas ego de pretiosioribus regionis fuisse non credo. S. Bernardus de S. Martino ait: Pauper fuit, veste sordidus, crine incultus, facie despicabilis: quæ quidem licet in electione ejus à quibusdam malevolis objecta fuissent, in ipso tamen Episcopatu, sicut scriptum est, penitus non mutavit. Denique quia verè pauper spiritu fuit Martinus, pauper & modicus meruit nominari.

S. Bern. ser. 1.  
Domin. Palm.

S. Bern. in fe-  
sto S. Martini.

In Praxi diligende & servande Modestie in exteriori apparatu applica proportionatè suprâ specificata.

1. 2. tra. 1. c. 1.  
sec. 4. subf. 2.  
§. 2.

## SUBSECTIO XXI.

### De vitiis Modestie Oppositis circa exteriorem Apparatum.

**E**jusmodi vitia contingunt tum per excessum, tum per defectum. Per Excessum quidem: Quia etsi in ipsis rebus exterioribus, quibus homo utitur, non sit aliquod vitium, illud tamen accidit ex parte hominis, qui immoderatè utitur eis. Quæ quidem immoderantia potest esse dupliciter. Uno quidem modo per comparisonem ad consuetudinem hominum, cum quibus aliquis vivit. Unde dicit Augustinus in 3. Confess. Quæ contra mores hominum sunt flagitia, pro morum diversitate vitanda sunt, ut pactum inter se civitatis aut gentis, consuetudine vel lege firmatum, nullius civis aut peregrini libidine violetur. Turpis enim omnis pars est, suo universo non congruens. Alio modo potest esse immoderantia in usu talium rerum ex inordinato affectu utentis: ex quo quandoquè contingit, quòd homo nimis libidinose talibus utatur.

D. Tho. 2. 2. q.  
169. a. 1. Corp.

Ccccc

tur,



tur, sive admodum consuetudinem eorum cum quibus vivit, sive etiam præter eorum consuetudinem. Unde August. dicit in tertio de Doct. Christia. In usu rerum abesse oportet libidinem, quæ non solum ipsam eorum inter quos vivit consuetudinem nequiter abutitur, sed etiam fines ejus sæpe egressa, sceditatem suam, quæ inter claustra morum solennium latitabat, flagitiosissimam eruptione manifestat. Contingit autem ista inordinatio affectus tripliciter, quantum ad superabundantiam. Uno modo per hoc, quod aliquis ex superfluo cultu vestium, hominum gloriam quærit, prout scilicet vestes & alia hujusmodi pertinent ad quendam ornatum. Unde Gregor. dicit in quadam homilia: Sunt nonnulli, qui cultum subtilium pretiosarumque vestium non putant esse peccatum: quod si culpa non esset, nequaquam sermo DEI, tam vigilanter exprimeret, quod dives qui torquebatur apud inferos, bysso & purpurâ indutus fuisset. Nemo quippe vestimenta pretiosa (scilicet excedentia proprium statum) nisi ad inanem gloriam quærit. Alio modo, secundum quod homo per superfluum cultum vestium quærit delicias, secundum quod vestis ordinatur ad corporis fomentum. Tertio, secundum quod nimiam sollicitudinem apponit ad exteriorem vestium cultum, etiamsi non sit aliqua

*Ibidem art. 2.*  
*Corp.*

inordinatio ex parte finis. Quantum verò ad ornatum mulierum, sunt eadem attendenda, quæ modò communiter dicta sunt, & insuper quoddam speciale, quod scilicet muliebris cultus viros ad lasciviam provocat: secundum illud Proverb. 7. Ecce mulier occurrit illi ornatu meretricio præparata ad decipiendas animas. Potest tamen mulier licite operam dare ad hoc, quod viro suo placeat, nè per ejus contemptum in adulterium labatur. Unde dicit 1. ad Corinth. 7. quod mulier quæ nupta est, cogitat quæ sunt mundi, quomodo placeat viro. Et ideo si mulier conjugata ad hoc se ornat, ut viro suo placeat, potest hoc facere absque peccato. Illæ autem mulieres, quæ viros non habent, nec volunt habere, & sunt in statu non habendi, non possunt absque peccato appetere placere virorum aspectibus ad concupiscendum: quia hoc est dare eis incentivum peccandi.

Et



Et si quidem hac intentione se ornent, ut alios provocent ad concupiscentiam, mortaliter peccant. Si autem ex quadam levitate, vel etiam ex quadam vanitate propter jactantiam quandam, non semper est peccatum mortale, sed quandoquē veniale. Et eadem ratio, quantum ad hoc est de viris. Unde Augustinus dicit in Epist. ad Possidium: Nolo ut de ornamentis auri vel vestis præproperam habeas in prohibendo sententiam, nisi in eos, qui neque conjugati sunt, neque conjugari cupientes, cogitare debeant quomodo placeant DEO. Illi autem cogitant quæ sunt mundi, quomodo placeant vel viri uxoribus, vel mulieres maritis. Nisi quod capillos nudare foeminas, quas etiam caput velare Apostolus jubet, nec maritatas decet. In quo tamen casu, possent aliquæ à peccato excusari, quando hoc non fieret ex aliqua vanitate, sed propter contrariam consuetudinem, quamvis talis consuetudo non sit laudabilis. Unde Apostolus 1. ad Timoth. 2. dicit: Mulieres in habitu ornato cum verecundia & sobrietate ornantes se, non in tortis crinibus, aut auro, aut margaritis, aut veste pretiosa: Per quod datur intelligi, quod sobrius & moderatus ornatus non prohibetur mulieribus; sed superfluous, & inverecondus & impudicus. *Ibidem S. Thomas*: Cæterum fucus *Ibidem ad 2.* uti, quibus vel rubicundior, vel candidior appareat, non semper est cum peccato mortali, sed solum quando talis fucatio sit propter lasciviam, vel in DEI contemptum.

*Contra Excessum exterioris Apparatus*, Isaias minatur: *Isai. 63.*  
Pro eo quod elevata sint Filia Sion, & ambulaverunt extenso collo, & nutibus oculorum ibant & plaudebant: ambulabant, & pedibus suis composito gradu incedebant; decalvabit Dominus verticem filiarum Sion, & Dominus crinem earum nudabit. In die illa auferet Dominus ornamentum calceamentorum, & Lunulas, & torques, & monilia, & armillas, & mitras, & discriminalia, & periscelidas, & murenulas, & olfactoriola, & inpaures, & annulos, & gemmas in fronte pendentes, & mutatoria, & palliola, & linteamina, & acus, & specula, & sindones, & vitras, & theristra. Et erit pro suavi odore fœtor, & pro zona funiculus, & pro crispante crine calvitium, & pro fascia pecto-



Luc. 16.

Vita S. Bernardi  
di c. 6.

pectoralis cilicium.)) Denique dives induens se bysso & purpurâ, nunc atrocissimis circumcinctus ignibus æternum cruciatur. Lazarus verò nudus in cælum delatus lumine sicut vestimento, & coronâ de lapide pretioso coronatur, & perenni beatitudine perfruitur. Soror S. Bernardi dum eum & suos Germanos visitare Claramvallem venisset cum comitatu superbo & apparatu, ille detestans & execrans eam tanquam rete diaboli ad capiendas animas, nollatenus acquievit exire ad videndum eam. Quod audiens illa, confusa & compuncta vehementer, cum ei nullus fratrum suorum occurrere dignaretur, cum a fratre suo Andrea, quem ad portam invenerat Monasterii, ob vestium appatum, stercus involutum argueretur, tota in lachrymas resoluta: Et si peccatrix sum (inquit) pro talibus Christus mortuus est. Quia enim peccatrix sum, idcirco consilium & colloquium bonorum requiro. Et si despiciat frater meus carnem meam, nè despiciat servus DEI animam meam. Veniat, præcipiat: Quidquid præceperit, facere parata sum. Hanc ergo promissionem tenens exiit ad eam cum fratribus suis frater ejus. Et quia eam separare a viro non poterat, primo verbo omnem ei mundi gloriam in cultu vestium, & in omnibus seculi pompis, & curiositatibus interdixit, formam vitæ matris suæ in qua multo tempore vixit cum viro, ei indicxit, & sic eam a se dimisit. Illa verò obedientissime parens præcepto, rediit ad propria, mutata repente secundum omnipotentiam dexteræ Excelsi. Stupebant omnes adolescentulam nobilem delicatam subitâ mutatione in habitu & victu in medio seculi vitam ducere eremiticam, instare vigiliis, & jeuniis, & continuis orationibus, & ab omni seculo prorsus se facere alienam.

Per Defectum exterioris apparatus delinquitur. Si quis eum potissimum adhibeat ad fucatam mentis sanctitatem auctandam. Hinc S. Augustinus inquit: Non in solo rerum corporearum nitore atque pompa, sed etiam in ipsis sordibus infructuosis esse posse jactantiam, & eò periculosiorem, quò sub nomine servitutis DEI decipit. Et paulò post: Non tamen propterea ornatum superfluo debet aspectus hominum mulcere Christianus,



stianus, quia illum parum habitum ac necessarium etiam simulatores sapius usurpant, ut incautos decipiant: quia & illæ oves non debent pelles suas deponere, si aliquando eis lupi se contegant.) Aristoteles quoque dicit: Quod superabundantia, & inordinatus defectus ad iactantiam pertinet. Deinde juxta D. Thomam per defectum peccatur: Si quis ex negligentia non adhibet studium vel laborem ad hoc, quod exteriori cultu uratur secundum quod oportet. Unde Philosophus 7. Ethic. dicit: Quod ad mollitiem pertinet, quod aliquis trahat vestimentum per terram, ut non laboret elevando ipsum.

L. 4. C. 7.

D. Thom. 2. 2.

1. 69. 2. 1.

Lib. 7. C. 1.

Ad Praxim vitandi opposita vitia Modestiae in exteriori apparatu, accommodata supradicta methodo proportionata.

1. 2. tra. 1. c. 1.

sec. 4. sub. 2.

9. 2. &amp; 3.

## SUBSECTIO XXII.

Actus diversi Honestatis Morum, & Modestiae  
prosequendi, Immodestiae cavendi; Selecti  
è Libello, dicto

## SCHOLA URBANITATIS.

**P**RO coronide Virtutum Moralium, ponimus hic earundem diversos Actus: Quorum plerique quia spectant ad regulas Modestiae, ei hanc subsectionem adnectimus. Monitum autem velim probum Christianum, nè mille occasiones bene de Aeternitate beata merendi in ejusmodi bonae Politiae & Honestatis moribus omittat, tantummodo eos ex naturali motivo honesti, vel alio respectu humano exercendo; quin potius ad supernaturale exercitium conetur assuescere, & non exiguos meritum perennis felicitatis thesauros sibi coacervare, juxta Praxim supra ostensam 1. 2. Tract. 1. Cap. 1.



## §. Imus.

## Cultus Divinus.

**E**st hæc imprimis Christianæ virtuti consentanea cura, statim ut quisque somno relaxatur, atque è lecto consurgit, animum ad DEUM advertere, ejus Numini actis de nocturna quiete gratias, morigerum in servum offerre sese, non tenenda tantum consuetudinis causâ: sed studiosâ & attentâ pietate.

2. Inter orandum, præsertim loco publico: interquæ non solennis Missæ sacrificium, (illius dico, quæ solenni cantu, & celebritate non extrahitur) nec confidendum, nec ullam in partem gravi corpore est incumbendum: nisi quâ forte imbecillitas gravius, aut proclinandi corporis, aut sesistendi etiam necessitatem afferret: quæ si aderit, tamen illa usurpanda erunt modeste, ac silenter, tum quamdiu tenebit res sacra, tum sacratione curâ ipso jam tempore consecrationis. Porro quoties pronis genibus est supplicandum utrumque in terram submittendum est.

3. Per Missam solemnem standi, sedendi, de genibus orandi, qui in Ecclesia usus est, is unicuique decori lex esto. In Missa soluta cantu ac privata ad solum Evangelium statur, reliquâ omni parte genibus religiosè nitimur.

4. Ut Templum intratur, illico silentio, atque aperto capite, Deo Optimo Maximo, summum altare versus, reverenter honos habendus est: tum adhibita sibi aquâ lustrali, adeunda orationis causâ Ara maxima, illave, ubi sanctissimo Sacramento sedes est; dehinc Altaria, sacræ signa cætera, ut piorum mos, & cujusque religiosus ardor tulerit.

5. In templo, oculi nè temerè huc illuc circumagantur; focii nè pulsantur, stringanturve, fabulationibus nè indulgeatur; preces non sic sonorâ sic vibranti voce fun-

dantur, ut ab aliis exaudiri possint. Suspiciat nè clarè erumpant, compescantur; nihil facere libeat, quod vel offensionem, vel admirationem aliis afferat.

6. Missæ tempore concionis, & reliquorum divinarum Officiorum, inambulare in templo, irreligiosum est. Spatiari autem coram sanctissimo Sacramento, id verò nullo tempore fas, & religio patiuntur.

7. Ad mensam, cum aut sacris precibus initiatur, aut gratia Deo aguntur, recto corpore, manibus quietè compositis est consistendum, nullâ corporis inventiliâ administratione, nullo oculorum emissio coniectu. Ad nomen JESU, ad Doxologia Numinis duos illos versus &c. *Gloria Patri* &c. *Sit nomen Domini benedictum*: caput reverenter est submittendum.

8. Sacris divinæ Scripturæ verbis non abutendum in res profanas aut ludicras.

9. In DEUM, in Sanctos nec facienda cognomina, nec dicenda acroamata, seu joco, seu seriò.

10. Sacris nominibus JESU, & MARIAE, vel cum audiuntur tantum, honorem habento, caput aperiunto, pedibus nè instrepunto. In Missa quoties pronunciari ea accidit, caput honoris causâ submittunto. In concione, lectioneve publica, ad primam eorum auditionem, & quoties qui prælegit, quive concionatur, sibi pileum detrahit, caput nudanto; cateroqui capitis submissione honorem habere satis esto. Cum mensæ assidet, atque interea dicit aliquis legitve, in more habento nutu capitis honorem testari. Caterum id temporis caput detegere nulla urbanitatis lex cogit, nisi, ut homines inter se colunt, gravi meritis, vel autoritate præcellenti cuipiam id officii necessariò est tribuendum.

11. Signo publicè dato ad Salutationem Angelicam: etsi qui circumstant salutem Virgini non dicunt, dicenda tamen, aut positis genibus,



genibus, aut recto corporis statu, ut aliorum loco illo, & tempore exemplum fuerit. Eâ finitâ, neque, si præsens quispiam tibi antecellit, primum te exurgere, pileumve tibi indere, decorum putes; & ubi confurrexeris, mox iis, qui astant, salutem tempori aptam dicito, faustam aut diem, aut vesperam iis comprecans.

12. Dum inter viam sanctissimo Sacramento occurritur, in genua procumbunto, adorandi causâ, dum pratervectum sit: Si nihil prohibeat, ad Templum usque deducunto. In equo aut in rheda si eris, exscendunto.

### §. 2dus.

#### *Civilis vite genericae, ac miscellaneae informatio.*

**O**Mnis in aliorum conspectu suscepta actio, specimen animi honorificè eos colentes præferat.

2. Foetidarum rerum sensum, aut memoriam commovere, indecorum est.

3. Coram aliis serva id attentè quoad potes, nè quam ad corporis partem manum porrigas, quæ exposita oculis esse non soleat; solent autem & vultus & manus. Id consuetudine ipsâ ut teneas, assuefec huic decoro, etiam cum solus es:

4. Quæ res stomachum nausæa emovet, ea socio nè commonstres.

5. Tecum tu ipse nè cantites, nisi tam solus sis, nemo ut abs te alius audiat. Nec pedum autem, nec digitorum pulsu tympanotribam agito.

6. Nec dentes defrica, nec iis stride, nec quidquam aliud ita collide, ut harenti stridore sensum molestè aliis laceat.

7. Illiberale est, diductis brachiis corpus pandere, aut horsum illorsum conterquere.

8. Cum tusis, cum sternutas, si regere rem potes, nè magno & vibranti sonore insonditè instrepe. Suspiria nè ducas, quæ

alii sentiant, sine gravi causa.

9. Nè valte expira, nec ulula oscitando: Si potes, oscitatione penitus abstine, sed tum etiam diligentius cum aut loqueris, aut loquentibus præsens es. Habet enim id radii significationem, aut parum comis ob servantia in eos, quibuscum agitas. Si quin oscites, continere te non potes, saltè m nè loquere interim, nec patulo ore hisce, sed pressa illud modestè seu manu objectâ, seu sudario, vultu ab circumstantium oculis modicè averso.

10. Cum nares emungis, ne buccinæ in modum naso persona, nec quod eliceris in sudario respecta, neve quod pueri fordide faciunt, mucum digitis tibi aut manicâ detergere, sed in idlinteo emundatorio semper utere.

11. Obdormiscere aliis fermocinantibus, sedere dum stant, inambulare dum immoti manent, loqui dum silendi tempus est, vel audiendi, res sunt inurbanæ omnes, atque indecoræ. Ei tamen, qui cæteris antestat, sunt tempora, locaque, quibus in cætu secum inambulare liceat, ut magistro in schola, aliisque talibus.

12. Non decet in cubiculo cubile esse incompositum; non in aliorum oculis aut vestire se, aut despoliare; non cubiculo exire semivestitum, aut vittâ pileove nocturno redimitum; non ad pluteum, aut omnino in cubiculo stare dissoluto cinctu, habituquè. Ac tamen tibi ad manum domi est, qui lectum sternat, tamen cum ex eo desilis, nè inconcinne disiectum, & detectum relinquant.

13. Dum studes, si alii tecum unâ student, inurbanum est cuiquam obstrepere, aut sic clarâ voce legere, ut interpelles. Est & inscitum, ac illiberale, magistro docente, legere alia, atque agere, sciosue, quo minus attentè audiant, impedire.

14. In schola, in concione, alibi, dum audis, nè exultantiùs gestias, ut Saperda præcateris



ceteris, atque intelligens, non sine aliorum despectu, videaris.

17. Ad ludum atque ad focum diu expectantibus locum non dare, indecorum est.

18. Cave, ne immodicè ludo incalescas; ne ludum contentionibus, aut clamoribus misceas, ne, dum calore ardes, interbibas, seu calor è ludo exsistat, seu ex itineris labore, seu ex opera, causare alia. Nam omnino astuantem bibere, insalubre, ac periculosum est.

19. Despuere in focum, manus calefaciendi causâ, proximè ad ardentes prunas admovere, flammis ingerere, ad ignem quasi humi sedeas, sedere, atque incurvari, invenustum est. Si quid ad ignem coquitur, pedem porro supra ignem ne oppandito: lionello in cætu tergum tibi ne calefacito, nec propius quàm ceteri assent, accedito. Nam hoc utrumque prærogativa excellentiæ est, & autoritatis. Cum usus ac necessitas non est, focum movere, ligna compellere, inde, demere, ejus est, qui autoritate polleat, aut cui foci cura commissa sit.

20. Sedendi lex esto, ut pactis in terram pedibus, iisque, & cruribus aquatis sedeas, nec crus cruri, aut pedem pedi invenustè superponas.

21. Ungues nec subsecandi palam, nec verò dentibus, sunt demordendi.

22. Digni non salivandi, non articulatim distorquendi, dispandendive, digitis natus non pertentandus, nec convertendus aliis contuentibus.

23. Caput non quassabis, tibias non agitabis, oculos sedè non diradiabis; supercilia inæqualiter non attolles, os non distorquebis. Quos alloqueris, eos cum verbis pytissime, atque oris salivâ non complues. Id ne accidat, nulli te in os propius offeres, sed iusto ex intervallo colloqueris.

24. Præsente altero nec pulices confice, nec sordida id genus animalcula. Quod si

sordidum aliquid humi occurrans tibi oculos lacescit, quale purulentum sputum, taleve aliud, id si commodè potes, pedum pressu confunde atque obtere. Sin ejus, cum quo agis, vestibus adhæret, oberratve, non illi, alterive putide commonstres; sed quoad potes, sic tolle, concinne atque industrie, ne sentiat quidem; qui alius autem simile aliquid tibi decusserit, dempsitve comem, & gratum animum ei ostende.

25. Nec porro procul quasi jaculo emissio, nec post humeros est exorcandum, sed longiusculè, & in latus; non ulli, qui unâ addit ex adverso: at si lentior, crassiorque est pituita, pede illico, si potes, est opprimenda. De fenestra in subjectam viam ne despuas, ne in focum, ne in malluvium, ad quod os, manusque colluuntur, neque alium in locum, unde lentor ille pede induci, atque aboleri non possit.

26. In congressu cum hominibus, colloquio præsertim, tergum, atque humeros eis obvertere, inconditum est. Est & importunum mensam incurfare, pulpitem succutere, tibi aut legit quis, aut scribere. Est ad alterum, tanquam adminiculum, adniti; est tui loquaris, cui loqui velis, vestem ducere, est, cubito pulsare, indecorum.

27. Noli, ut bellatulus videaris, ineptè in omni sermone, vitæque astu cæsitium aptare tibi, tibi alia adducere, reducere, ut belè quadrent. Ungues ne fordibus oppleri, seu prælongi sunt. Dentium, ac manuum munditiâ curato, sed sine delitiis, ac lautitia.

28. Putidum est, inflare genas, linguam exercitare, barbam sibi mulcere, manus conficere, labia distendere, aut mordere, pressa artius aut huius circumferre.

29. Ne assenteris: nec verbis ductes. Nam qui alterum phaleratis dictis ducere instituit, is ostendit se disputatui eum habere, certè minus cordatum ac providum credere, quem



idoneum putat, in quo sic illudat. Quem joci offendunt, ab ejus auribus eos facessē.

28. Contra decorum est, medio in familiari congressu libros, literas, id genus aliud legere, nisi in re necessaria, ac tantisper; ac tum etiam veniam praefari consentaneum est, nisi fortē ceteris, qui tecum sint, autoritate sis superior. Multo ab decoro est alienius, aliena scripta, libros, res generis ejusdem contrectare, applicare se ad ea propius, oculos in ea defigere, non annuente eo, ad quem res pertinet; laudare item ea, vel carpere, antequam de iis sententiam rogeris. Alienissimum autem, dum qui tibi vicinus est, literas taleve aliquid privatim legit, corporis appulsu, aut oculorum conjectu, ejus lectioni imminere.

29. Vultus nē imaginofus sit, & multiplex, severus, admiratione suspensus, mero obductus, varius & inconstans; nullam denique perturbati animi significationem præ se ferat. Tranquillus sit contrā, ac serenus, nec feris in rebus nimia hilaritate solutus, nec in familiari, & communi vitæ consuetudine, nimia subductus gravitate.

### S. 3<sup>ius</sup>.

*Congressuum prima officia, salutatio, loci cesso, similia.*

**A**bstinendum quidem est immodicæ urbanitatis intemperanti studio: necessaria tamen in communi vita, atque opportuna morum elegantiae diligenter ideo sunt adhibenda, quod prætermitti sine eorum injuria non possunt, quibuscum vivitur.

2. Spectatos, honestosquē viros ut Deo sacros, ut in civili dignitate locatos, ut illorum similes, capite aperto venerare; pilei, quem honoris causā tibi exemeris, patulā inferiore parte ad te reductā, Venerare & nonnullo corporis flexu, pro eo ac cujusque dignitas, & ingenuus benē educatorum mos fieri postulat. Ut insulā autem res est ca-

put, saluandi causā, non aperire quibus par est; aut expectare, dum æqualis tuis, te hoc officio antevertat; Sic cum non opus est, id usurpare, speciem habet affectatæ urbanitatis. Probrosæ demum inurbanitatis est respectare, an resaluteris. Porro in salute verbis dicenda, forma illa optima esto, quam politiorum hominum consuetudo præcipuē celebrat.

3. Peccat in rationem decori, qui majori se dicere occupat, ut caput tegat; peccat & qui id non dicit, cui æquum est, & qui præpropere caput tegit, præsertim viro gravi colloquens, & qui tegere aliquoties monitus, importunē obsequi detrectat: quare post unam, alteramve significationem, capitis tegendi omne jus esto, nisi quid aliud receptum usu uspiam sit. Et quidem in consuetudine cum æqualibus, majoribusve, qui aut Religiosi sint aut domestici, fas est æquali minorive primum ad signum de re ista obsecundare. solent tamen ferē, qui vel pares sunt, vel parvo discrimine disjunguntur, unā æquē omnes significare inter se, unā omnes caput operire, Quæ de moderatione hic aannotata, etiam de capiendo loco, & de confidendo dicta intelliguntur. Nam immodicæ officiorum delicia perquam importunæ, ac molestæ sunt.

4. Qui aut re, aut hominum opinione altero minor, caput obnubere æquum bonum ducit, dum qui major est, nudo interrim capite esse perseverat, primum hujus rei veniam poscat, tum impetratā utatur; quod sine offensione tamen utrumque fiat.

5. Si sedenti tibi intervenit quispiam, colloqui causā, assurge adventanti; præcipuē si id personæ ratio exigit, ut si quo nomine tibi antestat, si par, minorvè, tibi haud admodum est familiaris. Si sedes apud te si sedile erit, quod quemque decet, ei fac tribuas.

6. Cum iis occurras, quibus te deferre æquum est, præter solitæ consalutationis mu-

Dddd

nus,



nus, subsistendum tibi est nonnihil, aut regrediendum etiam, maxime ad januarum ingressum, aut locorum angustias, dandusque eis locus, dum praterierint.

7. Cum iisdem si inambulabis, honoratiorem locum eis concedes. Honoratiorem dico, qui ubi deges, talis usu, & opinione vulgò habebitur. Generatim, usu receptum videtur apud plures, ut dextera honoris sit in dex, ita scilicet, ut quem quis honorat, eum sibi ad dexteram, se ad ejus sinistram alligat. Tres cum unà ambulant, qui inter eos est ornatisimus, medio loco accipitur; secundas honoris partes ejus dextera, tertias sinistra sibi vendicat. At in Gallia cum ad murum inambulatur; quia muri vicinia & acclivitate superior sæpè est, & ferè rector, ac mundior, passim mos obtinet, ut digniori illa concedatur; nominatim cum soli duo unà iter habent.

8. Inter compares aut pene compares tuos locum ex omnibus commodissimum tibi nè delige. Ad eum invitatus nè pugnaciter resiste. Utere hoc potius modestè, & comiter, ut te obsequendi studio, vel contentionibus occurrèndi, admittere eum ostendas, certè de eo gratias agito.

9. Qui aut ætate, aut dignitate valde antecellet, si domi suæ, locove alio principatum loci minori deferet, ut non convenit eum, qui minor est, tali se honore dignari: ita neque illo superiorem de eo studiosius eum urgere, aut plus semel, iterumve ei deferre, nè precum magnitudo, & crebritas, de prudentiæ vel urbanitatis existimatione recusanti aliquid detrahat, aut quod non decet, eum facere adigat.

10. At inter aequales, par est domi quemque familiarem aequalem suum honorificentiori loco impertire; & qui sic accipiat, eum verò decet recusare primò, mox iterata amici petitione, morem gerere, gratiamque habere.

11. Domestica in ambulatione similia tenent. Sat erit tamen principio, dignationis causa, sese ad amici lavam applicuisse; ut fors deinde tulerit, sic eunto, Quæ præceptio, nec in ambulatione cum maioribus reprehendi posse videatur, ac ubique locorum; quod plurimo in usu erit, id ratum esto.

12. Qui cum imperio, & potestate sunt, quive magistratum gerunt iis omni in congressu loco ceditur. Iidem tamen juvenes si erunt, sciant hoc à se expectari, sibi ut nobilitate pares, at longè ætate provectiores, imprimisque doctoratus gradu insignitos, etsi Rempublicam non gerant, honore colant; immò delatum ab his ornatiorem locum primum eis remittant, tum modestè, cum gratiæ testificatione, quasi tributum ab iis beneficium capiant.

13. Perhonestum est, quibuscum res, & colloquia agitentur, eos vocis testimonio sibi antepone, illustres præsertim viros & magnâ præ nobis accessione dignitatis; cum quibus nulla unquam est suscipienda contentio.

14. Cum primarius sacrorum Amistis, cum summus in Repub. Princeps, cum simili dignitatis luce constituti obvii fuerint, est uniuscujusque benè instituti, pro eo atque ipsorum dignitas fuerit, honorifica, eos consalutatione prostequi, subsistereque etiam, dum praterierint.

15. Universum hoc cultioris humanitatis genus, imprimisque illud, quod in sermone versatur, moderare debent tempus, locus, ætas, personarum dissimilitudo. Ac ferè negotiosi homines prolixis elegantiarum lautitiis perurgendi non sunt, decurtanda illæ, & signo magis, quam verbo exprimendæ.

16. Ut opifices, atque infima plebis homines sollicitare non debet exquisita urbanitatis cura: in Patricios, ac Magnates, magis



id studere eos æquum est, officio illos, & obsequio ut colant: sic proprium est Nobilitatis, humanitatem in ipsos, facilitatemque adhibere; fugereque omnem arrogantiam culpam, ac speciem.

17. Majorem seu salutem, seu visam, quod ibi locorum his muneribus solenne erit, quod personarum varietas deposcet, id usurpa; seu manus illi osculandæ erunt, seu vestis oræ, seu dexteræ tuæ libato osculo submittendum corpus, & conquiniscendum, honoris causa; ut quodque horum, inquam, mos patrius, personæ, tempus, locus requirent. Ante rem, si quod optimum factu sit, incertus eris, à consulis consilium expete.

18. Viris gravibus colloquens, corpus tibi nè adminiculato, oculos in eorum ora nè defigito, protinus nè accedito, passus circiter unus interjectus esto.

19. Ad ægrotum ubi adieris, extemplò medicinæ ignarus, Medicum nè agito.

20. Viros existimatione florentes, cum literas ad eos dabis, cum alloqueris, sic compellabis, honoris causâ, ut mos patrius atque ipsorum dignitas postulat. Scriptas jam literas relege, ut erratis perpurges; pulverem, ubi opus erit, insperge; nec nisi literis probè dedicatis chartam complices, ut nè deformetur.

#### §. 4tus.

*Compellandi, movendi, carpendi, salibus utendi forma, ac ratio.*

**Q**Uæ ad viros illustres adhibendæ sint honorificæ compellationes, earum tempora, mores patrii auctores sunt; interpretes autem viri communis vitæ gnari, & experientes. Sed enim quæ in sermone ritè adhiberi coeptæ erunt, dum cum iisdem sermo habebitur, variè aliis nè commutentur.

2. Non sic splendida, sed vulgarioris fortunæ homines cum alloquimur, vulgari qui-

dem ac vernaculâ linguâ (nam Latinæ suæ quædam severior majestas atque augustior est) compellamus plurativo numero blandiusculè. Vos, Vobis; non, Tu, Tibi, nisi puerulus fortè sit; quo cum loquimur, multo nobis ætate inferior, feratque hanc liberio-rem compellationem, nobilium ac politiorum loquendi usus. Patrum tamen in liberos certam ad ætatem (ac passim in Gallia usque dum patriâ potestate exierint) sancta hæc autoritas est, Tu, Tibi, te illis vernaculè usurpare sine inurbanitatis nota liberè ut audeant possintque. Par scholæ Magistris in suos pu- siones, par esse videtur autoritas simili jure aliis id genus Præsidibus. Ad intimos, & familiares quod attinet, mos patrius liberio- rem illis nonnusquam Tutisandi inter se potestatem facit, alibi sanctius prohibet.

3. Qui in rem, quod potest, quod decet, facit, esto res optatis tuis non respondeat, tamen eum nè carpas: Laudari enim, quam vituperari dignior est.

4. Moniturus, reprehensurusve quempiam, circumspice diligenter, clam, palam, illo, an commodiore alio tempore, immò & quo genere verborum fieri id par sit; maxime ubi quis aliàs monitus, nec prateritis, nec futuris erratis remedium adhibet. Ante cætera, seu mones, seu reprehendis, absit iracundia, vocisque contentio impotens, contraque omnis moderatio animi adsit, & placiditas.

5. Enimverò quisquis te admonuerit, quod idcunque modo, loco, tempore faciet, amice & cum gratia accipe. Post, si culpâ vacabis, ac necessariò tibi purganda videbitur, licebit sanè ita facias, sed cum hac cura, ut in tempore bonoque modo, magis ut rem ei probes, ac de ea molestiam eximas, nominatim si in ejus es cura, & potestate, quam ut te excusatione defendas.

6. Nulli vitia exprobres, nè naturæ quidem,



dem, nec voluptati ducas verbis factisve quemquam pudore suffundere.

7. Nec gravi, nec probrosa in re, dictis auditio: si cavillari placet, nè morde, nè lacerare ut canis. Sales sint in re nati, acuti, nulli odiosi aut acerbi. Facetiae, nè, quod scurræ amant indignis ex rebus, ex inverecundis actionibus risum quarant. Si quid lepidè argutum, si festivum dices, risum aliis permittens, risum contine.

## §. 5tus.

*Vestitus; cultusque corporis.*

**N**R sis ut foemina comptus; castitium, capillum, barbam impensis nè cures. Unguentis te, atque odoribus nè perfundas. Galerum neque adductum altius, neque in oculos eductum depressius, nec Thraconico fastu compositum geras.

2. Praesentibus aliis nè ligulis te astringe, nè relaxa, seu ad requisita naturæ te compara. Naturæ ut servieris, si cibus de hinc contingendus est, manus elue, at si fieri potest, aliis haud praesentibus.

3. Sanitatis, unâ & munditiæ interest, manè lecto solum faciem, manusque ablueri; tum in tempore caput pectere, dum nè curiosius, & ad delicias id fiat.

4. Non sint fordidæ, laceræ, pulverulentæ, depilatæ vestes. Semel serè in dies singulos scopulis depurgentur. Quin ubi sed eas, ubi in genua procumbas, quo corpus applices, videto, nè aut pulvere, aut quâ aliâ immunditiâ locus horreat. Pallium sub alas basilicam ad pompam nè substringito. Seu togam autem seu pallium tibi eximes, complicato ea decenter, & compositè, atque ubi deponas, etiam advertito.

5. Genus vestium id ama quod tui compares honesti, modestique usurpant, habitâ prudenter locorum, temporamque ratione. Enimverò id hic etiam age, atque opta, inter aequales tibi ut vestium cultus simplicior,

ac modestior sit potius, quam aut opulentus magis, aut apparatus.

## §. 6tus.

*Incessus sive unius secum sive unâ plurium.*

**F**AC, cum incedis, gressu eas nec concito effusè, nec languidè inertè, non ore diducto, hiantique, non promicanti, non datatim nutanti corpore, non pendulis manibus, non jactatis, succussisque brachiis, non pedum plantis terram validè compulstantibus, non variè immissis, non valdè projectis pedibus, non terram convertentibus. Sunt & hujus decori partes; tibi alia passim in incessu haud adducere, non summis niti pedum articulis, non subsaltim, solutimve, ut in chorea, non corpore incurvo, non pronò capite, non saltuatim, non calcaneis sese incurvantibus ingredi, non extra templum capite aperto progredi, nisi si religio id jubet; ut cum sanctissimum Sacramentum foras per viam est prosequendum.

2. Nè pavi instar magnificè te circumspice, pulchrè an comptus sis, calceatus comodè, tibialia, recentesve aliae vestes benè an corpori sedeant. Pedem è cubiculo nè effèr, scriptorio calamo, aut ori indito, aut auriculæ imposito. Omitte & flores, talesve amoenitatum delicias, auribus, pileo, galero praefixas circumferre. Sudariolum nè manu praeferto, nec pendulum ex ore, è zona, sub axillam congestum, in humeros immisum, sub toga additum, loco illud habeto, unde nec aspectabile sit, & praestò expromi possit, ubi usus erit Idem nisi mundum, & prope adhuc intactum abs te, alteri nè offèras.

3. Seu solus, seu comitantibus aliis per vias hastitando nè incedas, praecipuè in civitatis luce publica. Nè domi quidem alieno tempore comedere praesertim coram alienis hominibus.

4. Solus tecum nè ride, nè colloquere.

Non



Non sunt enim hæc sapientis. Nec solus per viam cantu te exhilara, unde alii rem percipiant. Non te offeras mirantis specie tamquam magnum aliquid animo volutes. In via ligna, lapides, res, reculasve id genus alias, ut misilia nē jactes, De industria saxa pedibus nē collidito, emoveto. Stultorum enim negotia sunt ista. Non te inferas capite arduo, non depresso abjectius, non contorto ineptē aut in dexteram, aut in laevam; non oculis huc illucquē hiantibus.

5. Inprimis si honori tuo consultum vis, cum bonis ambula. Si id non potes, quia aut non nōsti: aut qua alia de causa, solum te esse, atque ire, quam cum malis, est optatus.

6. Si cum æquali tuo gradieris, in eum principatum tibi nē arroges; nē ambitiosæ antecessoris delicias federis, seu si locus tibi pro dignitate delatus non erit, indolescas. Sin dignior est comes, dextrum tibi eum, certē honoratissimo loco statue; ac dum unā itis, cave gradu eum prævertas.

7. Domi si loco comite uno spatiaberis, atque is erit, cui honorem debeas, eum primo ambulationis ingressu ad dexteram colloca; nisi cum subsisterit, nē interstite, prior ambulationem nē converte; ipsa in conversione vultum, non humeros ad eum adverte. Si celsa erit, & illustri dignitate, gradum cum eo penitus nē æquato; tantillum reductus eum prosequere, sic tamen dimensē, ac modicē, tecum ut commodē sermonem conferat. Si compar tibi est ambulationis, spatia pari cum eo nutu dimetire, prior nē semper te converte, nē in medio incessu crebrō interjunge, nisi cum illustris necessitas rem excusabit. Res enim ista & principatum præ se fert, & modestiam creat. Qui inter si pantes medius ambulat, si fortunā, & dignitate pares utrinque sunt, aut pene pares, alternis ambulationem convertat, hinc ad dexteram, inde ad sinistram, sin dispares sunt

digniores versūs sese plurimū convertat. Denique, qui eum cingunt, semper ad eum & cum eo, non antē aut post se convertent, quippe ipse ambulationis metator est.

## §. 7us.

*Congressus ipse, & colloquia.*

IN hominum doctorum, graviumquē congressu levicula in sermonem nē indicuto, nec apud indoctos subtiliora, quā ut intelligant, aut quæ difficulter inveniant. Sententias crebrō nē eloquere, præsertim apud aquales, minimequē apud eos, qui dignitate tibi antecellunt, nec tempori item, vel auditoribus aliena. Inter epulas festave tempora tristia nē commemorato, non diritates plagarum, non immunditiarum spurcitas, non mortis tædia: quin si de his sermo aliunde inductus erit, tu, si potes, industriē commutato. Somnia nisi intimis familiaribus nō referto, eaque cum illustrem rerum significationem dare videbuntur, cui fidem tamen nō habeto.

2. Non est hominis bene instituti, de rebus suis gestis, de ingenio, virtute, cæteris ejusmodi laudum nominibus gloriari, quinimo de sua, aut suorum nobilitate, divitiis, honoribus, nisi coactus non loquetur. Idem haud se temere tamen in sermone admodum deprimer.

3. Ubi risui locus non est, ibi cavillari & joculari velle importunum est: nē rideas effusē, nē indecorē, nē sine idonea causa tantumve ideo more tuo ut rideas. Ex aliena calamitate risum nē captes, etsi risui per se opportuna esse videatur.

4. Neminem injuriosē appelles, nequē joculari, nequē extra jocum. Neminem verbis perstringas, neminem ludifices, hominum præsertim antecellentium, tamen ab eis causa aliqua sit.

5. Nē sis morosus, & difficilis, sed comis, & liberaliter officiosus priorquē aliis salutem



luteum dicere occupa. Sermonem accipe, & redde: nec te conde in recessum, cum in vita communi humanè congregari, & colloqui oportet.

6. De nullo, de nullius rebus, ulla ratione detrahe. Etiam cum laudas, modum tene.

7. Colloquiis, consiliisve nè te immisceas, quibus gratus nè intervenias, tibi incertum sit. De rebus, si autoritate princeps non es, sententiam nisi rogatus nè dicito, præsertim non in tempore, neque utilitatis spe allucente. Rogatus, sermonem confer in paucis, matureque ad rei caput accede.

8. Si qui ulla de re duo contendunt, neutri, nisi qui coget, accedito. Quod sentis, nè pertinaciter defende. In rebus, quæ ad sentiendum liberæ sunt, quæ pars sententiarum numero est superior, eam complectere.

9. Alienis culpis Censorem te & reprehensorem nè appone. Est enim id magistrorum, patrum, eorum, qui præsent, proprium munus. Potes tamen alienum ab re animum præ te ferre. Potes interdum, prudenti ratione, opportuna in rem monita delinquentibus adhibere.

10. Aliorum labes, ac maculas, tamen si naturâ insint, maximè si in facie insident, curiosè nè dispicias, seu causas scisciteris, unde extiterint. Quod in autem amico fidenter dicturus esses, præsentibus aliis silentio preme.

11. Quæ lingua tibi ignota est, aut non probè percepta, eâ nè fermocineris, nisi in re necessaria, ut animi tui sensa intelligentius exprimas. Patrio, ac gentili idiomate utere, non inconditè, ut sex populi, aut ut ancillare abjectum genus: sed ut politiores, atque optimates cives tui, & cultè, & eleganter. Inprimis castè loquere, ac verecundè, subterpula ipsa nec clam alteri in aurem, nec liberius quasi per lulum verniliter

funditans. In sermone de rebus altis & sublimibus, fac, vilia & plebeja verba tibi nè excidant.

12. Nè eloquere, nisi re prius cum animo tuo cogitata, expensaquè: quotidiano in sermone verborum circuitione nè utere, atque guttas, & emblemata nè quare. Volvente, aut lapsante lingua, verba nè involve; contra, nè loquere tam lentè & cunctanter, ut fastidium crees.

13. Dum quis alius loquitur, cave auditores tuâ causâ ab eo defluant: tu audi facilis, & attentus, non oculos aliò intorquens, non aliud agens. Si ductum quispiam, & quasi resitans loquitur, tamen ei, velut loquenti subserviens, verba nè supple, nisi hoc te roget, aut privatim res agatur, sitque ipse de intimis tuis & per familiaribus, neque interpella eum, neque ei responde, quoad loquendi ipse finem fecerit.

14. Dum colloquio intervenis, nè percontare, ecqua de re sermo inductus sit, habet id enim specimen autoritatis. Precare potiùs urbanè & comiter, ut qui ceptus erat, eum, qui habebant, pertendere nè graventur, si ideo conticuisse eos senties, quia tibi deferunt. Contrâ, si quis colloquenti tibi intervenit, præsertim vir spectatus & gravis, est è rationibus decori sermonem habitum compendio referre, deincepsquè totum pertexere atque exequi.

15. Nihil ore, oculis, manibus facientum indecorè, quo, res quæ dicitur, exprimitur. Nec verò tenenda brachia sunt aut in tergum reducta, aut complicata decussarave. Inest enim in his corporis gestibus plus quiddam autoritatis. Sed sustinenda ea ratione modoquè, ut manus, altera alteri adjecta, coram adversa sint, paulò infra pectus aut ad zoham deducta. Zona ipsa nec prælarga, nec præarcta sit; depressa immodicè, aut surrecta. Inter verba, etiam adverte quàm compositè corpus moveas. Quo

in ge-



in genere nec caput motes, nec manibus mices, & firmo in vestigio consistere.

16. Sic habeto, inconcinnum esse inter loquendum pileum ori aliudve quicquam prætere, chartam aut quæcunque alia mansitare, capite micare, cubitos collidere, unum in pedem collocare sese, tibiæ alteram alteri transversam inducere.

17. Eum, de quo loqueris, digito nè monstra; ad ejus autem quicum loqueris nec vultum, quem vereri imprimis addece, nec personam propius accede.

18. Duobus unâ pluribusve inter se sermocinantibus, si quem seorsum conventum velis, paucis rem expedi; nec quod dicere habes, in aurem ei dicito; sed si arcana res erit, seduc eum ab aliis paululum. Si potes nihilquæ prohibet, colloquere idiomate, quod qui circumstant probè noverint.

19. In multorum communi congressu, privatim nè uni atque alteri arcanè colloquitor: verum de re hujusmodi differ eum in tempus alterum, nisi tu fortè cæteris præfides.

20. Intempestivè velle adire & colloqui, perinde est atque agendo nihil agere; aut si quid agis, eos quos sic velis, sic adcas, molestiâ & indignatione complere.

21. Hominum cum hominibus comparationes evita; ideoquæ si quis rei benè gestæ aut virtutis prædicatione laudatur, tu coram eo de eadem virtute alterum nè lauda. Omnis enim comparatio odiosa est.

22. Novis de rebus dissipatos sermones sermunculosquæ narrare aliis, facilè animum nè inducas. nisi veros esse certâ autoritate cognovis. Nec cum audita refers, autorem memores, quin gratum ei id fore jure existimes. Quod secretò audis, tecum habeto, atque alteri nè dixeris.

23. Si quid narrabis, legis ratione differes. longus nè esto, tum maximè cum aut res ipsa parvi momenti est, aut sentis eam pa-

rum auditoribus gratam esse.

24. Noli esse in alienis rebus curiosus, & ubi qui inter se conferunt arcanò colloquantur, eo nè accede.

25. Quod efficere atque exequi non potes, in id operam tuam nè deferas: quod sponderis verò, id serva atque præsta.

26. Quæ legatio obeunda tibi erit, quæ relatio, quæ autoritas, ea fac tranquillè, prudenterquæ defungare, sive illa tibi ad plebejos homines, sive ad optimates sustinenda erit.

27. Interea dum Præsides cum alii verba faciunt, cavènè aut fabuleris, aut rideas, aut aurem iis, quæ inter eos dicuntur, admoveas.

28. Nè musses, nè gannias.

29. Quod nescis certò, tanquam certum nè asseveres.

30. Inter majores, maximequæ eos qui cum imperio tibi præsunt, non interrogatus nè eloquere. Eloquuturus consurge, ac nudato capite paucis responde: nisi & sedendi & caput obnubendi, potestas facta tibi fuerit.

31. In concertationibus, maximè quæ in communi vita occurrunt, nè sis vincendi adco cupidus, ut non aliis suas quoque dicendi partes liberas relinquas. Seu jure autem seu injuriâ contendas, par est acquiescere te autoritati aut plurium aut contentiosorum, multoque magis eorum, qui vel tibi vel disputationi præsident.

32. Lacesitus verbo, vel injuriosè appellatus, neque respondes, neque te defendas; magis rem joco clude. aut tanquam ea te mōdice tangat, ita te ostende; esto multi ad jus tuum defendendum te vocent; certus: *Non omni dicto, responso opus esse.*

33. Non cuius sermoni pugnaciter resistas, contentiosè ista opponens: *Non sic res habet, ita habet ut sentio, dicoque.* Alieno iudicio ista; iis potissimum de rebus quæ sint,



sint, an non sint, haud magni interest.

34. In communi, etiam tuorum aquilium congressione nè blatera ut planus & circulator, sed loquere modicè & opportunè, quandiu se aliquid dat quod tum sit ad rem de qua agitur, tum certum tibi atque exploratum. Nam de re quam non teneas, sermonem inceptare, eoque ostenso & incepto excusare caducam rei memoriam, quam te legisse tamen certo scias, frigida & inveniusti exempli excusatio est.

35. Te addebet compositum honestà gravitate quid alii dicant animum attendere, libidine nè ista turpiter quærites: *Ecquidnam dicis? qui gesta, inquis, res est? fugerunt me quæ dixisti*, alias id genus ineptias inculces.

36. Si quid narrare coeperit quispiam, non obtundas narranti, id jam te scire: ei rem non apprime rectissime narranti, nè abnutes, seu contradicte, aut risu illudas. Multo minus dici æquum est, *Non sic res habet: falleris*.

37. Vocem nec contende ut Præco: nec tam demitte, ut quoad par est non exaudiaris.

38. In deambulationum congressionibus, nè temere ut frano socium inhihe, tertio quoque verbo eum demorans. Nec tam vicinum ei te applica, ut cubito pulses: nec plus palmo circiter ab eo te abjunge.

39. Animum in pangendis prociis, in excusationum conquisitarumque elegantiarum deliciis nè pone, quale exemplum: *Amato, O colendum caput, ignosce si haud satis cultè, satis idoneè rem dicturus sum: Obsequendi tibi studio plus etiam enitar, quam efficere possum*, alique ejusdem modi odiosi & insipidi præfationum circumductus. Verum quoad rectè fieri & commodè potest, à te ipsa ordine, exorsusque ingenuâ animi æquitate ac fiducia, ac imperturbato orationis tenore sermonem contexè ad extremum. Id quod dum agis, nè longus esto, nè unum aliquem lo-

quendi modum crebrò inculca.

40. Qui impeditiore est lingua, is nè ambitiosè semper loquatur; is operam det, ut quod lingvæ deest; silentio & auditione suppleat.

### §. 7mus.

#### Decorum in mensa.

PRIMUM manus tibi lava munditer; tum cum eo, qui mensæ benedicit, sacras preces respondendo reciproca. Si, qui mensæ benè precetur, alius non adest, tu ipse benedic: sed quod suprà dictum est arrecto in pedes corpore, & capite aperto.

2. Mensæ accumbens, corpus nè scalpas: pari cura à sputando, tussiendo, mungendo, tibi quoad potes, tempera; si qua te horum necessitas urgebit, aptè & decorè ei servias, tum quam minimo strepitu, tum vultu nonnihil subdocto atque averso.

3. Nè ut larco, ut helluo, sic edas.

4. Panem partire, non manu, sed cultro, nisi permodicus panis recensque sit, quem manu partiri convivæ omnes aut plerique insituant.

5. Non te immittas in mensam ad cubitos usque, neque, qua in sede resides, ei aut humeris aut brachiis ineptè incumbas.

6. Partim nè edas, expletis ambabus manibus.

7. Panem vino nè insucces, nisi aut summâ domi auctoritate sis, aut valetudo tua rem excuset.

8. Neutiquam ostendas, aut dapes, aut vinum egregiè palato tuo arrisisse. Sed si domus ac mensæ moderator, de his aliquid te poscit, responde modestè & prudenter. Discave etiam attentius nè cibos elevés, seu alios, pluresve in mensam inferri cures.

9. Salem è salino capturus, culter nè unctus sit vide. Aut cultrum aut fuscinulam cum detergere opus erit, aut panis frustulo, ut alicubi usus est, aut ut alibi man-



tibi apte id fiet; certè non ad totum panem pingui affricu.

10. Si quem convivio excipis, ei te decet cibos honoris causâ dispartiri ac porrigere, etiam illum liberaliter iis impertiendo, qui coram eo sint. Sin te alius convivio excipit, præstat expectare te, tum epuli Dominus aut ejus nomine alius quispiam tibi te participet, quàm tu tibi manu eo præsumas; nisi aut familiaris inter candidè amicos epulatio sit, aut qui epulum dat, ultro à convivis sibi id gratiæ apponi petat, omnes ut liberè, non expectata aliena manu de mensa sumant ut domi suæ suo arbitrato. Est & prudenter ac modestè officiosi domi alienæ, ubi autoritate non valeas, Chironi munus haud usurpare: quod tamen non usurpes audacter, sed factites cum laude, ubi in frequenti convivis mensa oculus manusve Domini impinguare omnes non potest; ideo què partem curæ suæ, tacitè aut disertè, longo in convivarum ordine illo, libens volensquè aliis transcribit.

11. Cibos nè perfa; sed si calidiores erunt, expecta dum defrigescant. Jusculum quidem temperari potest modestè, sensum cochleari illud commovendo: at de scutella forbere illud ad mensam vel combibere, non cochleari sibi in os indere, invenustum est.

12. Cibos ad mensam nè olfactito: & si quos fortè olfeceris, dehinc convivis cæteris nè apponito.

13. Panem unctis digitis adipato contactu nè perunge; eum secturus antè tibi manus deterge, si unctæ erunt. Proinde cave nè manus conspurces, aut digitos perungas; & ubi cochlearis ac fuscinae copia est, iis, ut decet, arque ut benè educatorum mos est, utere.

14. Si panem carnesve in embamma intingis, quod præmordes nè iterum intinge, moderatum frustum sit, quod in singulos intinctus condimento imbuis, quodquè

unà bacceâ confici totum queat.

15. Non sunt dejicienda sub mensam, non jactanda in terram ossa, putamina, vinum, alia generis ejusdem. Excipiuntur, quæ mansu dura ac nauseosa despuere necessitas cogit; nequè hæc talia tamen sine aliquo decoro ore ejectionantur. Sunt eorum exceptores digiti duo, manusve sinistra compressa bellè ad excipiendum simul occludendumquè, Quod si res liquida ac fluens erit, tum despuatur in terram liberius, sed quod ante est annotatum, vultu, si integrum erit, subducto interim atque averso in laus.

16. Est à decore & munditiis alienum, prunorum, ceraforum ossa duratæ, talem reliquam aliunde materiem in patellam inspuere. Sinistrâ, quod proximè dictum est, ori admotâ venustè primum excipiantur, tum super quadra seorsum deponantur.

17. Nè rusticè cum cultro in manu, simul eadem cibum tibi in osingere.

18. Quæ aliis apposita sunt fercula, ea circum oculis nè perlustra. Dum bibis, dum te obescas, oculos nè sustolle.

19. Panem multum sectione una nè conscinde; nè confeca in crusta quadrasve grandes, sed in exiguas vel mediocres. Eundem æquabiliter subseca, ob eamquè rem neque ut fossis in eo lacunis, excava, nequè ut enterans, solam micam exime, aut solam crustam defringe, sed ambas unà succide. Neque autem panis buccas semper apposito orbe aut patella concide.

20. Si quod dentibus es imbecillis, panis crustam mandere non potes, vel si ambusta illa aut prædura sit, tamen consultius videtur crusta singula prout ea confecas, quàm totum solidè panem crustâ defectâ distringere.

21. Insulsa res est, in offam, in pulpamenta quasi arcuato in ea corpore, inclinatum propendere; sat est conquiniscere, atquè incumbere nonnihil dum jure aut acc-

Eccccc

to



to insuccata buceca è mensa in os carpitur, nè linquente succo vestium sinus conspurcetur. Hac re provisâ caput illico surrigendum est.

21. Sunt & suis temporum intervallis referendi inter mensam à cibus, à patinis oculi: non tamen idcirco aut circumferendi vagè, aut in convivas, in mensæ ministros, in aliena fercula desigendi.

23. Fœdum apprimere est, mappas dapali unguine inquinare; horridius etiam madentem sudore vultum, nasi proluviem, orbes, patinas mantelio detergere.

24. Quod delibaris, idem è manu seu vinum, seu quid aliud alteri nè porrige.

25. Manus dapum succo & liquamine persusas pani nè affrices, toti præsertim & mole aliqua solidè integro: quod si lautius perunctæ erunt, possis ut quidem videtur, primum ad panis turundam, quum mox ori ingesturus sis eas despicere, tum mantili permundare, quod iis jam deterfis minus foedetur. At si necesse ut hoc sic eveniat rariùs, sic eleganti politorum more cochleari ac furcillâ rite uteris. Diligentius etiam à lambendis digitis abstine, ac maximè sonoro cum stolis eorum linctu.

26. Cum vesceris, cum bibis, dentibus nè congerepa; sorbendo absurdè, madendo clariùs, aut alio quovis modo.

27. Ossa sucta avido, sonoro præsertim nè suge, nè exsucca; nè carpe utraque manu sed solâ unâ ac venustè: nè canum more arrode, sed manu una prehensis ac ferè digitis duobus, carnes cultello exime; medullam nè ad panem ad lances incusis iis ossibus excute; sed ea placidè cultro, si potes, emedulla. Omnino sapientibus non placet ossa manibus tractari, ac multò minus in os immitti.

28. Duriùs quæ sunt, ut ossa carniū fructumve, cultro nè frange, nè dissecas, nè dentibus, nè alia ope comminue, sed intacta

relinque;

29. Communi è ferculo, quod socio obversum ac sub manum est, id nè usurpa, id sume quod tibi adjacet, nec quam alii lulentius. Ac si fructus erunt, si res con-similes, eas ad delectum curiosè nè attrecta. At enim quibus commune tecum ferculum est, ii quid sumant, nè attende.

30. Buccella buccellæ succedat, in stoma-chum jam trajectæ. Tales buccæ sunt, quæ malas immodicè non insunt. Manu una cibum ori admove, ac ferè dextrâ.

31. Scyphum pateramve, nè sic vino corona, ut in mensam exuberet.

32. Dum in ore adhuc buceca est, nè bibe. Potum autem nè posce, nè loquere, nè vinum tibi infunde, nè bibe interea dum bibit qui tibi asidet, aut qui in mensa sum-mus omnium est.

33. Dum bibis, aliud nè transpice.

34. Nè perlentè bibito, nè præfestinè, nè ut vinum commanducans, nè frequentius, nè vinum meracum. Nam hæc talia madul-sarum sunt atque ebriosorum. Sub potum atque à potu labra tibi extergito; at neque à potu neque unquam aliis, quasi anima oppressa, densum & cum strepitu expira. Est enim res factu quàm indecora.

35. Si quis pocula tibi miscet, scyphum sola manu una sustine. Haustum eundem interruptè nè ebibe; nasum cyatho inamœna bibesia, penitus nè immerge; totum quod infusum erit si combibere unâ non potes, de-ponè in haustum alterum, aut si quis mini-strator à tergo adest, ei in manum transde. Quare interest non plus tibi unâ infundi si-nas, quàm quod semel possis perbibere; ma-ximè si per mensæ morem tibi integrum non est scyphum cum eo quod superaverit eoram ad manum tibi asservare.

36. Dentes nè mappâ aut mantili, nè digito, cultro, furcillâ, nè quod putidissimum est unguibus perpurga; sed dentiscalpio, At mensa



mensa in ipsa dentes tibi scalpere, si alii id non faciant, aut si eleganter instituti in more non habent, haudquaquam convenit.

37. Vino os nē collue, quod mox pro palam despuendo ejectiones, verum mensā solutus manus cum cæteris lavare unā assuesce. Certē palam os colluere, elegantiae alienum videtur; Quare & cū ad mensam polubro subiecto aqua manibus datur, solas lavare manus addebet.

38. Non est præstabile admodum atque hodie obsoletum videtur mense socios, crebro præsertim atque importunē invitare: ut appositis epulis sese exhalarent. Nescio quo pacto enim epulandi libertas dum fieri eis videtur, magis tollitur. Minus te concedet quoties bibas aliis propinare, quod si te alii poculis invitant potes modestē rem de precari gratiam habendo, teque victum atque imparē consistendo, aut verò referendæ gratæ vinum libare tantum; præcipuū ubi præbendi gratus mos est, & nisi par gratia redhibetur, offensio nascitur.

39. Digressus ē mensa, dentiscalpium neque ore contine, neque auri crede, utroque inconcinnius facit, qui collo appensum gerit.

40. Statim à mensa nē obdormiscas: magis potu accibo ita te refice, necesse ut non sit curam inde omnem, seriam etiam & gravem intermittere.

41. Juvat quicquid cibus appositus sit, de eo reliqui semper aliquid in patella relinquere; obsoniorum imprimis quæ majore copia illata fuerint. Nē alia quidem tam per edenda sunt, ut pane patina aut cochleari scutella, immunda perediā detergeatur convertaturque. Quippe gulæ & voracitatis signa sunt ista. Contrā couvenit, inquam, residui superesse aliquid, estque res commendabilis, magna in ciborum varietate non qui delicatissimus sit, eum invadere, sed vulgarioribus contentum esse.

42. Simul alii edendi finem fecerint, fac

& tu tibi modum; neque tum verò laxius brachiis mensæ incumbere, sed solis manibus extremam contingito.

43. Haud convenit cibum cum cibo commiscere, multoque minus incoctas herbas vescumve aliud de scutella eximere, quo super quadram aut in catino frigescent, vel tu tibi seorsum iis vescaris. Nimirum isthac nauseam cernentibus inducunt.

44. Tum inter epulas, tum iis remotis, mantile, quadram, panem, cultellum, sic dispositū in rem aptabis, ut convivæ aut plures aut principes exemplo erunt, nec quod domi soles, alieno in convivu nimio opere retinebis. Apparet inolevisse jam morem, cū mensa removenda est, panem, cultellum, fuscinulam, super orbem quadramve statuendi, mantelo desuper injecto.

45. Est principis in mensa, atque in summo accumbentis, mantile primò explicare, primò in mensam manum porrigere; cæterorum expectare quietē dum inceptet, nec manum ante quoquam admovere.

46. Vicissim esto ius, qui præsidet, tempestive occipere, providere attentè omnibus, convivas sermonibus mulcere, mensam claudere, sed tamen intra modum, ut lentissimo cuique suum sit vescendi omne tempus. Teneat se interim, si opus erit, escis leviter degustandis, aut ubi, colloquendi est usus, conferendis amoenis sermonibus, usque dum omnibus sit exempta fames atque edendi cupido.

47. Quidquid epulis intervenierit, nihil irascere; irā incitatus, tamen eam comprimere ut nē se efferat, nominatim si extranei tecum accumbunt.

48. Nē accumbas in loco princeps, sed si is te decet, aut qui domi princeps est, ita omnino vult, nē tantopere obliste toti, ut cætui molestus sis.

49. Inter mensam, si lectio, si sermocinatio erit, fac attentus sis; ac si tibi loquendum fuerit, vide ore vacuo ut id facias.



## §. 9nus.

## Ministerium mense.

**P**osteaquam lavandis manibus aquam affuderis, scito tibi dictam esse legem deinceps dum mensæ ministras caput non scalpendi, non excreandi, quoad tu quidem abstinere potes, non tusiendi, manusque & mundas & extertas præferendi.

2. Ubi cunque aut sternutas, aut despui, averte te in latus, nè aut glutias, aut in ore asserves, quod expui opus est.

3. Dapes inferens aut effèrens è mensa, cave cuiquam potanti imprimis aut brachium contingas, aut humeros impellas Cautius etiam id vide nè cui vestes conmaculas. Quamquam autem diligenter circumspicere te oportet nè quid convivis desit, aut num quis eorum signo te aliquid moneat, non debes tamen oculis in eorum vultu habitare, perinde ut si quid edant numero adnotes.

4. Cum poscentibus, aut pocula in manu offeres, aut aquam miscebis, præsertim præstabili dignitate cuiquam testare honorem quoties id feceris, mox, ut biberit cyathum aquâ collue.

5. Dum panem mensæ supplebis, nè manu cum comportes, sed mensario orbi positum & terfo, & nè panis subsiltet, etiam æquabili, tum assitue convivis loco idoneo.

6. Lances scutulasve plures duabus, suam quaque manu, unâ nè importes: ac si calebunt plus æquo, lancem alteram orbemve eis supponito. Defer autem recto libratas æquamento, ut nè quam invergas effundasve. Patinam dum de ea cibis adhuc sumitur, à vescentis oculis nè remove; expecta dum à se eam removeat, aut eam ut tol as tibi innuat.

7. Salinum, primum ad mensam statui, extremum tolli, usus ferè obtinet.

8. Scyphos relaturus, plures quàm duos tresve unâ operâ nè effier; digitos intro nè immitte, sed pede ab imo eos carpe.

9. Nè cirneas, nè ampullas ad mensam vitreas, maxime si vino servient, ad summum imple, nè vinum effundatur.

10. In eximendis patinis nè montis instar alias aliis impone, nominatim si penitus depletæ non sunt. Multo insuavius est in convivarum oculis alias in alias deplere; Nausosum quippe & stomachosum est, sed ut sedant in mensa, ita eas exporta.

11. Remotis epulis, capaci in lance, aut eleganti & splendido in canistro analecta colliguntur munditiæ causâ: Salillo scorsum dempto, cultris, cochlearibus, fuscinulis super orbe compositis atque in canistrum immisissis, mappâ denique convolutis unâ panis fragmentis si jam exempta non erunt colligitur.

12. Curantur & cum sic usus est nitida in lance denticulipia, denique laxo lintea, desuperque polubro mensa sternitur, aqua manibus datur primumque ex ordine ei qui cæteris antestat; mantile adjicitur, unum ei qui præest omnibus, si unus erit, atque ei proprium; cæteris ab eo suum in commune alterum, polubrum ad eos adducendo, sic, ut duo tresve conjunctim unâ manus applicare ad id possint.

13. A mensa aut ministerio mense, est ingenuè ac nobiliter instituti honorem habere convivis pileo sibi detracto, aut quâ optimâ ratione aliâ pro ingenio gentis, aut loci usu.

## §. 10mus.

## Nocturnus decubitus.

**F**ac in tempore lectum meas; enimvero non nisi DEum sincerâ fide ac pietate ante veneratus, transactæ diei ratione tecum positrâ, susceptaque melioris vitæ voluntate.

2. Vestibus ante aliorum ora nè te spoliës. Has sic compone unâ, ut omnes postredie manè tibi ad manum sint, quin inspice eas aliquando atque inquire in eas, utque



utque opus erit aut succussando aut scopulis depurgando, eas permunda,

3. Sic decumbe, ut compositus modeste atque undique opertus jaceas. Non dormias supinus pronusve, sed alterutrum in latus.

4. Dormi & indusiatus semper, hoc enim & pudor exigit, & lex decori, & casus incerti, ad quos, si qui

ingruent, expeditior sis eris.

5. Castitatis causâ majoris, inter-volve indusio femora tibialve, nè nuda se contingant.

6. Ubi diluxerit, non desideas in lecto, neque restites, sed surge impigre, vestes indue, atque è cubili ocyus ex-scende.

## CAPUT IX. DE GRATIIS GRATIS DATIS.

**H**ujusmodi gratiæ enumerantur ab Apostolo dicente : *Alii per Spiritum datur sermo sapientiæ, alii sermo scientiæ secundum eundem Spiritum, alii fides in eodem Spiritu, alii gratia sanitatum, alii operatio virtutum, alii prophetia, alii discretio spirituum, alii genera linguarum, alii interpretatio sermonum. Hæc autem operatur unus atque idem Spiritus dividens singulis prout vult.*

De quibus Gratiis actum est suprâ in genere, modò agendum in specie sequentibus.

### SECTIO I.

#### De Sermone Sapientiæ, & Scientiæ.

**S**ermo Sapientiæ, & Scientiæ, sunt Dona DEI actualia supernaturalia, quibus mens notitiâ ac recto judicio Divinorum sublimiter vel ante vel in instanti locutionis instructa, dirigitur ita de iisdem Divinis ad ponendos conceptus, ut eos ad docendum, delectandum, & movendum Auditorem vel Lectorem, lingvâ vel calamo aptè & rationaliter, publicè vel privatim expromere valeat. Dicitur : *Dona DEI actualia.* Tum quia Apostolus loquitur non absolute de sapientiâ, & scientiâ; Sed de sermone sapientiæ, & sermone scientiæ, qui habent se transeunter non permanentes. Dicitur : *Supernaturalia*; id est quoad modum; quia etsi sapientes vel scientificos

Eeeee;



rificos conceptus ante formatos memoriâ recolere, vel in instanti sermonis novos elicere, eosdemquæ aptos ad docendam delectandam, flecendâquæ mentem humanam aprè ore proferre per naturam, vel artem aliâs quis posset: dum tamen hæc sunt operâ Spiritûs S. supernaturalia sunt: quia hic modus operæ Spiritûs S. indebitus est & fermocinanti, & sermonem percipienti. Dicitur: *Mens notitiâ, ac recto iudicio Divinorum sublimiter vel ante vel in instanti locutionis instructa.* Ubi Imò Supponitur hæc notitia Divinorum per fidem. Rectum verò de Divinis iudicium aut habetur per rationes Divinas, & tunc est sapientiâ; aut per inferioris gradus rationes, sive etiam de creaturis per altissimam Causam, & tunc est donum scientiæ. 2dò. Supponitur, antequam progrediatur sermo sapientiæ vel scientiæ, debere prius mentem informari Fide Divinâ, & sapientiâ, sive scientiâ, vel infusâ vel acquisitâ, sive ante sive in ipso quasi instanti locutionis, per subitas & novas cælestis sapientiæ vel scientiæ coruscationes in mente humana: prout idem non rarò in scripturis insinuat: V.G. *Et insiliit super eum Spiritus Domini & prophetavit*, quod etiam de Saul dicitur, *Et: Cùm tradent vos (scilicet ante Reges & Præsides) nolite cogitare quomodo aut quid loquamini, dabitur enim vobis in illa hora quid loquimini.* Non enim vos estis qui loquimini, sed Spiritus Patris vestri qui loquitur in vobis. Et: *Dabo vobis os & sapientiam, cui non poterunt resistere, & contradicere omnes adversarii vestri.* D. quoquæ Thomas docet conferri quibusdam donum sapientiæ altiori gradu, id est non modò ad propriam sui informationem, sed etiam alienam. Ratio horum est: Quia cùm verba utpote signa rerum intellectarum exteriori sermone nequeant rationabiliter proferri, nisi prius in mente concipiantur, conceptus autem veri fieri nequeunt de ignotis; sequitur quòd ante vel in instanti sermonis sapientiæ, aut scientiæ, debeatur notitia aliqua haberi, & rectum iudicium Divinorum. Dicitur: *quo mens dirigitur ità de iisdem Divinis circa ponendos conceptus.* Et hoc est primum essenziale sermonis sapientiæ, & scientiæ, mentem dirigere de Divinis circa conceptus ponendos, vel jam antè formatos,

1. Reg. 10.

Matt. 10.

Luc. 21.

2. 2. 9. 45.

4. 5.

matos  
ciendo  
dem con  
&c. He  
scienti  
provis  
ut à di  
rum;  
grauan  
pendet  
Auditor  
verbun  
to, Un  
persuad  
& fere p  
deor. in  
lami,  
pro ut  
rem n  
Public  
hunc  
etiam a  
privatim  
publicè  
Thomas.  
Docere m  
re valeat  
enim S.  
rationalit  
cionator  
epti, irr  
finales f  
dicatorib  
gestus, s  
rum ædifi  
Qu  
Scientia via



maros, in memoriam revocando, vel novos hic & nunc eliciendo in instanti proferendi ore sermonis: idque ita, ut eodem conceptus ad docendum, delectandum, & movendum Auditorem &c. Hoc secundum quoque est essentialia sermonis sapientiae & scientiae. Quod D. Thomas requirere videtur. Quia Spiritus S. 2. 2. q. 177. providet ad utilitatem Ecclesiae, ut non tantum quis loquatur, 4. 1. ut à diversis possit intelligi, quod pertinet ad donum linguarum; verum etiam ut efficaciter loquatur, quod pertinet ad gratiam sermonis. Hæc autem efficacia ex parte loquentis dependet à tribus istis: Docere, Delectare & Movere. Dicitur: Auditorem vel, Lectorem, linguam vel calamo &c. Quia scriptum verbum & lectum ferè æquivalere verbo ore prolato & audit. Unde S. Chrysostomus ait: Gaudio exulto tubam illam spirituali In Præfat. in Epist. D. Pauli, perficiens, & excitator, ac desiderio incresco, vocem mihi amicam agnoscens, & ferè præsentem ipsum (S. Paulum) intueri, & differentem audire videor. Imò magis videtur opus gratiæ Spiritus S. ad directionem calami, quam linguæ: quia à lingua volat irrevocabile verbum, pro uno instanti temporis, pro paucis prolato: Scriptum autem manet perpetuitati pro innumeris legentibus. Dicitur: Publicè, vel privatim. Quod studio addo: Quia sicut viris ad hunc utrumque modum docendi opus gratiæ sermonis: ita etiam ad mulieres ea gratia sermonis, quæ quis familiariter & privatim colloquendo utitur, pertinere potest. Gratia verò 2. 2. 177. q. 4. 2. publicè docendi ad mulieres minimè pertinet, ut insinuat D. 1. Cor. 14. Thomas. Et Apostolus jubet: Mulieres in Ecclesiis taceant. Et: 1. Tim. 1. Docere mulieri non permitto. Dicitur: aptè & rationabiliter expromere valeat. Hoc tertium etiam essentialia est gratiæ sermonis. Ita In Epist. 2. Cor, enim S. Hieronymus, Sermo inquit sapientiæ est sapienter, aptè atq; C. 12. rationaliter loqui. Per quod excluduntur quorundam Concionatorum &c. Insulsi modi loquendi, clamores nimii & inepti, irracionales gestulationes, membrorum contorsiones, & similes fatuitates, quibus risum potius quam lachrymas in Auditoribus eliciunt. Econtra verò illi modi loquendi, vox, situs, gestus, spectatis circumstantiis ponuntur, qui serviant Auditorum ædificationi & compunctioni.

Quomodo in Praxi fiat salutaris operanti Sermo sapientiæ, & P. 1. c. 3. sec. 9. Scientia vide supradicta de Gratiis gratis datis in genere.



## SECTIO II.

## De Gratia Fidei.

Vide Suarez  
Prologo: 3. de  
gratia c. 5.

Affor. 6.

P. 1. c. 3. Sec. 9.

**F**ides quatenus est gratia gratis data, superaddita habitui vel actui fidei gratum facienti, Est donum DEI actuale, supernaturale, quo aliis minus apti ad publicè docendum juvantur, ut privatim & simpliciter proponant doctrinam fidei, accommodatè etiam ad captum rudiorum. Ejusmodi enim auxilii gratuiti modus est Ecclesiæ utilis. Vel: Est donum DEI, aliàs plenitudo fidei dictum, non intensivè quoad assensum veracitati Divinæ: Talis enim assensus pertinet ad fidem Theologicam: sed extensivè, nempe quoad perfectiorem modum concipiendi, cum majori energia persuadendi, pleniori eruditione defendendi, fortiter & perseveranter in confessione fidei permanendi, prout de S. Stephano scribitur: Elegerunt Stephanum virum plenum fide & Spiritu S. &c. Quæ fides sic explicata; quàm sit necessaria Ecclesiæ ministris pro Conversione ad fidem, & defensione ejusdem, manifestum est. Porro Spiritus S. non deest in necessariis ad Ecclesiæ utilitatem ut D. Thomas de gratiis gratis datis non semel insinuat.

Quâ methodo fiat meritoria Operanti hæc gratia fidei vide *suprà*.

## SECTIO III.

## De Gratia Sanitatum, &amp; Operationis Virtutum.

**G**ratiam Sanitatum & Operationem virtutum ab Apostolo *suprà* enumeratas sub gratia faciendi miracula comprehendunt Scholastici. Quia utrique competit generica ratio miraculi. Porro Miraculum dictum ab admiratione & stupore rei insolite *suprà* naturæ facultatem factæ. Item miracula dicuntur virtutes, quatenus excedunt vires naturæ. Item appellantur signa, quatenus sunt ad manifestandum aliquid supernaturale. Item vocantur portenta, aut prodigia, seu ostenta, quasi procul aliquid ostendentia. Miraculum verò in re est donum DEI actuale



actuale supernaturale, quo Spiritus S. movet interius hominem ad volendum aliquem effectum superativum vires naturæ, utrè hanc voluntatem suam manifestet verbo, aut contactu, sive aliquo signo alio externo: DEUS autem suâ solus omnipotentia efficit intentum ad Ecclesiæ utilitatem. Prior pars hujus descriptionis patet: Quia Christus dedit potestatem suis discipulis faciendi miracula modo superscripto: Matt. 10. De secunda parte dicitur Psal. 71. *Benedictus Dominus DEUS Israël, qui facit mirabilia solus.* Ratio verò est, cur dentur miracula: Quia ut dicta supra caput & rationem naturalem, fiant credibilia, opus est quoque probatione supernaturali suo modo sensibili, quatenus ex notioribus ad minus nota cognoscenda deveniatur. — Quæ miracula etsi nunc in Ecclesia non ita sunt frequentia ut antè: cum signa sint pro infidelibus, non fidelibus: Tamen in conversione infidelium ad præsens suppleant vicem miraculorum alia motiva credibilitatis, quibus fides Catholica esse vera & prudenter credibilis, & non nisi imprudenter incredibilis demonstratur. Gratia autem sanitatis à Gratia operationum per hoc distinguitur; quia gratia sanitatis (ad quam referuntur liberatio à vexatione demonum, resuscitatio mortui & denique totum quod cedit proximè in bonum corporale) præter admirationem, effectus est valdè utilis recipienti, multumquè conciliat hoc ipso affectum bonum, indequè plurimum inclinat ad credendum. Quod non præstant aliæ Operationes signorum.

Vide Suarez  
Prologot. 3. c. 5.  
n. 15. & 16.  
de gratia.

## SECTIO IV.

### De Prophetia.

**G**ratia Prophetiæ, est donum DEI actuale supernaturale, quo in superna mens sublevata, de occultis præteritis, vel presentibus, vel maxime futuris instruitur, sive extrinsecè sive intrinsecè formarum corporalium representatione, earumquè interpretatione, aut specierum intelligibilium infusione, vel externâ aut internâ Divinâ locutione. Atque hæc esse Divinitus revelata, motivis evidentibus, aut obscuris, mens persvadetur ad assensum, qui & conciliatur:

FFFFF

ac de-



ac demum revelata signis externis, verbo scriptoque manifestantur. Dicitur: Donum DEI actuale. Quia cum habitibus utamur, quando volumus: constat verò in scripturis Prophetas non semper uti potuisse dono Prophetiæ ex ejus carentia: unde Heliseus de muliere Sunamitide dixit: *Anima ejus in amaritudine est: & Dominus celavit à me, & non indicavit mihi.* Sequitur Prophetiam non esse habitum, sed donum actuale, & transiens: id est quando, & quamdiu durat actualis DEI revelatio. Potest tamen etiam cessante illustratione dici Prophetas: quatenus ad id muneris à DEO deputatur juxta illud Hierem: c. 1. *Et Prophetam in gentibus dedi te.* Dicitur: *Supernaturale.* Quia ea cognitio quæ solius DEI est propria, excedit facultatem naturæ, nisi ei communicetur. Unde dicitur: *Non voluntate humanâ allata est aliquando prophetia, sed Spiritu S. inspirante locuti sunt Sancti DEI homines.* Potest tamen homo acquirere cognitionem futurorum per viam experimentalem, non quatenus sunt futura in seipsis: sed quatenus sunt futura ex concurrentia causarum secundarum. Differt tamen hæc cognitio naturalis à Prophetica. Quia hæc est cognitio omnium eventuum & infallibiliter, illa verò est aliquorum effectuum, & cui potest subesse fallum! Dæmones quoque possunt per se, vel per homines aliqua revelare futura. Quia Prophetia supponit cognitionem aliquam procul remotam à cognitione humana, jam verò intellectus Angelorum bonorum & malorum superior humano magis potest remota nosse quàm humanus, & revelare: Divinus autem intellectus supremus omnium, omnia novit. Adeoque ad revelationem Divinam, verè & propriè est prophetia, ad dæmonum revelationem potest dici prophetia secundum quid: Unde in scripturis tales non dicuntur Prophetæ simpliciter, sed L. 12. *supra* cum addito. v. g. Prophetæ falsi, prophetæ idolorum. Et ab Gen. c. 19. to 3. Augustino tales vocantur Dæmoniachi, Arreptitii. Dicitur: D. Tb. 2. 2. quo, in divina mens sublevata. Hoc enim primum est opus Spiritus prophetici per inspirationem: mentem ad superna elevare: Unde dicitur Ezech. 2. *Fili hominis sta super pedes tuos, & loquar tecum. Et ingressus est in me Spiritus, & statuit me super pedes meos.* Tandem ita elevatus ad superna, percipit Divina. Unde



de subditur: *Et audiui loquentem ad me.* Dicitur: *de occultis, vel presentibus, vel maxime futuris instruitur.* Ad Prophetiam enim pertinet revelatio præteritorum, quorum nulla memoria vel signa manent, quibus naturaliter cognoscantur: Tum revelatio præsentium, siue hæc loco distent, siue alio modo sunt occulta & imperceptibilia, v. g. Secreta cordis & cogitationes: Quatum cognitio etsi sub generali ratione prophetiæ ponitur, sicut & gratia sanitatum sub generali ratione miraculorum: tamen ob magnam vim, quam revelatio interiorum cordis habet ad commovendum & persuadendum hominem: ponitur sub speciali Gratia discretionis spirituum juxta D. Thomam 1. 2. q. iii. a. 4. Unde dicitur 1. Joan. 4. *Probate Spiritus, an ex DEO sint:* quæ probatio optimè fit per cognitionem interiorum motuum cordis: estquè valdè utilis Ecclesiæ. Tum maxime futurorum contingentium (ab his enim quasi per antonomasiam prophetia dicitur) præcipuè quæ à libera DEI, vel alicujus rationalis creaturæ voluntate, dependent. Dicitur: *siue extrinsecà siue intrinsecà formarum corporalium &c.* Mo-  
 dus nempe hic explicatur, quo mens Prophetæ de occultis per  
 Divinam revelationem instruitur, quod contingit multiplici-  
 ter: 1<sup>o</sup> enim hoc fit per signa sensu externo perceptibilia, & eorum, per lumen Divinum menti impressum, judicio, ac interpretatione, ut accidit Danieli manum in pariete scribentem cernenti, ejusquè scripturam exponenti. 2<sup>do</sup> fit per imaginariam visionem formarum: siue omnino Divinitus de novo impressarum, & non ope sensuum acceptarum, v. g. Si cæco à nativitate, imprimerentur colorum similitudines. Siue aliter Divinitus ordinarum ex his formis, quas per sensus acquisivit, ut Hieremias vidit ollam succensam à facie Aquilonis: cum intellectione ex illustratione Divina, de succendenda Urbe Jerusalem. Siue ab aliis imaginariè visæ rerum formæ proponantur, & de eis dijudicandis mens Prophetæ à DEO illustretur. Sicut Joseph audivit somnium Pharaonis de spicis, & illarum mysterium explicuit. 3<sup>io</sup> fit per species intelligibiles menti Divinitus impressas, nudè ipsam veritatem repræsentantes absquè velaminibus similitudinum & imaginum: Talis fuit

Suarez in  
 Prolog. 3. de  
 gratia C. 5.  
 pun. 26

Mo- Vide D. Thom.  
 2. 2. q. 173. a. 2  
 & q. 174. a. 3

Dan. 5.

Hier. 1.

Gen. 41.



2. Reg. 23.

David, in cuius prophetiæ commendationem dicitur: *Mibi locutus est fortis Israël.* Et subdit deinde: *Sicut Lux auroræ oriente sole manè absque nubibus rutilat.* Sicut & illis contingit qui accipiunt scientiam vel sapientiam infusam, quales fuerunt Salomon, Apostoli, &c. 4<sup>to</sup> fit locutione divinâ externâ per sonum vocis & verborum, sensu externo auditis perceptibilem: Vel internâ sensibili in imaginaria audiendo ad se loquentem aliquem: Vel deniquè in spiritu percipiendo verba locutionis Divinæ, seu cujusdam secretissimæ inspirationis internæ, sive cum dependentia à formis & similitudinibus imaginariæ, sive absquè illa. Dicitur: *Atquè hæc esse Divinitus revelata motivis evidentibus, aut obscuris, mens per suadet ad assensum.* Quia illa revelatio materialis signorum, formarum, verborum de occultis, an sit verè à Deo, cum possit esse etiam ab alio spiritu, hærebit mens Prophetæ, nisi addit & revelatio formalis, seu lumen Divinitus collatum, (Sive illud consistat in motivis quibusdam credibilitatis rationabiliter & intellectum & voluntatem ad assensum moventibus: quia ut Suarez bene dicit hic: *Nemo potest iudicium de re aliqua ferre, nisi illam, & rationem seu medium assentiendi illi, sufficienter apprehendat.* Sive in quadam infusione luminis manifestantis rei veritatem occultam: sicut lux corporea dissipatis tenebris, propalat ea, quæ antea manebant ignota. Ita ut sicut oculus hic & nunc spectatis omnibus circumstantiis experimentaliter sentit se non decipi in ratione rei visæ: ita & intellectus consideratis considerandis, beneficio huius luminis credit se non falli in visione veritatis tanquam à DEO manifestatæ, quo certificetur iudicium Prophetæ de veritate rei tanquam à DEO propositæ. Tum sequitur inspiratio voluntatis, quâ inclinatur ad assensum: isquè tandem per eandem gratiam conciliatur. Cæterum hic Propheticus assensus alius est evidens, alius obscurus. Obscurus non distinguitur specie ab actu fidei: nisi tantum quod indigeat actuali motione gratiæ auxiliantis, & revelationis gratis datæ per infusionem, vel compositionem, aut aliam similem motionem specierum intelligibilium, per quam res sufficienter proponatur, tanquam à DEO testificata. Evidens assensus est: qui ita est certus de verita-

Prolog. 3<sup>o</sup> de  
Gratia C. 5.  
u. 22.

Ita Suarez de  
gratia Prolog 3  
C. 5. hic n. 29.



te tanquam à DEO revelata, quòd credat impossibile esse physicè vel metaphysicè, ut oppositum contingat. Dicitur: *Ac demum revelata &c.* Quia finè extrinseca propalatione internæ cognitionis, Prophetia non assequitur suum finem, qui est utilitas aliorum.

Prophetia dividitur *Imò*. In Prophetiam prædestinationis, *Vide D. Thom.* quæ est cognitio DEI de occultis, Prophetæ revelata: quatenus illa occulta spectantur in semetipsis. *2dò*. In Prophetiam præscientiæ: quæ est revelatio Prophetæ facta de occultis in seipsis quatenus à libero arbitrio hominis processuris. *3tò*. In Prophetiam comminationis: quæ est revelatio Prophetæ facta de occultis, quatenus ad ea producenda proxima causarum dispositio spectatur, quæ dispositio potest deinde impediri, & ideo hæc Prophetia non semper impletur.

## SECTIO V.

### De Discretionem Spirituum.

#### §. Imus.

**D**iscretio Spirituum alia est ex Gratiis gratis datis: alia humano studio & experienciâ acquisita per modum Artis.

Discretio Spirituum, quatenus gratia gratis data, est Donum DEI actuale supernaturale, quo mens sancta illustratur & inspiratur ad verum iudicium ferendum de motibus internis suis, vel alienis, quoniam sint à Divino, vel aliquo alio spiritu. Dicitur: *Donum DEI actuale supernaturale.* Quia se habet per modum motionis mentis, & instinctus transeuntis, ordinati ad finem supernaturalem. Dicitur: *quo mens sancta.* Quia etsi peccatori quoque pro Spirituali ab hominibus habito, quanquam coram DEO talis non sit, maximè respectu sui muneris, vel Doctrinæ, propter utilitatem aliorum hæc gratia interdum concedatur, ordinariè tamen illis confertur, qui non qualicunque sed eximiâ sanctitate præminent. Et hoc fit ex suavi dispositione Spiritus S. ut talibus tribuat hanc gratiam, qui per suam quoque experientiam

*Vide Suarez  
de gratia hic  
Prologo: 3.  
c. 5 n. 46.  
Ibidem.*



perientiam in rebus spiritualibus possint de qualitate spiritus con-  
*Vide Suarez de* jecturam facere. Dicitur; *illustratur & inspiratur*: illustratur, inquam,  
*gratia prol. 3.* nempe lumine quodam desuper dato, seu medio & ratione  
*C. 5. n. 44.* assentiendi, ut rationabilis & non cæcus præstetur assensus &  
 judicium. Quanquam & dum voluntas absquæ prævio lumi-  
 ne intellectus solum quodam occulto instinctu & motu Divi-  
 no inspiratur ad imperandum intellectui assensum de qualitate  
 spiritus, est sufficiens ratio motiva prudenter formandi judi-  
 cium: quia illa inspiratio voluntatis esse à Spiritu Sancto per  
 certam quandam conjecturam cognoscitur. Hæc verò inspi-  
 ratio à Mysticis vocatur quidam animæ sapor, dulcedo, posse-

*I. p. tract. de* quæ eâ Spiritus probari, ut Gerson inquit: Quando per inspiratio-  
*pro spiritus.* nem intimam, & internum saporem, ac spirituales dulcedinem, vel  
*Alph. 17. lit.* illustrationem à montibus æternis, effugantur tenebræ omnis dubietatis.  
*Ret. S.* Et S. Monica teste Augustino dicebat se discernere nescio quos sa-

*L. 6. Conf.* pore, quem verbis explicare non poterat, quid interesset in-  
*C. 13.* ter DEum revelantem, & animam suam somniantem. Verun-  
 tamen cum per ejusmodi instinctum affectivæ potentia non  
 possit ita discerni de alienis motionibus, sicut de propriis: ideo-  
 quæ hæc discretio differt à discretione propriè dicta ut videtur

*Lib. de discre-* sentire Gerson citatus à Suarez ut supra & Card. Bona. Dici-  
*tionem Spiri-* tur: ad certum judicium ferendum &c. Cerritudo autem hujus ju-  
*tuum C. 2. n. 5.* dicii quatenus provenit ex motivo formali seu ratione assen-

*Suarez de* tiendi non est evidens. Quia nequæ est accidens in se  
*gratia prol. 3.* seu in causa; cum causa sit occulta, nequæ datur visio intui-  
*c. 5. n. 45.* tiva illius Spiritus, cujus instinctus discernitur, aliàs referetur  
*& seq.* ad Prophetiam, expressum per assensum, evidentem. Nequæ  
 est evidens ab effectu, vel ab aliquo signo, alioquin si hoc ef-

set, non esset gratia gratis data necessaria ad tale judicium. De-  
 inde hæc cerritudo judicii non est talis qualis est in assensu fidei,  
 aut prophetico obscuro: quia ejusmodi assensus erit est inevi-  
 dens, certus tamen certitudine infallibili; cum innitatur primæ  
 Veritati revelanti; jam verò judicium de instinctibus Spirituum  
 non innititur summæ Veritati revelanti, aut alicui medio in-  
 fallibili (sed potius quibusdam conjecturis & regulis pruden-  
 ter applicatis ad talem materiam, cum talibus circumstantiis,

accu-



accuratè perspectis. Differunt autem hæ regulæ, conjecturæ, & motiva, Gratiæ discretionis Spirituum à Spiritu S. datæ, ab illis quæ per experientiam propriam acquiruntur: quia illa conferuntur vel plura, vel clariora, quàm sint propria. Sequitur ergò hoc iudicium ex suo motivo formali non nisi esse moraliter seu probabiliter certum cum formidine oppositi. Unde dicitur: *Spiritus ubi vult spirat: & vocem ejus audis, sed nescis unde veniat, aut quò vadat.* Jam verò iudicium idem quasi materialiter spectatum in se quatenus procedit ex motione Spiritus S. per gratiam gratis datam, semper est certum & infallibile, etsi illud ex instinctu Spiritus S. processisse nunquam omnî certitudine cognoscatur: Quia Spiritus S. dum dirigit speciali motu, semper dirigit ad id, quod in se est verum, aut bonum, aut melius, juxta favorem dispositionem suæ providentiæ. Itaque principium motuum internorum triplex est. Unum intrinsecum, nempe Natura, seu spiritus humanus: duo extrinseca, scilicet Spiritus Divinus per se, vel Angelus bonus, & spiritus diabolicus. Atque hi sunt Spiritus, quos probare monemur: quia cognito Spiritu à quo movemur, nullum dubium erit, bonusvè, malusvè sit. Hi autem motus sunt incongnoscitiva, sensitiva: imaginativæ apprehensionis, imaginariæ visiones, apparitiones. In intellectu omnes tres operationes: In voluntate actus elicit, & affectus: In appetitu sensitivo passionibus concupiscibilis & irascibilis. Sive hi motus eliciantur liberè, aut non liberè: sive inclinentur potentiæ ad horum motuum exercitium circa materiam dubiam, aut ex motivo dubio. Unde non qualescunque motus intelliguntur etiam illi, qui ad doctrinam fidei, aut morum spectant, ex suo objecto materiali aut formali in se certi & manifesti: sed qui perplexitatem & dubietatem in animo generant, an sequendi vel non, in credendo, & agendo, in ordine ad finem supernaturalem.

Discretio Spirituum prout, per modum cujusdam Artis ex Doctrina Ecclesiæ, & propria experientia, longo usu acquiritur, est Donum DEI, quo juxta regulam fidei, & morum, aliasq. regulas Spiritualem, & propriam experientiam, ac prudentiam, (non difformia hæc ad regulam fidei, morum, & rationis,) fertur iudicium certum moraliter de

motibus.

Joan. 3.



motibus internis dubiis propriis vel alienis, quinam sint à Divino, vel alio Spiritu. Dicitur: Donum DEI, scilicet tum habituale, tum actuale: habituale est, prout per actus supernaturales fidei, sapientiæ, scientiæ, prudentiæ causantur quidam habitus naturales ad facile & bene faciendam Discretionem Spirituum, etsi non in omnibus, saltē in pluribus eventibus. Actuale verò prout requiritur auxilium gratiæ gratum facientis ad hanc discretionem, quæ se habet per modum Artis. Unde D. Theresia:

Vita sue C. 22. Parum, inquit, ex libris discitur, nisi DEUS intus doceat. Dicitur: Juxta regulam fidei, & morum. Quæ regula est Ecclesia Catholica, vel Scriptura Sacra & Traditio Apostolica, ut ab Ecclesia recepta & intellecta. Dicitur: alias regulas Spiritualium: quæ scilicet partim sunt deductæ ex universali regula fidei & morum, partim per usum aliæ adinventæ. Dicitur: & propriam experientiam ac prudentiam. Quia ut Richardus loquitur:

Lib. de præparatione. Multa quidem de discretionem legendo, multa discimus audiendo, multa ex insito nobis rationis judicio: veruntamen nunquam de hac ad plenum erudimur sine experientia magisterio. Et: qui non est tentatus, quid scit? vir in multis expertus, cogitabit multa. Prudentia verò maxime necessaria est ad discretionem: quia pro varietate circumstantiarum iidem specie instinctus qui sunt in uno à Divino Spiritu, in alio sunt à maligno. Dicitur: non difformia hæc (scilicet Regulæ Spiritualium per rationem & usum adinventæ propriâ experientiâ & prudentiâ) ad regulam fidei, & morum, ac rationis. Alioquin si difformia sunt, rejicienda: quia ex ullo principio nec supernaturali nec naturali honestari possunt.

Eccl. 34.

§ 2dus.

Motiva Comparandæ Discretionis Spirituum. Imum. Matt. C. 7. Christus præcipit: Attendite à falsis Prophetis, qui veniunt ad vos in vestimentis ovium, intrinsecus autem sunt lupi rapaces: à fructibus eorum cognoscetis eos. Apostolus dicit: Spiritualis autem judicat omnia, discernens vera à falsis, bona à malis, ut hæc caveat, illa assumat: unde sequitur: Et ipse à nemine judicatur, tanquam erroneus, & perversus, non ab hominibus levibus sed piis & prudentibus, quem vident in omni sua actione cautum, & circumspectum;

I. Cor. 2.



cumspetum; non à DEO, qui facienti quod in se est homi-  
ni, non denegat gratiæ auxilium & gloriæ præmium. *Aposto* *Idem.*  
*lus*: Omnia autem probate: quod bonum est tenete. Ab *1. Thess. 5.*  
omni specie mala abstinete vos. Et *Joannes*: Nolite omni *1. Joan. 4.*  
spiritui credere: sed probate Spiritus, si ex DEO sint. Un-  
de *S. Augustinus*: Probare vellem, si errare non possem. Cer- *Serm. 20. de*  
tè nisi probavero Spiritus qui ex DEO sunt, incurram, ne- *verbis Ap.*  
cesse est in Spiritus, qui ex DEO non sunt.

2dum. Ex carentia veræ discretionis spirituum horren-  
dus & magnorum & Sanctorum virorum evenire, quo-  
rum juxta *Card. Bona* cum plurima proferre valeam exempla, *De Discret.*  
duo tamen præ cæteris notanda sufficient, ut discant fideles *Spir. C. 1. n. 4.*  
non altum sapere, nec sibi temerè spirituum discretionem ar-  
rogare. Quis inter Ecclesiæ proceres sapientior & nobilior  
*Origene*? cujus tanta vis ingenii, tanta doctrinæ profunditas,  
tanta eruditionis ac eloquentiæ ubertas, tanta vitæ Sanctimo-  
nia fuit, ut apud omnes admirationi esset. Et hic tantus acta-  
lis vir, dum ingenio suo nimium indulget, dum proprio spi-  
ritu inflatus, veterum traditiones contemnit, in absurdos er-  
rores lapsus est. *Tertulliani* quoque par casus fuit. Hic enim  
mirâ ingenii capacitate omnes Philosophorum sectas, omnes di-  
sciplinas complexus, verustæ fidei parum tenax, dum specie  
deceptus castitatis & abstinentiæ, falsa Montani dogmata, &  
insanarum mulierum deliramenta, tanquam veras prophetias  
præcipiti judicio suscipit, ex Ecclesiæ magistro, Orthodoxæ  
fidei hostis acerrimus factus est. Quæ cum ita sint, nè nobis  
diabolus vitrum pro margarita, falsum pro vero obtrudat, illa  
Domini nostri sententia, quam Sancti Patres sæpè commemo- *Clem. Alex.*  
morant, sequenda est, ut simus probabiles Trapezitæ probos *Lib. 1. Stro.*  
nummos ab adulterinis subtilissimè discernentes. *Epiph. har. 44.*

3tium. De DEO dicitur *Prov*: Spirituum ponderator est De- *Hier. Ep. ad*  
minus. Et *Apostolus*: Vivus est enim sermo DEI & efficax, &c. *Min. Cassian.*  
*discretor cogitationum, & intentionum cordis.* *Coll. 1. C. 20.*

§ 3tius.

Circa Praxim discretionis spirituum hæc adverte. Quan- *Prov. 16.*  
quam summa sit difficultas discretionis spirituum ex hoc pro- *Hebr. 4.*  
veniens,

Gggg



Serm. 30. de  
Verb. Ap.

veniens, quodd sicut morbus corporis interior per sua externa signa ambigua fallit nonnunquam & peritissimum medicum, ut minùs convenientem morbo præscribat medicinam, adeoque acelleret mortem, quàm vitam promoveat: ità & inscrutabilis humani cordis recessus & motus, sub signis dubiis veri & falsi, mali ac boni apparentes quis facillè discernet? Quare benè Anselmus ait: Discretio difficillima est. Et Augustinus suprà citatus addit: *Quid agam? quomodo observem? O si sanctus Joannes quomodo nobis dixit: Nolite omni spiritui credere, sed probate spiritus si ex DEO sint, dicere dignaretur, quomodo probentur spiritus, qui ex DEO sunt?* Attamen & in re hac adeo ardua & svavis dispositio Divina providit duplicem modum, de tenebris lumen splendescere, unum per Regulas gratiæ gratis datæ discretionis spirituum, alium per regulas probatas sacræ scripturæ, sanctorumquè Patrum, & spiritualium magistrorum. Quarum hic magis necessarias, aliæquè, propono ex aureo libro de discretionem spirituum piissimè pariter & eruditissimè Cardinalis Bona, ipsius quidem stylo & spiritu, quanquam non eodem ordine ac methodo sed alio accommodavi ad faciliorem memoriàm, usum, & praxim legentium.

### PUNCTUM I.

De Conditionibus, quas habere debet Probator & perfectus Discretor spiritus sui & aliorum.

Lib. de discret.  
spirit. c. 5. n. 7.

**I**Ma Conditio est, Mortificatio passionum. Hinc Cardinalis Bona ait: Pravis affectibus carere debet, Deumquè solùm, non suum commodum, suamquè inclinationem respicere, qui cupit cogitationes & instinctus absquè errore discernere. Nequè enim potest rectum judicium facere, qui suis sensibus & cupiditatibus adhæret. Audiendus hac de re optimus Præceptor Gregorius Magnus. Hac sapientiâ, inquit, non turbulenta atque confusa, sed tranquilla corda replentur. Benè ergò de ea dicitur, quia abyssus corda replentur. Benè ergò de ea dicitur, quia abyssus dicit, non est in me: & mare loquitur, non est mecum. Ac si apertè diceretur, perturbata mentes eo ipso clamant, quoniam à vera sapientia longè divisa sunt, quo quietæ non sunt. *Supercecidit ignis,* ait Propheta,

Psal. 57.

passio-



passionum scilicet animum incendientium, & non viderunt solem; mens etenim cupiditatibus cæcata, præsentem lucem veritatis non intuetur.

2da Conditio, *Experientia instinctuum spirituum, & Praxis* Lib. de discret. omnium virtutum. Ità Cardinalis Bona docet: Considerare atten- Spirit. c. 5. n. 3. to animo oportet, quid fiat in proprio corde, ut ea illo alio- & 4. rum cordium motus utrunquæ cognoscantur, sicut scriptum est. *Intellige quæ sunt proximi tui ex te ipso.* Nam sicut Gerson Eccl. 31. 18. præclare scribit; Probare spiritus per modum artis & doctri- næ nemo perfecte potest per solam sacræ scripturæ eruditio- nem, qui non etiam expertus sit in semetipso variam affectio- num spiritualium pugnam, tanquam ascenderit nunc in cæ- los, nunc descenderit in abyssos & viderit mirabilia DEI in profundo. Nam qui navigant mare hoc mysticum diver- sarum affectionum quasi collidentium se fluctuum, enarrant mirabilia ejus. Inexpertus autem talium, quid novit eorum? Hæc Gersonis consideratio prudentissima est; cum enim sacræ scriptura, & SS. Patres singulares eventus non attingant, experientia rerum magistra certius docebit, qua ratione regulæ generales casibus particularibus sint applicandæ.

Ad hanc experientiam accedere necessario debet omnium virtutum usus & praxis, sine quibus nemo potest ad discretio- nis perfectionem pervenire. Quid enim facto opus sit in quo- libet instinctu, nemo melius scire potest, quam qui ex his discit, quæ passus est experientiam. Hujus regulæ auctor est Richardus Victorinus. Prius, inquit, nos oportet in singulis vir- tutibus exerceri, & quid in unaquaque possumus, experi- ri, quam possumus de omnibus plenam scientiam percipe- re, & de singulis sufficienter judicare. Multa quidem de discretione legendo, multa discimus audiendo, multa ex in- sito nobis rationis judicio; veruntamen nunquam ad plenum erudimur sine experientiæ magisterio. Post omnes sequi oportet, qui de omnibus judicare debet. Primum ergo est, ut satagamus singulis virtutibus studium frequens impen- dere, quod dum facimus, necesse est nos sæpius cadere: oportet ergo nos sæpè resurgere, & per frequentem lapsum,

Ggggg 2

addi-



» addiscere, quâ vigilantia, quâ cautela oporteat virtutum bo-  
 » na acquirere, vel custodire. Sic, sic, dum longo usu virtu-  
 » tum disciplina addiscitur, quandoquē mens diu exercitata ad  
 » plenam morum discretionem perducitur.

## PUNCTUM II.

Quæ facienda ante examen & probationem Spirituum.

*Card. Bona lib. de discre-  
 tione. c. 5. n. 1.* **O** Ratio præmittenda. Quia omne bonum defursum est & sine  
 DEI gratia omnes conatus nostri inutiles sunt, ipsius au-  
 xilium humili prece ante omnia implorare oportet, ut mittat  
 desuper Spiritum sapientiæ & intellectus, qui depulsâ caligine  
 mentem illustret, æternæquē Veritati faciat semper inharere,  
 quæ nec fallere, nec falli potest.

## PUNCTUM III.

Quid faciendum sub examine & probatione Spirituum.

I.

*Lib. de discret.  
 spirit. c. 5. n. 10.* **U**tendum est per prudentiam quibusdam regulis, juxta quas  
 examinandus instinctus spiritus, an sit illis regulis conformis,  
 vel difformis, vel nequē conformis nequē diffor-  
 mis. Unde *Card. Bona* ait: quamvis singulæ Regu-  
 læ traditæ pro discernendis spiritibus peculiarem institutionem  
 contineant, singulæ tamen per se non sufficiunt, nisi aliæ simul  
 adhibeantur. Notavit hoc Gerson dicens; *Fallit unum signum  
 vel pauca, si non in unum plura conglobaverimus.* Ità enim tradit  
*Tullius*, ità *Boëtius*, ità *Aristoteles in conjecturali causa faciendum.*  
 Omnium quoquē circumstantiarum connexio attendenda, ex  
 qua rerum exacta cognitio plurimum pendet.

2. Modus autem utendi istis Regulis fit per discursum,  
 inferendo ex universalibus propositionibus particularem in  
 conclusionem vel consequentia de illo instinctu, qui judicatur  
 in propositione. Sic *Suarez* inquit: Nunquam sit discretio  
 spirituum sine discursu, ex generalibus principiis fidei appli-  
 » catis magnâ diligentia, & circumspeditione omnium circum-  
 » stantiarum, simul etiam invocata Spiritus S. directione, &  
 impulsu

*Prolog. 3. c. 5.  
 n. 44 de gra-  
 tia.*



impulsu ut constat ex usu, & ex his, quæ de hac probatione spirituum viri experti, & eruditi tradiderunt.

3. Sciendum est, quia pro ambiguitate majori vel minori instinctus & materiæ utendum est pluribus vel paucioribus Regulis, idquæ non nimis extortè & scrupulosè, sed placidè & leviter, nè dum casum præcaver, ipsâ nimîa cautelâ cadat. Deniquè audi Card. Bona: Simplicitas rectè discernere cupienti necessaria est, & ut abhorreat à multis & superfluis considerationibus, objectionibus, ratiocinationibus: solaquæ Regula æternæ Veritatis sit mensura judicii sui, non proprium institutum, non principia naturalia, non aliorum exempla; alioquin semper confusus & perplexus erit, & novæ semper emergent difficultates. *Nihil pejus, inquit Chrysostomus, quàm humanis rationibus spiritualia subicere.* Et alius quidam dixit: *Non regnat Spiritus Christi, ubi dominatur spiritus Aristotelis.*

*Lib. de discret.  
spirit. c. 5. n. 8.*

*Hom. 24. in  
Joan.*

*Abalon Abb.*

4. Judicium quo fit discretio non est certum & infallibile nisi adsit expressa Revelatio. Quod Card. Bona fusiùs probat inquit: Dicendum est hoc judicium non esse evidens per evidentiam rei in se, sive in causa, quia causa est occulta, & non conceditur judicanti visio perspicua, & intuitiva illius spiritus, cujus instinctum dijudicat, sive bonus sive malus ille sit: nequè per evidentiam ab effectu: quia si posset ab effectibus evidenter cognosci, non esset ad tale judicium, gratia specialis necessaria. Afferendum item est, non esse propriè & formaliter certum, quia esset assensus fidei, cui proprium est, certitudinem habere cum inevidentia; vel esset assensus propheticus per expressam revelationem, de cujus ratione est Divinæ auctoritati & veritati inniti. At hoc judicium fit per instinctum Spiritus S. sinè expressa revelatione, & qui hoc modo discernit spiritus, non est certus DEUM esse, qui ipsum movet ad ita judicandum, nec id alteri proponit, ut de fide credendum: ex quo fit, ut judicium certum non proferat, atquè internum decipi possit, quod aliquando prophetis contigisse magnus Gregorius testatur. Quia verò Spiritus S. non movet speciali instinctu, nisi ad id quod re ipsa verum & certum est, potest hoc judicium infallibile dici ex parte principii moventis,

*ser. 4. de Advent.*

*Lib. de discret.  
spir. l. 5. n. 1. 2.*

*Hom. 1. in  
Ezec.*



ac proinde materialiter certum: quamvis in eo qui iudicat nulla sit certitudo, quia prorsus ignorat, aut saltè dubitat, an illud iudicium ex motione & directione Spiritûs S. procedat.

Quod si adsit expressa revelatio cogitationum cordis, cuiuscunque modi illa sit, aderit procul dubio certitudo, firmus scilicet assensus & firma adhæsiō intellectûs ad objectum; ut

2. 2. q. 171.  
4. 5.

Lib. 2. de Gen.  
ad lit. c. 17.

Gen. 22.

Ribera vitæ  
ejus lib. 4.  
c. 26.

enim docet Angelicus Doctor agens de prophetia, duplici modo mens prophetæ à DEO instruitur, vel per expressam revelationem, vel per occultum instinctum, quem interdum humanæ mentes etiam nescientes patiuntur, ut scribit Augustinus: & in hoc nulla est certitudo. Quæ verò expressè revelata sunt, maximam habent certitudinem, & quoad revelata, & quoad ad ipsam revelationem. Hinc Abraham paratus fuit ad filium suum unigenitum immolandum, quod nullatenus fecisset, nisi certè & evidenter cognovisset, id sibi à DEO revelatum & imperatum fuisse. Adde, in Seraphica ac verè Theodidacta Virgine Theresia tanta erat certitudo, quod ejus revelationes à DEO essent, ut in relatione suæ conscientiæ Confessario suo scripserit: Diebus quibus quæta sum & mente in DEUM fixa, quamvis in unum coirent quotquot sunt literati & Sancti, mequè omni tormentorum genere afficerent, nunquam induci potero, ut credam demonem auctorem revelationum mearum esse, nequè possem hoc credere etsi maximè id vellem. Subdit posthæc: Tamen certò credam hujusmodi visiones à DEO esse, nihil, tamen omnino agerem, nisi eorum jussu, qui mei curam habent: Omitto plura his similia, quæ in gestis Sanctorum adeò frequenter occurrunt, ut ex iis prolixus liber confici possit,

Si autem discretio fiat permodum doctrinæ, ex regulis & conjecturis prudenter applicatis, atquè omnibus circumstantiis accuratè perpensis, cum signis & præceptionibus innitatur non excedentibus probabilitatem, hinc manifestè inferitur semper iudicium fieri cum formidine & incertitudine. Porro si regulis & signis, quæ per discursum ad ferendum iudicium abhibentur, iudicantis peritia, rerumquè usus, & longa experientia accesserint, haberi profectò poterit moralis quædam certitudo.



cerritudo; sed non adeò firma, ut omnem excludat dubitationem.

## R E G U L Æ

*Probandi Spiritus ex parte Spiritus agentis, seu moventis hominem per instinctum.*

**T**Riplex est spiritus, quo homo potest moveri ad aliquid. *imò. DIVINUS*, quo refertur etiam Angelicus, qui uterque etiam Gratiae spiritus appellatur. *2dò. Humanus*, seu *Naturæ. 3tiò. Diabolicus*, ad quem Carnalis, & Mundanus contrahitur. Unde Card. Bona inquit: Sive spiritus ipsos afflatus & motus animi, sive principia eorum significet, sex illos esse auctor est Bernardus in eos sermone, qui de septem spiritibus titulum præfert, cum de sex inscribi debeat. Primus est *DIVINUS* de quo Psalmista ait: *Audiam quid loquatur in me Dominus DEUS.* 2dus Angelicus quem Zacharias Propheta commemorat dicens: *Angelus qui loquebatur in me.* 3tius. diabolicus, immisiones scilicet per Angelos malos; ut in psalmo scriptum est. 4tus est spiritus carnis, cujus meminit Apostolus, cum Colossensibus scribens quosdam spiritu carnis sue inflatos esse testatur. 5tus est spiritus humanus mundi; quem idem negat Apostolos accepisse, sed Spiritum qui ex DEO est. 6tus est spiritus humanus de quo ibidem legimus. *Quis enim hominum scit quæ sunt hominis, nisi spiritus hominis qui est in ipso?* Ex his spiritibus tres semper mali & falsi sunt, diabolicus, carnalis, & mundanus: duo semper boni & veraces, Divinus & Angelicus: unus indifferens & medius, nempe humanus, qui tam bono quam malo indifferenter adhæret & servit. Rectè Hugo in Miscellaneis: *Spiritus DEI & spiritus diaboli immobiles sunt, alter in bono, alter in malo. Spiritus hominis nunc hic, nunc illuc flectitur.* Possunt igitur omnes spiritus ternario numero comprehendi, & ad Divinum, diabolicum, & humanum contrahi, si Angelicum Divino, carnalem & mundanum diabolico jungamus. Angelus enim bonus ex semetipso non loquitur. Carnis verò & mundi spiritus satellites sunt magni principis tenebrarum, & quæ ex parte

*Lib. de discret.  
spir. c. 3. n. 5.*

*Psal. 84.*

*Zach. 1. 14.*

*Psal. 77.*

*Coloss. 2. 18.*

*2. Cor. 2. 12.*

*Ibidem v. 11.*

*Lib. I. tit. 130.*



Card. Bona  
c. 4. n. 8.

parte illius sunt, suggerunt nobis.)) Initia bonorum semper à DEO esse, malorum autem instinctus vel à diaboli suggestionem in nobis oriri, vel ad ipsa naturæ ad malum inclinatione absquæ opera extrinseci impulsoris.

### I. REGULÆ

*Bonorum & malorum motuum, quinam à principio intrinseco, seu spiritu Humano; & à principio extrinseco, seu diabolico oriuntur.*

#### I.

Card. Bona  
lib. de discret.  
spirit. c. 4.  
n. 3. 4. 6.

ILLA ad quæ movemur à principio intrinseco, liberè inchoamus, prosequimur, perficimus, liberè intermittimus & abjicimus; & cum status præsens exigit, ad ea nos excitari experimur. Illorum verò, quæ ab extrinseco adveniunt, nec initium est in nostra potestate, nec facile possumus progressum impedire: animum etiam ex improvviso plerumquæ præoccupant, nullâ præsentis causâ præexistente. Idcirco quæ ab intrinseco sunt, certis notis & indiciis à Philosophis moralibus traditis dignosci queunt: quæ autem ab extrinseco procedunt, nullam certam rationem, nullam regulam nobis notam habent. Etenim si bona sunt, à DEO pendent, cujus Spiritus ubi vult spirat, & nescimus unde veniat aut quò vadat: Si mala, à dæmone suggeruntur, cujus perversa voluntas, & mille nocendi artes nulli mortalium satis perspectæ.

2. Principio extrinseco tribuendi sunt motus, qui vires naturales superant: quia natura seipsam non excedit. Illi quòquæ forinsecus immitti censentur, quos impetu quodam quasi aliunde immissos patimur: nam motus naturæ placidiores esse solent. A foris item sunt, cum nulla in nobis dispositio, nulla præcedens occasio, nullus humorum excessus, nulla perturbatio inveniri potest, cui adscribantur.

3. Hoc item observandum, sæpè multa diabolo tribui, quæ depravata ac perturbata naturæ germina sunt. Corporum enim constitutio, & humorum, præsertim melancholici exuperantia; pravaquæ consuetudines, ac subitanæ perturbationes gravissimas efficiunt commotiones, adeò ut multi à ma-



lo spiritu obsessi & possessi perperam existimentur, qui non nisi naturali morbo exagitantur. Idem accidit in bonis moribus. Nam fervor ætatis & complexionis, ingenti acumen, & vehemens apprehensio varios affectus aliquando excitant, lacrymas & suspiria, altissimos animi sensus & cogitationes, ecstasies quoque & alienationes, quæ cum à causis naturalibus oriuntur, ab ignaris tamen Divino Spiritui adscribuntur.

4. Instinctus gratiæ ab instinctu naturæ his notis dignoscitur, quas auctor libelli de imitatione Christi fusiùs prosequitur, & quia liber vulgatissimus est, hic prætermitto. Illud autem maximè notandum, quòd fervor procedens ex naturali temperamento, gravi aliqua difficultate superveniente, statim langvet & evanescit: at qui ex DEO provenit, superato omni impedimento, ex periculis vires, & ex adversitatibus incrementum sumit; illa enim virtute roboratur, de qua scriptum est: *Aquæ multæ non potuerunt extinguere charitatem, nec flumina obruent illam.* Lib. 3. c. 54. Cant. 3. 7.

5. Quando internæ motiones à nobis ipsis oriuntur, suaviter ut plurimum ac leniter exurgunt, motumque ac vires naturæ ferè sequuntur. At cum veniunt ab extrinseco, duplex modus observatur. Unus est, cum placidè incipientes ita se naturæ accommodant, ut omninò naturales existimentur: alter, cum violentius irruunt, nosque adeò vehementer concitant, ut agi potius, quam agere, videamur. Manet tamen in his moribus illæsa semper & inconcussa humana libertas: nam diabolus, licet impellat, non nisi consentientes, & non resistentes evertit. DEUS verò cum ad bonum nos incitat, dat simul velle & consentire; & tunc verè liberi sumus, cum nos liberat à servitute peccati, & transfert in libertatem filiorum DEI.

6. Triplex locutionis spiritualis modus est. Primus est per verba externa corporeis auribus ab homine vigilante percepta, Angelorum ministerio ut plurimum formata, quibus audientis intellectus illustratur. Sic Moyse & Prophetis loquutus est DEUS. Sic baptizato Christo, & in monte transfigurato audita est vox; *Hic est Filius meus dilectus.* Sic eodem orante vox è cælis insonuit: *Et clarificavi & iterum clarificabo.* Sic sapius Card. Bonas lib. de discr. spir. c. 8. Matt. 3. 17. Ibidem 17. 5. Joann. 12. 28.

Hhhhh



pius legimus ex statuis, & imaginibus Christi Domini, & Sanctorum, voces prodiisse viris sanctis ante ipsas orantibus. Secundus modus est per verba interna, non aure corporis, sed imaginatione perceptâ, sicut somniantibus solet accidere. Hæc autem verba aliquando è supernis descendere, aliquando juxta audientem, aliquando è loco remotiori proferri videntur. Interdum persona loquens, ut Christus, aut B. Virgo, se manifestat, propriâ figurâ phantasiæ impressâ; ita ut audiens nullatenus dubitare possit quis loquatur: Interdum vox sola auditur, persona loquens ignoratur. Solet frequentius hæc mystica DEI loquela in somno audiri, quia tunc anima nullo tumultu, nullis curis exterioribus, distrahitur. Hinc DEUS ad Aaron dixit: *Si quis fuerit inter vos Propheta Domini, in visione apparebo ei, vel per somnium loquar ad illum.* Et Job ait: *Per somnium in visione nocturna, quando irruit sopor super homines, & dormiunt in lectulo, tunc aperit aures virorum, & erudiens eos instruit disciplinâ.* Tertius modus sublimior est, cum vox DEI loquentis in silentio ad cor Hierusalem non aure, non imaginatione, sed solo intellectu spiritualiter percipitur. Loquitur enim DEUS in apice mentis uno simplicissimo mentis intuitu. Sicut Angelis & Beatis loquitur, non aliquâ voce sensibili; sed imprimendo ipsorum intellectui veritatem, quam illis manifestare decrevit: ita in parte superiori animæ verba sua profert clarissimâ quadam luce infusâ, in qua sine labore & fastidio, imò cum admirabili quiete & fravitate multò plura brevissimo tempore docetur anima, quam posset proprio studio multis annis edificere.

7. Verba primo & 2do modo probata, & DEI, & demonis, & propriæ imaginationis, esse possunt. Facile autem cognoscuntur, quæ à DEO non sunt; quia ariditatem & inquietudinem post se relinquunt. Quodsi aliquando fervidum quendam affectum, & falsam humilitatem instillant, & lachrymas excitant, hostis dolus est sub hac larva latentis, ut tandem animam in vanitatem & sui æstimationem præcipitet. Hujus verò mali remedium est: hujusmodi alloquia, etiamsi à DEO sint, non magni facere, sequè illis indignum judicare, ac solidis virutibus incumbere.



9. Loquutio DEI efficacissima est, statimquæ effectum suum operatur in anima: *Vivus est enim sermo DEI*, inquit Apostolus, & *efficax*, & *penetrabilior omni gladio ancipiti*, & *pertingens usq[ue] ad divisionem animæ & spiritûs, compagum quoq[ue] & medullarum*. Quapropter eodem momento & loquitur & operatur, statimquæ efficit in anima, quod enunciat. Ut si afflictæ & anxie dicat: *Noli timere*; omnis protinus mæstitia, omnis perturbatio fedatur. Narrat Franciscus Ribera in vita S. Theresiæ, quod cum initio suæ conversionis à sæcularium amicitiiis difficile se expediret, orans aliquando audivit in intimo animæ suæ hæc verba: *Jam nolo amplius te cum hominibus conversari, sed cum Angelis*. Quibus verbis ita repente murata est, ut deinceps non potuerit amicitiam habere & consolationem, nisi cum servis & amicis DEI, & cum iis qui de oratione tractabant.

Lib. I. c. 9.

9. Cum verba à DEO sunt, clariùs intelliguntur, quàm si auribus exciperentur; & si quis ea audire recuset, & obluetur, non tamen potest impedire, quin ipsâ mente percipiat, & animam impellant, quò DEUS vult. S. Theresia integro fere biennio his internis loquutionibus, omni qua potuit contentione, restitit; sed irritò semper conatu. Cum DEUS mandaret aliquid fieri, dat etiam robur & vires adversus impedimenta & contradictiones. Cavendum nihilominus est, nè statim hujusmodi mandata executioni mandentur, sed prudentis directoris adhibendum consilium, qui statuere possit quid agendum sit. Facile diaboli selaqueis implicat, qui suo se arbitrio regens, quidquid mente percipit, temerè aggreditur.

Vita c. 28.

10. Proprii intellectûs, seu phantasie loquutiones his signis discernuntur à Divinis; quia cum potentie nostræ loquuntur, ipsæ ea, quæ dicunt, ordinant, & disponunt, situmquæ est in nostra potestate ab iis, cum libuerit, divertere. Cum verò DEUS loquitur, potentie nostræ silent & audiunt, nec cogitationem ab auditis avertere, aut rejicere possunt. Deinde quæ à DEO dicuntur, procul ab humana intelligentia remota sunt, brevissimoquæ temporis spatio adeò multa audiuntur, ut nullo modo potuerint ab humano ingenio tam citò excogitari.



11. Indicia sunt divinæ loquutionis: si verba audita memoriâ non excidant, si nulla de iis præcescit cogitatio; si audiens non solum sententiæ, sed singulorum etiam verborum postea meminerit; si consona sacræ scripturæ & Ecclesiæ doctrinæ sint; si animam illuminent, corroborent, & ad perfectionem impellant.

Card. Bona de  
discr. spir. c. 11.  
n. 15.

12. Quia diabolus carnis & mundi satellitio uti solet, ut suggestionibus suis hominem ad malum impellat, pauca hic de spiritu carnali & mundano, adnectenda sunt. Caro domesticus hostis, quo carere non possumus, semper concupiscit adversus spiritum: mundus in quo vivere nos oportet, nos undiquè obsidet, suisquè principiis, quæ ex parte diaboli sunt, nos imbuere non cessat. Caro semper suggerit mollia, mundus vana. Sapientia carnis DEO inimica nihil sapit nisi delicias: prudentia mundi in quærendis divitiis & honoribus incessanter occupatur. Carnis desideria sunt infinita: mundi superbia immensa est. Spiritus carnis cogitationes suggerit de potu, de cibo, de somno, de sensuum voluptatibus; Spiritus mundi de arrogantia, de jactantia, de opibus, de ambitione, de dignitatibus. Carnalis spiritus decipit interdum viros spirituales, carnalem in eis amorem erga aliquam personam excitans sub specie pietatis & spiritualium institutionum. Hoc visco capræ animæ sanctæ, quæ jam libero volatu per alta cælorum discurrebant, in laqueum perditionis pudendo lapsu ceciderunt, quod sæpe vidimus cum multorum scandalo, & ipsarum deplorabili ruina. Facile autem cernitur carnalis amor, nequè enim ignis abscondi potest, lumine qui semper proditur ipse suo. Et primò quidem indicium est carnalis amoris, pauca de DEO loqui, plura de se, & de mutua dilectione: se mutuo laudare, invicem adulari, vitia & defectus excusare. Sequitur in alterius absentia inquietudo, & ex ea molestæ cogitationes, ubi sit, quid agat, quando veniet, an alteri impendat affectum. His accedunt carnis blanditiæ, gestuum insolentia, solitarii secessus, occulta colloquia, atquè alia ejusdem generis, quæ scribere superfluum est. Sanctus verò & spiritualis amor nihil horum novit, pudicus est, modestiam servat, nugas



nugas odit, oculos continet & manus, angulos non quærit, pacem sectatur, arguit quos amat, orat pro amico, ipsumquæ in DEO diligit sive præsens, sive absens sit, & se studet in omnibus irreprehensibilem exhibere. Spiritus verò hujus mundi ex suis etiam operibus manifestum se facit: nam ut ait Augustinus, *spiritus hujus mundi facit superbos, spiritus hujus mundi facit inflatos, spiritus hujus mundi facit ut putet se quisq. aliquid esse, cum nihil sit.* Lib. 50. hom. 14.

## II. REGULÆ

*Bonorum motuum, qui à DIVINO, vel diabolico spiritu principium sumunt.*

### I.

DEUS paulatim ab imo ad summum, ab imperfecto ad perfectum perducit: soletquæ ætatis & personarum habere rationem, atquæ aliam seni, aliam adolescenti, aliam incipienti, aliam perfectis sapientiam infundit. Dæmon è diverso nullum ordinem servat, intempestivos fervores immittit, statimquæ suggerit mentis excessus, miracula, prophetias, ut hac fraude illaqueatas, rerumquæ novarum studio illectas animas in superbæ barathrum secum præcipitet. His quoquæ vadet nimia abstinentiâ ac immoderatis vigiliis, aliisque cruciatibus corpus penè conficere: & quia modum non habent, onera sibi imponunt, quæ ferre non possunt. Viribus autem fractis mentisque vigore enervato, in tantam postea relaxationem labuntur, ut meritò de illis propheticum illud usurpari possit: *Ascendant usq. ad celos, & descendant usq. ad abyssos.*

*Psal. 106.*

2. Solet DEUS initio conversionis lacte consolationis animam reficere, ut gustans quàm suavis est Dominus, eo cre-scat in salutem: Cum verò jam adulta fuerit, solidiorem por-rigit cibum: quam normam sequutus est Apostolus Corinthiis lac potum dedit tanquam parvulis in Christo, non escam, quia solidi cibi nondum erant capaces. Diabolus verò difficillima quæquæ initio proponit, DEI severitatem exaggerat, judicio-rum ejus abyssum cum horrore ingerit, ut in foveam despera-tionis inducat. Ille laboranti in comparandis virtutibus pa-

Hhhhh 3

ternâ



ternâ pietate tranquillitatem immittit: hic hostili nequitia molestias infert, & anxietates.

3. Spiritu DEI agi creditur, qui caelestes susurros internâ cordis aure excipere sibi videtur. Vocem verò quasi de foris venientem & strepitum quendam audire, indicium est maligni spiritûs. Proprium est enim DEI in animum intimè il-  
labi, diaboli extrinsecus advenire.

4. Qui à DEO movetur, si quid in se ipso mirabile & præter consuetum ordinem accidit, non id pro certo habet, sed timet, se donis DEI indignum æstimat, & nè diaboli insidiis decipatur, quicquid illud est superiori revelat. Qui verò proclivis est ad complacentiam in hujusmodi rebus, qui sine delectu fidem illis præstare solet, ab eo spiritu agi videtur, qui per superbiam primum hominem seduxit. Sancta Virgo The-  
reſia, cùm DEUS inciperet mirabilia in ea operari, hostis illuſiones formidans, multis lacrymis à DEO petiit, ut eam ad perfectionem viâ consuetâ perduceret, tum examini diversorum se subjecit, qui tunc doctrinæ & sanctitatis laude in Hispania florebant; & cum his libentiùs tractabat, qui magis timebant. Hanc qui sequitur, falli non potest.

5. Signum notabile Divini spiritûs est misericordia, & pietas erga proximum, eo etiam tempore quo justitia in illum exercenda est: quia teste Gregorio; *Vera justitia compassionem habet, falsa dedignationem. Justi siquidem etsi foris increpationes per disciplinam exaggerant, intus tamen dulcedinem per charitatem servant. Præponunt sibi in animo ipsos plerumq; quos corrigunt, meliores existimant eos quosq; quos judicant. Quod videlicet agentes, & per disciplinam subditos, & per humilitatem custodiunt semel ipsos. Malus verò spiritus semper ad iram, & impatientiam, ad amaritudinem animi provocat, semperquè ferociam ingenerat. Proprium quoquè est Spiritûs boni, ad regenda & excusanda, quantum fieri potest, aliorum vitia impellere. At qui illis irascitur, qui ea extollit, qui de illis passim loquitur, à spiritu superbix incitatur, propriam enim virtutem ostentare convincitur, dum publicat aliorum defectus.*

6. Instinctus ad bonum, in quo nihil mali appareat, nec quod

Lib. 34. in  
Evangel.

Ribera vitæ  
ejus lib. 4. c. 7.



quod majus bonum impediat, aut agenti ejusque statui non conveniat, bonus est. Sed subtilissimum examen hic necessarium est: quia bonum est ex integra causa, nec facile comprehendere possumus, quæ sit exacta & perfecta operis rectitudo. Deinde motus ab initio boni, in ipso progressu, vel naturæ corruptæ vitio, vel dæmonis impullu, in malos sæpè degenerant. Videndum igitur an principium, medium, & finis, eodem renore procedant; an omnes circumstantiæ in ipsum bonum consentiant.

Spiritum bonum semper comitatur discretio, & si aliquem introducit in cellam vinariam, statim ordinat in eo charitatem. *Omnino necessarie*, ait Bernardus: quia ubi fervidior, & vehementior est spiritus, profusiorque charitas, eò vigi- Ser. 49. in Cant. lantiori opus scientiæ est, quæ spiritum temperet, ordinet charitatem. Discretio quippe omni virtuti ordinem ponit, ordo modum tribuit, & decorem, etiam & perpetuitatem. Est ergo discretio non tam virtus, quam quædam moderatrix & auriga virtutum, ordinatrixque affectuum, & morum doctrix. Tolle hanc & virtus vitium erit, ipsaque affectio naturalis in perturbationem magis convertetur, exterminumque naturæ. Omnia ligat charitas, & contemperat in unitatem spiritus, si tamen ipsa fuerit discretionem ordinata. Nam qui modum non servat in affectibus suis, qui ad excessum impellitur, ab eo utique spiritu incitatur, in quo nullus ordo sed sempiternus horror inhabitat. Dicebat quædam devota mulier apud Gersonem: *Nihil magis mihi suspectum quam amor, etiam erga DEUM.* Quò enim amor vehementior est, eò facilius præcipitat, & difficilius regitur: solentque amantes impetu potius quam rationis judicio ferri in objectum amatum, nisi fræno discretionis coërceantur. Et quia ex amore suavitas quædam & dulcedo promanat, sollicitè cavendum est, nè amor qui à spiritu incepit, in carnem desinat; sicut sæpius contingit etiam in personis probatæ sanctitatis, quos in præceps dejecit impetus, & defectus circumspectionis in moderandis affectibus. Nulla quippe virtus esse potest, ubi vehementia & ardor spiritus dominatur. De Simplicitate cordis not. 19.



7. Impulsus DEI, cum ad opera grandia & mirabilia movet, à spiritu interno incipit, replendo illum præclaris donis, quæ deinde posito solidæ humilitatis fundamento, extra prodeunt ad aliorum ædificationem. Suggestio autem diabolica ad res tantum externas impellit, quæ videantur ab hominibus, interna reformatione neglectâ.

8. Bonus Spiritus bonos suaviter, malos asperè movet; malus autem spiritus malos fovet, bonos terret. Ideo observanda est hominis & spiritus similitudo, vel dissimilitudo: agunt enim contrariis modo cum his, qui sibi contrarii sunt. Dæmon peccatoribus illecebras seculi proponit, & sensuum delectationes: inanem spem Divinæ misericordiæ ingerit; ut differatur poenitentia, & peccatorum cumulus augeatur. Justos verò tanquam dissimiles scrupulis divexat, vanoquè metu, & variis angoribus cruciat, ut cum cædio, quæ DEI sunt, operentur. At DEI Spiritus malos, quia dissimiles, durius pulsatur, conscientia stimulis pungit, & mortis ac inferni timore concutit, nullamquè finit in rebus seculi habere quietem: bonos autem mulcet, adjuvat, exhilarat. Huc respexit Augustinus, cum in suis confessionibus dicebat DEO; *Quid est illud, quod interlucet mihi, & percutit cor meum sine læsione & inhorresco, & inardesco? inhorresco inquantum dissimilis ei sum, inardesco, inquantum similis ei sum.*

Lib. 2. c. 9.

9. Securius cæteris est ille instinctus, quo voluntas movetur, nullâ præcedente imaginationis vel intellectus operatione. Id autem fit, quando intellectum eo ipso in puncto DEUS illuminat, quo voluntatem intus impellit. Movere autem, & immutare ab interiori voluntatem solius DEI est, qui potest eam efficaciter inclinare quocunquè voluerit, ut docet S. Thomas: ab exteriori verò & ineffaciter moveri potest ab Angelo, vel proponendo objectum, vel concitando passionem. Non dico voluntatem moveri posse sine ulla prorsus intellectus operatione, sed tantum sine ea, quæ modo naturali & consueti fieri solet. An verò possit in sublimiori raptu, aut voluntas sine præviâ cognitione actum amoris exercere, aut intellectus sine ulla conversione ad phantasmata in  
obje-

1. p. q. 111. a. 2.



objectum suum ferri, quæstio celebris est; quæ ad hunc tractatum non pertinet.

10. Aliquando contingit, ut gratiæ & consolationes spirituales ad corpus & sensus redundant, sicut scriptum est: *Cor meum, & caro mea exultaverunt in DEUM vivum.* Sicut enim tælescit corpus, cum tristatur anima: ita etiam interiori dulcedine per redundantiam sensus afficiuntur, hoc DEO concedente iis præsertim, qui imperfectiores sunt, ut eâ dulcedine perfuti à terrenis delectationibus abstrahantur. Sunt tamen subiectæ huiusmodi svavitates illusionibus, & seductionibus malignorum spirituum. Atquæ hinc sordes Illuminatorum, hinc Begardorum turpitudines prodierunt. Docet Seraphicus Doctor: *Quod quidam decepti à seductoriis spiritibus, vel propriis falsis opinionibus, putant sibi apparere Christum, vel ejus Gloriosam Genitricem, & non solum amplexibus & osculis, sed etiam aliis indecentioribus gestibus & actibus, ab eis demulceri: ut sicut spiritus ipsorum interiorius ab ipsis consolatur spiritualiter, ita & caro exterius sibi congruo oblectationis sensu consoletur; quod non solum est falsum, sed etiam blasphemia gravis esse comprobatur.* Tum subdit. *De his verò, qui cum aliquando dulcedinem spiritualem sentiunt, continuo etiam carnalis delectationis pruritu illecti foedantur, nescio quid judicem, nisi quod peccatius eligo illis carere floribus, quos de luti sordibus legere deberem. Et sicut illos damnare non audeo, quin inviti quandoq; in huiusmodi spiritualibus affectionibus carnalis fluxus liquore maculantur; ita excusare eos nescio, qui tali fluxu ex consensu delectantur qualiscunquæ eorum intentio videatur.* Hactenus Bonaventura.

Psal. 83.

De processu  
Relig. tr. 7.  
c. 18.

11. Ingens argumentum divini Spiritus & non exigua pars spiritualis prudentiæ est, ea exercitia & opera communiter complecti, quæ huic ætati, in qua degimus, sunt peculiariter accommodata. Nullum verò temporum delectum habere, fraus est, & deceptio maligni spiritus. Manifestum est, diversam à DEO in diversis ætatibus observatam esse rationem perducendi homines ad salutem. In mundi primordiis lumen naturale plurimum momenti habebat: secuta est Circumcisio & ætas ceremoniarum: tum affulsit lux Evangelii, & sub ea aliarum quasi minorum ætatum discrimina. Cum primùm Ec-



clesia fundata est, palam fidelibus Spiritus S. è cælo mittebatur: postea hoc visibili munere substracto Martyrium successit: tum Doctorum hæreses confutantium, & scripturas exponentium eluxit ingenium: floruit deinde innumerabilis Monachorum multitudo, qui se omni genere asperitatis affligerunt: alia deniquè tempora inter se nexa, præsentia induxerunt, quorum conditio senescente jam mundo exigere videtur, ut à miris & insolitis abhorreamus, vitæquè internæ operam demus: ut arctius cum DEO jungamur. Quod verò aliqui scribunt, debiliora nunc tempora esse, nec ferre posse victus & vitæ asperitatem, qualem in actis Sanctorum legimus, id seraphica Virgo Theresia intellexit, è contrario asserens; eo magis nunc oportere ea imitari, quæ Christus & S. Martyres, ac Confessores, passi sunt; quo major est mundi improbitas, & ad carnis desideria perficienda effrænis licentia.

*Vita sua c. 27.*

12. Indicium quoquè est Divini Spiritus, propriæ vocationi insistere, nec ad alia instituta divagari. Dicit enim Apostolus, debere unumquemquè in ea vocatione manere, in qua vocatus est. Et Ephrem ait: *In quo vocatus es opere, firma anchoras & funes, nè in pelagus tua navis impellatur.* Rursus Apostolus, *Obsecro vos, inquit, ut dignè ambuletis vocatione, quâ vocati estis, cum omni humilitate & mansuetudine, cum patientia supportantes invicem in charitate, solliciti servare unitatem spiritûs in vinculo pacis. Unum corpus & unus spiritus, sicut vocati estis in una spe vocationis vestræ.* Quod si quisquè suo feratur impetu ad ea quibus subinde afficitur, non planè unitas erit, sed confusio. Spiritus Sanctus cuiquè statui suos limites præscripsit, quos transilire nefas est: Et Christus Dominus ad sua sequenda vestigia invitans ait: *Si quis vult venire post me, tollat crucem suam.* Suam inquit, non alienam: secularis suam, religiosus tuam; suam Princeps, suam item subditus; suam robustus, infirmus suam. Sicut quæquè arbor non alienum fructum, sed suum profert: ita clericus clericum agere debet, monachus monachum, nec unquam à proprio instituto deflectere, nisi fortè Spiritus S. ad altiore perfectionem aliquem vocet. Hæc autem motio subtiliter examinanda est, nè sub prætextu majoris boni per diversa temerè vagantes, omni vento circumferantur.

13. Pax



13. Pax & tranquillitas animi, pacisquē comes latitia, & interna jucunditas, signa sunt Divini instinctus. Ubi tenebræ, ubi confusio & perturbatio, ibi DEUS non est, quia factus est in pace locus ejus. Veniens in mundum Salvator noster pacem nobis per Angelos nuntiavit; discessurus è mundo eandem nobis velut testamento reliquit dicens: *Pacem meam do vobis, pacem relinquo vobis.* Fructus Spiritus ait Apostolus, *Gaudium, Charitas, Pax.* David quoquē canit: *Audiam quid loquatur in me Dominus DEUS, quoniam loquetur pacem.*

Psal. 75.

Joan. 17.

Gal. 5.

Psal. 85.

## III. REGULÆ

*Bonorum motuum, à DEO, vel Natura.*

## I.

Quidquid naturam sapit, tametsi bonum in se sit, suspectum est. Cum ergo impellimur ad aliquod bonum, si pars inferior illud appetit, ejus imperum coercere debemus, eoquē cohibito ipsum bonum prius actibus intellectus vel voluntatis aggredi gratiā præcedente, & cominante. Nam si aliquo naturæ sensu bonum à DEO inspiratum permiscetur, puræ virtutis claritas eā complacentiā tanquam cæno coinquinatur.

Card. Bona de  
discr spir. c. 7.

2. Nonnulli memores peccatorum suorum, vel acerbissimæ Christi passionis imbre, lachrymarum perfusi repente compungi solent, adeo ut etiam in semetipsos flagellis animadvertant: nonnulli etiam supernæ patriæ felicitatem considerantes subitâ quadam jucunditate affecti extra se rapiuntur: quæ omnia non DEI Spiritus, sed amor sui & propriæ mentis acumen, ac præceps quædam naturæ commotio operatur. Quod facile ex hoc dignoscitur, quia cessante illâ commotione, impetuquē sedato frigidi remanent & aridi, ac in solita vitia relabuntur. Spiritus autem Divini motio non est otiosa, sed magna operatur, ubi est. Unde sequitur, ex hac parte difficillimam esse spirituum cognitionem: multa enim quæ sunt naturalis instinctus sæpe Divino, sæpe etiam diabolico tribuuntur. Debet ergo unusquisquē sedulo perscrutari cor suum, nè à proprio spiritu decipiatur, quem spiritum elationis Gregorius

Ibidem. C. 12.

Lib. 7. mor.

vocat. c. 3.



In Psal. ult.  
poenit.

vocat. Hoc autem consequi nemo potest, nisi superbiâ è corde expulsâ, sedem DEO in se præparet sui diffidentia & humilitate. Nequè enim receptaculum Spiritûs DEI quisquam efficitur, ut idem Gregorius ait, nisi spiritu suo primitus evacuetur: nec requiescit Spiritus DEI, nisi super humilem, & quietum, & trementem sermones DEI.

3. Contingit aliquando, ut opus aliquod quis incipiat verè propter DEUM, ejusquè gloriam & honorem: sed quia natura seipsam semper occultè quærit, sensim & non advertenter Divini beneplaciti in progressu obliviscitur, suumquè commodum & delectationem quærit. Quod manifestè vel ex hoc apparet, quia si DEUS successum operis infirmitate, vel alio casu impediât, statim in anima perturbatio, turbidiquè motus excitantur adeò, ut ægrè Divinæ voluntati acquiescat. Pauci sunt qui perspectam omnino habeant malitiam naturalis instinctûs in subtilissima & oculûsima sui quæstione. Cum enim omne bonum appetitui consonum sit, facilè ad nos ipsos incurramur, adeò ut etiam in intentionibus, quæ rectæ & divinæ nobis videntur, nos ipsos quæramus: quandoquidem id quod placidum & commodum nobis est, magis allicit & afficit sensus & cor nostrum, idquè potiùs respicimus in cunctis operationibus nostris, quàm quod DEI est. Idem quoquè accidit in ipso studio mortificationis, cum præsertim nimis anxium est: nam pleriquè sensus coërcent, affectus cohibent, carnem castigant, ab omni voluptate abstinent, specie quidem virtutis, sed revera ut videantur ab hominibus, vel ut quadam spirituali delectatione perfruantur. Qui gratiæ instinctu movetur, latere cupit: natura se prodit. Nec ipsi quidem ab hoc malo immunes sunt, qui lumine supernaturali abundant, obfrequent considerationes, quibus ad seipsos insensibiliter convertuntur.

4. Ad orandum, ad bona opera exercenda sicut oportet, certissimum est nos indigere gratiâ DEI; sed certum quoquè est, posse nos sinè gratia actus virtutum exercere motivo humano, sive ex proprio amore, aut ex timore servili. Est què in nobis tam exiguum lumen, ut certò distingvere non possi-



possimus ex quo principio operemur, Divinonè an humano, ex charitate an ex cupiditate? Optamus quidem sursum elevare cor nostrum, & ab omni conversione ad nos ipsos emundare; sed hoc ipsum desiderium interdum provenit ex aliquo nostro subtiliori & secretiori emolumento. Possumus enim desiderare ab omni nostro privato amore exui ob alium proprium amorem, possumus propter superbiam amare & optare humilitatem. Fit nimirum in nostris interioribus actionibus circulus imperceptibilis à nobis ad nos ipsos, semperquè manet subtilissima quædam nobisque ignota radix philauciæ in corde, ita ut nonnunquam tunc maximè à Divinis rationibus remotissimus, cum nos illis propiores arbitramur. Eliu Buzites apud Job à Spiritu S. se incitari credidit ad increpandum ipsum & amicos ejus, cum tamen à solo impetu proprii cordis moveretur. Quare reprehensus à DEO fuit, cujus causam agere videbatur, his verbis: *Quis est iste involvens sententias sermonibus imperitis?* Porro huic similes multi sunt, qui credunt se obsequium præstare DEO, cum eorum amor nihil aliud sit, quàm concupiscentia, privati què commodi studium. Si homo spiritualis, ut interdum contingit, aliquo sublimi lumine imbuatur, non facile credendum est ab infusione gratiæ ipsum oriri, potest enim procedere vel ex naturali mentis acumine, vel ex usu meditandi, vel ex nuda rerum supernaturalium speculatione, jejuna & arida manente voluntate, & omni rore gratiæ destituta. Sicut arbor non ex ramis & floribus, sed ex fructibus æstimatur; ita lumen ex operibus pensari debet, si hæc cum illo consentiunt. Tum solerter indagandum, an quidpiam luminis immisceatur obscurum, impertinens, & à principiis Christianæ perfectionis alienum. Nam ut docet Richardus: *Cum In Cant. Cap. aliquis ad aliquod bonum movetur, facile & cum aliqua cordis levitate, timendum est, quòd huiusmodi levitas sit à carnalitate, maximè si aliquid ibi annexum sit, quod delectare humanitatem possit. Item suspecta est cordis alacritas, quando impellitur ad aliquid homo cum quadam vehementia & impatientia dilationis, quia Spiritus S. modestus est, & tranquillius, & temperati sunt motus ejus. Rarus & difficilis est purus & verus amicitiae amor erga DEUM absquè ulla sui*

Job. 23.

Job. 38. 2a

17.



consideratione. Si possent homines abscondi ab oculis DEI & mundi, pauci bonum operarentur, pauci abstinere à malo.

5. Post lapsum turbari, contristari, & quasi desperare se posse proficere, ex occulta superbia, sui què confidentia procedit. Humilis enim non miratur se labi, novit enim quòd sine DEO nihil potest mortalis infirmitas, & ideo gratiæ ejus auxilium petens culpam suam corde contrito & tranquillo detestatur, & velocius surgens cursum suum majori fervore prosequitur. Signum quoquè est humani spiritûs, cum quis ita suis exercitiis, officiis, ministeriis tametsi bonis & sanctis adheret, ut, si inde avocetur, & aliis à superioribus applicetur, in querelas & gemitus erumpat, de què sua perfectione actum putet, ac si mediis ad eam requisitis priveretur. Non quia revera ea magis idonea & efficacia ad ejus consecutionem sint, sed quia in his vitioso affectu quiescebat, in his seipsum oblectabat, privatum suum commodum non DEI gloriam intendens. Amat natura quæ pulchra, bona & perfecta sunt, sibi què complacet in illis, atquè inde fit, ut in rebus, studiis & operationibus suis, etiam spiritalibus, omnem defectum oderit. Quod si hujusmodi defectus animam cruciat & torquet, (excessivè) evidens est rei pulchræ & bonæ amorem ex natura procedere.

6. Movet humanus spiritus homines doctos cupidos què scientiarum ad res Divinas & supernaturales discendas & investigandas, ut super alios emineant, & seipsos prædicent, ut curiositati satisficiant. Hinc oriuntur verba magnifica, rara, & subtilia à multis prolata, & scripta, quorum fructus est pruritus aurium, non salus aut conversio proximorum. Hinc libri Philosophorum stylo sublimi, de virtute compositi, utpote spiritu & vitâ destituti, mentem distrahunt & spargunt per multa phantasmata; nec voluntatem accendere possunt ad pietatem, ad charitatem, & unionem cum DEO. Sermo enim procedens ex instinctu naturæ, quamvis in se multa bona contineat, fructu tamen exiguus est, similis ari sonanti, & cymbalo tinnienti. Verba autem DEI Spiritu animata, licet in se exigua & simplicissima sint, uberes fructus parturiunt. Solet etiam humanus spiritus facile distrahi & effundi ad exteriora,

& bo-



& bonarum cogitationum multitudine ac varietate delectari; atque ita avertitur ab unitate, quæ summopere expetenda & sola necessaria est.

## IV. REGULÆ

## Bonorum motuum à DEO.

## I.

UBI Spiritus DEI, ibi libertas spiritûs à S. Francisco Salesio Card. *Bona de tantopere commendata reperitur. Hæc est autem libertas discret. spir. filiorum DEI, avulsio affectûs à cunctis rebus, quate-c. 8.* nus mens libera & expedita DEI voluntatem in omnibus se- *Lib. I. Epist. I.* qui semper parata sit. Homo præditus hac libertate non adhæret consolationibus, afflictiones autem eâ animi tranquillitate suffert, quam permittit mortalis infirmitas. Spiritualibus exercitiis non ita cor affigit; quin ea possit absque molestia & anxietate liberè intermittere, iustâ causâ necessitatis, charitatis, vel obedientiæ interveniente. Gaudio suo interno nunquam privatur: nam cor avulsum ab omni creatura, nullius rei privatione tristatur, sicut dicit scriptura: *Non contristabit iustum, Prov. 12. 21.* quicquid acciderit ei. Recipit quidem spirituales consolationes, amat suas exercitationes: sed illis non servit, non hæret. Contristatur etiam aliquando sed ad modicum tempus: nam statim se intro recipit, ubi omnia pacata sunt.

2. Gratia DEI ex se non destruit aut debilitat naturam, imò potius eam munit, confortat, & perficit: idem enim DEUS auctor naturæ est, & dator gratiæ. Quando igitur ægritudo aliqua aut lassitudo provenit ex his, quæ homo instinctu Divino operatur, non gratæ effectus est, sed naturæ debilitas: quia corpus, quod corrumpitur, aggravat animam: neque ideo putandum est, motionem illam non esse à Spiritu Sancto. Legimus enim, Daniele post visionem Angeli omni vigore destitutum fuisse. *Et non remansit, ait ille, in me fortitudo, sed & species mea immutata est in me, & emarcui, nec habui quicquam virium.* Nam ut observat Gregorius: *Cum mens humana ultra se ad videndum ducitur, necesse est, ut hoc carneum vasculum, quod ferre talenti pondus non valet, infirmetur.* Idque non solum

Dan. 10. 8.

3. Dial. c. 24.



lum in visionibus beatorum Spirituum, sed etiam in divinis consolationibus contingit, quas interdum viri Sancti, cum ex carnis infirmitate ferre non possent, clamabant: *Satis est Domine, satis est.*

Card. Bona de  
discret. spir.

c. 9.

Serm. 57. in  
Cant.

3. Satis jam de indiciis, quibus divinus Spiritus cognosci potest. Sed quo loculentior fiat iste tractatus, libet hic cum S. Bernardo subtilius indagare, quâ solertiâ & quâm vigili oculis fidelis anima tempus observet visitationis suæ, per singula momenta diligenter explorans adventum Sponsi, ut cum venerit & pulsaverit, confestim aperiat ei. Felix anima, quam veniens Dominus invenerit vigilantem. Visitabitur frequenter, audietquæ ab eo vocem pacis, & salutis, vocem amoris & exultationis. Signa autem adventus ejus, quæ mellifluus Pater tum proprio tum alieno experimento se didicisse fateretur, ista sunt.

1. *Primum est, suggestio bona.* Ait enim: Si admonitus fuero, vel foris ab homine vel intus à Spiritu de tuenda justitia & servanda æquitate, istiusmodi salutaris svasio erit mihi profecto prænuntia imminenti adventus Sponsi, & præparatio quædam ad dignè suscipiendum supernum visitatorem, Propheta id mihi indicante dicendo, quia *justitia ante eum ambulabit*: & item loquitur DEO sic: *Justitia & judicium præparatio sedis tue.* Nihilominus verò spes eadem arridebit, si sermo insonuerit de humilitate, vel patientia, seu etiam de fraterna charitate, & obedientia deferenda Prælati: maximè autem de sectanda sanctimonia, & pace, & cordis puritate quærenda, quoniam quidem scriptura ait: *Domum Domini decet sanctitudo*: & *Factus est in pace locus ejus*: & *Mundi corde DEUM videbunt*. Quicquid itaque sive de his, sive de aliis, quibuslibet virtutibus suggestum animo fuerit, significatio erit mihi, visitationem Domini virtutum imminere animæ meæ.

2. *Adm, Correctio est*, nam sequitur. Sed etsi corripuerit me, justus in misericordia, & increpaverit me, id ipsum sentiam, sciens quia æmulatio justii, & benevolentia iter faciunt ei qui accendit super occasum. Bonus occasus, cum ad correptionem

nem



nem iusti stat homo, & corrumpit vitium, & Dominus ascendit, super illud, conculcans hoc pedibus, & conterens ne resurgat. Non ergo contemnenda increpatio iusti, quæ ruina peccati, cordis sanitas est, nec non & DEI via ad animam.

3. *Exhortatio.* Nec ullus omnino sermo qui ædificat ad pietatem, ad virtutes, ad mores optimos, negligenter est audiendus, quoniam & illic iter quo ostenditur salutare DEI. Quod si sermo gratus venit & placidus, quatenus pulso fastidio cum desiderio audiat: jam non modò venire Sponsus, sed & accelerare, id est cum desiderio venire credendus est. Illius namque desiderium tuum creat, & quod tu ejus properas sermonem admittere, inde est quod ipse festinat intrare: non enim nos eum, sed ipse prior dilexit nos.

4. *Compunctio.* Si etiam ignitum eloquium sentis, atque ex eo conscientiam uri in recordatione peccati, recordare tunc de quo scriptura dicit, quia ignis ante ipsum præcedet, & ipsum propè esse non dubites. Denique juxta est Dominus his, qui tribulato sunt corde.

5. *Conversio.* Si verò non solum compungeris in sermone illo, sed & converteris totus ad Dominum, jurans & statuens custodire judicia justitiæ ejus: etiam adesse ipsum jam noveris, præsertim si te inardescere sentias amore ejus. Etenim utrumque de illo legis: & ignem videlicet ante ipsum præcedere, & ipsum nihilominus ignem esse: Moyses siquidem de illo dicit, quia ignis consumens est. Differunt autem, quod is qui præmittitur, ignis ardorem habet, sed non amorem. Tantum ad excitandum præmittitur & præparandum, simulque ad commovendum quid ex te sis, quò dulcius sapiat postmodum quod ex DEO mox eris. At verò ignis qui DEUS est, ardet suaviter, desolatur feliciter. Ergo in virtute quâ immutaris, & in amore quo inflammaris, Dominum præsentem intellige.

6. *Dilatatio & illuminatio mentis.* Hoc igne consumptâ omni labe peccati, & rubigine vitiorum, si jam emundatâ & serenatâ conscientia, sequatur subita quædam atque insolita latitudo mentis, & infusio luminis illuminantis intellectum, vel

Kkkk

ad sci-











mationis, quam apud homines subire formidat: vel quia saltē coram se ipso vult innocens apparere: cū autem in rebus caducis nulla requies inveniatur, tanta est in homine sui amante inconstantia, ut subinde studia & oblectamenta permutans, nec ipse quidem sciat quid velit, aut quid agat. Nunc in spem temerē erigitur, mox labitur in desperationem: nunc futili lætitiā diffluit, mox mœrore conficitur. Modum scilicet non habet, nec medium tenet, semper in extremis. Similis est navi quæ vago cursu huc & illuc agitata sæpius ad saxa alliditur, ac tandem miserabili naufragio perit. Id enim docuit nos Dominus: *Qui amat animam suam, perdet eam.* Ad hunc unum perniciosissimum sui amorem dirigenda sunt, quæcūquē de humano instinctu dici possunt, quia ab illo omnis humana motio excitatur: quare ipsi eradicando omnis industria adhibenda, ut sint homines docibiles DEO, atque omnes humani affectus à DEI instinctu ad bonum impellantur.

## VII. REGULÆ

*Malorum motuum à Natura, vel Dæmone.*

Card. Bona de  
disc. spir. c. 4.

Cū malæ cogitationes excitantur in mente, hinc agnoscere possumus unde trahant originem. Si enim incipiunt in imaginatione ex turpium rerum repræsentatione, postquam in carne pravus motus exurgat, ejus solet esse suggestio, cujus halitus prunas ardere facit. Si verò motus primitus excitatur in carne, & inde turpes subsequuntur cogitationes, mali initium à pravitate naturæ est, & à concupiscentia quæ regnat in mortali corpore. Hoc indicio vir sanctus & sanctorum prudentiā plenus Philippus Neri, non à carne, sed à diabolo emanasse cognovit impuram quandam tentationem, quæ in ipso exorta est ad aspectum cujusdam pauperis, quem nudo corpore obvium habuit Romæ prope Amphitheatrum: erat enim malignus hostis, qui hominis specie se illi objecerat, ut refert Gallonius in ejus vita. Quia verò in omni tentatione potentissima orationis arma arripere oportet, quibus sathan vincitur & in fugam vertitur: si post longam & ferventem orationem pravi motus perseverant, non à dæmone eos esse, sed à natura probabile est.

VIII.



## VIII. REGULÆ

*Malorum motuum à Dæmone.*

**D**iabolici spiritus nomine ille notatur instinctus, quo menti nostræ suggeritur, quod malum & vitiosum est, quod virtuti contrarium, quod alienum ab exemplis & doctrina Christi: *Card. Bona de discret. spir. c. 11.* cum videlicet mens nostra à concupiscentia abstracta & illecta ad inobedientiam & prævaricationem Divinæ legis excitatur. Ideo timet Apostolus, *ne sicut serpens Evam seduxit astutiâ suâ, ita corrumpantur sensus vestri, & excidant à simplicitate quæ est in Christo: 2. Corin. II.* ne videlicet ab illo decipiantur, qui tanquam leo rugiens circumquærens quem devoret. Hujus fraude mors introivit in orbem terrarum: è cælo enim in gehennam propter superbiam justè depultus, cum ad illas sedes beatas, quæ sibi suisque sociis paratæ fuerant, destinatos homines vidit, hanc illis gloriam invidit, blandisque suasionibus primos parentes nostros ad esum veriti cibi inducens, in corporis & animæ interitum cum omni futura lobole præcipitavit: tum nos paternæ labis heredes non cessat quotidie occultis inspirationibus à virtutis femita avertere, & ad omne flagitium impellere, quo tandem incautos ad æternam secum perniciem perducatur. *Studioſus igitur, inquit Bernardus, consideremus quonam modo malignorum illorum spirituum suggestiones audire: imò quantà indignatione abjicere debeamus, avertentes aures nostras, ne audiamus sanguinem, & sapientiam, quam revelat caro & sanguis: Parvulos quoque Babylonis, cogitatus scilicet mundanos, ab ipso initio tenentes & allidentes ad petram: ipsum etiam malignum cum temptationibus suis à conspectu cordis nostri abjicientes & deducentes ad nihilum. Cum autem Iathanæ spiritus Divino contrarius sit, facilè ex his, quæ de hoc dicta sunt, dignosci posset, est enim, ut ait Plato, optimi & pessimi eadem ratio: sed quia vaferrimi ac fallacissimi hostis tot sunt astutiæ, & stratagemata, quibus nos decipere & supplantare conatur, ut vix possint enumerari, de his per se agendum est, ut quantum fieri potest ab omnibus deprehendi & evitari queant. Gravissimum sane hoc onus est, mearumquæ virium mensuram excedens; sed vires ac fiduciam*

*Serm. de discret. spir.**In Phædone.*



2. 11. 1944







nit in mentem, caput serpentis est, caput calca & evades ceteros motus. Quid est caput calca? Ipsam suggestionem contemne. Sed lucrum suggestit. Magnum ibi lucrum est, magnum ibi aurum est. Si hanc fraudem feceris, dives eris. Caput serpentis est, calca. Quid est calca? contemne quod suggestit. Si magnum aurum suggestit. Et quid prodest homini, si universum mundum lucretur, animæ autem suæ detrimentum patiatur? Pereat mundi lucrum, ne fiat animæ damnum. Hec dicens observasti caput serpentis & calcasti. Ille autem diabolus calcaneum tuum observat. Quid est observat calcaneum tuum? Quando labaris à via DEI. Tu observas primam suggestionem, ille observat lapsum tuum. Si enim lapsus fueris, cades: si cecideris, possidebit. Ut autem non cadas, noli exire de via. Angustam tibi semitam stravit DEUS, quicquid extra illam est, lubricum est. Propterea lumen est Christus, & via est Christus. Si ab illo recefferis, nec in lumine eris, nec in via. ))

Job. 41. 12.

4. De diabolo sermonem habens B. Job. sub nomine Leviathan, ait. Halitus ejus prunas ardere facit, & flamma de ore ejus egreditur. Quæ verba Gregorius magnus sic interpretatur. Lib. 33. moral. cap. ult. )) Totes Leviathan prunas accendit, quoties ejus occulta suggestio humanas mentes ad delectationes illicitas pertrahit. )) Alios namque superbiæ, alios invidiæ, alios luxuriæ, alios avaritiæ facibus inflammat. Superbiæ quippe facem menti Evæ supposuit, cum hanc ad contemnenda verba Dominicæ jussionis instigavit; Invidiæ flammâ Cain animum succendit, cum de accepto fratris sacrificio doluit, & per hoc usque ad fratricidii facinus pervenit. Luxuriæ facibus cor Salomonis exussit, quem tanto mulieribus amore subdidit; ut usque ad idolorum venerationem deductus, dum carnis delectationem sequeretur, Conditoris reverentiæ oblivisceretur. Avaritiæ igne Achab animum concremavit, cum eum ad appetendam alienam vineam impatientibus desideriis impulit, & per hoc usque ad reatum homicidii pertraxit. )) Et flamma de ore ejus egreditur. Flamma oris ejus est ipsa instigatio occultæ locutionis: quia ardet in desideriis animus, cum ejus suggestionibus instigatur. Concludit demum Gregorius, ut qui oris ejus flammâ affici non vult, ad orationis opem confugiat. Nam flammam suggestionum illius extinguit citius unda lachrymarum.

5. Dia-



5. Diabolus Rex superbiorum cum Christi hostis & adversarius sit, ad ea semper instigat, quæ Christi exemplis & doctrinæ contraria sunt. Christus enim ut Gregorius ait: *per Prophetam dicit: Vita mea inferno appropinquavit: diabolus dicit: Super astra cæli exaltabo solium meum. Christus, cum in forma DEI esset non rapinam arbitratus est esse se æqualem DEO, sed seipsum exinanivit formam servi accipiens: diabolus ait: Ascendam super altitudinem nubium similis ero Altissimo. Christus ad sputa, ad palmas, ad colaphos, ad spineam coronam, ad crucem, ad lanceam, atque ad mortem veniens, membra sua admonet dicens: Si quis mihi inilitrat me sequatur.)) diabolus verò nihil aliud mentes sibi subditas docet, quàm celsitudinis culmen appetere, cuncta æqualia mentis tumore transcendere, societatem omnium hominum altâ elatione transire, ac sese contra potentiam Conditoris erigere, sicut de eisdem apud Psalmistam dicit. Cogitaverunt & locuti sunt nequitias, iniquitatem in excelso locuti sunt. Hinc fit ut qui hujusmodi suggestionibus aures præbent, procaces sint & tumidi, socios spernant, reprehensiones agrè ferant, mala sua non videant, curationem respiciant, & facillè cum omnibus rixentur.*

6. Aliquando sathan aliquem ad virtutem hortatur, sed eum mox importunis suggestionibus adversus illam excitat, multas difficultates objiciens, ut abjecta omni spe ejus consequendæ otio se tradat, suæquæ salutis diffidat. Sic sæpè evenit B. Catharinæ Bononiensi, cui multoties in forma Christi crucifixi, & B. Virginis hostis apparuit, promptam & cœcā obedientiam valde commendans; tum plurima judicia contra præceptum superioris, variasquæ tricas & nodos suggerens sub specie majoris boni. Illa autem à spiritu bono hæc esse, verasquæ visiones credens, in multos errores incidisset, nisi sui diffidentia & humilitate, suisquæ cogitationibus superiori semper patefactis periculum evasisset. Hæc ipsamet de se narrat, *lib. de septem armis*. Hanc diaboli fraudem sic describit Richardus. Dæmones interdum mala sub specie boni occultant, & ad quædam bona incitant, ut ad malum perducant. Falsa etiam devotione decipiunt, quia quasdam orationes & meditationes, dulcem affectum & lachrymas in anima producant, ut vel mentem in errorem

Lib. 34. moral.

Su. cap. ult.

Psal. 87.

Isa. 14. 13.

Phil. 2. 6.

Isa. 14. 14.

Joan. 12. 26.

Psal. 72.

In Cent. c. 17.



„ rorem vel elationem, vel corpus perducant ad debilitatem.  
 „ Malè quosdam de salute aliorum sollicitant, quos incitant, &  
 „ accendunt ad conversionem, vel ædificationem aliorum lon-  
 „ gè positorum, quatenus à quiète mentis & utilitate propria  
 „ eos dejiciant. Cum itaque aliquid nobis suggerit agendum,  
 „ perpendere debemus, utrùm aliqua sui parte indiscretio se  
 „ misceat, vel dolus inimici sese ingerat, si cum debito timore  
 „ & cautela fiat, si humana laus & ostentatio, si vanitas vel levi-  
 „ tas aliqua impellat. ))

7. Hunc morem servat spiritus malignus, ut cognitis ani-  
 mæ bonis, sanctisque desideriis, eis assentire, piasque cogita-  
 tiones fovere videatur: sed mox hominem occultè aggreditur,  
 suisque fallaciis miserrimè decipit. Nam sensim venenum in-  
 fundit, & quem falso lumine imbuerat, tandem in tenebras hor-  
 ribiles conjicit. Diadochi sententia est, dæmonem interdum  
 lumine quodam falso & apparenti animam afficere: *quæ quidem*  
*res inquit, multos fefellit.* Si quæ enim suavitas ex illo oritur sen-  
 sus non excedit, mentemque elevat in superbiam & sui æstima-  
 tionem. Simili modo multa quandoque vera suggerit, ut unum  
 saltem mendacium, quo decipiat, intermisceat. Hac arte Hæ-  
 retici decepti sunt, & alios deceperunt teste Athanasio. *Hæretici*  
*inquit, sicut diabolus ipsorum pater, transformationem vultus ad speci-*  
*em Angeli conformant, eamque verborum indolem præferunt, ut rectum*  
*sensum habere videantur, eumque ubi persuaserint, eò miseros deducunt,*  
*ut diversa & aliena à scripturis sentiant. ))* Plurimum ergò juva-

*Disput. 1. adv.*  
*Arianos.*

*Enchir. ad*  
*Laur. cap. 60.*

„ bit ex fine, ad quem tendit, pravam ejus suggestionem de-  
 „ prehendere. Nam quando sensus corporis fallit, *ut docet Au-*  
 „ *gustinus,* mentem verò non mover à vera rectaque sententia,  
 „ quâ quisque vitam fidelem gerit, nullum est in religione pe-  
 „ riculum. Vel cum se bonum fingens ea facit, quæ bonis An-  
 „ gelis congruunt, etiamsi credatur bonus, non est error Chri-  
 „ stianæ fidei periculosus aut morbidus. Cum verò per hæc  
 „ aliena ad sua incipit ducere, tunc eum dignoscere, nec ire post  
 „ eum, magna & necessaria vigilantia est.

8. Qui spiritu malo aguntur leves sunt, inconstantes,  
 turbidi, inquieti, vehementes, sinè maturitate, sinè circumspe-  
 ctione,



ctione, nullius consilium admittunt, proprium iudicium veterum Patrum institutis præponunt: diligunt laudantes se, increpantes odio habent, peccantibus indignantur, eosquæ corrigunt cum impatientia & contumeliis, in rem sibi propositam impetu quodam præcipientes ruunt, & in omnibus seipsos quarunt. De propriis defectibus interdum gloriuntur quasi à DEO missis ad custodiam humilitatis, negligentes interim eorum emendationem. Post peccatum vel sibi blandiuntur, quia humanum est peccare: vel sibi irascuntur & miserè contabescunt, opem DEI non implorantes.

9. Videns dæmon voluntatem servientium DEO fortem esse & constantem in bono, intellectum aggreditur, sublimes cogitationes, altosquæ sensus, & curiosos suggerens, ut iis occupari, falsò existiment se ad apicem perfectionis pervenisse, & in superbiam elati, cordis puritatem, atque studium mortificationis negligant, propriæquæ sapientiæ velut idolum sibi colendum proponant, in cuius consideratione se suis cogitationibus adeò involvunt, ut aliorum consilia spernant, se illis non indigere iudicantes. Hi difficillimè curari possunt, nam si oculus animæ cæcus est, totus homo tenebrosus erit. Debet itaque si quis sibi sapiens videtur esse; stultus fieri ut sapiens sit. Et quia diabolus mentem sensim inficit à minimis incipiens, & ad maiora progrediens, solerter curandum est, nè vel minima rimula illi pateat, per quam ad animam accedere possit.

10. Impugnare non cessat hostis & ad vitia incitare quovis tempore & occasione: sed si pravas suggestiones animo proficientis ingerere nequit, eas saltèm, quæ à DEO sunt, depravare conatur inanem gloriam & complacentiam excitando. Sæpè etiam commotis humoribus figuras horribiles excitat in imaginatione, & ad turpes actus inspiciendos compellit; sicut legimus contigisse S. Catharinæ Senensi: cui fœdos hominum mulierumquæ congressus spectandos objiciebat. Accidit item aliquibus, ut ad execranda blasphemiarum verba ipsis invitis linguam moveret, eosque quodam violento impetu ad desperationem provocaret. Aliquando autem à piis hominibus tentandis diu cessare consuevit, vel majus lucrum sperans ex tepiditate & ignavia, quam



Lib. 3. moral.  
n. 16.

quam intermissâ pugnae exercitatione contrahunt: vel ut in otio securos & imparatos facilius aggrediatur & vincat. Sicut docet Gregorius Magnus: Sæpè inquit an iquus hostis, postquam menti nostræ tentationum certamen infligerit: ab ipso suo certamine ad tempus recedit, non ut illatæ malitiæ finem præbeat, sed ut corda, quæ per quietem secunda reddiderit, repente rediens facilius inopinatus irrumpat ))

11. Cùm callidus hostis animam subvertere aliâ ratione non potest, eam saltè conatur variis illusionibus decipere, sub specie virtutis & sanctitatis. Nam quia rebus spiritualibus honor, commodum, & delectatio annexa sunt, quosdam ita subvertit, ut per gratiæ motus quærant quæ sua sunt, non quæ JESU Christi. Alios metu laborum eò adducit, ut opera parvi faciant, satis esse dicentes promptum ac paratum animum habere; DEUM non opus sed voluntatem respicere, cùm revera vix languidum virtutis desiderium in illis sit. Alios è contrario in exterioribus exercitiis totos occupat, cum levi admodum studio interioris culturæ. Quosdam, quos nequit à virtutibus avocare, à præcipuis saltè tamquam minùs necessariis avertit; vel certè contendit, ut in his perfunctorie exerceantur. Excitat etiam in aliquibus imoderati ac indiscreti fervoris æstum, ita ut nec consilium requirant, nec ferant; quæ perversitas in illis perniciosior est, qui alterius obedientiæ ac directioni subditi sunt. Harum autem illusionum remedium est, singulos motus examinare, num quid lateat fraudis: tum omnes gratiæ instinctus in authorem DEUM statim referre, antequam proprii amoris labe inquinentur: sublimes demum elevationes, insolita lumina, intimas suavitates, nec petere nec desiderare; his enim aditus diabolicis fraudibus aperitur.

12. In his, qui DEO servire incipiunt, excitat dæmon ardens & indiscretum desiderium omnes ad DEUM convertendi, quam tentationem communem esse, multisquè causam irreparabilis ruinæ & experientia evincit, & docet S. Theresia. Nam cùm par esset ut eadem magistra moner, eos posthabita aliorum curâ sibi duntaxat incumbere, & sedulo attendere, quomodo oporteat ambulare & placere DEO: ipsi potiùs aliorum salutiprocu-



procuranda dant operam : cum vix possint in via virtutis gressus  
figere, per difficiles semitas ignari viarum alios ducere audent :  
eosque in altum tollere, cum vix in imò consistent. Certum  
quidem est, non esse malum errantium conversionem deside-  
rare, sed illi incumbere & insistere, potest esse malum, & ut plu-  
rimùm malum est, nisi magna cautio adhibeatur. *Stultus ait* Prov. c. 29. II.  
*sapiens, profert totum spiritum suum, sapiens differt & reservat in po-*  
*sterum.* Doctrina Bernardi est. Nullum ad salutem pietatis gradum *Serm. 18, in*  
illi gradui anteponendum, quem sapiens posuit dicens. Miserere animæ *Cant.*  
tuæ placens DEO. Quid si non habeo inquit, nisi parumper olei quo *Eccl. 30. 24.*  
ungar, putas tibi debeo dare & remanere inanis? Servo illud mihi &  
omnino, nisi ad Prophetæ jussionem non profero : si insisterint rogantes  
respondetur eis. Nè forte non sufficiat nobis & vobis, ite potius  
ad vendentes & emite vobis. Et paucis interjectis ait. Cæterum  
tu frater, cui firma scis propria salus nondum est, cui charitas adhuc,  
aut nulla est, aut adeò tenera atque arundinea, quatenus omni statui cedat,  
omni credat spiritui, omni vento circumferatur : tu inquam in propriis te  
ipsum sentiens, quamam dementiâ, quæso aliena curare aut ambis, aut ac-  
quiescis? Hæc & alia plura in hanc sententiam sanctus Doctor  
exhortans incipientem, nè festinet effundere nondum plenus,  
sed expectet donec impleatur, & sic communicet sinè suo da-  
mno, quod sibi superabundat, charitas enim si plena non est,  
perfecta non est. Alia fraude non minùs perniciofa quosdam  
diabolus decipit, qui vix ingressi viam perfectionis, scientes  
eos, qui ad apicem pervenerunt, inexplicabili suavitate perfrui,  
ea ille uti repentino & temerario saltu ad altiora præsumunt ascen-  
dere, nondum eradicatis pravis habitibus, nondum in virtute  
probat. Ajunt ad intimam cum DEO unionem aspirandum  
esse, sequè omnia peregrisse arbitrantur, cum de rebus sublimio-  
ribus, grandiloquo sermone differunt, ac si in verbis, non in  
operibus perfectio sita esset. Quid si repeatè quidpiam mole-  
stum eis accidit, tunc serò cognoscunt quàm remoti sint à soli-  
ditate virtutis, ad quam nondum purgati irrumpere ausi sunt,  
præscriptos à sanctis Patribus gradus transilientes.

13. Alii jam diu probati in spiritualibus exercitationibus,  
cum coeperint gustare quàm dulcis sit Dominus, vanâ sui confi-



dentia ac subtilissimâ diaboli illusionem miserrimè decepti, se periculis temerè exponunt, & cum spiritu coeperint neglectâ sensuum custodiâ in carnem desinunt dicentes: se omnia in DEO peragere, nec quicquam in rebus nisi DEUM respicere, sed ad omnia indifferentes esse, se nihil discernere; se Divinâ dispensatione ab omni lege immunes esse: & sic præcipientes ruunt in nefandos ac turpissimos errores Adamitarum, Gnosticorum, & Illuminatorum. Atque utinam hoc seculum similibus careret exemplis. Oritur hoc malum ex occulta superbia, quâ inflati quidam ac velut ebrii ad primum gratiæ sensibilis gustum intentus impingunt & dilatantur, nec se continent intra limites ab Ecclesia & à legibus præscriptos, ipsaque jura naturæ transgressi in peccata abominanda labuntur, eò etiam dementiæ fraude diabolicâ perducti, ut regendis turpissimis flagitiis Divinæ revelationis velamen obtendant. Justi autem in spiritu humilitatis ambulantes, ac fidei lumine imbuti, intra terminos legis ac honestatis se continent, omni custodiâ servantes cor suum, justaque trutinâ probantes spiritus utrùm ex DEO sunt.

14. Non solum diabolicus solertissimus & versutissimus humani generis hostis, hominum mentes ad malum incitat occultis suggestionibus, sed etiam interdum corpus eorum obsidet, & ingreditur, ac in illis operatur; quos propterea Energumenos, Arreptitios, dæmoniacos, sive obsestos, aut possessos à dæmone nuncupamus. Fit autem Energema sive operatio dæmonis in homine dupliciter, spiritualiter vel corporaliter. Energema spirituale tunc fit, cum mentem & cor hominis diabolus possidet & in illis operatur, ut, cum dicitur in Evangelio, intrasse in cor Judæ, suggerens illi ut Christum traderet. Corporale autem vel fit extrinsecus per vexationes & molestias, quæ homini forinsecus inferuntur, vel fit intrinsecus, quando hominem invadit, intusque vexat & exagitat. Ut ergo aliquis verè dicatur Energumenus, sive Arreptitius, non satis est ut vexetur extrinsecus sicut Job, & Antonius Abbas atque alii Sancti: sed requiritur ut diabolus sit in illo intus præsens, sicut motor in mobili, & in eo aliquid operetur. Esse autem revera quosdam possessos à dæmone præter sacras Literas & Ecclesiasticam historiam

historiam



floriam omnium Doctorum consensus, ac ipsa experientia evincit. Signa verò indicantia dæmonem in aliquo habitare, ex operationibus desumuntur: Substantiæ enim spirituales, ut Theologi docent, in eo loco esse censentur, in quo operantur. Agrestes ac ferini mores, vultus truculentus, clamores & ululatus, stupor membrorum, privatio vitalium operationum, inquietudo, & alia ejusdem generis, sunt signa æquivoca inhabitantis dæmonis, quæ levem tantum generant suspicionem. Vehementior oritur ex quibusdam insolitis actionibus, ut cum quis in ignem deijcitur, vel in aquam, cum laqueo vel præcipitio vitam sibi adimere tentat, cum catenas præduras frangit, aut onera vires excedentia portat, cum blasphemias profert, sacrarumquæ rerum contactum horret. Signa autem univoca ac ferè certa sunt, cum quis linguâ peregrinâ loquitur quam nunquam didicit: cum literarum atque artium ignarus legit, scribit, pingit, & ex arte cantat; aut de rebus altissimis differit, qui nunquam studuit: cum occulta revelat adeò ignota, ut nullâ industriâ vel ingenio humano sciri possint, sive præterita sint, sive præsentia, sive futura: cum eodem temporis momento quo fiunt enuntiat, quæ facta sunt in remotissimis regionibus. Cum jussus recitare symbolum Apostolorum, vel peterè veniam peccatorum, omninò tenuit: cum cessante vexatione, eorum, quæ dixit, non recordatur, aut de his interrogatus nescit respondere. Plura de his alii: hæc pro meo instituto satis sunt.

15. Quia diabolus carnis & mundi satellitio uti solet, ut suggestionibus suis hominem ad malum impellat, pauca huic capiti de spiritu carnali & mundano adnectenda sunt. Caro domesticus hostis, quo carere non possumus, semper concupiscit adversus spiritum; mundus in quo vivere nos oportet, nos undiquè obsidet, suisquæ principiis, quæ ex parte diaboli sunt, nos imbuere non cessat. Caro semper suggerit mollia, mundus vana; sapientia carnis DEO inimica, nihil sapit nisi delicias; prudentia mundi in quærendis divitiis & honoribus incessanter occupatur. Carnis desideria sunt infinita: mundi superbia immentia est. Spiritus carnis cogitationes suggerit de potu, de cibo, de somno, de sensuum voluptatibus. Spiritus mundi de arrogan-

tia, de



tia, de jactantia, de opibus, de ambitione, de dignitatibus. Carnalis spiritus decipit interdum viros spirituales, carnalem in eis amorem erga aliquam personam excitans sub specie pietatis, & spiritualium institutionum. Hoc visco captæ animæ sanctæ, quæ jam libero volatu, per alta cælorum discurrebant, in laqueum perditionis pudendo lapsu ceciderunt, quod sæpè vidimus cum multorum scandalo, & ipsarum deplorabili ruina. Facile autem discernitur carnalis amor, neque enim ignis abscondi potest, lumine qui semper proditur ipse suo. Et primò quidem indicium est carnalis amoris, pauca de DEO loqui, plura de se, & de mutua dilectione: seu mutuò laudare, invicem adulari, vitia & defectus excusare. Sequitur in alterius absentia inquietudo, & ex ea molestæ cogitationes: Ubi sit, quid agat, quando veniet, an alteri impendat affectum. His accedunt carnis blanditiæ, gestuum insolentia, solitarii secessus, occulta colloquia, atque alia ejusdem generis quæ scribere superfluum est. Sanctus verò & spiritualis amor nihil horum novit, pudicus est, modestiam servat, nugas odit, oculos continet & manus, angulos non quarit, pacem sectatur, arguit quos amat, orat pro amico, ipsumquè in DEO diligit, sive præsens sive absens sit, & se studet in omnibus irreprehensibilem exhibere. Spiritus verò hujus mundi, ex suis etiam operibus manifestum se facit. Nam ut Augustinus ait. Spiritus hujus mundi facit superbos, spiritus hujus mundi facit inflatos, spiritus hujus mundi facit ut putet se quisquè aliquid esse, cum nihil sit.

Lib. 50. bomil.  
bom. 14.

## REGULÆ

*Probandi Spiritus ex parte Hominis, motum  
seu instinctum patientis.*

**P**rima Regula est: Si quis prudentiam observet in suis actionibus, seu rationem habeat sexûs, ætatis, valetudinis, virium corporalium, complexionis, statûs, officii, circumstantiarum, loci, temporis, siquidem ordinariè loquendo aliqua competunt dona & gratiæ DEI viris, quæ non conveniunt mulieribus,



lieribus, ut v. g. prædicatio publica verbi DEI, administratio Sacramentorum &c. Amplius laboris, in virtute robustior ætas, valetudo ferre potest, quàm infirmior. Igitur illi sunt instinctus divini, qui commensurantur sexui, ætati, viribus &c. Illi verò motus suspecti, qui sentiuntur extra vel supra sphæram propriæ activitatis, nisi fortè quidpiam extraordinariè ordinaverit DEUS. Deinde Card. Bona inquit. Cùm quis ad aliquid operandum intus moveretur, non solum examinandæ sunt actiones illæ ad quas incitatur, utrùm sint bonæ & conformes mandatis DEI & Ecclesiæ; sed etiam utrùm convenient statui ipsius & ordini, in quo positus est à DEO: an aliquam redoleant singularitatem, superstitionem, vel levitatem. Spiritus enim DEI solidus est, ejusquæ operatio lumini & gratiæ commensuratur, quibus anima prædita est. Qui hunc ordinem temerè transgreditur, infinitis se periculis exponit.

*Lib. de discr.  
spir. c. 7.*

*Secunda Regula*, est conformitas ad lumen & gratiam DEI sibi datam. Non enim solum respicere sedulò oportet, an actiones ad quas homo impellitur sint in se bonæ & conformes præceptis DEI & Ecclesiæ, sed etiam an sint conformes gratiæ & lumini, aliisque divinis perceptionibus, quibus ille à Spiritu S. agitur & pertrahitur. An ordinem Divinæ circa se providentiæ viamquæ sibi præfixam constanter ac fideliter sequatur, sinè ullo respectu ad seipsum. An gratiæ à DEO acceptæ, atque ejusdem efficacix actiones ejus consentiant, sitquæ stabilis & immobilis in sua vocatione. Diversæ enim sunt viæ, per quas DEUS non tam ducit, quàm trahit animas ad se. Si quis verò à semita sua aberrat, in infinitos errores incidit. Perversi spiritus indicium est, cùm mens infirma & invalida ad ardua, & excelsa DEO non trahente conscendere nititur, cùm vix in imo consistat. Ideo Apostolus ad Corinthios scribit; *Unusquisquæ in qua vocatione vocatus est, in ea permaneat.* Et ad Ephesios: *Obsecro vos ut dignè ambuletis vocatione, qua vocati estis, cum omni humilitate, & mansuetudine, & patientia.* Quod si quis ad statum sublimiorem vocari se sentiat, non desit gratiæ DEI, sed caveat illusiones.

*1. Cor. 7. 20.  
Eph. 4. 1.*

*Regula 3ta*, est conveniens motivum seu intentio finis. Quippe actiones & verba non seipsis consideranda sunt, nec referenda

M m m m m



referenda ad Sanctorum exempla, sed ad principium seu motivum, propter quod sic operatur & loquitur. Nam S. Martinus morti proximus dixit: *Domine si adhuc populo tuo sum necessarius, non recuso laborem*: At hæc eadem verba proferre noluerunt sancti viri: Philippus Neri, & Franciscus Salesius: ille motus charitate, isti humilitate. S. Franciscus stultum aliquando se finxit ut sperneretur: aliquando vestem osculandam porrexit, ut honoraretur, non ipse quidem sed DEus in ipso. S. Hilarion munditiam in cilicio non requirebat, quam S. Bernardus optavit & commendavit. Ut igitur rectum iudicium feratur, disquirere oportet, quo spiritu quisque ducatur, cui principio innitatur, quodnam verborum & actionum proximum ac proprium motivum sit.

Card. Bona de  
disc. spir. c. 5.

Regula 4ta, est fructus bonorum operum. Quia latentes cogitationes cordisquæ secreta scrutari non possumus certius ac præcipuum internæ motionis principium ab operibus desumendum est, dicente Domino: *A fructibus eorum cognoscetis eos*. Cujus dicti rationem reddens ait: *Non potest arbor bona malos fructus facere; neque arbor mala bonos fructus facere*. Igitur ex fructibus arbor, ex operibus homo cognoscitur. Indicium mentis inquit Chrysostomus, *operatio est hominis, quoniam factis ostenditur*, quidquid cordis secreto concipitur.

Card. Bona de  
disc. spir. c. 5.

Regula 5ta, Humilitas, Simplicitas, Veritas, Sinceritas. Humilitas enim necessaria est, nè quis decipiatur, & ut omnia ad prudentem directorem deferantur. Ideo Christus admonuit nos, ut caveamus nè lumen quod in nobis est tenebræ fiant: hoc est, nè mens quæ obedientiæ & humilitate comitantibus pro lumine nobis est, superbiæ, propriique iudicii tenebris, velut caligine offundatur. Monitum quoque Sapientis. *Nè imitaris prudentiæ tuæ*. Cassianus vitæ Spiritualis Magister eximius: Nullo inquit alio vitio tam præcipitem diabolus Monachum pertrahit, ac perducit ad mortem, quam cum neglectis consiliis seniorum in suo iudicio persuasit ac definitione doctrinae considerare. Hoc documentum exactissime observabat S. Abbas Dorotheus, qui de seipso sic scribit. Quando eram in cenobio exponebam omnia seni Abbati Joanni. Nunquam enim præsumebam facere quidpiam absque illius sententia. Accidit aliquando ut cogitatio mea mihi

sugge-



suggereret: Nunquid tibi hoc dicturus est senex? Quid vis ipsi,,  
molestus esse? Et reponebam cogitationi, Anathema tibi, &,,  
iudicio tuo & intelligentiæ tuæ, & prudentiæ tuæ, & scientiæ,,  
tuæ, quia id quod nōsti à dæmonibus nōsti. Abibam igitur,,  
& senem interrogabam, acciditquē nonnunquam, ut id ipsum,,  
mihi quod cogitaveram, responderet. Tum mihi mea sug-,,  
gerebat cogitatio. Quid ergo? Ecce id ipsum est quod dixi. ,,  
Et reponebam isti cogitationi: sed nunc bonum est, nunc à Spi-,,  
ritu sancto est. Nam quod tuum est, id malum est, à dæmo-,,  
nibus est, à statu passionibus obnoxio est. S. Teresa, ut Luisius  
Legionensis in præfatione operum ejus testatur, timida & ma-  
ximè circumspecta in suis revelationibus esse solebat, vitamquē  
suam non ex his solis, sed ex directione superiorum, nē deciper-  
retur, instituebat. Et meritò ut mellissius Doctor ad Ogerium Bern. Epist. 87.  
scribit, *quia qui se sibi magistrum constituit, stulto se discipulum subdit.*

Signum est evidens Divini Spiritūs eas potissimū virtutes diligere & exercere, quæ Christi sectatoribus maximè con- Card. Bona de  
veniunt, quales sunt simplicitas, humilitas, veritas, atque since- disc. spir. c. 8.  
ritas; quæ mundi amatoribus incognitæ sunt. Ego sum Veritas  
dicit Dominus: & cum simplicibus fermocinatio ejus. Quia ut  
exponit Gregorius: De supernis mysteriis illorum mentes radio suæ visi- Pasto. p. 3.  
tationis illuminat, quos nulla umbra duplicитatis obscurat. Ideò scri- adm. 12.  
ptum est. Abscondisti hæc à sapientibus & prudentibus, & revelasti ea Matt. II. 25.  
parvulis. Sunt hæc virtutes quasi lapis Lydius, ad quem reliquæ  
probandæ sunt. Quacunque enim prærogativâ patientiæ, con-  
tinentiæ, mansuetudinis, modestiæ, pietatis, quispiam videtur  
excellere: si non est in eo veritas, & simplicitas, si se profert, si  
sua extollit, si suo iudicio pertinaciter inhæret, si quæ in verbis  
& factis ejus apparet duplicitas; reliquæ virtutes simulationes  
sunt & illusiones. Optimè iterum Gregorius: Sapientia iustorum Lib. 10. moral.  
est nūll per ostensionem fingere, sensum verbis aperire, vera ut sunt dilige- c. 16.  
re, falsa devitare, bona gratis exhibere, mala libentiùs tolerare quàm  
facere, nullam injuriæ ultionem quærere, pro veritate contumeliam, lu-  
crum putare. Sed hæc iustorum simplicitas devidetur, quia ab hujus mun-  
di sapientibus fatuitas aestimatur. Si quis igitur erit, qui in omni-  
bus justificationibus DEI corde simpliciter incedat, qui non am-  
bulet



bulet in magnis neque in mirabilibus super se, neque sequatur adinventiones suas, hinc difficile est diabolicis illusionibus falli. Sicut enim rebellibus angelis, & primis parentibus nostris causa lapsus fuit superbia; ita humilitas & simplicitas tutissima ad DEUM via est, diviniquè instinctus certa probatio, quæ si in omni motione & operatione invenirentur, frustra ut ait Gerson, alia signa multiplicarentur. Hac notâ Dominicus Bannez, insignis Theologus Spiritum S. Teresiæ agnovit, & Initio operum approbavit. Ego inquit per multos annos ejus confessiones excepi, S. Teresiæ. eamquè sæpius examinaui, semper me erga illam valde asperum & rigidum præbens: quò magis autem illam humiliabam & despiciebam, eo magis ipsa ad meum consilium petendum animabatur, ita se existimans tutius incedere. In nulla autem persona majorem animi sinceritatem, simplicitatem, & humilitatem observavi.

Lib. de discr.  
Spir. c. 4.

Regula 6ta, est Obedientia. Hinc Card. Bona inquit. Cæterum nulla regula excogitari potest, quæ in aliquo singulari casu, aut non fallat, aut fallere non possit; præter eam quæ de sursum est, à Patre luminum descendens. Sed neque certâ demonstratione constare nobis potest, quòd S. Spiritus magisterio edocti bonum à malo, proprium ab alieno discernamus; quia Spiritus ubi vult spirat, & vocem ejus audis, sed nescis unde veniat, aut quo vadat. Et Job ait. Quasi furtivè suscepit auris mea venas susurri ejus. Et iterum: Si venerit ad me, non videbo eum; si abierit non intelligam. Servanda itaque præscripta ab Apostolo documenta. Spiritum nolite extinguere: prophetiam nolite spernere: omnia autem probate, quod autem bonum est, tenete. Hæc autem probatio tunc legitima esse censetur, cum sedulum de re proposita examen instituitur; atque omnis motio ad superiorum & peritiorum judicium refertur. Sic cum Joseph narrasset patri somnia sua, Gen. 37. increpavit eum pater, sed rem tacitus considerabat. Sic Helias 3. Reg. 19. non in turbine adesse Dominum, non in commotione, non in igne, sed in sibilo auræ tenuis, rem seriò examinans cognovit. Sic B. Virgo ab Angelo salutata, cogitabat qualis esset ista salutatio. Sic Samuel voce Domini audita ad Heli protinus cucurrit, ejusquè monitis obedivit. Sunt qui dicunt se alieno judicio non credere: quia de suo certi sunt, per occultam DEI revelationem.

Luc I.  
1. Reg. 3.



lationem. Sed his respondendum est: Possè hominem decipi, cum sibi credit; si autem credit superiori, aut consultit peritiores, errare non potest. Respicit enim DEUS animam humilem, & si revelatio vera est, nunquam permittet ut alterius judicio elidatur.

Licet discretio in ferendo judicio de his, quæ in alio sunt minùs certa videatur, quàm de his quæ judicans in seipso experitur; quia tamen affectus ad res proprias mentem à recto facile abducit, tutius est ab alio potius, quàm à se ipso probari spiritus, omnemquè instinctum ad prudentem directorem referre.

Instinctus DEI animam docilem facit, aliorumquè sententia & consiliis seniorum præsertim & superiorum acquiescentem; sicut legimus apud Isaiam: *Dominus aperuit mihi aurem, ego autem non contradico, retrorsum non abii.* In qua sententia juxta Bernardi expositionem, voluntariæ habemus obediëntiæ formam, & longanimitatis exemplum. Qui enim non contradicit spontaneus est; & qui retro non abit, perseverat. Neque obstat, quòd qui docent & dirigunt, aliquando minùs docti & imprudentes sint; nam ut ait Climacus: *DEUS non est iniquus, ut animas quæ per fidem & simplicitatem alterius se consilio & judicio humiliter subiiciunt, decipi patiatur.*

Accidit aliquando ut Sanctis & Divinis inspirationibus, vel vitio naturæ vel fraude dæmonis errores, & vitia immisceantur, sicut ratio sub veris principiis efformat nonnunquam falsas assumptiones. Hujus rei exemplum habemus in sacris literis: Fidem enim & devotionem Jephte, ex impulsu Spiritus Sancti fuisse asserit Augustinus; non autem vorum de filiæ immolatione. Veram quoque fuisse Eliphaz Temanitis revelationem, Gregorius papa & alii testantur, sed eà abusus est adversus Job arguens eum iniquitatis. Multorum quoque deplorandos casus narrat Casianus, qui post longam & laboriosam eremi exercitationem, ob fervorem indiscretum miserrimè lapsi sunt. Ex quibus sapientissimè infert, cunctas animi cogitationes seniorum examini atque judicio subiiciendas esse, illorumquè definitionibus acquiescendum.

*Card. Bona de  
discr. spir. c. 5.*

*Idem de discr.  
spir. c. 8.*

*Isaie 50. 5.*

*Serm. 28. in  
Cant.*

*Gradu 26.*

*Card. Bona de  
discr. spir. c. 8.*

*Judic. II.*

*Qu. 49. in  
Judic.*

*Job. 4. 12.*

*Collat. 2.*







finè illo? Sic ergo qui prius erat iniquitate frigidus, si postmodum fervore quo cum poenitentia accendatur, alium sibi Spiritum, qui suum arguit & dijudicat, non dubitet advenisse.

Cum ex peccato originali ad sensuum delectationem pro- Card. Bona de  
ni simus; ille bonus censetur instinctus, qui à voluptatibus retra- disc. spir. c. 6.  
hit, & ad laborem ad crucem trahit. Vox Apostolica est per- 2. Cor. 12. 20.  
fecti Christi amatoris; Placeo mihi in infirmitatibus meis, in contume- Serm. 25. in  
liis, in necessitatibus, in persecutionibus, in angustiis, pro Christo. Grata Cant.  
ignominia crucis ei, qui Crucifixo ingratus non est, inquit Bernardus.

Nulla certior nota Divini Spiritus quam dilectio, ut rectè docet Augustinus: Cognoscimus inquit quia habitat in nobis. Et Tract. 8. in  
hoc ipsum unde cognoscimus? quia de Spiritu Sancto dedit nobis? Unde Epist. 1. Joan.  
scimus quia de Spiritu suo dedit nobis? Interroga visceratua. Si plena  
sunt charitate, habes Spiritum DEI. Idem alibi. Qui non diligunt, si Tract. 76. in  
linguas hominum loquantur & Angelorum, sunt aeramentum sonans & Joan.  
cymbalum tinniens. Et si habuerint prophetiam, & scierint omnia Sacra-  
menta & omnem scientiam, & habuerint omnem fidem ut montes trans-  
ferant, nihil sunt. Et si distribuerint omnem substantiam suam, & tradi-  
derint corpus suum, & ardeant, nihil eis prodest. Dilectio Sanctos discer-  
nit à mundo. I. Cor. 13.

Spiritus DEI ad Christi sequelam excitat & ad virtutum  
ejus imitationem. Cum enim Christus non solum Redemptor Card. Bona de  
noster sed & doctor ac dux sit, vita ejus & virtutes propositæ, disc. spir. c. 8.  
nobis sunt velut exemplar & idea totius perfectionis & sancti-  
tatis. Discite à me, ait ille, quia mitis sum & humilis corde. Et iterum:  
Exemplum dedi vobis, ut quemadmodum ego feci, ita & vos faciatis. Ipse Matt. 11. 29.  
est via veritas & vita: & qui dicit se in illo manere, debet sicut ille am- Joan. 13. 15.  
bulavit & ipse ambulare. Non ergo dubitandum est, quin à Divino Joan. 14. 6.  
Spiritu excitetur, qui ad sectanda Christi vestigia impellitur.

Quia patientia opus perfectum habet, & nos Christo qui Card. Bona. de  
pro nobis crucem sustinuit, similes efficit: boni instinctus indi- disc. spir. c. 8.  
cium est cupiditas multa patiendi, animusque paratus ad quæ-  
cunque mala fortiter toleranda. Hic impulsus nec à diabolo,  
nec à propria natura esse potest. Acutè ut solet Tertulianus: Lib. de patien.  
Patientia ita proposita DEI rebus est, ut nullum præceptum, c. 1. & 3.  
obire quis, nullum opus Domino complacitum perpetrare ex-  
traneus



„traneus à patientia possit. *Et infra.* Christus saginari vo-  
 „luptate patientiæ discessurus volebat. Despuitur, verbera-  
 „tur, deridetur, Foedis vestitur, Foedioribus coronatur. Mira  
 „æquanimittatis fides. Qui in hominis figura proposuerat la-  
 „tere, nihil de impatientia hominis imitatus est. Hinc vel ma-  
 „ximè Pharisei Dominum agnoscere debuistis. Patientiam  
 „huiusmodi nemo hominum perpetraret.

Card. Bona de  
 disc. spir. c. 8.

Argumenta Divini Spiritus sunt: Nihil à DEO nomina-  
 tim petere, nisi ejus impulsu ad illud petendum moveamur. Hoc  
 autem postulare oportet, ut doceat nos petere, quæ ipsi grata &  
 nobis salubria sunt, voluntatem nostram Divinæ subicientes,  
 quoniam ipsi cura est de nobis. Deinde in proposito virtutis  
 constanter perseverare, propriam infirmitatem suspectam sem-  
 per habere, & propter labendi periculum cum ingenti erga DE-  
 UM fiducia continuo timore percelli. *Nescit enim homo utrum a-*  
*more an odio dignus sit, sed omnia in futurum servantur incerta.* Nul-

Ecc. 9. 1.

lam item habere opinionem, quæ sacræ scripturæ consentanea  
 non sit, ipsa siquidem est regula certa Divinorum instinctum,  
 & à placitis Sanctorum Patrum, atque à communi Doctorum,  
 Orthodoxorum sensu nusquam discedere, nam super illos extolli  
 intolerabilis superbiæ foret. S. Abbas Antiochus: Argumen-  
 tum, inquit, evidens est quòd quis Spiritum Sanctum habeat, si  
 mansuetus & quierus sit, si de se quàm modestissimè sentiat, si si-  
 bi temperet ab omni vana cupiditate hujus seculi, sequè ipsum  
 cæteris hominibus multò æstimet inferiorem. Denique sapi-

Hom. 120.

De præscrip.  
 c. 43.

enter Tertulianus scribit: Ubi DEUS est, ibi metus in DEUM,  
 qui est initium sapientiæ. Ubi metus in DEUM, ibi gravitas  
 honesta, & diligentia attonita, & cura sollicita, & dilectio ex-  
 plorata, & communicatio deliberata, & promotio emerita, & sub-  
 iectio religiosa, & apparitio devota, & processio modesta, &  
 Ecclesia unita, & DEI omnia.

2do. Regule sunt. Instinctum à maligno spiritu oriri qui  
 versatur circa materiam moraliter malam, eaque ut talis certò  
 apparet. Unde ad instar ignis in sinum cadentis ejusmodi in-  
 stinctus mox est excutiendus, nec disquirendum an ab humano

Card. Bona de  
 disc. spir. c. 5.

vel diabolico veniat spiritu. Hinc Card. Bona ait: Mala co-  
 gitatio



gitatio ex nobis est, sed non semper. Est enim aliquod malum, quod corde quidem sentitur, non tamen exit de corde, sicut nostra cogitatio, sed immittitur à contrariis potestatibus, quale fuit quod Diabolus in cor Iudæ misisse legitur, ut traderet Dominum, clandestinis avaritiæ facibus miserum accendendo. Quamvis autem immisiones istas per Angelos malos à cogitationibus sinè affectionibus, quæ ex nobis oriuntur, indubitanter discernere non valeamus, ut ex allata Bernardi sententia constat, non desunt probabilia quædam signa & conjecturæ, quibus illæ ab istis discernuntur.

Si motus pravus est nihil prorsus refert discutere & scire, Card. Bona de sinè à proprio vel à maligno Spiritu: vigilandum potius & orandum, nè consensum illi præbeamus, undecunque proveniat. Bono autem instinctui, qui DEI solius est, obedire statim oportet fatagendo, nè in vacuum gratiam DEI recipiamus. *discr. spir. c. 4.*

Cum aliqua suggestio mentem perturbat, labor inutilis est, in ea discutienda tunc immorari, multis enim & inextricabilibus difficultatibus involutus animus vix se poterit ab earum molestia expedire. *Idem. c. 5.*

Diabolici Spiritus nomine ille notatur instinctus, quo menti nostræ suggeritur quod malum & vitiosum est, quod virtuti contrarium, quod alienum ab exemplis & Doctrina Christi, cum videlicet mens nostra à concupiscentia abstracta, & illæta ad inobedientiam, & prævaricationem divinæ legis excitatur. Ideo timet Apostolus: Nè sicut serpens Evam seduxit astutiâ suâ, ita 2. Cor. II. 3. corrumpantur sensus nostri, & excidant à simplicitate, quæ est in Christo. Nè videlicet ab illo decipiamur, qui tanquam leo rugiens circuit quærens quem devoret. Cum autem sathanæ spiritus Divino contrarius sit, facile ex his, quæ de hoc dicta sunt dignosci poter, est enim, ut ait Plato: Optimi & pessimi eadem ratio. *Idem c. II.*  
*Idem ibidem.*  
*In Phædone.*

## REGULÆ

### Motuum Spiritus in dubia materia.

Primò, Regula quoad Regimen animarum à Card. Bona hæc proponuntur: Anceps est omnis impulsus & non nisi cum timore  
*Card. Bona de discr. spir. c. 7.*  
more

Nnnn



more & tremore admittendus; quo quis ad regimen incitatur. Ut verò periculum evadat, & introitus ad dignitates securus sit, acceptandæ illæ non sunt, nisi ex speciali DEI revelatione, aut ex obedientia, cui resisti non possit, aut ex consilio viri sancti & prudentis, cui benè perspecta sint illius status discrimina.

*Ibidem c. 7.*

2do. *Regule circa vitam singularem & insolitam* à Card Bona sic proponuntur. Suspectus est impulsus, quo quis movetur ad vitam singularem, & ad actiones insolitas, & inusitatas. Nihil enim frequentius damnant sancti Patres, in his præsertim, qui vitam religiosam profitentur, quàm singularitatem. Pater Monachorum octavum humilitatis gradum in hoc constituit: si nihil agat monachus, nisi quod communis monasterii regula, vel majorum cohortantur exempla. Antiquorum item Monachorum unanimi

*S. Bened. Reg. c. 7.*

*ib. l. instit.*

*c. 3.*

consensu apud Cassianum sancitum fuit. Vitam singularem noxiam esse, magisque speciem vanitatis quàm virtutis ostentare. Ratio autem desumitur primò à suavitatē Divinæ providentiæ, quæ viam communem instituit, pro salute omnium, quos salvare decrevit, ducitque omnes, ut plurimum per iter planum, rectum, & usitatum. Secundò à malitia diaboli, quæ ad res novas, curiosas, & inusitatas instigat, quæ admirationem afferant, sanctitatis opinionem concilient, facitque transgredi terminos quos posuerunt sancti Patres nostri, ut à solidis virtutibus removeat, & inducat in vanitatem. Tertiò ex pravitate naturæ nostræ, quæ peculiaribus exercitiis, supra reliquos appetit apparere, & non esse sicut cæteri hominum. Quartò ex conditione ipsarum rerum singularium, quæ cum raræ sint, minus cognoscuntur, & illusionibus ac deceptionibus subjectæ sunt. Sed quia ex sacris literis & experientia constat, Spiritum DEI movere nonnunquam ad huiusmodi res mirabiles, quæ communem operandi rationem excedunt, non statim talis instinctus damnandus est. Sic præcepit Abraham ut filium immolaret: Isaac ut nudus per vicos, per plateas civitatis ambularet: Eliæ inspiravit, ut ignem è caelo peteret, quo quinquaginta viri consumpti sunt. Quosdam Martyres impulit, ut pro fide tuenda se in ardentem rogam conjicerent. Daniele & Simeonem stylites ad vitam in columna degendam, & alios multos ad singularia



laria quædam patrandæ incitavit, quæ admirari oportet, non imitari. Talem verò impulsus ad opera mirabilia & non consueta, tunc esse à DEO cognoscemus, si vocatus ad illa excellenti sanctitate emineat: semper enim tendit hujusmodi motio ad raram sanctitatem efficiendam, & ad virtutes internas in gradu heroico. Si omnia adversa patientissimè toleret: quia in patientia & tolerantia verus christianitatis spiritus consistit, & præcipuus ejus actus est veterem hominem crucifigere, & ad nihilum redigere. Modus item examinandus est, quo quis impellitur ad opera grandia, & excelsa: est enim aliquando ita vehemens & efficax: ut cor & mentem fortiter trahat & rapiat, cujus rei luculentum extat exemplum, in Apostoli Pauli conversione. Deinde cum impulsus à DEO est, pacem & tranquillitatem cordis conservat: quia factus est in pace locus ejus. Nemini autem ad hæc opera eximia & inusitata aspirare licet, nisi in se testimonium Spiritus Sancti vocantis, & trahentis, atque intrus docentis, quod à DEO certissimè inciteatur, habeat. Ut tandem de anima sic mota rectum feratur judicium, cognoscere oportet, ubi habitet lux gratiæ, ut ait Job, & per quam viam spargitur: *Job. 38.* quod sine Spiritu DEI fieri nequit, quem nemo habet, nisi qui DEUM possideat, & à DEO possideatur. Quia verò hoc donum in paucis reperitur, cavendum est, nè quis temerè sententiam proferat, de via peculiari, per quam spiritus aliquem singulariter dilectum trahit ad se. Adoranda potiùs judicia DEI, quorum abyssus immensa est: summisquè precibus ab eo petendum, ut det Spiritum bonum, nam Spiritus omnia scrutatur etiam profunda DEI. Rectè Gregorius; Lux in hac vita spargitur, quia ad omnis rei intelligentiam continua non habetur. *Lib. 29. moral. c. 12.* Dum enim aliud sicut est deprehendimus, & aliud ignoramus, quasi sparsa luce, & ex partecernimus, & in obscuritate ex parte remanemus. Tunc verò lux nobis sparsa jam non erit, quando mens nostra ad DEUM funditus rapta fulgescet. Qui DEI Spiritu aguntur, quoddam habent experimentum Divinæ erga se providentiæ, sibi què à DEO tantum imponi pondus intelligunt, quantum est virium ad perferendum. At qui spem collocant in suis viribus, quod procul dubio vel à



proprio vel à maligno spiritu procedit, majorem viribus conflictum experiuntur. Fidelis liquidem DEUS est, qui non patitur nos tentari ultra id, quod possumus, sed facit cum tentatione proventum, ut possumus sustinere. Explicat hoc aptissimâ similitudine S. Ephrem: Si homines exiguo intellectu ac mente præditi probare ac discernere nōrunt, quantum pondus, atque onus singula ferre queant animalia, velut mulus & camelus, tantumque addunt oneris, quantum vires tolerant: quanto magis DEUS, qui incomprehensibilis atque ineffabilis scientiâ & intellectu, totusque sapientiâ plenus, novit quantis probationibus & tentationibus indigeant animæ ipsi placere volentes? Qui verò nimis in se confidunt, cadere, & vinci permittuntur ut discant non altum sapere, sed timere.

Card. Bona de  
discr. spir. c. 8.

Ser. 20. in  
Cant.

3<sup>to</sup>. Regula in castigando corpore juxta Card. Bona ante omnia tenenda: Nè quid nimis. Nam DEI Spiritus modum servat, & discretionis metas non excedit. Sapientia est DEUS ait Bernardus, & vult se amari non solum dulciter, sed & sapienter. Unde Apostolus Rationabile, inquit, obsequium vestrum: alioquin facillimè zelo tuo spiritus illudet erroris, si scientiam negligas. Eandem moderationem commendat Gregorius dicens: Sic necesse est, ut artem quæque continentie teneat, quatenus non carnem, sed vitia carnis occidat: Nam plerumque dum plus justo caro restringitur, etiam ab exercitatione boni operis enervatur, ut ad orationem quoque vel prædicationem non sufficiat: dum incentiva vitiorum in se funditus suffocare festinat. Adjutorem quippe habemus intentionis internæ hunc hominem quem exterius gestamus, & ipsi insunt motus lascivia, ipsi affectus suppetunt operationis bonæ. Sape verò dum in illo hostem insequimur etiam civem quem diligimus, trucidamus: & sape dum concivi, parcimus, ad proelium hostem nutrimus.

Card. Bona de  
discr. spir. c. 7.  
Collat. 9. c. 28.  
serm. 7.

4<sup>to</sup>. Regula sunt circa lachrymas, quas affert Card. Bona dicens: Cum varia sint genera lachrymarum, varique fontes unde promuntur, sicut Casianus, & Climacus aliqui Patres asseverant: non exigua pars prudentiæ Spiritualis est scire & discernere quodnam sit earum principium, quis finis & à quo excitentur. Primò enim extenera & molli natura profluere possunt, quæ cum facillè moveatur ad commiserationem statim in lacrymas



lachrymas solvitur, quoties sibi triste aut miserabile occurrit. Nasci possunt 2do actu dæmonis, qui commover humores & cor eorum emollit; qui teneræ complexionis sunt, tamen si peccatores sint, ut specie sanctitatis alios decipiant, & ipsi decipiantur; licet eorum fletum non scelerum detestatio, sed damna temporalia, & ignominia, quæ ex iis oriuntur, extorqueant. Talis fuit planctus & ejulatus Esau. De quo ait Apostolus: quod non invenit pœnitentiæ locum, quanquam cum lachrymis inquisisset eam: non enim flebat peccata sua, qui necem Fratri suo moliebatur, sed quia jus progenitorum ignominiosâ venditione prodederat, nec potuit recuperare. Tertiò movet ad lachrymas Spiritus Sanctus, qui postulare nos facit gemitibus in enarrabilibus, & hoc est donum lachrymarum à sanctis Patribus tantopere commendatum: quod à DEO petendum est, ut virgâ virtutis suæ percutiat silicem cordis nostri, & educat ex eo aquas, quibus mergantur delicta nostra. Hujus fletus salutaris Gregorius *Lib. 3. Dialog. Magni* duo tantum genera statuit, unum ex timore, alterum ex amore procedens. At Bernardus tria genera recenset, devotio- *Lib. 3. Dialog. c. 34.* nis, pœnitentiæ, & fraternæ compassionis. Lachrymarum, quæ *Serm. 3. de Epiph.* à natura procedunt, ratio nulla habenda est, nam ut plurimum steriles sunt & citò arescunt. Quæ verò à dæmone excitantur edunt, ut hypocrisim & superbiam ac tandem ad extremam perniciem inducant. Peccatoribus autem flendi facilitate illudunt, ut inde noxio errore inferant, non defuturam sibi inopstrema vitæ clausula contritionem. Vidi aliquando hominem in malo obduratum, è cujus oculis copiosissimæ lachrymæ effuebant, cum de imminente sibi æternæ damnationis periculo disserentem audiret ob apprehensionem videlicet sui pessimi statûs, in quo tamen nullum erat propositum abstinendi à malis, quæ deflebat. Cavendum igitur est, nè plus momenti in ipsis lachrymis ponatur, quàm in eorum motivo, quod præcipuè attendi debet. Etsi quidem DEUS hoc irriguum alicui dederit, segregans pluviam voluntariam hereditati suæ, utatur sanè DEI dono cum gratiarum actione; sed meminerit omne sacrificium sale discretionis condiendum esse, vitetquè duo extrema, alterum complacentiæ, & arrogantia, nè sibi in lachrymis nimis complaceat, aut extollatur, nè illis sanctitatem suam, &



perfectum Spiritualem metiatur: alterum pusillanimitatis & diffidentiae, ne forte putetur actum esse de salute sua & perfectione sua, si illae desint. Ubertas lachrymarum neminem sanctum facit, nec inopia peccatorem.

Card. Bona de 6to. Regule de Unionem cum DEO habenda, apud Card. Bona, disc. spir. c. 7. qui ait: Divinae operationes in anima, & interna jucunditas ex

illis procedens diuturna non sunt: quia mens luminis claritate reverberata ad semetipsam revocatur, & ad infirmitatis suae tenebras fracta relabitur. Idcirco suspectus est illorum spiritus, qui actualem DEI unionem se semper habere gloriantur. Legimus in Apocalypsi; Factum esse silentium in Caelo quasi media hora: per quod Haymo & Ausbertus significari ajunt brevitate quietis in rerum caelestium contemplatione, quam

Apo. 8. 1.

DEUS Sanctis in hac vita concedit. Sic docet Gregorius in illa verba Job. Et cum spiritus me praesente transiret, inhorruerunt pili carnis meae. Non stat inquit, sed transit spiritus, quia supernam lucem, nostra nobis contemplatio & inhabitantibus aperit, & mox infirmantibus abscondit. In hac siquidem vita quantalibet virtute quis profecerit, adhuc tamen corruptionis suae sentit stimulum. Legimus quidem, fuisse nonnullos eximia sanctitatis viros, qui per plures horas, aut etiam dies, ex speciali DEI gratia, intimam cum ipso unionem habuere, sed hoc rarissimum est, & paucissimis concessum. Alii quoque reperiuntur, qui quoties intro se verrunt, facillime cum DEO uniuntur: at hoc differt à continua unionem: sicut diversum est, posse Principem alloqui quoties libuerit, & re ipsa cum eo loqui.

Job. 4. 15.

Lib. 5. Moral. c. 23.

Lib. 5. Moral. c. 23. Et cum spiritus me praesente transiret, inhorruerunt pili carnis meae. Non stat inquit, sed transit spiritus, quia supernam lucem, nostra nobis contemplatio & inhabitantibus aperit, & mox infirmantibus abscondit. In hac siquidem vita quantalibet virtute quis profecerit, adhuc tamen corruptionis suae sentit stimulum. Legimus quidem, fuisse nonnullos eximia sanctitatis viros, qui per plures horas, aut etiam dies, ex speciali DEI gratia, intimam cum ipso unionem habuere, sed hoc rarissimum est, & paucissimis concessum. Alii quoque reperiuntur, qui quoties intro se verrunt, facillime cum DEO uniuntur: at hoc differt à continua unionem: sicut diversum est, posse Principem alloqui quoties libuerit, & re ipsa cum eo loqui.

Card. Bona de disc. spir. c. 13.

6to. Regule ad Consolationes, & Desolationes discernendas, haec attendendae sunt juxta. Card. Bona ita differentem: Triplex est consolatio, vel enim in solo sensu, vel in sola mente, vel in utroque percipitur. Primum genus aliquando à DEO, aliquando à demone, vel à natura procedit: ab effectibus autem ejus origo discernitur. Cum à DEO est, mentem illustrat, patientiam corroborat, fiduciam erigit, voluntatem accendit, evagationem excludit, sensus reficit, & à rebus terrenis avellit, actandem desinit in veram ac solidam secundi vel tertii generis consolationem.

Quo



Quæ verò à dæmone provenit, tenebras & caliginem ingerit menti, facitque hominem superbum, perversum, impatientem, indocilem, ac tandem in carnis illecebras impellit: nihil enim jucundi nobis obicit callidus hostis, nisi ut venenum melle illitum incautis propinet. Ejus dolos his verbis detegit Richardus. *Fit aliquoties affectus iste dulcis à malo spirita, ut dum nimis ei creditur, eique dum valde delectat inhereatur, ad debilitatem cordis homo perducatur. Item, ut per illius occupationem ab utiliori opere revocetur, & ut abundantia ejus fretus se perfectum credat, & ad perfectum minus exerceatur.* Natura autem cum in omnibus sua commoda quarat, se semper pro fine habet, & in ipsa quiescit. Ideo tutissimum est hanc sensibilem consolationem nunquam desiderare: nam vita Christiani est bene facere, & mala pati. Saepetiam decipimur, eam à DEO esse existimantes, cum à natura vel à dæmone sit. *O quam frequenter exclamat idem Richardus imperfecti & ignari gratiae, moventur carnali gaudio, & naturali alacritate, & moveri se arbitrantur spirituali consolatione!* Unde cumque verò procedat, non debet homo ex nihilo suo exire, neque ei adhærere sed soli DEO, ut semper ei vertatur in bonum. Secundum genus non nisi à DEO esse potest, qui solus humanæ menti illabitur; ejus autem derivatio ad partem inferiorem, tamen si naturaliter fieri possit, Divinæ tamen ut plurimum largitati tribuitur, quæ nostram imbecillitatem dulcedine illâ allicit & confortat. Tunc verò à DEO esse evidens erit, si illa præsentem non extollimur, illâ abeunte non affligimur, sed cum humilitate & gratiarum actione eadem utimur, tanquam conditurâ, quâ inferior appetitus ad solidum cibum edendum excitetur. Primum genus incipientium, reliqua proficientium & perfectorum sunt. Consolatio perfecta quasi cælum serenum nullâ nube obductum, nullo vento perturbatum, eâ pace & tranquillitate animam replet, quam mundus dare non potest. Pignus est felicitatis æternæ, mentem à sensibus abstractam in DEUM transferens, omni gaudio terreno procul expulso. Non enim datur cælestis consolatio admittentibus alienam, nec simul esse possunt deliciae spirituales cum gaudio iniquitatis & vanitatis. Alii hac ubertate sensibilis consolationis repleti, adeo indi-

*ibidem paula  
infra.*

*In Cant. c. 6.*

*In Cant. . 33*



indiscretè se gerunt, ut nimium indulgentes affectui, vel seipfos ultra vires externis poenitentiae operibus excruciantes, salutari corporali plurimum noceant. Alii æstu illo perciti multa temere statuunt, & ad ea vora se obligant, quibus postea natura succumbit, & illo impetu sedati, omnino servari non possunt. Hi modum non habent, nec affluentiam gratiae uti sciunt, putantes sibi licere, quidquid vehemens & immoderata devotio suggerit.

De pro: Rel.

prog. c. 21.

Prov. 15. 16.

Seraphicus Doctor optimum istis consilium præbet, ut se interdum ab huiusmodi vehementia subtrahant, nec se totos illi immergant, sicut scriptum est: *Mel invenisti, comede quantum sufficit. Utilius enim est, ait ille, ad horam habere temperantius gratiam devotionis, quam omnino exhaustis viribus, & destructa virtute naturali, totaliter eam perdere, & irrecuperabiliter eam carere; quia sic destructi postea nimis incipiunt sibi met compati, & ut recuperent vires amissas per indiscretionem, non solum delicatius, sed etiam dissolutius se habere.* Sunt etiam alia sensibiles oblectationes, quas aliquando Imperfectis largitur DEUS, quales sunt, teste eodem Bonaventura: *Mirabilis fragrantia odoris, ineffabilis suavis saporis, & hymnidicæ melodice vocum & sonorum, & actu perceptibiles experientie indicibilium suavitatum, quæ cum vere sint, & à DEO, possumus existimare, quod aut dentur quibusdam novis, & rudibus, qui spiritualia nondum intelligunt, ut saltem per sensibilia consolentur in Domino, qui veritatem purè spiritualium non cognoscunt; aut quod ideo dentur etiam perfectioribus propter redundantiam interioris dulcedinis, ut sicut anima communicat suo corpori quasi comiti & socio viæ passiones suas, ita & communicet consolationes.*

Ibidem c. 20.

*Magnam tamen cautelam in his percipiendis adhibendam esse docet idem Sanctus; quia multi seducuntur in eis, putantes esse à DEO, quod fortè est phantastica deceptio, & aliqui putant esse aliquid magni, quod in se nullius est meriti. Et aliqui extolluntur de talibus apud se, & jactant se quasi de singulari gratia sanctitatis. Illi verò qui carnalibus delectationibus assueti, & nondum bene purgati sunt, sollicitè cavere debent, nè abundantia cælitus immixtæ consolationis, ad corpus emanans in carnalem delectationem, ad quam propensi sunt turpiter desinat: quod nonnunquam incipientibus DEO permittente contingere; & Bonaventura testatur, & experientia demonstrat. Cæterum spirituales consolationes quæ in sola mente*

Ibidem 18.



mente percipiuntur, solidiores sunt, & jam adultæ virtutis commites, atque charitati dant incrementum. Has viri sancti cùm defunt, non optant, cùm adfunt, diligentissimè custodiunt, cùm auferuntur, patienter ferunt, DEUM solùm, non ejus dona quærentes, semperquè parati illis carere. Docet Bernardus : *In Cant. serm.* Nihil efficacius esse ad gratiam promerendam, retinendam, recuperandam, quàm si omni tempore coram DEO inveniamur, non altum sapere, sed timere. *50.* Time inquit cùm arripserit gratia, time cùm abierit, time cùm denuo revertetur. Cùm adest, timendum nè non dignè operemur ex ea; cùm recesserit, multò magis timendum, quia ubi deficit nobis gratia & nos deficimus, quia reliquit nos custodia nostra.

Solius DEI est ex suo instinctu consolationem in anima relinquare nullâ præcedente consolationis causâ, ut S. Ignatius observat in libello exercitiorum, proprium est enim Creatoris suam ingredi creaturam, & illam in amorem sui totam convertere, trahere, & mutare. Nullam verò causam præcedere tunc dicimus; quando nec sensibus, nec intellectui, neque voluntati nostræ quidpiam objectum est, quod hujusmodi consolationem ex se causare possit. Inter justos autem & peccatores hoc interest, quòd justis tanquam similibus placidè illabitur, statimquè discussio timore sequitur consolatio. Peccatores verò tepidos, & minùs spirituales graviùs conturbat, quia sibi dissimiles reperit, ut suprà notatum est, terrore autem concussos gratia compunctionis recreat, quæ eos excitat ad propriam cognitionem, & ad desiderium perfectionis. Primum quidem ait Bernardus, *Serm. de util.* sonans in auribus animæ vox Divina conturbat, terret, verb. DEI. *discr. spir. c. 8.* dijudicatquè; sed continuò, si benè adverteris, vivificat, liquefacit, calefacit, illuminat, mundat. Hinc agnoscimus verissimam esse magis Antonii apud Athanasium sententiam; non esse difficilem In vita S. An- beatorum spirituum malorumquè discretionem. Si enim, inquit, tonii. post timorem successerit gaudium, à Domino venisse sciamus auxilium, quia securitas animæ præsentis Majestatis indicium est. Si autem incussa formido permanferit, hostis est qui videtur. Refert & laudat hanc sententiam Angelicus Doctor, quæ licet de visionibus & apparitionibus à S. Antonio prolata sit, in occultis tamen instinctibus 3. p. q. 30. art. 3. ad 3.



bus locum etiam habet. Ratio autem est: quia ex hoc ipso quod homo supra se ipsum elevatur, pars ejus inferior debilitatur, ex quo provenit perturbatio: sicut etiam calore naturali, ad interiora reducto, exteriora tremunt. Sic Daniel consternatus est initio visionis. Sic B. Virgo ad Angeli salutationem turbata est. Sic commotus est Zacharias viso Angelo, & timor irruit super eum. Sic Joannes initio revelationum cecidit tanquam mortuus, ex ingenti pavore velut exanimatus. Sic Apostoli in transfiguratione Domini, ceciderunt in faciem suam, & timuerunt valde.

Card. Bona de  
disc. spir. c. 7.

Non videtur illorum spiritus à DEO esse, qui se jugiter in deliciis spiritualibus versari autumant; ista enim non interrupta gaudiorum fruitio patriæ est non exilii. Quapropter in eorum mores & vitam diligentius inquirendum est, an diu fuerint variis tribulationibus, quasi aurum in fornace probati: num illæ deliciæ eò referantur, ut magis earum ope in virtute proficiant: num altius exinde in humilitatis studio firmentur. Quod si ex illis nullus aut exiguus percipitur fructus, procul dubio suspitione non carent. Ille item suspectus est, qui sibi revelari ait alterius statum, nisi sit probatæ virtutis, atque ipsa notitia sterilis non sit, sed ad proximi salutem Dei quæ gloriam tendit.

Card. Bona de  
disc. spir. c. 13.

Quoad Desolationes, hæc accipe ab eodem Authore. Omnia dura & amara, quæ DEO agente vel permitte patitur fidelis anima desolationes nuncupari solent, quarum notitia licet ex his, quæ de consolationibus dicta sunt, haberi possit, majoris tamen claritatis gratiâ de illis seorsum agendum est.

Et primò quidem observandum est, duplicem esse desolationem, sensibilem unam, alteram substantialem; illa manet in sola parte inferiori, hæc ita afficit sensus, ut etiam in voluntatem tristitiam deriver, eamque frangat & dejiciat, ut non nisi agrè & cum maxima difficultate spirituales exercitationes aggrediatur. Illa enim aliud est nihil, quàm tædium, angor & agritudo partis inferioris, nullum ex rebus spiritualibus gaudium, sive consolationem sensibilem percipientis: hæc mentis obtenebratio, & voluntatis agritudo est, adeò terribiliter excrucians animam, ut poenis inferni similis esse videatur. Quæ  
sensi-



sensibilis tantum est, & à DEO, & dæmone esse potest, à quo autem sit, effectus ostendunt. Potest etiam à natura provenire, quæ cum seipsam in omnibus quærat, deficiente solatio contristatur, & ab operibus sanctis abhorret, fucata gaudia quærens in creaturis. Cum à dæmone procedit, fit homo impatiens, tepidus, inconstans, plenus diffidentia & desperatione. Cum audit mentionem fieri crucis, patientiæ, humilitatis, tedium & horrorem ostendit, & à proposito virtutis resiliens, ad insana mundi carnisquæ solatia convertitur. Cum autem à DEO est, ad creaturas non divertit, nec ullam in illis reperit consolationem, nullam obscuritatem, nullum virtutis horrorem sentit, sed fixus in DEO manens in piis exercitationibus perseverat, & quod gravior est desolatio, eò magis in illo crescit substantialis consolatio, atque amplius lætatur, quod DEO serviat propter ipsum solum nullâ existente in sensibus suavitate, & nullo sibi proposito gaudio, nisi æterno. Sicut agrotus, cui cibus omnis fastidio est, si crederet stomacho ad cujuscunque rei comestibilis aspectum nauseanti, nullum prorsus alimentum sumeret, nisi optime nòsset, neminem sine cibo vivere posse, ac propterea seipsum impellit ad comedendum, non obstante appetitûs repugnantia: ita desolatus, spiritualibus exercitiis licet cum tristitia & difficultate incumbit, non sensibili dulcedine illectus, sed eorum necessitate convictus.

Observandum secundò est, sensibilem desolationem, cum sola est & mentem non afficit, à viris probis & spiritualibus facile tolerari, cum præsertim experienciâ didicerint, auferri quidem ad tempus gaudium sensibile, sed cumulatus restitui, cum quis ejus subtractionem excelso animo ferens Divino beneplacito generosè acquiescit. Hujus vicissitudinis multæ sunt causæ: nam DEUS homini consolationem largitur, nè deficiat, desolationem, nè superbiat: illa excitat spem, hæc audaciam reprimat: illa erigit pusillanimitatem, hæc parit humilitatem. Sive autem accedat, sive recedat gratiæ dulcedo, diligenti DEUM cooperatur in bonum. Tribuit eam cui vult, & quando vult, eamquæ subtrahit tempore opportuno, nè magnitudo consolationis extollat, nè quasi jure hereditario possideatur, ut sciat hoc



donum non esse volentis, neque currentis, sed DEI miserentis, ut profundius se ipsum cognoscat, ut propriam fragilitatem vereatur, ut semper humilis perseveret, ut habitam gratiam diligentius custodiat, ut amissam ardentius quærat, ut aliorum afflictionibus compati discat, ut patientiæ exhibitione pro peccatis satisfaciatur, nè caro deficiat, quæ dulcedinem spiritûs diu sustinere non posset, ut nimia affectio ad DEI dona tollatur, ut gratis serviat DEO, nec sit velut *amicus socius mensæ*, qui non permanebit in die tribulationis: ut probetur virtus sicut scriptum est: *quia acceptus eras DEO, necesse fuit, ut tentatio probaret te*: ut ex momentanea hujus vitæ desolatione conjiciatur, quam malum & amarum futurum sit, à facie DEI, in æternum separari. Præcipua autem ejus subtractionis causa, si S. Bernardo credimus, superbia est, scilicet sive existens, sive non existat, ut in Apostolo paruit, nè videlicet hunc magnitudo revelationum extolleret, datus est ei stimulus carnis, qui eum colaphisaret. Non excludit alias causas S. Bernardus, sed hæc potissima est, cui probatio & purgatio animæ ab omni adhæsiōe ad se suamque commoda proximè accedit, ut ab omnibus deliciis etiam spiritualibus avulsa, ad intimam cum DEO unionem disponatur.

*Card Bona de disc. spir. c. 14.* Percipitur hæc purgatio miris & acerbissimis modis; nam in parte inferiori privatur homo omni sensibili dulcedine, lachrymæ devotionis arefcunt, fontes gratiarum exsiccantur. Vertitur ætas in hyemem, & qui potabatur fonte voluptatis, repletur amaritudine, dicēs cum Tobia: *Quale gaudium mihi erit, qui in tenebris sedeo & lumen cali non video?* Et cum Isaia: *Aruit herba, defecit germen, viror omnis interiit.* Quandoquidem etiam terrenis facultatibus spoliatur, deseritur ab amicis, traducitur per ora omnium tanquam illus, despicitur tanquam insanus, vita moresque ejus ubique infamantur, gravibus morbis corripitur, à dæmonibus vexatur, & quocunque se vertit, nihil ei occurrit, nisi afflictiones, irrisiones, persecutiones, & plurima mortis imago. In parte verò superiore densissima caligine mens obscuratur, languet voluntas nusquam inveniēns consolationem, nec in DEO, nec in creaturis; omnis æstus amoris refrigerat, & quod gravissimum est, tot tentationibus premitur ut sibi sapius videatur diffi-



diffidentia, blasphemis, ac desperationi consensum præbuisse. Hoc horribile tormentum poenis inferni assimulant, qui experti sunt: ejus autem mirabile exemplum habemus in vita B. Angelæ de Fulgineo, quæ maluisset omne genus martyrii subire, quam talem desolationem pati, ut ipsa de se scribit. Simili modo probata fuit per totum quinquennium in camino tribulationis, S. Magdalena de Pazzis arida, desolata, ab omnibus derelicta, à dæmonibus flagellata, blasphemiarum tentationibus vexata, ac usu rationis fere destituta. Alia exempla prætermitto, & ad remedia accedo, quorum primum est, causam desolationis accuratè investigare; nam si procedit ex culpa & negligentia nostra, ea deleri per poenitentiam & emendari debet. Si ex diaboli impugnatione, illi obsistendum est. Si ex Divina dispositione, fortiter ferenda ejus animadversio; & patienter expectandum, donec discutiat caliginem, & suam iterum infundat lavitatem. Deinde fateri oportet, quod nemo aliquid ex se habet, præter vitia & defectus: atque ideo bonum est præstolari salutem D. E. I. cum patientia: nec deferendum aut minuendum est orationis studium, sed potius augendum exemplo Christi, qui factus in agone prolixius orabat. Sicut autem ille non petiit a Patre, ut à cruce liberaretur, sed ut fieret voluntas ejus: ita nos in omni pressura Divino beneplacito nos offerre & subdere debemus, eique gratias agere dicentes cum S. Job: *Dominus dedit, Dominus abstulit: sicut Domino placuit, ita factum est, sit nomen Domini benedictum.* Tunc cogitandum est à DEO immitti vel permitti desolationes ad illud ipsum emolumentum, propter quod vir probus consolationes expetit, ad mentis scilicet illustrationem, ad ampliorem rerum Divinarum cognitionem, ad humilitatem, ad fortitudinem, ad ardentissimam charitatem consequendam. Neque omittendæ tempore desolationis consuetæ exercitationes, neque mutanda quæ alio tempore constituta sunt: non enim potest sibi benè consulere animus æger. Nobis denique perivaleissimum esse debet, desolationes munera singularia Divinæ providentiæ, experimenta solidæ virtutis, & maximi erga nos amoris indicia esse, quæ non nisi per fidem percipi possunt. Ideo in omni tribulatione vitam pacatam & uictam

Vita c. 2.

Job. 2. 21.



*Haba. 2. 4.* quietam degere & conservare par est: *Iustus enim ex fide vivit*  
*Rom. 1. 17.* ut ait Propheta. Et confirmat Apostolus. Vivit nimirum vita spiri-  
 rituali, quæ ex principiis fidei nata, iisdem regitur & roboratur. Fides autem docet probari justos afflictionibus, sicut aurum in fornace, momentaneum hoc & leve tribulationis nostræ æternum gloriæ pondus in nobis operari, DEUM nobiscum esse in omni angustia, ejus nutu cuncta disponi, tristitiam tandem in

*Psal. 90.* „gaudium mutari, sicut dicit psalmus. Cum ipso sum in tri-  
 „bulatione, eripiam eum & glorificabo eum, & ostendam illi sa-

*Serm. 17. in hunc. psalm.* „lutare meum, quæ verba exponens Bernardus sic loquitur. Cum  
 „ipso sum in tribulatione, ait DEUS, & ego aliud interim re-  
 „quiram quàm tribulationem? Mihi adhærere DEO bonum  
 „est, non solum autem, sed & ponere in Domino spem me-  
 „am: quia eripiam eum, inquit, & glorificabo eum. Bonum  
 „mihi Domine tribulari, dummodo ipse sis mecum, quàm re-  
 „gnare sinè te, epulari sinè te, sinè te gloriari. Bonum mihi  
 „Domine in tribulatione magis amplecti te, in camino habere  
 te mecum, quàm esse sinè te vel in cælo.

*Card. Bona de 7imo. Regulæ circa Ecstases & Raptus istæ dantur. (Ubi*  
*disc. spir. c. 14.* primo aliunde sciendum, quid Ecstasis, Raptus, quotuplex,  
 quomodo fiat) Nimirum debet vir prudens, qui animas re-

*Vide hic 1. 2.* gendas suscepit, cum quis ecstasies patitur sedulo perpendere,  
*tra. 1. cap. 1.* an ejus anima tantæ gratiæ capax sit, an omnem affectum erga  
*sec. 4. sub. 1.* creaturas exuerit, ad quem gradum Divini amoris pervenerit,  
*§ 4. Punct. 3.* quâ puritate niteat, qua humilitate prædita sit. Deinde obser-  
 vandum, an sicut in mente, ita etiam in moribus ecstasim ha-  
 beat; an videlicet vitâ vivat supermundanâ, & in DEUM eleva-  
 tâ per omnimodam abnegationem, cujus enim vita donis hu-  
 jusmodi non consentit, ejus raptus maximo periculo expositi  
 sunt, nec veri raptus censentur, sed diaboli potius illusiones.  
 Non dico quod omni imperfectione carere debeat, quia eleva-  
 tio in DEUM neminem eximit à conditione nostræ mortalitatis-  
 quotidianis defectibus obnoxia, sed hoc solum cavendum, nè  
 sanctitas ex his æstimetur: ex quo etiam fit, ut hæc dona parvi  
 pendenda sint, nisi contingant personis probatæ sanctitatis, qui  
 ex illis proficiant, & in virtutibus solidentur, ita ut evidens sit  
 quod



quod à dæmone non decipiantur. Consilium item saluber-  
 rimum est, tam incipientibus quam provectis illa respuere, &  
 quantum fieri potest impedire exemplo Sanctorum.

Eidem gratiæ sapius resistebat S. Tereſia, præſertim cùm *Card. Bona de*  
 in præſentia ſororum verſabatur; de ſe enim humiliter ſentiunt *diſc. ſpir. c. 14.*  
 ſervi DEI, ſequè indignos eâ gratiâ reputant, & illis moleſtiſ-  
 ſimum eſt, in conſpectu hominum apparere. Par quoque eſt,  
 ut ſapiens director, cùm videt animam ad ſublimiorem ſancti-  
 tatis gradum perveniſſe, id nequaquam illi ſignificet, ſed eam  
 ſinat in ſimplicitate cordis ſui & ſtatus ſui ignoratione DEUM  
 trahentem ſequi. Hæc enim eſt certa tutio donorum DEI,  
 & cuſtodia humilitatis. Quòd ecſtaſis à malo ſpiritu, vel ab  
 aliqua cauſa naturali proveniat, ſignum eſt vel ſaltèm ſuſpicio,  
 cùm quis jactet ſerapi, quandocunquè voluerit, nemini enim  
 datur raptus per modum habitûs, ſed Divina gratia ad ſe ani-  
 mam trahit, quando vult, & quomodo vult. Cùm pro arbitrio  
 ſuo ceſſat ab ecſtaſi, vel ad certam vocem revocatur ad ſenſus,  
 quia virtus Divina non eſt verbis alligata, niſi ſit vox ſuperio-  
 ris ex obedientia vocantis, quod tamen ſignum non eſt infallibi-  
 le, niſi cætera conſentiant. Cùm rapta mens multitudine co-  
 gitationum & ſpeciebus creaturarum occupatur, aut diſtortis  
 phantaſmatibus perturbatur: nam in verò raptu in uno DEO  
 deſixa mens, & in ipſo mirabiliter ſubſiſtens omnium oblivifci-  
 tur, quæ extra ſe ipſam ſunt, ut nec quidem pro amicis orare  
 poſſit, aut aliquid velle, niſi quòd ipſe vult. Si quis etiam  
 per plures dies ſinè cibo & potu in ecſtaſi permanear  
 miraculo adſcribi ſolet, ſed non ſemper hoc evincit ecſtaſim eſſe  
 ſupernaturalem, multas enim multorum hitorias referunt me-  
 dici, qui citra miraculum abſque cibo & potu diu incolumes per-  
 manſerunt. Plures in quæſtionibus medicolegalibus congerit  
 Zachias. Illorum quoquè falſæ ſunt ecſtaſes, qui geſtibus & *Lib. 4. tit. 1.*  
 motibus indecoris rapiuntur, qui in ipſo raptu verba proferunt *q. 7.*  
 inutilia, confuſa, inepta, indiſcreta: qui ipſas ſuas ecſtaſes oſten-  
 rant, ſibi què factas revelationes de rebus vanis, inutilibus, &  
 curioſis: qui non ſtudent meliores fieri, & ſe in humilitate cu-  
 ſtodire. Optimè Cajetanus: Oportet advertere in hujus-  
 modi alienationibus, ſi intervenit aliquid indecens ſecun- *2. 2. q. 173.*  
 dùm *art. 3.*



„dum motus intus insecos & extrinsecos, sive sit indecentia naturæ, sive indecentia moris: quoniam tunc non est alienatio prophetica, sed infirmitatis vel fictionis vel illusionis diabolicæ, aut naturaliter animalis ex nimia meditatione alicujus. Idem addit ibidem. Alienatos in ipsa alienatione loquentes, qui postmodum nescientes quid dixerint, qui ad eas referunt, quæ in ecstasi dixerint, itemque eos qui velint, nolint, quæcunque vident, quasi acti ab alio enunciant, non esse veros prophetas. Et hinc patet inquit quod personæ in ecstasi posite loquentes in persona Christi vel alterius sancti, quasi actæ ab illo, & non ex proprio sensu, aut seducuntur, aut seducunt. Et tamen mundus stultus miratur, stupet, adorat huiusmodi verba, huiusmodi actus, huiusmodi personas. Non

I. Cor. 14 32. enim advertunt, quod sicut docet Apostolus: Spiritus Prophetarum Prophetis subiecti sunt, mente scilicet quieta loquuntur, neque impetu aguntur velut fanatici, sed possunt tacere cum volunt, & sermonem in tempus opportunum differre.

Ibidem Card.  
Bona.

Ecstasis Divina plena est timoris atque formidinis, quia licet anima propensionem ad DEUM maximam habeat, tanquam ad finem & centrum suum, ille tamen modus tendendi ad ipsum sine sensuum ministerio, utpote alienus à naturali conditione horrendum illi timorem incutit: qualis homini accideret, qui cum cæpisset in altissimam turrin per scalæ gradum paulatim ascendere, repente raptus per aëra in apice turris poneretur. Hæc autem formido summam parit humilitatem, tum propter periculum gravioris lapsus à loco sublimiori; tum quia anima ad lucem inaccessibilem elevata videt in ea minimos quosque defectus suos, clarèque cognoscens quantum distet à puritate & perfectione, quæ sibi necessaria est, ut tantis DEI donis digna sit, timore & confusione repletur.

Ibidem.

Cum homo exterior eodem ferè modo, tam in vero, quam in falso rapto se habet, ut unum ab altero internoscatur, inquirenda primum est ejus origo & occasio, tum omnes circumstantiæ & effectus examinandi. An videlicet ex intenta alicuius obiecti meditatione, an ex magnitudine amoris processerit. An ecstasi repentinâ absorptus fuerit, an data aliqua occasione, & quæ illa sit. An ex aliqua visione, & in ea quid senserit,

tam



tam in anima, quàm in corpore. An positus in ecstasi aliquid intelligat, & si quæ fuerint aliarum potentiarum operationes. An audierit aliqua verba, & quæ sint illa, & an viderit ea proferentem; an sint admonitiones & consilia, & ad quid tendant, an pronuntient aliquid futurum, & tunc eventus veritatem ostendet: an defectus vel peccata alicujus manifestent, & cui bono: an alicui infamiæ nota inuratur. An ecstasis in locis publicis & ubi major hominum frequentia sæpius contingat: an illi conetur resistere, an quærat se abscondere. An meminerit post raptum eorum, quæ vidit & dixit: an mente firmiter hæreant etiam post longum tempus: nam si omnium obliviscitur, morbus potius quàm ecstasis censeretur debet. An de raptu, ejusquæ veritate dubitet; nam qui verè raptus, nullatenus dubitare potest, quin in DEO fuerit, & DEUS in illo. An remaneat in corpore langvor, macies, debilitas, sicut ait Daniel propheta. *Vidi visionem grandem hanc, & non remansit in me fortitudo, sed & species mea immutata est in me, & emarcuit, nec habui quidquam virium*: quia vi mentis in rerum Divinarum contemplatione defixa, calore quoque vitali ad mentis functionem contracto, & vehementia amoris in partem sensitivam redundante, necesse est obtundi vires vitæ corporali servientes, & frigescere corpus & pallescere & infirmari. Hac itaque de causa solet raptus modico tempore durare propter violentiam quæ sensibus & corpori inferitur. Nec obstat, quòd prolixiores raptus, quibusdam viris sanctis interdum accidisse legamus: nam vel aliqua intermissio, vel minùs perfectæ alienatio erat; præterquam quòd in nonnullis nimia virium imbecillitas deliquium, & quandam à sensibus alienationem operatur, quod ex hoc evidens fit, quia si nimia eorum jejunia impediuntur, si deperditæ vires restarentur, protinus cessant in eis raptus; quo remedio usam fuisse S. Tereciam erga quandam Monialem constat.

Dan. 10. 8.

8<sup>ta</sup> vo Regule in visionibus & apparitionibus, quæ quid sint, quod duplices, aut quomodo fiant alibi visum, porriguntur & quidem quoad contingentes per somnia:

In fundat. c. 6.

Card. Bona de disc. spir. c. 16.

1. Somniorum naturalium alia sunt temerè & fortuito

Ppppp

&amp;



& quæ nihil prorsus significant, nec ullam cum futuris connexionem habent, & hæc omnia reiicienda, atque spernenda sunt. Alia statum seu constitutionem, sive temperamentum somniantis indicant; & ex his solent Medici morborum causas investigare. Nulla autem sunt, quæ naturaliter futura contingentia prælagiant.

2. Somnia, quæ inutilia, superstitiosa, & vana suggerunt: quæ tetra, horribilia, aut obscena representant, vel ad malum quocunque modo provocant: seu quibus occulta manifestantur ad solam curiositatem, vel ad inanem scientiæ ostentationem spectantia: aut futura prædicuntur, quæ postea ex eventu falsa dignoscuntur; à dæmone, vel à natura oriri evidens est.

3. Si somnia accidant incompressa, turbulenta, ridicula, monstrosa, & quæ statim evanescent ac dissipantur, non sunt à DEO: ipse enim omnia facit in numero, pondere, & mensura, nec est aliquid inordinatum, vel inutile in operibus ejus. Ipse somnia immittit, ut signa sint alicujus rei, quam vult eo modo manifestari, ac proinde semper aliquid significant.

4. Divinorum indicia sunt res ipsæ, quæ per somnium innotescunt, si ejus generis sint, & nonnisi à DEO revelari queant, qualia sunt arcana cordium, intimæ cogitationes, abdita fidei mysteria, futura contingentia, quæ pendent à libero arbitrio, & quæcunque hominum cognitionem excedunt: nisi forte talia fuerint, ut ea diabolus ex conjecturis vel aliunde scire possit. Solet etiam DEUS, cum somnia immittit, miro quodam fulgore mentem illustrare, & voluntatem sic afficere, ut illis firmiter hæreat, & certò sciat à DEO esse, nec ullo unquam tempore eorum obliviscatur.

5. Ex modo quo contingunt, cum multa in eo diversitas sit, certa ipsarum discretio haberi non potest. Nam Divina aliquando placidissimè, aliquando cum ingenti corporis & animi commotione atque horrore efficiuntur. Aliquando datum est alicui somnium, sed non ejus intelligentia, sicut Pharaoni & Nabuchodonosor: aliquando utrumquè, sicut Prophetis. Alia ut diximus, clarè & apertè quod DEUS vult manifestant: alia obscure & per varias similitudines, atque ænigmata. Alia respondent



spondent præcedentibus in vigilia cogitationibus; ut somnium Joseph prius cogitantis dimittere conjugem, postea in somniis admoniti ut acciperet: alia de rebus fiunt ab omni prævia meditatione remotissimis. Tutiora igitur & certiora indicia sunt, quæ ex ipsis rebus in somnio ostensis desumuntur; quibus & illa adjungi debent, quæ suprâ allata sunt, cum de spiritibus discernendis actum est.

Quoad Apparitionem & Visionem extra somnia intellectualem dicit sæpè laudatus author: Omnes in hoc conveniunt, quod hæc Visio ab illusionibus immunis est. Potest quidem dæmon aliquid effingere, quod visioni intellectuali simile sit, idquæ animæ inexpertæ & minùs cautæ obtrudere: verùm ficta ab hoste visio multùm à vera differt, & ab effectibus facillè dignoscitur. Veræ siquidem effectus sunt, gaudium, pax, & tranquillitas animæ, puritas & illuminatio mentis, augmentum fidei & charitatis, humilitas, & elevatio Spiritûs in DEUM. Falsa verò superbiam, sui æstimationem, animi perturbationem, atque ariditatem producit. Illa diu permanet, & nunquam ferè à memoria excidit; hæc citò desinit, & sicut fumus evanescit. Nullum autem certius indicium veræ visionis, quàm humilitas: cum enim DEO comparati nihil simus, quò magis ad illum accedimus, eò clariùs cognoscimus nos nihil esse.

Card. Bona de  
disc. spir. c. 18.

Dæmonem spectra his indicis discernuntur, si is qui apparet fallam vel malam apparitionis causam prætexit; si curiosa & minimè necessaria revelat, aut quæ nescire expediret: si res sacras, & sacramentalia detestatur: si ad Crucis signum & ad nomen JESU horrescit, vel minus reverenter se habet: si mendax, aut de mendacio suspectus est: si formam corporis indecentem, & gestus parum modestos exhibet: si animum turbatum ostendit: si vultu tetrico, deformi, irato se spectandum præbet: si voce stridula, confusâ, obscurâ, ignotâ loquitur: si hominem vexat & terret, atquæ molestus & importunus est. Forma quoque apparentis attendi debet, humana omnibus spectris communis est, sed si atra, deformis, mutila, inusitata sit, malum sub ea spiritum latere demonstrat. Suspecta quoque habenda quælibet apparitio sub specie mulieris, nisi Beatæ Virginis

Ibidem Card.  
Bona cap. 19.



ginis & Sanctarum sit. Forma bruti vel monstri nonnisi diabolus convenit; animæ enim separatæ, tamen si damnatorum, cum DEO permittente viventibus apparent, eam formam assument, ex qua possint cognosci. Rugitus, grunntus, stridores, clamores, tumultus, voces inarticulatæ, blasphemiar, imprecationes, convicia, vel demonum, vel damnatorum sunt. Obsequia viventibus præstita possunt quidem probabiliter, cum honesta & humilia sunt, nihilquæ habent admixtum levitatis, à bono spiritu esse; cautè nihilominus admittenda; nam subtilissimæ sunt demonis artes, quibus illudit humano generi. Malum quoque à bono spiritu non distinguunt exhortationes ad virtutem, & peccantium redargutiones: diabolus enim minus bonum aliquando persuadet, ut majus impediat: & ad aliquem actum virtutis hortatur, ut facilius incautos decipiat, & successu temporis ad horribiles lapsus sensim inducat. Stigmata Christi, quæ in corpore Sancti Francisci impressa fuerunt, aliis item Divinitus inusta, fide digna monumenta commemorant: sed in his etiam sathanæ fraudes locum habere satis superquæ probant portentosa signa Christiano orbi notissima Monialis Ulsiponenfis, & Magdalenæ Cordubensis, quæ ambulantes in magnis & in mirabilibus super se, hostis ludibrio expositæ, stigmata in manibus, pedibus, & latere artificiosè ficta ostentabant, plebe admirante, & magnis etiam viris in errorem inductis, donec tandem vesana earum consilia & commentitiæ plagæ, ac diaboli potestatem in eas exercentis fallacissimæ imposturæ detectæ sunt: ex quibus liquet quanta in his cautela adhibenda sit. Animæ damnatorum, si DEUS permiserit eas apparere, iisdem signis deprehendi possunt, quibus diabolicæ apparitiones dignoscuntur: nullum siquidem video inter illas discrimen esse. Quæ in purgatorio sunt, nonnisi ut suffragia petant, ad nos mitti solent; quibus obtentis non redeunt, nisi fortè ut gratias agant: quod si aliquid restitui mandent, certasquæ preces & sacrificia postulent, atque iis peractis adhuc molestæ sunt, mali spiritus indicium est. Mala viventibus illata, aliquando à reprobis spiritibus tanquam ministris Divinæ justitiæ, aliquando à bonis DEO imperante infliguntur: nec facile poterunt inter-

nosci,



nesci, nisi sedulò examinentur singulæ rerum, locorum, temporum, & personarum circumstantiæ. Heliodoro templum expilanti apparuerunt duo iuvenes virtute decori, optimi gloriâ, speciosique amictu, qui circumsteterunt eum, & ex utraque parte flagellabant sine intermissione multis plagis verberantes. Ex quibus verbis perspicuum est, impium hominem à bonis Angelis castigatum fuisse. Multa ejusdem generis occurrunt in Ecclesiastica historia, quæ brevitatis gratiâ prætermitto.

2. Mac. 36

Denique Sancti Patres optimum esse indicium bonæ apparitionis docent, si ad primum aspectum ejus qui apparet perturbetur homo, & terrore ac horrore quodam concutiat; postmodum verò ab omni anxietate ac timore liber internâ quadam dulcedine perfundatur, quæ charitatem, & humilitatem augeat, & altissimæ perfectionis desiderium excitet. Quod si initio lætitiæ quædam oriatur in mente, quæ postmodum in horrorem & incrorem convertatur; aut horror initio conceptus diu perseveret, signa hæc sunt, quòd ille qui apparuit spiritus nequam est. Hunc verò terrorem initio apparitionis non credo esse signum universè verum: in his enim qui Angelicis sanctisque visionibus asservi sunt, cessare videtur hujusmodi terror, ipsâ assuetudine terrorem tollente. Cum igitur non ignoremus sathanæ astutias, non omni apparitioni credendum est, nec apparenti sub Christi effigie cultus statim exhibendus est: etenim considerare oportet, posse ibi latere dæmonem, & periculum imminere, nè illum adorans in crimen idololatriæ labatur. Præclare Bonaventura propositâ hac quæstione: An qui adoraret diabolum putans illum Christum peccaret; sic respondet. Dicendum, quòd honor latriæ potest exhiberi ad versario Christi dupliciter. Aut simpliciter, aut sub conditione. Si simpliciter, dico quòd non potest esse sine peccato: nec excusatur ratione ignorantie. Habet enim triplex adjutorium, per quod potest errorem evitare. Primum est remedium præmonitionis sacre scripturæ, quæ multoties dicit, quòd multi in nomine Christi venturi sunt mendaces. Secundum est remedium orationis internæ, quâ ad DEUM debet homo recurrere, ut cor ejus illuminetur. Tertium est

Ibidem Card. Bona cap. 19.

An 3. sent. de 9. q. 6.

PPPPP

suspension-



„ suspensio credulitatis, non enim debet homo omni spiritui  
 „ credere, sed probare qui ex DEO sunt. Qui enim citò cre-  
 „ dit talibus, levis est corde: & fortassis etiam inflatus est cor-  
 „ de, dum ad tales visiones & revelationes idoneum se esse exi-  
 „ stimat. Unde tales visiones vel apparitiones potius sunt for-  
 „ midandæ, quàm desiderandæ. Narratur enim de quodam  
 „ S. Patre, quòd, cum ei diabolus in specie Christi appareret,  
 „ ille clausis oculis dixit, se in hac vita nolle Christum videre;  
 „ & diabolus humilitate ejus confusus statim evanuit. Ideo si  
 „ quis simpliciter adorat Christi adversarium, non excusatur  
 „ à peccato, etiamsi credit ipsum esse Christum. Si autem  
 „ adoret sub conditione, hoc potest esse dupliciter. Aut quia  
 „ est illa conditio habitualiter, aut actualiter considerata si-  
 „ ve apposita. Si actualiter, non adorat ipsum Luciferum, sed  
 „ magis Christum; quia non stat adoratio, nisi stante conditi-  
 „ one, & ad eum refertur adoratio, ad quem refertur adoratio-  
 „ nis implicatio. Si autem illa conditio sit sub consideratione  
 „ habituali, non sufficit ad vitandum peccatum idololatriæ.  
 „ Quod si aliquis habens discretionem spirituum, vel speciali lumi-  
 „ ne à DEO imbutus certò sciat, nullam in apparitione illusio-  
 „ nem subesse, is apparenti debitum cultum sine culpa præbere  
 „ poterit; tutius tamen est, hujusmodi apparitiones reiicere, se-  
 „ què illis indignum fateri: atque omnia ad Confessarium vel su-  
 „ periorem referre, eiquè exactè & humiliter obedire exemplo S.

*Fundat. 6. 8.* Theresiæ, quæ tamen si evidenter cognosceret Divino Spiritu e-  
 docta apparitiones à DEO esse, nihilominus Confessario existi-  
 manti illusiones diabolicas esse, morem gerere, & personas sibi  
 apparentes jussu ipsius spernere, & exhibere non verebatur;  
 donec à viro docto intellexit, id fieri non debere, quia imagini  
 Redemptoris nostri, etiam à dæmone efformatæ, par est reve-  
 rentiam & honorem exhibere.

9mo. *Regule* in discernendis Revelationibus (quarum de-  
 finitio, divisio, modus aliunde patet) hæc proponuntur. Quan-  
 quam difficillima hæc res est, quam ut clarè & methodicè, quan-  
 tum fieri potest, expediamus, quæcunque ad eam pertinent, ad  
 tria capita revocanda sunt: ad personam scilicet cui facta est re-  
 velatio



velatio, ad ipsam revelationem, & ad ejus circumstantias. De singulis autem quædam veluti leges tradendæ, quæ ad rectè & prudenter de re proposita judicandum necessariæ sunt.

Ordior à persona, cui facta revelatio perhibetur. Ejus in primis examinanda fides, an sit verè Catholica, quia *sine fide impossibile est placere DEO*. Quod si in fide nulla sit labes, adhuc observandum est, an mores fidei consentiant, quia *fides sine operibus mortua est*. Ideo non credendum superbis, pervicacibus, avaris, carnalibus, iracundis, impatientibus, hypocritis: illis etiam qui præcipientes, indiscreti, & inconstantes in spiritualibus exercitiis sunt: qui sine legitima missione in officia pastoralia se ingerunt; qui mulierculas peccatis onustas, ut olim Montanus & alii Hæresiarchæ, circumducunt: qui nova & singularia pietatis & poenitentiae exercitia à superioribus non approbata disseminant: qui affectatæ sanctitatis indicia præbent; qui discordias & disidia serunt; qui adhuc imperfecti & incipientes se temerè jaçant ad fastigium perfectionis pervenisse: qui aliorum spernentes consilia, & superiorum examen subterfugientes, se de omnibus à Spiritu Sancto doceri gloriantur; qui se ab aliis contemni ægrè ferentes, eos odio prosequuntur, qui vitam & mores ipsorum non probant: qui in ipsis revelationibus sibi complacent, & cum illis carent, impatientes & tristes fiunt.

Attendendum, an solidâ & profundâ humilitate prædita sit. Vera enim revelatio humanæ miseriæ & imbecillitatis agnitionem parit, & ut S. Macarius Ægyptius ait: *Anima, quæ verè DEUM ac Christum diligit, licet mille justitiæ opera ediderit: licet dona spiritûs varia, aut etiam revelationes celestes consequi digna habeatur, ita se gerit, ac si nihil haberet propter immensam & insatiabilem dilectionem*. Hinc Isaias, cum vidit DEUM sedentem in solio excelso, porrinus se virum pollutum labiis professus est. Jeremias quoque, cum se à Domino sanctificatum percepisset, se infantem & elingvem prædicavit. Apostoli auditâ voce DEI Patris dicentis: *Hic est filius meus dilectus*, ceciderunt in faciem suam & timuerunt valde. Paulus, ut observat Ambrosius, in infirmitatibus sibi placuit, non in revelationibus. Ante annos quatuordecim revelationem se habuisse scribit, & tamen eam apud se

Heb. II. 6.

Jacob. 2. 26.

Hom. 10.

Isai. 6. 5.

Jer. 1. 6.

Matth. 17. 6.

In Psal. 36.

20.

2. Cor. 12.

tam



tam diu tenuit & represit: nec dixisset nisi utile nobis iudicasset ut diceret: ne nos revelationibus extolleremur. Si enim in tanta gratia non est gloriatus Paulus, nec nos gloriari oportet. Si quis ergo ex revelatione in superbiam elatus se aliis præfert, si aliquod præbet indicium propriæ æstimationis, non veram revelationem, sed illusionem habuisse censendus est. Humilitas siquidem

*Epist. 27. c. 7.* dem teste Hieronymo, prima virtus Christianorum est, omniumque virtutum fundamentum, ut docet Angelicus Doctor, *2. 2. q. 161. art. 5. ad 2.* removens superbiam cui Deus resistit: ut sciamus, inquit Apostolus, quæ à DEO donata sunt nobis: neque enim homo idoneus est ad Divinos influxus percipiendos, nisi cognoscat, quod ex se nihil potest, sed DEUS qui operatur omnia in nobis: & hoc

*Sap. 8. 21.*

ipsum est sapientiæ scire cujus hoc donum sit. Aliud est autem superbiam ex revelatione oriri, aliud post revelationem ad eam diabolicâ tentatione moveri, nam primum falsæ revelationis signum est, alterum nequaquam, cum illæ præsertim, qui ad elationem excitatur, fortiter hosti reluctatur.

Consideranda corporis constitutio, ex qua plerumque animi mores pendent. Etenim facile decipi possunt, qui parum firma valetudine utuntur: qui turbidæ ac vehementis imaginationis sunt: qui atrâ bili abundant, quæ depravare phantasiâ solet, variasque imagines turbatis sensibus imprimere, adeo ut vigilantes sibi somnia fingant, atque ea se videre & audire existiment, quæ nec visu nec auditu percipiunt. Ex longa item inedia, crebrisque jejuniis ac immoderatis vigiliis exsiccatō cerebro, dissipatisque spiritibus inania phantasmata representantur: quibus illusa mens tanquam Divinis revelationibus pertinaciter adhæret. Plurimum quoque refert, disquirere & cognoscere qualis sit & fuerit is, qui habet revelationes, an studio virtutum & orationis sedulo incumbat: an vivat proprio arbitrio, vel sub obedientia discreti, experti, & maturi præceptoris: an integer animi sit, ac bonæ indolis: an moderatus in sermone, sive de rebus Divinis, sive de indifferentibus instituatur: quæ patientiâ toleret adversitates & contradictiones: an suas revelationes passim evulget & quò fine: quomodo & à quibus instructus fuerit, cum quibus conversetur: quibus exercitationibus



nibus affueverit, quibus studiis delectetur: sine pauper an dives: nam in pauperibus fictio, in divitibus ambitio tinenda est: sine senex, an puer; nam senes exhaustis viribus sapius delirant; pueri autem, qui cerebro humidiori sunt, facile commoventur, & falsa pro veris apprehendunt. Fraus etiam vel deceptio incipientibus metuenda est: cito enim fallitur novitius fervor, præcipue in adolescentibus, quorum ardor nimius est, motus inconstantes, imperus præceptis & effrænis. Nec omitenda est aliarum revelationum, si quæ præcesserunt, consideratio, an veræ fuerint, an à peritis approbatæ: an unquam diabolus eos deceperit, vel decipere conatus sit.

Major cautio erga foeminas adhibenda, quarum sexus eò suspectior est, quò imbecillior. Naturæ sunt humidioris, & ex vehementia cogitationum & affectuum putant se videre quæ cupiunt, & quod ab animi perturbationibus nascitur, quæ in ipsis acerrimæ sunt, à veritate oriri credunt: cumque ratione minus polleant, non est difficile diabolo earum nativâ imbecillitate uti, ut eas primùm variis illusionibus decipiat, & per easdem alios in errores inducat. Notabile est, quod de sanctissima Matre sua scribit Augustinus: nam cum maximè optaret è *Lib. 6. Confess. c. 13.* libidinis coeno filium educere, de futuro ejus matrimonio jugiter cogitabat, optans aliquid de illo sibi per visum ostendi. Et videbat quædam vana & phantastica, quò cogebat imperus, de hac re satagentis humani spiritus, & narrabat mihi ait Augustinus, non cum fiducia quâ solebat, cum tu demonstrabas ei, sed contemnens ea. Et hæc quidem decepta non fuit, quia gratiâ discretionis prædita sciebat, quid interesset inter DEUM revelantem, & animam suam somniantem. Sed quia non omnibus hoc datum est, debent Prælati & Rectores animarum mulierum revelationibus obsistere, & eas spernere, & increpare, quòd ambulare audeant in mirabilibus super se. Tum in earum mores studiosè inquirendum, an sint vagæ, garrulæ, superbæ, avaræ, criminatrices: an aliquam vel minimam impudiciæ suspicionem præbeant: ac contra præceptum Apostolici officii docendi & prædicandi se ingerant: an cum suis Confessariis, & Instructoribus modestè se gerant, nam si prætextu confessionum vel instructionum continuis colloquutionibus diem terant, sint-



quæ totæ in narrandis visionibus & revelationibus, nulla pestis perniciosior est, nullum venenum insanabilius. Hinc doctissimorum virorum lapsus orti sunt, hinc plures Ecclesiæ columnas corruisse ex Ecclesiastica Historia didicimus, & deploramus. Omnes hæreses muliercularum ope aut inventas aut dissemina-

*Adv. Pelagium.*

tas præclare Hieronymus docet ad Cresiphontem ita scribens:  
 „ Simon Magus hæresim condidit Helenæ meretricis adjutus  
 „ auxilio. Nicolaus Antiochenus omnium immunditiarum  
 „ repertor, choros duxit fœmineos. Marcion Romam præmisit  
 „ mulierem, quæ decipiendos sibi animos præpararet. Apelles  
 „ Philomenen suarum comitem habuit doctrinarum. Monta-  
 „ nus immundi spiritus prædicator, multas Ecclesias per Priscam &  
 „ Maximillam nobis opulentas fœminas primum auro corruptit,  
 „ deinde hæresi polluit. Dimittam vetera, ad vicina transcendam.  
 „ Arius ut orbem deciperet, sororem Principis ante decepit. Dona-  
 „ tus per Africam, ut infelices quosque fœtenibus pollueret  
 „ aquis, Lucillæ opibus adjutus est. In Hispania Agape Elpi-  
 „ dium, mulier virum, cœcum cœca duxit in foveam, successio-  
 „ nemque sui Priscillianum habuit Zoroastriis magi studiosissi-  
 „ mum, & ex mago Episcopum: cui juncta Galla, non gente,  
 „ sed nomine, germanam huc illucque currentem alterius &  
 „ vicinæ hereseos reliquit hæredem. Possem & alia multa at-  
 „ texere sequentium seculorum exempla, sed hæc abundè suffi-  
 „ ciunt ad eorum instructionem & cautelam, qui animas regen-  
 „ das susceperunt, nè facile credant mulierum revelationibus, illis  
 „ exceptis, quas longâ experienciâ & diligenti examine probave-  
 „ rint à DEO esse.

Sic ab hominibus humanâ & Divinâ sapientiâ præditis  
 S. Theresiæ visiones & revelationes approbatæ fuerunt variis  
 indiciis & argumentis, quæ operæ pretium est hic summatim  
 referre, ut ad hæc veluti ad lydium lapidem oblatas revelatio-  
 nes examinare, bonumque spiritum à malo discernere valeant,  
 quicumque huic curæ incumbunt. Spiritum igitur Theresiæ  
 bonum esse, & veras revelationes hæc signa demonstrarunt.  
 Semper timebat diabolicas illusiones, ac propterea nunquam  
 visiones petiit aut desideravit: imò potius DEUM exorabat,

ut



ut eam duceret per viam consuetam, hoc solum optans, ut fieret in ea Divina voluntas. Cum soleat dæmon præcipere, ut quæ revelat nemini dicantur; illa semper à spiritu sibi apparente audiebat, ut communicaret cum viris doctis, nè fortè tacens deciperetur: ideo se virorum illustrium examini subjecit, qui tunc doctrinæ & sanctitatis laude in Hispania florebant, quales fuerunt Petrus de Alcantara, Franciscus Borgia, Joannes Abulensis, Balthasar Alvarez, Dominicus Bannes, & alii. Suis directoribus exactissimè obediebat, & post visiones magis in charitate & humilitate proficiebat. Libentius cum illis agebat, qui minus creduli & magis timidi erant; eosquè magis amabat, à quibus persecutiones patiebatur. In ejus mente summa tranquillitas & jucunditas erat, exuperans omnes mundi consolationes: ardentissimus in ea zelus animarum, purissimæ cogitationes, magnus candor, fervens desiderium perfectionis. Si quæ in illa imperfectio, si quis defectus erat, de illo semper reprehendi ab eo solebat, qui intus illi loquebatur. Dictum est ei, ut, si quæ justa sunt à DEO peteret, ea indubitanter obtineret: multa autem petiit & semper obtinuit. Quicumquè cum illa versabantur, nisi prava dispositio obstaret, ad modestiam, ad pietatem, ad amorem DEI ex ejus consuetudine excitabantur. Visiones ut plurimum ei contingebant post longam & ferventem orationem, sive post communionem: & in illa accendebant ardentissimum desiderium pro DEO patiendi. Carnem suam jejuniis, flagellis, ciliciis castigabat; & gaudebat in tribulationibus, murmurationibus, & infirmitatibus. Solitudinem amabat abhorrens ab hominum conversatione, & ab omni rerum terrenarum affectu prorsus avulsa. Tam in prosperis, quàm in adversis eundem semper tenorem, eandem animi tranquillitatem servabat. Nihil unquam in ipsius revelationibus, earumquè adjunctis viri docti observârunt, quod à regulis fidei & Christianæ perfectionis alienum esset: nec erat in illis quod posset reprehendi. Hæc signa si in aliquo deprehensa fuerint, nullatenus dubitandum, quin ejus revelationes à DEO sint. Hoc etiam in persona, quæ habet revelationes, discutiendum est, an ejus actiones lumini, quo imbuitur, consentaneæ



sentaneæ sint : an sit fidelis Divinæ dispositioni, eiquè pareat eâ pace, hilaritate, ac vigilantia, quæ necessaria est : an in cordis simplicitate ex fide vivat, nec variis ac inutilibus desideriis agiteretur ; sitquè constans in vita & vocatione sua : an omnes ejus operationes & conatus extensioni gratiæ, quâ prædita est, commensurentur, nec ultra extendantur : & quia gratia amorquè crucis pari passu gradiuntur, seriò attendendum est, an crucem verè amet & desideret, mundiquè leges & sensuum illecebras abominetur.

Sed à personis ad ipsas revelationes progrediendum est & examinandum, quale sit illud, quod revelatur.

Card. Bona  
loco cit.

Cap. 1. 8.

2. C. 2. 14.

Act. 15. 28.

Psal. 118.

Har. 48.

De pp. anim.  
ad cont. c. 81.

1. Petri. 2.

Veritas autem primo loco attendenda est, & consensus rerum revelatarum cum sacris literis, cum Divinis & Apostolicis traditionibus, cum moribus & definitionibus Ecclesiæ ; dicente Apostolo ad Galatas : quod si Angelus de cælo evangelizet nobis præter id quod accepimus, anathema sit. Et idem Thessalonicensibus edixit : *Tenete traditiones, quas didicistis.* Ecclesiæ verò infallibilis est autoritas Apostolis attestantibus, qui hanc gravissimâ formulâ in definiendo usi sunt : *Visum est Spiritui Sancto, & nobis.* Quodsi aliquid in revelationibus reperitur, quod his aliquo modo adversetur, tanquam mendacia & illusiones rejiciendæ sunt ; DEUS enim veritas est ; & illi canit Psalmographus : *Principium verborum tuorum veritas.* Quapropter Epiphanius, Maximillæ revelationibus credendum non esse asserbat, quia sacris literis non conveniebant. In hanc sententiam egregiè loquitur Richardus à S. Victore : *Suspecta est mihi omnis veritas, quam non confirmat Scripturarum auctoritas, nec Christum in sua clarificatione suscipio, si non assistant ei Moyses & Elias. Si Christus docet me de rebus exterioribus, vel de intimis meis, facile recipio, utpotè in his quæ comprobare possum proprio experimento. Verum ubi ad alta mens ducitur, quoniam de cælestibus quæstio ventilatur, ubi de profundis rebus agitur, in tanto sublimitatis vertice non recipio Christum sine teste, nec rata poterit esse quamlibet verisimilis revelatio, sine attestatione Moysis & Eliæ, sine Scripturarum auctoritate.* Hanc formam secutus est Princeps Apostolorum, Christi enim transfigurationem enarrans, & vocem à DEO Patre delapsam,

Hic



*Hic est Filius meus dilectus, in quo mihi complacui, ipsum audite*; quam se audisse testatur, cum esset cum ipso in monte sancto, speculator factus illius magnitudinis; noluit tamen ei revelationi inniti, nisi quatenus Prophetarum oraculis consentanea fuit. Et ideo ait: *Habemus firmiorem propheticum sermonem, cui bene facitis attendentes, quasi lucernae lucenti in caliginoso loco*: ac si aperte diceret; quamvis vox è caelo delapsa revera à DEO Patre manarit, sermo tamen propheticus certior est & firmior omni scientiâ, omnique visione & revelatione, quia falli sensus possunt, scriptura sacra non potest. Quia verò sectarii ipsam scripturam ad sua dogmata comprobanda perversâ interpretatione detorqueant; cavendum sollicitè est, nè alio sensu explicetur, quam qui illi tribuitur ab Ecclesia, quæ, cum sit columna & firmamentum veritatis, auctoritatis suæ pondere homines firmat, nè circumferantur omni vento doctrinæ, sed verum scripturæ sensum à supposititio & adulterino discernant.

Ut constet revelationem à DEO esse, inspiciendum est, an habeat conditiones, quas sapientiæ à DEO revelatæ Iacobus Apostolus tribuit dicens: *Quæ autem desursum est sapientia, primum quidem pudica est, pura scilicet & abstracta ab omni carnali & terrena voluptate: deinde pacifica, semperquæ tranquilla, & cum nemine contendens: modesta, & composita in habitu, gestu, & conversatione: svadibilis, aliorum scilicet iudicio facile cedens: bonis consentiens, eorumquæ sententiæ acquiescens: plena misericordiâ & fructibus bonis, idest, bonis operibus, atque in omnes indigentes opes suas abundanter effundens: non iudicans, sicut pleriquæ faciunt, quia aliorum mores & facta disquirunt & perperam interpretantur: sine simulatione, sine dolo & fraude, simplex & sincera.* Hæ sunt notæ, hi characteres veræ sapientiæ; hæ virtutes, ad quas excitat Divina revelatio: quod si ad lites, ad contentiones, ad curas seculi, ad vanitatem, ad superbiam, ad pertinaciam, ea, quæ revelantur, impellunt; proculdubio à carnali & mundana sapientia, quæ non percipit quæ sunt Spiritus DEI, vel à spiritu maligno oriuntur.

Si, quod revelatur, eò tendit, ut opus aliquod grande & inusitatum svadeat, non statim ei revelationi tanquam à DEO immixtæ credendum; sed ad examen & iudicium superiorum

Q q q q q

refe-

Jacob. 3. 17.



*Coll. 2. cap. 10.* referentia est, sicut docet Cassianus. Ut nihil quis suo iudicio credens illorum per omnia definitionibus acquiescat; & quid, bonum vel malum debeat judicare, eorum traditione cognoscatur. Callidus enim hostis bonum aliquod interdum suggerit, quod majus & perfectius videtur, ut falsâ ejus specie mens decepta, ab eo, quod verè bonum est, recedat; & malo sensim adhæreat. Nihil siquidem vero bono magis contrarium, quàm falsa majoris boni species & apprehensio. Sæpe etiam ad bona quædam perfectiora incitat, quæ propriæ Professioni & vocationi non congruunt: Sic uxori alligatæ viro eremum svadet, solitudini addicto gentium conversionem, infirmo & debili immoderata jejunia, patrifamilias studium contemplationis abjectâ curâ rerum domesticarum. Alios movet ad miserationem erga pauperes, & alios ad avaritiam & amorem pecuniæ, prætextu largiendæ eleemosynæ, impellit. Veris item & bonis falsâ atque mala permiscet, ad aliqua bona exhortans, & vitia quædam reprehendens, ut conciliatâ sibi apud incautos auctoritatē, postea ad mala incitet, blandisque sermonibus venenum instillet,

Cum diversæ & inter se pugnantes diversis personis de eadem re revelationes fiunt, contingere potest, ut una vera, altera falsa sit, satagente diabolo priorem veram sequenti falsâ eludere: ut plurimum tamen ambæ suspectæ, & dubiæ sunt, ac propterea accuratius examinandæ. Falsâ quoque vel saltim suspecta habenda est revelatio, cum ea quæ revelantur, ad DEI gloriam & hominum salutem non spectent: cum quis luce & splendore in conspectu aliorum perfunditur, nisi sit verè humilis, & diu probatæ sanctitatis: cum manifestantur aliqujus occulta peccata, quæ scire nihil prodest; si præsertim ad ea evulganda, quis impellatur; quod si alicui detegantur, ut peccatorem arguat, subsistere nihilominus debet, & correctionem differre, donec cognoscat à quo spiritu sit illa motio. Quia verò DEUS ea duntaxat revelare solet, quæ hominum scientiam excedunt, suspecta redditur revelatio, utpotè non necessaria & supervacua, cum id, quod revelatur, humanâ intelligentiâ percipi potuit. Porro cum agitur de revelationibus futurorum

2. 2. q. 171. 4. eventuum, quorum veritas ex successu pendet, notanda est regula, quam ex Angelico Doctore tradidimus supra posse scilicet

revela-



revelationem veram esse licet effectus minimè sequatur. Nam præter rationem ibidem allatam aliquando exitus rei, quæ revelatur, aliter à nobis, aliter à DEO intelligitur: & ideo humanus loquendi modus in his minimè attendi debet, si falli & errare nolumus. De Christo ejusquè regno multa DEO revelante à Prophetis prædicta sunt, quæ à carnalibus Hebræis de regno temporali intelligebantur, cum de spirituali & æterno scripta sint. Legi potest hac de re diffusè tractans Joannes à Cruce in ascensu montis Carmeli. Docet etiam Bonaventura, familiare esse viris piis decipi in revelationibus; sæpe enim orantes ex DEI inspiratione pro alicujus negotii expeditione, conceptâ fiduciâ rei obtinendæ, putant se exaudiri, & quod confidentiâ proprii sensus loquuntur, à Spiritu Sancto oriri existimant, & in hoc decipiuntur falsa pro veris, incerta pro certis prædicantes.

Cap. 17. §. 5.  
n. 1.

Lib. 2. 19. &  
20.

Solam frequentiam revelationum eas suspectas reddere, S. Franciscus Salesius docet, cum præsertim illa revelantur, quæ nonnisi rarè manifestari solent, & quæ scire non expedit, cujusmodi sunt; certitudo salutis, confirmatio in gratia, gradus sanctitatis ad quem quis pervenit, & alia ejusdem generis. Petierat à Gregorio magno hujusmodi revelationem nobilis mulier, cujus curiositatem Sanctus Pontifex redarguit his verbis. Quod verò dilectio tua in suis epistolis subjunxit, importunam se mihi existere, quoadusquè scribam mihi esse revelationem, quia peccata tua dimissa sunt, rem & difficilem quidem, quia ego indignus sum, cui revelatio fieri debeat, inutilem verò, quia securâ de peccatis tuis fieri non debes, nisi cum jam in die vitæ tuæ ultimo plangere eadem peccata minimè valebis. Quæ dies quousquè veniat, semper suspecta, semper trepida metuere culpas debes, atque eas quotidianis fletibus lavare. Certè Paulus Apostolus jam ad tertium Cælum ascenderat, in Paradisum quoquè ductus fuerat, arcana verba audierat, quæ homini loqui non liceret; & tamen adhuc trepidans dicebat: *Castigo corpus meum, & servituti subiicio, nè fortè alius prædicans ipse reprobus efficiar.* Adhuc timet qui jam ad Cælum ducitur, & jam timere non vult, qui adhuc in terra conversatur? Perpende dulcissima Filia, quia mater negligentiae solet esse se-

Lib. 2. Ep. 23.

Lib. 6. Ep. 22.

1. Cor. 9. 27.

curitas



curitas. Habere ergo in hac vita non debes securitatem. Magni etiam periculi res est, pacisci cum amico, ut statum suum post mortem revelet; aditus enim aperitur illusionibus, & qui sic inter se constituunt, vix à defectu fidei & à vana curiositate excusari possunt. Quare satius est, ambulare in fide, propriamque salutem cum timore & tremore operari.

Postremo loco intueri oportet, quæ & quales sint circumstantiæ revelationum; proprium enim & accuratum examen requirunt.

1. Revelationes, quæ ex diabolo sunt, multos habent annexo discursus, & rationes ad persuadendam earum veritatem: tum ingens animæ desiderium ingerunt eas in vulgus edendi & publicandi: at si verè à DEO sunt, qui ipsas recipit, silentio premit, soliquè confessorio humiliter detegit, cuius consilio credit & paret, nihil sibi tribuens, nihil dijudicans. Viros sanctos legimus, revelationes suas nunquam aliis aperuisse, nisi charitas posceret, aut superioris jussio urgeret. Divini Spiritus indicium est, ab omni re, quæ notabilem hominem faciat, abstinere; de seipso modestè loqui, nec verba illa arrogantiae usurpare: hæc mihi DEUS locutus est, hæc revelavit. Nè quis verò decipiatur, optimum consilium est observare, quo fine quis moveatur ad ipsas revelationes manifestandas, levitate nè, an vanitate; utilitate propriâ, an alienâ; unius nè, an multorum: an aliqua appareat nota cupiditatis, avaritiæ, vel propriæ æstimationis: quibus verbis in ipsa narratione utatur, an humilibus & verecundis, an tumidis, & inconsideratis: an paucis se expediat, seu potius prolixior sit. Illud quoque perpendendum, quod S. Theresia docuit, rebus scilicet, quæ revelantur, nullam fidem adhibendam esse ex eo præcisè, quòd revelatæ sint; sed si ad fidem pertinent, illis propter fidem credendum est: si aliquid præcipitur, ad superiorem deferendum, ejusquè mandato accedente ex obedientia peragendum est. Hæc viâ ambulans nunquam errabit.

2. Cùm DEUS aliquid revelat, non loquitur humano modo, unum verbum post aliud proferens, sed plures simul sententias brevi momento promit; sicut periti nummularii, cùm



cum pecuniam solvunt, non unum nummum post alium sigillatim dinumerant, sed plures simul uno jactu in mensam effundunt. Hoc modo sibi revelatam à Christo regulam, quam scripsit, S. Brigitta testatur, quæ cum satis diffusa sit, brevissimo tamen temporis spatio ita illi dictata fuit, ut nullo modo ipsa enarrare, aut alii comprehendere queant, qualiter brevissimo horæ momento tot simul verba proferri aut percipi possent. Agit de hac mirabili DEI loquela Gregorius in moralibus, qui inter cætera ait: *Cum DEUS per semetipsum loquitur, de verbo ejus sine verbis & syllabis cor docetur. Sine spiritu sermo est, qui & auditum aperit, & habere sonitum nescit.* Regula c. 29. Lib. 28. c. 7.

3. Revelationis accessus perpendendus est, an turbulenta motione hominem quatiat, & quasi æstuantem jactet; an verò placidè & tranquillè adveniat; an in principio lætitiā ingerat, quæ statim in trilitiam convertatur; an potius horror initio concipiatur, qui sensim amoveatur & in gaudium desinat: hoc enim veræ, illud falsæ revelationis indicium est. Quod si in principio vel in progressu accipiens revelationem in terram labitur, ut aliquando contigisse legimus, & inusitatis motibus concutitur, & in his apparet quidpiam indecorum, & quod oculos intuentium offendat, nullum est dubium, quin à diabolo sit. Illi verò, quibus dæmon apparet, vix malum aliquod vel incommodum evadunt; ipso saltem horrore vultus notabiles sunt. Loci etiam ratio habenda est, pandit enim DEUS secreta sua animæ ab hominum frequentia segregatæ: ac propterea suspectæ sunt revelationes, quæ in publicis locis contingunt, sicut supra de ecstasi dictum est. Discutiendæ item cogitationes, quæ præcesserunt & concomitantur, quia ad hominem prava animo agitantem non advenit Spiritus Sanctus. Denique effectus revelationis attendi debent, nam falsa malum exitum semper habet.

4. Ex lumine infuso, quo mens imbuitur, certitudo DEI revelantis, & rerum revelatarum colligitur, quemadmodum lumine naturali prima scientiarum principia cognoscimus, & ex iis conclusiones deducimus. Nam sicut vox & se, & loquentem, & rem, cujus est signum manifestat: ita supernum hoc

Rrrrr

lumen



lumen non solum DEUM revelantem, & ea quæ revelantur, sed etiam seipsum palam facit. Ejus siquidem munus est, mentem illustrare, ut certò sciat, DEUM esse qui loquitur, quo posito sequitur necessariò vera esse & infallibilia quæ revelantur. Perfudit Abraham mentem hoc lumen, cum ad filium immolandum se paratum exhibuit, nullatenus dubitans, quin DEUS esset, qui sibi hanc victimam litari præceperat. Nec aliter Samson seipsum cum hostibus ruinam domus oppressit, quia luce Divinam perfusus hoc gratum DEO futurum perspexit. Sic quædam Sanctæ Virgines in ardentem rogam se ultro in testimonium fidei projecerunt, DEO impellente & mentem illuminante: neque enim de illis aliud credere fas est, quarum martyria publico cultu Catholica Ecclesia veneratur. Quia tamen hoc lumen non semper in Divinis revelationibus adest, sanum consilium est eas superiori referre, qui ex regulis traditionis videat, utram Divina jussio nullo nutet incerto, sicut sapienter *Lib. de Civit. DEI Cap. 26.* monet Augustinus.

5. Ex viris & Divinis revelationibus semper anima proficit in cognitione veritatis, & in doctrina ac scientia sanctorum: & ideo inspiciendum, an sermo hominis post revelationem cælestem sapientiam redoleat, an potius terrenam, quæ apud DEUM stultitia est. Scriptum est enim; *Sicut rusticatio de ligno ostendit fructum illius: sic verbum ex cogitatu cordis homines.* Ante sermonem non laudes virum, hæc enim est tentatio seu probatio hominum. *Matth. 12.* Ex abundantia cordis os loquitur, & bonus homo de bono thesauro profert bona, & malus homo de malo thesauro profert mala. Ex notis discernitur spiritus, à quo sermo procedit. Nam bonus homo sanam doctrinam loquitur, & omnis narratio ejus in præceptis Altissimi: ori suo frænum imponit, sollicitè præcavens, nè in sermone latatur: Velox est ad audiendum, tardus ad loquendum; tacendi & loquendi tempus distinguens: sermo ejus sale conditus est, adeò ut, qui eum audiunt, compuncti dicant, *verè Filius DEI est ipse.* Malus verò per multa phantasmata, multasquæ ambages in sermone vagatur: verba grandia, magnifica, inusitata profert, quibus admirationem in auditibus, sibi quæ laudem conciliet: modum non habet, nec linguam



quam continere potest intra terminos rectæ rationis: à recepta sanctorum Patrum doctrina sermo ejus recedit, & novas adinventiones amplectitur, non cessans coelestes jactare revelationes, sicut olim doctissimus, sed infelicissimus Tertulianus. Quia verò Divina charismata, quibus animam à rebus omnibus avulsam, sibi què soli unitam illustrat Spiritus Sanctus, altissima nonnunquam & ineffabilia sunt, adeo ut ab ipsa vix intelligi, multò minùs verbis explicari queant; sedulò cavendum est, nè dum uni periculo nos subducere satagimus, in alterum gravius labamur. Nam celestium donorum sublimitas sæpe excedit vim & significationem omnium vocum, quas ad promendos animi conceptus homines instituerunt; & si quis ea, ut par est, directori pandere velit, lingua cordi non sufficit, unde necesse est, ut nova vocabula novasquè phrasas fingat, quibus singulæ DEI dona sibi concessa manifestet, quas sanè voces carnales homines non percipientes, præcipiti sententiâ veluti erroneas damnare solent. Traducitur hoc nomine à nonnullis mystica Theologia, ac si voces contineat obscuras, horridas, inauditas, intelligibiles, & à placitis Philosophorum ac Theologorum dissentientes, quas vel ludibrio habent tanquam nullius momenti; vel nihil differre putant ab erroribus Begardorum & Illuminatorum dudum damantis. Integri voluminis res est, mysticam Theologiam à calumniis imperitorum vindicare, & nos fortassis de hac re alibi, DEO opitulante. Interim monemus, nemini ex hoc capite erroris sive illusionis notam inurendam, si cum mystico ejus eloquio sanctioris vitæ ac veræ revelationis tradita signa consentiant. Habet mystica Theologia suas voces, quas terminos vocant Dialectici, sicut omnes artes & scientiæ: & cum sit omninò supernaturalis, ejus principium, finis & media, modusquè tendendi in finem, voces quoque & phrasæ, quibus traditur, naturæ ordinem ac vires, atque humanæ sapientiæ verba transcendunt.

1<sup>o</sup> *Regula* in Prophetis & Prophetiis veris à falsis discernendis sunt: Etenim quæ à nobis remota sunt, & longius dis- *Card. Bona de spir. c. 6.* disita, occulta item & arcana cognoscere, tunc signum est Divini Spiritus, cum de hominis charitate & humilitate certum



habetur experimentum. Quod si ea cognitione feveri inanem gloriam & curiositatem videamus, nulli dubium erit à diabolo ea pandi. Internas autem cogitationes & cordis secreta nullo exteriori indicio manifestata intelligere & pandere, opus est Divini spiritus, qui solus penetrat corda hominum, & quæ in ipsis latent, servis suis revelat.

Card. Bona de  
disc. spir. c. 17.

Dent. 18. 20.

Jer. 18. 7.

1. Prima ac præcipua veri Prophetæ nota veritas est; verus enim centeri debet, qui vera prædicit: falsus, qui mendax est. Tradidit hanc regulam in scripturis suis Spiritus Sanctus, ubi postquam edixit, falsos Prophetas interficiendos esse, qui arrogantia depravari ausi fuerint in nomine ipsius loqui, quæ ipse non præcepisset, ait: *Quod sit tacita cogitatione responderis, Quomodo possum intelligere verbum, quod Dominus non est locutus? hoc habebis signum, quod in nomine Domini Propheta ille prædixerit, & non evenit; hoc Dominus non est locutus, sed per tumorem animi sui Propheta confinxit, & idcirco non timebis eum.* Huic tamen Regulæ duo sunt, quæ ob stare videntur. Nam primò multa futura à pseudoprophetis prædici scimus, quæ postea eveniunt. Deinde ex scripturis constat, non omnia, quæ à veris Prophetis prænunciata sunt, adimpleta fuisse. Sed facilis est adhuc objecta responsio. Ad primum enim dicimus multa esse occulta, & à quorundam hominum cognitione remota, quæ naturalem dæmonum notitiam non excedunt, & hæc possunt Prophetis suis indicare, ut illorum revelatione nomen sibi concilient & incautos decipiant; futura autem contingentia, & quæ nullo modo ab hominibus cognosci possunt, non nisi DEO revelante prædicuntur, ut supra ostensum est. Altera objectio duplici distinctione tollitur. Prædictio enim vel absoluta est, vel comminatoria: illa semper adimpletur, hæc annexam in se & latentem conditionem habet, nisi peccatores futuri supplicii comminatione perterriti egerint poenitentiam. Repente loquar, dicit Dominus, adversus gentem & adversus regnum, ut eradicem & destruiam & disperdam illud. Si poenitentiam egerit gens illa à malo suo, quod locutus sum adversus eam: agam & ego poenitentiam super malo quod cogitavi, ut facerem ei & subito loquar de gente & de regno, ut ædificem & plantem illud.

2. Veritas Prophetiæ in re ipsa à DEO revelata consistit,

non



non in ejus intelligentia: semper enim verum est, quod summa & incommutabilis veritas loquitur, quamvis ab homine non intelligatur: neque repugnat, quod revelatio sit vera & à DEO, ejus autem explicatio falsa, & ab homine, qui eam aliter, quam DEUS intelligat, interpretetur. Ideò prudentissimè monuit Theodidacta Virgo Theresia, nè quis aliquid inconsulto Confessario, qui pius, doctus & circumspectus sit, aggrediatur, quamvis certò sciat revelationem seu locutionem à DEO esse: fieri enim potest, ut revelatio vera sit & Divina, sed vera ejus significatio, reiquè eventus lateat, sicut accidit in prænarrata expeditione. Huc etiam referendæ, ut diximus suprà quorundam sanctorum prophetiæ & revelationes de futura Ecclesiæ reformatione, quæ hætenus nullum effectum sortitæ sunt, vel quia malitia hominum illis obicem posuit, piorumquè conatibus collapsam disciplinam reparare cupientum obstitit: vel quia tempus à DEO statutum nondum advenit, nam mille anni ante oculos ejus tanquam dies hesternæ quæ præterit.

Cast. anime  
mans. 6. cap. 8.

Card. Bona  
cap. 17.

3. Veri Prophetæ id tantum enunciant, quod DEUS ipsis revelare dignatur, nec aliâ ratione prædictiones suas stabilire & confirmare solent, quàm quia *os Domini locutum est*: falsi hoc donum sibi temerè hoc arrogat, atque omnibus petentibus semper respondent, ac si spiritus propheticus semper ad nutum illis adestet, cum tamen hæc gratia, sicut cæteræ gratis datæ, nemini unquam per modum habitûs, nisi soli Christo concessa sit. Quod si aliquando veri Prophetæ, ut observat Gregorius, aliquid per suum spiritum dicunt, sicut Nathan dixerat David, ut templum construeret, hoc ab auditorum mentibus per spiritum Sanctum eruditi citius corrigunt. Prophetæ autem falsi, & falsa denuntiant, & alieni à sancto spiritu in sua falsitate perdurant.

Hom. 1. in  
Ezech.

4. Prophetæ falsus esse convincitur, qui, cum aliquid prædixerit, quod evenerit, falsam postea doctrinam prædicat, populumquè avertit à cultu DEI, & à via virtutis: signa enim doctrinam subsequi debent, non præcedere: sicut Christus ejusquè discipuli nos docuerunt, qui prædicationem suam subsequentibus miraculis & prænotionibus confirmârunt.

Card. Bona de  
disc. spir. c. 17.

5. Proprium est falsi Prophetæ, inquit Chrysostomus, emotæ esse

Ibidem.

Rrrr 3





Hom 29. in I.  
ad Cor.

esse mentis, vim pati ac necessitatem, pelli, trahi, raptari tanquam furem. Verus autem Propheta non sic, sed cum mente sobria, & cum modestia ac temperante constitutione, & sciens quæ loquitur, dicit omnia. Et infra Dæmonis proprium est, tumultum & furorem, & multam procreare caliginem: DEI autem est illuminare, & quæ oportet docere cum intelligentia. Ideo autem falsi Prophetæ mente commota loquuntur, quia dæmonis impetum, à quo impelluntur, ferre non possunt: At qui à DEO aguntur, placidè, humiliter, & modeste proferunt, quæ ab illo acceperunt, docet enim eos  
Sap. 7. 22. omnium artifex Sapiencia, in qua est Spiritus intelligentiæ sanctus, unicus, multiplex, subtilis, disertus, mobilis, incoquinatus, certus, suavis, amans bonum, acutus, quem nihil vetat, benefaciens, humanus, benignus, stabilis, certus, securus, omnem habens virtutem, omnia prospiciens.

6. Examinandus est finis prophetiæ, qui est publica utilitas Ecclesiæ, & privata fidelium ædificatio. Nam qui prophetat, inquit Apostolus, hominibus loquitur ad ædificationem, & exhortationem, & consolationem. Isaias quoque ait: Hæc dicit Dominus redemptor tuus sanctus Israël. Ego Dominus DEUS tuus, docens te utilia, gubernans te in via quâ ambulas. Si quis igitur inutilia prædicat, si vanitates & insanias falsas, si curiola & inania, quæ nec ædificant, nec instruunt ad salutem; nec peccatores ad poenitentiam excitant, aut iustos ad incrementa virtutum; hic falsus Prophetæ est.

7. Christus redemptor noster, cum Discipulos suos monuisset, cavendum esse à falsis Prophetis, hoc ad eos dignoscendos indicium tradidit: A fructibus eorum cognoscetis eos. Ut enim ex fructibus arbor, sic ex moribus & ex doctrina propheta verus à falso discernitur. Quorum igitur vita pravis moribus contaminata est, eorum prædictiones spernendæ sunt: Hi sunt enim qui falsis vaticiniis plebem seducunt, & mendacibus revelationibus incautos decipiunt, de quibus ait Jeremias: Prophetæ tui viderunt tibi falsa & stulta, nec aperiebant iniquitatem tuam, ut te ad poenitentiam provocarent.

Card. Bona de

imo. Rigulæ circa miracula quæ etiam ab impiis fieri possunt. se scriptura nos docet, cum Magos Ægyptios eadem, quæ

Moy-



88  
Monsieur Monsieur  
De la Frantz  
Frantowski Mijs Herony P. M.  
W. y Litewskiego Księstwa.

Biblioteka Jagiellońska



stdr0030585



